









77. 2. 51





A XXXIII.72

49517/B









*Georg Ernestus Stahl, Onoldo Francus,  
Med. Doct. h. t. Prof. Publ. Ord. Hall. —*



GEORGII ERNESTI STAHLII  
OPUSCULUM  
CHYMICO-  
PHYSICO-  
MEDICUM,

SEU SCHEDIASMATUM

A PLURIBUS ANNIS VARIIS OC-  
CATIONIBUS IN PUBLICUM EMISSORUM NUNC  
QUADANTENUS ETIAM AUCTORUM ET DEFICI-  
ENTIBUS PASSIM EXEMPLARIBUS IN UNUM VOLU-  
MEN JAM COLLECTORUM,  
FASCICULUS  
PUBLICÆ LUCI REDDITUS,

*Premissa*


PRÆFATIONIS LOCO

**AUTHORIS EPISTOLA**

Ad Tit. DN. MICHAELEM ALBERTI

D. & Prof. Publ. Extraordinarium

*Editionem hanc adcurantem.*



**HALÆ MAGDEBURGICÆ**

Typis & Impensis ORPHANOTROPHEI, Anno MDCCXV.



GEORGE ERNEST STANLEY

OF


CHYMICO

PHYSICO

PHYSICO

A TREATISE ON THE

ARTS AND



WELLS



EXCELLENTISSIME & EXPERIENTISSIME

DOMINE PROFESSOR,

FAUTOR ET AMICE HONORATISSIME.



Transmissa mihi sunt è Bibliopolio Glau-  
chenſi, exempla Schediasmatum, quæ  
Præfecti eidem, de novo typis exſcri-  
bere ſuſceperunt. Conſenſeram in pro-  
poſitum, ut ipſe noſti, itineri Danico  
jam accinctus; ſine tropo loquor, erat  
enim pridie, quam hoc aggreſſus ſum. Permiſi omnia  
Vestro, imò Tuo, arbitrio, quid collectione hæc compre-  
hendere, è re videretur. Dum autem, poſt quartum mē-  
ſem, redux, jam ultimam manum ſpectans invenio, hoc  
quicquid eſt Spicilegii, non equidem habeo, quod dedigner;  
illud unum non ſatis placet, quod juvenilis ille meus, luſus  
potius quam labor, Prodrumus, hîc etiam currat, imò  
præcurrat: tanta licentia, ſine com meatû. Feciſſet ſo-  
lum ætatis indicium; potuiſſet vel juvenilem currendi im-  
petum excuſare: vel, emeritis dudum ſtipendiis, miſſio-  
nem potius, quam com meatum, impetratam oſtendere. Sed  
cum facta infecta fieri nequeant, currat tandem; modo illud  
indicare meminerit, quod juvenis adhuc, viginti trium an-  
norum



norum, non sine tacito horrore, hiatus illos despexerim,  
 qui, è Physico-Chymicis, imò Chymico-mechanicis, com-  
 pitis, ad Geometrico-mechanica spatia imaginaria, præci-  
 piti cursu ruentibus, præcipitia, ruinas, imò abyssos, objici-  
 unt, ubi non rem solum, & totam spem, sed omnem sui  
 memoriâ perdant. Nec enim certè, illo jam tempore,  
 me fallebat aut fugiebat, quod mechanismus, in materiâ  
 suppositus, nihil aliud sit, quam habilitas seu aptitudo ad Mo-  
 tum: adeoque Mechanica, quatenus pro scientiâ, lato vo-  
 cis sensu, accipitur, nihil esse possit, quam notitia Mobilita-  
 tis: Motûs enim, aut potentiæ Motûs, à priori, scientiam  
 hîc allegare, affecti cerebri sit labes. Dum itaque Chy-  
 mico-Physicum conceptum de Mechanicâ ratione Rarefa-  
 ctionis præ oculis habebam; non fatuas illas geometricas  
 figuras, rotundas, quadratas, teretes, hispidas, polyedras,  
 glabras, obtusas, acutas, imo vacuas aut vaginales, nedum  
 ramosas, & innumeras SUI GENERIS, somniabam: Sed  
 Physicè, quænam, & in quibus subiectis, quærendæ essent  
 particulæ, quæ aqueo-fluido, igneo-progressivo & dispul-  
 sorio, salino-correptitio & evulsorio, aëreo-elastico, &  
 terreo-densatorio, motui, obsequantur? Et quibus modis,  
 operationibus, & enchirisis, in tales motuum varietates,  
 chymico-mechanicè, deduci valeant: Ut inde Diacriseos,  
 aut Syncriseos, Chymicæ, Practicæ, artificialis, locupletior  
 aliqua cognitio impetrari posset, quàm ex opinabilibus illis  
 figmentis, ne per somnium quidem sperare liceret. Hos,  
 inquam, de Physico-Chymicis ætiologiis, conceptus, jam  
 illo quoque tempore, atque illa ætate, animo meo notos,  
 imò peripsectos, quin infixos fuisse, schediasma hoc, cum in  
 publi-



publicum denuò processit, velim ut testatum reddat: Nihil autem ultrà sibi sumat, aut delatum, agnoscat. Ceterorum dispar est ratio; nunquam adhuc delituerunt in bibliopolio, imò quæsitæ sunt; quam maximè ob rem, in novam eorundem exscriptionem consensi. Id unum de illis habeo quod dicam, scripta sunt pleraque, calamo, ut ajunt, volante, animo inter multiplices distractiones fluctuante; adscriptionem proinde respicientibus, nihil debeo: quibus otium est, scribant concinnius, imò melius: Meliora scribere, non omnium erit, sed eorum solùm, qui poterunt. Non quod in his magni quicquam insit; sed certè ad Physicam atque Chymicam scientiam, etiam nihil nauci. Apage ineptias illas, ut vel hæc, vel alia mea, collaudare, in animum inducam, & vel mercenarios testes producere: Illud satis est, quod sine ulla hederæ suspensæ, non solùm jamdudum vendita sint pleraque, sed etiam hætenus quæsitæ. Puto, si tot Chymicorum nomen præ se ferentes, per omne suum otium, solum totidem, ad intimiorem Physico-Chymicam enucleationem idoneas observationes, ad hunc diem protulissent, futurum fuisse, ut plus lucis, generationi & resolutioni Mixtorum, prætulissent, quam factum adhuc esse ostendi queat. Cetera, quæ ad claudendam hanc turmam adjungere Vobis visum est, ut ipse nondum vidi, ita suis factis relinquo. Tandem de Titulo, collectioni huic præfigendo, ita sentio, ut scribatur qualis rei competit. Schediasmata sunt, in fasciculum coacta; hoc nomen habeant. Illud autem rogo, cum in cursoria evolutione, quæ ad hunc diem impressa, mihi communicata sunt, non pauca sphalmata, partim è pristinis typis, partim ex hoc novo,

:] 3

redun-



redundare animadverterim; quorum aliqua etiam ipsum  
 sensum turbant, ut pro horum emendatione, ad calcem  
 opusculi, Lectoribus animadversio aliqua suppeditetur. Ex  
 his unum noto, pag. 286. lin. 14. Zabæos; legendum esse  
 Zabros: ita enim habet Autor, & ita demum quadrat Ger-  
 manica Franconica, usitatissima appellatio, Zaberer / affe-  
 ctatione demum in Zauberer / transformata: & ita zubern  
 potius, quam Zaubern. Sicut etiam in calce ejus observa-  
 tionis addi potest, quod absona illa scriptio Wilz, appareat  
 nata, è Monastica, alienigenæ scriptura, literis forte Ger-  
 manicis, ut typothetæ loquuntur, cursivis; ubi n, finale,  
 inflexa cauda, scribi solitum, lingvæ in solidum imperitis,  
 pro z germanico imposuisse videtur: ut, dum scriptor  
 Vuiln, Builn / loco Zülln / scripserat, inconditum il-  
 lud nomen, Vossium, superioris Germanicæ lingvæ haud  
 multo magis peritum, frustra fatigaverit. Sed in tenui la-  
 bor est. Finio, & omnia felicia apprecor. Vale.

Dabam Berolini, XII. Kal. Maji

MDCC XV.

ÆTIO.

**AETIOLOGIAE  
PHYSIOLOGICO-  
CHYMICAE**

EX

*Indagatione Sensu-Rationali*

SEU CONAMINUM

ad concipiendam notitiam

Mechanicam

DE

**RAREFACTIONE**

CHYMICA

*PRODROMUS*

de

**INDAGATIONE CHYMICO-  
PHYSIOLOGICA**



ANATOMIE

PHYSIOLOGIE

CHIMIE

ANATOMIE DES ANIMAUX

CHIMIE

ANATOMIE DES ANIMAUX

CHIMIE

ANATOMIE

CHIMIE

ANATOMIE

ANATOMIE

CHIMIE



# Brevis contentorum Schematizinus, in quo B. L. quæ hoc discursu proponuntur, leui labore & per compendium perlustrare potest.

**S**cientia in genere Essentialia & media adæquata. §. 1. 2. 3. 4. Scientia Physica  
Essentialia. 5. Causæ Physica quales; 6. vel materiales vel immateriales. 7.  
Sed nec materiales nec immateriales præcognoscibiles; ergo cognitio Physica ex causis  
præcognitis, nulla est. 8. Hypothesis hæc explicatur. 9. 10. Causæ aut Metaphysica  
aut Physica erunt. Cognitio a priori vana. 11. Duo cognoscendi conatûs. 12. Prior  
à priori à causis cognitis ad rem cognoscendam. 13. Subtilissimus quidem, sed cognos-  
cendi fini non adequatus. 14. Modus huius hypotheseos seu conaminis. 15. Dubi-  
tationis subiectum, obiectum, causa. 16. Numerus quid? Conceptus distinctionis cir-  
cumscriptivæ Essentialium, ibid. Deficit connexio ad res sensibiles; & cur? 17. 18.  
Argumenta à posse contrâ hypothesin. 19. Alterâ connexio magis: altera minus  
legitima. 20. Non subsistit hæc hypothesis. 21. Explicatio modi huius indagatio-  
nis repetita. 22. & tertium. 23. Supponuntur priora incognita & merè conces-  
sa. 24. Argumentum non probari potest in terminis status. 25. Probationes fie-  
rent per circulum, aut per probationes formales, in infinitum. 26. Conatus in-  
dagandi alter, à posteriori, ex sensu. 27. Ratio quid sit Rationali conceptu de-  
finiri nequit, eius effectus à sensu inseparabiles. 28. Supponuntur sensus veritas,  
& præexistentia, extrâ nempe cogitationem, sensibilibus. 29. Sensus ex diversitate  
patiendi diversa invenit. 30. Per collationem in diversitatis causam inquirat; In  
exemplo res proponitur. 31. Comparationes numero sufficientes sunt. Conclusivæ  
& definitivæ nempe. 32. In sensu res prius diversa est, quam intellectu. 33. quod  
confirmatur. 34. Notiones rerum primæ & secundæ: memoriales, & probabiliter  
Essentiales. 36. Notiones primæ, indifferentes: secundæ, essentielles, immutabiles.  
37. Quod res prius in sensu diversa sit, quam in intellectu, confirmatur. 38. In ex-  
emplo. Sensus apprehensivus rem primo qua talem per organum percipit. 39. tum  
qua diversam per collationem indicat. 40. Comparatio debet esse omnium in sub-  
iecto comparabilium, & non quorundam saltem. 41. Aristoteles hoc in passu ex-  
cusatur. Eius successores non item. 42. Quamobrem utrumque. 43. ex amore iu-  
indi-



iudicium, quantum potest. 44. In aliquibus absolutum & exceptione maius. 45. Ex principiis prædictis cognitio unicè & firmiter fluit, i. e. ex sensu cum Ratione demum notiones secunde. 46. Conceptus abstractus an detur. ibid. Abstracti duplex interpretatio. In sensu Priori conceditur dari, in posteriori negatur absolute. 47. Scientiam non esse rei ex causis, sed causarum ex re cognitionem; vel si illiusmodi debeat esse, non dari. 49. Diversitatis ratio. 50. Sensus experientia aperte coniungenda. 51. Unde deniq; ex collatione diligentissima sensu-Rationali prodit notio essentialis. 52. Abstractum hæcenus conceptum concretive propositum itur 53. inductione exempli AUR I. 54. Prasupponuntur quedam. 55. Connexio causarum probabilis. Notio prima, appellativa. 56. Sensus ab hoc diversimode affecti, affectus operis nempe respectu sensuum reportant. Quantitas aggregati. 57. Differentia à paucis attenta inter affectiones seu proprietates Essentiales aggregati, & individualiter constituentium Tò aggregatum. Paradoxon, frustum esse aurum quàm frustum. 58. Defensum itur & stabilium. 59. Corporis notionem communiter acceptâ, physicam Scientiam nullam dari. 60. Propositionem hanc confirmatum itur. 61. Retinendo & prosequendo exemplum auri. 62. Aurum mixtum esse non creditur: Proprietates suæ non competunt quàm mixto, sed quàm frusto seu aggregato ex aliis, sine distinctione an homogeneis an heterogeneis. 63. Probatur experimentis in subiecto eodem, auro. 64. Illud imminuendo perit proprietas una, tinnitus. ibid. ulterius minuendo, pereunt reliquæ omnes. 65. Illi cum mole aggregati crescunt, ita cum illâ percurrente, pereunt. 66. Durum, quid? 67. Aurum esse mixtum non creditur, ob rationes. Autoritates Scientiarum pestis & contrarium, quia qui credit, non scit. 68. Experientia despondetur contrâ experientias de mixto allatas communiter. Non extrahitur sed detrahatur. 69. Distinctio inter corpus naturale & aggregatum, digna quæ expendatur. 70. Reditus in viam. 71. Qualitates metaphysicæ Entia Rationis: Physicæ, Entia corporea. 72. Gravitas quid? 73. Durities quid? 74. Competit aggregato quàm tali. ibid. Sonus quid. 75. Color quid. 76. aggregati quàm talis affectio, ibid. Concluditur non auri, sed frusti essentiam nobis notam esse. 77. omnes affectiones memoratæ aggregati sunt. ibid. Figuram absolovere essentiam, sed in minimis aut planè scientiam, aut demonstrationem certam effugere. 78. à sensu ad Rationem progrediendo fit cognitio. 79. Ratio tituli discursui huic præfixi. Chymie Laus. 80. Necessitas, ad indagationem rerum naturalium. 81. Vindicæ scientiæ seu indagationis Physicæ nobilissimæ, contra hominum otiosorum nugæ. 82. Causæ operationum chymicarum parum quæsitæ; & quare? 83. Chymia, quid? administratio eius vere artificialis unde? 86. Chymicæ causæ Extræ & Essentiales. 87. Motus vel absolutus qui hominibus non concessus, vel respectivus. 88. Creationis modus homini non cognoscibilis; sed conservationis seu productionis. 89. Ad specierum figuralium essentiam, motum non influere; sed ad animatarum seu seminalium, absolute requiri. 90. thesis explicatur. 91. Agnitio voluntatis seu ræ æeterminantis ex arbitrio. Deinde, finis motus inanimatorum.



92. non moventur propter se ergo propter aliud, & id quale? 93. Operationes chymica quid? 94. Quies vel motus remissior, minus motus: & modus in sua energia. 95. Applicatio ad considerationem chymicam. 96. Motus tanquam agentis determinatio etiam in receptivitate patientis quarenda. 96. Exemplo declaratur. 97. Applicatio ad indagationem chymicam. 98. Cognitio seu indagatio requiritur tum agentis, motus: tum patientis, corporum. 99. Quid de indagatione hanc sperandum: destillationis descriptio causalis. 100. Quid ad hanc explicandam & concipiendam requiratur. 101. Quousque penetrare liceat in indagatione hanc. 102.

I.

**C**um Scientia sit Cognitio Rei ex Causis: utique [tum subiectum habebit, in quo: tum obiectum, circa quod: tum medium, per quod.

II. Primum cum constituat *Intellectus*, alterum *Essentiale* quodvis: tertium *causa* tum Extra- tum *Essentiales*, patet, quod in ordine cognoscendi *Intellectus* assumat causas, ad cognitionem Rei sibi acquirendam.

III. Quæ *Res*, cum vel *materiales* sint, vel *abstractiva*: *Intellectus* ad causarum apprehensionem opus habebit vel *sensu*, vel *Ratione*, vel *utroque*: Vel apprehendente nudo, vel fingente cum analogismo; vel actu posita comparante.

IV. Illo ad essentiarum rerum absolutarum perceptionem: hoc ad distinctionem & Comparisonem: ex qua sola formalitatis cognitio obtinetur.

V. **PHYSICA** seu Scientia Naturalis, cum sit utique Cognitio Materialiter, seu, ut loquuntur, *Corporaliter* Existentis, ex Causis ipsius: Hærebit primo in *Intellectu*, qui sibi eam imprimet per causarum notitiam, quas apprehendet vel per sensum, vel per *Rationem*, vel per utrumque.

VI. Si per *Sensus*, oportet ut sint *Materiales*, *Corporales*, nempe *sensibiles*; Si per *Rationem*, oportet ut non sint realiter sed *in fictione sub analogismo* saltem: Si per utrumque, ut non modo realiter & sensibilibiter existentes, sed coexistentes, *comparabiles*, *commensurabiles*.

VII. Primum esse non potest, quia *Materiale* quæ tale, est illud ipsum, circa quod versatur hæc Scientia in fieri, illud quod in cog-



nitioem venire debet: Si iam causæ eius essent eadem, non *medium* Cognitionis, sed *obiectum* constituerent.

VIII. Materiale & Immateriale sunt Contraria. Contrario-  
rum Natura ex alterutrius ad minimum possibili notitia cognos-  
citur; At hic neque *Materialis notitia* est quia demum *adhuc quaeritur*: neque *Immaterialis*, quod a priori *ignotum est*; idque planif-  
sime: nec fictionem admittit, quia ignorato materiali, non inve-  
nit analogismum, sub quo fingatur & imaginationi imprimatur;  
Itaque Rationi non cognoscibile est, quid sit Immateriale ergo  
nec Causa immaterialis, & ita nec Materialis, neque immateria-  
lis causa prius quam Materiale ipsum cognosci vel in Intellectu  
prius esse potest, quod idem sonat, atque: *Scientia, seu Cognitio  
de Materiali ex causis, nulla est.*

IX. Durum sane verbum & quod omnes facile, quotquot  
sunt, Scholas, in me excitet, nisi deprecem, cum promisso expli-  
candi mentem meam, & cedendi, in meliora doctus; quorum pri-  
us ita perfectum eo.

X. Cum Quæstio est: *an detur scientia Physica*, quærendum  
primo est: *an detur Res seu Existens* aliquod physicum. Nempe  
illud de quo acquiri debeat cognitio. Hoc posito, noscendæ sunt  
*causæ*, quæ nimirum *prioritate cognoscendi* rem præcedere ex hypo-  
thesi iubentur, quemadmodum revera essendi prioritate eandem  
antecedunt. Cum autem rem considerare debeat, ex causis, &  
cognoscere ex his cognitis, id fiet vel ex illis *absolute & generaliter*  
spectatis, sub generali formalitate *causarum*: vel *respectively*, sub for-  
mali *talium*, seu determinatarum *causarum*. Ex priori reportabis  
conceptum *Metaphysicum*; nempe sunt causæ sub formalitate sui, id  
est, cum influenza ad esse causati. Qualem vero notitiam causæ  
habebis, eandem & effectus, nempe effectum *Metaphysicum* scies,  
*scientia vero Physica* exulabit, & concludetur: sunt causæ, ergo est  
effectus. Ex posteriori, & ex contemplatione *causarum quæ re-  
spectively*, determinate, specificè *talium*, obtinebis conceptum deter-  
minatum, sunt causæ *tales*: Ergo effectus est *talis*. Ad *talitatem*  
vero seu *esse* *causarum*, quod est necessarium cognitu, quæso te  
quomodo procedes in *causis Materiae* investigandis? Non plus dico.

XI. Illud nimirum vult thesis, quotquot sunt conatus ex-  
pli-



plicandi vel *concupiendi* Existens quodcunque, *a priori*: subtili ta sua sibiipfis imponere, &, ut loquitur Poeta Comicus: Intelligendo facere, ut non intelligent. Cum scientia in terminis cognoscendi talibus, homini concessa non sit, & a posteriori saltem, ab *Existentia* tali *Rei*, in existentiam *talium causarum* pervenire liceat, & perveniatur, *nequaquam vero contra*.

XII. Movent nos ut hæc præfemur, diversa Naturæ Investigatorum studia quorum alii non in eo occupati *quale* sit quod cognoscere sibi proponunt, in ipso: *an* sit? Seu non in *Essentia*, sed ipsa *Existentia*, hærent, & non tam *quomodo* cognoscant, sed & *an*? disquirunt. Alii vero tam longe & frustra retrogredi nolentes, obtædium operis, in ipso quod ante pedes est, viæ initium carpunt & illinc ad Scientiæ Naturalis adyratendentes, descendunt, idque eodem denique successu, si *sensum* vere talem, nempe *Comparativum seu Rationalem*, ducem sequantur.

XIII. Quantum priori ex his inquirendi generi, ii, quine posterius quidem sequi possunt, ob sensuum *ἀκριβειαν* deficientem, indignati tamen sint, in Cartesio clarum fit, qui Physicos Scholarum, tam acerbos expertus est, hunc *laboriosum* magis, quam *nocuum* laborem, ut cum *sensus*, seu *Demonstrationem Physicam a posteriori*, eiusve potius *Principium fallaciæ* arguisset, si his crederes, nullum non convitii genus meruisse videretur.

XIV. Quicquid sit, *subtilissimus* quidem est ille, in nescio quem abyssum, descensus: sed eo non tam quæritur natura, quam inventa iam ignoratur studio, donec tandem laboris pertæsus, ibi nihilominus incipias, ubi reliqui omnes, in eo saltem ridiculus, si te novi quidquam, nempe *Demonstrationem a priori*, obtinuisse somnieris; quod tamen an Cartesio bono iure, & citra præiudicium æquitatis obiici possit, definiat qui sine invidia poterit.

XV. *Hypothesis* tota est talis: Supponitur, nihil agnosci posse, neque per consequens, *cognosci*, nisi certum sit prius: *an id ipsum existat*. Hæc suppositio creditur tam vera in nostro esse intellectu, atque est in se ipsa, unde *principium nobiscum natum* audit: *Non Entis nullas esse affectiones*. Deinde vero illud, quod cognosci debet, existere non posse certum reddi, nisi *alicui*, nempe *Existenti*,



*numero a cognoscendo diverso*; un de recidit res ad illam certitudinem indagandam, *num in genere aliquid existat?* seu: Num detur *Existentiâ*. Unde removendo quicquid *in sensum* cadit, & persuadere posset illud *quod incertum est (sibi ipsi) an existat*, dari *Existentiam*; Obfirmando, inquam, animum, ne credat neque sensui, neque sibi ipsi, ita quaeritur, & respondetur: Suntne ea quæ sentiuntur? *Incertum*, nam & somnians aliquid sensi, quod manifesto non erat verum. Estne aliquid in genere? *Incertum*, nam omne illud quod esse certo credere debeam, a sensu mihi persuasumitur, qui, ut apparet, incertus. Obstupescit animus, & dum secum cogitat, Ergone nihil est *extra me*? Eodem reminiscitur, *agnoscit, scit, credit* (nescio quo nomine notq, seu *notione*, rem seu actum, mihi non conceptibilem & ignotum, exprimere debeam) quod *sit ille ipse*: Deinde quod sit *aliquid determinatum*, nempe *cogitans*. Quod qua cogitans, aliquid determinatum, quia *dubitative* cogitans. Quod, qua dubitative cogitans aliquid determinatum, quia, *comparans*. Quod qua comparans aliquid determinatum, quia *diversa animadvertens, sentiens, observans, apprehendens*, (vel quo eandem cumque termino uti libuerit, actum ignotum signante,) nempe alterutrum, vel *Existentiam* vel *Non Existentiam*.

XVI. Ex his omnibus subsumit: *Sum quia cogito*. Sum aliquid *determinatum*, quia *ITA* cogito, id est, *dubito*. Tum vero, & ubi ad *diversitatem* devenit, agnoscere opus habet, eam ab aliquo *extra se* dependere, nimirum ab illatione vel *Existentiâ* vel *Negationis*, quorum neutrum sit *ipse*. Ergo convincitur, quod *sit*, quia *cogitat*. Quod sit aliquid *extra se*, quia de *aliquo* cogitat. Convincitur esse *adhuc aliquid extra se*, & extra hæc vel duo, vel alterutrum eorum, quod facit, ut non sint idem *identitate positionis*; quod quomodocumque appellare velit, nos communi nomine *Numero* dicimus. Convincitur esse aliquid extra se, extra alterutrum istorum & extra hoc ultimum, nimirum illud per quod nullum omnium est *in altero secundum idem*, identitate *Essentiæ*, id est, aliquid quod facit, ut hæc omnes *Essentiæ*, ponantur *separatim*, quod nos per analogiam corporis *locum* dicimus, licet proprium nomen nullum inveniat, nisi  $\pi\delta$  seu *Ubi* id est, *Locum Phantasticum*, dicere velis.



velis. (de quo meretur legi Digbæus de Natur. Corp. tr. i. c. i. §. 7. )

XVII. Hucusque ubi deventum est, connexio deficit legitima, neque *a priori* dici potest: Sum *aliquid*, ergo sum *alicubi* localiter. Nempe *in corpore*, ex quo corporis Existentiæ certus fieret animus. Etenim cum notio *Loci* saltem cadat in *circumscriptionem corporis*, & *a posteriori* demum didicerim, quod Existens (non quatale, sed qua *Corporeum*) præsupponat *tò in quo Extensivum*, *tò πὺ circumscriptivum*, vel quomodocumque tandem nominare libuerit, eandem notionem huic Existenti cogitanti in hoc sensu applicare, & exinde corporis Existentiæ agnoscere, non possum. Certum autem satis est, quod nisi vidissem vel tetigissem corpus, id est, nisi credidissem; (sine ullo alio quam solo sensuum nexu,) esse aliquid, cuius Essentia, non modo *Extensione*, sed & *impenetrabilitate sua*, inferat negationem essentiæ diversæ *ad idem eodem tempore*: nunquam *a priori Loci* propria appellatio sub significatione nempe qua nunc, notionem constituisset.

XVIII. Neque hic quicquam prodest dicere, quod connexio descensus, seu potius reversionis ad res extra se, plures quam eas, quæ allatæ sunt, possit ulterius deduci, subsumendo: 1. Est aliquid quod non sum ego. Est numerus. *Potest* Ergo illud quod non sum ego, ratione Numeri pluries existere. Aut 2. Est vel Existentiæ vel negatio, alterutrum certe; & illud alterutrum est aliquid, quod ego non sum. Est Numerus, qui non est, quod nos ambo sumus. Est aliquid quod Essentias nostras, seu illa numero tria, quorum nullum est alterum, separatim ponit, quod eas intercedit, iis interponitur. Ergo *potest* etiam aliquid amplius, vel plura (ex numero) amplius existere, quod vel quæ, sit vel sint quidem, sed nullum tamen eorum sit alterum.

XIX. Hæc vero argumenta *a possibili* nec fatiant Rationem, nec possunt in eadem Hypothesi habere locum, desumuntur enim *a posteriori*, dum concludunt possunt *plura* numero existere, *quia quædam* talia existunt. Deinde & in eo transcendunt Hypothesin, quod huic decretum sit, non sumere nisi quod *actu certè sit*, (idque non *in seipso* saltem, sed & in illa *cogitatione* certo sit) hocque sola *Ratione*, non *sensu* iudice.



XX. Unde videtur, quod connexio illa quidem sit magis legitima, *sum, quia cogito; Est aliquid extra me, de quo cogito, seu obiectum illud cogitationis mee. Est aliquid extra nos ambo, nimirum illud, quod facit, ut non simus idem Ratione Essentia Separata. Est aliquid extra nos omnia, quod facit ut non simus idem ratione diversitatis existendi, nempe numerus.* Sed ulterius subsumere, est aliquid, quod non est aliquod haftenus recensitorum, illud in quo ego sum, *Corpus.* Est aliquid, quod est extra hoc, in quo ego sum, & *cum eo non est idem, nec Essentia neque numero;* dependeret aut a sensu, dum cogitatio sentiret illud in quo sit, quod dicere ridiculum; aut a cognitione Essentiae suae propriae, & eius necessitatis existendi in aliquo localiter, quod de ea affirmare, a priori, plane absonum & ἀλογον est.

XXI. Manet Ergo quod de hac indagandi, non tam naturam Existentium, seu Essentiam: quam Existentiam ipsorum, methodo, §. 14. dixi ex Petronio: *Querit se natura, nec invenit.*

XXII. Quod ut ad huc semel, idque quantum mihi quidem Mentem meam explicare possibile est, elucidare annitar, Rem omnem ita considero. Primo oritur dubium de *Existentia* in genere: quod unde oriatur, Nescio. Secundo, cum libeat tamen huic dubio immorari, quæritur cui oriatur? Nescio. Illud tamen quod nescio quid sit, quia nescit an sit (*mens*) exercet aliquid quod nescio quid sit, cum nesciam an sit, (*dubium*) circa nescio quid, cum in quaestione sit an? (*existentiam*) idque in vel per vel propter (*nescio quomodo*) dicat tamen in eo, quod nescio quid sit, cum nesciam an sit, (*cogitatione.*) In hoc actu primum illud nesciens quod sit ipsummet, per id quod nescit an sit, nempe cogitationem, agnoscit, quod serio nescio quomodo, illud aliud de quo nescit an sit, nempe *Existentiam.*

XXIII. Ut clarius hoc, si modo possibile, explicem: Ponitur aliquid, actu positionis Absoluta certo, quod actu positionis in se ipsum, seu agnitionis Existentiae sui, non ponitur. Id est, non scit quid sit ipsummet, nec quidem an sit. Hoc tamen, ex Praesupponenda actu simul posita seu Essentiali cupiditate sciendi (quæ cupiditas quid sit, nescit ipsum) vult scire: an sit? Ubi ex hac ipsa actione, seu voluntate sciendi, & simul ex ea voluntate iam tali, seu hoc volen-



volente, sine alio præcedente fundamento, argumentatur: *Sum, quia cogito*; id est, secundum Logicam naturalem, seu a sensu impressam; Sum quia vel ago vel patior cogitationem. Sive sum substantia, (seu Ens habens Esse) quia in me sunt accidentia, (nempe vel actio vel passio) cogitatio. Itaque concessio sibi ipsi hoc argumento, quæstio oritur: *quidnam seu de quo cogitem?* De aliquo vel nullo; i.e. de *Existente* vel *Non-existente*: quorum Neutrum sum Ego ipse, sed est *aliquid extraneum* &c. &c.

XXIV. Quicquid autem hic faciam supponitur undique prioritas, Primo *Existentia*, nempe *cogitationis*: tum rei de qua cogitem, tum *mei* qui cogito, tum *causa* cogitandi, nempe aut *Essentialis* cupiditas sciendi intra me; aut iuxta hanc simul *accidentalis*, nempe *diversitas* rerum, quæ cupiditatem hanc in actum deducunt. Et adeo quidem in certitudinem *suiipsius* devenit mens, ex eo argumento, *quia cogitet*: sed in certitudinem quod cogitet revera, seu *Existentia cogitationis*, non devenire potest, nisi per Circulum, quod nimirum *dubitet*; *Dubitatio* vero est *cogitatio*. Num vero *dubitet*? Processus abit aut in circulum, aut per *responsiones formales* in infinitum.

XXV. Argumentum oriretur tale: Quicquid cogitat, illud existit. Ego cogito Ergo. Si probatio *Maioris* peteretur *Metaphysicus* & *Logicus* quivis petentem pro stolido haberet. Interim tamen acutus quilibet Lector, qui scit & expendit in suo potius animo quam aliorum ore, *quænam Principia nobiscum nascantur*, videbit, quod si petatur probatio *in terminis status*, id est demonstratio *a priori*, non desumpta *ab inductione*, impossibilis sit. Si enim ego sustineam, hoc principium mecum non esse natum, seu *maiorem* mihi esse imperceptibilem, Philosophus, si sit æquus, utique mihi eam ratam faciat oportet; at quomodo? per *inductionem* sine dubio, id est, explicationem quid notiones, *cogitationis*, *actionis*, *Existentia*, in concreto, in materia & sensu significant. Quæstio vero hæc est, de nescio quo, nempe de conclusione ex nullis præmissis.

XXVI. Si autem etiam concessa, sed contra hypothesin, maiore, minoris propositionis petatur probatio, profecto emerget: *Cogito quia cogito*, aut res quod dixi in infinitum abibit, aut in



circulum. Et hæc de conatu, cognoscendi *a priori*, quilibet non succedat seu utilis sit ad hunc finem cui destinabatur, revera tamen alii fini, eique extreme necessario, apprime inservit, nempe iudicii & comparisonis exercitio, quod acuit, & quid de nostro concipiendi modo, in specie de decantatis *principiis nobiscum*, *SCI-RI* possit, non *credi* saltem, manifestat

XXVII. Ad alteram, indagandi scientiam Physicam, Methodum si accedas, loco illic præsuppositorum *Principiorum nobiscum natorum*, invenies illud in limine profunde insculptum: **NIHILEST IN INTELLECTU, QVOD NON PRIUS FUERIT IN SENSU:** Et hoc persequentes, qui initium faciendo *a posteriori*, *tali* sensibilibiter sensu *absoluto*, ad sensibilia *sensu comparativo*, seu *causas rerum Naturalium, naturales*, descendunt: Ex *sensu* firmitatem *Rationis* stabilire quærunt, & ex *Experientia* cum *Lumine Rationis Naturali*, uti id vocat Roholt. Tr. Physic. c. 2. §. 2. ita concludunt: Est & existit, quia in *sensum* revera incurrit: Et: Est & existit, quia ex sensualibus causis eius præsentia requiritur, licet in *sensum crassiozem* non incurrat.

XXVIII. Quid sit *Ratio* formaliter & *secundum Essentiam* suam neque Tu scis quisquis es, neque ego. *Effectum* eius vix ullum videmus *a sensu* separabilem: *Comparisonem* communiter ponunt. In quo vero consistit comparatio, in *collatione* seu *iuxtapositione* plurium quorum vel omnes partes *eadem* & eiusdem constitutionis sensibilis, constituunt *specie idem*: Vel *diverse*, ex numero, mensura & dimensione, *diversas*: (Qua de re diserte Digb. de Nat. Corp. tr. 1. c. 2.) mensuram capit *sensus*, numerum capit *sensus*, &c. & tamen *Ratio comparat*. Ego hoc dico: quod fiat comparatio, sentio: *quomodo vero a Ratione*, ingenue fateor, nescio.

XXIX. Quicquid sit, modus procedendi generaliter in hac indagandi via ab eius sectatoribus usitatus, in eo consistit, ut initio facto vel ab illo generali & crassissimo *complexu*, toto scil. *Universo*; Vel a specialissimo quodam corpore, v. g. *aqua*, argumententur: Est, quia est *tale*. Est *tale*, quia *sentio*. Sentio quia habet *contactum corporeum cum parte aliqua certâ mei corporis*, eumque *talem*, quem ab ineunte ætate hoc vel illo nomine, aliis contradistingvere assyetus sum.



XXX. Ex quibus suppositis ulterius nulla difficultate prævia, & sensu iudice fit consequentia, hæc non modo esse, quæ sensum afficiunt, sed & diversa esse, quia diversimode hunc effectum edunt. *Diversitas* illa in quo consistat, *sensus Rationalis* est decidere; qui, ut in *Causalitate sui*, respicit *corporeitatem*: *Corporeitas* *Dimensionem*: *Dimensio* *soliditatem*: *Soliditas* *impenetrabilitatem*, & sic porro: hæcque omnia ad sensum efficiendum requirunt *extraesentiale* suum, *motum*: sensus his perpenſis ab *Existentiâ* statim transit ad *Essentiam*, & compendiosius multo *res extra se*, per *collationem* examinat, earumque cognitionem, quantum potest indagatur.

XXXI. Notanter dico per *collationem*. Namque licet *sensorium* recipere possit *obiectum* aliquod, id est, ab eo *affici*: non tamen *apprehensio* illa *sensualis* est, proprie sic dicenda, sed manebit *sensus* ipse in generalitate sua, verbi gratia, cum quis aversus ab alio in tergo percutitur manu, notusne sit percussor an ignotus, nescit, licet interim contactum utique illum sentiat: si vero alias ab eodem tactus est, probabiliter distinguet inter noti illius ab ignoto potentiam tangendi seu vires (vel *Phyſicas* vel *morales*), per *collationem* plagæ alias receptæ, memoriæque impressæ, qua magnitudinem seu *ένεργειαν* sensus, cum præſenti: ad minimum, siquidem unquam vidit actionem infantis, sentiet se ab adulto potius quam ab infante tactum esse, nempe *comparatione* *sensuali* instituta.

XXXII. Dum hîc *comparationem* nomino; habeo adhuc quod me explicem, nimirum, cum nihil sit in intellectu, quin prius fuerit in sensu, accidere, ut *comparationes* quædam respectu *formalitat*is suæ revera quidem tales sint, sed ad rei tamen cognitionem nondum sufficiant, & ita respectu *formalitat*is rei, nondum pro *comparatione* huius cum alia sufficiant: dum nimirum res ipsa *plures* requirit *comparationes*, pro ultima & essentiali sua diversitate dimensuranda. Quamdiu itaque *comparationes* tales, fiunt, utique qua *comparationes* *conclusivæ*, (hoc non est illud quia in hoc vel hoc non est illi simile: ) *rationales*; qua *Commensurativæ* seu *iuxtapositive* vero, utique *sensuales* mere sunt. Quando vero ad ultimam demum *comparationem*, (seu una aliqua sit,



seu *collectiva unio plurium*) deventum est, qua concluditur hoc non esse illud, quia &c. tum illa demum est *Rationalis comparatio*, circa *obiectum Prasens*, priores vero mere *sensuales*, (repeto circa *prasens obiectum*) certum saltem reddentes, quod diversum sit, non vero cur.

XXXIII. Plus videbor inferre, ultimis hisce verbis, quam concipi Rationaliter possit, quid enim opus est, inquires, *comparatione* seu *Ratione*, si iam in *sensu* certum sit, quod res ipsa sit *diversa*: Aut potius, quomodo aliquid poterit certo sentiri *diversum*, nisi sciatur *formalitas* diversitatis? Ubi ego illud saltem rogo, consideretur *status rei Essentialis*, seu illa *constitutio* secundum quam res afficit sensus, qua talis res. Deinde consideretur *sensus nudus* seu *sensorium* potius, tum *sensus apprehendens* seu formale sensus, quod a sensorio affecto immediate afficitur & eo ipso sensationem absolvit. (Quod quid sit, ego ingenue fateor me non scire, id est, essentialiter cognoscere, intelligere, licet varia eius nomina, varias eius descriptiones circumferri meminerim.)

XXXIV. Jam fiat progressus à posita primo *Re sensibili*. Illa per *contactum* sui agit in *sensorium*. *Sensorium*, per quem nexum ignoratur, in *apprehensivum*, quodcumque illud sit. Ubi primo statim intuitu patebit *rem sensibilem* afficere *sensorium* secundum *modum essentia sue* (rei) *revera*, sine ulla fictione, nec ambiguitate: tum vero *sensorium* illam actionem pati *reveratalem*, & ita errorem in applicatione corporali seu *contactu sensibilis* & *organii sensorii* minime committi posse. Quid vero ulterius? a sensorio affecto afficitur immediate tò *apprehensivum sensus*, quod prout magis vel minus, fortius vel remissius afficitur, gradus illos certis *signis*, quas *notiones* vocamus, distingvit, seu separatim ponit.

XXXV. Notiones hæ cum duo inferant, primo *actum* ipsum *instantaneum* impositionis seu applicationis sui, secundum quem in instanti sensationis, gradui afficiendi seu actui imponuntur. Secundo *actum*, ut ita loquar, *sui exercitum*, seu ratione cuius eidem actioni *sensibilis* redeunti ratione temporis, iterum eadem imponantur, paucis circa easdem dubiis occurro.

XXXVI. Concipi nimirum confuse posset, & actu a quibusdam hominibus id factum scimus, quasi *Notiones* seu voces appellativæ, dependeant ab *Essentia* rei, sive ut loquitur Digbæus de



de Nat. Corp, c. 1. §. 2. *exprimant res prout sunt in seipsis*; ita ut nescio qua Naturæ Naturantis ipsius necessitatione, posita in *sensu apprehensivo* re quadam sensibili, simul ponatur nomen eius Essentiæ expressivum, unde non opus quasi esset *memoria*, ad attendendas *vices repositionis* actionis in sensum, sed quotiescunque ponatur *actio*, toties quasi de novo posita, iam apportet humeris secum nomen suum, & notionem sui, vocem cuius soni quantitas sit expressiva *Essentie signati* per eandem: quod Cabalistæ & his similes alii credere laborant. Sed sciunt omnes *Ratione* utentes, quod vana sit hæc hominum imperitorum impotentia, & quod ii, qui eosdem sequuntur, utique huius eiusdem erroris, nempe *Rationis non exercita*, reatum contrahant. Quid enim manifestius, quam *sermonem* ipsum, uti non est *humanitatis* qua talis consequens, eo saltem collimare, ut *sono differenti*, cuius *valorem consensus* definit, & rebus *imponit*, rebus *differentibus*, qua talibus, attributo, iuvet *memoriam*, quæ duobus actibus, altero *essentiali* altero *Extraessentiali* quidem, sed velut tamen *Essentiali* per *fictionem mentis* facto, *Essentialis valorem*, a Phantasia imponente nomen, adepto, rem altius tanto sibi imprimit, quanto duo sensus eandem fortius quam unus solus, una vice, tetigerunt.

XXXVII. Unde ridiculus utique est ille quorundam conatus perſvadendi aliis, *notionem* unam alterâ in se meliorem esse, seu *rem* melius *exprimere*: cum *vocabulum* ipsum nihil *exprimat*, nisi illud, quod consensus certæ multitudinis, per illud, *memoriæ* ipsorum huius multitudinis individuorum numero, *imprimi* fecit: *nihil exprimat ex re, sed ex memoria*. Et inanis etiam fit illa obiectio: *Sumendum est tale vel tale vocabulum, quia usu receptum est*. *Uusus* enim mihi nihil præscribit, si ego alia etiam voce, quin sine voce seu *sono*, solo *gestu* æque (quod præsuppono) faciliter, conceptum solum meum communicare possim. Ubi incidit duorum disceptatio de *Fermento*, quorum alter negaret dari *Fermentum*, alter affirmaret. Et cum hic demonstrasset ex effectis, dari aliquod *principium*, *sensui* quidem, *apriori* & *ratione essentie propriæ*, quod sit *ignotum seu imperceptibile*, *transmutationis essentiarum efficiens*. In hoc quidem consentiebat altera pars, sed dubitabat anne illud *Fermenti nomine* exprimendum esset. Nequaquam vero, modo conceda-



cedatur res, seu illud, quod ego vel alius, hoc vel illo nomine voluntarie imposito designo: Nam in exemplo *Fermentum*, vox hæc, notio, nomen, non exprimit ipsam *Essentiam sui signati*, sed interim saltem a quibusdam per consensum impositum & receptum est, & nemo fastuose, ad talibus adhibendum suum quoque consensum, cogi, nec potest, nec debet, Unde in *verbis* faciles esse nos sumus, modo in *re* conveniamus; & satis est, imo solum illud maxime considerandum, *rem* novisse, licet *notionem*, a pluribus etiam receptam, nescias: alias enim, & si contrarium valeret, omnes Nationes diversa lingua utentes, circa res easdem ignorantibus & insciæ credi deberent, & sibi invicem cum ratione ridiculæ forent.

XXXVIII. Ut vero redeam ad scopum unde tanto spatio digressus sum, dixi §. 31. de *collatione* seu *comparatione*: §. 33. de huius *comparationis formalitate*, circa *determinatum obiectum*: §. 33. & 34. de *positione* & *apprehensione universitatis sensibilibum*, ubi eo inclinavi, *diversitatem* ipsam, seu illud, secundum quod unum ab alio actu *diversum* est, incurrere reapse & revera in *sensum*: *apprehensionem* vero *sensus*, ob *notiones distinctivas* imponendas, quibus numerum diversitatum earum definiat easque separatim ponat, *comparationis* actum, & *diversitatis* apprehensionem *ex causis*, serius sensu incipere. Rem exemplo aliquo declaratum eo.

XXXIX. Jaceat in *tabula lignea* coram oculis *penna scriptoria*, in *crena* seu parte sui anteriore, ex atramento, *nigra*; hæc penna in oculum legitime constitutum & sanum, per radios suis talis incidit, qualis est, figura & constitutione externa. *Tabule dimensum* circumpositum itidem. *Tria* vel *plura* hic sunt in sensu absoluto respectu organi tacti, nimirum *albedinis*, *nigredinis*, & *dimensionis* determinatæ impressiones, *actu diversa*, id est sensorium aliter atque aliter vellicantes, tangentes, moventes, aut à vellicatione immune tenentes, quale quid præstat *spatium* seu circumscriptivum illud, ex tenuiori & oculum seu *sensorium organicum* minus movente & afficiente materia, quo dimensionem alterius subiecti definit. Est itaque in *sensorio* actu diversitas illa afficientium. *Apprehensionis* vero *sensatorie* demum est, certificare sibi hanc diversitatem, & se per *sensorium* ulterius applicatum certam redde-



re caufarum huius *diversitatis*, afficientium seu diverfimode sensibilium quod fit per *iuxtapositionem* & *mensurationem* partium, quibus numero distincte positis, *notiones* illa inscribit, easque ita diversas *memorie* imprimit.

XL. Postea vero demum ulterius progreditur, & *notionibus* his designata, per *sensorium* denuo volvit, revolvit, eaque qualia sint *in se*, ex *figura*, *dimensione* &c. *essentiali*, indagatur, tum iuxtapositis sibi invicem, diversas demum *definitiones* seu *notiones Essentiales* invenit, imponit, eaque his etiam *respectu sui ipsius* (*apprehensionis*) in *memoria*, separatim ponit, quemadmodum *extra se* in ordine *Essentiarum* ad se invicem, extra conceptum, actu & revera *separatim* posita sunt, quod alias *Essentialem*, uti prius *scientificam distinctionem* appellare solemus.

XLI. Attendi vero quammaxime meretur illa *comparationis formalitas*, ab *obiecti*, circa quod versatur, *conditionibus* pendens, & tunc demum absoluta, cum collectio omnium huius *differenti modorum* in unam *notionem secundam*, seu *definitionem*, terminatur, (quæ sufficit *mentalis* sit,) quæ denique est illa *cognitio*, seu *scientia Physica* de hoc, qua *Physicum* est. Quod propterea dico, ne in communem illum scholarum errorem abripiamur, qui (conceptibus Metaphysicis de Physicis) *causas* & *affectiones causati*, quatenus in se & *absolute tales* seu *metaphysicas*, non vero *Physicas*, nobis obtrudit, adeoque easdem pro rebus tot numero diversis, *Physicè* & *realiter existendo in natura*, *distinctis*, (cum per *notiones* saltem *respectus* earum varii abstractivi, Metaphysice ponantur) proponit, ex qua confusione neque *scientia* neque *notitia* quidem oritur, sed præter *terminos* in intellectu *nihil* est, quia nec in sensu: quod in definitionibus illis per *qualitates* v. g. *Lucis*, *soni* &c. clarum satis est, cum *Sonus*, *Lux* &c. non sint in aëre seu æthere tanquam *subiecto*, sed sint *ipse æther*, ita vel ita, aliter aliterque per motum, non per *Lumen* seu *qualitatem*, dispositus.

XLII. Laudandus sane in eo Aristoteles, quod immenso labore *affectiones corporum Naturalium*, ex Relatione aliorum, licet *magis obvias* & *superficiarias* saltem, collegerit, & *notiones sensuales* de iisdem posuerit, nec vitio vertendum, quod penitiori *comparationi* superfederit, tot & tantis *Philosophiæ* reliquæ tricis im-



plicatus, cuius laboris & eundem hodiernum apud homines minus præoccupatos, & æquioris animi, gratiæ manere debent: *Nec enim benefacta maligne detrectare boni est.* Sed culpa non levi notandi plerique eiusdem successores, qui neglecta prosecutione avitæ industriæ, nec *Ratione* nec *sensu* vestigia Antecessoris legere susceperunt, sed eundem tanquam Magistrum non tam agnoscentes, quam contra suam ipsius mentem & in eius potius, ante paulo iniquius tribunal, opprobrium, proclamantes, eius non tam placitis sæpe, quam suspicionibus, & liberis concipiendi conatibus, vim *legum* tribuere annisi sunt, dictatorio plane imperio Discipulis suis iam non talia sæpe, sed ne sic quidem intellecta, & inde longius remota, obtrudentes.

XLIII. Quod enim illi ob causas, quas agnosco, occupationes alias easque multis immensas apparituras, *Philosophiam in systematicum ordinem non tam colligere, quam concipere demum*; minus licuit *comparationem* (quæ *tempus* etiam supponit, & ante omnia *Rationem* huic agendo liberam, otiosam a reliquis) debitam instituere, adeoque *respectivum* ab *absoluto* distinguere, & numerum *Essentiarum Physicarum* a *Metaphysicis* & *Logicis* conceptibus separare, vitio vertendum non est: sed illis potius, qui post eundem, non modo minus, sed ut plurimum nihil occupati, eiusdem indagationis nomine potius quam actu conspicui, officium suum deferuere.

XLIV. Quamvis huc faciat seculorum quoque iniquitas, & illud: *Limites Scientiæ, Voluntas Ecclesiæ*, culpam a pluribus & invidiam removeat, in certis casibus, cum notum utique sit, quantum scientiæ Naturali Verbi Divini Præposteram interpretationem, accesserit detrimenti, ut neque terram globosam esse, neque dari qui nobis obvertant pedes, quibus tamen cælum sursum sit, neque moveri hanc pilam, facilemque per æthera ferri, opinari posses, nisi hæreseos crimen & excommunicationis discrimen ambire pertinax. Quid autem post illa tempora, quibus tandem, Propitio Numine *εὐλογητῶ*, agnitum est discrimen inter ea quæ sunt Divinæ Voluntatis absolutæ, & quæ sunt eius immensæ sapientiæ in creaturis, quid inquam, hætenus professi Physicæ

non



non studium, sed Doctrinam & scientiam, excusationis habeant, ego non video.

XLV. Quicquid sit, suffecerit præivisse nobis quosdam saltem melius iter, & adscito in Collegium amicum *sensu & Ratione*, Indagationis Physicæ vestigia fecisse, eamque in aliquibus laudabilissime obtinuisse videri posse. Optime sane hoc modo consulitur; tum cognitioni, tum agnitioni sui, non volendo quod ultra vires est, sed nec id, quod depositum nobis est, quo cum scœnore uti poteramus, negligendo. Videmus enim in iis omnibus, qui se *a Priori* Physica cognoscere posse credunt, aut, si presim insistant huic proposito, nihil in omne ævum profecturos: aut si quid proficiant, ex male aut intellecta, aut bene neglecta illa, sua hypothesi, ad hoc felicitatis pertingere.

XLVI. Ex præsuppositis Ergo, realiter, quæ antecedere cognitione non possumus, *sensus Existentia* & eius Connexione inseparabili cum *Luminis Rationis facultatibus*, argumenta nectimus, multo maioris vigoris, quam illa sunt quæ a cogitatione *sola*, *quali*, nullo modo expectare licet. Ex illa enim verum est, quod ex hac non est: *quicquid agit illud existit*: qui ipse Canon Philosophicus & notio communissima, omni *sensu* demonstrabilis est, quemque omnes sensu & Ratione præditi vere *intelligere*, non saltem *credere* & præsupponere hypothetice possunt, sine sensu autem nequaquam: etenim ex sensu demum est, quod non modo notiones istas primas, *agere*, *existere*, intelligere disco, dum nimirum in *corpore* seu *sensibili* quodam, a pædagogo mihi monstratur, & cum ista *figura* memoriæ imprimitur, quidnam sit illud, seu in quonam consistat illud cui nomen *agere* imponitur, adeoque *notionem secundam essentialem*, seu *definitionem* accipio: dum a *Conditione Corporei* disco, quid debeam intelligere per NIHIL, & ita ad *figurationem Existentiæ concretam* introducior. Quod utique, licet clarum sit satis, a multis tamen minus attendentibus, (vel ex per-  
vicaci obstinatione, vel ex Rationis etiam dispositione minus in-  
actum deducta) pro falso habetur, qui conceptus Metaphysicos, Mathematicos, ita pro *abstractis* habent, ut terminus *abstracti* ip-  
sis significet: *quod a sensu & Phenomenis non dependet*. Quam vero



impossibile illud sit, ex eo solo etiam patere potest, si ego negem me tale quid concipere posse, rogemque, ut mihi hoc aliquod, v. g. *Canonem* vel *Philosophicum*, vel *Mathematicum motus abstracti*, explicet Philosophus, id est, doceat me hoc *concipere*, quod in se, seu *in re cum qua concretum est*, verum quidem esse potest: sed in meo conceptu nondum est. Dico quod in *re* verum est, quia nihil talium *abstracte* verum esse potest, abstrahendo nempe a *toto genere* realiter & concrete positi, sed saltem a *specie*: non a concreto qua tali, sed ab hoc vel illo eius individuo ut ita loquar: quod ex *accidentium existentis separatae seu subsistentis propriae* conceptu cuiusvis animum adhibenti non potest non clarissimum esse.

XLVII. Quod enim de *Metaphysicis & Mathematicis* conceptibus dicitur, eos verè *abstractos* esse debere, si hic terminus *abstracti* accipiat pro *generali & ad certam determinatam specie rem non applicato*, de *abstracto a specie qua specie*, interim tamen indifferenter *applicabili*, & *qua applicabili* demum *conceptibili*, five, ut ille sit *abstractus* conceptus, qui non de *re qua speciali*, sed de *re qua tali generaliter*, interim tamen de *re qua extensa*, & proinde *figurabili*, seu *sensibili*, (seu revera, *existentia vera extra nos: five fictitia & productitia, generativa, intra nos:*) in phantasia seu *sensu apprehensivo* consentio libentissime posse dari Conceptum abstractum, id est, posse agnosci quare aliquid dicatur *Existens, Ens longum, dimensum &c.*, Sed sine *concretione cum re*, sine *figuratione* in Phantasia (seu quomodocumque nominare velis,) *extensiva*, & *concretiva*, proinde, *Existentiam, longitudinem &c.* tanquam reale quid & per se existens CONCIPERE, sine *imaginatione quantitativa sensuali* quod repeto, absolute impossibile esse dico & duco.

XLVIII. Reperta igitur vera iam in *sensu & Ratione* illa propositione *quicquid agit, illud existit*: Sive ab explicatione notionum primarum & applicatione *per inductionem*: Sive ab *assuetudine* a cunis ad argumenta Enthymematica *Ratione*. Sive (ut aliis hoc interim ponamus, licet concedere plane absonum esset a cognitione) a *connativitate*, sequitur illa: *res corporea quævis agit: nempe sensum afficit*; quod ipsum fieri *sensus actu primo* statim verum experitur. Ergo *existit*: resultat conclusio.

XLIX. Ex qua cognoscendi sola & solida tamen methodo,



do, elucescit, *Scientiam* non tam esse *cognitionem rei ex causis*, quam *contra, causarum ex Re*; cum progressus fiat non a cognitione vel agnitione illarum ad hanc: sed a cognitione & agnitione huius ad illas, ut ex dictis liquido constare arbitror, & adhuc per exemplorum inductionem ulterius planum reddere paulo post tentabo.

L. Similis consequentiæ & evidentiae est illa Propositio priori proxima in ordine, *quicquid agit diversimode secundum idem, illud non est Essentia idem, Res corporea quævis actu alii contradistincta*. E. non est eadem & ita non unus saltem essendi modus.

LI. Pergit elucescere causa evidentiae, *sensu* iam aperte in societatem *Rationis* adscito, sub tali argumento: *quicquid afficit sensum afficit per contactum*. Res corporea. E. Porro *quicquid dicit contactum dicit soliditatem*: cum contactus *sensualis* sit ex concursu *sensibilis* qua talis, (nempe corporei moti) & *organi sensorii*, a motu, extrinseco utrique, colliforum; Ulterius, *quicquid habet soliditatem, habet dimensionem*: *Quicquid dimensionem, habet figuram*: tum denique *quicquid figuram habet diversam, diversimode quoque afficit sensum*.

LII. His ita omnibus evidenter repertis, habetur non saltem *Existentia*: secundo, *Diversitatis Essentia in genere causa immediata*, nempe *figura*: Sed & proximus gradus ad ultimam rei cognitionem, nempe *figura* illius vera, aut probabilis ad minimum *determinatio*, quæ a *sensu acutissimo*, & *ratione diligentissime comparante*, expectanda est, siquidem unquam quenquam ea ita applicare velle sperandum est. Et hoc ultimum *comparationis sensualis negotium*, parit *scientiam* illam *Naturalem*, quæ ab obiecto vulgo *Physica* dicitur.

LIII. Cum autem ex hætenus suppositis elucescat, nihil neque *concupi*, nisi sub *imaginatione*, id est vel *fictione* vel *apprehensione figura*; neque *distincte concipi* nisi sub *concretione* cum certo *sensibili, speciali*, subiecto: Conceptum indagationis *Physicæ* hætenus *generaliter*, & (nostra vocabuli acceptione) *abstracte*, delineatum, in *sensibili* quodam *realiorem* reddere conabimur, huiusce concipiendi methodi processum in indagando Corporis alicuius *formali seu Essentia*, exercentes.

LIV. Impingunt *sensus* in Solidum quoddam, trina dimensione determinatum, *visum*, ratione superficie sub



eo modo<sup>m</sup> afficiens, & in eodem eam sensationem produ-  
cens, quæ dicitur *Color*. Tum eam quoque quæ dicitur *nitor* vel  
*splendor*, cum videlicet radii luminis incidentis in ipsa superficie  
aut ad minimum minus profunde penetrantes reflectuntur; *Tactui*  
resistens, tum ratione mobilitatis *partium* sui integrantium inter  
se invicem, seu *durum*: tum Ratione mobilitatis *totius* ratione *loci*  
seu circumscribentis illud *qua dimensum* communi notione *pondero-*  
*sum*. *Auditui* sonorum & *tinnulum*, id est, per contactum alterius  
duri in aliqua eius superficie parte, in minimis sui ita quassile, ut  
ætherem circumstantem undulanter pellat, retrahat: qui ætheris  
motu ad subtiles illas auris intimæ fibrillas delatus, seu continua-  
tus, easdem ita quoque premit, reprimit, ut ipse a taliter moto,  
motus est. De hoc solido trina dimensione determinato, oritur  
in vel animo vel anima *capiditas cognoscendi*, seu indagandi *Essentiam*  
eius, id est, quidnam sit illud, quod *To hoc numero* seu præsentem in  
sensus impingens, faciat non esse aliquod aliud (quod vel simul,  
vel alias antea in eisdem impegit) nec *identitate positionis*, seu *nu-*  
*mero* idem: nec *identitate contactionis cum sensibus*, seu *specie sensi-*  
*biliter* idem.

LV. Ubi primo statim occurrunt Præ-supposita, primo  
*To Existens in se, extra me actu*: sed nondum *respectu mei*, seu in *mea*  
*cognitione*. Seu *in se* quidem *absolute* revera *existens*: in *me* vero sive  
*cogitatione mea* nondum existens, & per ipsum demum *contactum*  
*sensualem* illi innotescens. 2do. *Fiducia* illa in homine, (sive per  
istam longam & diuturnam, a cunis usque ad canos nondum  
perfectam, *assuefactionem*, quod ego censeo: sive quod alii credunt  
magis, quam concipiunt, per *inexistentiam Co-Essentialem*, vel *inducta*  
vel *ingenita non dubitandi* quod illud quod in *sensum* revera incurrit,  
*existat*, 3. *Cupido indagandi*, seu voluntas ab hoc obiecto ita mobilis. 4.  
*Compræsentia plurium sensibilibum*, sive in *sensu externo*, nempe  
*actu iuxtapositorum*: sive in *memoria*, & aliis antea vicibus *sensui*, &  
per hunc *memoriæ* impositorum, quorum unum sit alterius *mensu-*  
*ra*, ut iudicet Ratio, sensu applicato, *quoties* unum in altero con-  
tineatur, vel non contineatur; *quomodo* unum in altero continea-  
tur vel non contineatur; & *cur* seu ex quibus vel impedimentis,  
vel concurrentibus, vel deficientibus, unum in altero non conti-  
neatur,



neatur, ubi per partes commensuratur, mox patet, utrum vel sint *aqualia* vel *inequalia*: & si hoc, quantum excedat illud *inequalitatis materiale* &c. &c. quo ipso habito, habetur *scientia de hoc corpore*, quod indagationi subiacebat. vid. Digb. de Nat. Corp. tr. 1. c. 2. artic. 2.

LVI. *Sensus* igitur per contactum *impingentis* seu *contangendo se afficientis* solidi, *noti*, movent voluntatem illam cognoscendi, quæ assumit *Rationem*, & hæc suum *Ducem sensum*, ad rei illius corporeæ *modum differendi*, seu *Essentiam*, indagandum. Ut primo habeat intellectus quo seorsim in seipsis posita invicem, etiam ipsa intra se seorsim ponat, solido illi colorato, splendenti, duro, gravi, tinnulo &c. imponit nomen seu *notionem*, idque appellat (ut primo libere factum est) *Aurum*.

LVII. Ad huius *Essentiam* agnoscendam, adeoque iam propter suum *finem*, *Voluntas* dirigit *sensus* ad illud obiectum, ut ex illorum mutuo continuo *concurso*, ex *motu* utrorumque *formativo*, ut ita loquar, *Ratio* *comparationem* instituat: *Sensus* igitur ab huius *Corporei* quod dicitur *aurum*, *concurso*, reportant cumulum diversorum in se *impressivorum motuum*, seu variarum *affectionum*, sequentem circiter: Hoc quod dicitur *aurum* est aliquod *Existens*, respectu huius vel illius pro mensura iuxta positi, *magnum*, *flavum*, *mediocre*, per *dimensionem* indeterminatam, *frustum* notione communi dictum; per *dimensionem* vero determinatam, v. g. duorum pollicum in longitudinem, latitudinem, & profunditatem, exacte, communi vocabulo, *cubus* appellatum. Respectu *impressionis* quem facit in *visu* absolute, *coloratum*: respectu seu in collatione cum aliis visui contingentibus *impressionibus*, *flavum* nominatum: & sic de cæteris *sensibus*, uti §. *precedente* 54. allatum.

LVIII. Habito iam respectu, quod *aurum* appellatum corpus, sit aliquod *dimensum cubicum*, *solidum*, *flavum*, *splendens*, *tinniens*, *durum*, *ponderosum* &c. *Ratio* comparat, cur hoc vel ab aliis ante se vel a seipsa dicatur *aurum*, seu notione *Essentiam* propriam, numero ab aliis diversam, iisque contradistinctam, designante, appelletur, & non potius vel *aer*, vel *terra*, vel *ferrum* &c. dicatur? Forte quatenus *solidum*? Non potest, quia ita omne *solidum* esset *aurum*. Qua *cubus* seu *frustum* trina *dimensione* æquali *determinatum*; qua *flavum*



*flavum* &c. neutiquam. Possunt enim dari corpora numero plurima, quorum quodlibet vel in hoc uno, vel in pluribus imo in omnibus, ut aurichalcum, has *notiones* seu potius *per eas designata* possideat, & tamen non sit *aurum*. Unde cum *Ratio* voluisset subsumere, quicquid habet *trinam dimensionem*, ea *mensura* qua *digitus dicitur, duplicata, determinatam cubice*, illud est *aurum* quia illud quod est *aurum* eam habet. Videt hoc ipso quod hic *cubus* in plures partes divisibilis est, quarum nulla tamen minus altera est *aurum*, hoc non esse *Essentiale auri*, sed *frusti*, & *aurum* non *quatale*, sed qua *frustum seu aggregatum auri*, hanc determinatam dimensionem sustinere. Eodem modo si cum cæteris procedat, quæ in corpore hoc modo dimenso, invenit, nempe in *frusto* præsentem supposito, edocebitur tandem, nullam earum solam ipsi *Essentialem* esse, sed omnes illas *collectim* sumtas; & subsumendum: Quodcunque *frustum* (NB) habet partes, constituentes illud *qua frustum*, ita dispositas, ut *colorem flavum*, *refractione Luminis*; *splendorem Reflexione Luminis*. *Sonum*, tremula mobilitate partium sui vel *singularium* minimarum, vel *tenuiorum* tamen: *duritiem* vel *nexu minimorum*, vel *combinatione eorundem per superficies Physicas* planiores, & latiores: *pondus*, per *compactionem* suam, & consequenter necessarium *pulsus maioris sphaerae ambientis*, in motu sui de loco ad locum: (& sic de cæteris) eaque omnia in *comparatione hoc præcise gradu*, non maiori nec minori illud *frustum* est *aurum*.

LXIX. Prævideo me hic derisum iri a quibusdam philosophiæ verbali deditis, qui ad res ipsas minus attenti, canonem illum Philosophicum in se realem & verum: *Quantitatem non recipere magis & minus*, ob physicam indagationem neglectam, incongrue, huc applicabunt, meque contra Principia agere obliicient, qui dicam: hoc *frustum* est *aurum*: sive hoc *frustum qua frustum* est *aurum*; & non potius, est *frustum auri*. Sed merebor huius locutionis veniam apud eos, qui *res* potius quam *verba* sciunt, & qui mecum conveniunt, omnia illa, quæ pro *Essentialibus auri accidentibus* cum enumerata sunt, tum enumerari possunt, *auro* qua aggregato cuidam, seu *frusto* indefinitæ quantitatis seu magnitudinis (nequaquam vero qua cubo, huius vel illius determinatæ dimensionis, quod ad *σπερμολογίαν* præfocandam addo) tribui, & nihil nos scire



de auri seu frusti huius aggregati ex individuis innumeris, illis demum eiusdem speciei, nihil nos, inquam, scire, de huius partibus, constituentibus seu esse & formalitatem frustitalis eidem conciliantibus, quod licet liquidum satis in se sit, ego tamen, cum paucissimos huc advertere animum sciam, evidenter, quantum per vires licebit, probare satagam; quod, quia alii occasione in ordine reservare destinavi, hoc loco saltem succincte expediam.

LX. Quid corpus sit, seu quid per Corporis notionem indigetur, Physici non conveniunt satis. Si spectes Definitionem Physicam, definiunt hanc, quod sit *scientia corporis naturalis, qua talis*. Corpus definiunt quod sit *Ens constans ex materia & forma*. Ex illa nimirum Metaphysica concipiendi res materiales confusione, materiam quā talem reapse a Corpore distinguunt, ut & a forma. Sed relictis illis interim hisce, & concessis etiam de *materia Prima*, quæ demum cum forma constituat Corpus, verbis: utique inter hanc *materiam secundam*, nempe cum *forma concretam*, & *corpus* nihil intererit, sed erunt Synonyma, circa rem eandem. Quod si ita accipiant *Corpus Naturale*, ego ipsis Categorice & expressis verbis demonstrare suscipio, illos omnes, neque *Physicos*, vel collectim vel singulos esse, neque *scientiam* talem humano intellectui hactenus unquam dum mundus est, contigisse: nullas affectiones Physicas, quæ *corpori*, quæ constanti alicui ex *materia & forma*, immediate competerent, hucusque cognitæ esse, sed eas saltem quæ *aggregato*, quæ *tali*, quæ immensum quantum differant ab affectionibus illorum constituentium, minimorum specialium.

LXI. Si qui antea riserunt, ii sane hic indignabuntur. Sed rem videamus. *Aurum* pro exemplo propositum, si a Physico definiendum sit, appellabunt *metallum*; *Metallum*, *minerale*; *minerale*, *corpus naturale mixtum*. Ergo *aurum est corpus naturale mixtum*; nempe ex definitione. Quod *aurum sit corpus*: quod *crescat* seu *aggregetur* in mineris; consentio. Quod *mixtum*, non item. Dicat enim mihi Philosophus iste, unde *mixtionis* in auro certus sit. Erubescet utique dicere ex *hypothesi*, sed ex *Experientia*; quas producturus



rus sit pro se militantes, adhuc expectandum est, cum id hactenus nondum factum sit; dico & repeto, cum id factum nondum sit, quod pro mea thesi confirmanda, demonstratum eo.

LXII. Proposui *dimensum aliquod*, allatis *affectionibus* præditum, quod dixi esse *aurum*: alter Philosophice loquendo esse contendit, *non aurum sed aliquid auri*. Rogo ut definiat mihi scientifice, (secundum scientiam nempe suam Phyllicam) illud cuius *aliquid* hoc ipsum est. Definit per *Metallum perfectissimum*, e Mercurio *perfectissime cocto & maturato vi Sulphuris præstantissimi, & maxime fixi, cum quo exactissime mixtus & unitus est, constans. Colore citrinum, ponderosissimum, in igne liquabile, malleabile seu ductile, mediocriter durum, &c.* Si petam causam definitionis, affert *Experientiam* aut suam, aut aliorum.

LXIII. Ego vero probationibus multo firmioribus nixus, nempe *Experimentis* tum in se tum ex *Collatione Rationali* certis & plane demonstrabilibus per *Praxin*, qua prius membrum definitionis non dubito plane negare *aurum esse mixtum*, seu constare ex partibus inter se *beterogeneis*: unde *Sal, Sulphur, & Mercurius* suapte sponte exulant. Deinde & qua proprietates adductas, quemadmodum illæ (NB) omnes, cum *Essentia*, tali vel maxime concessa, nullam habent connexionem, nisi per chimæricas illas *Entium realium & separatim existentium multiplicationes, qualitates absolutas*; ita auro eas nequaquam ut *speciei*, sed ut *frusto* seu aggregato *speciei alicuius* (qua in se, *Essentialiter*, nobis (NB.) nota plane non est,) *innumerosum* κατ' ἀριθμὸν *individuum*, competere, demonstrari posse, nullus dubito, quod sequenti modo præstare aggredior.

LXIV. *Frustum auri* quantumcunque redigo in minutias illas, quæ constituunt vulgo sic dictum *aurum seu Piclorium, Rahlgold / seu tritum / gemahlen Gold*. Fatebitur utique mecum quivis, talem quandam *minimam auri miculam* esse adhuc *aurum*, quia *splendet*, quia *flavum* est, quia *grave* est. *Splendorem* per optica instrumenta assequor; *colorem* item; *gravitatem* per commixtionem cum liquore aliquo, qui pulverem alium cuiuscunque generis, æq; subtilem, comixtum iam tum habet; hi duo si commotione & agitatione liquoris turbentur, *aureus* primus, quiete concessa, subsidebit, iudicio manifesto, quod sit, ut vocant, *ponderosior* illo altero. Si  
ex sen-



ex sensus experientia iam ulterius subsumere libeat omne *grave esse densum*, omne *densum firmum*, seu non *fluide* cohærens, sed *separatim* subsistens, esse *durum*, *duritiem* etiam, adhuc *atomis* huius ut *catachrestice* loquar, inesse concedam. Sed periit iam tum proprietas una, quæ erat *sonus* seu *tinnitus*, utpote qui consistendo in *motu æris undulatorio*, proveniente a particularum totius *motu tremulo*, dum nimirum *depressis* in aliqua superficie parte, minoribus aliquot integrantibus, per collisionem cum duro quodam alio, aliæ eiusdem superficie *elevata*, *ætherem* seu *ærem* minus crassum, *Contiguum*, comprimunt, & comprimendo crispant, qui motus crispatorius, nempe *undulariter*, ut ita dicam, & *vibrativus*, continuatus ad usque *aurium* internos mæandros, & ibidem per *repercussionem* in duris circumscribentibus ossibus, eiusque *repercussionis intensiorem proportionalem*, mediante *trocbleari* huius sensorii structura, *organum auditus immediatum*, quale quale id sit, *eodem motu* vellicat, & istam sensationis speciem, quam *sonum* dicimus *tinnulum*, seu *tinnitum* producit. Qui, inquam, *sonus*, consistendo *efficienter* in tali motu particularum integrantium concreti seu *aggregati*, in hoc minimo, quod *depressionis* & *extuberantia* repetitæ, in qua consistit efficiens causa motus illius vibrativi seu undulativi, qui nomine *soni tinnitus*que venit, capax, & *proportione*, & partium integrantium numero non amplius est, *tinnitus* utique disperierit oportet.

LXV. Pergo ulterius, eumque pulverem, seu millies millena *auri* frustula, quorum tamen nullum adhuc est *aurum mere Essentialiter in individuo*, sed est adhuc *aliquid auri*, (nempe iuxta sententiam meæ contrariam,) non minus atque *cubus* supradictus, mihi vero *aurum*, uti ille *cubus* supradictus, illa inquam ulterius extenuo *solvendo in liquore aliquo corrosivo*, v.g. *aqua Regis*: liquor emergit, si saturatus solvendo, flavus, sed perspicuus, & omne filtrum penetrans. Hic licet idem ille pulvis nec dum in sui *minima* seu *individua* solutus esse dici queat, tamen eo tenuitatis perductus est, ut illæ proprietates *Essentiales* traditæ, iam cum *Essentia* frusti evanescant, & nec *ponderositas*, nec *ductilitas*, nec *fusibilitas* amplius in illis (NB. *singulis*,) sperari possit. Si enim *ponderosæ* essent, utique in liquore tam tenui, qui æque ex singulis, *invisibilibus* coa-



cervatus est, qualis est *aqua Regis*, fundum peterent, de ductilitate res in *insensili* est clara.

LXVI. Unde non immerito infero, quemadmodum proprietates hæ; non modo cum *aggregato* quod communiter dicitur *aurum*, crescunt energia, si illud *appositione combinativa* plurium *individualium*, constituyente *essentiam* eius, crescat, sed & eo destructo, quod maxime considerandum est, *expirant*, ita sine dubio ab eius *formalitate* sola dependere eosdem oportet. Et non dubito, quin omnes, qui rem exacte mecum pensitare voluerint, inventuri & confessuri sint, quod, in genere *durities*, *pondus*, *tinnitus*, *color*, non sint nisi de *essentia aggregatorum*, seu quantorum *dimensione plus minus tangibili*, cum etiam tactus sit illud *correlatum*, cuius *relationi existentiam suam in cognitione nostra* debent.

LXVII. Quis enim nescit, quod *durum* recepto sensu, non sit nisi illud, quod *tactui*, *motui disgregativo sui* qua *aggregati*, resistit; quare autem *resistit*? Nonne a particularum minimarum hoc quantum sensibile constituentium vel *commissione per superficies planiores, & latiores*, quæ non nisi *pulsu in latus* facilius separantur, müssen / oder können jedoch viel leichter nach der Seite geschoben werden; *perpendiculariter* vero minus dirimuntur, expedite, exemplo *marmorum istorum politorum*, quorum mentio & historia est apud *Boylæum Nov. Experim. Physico-Mechanic. de vi æris elastica. Experim. XXXI. p. m. 89.* Vel per partium illarum minimarum *individualium figuram internexilem*, quia efficitur ut dirimi non possint tam facile (de quibus nonnulla allegat acutus ille & sagax modernus scriptor, Bernouilli in curioso suo tract. de Gravitate ætheris, p. 31. & fig. æri incisa n. 10.) Tum *pondus* quid est aliud quam maior vel minor ineptitudo ad *motum iri localiter*, ob *spharam densi circumstantis maiorem vel minorem*; *transpositione seu trans-locatione*, *ratione medii inter utrumque terminum*, *simul impellendam*? *Tinnitum & colorem* eodem fato manente: quemadmodum de his omnibus; & similibus, prolixius & evidentius ex instituto dicendi, suo tempore erit locus: iis vero qui huc animo præsentī respicere volunt ex seipso tam clarum probabileque, quam aliud quicquam, potest, erit.

LXVIII. Ne vero prius membrum descriuisse videar, &  
ex



ex sola libidine quasi citra sanam rationem reieciſſe: quamvis diſcurſus de eo prolixus poſſet inſtitui, ego tamen paucis rationes negandi adducam, qui ſequitur, modo. Temeritatis non levem notam incurrerem merito, *Phyſica Chymica* partem illam nobiliſſimam, *Rarefactionem*, expendendam mihi ſumendo, ſi operationum chymicarum, quæ omnes fere ad huius *ſpecies* redeunt, earumque *fiendi, agendi, efficiendi modorum Cauſalium*, in tantum rudis eſſem, ut famoſas illas circa *aurum* in ſpecie, uti *metalla & mineralia* in genere, nescio *operationes* nominem an *imaginationes*, in ordine ad *principia* eorum, ſeu *partes Eſſentiales* ſeparandas ignorarem. Sed & cruditatis, & nullius tum *Theorie* tum *Praxeos chymice*, imo nullius *Rationis*, reus mihi ipſi viderer, ſi ego cuius, ſine excuſſione Rei per *Rationis acumen proprium*, (quod ego æque ac ille, quatenus homo ſum, habeo) *crederem* potius, quam *conſentirem*: Si ego *autoritate* potius quam *Ratione & Experientia* quam cum alio, quis quis ille ſit, communem ſupponere quid vetat? niterer, vaniſſimo nempe fundamento. Præcipue cum videam, pleroſque non tam ſtudio neque *Phyſica*, neque *Chymia*, neque *Medicina* in ordine ad *Cognitionem & Praxin ſcientificam*, ſed vel ad *peculiarem* quendam *ſcopum*, vel ut alii, propter *lucrum*, intentos eſſe: & inde, quod, ſi quicquam, probat *Experientia*, ad cauſas rerum quas adminiſtrant, indagandas, vel non *intentos*, vel quod ſæpe accidit, *minus capaces* eſſe. Unde credere quidem facilius poſſum, quod tale vel tale actu cuiquam evenerit, illud vero ex illis *cauſis* factum, quas ille ſibi, nescius ipſe quare, perſuadet, ut credam, animum inducere vel volens non poſſem. Unde circa hoc punctum ego ſententiam meam ita categorice confiteor.

LXIX. Quod *Metalla* conſtent ex *ſale, ſulphure, Mercurio*, iisquæ, quod demum ſequitur, *magis vel minus coëctis*, aut *a priori* innoteſcit, aut *a poſteriori*. Si *a priori*, ego me illius demonſtrationis incapacem eſſe haſtenus, confiteor, eaque mihi benevole, a quocunque demum, demonſtrata, errorem meum, qui vero tunc denique & non prius, hoc nomen feret, lubentiſſime corrigam. Sed id præfari volo, hypotheſes illæ & circulares ſuppoſitiones, *color eſt a Sulphure, pondus eſt a Mercurio, fuſibilitas eſt a ſale &c.* & ſimiles Næ-



niæ exesse debent, aut ego ridebo simplicitatem Præceptoris. Si vero â posteriori, erit hoc *Experientia*. Ego Tibi, quisquis es, *Experientiam* despondeo, nisi *aurum* ab *esse* suo, ad *esse* aliud *formaliter*, transmutare possis, sive per *decompositionem*, sive per *texturæ* seu *figuræ Essentialium minimorum*, plus minus constantem mutationem, nihil te unquam ex eo facturum obtenturumve, quam *aurum*, quomodocunque cum eo procedas. Non *extrabis*, sed *detrahis*; quod pro parte *essentiali* habes, *integralis* est illius *frusti* seu *ponderis auri* (non vero auri ex tua sententia talis) quod recepisti, & repetitis operationibus *totum illud frustum* in tale idem *sulphur, salem, Mercurium, oleum, liquorem, Tincturam*; convertes, non sub tali larva prius inexistente. vid. Becher. de Corpore Solis, Veneris, albo, post putatitiam extractionem *Tincturæ*, in Phys. subt. passim. Si hisce *Experimento* contradicere potueris, ego chymiam ab ipso limine nondum me salutasse credam & fatebor.

LXX. Declaratis itaque Rationibus, cur in sensu communi *Corporis Naturalis*, & facta distinctione inter id quod *corpus naturale* definiunt & quod ex corporibus talibus *indefinitis*, respectu nostri, numero, *aggregatum* est, *physica scientia* hactenus ulli contigisse vix dici possit; ad propositum §. 58. sepositum aliquantisper, regredior, & ex ibidem adductis ad methodum *indagationis Chymico-Physicam*, & simul ultimam declarationem eorum quæ hoc ipso dicta sunt §., ita pergo.

LXXI. Quando iam liquido constat, quod illud *corpus* quod appellatur ab impositione libera vocabulo isto, *AVRUM* habeat istas proprietates, *soliditatem, colorem, splendorem, tinnitum, durtiem, pondus. &c.* Habet quidem *ratio*, quo contradistinguat id ipsum aliis corporibus, vel non omnibus & singulis hisce eius *essentialiam* consequentibus, seu *Essentialibus proprietatibus*, vel non eodem gradu *intensionis* præditis, adeoque scit, quid in relatione ad ista corpora alia, ratione *Essentialiter inherentium*, seu *Essentiam ipsam eius, consequentium*, sit *aurum*; sed quid ratione *Essentie* eius, cum *Essentiis aliis formaliter talibus* seu *differentibus*, collate, sit, seu in quonam consistat *formaliter* ipsum illud, (cuius tot numero *individua*, faciunt tantum *frustum* per sui *aggregationem*) quod *formale*, sit horum *consequentium causa* legitima, quomodo *causalitatem* hanc exerceat, seu  
in



in quo consistat ille *nexus causalitatis*, nondum scit, sed ulterius indagare debet.

LXXII. Qui verbis nihil extrâ conceptum analogicum existens significantibus, assuetus est, omnia illa *propria auri* ab *Essentia* ejus *aggregati formalitate* dependentes *Qualitatum* nomine absolvet, & *colorem, splendorem, sonum, duritiem, pondus, gravitatem*, sub *accidente* complectetur, & ita absolutâ breviter, sed & leviter, propitiis Diis, fabulâ, plausum expectabit. Sed inveniat quidem ille qui ita exoptent SCIRE: Ego cum iis qui indagatione *cognitionem realiter extrâ conceptum existentium*, quærunt *realem*, ubi ille desinit, incipio, & quemadmodum illud Comitorum: *Nemo exhibit hinc, spectatores, omnes intus conspiciunt negotium: animis desiderio suspensis, non plausum, sed indignationem exprimere scio, ita in arenam denuò descendere, comitibus & commilitonibus omnibus scientiæ, quanta homini concessa est, cupidis, & capacibus, non dubito. Valere itaque jussis illis per qualitates definitionibus, & potius colore, sono, splendore, duritie, pro corporibus, pondere verò, pro motus specie agnitis seu suppositis, in essentiam auri, quæ his quoque tribuit esse, ulterius pergo.*

LXXIII. *Aurum* inter omnia *aggregata ponderosissimum* esse Experimentis, tum aliorum, tum in specie Petiti, quem ex Gassendo citat Sengverdus, Philos. Natur. p. 3. c. 15. constat, juxta quæ superat *Mercurium*, tanquam post se maximè ponderosum, partibus ponderis centum partiti viginti octo cum semisse. *Argentum*, quatuor & semisse minùs, medietate. *Æs seu cuprum*, medietate & duabus, minùs uno tertio. *Ferrum* partibus septem ultrâ medietatem &c. Sed in quonam consistat hæc tam grandis prærogativa hætenùs à nemine libere determinatum memini, nisi referas huc fortè Digbæum, qui de Naturâ Corp. tr. i. c. 10. pro *ponderositate* seu *gravitatis* in genere causis, indagandis, sententiam professus est, meis conceptibus valdè probabilem, quin, ut credo omnibus, qui, quid sit *formale gravitatis*, seu potius tota ipsius *Essentia*, attendent, non planè aspernendam. Quid enim aliud est *gravitas*, (respectu potentiae movendi, non verò respectu descensus seu tendentiae ad centrum terræ, de quâ alias expressè agere proposuimus:) quam *major vel minor immobilitas corporis de uno loco in alium, ob densitatem texturæ suæ, medium densum, inter locum*



cum ejus præsentem & futurum interjacens, & hoc motu semovendum, cum impulsu latius continuando, penetrantis? quod quia alii loco & tempori, refervo, evidentius explicandum, hîc saltem succinctè & summariter proponere volui, ut innotescat ad minimum, in quantum seu quâ sub formalitate aurum ponderosum dici mereatur, nempe quâ densum, & per consequens, intra densum minùs transponibile.

LXXIV. Succedit durities, quæ cum sit Immobilitas partium, constituentium aggregatum aliquod, inter se invicem, ob, aut nexum sui invicem, aut combinationem per superficies, de quibus §. præcedente 67. utiquè & illa, & ponderositas dependebunt à particulis concreti materialiter, & necesse erit subsumere, quicquid durum est, quicquid ponderosum est, illud compositum est seu aggregatum, ex particulis quæ in unum combinatæ, ratione dispositionis suæ combinationem majorem vel minorem, arctiorem scil. vel laxiorem, latiore superficialiter vel minùs, constituent corpus durius, seu cuius particulae minimæ faciliùs vel difficiliùs à se invicem distrudi possint: vel corpus ponderosum, prout illa combinatio intimior densi circumstantis motum locativum, seu Locum constituentem & varium reddentem, per totas sui, nempe aggregati superficies sensibilibissimè latas, sine penetratione transversali, vel aliter quâcunque directâ, infert & necessitat.

LXXV. Ex Soni Essentia innotescet, illum Physicè nihil aliud esse, quam materiam aggregatam subtilissimam in minimis sui essentialibus motam, quæ continuato hoc motu adusque aurium penetrantia, earum parti organico sensorialem trusionem, vellicationem, imprimit, quam voce soni exprimimus, uti pro conditione hujus loci, pariter §. superiori 64. proposui. Ubi rursus supponitur ex Essentia soni, illud quod sonum in specie tinnulum efficit, oportere constare ex particulis pluribus, quarum aliæ ab impellente externo, depressæ, alias extrudunt, quæ demum ætheris circumstantis densi portionem sibi contiguam eodem modo trudent, quæ trusio sit sonus in æthere, tamdiu duraturus, donec particulae istæ taliter motæ æquilibrium suum recuperent, à denso circumstante eodem, quâ generaliter moto, &, cessante causâ motûs respectivè violenti, se rursus exserente, dependens.

LXXVI. Coloris Essentia cum absolvatur Lumine quâ reflexo, vel utroque simul, Efficientem supponet his effectibus in Lumine edendis proportionatum; At verò cum reflexio Luminis nuda non colorem possit



possit constituere, sed *nitorem saltem vel splendorem*, oportet utique ut radii vel ob *intersectionem* suam *propè superficiem*, vel ob *refractionem*, & tum demum novam *reflexionem*, ex penetratione aliquam profundâ, hanc sensationem in oculo producant, quæ dicitur *color*. Ad hoc verò utrumque opus est, ut vel *inequalitas superficiei à partium* eam constituentium seu componentium, *situ diverso*, vel ejusdem, & *partium* infrâ positarum talis laxa combinatio & *contiguitas per angulos*, quæ constituat *poros* magis vel minus directos, supponantur, secundum quos vel *intersectio* radiorum mutua immediate supra superficiem, vel eorundem *penetratio* seu insinuatio aliquo modo profunda intrâ superficiem efficiatur: quod utrumque præsupponit *particulas minores*, & *colorem* efficit *affectionem aggregati, quâ talis*.

LXXV II. Quibus omnibus ritè per *sensum* excussis, & per ejus applicationem dimensis, *ratio* utique obtinet, *auri essentiam specificam* sibi ignotam esse, sed *frusti auri* saltem cognitam: quin ne istam quidem determinatè; Progreditur tamen indagatione suâ ulterius, & dum videt omnes has affectiones competere *frusto auri*, quatenus aggregato ex indefinitis numero *particulis Essentialibus*, ex *ponderositatis, sive immobilitatis* majoris vel minoris in *denso circumstante, essentia*, agnoscit, particularum, hoc aggregatum constituentium combinationem quæ alterius subtilis penetrationem seu *percolationem* excludat, quæ alia esse vix poterit quam *per superficies*. Ex *duritie* mediocri, idem, nisi quod immobilitas jam in partes inter se invicem cadit. Ex *sono*, idem. Ex *colore*, combinationem utique, licet sibi adhuc indeterminabilem. Ex his omnibus & ex diversitate seu numero superficierum, concludit, hæc omnia dependere à figurâ *partium* illarum minimarum, *ubique enim plures superficies, ibi figura* sine controversiâ.

LXXVIII. Agnito itaque in genere uno aliquo *Essentiali* harum ipsarum particularum, nempe figurâ, illam quidem eodem momento, ipsis competere ediscit, sed non nisi *generaliter*; unde ad *figuram talem* investigandam, seu agnoscendum, *quanam illa sit figura*, quâ præditæ plures particulæ seu *individua* plurima numero, tam arctè inter se invicem connectantur, ut omne peregrinum & *alterius figuræ* excludant, suspenditur (utpote sensu in illis minimis



deficiente) à certâ & demonstrativâ cognitione, licet plures modos quibus id contingere possit, probabiles reperiât; Et in tantum ejus cognitio progressa, hîc suos agnoscit terminos.

LXXIX. Ex quo indagationis *sensu-Rationalis* exemplo, quemadmodum supra & in limine hujus Discursus dictorum, elucescit veritas, nempe *non exquisitam saltem κατ' ἀνθρώπων, sed unicam planè cognitionis Physicæ eam esse viam, quæ à sensu ad Rationem, & per utrumquè ad rem, quâ sensualem, tum quâ & ita, per hunc sensum, & ita in comparatione seu juxtapositione alterius: taliter, sub hoc eundem sensum afficiendi modo speciali; sensualem comparationem instituendo, descendit; à re verò ad ipsas illius causas, in sensu & comparabilitate, reales, (quemadmodum antea ad Esse magis respectivum) ad Esse ejus proprium & absolutum, quantum per vires licet: Ita eam in omnibus pressim, & quod præcipuum est, sine interruptione & attentè, acutè, diligenter insistendo, quin in plurimis planè Naturæ Phænomenis, majorem, quàm olim concipere vel sperare liceat, veritatem non modò, sed & quæ eam comitatur evidentiam & facilitatem, attingere cuiusvis sagaci ingenio liceat, tantò minùs dubito, quantò jam majus emolumentum hoc indagandi studio, à nec tam paucis hujus seculi celeberrimis Naturæ Mystis & Scrutatoribus, per *Angliam, Germaniam, Gallias, Italiam*, effectum esse, cum reverentiâ & honore ergà ipsos, agnosco.*

LXXX. Cum verò discursui huic nomen fecerim *de indagazione Chymico-Physicâ*, eumquè *Prodromum* aliarum quarundam meditationum appellaverim, ut tum prius nomen aliquantisper mereatur, tum, quid sibi per postremum velit, innotescat, eò quoque pertingere necesse duco. Nimirum quis est qui defraudare laudibus amplissimis audeat *Chymiam*, artem illam nobilissimam, ex verè divina aliquâ gratiâ homini concessam, ut mediante illâ non modò quæ ejus apta sunt usibus copiosè, & sub directione dispositionis suæ, in plurimos fines, *educere, producere, & reducere*: sed & eâ mediante in rerum Naturalium *inanimatarum, quâ talium, Essentiam* inquirere, & ita *Physicam scientiam* indagare possit, utpote cujus illa *unicum & solidum medium* est. Sanè illâ solâ, per *thecam* istam *sublunarem* unicam *motus purioris*, ignem, in abdita corporum penotramus, ea, quâ aggregata, seu combinationem eorundem aggregati-



*tivam*, recludimus, disgregamus, & si non in *ultima sui combinabilia*, antea *actu combinata*, tamen in iis plus minus *Proxima*, resolvimus: ejusque *motus* applicatione magis vel minus violentâ, & ad naturalem accedente, *alteramus*, *aliter combinamus* seu *invertimus*, quin actu sæpè *immutamus*. Hâc solâ Naturam sæpius externis causis vel concursibus diversorum imersam, & præpeditam, liberamus & juvamus: quin eadē duce & adstite, sub directorio voluntatis nostræ, opera naturalia, voluntati determinatæ adscribenda, ex nostrâ quoq; voluntate determinatâ reverà *producimus*: Divinæ sapientiæ potentia quæ abyssum oculis prospicientes, & admirabundi devenerantes.

LXXXI. Ubi, licet ego taceam, concipiet tamen quivis impotentiam eorum hominum, qui *Physicæ* cognitionem non tam quærunt sæpè, quàm jactant, hâc illius unicâ *clavē* ignoratâ. Profanis quibusdam similes, qui in templorum adyta penetrare nescii, parietesque admirati saltē, nihil de eo sciunt, quod intûs vel est vel agitur, nisi quod è strepitu sacra facienti, (eoque dū extrâ elabitur ita vel imminuto vel immutato, ut vel minus vel secus percipiant, ) insolitis hauserunt auribus, & de intrinsecâ ejus constitutione Phantasmata, nescio quæ, ad similitudinem aliàs sibi visorum, non fingentes saltem & eblaterantes, iis, qui hâc oculis & auribus, præsentēs admissi, usurparunt, sese deridendos propinant.

LXXXII. Indignissimè profectò agitur cum scientiâ illa tam latè patente, ut ne per vitam vel sagacissimus eam ediscere, imò ne id sperare quidem sine temeritate possit, etsi mediis eò spectantibus affatim instructus; Indignissimè iterum dico, cum eâ agitur, ea quæ verè, & simul sapientiæ divinæ, in creaturis abyssus, dehonestatur, dum pro re tam futili habetur, & declaratur, quæ vel in minimo quovis ex Scholastico præsupponenda sit, & quam quivis callere & possidere, imò verò docere posse, videri vult: eamque thematibus, thesibus, ventilationibus (imò verò si in verbis consisteret, ) discutere & refarcire, suscipit, unde sæpè tam speciosi tituli, ut gestiatur animus Sciendi cupidus, introrsum descendere; sed descensurus decidit in inane, non inveniēns quò nitatur, jam si unquâm certus dari vacuum, si non Physicum at Morale. Profecto si illa scientia constaret in aliquot terminorum myriadibus, homines multi aliàs otiosi, eam ediscere, (id est, memoriæ inprimis



mere quo latere paginæ systematis sui vocabulum ita vel aliter sonanscriptum sit) æquè facile possent, ac possunt paulò antè quàm è Scholis erumpunt, Libros XII. Æneidos, & sæpè adhuc illum Maphæi Vegii Laudensis, qui in horum calce subnectitur. Sed non hîc *memoria* sufficit & multa relectio, *judicium* requiritur & *sensus* ἀρεῖα, qui hæc aut non habent, aut non applicant, meminerint Græci illius:

ὥς δὲν ἡ πολυμαθία ἢν μὴ νῆς παρῇ.

LXXXIII. Felicia contra sunt illa Physicæ fata, cum ejus administratio & Professio, personis *Chymia* & *anatomia*, corporum mixtorum & organicorum analystarum, tum *Matheseos* quoquè & *Mechanica* peritis evenit, & demandatur, qui his clavibus in tam firmiter, hætenus tot secula occlusum, & hoc demum seculo recludi cœptum Physicæ scientiæ Fanum, penetrare, & exinde animis sciendi cupidis, quod eos satiet depromere, eosquè per eandem viam in idem possessionis deducere queant, quod ut undiquè obtineri valeret, sanè exoptandum. Quibustamen missis, ad rem redeo, unde, licet non sine causa, in tam exiguam digressus sum viam.

LXXXIV. Quemadmodum *Physica* versatur circa *Corpus Naturale*, quatenus tale; ita *chymia* circa *Corpus Naturale* quàm vel *mixtum*, vel *compositum*, actu: vel *potentiâ*, seu *miscibile*, *componibile*, de eoquè has affectiones demonstrare satagit; Licet enim *chymia* *finis internus* juxta quosdam sit *resolvere* & *combinare*; *externum* tamen & potest & ferè non potest non habere, nempe demonstrationis *Præcticæ* applicationem ad *indagationis Physicæ promotionem*: & hoc posteriori modò nos hîc *Chymia* facimus mentionem, dum ejus operationes quæ per sensum administrantur, & in sensum cadunt, cum *ratione* commissæ per ejus *comparationem* excutiuntur, & tam earum *causalitas* respectiva, quàm ad *Physicam cognitionem* perficiendam concurrunt, quam *formalis* & *intrinseca* indagatur, nempe modus administrandi, & cur per hunc tale quid efficiatur, hæc operatio tale quid præstet, inquiritur.

LXXXV. Quod verò in plurimis nostris actionibus contingit, ut vel operemur antea quam sciamus *quomodo*, & post actionem demum *quid*, *quare*, *quomodo*, egerimus, reminiscamur, vel per imitationem aliquid tentemus, quod procedere aliis vidimus, licet cau-



causas ejus veras ignoremus, id hîc quoquè evenit. Quotus enim quisque est pharmacopæorum, vel aliorum chymicis laboribus addictorum, qui causas vel proximas sæpè operationis suæ & modum fiendi Physicum reddere & demonstrare sustineat? de aliis, ne invidiam incurram nihil dicam. Interim tamen quivis sanæ rationis particeps mecum fateri necesse habet, talem hominem, quisquis ille sit, dum nescit *quomodo* faciat, nescire etiam verè *quid* faciat, quod ridiculi isti de præparatis chymicis plerisque conceptus, *per fallacias non cause ut cause in praxi interdum fulti*, in nescio quæ & quanta Promissâ excrecentes, affatim testantur, quorum agmen videre est apud Crollium sub titulis *USUUM*, quæ si verà esse possent, haberetur certè quod sine labore nobilitaret Medicum: sed vel mediocriter tranquillo animo & æquo, rem expendentes, adgemiscunt.

LXXXVI. Cum *Chymia* ipsa consistat in *Praxi*, & nihil sit aliud quàm *ars*, corpora vel mixta vel composita, ob motûs vel defectum vel determinatum concursum, combinata, in partes sui componententes, per motum instrumentalem, resolvendi: aut in aggregata majora vel combinandi absolutè, vel miscendi, vel componendi: vel denique, in minimis sui, quoad eorum texturam immutandi, ad *Physicâ scientiâ* seu cognitionis promotionem; cum, inquam, *Chymia* in *praxi* consistat, & absolva-  
tur, ut omnes artes, operationibus effectivis, sub intellectûs & Rationis Directorio, per media convenientia: illud vero Directorium dependeat à *Cognitione Physicâ rerum quarundam*, majori vel minori, earumquè, *comparatione* inter se invicem, ad *indaginem Physicâ* ulteriùs & in plura corpora promovendam: Discursum hunc de *Indagatione Chymico-Physicâ*, seu *indagine Physicâ operationum Chymicarum*, inscripsimus, quodnam sit illarum fundamentum *in genere*, & quomodo in *specialibus* quibusvis, circâ *subiecta chymia specialia* quævis, indagare & applicare scientificè conveniat, speculaturi.

LXXXVII. Videlicet, cum in *Practico* quovis supponatur tum *agens*, *faciens*, *efficiens*; tum *subjectum* seu *patiens*, sive *actionem recipiens*: *agens* verò, vel secundum libertatem suæ *formalitat*is, absolutè determinet *patiens* suum: Vel juxtâ ejus *receptivitatem* determinetur; in *chymia* quoque id attendi meretur, tum quodnam sit illud *agens*, tum quodnam *patiens*, & quale. *Agens chymicum propter si-*



*nem externum* quemadmodum non est aliud quàm ipsum *concretum Chymicum* seu *chymicus*, dirigens operationes ad scopum vel *Physicum*, *scientificum*, vel *mechanicum*, vel *œconomicum*, (ulteriorem nempe) ita agens propter finem internum ipsius *Chymicæ*, est ipse *motus*, qui solus absoluit omne punctum *efficientis in chymia sine interno absoluto*, & est *Tò resolvens*, *Tò combinans*, *Tò invertens* seu *immutans*, corporibus naturalibus *subjecti* partes sustinentibus, & ad *passionis* prædicamentum à Logico damnandis.

LXXXVIII. Quorum *Esse* tale cum à quiete *instantanea partium* sui inter se invicem dependeat, à *motu absoluto*, *absolutè* etiam non alterari saltem, sed & mutari potest, & non est ulla in iis *resistendi* vel *determinandi* *Tò agens absolutum*, *habilitas*: *motus* verò *absoluti* *absentia* (utpote hominibus non concessi, nec naturæ seu rerum fiendi consueti ordini convenientis, sed à Voluntate, determinatum semel ordinem, ob causas sibi notas, rumpente, dependentis) eam quoque *transmutandi instantaneè* potestatem nobis eripit, quæ *instantaneè* & sine omni tum *reactione* seu *resistentiâ*, tum *interventu* aliorum *impedimentorum* à *motu* alio *determinato*, sive minori *disponibilitate* rei, aut *in se* aut *respectu aliarum*, peragi debebat, & voluntatis directionem magis *immediatè* sequeretur. Unde cum *motus mediat*, & *in theca quasi inclusus* & *involutus*, traditus nobis sit, quæ ejus tum *energiam*, tum & *Essentiam* ipsam *quantitativè* & *per Essentiam* sui veluti *circumscribit*, determinat, imò verò adulterat; nisi eum ita *concretum* agnoscamus; attendamus & moderemur, quid per ejus *adminiculum*, sub *rectæ Rationis* administratione præstare possimus, nescii, nec quid præstemus quidem interdum satis cognoscimus.

LXXXIX. Specierum tum *seminalium*, seu *animatarum*: tum *figuralium*, seu *inanimatarum*, (illarum quidem numero conceptibili, harum homini nemini conceptibili determinatarum) *Creatio*, opus *hyperphysicum* est, & sapientiam seu cognitionem humanam transcendens. *Conservatio* tum *specifica* tum *Numerica*, seu, tum *conservatio speciei*, per productionem ex semine: tum *individui* per nutritionem, humanos conceptus in tantum admittit, ut earum *causam materiale* utiquè agnoscere possit, & percipere *materialis* *figuraliter* *specifica* *transmigrationem* in aliam ex unâ, *figuram* pos-



possibilem esse: cum transmigrationem τ<sup>8</sup> *Nihil* in aliquod, seu po-  
sitionem alicujus realis instantaneam, non ex concursu seu combinati-  
one realiter præexistentis materiali, sed ex seipso, ab alio Extrinseco,  
id est, *Creationem* nullo modo capere possit. Conservatio vero  
*Numerica determinata*, seu determinatio Numeri individuorum, cum  
res *Voluntatis* cujusdam sit, humanum ut *sensum* ita *intellectum* exclu-  
dit & occæcat.

XC. Advertendo itaque animum ad ea quæ sibi magis adæquata sunt, clarum fit, principio statim per *sensum intellectui* seu *Rationi*, *species figurales quatales*, quæ semel positas, absolutas, motu opus planè non habere, intelligo propter *Essentiam sui ipsarum*, & in nullo respectu & ordine ad constituendum *esse aliud*; ita ut verbi gratia: *adamus* semel positus, *creatus*, vel, ut jam, *productus*; *aurum* semel positum, & sic inanimata corpora (quæ *specialia*, non verò quæ *aggregativa*) ad unum omnia, si omnis *motus* cessaret, & in ea in æternum amplius non ageret, propterea nihil planè perderent de *Essentiâ* suâ, sed semper id quod essent, *formaliter* manerent: *species* verò *animales* seu *animata*, verbo, *seminales*, (pertinent enim huc etiam *vegetabilia*) planè contrà, nequè tales *esse* seu semel poni, nequè positas subsistere posse ex eo elucescit, quod *motus* tum *intrâ* ipsas, i-  
ipsis *Essentialis* sit; tum *extrâ* ipsas omnium extraneorum, *causalis* sit hujus *interni*, ita ut illo negato, *internus* simul negetur, daret contrà & ponatur, hoc durante & posito. *Motus* enim *internus* & potentia se movendi, ipsis, in specie *animalibus* proprie sic dictis, est *Essentialis* & ad vitam eorum conservandam *motus* eorum quæ *extrâ* ipsa sunt, inevitabiliter requiritur, isque perpetuus, actualis, unde *formalitas* rerum plurimarum dependet, ut *aquæ*, *ignis* seu *coloris*, *aëris* &c. verbo, *Rarefactionis* proportionatæ Corporum, quæ ad *incrementum* & *Nutrimendum*, utrumquè per minima, peragendum, spectant.

XCI. *Multiplicatio* nimirum per *semina*, seu *specierum animatarum Productio*, quamvis *finis* ejus humano intellectu clarus & notus esse non possit, cum homo causam perspicere naturaliter non possit, cur animalia *tot numero* mori debeant & ille *numerus* reponi, restitui; & nihil implicaret ex homini cognoscibilibus, *individuum* semel positum semper posse vivere.

Ita



Ita nihilominus agnito per *Experientiam*, quod illæ *species*, nempe tum *animales* tum *animata*, proferant, sua *semina*, id est, illud *Principium rerum animatarum*, ex quo, fiat illud ejusdem *speciei individuum* seu numero *unum*, mediante *motu immutativo* (qui communiter *fermentatio dicitur*) vel *segregativo*, ad incrementum *individui* (tum *segregatione* vel *preparatione* apponendi tum *ejus appositione*) *neccessario*. Quò *species figurales* vel in *appropriatas* actu transmutat; vel jam *similes*, quousque *species*, secundum *Anaxagoram*, *separat*, ut possit fieri *applicatio nutritiva*, *individuumque speciei animata* ita *excreseat*, juxta *Viri Illustris* indagacionem eruditissimam, luci proximè exponendam,

XCII. Agnitis his ita, duo exinde fluunt. Primò agnitio *VOLUNTATIS* alicujus, quam communiter *Natura* tribuunt (*Deum*, nescio quo *Epicureismo* rerum humanarum seu *Creatarum* in genere *curas seposuisse*, & illis imposterum *superfedere*, ab illis *otiar*, *inferentes*) *determinata*, cujus vi hoc cum *speciebus animatis* ita de die in diem fiat, ut nimirum illæ non semel positæ subsistant in suis *individuis*, sed in iisdem *eant*, *redeant*, & ut breviter dicam, *moveantur ad terminum posterioris*. Deinde & secundo, verum *finem* tum *Existentiæ*, tum in *specie conservationis* hujus universi indefiniti *Numeri inanimatorum* omnium, nempe *productionem animatorum specificam*, agnoscit.

XCIII. Cum enim *motus*, ad *inanimatorum*, qua semel positorum, *Essentiam*, quin ne *Existentiam* quidem, post semel factam *Creationem*, ullo modò requiratur, vel quicquam contribuat, & nec *species* illorum, nequè *individua* tot numero, in se, respiciat: E contra ad *Existentiam* non minus quàm *essentiam animati*, inevitabiliter, *Essentialiter absolutè*, requiratur *motus*, utique quæ non *propter se* moventur, movebuntur, si moventur, *propter aliud*: & illud propter quod hæc moventur, erit sine dubio idipsum propter quod est *motus omnis in genere*, nempe *species animata*, tum quæ *existentes*, tum quæ *rursus ponenda*, & *re-producenda*, nec minus quæ *prius posita* in *Individuis*, *resolvenda*.

XCIV. Ex horum omnium consideratione elucescit *modus cognoscendi Chymica Physicè*. Nimirum cum operationes *Chymicæ* nihil sint aliud, quàm *motus instrumentalis*, applicatus à causâ



*volente corporibus aggregatis, ab iis, quâ aggregatis, determinatus seu circumscriptus: tum essentialium figurarum quâ talium, tum aggregatorum ex iis in specie, receptivitas motus, quantum sensui licet, expendenda est. Causa efficiens, immediata, appropriationis, applicationis, & dispositionis specierum figurarum, ad conservationem specierum animatarum, est Motus: quæ conservatio cum consistat tum in iis, quæ ad sensum pertinent objectivè; tum quæ instrumentaliter; deinde in iis, quæ ad motum & vitam, speciei Essentialem, pertinent, seu Nutritione & sensuum exercitatione; Formalitas hujus efficientiæ, secundum duplicem finem erit duplex, sub eadem tamen generalitate. Ad sensus nimirum alteram animalitatis partem, afficiendos, requiritur Corporeitas, quæ proportionata sit ad vellicanda, ad contingenda, ad comprimenda per concursum organa: Corporeitas verò cum consistat in aggregatione materia, in se tenuissima, quæ mediante motus agitatione non tam aggregaretur, quàm dissiparetur, & resolveretur, ad combinationis actum, sine dubio motus minor seu remissior: ad conservationem verò in combinationis statu, ejusdem plus minus debilissimus concursus vel potius major vel minor absentia, ut ita loquar, requiritur. Ad nutritionem contrà, & in specie mobilitatem de loco in locum, ejusdem maxima, vel major omninò supponetur energia; quemadmodum enim ex mechanica. Corporum animatorum in genere, motus localis internus, cras in mixti respiciens, non potest fieri nisi per tenuissima. Motus verò totius individui externus, localis, seu transpositio ex uno spatio densi circumstantis in aliud, ejusdem densi mobilitatem ab aliâ quoquè causâ, quàm impulsu volentis individui, dependentem præsupponit: illa verò mobilitas non in alio, quàm in raritate partium inter se invicem, à motu localiter impellente, pariter localiter movendarum, quærenda est; ita utique motus ad easdem tot numero in hoc statu raritatis conservandas, major requiretur.*

XCV. Ex hac quoquè cognitione, in Experimentiâ ipsâ fundatâ, quemadmodum confirmatur, illud unicum Principium per quod inanimata omnia quâ talia, in ordine ad conservationem specierum animatarum, afficiuntur, esse motum: quæ affectio sub hoc formali consistat vel in combinatione corporum, ad sensum efficiendum, adeoque motus remissione: vel in agitatione nondum combinato-



rum, &, si opus sit pluribus *mobilibus*, in *resolutione compositorum*, a-  
peoque *motus energia*: Chymicarum operationum studiosus, hîc  
agnoscit illud ipsarum fundamentum, secundum quod easdem jux-  
tâ *finis* ipsarum, seu *effectus* potius rationem dignoscere, & modum  
fiendi ipsarum verè *mechanicum* cognoscere possit.

XCVI. Cum verò *motus*, in respectu ad *materiam talem*, qua-  
lis à sapientissimo *Creatore* semel posita est, semper considerandus  
sit, & ita *absolutus* ampliùs, ut dictum, non detur, nisi in solo *Creatore*,  
cui lex nulla scripta est: sed semper *respectivus* & *agens* secundum  
conditiones *materiae* seu *patientis*; Habet sanè quod agat Chymiae  
Indagator Physicus, ut diversitatem illam, seu *determinationem* &  
*limitationem motus*, à *materiae conditione* arceffat, & concipiat, quæ  
& qualis *materia* motum ab hoc corpore in tantum vel tantum re-  
moveat, ut non, nisi toties, vel circiter, *mediatus*, ipsi contin-  
gere possit. Quo requiritur *comparatio structurae mechanicae rerum*  
*inanimatarum acutissima*, & diligentissima consideratio seu Examina-  
tio potius *Sensu Rationalis* *materiae* constitutionis, priusquàm per-  
veniatur ad motum.

XCVII. Res exemplo mechanico communissimo clara fit,  
si respiciam hominem qui *ligna findat*, lignum non *finditur* à *motu*  
quâ *in se* spectando, sed partim à *materiae patientis fissionem*, nempe  
*ligni*, constitutione, (*utrum*, enim hac actione non *finderetur*, nec  
metallum v. g. *plumbum*, *fissionis terminum* propriè accipiendo, pro  
*gerschleissen / zertheiben* / seu *penetrationis continuatione ultra terminos*  
*penetrantis*, ) partim ab ejus, in quod immediatè agit *motus vibratae*  
*clavae, cunei, figurâ*: ubi si *lignum* immediatè antè & post terminos *cu-*  
*nei* v. g. *ferreis firmissimis subligaculis constipatum* sit, denuo non  
*fissio in longum*, sed in latum, seu *ruptio ligni*, ad latera impulsu *cunei*  
*latiora*, continget, indequè præparatum à priori diversum, vide-  
licet loco *bacillorum oblongiorum*, mera *frustilla*, nascentur: ubi *cras-*  
*fissimâ in figurâ*, restamen ipsa, nempe *motus determinatio à neces-*  
*sitate materiae*; pro conceptu subtiliori formando, patescit.

XCVIII. Unde in subjecto nostro, *Chymia, destillatio, subli-*  
*matio, liquefactio*, utique consistunt in *motu*; seu sunt *species motus*,  
quod verò diversæ *formaliter*, ut nempe, quod per *destillationem* fit,  
per *liquefactionem*, *calcinationem*, per *sublimationem* propriè dictam,  
non



non fiat, ut nulla harum operationum possit esse altera *formaliter*, seu unâ effici idem quod alterâ *secundum idem*, sed sit quilibet horum *motuum TALIS in materia*, seu *materia* ab eo, *taliter* moveatur, dependet à *necessitate materiae tum absolutâ seu Essentiali figurâ* v. g. seu *respectivâ*, *accidentali* v. g. *materialitate ignis, aëris*, vel aliorum concurrentium. Quæ inquirenda, & tum ejus *formalitatis* causa elucescit. Res est, circa quâm vel *conjectura*, nedum *cognitio*, aliquid aliud, quâm *verba & sensum sine Ratione*, seu *sensum non*, vel *non satis comparantem*, requirit.

XCIX. Adeoque ad *indagationem Chymicam*, quantum ex *Physicis* magis vel minus cognitis, licet primò *cognitio Motus* requiritur, tanquam *causæ efficientis*, ejusquæ vel in *suâ Essentiali* spectati, de eâ definiendo, *an cadat in cognitionem*? Vel in *concreto*. Sive tum *Motus Essentialis* seu *immediatè* contingens *moto*: tum *concretus in moto alio*, qualis in nostro orbe solus datur, solus cognitus est & cognoscibilis, expendendus est. Deinde *materiarum differentiam*, & cur in hanc *speciem materialem* non cadat eadem *mobilitas* quæ in aliam, *comparativè* excutiendum est, quod per operationum administrandarum, & Phænomenon<sup>vov</sup> circa easdem occurrentium circumstantiarum, successus in ordine, & processuum *collationem institutam*, indagatur.

C. Omnia verò hæc non eò intelligenda, quasi chymicorum processuum & operationum, daretur explicatio vel indagatio à *priori absolutè*, seu à *Primo* potius, nequaquam: sed à *suppositâ* saltem *cognitione Physicâ*, in cujus ut ita loquar *quantitate*, indagatio- nis chymicæ negotium fundatur: ita si, verbi gratiâ, de *destillatione* sermo sit, eadem consideranda est tanquam *motus rarefactivus particularum fluidi*, quæ ita *rarefacta à premente aëre*, vel potius *movente ipso quâ tali*, ad certam *distantiam sursum pulsa vel dispulsa*, in vase eas *sursum cogente*, attactâ *sphærâ finali seu terminali activitatis hujus motus*, (quam *materia circumstans*, deorsum *mota*, nempe *aër*, describit) rursus *concidant*, (utpote *principio disgregante cessante*, & *spatio continentis eas arctius cogente*) *combinentur*, & in *pristinam fluiditatem aggregata*, colligantur.

CI. Hîc, ut plurima, ita speciatim, spectandus *motus*. Deinde quid sit *fluidum*, in nostrâ conceptibilitate, tum cur *particulæ fluidi* tam promptè *attolli* possint; tum à quo *circumscribatur motus*



*actiuitas & quomodo: seu à quo dependeat sphaera sic dicta actiuitatis motus, ultra quam ascendere non possit, hoc motus gradu: Quæ causæ novæ combinationis extrà sphaeram actiuitatis motus destillatorii: tum &, an fluidum denuò aggregatum differat à fluido antea inexistente, seu an destillatio quæ talis, capax sit immutare materiam plus minus, & quomodo id contingere vel possit vel non possit probabiliter, & similia, quæ à materia singularis indagatione, scientificâ plus minus seu cognitivâ, dependent, & fundamentum seu modum fiendi operationum Chymicarum, quantum per sensus licet, scientificum reddunt.*

CII. *Quantum per sensus licet, non frustra addo! admoniturus intellectum humanum, in genere, aurei illius: NOSCE TE IPSUM: & in memoriam homini cuilibet revocaturus, quantum sperare sibi liceat, & quid concipiendum, quando vocabulum Scientia Physica & quæ ab eâ dependent, crepat & crepitatur. Nimirum ex tripode laudandus erat Socrates ob illud scientiæ humanæ ultimum epiphonema, hoc scio, quod nihil sciam; & nulla major in hominem cadit scientia, quàm quæ agnoscere ipsum, non modò credere, facit, quantum sit quod nesciamus! Scientiam ex causis venari posse, optandum utiquè foret, ( siquidem quod tam manifestè contrarietur VOLUNTATI DETERMINANTIS, optare liceret ) sed invertitur, ut patet attendenti, ordo, & causis ex rebus cognoscendis, idquè per sensum; cognitio, quæ sensus, patet, hoc deficiente, occidit.*

CIII. Id quod Aristoteles jamdudum agnovit, Φανερόν δὲ &c. Perspicuum verò est, inquiens, si quis sensus desit, necesse esse, ut aliqua Scientia desit: unde quò jure nos in Pneumatica castra sub nomine Scientium immittamus, supervacuum est dicere. Interim verò descensus sensuum collativus per singula, ad usquè illud Principium omnibus & singulis extrinsecum, nempe motum, infert aliquid sensui agnoscendum licet non cognoscendum, cujus esse absolutum & affectionum (respectu sensibilibus omnium) efficientium liberrimè, necessaria suppositio, intellectum percellunt, & ad vocem illam: ὅν ὄντων! impellunt; ejusquè concursum immediatum ad omnium quæ fiunt, quatenus fiunt, ad omnium quæ ab hoc esse transeunt, quatenus transeunt, nempe per motum ipsorum, Essentiam ejusquè conservationem, ipsi clarum & perspicuum reddunt.



CIV. Tandem, utquæ illis, quæ §. præcedente. 80. suscepî, plenariè satisfaciam, restat exponere, cur Discursui huic nomen PRODROMI imposuerim, & quid in animo sit sub Divinâ Directione deinceps audere. De RAREFACTIONE Doctrina, cum operationes chymicas ad unum omnes *relative*, contineat, subjectum visum est dignissimum, cui curiositatis circâ *Demonstrationes Physicas* amator, inhæreret. Quid de eâdem *concupere* liceat, multi inveniuntur, certus sum, earum ipsarum operationum, sub Rarefactionis generalitate comprehensarum, seduli Practici, qui non nequè animadvertant, neque adverti posse credant. Ego, cum studio *Physico-Medico*, cujus *chymia* quam & quantam partem constituat notum est, septem jam propemodum annorum decursu, dederim operam, cum maturè sensissem quantum inter sit inter *scire & credere, intelligere & putare*, Medicinam *Rationalem* & propriè sic dictam *Empiricam*; ad *conceptus* potius *Essentiales*, quam *primo-notionales*, de rebus formandos applicare animum malui, quàm sequi *autoritates otiosas*, in Theoriâ, *Scientiam*; in Praxi Medicâ, *Conscientiam* subvertentes, propterea quæ *privatis potissimum Exercitiis*, quid de hisce rebus *concupere rationaliter* liceat, & in quonam consistant *Physicè, Chymicarum operationum fundamenta seu modi fiendi mechanici*, mecum volvi, contentus *mihi canere*. Succedunt tempora quæ aliud suadent, nempe ad ulteriorem mei, & plurimorum qui talia optant, informationem, à Viris sagacibus & judiciosissimis sollicitandum vel clariora vel probabiliora, *conceptus istos meos* luci exponere.

CV. Quæ *Rarefactionem* agnoscunt *genus*, operationes chymicas, eo modo tractare stat sententiâ, ut præcognitis quibusdam ex *Physicâ* indagatione *de rerum omnium Principiis, de materiâ, de motu*, & quæ inde dependent, *seorsim expendendis*: ex his veluti fundamentis, *modum fiendi Mechanicum insensibiliorem*, operationum *Mechanicarum* istarum *sensibilium*, evolvam, seu ita evolutum prout est in conceptu meo & memoriâ, scriptim delineem: Conversionem hujus, & quomodo cognitionem fundamentalem hanc in directorium ipsarum operationum cedere posse credam, subjungam. Simulquæ *quid in unâ vel alterâ operatione chymicâ in certo subjecto administrandâ, restet dubii, & quare?* annectam.

CVI. De iudicio circâ hoc conamen variorum, vario, uti



certus, ita nihil sollicitus sum; Tale erit apud quemvis, quale ipse, intelligentis *verum*; æqui, *aquum*; iniqui, *iniquum*: suffecerit ostendisse quod *aliquid* velim & coner. Quale id sit, agnoscent, qui, hûc quem advertant *aquiter*, animum, habebunt, & quid sit de Chymiâ *scientificè ex principiis Mechanicis*, non *qualitatibus*, *magnetis- mis*, *virtutibus mundanis* præter necessitatem multiplicatis, loqui, intelligent.

CVII. Recurrimus interim ad illud, unde quintò retro paragra-  
pho digressi sumus, & in illo uti indagatiõnem, ita cogitatiõ-  
nem nostram finimus, ex *ipsis Physicis & sensualibus cognoscendi princi-  
piis evidentissimis, primis, undiquaque* AGNOSCENDUM, ta-  
citi suspicimus, & PLUSQUAM ENTI GLO-  
RIAM consecramus.



PRO-



**PROGRAMMA**  
Quo  
**VINDICIAS**  
**THEORIÆ VERE MEDICÆ,**

A  
superfluis , alienis , falsis opinionibus &  
suppositionibus

Ex  
*incongruâ Anatomiae, Chymiae, &*  
*Physica, tractatione & applicatione*  
*prognatis ,*

ut  
**PHYSIOLOGIA**  
**MEDICA**

POSITIVA DEMONSTRATIVA  
afferatur & stabiliatur,

**PUBLICIS ORDINARIIS LE-**  
**CTIONIBUS & PRIVATIS PETENTIUM**  
**EXERCITATIONIBUS**

**ANATOMICIS CHYMICISQVE**  
prosequi indicat.



THE UNIVERSITY OF CHICAGO

2131171V

LIBRARY OF THE UNIVERSITY OF CHICAGO

PHYSIONOMY

BY

JOHN H. VAN DYKE

NEW YORK: THE UNIVERSITY OF CHICAGO PRESS

1901

THE UNIVERSITY OF CHICAGO PRESS

CHICAGO, ILL.





**S**I accuratius, & circumspiciamur de vera atque genuina Methodo, qua *Artes & Scientia*, recte, ordine, evidenter, luculenter, tam proponi, quam comprehendendi possint, occurrunt nobis statim, duo eximia hujus Scopi *Fundamenta*, sed & totidem fere ejusdem antisacomata atque *Impedimenta*. Fundamenta sunt, 1) *Subiectum*, quidnam & quale sit illud, quod Ars illa tradere, aut Scientia considerare, intendit: 2) *Objectum*, quid in illo Subiecto, deque ejus qualitatibus, seu, *secundū quid* Ars hoc Subiectū tractet. Impedimēta sunt, 1) *Qualitatū* Subjecti, à præsenti Scopo longè *remotarū*, congestio, 2) *Remota* ab artis præsentis proprio fine, tractatio. Fundamenta illa dicta, ordinariè præsentiora, & in plano posita, observantur: Impedimenta ista longinquiora, laboriosiora, & hinc vulgò Speciosiora. Quēadmodum vero libido hominis, in genere ea quæ speciosa videntur, læto sensu captat; Quæ verò difficilia, late patentia, diffusa sunt, ea ipsa pertinaci quadam ambitione affectat, illaque vincere, atque superare gestit. Itā in Scientiarum Artiumque studia, profundè hæc irrepsit persuasio, ut vix, nisi longinquis ambagibus, & veluti primis universi Principiis, quicquam recte percipi posse putetur, quamvis illinc non nisi longā causalitatis serie, mediatè admodum & remotè, pendeat. Nequaquam quidem operositatem eruditam & solertem, quisquam improbat, quæ poliendis animis, judicioque exercendo atque acuendo, unice accommoda est; simulque variarum farragine atque copiā, plurimum delectat, exhilarat, erigit fessam speculationibus mentem: Sed, dum de METHODO loquimur, id fortasse momentum contemplationis primarium elucescet, an operositas illa *necessario* ad tractationem requiratur, seu ad *Esse* Artis faciat, ut Ars sine illā verè, clare, facilè, comprehendendi non possit: An vero tantum ad *Bene Esse*, ut loquuntur, conducant



illæ prolixæ ambages, ut illustrationi tantum, confirmationi, applicationi uberiori, inserviant. Hujus sane discretionis circumspiciendæ neglectio, ut de aliis verbum non moveam, in MEDICINÆ DOCTRINAM, non parum damni intulit, & erroris; Hoc enim ex fundamento, *supervacua* multa ingerendo, *falsa* supponendo: res, quæ *actu* fiunt, omittendo: quæ fieri *possent*, substituendo: de effectibus *imperitè* dubitando: *Expertos* effectus ad præjudicia detorquendo: *Contrarias* opiniones, (sæpe utrinque falsas, fictas, imaginarias,) conciliando: *Praxin* ad *imaginariam* Theoriam exigendo: &c. Ex hoc fundamento, inquam, quam faciem nacta sit nostra MEDICINA THEORETICA, dicere piget, imo tædet, & ut præfractè diffiteri, religio, ita palam & publicè profiteri, pudor est.

Realia certò Artis nostræ docendæ discendæque fundamenta, sunt 1) Corporis Humani, *ut viventis*, historica notitia: 2) Ejusdem, repeto, *ut viventis*, habitudo ad res extraneas. Ex horum genuina & prudente investigatione & comparatione, THEORIA: ex moderatione, & restitutoria directione, PRAXIS MEDICA, luculenter & perspicuè pendent. His si rectè & arctè insistimus, assequimur recto gradu, PHYSIOLOGIAM MEDICAM, & sensu ipso deprehendimus, *Quid* in corpore humano agatur: Per quæ organa peragatur: In quem *usum* immediatum tendat, & cedat: Quomodo actio unius partis inserviat commodo alterius, & vicissim: Quomodo tandem omnes hî actus, collectim, faciant ad Constitutionem & Conservationem integri Corporis in universum: Quinã ex his omnibus actibus, sint *organici* a superiore instituti & directi, qui *inorganici*, directivi, destinativi, &c. Consequimur PATHOLOGIAM, quâ discimus, quales res *intra* ipsum Corpus, successive in utiles, & mox noxiæ, evadere soleant: Quales res *extra* corpus existentes, eidem tamen superingeri solitæ, effectum in ipso *utilem* producant, aut inutilem & *noxium*: Quo agendi modo illa noxa inducatur, an mere *corporali* contactu, & actu mere mechanico, an activitate magis *moralis*: An effectus ille mechanicus immediate tantumdem noxiæ inferat, quantum & quousque ejus contactus Physicus sese extendit, an multò plures, graviores, longiores turbas concitet, & post se relinquat. An hæ turbæ sequantur mechanicas leges (*quantita-*



*titatem molis*) an verò indigent æstimationem *moralem* (*quantitatis virtutis*) Quando commoveant? statimne ipso contactu, imo ante actualem intimiorem contactum, an vero longa demum morâ: Quamdiu læsio illata perseveret: Quomodo iterum desinat: Quomodo illatum damnum refarciatur, *fortuito ne*, an vero in *certam* quantitatem, mensuram, figuram, &c. An repullulet facile illa læsio: idque ab *eadem*, vel etiam *diversa*, causa: An ab æqualibus æqualia fiant, *absolutè*, in tota specie Hominum; An verò notabilis sublit differentia, ut apud alium citius, tardius, plane non, fiant: & similia. Persequimur inde THERAPIAM, observando, quænam utilia & jucunda Corpori *vivendi* deprehendantur: An usum ipsi præstent actu immediato mechanico, & substantiam ipsam partium mutant: An vero actu magis *inorganico*, qui *Motus* saltem moderetur, substantiam partium minus alteret: Quales effectus hæc Corpori amica, edant in alia noxia, *extra* Corpus, contactu nudo: Quales effectus in illa exserant *intrâ* Corpus: Quam citò id perficiant: An immediate *contrarius* effectus, quam noxius ille, inde in Corpus redundet: An *medius* tantum affectus oriatur: Qui morbi, *frequenter*, sine ullo medicamento curentur: Quibus manifestioribus *correctionibus*, *secretionibus*, *excretionibus*, curæ tales spontaneæ absolvantur: An *motus* speciales concurrant: An tales *motus* sint quidem *generice consueti*, jam vero tantum varientur *gradu*, *loco*, *tempore*: An vero sint motus plane novi, & *s. n. inconsueti*: An tales motus bonum effectum sortiantur, præcipuè facilem, proportionatum, perennem: An in malum finem vergant, ut plurimum in eundem pergant; An pauca sufficiant medicamenta, an multis opus sit: quæ sint tempora, opportunitates, horæ & moræ, exhibendi medicamenta: &c. &c.

Ex his denique omnibus recte collatis, resultat *Scientia* & *Ars Medica*, certa, prudens, felix: Resultat *judicium Diagnosticum* & *Prognosticum* firmum, verax: Resultat promptitudo dijudicandi & quasi divinandi causarum *pregressarum* & *conjunctarum* speciales & eminentiores, eoque facilius invenitur, quin nascitur, *Indicatio*, & certius obtinetur *Curatio*.

At, simulatque considerationem Corporis, *ut viventis*, omifimus, simulatque obliti sumus *directionis* Motuum, qui in ipso peraguntur: negleximus applicationem plane *arbitrariam* & vere Ef-



*festivam* Organorum & mechanismorum : non attendimus, quomodo *Motus* illi, *justis temporibus*, *justis proportionibus*, ad certum præfixum finem, ordinatè admodum & concinnè, deducantur. Inde statim confundimus *Motus instrumentales* (id est, certo & arbitrario tempore, arbitrario moderamine, ad destinatum finem, institutos) cum Motibus mechanicis *fortuitis*, qui fiunt, quoties corpora illa talia concurrunt, absque speciali *intentione* seu fine, absque directione arbitrariâ ad eundem, &c. Hinc enascuntur *confusiones Physiologica, Pathologica, Practica*, concatenata serie innumeræ, adeò certe nocivæ, ut propterea communiter THEORIA MEDICA quasi pro opposito prudentis *Praxeos & peritiæ Clinica*, habeatur, & non tam plebis, quàm Practicorum exercitiorum, vox publica sit: *Meliorẽ Theoreticũ esse, & tamen deterioreẽ Practicũ*, & vocabulum ludicrum plane exarserit, subtile speculationes, die inder *Praxi nicht angehen / Theoretische Grillen / &c.*

Hoc opprobrium unde ortum suum traxerit, quousque verum & justum hætenus fuerit, ubi propriè fundetur & hæreat error, paucis verbis designari quidem potest, sed non demonstrari paucis debet, cum late in *Theoreticam Medicæ Doctrinæ* partem diffusus atque extensus esse deprehendatur. Dicam generatim quod res est. *ANATOMIA CURIOSA* immensum quantum lucis & demonstrationis attulit *Studio Physico*, nec exiguum quoque illustrationis attulit *Medico* præcipue *Practico* vulgato, ubi v. g. ex usu vero vasorum sanguiferorum, variæ tricæ antiquæ circa *selectum* horum cadunt: *Lympha*, & vasorum atque viscerum ipsi dicatorum præsentiam, usum, noxas obtingentes, ad *Physiologiam & Pathologiam* quadantenus, utiliter manifestavit. *Saliva* & generationem & motum, hinc inde non inutiliter indigitavit: *Impulsus sanguinis arteriosi* concursum, pro *tono* partium conservando, adeoque sensu & motu adjuvando, commonstravit, &c. Simulatque verò ad penetralia *Cerebri* evagavit *Anatomia*, consistentiam duplicem, moleculas externæ conformationis, pervestigavit, quam nihil ibidem *Physicæ scientiæ*, nedum *Praxi Medica* dignum, invenit, licet immensus, fastidiosissimus, patientissimus suscipieretur labor. Quæ inde natæ certitudines? Præsertim cum quilibet Professor contendat observasse differentes disseminationes *Nervorum*, *Hildanus*, *Willisius*, *Ruyschius*, *Lewenhok*, &c. Quanti labores, quantæ contentiones, circa *saporem Salivæ, succi Pancreatici, Sanguinis, Splenici*: circa stru-



structuram oculi, auris, Hepatis, Lienis, Testium virilium, muliebriumque: Quot vota concepta, microscopia recepta, oculorum judicia decepta, circa corpusculorum constitutivorum Sanguinis, Lymphae, imò, nefas, Spermatis figurā, structurā &c. Porro, ex CHYMIA, nobilissimā illā cæteroquin, & jucundissima arte, quot inconsultæ applicationes Fermentationis, ad naturales & p. n. constitutiones & alterationes Humorū Corporis Humani; Effervescencia, cum Organismo animali confusiones: Motuum intestinorum fermentalium, cum extraneis, mechanicis, à locali commotione fluctuatoriā pendentibus, Improporionatæ comparationes? Ex PHYSICA denique improvidæ applicationes Motus Macrocosmici, ab aëre, æthere, calore, fluiditate, dependentis, cum Motu Microcosmico, in corpore animato, arbitrarie, congruè, scitò, directò, instituto & gubernato, &c. &c.

E quibus sanè omnibus, id in rem nostram præsentem conficio; noto, designo: Non commiscenda esse, quæ sunt meræ adhuc notitiæ incompleta, connexionem nondum præ se ferentia, cum iis, quæ sunt connexa, ad varios successivos & socios usus, teste Sensu, nec refragante ratione, destinata: Non à priori, à structurā apparente, adscribendam statim esse rebus efficaciam, quam fortè nostrā opinione, habere possint: Sed pervestigandos & attentè pensitandos esse effectus, quos ordinariè, & actu edunt: Non judicandum de partis cujusvis in se aptitudine, ad aliquem effectum edendum, sed experiundum, quales effectus in socio concursu edat, &c. &c. Ita facile profectò & clarè dilucescet, quid ex operosioribus & speciosioribus Anatomicis, Chymicis, Physicis, observationibus, justam applicationem hætenus subierit ad Medicinam; aut quid contrā, nudam tantum historicam notitiam præ se ferat, ulteriori, & præcipuè Medico, usui, non inservientem.

Cum verò hæc omnia & singula, ordine & numero discernere, designare, dispensare, non modo notitiam prolixiorē, sed operam quoque, requirat, ad Doctrinam interim Medico-Theoreticam positivam, absolute necessarium existat: Proinde, sub Divini Numinis Benedictione & auspiciis benignissimis, gratiosissimo jussu ac autoritate SERENISSIMI POTENTISSIMIQUE ELECTORIS, Domini Domini, Conditoris hujus Illustris Academiae Gratosissimi, Professionem Medicinæ Theoreticæ aggressus, hoc mihi munus & officii incumbere sentio, ut non modò Doctrinam Theore-



*ticam ipsam, clarè, dilucidè, & demonstrativè, constituam, stabiliam, doceam, sed & quæ sunt ipsius impedimenta, extranea, incongrua, superflua, quin falsa penitus illa denunciem, nota afficiam, semoveam, ad proprias suas disciplinas rejiciam; Adeoque suâ luce radiantem, & ad unicum verum scopum Medicum, directam Theoriam, undique confirmem.*

Quod itaque felix faustum atque prosperum efficiat Sacro-Sancta Trinitas Reique publicæ literariæ, tum Illustriss. FRIDERICIANÆ nostræ, Nobilissimisque & Præstantissimis Dominis Cultoribus atque Sectatoribus Doctrinæ Medicæ, gratum proficuum, commodum, esse jubeat, *Praelectionibus publicis Theoreticis, per singulas hebdomadas tribus horis peragendis, PHYSIOLOGIAM MEDICAM* ponere, declarare, & statuminare aggrediar: Ubi speciatim, in quibus distincta sit à *Doctrina de Homine* PHYSICA, seu Historia Corporis Humani, *sine ordine ad lésiones*, considerati, diligenter & evidenter designabo: Quid ad *Medicam & Physicam* considerationem communiter pertineat, ex *Anatomicis, Chymicis & reliquis Physicis*, aut ad alterutram *specialiter*, denotabo: Quid turbarum hætenus derit in *Medicâ Physiologiâ*, incongrua transumptio similium *specialium*, indicabo: Denique generalem *connexionem* PHYSIOLOGIÆ + MEDICÆ, ad PATHOLOGIAM & PRAXIN, id est veram & immediatam cohæsionem *veræ* THEORIÆ & PRAXEOS, studiosissime demonstrabo.

Interim cum PHYSIOLOGIA versetur circa USUM *partium*, eo ipso vero utique supponat notitiam *partium*, vel præviam, vel conjunctam; Ex his verò *partibus solidarum*, numerus, consistentia, figura, situs, connexio, ANATOMIA: Crasis autem *fluidarum* præcipuè CHYMLA ex parte, nitatur: Proinde *privatis* quoque studiis, illas ex *Anatomiâ* atque *Chymiâ* Demonstrationes, quæ ad *Physiologicam* notitiam necessariae sunt, petentibus Medicinæ Fautoribus atque cultoribus, lubens exhibebo.

DEUM Teroptimum Maximum submisisse veneramur, ut nobis, si vitam, simul Sanitatem, Patriæ Universæ, pacem & tranquillitatem, Omnibus, qui ad amplas spes, studiorum ingenuorum cultura sese erigunt, probitatis, diligentiae, solertiae, studium: Illustri denique nostræ FRIDERICIANÆ, splendorem atque incrementa invidenda: Verbo, Omnibus, in omnibus, unicè salutarem Suam gratiam atque Benedictionem, perenniter largiatur.



**PROGRAMMA**

Quo

**LECTIONIBUS**

**PUBLICIS ORDINARIIS**

**PHYSIOLOGIAM**

**MEDICAM**

AD

**PATHOLOGIAM, THERAPIAM,**

**ET PRAXIN CLINICAM DIRECTE**

**CONFERENDAM,**

*ET*

**DEMONSTRATIONIBUS PRIVATIS**

**COLLEGIALIBUS,**

**ANATOMIAM ANATOMIÆ,**

**SEU DEMONSTRATIONUM ET INVENTIO-**


**NUM ANATOMICARUM SERIEM ET USUM,**

**ORDIRI ET PROSEQUI SIGNIFICAT,**



*Hipp. de NATURA HUMANA.*  
Quide Natur Humanâ, supra quam  
ad Medicinam Facultatem atti-  
net, differentes audire consuevit,  
huic certè minimè est accommo-  
data præsens dissertatio.





## Notanter Hippocrates 6. E-

pidem. 5. *ἡ φύσις ἐῶσα καὶ ἔμαθῃ-  
σα, τὰ δέοντα ποιεῖ.* Cum a nullo informata sit  
NATURA, neque quicquam didicerit, ea tamen,  
quibus opus est, efficit. Efficere & operari, dicit;  
neque incongrua & aliena, sed quæ necessaria  
sint, quæ convenient : Operari autem ipsam

per se, non ex consilio (intellige, alieno) lin. præced. monet. Effec-  
tivum hoc & operativum Principium, τὴν φύσιν appellat, τὸ δημιουργι-  
κὸν ἡμῶν αἴτιον circumscribit Galen. de Placit. Hipp. & Platon. l. 9. hunc  
eundem locum attingens. De hac Naturâ prolixius idem Galenus  
lib. de Natur. facult. asserit, quod illa, suis viribus usa, quæ noxia sunt,  
expellere noverit, quæ utilia, usui servare. Quod idem & lib. 1. cap. 5.  
de diff. Febr. repetit. Sapientissimam ipsam esse, itidem adstruit lib. de  
arte. Et omnia facere salutis hominum causa, in Comm. ad nostrum locum  
interpretatur. Neque hoc tantum de statu Corporis Humani tran-  
quillo, & sibi constante, intelligendum, sed monent etiam iidem,  
Naturam hætenus dictam, consulere corpori in dubiis rebus, in-  
gruente nocumentorum periculo, imo actuales noxas illatas, ita de-  
pellere, corrigere, exterminare, resarcire, ut propterea Hippocra-  
tes, paulò antè sententiam hætenus citatam, diserte affirmet, Na-  
turam mederi morbis. In quam ipsam assertionem, ut satis fusè con-  
sentit Galenus, ita notabilia sunt ejus verba, quod Natura malum sen-  
tiens, gestiat magnopere mederi. Et Corn. Celsus lib. 3. c. 1. Repugnante  
Natura, ait, nihil proficit Medicina. Imo nec deficiente eadem, ut Hipp.  
lib. de arte monet, quicquam obtinet Medica ars, sed perit ager. Dies  
deficiat, neque hæc charta capiat, si plerosque tantum, qui com-  
parent, testes Medicos Practicos scriptores, citare liberet. Nimi-  
rum Quod tale Activum & Effectivum, Gubernans, dirigens, regens,  
Principium in Corpore Vivo præsto sit, tam in statu sano, quam con-  
cusso, agens, vigilans, propugnans, omnes agnoscunt; QUALE



verò id sit, variis iterum studiis disputatum est. Adducere in medium varias circa hoc negotium opiniones, nec ipsum instituti præsentis ratio permittit; suffecerit summam indicasse, quod *Antiquiorum* Cordatiores, *materialiter* quidem, *igneum* quiddam existimaverint, unde *Calidi innati* appellatio, apud ipsum nostrum *Hippocratem* & *Galenum* jamtum familiaris. *Formaliter* vero, & ad differentiam Caloris, Ignis, Calidi cujusvis, altioris omnino, *cælestis*, imò *divine*, profapix, censuerunt, unde ipse *Hipocrat.* περὶ σαρκῶν θερμὸν ἀθάνατον nominat. Eodem recidunt *Neotericorum* nonnulli, qui *Animam Brutorum*, seu *Vegetativo-sensitivam*, denuo ad fatale incendium, *igneam* nempe indolem, revocant. At reliqui paulo magis diserte, *Naturam* sic dictam, sic descriptam, pro ipsa *Anima* accipiunt, seu *vegetativa*, seu *vegetativo actui* tantum invigilante, *quatali*, ita; ut *Natura* nihil aliud denotet, quam animam Humanam, quatenus Vitalibus operibus insudat, & idem sit, vox *Natura*, atque nuda appellatio *officii* alicujus, non vero *substantia* diversæ. Usus est hac explicatione etiam ipse *Hippocrates*, loco nostro allegato, nim. 6. Epid. 5. ἀνθρώπου ψυχὴ αἰφύεται, &c. Cui disertissime subscribit Galen. lib. περὶ εἴγης καὶ τρόμου, inquiens: τὸ θερμὸν δὲ ἐκ ἐπίκτητον, ὃ δ' ὕστερον τῇ ζωῇ τῆς γενέσεως, ἀλλ' αὐτὸ πρῶτον τε, καὶ ἀρχαίγονον, καὶ ἐμφυτον. Καὶ ἡ γὰρ φύσις, καὶ ἡ ψυχὴ, οὐδὲν ἄλλο ἢ τὰ τ' ἐστίν. h. e. *Calidum* vero non adventitium, neque posterius ipsa Animalis generatione, sed ipsum primum, primigenium, & innatum. Et ipsa tum *Natura*, tum *Anima*, quicquam aliud, quam hoc ipsum, sunt. Quâ in re, ne justò scrupulosiores simus, illud indigitasse suffecerit: Attendisse utique omnes ab omni ævo *Medicos*, præsentiam Principii cujusdam talis *Effectivi*, quodcunque illud tandem in propria suâ *Essentia* existat, & quocunque nomine censere placeat; Observâsse eosdem hujus ordinatam & summè solertem, prudentem, scitam Methodum agendi, tam pro *Constructione* & *Conservatione* Corporis Organici, quam *Vindicatione*, *liberatione* & *Restauracione* ejusdem: Expertos vero maxime esse indispensabilem hujus *concursum*, ad Medicationes artificiales, ritè & feliciter perficiendas. Quo ipso in tradendâ *Doctrina Medicâ* summè necessariam esse hujus cognitionem, rectè reputantes, à *PHYSIOLOGIA*, syntagmata Medica ferè orsi sunt Doctores, nempe à *Discursu de Natura*, à *Descriptione NATURÆ* ejusque in *Corpore Humano Effectibus*, sine quibus hoc reverà im-



motum, & actu mortuum relinquatur. Cum enim in aprico sit, *Partes Corporis Humani*, tam *solidas*, quam *fluidas*, non nisi *mera organa* existere nihilque *convenienter* agere aut excipere, nisi à *superiore Effectivo Principio*, actuentur; Necessarium omninò est novisse, quomodo actuentur, quid ordinariè per hæc organa peragatur, quo ordine agatur, quam concinnè, quam congruè, quibus præcisè organis, quo & quanto tempore. Ab hac enim notitiâ, duo pendent *Medici fundamenta*, Primò, *agnitio lesionis*, ut sciat, aliter aliquid sese habere, quàm soleat & debeat: Secundo præcognitio *termini restitutionis*, ut innotescat ad quamnam normam, ad qualem constitutionem, quousquè, reparare, restaurare, refarcire, necesse sit. Partem itaque Doctrinæ Medicæ Systematicæ, hæc comprehendentem, ab hac antiquitus receptâ notione *Natura*, *PHYSIOLOGIAM* appellant Scholæ Medicæ; In hac tractant *Historiam Actuum* illorum *Effectivorum*, qui ad *Structuram & Conservationem Corporis Humani* ordinariè peraguntur: In hac discernunt *mechanismos* puros, tam artificiales seu *Mathematicos*, *Macrocosmico-Physicos*, à *mero concursu* mutuæ proportionis Corporeæ, seu figuræ, pendentem, & *Organismos*, à *destinato impulsu Effectivæ* cujusdam *Superioris Causæ* institutos, & scitè, (atque tunc demum *Physico-mechanice*) ad certum finem accommodatos & directos. In hac designant *Historiam arbitrarii* temporis ad actus concitandos, *arbitrarii* ad continuandos, *arbitrarii* ad repetendos, *arbitrarii* ad dimittendos. Hæc nimirum est vera illa *Doctrina de Usu partium*, cui videlicet usui, ordinariè, partes Corporis inserviant; Quod non nisi *Organa* sint, ex seipsis nihil omninò agentia, nisi à *causâ superiore* actuentur, moveantur: Quod non, ut *machina* quædam artificialis, elatere aliquo, & ipso restricto, certisque potentiis circumscripto, agitentur, sed *arbitrariis* omnino temporibus, *arbitrariis* successibus, in præfixam quidem, sed non *irrevocabilem aut inevitabilem*, mensuram, figuram, non ex ullâ necessitate materiæ, sed ex conceptâ semel *ideâ*, *variabili* tamen & ipsâ, non tam à corporeis mechanicis causis, sed ab *intentione* perturbatâ, &c. Ut undique *NATURA*, hoc sensu, ut *Effectivum* quoddam, & quidem *αὐτίως* tale, Principium asseratur, quod, *arbitrarie*, agere non agere, rectè aut perperam *Organa* sua actuare, iisque non magis uti, quam abuti queat.



Adornarunt hanc Doctrinæ Medicæ partem complures, tùm *Antiquiores*, tùm *propiorum* temporum Doctores, sed non eodem omnes successu, nec fortè eadem intentione. Prolixiores fuerunt *Veteres*, in illis *δυνάμειν, αἷς διοικεῖται τὸ ζῶν*, ut ipsam φύσιν Hippocratis describit Galenus lib. de Crisibus, & l. 5. de Sympt. Caus. Facultatem Corporis nostri Rectricem optimo jure Naturæ nomine insigniendam, decernit. Sed inundavit hinc Facultatem variarum congeries, & omnem Physiologia antiquioris paginam adeò absolvit, ut nihil offenderetur, quam meræ Facultates, Vitalis, Naturalis, Animalis, Genitalis, Rationalis, Expultrix, Retētrix, Attraētrix, Locomotrix, Coētrix, Excretrix, Sanguifica, Chylifica, &c. &c. His Facultatibus conferebantur officia Motuum & actuum, quos potius In variis partibus, quam PER easdem exercerent. Unde & circa Structuram partium Organicam, minimum occupati, Actus illos universim magis immediatè, Complexui illi Facultatum, seu Naturæ tribuebant. E diverso verò succedentium temporum Physiologi, emicante luculentius Pyrotechnia atquè Chymiâ, increbescēte etiam perspicaciorē Anatomia, Chymiâ quidem manucente; & præcipuè Fermentationis historiâ illucescente, non pauca in Crasin Humorum transtulerunt, quæ aliàs nudæ cuidam μεταβάσει εἰς ἄλλο γένος, imputabantur: Anatomia verò ostendente, complura in manifesta Organico-mechanica structura deprehenderunt, quæ olim imperceptibilia & occultarum qualitatuum velamento involuta delituerant. Inde Coctionum, Distributionum, Secretionum, novarum confusionum; novarum Commixtionum, variarum localium translationum, propressionum, emissionum, expressionum, longè alia manifesta, & planè sensibilia indicia, quæ antea innominatis electivis segregationibus, imperceptibilibus transudationibus, imò subinde molestissimæ illi formarum Peripateticarum privationi & successioni velut ἀπὸ μηχανῆς irrumpenti, debebantur. Quemadmodum verò nihil propemodum frequentius occurrit, quam ut, qui vitant vitia, in contraria currant, & difficile admodum est mediam invenire & servare viam, ita hîc pariter proclivius longè fuit vitia aliena perspicere, quam propria subterfugere præcipitia. Eousque sanè evasit, laudabilis cæteroquin, si carceres non transiliret, curiositas, ut non in tantum sed in totum, antiquando veterum traditiones, nihil jam pænè amplius Organicum, nihil Effectivum in Corpore agnoscat, sed dimisso omni Directorio intrinseco, Vitam Humanam non nisi



puris putis *mechanismis* subjiat, & quantum in ipsâ est, vindicias secundum Servitutem Macrocosmicam, absolutè det. Quod ipsum, ut absolum omnino & impossibile, proclamant tot numerosissima *Experimenta Practico-Pathologica*, quæ abunde demonstrant, plurimas operationes & alterationes in Corpore animali, præcipuè vero Humano, ab *arbitrariis* Commotionibus, pendere, & frequentissimè non ab ullâ *Corporali mechanicâ* causa, sed meris *falsis & erroneis conceptibus* concitari aut perturbari; Ita tantò magis invincibilis illa *Connexio actuum Vitalium, Animalium, & Rationalium, & mutuus in agendo concursus*, in patièdo vero *consensus* plus satis confusos hos conceptus refellunt, & sublato imaginario illo *mechanismo*, atque restructo plurimum Dominio *ætheris, gravitatis & levitatis, fermentescentiæ, irritationum rosivarum, pelliculariarum, obstructionum, coagulationum, &c.* demonstrant *Organismum* partium, ab *intrinseco Activo* principio, gubernari, quod *ordinariè* quidem *ordinatè* agat, & admodum scitè atque congruè, ad causas & circumstantias Physicas rerum, inter quas Corpus versari necesse habet, sed tamen nequaquam ad hanc agendi normam ita *alligatum* sit (quemadmodum elater Horologii, quo semel convoluto, ita & non aliter moveantur rotæ) quin etiam *arbitrariè* ab illa desciscere & deficere possit, quale quid nimium sanè elucescit in affectibus & symptomatibus, quæ ab *animi pathematibus* provocantur, tum in Corpore jam aliunde affecto tum in eodem satis cæteroquin sano. Quod sanè attendentes alii, *Experientia* præcipuè *Clinica* munitiores, ita partiri allaborarunt *PHYSIOLOGIAM MEDICAM*, ut inter *Agens Effectivum Liberum, & Organa* seu *Agentia* *Dependentia determinata*, cautè dividerent *Oeconomiam Corporis*, adeoque inter Corpus *vivum & vivax, & inter Cadaver exanime*, discrimen observarent: Inter *Actus & Motus*, qui *immediate & mechanicè* ab *aere, æthere, gravitate &c.* producuntur, & *commotiones*, quæ ordine Physico tantum, *mediate*, ut *propter finem*, provocantur, & ad quos talia, *aer, æther, gravitas, frigus, &c.* magis ut causa *moralis* tantum sese habeant. Quod ipsum quotquot sunt, qui observarunt, in Doctrina hac rectè omnino versati sunt, secus atque *Conciliatores* aliqui, qui in locum *Connexionis mutuæ*, ut nimirum tam ex *Antiquiore Physiologia, Principium* illud evolvisent, cui *Facultatum* ordines tribuebant, ex *Recentiorum* vero laboribus, accuratiorem *Organorum* structuram & *habitudinem* seu *proportionem* ad effectum producendum adjecissent, adeo-



que *Impulsum Effectivum, destinatum, impetu, tempore, duratione, limitatum, imo arbitrarium*, ex una parte constituissent, ex altera vero illum *modum determinatum effectuum*, qui ab *Organorum mechanismo* magis *immediate* pendet, ut nimirum si *tale Organum* arripiat, actu-  
et, breviter, *moveat*, *Effectivum* illud *Principium*, non possit alium quam *talem actum per illud* edere: Loco hujus, inquam, rationis conciliandi, *Conversionem* Opinionum exsculpere satagentes, & ex duabus extreme *Contrariis* assertationibus, non elicere unam *mediam*, sed ambas *equipollentes* interpretari allaborantes, quasi Sisyphi labores sortiti, multa operositate nihil perfecerunt. Agitavimus hæc, & excussimus nobiscum sæpius, non heri aut nudius tertius, sed plus decem jam ante annos, ut *Exercitationum* nostrarum Collegialium Jenæ tum habitarum Auditores, sciunt, nec minus *Dissertationes* illis temporibus publice habitæ, æque ac *Epistolaris Discursus de Motu Tonico Vitali*, testari possunt; Prolixius vero & ex professo, hoc negotium evolvere, propterea maxime fastidivimus, quod labores similes, sub privatiore nomine, invidiæ plus justo pateant, & nimirum quam notum sit *Dictatorium* quorundam superciliū, qui ut sua potius quàm vera, obtineant, iniqua censura omnium aliorum labores damnant: Cum vero ita *Divinæ* placuerit *Directioni*, ut *Jussu Clementissimo SERENISSIMI ATQUE POTENTISSIMI NOSTRI PRINCIPIS ELECTORIS, DOMINI DOMINI mei Clementissimi*, in *Illustrissima hac FRI-  
DERICIANA* commissum mihi officium, de *Cathedra Doctrinam Medicam* profitendi, occasionem præbeat, tam asserendi, quam assertionum rationes publice stabiliendi, & ab hac potissimum *Doctrina* initium facere, *methodi Syntagmaticæ* suadeat ratio: Propterea hac ipsa septimana sub auspiciis & auxiliis Divinis, *PHYSIOLOGIAM MEDICAM POSITIVAM ET DEMONSTRATIVAM*, docere ordiemur, eique negotio dies quidem Martis, Saturni, horas vero a IX. ad X. mat. impendemus. Tractationem ipsam ita ordinabimus, ut summa dicendorum *Problematis* comprehendatur: Horum *κατάθεσις*, *Experientia* tam Status sani, quam vacillantis, per *Exempla* nimirum, ita stabiliatur, ut *Experimenta* ipsa quidem, quoad fieri potest, *obvia* & *facilia*, *Explicatio* vero eorundem &  *Applicatio*, *plana* & *proclivis* existant. Deinde vulgo in-  
folescentia *Opinionum* schismata, si qua sunt, producamus; *ubi* & *quomodo* ad negotium præsens faciant, *ubi* deficient, *demonstrativè* evol-



vamus: Denique quid ex his omnibus, ad *Pathologiam*, ad *Therapiam*, ad *Praxin* denique *Clinicam*, ejusque *κατὰ νόσον*, documenti aut nocumenti, undique redundet, sollicitè designemus.

PRIVATAM operam ANATOMIÆ dicabimus. Nescio *famosissimum* hodiè, an *vexatissimum*, meliùs dicam, studium. *Famam* profectò mereri, spondeo, protestor, vadem do, utpote *Organismi Materialis*, seu *Numeri*; *structura*, *coordinationis*, *subordinationis*, *organicarum* partium, verum *Gazophylacium* pandens, antiquæ *Oculatæ* fidei sincera testis, judicia ipsa in se nullatenus corrumpens, ipsa per se præjudicium nullum undique obtrudens. *Vexationem* verò illam mereri nego, quâ malè culta, & vix uno alteroque levidensi amiculò, (*Experimento*, sic dicto, *singulari*) induta dicam, an larvata? loqui cogitur, argumentanectere, testimonia dicere, arbitria interponere, præjudicia supponere, imo figilla corrumpere, & quæ pro alia causâ à Naturâ sancita sunt, pro alienâ interpretari. Ita profectò in scenam hodie protrahitur versipellis, ut pingi, repingi, fingi, refingi, non desinat, & sæpè de fibrâ, ita in diversum torqueatur, ut inter affirmativam & negativam discerpenda videatur. Visu, millies Argo oculatior, gustu, omnem simiam superans, infinitorum saporum interpres, tactu verò ita exquisita, ut stipes contrâ sit aranea, certè trochleas, spiras, vectes, helices, fibrarum, imo poros palpans, secans, separans. De armamentis verò, quis satis dicat? quot cultri, falcati, uncinati, recurvi, myrtiformes, lanceolati, forfices, forcipes, scalpria, serræ, styli, canales, syringæ, specilla, hamuli, vincula, spongiæ, liquores, colores, salia, sapores, &c. &c. Pro quo verò negotio? Ut pili decenter refecentur, cutis rectè & ordine incidatur, incisa distineatur, ichor detergatur, fibrillæ membranaceæ divellantur, membranarum quotuplicitas emergat, textura reticularis membranarum concinnetur, molecula mollicula, rotundula, aut lineolateretula, nitidula, modò tactui innotescat, modò visui, ibi glandula, hic nervulus, illic ductus, &c. quæ omnia si patientissimò labore, circumspectissimâ chiragogiâ, impendio diuturno temporis, primo investigavimus, deinde deprehendimus, fixisque aliquoties inspeximus oculis pro stolido fueris, si rusticam quæstionem moveris: *Cuiusui*? Si certè nihil aliud, non tu jucundissimum spectaculum, & recentissime inventum, tantidem æstimes, atque Virtutem, quæ sui ipsius sit præmium! Ignosces, B. L. in negotio



joculari nequaquam seriò versanti, & *vexationem* Anatomiae, *Democrito* potius, quam *Heraclito* dignam arbitranti. Sedet interim pro majore parte à Medicinâ averſa nobiliſſima hæc Corporis Organici Clavis, & *mechanismo* *Elaſtico* atque *Fermentis* & *Spumidis* *Organifmis* perpetuò torquetur, ut falſum teſtimonium perhibeat, quò ſancta *Natura Microcoſmica*, tyrannidis damnata, civitate ejicitur, aut, ſi hoc utique non poſſit, aliena ſaltem detegendo, *Organicamque habilitatem* extollendo, ſervos ad libertatem, cives ad ſeditionem vocet, quo tantisper fallantur plebis inter ſpectatores animi, ut tandem aliquando legitima documenta, pro immittendo in poſſeſſionem *athere, dære, elatere*, &c. producenda expectet, de Regimine verò præſente invidioſè ſentiat. Satis diu hætenus fuerunt in theſi, quæ *Medicam Theoriam*, vanis & inutilibus hitoriis confunderent, *Pathologiam Medicam* mutilarent, *Therapiam Medicam* eluderent. Tempus, opinor, eſſet, ut ſubducto tandem aulæo, ad examen venirent, & accuratius inſpicerentur, quid tanto dignum ferant hiatu. Ego illi quidem me non mancipo invidiæ, ut in antecellum grandia promittam, (quamvis grandibus proſectò hîc parum eſt opus) ſuffecerit hoc unum, & brevibus dixiſſe. ANATOMIAM ita tractare in Animo eſt, ut primò quidem quæ *Medico* præcipuè uſui inſerviant, exhibeam: Deinde, quæ *Hiſtoria, Phyſica* magis, quam *Medica*, utilia eſſe poſſint, ſubjungam: Denique & illa excutiam, quæ pro *curioſitatibus ſingularibus*, aliquandiu diſtulit, non vernacula ſanè germana, ſed vitiorum confinium proſcax garrula & blaterabunda fama & ex *Medica, Seriâ Regiâ*, ſervandorum hominum arte, ad luſus avocavit, & extiſpicia adeò ſuperſtitioſa, ut *Cato* hodie, ſi unquam ſuo tempore, miraretur, *quod non rideret aruſpex, aruſpicem ſi vidideſſet*. Omnia quæ obveniunt, ad uſus revocabimus, primò quibus verè inſerviunt; Deinde quibus paſſim deſtinantur: Et quomodo *Organicus mechanismus*, ſeu *proportio ſtructure*, ad effectûs *determinationem*, ſeſe habeat, diligentiffimè diſpiciemus.

Hæc ſunt, quæ nos quidem animo complexi ſumus, nequaquam tamen ſine DIVINÆ BENIGNITATIS & BENEDICTIONIS Præſidio & Subſidio. Ab illo itaque Sanitatem, opportunitatem, perſpicacitatem, Veritatem, utilitatem, humiliter exoramus, ut labor noſter & benè ſuccedat, & benè cedat, in nominis Divini gloriam, Sapientiæ Divinæ admirationem, Illuſtriſſimæ noſtræ FRIDERICIANÆ decorationem, & Artis Medicæ incrementum.



ZYMOTECVNIA  
FUNDAMENTALIS,

*Sen*

FERMENTATIO-  
NIS THEORIA GE-  
NERALIS,

Nobilissimæ hujus <sup>*Qua*</sup> Artis, & Partis CHY-  
MIÆ, utilissimæ atque subtilissimæ, Causæ  
& effectus in genere,

*Ex ipsis MECHANICO-PHYSICIS*  
*principiis, summo studio eruuntur,*  
Simulque

EXPERIMENTUM NOVUM  
SULPHUR VERUM ARTE PRO-  
DUCENDI,

Et alia utilia Experimenta atque observata,  
inferuntur.



THE UNIVERSITY OF CHICAGO  
LIBRARY

PERMANENT  
LIBRARY  
CHICAGO, ILL.

Acquired from the  
Library of the  
University of Chicago  
1957

1957  
1957





## PROOEMIUM.

**C**HYMIÆ, Artis præcellentissimæ, efficaciam, quicumque aliis, quàm vulgus solet, oculis, manibus, animisque perscrutantur, agnoscent absque dubio nobiscum, quod pleraque opera, quæ Artis hujus Ministerio perpetrantur, nihil ferè nisi superficiales, rudem corticem tantùm Corporum Naturalium attingentes, tentatiunculæ sint.

Ita enim paucissimæ operationum Chymicarum, ultrà puram Aggregationis compagem penetrant; Reliquæ, si quidquam intimius aggrediuntur, subsistunt tamen ut plurimum in solâ Compositionis laxioris, vel dissolutione, vel conjunctione præstandâ: Mixtionis verò subtilissimæ & penitioris nexum, adeò rarò audent moliri, ut vel solis fortuitis Experimentis, citra rationem, illud pertentent, vel communissimos etiam, & quotidianos, hujus generis effectus, non agnoscant, minimè omnium verò funditùs pernoscant, & ex causis suis perspiciant.

Sanè, cum Physicas considerationes, etiam modernas adhuc, ad ἀνάλυσιν quæmcunque adspirantes, fallat diversitas Aggregativarum & Individualium affectionum; Ex individualibus verò, differentia Compositionis & Mixtionis communissime lateat: mirum non est, si in Specula-



tionibus potius inanibus, & opinionibus sterilibus hæreant, quam ad Experimentales veritates Chymicâ Arte pervenire valeant.

Subtilissima sanè, & summè exiguæ molis cum sint Corpora Mixta, rationi consentaneum est, quod illa simpliciora & primordialia Corpuscula, è quorum numero & specie pluribus, Mixtum Corpus coalescit, adhuc minoris molis futura sint; Omnium verè tenuissimam esse oportebit quantitatem, seu lineam, contactûs sive commissuram, quâ hæc Corpuscula sibi mutuò applicita jacent.

Interim Mathematicæ Mechanicæ veritatis est, quod externo Motu, corpuscula ita arctè conjuncta, à se invicem dimoveri non possint, nisi per instrumentum summè subtile, quod vel aliquod tale primordiale Corpusculum solum afficere, arripere, attingere possit, vel in ipsam commissuram cohæsionis penetrare, & vectis modo seu cunei, dimotionem moliri.

Neque vero Mechanica ratio Motionum, ita fingenda est, ut Temporis & numeri ratio in oblivionem detur. Quod enim uno momento non contingit, ut nempe Instrumentum Motus, veram & directam applicationem ad Corpus movendum præcisû obtineat, potest alio momento, aut inter plura, imò innumera, aliquo tandem, fieri: Quod uno insultu fortè non obtingit, ut linea occurfus ita eccentricè in Corpora cohærentia incurrat, ut aliquod horum à reliquis elidat; Potest inter numerosos repetitos incurfus, aliquando obtingere.

Unde duo illa eximia requisita, ad Instrumentum Motus Dissolutorii Mixtionum pertinentia, sunt proportio subtilitatis & Temporis.

Sunt



Sunt fanè, quoad prius hujus generis maximè Ignis & Aqua, quæ tùm merè formali, extrinsecò incurfu, tenuissimos Motus inferuut, tùm materiali immixtione in ipsam Compagem Mixtionis, dissolubilitatem promovent: Ubi sub Igne, materialiter in Mixtis inexistente, intelligo principium Phlogiston, seu Motui igneo primò & immediatè aptum.

Interim, quemadmodum Ignis & Aqua multis circumstantiis differunt; ita Effectus etiam, quos ipsa utraque in Chymicis artificiis exhibent, confundi neque debent, neque possunt: Generalissimè tamen, & ceu duo summa Instrumenta Motuum Chymicorum, latisime sese extendunt, omnesque Dissolutionum & Combinationum Methodos, quasi unicè absolvunt.

PYROTECHNIA hætenùs celeberrimum nomen nacta, & pro universi Chymici Artificii veluti Anima, venditata est. Et meretur fanè haud exiguas laudes, præcipuè in mineralium, Terreo-metallicorum, mixtorum & compositorum compage labefactanda.

Unicum tamen, & Universum latifundium totius Diacriseos atque Syncriseos Chymicæ nequaquam exhaurit; sed oportet ut suam quoque dignitatem relinquat AQVÆ, quæ in Salino Sulphureorum mixtorum atque Compositorum Diœcesi, dissolvendo & combinando, longe placidius, imò & longè æquiùs, sese gerit, quàm ipse ignis, qui quicquid hîc præstat, non nisi purè violenter & præcipitanter perpetrat.

ZYMOTECNIA fanè artificium est, cujus immensa utilitas accuratiorem ipsius pervestigationem abundè svadere



possit. Est verò Aquæ præcipuus effectus, quæ hic omnia potest, si ab Artifice perito recte dirigatur, ut organi nomen reverà mereatur, neque ad tumultuariam & fortuitam Efficientiam perumpat.

Hoc ipsum Artificium, cum peculiari tractatu pro virili pervestigare animum induxerim, primo plane loco THEORIAM ejus generalem proponere necessarium duxi, quod præsentē hoc opusculo præstitum iri confido. Sequentur, cum DEO, proximè, specialiora, quæ Specierum Fermentationis Theoriam seorsim tradent: Quibus vel interponentur, vel subjungentur, Phænomena Experimentalia, quæ Historiam ipsam Fermentationum luculenter exhibeant: E quorum porrò circumspecta comparatione & collatione cum causis suis, ARS denique ZYMOTECNICA, eruetur.

ARS hæc quantam CHYMIÆ universæ partem absolvat, & quàm utilis vitæ Humanæ, non jucunda solum Scientiæ, existat, tum demum rectè innotescet, quando ad umbilicum tractatio nostra perducta, recondita penetralia hujus Naturæ Gazophylacii, digito designaverit; Unde in commendationem ipsius, non magis quam nostri laboris, verbum addere ampliùs non necessarium arbitramur, sed ipsam potiùs rem, bono cum DEO, auspicamur.

### Cap. I.

## FERMENTATIONIS APPELLATIO.

**F**ERMENTATIONIS historiam dum aggredior, nequaquam tanti mihi foret, *Nominis* rationi immorari, nisi propter hoc ipsum eximia hætenus difficultas invaluisset, quibus nam Operationibus id ipsum justè concedi possit.

Per



Per ipsam derivationem, quasi *Fervimentatio*, & *Fermentum*, quasi *Fervimentum*, est; In applicatione verò subnata est acceptio-  
nis diversitas, dum aliqui similitudinem *fervoris* in *spumescentiâ* agno-  
scunt: Aliqui in ipsa æstuatione seu *incalescentia* materiæ, sub hoc  
actu contingente.

Sanè si paulò penitiùs inspiciamus negotium actuale *Fermen-  
tationis*, *Spumida* illa turgescencia, seu *ebullitio*, *Fermentationibus* o-  
mnibus obtingit; *Incalescentia* verò, præprimis quæ *fervoris* no-  
men mereatur, ne uni quidem, nisi solis strictè dictis *putrescentibus*,  
& quidem spissioribus: Unde concludere licet pro priori opinione,  
quod *Fervimentum*, à similitudine potius *spumescentiæ*, quàm *incale-  
scentiæ*, appellatum sit.

Subsumere verò indidem licuerit, quod proinde & *Fermenta-  
tio*, generalior sit appellatio, quàm quæ illis tantum operationibus  
conveniat, in quibus insignis aliqua *incalescentia* unà oriatur.

Nequètamen interim injustum fuerit, utrasquè *Fervoris* cir-  
cumstantias, ita *conjunctim*, considerare, ut ubicunque alterutra  
ipsarum seorsim occurrit, non æque *Fermentationis* nomine dignam  
esse censeamus: Ubi vero ita concurrunt, ut alterutra non nisi gra-  
du tantum eminentiore sese exerat, ibi tantò magis appellationi  
quoque locum concedamus.

Atat, licet hoc quoque fecerimus, imponent nobis alienæ O-  
perationes, pro *Fermentationibus*, ut *Effervescentiæ* simplices, quæ  
ex *Solutionibus* oriuntur, dum v.g. aqua Fortis aut Spiritus Nitri, fer-  
ro limato, aut Zinco, aut Stanno quoque, affusus, cum magnâ *spu-  
ma* & insigni æstu, solutionem horum corporum peragit: Quemad-  
modum etiam, si Butyro Antimonii affunditur, magnum ibi æstum  
& spumam concitat, &c.

Quod offendiculum ut evitemus, adeoque & à spinosâ vulga-  
rium scriptorum semitâ pedem liberemus, attendenda est distinctio  
appellationis, quæ vel strictè *ab ipsa re* desumitur, vel à *similitudine*  
tantum, quam exactè ad omnes circumstantias Antitypi exigere,  
non æque consultum est.

Imo, ut adhuc pressius ad scopum nostrum accedamus, con-  
siderandum potius est, quod *Fermentum* quidem, & adhuc strictè  
sumptum, *panarium* nempe, à *fervendo* dicatur, similitudine sic sa-  
tis



tis exquisita: Sed *Fermentatio* in genere, deinceps à *Fermento* demum nominetur, & quidem non ampliùs ab hisce ipsius *accidentalibus*, & subsequis, conditionibus, sed potiùs ab internâ & *essentiali* constitutione, in quâ ipsi, *Fermento*, non *similis*, sed *gemina* & cognata existit.

Hæc si pensitemus,prehendemus faciliè quid imposuerit benè multis, qui vel *incalescentiam*, vel *spumescentiam*, ita anxie in *Fermentatione* quæsiwerunt, ut vel fingerent eorum præsentiam, ubi actu nonprehenditur; vel contrà, quaslibet *ebullitiones*, & *intestinos calores*, *Fermentationibus* promiscuè accenserent, idquod non aliâ de causa, nisi quod *ἀναίβεαια* appellationis *Grammaticam* exigèrent, & Scholasticâ istâ Crisi, *Physicam* nostram & *Chymicam* obfuscarent.

Quibus ita præmonitis, superfluum sanè est, antiquitatem harum appellationum docere; Ubi *Fermenti* quidem vox, antiqua utique esse notatur, sed uni illi rei, *panaria* massæ, attributa: *Ebulliendi* vero, *infervescendi*, *effervescenti*, appellationes, de musto, & fiente vino, usurpatæ, apud Catonem, Columellam, Celsum, occurrunt, non tamen *totam* illam *actionem*, quâ mustum in vinum transformatur, designantes, sed peculiare potius hæc circumstantias, quas vulgari acceptione exprimunt.

Suffecerit itaque notasse, quod *Fermentationis* & *Fermentandi* vocabula (ab *Helmontii* maximè temporibus frequentius usurpari solita, per *Willisium* autem in omnium ora tradita) à *Fermento* strictius derivata sint, *Fermenti* verò appellatio, à *similitudine* extrinsecâ, à *spumescentia* & *incalescentia*, laxiori relatione & sensu, transumpta.

Post hanc nominis acceptionem, notatio ipsius paucis expendenda est, quæ maximè involvit *differentiam Fermentationis* & *Putrefactionis*. Abstrahimus enim meritò à latissimis illis & abusivis *Fermentationis* extensionibus, quibus cum ipsâ planè *fluiditate*, nedum cum *solutione*, *effervescentia*, imò coëtorîâ *ebullitione*, absurde confunditur.

Notationes vero prædictas quod attinet, laborant Autores maximè exquisiti, *Formalem* differentiam hic demonstrare, imo talem prorsus, quæ non tam specificam, quam genericam penitus diversitatem inferat & ostendat.

Nobis distinguendum videtur inter *formalem* diversitatem  
Actio-



Actionis seu *operationis* ipsius, & *effectuum* seu productorum ejus: Quemadmodum enim diversitas *subjectorum*, valde alterat & modificat efficaciam *Efficientis*; ita quod *Fermentatio* è carne, aut stramine, non idem *productum* formare valeat, quod è *musto*, *mulso*, &c. perficit, non ipsius utique operationis, sed harum materiarum conditioni imputandum est, quæ eodem actu diversimode afficiuntur.

Quamvis reverà nullatenus agnoscam, quod *effectus Putrefactionis*, *formaliter* differant ab *effectibus Fermentationis*; Intellige, *quales* in eo, in quo sunt, *effectus*: Si enim vel maxime differant specialissime, in reliquâ mutuâ habitudine, nequaquam tamen differunt ita specialiter, quin producta sint, vel *discretionis*, vel *concretionis*, mediante longo motu intestino, per fluidum aqueum, ut instrumentum, perpetrata:

Quinimo, si præliminariter hanc differentiam penitus excutiendi esset locus, facile foret demonstrare, quod *Putrefactio* potius sit generalior operatio, sub quâ *Fermentatio*, ut nuda species, subsistat: Cum verò præstare arbitremur, ut præmissis demum generalioribus, ad Paradoxam hanc assertionem fiat transitus, propterea consulto eadem hic supersedemus.

## Cap. II.

### FERMENTATIONIS DEFINITIO.

**F**ERMENTATIO est *numerossimarum molecularum*, ex Sale, oleo, & terrâ (non intimè quidem & firmissimè, aliquatenus tamen) *connexarum*, Motus, per fluidum aqueum, collisorius & attritorius, quo Nexus principiorum earum sensim labefactatur, illa actu dimoventur, frequenti attritu attenuantur, aliqua denudò inter-se admota complicantur, & ita complicata, partim extrâ fluidum removentur, partim in eodem detinentur, ab ipso tamen etiam removeri seu abduci possunt.

Sive latius: Fermentatio est Motus intestinus, quo, per congruum fluidum, concreta ex diversi generis materiâ laxè composita, arripiuntur, & longâ interagitazione confricantur atque colliduntur, unde nexus ille præsen-



*tis compositionis divellitur, divulsa corpuscula attrita attenuantur, & in novam firmiorem connexionem conjunguntur.*

Ex definitionibus innotescit, *Fermentationis Subjectum*, generaliter esse aggregatum aliquod, ex numerosis Corpusculis constans. Neque de nihilo est hoc monitum, cum moles seu copia materiæ i. e. numerositas horum Corpusculorum, varie alteret circumstantias *Fermentationis*, non modo accidentales, temporis, impetus, &c. Sed quantatenus etiam *Essentiales*, ut suo loco dilucescet.

Porrò determinatur, quod Corpora illa *Individualia* quæ hoc aggregatum constituunt, sint composita seu connexa, è substantiis diversæ texturæ, quas simul nominavimus, *Oleum, Sal, terram*: Ubi denuò minimè obiter notatur, quod hæ diversæ materiæ, in aggregato fermentabili non ita liberè inter se confusæ esse debeant, sed actu connexæ seu unitæ.

Declaratur ulterius, quod *Unio* hæc, non admodum firma & intima, sed levior & velut superficialis, existat. Quâ occasione de *Compositionis & Mixtionis* differentia, & de Corporum *homogeneorum* individuali seu *Numerica* magnitudine, in ipsa tractatione aliquid differendum occurret.

*Motus ipse collisorius*, ejusque administratio per fluidum aqueum, ut instrumentum, differentiam infert *Motus intestini* in aggregato simpliciter homogeneo, seu puræ fluiditatis, tum etiam repentini precipitatorii, à præsentī. Ubi simul in considerationem venire possunt ipsæ circumstantiæ soliditatis & fluiditatis, & conditiones ipsarum illarum molecularum, quæ aggregatione suâ solidam molem constituunt.

*Motus ipse collisorius*, ejusque administratio per fluidum aliquod, differentiam inferens *Motus intestini* in aggregato homogeneo, aut intimioris connexionis, seu fluiditas, à præsentī, tum etiam repentino precipitatorio, præbet ansam considerationi fluiditatis & soliditatis, & primarum solidescientium molecularum, seu aggregationum exilium.

*Fluidi, Aquei* in specie, necessitas, exprimitur nominatim in definitione. Quâ occasione non modò differentia à quibuslibet solutionibus, per qualibet, aut specifica, fluida, peragendis, occurrit; Sed



Sed etiam specialissimus *mechanico-organicus*, seu merè *instrumentalis* concursus *Aqua*, cujus intuitu maximè cum *oleositate* inconciliabilis, *divulsionem* ipsius à reliquis Mixti portionibus, tanto magis promovet.

Succedit *Dimotio* seu *Diacrisis*, primus *Fermentationis effectus*, quo Mixtio pristina dirimitur. Ubi notatu digna est hujus effectus *lenis* successio, quæ minimè simul & semel universum latifundium aggregati *fermentantis* pervadit, sed *lentissimis* successibus, quod proinde vocabulis, *sensim*, & *longâ interagitatione*, expressimus.

Ubi tamen Digressio locum invenit, de Motus aquei *fluidi*, causâ *instrumentali*, calore aëris ambientis moderato; Cujus proinde energia, ad concitandam aut remorandam *Fermentationem*, attendenda: Nec minùs, de variationibus *effectuum* fermentationis, *Diacriticorum* & *Syncriticorum*, juxtâ hanc vel *properatam* vel *moderatam* agitationem, notabilia quædam offenduntur.

*Attenuationis* effectus designatur in definitione. Observatur hæc *duplex*, prima, quæ *Diacrisin* immediatè comitatur, dum tenuiores partes concreti, â connexionem aliarum liberatæ, omnibus sensibus liberius sese offerunt: *Secunda* quæ diuturniorem *attritum* sequitur, subtilioribus productis sese exlerit, quàm ulla portio Mixto præinexistens observabatur.

Nova complicatio seu *Syncripsis*, ulterior effectus *Fermentationis continuatæ*, considerationi maximè offert, repentinas *concrectiones* corpusculorum valdè exiguorum, & quam difficile sit, *individa* specierum *simpliciorum pura* obtinere.

*Secessio*, aut detentio in fluido, insinuatur ultimò loco; Cui denique subjungitur, *fluidi aquei* indifferens habitudo, ad *Fermentatæ* substantiæ *subsistentiam*. Ut nempè tantò magis agnoscat, verus *aquositatis organismus*, in præstando *Motu Fermentativo*, i.e. quod utique aqua non tam *materiali*, quam merè *formali*, ut vocant, concursu, adeoque absolutè ut *causa externa*, ad *Fermentationem* peragendam concurrat.

Exequemur hæc omnia ordine, & quantâ fieri potest brevitate, simul tamen necessariâ perspicuitate, *Definitionis* nostræ veritatem stabilire, annitemur.



## Cap. III.

FERMENTATIONIS SUBJECTUM, ET  
QUIDEM I. EJUSDEM HETEROGENEITAS.

**S**UBJECTUM Fermentationis in Definitione nostrâ nominavimus, *Numerosissimas moleculas, ex heterogeneis, Sale, oleo, terrâ, connexis inter se invicem, constantes.*

*Numerositas talium, parâ heterogeneitatis, corpusculorum, exprimit, quod Motus Fermentationis, sit de illis Motus generibus, quæ in aggregatis tantum corporum, locum habent.*

Pateret sane hic nobis campus, prolixè deducendi, quàm profundus in *Physica* Doctrinâ sit error, neglectio considerationis *Subjecti Motuum*; ubi videlicet non attendentes, quænam genera *Motuum* absolutè parvis ( seu *minimis*, & ) *Physice* individualibus, corpusculis, competant, & quænam contrâ, non nisi *aggregatis* Corporum accidant, fluctuamus in perpetuis confusionibus, circa *fluiditatis & soliditatis, mollitiei, duritiei, expansionis & coarctationis elastica, præcipuè verò gravitatis & levitatis, explicationes.* Quæ tamen condignè prosequi, cum instituti præsentis ratio non ferat, suffecerit nobis in genere notare, quod non modo *fluidi*, sed tantò magis *Fermentationis* nostræ, per *fluidum*, ut instrumentum, perficiendæ, aptitudo, consistat in *aggregatione.*

Eo ipso tamen, quod hæc *numerosa* Corpuscula, figillari nomine, *molecula* à nobis appellantur, adumbrare volumus, quod *aggregatum* hoc non *densum, durum, & vehementer solidum*, esse debeat: sed ita *coacervatum*, ut *moleculæ* hæ singulatim facillè à se invicem dislocentur, & ita singulatim *Motu* affectæ, inter se inutuo collidantur.

In *solidioribus* itaque *fermentabilibus*, necessaria est primò loco, *compagis aggregativæ arctioris dislocatio*; Ita v. g. *fruges siccæ, triticum, hordeum, secale*, effringuntur molendinis, in farinam, aut ad minimum in sabulosam seu grandinosam tenuitatem, *Schrod / Grütze / Griesß*: *Saccharum*, eliquatur *aqueoso menstruo*, &c. In iis verò,



verò, quibus intertexta jamdum est *aqua*, ut *fructibus succulentis*, exprimitur tantum *succus*, ut à crassioribus, & *densius compactis* reliquis portionibus, separatim ad motum promptissimum habeatur.

Licet vero è solidiore, *densiore aggregatione*, liberandæ sint ille moleculæ, necessum tamen est, ut in *contiguitate* qualicunque, permaneant, quò nimirum inter se mutuò *collidi*, interagitari, sibi invicem *affricari*, possint. Quod quidem ita commodè ordinari, ubi potest, debet, ut mediocris *consistentia* Massæ illi concilietur, ne si nimis *spissa* sit, in agitatione liberâ per minima sui, *implicetur* & præpediatur; aut si contrâ nimis *dissipata* & diluta, lentior & *varior* fiat particularum seu molecularum mutuus concursus: Utrunque enim contingunt notabiles actus *Fermentativi* variationes, tam in *tempore* & *vigore*, quam *equali impulsu* varii generis particularum, quarum aliæ præ aliis motu illo occupantur & alterantur, si liberum spatium ipsis pateat.

Quemadmodum verò ex hisce intelligitur, quod *subjectum Fermentationis* debeat esse (1) aliquid *numerosum*, nempè aliquid *aggregatum*: (2) Et quidem *laxius*, cujus individuales moleculæ facile à se invicem *dislocari*, juxta se invicem agitari, seu *motu fortiore concuti* possint: Et quod (3) hæc ipsa *disgregatio* non nisi *mediocris* esse debeat, ne nimis longè à se invicem se moveantur, quin *frequenter*, & *satis fortiter* inter se invicem collidi valeant: Ita (4) addendum est, quod supra jamtum attigimus, quod ipsa *copia*, seu *numerosa quantitas*, tantò magis ferè promoveat, & *equaliorem* reddat atque servet *Fermentationem*, quam si pauca materiæ mensura fuerit.

Quò *plus* videlicet est ipsius Materiæ fermentandæ, tantò minùs facile alteratur *totum* ipsius latifundium, à *fortuitis* mutationibus, *caloris* aut *frigoris* ambientis; Hujus enim magna fit efficacia, in *intendendo* aut *debilitando Motu Fermentativo*, & consequenter properandâ aut retardandâ *separatione*, & novâ *combinatione*, ut mox pluribus notabitur: Proinde, cum *magna moles* materiæ fermentandæ, his casibus minùs exposita sit, manet tantò magis in ipsâ *equalis* gradus semel concitati impulsus, adeoque consequitur *equalior* & magis *uniformis effectus*. Deinde, fit in magnâ mole materiæ, major *attenuatio*, dum particula, quæ vel ad *fundum*, vel ad *superficiem*,



*ciem*, vergit, in *parvo* spatio, utrumlibet hunc locum, propinquo transitu, inter longè pauciores occurrentes seu illisas alias attingit; in *spatiosa* vero mensura, & copia, facile *millies* magis coagitata, & cum aliis *collisa*, plus detrimenti seu *diminutionis* patitur. Unde ordinarie liquores fermentantes, in *majoribus*, tractabilibus modo, *doliis*, æqualiora & *fortiora* producta præbent, & cæteris paribus, *gratiorem*, *durabiliorem*, *vegetiorem*, & *subtiliorem* potum & effectum, & *copiosiore* utique *Spiritum*, exhibent.

Ita in *Oeconomicis* docet *Experientia*, qd. in illis locis, ubi *Cerevisiæ* multo *lupulo*, neque admodum *incocto*, condiuntur, *italis cerevisiæ* in *doliis minoribus*, a sesqui ad duos cados capientibus, de ferveſcat, magis *mollem*, *obtusum*, *lubricum*, *mucidum*, *vappidum*, simulque à *lupulo* intense *amarum*, potum præbeat. Si vero in *duplo*, *triplo*, imo *quadruplo*, grandioribus *doliis*, *Fermentatio* ipsarum absolvatur, tunc non modo *sapidior*, evadit, & præcipue *acrimonia* morſicante, & nares quoque vellicante, sese commendat, quod vulgo vocant: Es schmecke herzhafft / kräftig / habe eine angenehme Schärffe / büßele auf der Zunge / breuse auf der Zunge: Sed fit quoque *clarior*, & simul paulo minus *amara*, ita ut revera diversæ operationis *cerevisiæ* esse, facile putentur, si juxta se invicem gustandæ offerantur.

Sicuti vero *generalissima* *subjecti* nostri *Fermentabilis* conditio, est *status aggregativus*; Ita *specialis* ipsius constitutio, est *Mixtio* ipsius, quod nimirum ex *Salinâ*, *oleosâ*, & *terreâ*, substantiâ compositum esse debeat. Ubi in definitione notanter diximus, *Moleculas* illas numerosas, quamlibet ipsarum, *singulas*, constare ex diversis hisce rebus, *Sale*, *oleo*, *Terra*. Licet enim ad *Fermentationem generalissimam* spectatam, nequaquam requiratur *omnium* horum, præcipue manifesti seu *actualis salis*, indispensabilis concursus seu præsentia; Necessario tamen pertinent *omnia tria*, ad *specialiorem* *Fermentationem*, nempe *Vinoso-Spirituosam*, à *Fermento* strictissime dicto, denominatam, atque à frequentiore usu & utilitate, maxime celebratam.

Hoc ut luculentius innotescat, suffecerit nominatenus recensere *Concreta* illa, quæ *Fermentationis Subjectum* constituunt, quæ *duplici* statim viâ, *actualem præsentiam* horum principiorum, *Sal-sedinem*, *pinguedinem* & *terrestreitatem*, ipsis sensibus sistunt. Vel enim



enim *sapore*, & ipso *tactu* atque *visu*, talia deprehenduntur, immediate: vel simpliciter *Ignē* disturbata, exhibent substantias has, generice manifesto tales; licet ab igne quadantenus alteratæ, & veluti *specificatæ* sint.

Sunt vero talia .1. Omnia *dulcia*, *fructus* arborum, fruticum, imò herbacei, *succulenti* & *sapidi*. *Poma*, *Pyra*, *Cerasa*, *pruna*, *Citria* & *aurantia*, *Cydonia*, *forba*, *mespili*, *mora* (celsi, & bati, seu) *rubri*, *ribesia*, *myrtilli*, *fraga*, *grana actes*, &c. Specialissimè *Uva*. *Succus dulcis inspissatus*, *Saccharum*, *Mel*, *Manna*, *Siliqua Ceratonia*, &c.

2. Omnia *Farinacea*, legumina, & fruges, *Siligo* seu *triticum* & *far*, *secale*, *avena*, *fegopyrum*, *Triticum*, *Turcicum*, *Oryza*, *borderum*, *cicer*, *pisa*, *lentes*, *orobus*, *vicia*, *lolium*, *lychnidis segetum semina*, &c.

3. Omnia *Emulsiva*, *Nuces*, *nuclei*, & *semina nuclearia*, seu albâ medullâ conspicua, tam fructuum, & fruticum, quam herbarum, quæcunque demum *oleum liquidum* & *diaphanum* per *expressionem* fundunt.

4. Omnia *Semina*, sub *sapore aromatico* simul *dulcia*. *Bacca juniperi*, *Sem. anisi*, *fœniculi*, *cumin*. & *carui*, *Dauci*, *nigella*, *siler. montan.* *anethi*, &c.

5. Omnes herbæ ut & radices, *aromatici odoris* & *saporis succum* exhibentes, & simul *dulcescentes*.

6. *Generaliori sensu acceptæ Fermentationi*, subjacent omnes herbæ etiam minus odoratæ, aut *sapida*, ad *stramen* usque. *Gummata* & *Gummi-Resina*, *Tartarus*; imò *strictissimi sensûs Fermentatione* jam affecta, *vinum* & *cerevisia*, *mulsa*: *Fermenta ipsa*, *fœces vini* & *cerevisiæ*. Tandem omnes *caules*, *stipites*, *sarmenta*, *virgulta*, *radices*, *ligna*.

7. *Putrefactioni strictiore sensu acceptæ*, exposita sunt (1) *Reliquiæ* quorumcunque *fermentatorum*, *destillatorum*, *decoctorum*; (2) *Partes animalium* quælibet, præcipuè, quò promptius *humiditatem* imbibunt, antè omnes verò reliquas, primò & eminenter, *Sanguis*. *Urina præterea*, & *Excrementa*, (3) *Omnia quæ Fermentationi* subjacent.

In omnibus *strictius fermentescentibus*, observatur, primo, *sal actuale*, reverà *acidum*, variè tamen *saturatum* & obtusum. De-  
pre-



prehenditur hoc manifestè *à priori*, in omnibus fermentabilibus *succulentis*, nondum *maturis*; quorum uti summè *acidus* & *austerus* est sapor, ita mutatio hujus successiva in *dulcem*, per copiosiore & intimiorem intertextionem *pinguedinis* manifestò perficitur. Ne enim quis suspicari possit, quod fortasse *Sal* illud *acidum* vehemens, fructibus *immaturis* insidens, circulatione humorum nutritiorum, iterum *avebatur*, & aliud quippiam in ipsius locum succedat, probant mutationem *acoris* in *dulcedinem*, maximè fructus chronicoteri, *Lager-oder Winter-Obst*/ qui decerpti ex arboribus suis, *acidi* & *austeri*, in cellis sensim mitescent: Quemadmodum *Sorborum* etiam genera, tam torminalis major, quam minor; Hi utrique fructus, decerpti, horribiliter *austeri* & *acerbi* sunt, diei verò unius aut alterius morâ mollescentes, in *mustaceam* dulcedinem transeunt. Neque verò tantum in *succulentis* hisce fructibus hoc contingit, sed omnium quoque *nucleorum*, *seminum*, *leguminum*, & *herbarum involucria*, *petioli*, *caules*, *stipites*, *stramina viridia*, *serula*, quamdiu virent, & minùs *matura* sunt, afficiunt tam linguam, quam dentes, manifesto *acido-austero* sapore, aut *styptico amaro*re.

A posteriori vero, deprehenditur *acidum* illud *Salinum*, in his omnibus, si *exsiccata*, igne aperto per Retortam destillantur, ubi *stagma acidum* manifestò prodit: Et tanto copiosius quidem, si *pinguior* portio abundans, prius seorsim extracta sit, quæ alias cum *Salino-Nitroso* illo *acido*, in *alcalicam* consistentiam transit.

Illam autem, quæ *strictissime* dictæ *Putrefactioni* promptissime obnoxia fiunt, prioribus numeris recensita, præcipue vero *animalium* partes, vix ullo Experimento vestigia actualis *salsedinis* exhibent: Nam *Salia volatilia*, vi ignis inde prodeuntia, vix quisquam hodie amplius pro tali substantiâ agnoverit, quæ sub hac ipsâ formâ & consistentiâ, jam tum in *mixto* animali *præexistat*, & ignis ope, non potius *producatur*, quam *educatur*.

*Secundo loco*, occurrit in omnibus illis fermentescentibus *actualis pinguedo*. Manifestat sese *odore*, *sapore*, maximè vero in emulsivis abundat, ad *expressionem* usque; Cæterum, quia non in liberâ *interspersione*, sed in actuali *connexione*, cum *Salinis* & *terreis* Corpusculis, versatur, propterea *immediate*, & sine alterationibus horum  
foda-



sodaliū, non facile sensibus sese offert: Unde in ipsis modo dictis *Emulsivis*, in quibus reapse plurimū abundat, quamdiu *humidula* permanent, adeoque mediante humiditate cum *Salinis* portionibus *uniuntur*, nec *guttam* pinguedinis suæ dimittunt, quæ copiose secedit, simulatquē *vinculum* illud, nempe *humiditas*, frizando evaporata fuerit.

*A posteriori* vero, partim manifestatur *Extractionibus* per Spiritum vini; Maximè vero *destillatione* per ignem nudum, ex Retortâ, ubi copiosa *oleositas*, reverà pinguis, aquæ supernatans, & inflammabilis, transtillat: Et quidem tanto copiosior, quo *maturior*, *dulcior*, & *lubricioris* saporis, est illa materia, & quo plus *Spirituosæ* substantiæ per fermentationem præbet.

Ea vero cardinalis & notabilissima subest *differentia*, quod *duplicis* consistentiæ sit talis *pinguedo*; Nimirum vel *tenuior*, *acris*, *volatilis*, vel *spissiuscula*, *resinoso-bituminosa*, *segnis*. Prioris generis maxime præsto est in *strictè* dictæ *Fermentationis*, posterior in eodem sensu sumtæ *Putrefactionis* Subjectis: quod hoc loco generatim monuisse suffecerit.

*Tertia* tandem substantia, *Terrea*, non modo in ipsâ consistentia *siccescente* sese repræsentat, à priori; Sed incurrit tanto magis in sensum à posteriori, tam *post ipsum* actum *fermentationis*, ubi *limosas* fœces maximâ ex parte constituit: quam in eodem actu igneæ *destillationis*, quo tam *salina*, quam *oleosa* concreti portio sese prodit, sub quo nimirum *terrea* hæc portio, in vase remanet, primo *carbonis*, mox, si in libero aëre exuratur, levissimi *cineris* formâ.

Exhibet sese eadem quoque, in ipsis *succis* plerisque expressis, non plane *limpidis*; E quibus, partim solâ *subsistentia* diuturnâ mora, secedit, partim, & quidem promptius, *clarificatione* per albumen ovi, indidem educitur. Quamvis hæc ipsa portio, quæ vel *subsидendo*, vel *clarificando*, à reliquis abscedit, non nisi admodum *laxe cohaerit* cœteris, dum illa quantitas, quæ *intimius connexa* est, tam *Sali*, quam *pinguedini* oleosæ, minime ita facile seorsim sensibus deprehenditur, nisi ignis separatione administratâ.



CAP. IV.

II. PARTIUM, SUBJECTUM FERMENTATIONIS CONSTITUENTIUM, UNIO.

**P**ropriam designationem tribuimus UNIONI seu *connexioni* partium quæ Fermentationis *Subiectum* constituunt. Nominavimus hæc, *Sal, Oleum, Terram*; Notavimus jam supra cap. 2. quod horum requiratur *status Unitus* seu *connexus*; Quod quidem in genere videtur exigere Fermentativus Motus, siquidem *separatio, divulsio, dimotio*, non potest accidere, nisi *connexis, conjunctis, combinatis*.

Interim sine prolixitate, simulque sine cujusquam injuriâ, leviter tantum commendo, ut attendatur, quantum in hunc usque diem Doctrinam Fermentationis perplexam, generalem, aut hinc inde fallacem, reddiderit, hujus requisiti neglecta pensitatio? Adeo, ut fere *balsamica* (oleo nimirum *subtili* quidem, sed ultrâ statum *connexionis* mediocris, *redundante & superfluo*) instructa vegetabilia, præ aliis, ad *fermentationes Spirituosas*, alibi commenduntur, alibi experimentis, sed *frustra*, vexentur: Cum tandem *eventus* doceat, quod opinio successus futuri, insigni nævo laboraverit. Unde de *aromatibus* quidem, *subtilissima* utique tali, & diffusissimæ *expansionis, oleositatis*, affatim instructis, vulgaris est confessio, quod ipsa per se, *fermentationi* (spirituosæ nimirum) inidonea sint; Interim veram hujus defectus causam, vix ullibi reperire licet, præter, quod aliquibus videatur, *acidi Salis* defectum in causa maxime esse: qui tamen dum facile suppleri potest, & acidum, quodcunque proportionatum visum fuerit, affundi: Cum vero ne sic quidem sequatur suppositus effectus, aliam utique rationem subesse merito suboluerit.

Est vero hæc ipsa ratio, *unica* illa, quam hoc capite inculcare suscepimus, nimirum *deficiens* in talibus, *oleositatis, cum reliquis* principiis, actualis *Unio*.

Sufficeret sane, posuisse simpliciter hoc *axioma: Fermentationem,*



nem, stricte præsertim dictam, non subeunt Principia, extra nexum mutuum tentata, sed nexu in unum subjectum conjuncta. Sufficeret exempla producere, quod, & in quantum, Fermentatio non aggrediatur talia Corpora, in quibus similes partes extra nexum redundant. Libet vero paulo altius repetere negotium, tanto majore interim brevitate, quanto minus directe ad nostrum propositum, hujus tractationis postulari possemus.

Sal, ad constituendum Subjectum Fermentationis concurrere debere, aliquoties professi sumus. Acidum hoc esse, partim diserte posuimus, dum ex Sapore acido-austero immaturorum, præsentiam ejus probavimus: Partim implicite, cum verum alcalicum Sal naturale nusquam occurrat, quod videlicet non, aut ex putredinis, aut ignis, actione gignatur.

Interim ex simplicibus Experimentis Chymicis patet, i. quod pingua acidis, non ita prompte, aut sane non ita copiose, sese misceant.

2. Quod diversitas acidorum & terrarum, varias alterationes inducat, quarum respectu compositum tale, ex acido & terra congruâ, pinguedines deinde copiosius imbibat; adeo quidem, ut propterea vulgo laborantium, pro alcalico Sale imponat.

3. Quod Terrarum illarum duplex maxime sit diversitas, ita, ut cum una, acidum aliquod in siccum coagulum, aut plane in Crystallinum Sal, concreascit; cum altera vero, in deliquescentem, & aquam firmiter amplectens, imo quasi attrahens, concretum degeneret.

4. Quod præcipue hujus generis miscela, ex acido, inquam, & tali terrâ, ad deliquescentem consistentiam (aquæ nimirum promptam attractionem, & firmam detentionem) ipsum disponente, constans, satis copiosam pinguedinem imbibere valeat:

5. Quod acida subtiliora & puriora, subtiliorum pariter oleorum, quantitatem certe notabilem imbibant.

6. Quod ab imbibitione tali, seu mutua conjunctione, activitas Salina acidi, proportionate obtundatur; Testimonio Spirituum Mineralium dulcificatorum, qui facile ad insipiditatem aciditatis (ut nihil prorsus acidi amplius sapiant) saturantur.

7. Quod non modo copiosior, sed & arctior & intimior copula,



*acidorum cum oleo*, maxime longâ *interagitazione*, eâque tenuissimâ, per *calorem*, perficiatur.

8. Quod *acida*, *oleosis* ita saturata, &, per n. 6. obtusa, *terrestria Corpora* deinde minus prompte aggrediantur: aut minus firmiter ea sibi annectant.

9. Quod ex tali maxime *coalitu*, nascatur miscela *mucescens*.

10. Et, si in omnibus *exquisite processeris*, vera substantia, *Fermentationis aut Putrefactionis Diacrisibus*, examussim a Priori aptata.

Tandem vero *Salina acida* substantiæ, cum *oleositate*, & *terrestreitate*, satis atque firmiter, *connexa*, exemplar, est ipse *Tartarus vini*; Nudo utique sapor *acidus*, & solubilia ficciora terrea, *Corallia*, *Cretam*, *Conchyliâ*, promptissime dissolvens: Interim *copiam oleosâ* pinguedinis in eodem, ostendit *destillatio*, quæ pariter ingentem quantitatem *terrea* etiam Substantiæ in ipso reconditæ, sensibus facile manifestat.

Ita in ipsis *oleis expressis*, & *Resinis* planè pinguibus, *acidum Salinum* Stagma unâ inesse, liquidò monstrat nuda *destillatio*; Ubi utrinque non levis quantitas *aquæ*, sub acido sapore imbutæ, prodit, eo ipso verò, *spissiuscula* antea consistentia olei aut *resinæ*, in tenuitatem *liquidissimam* redit. Sicut eodem modo, ex *oleis limpidissimis*, v. g. *Terebinthinæ*, densa, tenax imò *sicca resina*, seu *pix*, additione congruorum *acidorum*, conficitur.

Si enim *Spiritus Nitri*, aut *aqua fortis* depuratæ, benè dephlegmatorum, uncia s. affundatur *olei terebinthinæ subtilissimi*, vulgò *Spir. Tereb.* dicti, drachma una & semis, aut duæ, & lenis subjiciatur calor, incipiunt post exiguam moram impetuosissimè ebullire, & vehementer incalescere: Sub actû hoc ebullitionis, induit oleum colorem *Smaragdinum*: Cessante vero tumultu, & refrigeratâ materiâ, colore *hyacinthino* aut *topasio* splendescens, consistentiâ verò *Terebinthinam Cypriam* referens, & odore penitus diverso fragrans, sese sistit. *Spiritus acidus* substans, crassam seu minus limpidam diaphaneitatem, simulque saporem resinofum, aciditatis vero eximium detrimentum, exhibet. Si idem fiat cum *oleo Vitrioli*, fit ex *oleo Terebinthinæ*, aliquot dierum decursu (si vasculum, ut tem-



tempore hyberno, fornaci ad lenem incalescientiam perennem, imponatur ) *nigro-bruna* refina, *sicca*, *fragilis*, minus fragrans, & excepto odore, *asphalto* non absimilis.

Ex his videlicet omnibus dispalescit, quod *Sal acidum*, cum *oleo*, utique *coalescere* possit, & tanto magis quidem, si terra aliqua intermedia concurrat; Tum etiam, si *longior* digestio, seu *interagitatio* mutua, intercedat, *divulsionis* vero instrumentum, *aqueum* fluidum *copiosum* & liberum, absit.

Hujusmodi itaque *Unio*, requiritur etiam in *Subjecto* Fermentabili, ut prius inter se conjunctæ sint partes hæ diversæ, antequam à se invicem iterum avelli seu *disjungi* valeant.

Exhibent vero hanc *Unionem*, ipsa illa Concreta, sensibus. Ita v. g. *Mustum* recentissime expressum, liquor est *diaphanus*, & *uniformis*, in quo ad minimum *pingvedinis* oleosæ ullum vestigium, adeo non deprehenditur, ut potius undique *aqueo-Salinum* tantum quidam repræsentet. *Saccharum*, tum in *sicca* sua forma, pellucidas *Cryсталlos Salinas* format, tum pauca aqua *dissolutum* & *clarificatum*, *limpidissimum* liquorem, *uniformem* per omnia, exhibet. *Farina* vere medullaris, & furfuris expers, tam *secalina*, quam *triticea* & *siliginea*, bullienti aquæ ingesta, inspissat hanc confestim, in glaciei, seu gelatinæ *semidiaphanæ*, consistentiam, *uniformem* sane, & nusquam quicquam *beterogenei* exferentem. Et ita in omnibus reliquis, adeo, ut pro axiomatico habendum sit:

*Quacunque concreta, non in uniformem, & proxime diaphanam tenuitatem, dilui, aut decoqui, valent, illa ad Fermentationem uniformem, præcipue vero vinoso-Spirituosam, ineptiora sunt, ea proportionem, qua ab hac norma recedunt.*

Dignoscitur quoque hæc *Unio* ex eo, quod nullum horum Ingredientium, libero sapore aut odore *emineat*. Unde *Sal* quidem, ubi abundat, *Saporem* præbet, minime tamen suum, seu proprium, liberum; sed modo terra sua, modo *pingvedine* alteratum, ut *dulcem*, *subamarum*, *lubricum*, *acriusculum*, &c. Quarum ipsarum refractionum causa est, quod *oleositas* quoque *acrior* & *agilior*, vicissim a *Sale* & *terra*, obvoluta, & veluti inviscata, sit.



Ita contra, illa subjecta, quæ aliquod horum principiorum *eminens, abundans, antecellens* reliquis habent, illa minus *aquabiliter* Fermentationi auscultant. Ita *Succi immaturi, acidi, Succus Citri &c.* in *mucorem* quidem, & *situm* abeunt, ordinatæ vero Fermentationi inepti sunt. *Semina & aromata, abundantia oleo, extra nexum Salinum sufficientem* constituto, prægravata, inepta sunt Fermentationi *vinosa*; adeo, ut illa demum portio, quæ post *destillationem* superficialis illius, luxuriantis, *exundantis olei* superest, *dulcis, & eximii illius specifici saporis oleoso-acris* plurimum expers, illa demum, inquam, & promptius & ordinatius fermentet. Quæ vero penitus *insipida* sunt, *terrestres* partis prædominio *salsedinem* obruente, & *pinguedinem* obviscante, ut exsuccæ partes, *stramina, ligna inodora & insipida*, illa, sicut *aggregationis* suæ dimotionem non facile admittunt, ita compositionis quoque, seu *Mixtorie Unionis*, resolutioni, tanto obstinatius renituntur.

Quid, quod hujus ultimi generis *prædominium, terreitatis*, etiam in ipsa *Unione* constitutæ, in præcipitanter *obruenda* fermentatione, non levem utique energiam exserat. Ita enim in *frugibus*, (ubi talis est *Crasis*, ut *Salsedo*, copiosa terra subjugata & saturata, *insipidum* huncce statum attingat,) copiosa quidem *pinguedo*, subitè, prompte fermentativum impulsum; Interim *Terrestres* substantia, copiose detrusa, obturbat & *involvit*, adeoque ad fundum secum deducit, magnam copiam hujus *oleosæ* substantiæ, priusquam *attenuationem* sufficientem nancisci, adeoque in novam *concretionem*, ea copia, qua præsto est, compingi possit. Quod ipsum *Mixtionis* incommodum, si in *frugibus* vel abesset, vel *artificiose* emendaretur, præberent utique eadem longe maiorem quantitatem *Spiritus ardentis*, quam faciunt, cominuni methodo fermentationis præparatæ.

Maneat itaque firmiter præsuppositum, quod portiones, quæ *Subjectum Fermentationis* constituunt, *Unitæ* inter se, *connexæ*, seu *Mixtæ*, esse debeant, ut operationi illi, quæ *unitorum dimotioni* imminet, laborem præbere possint.

Ultimo loco brevibus notamus, quod hæc *Mixtura*, quæ ex  
oleo



*oleo Sale & Terra, inter se unitis, componitur, γλυσχεώτιδα seu lubricitatem constituat, mucositatem nimirum, modo tenuiorem, modo Spissiore; Tenuiorem quidem, quo plus Salis in Mixtura præsto est, aut oleositatis subtilioris: Spissiore, quo minus est Salis, aut terra, copiosiore obsaturatum, oleositate præterea crassiore concurrente.*

Obiter hoc loco noto, defectum in historia *Physica speciali, Historiæ glutinum*. E quibus tamen non modo totum animal, sed & totum vegetabile, imo non pauca in ipso lapidum genere, constare, vel leviter perpendenti, non potest non in mentem venire. Ita universam cutim & omnes membranas, mucum glutinosum, pro materia sua agnoscere, sciunt coriarii; Pilos, pennas, squamas, mucum glutinosum esse, monstrat levis experientia: Ungulas, cornua, mucum glutinosum esse, ossa quoque glutine in eam soliditatem compingi, vix vulgus amplius nescit: Carneam fibrosam Substantiam, gluten esse, vel culina ostendit: Unde gluten, lympham nempe gelatinosam, nutrimentum animalis proximum esse, tanto minus cuiquam dubium apparebit.

Omniū interim Vegetabilium quoque compagem, glutine maxime contineri, nec ipsum cuiquam erit dubium, qui Historiam & Scientiam Fermentationis, præcipuè putredinosæ, examussim hausserit & intellexerit, gluten hoc, seu mucum summe viscosum, esse verum unicum immediatum Subjectum, Putredinis ultimæ, quemadmodum gluten dilutius, lubricum, & tactum levi tenacitate afficiens, (in musto, Saccharo, Cerevisia recens cocta, melle &c.) Putredinis primæ, nempe Fermentationis: Esse vero hoc ipsum gluten, generice Mixturam talem, è Sale, Terra, & Oleo, varia proportionem, & varia tenuitate, inter sese UNITIS.



## Cap. V.

## PINGVEDINIS DIFFERENTIA.

**G**eneralis differentia pinguedinis, in eo sensibus sese sistit, quod alia subtilior, tenuior, volatilior existat; alia crassior, spissior, longe minus volatilis, deprehendatur.

*Tenuior*, fere universim magis acris observatur; *Spissior*, paulo magis, pleraque vero multo magis, temperata: Ita etiam *tenuis* illa, magis ad *intimiores*: *Spissior* vero, ad *Superficiarias* veluti commixtiones, cum aliis particulis, proclivis.

*Tenuioris* talis, manifesta specimina, sunt in *Seminibus*, *Herbis* & *radicibus*, *Corticibus* item, *lignis*, & *floribus*, ita dictis, *balsamicis*, & *aromaticis*; E quibus nimirum, per levem destillationem, *oleum volatile*, acce, causticum separatur: Ipso vero sapore penetrante, & ardorem veluti inferente, quasi à priori sese exferit.

*Spissior*, paulo magis temperata, occurrit maxime in *amaris*, quatalibus. E quibus sicut *oleum* non modo *difficulter*, sed & admodum parce, separatur, tenue videlicet, & simul amarum: Ita quod tamen *pingvis* maxime *predominans*, portio sit illud, quod *amaritiam* in talibus subjectis constituit, ex eo præcipue dilucescit, quod hæc pars, è reliquo corpore Vegetabilis, promptissime per *Spiritus Sulphureos*, seu oleosos *ardentes*, extrahatur, & universim separatur.

Cæterum oritur artificialiter, talismodi summe amarus sapor, ex *Sulphurei*, seu *Vitriolici*, præcipue *acidi*, mixtione cum *oleis tenuibus*, si v.g. *oleum therebinthine*, imo ipse *Spiritus ardens*, Vini, aut similis, *oleo Vitrioli*, aut *Sulphuris*, per digestionem immisceatur: Quod quidem, uti in vegetabili quoque regno, iisdem talibus Principiis, exacte tribuendum esse, non positive subsumo: Ita nihilominus ad intimius mixtionis *amarorum* scrutinium, aliquid inde lucis sperandum, nequaquam dubito. Præcipue si attendamus, quam insigniter ferrum *amara* aggrediantur, ubi v.g. *absinthii* extractum per aquosa paratum, *succus* quoque *absinthii*, præcipue vero *Corti-*



cum viridium nucis juglandis, imo quorumlibet valde amarorum succi, politam laminam ferri, cito denigraunt.

*Spissiuscule* tales pinguedines, sunt etiam olea *Empyreumatica Vegetabilium & Animalium*, antedictis tamen *amaroribus simplicibus*, longè activiora: prout in Corpus assumpta, graves commotiones in Massa Sangvineae causantur, *astuaciones* nimirum, & quidem *siccas*, nempe cum *Sudorum* suppressione, & ad *Evacuationem* potius *Diureticam* tendente tumultu: Viscera interim tanto importunius percellente ardore.

Longe vero *temperatiores & spissiores* pinguedines, sunt illæ, quæ in *nucleis & Seminibus* medulliferis, ut & ipso fructu *Olivæ*,prehenduntur. Quibus accenferi potest mirabile illud collectaneum pingue è regno Vegetabili, *Cera*: Miscela vero *tenuissima*, & antedictæ *medioxima*, pinguedinis, sunt *Resinae* variæ, partim sponte è fruticibus exsudantes, ut *Terebinthina*, *Balsama Indica*, *Mastix*, *Thus*, *Gum. Juniperinum*, *Hedera*, *Benzoë*, *Anima*, *Elemi*, &c. Partim arte extractæ, per *Spiritus ardentis*: Partim exsudantes quidem, sed *Gummatosæ mucilaginosæ substantiæ intertextæ*, ut in *Gummi-Resinis*, *Myrrha*, *Galbano*, *Ammoniaco*, *Bdellio*, *Sagapeno*, &c.

Et in his quidem, eminent duplices illæ pinguedines, maxime ultra *nexum* seu *Unionem*, Mixtoriam firmiorem. In *Unione* vero, hæret *tenuis* illa pinguedo, apud *dulcia*, maxime talia, quæ simul tangibili copiosa *lubricitate*, seu tenuissima muciditate, insignia sunt: Apud ipsas etiam *mucilagines*, tenues quidem, *semidiaphanas*, multum tamen aquositate inspissantes, seu obsatantes, neque admodum lentescentes seu tenaces. Cujusmodi maxime observatur in *farinaceis* tenerioribus.

Ex talibus nimirum, si immediate ipso Igne, propellatur *pinguedo*, Mixtioni eorundem inhærens, & vel ita statim rectificetur, vel super sicca corpora, *Cineres*, *Cornu Cervi ustum*, *arenam*, *Cretam*, &c. prius abstrahatur, occurrit notabilis quantitas valde subtilis olei, *acris*, *volatilis*: remanente portione *spissa & densa*, quasi *præe* crassitie.

*Spissior* autem illa, seu *densior*, *pinguedo*, in Mixtione seu *Unione* potissimum hæret, in *Crasrioribus* vegetabilium partibus, quan-



tumcunque *insipidis*, & omnibus, neque *dulci* sapore, neque tenui *lubricitate*, aut turgescēte muciditate præditis, integris vegetabilibus: Tum etiam in *lentescentibus*, & tenaciter glutinosis *mucoribus*.

Interim notabile est illud, quod, quæcunque partes vegetabiles, habent *tenuiorem* illam *pingvedinem*, illæ habeant etiam *spissæ* portionem non exiguam, &, si molem spectemus, *tenuioris* quantitati respondentem. *Spissioris* vero pingvedinis, notabilem quantitatem continent multæ vegetabilium partes, quæ *tenuioris* vix vestigium conjunctum exhibent.

Proximum fortassis esset, aliqua afferre de causis hujus differentię, & quidnam sit *oleum tenue*, aut *spissum*, unde illud tenuitatem suam habeat, hoc spissitudinem, commonstrare; Cum vero extra præsentis nostri negotii ambitum hoc sit, cui τὸ ὅτι hætenus sufficit, præterea, paucis verbis nullatenus, imo ne multis quidem sufficienter, declarari queat, nisi *Experimentorum*, ex ipsa *historia Fermentationis* petendorum, testimonium, hinc inde interponatur: Propterea nihil præpostere nunc quidem agere placet, sed commodiori & justiori loco reservare hoc negotium, præcipue, cum satis securus sim, ne quis in hoc proposito, *solida Experimentalis* deductione, præventionis decus aliis præripere, festinet.

Pro Conclusionē vero hujus Capitis, noto, quod illa, quæ de *tenuiore*, pingvedine seu oleo participant, *Fermentationi* striçte sumptæ, *Spirituosæ* nimirum, *vinosæ* apta sint; Quæ vero de *spissiore* tantum, aut potissimum, *Putredinosæ*: Maxime vero si pingvedines has, in *Unione* cum reliquis principiis, habeant, quod præcipue ad *Fermentationem* requiritur, nempe *ordinatam*. *Putrefactio* vero, & præsertim *segnis* & *inordinata*, etiam minus intime subactæ pingvedini imminet, &, ceu fatalis ultima linea rerum *Mobiliter connexarum*, facile occasionem destruendi rapit.



Cap. VI.

COHÆSIONIS DIFFERENTIA.

**D**iximus cap. IV. quod principia, quæ *Subjectum* Fermentationis constituere debent, in unum compacta, seu *unita*, esse debeant; Subjunximus cap. proximo, quædam, de diversitate pingvedinis, quam *tenuitate* præcipue differre, diximus, ita ut alia tenuior, alia spissior, seu crassior & grossior sit. Dicenda itaque pauca, de *exactitudine* hujus *unionis*, quæ ab ipsa unitorum *tenuitate* plurimum dependet.

Primo, arridet in hoc negotio, ut pleraque ingeniosi & exquisiti Viri, *Beccheri*, distinctio, quam in Physica sua Subterranea proponit, ubi Corpora dispescit in *simplicia* seu principia, deinde *Mixta*, inde *Composita*, tandem *Decomposita*, imo *Superdecomposita*. E *principiis* coalescere monet *Mixta*; è *Mixtis* coalescentibus, *Composita* fieri: è *Compositis*, & diversis *Mixtis* conjunctis, *Decomposita*, & *Superdecomposita*.

Deinde, intelligitur utique aliquid vel *Mixtum*, vel *compositum* esse, quod (1) è *numero pluribus*, iisque (2) *diversi generis*, particulis, constat, & quidem (3) *unitis*, seu cohærentibus, connexis. Per *primum*, non differt tale Corpus, ab *aggregato*, quod nimirum è pluribus particulis similiter constat; Per *secundum* vero differt, dum *aggregatum*, potest esse *homogeneorum* quoque, numero *plurium*, *Mixtum* vero aut *compositum*, necessario est *specie differentium*: Per *tertium* vero, differt maxime ab *aggregatis fluidis*, aut *confusaneis*.

Adjici meretur (4) qualiscunque adhuc circumstantia molis, summa nimirum, *exilitas*, ut videlicet illæ (1) numero plures (2) *diversi generis*, particulæ, (3) etiam unitæ, (4) adeo *exilem* tamen molem constituent, ut figillatim, *singula* tales connexæ è pluribus illis moleculæ, omnes sensus effugiant.

Ultima hæc circumstantia, licet ne ab *aggregatis* quidem, satis distingvat *Mixta* & *Composita* Corpuscula, & dubium non sit, da-



rietiam *aggregata*, quæ sensus, præcipue *nudos*, fugiant; Ad hoc tamen maxime inserviet, ut facile subsumi possit, (1) quod Corpuscula, quorum plura conjuncta, adhuc tam exiguam molem constituunt, utique singula per se tanto magis exigua sint, (2) quod utique illa invicem separare, *contiguitatem* ipsorum penetrare, illa invicem *divellere*, *dirimere*, *depellere*, *sigillatim apprehendere*, difficile prorsus negotium, nec quolibet *rudi instrumento* perficiendum, existat.

Non possum nimirum non taxare hoc loco, etiam lyncei nostri ævi τὸ ὑπεροχᾶν, quo Aristotelicas nugas de *divisibilitate* Corporum, nondum excutere potest.

Primo exquiro, *an Corpus immediate dividi queat?* sin secus, & *divisore instrumento* opus est, quæro: *an inter dividens & dividendum debeat esse proportio?* Si hoc, quænam in genere aptior sit, *divisoris major* ad τὸ *dividendum*, an vero *minor?* Si minor, unde probari, imo suspicionē tantum adumbrari, queat, illa *indefinita* multitudo, semper minorum *divisoriorum* Coporum, pro indefinitis possibili divisione?

Si enim vel maxime absurdam istam definitionem *Extensi*, quod habeat (*actu*) partes extra partes, admittamus: & nihil coacti, concedamus, quod *omne quantum sit extensum*: Omne vero *materiatum* sit *quantum*: Unde nascitur repentinus ille fungus: Omne, quod habet partes extra partes, est *actu mobiliter* divisibile, ut singulæ partes *loco suo moveantur?*

Profecto, si quistalem *extensionem* suam in exempla Physica seu Corporea deducat, non fatigabimus ipsum, ut talia Corpora numero plura, quorum *numerum & magnitudinem*, adeoque & *terminos & commissuras*, nescit, quæ nempe sensus ejus fugiunt, nobis dividat; sed largiemur, ut vel in *pulvillis* illis, qui non, nisi in radiis solaribus per tenebras transfulgentibus, apparent, (vulgo Sonnen-Stäublein) vel, si hoc nimis operosum videatur, in duobus aut pluribus *lapidibus*, juxta se invicem positis, Philosophiam suam in actum deducat: Neque vero ab ipso petemus, ut *lapides* hos, nedum *pulvillos* istos, in *infinitum* dividat: Sed sint duo illi *lapides* pro extensi portione, & duas saltem partes extra partes repræ-



præsentent, has *dividat* ille, *physice*, id est, *loco suo dimoveat*. Omni-  
no, si sine *medio* aliquo, seu *instrumento*, hoc agere jubeatur, qui  
jusserit, sanæ mentis compotem non esse, paratissima ratiocina-  
tione exprobrabit. At ne contra seipsum ferat sententiam, serio  
monemus.

Cum iis vero, qui tenerius tractare negotium, videri gesti-  
unt, qui ex *motu* rem explicatam volunt, duo verba loquor. Sa-  
ne, nec totum *dividens*, necessario *minus* esse, suo *dividendo*, sed  
sufficere, ut levis *portio* ipsius *tenuior* sit, adhuc valde puer, in  
*cuneis* agnovi; Sed sane exigit tale corpus longe *majorem motum*,  
quam si *totum* esset *tenuis*; Ingredi facile incipit, sed *progressum*  
expectat ab augmento motus. Deinde non negabunt, quod *divi-*  
*sor* debeat *majori motu* impelli, quam *dividendum*. Quamvis  
enim in *grandibus* exemplis fieri possit, ut *quiescenti divi-*  
*sori* violenter appulsum *divisibile*, ita contra ipsum adiga-  
tur, ut eo ipso *dividatur*; requiritur tamen & *indivisore* tanta  
magnitudo, & inde pendens *quies* ponderosa, quæ in *par-*  
*vis* proportionibus statim perit, & inde immediate potius suc-  
cedit, *Tertium*, valde simplex & fundamentale consecrarium, *re-*  
*gulis motus naturalibus* notissimum, quod promptis similibus *diviso-*  
*ribus* maximopere commendo, ne pro re simplici & levi obli-  
viscantur, sed perpetuo meminerint, nimirum: *Ex vehementis-*  
*mo motu*, *Corporis*, non plurimum (§ quidem multis millenis vicibus)  
*vel majoris vel minoris*, contra aliud, tantundem majus vel minus, ne-  
quaquam statim, aut facile omnino, sequi alterutrius *divisionem*, sed  
tantum *Motus communicationem*; Idque tanto magis, quanto *minora*  
fiunt Corpora, adeoque alios *extrinsecos renisus*, seu obstacula densa  
& copiosa, non offendunt, quæ impedimento ipsis sint, quò minus  
*Motus proportio* tanta, ab altero, violentius appulso, Corpore, in ipsa  
transeat, quantam *proportio magnitudinis*, & *configuratio ejus ad Cen-*  
*trum sui*, admittit. Cujus ipsius figuræ ratione, NB. in *minimo*, at-  
*tritorius Motus*, sanè non ita facile ad *detritionem* pervenit, quàm vul-  
go supponitur. Facilius enim *motus*, à Corporibus talibus, *perit*,  
*aut transit*, ut illa in aggregatum *quietum* compingantur, quam ut  
ita pertinaciter, in nihil *mutato*, aut *debilitato*, *vigore*, in ipsis



pergat, ut non nisi *fractis* ipsis, remittat. Qui sanè est *unicus imaginarius effectus*, *imaginarii istius immanentis æterni Nisus*.

Tandem verò, meritò moneo, utrosque divisionis hujus indefinitæ Fautores, ut antequam laborent adumbrare, *quomodo*, & *quare*, divisio talis fieri possit, doceant ex *Physica historia*, QUOD fiat. Ubi simul cohortor, ut illa ingenii activitate, quam ad concipiendam *infinitam* divisionem prodigunt, laborent attendere *momenta Physica Temporis*, & horum mutuam *habitudinem ad Motum*; qua observata, felicius forte concipere poterunt Phænomena illa, propter quæ aliàs *infinitas* illas divisiones sibi imaginantur.

Ne tamen nos quoque, super sterili hoc figmento nimium verborum perdamus, revertimur potius ad res nostras.

*Principia*, cum sint *Corpuscula summæ Physicæ tenuitatis*, & adeo summæ quoque *mobilitatis*, fit inde, ut inter se invicem *admotâ*, & ratione *figuræ convenientis*, inter se mutuo *complicata*, *imposterum firmissime & constantissime*, *pro uno*, seu *simul*, moveantur. Unde in *Physicis*, in *Experientia*, extremi profecto negotii opus est, hæc ita *complicata* corpuscula, vel ad momentum saltem *dimovere*, & in *alium tantum situm translocare*.

Tanto magis *difficile*, imo, si *Experientiam* potius, quam *vanas speculationes*, sequimur, *impossibile* hætenus fuit, *Principia rerum Physicarum pura*, vel invenire ullibi, vel è *Mixtis* separare, & *nuda*, atque *pura*, extra statum *actualis connexionis* cum alienis, ullo modo exhibere.

Imo summi laboris, in hodiernum usque diem, est illa etiam intentio, *qua mixta Corpora revera dissolvere*, eorumque *principia*, seu partes *constituentes*, in *alium tantum situm transponere*, adeoque *Mixtum*, revera & constanter, *alterare* suscipimus, *Mixtum*, inquam, non crassius *Compositum*.

Causa hujus difficultatis primaria, est *Organorum Divisoriorum* cognitio deficiens; Imo & ignorantia adhuc communis, quid *tempus*, seu *longa*, *assidua*, & creberrime *repetita* horum applicatio, valeat, præ *superficiaria & tumultuaria* administratione: Unde sane in *nostra chymia*, merito destituimur plurimis optimis successibus, quia



*longinqua Digestionis, diuturnæ Triturationis, repelita Cohæbationis, frequentis Imbibitionis, & crebrioris Deliquationis, impatientes sumus.*

Alia verò est ratio *Compositorum*, è *Mixtis* qualitercunque con-  
nexis, formatorum; Hæc enim tanto facilius iterum *dimoventur*,  
dum utique majusculæ moleculæ, non modo laxius cohærent, &  
ita Spatia inter commissuras suas relinquunt, in quæ *penetrantiora*,  
seu *subtiliora*, acumina & *cacumina* aliorum, *solventium*, adigi pos-  
sint, adeoque *motu* suo hæc invicem dispellere.

Præ aliis vero, exagitantur his *Motibus* tanto facilius, illa  
*composita*, quæ *aquositatem* in *Mixtionem*, aut prorsus *Compositionem*  
suam, recipiunt; quæ non modo *laxiorem* cohæSIONem in genere red-  
dunt, sed & *Salium* admissiõni intimiori manum præbent: Præte-  
rea & *caloris* impulsui exposita, si ab hoc agitentur, reliquam com-  
pagem non modo deferunt, sed & *concutiunt*, atque undique labe-  
factant.

Et de horum maxime censu, sunt nostræ quoque *Fermente-  
scentes*, seu *Fermentationis Subjectum* constituentes, moleculæ.  
Quemadmodum enim nemo facile *Oleum*, *Sal*, *terram pulverulen-  
tam*, pro primis *principiis* habuerit; Ita patet tanto magis, quod  
*fermentescibiles* moleculæ, ulterius demum ex *histenuioribus com-  
positæ*, eo ipso ad *Motus dissolutorios* tanto aptiores sint.

## Cap. VII.

### CONSISTENTIA FERMENTABI- LIUM.

**D**Eterminavimus hætenus, primo *Subjecti Fermentationis*  
*generalem materialem conditionem*, quod è *Sale*, *oleo* &  
*Terra*, constet; Secundo, diximus de *Statu* ipsorum  
*Formali*, quod nempe *Unita* esse debeant: Tertio, de  
*Compositionis* hujus *proclivitate ad divisionem*: Subjun-  
gemus hoc loco *externam speciem*, quam tale *compositum*, in aggregato,  
sensibus exhibet.

*Salia*



*Salia* in se considerata, non constituunt necessitate ulla aggregatum fluidum humidum, sed potius vaporosum, uti illis notum est, qui *Spiritus Salinos acidos puriores* noverunt, summe volatiles.

Quoniam vero *Sal* in se, nihil aliud est, nisi summe subtilis terra, cum aqueo corpusculo connexa; Propterea & aqueis aggregatis facile sese ulterius annectit, & terreis quoque concretis promte cohæret: Imo tanto firmitus cum terris, quam cum aqua complicatur, ut si utrumque objiciatur, Terram non modo impetuosius amplectatur, sed etiam longe tenacius eidem cohæreat, quam ipsi aquositati accessoriaræ.

Ita v. g. si *Spiritus* aliquis acidus concentratior destilletur, prodit ille fumi siccescentis formâ; Hic, si nulla aqua, in quam mergatur, oblata sit, non nisi tardissime & difficillime, in fluidum aggregatum coit: Si vero aqua in recipiente præposita sit, subsidet quidem in illam, sed sensim tantum, ita, ut Ignis moderamen conveniens maxime requiratur, ne vapores hi prius copiosius propulsi, vas recipiens dirumpant, quam in aquam subsidere possint.

Quando vero Terreum aliquod siccescens Corpus his Salibus objicitur, tunc promptissime non modo, sed & impetuosissime & citissime, illi innectuntur, & mutuo cohærent. Exemplar sit *Sal commune*. Hoc si *Vitriolo Calcinato* mixtum, igne pellatur ex retorta, opus sane est igne satis intenso & diuturno, donec transcendant *Spiritus*, & mora sufficiente, quoad in aquam præpositam condensentur. Si vero Mixturæ illi, *Vitrioli* & *Salis*, *argentum vivum* addatur, & triturâ decenti bene subacta, igni imponantur, tunc longe utique brevius tempore, & ignis gradu longe minore, assurgit acidum *Salis*, argento vivo innexum, *Mercurii sublimati* nomine.

Ita similiter, si *Spiritus* talis, aqua hoc modo immersus, igne commoveatur, primo quidem & promptissime evaporat aqua; Si vero Terra Spiritui tali objecta & innexa fuerit, longe utique difficilius igne ab ipsa denuo dirimitur atque avellitur *Spiritus*.

*Oleum* quoque cum Salibus coalescens, tendit ad siccescentem consistentiam, quod tum in supradicta coagulatione tenuissimorum oleorum, in resinam friabilem, tum in præparatione *Salis Oleosi Starkeyani*, innotescit. Olea vero tenuissima, nihil esse, nisi Terra subtilis



tilis speciem, cum *aqua Mixtam*, monstrat duplex *Experimentum*; vulgatissimum unum & præsentissimum, dum *olea similia accensa*, magnam copiam *fuliginis* præbent, *sicca nimirum, exsucca, pulverulenta*, substantiæ: Alterum paulo operosius, dum videlicet *tenuissima* quælibet *olea*, cum *bolis*, imo subtilibus *marginis*, in specie *Terra Labacensi*, destillata, perpetuo aliquid *aquositas* præbens, ita, ut repetitis operationibus, tota in *aquam* reducantur. Quod quidem expeditius procedit, si *olea* ejusmodi cum *oleo Vitrioli* ita tractentur; Ubi prima vice non modo *terram* aliquam post se relinquunt, sed tam crassa *aggregata terrea*, ut sub dentibus, *sabuli* instar, dura, & crepera deprehendantur. Confer. Kunkel. Obs. de Salib. Volatilibus & fixis.

Secundum has omnes itaque circumstantias, oritur *siccescens consistentia*, ex intimiore *coalitu triplicis* hujus materiæ.

Huic sane contemplationi, nimirum: *quod Fermentabilia, per se sicciscentis consistentia, in aggregatione, existant*: Peculiare hoc caput studio destinavi, ut tanto exactius dilucescere possit, quod libera, superflua, *aquositas*, cum *Subjecto* seu *Materia Fermentationis*, nihil conjuncti habeat, sed unice, ut *Instrumentum Motus Fermentativi*, extrinsecus afficiat.

Permovit me, ad hoc ipsum luculentius deducendum, communis assertio, qua statuitur, *Sulphur* concreti, ut vocant, nempe *pinguedinem* seu *oleosam portionem*, esse unicum illud *activum principium* in toto *Fermentationis* negotio, quod inchoet & finiat, imo utramque paginam absolvat; Cætera omnia, mere *passive* sese habere, & ab hoc *Sulphure*, obnoxiose agi, ferri, rapi, formari, reformari.

Hujus opinionis argumenta, cum ego in *Fermentationis Experimentis* non inveniam, sed potius mihi videar deprehendere, quod in tota *Compositione Fermentescente*, pars *oleosa* seu *Sulphurea*, perpetuo, & quidem plurimum, patiatur: Sane ad statuminandum ingens hoc *Paradoxon*, necessarium est, ut quoad fieri potest exquisite, quæcunque eo respiciunt, & proponere, & connectere, allaborem.

Inter hæc non postremo loco colloco hanc circumstantiam *Consistentia sicca solidescens*; In hac enim, patitur sine dubio *Sulphurea* pars, dum sub jugo *Salis & Terræ*, cogitur aptitudinem suam



ad Statum fluiditatis tantisper dissimulare; Imo inter *Sal* & *Terram*, veluti incuneata, adeo impeditur, ut ne quidem cum sui similibus in aggregatum coire, & ita *fluiditatem* subire possit.

Confirmatur hoc *Experimento*, dum nimirum, si tali *composito*, copiosum fluidum *Oleosum*, affunditur, ut *oleum* aliquod, sive *expressum* (minus humiditatis involvens, bene clarum) sive *destillatum*, vel etiam *rectificatissimus Spiritus ardens*, nequaquam inde fit ulla *commotio*, nedum *separatio*, *oleosæ* illius intrinsecæ portionis, sed detinetur illa nihilo fane segnius, à sodalibus illis suis, sæpe dictis.

E contra vero, si *aquosa* substantia *Composito fermentescibili* additur, exagitat illa citissime *Sal*, & mediante hoc, *terram*, mediantibus vero utrisque, inclusam his *oleositatem*.

In hoc fane actu, non tanta est *Salis* passio, sed qualiscunque potius *activitas*; Cum enim *Sal*, per se, magis tendat ad *fluidum Motum*, juvatur additio affini & copiosiore *fluido*, à quo ita augetur ipsius *motus*, ut prægravantem suam *terram*, secum agitare valeat: *Terra* vero, quæ cæteroquin ad *fluidum* motum minime apta est, patitur utique hîc absolute: sed fane non minus ipsa quoque *oleositas*, imo, si stricte rem expendamus, *magis* adhuc, ut alibi forsitan clarior innotescit.

Suffecerit in præsentî τό ὅτι tantum designare, quod nimirum omnia *fermentabilia*, in se spectata, extra actum, aut proximam potentiam, *fermentationis*, *sicca* sint, &, quod eodem recidit, quod *fermentabilia*, sine *fermentescentiæ* suæ futura detrimento, *sicca* esse possint.

Exemplar specialissimum, & in hoc genere luculentissimum, habemus in *Saccharo*, quod, quo *siccus* asservatur, eo minus ulli alterationi, nedum dissolutioni, *fermentatorie*, obnoxium fit. Interim de *fermentabilitate* sua nihil penitus vel amittit, vel remittit, quo minus, adhibito debito *Instrumento*, *Fluido aqueo*, mox in *Fermentationem* concitetur.

Idem contingit in *melle*, non tamen ita exquisitè: Exquisitissime vero in *frugibus*, quæ, quo *siccus*, asservantur, eo diutius durant, sine ulla corruptione. Unde œconomicum ad asservandas



das fruges remedium, ne in situm prolabantur, daß sie nicht erwärmen/schimmeln/ mürbenicht werden/ est duplex, (1) repositio in loco ædium editiore, & aëris æstivi, imo & venti accessui, magis libere exposito: Quin alibi, in Climate torridiore, aut rigidiorre, & ubi terra magis pulverulenta & sicca existit, reponuntur etiam in subterraneis cavernis, sed imponuntur *sicca & arida* quantum possibile, & circumsepiuntur materia humiditatem quamcunque intercipientem, & avertentem. (2) Ubi in libero, & auræ pervio loco, repositæ jacent fruges, *circumagitantur* frequentius, ut portiones, quæ modo *inferiorem & interiorem* locum tenuerant, jam in *Superiorem* evertantur, atque ita pariter, ab aëris calidi allapsu, siccescere possint, quod proinde, das Geträidig wenden/ appellamus.

Et propter hanc eandem rationem, relinquuntur non modo diutius in spica sua, antequam trititando excutiantur; Sed necessarium quoque est, ut recens trituratæ & coaceruatæ fruges, tempestive & brevioribus intervallis, ita circumagitentur, quod contra, quo ficciores fiunt, eo longioribus intervallis facere licet.

Quo magis vero à *Siccitatis* Statu Concreta recedunt, tanto facilius prolabantur in actum *Fermentationis*. Unde *fractus* quidem *maturi*, quo *succulentiores* sunt, eo citius & vehementius alterantur; Quo vero vel *aridiores*, vel *densiores* seu duriores sunt, ut plerique *serotini*, Lager-oder Winter-Obst/ eo diutius durant: Tanto magis vero, si in locis *siccis*, & *libero sicco aëri* expositis reponantur, & maxime super *stramen siccum* & nitidum, ut ita etiam ab infra, per ipsa straminis interstitia, libera aura eosdem perpetuo stringere possit.

Ubi obiter moneo, quod hi ipsi *duriores* fructus, propterea non minus *succi* habeant, quam alii plurimi *flaccidiores*; Quod vel statim in sensus incurrit, si radula (Reib-Eissen) comminuantur. Differentiam infert structura interior, dum *duriores*, tales fructus velut *interclusis* particulis *humidis* infarcti sunt, ne in molem *fluidam* coire, adeoque *motu intestino* reliquam massam agitare possint: Dum in aliis liberior *humiditas*, hunc effectum facile inducit.



Inter *Fluidum* nempe & *Humidum*, intercedit utique insignis illa differentia, quod *Humiditas* quidem, ipsi *Speciei* Essentialiter obtingat; *Fluiditas* vero, ex aggregatione *Humidi* purioris nascatur, adeoque *Humidis* velut *accidentalis* existat.

## Cap. VIII.

# INSTRUMENTUM MOTUS FERMENTATIVI.

**D**iximus modo quod *Compositum Fermentationi* idoneum, *in se siccescentem*, habeat consistentiam; Ubi, licet tota *molecula*, & ipsum *aggregatum* è talibus constans, non absolute *quiescat*, sed possibile sit, ut aliquo leviori, *tremulo* forte seu *vibratili*, *motu* afficiantur: Non tamen, neque tota *molecula*, neque *singula* particulæ *Mixtionem* ipsius constituentes, sensibilem mutationem universi sui *situs*, aut actualem *dislocationem* cohæisionis suæ, patiuntur.

*Fermentatio* vero, est talis *motus*, quo actualis illa *dislocatio* hujus cohæisionis obtinetur, simulque *dislocatarum* partium aliquæ, longe *removentur* à reliquis, quibus prius *connexæ* & *interpositæ* fuerant.

Cum vero in nullo Corpore Physico Sublunari, *motus* subtiliter *progressivus*, *verticillaris*, *trochlearis*, &c. à seipso oriatur, sed perpetuo ab alio Corpore Moto communicetur, usque ad *atherem* calide motum: Propterea hic quoque *Dislocatorius*, *Fermentativus*, *Motus*, nisi ab alio Moto Corpore, ut *Instrumento*, concitetur, ex & per se, minime oritur.

Licet enim *Corpuscula oleosa* sint summe mobilia, non tamen hanc *mobilitatem*, ita ἀγεωμετρικῶς & ἀφυσικῶς intellectam velim, quasi *Corpuscula oleosa innatam* & *insitam* habeant *activam* talem *mobilitatem*, qua ipsamet *semet active* movere possint; Sed omnis horum *mobilitas*, non est nisi *receptivitas* *Motus*, talis dispositio nimirum



rum *figura & magnitudinis*, in quam *Motus* ab alio Corpore *actu moto*, facile *transire* queat.

Sive, ut pereat amphibolia omnis, Corpuscula illa, quæ præ aliis maxime *mobilia*, sunt (1) *minimæ molis*, (2) *figura* ita ad *Centrum* sui undique *exaquata*, ut *motus* eadem in *Directa linea* ad suum *centrum*, facile attingere possit, unde *motus* directe *progressivus*: (3) aut, si in *dispari linea* attigerit, *verticillaris* inde *Motus* nascatur, magis vel minus *progressivus*, prout longe aut propius à *Centro* impulsus sit factus, & portio Corporis, in *opposita linea*, *longior* aut *brevior* fuerit. (4) Maxime vero considerari debet *Temporis* ratio; *Tempus* enim utique, in negotio *Motus*, nimium quantum concurrit dum v.g. *gravius* illud dicitur, quod *breviore tempore* magis deorsum movetur: *velocius*, illud dicitur, quod *breviore tempore* quorsumcunque promovetur, &c.

Cum itaque *oleosum* quoque Corpus summe *mobile* dicimus, intelligimus Corpus maxime *exile*, ut à *subtilissimis*, jamtum *motu affectis*, Corporibus aliis attingi, & ab hisce *Motus* in ipsum *transferri* possit. Unde utique non nisi à *subtilissimis*, *actu* perpetuo *Motis affectis*, Corporibus, *ethere* & *aëre calido*, maxime moventur *olea*.

Licet enim ejus *subtilitatis* sint, ut nulla unquam segnities *Motus* tanta accidere *etheri* possit, ut ille inde impar evadat, ad eadem adeo velociter commovenda, ut *fluiditatem* in aggregato retineant: Notabilis tamen utique differentia, hujus quoque *intestini*, *fluidi*, *Motus*, adeo sensibilibiter intercedit, ut sub hyberno frigore, *Olea* etiam *tenuissima*, longe minus fragrent & exhalent, & actu, ut *calore* exagitata, in majus spatium exturgescunt, ita frigore languide emota, notabiliter in arctiorem mensuram confidant.

Cum vero in nostro *Fermentationis* negotio, non æque *oleosarum* partium ratio habenda sit, ut partim jam notatum est, partim ulterius notabitur; sed potius *Terrearum* & *Salinarum*, quarum utrarumque *Mobilitas*, omnibus consentientibus, precaria & adscititia est; Propterea vel harum maxime causa, *Instrumentum* aliquod *Moveus* requiritur, mediante quo, *Motus* hisce rebus concilietur & inducatur.

Dispiciendum itaque in *Fermentatione*, *An?* & *Quale*, Medium seu



seu *Instrumentum Motus* hic occurrat, à quo *Motus* illis reliquis subministraretur.

Diximus proxime præcedente capite, quod (1) *Fermentabilia*, in se, sint consistentiæ *siccescentis*: (2) quod sub Statu hoc *sicco*, minime ad actualem *Fermentationem* progrediantur.

Ubi quidem de hac consistentia, illud insuper notandum, quod simulatque bene *fluida aquea* Humiditas accedat, statim in actualem *Fermentationem* fiat progressus. Quæ efficacia, cum in plebem usque nota sit, cessat statim omne dubium, AN utique *Aqua Instrumentum Fermentativæ Commotionis* existat. An vero *sola aqua*, & sub quibus conditionibus, hoc præstet, minus in propatulo, sed aliqua utique disquisitione dignum est.

Quod ipsum tamen priusquam presse exequamur, ad circumstantias aliquot *Instrumentalitis*, quæ proposito *fini* quadrant, respiciendum erit.

*Finis* seu *Effectus Fermentationis*, est partim simplex *resolutio*, partim *attenuatio*, partim nova *transpositio*.

*Resolutio* fit per *collisionem*; *Subiectum*, quod ita *collidi* debet, sunt *numerose molecule*, eximiæ subtilitatis seu *exilitatis*; Quæ proinde prius ex *aggregatione* sua impeditiore *dimoveri* debent, antequam inter se *mutuo collidi* possint.

Præstat hanc *dimotionem* ex ipsa *aggregatione*, *Fluidum*; non quodlibet, sed specialiter *Aqueum*; Ex quo, vel à *posteriori*, conficitur, quod hoc ipsum *Aqueum fluidum*, singularem quandam *proportionem* seu convenientiam habere debeat, vel ad universam illam moleculam, vel ad certam ipsius partem constituentem.

Oportet præterea, ut illa particula, quam *aqueum fluidum* hoc modo aggreditur, specialem efficaciam in reliquas sibi *connexas*, habeat; Hoc enim si non fieret vel nulla inde sequeretur reliquarum illarum *sociæ commotio*, vel hæc ipsa particula *seorsim*, emoveretur & abriperetur è reliquarum nexu, ut nuda *Extractio* contingeret.

Oportet itaque, ut *Movens hoc Instrumentale*, vel *immediate* ipsam *integram moleculam* collectim impellat, vel *mediate*, unam particulam, quasi *unum latus*, afficiendo, reliquas *connexas*, simul agitet.



Ubi duo resultant confectaria, quæ, si posterius hoc verum sit, deprehendantur necesse est. (1) Quod *Fluidum aqueum* hoc modo non *aque* mere *formaliter*, *motum* suum in particulas illas seu *moleculas fermentescentes* diffundat, sed quadantenus *materiali* quoque concursu, & cohæsione quadam, *moleculas* has secum commoveat. (2) Quod, quo magis portio illa, quam *Aqua* immediate magis, & *primo* afficit, à reliquis, excussis successive, liberatur, eo *subtilior*, *tenuior*, & *intimior* quoque fiat *Motus*.

Utrumque vero deprehenditur ita actu, & observatur. *Adhæret* enim revera *Aqua Salina* portioni *Mixti Fermentescentis*, aut subtilissimæ ad minimum *terrea*, proxima potentia *Salina*. Hanc non *tundit* solummodo *contactu*, sed *rapit* & *trahit* secum actuali *cohæsione*, nec ab ipsa avellitur, nisi vel *ignis* progressivo *Motu* & impulsu, vel tanta plurium talium *molecularum complicatione*, quæ mobilitatem seu activitatem particulæ *aqueæ*, ipsis hætenus annexæ, adeo prægravent, ut denique ipsa particula *aqueæ*, ab aliis sui similibus inde detrudatur: aut ab istis una ad fundum, & aliqualem quietem, deducatur.

Deinde verissimum est hoc omnimodo, quod, quo magis excussæ sunt, successive, omnes illæ reliquæ, *pingues* crassiores, & *terrea*, portiones, eo *tenuior* utique fiat liquor ille, cui *Fermentata* substantia innexa hætenus hæret. Ita enim *vinum*, tenuius utique, id est, *fluidius*, & in subtiliore *intimo motu*, existit, quam vel dulce, simplex, lubricum, *mustum*, vel *fermentans mustum*, turbulentum, crassum, &c.

Manet proinde *Aqueum* utique fluidum, *Instrumentum* illud *Motus*, quod fermentabiles quoque *moleculas*, si ipsis addatur, in motum corripit, easque invicem collidendo & confricando, successive conterit & deterit, idque maxime ob *convenientiam* intimiorem, cum parte aliqua *Mixti Fermentescentis*, *Salino-terrea* nimirum, cui quadantenus *adherere*, eamque adeo secum *susque deque* *rapere* possit: plura capite sequenti monstrabuntur.

Excluditur vero ab hac activitate quodlibet aliud *fluidum*, & quidem (1) omne nimis subtile & tenue, quod *integras* illas *moleculas* compositas commovere non valet. (2) Omne, quod non ex aliqua parte



parte, ex aliquo quasi latere, moleculas has apprehendere, seu co-hærere iisdem, & connecti, queat. (3) Omne etiam ipsum *Aqueum, fluidum*, quod non sufficienter veloci & vegetâ agitatione polleat, ut utique *collisorum motum* molecularum illarum, adhuc superad-ditarum, perficere valeat. (4) Tale quoque, quod *excessiva agita-tione, præmature & præpostere, collisiones*, & earum *successiva* confecta-ria, & effecta, confundat, & partes potius *disjiciat* tantum, quam denuo ulterius *componat*.

Ita enim, exempli gratiâ, *primam* horum generum inepti-tudinem habet *Spiritus ardens purus* quicunque, imo etiam *Secundam*. Reverâ enim non potest *fermentabilia* Corpora, utpote nimis *te-nuis*, apprehendere, unde v. g. *Sacharum* in *Spiritu vini rectificatis-simo* nullatenus solvitur: In *melle* vero, *frugibus*, &c. perficit hic po-tius *Extractionis* effectum, ut nimirum non integram *fermentescentem* substantiam, sed portionem tantum ejus tenuiorem, constitutivam, à reliquis semoveat, licet ne hoc quidem facile aut prompte.

Propter *secundam* circumstantiam, excluduntur *olea*, tum *te-nuiora*, tum *spissiora*. Cum enim *Spiritus ardens*, qui ex uno latere *A-queus* est, vix ullatenus in *Terr-aqueum* compositum penetrare possit, tanto ineptius proinde est *oleum*, ad eundem effectum consequen-dum; licet vere rem æstimando, magis *tenuitatis*, & nimix pro-inde *mobilitatis*, in utrisque sit vitium.

*Tertia* circumstantiæ ratione, inepta est ad *Fermentationem*, *frigida aqua*; *exquisite* nimirum talis, & congelascentiæ proxima. Sicut omnis insignior *remissio Motus aqua subtepidæ*, eadem portione *languidius* quoque, & *languidissime*, *Fermentationem* concitare ob-servatur.

*Quarta* ratione, inidonea ad *Fermentationem* fit ipsa iterum *a-qua*, siquidem *aqua*, nimirum intestine mota, actu calida, nullas *re-gulares, ordinatas, & placidas, Fermentationes*, producit; Actualis vero *fervor*, seu *coctio* toto cœlo à *Fermentationis* effectibus recedit. Quid, quod *Fermentabilia* præcipiti tantum *tempore*, aquæ, cito alte-rantur, *Mixtio* cito & *turbulenter* disjicitur, *tenuissimæ* portiones vel *vapore* tenus expelluntur, vel præpropere aliis *subjugantur*, & vehe-  
menti-



mentius in alias *impinguntur*, quorum omnium exempla propriis locis adducentur.

*Instrumentalitatem* nudam Aquei fluidi, in Fermentationis negotio, paucis probare, non supervacuum fuerit.

Non ingreditur utique *Copiosa Aqua*, ipsam *Mixtionem*, seu intimam *Consistentiam*, *Fermentescantis subjecti*, cum hoc ad *siccescentem* potius consistentiam per se tendat. Neque ex eo intimior aliqua ipsius, & *Essentialis*, necessitas, probari valet, quod multa *Fermentabilia*, actu *succulenta* nascantur, & id adeo quidem, ut citra læsionem notabilem totius ipsorum *compositionis*, *aquositas* illa vix separari queat, qualia concreta, præter alios succulentiores *fructus*, ipsæ etiam *Uvæ* existunt. Præterea etiam, quod talium Concretorum plane *particularis* hæc sit conditio, quibus plura alia, itidem *Fermentabilia*, opponi possunt, in quibus *aquositas*, hujusmodi copiosa nuspiam concurrit, ut de *frugibus* præcipue, palam est: Manifestum utique fit, quod nec in iis quidem hæc copiosa *Aquositas* de *Essentia* ipsorum, in ordine ad *Fermentescentiam*, sit, quasi ea semel ablata, ad *Fermentationem* imposterum inepta reddita sint; Sed manent nihilominus ad *Fermentationem*, quandocunque subeundam, etiam ablata hac *Humiditate extrinseca* & superabundante, examussim apta & disposita, & facile in eandem transeunt, simulatque, è quocunque *fonte*, *fluvio*, *pluvia*, &c. sufficiens quantitas *aquæ* ipsis subministratur.

Quemadmodum vero sic, à priori, *Aqua* de intimiore & *Essentiali* constitutione ipsorum *Fermentabilium* non esse deprehenditur; Ita à posteriori etiam, perpetuo sese ut mere *extrinsecum* quoddam agens in *Fermentationis* negotio habet. Adeo, ut vel sub *medio Fermentationis actu*, commode à *Massa* seu *Maginate Fermentante* separari, & hoc ipso *Fermentatio* hujus finiri queat: Tanto magis vero, facta jam, & peracta *Fermentatione*, à *massa Fermentata*, commode rursus aufertur.

Licet enim in *succulentis*, aut diffusis fermentationibus, pars ipsius *Aquæ*, cum portione non exigua *subtilis Olei*, per Fermentivum motum *extenuati*, intimius concreascit, & cum eodem *Spiritu ardente* formet; Aliud tamen longe est, ad inchoandam & continuandam



nuandam *Fermentationem in genere*, intime, & *materiali* nexu, ingressu, & coalitu, concurrere; Aliud vero, cum portione aliqua *Fermentati*, præstita jam in tantum *Fermentatione*, deinceps concre-  
scere, & *imposterum* istius *essentialem* partem constituere.

Tollit enim omnem difficultatem, & satis monstrat, quod *aqua*, peracta *Fermentatione*, sine *essentiali* detrimento *Fermentati*, (ut merum accessorium, *extraneum*, *causa externa* *Fermentationis* hætenus celebratæ) iterum auferri possit, exemplum cujuslibet *panis Fermentati*, qui nempe commode & facile *exsiccari* potest, sine levissimo conditionis suæ cujuscunque detrimento.

Sicut in exemplo paulo operosiore, & magis artificiali, ipsius *Spiritus ardentis* patet. Hujus enim, in *generosioris fermentati* liquoris decupla quantitate, una facile est *Spiritus ardentis*. In compositione vero seu *Mixtione* *hujus*, utique vix vigesima pars *oleositatis*, reliquum vero omne, *Aqua* existit. Si jam talis *Spirituosus* liquor, *Vinum*, continuato *Fermentationis* impulsu, transformetur in *Acetum*, perit statim omnis ille *Spiritus ardens*, & subjugatur partim ab acetosa salina substantia, partim denuo *dissolutus*, *oleosam* suam substantiam in sedimentum dimittit. In *acetotali* si solvantur corpora quæcunque *terrea*, quibus *Sal* illud acidum innectatur, potest inde universa *Aquositas*, pura & simplex, destillatione separari, ut portiones illæ universæ, quas suo concursu hætenus in varia Schemata alteravit, dimovit, & transposuit, seorsim ab ipsa, in *siccescente* denuo Statu, oculis occurrant.

Ex quibus omnibus luculenter patet, quod *aqua*, ante & post, imo etiam *circa* ipsum *Fermentationis* actum, non aliter, quam *Causa externa*, *Instrumentum* videlicet Motus, sese habeat, & undique, & omni tempore, à *Materia Fermentante* auferri, eoque ipso *Fermentatio* ipsa fitti possit.

Cum *Metaphysicis* nolim litigare, qui pro *causa Efficiente* magis *principali* forte, *Humiditatem* aqueam habuerint; Licet enim in *Fermentationibus fortuitis*, sine intentione, & prudenti directione *artificis* contingentibus, *μικρολόγως* ita dicenda videri posset: Vetat tamen illud in nostra consideratione attendere, quod nos de *Artificiali Fermentatione* loquamur, cujus varia directio, moderatio, altera-

tio, ita ab *artificis* arbitrio pendet, ut hîc Aqua mere *passive* sese habeat, & nihil uspiam aliud, quam purum *instrumentum* artificis fit. Ut taceamus, quod in *fortuitis* quoque *Fermentationibus*, ne aqua quidem, ut aqua, *Fermentationis Motum* præstet, sed quatenus certo gradu *caloris* commota, ut vel inde *Calor* magis *primaria*, aqua non nisi *secundaria* causa, & ita iterum *Instrumentalis*, aut sane minus *principalis* existat. Sed satis de his.

## Cap. IX.

### (1) FLUIDUM, (2) HUMIDUM, (3) AQUEUM, (4) TEPIDUM.

#### I.

**F**LUIDITATEM esse affectionem *Aggregati*, seu speciem *Motus in Aggregato* aliquo, facile quidem cuilibet pensantibus liquebit; Vellem tantum, ut in universa doctrina *Motus Concreti*, hæc eadem differentia ubique sufficienter attenderetur, ut tandem desineremus, illas *Species Motuum*, quas in *Physica Experientia*, non nisi in meris *aggregatis* deprehendimus, etiam *Individualibus* Corpusculis affingere, quod præcipue in negotio *Ponderis & Elateris*, pro mille *σπερμολογίας* evitandis, observari optarem.

Est vero FLUIDITAS *Motus in Aggregato minutissimorum Corpusculorum*, quo *singula* minimæ moleculæ, actu *celerrime* moventur, vel *immanenter*, (ut in loco suo maneant, *situm tantum* illo loco mutant,) *circa centrum suum*: vel *progressive* (ut inter se invicem loca mutant) vel *utrumque*.

Hoc ipso contingit, non modo *proprie*, sed & *sociæ quietis*, seu *continuitatis*, perpetua diremtio, unde facile quodcunque aliud Corpus *gravius*, id est, *fortius progressive motum*, per hanc aggregationem transpellitur, cujus singulæ, exilissimæ minutiae, jam ad cessionem impulsæ seu commotæ sunt.



Talis itaque *Motus intestinalis*, maxime proportionatus existit, ad varias mutuas alterationes, dum tales particulæ, in perpetuo mutuo *allisu*, *appulsu*, & *attritu*, sunt; Quo ipso quidem, ipsæ *inter se mutuo*, non ita sensibilibiter alterantur, cum ut homogeneæ, ejusdem *magnitudinis*, & eodem *impetu Motu*, præterea ad *cessionem liberæ*, nihil magnopere de *Motu suo mutuo* patiuntur, nisi aliqualem *transumptionem*: Si vero aliæ particulæ, *disparis magnitudinis* & *mobilitatis*, disparis quoque *figura*, fragilis *connexionis* & *laxæ cohæsionis*, harum fluidarum ope, in *mutuum occursum* ferantur, contingunt inde variæ illæ *inequales commotiones*, & ita fortius agitatarum particularum, à minus vegete impulsis, semotiones.

II. HUMIDI duplex vulgo est differentia, *aqueum*, & *oleosum*; Sub *priore* censentur post ipsas *Aquas*, *Spiritus* quoque *Salini*: Sub *posteriori*, cum ipsis *oleis*, *Spiritus Sulphurei ardentis*.

Neque tamen *Mercurium* quoque currentem, a toto genere *Humiditatis* excludere par fuerit; Cum ille in *metallicis Corporibus*, eandem *speciem adhesionis* subeat, quam antedicta *humida* universim præstant.

Nimirum *Humidi in se spectati specialissima Essentia*, id est, per hodierna vocabula, *propria figura* & *magnitudo* particularium, æque *occulta* est & *ignota*, ac omnium aliorum Corporum Individualium: Neque *proportio* seu *convenientia* ipsius, *propter* quam cum *Salinis*, & proxime *Salinæ subtilitatis terreis*, *Corpusculis*, prompte congregiatur, iisque applicetur, (i. e. *mutua ejus figura convenientia* cum horum talium *figuris*,) concipi, nedum determinari potest; Sed illud utique à *posteriori* observatur, quod *τὸ Humidum* cum hisce Corporibus facile complicitur: & inde necessario, licet *generalissime*, concluditur, quod utique debeat intercedere *mutua talis convenientia*, licet, *qualis* illa sit, & in quo consistat, *occultum* maneat. Qui nempe est communis *moderna* quoque *Philosophiæ*, cum *Veteri*, defectus, & mea quidem sententia; manebit, quod in *Formas Corporum*, id est, *figuras* & *magnitudines* eorum *proprias*, nemo penetrare possit. Posset hic tribus verbis totum *Mysterium differentie Veteris* & *Novæ Philosophiæ Naturalis* detegi, & ostendi, quod nihil nisi nudum *τὸ ὄτι*, id est, plures & accuratiores *observationes historicae*,

*hodiernam* Physicam illustriorem reddant, *Causarum* vero notitia, per & propter quas talia fiant, utrinque jugiter ignoretur: sed cum res præsens non æque id exposcat, habeant sua sibi.

Cæterum *Humiditas* est affectio *Individualium* Corporum, *proportio* nempe exacta cum *Salino-terreis* Corpusculis, ut facile cum his connecti possit; Deinde etiam talis *magnitudinis* proportio, cum *aëre calide* moto, ut facile ab ipso taliter moto, commoveri queant; Si vero hic *motus* absit, facile in *aggregatum fluidum* coëant plures ejusdem generis particulæ.

Ita enim revera omne *Humidum*, est aptum ad *fluiditatem*; licet non omne *fluidum* ad *Humiditatem*, communissima acceptione; *Exquisitiore* vero pensitatione, convertuntur inter sese reciproce, cum etiam ipsa *metalla fluida*, eandem illam *adhesionem* ad *proportionata* congenera corpora subeant, qualem alia *Humida* quæcunque, ad plura alia Corpora.

Hujus itaque *connexionis* promptæ, est præcipuus usus, quem in negotio *Fermentationis* habent *Humida*; mediante enim hac præsertim, arripiuntur partes *Saline* Concreti, aut *subtiles terreæ*, & hac ipsa *connexione moventur* motu *fluidi*, seu rapiuntur susque, deque in *fluido*, cum in *sicco* solidescente Statu minime ita *fermentative* moveri possent.

III. Specialissima *Fluidi Humidi* illius, quod *Fermentationi* inservire potest, circumstantia est, ut sit **AQUEUM**.

Nolumus hic quoque denuo prolixius monere, quod hodie eodem modo atque antiquitus, nesciamus, in quonam, seu in quam *figuræ & magnitudinis* ratione, consistat *Essentia aquæ*, qua illa, ab omnibus aliis rebus *proprie differt*: Diximus paulo superius, quod hoc in *omnibus speciebus* Corporum, quæ *inanimata* vocantur, nesciatur, sed tantum τὸ ὅτι, quomodo actu sese invicem, ratione cohæsionis mutuæ, habeant, *historice* quadantenus noscatur.

Subjungimus hoc loco illud tantum, quod nos ad præsentem nostram historiam *Fermentationis*, ne quidem opus habeamus tali scientia.

Nobis enim nihil aliud in quæstionem venit, præter: *Cur Aqua Fermentativum Motum Corporibus compositis inducere valeat?* Re-



sponsio directe succedit: Quia Corpora illa (1) *sigillatim dimovere*, seu ex Aggregatione dirimere potest: (2) Quia ita sigillatim disgregata, *singula valde secum commovet*, adeoque (3) *plura* talia frequentissime inter se invicem *collidit*, ex qua collisione (4) *intimior divulsio partium*, compositum illud *constituentium*, consequitur.

Si ulterius quærat: *Undenam possit Aqua Corpora hæc ita dimovere, & secum commovere*: Respondemus, quia iisdem quadantenus *firmiter adhaerescere* seu examussim applicari potest.

Ultima in nostro foro, est interrogatio: Unde *Aqueum Corpusculum* hoc habeat, ut *Fermentabilibus Corpusculis* (ex Sale, oleo, & terra subtili, compositis) ita *applicari* possit? Respondemus; Quia jamtum in ipso Corpusculo illo est portio *Salina*, quæ ex *aqueo & terreo* Corpusculis, intime & penitissime complicatis, constat: Unde quidem *extrinsecum aqueum Corpusculum*, vel per illud, quod jam cum *terreo-Salino* connexum est, ex ipsa *similitudine substantiæ*, seu *figuræ & magnitudinis*, facile conjungitur; Vel ad minimum totum hoc Corpusculum *Salinum*, velut ex *alio latere*, aggreditur, eique applicatur, cum illud ad hanc applicationem mutuam, utique *proportionatum* sit, quod actualis jam admixtio *Aqueæ* particulæ, cum *Salinam* Mixtionem exhibet, satis demonstrat.

Hic sane subsistit nostræ præsentis tractationis, etiam exquisitissima consideratio. *Exquisitissima*, inquam; Potest enim utique vel hic quoque declinari, & ex *Chymicq-Physicis* petenda supponi, demonstratio, quod *Sal* sit Corpusculum subtilissimum *terreum*, cum *aqueo* intime conjunctum.

Tanto magis vero *alterius* plane loci est illa quæstio: *Quenam specialissima ratio* intercedat, qua mediante *Aqueum & terreum Corpusculum* ita firmiter cohærere possint, ut *Salis Mixtum* forment?

Ubi, licet ex ipsa *Mechanico-Physica* ratione, recte supponi possit, quod *concretio, coalitus, intima connexio & coassio*, nihil sint aliud, quam talis *convenientia* diversorum Corporum, secundum aliquod superficiæ suæ latus, ut pluribus *punctis* *Physicis* sese *attendant*, adeoque novum *centrum, commune*, constituent, secundum quod in *variis eccentricis lineis* impulsa, *pro uno* moveantur; Nequaquam tamen

tamen determinari potest præsentium horum *specialissima* habitu-  
do, aut certa illa *indubia figure ratio*, &c.

Sufficit itaque in præsentihoc quoque notasse, quod *Aqueum Fluidum*, propterea maxime sit congruum præ aliis *instrumentum* ad *Fermentativum* Motum concitandum; Quia in *fermentescibili* Cor-  
pore jamdum insit *congener* Corpus, cujus convenientia, *mutuus contractus* intimior fieri possit.

Ubi contra *oleosa fluida* excluduntur, ne similem efficaciam exserere possint; Quia nimirum in *Fermentabili* Mixto, non nisi *unica* simplex portiuncula *congener* præsto est, quæ a pluribus *cras- sioribus*, *Salina*, & simpliciter *terrea*, quasi involuta & *inclusa* tene-  
tur: Præterea etiam horum ipsorum insuper tam *dispar* est *magni- tudo*, ut *oleosum* Corpusculum, longe exilius *aqueo*, (uti summe dis-  
par ratio, *communis* eorundem *mobilitatis*, testatur,) & adhuc longe magis magisque *Salino*, & *terreo*, si vel maxime *applicari* paulo ex-  
quisitius hisce posset, *commovere* secum hæc ipsa non valeat.

Unde, si vel maxime *oleosum* Corpus, in *commissuras*, *juncturas*, & *claustra* veluti, *moleculæ fermentabilis* penetrare posset, non se-  
queretur tamen exinde aliud quidquam, quam ad summum por-  
tionis *congeneris*, *oleosa* in *molecula fermentabili inclusa*, à reliquis *dimotio*, id est simplex *Extractio*.

Cujus contrarium utique contingit per *Aqueum fluidum*, ut-  
pote quod (1) mediante *congenere* suo, cum *Sale Concreti proximum*  
contactum habet; (2) *Propinquum* sane contactum, cum *terreo*, tam  
mediante ipso *Sale*, quam immediate etiam, ratione generalis *ma- gnitudinis*, (3) Propter *motum* magis *immanentem*, tam in genere,  
cum *Olea* longe magis *progressivi* sint Motus: Quam in *Specie*, pro-  
pter *cohesionem* antedictam.

IV. Postrema circumstantia FLUIDI AQUEI, quæ ad Mo-  
tum *Fermentativum* concitandum, veluti directe instruitur, est, quod  
TEPIDUM esse debeat.

Ubi videlicet rem, licet toto die ob oculos versantem, tamen  
à paucis satis pensitatam, monere opus habeo, *Calorem esse pricipu- am Causam fluiditatis*. Licet enim non adeo ignarus sim, ut nesciam,  
quod neque *Spiritus ardens*, neque *Argentum vivum*, à *Frigore* quan-  
tum-



tumcunq; etiam extremo, à Statu *fluiditatis* nequaquam dimoveantur: Monstrant nihilominus levissimæ *Experientia*, quod utique utraq; hæc *liquida*, in gradu *Motus* sui *fluidi*, ab intenso frigore manifestissime impediuntur, & contra, à *Calore* adhibito, præsentissime promoveantur, ut in *Extractionibus* per *Spiritus* ardentes, & *amalgamatione* per *argentum vivum*, etiam in rudes sensus incurrit.

Quemadmodum vero è circumspectiore pensitatione *Physico-mechanica*, admodum probabile est, quod *Calor* nihil aliud sit nisi *specialis Motus* subtilissimorum *Corporum*; Ita cum plerisque omnibus circumstantiis convenire visum est exquisitoribus *Speculatoribus*, quod *Calor* sit *Motus* *Corpusculorum Individualium circa proprium suum centrum*, aut potius *circà suum axem*.

*Proprium axem*, inquam. Quamvis enim dubitem, an multi sint, qui in *Paralogismum* similem prolabi possint, certo tamen & vere asseverare possum, novisse me, qui assertionem de *motu Caloris circa centrum Corporis*, ita intelligunt de *motu circulari*, ac si *Corpus calide* movendum non modo *situati*, sed plane *locali motu*, in *circulum* feratur.

Explicationem mentis ipsorum, ut mire jucundam, adjiciam. *Ætherem*, ajunt, insito & connato *nisu* moveri *linea recta*; Pervadere vero & perrumpere poros, *Corporum*: Hos si *strictiores* offendat, *resilire*. Quia vero *nisu naturali* in *lineam rectam* (illam nempe, è qua modo *resilierit*, semper *antrorsum*) tendat, propterea *relabi* eodem unde modo *resilierit*: Ex hoc *resultu reciproco* fieri *circulum*, omne enim *Corpus resiliens*, describere *circulum* (*arcum* volebant dicere, de *Corporibus crassis*, *aggregatis*, *gravitati obnoxiiis*.) Et sic fit *calor*, juxta horum mentem, qui quidem res suas sibi habeant.

Qui minus *crassos* conceptus amant, describunt *Calorem* per *motum Corporis circa suum axem*, quẽ proinde *motum verticalem*, seu *verticillarem* vocant. Hic *Motus* coincidit cum plerisque *caloris effectibus*, quos in alia *Corpora* edit; quemadmodum *Motus solutorius* quoque sub *generico Schemate* hujusmodi *verticalis* cursus præfiguratur, *lentioris* tamen longe, & minus *repentini*.

Quemadmodum vero hic *Motus*, optime obtingere potest, etiam *Corpori in suo loco manenti*, dum non *locum*, sed *situm* tantum, mutat:

mutat: Ita optime quadrat ad aggregata, quorum *sigillares* particulae non valde sensibilibus *progressive* moventur, seu *loca* sua perpetuo mutant: Quo quidem respectu, *Motus Caloris lenior* seu *segnior*, optime potest efficere ipsam *Fluiditatem*.

Profecto si recte attendimus *generales* illas habitudines mutuas, seu *dependentias*, Motuum, quae in Macrocosmo, contingunt, plurimas *Mixtionum* alterationes *temporarias*, *Caloris* alternantis impulsibus, ita manifesto deberi percipimus, ut quaecunque aliae causae abstrusae, *moventia Hylarchica particularia*, *Spiritus inanimatorum* dictorum Corporum *particulares*, & ante omnia *Nisus*, seu *connata activa* Individualis *vis*, non injuria pro *difficilibus nugis* rude donari queant.

Dico, inquam & paratus sum probare, quod *Caloris motus*, pro motu per *minima Mixtionis*; & *gravitatis Motus*, pro Motibus per *lineas Physicas aggregationis*, sint duo illa certa, & sic satis aperta, *fundamenta*, e quibus *mille phenomena* commode, & manifestis successibus, declarari queant, quibus *particulares insiti Nisus*, *elateres*, *motus* secundum *destinatas lineas*, & similia commenta, sine omni connexione aut conceptu, passim injunguntur.

Pro praesenti nostro negotio, & *Fluiditatis aqueae* promptitudine varianda, adeo utique apertus est *Caloris effectus* & concursus, ut nisi *mediocris* hic, & qualis ad minimum *temperato Autumno*, in nostris Climatibus, esse solet, praesto sit, non nisi *lentissima* fiat *Fermentatio*: *Frigente* vero ad *superficalem levissimam glaciationem* aqua, pure nulla.

Ita nimirum non absoluta *Fluiditas*, neque *Humiditas*, neque *Aquea substantia in se* ad *Fermentationem* sufficiunt; sed requiritur hic certus & veluti determinatus *Fluoris gradus*, qualis ab Autumnali tempore, ex aeris ambitu, in *Aquas* continuatur.

Non quidem, quasi adhuc aliquanto *remissiore*, aut praecipue notabiliter *intensiore*, nulla fiat *Fermentatio*; Cum non modo *strictè* dicta *Fermentatio*, Spirituoso-vinosa, sed etiam *acetosa*, imo & *putrilaginosae* solidiorum, partim possint, partim tanto melius soleant, & quasi debeant quadantenus, *auctiore tepore* perpetrari: Sed propterea maxime, quod sub praedicto *Motus Humidi gradu*, omnes *Fermentationes* partim moderatissime & ordinatissime peragantur, partim



ad *Caloris* sui soliti aut debiti gradum, sponte deinde pertingant, sufficiente interim ipsis hoc impulsus gradu.

Ubi quidem quasi prælibando notamus, quod utique *incallescencia* *fimi*, Hyeme major contingat, non ab ἀντιπεριστάσει, communi sensu sumpta; Nec ab imaginario *Nisu* simpliciter aucto, quasi, quia exitus & liber locus per compactiorem aërem particulis his non concedatur, inde *Nisus* ipsis insitus multis vicibus sese intendat & multiplicet, connata illa *indignatione* contra obstacula *active* luctandi: Sed ab ipsa *multitudine* particularum, in motum hunc eundem successive concitatarum, & sese invicem exagitantium, prout à subtili æthere ipsæ figillatim percussæ sunt.

Ubi nimirum notandum, quod *lineares* quidem directiones motus, à mutuo occurso Corporum, facilius *transmittantur*, aut *interrumpantur*, ut imminutio promptior Motus alterutrius, aut utriusque, emergat: In *motu* vero *verticali*, *circa axem*, seu (*peripherice*) *circulari*, ubi è *puncto*, in *lineam* maxime *obliquam*, aut utrique *circulariter* moto *divergentialem*, fit contactus, liberior contingit *communicatio* motus, sine notabili *decremento*, aut *reflexiva* ipsius consumptione. Quibus *motibus* pro fundamento perpetuo est, quod ipse *æther*, licet vel maxime tunc temporis magis *rectilineo*, quam simul *verticillato*, motu illabens, ipsi tamen his Corpusculis jam *verticillatim* *motis*, allabens, vix eadem in *puncto* Physico ita *concentrice verticali* attingat, ut inde *rectilinearem*, & non potius *verticalem*, vel *proxime*, motum, iisdem afferat.

In quibus omnibus ne justo prolixiores simus, suffecerit hoc monuisse, quod, ut omnis *motus fluidus* aquæ, à *Calore* dependet, ita ejusdem *justa proportio* ad *Fermentativum* Motum, ab hoc eodem impulsore expectanda sit.

Quod quidem, quoad *Praxin* præcipue *Fermentationis*, in differentium Subjectorum tractatione, locum habet ut attendatur; dum videlicet quæ *promptissime* commoventur, *moderatissimo*, & potius *subfrigido* aëris ambitu, quantum possibile, foveri debent, ut *successive* & *equaliter* commotio universa procedat: Contra vero iis, quæ *segniore* mobilitatis existunt, paulo *tepidior* aura immittenda est, ut  
hac

hac ratione defectus *proportionis* ad suscipiendum prompte *motum*, ipsius *Motus gradu* intensiore compensetur.

Omnes itaque hæ *circumstantiæ* concurrunt, ad *Instrumentum* Fermentationis, usui suo idoneum reddendum; *Fluiditate* enim, habet *Motum immanentem*, seu *Intestinum*, *sigillarem*, quo alia Corpora sibi interspersa mutuo *collidere* potest: Deinde *Humiditate*, apprehendit arctius hæ ipsa Corpora, iisque penitus *insinuatur*, quando adhuc in *Aggregatione* hærent: *Specialissima*, vero sua determinatione, qua *Aqua* est, quadrat præcipue ad *Salino-terrea*, Mixti Fermentescientis, *Corpuscula*, ut cum iis pressius *cohære*, eaque adeo secum *distrabere*, & susque deque agitare possit: *Tepore* denique moderatissimo, continetur in *exquisita* motus *proportione* ad debitum *Commotionis Instrumentalis gradum* exercendum, & *Formale* Fermentationis recte atque ordine exequendum.

## Cap. X. AERIS ACCESSUS.

**Q**uantæ utilitatis sit, in re quacunque exacto ordine intelligenda, *Causarum* notitia, & earundem mutuæ dependentiæ ratio, notum maxime est illis, qui *distincte* res percipere cordi habent; Unde aliquorum quidem præjudicium præconceptum mirari subit, qui, cum ipsi hanc doctrinam ex amussi sciant, calleant, & exercent, *vocabulorum* affectato odio, & novarum *inventionum*, vano studio, aliis vocabula hæc dissuadent, rem ipsam vero difficilibus generalibus conceptibus inculcare suscipiunt: Aliquorum vero vanitatem deridere, qui, ut nihil, nisi Centones jocularium experimentorum in cerebro habent, ita connexionum non imperiti modo, sed incurii quoque, imo inimici, videri amant, easque pro re *Scholastica*, *Metaphysica*, venditant, suam vero methodum, pro recentissime Philosophica, *moderna*, *curiosa*, concelebrant, loco demonstrationis methodicæ, ubi aqua hæret, juramentum credulitatis deponere parati.

Sane in nostro quoque, *Fermentationis*, negotio, plurimum



difficultatis, imo perturbationis, dedisse hanc ipsam neglectiorem causarum pensitationem, cuilibet, spero, dilucescet, qui ea, quæ in hunc usque diem de *Fermentatione* prolata sunt, cum veritate *Experientia* exquisitè conciliare laborabit

Inter hæc talia, non postremum sane est *Aëris* commercium, *Fermentationis* *Sucessui* uti quadantenus utile, imo necessarium; Ita tamen ad *Fermentationem absolute*, frustra hinc inde requisitum, & pro *Essentiali* aliqua circumstantia suppositum.

Affirmo sane & assero, quod *Aër liber*, *absolute* ad *Fermentationem*, nullatenus requiratur, sed oriri hæc utique, imo & procedere *aliquantisper* commode, possit, *intercepto* penitus externi aeris concursu.

Ubi videlicet non loquor, *de aere* vas continens *ambiente*, qui utique, *tempore* suo, materiam *Fermentescentem* intus contentam, alterat, quamvis ne hoc ipsum quidem quatenus *aër*, præstet; Sed de *immediato* ipsius *contactu* congressu, *commeatu*, cum hac ipsa materia.

Incipit nimirum, imo procedit etiam, & succedit *Fermentatio*, etiam in *occluso* penitus vase, & pleno penitus; Non vero ita facile & cito pervadit universum latifundium totius, præsertim *copiosioris*, molis fermentandæ.

Non tamen propterea, quod liber *aër accedens* aliquid apponat atque *contribuat* ipsi massæ fermentanti. Sed quod tenuissimæ portiones ipsius materiæ fermentantis, in liberum aerem *exbalent* atque *divaporent*, quæ *retenta*, totam massam *expansione* sua, veluti comprimunt, & liberam *fluiditatis* agilitatem in arctum compingendo, manifesta consuetudina *Fermentationis* aliquandiu quasi occultant.

Exemplar manifestissimum est in *Cerevisia Anglis* maxime familiari, lagenis seu urnis fictilibus includi solita, vulgo *Bottel-bier*, seu *Biere à bouteilles*: Quæ in ipsis his urceis non cessat fermentare, quamvis tunc demum, ubi aperitur obturamentum, uno impetu tota quantitas in Spumam exundet.

Interim habet utique hæc ipsa *admissio* aut *exclusio*, vel sane *moderatio*; aeris *commeantis*, non exiguum usum in *Praxi Fermentationis*: Liquores enim *fermentescentes*, quo liberius cum *aere* externo commu-



communicant, tanto facilius & copiosius, expirant in eundem, & divaporant, tenuissimæ ipsorum portiones, adeo, ut vel *Liquoribus* jamtum *Fermentatis*, si *libero aeri* temere expositi stent, vappescentia illa & obtusio ingruat, daß sie schaal werden/ exhalantibus tenuissimis portionibus *halituosis*, quæ tum odorem acrem & penetrantem formabant, tum *Saporem percellentem*, & *morsicantem*, efficiebant.

Exemplar hujus rei, est *Spiritus Vitrioli volatilis* (quem sane ego primus in copia parare, & didici propria Experientia, & alios docui,) qui odore penetrantissimo, non aliter, quam *vivum Sulphur* accensum, nares ferit; Si vero per pauca momenta in *patulo* aliquo vitro, aut patella, in *aere libero* relinquatur, æstivo præcipue, tepido, exhalante omni acrimonia, nihil nisi insulsum *Phlegma* inde relinquitur. Quod quidem in *Spiritu volatili Nitri*, *Cyanei* coloris, uno quasi ictu oculi contingit: Quando enim hujus v. g. *uncia*, in *capax vitrum Recipiens*, 50. circiter *libras aquæ* capiens, infunditur, *momenti* quasi mora perit *Cyaneus* ille color cœruleus, & *limpida* penitus *diaphaneitas* liquori huic remanet: Exhalans vero *volatilissima* ipsius portio, opplet universam *cavitatem vitrei Recipientis*, ut illa intenso illo *rutilo colore* fulgeat, ac si *Spiritus Nitri* nunc maxime in eundem è *Retorta* pelleretur: Qui quidem *vapor*, adeoque & *color* per tantum tempus ita perdurat, quamdiu *superne obturatum Recipiens* manet: Si vero vel tantilla *rimula* cum *aere externo* commeatum nanciscatur, diffugit in hunc promptissime *universa hæc tenuissima substantia*, & *clarum* inde denuo atque harum rerum *vacuum* evadit *Recipiens*. De *Spiritu* vulgo dicto *fumante*, *Salis*, è *Mercurio Sublimato*, similes sunt effectus, quamvis non omnibus æque *proventus* ipsius respondeat, quantumcunque etiam *simplex* sit ejus præparandi *methodus*, *enchirisi*bus tamen suis *debitis* utique non destituta.

Omnes hi *Spiritus* maxime *volatiles*, non sunt tamen adeo *elastici*, ut simul cum *expansione* sua *volitatoria*, *cavitates* insignes cum *pressione* aliqua expleant, quod quidem *Spirituosa exhalatio Fermentantium Corporum* omni modo facit, cujus rei rationem reddere, difficilius sane fuerit, quam vulgo existimatur.

Ita enim supponi quidem facile potest, quod in *Corporibus*



*Fermentabilibus*, in ipsa nempe illorum *Mixtione*, inclusæ sint *aëris spirule*, quæ, quando *Mixtio* hæc dirimitur, rursus sui juris fiant, adeoque libera hac sua *expansione elastica*, tam grande spatium occupent, quale quid in *Fermentantium* magmatum expirationibus, manifesto fieri observatur.

Nemo enim quisquam negaverit, quod *aër*, *Ignis* impulsu longe promptius è *Mixtione* quacunque dispellatur, simulque longe magis *expandatur*, quam si simpliciter *per se* è qualicunque nexu liberetur, adeoque in *Naturalem* tantum suam *mensuram* extendatur: Jam vero si *Concreta fermentabilia* nudo igne tractentur, nulla ibi penitus occurrunt hujusmodi *aëris contenti* vestigia, quod tamen ex hypothesi fieri oportere, nemo non vider.

Deinde refutat hoc ipsum, etiam à *posteriori* ipsa *Experientia*, siquidem *Vina* è *musto* fieri possunt, cohibito immensum quantum, intenso illo spumescendi & *expandendi* impetu, ubi interim non minus *Fermentatio* succedit, placidius tantum & languidius, interim sine tam notabili tenuissimarum partium exhalatione, unde quidem *vina* hujusmodi, verhaltens *Weine* / dummodo recte tractata fuerint, vel *triplo spirituosiora* & saturatiora sunt illis, quæ cum libero *aëris comœatu* deferbuerunt.

Longe sane vero est similius, quod hæc ipsa *aëri* similis, *elastica* substantia, nihil aliud sit, nisi ipsa portio *pingvis* *Concreti Fermentabilis*, summe extenuata, & à *Mixtione* intimius exsoluta, cum aliquali tamen tenuissimo halitu, seu individualibus particulis, *aque*, in halitum hîc resoluta, quæ quidem assertio, ne etiam ex mera imaginatione nata videatur, sequentibus maxime fundamentis nititur.

*Primo* enim, certissima hoc constat *Experientia*, quod, quo magis substantia hæc cohibetur, eo *Spirituosius* evadat *vinum*; *Spiritus* vero ille *oleosus* subtilissime, ardens, *pingvis*, *Sulphureus*, utique est.

Deinde, testatur udorem ejus, seu *madorem* conjunctum, etiam visibilis Spissitudo, quam, *aëri* reliquo interspersa hæc substantia, oculis sistit, ut revera quasi *nebula* oppletæ appareant cellæ, exhalationibus hujusmodi infectæ, unde neque *Candelas* sine suffo-

suffocatione tolerant, tum etiam manifesto *Sudore*, non tamen ita exacte *fluido*, seu *guttulento*, parietibus cellarum obhærescit.

Confirmatur id etiam, *Tertio*, ex *Symptomatibus*, quibus exhalationes hæc *Animale Corpus* afficiunt, quæ nimirum communia fere sunt *oleosis unguinosis* exhalationibus, quæ è *fumis Pingvium* semiustulatorum, seu candendo exhalantium, nascuntur; Dum nempe caput *vertigine* gravant, *suffocativas* oppletiones pectoris inferunt, imo subinde *apoplectico-suffocativos* effectus edunt: Symptomata exquisitissime Symbolisania cum illis, quæ ab *effluviis* lignorum *ultime exardentium*, oriuntur, & in frigidioribus præcipue *Climatibus* notissima sunt.

Ibi enim, si *Hypocausta* ligno v. g. betulino calefacta sint, & lignum hoc in *prunas* proxime fatiscere incipiat, ubi brevem, *humilem*, & superficiariam tantum *flamam* format, *subcæruleam*; Si sub hoc ligni ardentis statu, furnus ostio suo firmetur, penetrant hæc effluvia, per furni qualescunque rimas, in conclave, & afficiuntur inquilini repentinis *vertiginosis* Symptomatibus, quæ ad graviora prædicta tendunt, nisi mature conclave *pandatur*, & furnus iterum *recludatur*, quo vapores hi undique *dissipari* valeant; Ut de noxiis hujusmodi effectibus, *Carbonariorum halituum*, in locis paulo impeditioribus, vulgo propterea infamium, ulterius prolixi non sumus.

Præterea, *Quarto*, convenit etiam generice cum expansione hujus ejusdem substantiæ *φλογιστὸς elastica*, quæ per *deflagrationem* ipsius flammæam contingit: Ubi sane totus, miraculosus fere, impetus, quem *pulvis pyrius* deflagratione sua præstat, sine omni dubio in *hujus Substantiæ inflammabilis* repentina subtilissima *exsolutione* & *expansione*, consistit, non secus, quam in minore exemplo, eadem expansio in causa est, cur *Corpus flammans*, in *Spatioso* quantumvis, *clauso* cavo, diu ardere non possit, sed mox ab his ipsis sui portionibus ita *expansis*, comprimatur atque suffocetur.

Quibus omnibus, *Quinto*, accedit, quod utique ipsa hæc substantia *Phlogistos*, *flammeo* motu agitata, & è nexu suo soluta, mani-



manifestissima *elasticitate* proxime ad *aërem* accedat, adeoque expeditissime cum ipso commet & veluti partem ipsius mentiatur, quod in *Mixtiones* novas denuo compingatur, & illud ipsum quoque verisimillime *halitus* magis forma, in poros *resiniferarum arborum* illabentis, quam *fluoris* cujuscunque forma, cum *resiniferae* arbores pleræque, omnem *aquositatem* extreme fastidiant, sicut v.g. *pinus*, *abies*, *picea*, in locis puro *Sabulo* scatentibus, crescentes, si observentur, & ex ipsis, in denso nemore subsistentibus, circiter computetur *pondus ramorum*, qui uno anno in *decem* talibus arboribus grandioribus proveniunt, & proportio aliquatenus instituat, cum quantitate, *mensura* & *pondere pluviae*, quæ ad *radices* harum arborum illa æstate pertingere forte potuit, certissimus sum, insignem *proportionis anomaliam* observatum iri.

Ita v.g. anno 1684. toto, in *Thuringie* medietullio, vix *semel* & *leviter* pluit, & id ipsum non nisi per *singulares* camporum *tractus*: Creverunt nihilo secius, & læte sane, si unquam alias, *resiniferae* arbores: Testimonio vel crasso modo manifesto, quod arbores hujusmodi magnam partem nutrimenti sui, *halitus* forma recipiant & retineant: quod inter innumera alia exempla, vel simplici *rosarum* quoque, innotescit. *Rosa* enim *vegeta* & *florida*, si à stipite suo abscindatur, & petiolo suo in aquam optimam, *rosidam*, pluviam, immittatur, flaccescit nihilominus & *marcescit*, paucis horis: Si vero in vas aliquod imponatur, quod *aquæ circumagitatione* humectatum sit, in eoque oblecto relinquitur, aut in vase tecto grandiore, sive labro aquario (einem *Bornständer* /) ita suspendatur, ut aquam ipsam non attingat, sed *halitibus* tantum udis percurratur, manet utique in omnibus hisce locis, non modo floridissima & vegetissima, sed luxuriat penitus, & lascivit, præ nimia humiditatis imbibitione, *halitus* tamen forma insinuata, quod erat demonstrandum.

Ex quibus omnibus abunde innotescit, quod substantia illa, quæ summa sua *mobilitate elastica*, *aërem* mentiatur, nequaquam ita simplex & purus sit *aër*, sed potius *pingvedinis* vegetabilis renuioris *portio*, & quidem *constitutiva*, seu de *Mixtione* ipsa *pingvedinis*, de quo

quo quidem prolixiorē esse, præsens nostrum negotium non tulerit.

Interim quicquid etiam, & cujuscunque demum generis, sit, certum omni modo est, quod non sit aliquid de *externo aëre*, in *Massam Fermentantem*, sub ipso hoc illius *Motu Fermentativo*, illabens, penetrans, ipsam *perrepens*, aut quocunque modo *agitationem* ipsius, ita *extrinsecus*, vel *provocans*, vel *promovens*.

*Absolute* nimirum, & eo sensu, ac si ad *Fermentationem* ita *inevitabiliter* requireretur, ut de *Essentia* ipsius existeret; Interim *promotionem* qualemcunque *Successus*, ratione *impetus*, & brevitas totius *durationis*, præstat utique; Non tamen ut *externus aër* in genere. Si enim in vase tali, spatium relinquatur, & *aër* crassus, qui hoc primitus, de ambiente, explet, per *antliam* inde extrahatur, non oritur inde minus *Fermentatio*, & coorta semel, explet facile *Spatium* hoc, halitibus adeo *elasticis*, ut, nisi valde bene firmitum sit ipsum vas, & præterea spatium hoc, in proportionē sic satis exiguum, rumpendo vasi pares denique evadant.

Testimonium de rebus hisce, maxime dicere possunt illi, qui enchirisin, *Vinorum fermentationem per compressionem coercendi*, in Praxin deducere periti sunt.

Pro conclusione hujus capituli, & pro majori confirmatione, quod *halitus* illi *elastici*, qui è *fermentatione vini* emergunt, *pingvis* sint indolis, adjicio illam observationem, quod *fermentativa* illa *ebullitio*, plurimum hujus *elasticæ* materiæ dissipans, notabiliter infringatur, adeoque *exhalationum* hujusmodi impetui, obex veluti ponatur, si *pingvedo* aliqua fluida, *oleum olivarum*, *amygdalarum*, imo ipse *Spiritus vini*, proportionata quantitate, *superficie* horum *fermentantium* liquorum ita affundatur, ut eandem universam contegat; qua nimirum ratione, emergentes illas *halituosas* portiones, partim imbibit, partim denuo in *massam* relabi facit, dum copiosæ hujusmodi *bullule*, simulatque *pingvedines* tales *fluidas* attingunt, etiam antequam in *liberum* ambientem *aërem* percurrant, statim diffiliunt, & veluti *disparent*, unde vel hac sola Enchirisi, aliqui è *musto* suo, *saturatius*, *dulcius* & *fortius* vinum, obtinent.



Cap. XI.

MOTUS COLLISORIVS, ET ATTENUATORIVS.

**D**iximus haëtenus varia, de *Motu Fluidi*, de *cohesionè Humidi*, cum aliis Corporibus, & in specie *aquei cum Salino-terreis*; de gradu etiam *Motus* hujusmodi intensiore, aut remissiore, pro *caloris* ambientis diversitate: denique etiam de *aëris liberè* concursu, quatenus *fermentativæ* exhalationes, libere in eundem divaporantes, perpetuis successibus prævalescunt, & latifundium reliquum humoris tanto magis commovent, quo velocius per illud volvantur.

Transimus ad ipsum *Effectum*, *Motum* nempe, qui *moleculis fermentabilibus*, per hæc instrumenta conciliatur. Diximus, quod sit partim *collisorius*, partim *attenuatorius*; Mutuis nempe Successibus, dum ex ipsa *collisione* frequentiore, tandem *divulsio*, & ita major *Subtilitas* seu tenuitas, succedit.

Seponendum hic ante omnia est *tritissimum* illud *præjudicium*, quasi sub actu *Fermentationis*, aquea moles *Fermentationi* adhibita, magis *intense* moveatur, quam per se ipsam, & *propria* sua *fluiditate*; Quemadmodum enim *à priori* hoc neutiquam adumbrari, nedum probari potest: Ita *à posteriori*, crassissimus sane conceptus esset, *effervescentiam*, quæ sub *fermentationibus* vegetioribus accidit, pro *Motu Individuali* aqueorum *Corpusculorum* universim venditare, seu statuere, quod per & propter *emergionem* illarum paucissimarum *bullularum*, innumerabiles reliquæ *pure aqueæ* particulae, solito magis impellantur: Aut, qui merito adhuc crassior, censetur conceptus, arbitrari, quod *Motus* ille, quo *bullulae* tales visibiliter ex imo in summum emergunt, *velocior* sit, *Motu fluiditatis* in genere, cum sine dubio hic innumeris vicibus istum *velocitate* antecedit.

Tenendum potius ex ratione ipsa, contrarium, quod nimirum *singula illæ particula aquea*, quæ actu *moleculam fermentabilem* arripuerunt, eique applicitæ sunt, hujus cohæsione *prægraventur*, ut revera *minori* impetu, quam *libera* solent, agitentur.

Intendente interim qualicunque *Caloris* externi gradu, *earundem* cursum, feruntur utique susque deque, in reliquo ab onere *vacuarum* & vacantium latifundio, & rapiunt secum *particulas* illas, quæ modo ipsis connexæ hærent.

Hæ, dum ita sibi mutuo, aliæ aliis, perpetuo occurfu, *aliduntur*, imo & *libera* atque *vacuæ aquea* particulae, ex altero latere, tali paulo segnius moto *Corpusculo*, *composito, fermentabili*, insultant, & hæ *collisiones* mutuæ, *innumerabilibus* quasi vicibus reiterantur, *distruduntur* denique & *divelluntur* portiones illæ, quæ *Mixti Fermentabilis* moleculam constituunt.

Divulsæ semel, cum non facile *idem*, seu *simile specie* corpusculum, a quo modo avulsæ fuerunt, denuo offendant, intercedente tanto magis, ipso magis magisque liberiore *Motu*, prout *particula* quælibet *aquea*, quæ modo tres connexas particulas simul movebat, jam *excussa una*, reliquas *duas* tanto expeditius utique & intensius agitat: *Crescit* inde utique magis magisque sensibilis illa *intestina* agitatio, licet *supremus* etiam ipsius *gradus*, in *fluidis* certe magmatibus, adhuc à *pure aquea fluiditate*, plurimum abludat.

Ubi nimirum denuo, non possum non monere, quod in *fluidioribus* fermentescentibus, quæ non *crassas satis, terreo-pingves copiosas* habent partes, nequaquam ullus sub Fermentatione nascatur calor; & mera imaginaria, *Experientia* contraria, fit suppositio, quasi in *omni Fermentatione*, spontanea *intestina incalescentia* oriatur: Cum non nisi in *crassis terreis compositis* hoc contingat, & pauciore, longe *tenui pingvedine* instructis, copiosiore vero *crassa bituminosa*, ipsi *densæ substantiæ* firmiter intexta.

*Colliduntur* itaque hoc modo moleculæ illæ ex *Sale, terra subtili, & oleo seu pingvedine* compositæ & connexæ, tum inter se *invicem*, tum cum *aqueis* vacuis particulis, & *divelluntur* his in cursibus, id est, dum *allisus* vehemens in aliquod *latus* hujus compositi contingit, qui *Motui* ex altero latere fieri, longe antecellit, facillime fit *commisura*



diremtio. v.g. Sit Corpus, ex tribus minoribus per exquisitas superficies contigu-  
is, A. B. C. ut A. sit Hæmisphericum. B. Cyliindroides: C. Conicum, Incumbat. A.  
Corpori B. in (a) C. eidem Corpori B. in b.

Fiat Motus contra hoc Corpus, per Corpus Sphæricum, quod non nisi in  
uno puncto, ratione contactus, in linea vero, una ratione Motus, attin-  
get.

Si hic contactus Corpori A. obtingat exquiste, & directa linea,  
in a. dimovebit hoc à reliquis: quod idem fiet Corpori C. si attingatur  
in b.

Si vero contactus hic fiat, in linea quacunque alia, sive concentrica, inter  
b. & quadrantem Sphære, ad centrum directe factò occurso; Sive eccentrica paral-  
lela ad b. aut inter angulos b. & quadrantem oppositum: Nequaquam inde dimo-  
vebitur A. à reliquis, sed tudentur hæc per A. ut pro uno, tanquam continuum,  
moveantur, & quidem motu tanto magis verticali (& qui se ad C. ut ad axem,  
habeat) quo magis impulsus concentrice cum b. angulo, contactus lineæ opposito, fa-  
ctus est: Simul vero quadantenus progressive, quo magis contactus concentrice cum  
Centro A. vel parallele inter Centra A. & B. obtingit.

Et hæc omnia, si contactus nullus, nisi in dictis locis fiat, recte, & ordine  
dicto, ita fiunt.

Si vero pluribus locis fiant contactus numero plures, variat effectus. Ubi  
quidem in genere ex contactibus parallelis, ad hætenus dictos, fiunt motus progres-  
sivi totius, quo magis unus horum acuto angulo ad centrum B. tanquam commune  
horum trium factus sit.

Neque quidem è contactibus pluribus quantumcunque divergentibus, inter  
centrum B. & alterutram extremitatem factis, aliud quid facile fieri potest,  
quam vel verticillaris ad Centrum B. vel simul quadantenus progressivus, Mo-  
tus.

Si vero plures contactus fiant, quorum unus in quocunque puncto quadran-  
tis A. alius in quocunque puncto, ejusdem lateris, inter Centrum B. & C. incidat,  
obtingit inde facile diremtio B. ab A. in b. præcipue prout unus horum Motuum alte-  
ro fortior fuerit, &c. &c.

Cujus contrarium contingit, si hi diversi contactus in oppositis lateribus fi-  
ant, ubi è modo datis impulsibus, potius nuda circularis commotio Corporis totius  
trimembris obtingeret, quam partis alicujus ex ipso dimotio, &c. &c.

Similia his, obtingunt etiam in fermentabilibus nostris  
Corpusculis, cujuscunque demum sint figuræ; Constant hæc  
quoque, è numero pluribus ejusmodi Corpusculis, terreo (i. e. fi-  
gura aggregative solidescentis, numero non uno) Salino (i. e. terreo, fi-  
gura

gurae solidescantis, numero forte uno, & aqueo numero forte non uno:) Oleoso, id est, terreo valde subtrili, & ad elasticum motum configurato, (ut nimirum si inter alia Corpora; cessilia, fluide aggregata, moveatur, magnum inter hac spatium dimoveat, quale quid facit v. g. Corpus oblongum, si ratione centri longitudinis suae, circulariter moveatur) & aqueo forte uno.

Corpuscula hæc non æque in rotundum, sed in longum, aut longum & latum, coagmentata esse in Mixtionem suam, probat facilis solidescencia, seu siccescentia consistentia, fermentabilium; Tali vero coagmentationi, accidere facile supra memoratos casus Motuum, naturalis consequentia est: Ex talibus vero Motibus, nasci, partim dissolutionem fluidam ex aggregato, partim Motum calidum in Individuo, partim, fortuito inæqualitate contactus, collisorium in congregato, seu aggregato heterogeneo, partim, & ex hoc maxime ultimo, divulsorium seu disturbatorium cohæsionis constitutarum, Mechanica consequentia obvia & indubitabilis existit; Quod erat demonstrandum.

Hæc de collisorio & divulsorio Motu. Attenuatorium Motum antequam expediam, præmonenda sunt quæpiam.

Primo, nequaquam statuo, aut ullam ejus opinionis necessitatem video, quasi corpuscula Physica, mathematice, & solo, abstractivo, vel concretivo, Motu, dividi, vel soleant, vel possint. Unde omnis detritio, secundum nudam figuram & lineam Motus & appulsi allisi Corporis, videtur mihi inutilis fictio, ut nuspiam a posteriori conceptu necessaria, ita tanto magis à priori supervacua, & non nisi cum gratuita præsuppositione absolutarum quarundam conditionum difficulter concipienda.

Secundo, statuo, è Physico-Chymicis, tam Zymotechnicis, quam Halotechnicis, & Pyrotechnicis, Experimentis solidissimis, quod differentia inter terrea Individua maxime interfit (1) ratione figuræ magis vel minus aggregabilis: (2) ratione mobilitatis, ex hac ipsa forte figura resultantis, (3) ratione actualis absolutæ Individualitatis, seu numericæ simplicitatis, aut frequentissime nascentis, numericæ societatis, è qua difficilius dimoveri, non, nisi cum interpositione quadam, dimota servari seu distineri, facillime vero, si nihil interponatur,



denuo in *numericam* talem *societatem*, seu *aggregatum* exile *firmum* *homogeneum*, complicari queant.

*Tertio*, statuo, quod *Motus* paulo *intensior*, ut *Motus*, non magis faciat ad *dimovendas* tales, *homogeneæ* aggregationis moleculas, quam ad *commovendas*; & ipso *motu* hoc facilius, sub mutuo *occurſu*, *complicandas*, neque, nisi ubi valde excreverunt hac complicatione, dimittendas.

*Quarto*, quod utique ubi *dimotæ* semel sunt particulae, five ex *aggregatione*, five è *Compositione*, donec rursus *complicentur*, longe *intensius* moveantur, *singula*, ab eodem *movente*, quod hucusque *aggregatas* & *compositas* movere potuit.

*Quinto*, quod si ipsum *movens*, ejus sit generis, ut *dimotis* *Corpusculis* facile *interponi* possit, fieri inde *attenuationem* materiae *dimotæ* *constantior*, ut perenniter, aut sane *diutius*, per *sigillares* minores particulas moveantur.

*Sexto*, maxime *Phyſicam* denique, & *sensibus* omnibus *comprehensibilem*, esse *attenuationem*, si è *composito* aliquo, (quod è *crassioribus* & *tenuioribus* rebus, invicem *complicatis*, constat) *crassiores* separentur, & *tenuiores* segregatae detineantur: Quantumvis hæc *attenuatio* non *absoluta* tunc, sed *respectiva* tantum, existat, neque de partibus illis tenuibus, sed de *Statu* *compositionis*, dicatur.

Secundum hæc regulas, procedit tum *attenuatio* *Fermentatoria*, tum *combinatio* seu *complicatio*. *Attenuatio* nascitur, tum ex *divulsione* *pristinæ* *cohæſionis*, tum ex *interpositione* alius materiae, inter corpuscula ita *divulsa*, ne temere iterum coire possint. *Complicatio*, fit partim ex *proportione* *nova* *magnitudinis*, & inde *mobilitatis*, dum *divulsa* particulae, quæ prius in *majusculam* molem *coagmentatae* fuerant, jam seorsim & *sigillatim*, longe magis & *equaliter* *mobiles* sunt, adeoque à valde *motis* aliis, per *figura* quoque *convenientiam* applicatis, facile una rapiuntur: partim ex ipsa *ratione* *figurae*, quæ sub *lterioribus* *lateribus* & *acutioribus* *angulis*, ad *arctam* *conjunctionem* aptior est, in cujus *commiſſuras* non ita facile aliud quicquam penetrare possit, & *ratione* *centri*, tum *proprii*, tum deinde *communis*, inter *motus* è pluribus *lineis*, minus ad *centrum* *dirigendis*, minus *prompta* *dimotio* obtingat.



Contingunt vero hæc omnia in actu *Fermentationis*; Arripit hinc particula *aquea*, Corpusculum *Fermentabile*, & quidem maxime in latere *Salino*; Distrabit hanc primo ex aggregatione: Fert secum susque deque, in reliquo latifundio, ubi plures, & quidem innumerabiles, aliæ, eodem modo motæ, ipsi reciproce alliduntur: Nec minus totidem aut plures, liberae, valde & velociter agitatae, aqueæ: Ab his irregularibus & innumerabilibus insultibus, excutuntur denique particulae quæ antea cohaeserant, & separantur, maxime quidem à *Salina* portione, quam firmitus detinet, & vegetius agit, ipsa aqua.

Separantur vero primo omnium, pingues, quæ proinde partim odore subtilissimo & penetrantissimo nares feriunt, partim invisibiliter & insensibiliter in aërem liberum exhalant; Partim vero superficiei aquosi liquoris innatantes, primo quidem cuticulam tenuissimam nitidam formant, quæ vero successive à terreis particulis, similiter detruis, & huic cuticulae jam ex parte interspersis, obfuscatur, densatur, & spissescit, ut vel ad fundum decidat, (maxime si *Motus fermentativus* in actuales bullas copiosas effervescat) vel accedente majore quantitate utriusque substantiæ, pinguis & terrea, & concurrente ibi præcipue aëris Motu separativo partim separatione, partim intimiore complicatione, putredinosa fermentatio accadat, quæ per situm, pilos, pulverulentiam, superne; mucescentiam vero ubi aquam attingit, inferne, in novas Phases, transformat seu transponit particulas.

Quemadmodum vero modus horum divulgiorum, &, per frequentem occursum, denuo complicatiorum Motuum, conceptui sic satis luculentus esse potest; Ita dicenda sunt adhuc aliqua de Subiecto maxime, attenuationis, & ordinatae novæ complicationis, & forma utriusque, seu quidnam ex utrisque fiat.

## Cap. XII.

# SALIUM ET SPIRITUUM FERMENTALIS GENESIS.

**S**Alia, quæ ex actu *Fermentationis* exeunt, duplicis generis seu geneleos esse, certo statuo; Alia, quæ ipsi Mixto seu Composito *Fermentabili*, actu, formaliter, inextiterunt, antequam Fer-

men-



*mentationi* subjicitur: *Alia*, quæ ipsa demum *Fermentatione* producuntur.

*Prioris* generis, sunt *Salia acida*, Nitroso-Vitriolicæ (seu *acidi Universalis*) profapiæ, quæ in *Vegetabili* regno abundant: Et *Salsedo*, *Sali communi* seu *marino* similis, in Regno *Animali*.

*Posterioris*, sunt *Salia volatilia Urinosa* in utroque regno, *Animali* & *Vegetabili*, per *Fermentationem* in genere (sub qua *Putrefactio* quoque stat) producta; Et ipsius quoque *acide Salsedinis* aliquanto major, in *Vegetabilibus* Fermentatis, proventus.

De *priorum* præsentia, dictum jam superius, ubi notatum, quod variis modis deprehendantur, in Regno quidem *Vegetabili*; nempe partim ex ipso *Sapore* Fermentabilium, & *portionum* super quas crescunt, *petiolorum*, *ramorum*, *lignorum*; Imo ipsorummet *in se* *Sapore*, antequam *maturescunt*: Partim ex *tractatione* per ignem nudum.

De *Animali* quidem Regno, nihil ibidem magnopere dictum; Unde hic dicendum, quod *Animalium* partes, quando *sua Fermentationi*, nimirum *putredini*, exponuntur: in *prima* sua dissolutione *Fermentativa*, *resolutoria* magis, quam *combinatoria*. *Salsedinem* illam actualem, *Sali communi* æmulam, exhibeant, unde vel *culinis* notum exemplum, quod decocta carniū *salsescant*, daß die Fleisch-Brühen erſauern / etiam nullo adhuc penitus adverso *Sapore* aut *odore*, *putredinoso*, concurrente.

Quando vero progreditur ulterius *Fermentativus* motus, tunc demum fit intimior *combinatio*, *acidi* hujus cum *oleoso* principio, & ex utrorumque unitione, nascitur *Sal Urinosum volatile*, ex utroque hoc suo principio proinde, *Mercurio*, & *portioni* ejus, quæ in *Metallis* quasi *formam* constituit, valde cognatum & amicum.

Monstrat hanc *Urinosorum* hujusmodi genesin, exemplar manifestissimum *Urinæ*. In hac inesse *Sal* actuale, *Culinari* simile, etiam apud *Animalia*, quæ *actuale* *Sal* *culinare* non comedunt, monstrat inspissatio, & *Crystallisatio* *Urinæ*: Quamvis ne quidem hujus negotii intersit, an ex assumptione, aut aliunde, *Sal* hoc in *Urinam* pervenerit.

Quando jam *Urina* *Sal* hoc, & *pinguedine* simul, *mucori* qualicun-

cunque intexta, foeta, putredini committitur, perit quidem omnis *Salsedo* semi fixa, *culinari* similis, quæ prius manifesto inerat: Prodit vero, sola exhalatione, & lenissimo calore, *Sal Urinosum* satis copiosum, *fluidum* quidem in Urina sibi relicta, facile vero sese exerens non modo *odore*, sed & *effervescentia* cum acidis, & *coalitu* cum his in *siccam consistentiam*, *solutione Veneris*, & sub debitis *enchirifibus*, *solida Salina consistentia* propria: Et hoc quidem jam prodit, quod prius non inerat, nisi vel *Ignis* subagitatione præsentissima misceretur, vel *Calcis vivæ* subtilissimæ *volatilis* substantiæ, additione generaretur.

Est vero omne *Sal*, nihil aliud, nisi *subtilis* quædam *terra*, ejus proportionis, ut cum particulis *aqueis* intime complicari, & cum his *pro uno* individuo seu *indiviso*, moveri queat.

Interim ratione *subtilitatis* hujus *terræ*, notandum, quod in diversis *Salibus* ita dispar esse possit, ut in aliis plane *Individualis* tenuitatis, & *numero unicum* Individuum, in aliis *duo*, quin *plura* numero, hujus generis, *terrea*, *Corpuscula*, præsto sint; *Terrea* enim individua, cum ad *complicationem* aggregativam, *primo* & summe proclivia existant, *complicantur* non modo facile in *unam* moleculam, sed manent etiam, in hac ipsa *complicatione*, facillime ita firmiter *conjuncta*, ut non nisi successivis *longis* & *numerosis* collisionibus, *dirimantur*, & præsentissima *interpositione* alius, *aqueæ* præcipue, aut *pinguis* substantiæ, à nova *complicatione* mutua *distineantur*.

Est vero hujusmodi *Motus*, ipse maxime *Fermentatorius*, qui in *numerabili* frequentia repetitis insultibus, *conquassationi* seu *dimotioni* & *aqua* necessaria præsentia, *interpositioni*, adeoque constanti *dirermtioni*, aptissimus est; quo ipso deinceps, vel *ejusdem speciei*, quæ antea inerat, *copiosius* tantum, *Sal* emergit: vel plane *novæ speciei*, *interpositione* aliarum quoque partium, exoritur.

Sunt præcipua hujus generis *Salia*, ipsa *volatilia alcalica*, seu *Urinosæ*. Quorum pars sub communi *strictius* dicta *fermentatione*, inchoatur, pars vero sub ipsa *Putrefactione* *strictius* dicta, perficitur.

Ubi in genere notandum, quod nusquam ullius *proprie* dicendi *alcalici* Salis, neque *fixi* nimirum, neque *volatilis* genesis, contingat, nisi ex aliquo *Subjecto* in quo actualis *pinguedo* notorie præsto sit;



*Spisfior* quidem illa maxime, *resinosa*, & *mucagini* manifesto quoque præfenti, affociata: Utrorumque vero intimior *complicatio*, per *Motus intestinos* velociffimos & subtiliffimos, perfici debeat, nimirum vel per *Ignem*, vel per *Fermentationem*.

Unde in *Fermentantibus* quidem, præcipue *Vino*, ipsæ sic dictæ *fæces*, magma sunt summe *mucidum*, simulque *Salino-* (*Tartareo*) *limosum*, & manifestissima proba, simplicis destillationis per *Ignem* nudum, valde *pingue*. Ex hoc magmate, nulla, sine *Ignem*, arte demonstrari potest ullum *Sal urinosum volatile*, sed potius *acidum*, *Tartareum*, quod cum isto, ita seorsim subsistere non posset: aut si illud *volatile*, *acido* simili conjunctum jam & saturatum esset, facillime in *aqua* solubile, adeoque cum hac educibile existeret, quod nullo modo contingit.

Ita enim, si *Spiritus* quicunque *Urinosus*, præcipue hic ipse è *fæcibus* hisce paratus, *Tartaro* crudo misceatur, coit quidem cum hoc facillime & promptissime, in *Sal tertium*, *Subamarum*, & quasi *Salsum*, sed valde solubile in qualibet aquositate: Unde si in ipsis *fæcibus* tale *Sal* præsto esset, *solutum* utique, in ipso superstante *Vino*, occurrere deberet, quod non fit.

Est interim hæc ipsa *fæcum* harum *Mixtio*, ita proxime ad eximiam illam *intimiorum complicationem* unita, ut accedente *Ignem*, actu contingat unio illa adhuc *intimior*; Dum videlicet ipse *Motus igneus*, in hujus generis materia, quæ *pinguedinem* pro intimiore *mixtione* assumit, optimum est *instrumentum* *Mixtionis præsentaneum*: Non secus, quam *aer*, sine *Ignem*, est dissolvendæ & transponendæ *Mixtionis pinguedinosæ* *Chronicum*, seu diutinum, & *successive* agens, *Instrumentum*.

Unde ex omnibus illis *Mixtis* seu *Compositis*, e quibus *Ignem* nudo propellitur, seu *miscetur* potius, *Sal urinosum volatile*, ex iisdem producit illud ipsum, *fermentatione putredinosa*, in quam unice & proxime proclivia sunt, sola *fuligine* excepta, quæ tamen interiim geneleos hujusmodi *Salis volatilis Urinosi*, non minus luculentum est exemplar, ex parte concurrentis *pinguedinosi* principii, quam ullum aliud.

Non licet, neque vacat, hic, è *Zymotechnie* limitibus, evagari



ri in *Pyrotechnia* officinas, ubi alias non paucis demonstrationibus confirmari posset, genesis potius seu *productio*, per *Motum Ignis*, *Salium* horum, quam mera *eductio*, ubi *formaliter* jam insedissent. Ita enim satis notorium est, quod e nulla parte *animalis*, imo ne ex ipsa quidem *Urina*, nondum *putrefacta*, sed vere *recentissima*, & *sana*, per *Ignem* prolici possit ullum *Salis volatilis* granulum, nisi *postremo loco*, ubi jam *Phlegma*, *oleum* tenuius, & *Spissius Empyrematicum*, prodierunt; Ubi demum actuali *incandescencia* & quidem *continuata*, provenit *Sal volatile* quod imposterum nulla enchirisi, cum ullo alio Corpore ita uniri potest, ut iterum, *solo igne* concurrente, *ultimo loco* prodeat, sed semper *ante omnes* quascunque alias materias admixtas, procedit, aut cum iisdem *connexum* residet, neque, nisi per *additamentum* aliquod, ab ipsis avelli potest, ut in propria sua natiua *volatilitate* denuo prodeat, primo loco.

Imo posset, ex eadem *Pyrotechnica* *Experientia*, monstrari, quod *Sal volatile Urinosum*, cum *Nitro*, speciem *deflagrationis* subeat, & inde, imposterum nullum *Salis Urinosi* effectum, vel *Schema*, amplius exhibeat: Nec minus ex *Halotechnia*, quod *Sal Volatile Urinosum*, cum *Calce viva* ( quæ intimius *Mixtionem* ejus dissolvit, & *pinguedinem* præcipue ipsius abripit, ) plane è *Mixtione* sua disturbetur, & quasi *mortificetur*: Sed non licet nimis prolixè talia ab una officina in aliam transferre, cum jam antea opus nobis sub manibus increseat.

Suffecerit allegata *Experimenta* nostri fori annotasse, quod nempe partim *Compositio*, propius propiusque ipsa *Formentatione* disponatur, ut, *volatilia* præcipue, *Salia* inde formentur; partim actu ipsa *Fermentationis* continuatione, transitus actualis ad plenariam ipsorum *genesin*, perfecte perpetretur. Ita enim e *musto* congregantur *faces*, quæ nudo *Ignem* primo *Spiritum*, ( ex *vino*, quod adhuc in ipsis latuit; *expressæ* enim per prælum, & exsiccatæ *feces*, si vel maxime simplex aqua reaffundatur, & inde destillantur, ne hilum præbent ) deinde *Phlegma*, denique *oleum*, ultimo *Sal volatile* præbent. Si vero hæ eadem *faces*, cum pauca aqua, aut ubi adhuc *humidæ* sunt, in occluso *per se* putrescant, nascitur ibi quoque tale *Sal*, quod solo balnei calore, ante *Phlegma* & *oleum* emigrat,



licet hic quidem in soluta magis forma, ægrius ad ficcitatem per se tendente.

Quemadmodum vero ex hoc, & similibus exemplis *vegetabilibus*, *putredinosa Halogenaseos*, liquido patet, quod utique *nova* penitus, neque, sub hoc *Schemate*, uspiam alias in mundo reperibilis, *Salis* species producat; Nisi quod e congenere materia, non valde dispari modo, in *Fuligine* etiam hæc eadem dispositio perficiatur: Ita tanto magis liquet hoc, e plerisque *Animalium* partibus, in quibus ne quidem vestigium actualis *Salis* ulla arte probari potest; & tamen tale ipsum *Sal volatile*, partim *Ignis* subita agitatione, ibidem confirmatur, partim paulo longiore subactione *Putredinis*, idem penitus obtinetur.

Ex his ipsis, & præcipue *Animalibus*, exemplis, dispalescit omni modo, quod non modo *Urinosum*, sed in genere *Sal*, longa agitatione nascatur, ex *terrea* subtiliata substantia, & *pinguedine* hoc loco, i. e. *aquoso* corpusculo, juncto cum *elastico*, tenuiter *terreo* seu *solidescente*, (*propria specifica qualitas figura & magnitudinis*, non potest exprimi:) Unde omni modo *aquosum*, sub *pinguedine* jam hærens, ad *Sal* hoc, ut *Sal*, concurrere debet; quemadmodum *pinguedinis* pars, quæ *pinguedo* est, ad *formale* ipsius, ut *Urinosum* fiat, concurrat: unde ablato hoc, quo *Urinosum* est, facilis est transitus ad *Salis* *universalioris*, puri *acidis* actualis, statum: sed magis ordinarie per *Medium* Statum, nempe *Nitrosum*. Sed manum de tabula.

Sicuti vero hîc, magis manifesto *producit* demum *Sal*, ut *Sal*; Ita in illis quoque *Concretis*, stricte *fermentabilibus*, quibus *actuale Sal* inexistere supra monuimus, ipso *Fermentationis* actu, *plus* talis ejusdem *Salis*, quale jam inerat, *produci*, non dubitamus.

Ut enim taceamus, quod admodum verisimiliter, ne in ipsum quidem hoc compositum, v. g. *Uvam*, illud ipsum *Sal*, ita immediate, ut jam *Sal*, collectum sit, sed ibi quoque, quasi *Fermentatiua* hujusmodi combinatione, sensim *generatum*; Confirmat hoc satis ipsa hujusmodi *fructuum*, *Uvarum* præcipue, plantatio & nativitas, e terris maxime *absorbentibus*, ut, si cum madore *rosido* pluvix, *Sal* *actuale* radici offerri deberet, millies prius in terra illa, per quam, ad radicem penetrare debet, obhæresceret & interciperetur: Nisi

supra



supra nobis notata *halituoſa* imbibitio & inſinuatio *Salium* huiusmodi, imo omnis generis halituum, maxime attendatur.

Non poteſt interim, ne hæc quidem *halituoſa* inſinuatio ſatis facere, neque conjuncta cum eadem imbibitio *Salfedinis actualis* cum *humiditate*, dum v.g. in jugeribus aliquot *Vinae*, menſe uno, & ſæpe pauciſſima delapſa pluvia, tantum *uvæ*, tunc temporis, ſub immaturitate, *acidiffimarum*, naſcitur, ut tantumdem *Salis actualis* in millecupla quantitate pluviae, quæ forte, tunc temporis, illas *vineas* attigit, a nemine cum ratione ſupponi poſſit.

Quod ipſum, uti protoplaſcos *Salina* huiusmodi exemplar eſſe poteſt, ita non diffitemur, ex hoc ipſo, potius per identitatem probabilem ſucceſſus, quam per ullam nobis hætenus notam evidentiore certitudinem, adſtrui, quod utique etiam ſub *Fermentatione*, adhuc plus *Salis acidii*, formari & generari poſſit.

Maximam vero penitus quantitatem *Salfedinis*, *acidii* illius, quæ per *Fermentationem* tam in *Vino*, quam *aceto*, manifeſtatur, ſine omni dubitatione, *actu* jam *inextitiffe* compoſito, & *liberari* ſaltem iterum, atque a partibus *terreis* obtundentibus, & *pinguibus* obviſcantibus, expediri omni modo conſentimus, imo clarius forte, quam quicumque hætenus, demonſtrare valemus.

Certe enim *aciditas* illa quaſi purior, præſto eſt in *immaturis* ſuculentis omnibus, quæ, ſi *igne* examinentur, parum admodum exhibent, illo tempore, *pinguedinis*; Ubi *dulcia* facta ſunt, præbent huius longe plus, eidem examini ſubjecta: Perit denuo maxima huius portio, quando *Fermentatione* ad medium tantum, *vinofiſtatis*, ſtatum, pervenerunt: Quæ contra abundantiffima inveniuntur, in *ſecibus*, *Fermentatione* ipſa, e Compoſitione dejectis.

Unde quidem, tam *Vina*, quam *aceta*, quo clariora & tenuiora viſui ſunt, eo *durabilia* penitus exiſtunt, licet de cætero ſatis *Salini*, morſicantis & penetrantis, ſint Saporis; Quæ vero paulo *crasſiora* apparent, cujuſmodi fere ſunt *Thuringica* gentilia, (*ſci-miſch*) illa, tam per *pinguedinem*, quam *copioſiſſimam* continent, quam *mucaginem*, hac ipſa *pinguedine* ſuſtentatam, facillime *muſcant*, werden ſchwer / ut digito intincto, quaſi in mucidum filamentum, guttæ trahi poſſint: Quod tanto certius & promptiſſime



contingit, quando ineunte vere, paulo diutius quam par est, super *faeces* suas, per hyemem depositas, *nova vina* relinquuntur.

Quod tanto manifestius in *aceto* contingit, si tale in *Vitrum* vel *ampullam*, multa *face* collectanea *imbutam*, colligatur: Unde, accedente præcipue paulo intensiore tepore, & dato spatio ad exhalandum, paulo tempore *mucescit*, & *acorem* suum denuo deponit, qui nempe perit, particulis *acidis* in *terreo-pinguem* substantiam *fæcum* impactis, unde nova *muciditas*, quæ sensim in *Cuticulam* *Spissam*, cito tamen invalescentem, compingitur, adeoque omnis *Sapor salinus acidus*, e tota massa, paulo tempore amittitur.

Ubi nempe *acor* præcedens, nascebatur ab exoneratione *terreo-pingvium*, saturantium & obtundentium, particularum; quæ copiose secedentes e *musto*, *vinum* relinquebant, liquorem videlicet satis manifesto *salsum*: Ex ipso vino, adhuc satis notabili quantitate successive emigrantes, relinquunt liquorem manifestissime *acidum*, *acetum*: Quod quidem cum pristino, liberiore, & quasi primigenio *acore*, qui in *uvvis immaturis* præsto est, plurimum convenit: Quando vero sub longiore *mora*, *acida* hæc *Salsedo*, denuo in *terram* illam, non ita dudum dimissam, impingitur, *oleositas* vero, seu *pinguedo*, conjuncta, nova hac concretionem, adhuc magis *extenditur*, aut *transpositione* quadam, novo huic concremento inducitur, perit ibi omnis *Sapor*, imo pleraque omnis *salsedo*.

Si verum æstimare velimus, contingit hoc ipso actu, magis plenaria *dissolutio Salsedinis* quoque ipsius, quam qualiscunque nuda nova *imbibitio*, *transpositio*, aut quicquid aliud nominetur. Unde etiam revera ipsa *putredo*, est actus ille, quo omnia in *terream* substantiam, *excussa Salsedinis* omnis *Mixtione*, denuo reducuntur.

Quemadmodum vero *Salina* geneses, hoc modo sub *Fermentationis* actu contingunt, & quidem præter *liberationem* *Salis* jam existentis, *multiplicatio* quantitatis huius, & nova ejusdem *compositio*, partim in *Tartareum*, manifesto *acido-pingue*, partim in *Urinosum*, *Salso-pingue*: Ita nascitur sub eodem *Fermentationis* intimo *Motu*, etiam *Spiritus* generatio, nempe *ardentis*.

Quod hic *Spiritus*, in ullo *Mixto*, ante *Fermentationis* actum, præexistat, nullo penitus *Experimento* adumbrari, nedum probari & demon-



demonstrari, potest. Quod vero *sub* & *ab* actu hoc generetur, probatur commode ipsa *Experientia*, cujus tria exempla allegabo.

*Bacca juniperi*, si contusæ macerentur in aqua, cui aliqua notabilis portio *Salis communis* adjecta sit, quæ *Fermentoscentiam* ipsarum moderari, *mucaginis* vero copiosæ glutinosæ *emollitionem* promoveri, possit, post aliquot dies, adhibito sufficiente *Ignis* impulsu, prodit satis notabilis quantitas *olei tenuis volatilis*: *Spiritus ardentis* vero nullum uspiam vestigium.

Si vero eadem quantitas *baccarum*, vel *per se*, vel melius cum aliqua quantitate *tritici*, adjecto *fermento cerevisiario*, fermentetur, & tunc instituaturn destillatio, *Spiritus ardentis* notabilis copia, *Olei* exigua penitus ad pristinam proportionem, quantitas, obtinetur.

Quantumvis enim hoc ipsum *oleum*, in *baccis* hisce (ut in *ple-risque Seminibus aromatibus*) ultra *Mixtionis* seu *Unionis* proportionem redundet; Adeoque in hoc Statu, *Fermentationi* non directe subjaceat, *vid. supra cap. IV. p. 82.* involvitur tamen in hoc maxime Subjecto, aut addita insuper *macra substantia frugum*, præ aliis quibuslibet horum generum *tenuibus pinguedinibus*, ut manifesto per *Fermentationem*, proventus ipsius in *nuda forma*, imminuatur, *Spiritus* e contra quantitas, augeatur.

Tanto magis vero caret omni dubio hæc genesis, in ipsis *Vinosi Fermentationibus*; Ibi enim e musto recenti, vel hilum *Spiritus ardentis* commonstrare velle, ridiculum esset tentamen; Bene vero potest, insignis quantitas, *pinguis*, *Empyrevmaticæ*, ipsius substantiæ, ita *Ignis* nudo per *Retortam* prolici.

Si vero *fermentatum* sit *Mustum*, & quidem æqualis ejusdem quantitas, quanta pridem pro certa quantitate istius *olei* elicienda, inspissata & destillata fuerat; Tunc provenit non modo insignis quantitas *ardentis* hujusmodi *Spiritus*; Sed si quoque ipsum residuum, *faces* & *magma* reliquum, inspissetur & destilletur, provenit utique indidem *minor* longe quantitas *pinguedinis*, quam e non fermentato *musto* obtigerat.

Præcipuum omnium horum exemplar, est in *frugibus fermentatis*. Ibi enim si v. g. *Certa* quantitas seu pondus, *farine triticæ*, destilletur, & proventus *olei* inde exeuntis, notetur; Alia vero *simi-*  
lis



lis quantitas fermentetur, & abstracto Spiritu, de reliquo sedimento instituatursimilis destillatoria proba, notabitur eximia quantitatis olei, inter utrumque, differentia.

Quæ quidem adeo insignis est, ut, licet in fermentatione Spisfiore, massæ panaria, Spirituositas nulla æque insignis fiat; Oleositatis tamen pristinae, puræ & liberæ, diremtio & immutatio notabiliter se prodatur, dum videlicet æquale pondus farine recentis v.g. triticeæ, ad æquale pondus ejusdem fermentatæ, v.g. panis triticei (exsiccati aut recentis,) longe disparem quantitatem pinguedinis huiusmodi exhibet.

Quemadmodum vero, capite præcedente, jamtum annotavimus, quod substantia illa Phlogistos, quæ in pinguedine Concreti Fermentantis præsto est, non secus quam in genere omnis materia Phlogistos, quæ talis summe expansiva, & in aerem evanida, existat; Ita in hoc quoque actu geneseos Spirituose, si liberi aeris commercio pateat aditus, tunc non jungitur hæc substantia intime cum aqua, ut Spiritum hæctenus notatum constituat, sed exhalat promptissime in auras, & deserit universam Mixtionem.

Ex qua ipsa utique Experientia, nequaquam vero fortuito, inventam esse structuram doliorum, certissime persuasus sum. Ubi nempe, intercepto comœatu aeris copioso, ita tamen lenissime, acclivi fabrica, ut spumida illa elastica portio, successive ad minimum, ad exitum assurgere & erumpere possit, cohibetur tantisper halitiosa hæc expansio, ut millies millies relabatur & differatur eadem portioncula, priusquam, in tam vasta mole, ad exiguum illud spiraculum pertingat, ubi et tota Mixtione aufugere queat: Quod ipsum itaque antequam contingat, fit interim intimior illa in aquam innexio, e qua Spiritus ardentis Mixtio seu generatio resultat.

Ita enim, ut supra jam monitum, artificium comprimenti vini, die Wein zu verhalten / si recte & debite peragatur, pluris certe est, quam omnis vulgata & recepta vini, seu musti potius, tractatio.

Versatur vero unice, in cohibitione hac, elastica hujus depreditionis tenuissimarum pingvium portionum, quæ Mixtione sua cum aqua, Spiritum ardentem constituere debebant, contactu ve-

ro liberi *aëris*, præcipue antequam cum *aqua* jam connexæ sunt, præsentissime in illum effugiunt.

Est utique, quantumcunque dispar videatur imperitis, non admodum dispar hujus rei exemplar, in *destillatione*, & in *deflagratione*, pingvedinum. Ubi in clauso vase, ne minima contingit, *olei* cujuscunque *tenuissimi*, alteratio, nedum *Mixtionis* dissolutio: quæ utraque præsentissime, imo incomperabili necessitate, evenit, si in libero *aëre* Igne commoveatur pingvedo, ubi vel in *tenuitatem* insensilem, *aëri analogam*, extenuata facessit: Vel in crassum Corpus *fuliginis*, veluti colliquatur: Apparente utrinque *aqua*, quæ dissoluta *Mixtione* à socio suo deserta, jam manifesto & seorsim sensibus sese sistit.

Quid, quod in tenuibus hisce *Oleis*, quæ primo ad spectu penitus *homogeneæ* apparent, levissima *aëris* admissio, adeo eximiam alterationem afferat, ut mira *heterogeneitas* iisdem inesse, non possit non agnosci.

Si enim v.g. *Æthereum*, ut vocant, quodcunque *oleum*, in aliquali quantitate, ab *uncia* semis ad unam, in vitro congruo reponatur, quod circiter ad medietatem tantum hac quantitate repletum appareat; Vitrum *perfunctorie* solum obligetur, & ita per *dimidium annum*, vel amplius, in loco umbroso steterit: Spissescit, & mucescit veluti, *limpidum*, antea, & *tenuissimum Oleum*, non sine notabili simul, *odoris* quoque, & *Saporis*, alteratione.

In quo sane negotio non tam ex *aëre* quicquam accessisse *oleo*, ullo modo verisimile est, quam certum potius, ex ipso *oleo* aliquid in *aerem* decessisse.

Ita hoc ipsum artificium compressionis entientium horum *Sulphureo-elasticorum* halituum, non incommode denominant Germani nostri Zymotechni, *den Wein unter sich gähren machen* / dum nimirum *halituosa* hæc substantia, per ipsam *doliorum structuram*, diu multumque in Vinum *repercussa*, in eoque cohibita, copiosius denique huic intexitur & immiscetur, quod nullo modo faceret, sed singulis momentis exhalaret, si libero *aëri* immisceri temere fieretur.



Unde, repeto, *apicem* totius *artificii Fermentatorii* in his generibus, attingunt, qui adhuc magis, quam in *doliis* (licet ipsis quoque artificiosa intentione eo destinatis) *exhalatoris* eruptionis illius detrimentum compescere didicerunt, simul vero consequentia pauca incommoda, potissimum vero *minoris claritatis*, è quo cætera pullulant, emendare noverunt.

Quod sane artificium universum, si Germania nostra, & recte sciret, & attenderet, *Vina* profecto *exotica* quælibet, quantumcunque benigniore sub cœlo genita, non modo non desideraret, scio, sed fastidiret.

Neque vero in solis *Vinosis*, sed & *Cerevisariis*, imo *farinariis Fermentationibus*, majore hujus circumstantiæ, circumspectioreque administratione uti, utilissimum foret.

Ubi quidem *Cerevisariæ* Fermentationes, plus satis communiter huic *suppressioni* subjiciuntur, unde molestissimam illam efficaciam, non *inebriativam* modo, sed & æstuosam & *siticulosam* nanciscuntur, quod vulgo appellamus, daß das Bier dörret und trocknet.

Cum enim *Cerevisiæ*, (præcipuus vero sermo hic est, de *ustulatis*, aus gedörretem Malz/ & *lupulatis*, tum etiam de *piceatis*, die scharff auf Bech liegen/) præter *Spirituosam* illam substantiam, etiam de *Empyrevmatica* pingvi multum participant, (quæ fere maximam partem nigrioris ipsorum coloris constituit.) Hæc ipsa vero *Empyrevmatica*, æstuum in Humoribus auctor, per *Spirituosam* illam copiosius in liquore sustentetur: Contingit inde pessima hæc *Cerevisiarum* hujusmodi miscela, quæ non modo *Caput, Vini* instar, *inebriat*, & Sangvinem *æstulare* facit, sed etiam utrumque *pertinacius*, & lentiore duratione, præstat, prout *tenacioris* & *spissioris*, revera tamen *acrioris oleosæ pingvis*, est consistentiæ.

Contrahit vero *Spirituascentiam* illam, præcipue à præmatura collectione in *dolia*, quod germani appellamus, daß man es noch so warm fasset/ oder auf die Fasse füllet. Cum enim hæc *Spirituoso-halituosa* substantia, jam antea in hoc *fermentato*, adeo libere expirare non valeat, sed in *viscoso-spumosa* effervescentia, quasi clausa teneatur, quoad sensim resideat, & *Mixtioni* huic pareat; Con-  
tin-

tingit tanto uberius, si plane in *arctis*, & usque ad exiguum foramen *clausis* vasis, *fermentatio* perpetratur, ubi longe major ipsius quantitas, ita comprimitur, & *Mixtioni* obnoxia redditur, atque detinetur.

Nequaquam vero nasceretur hæc *miscela aqua & olei* seu pingvedinis, ita immediate, si non intercederet levissima atque tenuissima *Salsedo*, *acida* quidem illa subtilissima. Cum enim substantia illa, quæ *Oleum* constituit, subtilissima, & motui *athereo-calido*, summe addicta atque proportionata existat: Non admittit implicationem *immediatam*, in res & ipsas valde *mobiles, fluida* aggregata, nisi per *Individualia* minima.

Unde quidem pro certo habeo, *Oleum*, nempe purum, tenuissimum, *Φλογέστατον*, non constare, nisi ex *una numero* particula tali *elastica* (& ad homogeneam aggregationem, densam seu *solidescentem*, absolute inepta) & *una numero aquea* Individuali particula: Idque ita ratione *figure* suæ, ut v. g. non nisi *unum latum* paulo planius habeat, quod ad arctiorem applicationem ad *aqueam, unam* itaque tantum numero, quadret, ita enim respuit omnem *miscelam* ulteriorem, cum *aqua* quantitate majore, & propria sua *mobilitate*, quæ à *Caloris athereo Motu* in actum deducitur (*nequaquam enim se ipsa movet*,) perpetuo è massis aliis *fluidis* summa *velocitate Motus* emovetur, ut ad superficiem illorum, tanquam *maxime mota* portio inæqualis, inter illa æqualius mota, *homogenea* inter se invicem, emergat.

*Salia* econtra, qua *talia*, concipio, ab effectibus ipsorum, corpusculum continere, *pluribus lateribus* instructum, cui proinde *plura alia* applicari valeant; Quæ ipsa quidem illius constitutio, maxime diluescere videtur, ex ipsorum *Salium* facili complicatione, cum omnis generis Corporibus aliis, maxime vero, ex eorundem facili coalitu, in *aggregationes solidas, densas*, &c.

Complicantur itaque hæc corpuscula talia, cum aliis quibuscunque, quæ ex aliquo tantum latere, complicationi apta sunt. Hujusmodi vero sunt maxime ipsa *aquea*, quæ proinde *numero etiam plura*, *pluribus lateribus Salini* Corpusculi facile applicantur.

V. g. Sit Corpus A. planum, polygonum, parvæ Spisitudinis seu  
S 2 pro-



profunditatis, ita ut, exempli gratia, crassities, seu profunditas ejus, sit sexta pars semidiametri planitiei: Ita habebit hoc planum, duo latera, a. b. & crassitiam c. pluribus illis angulis in ambitu instructam.

Sint alia Corpora hemisphaerica; Horum facile duo applicabuntur utrique lateri plano: & cum Hemisphaeriorum etiam qualicunque interpositione in Ovalem distantiam dimotorum, maxime proclivis motus sit circa axem illius elongationis; Quemadmodum Hemisphaeriorum sigillatim, nullus proclivior motus, quam vel similis verticillaris, circa centrum baseos, vel progressivus, à basi ad perpendicularum: Ita tanto magis in hac complicatione, facillime duo hemisphaeria conjuncta, nempe ex utroque latere planum illud aggredientia, servant non modo facile motum suum primigenium, sed agitant eodem etiam planum hoc interpositum: ut ita ex plurium appositorum horum Corpusculorum Motu, nulla fiat antipraxia, Motus ipsis sigillatim proprii; Neque conditio hujus novi socii, ipsorummet vigorem in Motu suo, magnopere alteret, impediat, retardet.

Sunt interim plana illa seorsim, utique summe apta & proportionata, ad solidam complicationem, si ipsamet numero plura sibi invicem apponantur: Quae quidem numerosa complicatione, etiam ipsum vigorem motus horum hemisphaeriorum praegravare possint.

(Ubi obiter moneo, quod nihil significet Physico-mechanico-Mathematicae, si dicatur, Corpora habent innatam & concreatam gravitatem. Gravitatis enim, absolute considerata, seu appellata, nihil est. Sed ita oportet dicere, corpora habent diversam magnitudinem; Pro diversa magnitudine sunt minus mobilia: Quid ita? quia gravia? intrinsece & absolute? Nequaquam. Sed quia pluribus lineis, contactui aliorum Corporum ACTU MOTORUM, exponuntur, quorum oppositi contactus, faciunt illum renisum, seu contrarios motus, respectu quorum tale Corpus minus absolute, ab uno motu, mobile existit: Cum aliud minus, paucioribus contactibus expositum, i. e. paucioribus communicationibus Motuum vicinorum, facilius moveatur uno Motu, nihil interverfo. Magna interest differentia, inter minorem mobilitatem ratione contactuum diversorum, seu Motus heteroclitici, & inter motum strictissime gravativum: Ille, accidit Corporibus majusculis Individualibus Mixtis & compositis, in omnes dimensiones: Hic solis crassioribus aggre-

*aggregatis, perpendiculariter, aut fane circiter. Quod notum, aut ad minimum notatum, vellem!*)

*Quando jam duo illa Hemisphæria, cum plano hoc conjuncta, illud ipsum ita agitant, sit hoc, illo ipso Motu, aptum ad varia alia Corpora, angulis suis multoties, idest, multis successivis punctis, & quasi lineis, aliter aliterque attingendi, adeoque portionem Motus, quem ab & cum suis sociis habet, in ista continuandi: Unde varii commotorii & dimotorii Motus, præcipue vero verticillares, Moventibus illis, quæ ipsummet movent, Symbolici, tanto magis & facilius, in alia Corpora continuantur.*

Sub quocunque jam Schemate concipiatur *figura Salinorum, & aqueorum Corpusculorum figuræ, & mutua complicatio, certum satis est, quod generaliter circiter hujusmodi aliqua conceptui quasi commodissima videatur. Cum vero polygonum tale è totidem triangulis constare possit, quorum bases, latera polygoni constituere, apices vero ad Centrum concurrere, possunt; Nasceretur ex ultima horum diremptione, utique longe disparis tenuitatis, sed proinde, & mobilitatis, numerus Corporum, quæ ad coalitum cum exacte sui similibus quidem, proclivia forent, sitamen non exquisito numero, & situ, qui circulare planum expleret, complicarentur, nullius cohesionis essent, sed facillimæ dimotionis: Si autem exacte sibi invicem secundum latitudinem suam applicarentur, è quibuslibet punctis complicationi parallelis, facillime discuterentur, &c.&c. Exigerentur interim, seu extunderentur, utique è consortio aliorum actu motorum, ad quietiora alia aggregata, quibus quocunque modo implicarentur, ut vel aggregationem ipsorum firmarent, vel successive in novas concretiones, Individuales magis, licet (quoad tempus) quasi fortuito, complicarentur. Sed quorsum abripior quoque, extra Polygonum?*

*Concrescit fane, seu complicatur, Materia Olei constitutiva, ægerrime cum aqua, immediate; Longe promptius vero, vel cum terreis solidescenti aggregationi aptis, corpusculis; Vel mediantibus his, tanto facilius, cum aqua.*

*Inde nimirum est, cum Sal sit complicatum tale, è terreo & aqueo, vel terreis & aqueis, Corpusculis, quod ratione terra facilius*



coëat cum *Sale*, & per hoc cum *aquositate* copiosiore, quoad tandem iterum excutiat *motu heteroclitico*.

Ita enim concrefcit utique, cum omnis generis *Salibus*, modo *motus combinandi* legitimus adhibeatur, qui in re *subtilissima*, *subtilis* utique effe debet.

De modo & caufis coalitus cum *alcalicis Salibus fixis*, non vacat hic prolixum effe; Imo ne quidem de caufis coalitus cum *acidis*, licet, quod hoc faciant *olea*, & quidem longe promptius, quam cum *Alcalibus*, certum, utut vulgo forte Paradoxum, deprehendatur.

Cum enim nemo, credo, dubitet, quod *olea*, quo *tenuiora*, puriora, *elastica*, *volatilia*, funt, eo ficeriora quoque, & *simpliciora* funt; Notum interim eft, communibus experimentis, quod hæc talia, longe difficilius ullo modo cum *alcalibus* subigantur, quam, & promptissime quidem, cum *acidis*,

Ubi quidem eximiam intimam commixtionem cum *acidis*, Experimento parum adhuc noto, & ubi notum eft, parum & minime intellecto, perpetrare didici, *propria* certe obfervatione & *Experientia*, quod ftatim ipfo *Problemate*, plerisque incredibili, evincam.

Si mihi exhibeatur (1) *Acidum Vitrioli* aut *Sulphuris*, *acidus Spiritus*, vel *oleum* fic dictum, horum mineralium; (2) aliquid *Nitri*, aut *Salis Tartari*, vel tantum *Cinerum clavellatorum*, *Nitri fixi*, &c. Præter hæc nihil, nifi *Ignis* & *Crucibulum*: quadrantis horæ fpatio exhibeo *Hepar Sulphuris*, feu *alcali prægnans Sulphure*, quod inde, folutione in aqua, & præcipitatione per *acida*, feparatum, colliquatum, eft idem illud *fpecie Sulphur*, quod e *mineris* colligitur.

Idem, eodem modo & promptitudine, facio, ex *Tartaro Vitriolato*, *Arcano duplicato*, *Nitro antimoniato*.

Totum artificium, confiftit in *combinatione* illius  $\Phi\lambda\omicron\gamma\iota\varsigma$ , quod flammam format, cum hisce *acidis*.

Facit idem *Boyleus* in via humida, cum *oleo Vitrioli* & *oleo Tharabinthinae*; Sed profecto provoco ad expertos, facilius eft dictu negotium, quam factu. In *mao* vero præfenti, adeo impoffibile eft errare, ut facilitas operationis, quadantenus dehonestet, in vulgi oculis, *subtilitatem commixtionis*.

Contingit hac ipsa operatione, alia adhuc non minus *Paradoxa*. *Connexio acidi Vitriolico-Sulphurei cum alcali fixo*, est quasi ultima, & fatalis *Salino-terrea* commixtio, quam *pure separare*, ita ut alterutrum, aut utrumque *Sal, purum* segregetur, inter *postulata Chymica* hucusque fuit.

Ita in *Spiritu Nitri*, solvo *argentum*; Hoc dejicitur, quando *cuprum* injicio: Dejicitur & hoc, si *ferrum* substituo: Dimittitur hoc denuo, si *Cincum* submitto: Secernitur hoc iterum, quando *Alcali volatile* instillo; Segregatur denuo *alcali volatila*, si *fixum* ingero. Cum *fixo* hoc *alcali*, cohæret satis tenaciter, *acidum Nitri*. Si vero *acidum Vitrioli* affundo, & *Ignem* impello, aggreditur *potentius* hocce *acidum*, *alcalicum* corpus, ut *Nitri acidum* inde depellatur, & calore expellatur. Hæret interim *Vitriolicum* hoc *acidum*, tam *firmiter* cum hoc *alcali*, ut inde fiat *Sal tertium*, *tartaro Vitriolato* geminum. Ex hoc separare *acidum*, aut *Alcali*, fuit hætenus in rebus difficilibus. Utrumque contingit præsentissime, nostro allegato *Experimento*, sine ulla difficultate.

Est vero totum hoc Experimentum, nihil aliud, nisi *fusio cum Carbonibus injectis*. Cum vero *Tartarus Viiriolatus*, aut quodcunque simile *Sal alcalicum*, *acido Sulphureo-Vitriolico* saturatum, *per se* non fundatur, præcipue, quando non simpliciter *coagulatum*, sed *crystallisatum* est; propterea addendum, prima vice, aliquid, quod *fluxum* ejus promoveat: Inservit huic usui, commodissime, pauxillum *alcali* recentis, cum cujus vel *drachma una*, *multæ libræ* compositi istius *Salis* reduci possunt.

Si enim v.g. *Salis Tartari*, & *Tartari Vitriolati*, ana *drachma 1.* in crucibulum capax, bene candens, injiciantur, fluit *Sal Tartari*, & tantisper utique involuit *Tartarum Vitriolatum*; Si hîc adjiciuntur, *carbones*, seu grossus ipsorum pulvis, arripit paucò tempore *acidum* illud *vitriolicum*, substantiam *Phlogiston* ex Carbonibus, & cum eo recte regeneratur, in verum *Sulphur*: Eo ipso cessat, ita intime cum *Sale alcalino* connecti, unde hoc denuo, in *propria* sua *alcalina* consistentia, & *fluiditate*, in igne, & *per deliquium*, sese exhibet, adeoque successive, vel *libræ ejusdem*, cum ulteriore subministratiōe *Carbonum*, ingeri possunt, & tam *acidum* in *Sulphur*, regenerari, quam eo ipso, ab *alcali* inti-



intimiorē connexionē segregari, ut hoc in forma sua *propria*, libera, iterum exeat.

Idem præsentissime succedit, cum *Sulphure*, si nimirum ex *duabus partibus*, vel *tribus* potius. *Salis alcalici*, & *una Sulphuris* pulverisati, successive in Crucibulum ingestis & fufis, fiat *Hepar Sulphuris*; Hoc potest quadrante circiter horæ, prout ejus plus minusve est, solo igne, sine ullo additamento, in *Sal* tale redigi, quale ex *olco Sulphuris* per campanam, & *Sale Tartari* obtingit, quod vulgo *Tartarum vitriolatum* vocant: Nullum ibi amplius *Sulphuris* aut *alcali* vestigium, sed loco *rubri coloris* in *Hepate*, *Sal* hoc est *candidissimum*, loco pessimi *Saporis* in *Hepate*, *Sal* hoc pure *amarulentum* est: loco facillimæ solutionis, imo spontanæ *deliquescentiæ* *Hepatis*, ratione *alcalici Salis*, *Sal* hoc *difficillimè* omnium *Salium*, post *Tartarum Vini*, solvitur: Loco impossibilis *Crystallisationis* *Hepatis*, hoc in *Crystallos octaëdras*, vel circiter, est pronissimum: Loco *fusibilitatis* *Hepatis*, hoc *omnis fusionis* expers.

Si hoc *novum Sal*, ex *acido Sulphuris* & *alcalico Sale*, consumto *Φλογιστῶ*, natum, denuo ita, ut ante dictum, tractetur cum *carbonibus*, præsto est altero horæ quadrante, pristinum *Hepar Sulphuris*, & potest hoc ita centies converti.

Tradidit jamdudum *Glauberus*, (inter varia pulcherrima profecto *Experimenta*, ad penitiorem cognitionem *Mixtionis Salium* & *Mineralium* facientia) observationem de *Sulphure*, per *Sal mirabile* sibi dictum, è rebus quibusvis *combustibilibus*, extrahendo; Sed prout bonus ipse vir, ut multi alii *Chymici Empirici*, in τῶντι quidem versatissimus fuit, ita quoad τὸ διότι, & quod *Sulphur* hoc modo non *extrahatur*, sed *generetur*, impegit.

Unde nolui ipsius *Experimentum*, pro hac demonstratione assumere, sed dispar illud; licet utrinque convenient, in eo, quod *acidum Sulphureo-Vitriolicum*, utrinque sit illud, quod *Mixtionem* hanc subit. Interim habet *Sal mirabile* ipsius, hanc prærogativam, quod facile *fundatur*.

Possū quidem variis aliis *Experimentis*, hoc monstrare, quomodo *Φλογιστῶν*, ex *pinguedinibus*, *carbonibus*, in ipsa *metalla* promptissime ingrediatur, eaque regeneret, ex *calcibus exustis*, in *fusilem* suam



am, & malleabilem, atque amalgamabilem, consistentiam; Sed nota sunt aliqua talia *Experimenta*, & reliqua ex istis fluunt, modo attendatur.

Non nego, quod hoc *Experimentum*, ut veram demonstrationem Beccherianæ assertionis, de Sulphuris genesi & principiis, diutius forte adhuc dissimulassem; Sed impulit me ad illud divulgandum, impotentia hodie vulgatissima multorum, qui κενοδοξίας malo ægri, à nativitate inepti sunt, ad illud Minutii imitandum: Ut quibus primas, prudentiæ, partes Natura denegavit, secundas modestiæ occupent; Sed, cum neque ingenio, neque studio, ad solidum quidquam intelligendum, habiles sint, aliorum inventa venantur, illaque pro suis venditando, ne ab alteris illis eadem accepisse videantur, traducere illos clanculum, & scientiam illorum calumniari, didicerunt. His itaque, ut consilium suum, in hoc genere, irritum reddam, prodeat potius à me ipso, quod meum omnino est.

Profecto, si pariter artificium *Salia convertendi*, abstulissent à me; ægrius merito ferrem: Sed non perveniunt illa ad homines duræ cervicis.

Prolixa descriptio hujus *Experimenti*, sed scio, curiosis *Philosophica Chymia* amatoribus, non ingrata, confirmat facilem non modo, sed & intimam *Mixtionem* Φλογιστ principii cum *Sale acido*.

Unde, cum in *Fermentatione*, quæ *Spiritus ardent* fundit, non modo præsto sit *acidum Sal*, imo nulla composita, quæ acescere nullo modo possunt, ad *Spiritum ardentem* præbendum apta sint; Sed etiam illo demum tempore, ubi volatile *acidum* spirat ex fermentato, verus proventus ardentis *Spiritus* contingat: Tanto magis, à priori; probabilis est præsentia talis, & concursus, *acidi subtilissimi*, cum oleo & aqua ad *Spiritum ardentem* constituendum, veritas.

Ubi profecto pervellem, ut scirem, qua intentione primus istius rei inventor, *Sulphurationem doliorum*, mustum fermentaturum recepturorum, instituerit. Cum vel vulgus noverit, *vina* valde *Sulphurata*, esse *Spirituosiora*: Et *Cerevisia*, quo plus balituum de pice deslagnata imbiberunt, manifesto generosiores sunt. Credo ex *Scientia* illud fecisse, quod hoc maxime *subtilissimum volatile acidum*, maritationi isti *subtilissimæ olei* cum aqua, aptissimum existat.



*A posteriori* vero, certissima demonstratione rei hujus veritas duplici Experimento liquet. Quorum primum simplex est, quod nimirum *Spiritus ardens*, colores tenuissimos florum, in nihilum quasi redigat, non multo aliter, quam *Spiritus volatilis Vitrioli* aut *Sulphuris*, v. g. *foliolorum violarum*, *Cichorei*, ipsarum *Rosarum* si eidem per aliquod tempus imposita maneant. Qui denuo, sed rubicundus, sese prodit, si *Spiritus Sulphuris* aut *Vitrioli*, vulgaris, instilletur.

*Alterum*, paulo operosius, est, quod, si *Spiritus Vini* mediocriter *Phlegmaticus*, pauco bene *alcalico caustico Sale*, Tartari, imbuitur, aut cinerum clavellatorum: Cum hoc per dies aliquot stet, denique plus similis *Salis* addatur, & abstrahatur, *Sal* evaporatione coaguletur, & cum eodem, vel simili, *Spiritu*, *sapius* ita tractetur, tandem vero remanentia ad notabilem quantitatis *aqua* diminutionem, vel evaporetur, vel destillando dephlegmetur quasi, nascuntur per quietem & frigus, *crystalli Salinae*, illis, quæ è *Sale Tartari*, & *volatili Spiritu Sulphuris* aut *Vitrioli* fiunt, examussim geminæ: *Spiritus* (si unus idemque repetito assumtus fuerit,) quantitas, magis magisque imminuitur: *Alcali* vero, magis magisque rubicundum, in solutione sua evadit, ab *oleositate* per dissolutionem hanc imbibita.

Quid, quod ipse successus *Fermentationis*, arctum commercium hoc *Spiritus ardentis* cum *acido Fermentationis*, ad rudem sensum demonstret, dum ipsa *acescentia acetosa* hunc ipsum *Spiritum*, expresse una complectitur, & in sese involvit; Et hoc quidem sæpissime, in *frugum fermentatione* pro hoc scopo, *nyctbimeri* spatio.

Quod enim ipse hic *Spiritus*, immediate cum ipso *acido aceti* colligatus & connexus sit, monstrat experimentum, quando *Aetum destillatum*, saturatur *Cupro*, aut melius, *Plumbo*. Ita potest *aquositas* conveniente calore, insipida separari. *Acidum* vero, remanet cum metallo soluto, & in *Saccharo Saturni* quidem, in satis exili pondere: Cum & sub hoc *acido* vero, hæret etiam ipse *Spiritus ardens*. Si enim *Saccharum* hoc *igne* pellatur, prodit actu quantitas *Spiritus inflammabilis*, & quidem tanta, quanta ab *acido*, fortius apud metallum detento, iterum dirimitur; Unde *acidum* illud violentiore *igne* denique promanans, loco *pristinæ acetosæ* temperiei, jam *Spiritui Vitrioli*, energia non admodum absimile est.



Ultima *Salina* substantia, quæ in *Fermentatione dulcium*, ipso actu *Fermentationis* generatur, est *Tartarus*. Generari dico, non ac si intelligam, quod universa ipsius *Salsedo* quoque, hoc modo proveniat; Jam enim in superioribus illud quam maxime, & inter primos quidem, agnovi, quod *aciditas*, in hisce *Mixtis*, jam actu *inexistat*, & *liberatione* tantum, ab iisdem educatur: Quod vero inde hanc *consistentem*, *densam*, *siccescentem*, in *aquæis* difficillime solubilem, *compositionis* proportionem nanciscatur, illud utique habet ab ipso *Fermentationis* effectû.

Ita enim in *austeritate* immaturarum Uvarum, inest utique *acoris* talis, *Tartari* acori satis geminus, imo major: Neque quidem ibidem tantundem, quantum in *Tartaro*, habet *pinguedinis*, quod etiam impetuosioris ipsius *acoris* est causa: Nullatenus interim in *siccâ densâ* consistentiam ullo modo vergit, sed semper *humidum*, quasi *deliquidum*, constituit magma.

Manet itaque hæc intimior, *Tarreo-pinguis* substantiæ, immixtio in *acidum* hoc, pro *Tartaro* constituendo, effectus utique manifestus ipsius *Fermentativæ* complicationis.

Sunt hæc producta *Fermentationis*, *seorsim*; Collectim, videntur maxime in *Vino*, *Cerevisia*, *Mulso*, & *Aceto*.

In quibus videlicet *Liquoribus*, attendenda est *specialissima* circumstantia *UNIONIS* subtilissimæ, harum substantiarum, quæ sola, speciem hanc liquorum *Fermentatorum*, constituit & conservat.

Ita enim, si vel maxime de *Vino generoso* nihil auferatur, sed *Phiola* altissimæ, & valde stricti colli, *sincerum* illud indatur, atque, ad colli usque stricturam, totus globus impleatur, imponatur ita in balneum, quod ad *feruidum æstum*, non tamen ad actualem *bullitionem Vini*, calefiat, nihil, ne halitus quidem, ita abscedet è *Vino*.

Interim, si maxime iterum *refrigescat*, non modo *odore*, & *diaphaneitate*, sed & *Sapore* maxime, longe magis *austero* & *rudi*, præterea *veloci sua mutatione in acetum*, satis superque monstrat, quod intimior illa intermixtio, præcipue *Spiritus ardentis*, cum *Tartareo-pingui* substantia, quæ antea mitiorem reddiderat *Saporem*, dissoluta jam, & agilis ille *Spiritus*, ipso calore, a *Segnioribus* istis avulsus sit.



Cujus conversum veluti exemplar, spectatur in commixtione *Spiritus Nitri* & *Spiritus Vini*, vtrorumque rectificatissimorum, & quidem ad partem 1. *Spiritus Nitri*, part. 2. vel 3. *Spiritus Vini*: Hæc Mixtura si per aliquot horas steterit, in digestionem lenissimam, aut, sub aliquot horarum spatio, sæpe & diu agitata sit, coalescit *Spiritus ardens* cum *acido*, ut inde Sapor *vinosus* tantum emergat; Notabiliter tamen *austerus* & *asper* veluti, seu *subadstringens*: sin autem *destillatione*, quasi subtilissimi vaporis modo, per minima commisceantur, perit in totum *austerus* ille ingratus Sapor, & vix sensibilis *aciditatis* ullum superest vestigium, sed *acrimonia* tantum penetrantissima, mitissima tamen.

Hæc utique Unio, absolvit *Fermentatorum liquorum* specialissimam *consistentiam*, & præstat simul *innexionem* & *extensionem* hujus universæ *Materiæ*, *Spirituosa*, *Tartarea* & *submucida terrea*, in *Aquositate*, ita, ut in *Fermentatis* antea dictis liquoribus, *aquositas*, quæ sub actu *Fermentationis*, pro puro & nudo instrumento fuerat, jam post absolutam hanc fermentationem, intimiorem quadantenus *connexionem* cum *Salino-Spirituosa* substantia subeat, & posthac cum iisdem pro potiore parte suæ molis, perenniter duret.

Pro potiore parte, inquam. Quemadmodum enim in genere, annorum diversitas, quoad calorem, plurimum diversitatis inter *Vina* infert; Ita calidorum quoque annorum, & qui multum simul *Uvarum* proliciunt, insignis est differentia, ad bona simul *Vina* excoquenda: Ubi videlicet *sicciores*, paucum quidem, sed optimum, *humidiore*, (præcipue versus ipsam vindemiam pluviosi & frigiduli) multum quidem, sed *vilius* proferunt *vinum*.

Neque hoc tantum quoad *consistentiam*, quasi videlicet *calidus annus humidus*, æque bonum *Vinum*, *Vinum*, quoad reliquum Saporem progigneret, atque *calidus siccior*; Ut videlicet differentia tantum in dilutione consistat, ut *humidiore*, dilutius tantum, *siccior*, meracius *vinum* evaderet. Minime; Sed ipsa nimia *humiditas*, auget *Fermentationis* efficaciam, ut *Aquosius* hujusmodi *mustum*, non dilutius modo, sed *austrius* & *acidius* proferat *Vinum*, quam minus *aqueum mustum* & constitutione anni *siccior*.



Unde quidem ipsa *malitia* Viticolarum, si *mustum* venale aqua diluerint. *Sapori* quidem nihil adeo eximie præjudicat, nisi admodum exercitatus accesserit in emtore *gustus*; *Vinum* vero quod inde fit, longe *acidius* & asperius evadit, quam è minus *aqueo* musto.

Cæterum *Saporis Vini* non admodum peritum esse oportet qui non è *Vino* quolibet oblato, aqua paulo uberiore adulterato, *man-gonium* hoc, ab *asperitate* maxime, quam gustui offert, facile *di-gnoscere* possit.

Est interim in omni utique *Vino nostrarum* regionum, tam ob *maturitatem* segniorem, qua tam copiosa *intextio pinguedinis* perpetrari non potest, quam ob *desiccationem* minorem abundantis *aquosita-tis*, longe plus *aquositatis*, quam ad hanc quoque, de qua modo diximus, *expansivam* intermixtionem ejus, cum *Unitis Vini* *principi-is*, necessarium sit.

Unde qui novit *artificium Vina concentrandi*, ut *Sapor* ipsorum (melius dixerim *unio* hæc, de qua sermo est,) non lædatur, & ante omnia *Spiritus ardentis* secessio ab *unione* Salino-pinguium portio-num, non contingat, quod *destillatorio*, imo etiam leniter *evapora-torio*, *Calore*, perpetuo evenit; Ille oculis videbit, insignem illam quantitatem *pura aquositatis*, quæ è generosissimo etiam *nostrate vino* (modo genuino, ardentibus Spiritibus temere affusis non depravato) secedit, nihil mutata *Vinosa* ipsius coherencia, sed ita tantum concen-trata, ut *Saporis* nunc certe *vinosissimi*, *odoris* vero illius ipsius sit, (non *similis*, sed *istius*) cujus sunt *nostra Vina Hispanica*, & *Canarino-rum* sub nomine venalia, (vulgo *Sett*) quorum hæc proprie est *nativitas*, quam tamen adhuc profanare forte viderer, si statim ediffererem, licet nullius uspiam hominis communicationi hanc *scientiam* debeam.

Tractavi ita *duas* *mensuras Vini vulgaris*, ab anno 1694. val-de *austeri*, *acidi*, *diluti*, adeoque ad potum quidem non apti, ad escas vero quadantenus adhibendi, cujus *mensura* hîc *Halis* uno & di-midio grosso, è *caupona*, vendi solebat, Jenæ vero aut Numburgi vix dimidio grosso venderetur, etiam his ipsis abstemiis tempori-bus: Concentravi illud ad *quarta partis* remanentiam, quæ has habet *qualitates*: (1) *Annuo* toto spatio in *Hypocausto* stetit, in *Vitro*



alterum tantum capiente, nihil vero toto hoc tempore levissima, quacunque *cuticula, mucore, turbulentia*, tentatum est, sed clarificatum potius, levissimi sedimenti *Tartarei* secessione, (2) Habet odorem exquisitissimum non modo, sed & vegetissimum, *Canariensis* vulgo dicti *vini*, des *Secs*/ (3) *Saporem* vero pristinum quidem *concentratum*, id est, eximie *austerum* atque *acidum*, non tamen ita horribiliter, uti in principio, sed *mitigatum* utique ipso tempore; Quod in plerisque omnibus, *vulgaribus* quoque *vinis*, notum est, quod *mora*, *generosiora*, & *Sapore mitiora*, evadant, unde etiam pars *Tartari* ex ipsis secedit, ad doliorum parietes.

Ubi notabile est, quod in hac ipsa *concentratione*, ubi potior pars superfluæ *aquositatis* jam educta est, sub *ultima* quasi, quam dimittere potest, hujus *portione*, una abscedat insignis quantitas *Tartari* candidi purissimi, qui adeoque tanto *mitius*, & subtilioris *Saporis*, relinquit residuum *vinum*.

Admittit hanc eandem *concentrationem*, ipsum etiam *Acetum Vini*, unde è *quatuor* mensuris, *septima* circiter, aut *sexta*, pars, remanet, summe *acida*, & vegetissima; Cæterum & odore *Vini Hispanici*, inter *acorem* suum, quem spirat, insignis: & *Tartari* ejusmodi *albicantis*, bonam portionem dimittens: & per plures *annos*, citra aliquam corruptionem durabilis.

Sane, si hac ratione *Cerevisiam* suam *concentrare* meminisset *Glauberus*, longe meliorem sine dubio effectum inde sensisset, modo *generosa* ad opus adhibeatur. Sed de his satis.

*Producti* hoc modo per *Fermentationem* liquores, dum multa adhuc *aquositate* & *abundante* quidem, diluti sunt, pergunt facilius ad ulteriorem *Fermentationis* *continuitatem*, & à *vinoso-Spirituoso* suo statu, ad *acetosum*, imo *putredinosum*, statum, pergunt.

Quamdiu enim *spirituosa* *ardens* subtilis substantia, crassioribus *mucido-pingvibus* nondum tenacius innexa, sed liberius adhuc *annexa* tantum, & *sufficienti* *quantitate* præsto est, prædominatur subtili suo motu, & faciliorem simul *complicationem* illam, *terreo-pingvium* crassiorum partium, *interpositione* sua distinet.

Si vero revera accuratius rem æstimare velimus, verius videtur, quod ipsa *Mixtio Spiritus ardentis*, sub *fermentatione acetosa*, bonam partem *resolvatur*, adeoque (licet reliqua pars ipsius, ceu supra dictum, *acido aceti* innectatur,) insignis ejus quantitas, revera denuo è *Mixtione* sua disturbetur, & *crassioris pinguedinis*, seu *olei* consistentiam iterum induat, quæ *terreo-mucida* substantiæ intexta, una, ad *superficiem* primo, deinde ad *fundum*, secedunt, *fecum* nomine.

Quemadmodum vero in *Vinoso-Spirituosa* Fermentatione, *Spiritus ardentis* tenuissima intertextio, tum reliquas *pingves* portiones hujus Compositionis, quasi extenuat seu *extendit*, tum *Salinas* quoque *interpositione* sua, ad facilem illum *coalitum* aggregativum cum *terreis* & *pingvibus*, in majores moleculas, quæ sensim ad *fundum* segregentur, impedit: Ita tanto magis solícite evitanda est omnis occasio, quæ sive *exhalationi*, sive *dislocationi* tantum *Spirituosa* hujus substantiæ, à reliquis crassioribus, quibus *interposita* est, portionibus ansam præbere possit.

Ita enim, si in vase aperto, libero *aëris* com meatui pateat similis Liqueor, exhalant promptissime hæ ipsæ *tenerrimæ* illius partes, unde non modo *fatuus* Sapor liquori accidit, sed etiam præsentissima illius *degeneratio*, in *acetosum* statum, immediate succedit. Quod idem, eadem promptitudine, contingit, quando *Caloris* majoris, aut *continui*, appulsu, tenerrima hæc portio, è consortio reliquarum excutitur, adeoque universa *cohesio* labefactatur.

Transit inde ab hoc statu, mox ad *acescentiam*, per similes tamen, atque prius, *Secretorios motus*; Impetu vero commotionis jam multo *languidiore*, ubi pleræque illæ portiones *elasticæ*, jam excussæ, aut in *Spiritus ardentis* mixtionem, innexæ & subactæ sunt.

Promovetur ita quidem ipsa *acescentia*, è *Vinoso-Spirituoso* statu proxime nascens, *Caloris* beneficio; Licet hic non æque absolute *necessarius* ad *acetosam* Fermentationem existat, sed citra ipsius notabiliorem, quam qui *in genere* ad Fermentationem requiritur, concursus, æque bene, modo non æque velociter, hæc procedat: Interim qui ipse *calor*, quasi præliminariter, ad *acescentiam* disponit

Spi-



*Spirituosum Fermentatum*, ille ipse eidem partim *fienti* & *progredienti*, partim, & maxime quidem, jam *factæ*, noxius potius est, & idem ipsi quoque *Aceto* minatur, quod *Vino* pepererat, nempe *promotionem* ad ulteriorem adhuc *Fermentescientia continuationem*, videlicet *putredinem*.

Tolerant interim *Calorem* longe melius, *Acescentia* *spissiora*, glutinosa, mucaginosa, cujusmodi maxime sunt *Cerevisiæ*. In his enim, cum maxime verisimile sit, *generari* demum bonam quantitatem *Salsedinis acetosæ*, juvat intestini hujus motus necessarium vigorem, ipse utique *Calor* proportionatus: Qui contra, non modo in *fiente*, sed tanto magis in *facto* jam, *Aceto Vini*, nisi admodum *temperatus* existat, veluti hujus transitui in *insipiditatem*, *mucorem*, & inde corruptionem *putrilaginosam*, viam celerrime pandit.

Ubi tamen *proportio* utique huiusmodi, quæ inter *spirituosam Vinosam*, & *Acetosam*, mobilitatem intercedit, hic quoque sese exserit; Ut, cum *Vinosi* liquores, etiam *lenissimo continuo Calore*, in hac *Unione* sui alterentur; *Acetosi*, longe majorem hujus gradum, & durationem, expectent. Interim neque *Acetum* ipsum *Vini*, si æstui proxime *bullienti* expositum fuit, deinceps diu amplius durat, licet in *clauso vase* peracta sit hæc incalcraftio, ut vel minimum quidquam actu ipsi decessisse, nequaquam dici possit.

Si tamen superflua *aquositas*, tanquam præcipuum *Instrumentum* totius *Fermentativi Motus*, *Aceto* quoque adempta sit, ne *bullitione* quidem, ad novam *transpositionem* huiusmodi promptam pergit. Ita enim *residuum* e bono *Aceto Vini*, *bullitione* ex *Arena* destillato, quod quasi *Cerevisiaria* *Spissitudinis* & *Coloris* remanet, per longum plane tempus incorruptum permanet: Retinente vegetius *aciditate concentratiore*, innexam suam *oleositatem*, quam si copiosa *Aquositate* diluta, & præterea perpetuo interagitata & concussa, est.

Manifestat vero *lentorem Terreo-pinguem* seu *Viscosum*, qui *Aceto* etiam tenui & *Diaphano*, *Vinoso*, familiaris est, meum maxime Experimentum *concentrationis Aceti*.

Ibi enim, prima quidem vice, paucarum horarum spatio, (prout occasio moderaminis *Caloris* favet) ad minimum *dimidium Aceti*, in forma *aquæ* valde insipidæ extraho, aut forte amplius. Quod porro exit, servo seorsim, illud maxime, quod *ultimo loco* procedit.



Hæc portio deponit pauco tempore aliquid *Tartari*. Relinquo ita in *Vitro* aliquo *capaci*,cujus duæ aut *tres partes*, *vacuæ* maneant, leviter simul obturato. Dum ita per *mensēs* duos aut circiter, in loco *lenissime* (æstive) *tépido*, stetit, concreſcit circa superficiem illius, materia, *gelatina* similis, non mucida, *viscosa*, lenta, sed *densa* tamen, fragilis, ad *2. digitorum* sæpe crassitiem: Quæ non modo per se, *putrefactioni* minus subjecta est; Sed *putrescenti* etiam substanti *Aceto*, incorrupta innatat, donec hoc universim computruerit; Neque ex universa hac magna alteratione, aliud quidquam patitur, quam quod *consistency* ejus, quæ primo instar tenuissimi *fungi*, aut *pulmonariarum* veluti *spumularum*, est, tandem subsidat, & frustum *glutinis* coagulati, consistencia sua referat.

In *Vino* pari modo tractato, nihil omnino simile occurrit, sed transit tantum *posterior* illa *portio aquositatis*, mora temporis & *temporis*, in *situm*, dum *cuticulam*, minime tamen spissam aut *crassam*, sed *tenuem* & mollem format, quæ in *situm*, & *pulverulentiam*, cum *ceruleo-virescente* colore, sensim abit, ad *fundum* tamen non libenter aut facile subsidet.

Interim pensitato bene hoc *Phænomeno*, mirum non est, quod *Acetum* hoc modo *dephlegmatum*, immensum quantum *durabilius* deinde sit, posteaquam nimirum tam insignem quantitatem *mucido pinguis* substantiæ deposuit, quæ si innexa reliquis portionibus permanisset, variæ novæ *transpositioni* & *implicationi Aciditatis*, maxime obnoxia fuisset.

## Cap. XIII.

### TEMPUS, ET IMPETUS.

**U**ltima, sed sane nequaquam minima, circumstantiarum magis *Essentialium* Fermentationis, est TEMPUS.

Monuimus nimirum, tum in ipsis *definitionibus*, tum in *deductione* hinc inde, quod Fermentativus *Motus*, diuturnus esse debeat, innumeris quasi vicibus Motuum ultro citroque *jaçtatoriorum*, *vibratoriorum*, *collisoriorum*, peragendus.



Requiritur vero *Temporis* mensura tanto *major*, quanto *maior* est *copia Massæ Fermentandæ*: Et quanto *minor* Fermentatorii Motus *impetus*, *Caloris* præcipue gradibus distinctus: Ut contra, *bre-*  
*viori* utique *tempore* absolvitur Fermentatio, quando ipse *impetus* commotionis, vel *Calore* majore, vel ipsius Compositionis *teneritudi-*  
*na*, vel *utroque* concurrente, prævalet.

Cum vero *impetus*, omnia fere negotia turbans & pessundans, præsentī quoque, *Fermentationis*, actui, multum incommodi adferat, dum plus *concretionis* repentinæ, progignit: Et *crassioris* quidem, quatenus *crassiores* etiam moleculas diu exagitat, quibus aliæ *tenuio-*  
*res* partes illisæ, facilius *impactæ* obhærescunt, & una ad fundum de-  
nique secedunt: Unde *cessante* tandem impetu, longe *plures portio-*  
*nes* una *abscedunt*, *crassæ* aggregationi illisæ: *Residuum* vero liquorem,  
& *dilutiorem* & *acidiorē* relinquunt. Propter has universas circum-  
stantias, præstat in genere, *Fermentationes spirituosas placide* potius,  
quantum fieri potest, instituire.

Norunt hoc sane, ab ipsa *Experientia*, *Oeconomi*, qui præcipue in  
*Cerevisiariis* potibus, *impetuosam* illam, & *copiosam* despumescētiā,  
maximopere oderunt, & *Saporis* atque *consistentiæ* quidem, immedia-  
te, *durationis* vero decrementum, mediate, satis certo præsciunt,  
daß das Getränk / wann es sich so abtobet / schaal und dünne wird /  
auch bald verschlägt und sauert. Et satis experti, sciunt, quod cere-  
visiæ *impetuose* fermentantes, *multo plus* fæcum nanciscantur, quam  
eæ quæ *placide* defervescent.

Ex eadem penitus *Experientia*, conditur etiam *mustum fermentans* in *Cellas* vinarias, loca subterranea temperate *frigida*; Includitur  
*doliis*, de quorum figura, ad numerosissimam repercussionem &  
*suppressionem*, maximè *elasticarum* portionum, jam *cap. præced. p. 136.* a-  
liqua monuimus: Imo *comprimitur*, ab harum rerum gnaris, ut *ela-*  
*sticus* ille halitus, totam massam fermentantem veluti quadantenus  
*obrigescere* faciat, ut ne *spumida* quidem effervescentiæ locus ampli-  
us sit, quale quid etiam in aliis *spumidis* repentinis motibus, v. g. *so-*  
*lutione argenti*, facile præstari potest: Cum contra in *intensioribus* e-  
jus generis, magna sane vis ad illud cohibendum requiratur; Nam  
robustissimus quisque vir, si vitrum exiguum crassum, *semunci-*



*am* forte liquoris capiens, duabus manibus impositum, utroque pollice comprimat; Indatur vero vitro *drach. i. aqua fortis* & pollici alterutri agglutinetur frustulum *Salis Tartari*: Comprimat itaque, non modo hoc pollice, sed superimposito etiam altero; orificium Vitri, agitet contentam *aquam fortem*, ut *Sal Tartari* aggrediatur; Nullis omnino suis viribus ille impedit, quin pollices ipsi retrudat effervescencia, & subtus erumpat.

Conspirant vero omnes antedictæ circumstantiæ technicæ, ad unum illud, ne *magno impetu, brevi tempore*, Fermentatio præceptis perpetretur, insignem alias jacturam & bonitatis seu spirituositatis, & consistentiæ seu saturitatis illatura. Ita enim in *calido* loco, cohibere velle *spumidas* illas exhalationes, frustraneus fuerit labor, quin omnia rumperent & effringerent, in paulo copiosiore quantitate liquoris; At *emittere* easdem, quid damni afferat, jam supra prædictum: Non possunt autem contineri, si *brevi tempore, confertim*, erumpere debeant: *Medium* itaque aliud nullum superest, quam ut præceptis ille *impetus*, quacunque potest arte, temperetur, & ad moderamen debitum deducatur.

Unde rectissime utique *Beccherus, in Phys. Subt. Vina fortiora* fieri autumat, quæ *diutius* fermentent. Quod quidem nemo intellexerit, quasi *Vinum* aliquod, arte quadam, ad *longam*, & tamen *vehementem*, fermentationem disponi debeat; Nisi quis forte tales materias addiderit, quæ *acres* ejusmodi *Salino oleosas volatiles, spumido-halituosas* particulas, inferant liquori, adeoque jacturam quadantenus refarciant. Sed ita potius capiendus est genuinus, & *Experientie* congruus, sensus, quod illa *vina*, quæ *lentius*, adeoque *diutius*, fermentant, *Spirituosiora* maneant, dum *pauciorum* quantitatem *tenuissimarum* portionum amittunt.

Ubi quidem, postquam de materiis, quæ additione suâ talem *jacturam* refarciant, dixi, adjicio, quod utique pleraque *Aromata* sint hujus energiæ, quorum duplex tantum exemplum adducam.

Si *Cerevisia*, alias quoque bene coctæ, in singulos *cados* (circa 160. librarum) *drachma sex* rasuræ *Nucis Moschata* indantur, dum fermentat, & cum ipsa ita in doliis defervesce finatur, exit inde *Cerevisia*, quæ cum reliqua, in aliis doliis per se fermentata ejusdem cocturæ, nullam quasi convenientiam præ sese fert, sed, ut *odore*



Nucem Moschatam fragrantissime prodit, ita *Sapore acri* & morficante, consistentia *saturatissima* spissa, & *durabilitate* quoque eximia, quasi toto cœlo differt: *Generositatis* vero ita odiosæ est, ut certissime *triplo citius*, & gravius, *inebriet*, quam alia non ita imbuta, licet caput non adeo insigniter gravatum relinquat, ut pure *lupulata* solent.

Deinde si *Cerevisia* illud genus *semitriticum*, quod vulgo *Breithau* appellant, ad Fermentationem *acetosam* reponatur; Nisi jam tum in *cellis* eximie deferbuerit, in Conclavi quocunque, præcipue vero *sub tepido*, pergit fermentare, &, levi ad minimum, *spuma* asfurgere: Ubi jam tere cessavit omnis hæc *spumescentia*, si *drachma semis* forte, *piperis* grosso modo contusi, injiciatur, *effervesce*it velut in momento, ut oras vitri transcendat, quamvis vix ultra horæ quadrantem hic *fervor* continuetur. Et nota omnino est artificibus harum rerum, efficacia *piperis*, ad *Aceta* præcipue, acidissima reddenda.

Et hæc ipsa quidem, de *Tempore* quoque & conjuncto fere *Impetu* Fermentationis, addenda fuerunt, quæ exemplo *Cerevisiarum* confirmare in promptu est, ubi omnes *Cerevisia*, quæ adhuc *tepidæ*, fæcibus ingestis ad fermentationem excitantur, si hæc *copiosa* addantur, & mox in dolia congeratur *Cerevisia*, cum *impetu* defervescentes, minus *Spirituosa*, adeoque & minus durabiles, evadunt: Et licet caput cito feriant, & fauces *ariditate*, *æstu*, & *siti* afficiant, *Dörrend und hißend Bier* / magis tamen id ipsum faciunt, ratione *Spirituosa* portionis jam quoque adhuc *laxe* inhærentis, & facile sese diffundentis, unde etiam si parum steterint, maxime in apertis vasis, confestim *fatua* & *hebetes* fiunt, daß sie schaal werden.

Illæ contra, quæ *successive* & provide defervescent, jam pæne *refrigerata*, face fermentali imbuuntur, & ita in *frigido*, aliquot dierum mora, despumescunt, illæ, inquam, non modo *Sapidiores*, & revera *generosiores*, sunt, sed longe quoque *durabiliores*. Est hujus generis è Germanis maxime *Servestana*. *Numburgensis* vero, licet sui similem, tam *Saporis* bonitate, & consistentiæ *saturitate*, quam *Nitrosa* temperatissima efficacia, vix in tota *Germania* habuerit, propter hanc ipsam tamen *Nitrosam* temperiem, minus quidem caput tentat & afficit *Spirituositate*, interim neque ipsa quoque defectu hujus



jus laborat, aut minus *durabilis* est, si *quieta* jaceat; Si vero *vectura* quassetur, paulo forte minus quam *Serveſtana*, duraverit, interim neque illic quidem insignis adeo interceſſerit differentia.

Est vero *tertium*, idque communissimum fere, *generosarum Cerevisiarum* genus, quæ, mala tractatione, ad *primam* harum *Classi-*um *perrecturæ*, supradicto artificio, *copiosi lupuli* additi, *condiuntur*; Unde vero, & incommodum *primæ Classis*, quoad *facilem & molestissimam inebriationem & sitim*, retinent, imo à speciali *lupuli narcosi*, *doloribus Capitis* inducendis, nisi in valde assuefactis, aptissimæ sunt: Interim paulo *durabiliores* istis evadunt, non æque ob *fir-  
miorem intertextionem spirituosæ* partis, quam ob *copiosorem* tantum.

## Cap. XIV. FAECES.

**D**iximus cap. XII. de *genesis Salino Spirituosa* fermentali; Ubi tum partium harum, *Salium*, & *Spiritus ardentis*, *concretionem*, figillatim; tum *unionem* adhuc eorundem, cum *subtilissime attenuata & expansa mucilagine*, & *aquositate* sufficiente, recensuimus.

Supereſt, ut nonnulla dicamus de *Fæcibus* ita dictis, seu parte *Mixti Fermentantis crassiore*, quæ *cœni* cujusdam, seu *limosa terræ* instar, copiose ex ipso Fermentefcente Liquore, successive *secedit*, & partim *superficiem*, deinde *Fundum*, partim *directe* fundum, petit.

Est hæc ipsa materia, nihil aliud, nisi portiones; *Mixti* illius magis *pure terrestres*, quæ antea à *Salina* substantia, dissolutæ & imbibitæ detentæ fuerant, nunc vero ab eadem denuo avelluntur, & penitus interpositis *pinguibus* particulis, ita veluti *obtunduntur*, ut, cum *Sale* hoc, è quo modo excussæ sunt, non amplius concreſcere possint, aut certe non adeo promptè, illud admittere valeant.

Ubi quidem diversæ *geneses*, sub actu fermentationis, continuis *successibus*, emergentes, non parum contribuunt, ad ipsas alias *secretiones*. Ita enim in præſente hoc nostro negotio, *Spiritus ardens*, tanquam subtilissimum concrementum *Oleoſo-aqueo-Salinum*,



inervit non modo ad *sequestrandas* portiunculas *terreas* crassiores : Sed maxime ad *distinendas* easdem , ne cum *Sale* denuo ita prompte concrefcere valeant.

Cujus rei *duplex exemplar* videmus (1) in crassiorum *solutionum Salino-terrearum* secessione, ubi *Spiritus ardens* iisdem affunditur. Ita enim v. g. saturatæ solutioni cuicunque *Vitriolica*, si *Spiritus ardens*, purus *rectificatus* affundatur, perpetrat ille statim *dejectionem* numerosissimarum particularum hujusmodi *Vitriolicarum*, in *CrySTALLINA* exili forma.

Si vero *Spiritui* ejusmodi, ut vocamus, *acido minerali*, *Spiritum ardentem* jungamus, adeoque *acidum Spiritum*, quod vocant, *edulcoremus*, fit ille inde tanto magis ineptus ad *solvenda* seu *imbibenda* *terrea Corpuscula*, quo magis *pinguedine* hac *Spiritus ardentis*, imbutus est.

Secedunt itaque partes *Mixti Fermentescantis*, magis *pure terrea*, partim propria sua *figura*, ad concretionem in majusculas *moleculas* proclives, partim à *Spirituosa* modo subnatæ portionis, intimiori *interpositione* elisæ. Complicantur autem non modo ipsæ *invicem*, in *maiores* ejusmodi *moleculas*; Sed affigit sese etiam *crassioris pinguedinis*, quasi *bituminose*, *portiuncula*; Imo innectitur hinc inde, non parum actualis *Salinæ acidæ* substantiæ.

Ita sunt quidem *faces*, magma ejusmodi *heterogeneum*, è *particulis* copiosissimis *Terreis*, intertextis largiter pinguibus *resinosis*, & non ita pauca quantitate actualis *Tartari*, jam recte efformati, *constans*; Habent vero consistentiam *submucidam*, tenacem, *lentam*, quasi *femi saponariam*: Unde difficulter admodum *siccescunt*, quinimo, ne *superflua* quidem *aquam* aut humiditatem sibi interspersam, prompte dimittunt.

Si enim *facum Vini*, recenter è *musto* facti, aliqua quantitas, in *sacco*, quantumcunque etiam *raro*, suspendatur, tantum abest, ut *superflua* illa humiditas inde exstillet, ut potius fluidissimæ permanentes ipsæ *faces*, cum toto *sacco*, in *situm* & putrefactionem trans-eant. Cum tamen, quod revera *superflua* sit ista *Humiditas*, satis abunde innotescat ex eo, quoniam actu in *saccis* valde firmis, aut *setaceis*, conclusæ *faces*, torculari ita exprimi possunt, ut profluen-



ehac *humiditate*, reliqua crassa portio sic satis densa & *semisolid*a, in sacco restitet.

Sub hac vero *humiditatis* notabili quantitate adhuc conjuncta, quæ in *Vinariis* fæcibus, nihil nisi ipsum *Vinum* est, adhibentur tales *fæces* communiter, destillationi *Spiritus vinosi*; Cum enim plerique viticultores, apparatus illum ad *exprimendum* hoc, in *fæcibus* incarceratum, *Vinum*, non habeant, recipiunt proinde universam *Massam*: Satis nimirum certi, quod *Calor*, portionem *spirituosam*, æque efficaciter ex ipsa hac *spissa Massa* expellere possit, quam si tenue *Vinum* seorsim expressum, destillationi huic exponeretur.

Interim tamen manifestum utique est, quod quidem *Calor* satis efficax sit, ad expellendum hunc *Spiritum*, sed non æque *prompte* & *commode* hoc præstet, quam si *tenuior* liquida portio, à *spissiore* segregata, assumeretur. Inde enim est, quod *duobus* maxime, & *molestis* profecto, *incommodis*, destillatio *Spirituum ardentium*, è *faculento* tali *spisso* magmate perturbetur.

Dum enim *fortiorem calorem* subministrare necesse est, ut *Spissa* talis, lenta, & viscosa materia, undique *æqualiter*, quantum fieri potest, *incalescat*, ingruunt *duo* dicta insignia incommoda: Nimirum ut (1) prævalescente paulo ultra mensuram *igne*, agitatae *volatiles* hæ agiles *Spirituoso-halituosæ* particulæ, lentum humorem in *Spumam* attollant, quæ semel concitata, in magna quantitate facile per commissuras vasis, & ipsa rostra vesicæ, transcendit. (2) Ut ratione *lentoris* hujus, & *limosæ*, cœnosæ, spissitudinis, lateribus vasis destillatorii facile agglutinetur, *crustam* formet, & *adustionem* quidem immediate subeat, interim *calor*am, non longe ad meditullium liquaminis, transmittat.

Quantum hoc *postremum* maxime incommodum, damni subinde causetur, *Oeconomi* sciunt, qui imprudenti servitio, aut negligenti, has res concredere necesse habent; ubi *Empyreuma* tale, promptissime inducendum, totam quantitatem unius operationis, *fædo*, & emptoribus adverso, *nidore* inficit: *Continuationem* destillationis, ad dimidium minimum diem, suspendit, donec iterum *erasa* sit illa *crusta*, cupreæ vesicæ affixa: Imo subinde, si imprudentius admissa sit *adustio*, *vesicæ* ipsi foramen minatur.

Unde



Unde manualis quidem *præcautio* & *enchirisis*, est, ut non modo modeste subministretur *ignis*, sed etiam continua *agitatione* & *versatione*, circumvertatur totum magma; tum ut *aqualiter* *incalescat*, tum ut, eo ipso, subnascens *spumofitas* discutiat, tum ut nulla quies, ad accumbendum ad latera vesicæ, & concrescendum in *crustam* suppetat.

Quamvis vero hæc, in *mediocris* *Capacitatis* vesicis, optime succedant, fit tamen aliqualis interim *jactura Spiritus*, qui inter agitando, donec recte incalescat magma, satis copiose effumat: Et tanto magis quidem in *Capacioribus* adhuc Vesicis, pro quibus in debito *astu* conservandis, præcipue circa finem, satis fortis *ignis* requiritur, qui materiæ crassiori, interim subsidenti, *adustionis* hujus periculum quasi inevitabile minatur.

Permovit hæc molestia, jam ante plures annos *Glauberum*, ut de evitatione hujus offendiculi, sollicitissimus esset, & varias *Inventiones* parturiret, inter quas *due* præprimis commendatæ ab ipso, sed *Praxin* fallentes deprehensæ sunt. *Prima*, quod *duplicem* Vesicam facere suadeat: Sed in eo *speculationem* fallit *Praxis*, quod tali ratione, vel *mediocris* valde Vesica, nullo modo ad debitum gradum *Caloris* impelli possit: *Alter*, quo apparatus quendam ex *bacillis*, tanquam *sepimentum*, parietibus Vesicæ apponere suadet, & intra hanc *sepem* demum, magma ipsum in raro sacco imponere, &c. Sed est hæc ipsa speculatio, priore ista immensum quantum adhuc frigidior, & ut pluribus aliis difficultatibus, ita hæc præcipue, impossibilis quasi *excalesfactionis* sufficientis, insuperabilis.

Quemadmodum vero longe plurimæ res, neglecta *causarum* pensitatione, quasi omne remedium, *causis* nempe illis exaquantum, amiserunt; Quæ contra, considerata *causarum* conditione, præsentissimam subinde, & in proclivi positam, emendationem admittunt: Ita in hoc quoque negotio, hoc ipsum luculento exemplo firmare licet.

Inveni certe, ante plures jam annos, hanc artem, sine speculatione etiam insigni, ut hæc *faculenta* liquamina, cujusmodi sunt *Vini novelli faces*, & *frugum*, pro Spiritu ardente fermentatarum, magnata,



*magnata*, in quantumcunque capacibus *Vesicis*, sine omni periculo *adustionis*, securissime destillari possint.

*Machinamentum* nimirum, ut magma in ipsa *Vesica*, sine ulla *jaçtura spirituosì vaporis*, (imo *prodeunte* hoc, in quam maxime *vegeto* progressu) *quoties* libet, *quandiu*, & *quantumcunque* necesse est, *agitando concuti* possit; In qua videlicet *actione*, omne *punctum* & *fundamentum*, & *spumascentia*, & *adustionis*, *præcavendæ*, *æqualis* vero *fervoris* sufficientis inducendi, unice consistit.

In *Caput* nimirum *vesicæ*, ejusque *fundi-centrum*, *foramen* incidi facio, cui *cæmento* vulgari *stanneo plumbeo*, agglutinare *sino*, *brevem*, sed *firmum*, *canalem*, *clavis* etiam aliquot circumcirca prius affixum. Paulo profundius in *capacitate* huius *capitelli*, paulo supra, quam ubi *collo vesicæ* ambitur, *ferramentum transversum*, aut *cruciatum*, *infigere* *sino*, cujus *centrum*, *annulum*, seu *foramen*, exprimat, *prædicto canali* respondens. In magna *Vesica*, potest adhuc unum *ferramentum transversum*, in ipsam quoque *Vesicam* *infigi*, cuius *foramen* alteri illi recte respondeat, Denique præsto est alius *longus canalis*, qui per *brevem* illum, & utraque horum *ferramentorum foramina*, *profunde* in *materiam* in *Vesica* contentam immittitur; Intra ipsum *brevem* *canalem* vero, *stuppa cannabina*, vel *linteaminibus* firmatur, ne *halitus* inter utrumque *exspirare* possit. Hic *canalis*, constituit *vaginam*, *baculi ferrei* proportionati, cui in *parte inferiore*, per *foramina cruciatim incisa*, *alæ lignæ*, per *crucem*, *infigi* possunt: In *parte vero superiore manubrium* transversum vel quaecunque libuerit, applicari; Ita potest, quocunque tempore, *agitatio* sufficiens institui, continuari, repeti, atque adeo omne *adustionis* periculum, secure contemni.

Notanda vero *magmatis* hujus, *duplex* adhuc *circumstantia*. *Prima*, quod utique, quamdiu *Vinum*, seu *portio illa spirituosà*, ipsi adhuc *permixta* est, perpetuo *mucilaginosam* illam *spissam* *consistentiam* exhibeat, quantumcunque etiam *agitetur*, & *conquassetur*: Si vero *coctioni* *exposita* sit, ut *spirituosà* hæc *portio*, vel *evaporaverit*, vel ad *minimum*, è qualicunque sua *cohæsione* & *connexione*, *deturbatur*, evadit *universum* hoc *magma* *fatis liquidum*, & *amittit mucilaginosam* illam *pristinam tenacitatem*.



Quæ quidem circumstantia, illum maxime usum habet, quod *coctæ hæ feces*, melius *exprimi* possint; Si nempe quis easdem *desiccatas*, pro destillatione *Spiritus volatilis* seu *Salis Urinosi*, & *Olei*, quod præbent copiosissimum, adhibere gestiat. Deinde, quod è *coctis* hujusmodi *facibus*, tanto melius excoqui possit, ipse *Tartarus* in iisdem contentus; Si nimirum, post exstillatum *Spiritum ardentem*, affusa bona quantitate *aquæ*, sub continua *agitatione*, intense bulliant, & ita *calidissimum decoctum*, per densum *cannabinum saccum* trajiciatur & exprimatur, quod refrigerens, *Tartarum candidum* & pulchrum dimittit.

Quæ videlicet est *secunda* illa, de qua paulo ante innuimus, *circumstantia*, *faculenti* magmatis, *vinosi* præcipue; Nam in *Cerevisiariis* potibus, propter copiosissimam *muciditatem*, & parciore est *Tartarea Salina* substantiæ, & *spirituosa* simul proventus: Quæ tamen, in *Fermentatione* simpliciter confractarum frugum, pro solo *Spiritu ardente* conficiendo, minor quidem est, sed *Tartarea* tamen illa substantia, perpetuo *deliquida* & *limosa* tantum manet, ob copiam subtilissimæ tantum *terre*, & abundantiam *pingvedinis* conjunctæ.

Secedunt vero universim, *feces* hæ sic dictæ, primo ad *Superiora*, dum *resinoso-pingvis* substantia, cum *terreis* illis mutuo extrusa, in fluido *aqueo*, adeo longe & valide *projicitur*, ut extra latifundum ipsius, ubi vel *adhærescere* alicubi, vel ulterius projici non possit, emoveatur: Non aliter, quam è numerosis corporibus, illa, quæ vel *figure*, vel *magnitudinis*, ratione, plurimum *mobilia* sunt, si simul omnia generali aliquo motu *lineari* impellantur, *mobilia* illa longissime omnium progrediuntur.

Nascitur inde *primo* statim, *Cuticula* veluti levissima, *nitida*, manifesto *pingvis*, in iis *Fermentantibus* quæ *lenius* commoventur, ut *acescentibus*, maxime spectabilis; In iis vero quæ paulo *gravius* agitantur, *Spuma* subtilis forma assurgit, quæ successive diffiliens, *pingvedinosam* hujusmodi materiam supernatantem monstrat: Quo diutius vero utrumque continuatur, tanto plus nascitur hujus substantiæ, quæ sensim magis magisque *spissescens*, denique in *crassam pulverulentam consistentiam* condensatur, & vel ita *solidam cuticulam*

*culam* exhibet, quod vernacula *fohnicht werden*/appellant: Vel *floc-  
culorum* facie, sub *ebullitione* fermentativa, susque deque in liquore  
rapitur. Utrumque vero tandem eo usque augetur, donec *cuticu-  
la*, ipso pondere suo, *floci* illi mole sua, inter subtilius motam *flui-  
dam* materiam ad *fundum* detrudantur, & *motus* sensibilis exortes,  
quasi quietè resideant.

Facto hoc, *clarescit* liquor ita *defecatus*, & habet tres illas,  
immediate consequentes, *novas* qualitates, *primo* manifestam *Salfe-  
dinem* acrem subacidam, excussis nempe particulis *terreo-pingvibus*  
obtudentibus; *Secundo*, longe tenuiorem & *dilutiorem* Saporem & at-  
taetum, qui ante fermentationem, & *conglobationem* *terreo-pingvium*  
harum expansarum particularum, *lubricus*, & *glutinosus*, erat: *Tertio*,  
longe maiorem *diaphaneitatem* & *fluxilitatem*, deposita modo dicta,  
pristinæ muciditatis per ipsum expansæ, materia.

Et sane, valet hæc intestina *conglobatio*, expansarum alias  
harum *mucidarum* particularum, plane luculenter, etiam in *pastis*  
usque *farinaceis*, imo ipsamet *farina*; Cum enim *farina*, cum pauca  
aqua subacta, insignem *tenacitatem* submucidam præ sese ferat, adeo,  
ut etiam ad *conglutinationem* Chartarum inservire soleat: Minime  
facit hoc ipsum *fermentata*, ex eadem farina, *pastâ*. Cum *farina*,  
*hordeacea*, in mucosissimam *viscositatem*, coquendo cum aqua, abeat,  
*farina* ex hordeo *fermentato*, vulgo *Malz*/extrita, vix levem spissi-  
tudinem nanciscitur. Cui geminum est, quod *farina* è *tritico ma-  
defacto*, & nimis diu, antequam ad molam apte subsiccescat, madi-  
do relicto, (quod fere diebus æstivis pluviosis accidit) adeoque in-  
terim *fermentescente*, vel quadruplo minus, quam alias solet, cum  
aqua exturgescat, quod vulgo vocant: *Das Meel lauffe*/ oder  
*fließe*/ *wolle nicht starcken* oder *aufquellen*. Quod idem in *farina* hu-  
jusmodi *humidiore*, tectis vasis aut conditoriis inclusa, adeoque in-  
*fervescente*, erwarmenten *Meel*/contingit. Ut vulgo in *Oeconomicis*,  
quoad factum, hæc omnia nota sunt.



## Cap. XV.

EBULLITIO seu SPUMESCEN-  
TIA.

**N**ON integrum nobis est circumstantiam hanc Fermentationis, licet *particularem* tantum, neque nisi *certo generi Fermentantium* propriam, dissimulare; *Communiter* enim ex hoc præcipue phænomeno, petitur & deducitur probatio, quod ipse *Motus Intestinalis Fermentativus*, longe intensior sit, *Motu Fluiditatis* in se considerato: Neque hoc tantum, sed videtur etiam ex hoc eodem accidente, *summa illa activitas Sulphuris* in Fermentationis actu, simul colligi.

Interim cum utique, ut dictum, non æque *universalis*, & Fermentationi *absolute* incumbens sit hoc Phænomenon, non nimis prolixum in ejusdem pensitatione me geram.

*Primo* notare convenit, τὸ ὅτι, ubinam & quando, *Ebullitio* hujusmodi, sub Fermentationis actu observetur; Deinde colligemus *negative*, à quibus *Mixti* Fermentescantis partibus, minus commode deducenda videatur: Denique *probabilissimam* nobis vi-  
sam sententiam, evolvemus.

Certum videlicet est, quod *Ebullitionis* circumstantia non modo plurimum, sed *unice*, observetur in illis Fermentescentibus, quæ plurimum *Salina acida* substantiæ in sese habent, & Fermentationis actu ipso, manifestant.

Ubi excusatum me iri spero, si *Spumescencias* in *Carnibus Animalium*, in concluso *putrescentium*, non huc connumerem: Cujus alias insigne exemplar, est *Spumescencia* illa insignis, quam in *Cadavere Ceti Grönlandici*, quando valde corpus suum exagitavit motibus jactabundis, contingere memorat Martens in der *Spitzbergischen Reise-Beschreibung*: Utpote ubi magis *caloris* actualis coorientis concursus, quam spontanea illa, de qua hic loquimur *spumescencia*, in causa est.

Cer-

Certum est pariter, quod *Spumescencia* in illis tantum compositis Fermentescentibus sensibilibiter occurrat, in quibus cum *Sale*, copiosa *mucido-terrea* subtilis materia præsto est. Unde *vinum* in *acetum* transiturum, ne minimam amplius *bullam* format, licet & *Sale* abundet, & copiam *pingvis* substantiæ, tam *Spirituosæ*, quam *crassioris*, quasi *resinosæ*, in sese contineat.

Certum denique & illud est, quod *frequentissima*, *spississima*, & *celerrima* ebullitio, *tunc* maxime increbescat, quando jam numerosissimæ *moleculæ terrea* coagmentatæ in liquore natant. Unde multis millenis vicibus per ejusmodi *bullas*, in ipsismet subnatas, sursum projiciuntur, & harum *elisione* in auras, denuo ad fundum secedunt, nisi quod innumeris vicibus contingat, ut antequam ad fundum, imo ad medium liquoris pertingunt, denuo suborta simili bulla, iterum eo unde modo relapsæ sunt, deferantur.

Certum, ultimo loco, est, quod *vina*, valde *spumida* ejusmodi Fermentatione parata, & quorum *Spuma* admodum libere in aërem elidi seu resolvi potuit, minus sapida, sed vel *obtusiora*, vel *austeriora* sint, & longe citius *pendula*, *lenta*, & *mucida* evadant.

Econtra certum est *negative*, quod *pingviora* (non intelligo hic *lubrica*, γλυσχερά, sed *oleaginosa*) concreta, sufficientis *salis* & *terreitatis* subtilis, & quidem connexorum, consortio destituta, nullo modo *ebulliant* seu *spumescant*: Unde non modo ipsa *pingviora vina*, qualia sunt *Italica* & *Hispanica* genuina, admodum modice *fervent*, in comparatione ad septentrionaliora: Sed & semina *oleosa* quævis, quacunque arte per se ad *Fermentationem* excitentur, nullatenus *spumescunt*, licet ad *acetosum* statum deducantur, ad *putrilaginosam* quidem *Fermentationem* procliviora.

Pariter certum & hoc est, quod hujusmodi *pinguia* concreta, si vel maxime ad *putredinem* commoveantur, & *Calorem* omnino concipiant, sub hoc ipso etiam *Calore* (nisi ab insigni mole materiæ intensissimus oriatur) nihil pro proportionem expandantur: Unde *Putrefactio* ejusmodi, *pura* dico *putrefactio*, in vase undique *clauso*, admodum tenui & *debili*, commode, & sine ullo *ruptura* periculo,



perpetrari potest, cum Fermentatio *acido-Terreorum*, satis *firma* vasa, & insigne moderamen expansionis *elastica* requirat, nisi vasis certam *rupturam* expectare velimus, si probe occlusum fervetur.

Neque tamen & illic nascitur *Ebullitio*, ubi *pinguedo* sufficiens in compositione desit; quo casu mature *mucescit* materia, & in cariem atque situm prolabitur, nullo uspiam *spumescentia* vestigio apparente.

Interim aliunde certum utique est, quod quidem *Salia acida* cum *terreis*, in *fluida* forma commissa, expeditissimam utique *bullitionem* forment: Cum *pinguibus* vero, nisi *concentratissima* fuerint ipsa *acida*, nihil horum præstent, sed tantum *segni* & tardissimo motu, simulque *paucissimo* coalitu, sine minima sensibili agitatione, congregiantur.

Ex quibus omnibus circumstantiis, ultro citroque pensatis, ego colligo: Quod omnis hæc *ebullitio*, à sola frequentissima aggreffione *acidarum* particularum contra *terreas*, adeoque per modum *novæ solutionis*, fiat; Ut nimirum particulae *acida*, quæ recentissime à *terreo-pingui* suo consorte, per appensionem plurium prægravato, remotæ & avulsæ sunt, particulas ejusmodi *terreas* alias, adhuc *minutulas*, aut plurium appensarum moli, nondum penitus implicatas, denuo aggrediantur, & *solutorio verticillari* motu agitent: unde inter reliquas, bullæ fit figura *rotunda* cava, & *motus intensior* in majuscula mole, seu majusculæ molis intensius motæ, emotio è minoribus, quæ sub eadem mole (aggregative) aut non ita intense, aut non ita æqualiter, moventur.

*Perdit* interim iterum *Sal* ipsam ita arreptam & agitatam particulam, dum vel non *avellit* penitus, licet *convellat* seu vibret: vel *avulsam* etiam, appensione nova majuscularum, denuo amittit; Donec tandem & illæ *terrea* moleculæ, *pinguium* interventu & accessione, ita deformentur, ut *acida* easdem ita directe & vegete, imo ita plane & late, amplius attingere non possint: Aut ipsæ *acida*; subtilissimarum *pinguium* nova *spirituosa* ἐπιγεγέσκει, ita obtundantur, ut *solutoriam* illam invasionem & coagitationem, amplius edere non valeant.

Confirmatur utrumque Experientia & observatione, dum (1)

*Ebulli-*

*Ebullitio* hæc, & tota *Fermentationis* continuatio, mature *finitur* & *sistitur*, si pura *macra terrea* substantia v. g. *Creta*, fermentanti vino copiose immiscetur, qua mox saturantur *acida* particulæ, ipsa vero, ob nullam, aut exiguam, proportionem cum *oleosis* pinguibus, (quæ *faculentis* è *Vino* abscedentibus, connato consortio applicabiles sunt, adeoque iisdem intextæ una ad fundum secedunt) per *faculentas* illas, a *Sale* amplius avelli non possunt.

Deinde vero (2) utique *fermentans* adhuc *vinum*, antequam innexione subtilissimarum *pinguium* particularum *Spirituosa*, *obtusum* fiat, vel solo gustu iudice, longe *acidius* & manifestius *Salsum*, *Dentes* ipsos stupefaciens, & *metalla* quoque solubilia arrodens, deprehenditur, pessimi proinde *acido-austeri* saporis, quam denique, post peractam dictam *intertextionem* & implicationem, evadit, ubi *mite* prorsus, & *obtusum* redditur.

Quod quidem (3) etiam ex paulo largiore affusione *puri Spiritus* ardentis, in *fermentans* *Vinum*, pariter contingit, ut nimirum mature ita *obtusius* evadat, adeoque activitas illa ad *solvendum*, seu qualiscunque *habilitas*, ad complicationem cum *terreis* subeundam, difformetur.

Interim non in totum negaverim, quod *Sulphurea* portio, si ab *aëris* libero accessu juvetur, sub ipso *Motu* effervescentiæ *spumide*, aliquid contribuere possit, ad *spumeum* hunc *Motum* quadantenus, circa *superficiem* liquoris, augendum. Minime tamen ullo modo perspicere possum, quod hæc ipsa *sulphurea* substantia, motum hunc *elasticum*, vel sola excitet, vel illa *præ aliis*, vel *insito* aliquo *nisi* aut motu, præstet: Non magis, quam vel in *Carbone*, vel in *puro oleo*, nullo *elastico* motu sese prodit, etiam si *igne* sat valido agitetur, nisi *liber aër* accedat, ubi *repentinum* hunc *validissimum elasticum* motum suscipit.



Cap. XVI.

PASSIONES SULPHURIS IN FERMENTATIONE.

**D**E *passione Sulphureæ* portionis, sub Fermentationis actu, sequentia notare oportet.

I. Consideranda est eadem in statu suæ *connexionis*, cum reliquis partibus, fermentabile *Mixtum* constituentibus, quomodo sese habeat inter has, antequam in fermentationis actum corripitur.

II. Attedendum, quidnam agat *sulphurea* hæc portio, si augeatur veluti & excitetur, addito aliquo *fluid*o sibi *homogeneo*.

III. Spectanda est ejusdem *Sulphureæ* partis conditio, 'quando actu ab *aqueo* fluido addito, exagitur *Mixtum*, cui ipsa inest.

IV. Pensitandum, an unquam, sub toto Fermentationis actu, *pura & libera* appareat pinguedo.

V. Annotandum, quid sub *Aeris* liberiore commercio ipsi accadat.

*Primum*, quod attinet, habet se *sulphurea* portio mere *passive*, quamdiu in *unione* cum reliquis suis consortibus persistit, neque ulla superflua *Humiditas aquea* intervenit.

Ita enim fermentabilia Concreta quælibet, si exacte *sicca*, in locis temperatis, asserventur, ad multos annos, imo quasi ultra memoriam, incorrupta persistunt; Et perdurat hæc ipsa *sulphurea* pars, iisdem *immixta*, (de *superabundante* enim, libera, extra intimiorem *nexum* conjuncta, ut in *Aromaticis*, non est sermo) sine ulla alteratione, & tanto magis quidem, quanto magis in *aggretato*, seu frusto, consistit tota moles.

*Secundo*, si materiæ fermentabili, *Oleum* additur, *fluidum Sulphuri* huic *homogeneum*, non modo nihil inde *concitationis* fermentativæ nascitur, sed præservatur potius eo ipso ab omni fermentativa alteratione, tanto certius & perennius, quo *purius* fuerit *Oleum*, & ab extranea humiditate *aquea* (qualis in *expressis oleis* adest) liberum.

Ubi

Ubi sane, si ulla in actu fermentationis esset activitas, à *sulphurea* illa parte arcessenda, deberet sese potius exserere, addito *homogenio*, *motum* illius adjuvatur.

Neque ullo modo vero fit simile, quod *aqua* in reliquas *Mixti fermentescentis* partes, emolliendo tantum agat, quibus ita laxatis, *oleosa* seu *sulphurea* portio, *nisum* suum ad actualem *motum* deducat. Si enim *Aqua*, concreto summe fermentabili, ad perfectam ejus *emolli-tionem* addatur, & tamen sufficiens gradus *intestini Motus* ipsius (*aquæ*) desit, nihil agit hoc modo *Oleum* seu *Sulphur* : Ita enim, si *Saccharum*, in aquæ sufficiente ad fermentandum quantitate *solutum*, *hyeme* reponatur in locum, ubi non congelari possit, admodum tamen *fri-geat*, nihil omnino movebit *sulphure* illa portio, sed iners & immota, reliquis suis partibus adhærebit.

Imo, si forte quis putet, non fieri sufficientem *emolli-tionem* ab *aqua* non satis intense intestine agitata, en aliud exemplar. Solvatur v. g. *Saccharum* in aquæ quantitate sufficiente, intendatur ipsius *Motus*, per *calorem* æstuantem ; Nihil ne hic quidem efficiet *Sulphur* Concreti, neque ipsum pro se, neque in reliquis sui consortibus partibus. *Pro se* enim, deberet utique, non modo a consortibus suis *en-iti*, & sese extricare, sed & in auras *evaporare*, quod præsentissimum est *Sulphuris* liberi, in *æstuoso* motu constituti, effugium : Sed nihil horum contingit.

Ubi vero, *Tertio*, *Aqueum* fluidum, additum est *Fermentescenti* concreto, & sufficiens proportio *impulsus* accedit, *Caloris* nimirum ambientis *moderata* intensio, qua *Intestinus* motus *Fluiditatis* *Aquæ*, ita exacuetur, ut *collisio* quidem frequentissima, interspersorum *Corpusculorum*, contingere possit, non vero æque pura & præceps *illisio*, aut *elissio* ; tunc commoventur immediate quidem, *salina* *par-ticula*, mediate vero per has, *sulphureæ* atque *terreæ*.

*Commotio* interim hæc nequaquam est tanta, quantam susci-peret & subiret *sulphurea* hæc portio, si libera à *Salina* illa *terrea* parte existeret : sed valde, imo immensum quantum, *segnior*, siquidem ipsa hîc quoque non aliter, nisi una cum *terreis* & *salinis*, aut cum *terreis* ad minimum *conjunctim* movetur.



A *Salinis* quidem, excutitur successive potior pars *Sulphurea* hujus substantiæ. Cum enim *aqua*, Fermentabilem Moleculam ex latere *Salino* arripiat, ibique agitet & vibrat; Cum *oleosa* vero, quæ *Saline* adhæret, nullum intimiorem coalitum, aut qualemcunque adhæſionem tantum, subire possit; Abripit tandem, tum hoc motu, tum occurrentium aliorum corpusculorum plurimum hetero-clito appulsu, in diversum trudente, *salinam* particulam a *Sulphurea*, ut hæc a *Sale* separata, cum *terrea* saltem adhuc particula connexa, extra cohæſionem in liquore fluitet, & hujus tenuem perspicuitatem turbet.

Ubi quidem in primo principio, quando pauciores tales *Sulphurea* particulæ segregantur, specimen exiguum mobilitatis suæ nativæ exserunt, ut ad superficiem *aquei* fluidi emoveantur, & ibidem *cuticulam* nitidam, pinguem, repræsentent.

Non diu vero durat hæc prærogativa, sed innectuntur huic ipsi tempestive & paucissimo tempore, plures, & quidem numerosissimæ ejusdem generis particulæ: Ex harum congregatione perpetuo augescente, obvolvuntur denuo *oleosa* *Sulphurea* particulæ, a *terrearum* copia, ut denuo vim passæ, non modo eximiam suam mobilitatem, qua supernatio fit, sed & omnem aliam perceptibilem, amittant, & ad fundum, cum *terreis* illis dejiciantur, *sejunctæ*, & *immobiles*, ibidem jaceant, neque facile sensibus sese exhibeant.

Subtiliter de negotio hoc *generatim* nihil determinare licet, an *ordinarie* tantum *terrea* substantiæ, in fermentabili Mixto præsto sint, ut hanc *obvolutionem* pinguedinis, & præcipitem devolutionem ad fundum, eidem necessario inferant; An vero per *resolutionem* *oleosæ* Mixtionis seorsim, *terreæ* quantitas demum prædominium nanciscatur; Dum videlicet ipsa agitatione *spumida*, multum utique *Sulphurea* substantiæ ita resolvitur, ut portio ipsius siccescens *specificæ*, sub elastici halitus forma, in auram dissolvatur, relicta particula *aqueæ*, cum qua hæctenus connexa, *Mixtum olei* seu pinguedinis constituebat.

Interim *in specie*, indubium penitus est, quod in *plerisque* omnibus *Mixtorum fermentabilium speciebus*, omni modo *terrea* substantia



stantia prædominetur; Et quidem tam in ipsa parte, *strictè & immediate fermentabili* ipsorum, quam in *feculenta* superflua parte, quæ in plerisque non prius separari valet, ut *pura illa fermentabilis pars* seorsim obtineretur. Repetenda hîc erunt, quæ de *pingvedine, & mucagine*, in superioribus jamtum dicta sunt.

Ita patitur utique *Sulphurea* hæc portio, primo *separationem & avulsionem*, à nexu, quem cum *Sale* hætenus habuerat. Neque nanciscitur interim propriam suam *agilitatem* aut libertatem, ut in *oleosa pingvi, supernatante*, nedum *volatili*, forma, emergat è nexu *terreorum*, imo tantum è *complexu aquæ*, quæ ipsam, una cum *terreis*, quibus adhuc innexa est, fusque deque raptat & obturbat.

Ipso vero perpetuo nexu,, imo etiam magis magisque copioso *innexu, terreorum corporum*, patitur utique *oleosa* portio seu *sulphurea*; ut non modo longe minus agiliter intra *fluidum aqueum* rapiatur, sed &, paucotempore, penitus *prægravata*, una ad fundum, in admodum sensibilem *quietem*, dejiciatur.

Ubi neque mihi, neque forte pluribus *verba inania* fastidientibus, arridet, supervacua assignatio istius *activitatis*, qua dicitur vulgo, concretio hæc *Sulphureæ* seu pingvis substantiæ, cum *terrea, active* a Sulphure fieri. Unde formulæ illæ, *Sulphur esse Causam miscentem, formas novas inducere, sese aliis rebus immiscere*, principium *activissimum*, totius *Motus Fermentativi Authorem & veluti animam*, peragere totam illam *Commotionem*, *Nisu suo*, quo modo è societate & nexu aliorum *Corpusculorum, terreorum & Salinorum*, eluctetur, modo denuo, *sponte*, aut nimia *activitate sua*, & quasi *protervia* quadam, motum suum omittat, sese *innectat*, & implicet, &c.

Certo enim certior est illa subsumptio, quod, cum *terreis* particulis, collectio in *aggregatum solidescens*, & majores moleculas, ex sua natura i. e. *figura & magnitudine*, veluti propria sit: E contra vero *Sulphureæ* substantiæ, in tali statu, quali hîc sese habet, nempe satis *tenui, agili*, ad *fluidam aggregationem* habili, nihil minus conveniat, quam *innexio* talis in *solidescens aggregatum*, & *implicatio* in moleculas valde *quietas*. Quod, inquam, in tali casu, nulla *activitate*



Sulphuris opus sit, qua *terrea* illæ particulæ ad *solidescentem congregationem*, & concretionem numericam, conjungantur, seu deducantur, ad quam sponte proclives sunt: Sed quod magna potius *passio* hujus ejusdem *Sulphureæ* substantiæ existat, quod *segnibus* hujusmodi Corporibus, sese *implicari*, à mutuo numerico, *aggregativo* coalitu, copiosarum suæ ipsius speciei particularum, distineri, & in *quiete insigni*, in *fundo*, in & *sub aqua* deprimi, atque detineri sinat.

Unde nimirum IV. etiam sub toto actu Fermentationis, nunquam hæc ipsa *Sulphurea* substantia *libera* & *pura* sese exserit, ut vel *sponte*, vel *arte* obstetricante, *sincera* è nexu dicto sese expedire valeret, nisi in admodum exigua quantitate, imo ad reliquam illam, quæ perpetuas novas *innexiones* & *transpositiones* patitur, vix *millesima* proportionem. De *oleo æthereo*, quod vocant, *balsamico*, subtili, quod è *baccis Juniperi*, *seminibus anisi*, *fœniculi*, &c. *Herbis*, *Salvia*, *Mentha*, &c. provenit, hîc non est sermo; Licet hoc etiam, sub actu Fermentationis, manifestam *patiatur* imminutionem sui, & translationem *implicatoriam* cum *Sale* & *aqua*, in *Spiritum ardentem*, & cum *terra*, in *feces*.

Quando vero V. *Aëris* liber commeatus largiter concurret, ibi eripitur non exigua pars *oleosa* hujus seu *sulphureæ* substantiæ, in ipsas auras; Unde non modo universum *vinosum* fermentatum, longe magis *vappidum* & *iners* remanet, sed ipsæ quoque *feces*, *mu- cidiores*, *tenaciores*, *limosiores*, subsident; Aut, dum particulas aliquas *sulphureas*, ab *aëre* in motum incitatas, secum deorsum tulerunt, invalescit ibi nova *continuatio Fermentationis*, *putredinosa* nimirum, quæ diffidium *oleosa* à *terrea* parte demum fusciret, & ibi maxime, majorem *agilitatem* nanciscatur, *sulphurea* hæc portio: Nequaquam tamen *activitatem* spontaneam, *propriam intrinsecam*, quæ nuda *excitatione* tantum in actum deducatur. Sic enim hîc quoque, si aqueum *fluidum*, & *aër impellens*, absint, relabitur tota illa *agilitas* in desidiam. De quo universo tamen, hîc nondum est dicendi locus, sed ibi demum, ubi de *Putredine* erit sermo.

Interea sufficiant ea, quæ hæcenus dicta sunt, pro demonstratione, quod omnis *energia Fermentativi Motus*, potius à quacunque

que alia causa, quam ab *activa* efficacia *Sulphurea* partis, oriatur: Quæ tamen opinio, quod *Sulphur* hoc omne præstet, cum vulgimentes hucusque tenuerit, placuit hac *παρεμβάσει* eandem amoliri.

## Cap. XVII.

# SULPHUR TAMEN CONCRETI FERMENTESCENTIS, EST CAUSA TOTIUS ACTUS FERMENTATIVI.

**N**on anxie Philosophabor, ad quodnam genus *causarum* referam actionem illam *mediam*, qua *Sulphur Concreti*, est *causa* dicam an *occasio*? *Fermentationis*. *Stricte* loquendo, non est *Instrumentum*, quia non assumitur à *Causa superiore*, ad effectum producendum: Fit tamen præsentia sua quasi *fortuita*, *subiectum* *Motus*, *subiectum* complicationis, & tunc demum *medium Eccentricæ* commotionis, qua reliquæ partes dimoventur.

Sistam rem ipsam, ut quilibet inde colligere possit, verene *passive* se habeat *sulphurea* portio, etiam sub hoc ipso actu, quo *dimotionis* *Causa* fit: An vero *positive*, *effective*, *Nisu* infito, *activitate* concreta, in hoc negotio efficax sit.

Attendantur itaque partim *Materia* conditiones, partim *Motus* circumstantiæ. Quoad *Materiam*, præsto sunt,

1. *Corpusculum salinum*;
2. *Aqueo firmiter complicabile*;
3. Adest *Corpusculum terreum*, *Salino crassius, majus*.
4. Hoc *per se*, non potest firmiter complicari *aqua*.
5. Bene tamen *per Sal* intercedens.
6. Potest vero *implicare sulphureum* *Corpusculum*.
7. *Sulphureum* *Corpusculum per se*, nullam habet firmam *connexionem* seu *complicationem* cum *aqua*.



8. *Laxat* etiam *terrea* Corpuscula, si nempe inter horum *plura* interponatur.

9. Et hoc quidem, tum forte ratione *propria* suæ *figuræ*.

10. Tum *disparis* suæ ad ista, *eximia* nempe *mobilitatis*.

11. Certe *cobaret* semper *minus* firmiter, cum quibuscunque Corporibus.

12. *Cobaret* tamen, tam cum *Salinis*, quam *terreis*, præcipue vero his.

*Motus* circumstantiæ sunt, quod 1. *Aqua* primo & *immediate* commoveat *salina* Corpuscula.

2. *Mediate* tantum *Terrea* Corpuscula:

3. Si *Oleum* seu *Sulphur* immediate offendit, movet illud *velocissime*, ex hujus *propria* *magnitudine* & *figura*.

4. Imo & *per* hoc, movet fortius *terreum* Corpusculum.

5. *Salinum*, *Sulphureum*, *terreum*, connexa *cohærent* ordine aliquo, & *commissuris* certis, & habent inde aliquod *Centrum communis* *mobilitatis*.

6. *Aqua* non arripit firmiter, præter solam *salinam* particulam.

7. *Sulphuream*, vero & *terream*, *trudit* solum & *tundit*.

8. *Liberis* *terreas*, extrudit ex *aqueis*, *tenuior* & confertim *illabens* *ether*, ut ad *fundum* *aquæ* deorsum moveantur.

9. *Sulphureæ libera*, *eximia* *jactatione*, quam *sigillatim* ab *aqueis* patiuntur, *illiduntur* *terreis*, donec aliquandiu hæc *collisio* ita *exacte* incidat, ut, *sine* *prominentia*, *examusim* *complicata*, *imposterum* *pro uno* moveantur.

10. Interim in toto hoc negotio, nulla uspiam est *pura Actio*, seu *destinata Motio*; Quasi videlicet particulæ hæc tamdiu *consulto* *agitarentur*, donec *complicentur*: Facta vero *complicatione*, quasi *sine* *impetrato*, *active* *remittat* & *requiescat* ille *motus intentus*: Quod quidem illis, qui certos *Spiritus* omni *motui* præficiunt, placet.

11. Sed fit *Motus* in *fluido*, per *Essentiam* ejus: Huic quamdiu aliquid *commobile* occurrit, *participat* hoc de ejus *Motu*: *Complicabile* hoc sit, annon sit, nihil interest *fluidi* *Moventis*: Si forte est *complicabi-*

*cabile, & cum tempore, sub continuo illo concursu, fortuitis ex-  
actioribus allisionibus, actu complicatur, fit inde majus concretum,  
adeoque pristino gradui Motus minus mobile. Desinit itaque move-  
ri, non quod fluidum cesset allabi, sed quod Motus, progressum non  
obtinens, reflectatur in ipsum Corpus fluidum.*

Ex his omnibus circumstantiis exhibeo *Motus Fermentativi se-  
quentem Schematismum.*

Quando Numerus ingens, seu aggregatum quoddam, *fermen-  
tabilium* Corpusculorum, imponitur in *Fluidum aqueum*, tunc appli-  
cantur hæ particulae aqueæ, per convenientiam figuræ suæ, *Salinis*  
horum Corpusculorum miculis, seu ut vulgo loquimur, apprehen-  
dunt fermentabilem moleculam in latere Salino.

Cum vero singulae hæ moleculæ, consistant ex *salina, terrea, &  
sulphurea*, particula: Proinde prominent hæ posteriores, *terrea &  
sulphurea*, & prægravant ita Motum, qui in altera extremitate, à  
particula aquea, modo affixa, contingit.

Tanto magis vero prægravant illum, cum incurfus aliarum  
particularum, tam *aquarum*, quam talium compositarum *fermen-  
tabilium*, perpetuo contingat: Unde facile fit *detrusio terrea & sulphu-  
rea*, utpote prorsus eccentricæ ad Motum aqueæ, quæ *Salina* cohæret  
(in extremitate) positarum.

Tanto facilius, cum *terrea* quidem, *majuscula* particula, plu-  
ribus punctis attingatur, à Corpusculis aqueis, actu motis: *Sulphurea*  
vero, etiam ab uno aqueo Corpusculo, imo forte potius ab *ethereis*,  
violentissime motis, impulsæ, tanto vehementiorem Motum patia-  
tur, quo minus ipsi, ut *minori*, aqueæ, ut *maiores*, in mora aut im-  
pedimento sunt, quin inter ipsas huc illuc pelli possit.

Quando vero *sulphurea & terrea* particulae, ita a pristino suo  
conforte *salino*, decussæ sunt, tunc tunduntur susque deque in fluido,  
cui neutra concrecere potest, sed jactantur tantum natatorio motu.  
Et *terrea* quidem, jactatur ita, ob qualemcunque suam parvitatem:  
Qua, licet *connecti* aqueis non æque possit, pelli tamen ab ipsis, seu  
motum nancisci, potest: *Sulphurea* vero, ob eximiam suam subtilita-  
tem tam magnitudinis, quam volubilitatem figuræ, summe quoque  
habilis est ad *transumendum* seu suscipiendum Motum, (ad passionem Mo-  
tus:)



tus: ) Hoc enim est verum *mechanicum* axioma: Quod *parvitas molis*, & *penetrabilitas figurae*, (figura ad penetrandum per alia Corpora numero plura, congregata, aptior, non in multis punctis eadem attingens) sit verum *fundamentum* pro suscipiendo *Motu*.

Dum vero excussa hæ particulae *terreae* & *sulphureae*, ita in latifundio *fluidi aquei* jactantur, successu temporis & numero innumerali jactitationis, implicantur ipsae numero plures, ex latere praecipue *terreo*; Fiunt ex hac *complicatione* *majuscula* aggregata, quæ in *fluido*, *irregularibus* incurfibus e diversis *lineis*, minus directe amplius propelluntur, unde vel ad latera prolapsa, sensim dimittuntur ad fundum: Vel potius, ab ipso *athere*, desuper *gravativo Motu* influente, ad fundum propelluntur.

In toto hoc *Negotio*, nullus apparet *Nisus*, vel ulla alia pure *activa*, *Sulphuris* efficacia. Non movetur ex seipso, neque habet hic *Motum* aliquem *intrinsecum* & *proprium*, sed qui, ex *aqueis* particulis, in ipsum *transmittitur*.

Non afficit ex se, *active*, nedum *efficienter*, reliquas partes sive *terreas*, sive *salinas*: Sed appellitur, pure *passive*, alliditur, & applicatur fortuito, seu apprimitur, reliquis. Non apprehendit, aut tenet, *active*, alias; Sed ex facta fortuita hac *applicatione*, nanciscitur novum *Centrum mobilitatis*, & movetur tantisper, cum illo sibi ex amussim adjacente, *conjunctim* pro uno, donec allisu aliquo, ad praesens sui *Centrum heteroclitico*, *commissura* illa *complicationis* iterum laxetur: Aut applicito aliquo Corpore, quod inrimus cum alterutro ipsorum *complicabile* sit, subsequatur talis *excussio*, per *lineam Motus eccentricam*, in *opposito*, aut *divergente* ad minimum, latere. Prout quidem hæc omnia latius & exquisitus præfigurata jamtum sunt, in *cap. Superiore XI. p. 123. 124.*

Non potest itaque de *Sulphure* dici, quod plus hinc agat, quam *globus* vulgaris *Conis lusoriis* adjicitur, qui aliquos immediate una *secum* commovet, & hi iterum aliis proximis appulsi, eosdem una prosterunt. Ubi neque *globus* dici potest, *active*, *efficienter*, *proprio suo Motu*, & insito, *Conos movere*, qui ipsimet non nisi *accidentalis*, & extrinsecus immixtus est; Et abusivum sane est, dicere, quod *globus communicet active*, *Motum*: *Motus ipse transit* quidem

è globo in Conos, sed sine globi aliqua actione, qui Motum non minus accidentaliter patitur, quam Coni, in quos, ab ipso, pars Motus transcendit: Unde & ipse Motus, tantus in proportionem in Conos transit, quantus globo extrinsecus additus est, & quantum globi contactu ad Conos pertingere valet: Cæterum habet sese utique globus, æqualiter passive, tam ad accipiendum, quam dimittendum, motum

Verbo, si recentibus plurimis, tum *Phænomena Physica* recte cognita, tum respectus agendi, seu causalitas, minus incognita esset, longe exactius pervestigatum haberemus nexum, qui intercedit inter res motas; Et magis liqueret, quinam sint veri primi fontes, è quibus omnis motus rerum, quæ vulgo inanimata dicuntur, dimanat: Et quinam fontes quietis sint, seu imminutionis Motus particularis, Corporum, Motui maxime obnoxiorum.

## Cap. XVIII.

### DIFFERENTIA & DIVERSITAS FERMENTATIONIS.

**D**iffert Fermentatio, ab aliis Motibus intestinis; Diversa est, variis speciebus, progressibus, effectibus, & eventibus: præcipue vero diversæ sunt hæ Species, Materiis, nempe partibus Mixti, quas primo, & magis immediate, movent & impellunt, adeoque Dimotionem à reliquis, & reliquarum quoque, per has, commotionem, dimotionem, attenuationem, transpositionem, perficiunt.

Differt proinde, à simplici Fluiditate, ulteriorem aliquem effectum non inferente. Cum in Fermentatione, Motus Fluiditatis, tantum sit medius & Instrumentalis actus, quo dissolutio Mixtionis, seu divulsio, peragitur.

Differt ab Incalescentia, dum hæc non modo longe intensiori gradu Motus Intestini absolvitur, sed etiam immanenti magis Motu, quo non necessario totus locus, sed situs tantum particularum, mutatur: Cum in Fermentatione, etiam universus locus necessario mu-



tandus sit, ut *secessio* etiam semotorum Corpusculorum contingat. Interim inservit partim *incalescentia* moderata *promovenda* Fermentationi, ut *Instrumentum* Motus ipsius augendi; partim vero *consequitur*, ex ipso Motu Fermentativo, in certis nempe subjectis, ad *calidum* Motum subeundum præcipue aptis.

*Differt à Coctione*, dum in hac *nimia* Commotio fluidi, *moleculas fermentabiles* magis *universim*, *integras*, rapit & jactat: Cum in *tranquilliore* Fermentatione, tantum *partes* illarum, una præ altera, magis afficiuntur, totæ vero seu *integra & lentius* moveantur, & *heteroclitto* ad centrum gravitatis seu *eccentrico* Motu. Præterea, contingit etiam *transpositio* & *detrusio* varia, vehementius & fortius sub *coctione*: Quæ in *fermentatione* longe *subtilius*, *placidius*, *tenerius*, & fere *laxius* perpetratur.

*Differt ab Emollitione*, quæ nuda fere *expansio* tantum est, non vero insignis *agitatio*, *dimotio*, *collisio*, *interagitatio*; Cujusmodi *vere & necessario* est *Fermentatio*.

*Differt à solutione simplici*, quæ tantum minima *aggregationis* dimovet; *Fermentatio* vero non modo talem *divulsionem* è statu *aggregativo* perficit, sed etiam (& quidem maxime, præcipue, & de *formali* seu *essentia* sua) *divulsionem* *disgregatorum* Corpusculorum, prorsus è *Mixtione* sua.

*Differt ab Extractione*, quæ partim *agiliorem* quidem, à reliquis, minus (ab hoc fluido) mobilibus, dimovet; Has ipsas vero reliquas nihil eximie alterat: *Fermentatio* vero, *omnes* partes *Concreti*, proportionata aliqua tam *dissolutione* seu *Dimotione*, quam nova alia *combinatione* afficit, *commovet*, *dimovet*, *admovet*, *componit*, *transponit*.

*Differt ab Effervescentia*, dum hæc tantum est *accidens* quoddam intestini Motus, vel *nimio gradu* intensi, vel circa determinatas aliquas *species* movendorum occupati; *Fermentatio* vero in genere, sine omni *effervescentia*, fieri, non modo potest, sed etiam solet, quod tum *putrefactio*, tum *acescentia acetosa*, tum *suppressionis* artificium, satis confirmant.

*Differt à Precipitatione*, quod in hac ab extrinsecus addito *heterogeneo*, in *instanti* fiat novus *coalitus*, & ita *prægravatio*, indeque

*seces-*

*secessio*; Cum in *Fermentatione*, omnis *secessio* oriatur à mutua *translocatione* partium, ipsi *Mixto Fermentanti* jam *inexistentium*; Fiat etiam præterea satis *successive*, quod in *Præcipitatione* stricte sumpta, in *instanti* veluti, quo extranea illa substantia admiscetur, obtingit.

Cum quo plurimum coincidit, est *Combustio*; Differt tamen ab hac etiam, energia & *velocitate* actionis, quæ in *Igneo* hoc motu, est summa: in *Fermentativo*, immensum quantum *remissior*, segnior, & placidior.

Neque à *Digestione* multum differt, nisi quod hæc non bene considerari possit, ut *actus* aliquis *separatus* & *purus*, sed fere tantum sit *accessio* aliarum operationum, nimirum *continuatio intensioris Motus Intestini*, calidi, sive ad *solutionem*, sive intimiorem *connexionem* aliquarum rerum, inserviat: Unde in *Fermentationis* pluribus quidem speciebus, quæ ne quidem insigniter perceptibilem *Calorem* tolerant, strictius dicta *Digestio* non habet locum. Latius vero considerando, conveniunt in *assiduitate* motus Intestini, fluidi, ad aliquid *heterogeneum* vel mutuo *combinandum*, vel *disjungendum*.

Uteriores differentias perquirere non placet. DIVERSITATIS potius ratio habenda, qua nimirum *Fermentatio* à *Fermentatione* differt, id est *species* una *Fermentationis*, ab altera.

Sunt vero hæc *species*, I. Strictissime dicta *Fermentatio*, *spirituosa*, *vinaria*, & *Cerevisiaria*, in *liquida* forma; *Pistoria* seu *panaria*, in *consistentiore* magmate.

II. *Acescentia Acetosa*: In *vinosis* & *spirituosis* fermentatis æque, ac in aliis quibusdam, ad *spirituosam* quidem *fermentationem* minus aptis, addita vero *spirituosa* portione, *acescentiam* promptissime subeuntibus.

III. *Putrefactio*; Tam *putida*, *tenuissima*, *subtilissima*: Quam *spissior*, *situlenta*, *cariosa*, *fungosa*.

Quomodo ad has *species*, adeoque & ad *genus* *Fermentationis*, pertineant *mineralium* congeneres partim *resolutiones*, partim *combinationes*, longo, & respectivo tali intestino motu peragenda, & principia eadem, *aquositatis*, *mineralis*, *pinguedinis* *mineralis*, & *terrestre itatis* *mineralis*, pro fundamento habentes, *Amalgamatoria*,



*ferruginea, Vitrioli depuratoria, &c. in speciali deductione, suo loco clarius innotescit.*

## Cap. XIX.

### DEPENDENTIAE SPECIERUM SCALA.

**N**otanda paucis adhuc est, *Dependentia* mutua, quam *species* hæ, inter sese habent, & una sub altera, tanquam *species specialior* in *subalterna*, comprehenditur. Ubi verbo reperio, quæ in opusculi ipso fere initio sunt dicta, quod *fermentatio* potius sub *Putrefactione* comprehendi possit, quam contra.

Priores sunt *Ordine*, *Fermentatio vinosa*, deinde, *Acetosa*, succedit his *Putrefactio*.

*Latio* vero, & *Univ*ersalior est *Putrefactio*, dum non modo omnia illa *Subjecta* sub ambitu suo comprehendit, quæcunque tam *spirituosa*, quam *acetosa*, *Fermentationi*, parent; Sed etiam alia quælibet *Corpora*, ex *Sale* quidem pauciore constantia, quam ut vel *spirituosa*, vel *Acetosa* *Fermentatio*, ipsis evenire posset: *Oleo*, vero, & *terra* tenuissima mucida copiosiore abundantia; Adeoque generice utique verum *subjectum* constituentia, in quod *Fermentativus Motus generalis*, agere possit.

Neque ulla est difficultas, quo *Fermentatio*, ordine sit prior ipsa *Putrefactione*. Adeo enim est *Fermentatio* stricte dicta, *initium* putrefactionis, ut nisi *artificiose* interrumpatur, & inhibeatur, actu in *Putredinem* immediate pergat.

Revera enim *cessatio* illa, qua in *Fermentantibus spirituosis*, vulgo putatur *species* fieri actionis determinatæ, *accidentaria* mere est; Neque vera *cessatio*, sed levis tantum *imminutio*, *Intestini Motus*. Hic enim, ex se *continuaturus*, nisi *arte* obstetricante cohibeatur & segnis serveretur, fit statim transitus in *acescentiam*, & hinc *Putredinem*: Imo, nisi ad *acescentiam* etiam, plus *artificialis* moderamini, quam *spontaneæ* continuationis, concurrat, transit statim, quin ruit, materia in *Putrefactionem*, antequam recte *acescat*.

Qui-

Quibus omnibus recte pensitatis nihil est aliud *Putrefactio*, quam *perfecta* & absoluta *Fermentatio*; *strictè* ita dicta *Fermentatio* vero, & *Acetositas* seu *Acescentia*, nihil aliud, quam *Putrefactio abrupta* & interpellata; Et arte quidem pura potius, quam *sponcè*, seu ex natura rei, veluti ad certam speciem determinata.

Ut adeo *specificaciones* hæ, quibus *Putrefactio* interrumpitur, mere *extraneum* quiddam, accidentarium, alienum sint, nempe *interceptio* continuationis *Motus Putredinosi*; Qui, si arte & labore *externo* non inhiberetur, progredi ad *finem* suum completum pergeret, & ex natura, seu *propria* & *mutua* constitutione *materiæ* substratæ, eo pertingere, proprie deberet.

Acquiescimus interim in his argumentis, sub ipsa *Putrefactionis* Theoria, tum hæc ipsa solennius discuturi, tum quid in favorem *realis diversitatis specificæ* denique proferri possit, exquisitius tractaturi.

## Cap. XX.

### SYLLOGE DICTORUM.

**F**ermentatio, à fermento, aut fervendo dicta, recentioribus demum temporibus appellari frequentius cœpit, cum antiquioribus *Putrefactio* nominaretur: Neque hoc sic male, siquidem *Fermentatio* *strictè* dicta, potius sub *Putrefactione* comprehenditur, quam hæc sub illa. Minime omnium vero differunt *genere*, sed utraque utiq; in tantum *formaliter* est unum idemque; *Materiæ*, seu *Subjecti* tantum *accidentali* varietate, & inde *accidentali* diversitate *effectuum materialium*, nequaquam *formalium*, distinguuntur. Damus hoc seculi nostri genio, ut *Fermentationis* nomen, retineamus pro generaliori, & de *Fermentatione spirituosâ* quasi primario loquentes, *generalem* tamen *Theoriam*, non nimis arcte includamus.

Utraque est *Motus Intestinalis*, per fluidi *aquæ organismum*, *Sal*, *Sulphur*, & *terram*, & *Mixtione mutua* disturbans, divellens seu attenuans, transponens, & denuo componens & congregans.



*Subiectum* ita universaliter consideratae *Fermentationis* sunt *Mixta*, e *Sale*, *Sulphure* seu pinguedine, & subtilissima *Terra*, constantia.

Neque tamen integra aggregata seu frustra palpabilia, *Fermentatione* ita afficiuntur, ut ex ipsis hæ partes dimoverentur, veluti *Extractionis* quadam specie: Sed singulae molecule, e tribus his compositæ, sunt immediatum subiectum Fermentativi Motus.

Sunt vero hæ molecule compositæ, tantæ tenuitatis, ut sigillatim divulsæ, ex aggregatione dimotæ, omnes sensus crassiores fallant.

Tactui enim impalpabiles sunt, visui imperceptibiles, unde fluido aqueo imminissæ, diaphanum hoc relinquunt; Gustum licet interdum afficiant, non tamen omnes hoc agunt, sed dulces solum, reliquæ magis sunt insipidæ. Odorem nullum eximium de sese spargunt *Fermentabilia* promiscue, sed *Putredini* potius immediatæ apta.

Eo ipso vero, dum *Principia* ad Fermentativum Motum pertinentia, *Sal*, *Sulphur*, & *Terra*, in statu Composito esse debent, siquidem quæ connexa non sunt, dimotioni nulli subjacent: Compositio vero hæc, non intelligitur pro juxta-positione in aggregato majore, sed pro cohesione minutissima & atomica: Proinde obvium statim fit conceptui, quod *Sal*, *Sulphur*, & *Terra*, in singulis his minimis, & sensum subterfugientibus moleculis, actu coherere, connexa & unita esse debeant.

Quicquid itaque ultra proportionem unionis intimioris, abundat de aliquo horum principiorum, illud vel sufflaminat & remoratur universam *Fermentationis* energiam: vel determinat eandem statim, & adstringit, ad certam solummodo speciem.

Quod præcipue notandum est de *Pinguedine* tenuiore seu *Sulphure* volatili, quam vulgo oleositatem balsamicam, aromaticam, & ætheream appellant. Quæ ubi extra proportionem unionis, intimioris, cum *Sale*, & *terra*, eminet & abundat, impedit potius spirituosam *Fermentationem*, quam ut juvet: Ad putredinosam vero, quam maxime proclive reddit subiectum.

*Salis* vero etiam quantumcunque *predominium*, minus impedit *Fermentationis* successum, dummodo in nexu qualicunque, sit cum *Sulphurea* & *terrea* portione : In quo nexu si non existat, libere extrahitur e reliqua recte *Mixta* portione, & *solutionis* quadam specie, ipsam *Fermentationis* activitatem partim juvat & *promovet*.

Constituit vero *Nexus* hic *Salis*, *Sulphuris*, & *Terræ*, in *unam* moleculam complicatorum, *consistentiam* in *aquis* dissolubilem, ut vulgo vocamus. Id est, *annectitur* ejusmodi composita molecula, mediante *salina* portiuncula sui, corpusculis *aqueis* & cum his fertur susque deque in latifundio liquoris, *aquæ* nimirum cui immergi obtingit.

*Extra* hanc vero complicationem cum *aqua*, conjunguntur multæ hujusmodi *compositæ* moleculæ, in *aggregatum* *solidescens*, *siccum*, plus minus spissum, aut contra, laxum spongiosum, & *friabile*.

*Tactui* offerunt sese moleculæ huiusmodi, interveniente paucò humore, *γλυσχερς*, *lubricas*, *subpinguas*; Et ipsum quoque gustum non absimiliter afficiunt, *lubricitate* illa, cui *dulcedinem*, aut *submucidam* illam insipiditatem offerunt.

Quamdiu citra *impulsoris* alicujus supervenientis concitationem, sibi relictæ manent, conservant tum *cohesionem* suam mutuam, tum *consistentiam* illam *solidescentem*, *siccescentem*, citra aliquam mutationem.

Simulatque vero FLUIDUM, & specialissime quidem *aqueum*, ipsis additur, & superinducitur, tunc fit statim *Commotio*, & hinc *Dimotio* eorundem subtilissima.

*Commotio* quidem & *Dimotio* primo ex *Aggregatione*. Antequam enim *fluidum*, & quidem sufficiente quantitate, addatur, coeunt incoercibiliter in *siccas* *solidescentes* moleculas, imò in magna *frusta*. *Frusta* hæc, si quantum potest subtilissime conterantur, & in *pulverem* vix palpabilem redigantur, nihilominus singuli tales *pulvilli*, sunt adhuc *aggregata*, constantia e pluribus adhuc minoribus corpusculis. Unde si in *Aquam* demum imponantur, dissolvuntur ibidem, ut *sigillatim* natent, & tunc demum sunt adeo tenues, ut  
non



non modo per se visum fallant, sed & liquoris *Diaphaneitatem* nihil turbent.

*Dimota* ita ex *aggregatione*, divelluntur deinde sensim è *Mixtione*, nimirum e *connexione* sua intimiore, ut diversæ particulæ, e quibus conitant, *Sal*, *Sulphur*, & *Terra*, a se invicem disjungantur.

*Prior* illa commotio, nihil aliud est, quam nuda *solutio*; Apprehendit ibi *Aqua* moleculas has e *latere* ipsarum *salino*: Coagitat ita secum, & susque deque, inter reliquas sui consortes rapit.

Ab hac differt *Fermentatoria* divulsio succedens, quæ est *excussio*, *Sulphurea* & *terrea* partis ab altera extremitate *Salina* dependens. Unde partim incursum aliarum, pariter hinc inde jactatarum, partim ipsarum *aquearum* liberiorum particularum, otiose in *fluida* mole tumultuantium, *occursum*, & perpetuo *illisum*, ab illa *salina* decutiuntur.

Facit & præstat *AQUA* hunc *Motum*, *generalissime*, ut *Fluidum*: Id est, ut *aggregatum* quoddam, constans e numerosissimis *parvis* *Corpusculis* in *actuali* perpetuo *motu* versantibus. Unde utique, ut *parva*, cum *parvis* illis moleculis *Fermentabilibus*, proportionem habent: Ut *motu* vero, & *continuo motui* expositæ, inserviunt utique ad concitanda alia quoque subtilia *mobilia* *Corpuscula*, eaque diuturna coagitatione secum rapienda & jactitanda sufficiunt.

*Specialissime* vero peragit *Aqueum* fluidum hanc commotionem, quatenus per convenientiam (licet indeterminabilem) figuræ & magnitudinis suæ, *Salina* portioni, in Mixto fermentabili existenti, prompte & exacte applicari potest, adeo, ut cum eadem tantisper pro uno continuo moveatur; *Oleo*æ vero portioni, nullatenus *immediate* cohærere apta est, neque *terrea*; Unde *impar* concussio in particulis ita cohærentibus contingit, quæ tandem *Salinam* miculam avellens, & reliquas, *disparibus* impulsibus concussas, excutiens, *dimotionem* illam *pristinæ* *connexionis* perficit.

Unde si *oleosum* fluidum, fermentabilibus *Corporibus* affunditur, non alterantur ipsa inde ulla memorabili ratione; Neque enim *oleosum* fluidum, præ nimia tenuitate particularum sui constitutivarum, moleculas illas, ut *crasiores*, satis impellere potest: Neque sui

compa-



*comparem*, *sulphuream* nempe, è crassiorum reliquarum nexueri-  
pere, à quibus tanquam inclusa & oppressa seu obvoluta tene-  
tur.

Solum itaque *aqueum* fluidum, constituit verum *Instrumen-*  
*tum*, quo *Motus* Fermentativus, moleculis illis *Mixtis* conciliatur.

Quemadmodum vero *Fluidum* hoc, *qua* fluidum, in perpe-  
tuo *Motu minimorum* sui corpusculorum existit, eoque mediante,  
*Mixtas* illas moleculas, hoc quoque *motu* afficit: Ita requiritur ta-  
men *certus* sufficiens *gradus* hujus *Motus* fluidi, qui à CALORE am-  
biente, maxime dependet. Ubi nempe notari debet, quod Uni-  
versus *aqueo-fluidus* *Motus*, imo omnis *Motus fluiditatis*, ita à *Calore*  
dependeat, ut in aliquibus quidem speciebus, deficiente insigni  
*Caloris gradu*, fluiditatis status plane in *soliditatem* mutetur, ut in con-  
glaciatione Corporum talium: In omnibus vero, ad minimum insi-  
gniter *minuatur*, quod in effectibus, à *Motu* talium Corporum pen-  
dentibus, luculenter dispalescit, dum *olea*, *spiritus ardentis*, *Spiri-*  
*tus Salini*, *argentum vivum*, Corpora sibi congenere, quæ alias sub  
*motu sufficienti* sui ipsorum *Intestino* promte dissolvunt seu *dimovent*  
ex aggregatione, in exquisito *frigore*, non nisi tardissime & segnis-  
sime afficiunt.

Quod vero dixerim, *certum* sufficientem *gradum* requiri, hu-  
jus *Intestini* seu fluidi *Motus*, fundatur in eo, quod *lentissimo* qui-  
dem *Calore*, seu infimo gradu frigoris, non deficiat *Fermentatio*  
oriri; adeoque non ipse actus, sed *vigor* tantum illius, & expedita  
absolutio, varietur: Interim *intensissimo* *Calore*, *bullientia*, *Fermen-*  
*tatio* minus peragi valeat, sed in tali statu servantur *Corpuscula* illa  
*Mixta*, in quo adhuc postea quoque demum, *Fermentatio* non mi-  
nus peragi valeat, seu in tali statu servantur *Corpuscula* illa *Mixta*,  
in quo adhuc postea quoque demum, *Fermentationi in genere*, ex-  
posita persistant. *Medius* itaque *gradus fluiditatis*, inter duas ex-  
tremities, *gelu* & *fervorem* bullientem, hic requiritur.

Neque vero in *Fermentatione in genere* considerata, plane  
*ἀσύνβολου* est *Aër*; Quamvis enim ne ad ullam quidem *speciem* ita  
absolute requiratur, ut sine illius commercio & concursu fieri plane  
nequeat: *Promovet* tamen plurimum, omnes *Fermentativorum*



Motuum *species*, ut citius & copiosius progrediantur, & ante omnia quidem *Putrefactionem*.

Ad *Sulphureas* enim particulas movendas, præcipuum *Instrumentum* est *Aër*; adeo quidem, ut etiam ad dissolutionem *Mixtionis* ipsarum, ille verus sit *analysta*, cum *Igneo Motu* concurrente: Dum etiam hæ sulphuræ particulæ, è paulo arctiore nexu terreo, ne *Ignis* quidem, (*subtilissimi Motoris* & *violentissimi* simul) energia, excuti valent, in *Carbonibus*, ibi *aër*, si liber accedere possit, præsentissimam hanc perficit emotionem.

Dum vero ita ad *promovendum* successum *Fermentationis* concurrat, inducit etiam *alterationes* insignes, ipsa hac sua activitate in *sulphuream* partem. Non enim *commovet* hanc tantum, sed *exsolvit* penitus & *emovet* è nexu pristino, abripitque secum seu *auferit* adeo ex universa *Massa*.

Unde, uti ad *Fermentationem* in se & *absolute* spectatam, (*essentialiter*, uti in scholis loquuntur) nihil proprie confert *generatim*, sed *speciatim*, ad *Putrefactionem* tantum: Ita *alterat* nihilominus (*accidentaliter*) omnem *fermentationem*, adeoque ipsius quoque *activitas* probe cognosci debet, sive ad *arbitrarias* *alterationes* fermentanti *Massæ* ita conciliandas, sive ad *noxas* inde imminentes, præoccupandas & corrigendas.

Diximus modo, *exsolvere* *Aërem* ipsam *Mixtionem Sulphuræ*, seu *pinguis oleosæ*, *substantiæ*, non *sociam* illam *Commixtionem* cum *sale* & *terra*, sed *propriam intimam*. Est nimirum *pinguedo*, particula *subtilissima*, talis figuræ, quæ cum *solidis* aliis *Mixtis*, & *aggregatis*, in *solidam* consistentiam coire possit; *per se* vero, seorsim, *aeris* præcipue commercio gaudeat, *Mobilitatem elasticam* habeat: ad *aggregationem* *homogeneam*, (ut *numerosæ* tales particulæ, *eiusdem generis*, *pure*, in *unam molem* compingerentur) inepta fit, aut ad minimum *sensui* nulli *aggregatum* tale perceptibile fiat; particula hæc, quando cum *aqueo corpusculo*, numero *uno*, complicatur, fit *Oleum*: Si hoc denuo cum *Sale acido*, fit hoc *Nitrosum*: Si cum *acido* connectatur, *nuda* illa particula, antequam, *aquæ accessu*, *oleum* evadat, fit *Sulphur minerale*: Si cum *principio terreo* (antequam hoc, *societate* cum *aqua*, *Sal* fiat), *nuda* illa particula combinetur, fit *terra styptica*, *colorata*, plus



plus minus *volatilis*, prout alterutrius *numerus* seu *quantitas* variat.

*Elasticam* esse hanc substantiam, aliquoties dixi. Ubi tamen non dissimulo, potius suspicionem esse, quod *elasticitatem* illam, ex *aeris* commercio nanciscatur. Expanditur sane in duplum spatium, & si hoc desit, non *movetur loco* suo: Interim eo ipso, quod spatium datum, non explet abundanti quadam commotione, quæ ad ipsum continens ulterius distendendum sufficiat, *in se elasticum* esse non videtur. Tanto magis, cum ipse *Ignis*, qui summus est *Motus elastici* impulsor, (in *Individualibus*) nullum, ne minimum *Motum* hujusmodi, particulis his inducat, nisi *aer* intercedat, qui nexu aliquo suo, particulas illas emoveat è pristina societate, & secum distrahat.

Verbo, *elasticitas Sulphureorum*, apparet maxime summæ *tenuitati* ipsorum adscribenda, cujus intuitu parva ipsarum *aggregativa* moles (ingentem tamen *numerus individuorum* continens,) magnam molem *aëris* (numero interim *individuorum* non admodum majorem) accessu suo satiet & impleat.

Dum itaque *Mixto Fermentabili*, additur *fluidum Aqueum*, & temperatus *Calor*, imo & nonnihil *Aëris*, ad promovendum negotium concurrit, oritur statim *Fermentativus Motus*. *Aqua* videlicet, in perpetuo *intestino Motu* constituta, arripit moleculas illas *Salino-Sulphureo-Terreas*, & apprehendit quidem ex latere *Salino*; Arreptas ita seu *implicitas*, fert secum fursum deorsum, *innumerabilibus* omnino vicibus, inter innumeras alias, tam aqueas, quam similes fermentabiles, ab aliis particulis *aqueis* agitas. Ex hoc transcurso & *allisu*, præcipue in *lineis eccentricis* illabente, fit *Divulsio*, *Sulphureo-Terrearum à Salinis*.

*Sulphurea*, ut *tenuissima*, & ad *elasticum* motum proclives, projicerentur ad *superficiem* liquoris, nisi à *Terreis*, ad jactationes hujusmodi ineptis, sed potius ad *aggregationes* majusculas aptissimis, involverentur, & sub harum ejusmodi aggregatione, denique ad fundum raperentur.

Antequam tamen hoc contingat, antea nempe, quam bono tempore, creberrimis fortuitis occurribus, multa *terrea* particulae



invicem aggregentur, & ea mole, ab *aqueo* fluido amplius commoveri non possint; Fit interea, ut frequentibus ejusmodi transcurribus particulæ *oleosæ*, à *Salina*, jam fortius ab *aqueis* agitata, hinc inde *terreis* avellantur, & denuo, & intimius quidem, *Salinis* ipsis, connectantur: Alibi vero, imbibunt seu arripiunt eadem tales *Salina*, *terreas* illas, quæ à *Sulphurea* portiunculæ substractione *singulares* relictæ, in fluido fluitabant.

Nascuntur inde diversa Fermentationis confectaria. 1. Ex *Salinarum* avulsione, à *Sulphureis* & *terreis*, Sapor manifesto *Salinus*, & tanto gravior quidem, in *principio*, antequam partim *Sulphurearum*, partim *terrearum*, sigillatim, nova arreptione, denuo nonnihil mitescat, seu *obsaturetur*.

2. Ex *Oleosarum* expeditione, cuticulæ nitidæ in superficie apparitio;

3. E *terrearum* aggregativo coalitu inter se invicem, obscuratio liquaminis, & mox visibilis *pulverulenta* & *lutulenta* collectio: Cujus portiones etiam *Sulphurea* cuticulæ interkursantes, eandem inspissant, & secum ad fundum rapiunt, atque ita *faces* constituunt.

4. Ex occurso & concursu novo, *solutorio* seu *connexorio*, *Salis* & *terrearum* Corpusculorum, in ipso hoc actu collisionis, oritur, me judice, *Ebullitio* illa, quæ in fermentationibus visitur.

5. Facta vero nova cohæsione, fit *mitior* sapor *salinus* in Fermentato, quam in principio *Diacriseos* fuerat:

6. Ex simili coalitu, *repetito*, *oleosarum* cum *aqueis*, median-  
tibus *Salinis*, fit *Spiritus ardens*.

Totam hanc mutationum seriem, per *Diacrises*, *Metatheses*, & *Syncrises* novas, perficit *Aqua*: Eadem conservat etiam novas has transpositas *Combinations*, aliqua specie perennis intercessionis, & veluti *essentialis* concursus, quod quidem in *liquoribus* Fermentatis, revera valet.

Neque enim *Vinum*, neque *Acetum*, si omnis ipsorum *humiditas* auferatur, sine extrema alteratione id tolerant: Licet *superflua* humiditatis artificiosam secretionem, adeo æquissime ferant, ut  
inde

inde in compage satis constanti & inviolabili deinde permaneant, uti de effectibus *Concentrationis vini & aceti*, supra commemoravimus.

Interim, si maxime auferatur *universa humiditas*, non cessant propterea *Fermentata* hæc, *alterationes* ipsis illatas retinere, & seorsim commonstrare; dum videlicet uno loco *Spiritus*, cum *Essentiali* immissione *Aquositatis*; altero loco *Sal acidum*, aut *acre*: Tercio loco *feces* siccescentes, *limosæ*, *terreo-pingves*, sese sistunt: In quibus duobus posterioribus, revera *universa Aquositas* iterum separari, & nihilominus hæ partes, in eo statu retineri possunt, in quem per *Fermentationis* actum deductæ fuerunt.

De ipsis vero *Liquoribus*, mediante *Fermentatione* paratis, *Vino*, *Aceto*, imo & *Cerevisiis* paulo generosioribus, notandum omnino est, quod *Aque* intertextio, tum *Salinas*, & *Sulphureas Spirituosas*, tum *terreo-mucidas* partes, non modo in *expansione* debita, sed etiam in *connexione* aliquali, servet; è qua si denuo disturbentur, mutatio contingat, quæ restitui in pristinam compagem nullatenus possit, sed successibus velocibus in ulteriorem *corruptelam* pergat. Ita enim, si talium *Liquorum* aliquis, *vehementi* calore aut levi *bullitione*, agitetur, dissolvitur illa intestina cohæsiō, & evadit *Vinum* v. g. non modo sensibilibiter *turbidum*, & *spissius*, sed & manifesto *salsius* & *austerius*, per *spirituosarum pingvium* particularum, *avulsionem* à *Salinis* illis, quibus hætenus quomodocunque *connexæ*, *acrimoniam* illorum, quasi oblinendo, aut *obvolvendo*, temperaverant.

Ruit etiam tanto impetuosius, *Vinum* tale in ulteriorem corruptionem, seu *alterationem fermentativam*, & in *Acetum*, aut si neglectim tractetur, in *mucorem*, & hinc *putrilaginem* transit quasi incoercibiliter: Quod idem & *Cerevisia*, & *mulso*, & *aceto*, ita contingit, si insigni commotione *bullitionis*, intimior illa *connexio* partium *spirituosarum* cum *Salinis* & *mucidis*, imo cum ipsa *Aqua* reliqua, disturbetur & concutiat.

Si vero in *quieto* statu, cum cura servantur talia *Liquamina Fermentata*, tunc perenni duratione, ad longum tempus, ita incorrupta subsistunt. Cujus rei documenta sunt, non modo *Vina vetusta*, ad *seculum* usque conservata; Sed *Cerevisie* etiam, plurium



annorum ætatem ferentes : Imo & *Acetum* , præcipue quidem *Vini* , quod curiose asservatum , ad satis longum tempus perdurat.

Ferunt autem mutationem quoque temporis, seu *tempestatum*, *Caloris* nempe, *frigoris*, tum & *humiditatis fermentescentis*, tentamina, universi hi *Liquores*, si debita artificiosa Enchirisi, superflua seu aliena *aquositas*, ab ipsis auferatur, iique ita concentrentur, ut nec *æstivus Calor*, (sub umbra tamen) neque hybernum *gelu* ullam insignem alterationem ipsis inferre possint.

Si vero aliquas partes, e talibus *liquoribus* seorsim sequestrare placeat, tunc educitur *Spiritus Ardens*, e Fermentatis *Vinosis*; *Acidus Salinus* penetrantissimus, ex *Acetosis* : *Tartarus*, ex utrisque : *Phlegma* illud superfluum, seorsim colligitur : Remanente in fundo *Spissamento*, quod subtracto omni redundante humore, & ipsum sic satis durabile observatur. Ex omnibus vero hisce separatis, nequaquam denuo coalescit pristinus ille *liquor*, si inter se iterum confundantur : Documento manifesto, quod non modo certa *connexionis* ratio inter ipsa prius intercesserit, quæ separationis actu dissoluta & abolita sit : Sed &, quod ipsamet hæc producta *singula*, ab illo Separationis actu, specialem novam *alterationem* acceperint, cujus gratia nec in aliqualem amplius coalitum deduci possint,

## Cap. XXI.

### F E R M E N T U M .

**F**ACILIUS EST MOVERE QUIETUM ; QUAM QUIETARE MOTUM, *Platonis* sigillo inscriptum fuit, (Græce fane) si credimus *Petro Appiano* in *Inscript. Vetus*.

Ita est utique, & prona sunt omnia ad *Motum*, simulatque ille alicui Corpori impressus, huius *medio* & *contactu*, alteri Corpori applicari valet : Unde Recentiores quidem, nescio annon valde *Metaphysice* & abstractivo conceptu, hanc omnium Corporum proclivita-

vitatem ad *Motum*, seu *Potentiam* Mobilitatis, *Nisus* nomine celebrare solent.

Quod vero ipsi quoque rationi consentaneum est, accidit hæc transmissio & *transitus Motus*, ab uno Corpore in alterum, tanto promptius atque expeditius, prout illud Corpus, quod hætenus quidem minus sensibilibiter movetur, seu *quiescit*, ad *Motum* subeundum, tum *in se* aptius est, *mensura* minus: tum *respectu aliorum*, inter quæ *Motum* celebrare debet, *figura* proportionatum, vel utrumque.

Ante omnia vero, nanciscuntur seu transsumunt facile *Motum*, Corpora in dictis circumstantiis *aqualia*, adeoque eidem *gradi*, & *directioni* seu *speciei Motus*, undique proportionata.

Luditur hæc ipsa Scena maxime in nostro, *Fermentationis*, negotio. Ubi non modo semel concitata *Commotio Intestina*, tanto citius & copiosius invalescit, prout aliqua particula, a reliqua compage *evulsa*, & liberiore agitatione *incitata*, ad negotium *collisionis* & *detrusionis*, reliquarum, magis magisque concurrunt: Sed etiam alii *congeneri Massæ*, in qua nihil adhuc *emotum* est, adjectæ, *emotionis* hujus accelerationem, mirum quantum *promoveant*, & eo ipso quasi *peculiare Instrumentum* seu *Vectes*, ad compagem illam perrumpendam, constituunt.

Ubi tamen nemo arbitretur, ac *fitale* medium, *Fermentationis* actum *absolutum*, ponat, *inferat*, aut *producat*. Nequaquam. Manet illa *Instrumentalis* efficacia FLUIDO AQUOSO, prout suo loco asseruimus: Sed *promovet* tantum accessio hæc ipsum Actum, ut *brevis* tempore absolvatur, & magis *decutiendo*, quam simpliciter *concutiendo*, effectum suum præstat.

FERMENTUM vocant hanc materiam; Partes nimirum *tenuiores*, *primo mobiles*, & jam quidem *actuali Motu* affectas, totius *Compositi Fermentescantis*: A *crassioribus*, *lentioribus*, *segnioribus*, *femotas*, adeoque *mobilitati* promptiori vindicatas.

Sunt vero hæ ipsæ partes, FERMENTUM proprie & proxime constituentes, *Salino-oleose* tenues, imo *tenuissimæ*, ad *Spumidobalituosam* usque subtilitatem. Hæ, ubi semel ita è *crassioribus* emo-



tæ sunt, ut liberius deinceps in *Fluido* reliquo jactari possint, & ita *sui similibus* collidi; Fiunt hoc ipso quasi *instrumentum* atque medium, facilioris excussionis earundem *sui similibus*, quæ in Compositione adhuc dum hærent.

Imo, videntur hæ ipsæ *tenuissimæ* partes, tunc non modo puro & nudo *allisu*, dimotionem *sui similibus*, a reliquis, promovere; Sed etiam aliquo cohæsionis & *complicationis* modo: Nisi malimus dicere, quod subtilitate sua, magis in ipsas veluti *commissuras* compositionis, penetrare appareant.

Sane si consideremus, quod certæ *species Fermentationum*, *Fermenta* præbeant, præcipue, & quasi immediate, *eandem Speciem* Fermentationis, in *Subjecto generaliter* tantum habili, producentia, & quasi determinantia; Vix possumus aliter, quam de *Complicatione* aliqua cum solis *sui similibus*, aut ad minimum quacunque specialissimæ *mobilitatis homogeneitate*, suspicari.

Ita enim v. g. *Vinum*, si in Vase aliquo seponatur in locum subtepidum, primo quidem in *Acetum* transit; Hanc indolem servare satis diu potest, donec tandem in *situm* & *putredinem* vergat.

Si vero in vas ponatur, quod *situlenta* & *putredinosa* ejusmodi materia, paucissima etiam, & vix ultra *halitus* tenuitatem sensili, infectum sit, tunc omissa illa intermedia *Acetosa* mutatione, transit, non modo immediate, sed præcipiti etiam & incoërcibili impetu, in ipsam *putrilaginem*.

Quid, quod *Fæces*, ut vocant, seu ut alii *Flores*, *Cerevisiæ*, *Hordeaceæ*, eadem *Triticeæ*, eadem *Vini*, *Fermentum* denique *panarium* secalinum, singula seorsim, si *sacchari* distinctis, *æqualibus* cæteroquin, portionibus adjiciantur, & ad *Fermentationem* disponantur, quodlibet horum *Fermentorum*, sensibilem diversitatem *Saporis*, Fermentato illi affricet?

Quæ omnia, vel ab *adhesionem* particularum hujusmodi, ad *congeneres* sibi, in Mixto Fermentefcente obvias, deducere fas erit; Vel ab exquisitissima illa *proportionem* *Motus*, quæ non æque in ejusdem generis, sed omnino ejusdem *speciei*, particulas, transumatur: Et hoc quidem primo ad minimum, donec videlicet hæ expeditæ, reliquarum etiam paulo crassiorum impulsu promoveant, aut sane,



ne, è nexu illarum exemptæ, laxiorem hunc & labefactum relinquant, ut tanto promptius ab aqua dirimi possit.

Altioris paulo indaginis esse videtur illud Phænomenon, quod *activitas* hæc *Fermentorum*, adeo facile destruat *Calore*, in solentiore adhibito. Sic enim non modo videmus, quod *Fermentum panarium*, si aqua nimis *fervida* diluatur, suffocetur veluti seu erretur, vocant: *Die Sâure verbrûhen*; Sed & ipsæ *Cerevisiariæ fæces*, si *Cerevisiæ* modo coctæ, adhuc nimium *fervidæ*, adjiciantur, patiuntur eandem noxam, ut nihil fermentent, aut valde parum, dicunt: *Man habe dem Bier zu heiß gegeben*: Et occurrit in *Putrefactione* simile quid, dum carnes eximie jam fætentes, & mucescentes, & brevissimo tempore in tabum putidum diffluxuræ, si coquantur, triplo tardius deinceps porro putrescunt.

Neque tamen adeo late, ut primo apparet, recondita latet ratio. *Prime* enim, *Fermenta* illa, tam *panarium*, quam *Cerevisiarium*, habent admixtas copiosas portiones *mucidas*, quæ *Calore* auctiore repente *turgescentes*, tenues illas non modo obvolvunt; Sed etiam, *secundo*, subtilissima illa, qualis *Caloris* est, per *minima*, inter agitatione, repente in novam *compositionem* cum iisdem complicantur, quo ipso perit, *libera* illa *mobilitas*, quam istæ *seorsim* & sigillatim habuerant. Eadem est &, *Tertio*, *putredinosi* *miasmatis* ratio, quod *coctione* potius in *Mixtionem* novam cogitur & impingitur, simulque particule teneriores, in *Mixto* adhuc residuæ, terreis *mucilagineis* ita arcte implicantur, ut deinceps talis *subtilis* emotio amplius fieri non valeat: Unde etiam in genere *coctæ* carnes longe *minus* *subtilem*, *minus* *acrem* *volatilem*, *minus* *amarum* & *penetrantem*, *fætorem*, sub *putrefactione* exhibent, quam *crude* *putrefactæ*.

Quinimo perit etiam sub *fervido* calore, non parum de *balitosa* *spumida*, *Fermenti* portione; De subtilissima nempe illa, quam supra *Elasticam* appellare solitus sum, *agilissima* æque ac *penetrantissima*: Dissipatur hæc, non minus *Calore*, & ita quidem præsentissime, quam ipsa longa mora in *aperto aëre*, unde *Fermenta* *aëri* diu *exposita*, *vappescunt* & *inertia* evadunt.

Hospitari vero, & ad aliquam durabilitatem detineri possunt *Fermenta*, in ipsa tali, sed leniter, *mucida* *substantia*, sine qua si esset,



exhalaret tanto promptius, jam modo dicta ratione, tenuior illorum, maxime *agilis* & efficax portio. In eadem hac *mucilagine*, irretitæ quoque servari agilissimæ illæ partes possunt, si hæc lenissimo *tempore*, qualis æstivi aëris in umbra esse potest, resiccetur: Ubi mucor innexas *agiliores* illas partes diutissime retinet, & accedente de-  
nuo *Fluido aqueo* dimotus, efficaciam suam easdem reddit.

De *necessitate* vero, ut & *Quantitate* Fermenti, verbo adhuc notandum est, quod FERMENTUM nusquam *absolute necessarium* sit, sed eadem illa materia, per se quoque Fermentescat; *Promovet* saltem *Fermentum* additum, & *accelerat* actum. Deinde, & *speciale Fermentum*, conducit, ad certio-rem reddendam illius *speciei Fermentationem*, quæ alioquin, in magna heterogeneitate materiæ, facilius quasi *promiscue* & præpostere fieret, nisi magna circumscriptio administrationis adhiberetur.

*Quantitas* denique, mediocris sit oportet; *Nimis parca* enim, parum promovet: *Nimia*, præcipitem, & subinde *confusaneam*, commotionem accelerat, & frequentissime, loco *specialis Fermentationis*, *universalem*, & turbulentam, totius *Compositionis* è fundo subversionem, introducit.

Dispalescent hæc omnia, in specialibus Historiæ ZYMO-TECHNICÆ exemplis & *Experimentis*, non curiosis solum & operosis, sed communibus etiam & plus minus œconomicis, innotescant.

Et hæc pro THEORIA FERMENTATIONIS Physico-Mechanica in medium attulisse sufficiant;  *Applicatio* illorum, fiet solenniter, in HISTORIA FERMENTATIONIS EXPERIMENTALI, proxime, bono cum DEO, subjungenda.

OBSERVATIO-  
NES SELECTIONES  
PHYSICO-CHYMICO-  
MEDICÆ CURIOSÆ:

EX TOMIS

OBSERVATIONUM HALLENSIUM

AD REM LITERARIAM SPECTANTIUM

EXCERPTÆ

&

COLLECTÆ.



## SERIES OBSERVATIONVM.

- I. Aristotelis error circa Definitionem Naturæ correctus.
- II. De verosimillima causa motus Mercurii in tubo Torricelliano seu Barometro.
- III. Brevis explicatio Observationis præcedentis.
- IV. Meteorologiæ Cokio-Sluterianæ commendatio.
- V. De differentia Mixti, Texti, Aggregati, Individui.
- VI. De Divisionis & Diffissionis differentia.
- VII. De copiosa, facili, & concentrata collectione Spiritus Acidi summe volatilis sulphureo-vitriolici, & theoretico-practica ἀποδείξει generationis ejusdem.
- III. De Arcani duplicati & Tartari vitriolati genealogia.
- IX. De Metallorum emendatione modico fructu profutura.
- X. De sollicita Diætâ.
- XI. Suspiciones defectuum judicii Historici.



# OBSERVATIO I. ARISTOTELIS ERROR CIRCA DEFINITIONEM NATURAE CORRECTUS.

Σύνοψις

**Q**uia Philosophia in usu rationis posita est; §. 1. Omni hominum  
aero viguisse probabile est, §. 2. non obstante voluntatis dege-  
neratione apud plerosque. §. 3. Unde male Aristoteles primus  
sapuisse videri gestiit, §. 4. quem potius meliora aliqua anti-  
quorum corrupisse apparet §. 5. exemplo Definitionis Naturae;  
§. 6. Quae praesertim Medicis, imo & aliis, antiquissima fuit, §. 7. vel ipso  
Aristotele teste: §. 8. Sed ab ipso male explicatur & applicatur. §. 9. Defi-  
nitio ipsa §. 10. explicatur ab Aristotele §. 11. recte partim §. 12. variis ar-  
gumentis, §. 13. quibus tamen mox offendit, §. 14. manifestis verbis; §. 15.  
Sed operosius involvit sese in ulterioribus, §. 16. quare tota Definitio impli-  
catur & inutilis redditur, §. 17. dum perversa applicatio praedicati ad alie-  
num subiectum suscipitur. §. 18. Nostra ordinatio Definitionis, §. 19. & inde  
perspicuus sensus. §. 20. Aristoteles praedicata remotiori subiecto perperam  
applicans; §. 21. non definit, sed petit principium. §. 22. Motus & Quies,  
dum in sensus magis inturrunt, §. 23. melius sternunt viam ad subsumtionem  
alicujus principii & cause sui; §. 24. quam impossibilis certa suppositio a pri-  
ori, §. 25. cujus ὑπαγωγῆς unice a posteriori cognoscenda: §. 26. ad cuius, mo-  
tus, conditiones quadrant vere istae restrictiones: §. 27. Quae cum ita se ha-  
beant, §. 28. concluditur, quod Aristoteles alienam bonam Definitionem, ex  
inscitia, corruerit, §. 29. & sectatores ejus errorem naturae πῶδα propagave-  
rint. §. 30.



**P***hilosophia* universa ita in sana *ratione posita* esse videtur, ut nullum aliud objectum admittat, nisi quod, & quatenus, *mentis* acie, ad minimum quoad τὸ ὅτι, *agnosci*, vel etiam quoad τὸ διότι *pernosci* atque pervestigari possit.

§. 2. Factum hinc sine omni dubio est, ut cum sana ratio, ita maximopere, *Philosophiam* pariat, omnibus utique à mundo condito ætatibus, aliquæ partes *Philosophiæ*, si non *excultæ* atque exhaustæ, *cultæ* ad minimum atque exornatæ sint: Siquidem rectæ rationis usus, omnibus utique ævis, si non ita multos, at aliquos tamen excitavit atque exercuit, ad variarum rerum cognitionem, *inchoandam* ad minimum, aut *augendam* atque colligendam.

§. 3. Quanquam enim, nobis quam maxime consentientibus, moneri possit, quod *voluntatis* socordia atque negligentia, *rationis* exercitium, operosum fane, & tamen communiter ita gratuitum, ut fere nihil, nisi nudam *scientiam* ultimo nanciscatur, potius aspernata fuerit, carnalibus voluptatibus in promptu positis, potius inhians: testantur tamen non magis omnium ævorum *historia*, quam variorum operum reliquiæ, atque monumenta, quod ab antiquissimis usque ætatibus primordia hujusmodi *philosophicæ theoriæ* coeperint, & modo his, modo illis *observationibus* & *speculationibus*, farraginem posteritati collegerint, è qua partim *imitando*, partim *conciiliando*, atque *connectendo*, de tempore in tempus, vel major, vel certior cognitio, formaretur.

§. 4. Nunquam fane *invidia*, & nescio, annon *stoliditatis* quoque, suspicionem effugient aut expiabunt *Aristotelis* manes, quamdiu imputationem illam ex antiquis *historiæ* traditionibus non abolebunt, quod multorum *antiquorum Philosophorum* opiniones & placita, per Orientem præcipue, & Græciam quoque conquisita, igne nominumque & *memoriæ* abolitione, è medio sustulerit, & *systema* philosophicum, sub suo tantum nomine atque auctoritate, posteritati obtruserit.

§. 5. Ut enim taceamus ea, quæ è *Democriti* principiis, seculo modo elapso, quasi postliminio, contra *Aristotelem*, vel in  
lucem

lucem revocata, vel ad minimum denuo statuminata atque restituta sunt; certe una quædam, eaque consideratu non indigna, *Definitio* ab *Aristotele* in medium proposita, sed minus magistraliter, explicata atque applicata, hujus culpæ ipsum reum agere mihi videtur, quod ab *antiquioribus* prudentius prolatam rem, dissimulando veram illorum sententiam, & meliorem forte explicationem, inconcinna sua acceptione, turbare ac confundere sustinuerit.

§. 6. Est vero illa, de qua loquimur, *Definitio, Natura*. Cujus quidem dignitatem pluribus argumentis declarare facile possem; sufficit autem uno, aut ad summum duplici, illud præstitisse, quod nimirum in eo versatur, quod hodie denuo coorta sit quæstio: *An detur Natura?* nempe enstale *positivum* & omnino *activum*, quod ab ipso *Aristotele*, imo potius ab omni ante *Aristotelem antiquitate*, suppositum atque agnitum fuit.

§. 7. Cujus quidem quæstionis tanto dignior nostro, *Medico, foro* est disquisitio & quasi causæ cognitio, quia hujus appellationis nimium quam familiaris usus apud ipsos *Medicos* occurrit, non modo propiorum seculorum, sed *antiquissimos* usque, uti merito *Hippocratem* nostrum, appellamus, ejusque antecessores, à quibus hanc appellationem ipsum accepisse, atque transsumsisse, vel ex eo solo patet, quod hac loquendi formula ita libere atque familiariter utatur, ut quam maxime cognitam atque tritam illam fuisse optimo jure inde concludatur.

§. 8. At vero ipsum quoque *Aristotelem, Naturæ* non magis *appellationem*, quam *acceptionem* pariter ab *antiquioribus* ita transsumsisse, docere vel illud solum potest, quod illo maxime loco, ubi famosam illam *Definitionem* quasi de sua sententia efformare videtur, agat de vero significato illarum, usitatarum nempe, loquendi formularum, quibus variæ res dicantur esse vel *Natura*, vel per *alias causas*.

§. 9. Ubi quidem statim in ingressu discursus, qui est *Physicorum Lib. II. Cap. 1. generalissimam Naturæ acceptionem* ad ea applicat, quæ à *Natura Macrocosmica* fieri atque foveri, priscis visa sunt: Paulo vero post, quam *Definitionem Naturæ*, quasi propria sui ipsius col-



collectione atque conclusionem, subjunxit, statim ad *explicationem* & applicationem ita *alienam* dilabitur, ut mihi quidem videatur hinc evidenter demonstrari posse, quod hæc ipsa Definitio, nequaquam ab ipso ita collecta atque formata sit, seu Aristotelem *Autorem* agnoscat, ut potius a *prudentioribus antiquioribus*, scite atque prudenter formatam, ipse, & hactenus omnes ejus *sectatores* aliena acceptione atque explicatione, deformaverint & corruerint.

§. 10. Quod ipsum, ut quibus argumentis inductus asseverem, melius dilucescat, ipsa ejus verba ad examen revocare è re nostra fuerit: Sunt vero sequentia: οὕτως τῆς φύσεως ἀρχῆς τινὸς ἢ αἰτίας τῆς κινήσεως ἢ ἡρεμίας ἐν ᾧ ὑπάρχει πρῶτως, καὶ αὐτὸ, ἢ μὴ κατὰ συμβεβηκός. i. e. existente Natura (sive, melioris sensus gratia casum rectum assumendo) *existit vero Natura principium quoddam & causa motus & quietis, in quo est primo, per se, & non per accidens.*

§. 11. Verba hæc simul atque protulit, aggreditur mox explicationem, seu illustrationem, & primo quidem *restrictionis* illius, *non secundum accidens*; quam inductione seu exemplo *Medici* declarare satagit: Sed sane *operose*, & vix non *difficilius* ipsa re demonstranda. Mox tamen pressius prosequitur explicationis partes, dum Naturæ essentiam ponit in tali *inbasi* in *subjecto suo*, ut illi plane *intrinsece inexistere*, inhærere, inesse moneat, ut omnino propterea mereatur *principium* illius subjecti, (nempe in toto *complexu* affectionum suarum *ad motum aut quietem* pertinentium, considerari) *intrinsecum*, & quasi *concretum*, intelligi atque agnosci.

§. 12. Recte sane & ordine *hactenus*; Et bene mea sententia fecisset, si hic substitisset, quod facere voluisse apparet, dum mox quasi concludendo subdit, *est igitur Natura, quod dictum est.*

§. 13. Neque vero subsequentes assertiones carebant utilitate sua, ut omni modo inculcaret, illud, quod *Naturam* vocat, esse ita, ut ante notatum, perpetuo in *subjecto suo*, *cujus Natura esse* dicitur: Diserte enim ita dicit; *subjectum enim aliquod est, & in subjecto (nempe tali) est Natura semper.*

§. 14. Sed offenderat jam, si recte perspicio, antea, & facit illud prolixius in subsequentibus, dum implicatur circa assignanda suo subjecto, verba illa, καὶ αὐτὸ, ἢ κατὰ συμβεβηκός per se, vel  
ut



ut ibi habet, καὶ ἑαυτὰ ἄ se *ipsis*. Certe enim videtur abruptus ille sensus omnino eo flecti, ut verba hæc omni modo ad illud *principium*, ejusque *existendi*, *inexistendi*, *coexistendi* modum pertinere intelligantur; ut sit sensus, *ibi* dicendum esse, quod *adsit vel insit Natura*, ubi non modo *principium* motus & quietis *insit*, sed *insit etiam primo*, *insit per se*, non *insit per accidens*.

§. 15. Alium enim sensum non possum conciliare verbis illis: ὁ δὲν γὰρ (ποιούμενον) ἔχει ἐν ἑαυτῷ τὴν ἀρχὴν τῆς ποιήσεως, ἀλλὰ τὰ μὲν ἐν ἄλλοις ὅιον οἰκία, καὶ μὲν ἄλλων τῶν χειροκμητῶν ἕκαστον. Τὰ δὲ ἐν αὐτοῖς μὲν, ἀλλ' ἢ καὶ ἑαυτὰ, ὅσα κατὰ συμβεβηκὸς αἰτία γένοιντ' ἂν ἑαυτοῖς. i. e. nullum enim ipsorum (quæ fiunt) habet *principium* factionis sui *in se ipso*: Sed alia quidem habent hoc *in aliis*, & ab *exteriori*, ut domus & manufactorum quodvis: Alia vero habent hoc *principium* quidem *in se*, sed non *per se ipsa*, aut *à se ipsis*, quæcunque nempe *per accidens sui ipsorum causa* fiunt. Hic, inquam, ultima verba aliter accipere vel interpretari non possum, quam ut antea dixi, quod nempe loquantur de modo illo, quo *principium* hoc, nempe *Natura*, *in illis subjectis sit*, in quibus esse dicitur.

§. 16. Tanto magis vero operosius est ad hoc ulterius stabi-  
liendum, explicandum, illustrandum in subsequentibus, ubi illas locutiones recte intellectui proponere laborat, quid nempe dicatur, *secundum Naturam* esse, quid *à Natura* esse. Ipsa verba prolixè adducere piget; inferunt vero undiquaque hoc unum, quod *Natura* sit tale motus aut quietis *principium*, quod certo subjecto *inexistat* seu inhæreat *primo*, inhæreat *per se*, & non *per accidens*.

§. 17. Ubi ego quidem minime dissimulo, aut *Aristotelem* non satis *vel in thesi*, *vel in hypothesis*, seu exemplis, rem hanc deduxisse, quomodo conceptus de tali *inbatione per se* aut *per accidens*, qualem de *Natura* formare aut informare vult, præsertim in allatis illis, exemplis, luculenter instrui possint; aut me ad minimum ipsum nequaquam satis percipere atque intelligere. Neque vero solus ego ita hebes hîc sum, sed nota sane sunt exempla plurium, & inter hos nonnullorum, qui non parvam sagacitatis existimationem consecuti fuerunt, quibus tota *Definitio Naturæ* hætenus tacta, hoc sensu



ita obscura visa est, ut ipsam pro *vana atque irrita* habere non dubitaverint.

§. 18. Omnes tamen hi, tum ab ipsius *Aristotelis* explicatione hujus descriptionis, tum *interpretum* ejus, quos quidem mihi hactenus videre contigit, pari aberratione seducti, & in res, quantum mihi videtur, satis clara confusi, & â vero intellectu abducti fuerunt, dum hi quoque dicti *Interpretes*, incongruam applicationem τῷ *inesse per se*, primo &c. ad indebitum *subjectum*, commiserunt.

§. 19. Mea itaque sententia, antiquissimi Definitionis hujus architecti, illud voluerunt, quod *Natura* sit *principium motus & quietis*, non ubi *ipsa Natura* hoc principium sit per se, primo, non per accidens: Sed ibi, ubi *motus sit primo, per se & non per accidens*.

§. 20. Ita, ut *verus sensus* Definitionis sequens sit: *Natura* est principium motus aut quietis, in quolibet subjecto, in quo *motus aut quies* ὑπάρχει, existit & quasi *inheret*, essentialiter *inest*, πρῶτως, primo & *primario*, sine mediata speciali dependentia, transumptione, transsensu, communicatione: καὶ αὐτὸ, per se & quasi ex se, juxta propriam sui essentiam: non vero per accidens, ratione fortuiti temporis, fortuiti gradus, fortuitæ directionis, fortuitæ extrinsecæ proportionis, fortuiti, seu nullius certi & destinati, *finis* sive scopi.

§. 21. Ex ipsa certe Definitione innotescit affatim, quod vocabula illa, ἐν ᾧ ὑπάρχει, eadem prorsus, imo justiore connexionem, reduci possint ad τὸ κινεῖσθαι καὶ ἡγεμεῖν, quam perversa Aristotelis acceptione, ad *definitum generale*, τὴν φύσιν. Aliter enim ipsa constructio non ferebat, quam ita: τῷ κινεῖσθαι & ἡγεμεῖν, ἐν ᾧ ὑπάρχει, nempe illud κινεῖσθαι ἢ ἡγεμεῖν; & propius utique, imo proximum est hoc *predicatum*, ὑπάρχειν, huic *subjecto*, motioni aut quieti, quam longe remoto definito sive *subjecto* universæ definitionis.

§. 22. Apparet tanto magis rei hujus veritas, quod ex illa acceptione & perversa explicatione, quam *Aristoteles* & sequaces ejus in medium proposuerunt, inextricabilis petitio principii, & insuperabilis incertitudo resultaverit, quo *fundamento* aut *argumento* deprehendi possit, an in oblata aliqua specie, ante omnia apparentis suæ quietis, constructionis, situs principium sit aut fuerit vel intra ipsam, vel extra ipsam, i. e. an *subjecta* talia, vel *naturalia* existant, vel artificialia, aut *fortuita*.

§. 23. Et sane si quidquam vere *physicam*, non modo *materiale*, sed *corpoream*, constitutionem & habitudinem mutuæ *dependentia*, & *accuratam* ejus pensitationem atque *attentionem* poscit & requirit, est illud omnino *quies* in corporibus naturalibus, sensibus occurrens. *Motus* vero sensibus occurrens, est utique subjectum tale, quod *scrutinio scientifico* justam semitam patefaciat, atque viam sternat. Profecto enim magno intervallo *facilior* est illa indagatio *a posteriori*, in quo corpore est *motus*, an hic motus sit ab *externo* principio, magis vel minus manifesto *secundaria*, *communicative*, *accidentaliter*, subjectum hoc *adoriens* & occupans: Quam *a priori*, an in aliquo subjecto insit *principium aliquod*, *motum* intrinsece & per se suscitandi capax: præsertim, si tale corpus *vicissitudines*, sive *gradus* motus habeat, ad magnam usque remissionem descendentes, quos vulgo *quietis* nomine denotamus.

§. 24. Certe enim longe promptior est subsumtio: *Hoc corpus habet motum* in sensus plus minus exquisitos incurrentem, ergo habet vel *a principio intrinseco*, vel *extrinseco*. Ubi ulterior circumspccta sensualis pervestigatio, non modo liberum campum, sed egregia etiam *subsidia*, investigandi nanciscitur.

§. 25. Longe, inquam, promptior est hæc subsumtio quam altera illa, quæ in investigatione Naturæ per se & *a priori* adhibenda esset, quæ ita sonare deberet: Hoc corpus vel *habet principium motus*, vel *non habet*: ergo *potest moveri*, vel *non potest*. Si *habet*, habet vel *primo & per se*, vel *per accidens*. *Habet vero* -- Unde hoc demonstrabitur *a priori*, inquam? nunquam certe in æternum; sed unice *a posteriori*, quia *habet motum*: aut propter *structuram* certam videtur *habuisse motum*, cujus ope partes in tale totum concretum, aggregarum, structum, inter se invicem admotæ sint.

§. 26. Hac autem ratione luculenter patet, quod agnitio *existentia Naturæ*, in aliquo subjecto subsistentis, inhærentis, *inexistentis*, non aliter, nisi *ex motu aut quiete* ejus colligi & sciri possit. Ut adeo recte *a motus præsentia*, *inexistentia* & *dependentia*; unice *Naturæ præsentia* & *existentia* in subjecto tali concludatur *a posteriori*, minime vero aliunde.

§. 27. Tanto magis vero perspicua esse potest *ὑπαρξίς* illa *motus*



aut quietis secundum conditiones illas, quæ in definitione requiruntur. Videlicet 1.) an in tali subjecto, motus ὑπάσχει, πρῶτως, primo, originaliter, & δευτέρως, non secundo quasi progressu sive gradu, ut alibi ortus, huc transeat: 2.) An insit καθ' αὐτό, secundum illud ipsum, ut quasi immediate illud ipsum, immediate non nisi illud unum subjectum complectatur, afficiat, cum illo concretum unum, & quidem proprium, constituat. 3.) Non vero κατὰ συμβεβηκός: non ex accidenti non propter accidens, sed propter illud ipsum, & in ejus subjecti ipsius gratiam, usum, necessitatem, immediate: propter aliorum vero usum, non nisi δευτέρως, & accidentali respectu.

§. 28. Quæ omnia cum ita manifesto sese habere compareat, ut nempe ex acceptione & explicatione Aristotelis & sequacium ejus, plane nulla scientifica agnitio aut cognitio τῆς ὑπάσχειν τῆς φύσεως ἐν ὑποκειμένῳ τινι, formari & erui possit, quamdiu τὸ ὑπάσχειν, πρῶτως ὑπάσχειν, καθ' αὐτό ὑπάσχειν, acceptione Aristotelica, ad ipsum Definitum, τὴν φύσιν, refertur: E contra vero sensus Definitionis, & totus ordo cognoscendi, dilucidissime procedat, si hæc prædicata referantur ad subjectum illud proximum, motum aut quietem, [τὸ κινεῖσθαι ἢ ἡρεμεῖν]:

§. 29. Concludimus hinc optimo prorsus jure, quod Aristoteles, definitionem in se bonam, formaverit; sed aliunde acceptam, ne quidem intelligere potuerit: imo, absorta interpretatione ita corruperit, ut omnium illarum confusionum circa hoc negotium, ipse non modo primus, sed & solus, dux & autor accusari mereatur.

§. 30. Sectatores vero ejus, dum κατὰ πόδα verba Magistri ruminant, omnibus suis in hanc rem commentariis nihil aliud egerunt, quam ut loci majorem umbram offunderent, quo ipso liberioribus speculatoribus atque scepticis, totam definitionem, imo totam rem, non modo dubiam reddiderunt, sed eo denique perpulerunt, ut tædio altioris indaginis, totam rem ita male adornatam, pro frivolo & otioso figmento aspernarentur.

# OBSERVATIO II. DE VEROSIMILLIMA CAUSA MO- TUS MERCURII IN TUBO TORRICEL- LIANO SEU BAROMETRO.

## SYNOPSIS.

**M**otus huius Theoriæ §.1. ponderi aeris adscribitur, §.2. terreis halitibus in specie à Ramazzino : §.3. Hydrostatica proportioni a Schelhammero, §.4.5. Nostra opinio, §.6. esse a pressione Elastica §.7. aqueorum præcipua corpusculorum. §.8. Suppositiones : §.9. Meteorum gregis nubium, §.10. nascenti serenitati familiare, §.11. in alta aeris regione hæret. §.12. Ascensus Barometri respondet huic §.13. magis, quam alteri serenitatis prodromo, §.14. imo nubilo potius, modo sicco, cælo. §.15. Exemplum. §.16. Vantorum habitus ad serenitatem §.17. Specialiores suppositiones : §.18. Elaterem promptiorem esse pondere ; §.19. Terram non nisi expansam exhalare, neque tunc valde gravitare ; §.20. Expansionem elasticorum corpusculorum augere huius proprium elaterem ; §.21. Aquam tam frigore, quam calore exhalare, sub certa tamen circumstantia ; §.22. Halitus aqueos densatos coalescere in guttas. §.23. Motus halituum aqueorum a ventis §.24. possent rationibus determinari. §.25. Phenomena Baroscopii communia, §.26. num.I. ad VI. singularia magis num.VII. IIX. XI. XIII. Connexio. Aer serenus humescit, §.27. particulis aqueis elastice intartoxitis, §.28. quarum elater aeris proprium intendit, §.29. subtractus, hunc laxat. §.30 Gradus dari expansionis, tam in aqueis, quam aeris corpusculis. §.31. Frigidus strictus aer humidus, calore cito expanditur & præmit. §.32. Orientalis aura, expansa jam, auget dilatationem illius cui accedit : & siccat simul, halitus aqueos in sublime rapiendo. §.33. Differentia Boreæ & Euri. §.34. Auster nimis aquosus, concretionem, atque ita exonerationem insignem elasticarum aquearum, infert. §.35. Zephyri apud nos longe minus humidi austris, sed frigidi, §.36. præcipue sicciores hieme. §.37. Exemplum observationis Barometrico-Meteorica. §.38.



§. I.

**C**uriosum hoc experimentum, quod vulgo hodie *Barometrum* seu *Baroscopium* dictum, constituit, neque parum utile est ad illustrationem Scientiæ Physicæ circa varios *Meteororum humidorum* successus, posteaquam a *Torricellio* inventum, sensim imitationem subiit solertium virorum, exercuit hætenus varie curiosorum speculatorum ingenia, si forte *causas* ejus penitiores perveſtigare, & perspicue evolvere integrum esset.

§. 2. Adscripserunt hunc effectum uno ore *ponderi aeris*, adeoque *ponderosæ* illius *pressioni*, quæ superfici ei Mercurii incumbendo, eundem *sursum premit*, quando ipsamet *aeris* hæc *gravitas* increbescat; aut si *pondus* aeris remittat, Mercurii quoque *ponderi descendendi* libertatem concedat. Quomodo vero, & unde, aer *pondus* hoc nanciscatur, novæ quæſtionis materiam exhibuit.

§. 3. Susceperunt hanc spartam velut ex professo, Viri perspicacissimi, Dn. *Ramazzinus* in Italia, & huius propemodum occasione, Dn. *Schelhammerus* in nostra Germania; quorum utrorumque sententiæ, placita, & mutua dubia, eorumque declinationes, in nuper edito *Celob. Schelhammeri* de hac re opusculo, uno intuitu perlustrari possunt.

Summa sententiæ *Ramazzini* eo redit, ut statuatur, purè *materialam ponderis* huius subesse causam; nempe corpusculorum *terreorum* disseminationem per aerem, & quidem præcipue per infimam huius, terræ proximam, regionem: Hæc corpuscula, cum ipsis *aqueis* notabiliter graviora reputet, adeoque aqueis in vaporem resolutis, & similiter in aerem sublatis, locum longe *altiore* assignet; putat inde fieri, ut tempore sereno quidem, magna copia huiusmodi *terreorum gravissimorum* corpusculorum in aerem sublata, tantam *gravitatem* ibidem constituat, quæ *pressioni* illi Mercurii in tubo nostro sufficiat. Contra vero, si ex superiore sua regione delabens *aqua*, pluviam formet, deturbare hanc ipsam secum, magnam *terreæ* huius volaticæ quantitatem, qua deinde exoneratus aer, adeoque amisso suo illo *pondere*, Mercurii *descensum* notabilem admit-

admittat. Tribuit vero inter hæc *terrea* corpora longe plurimum *nitrosi* effluviis , quorum uberrimum proventum e *septentrione* proficisci supponit : ut nimirum satisfiat insigni illi phænomeno, quod ex *Arctoïis* regionibus spirante vento, *promptissime* increbescat. Mercurii *ascensus*, nempe ex auctoris hypothese, citissime aucta aeris gravitate per insignem copiam *terraarum* illarum, *nitrosarum*, exhalationum.

§. 4. E contra *Celeb. Schelhammeri* opinio in eo versatur, quod effectum hunc ex *Hydrostatica* deducere satagat, dum videlicet corpora *gravia*, in fluidis plus aut minus *crassis*, notabilem talem diversitatem *ponderis* subire solent. Quale quid hic quidem *Halis* vix non apud quemlibet *salis coctorem* spectare licet, in globulis illis aquarum *falsarum docimasæ* destinatis; & magis artificioso *sensibilissimo* hujus generis experimento allegato in *Act. Erudit. Lips. supplementorum* Tom. II. *sect. 9. pag. 434. e Transact. Angl. an. 1693. pag. 627.*

§. 5. Ex hoc fundamento concipit sibi, subnasci hoc Mercurii in aëre, *humidis* particulis, tanquam multo *crassioribus*, referto, quasi *minus pondus*: Ut ille hac ratione propterea in tubo Baroscopii *descendat*, quia in liberum aërem, tanquam jam *crassiozem*, altius *ascendat*, seu multo minus in eodem ponderet.

§. 6. Quid uterque *Celeberr. horum Virorum* in alterius opinione adhuc desideret, fas est in allegata illa à Dn. *Schelhammero* edita *Epistolicarum harum disquisitionum sylloge*, perspicere. Nobis in præsentia non placet, dubiis, vel jam utrinque allatis, vel ulterioribus utramlibet opinionem adhuc prementibus, insistere; sed aliam potius hypothesein, quæ nobis *verissimillima* apparet, & omnes, qui hæctenus circa Baroscopium innotuerunt, *effectus*, luculenter *explet*, in medium proferre.

§. 7. Tribuendam videlicet putamus, *Motus* Mercurii in tubo nostro *vicissitudinem*, omnino quidem *aëris pressioni*, sed non tam pure *corporali*, i. e. *gravitati*: quam *virtuali*, *elasticæ* nempe ejusdem *expansioni*.

§. 8. Hanc vero *elasticæ expansionis accessionem*, aut contra, *diminutionem*, unice, aut certe potissimum, plane arcessimus ab *aquearum*



*arum particularum, sublimiore, & intimiore in aërem calidiorem insinuatione, vel ex eodem deturbatione.*

§. 9. Hujus asserti elucidationem sequentibus partim suppositionibus, partim subsumtionibus, præstare speramus.

§. 10. *Primo* minime negligendum putamus satis frequens illud phænomenon meteoricum, quod non ita raro locuples numerus nubium *candidarum, luculentarum, parvarum* sed tamen inter se mutuo valde propin quarum, *gregis ovium* instar, visui occurrat.

§. 11. Ex hoc nubium statu præ sagire solent plebeji *Ventos*: sed fallit revera valde frequenter augurium. Quæ enim nubes hoc habitu, *gregatim*, sese offerunt, *post pluvias*, aut *nubilas* tempestates, illæ non tam certo *ventos*, quam ipsam successuram *serenitatem* pollicentur. Et hoc quidem tanto certius, si comites habeant longos veluti *tractus candidos*, vel intercurrentes, vel alios in aëre, sub isthæc eadem tempora, extensos.

§. 12. Utræque vero, nempe tam hæ, quæ *post pluvias* ita incedere incipiunt, quam illæ, quæ extra pluvias sese exserunt, habent fere hoc commune, quod non modo ipso sensu visus judice, *altius* in aërem sublatae appareant; sed etiam *tardissimo* plane progressu, insignem *altitudinem* loci, per quem provehuntur, indicare videantur.

§. 13. Phænomeno huic subjungimus, *secundo* loco, alterum, in ipso Baroscopio, huic modo dicto in genere respondens; nempe quod insignis *ascensus* Baroscopii, *repentinus* præcipue, non ita æque indifferenter quamlibet pluviae tempestati succedentem *serenitatem* subsequatur, sed illam demum præcipue, quando post pluvias atque nubila, cælum *hujusmodi* splendidis exiguis, tarde incedentibus, & successive demum evanescentibus *nubibus* conspersum, sensim ad limpiditatem transit. Cum contra parvæ satis mutationes Baroscopii tunc observentur, quando pluvium tempus, obscuris crassis nubibus, veluti *subsidentibus*, (quasi aulæo quodam per inferiorem aëris regionem deducto,) ad puritatem atque serenitatem redire apparet.

§. 14. Hoc enim postremo aëris, vel potius nubium, statu, manet Mercurius in tubo non modo satis depressus; neque tollitur,  
nisi



nisi per paucissimos tantum gradus: sed & ipsa talis tempestas, vix diu servat fidem, quin frequentibus nebulis, aut sane uvido illo tempore, quem vulgo *Geschwül* appellamus, in novas pluvias transmigret.

§. 15. Cum è contra, in regionibus planioribus, & præcipue paulo profundioris, late tamen diffusi & expansi, situs, sæpe per plures dies nubilum cælum, æqualitamen & satis tenui obscuritate, veluti nebula quadam leviter imbutum & obtectum, per aliquot sæpe dies ita duret, sine *pluvia*, aut ad summum levissima, volaticarum potius, quam ruentium, guttularum adspersione, summam superficiem lapidum tingat, & tamen nullum in Baroscopio *descensum*, sed potius haud raro *ascensum* post sese trahat.

§. 16. Fuit hujus generis constitutio apud nos hic *Halis*, diebus 21. 22. 23. 24. *Decembris* anni proxime elapsi 1699. Et diebus 7. 8. 9. 10. 11, mensis *Januarii* præsentis; quibus cunctis diebus, altitudo Mercurii, fuit ab 28. ad 30. gradum. Quamvis universis illis diebus, excepto præcedente 20. *Decembris*, vix unquam ullus radius *Solis* comparuerit: sed potius, præcipue omnibus enumeratis *Januarii* diebus, subtilissima *pluvia*, & constans semper cœli *obnubilatio*, cum aura leviter ab *occasu* ad *septentrionem* declinante, è *Mesocori*, aut ad summum *Cori* terminis, perstitisset.

§. 17. Quorsum quidem, *tertio*, ulterius referri meretur, quod nullus propemodum ventus magis repentinos Mercurii *ascensus* post sese trahat, quam ipse *Boreas*: cum tamen aërem vix unquam *limpidum* atque nubibus vacuum reddat; sed tantum dictum modo effectum edere observetur, ut *nubes* ita velut in altum projiciat, & quasi *suspendat*: cum contra, venti ex *orientalibus* plagis profecti, aërem quidem facile efficaciter depurent, tam promptas vero vicissitudines in Baroscopii *ascensu*, minime machinentur.

§. 18. Quibus in genere ita notatis, transeo ad paulo specialiora, partim circa aëris *expansionem* elasticam, partim *ventorum* eorumque consuetudinum, circa tempestatis mutationes, historiam: partim denique *Barometri* phænomena, tum *communia*, tum *circumspectius*, juxta variorum *ventorum* concursum, observata.

§. 19. *Primo* omnium, certissimum esse suppono, quod



*elastica* aëris mutatio & *expansio*, longe *citius* fieri atque efformari possit, quam vera *coacervatio* variorum *ponderosorum* effluvi-  
orum in aërem.

§. 20. Ubi simul notandum certe est, quod nulla corpuscu-  
la *terrea* aut *salina* in aërem evaporent, aut diu in eodem hærere  
possint, nisi summe attenuata, & veluti *elastica* reddita; aut *elasti-*  
*ca*, re ipsa, & *actu*, talia. Sub quo quidem statu, non *decies millies*,  
sed sæpe vix *decies* aëris graviora esse, uno aut altero experimento  
adumbrari posset.

§. 21. *Secundo*, consentaneum est rationi, quo magis corpu-  
scula illa *elastica*, è statu sui *minus* tali, in *expansionem* elasticam præ-  
cipiti quasi transitu ruunt, eo citius contingere insignem illam,  
& velocem, aëreæ quoque *expansionis accessionem* atque incre-  
mentum.

§. 22. *Tertio*, docet autem experientia, (*rationi* argumenta  
suppeditare proclive quidem satis, sed nimis prolixum, jam foret)  
quod corpuscula *aquea*, non minus sub summo *frigore*, quam magno  
aëris *calore*, cito & copiose in aërem dissipentur, & præcipue è *ter-*  
*reis porosis* concretis, ad horum *siccitatem* usque educantur. Ubi  
quidem summe notanda est circumstantia illa hoc loco *communis*,  
quæ hanc exhalationem tam sub frigore, quam æstu, unice pro-  
movet, adeo, ut citra illam ne quidem medius *æstivus calor*, sole  
quin etiam liquido effulgente, humiditatis talem *divaporationem*,  
nisi longe tardissime, perficere valeat.

§. 23. At vero, *quarto*, quando *humida* particulæ copiosissi-  
mæ, impetu quodam inter se *colliduntur*, præcipue è calidioribus  
locis in *frigidiora*, aut è diffusiori spatio & liberiore, in *arctius* atque  
densius contruduntur: coalescunt utique facilius, ut *aggregatione*  
denuo suscepta, primo quidem in nubes, mox plane in guttas,  
colligantur.

§. 24. Ubi denuo, & apprime quidem, notandum, quod  
venti quidem *orientales*, magis à superficie terræ veluti *sursum* fer-  
ri sive deflectere sentiantur: *Boreales* vero magis *fluctibus* quasi qui-  
busdam decumanis, & *globis*, volutari: cum *meridionales* pressius  
terræ superficiem radant, & communiter ratione impetus omni-  
um

um *lenissimi*, & *balituoſi* magis, lenibusque velut *undulationibus*, progrediantur: cum interim *Zephyri* magis æquali, & ſatis fere forti impetu, modo ſuperficiem terræ ſtringant, modo nonnihil ſurſum provolare videantur.

§. 25. Quarum quidem rerum ſatis probabiles rationes proferre non adeo difficile arbitramur, ſepoſitis tamen, de quibus etiam hic nullus eſt ſermo, quæſtionibus, *undenam & quamobrem* præcipue hoc vel illo tempore, venti ſuſcitantur.

§. 26. His etiam ſpecialius ita ſuppoſitis, ſubjicimus phænomena *Baroſcopii*, ſive *motus* Mercurii in ipſo tubo, quemadmodum illos, quanta licuit attentione atque circumſpectione, obſervare potuimus, partim etiam in vulgus jam innotuerunt. Sunt vero ſequentia.

I. Non *calidior* aut *frigidior* tempeſtate, (ad quas bonum Barometrum prope inſenſile eſſe debet) ſed *humidior* aut *ſiccior* aëris ſtatu, variat *aſcenſus* aut *deſcenſus* Mercurii in tubo.

II. Et quidem *aſcendit* ſicceſcente, & ad *ſerenitatem* tendente aëris ſtatu: *deſcendit* vero valde *humido*, & *pluvio* tempore.

III. Si vero *roſcida* magis, *uvida*, *nebuſoſa* ſit tempeſtatis conditio, & ſegnīs quidam *torpor* aëris humidi, ſine *vento* aut notabili aura conjuncta, *non deſcendit* Mercurius adeo prompte & potenter: neque *aſcendit* inſigniter, quando *ſerenitas* talis cum aëris *pigritie* conjuncta, pluviis ſuccedit.

IV. *Aſcendit* autem & *deſcendit* valde notabiliter, quando mutationes tales humiditatis aut ſiccitatis in aëre, *ventos* comites habent: præcipue tamen *lenius*, ſed ſimul paulo *conſtantius* ſpirantes.

V. Fit tamen hoc præcipue, quando *cardinales* venti, aut ad ſummum *proximi* horum *παρασάται*, conſurgunt: cum reliquorum *intermediorum*, in noſtris utique regionibus, minus ſtabiles, ſed magis tranſitoriae, obſerventur mutationes.

VI. Ex his, citiſſimam quidem *aſcenſionem* inducit Mercurio, *Septentrio*, & *Aquilo*, ſeu *Boreas* Græcorum.

VII. Eſt tamen hæc ita nata elatio Mercurii, ordinarie minus ſtabilis: cum fere mox *Auſtri*, *Noto-Libici*, aut *Aphrici* ſuccedant,



qui *siccitatem* ab ante dictis, communiter non usquequaque *serenam*, sed adhuc satis *nubilam*, denuo in *pluviam* transforment.

VIII. *Ascendere* Mercurium compellit *Subsolanus* & *Eurus*, & quidem paulo, imo multo, *tardius*, quam ante dicti *Arctoi* venti.

IX. Servant vero longe *constantius* ita suspensum, dum ipsos communiter magis firma atque fida *serenitas* excipit.

X. *Subsidere* facit Mercurium *Auster*, idque *citissime* :

XI. *Profundissime* quoque & *constantissime*.

XII. Ab *occasu* directo proficiscens *Zephyrus*, *tardius* deprimat Mercurium, neque adeo plane *profunde* :

XIII. Neque detinet etiam ita constanter, quia veluti fluctuante motu, facile modo paucillum rursus *assurgat*, modo *subsedeat*.

§. 27. Hæ sunt illæ *Theses*, e quibus *Hypothesin* ita formamus. Aërem in statu tranquilliore & *sereno*, particulis aqueis tenuissimis non modo repletum esse, sed etiam quotidianis exhalationibus magis repleri, docet suppositio *secundæ classis*, *tertiæ*, ab experientia.

§. 28. Aquea hæc corpuscula aëri ita insinuata, minime nudam suam nativam *densitatem* servant; sed sunt revera *expansione* tali *elastica* affecta, quæ aëris *expansionem* sub hoc statu proxime æmulerur.

§. 29. Hoc ipso augent utique *pressionem* aeris *elasticam*; quæ certe nudæ & simplici *gravitati* seu *ponderi* ejusdem, non tam æquipollet, quam innumeris gradibus *anteit*.

§. 30. Quando vero insignis portio *aqueorum* horum corpusculorum, ex hac *elastica* sui *expansione*, rursus in *aggregationem* fluidam, & *arctum* adeo spatium coalescit, tunc insigni mole *expansionis* destitutus aer, longe minus utique *premit tensione* sua, corpora fluida alia, & præcipuum huius generis specimen, *Mercurium*.

§. 31. Quemadmodum vero nullum forte subest dubium, quin *elastica expansio* admittat *magis* & *minus*; adeoque etiam aqueæ illæ particule, quæ aëri valde *frigido* intertextæ sunt, longe minore  
gradu



*gradu* expansionis gaudeant, quam illæ, quæ *calidiori* aeri sociantur: Ita ipsum omnino aerem, in locis *frigidioribus* parvum quoque gradum *extensionis elasticæ* habere, qui valde augeatur, quando *calori* admovetur, testantur abunde *Thermoscopia*.

§. 32. Quando itaque *gelidus*, parum expansus, sed potius *constrictus*, aer, & aliquo quidem, sed *levissimo*, *elatore* affectus *humor*, è regionibus *arctois* ad *maridionalia* Climata devolvitur, necessum utique est illum non modo valde *expandi*; sed & eo ipso illius loci aerem, in quem hic advena irrupit, accessione hac longe magis *extendi*, adeoque *pressionem* illam in alia corpora, & *Mercurium* quoque nostrum, exferere vi multiplicata.

§. 33. Ab ortu *solis* qui terræ nostræ occurrunt *venti*, partim magis jam *expansum* aerem (perpetua *solis* præsentia) aeri nostro ingredientes, augent huius *tensionem*: partim globo nostro *terreo* obviam ipsis *volutato*, allisi, ad acutos magis angulos, è superficie hujus mox oblique in *altum* resiliunt, adeoque *halitus aqueos*, crasiores valde in *sublime* rapiendo, objiciunt eos ibidem faciliori & majori *expansioni*; Quæ similiter mox in universam illam aeris regionem redundans, affert *expansionis* aeræ incrementum, paulo quidem *segniùs*, sed alte *sublatis*, adeoque late *dispatis* aqueis halitibus, *durabilius*.

§. 34. Ubi utique fas erit adhuc notare, quod *orientales* venti, tunc demum insignem aeris & Baroscopii mutationem inferant, quando sic *satis fortiter*, aut *diu* plane, spirant: *Aura* vero lenioris hujus generis, terram quidem *siccant*, at valde languide mutant *Barometrum*. *Septentrionales* autem venti, quo vehementius furunt, eo certius turbant mox tempestatem, & aerem nostrum nimia copia *humiditatis* obruendo, inducunt *pluvias*, ipsiusque nostri aeris *elaterem*, *frigida* intemperie prægravando, nihil magnopere augent: *Aura* vero *Boreales* mediocres, faciunt contrarium, & conciliant potius aeri nostro *elateris* augendi materiam, ut paulo ante dictum.

§. 35. *Mèridionales* venti, offerunt nostris regionibus halitus illos è *marì mediterraneo*, aqueos copiosos: Hi, per insignem *calorem* valde rarefacti, densantur prompte in nostris *frigidioribus* Clima-



bus; & ipsa nimia copia, cum illis *aqueis* halitibus, qui jam ante in nostro quoque aere hærent, mutuo impliciti, *nubes & pluvias* promptis successibus formant.

§. 36. *Occidentales* venti, conveniunt quidem cum modo dictis in eo, quod *aqueos* halitus, majore copia ex *ocean*o ad nos congerant; differt vero maxime horum quantitas. Cum enim venti, quos nos *Occidentales* appellamus, cum *aquatore paralleli* esse debeant; hic vero maris tractus, immensum quantum parciorem proventum exhalationum aquearum gignat, propter *frigoris* jam satis insignem gradum: non potest utique hoc intuitu *Austrinis* locis æquiparari horum *Ocean*i tractuum *atmosfera*: cum *mediterraneum* mare, ipso situ *calidior*e, exhalationibus copiosis formandis aptum sit: concurrente vero denique tandem *fervido* aere, ex ipsius *Æquat*oris vicina, per arenas *Lybiæ* ad mare hoc exspirato, tanto majore omnino copia in *vaporem* resolvuntur *maris* hujus aquæ, & posthac in loca nostra *frigidiora* projectæ, denuo densatæ *pluvias* præbent.

§. 37. Inde vero est, quod quidem *Zephyrus* nunquam tam profunde deprimat *Baroscopium*, neque adeo intime *humes*cat, quam *Auster*: Sed potius *hieme*, apud nos quidem satis raro *pluviarum* notabiliter ferax sit, neque nisi forte *nubilum* tantum, & mediocriter modo *humidum*, reddat nostrum aerem. Unde quidem & longe *languidius*, quam *Austri*, insignem expansionem humiditatis ex aere subducit; neque ratione quantitatis, unquam fere tam insignem *mole*rem aquæ subtrahit, quam quidem *Auster*.

§. 38. Exemplar hujus rei potest nobis suppeditare, præsentis adhuc *Januarii* MDCC. constitutio; cujus quidem notabiliorum mutationum tabulam exhibeo, in *Baroscopio*, quantum potest bene aptato, instituta observatione.

Die Januarii 5. 6. 7. grad. 30. Ventus WNW.

8 - - - 29 - - - WNW.

9 - - - 28 - - - W.

10 - - - 27 - - - W.

11 - - - 29 - - - WNW.

12 - - - 27 - - - WSE.

13 - - - 19 - - - WSE.

14	-	-	-	17	-	-	-	dito.
15	-	-	-	16	-	-	-	dito
16	-	-	-	22	-	-	-	W.
17	-	-	-	24	-	-	-	dito.
18	-	20.	18.	16.	10.	-	-	W. S. W.
19	-	-	-	8	-	-	-	S. W.

Hic incidit post meridiem hor. 2. raptus quidam *Borealis*, cum effusione grandinosæ nivis, ad mediam horam durans: statim incepit *ascendere* Mercurius, ut vix una hora elapsa grad. 10. attingeret, sub mediam noctem vero 16. gradus accessisset:

Die Jan. 20. grad. Barosc. 18. 19. 20. Ventus W.

21	-	-	-	-	-	17	-	-	-	W. S. S.
22.	23.	24.	-	-	-	18	-	-	-	W. & W. S. S.
25	-	-	-	-	-	17.	16.	-	-	W. S. S.
26	-	-	-	-	-	13	-	-	-	W. S. W.
27	-	-	-	-	-	18	ad	23	-	W. N. W.

Hodierno die 28. attigit grad. 24. ad 25. cum aura, nunc quidem ab hora pomerid. 1. ad 4. *Hypæfrica* sive West zuni Eiden: quæ quidem *nivem* levem demisit.

Hæc quidem pro confirmatione nostræ sententiæ de *Elastica aeris & humidivaporis expansione varie mutata, causa Motus Mercurii in Tubo Barométrico seu Torricelliano*, hac vice in medium proferre placuit, alia occasione, si res poscere videatur, ulterius confirmanda.

### OBSERVATIO III.

## BREVIS EXPLICATIO OBSERVATIONIS PRAECEDENTIS.

**O**bservatione XIV. (*hujus vero Collectanei Obs. II.*) proposui *Hypothesin*, de verosimillima causa Motus Mercurii in Barometro; novam ut puto; ; mihi sane apud quemquam alium, neque auditu, neque lectione adhuc perceptam: Præcipue quo tempore ipsam, conscriptam ad prelum offerebam, nempe die 31. Janu-



*Januarii.* Visa vero tunc mihi fuit propositio illa mea sat̄ *evidens*, & facilis intellectu: circumstantiæ vero certæ, quæ post hac sese exseruerunt, ansam mihi præbent metuendi, ne aliter quam à me determinata est, intellecta, incommodæ cuidam opinioni locum præbeat, unde ipsam hac vice denuo explicare, non abs re fore arbitratum sum.

Loquitur nimirum dictæ Observationis §. 7. *de elastica expansione aeris, ponderositati ejusdem, contradistincta: & adscribo pressionem illam, quæ Mercurium in tubo Barometrico afficit, priori, non, vero, ut hætenus uno ore fecerunt rei hujus interpretes, posteriori.*

Subsequente vero §. 8. statim moneo, quod *proprie* & veluti ultimo, *expansionem* hanc attribuam *aqueis halitibus* in aere vagantibus, & id quidem, ut habent verba, *unice, aut certe potissimum.*

E quibus verbis evidentem esse spero opinionis meæ sensum, nempe, quod *aeris* nomine in §. 7. *generalissime* tantum utar, quatenus totam nostram *atmosphæram* eodem denotare usitatissimum est: *nervum* vero totius rei, & veluti *formale* illud, quo *hic aer* seu *atmosphæra* nostra, *mutationes* illas motui Barometri conciliat, colloco utique manifestissime in parte ejusdem, *non aërea* strictè dicta, sed *aquea halitiosa*, nunc quidem elastica sui *expansione* in aeris veluti formam redacta.

Ut adeo mihi nullus sit sermo, de *aeris* ipsius *strictè dicti* efficacia, circa substratam quæstionem, quæ agit de Mercurii in Barometro *Motu: motu*, inquam, *variante*, modo aucto, modo remisso: hunc *motum* ita *variantem*, quero in aeris nostri, seu *atmosphæra* parte *aquea*, modo copiosius, in aerem elata, & in ipso *expansa*, seu *elastice dilatata*: modo ex eodem quasi *concentrata*, imo plane, *pluviæ* forma, *deturbata*.

Cui quidem hypothese cum *aeris simpliciter* aut potius *strictè sumti, elastico*, aut quocunque alio supposito, *motu*, nihil commune esse, res ipsa loquitur.

Dixi vero simul in Observatione allegata, quod existimem, hanc hypothese *explere omnes phaenomenorum circumstantias*. Et allegavi hunc in finem *phaenomena* illa præcipua, circa quorum explicatio-



cationem hypotheseos evidentia occupata esse debet. Moneo vero, esse his ita inhærendum, ne cum quibusdam tralatitiis veritatibus exactæ observationis minus respondentibus confundantur, adeoque deinde theoriæ quoque superstruendæ connexionem fallant.

Est vero hujus generis præcipua plane suppositio, desumpta tamen *de vera & circumspecta observatione*, quod *Zephyrus*, ab occidente directo nobis veniens ventus, minime *profunde*, neque *propere*, *deprimat* Barometron. Imo quod non adeo multo plus hoc *deprimat*, quam *orientalis* nobis ventus illud ipsum *attollit*.

Et quod idem hic *orientalis* ventus, non nisi satis *languide*, & diuturniore demum *sui continuatione elevationem* hanc perpetret.

Tanto magis exigua est illa subsidentia, quæ ventum *occidentalem hibernum* sequitur, quod idem etiam de *orientali* hujus anni temporis, notandum.

Maxima vero omnium differentia inter ventorum quorumlibet *quantitatem* sive impetum; ita ut nimium quantum intersit inter nudam veluti auram sive leniter spirantem *halitum*, è quacunque ejusmodi plaga: & inter copiosum, magnis veluti fluctibus ad nos devolutum, *ventum*. Ubirationi utique consonum est, quod à *lenibus* illis halitibus, neque tam *conspicua* mutatio evenire possit, quam ab ista *copiosa*, & *festinata* irruptione.

Neque vero silentio prætermittenda illa differentia, quando halitiosa illa humiditas, primis pluviis in magna copia ex aere congregata atque *deturbata* est; reliqua vero, sæpe satis diuturna pluviae continuatio, magis immediate ab istis ventis, qui illam materiam *aqueam* ad nos advehunt, posthac sustentatur.

His omnibus recte inter se collatis, facile appariturum speramus, quid certi sit in nostra Hypothesi, & quam commode illa phænomena ista interpretetur, atque exhauriat, quod nempe Barometron *cito & alto sursum* pellatur, quando *Boreali* vento, magna quantitas *pruinosa* aquearum particularum, in *calidiora* climata devolvitur, ibique *cito* expansa, *elasticam* talem dilatationem aeri infert: Quod quidem *Subsolanus* parcius atque levius, sed quadantenus tamen, præstat: Contra vero quod *Auster*, magnam quantitatem a-



*quositas ad nos, in loca nempe frigidiora, transferendo, non modo per se veluti, in pluviam densetur, sed etiam nostri aeris hactenus expansam humiditatem una involvendo, dilatationem illam elasticam atmosphæra, eo ipso auferendo, repentinæ subsidentie Barometri locum præbeat. Quod similiter, longe minori tamen gradu, facit Zephyrus. Ubi videlicet diversitas elastica expansionis minoris & majoris, aquais etiam corpusculis solennis, repeti debet ex illis, quæ observatione nostra, de exhalatione aquæ per gelu, monuimus.*

Et hæc quidem hac vice, pro Hypotheseos nostræ vero sensu explanando, suffecerint: plura alia forte vice, occasione evidentiorum exemplorum mutationis Barometri actu observatorum, commodo tempore, ulterius, bono cum Deo, poterunt subungi.

## OBSERVATIO IV METEOROLOGICÆ COKIO- SLUTERIANÆ COMMEN- DATIO.

### SYNOPSIS.

**M**eteorologia vulgaris fallax; §. 1. eapropter consultius plane omittetur. §. 2. Quia tamen in insignioribus eventibus respondet, scrutinio digna. §. 3. Quod solertissime egit Dn. D. Sluterus, §. 4. Cokii novarum regularum veritatem nobis detegens, & usum quasi primus inveniens. §. 5. Opusculorum ejus sive exemplarium indigna penuria. §. 6. Testimonium experientia de hac hypothese. §. 7. Differentia ejus ab antiquis Canonibus, quod non Lunaribus, sed planetaribus mutuis aspectibus nitatur: §. 8. Neque è præsentium planetarum congressu multum mixti supponat; §. 9. Sed mixtiones præteritas caute attendat: §. 10. Ventorum concursum cum tempestatibus pulchre detegit; §. 11. Cujus intuitu motus Baroscopii notabiles imposterum etiam prædici posse confidimus. §. 12. Lunæ effectus veri. §. 13. Non ita brevissima est hac quoque methodus, §. 14. & exigit prudentes comparationes. §. 15. Transituum planetarum spe-  
cia



*cialis observatio artificiosa; §. 16. Sed propterea tanto est dignior. §. 17. Operosam hanc veritatem qui primi perfecērunt laude sua merito afficiendi. §. 18. Adhortatio, ut novorum Calendariorum concinnatores ad spectus diligenter inserant. §. 19. Exempla aliquot effectuum excitatorum, & resuscitatorum. §. 20--26.*

## §. I.

**Q**uantis in hodiernum usque diem opprobriis laboraverit *Meteorologia* Calendariographorum trivialium, adeo notum utique est, ut vel ipsis plebis proverbiiis accensere liceat scommata illa, quibus incertitudinem prædictionum istarum exagitare consueverunt. Excusant se interim scriptores, quod bona fide traditiones antiquorum secuti, prædictiones suas juxta Aphorismos antiquissimos *Astro-Meteorologicos* formantes, & interdum ad minimum, eventum præfagiorum suorum assequentes, de reliquo ita exquisite respondere non possint: Ut adeo non ipsorum, sed regularum illarum, ad quas præfagia sua concinnare, necesse habeant, culpa atque defectibus, hæc ita sinistre eveniant.

§. 2. Audiendi sane sunt in hoc genere, imo vero condonandum ipsis potius esset, si immedicabilis hujus defectus conscii atque memores, potius universam illam prognosin omitterent: Quorsum quidem respexisse videntur, qui in emendatione Calendarii recentissime laborarunt, & quicquid ad veriorem ejus *ἀνεπίβητον* facere posset, suadere cordi habuerunt.

§. 3. Interim, cum nihilominus minime negari possit, quod aliqua mutationum tempestatis, secundum mutationes siderum, notabilis varietas observetur; adeo, ut non ita rarissime, ipsæ etiam Calendariographorum ad antiquas regulas formatae prædictiones, eventum suum satis constanter assequantur: adeoque hinc dilucescat, quod non tam in genere universum negotium falsum sit, sed insufficiente saltem scrutinio nondum satis exquisite nobis compertum: non immerito certe fuerunt semper veritatis in hoc genere curiosi & studiosi, qui fontem defectus & erroris in hoc



genere pervestigare, & viam illi subveniendi detegere atque com-  
monstrare laborarunt.

§. 4. Nobis quidem ut huic studio non adeo anxie insudan-  
tibus, neque magnus horum catalogus, neque pondus atque ef-  
ficacia argumentorum & subsidiorum à variis propositorum æque  
notum hic est: Hoc vero scimus, quod è *Germanis* nostris, eximie  
hanc spartam, & felicissime sane (quod experientia nobis hacte-  
nus constanter confirmavit) ornaverit, Excell. Vir, Dn. *Matthaus*  
*Sluter*, J. U. D. & inclutæ *Hamburgensium* civitatis hodie Syndicus,  
optime meritis.

§. 5. Secutus quidem est in hoc genere *Wilbelmum Cokium*  
natione *Anglum*, qui primus utique exquisitis observationibus, me-  
liorem & certiorẽ Theoriam hic formavit atque concinnavit:  
Laudem vero hanc præcipuam promeritus, quod dicti *Cokii* tra-  
ditiones & assertiones, ante plures jam annos promulgatas, &  
hactenus à nemine ita, uti merebantur, consideratas atque anim-  
adversas, ita ad examen revocaverit, curiosis & attentis observa-  
tionibus prosecutus sit, & denique non magis confirmaverit, quam  
hinc inde nova ponderosa, commentatione illustraverit, ut merito  
dici possit, licet non universam rem, tamen quod præcipuum  
est, *veritatem* atque *usum* ejus, quasi primus invenisse.

§. 6. Indigne sane fieri merito conquerimur, quod, cum  
tot, & tam variarum futilium speculationum impressione, tantum  
chartæ in *Germania* nostra pereat, utilia hujusmodi conamina,  
adeo parum promoveantur, ut dum pauca saltem exemplaria,  
magis in privatos velut usus, & inter amicos distribuenda, de pre-  
lo prodeunt, rei optimæ fama & commendatio, illum, quem ma-  
xime merebatur, cursum & progressum, non nanciscatur.

§. 7. Illud, quod de hoc negotio dicere per experientiam pos-  
sum, consistit breviter in hisce, quod axiomata illa, Meteorologi-  
ca nova, à *Cokio* quidem proposita, à Dn. vero D. *Slutero* ad experi-  
entiæ trutinam examinata, & necessariis *commentationibus*, & præ-  
cipuorum *momentorum*, (quæ ab autore simpliciter saltem, & circa  
specialem notam proposita fuerunt:) specialissimis *commentationi-*  
*bus* elucidata, non modo in comparatione cum usitatis antiquis hu-  
jus



jus generis regulis, immensum quantum prærogativæ mereantur: sed, omnino potius absolute loquendo, exquisitam fere penitus certitudinem harum rerum nobis offerant atque sistant.

§. 8. Differunt vero nova hæc axiomata, ab antiquis in hoc genere regulis, maxime in eo, quod, cum istæ *Lunam*, pro primaria quasi moderatrice tempestatibus ita agnoscant, ut ejus variæ constellationi cum reliquis planetis, omnes tempestatum succedentes varietates adscribere non dubitent: Hæc nova observatio & experientia contra, lunæ directè hîc minimum omnium tribuendo, potius primario è *Planetarum* inter se *invicem* aspectibus, tempestatum illas vicissitudines nasci, doceant.

§. 9. Præterea, cum *antiqua* regulæ propemodum ex omnibus aspectibus, aliquid etiam veluti mixtum, nempe ex utriusque Planetæ *concurrentis* propria indole, nunc in unum *tertium* quasi coalescente, resultans, expectent: *Nova* hæc observatio potius *unius* præcipue planetæ eminentem efficaciam hinc præfagiat, quæ per alterum illum solum excitata, imo veluti extorta, atque de potentia in actum deducta, sentiatur.

§. 10. E contra, quod nemini in mentem venerat, sagacissime notat atque attendit illas Mixtiones sive impressiones, quas planeta unus, ab alterius occurribus ita suscipit, ut si aliquo tempore proxime sequente, denuo effectus suos edere impellatur, non immediate è sua propria indole tunc agat, sed prius adscititias illas qualitates, quas alterius planetæ radii ipsi impresserant, effundat, eoque ipso sæpe effectum, à proprio suo genio plurimum alienum, exhibeat. In qua re magni momenti in hoc negotio, plurimis exemplis probanda, utilissimam operam impendit Exc. Sluterus.

§. 11. Imo, cum negotium illud, de *Ventorum συζυγεία* cum tempestatibus, antiquitus, propemodum inextricabile, adeoque vix usquam condigne tactum sit, demonstrat nova hæc observatio mirum quantum exquirit, quoniam venti *certis* planetis familiares sint, adeoque in effectum deducto ipsorum influxu, seu effluxu, una sese exerant & exerceant.

§. 12. Quæ sane res, cum præsertim experientiæ circumspectæ, eximie respondeat, præcipue ita mihi placuit, ut vel inde ve-



ritatem hypotheseos meæ, de *Motus Barometri fundamento ex humiditate*, aut siccitate aëris, per *ventos* introducta, ita evidenter stabilire sperem atque confidam, ut in animum induxerim, proximo quoque tempore, si Deus vitam & vires concesserit, insignes *mutationes Barometri*, quæ futuris septimanis & mensibus expectari poterunt, sic satis probabiliter & veraciter *presagire*: ut licet non de die in diem, aut linea in lineam, apices mutationis determinare integrum sit, nihilominus *notabiliores* hujus generis eventus, qui ascensu, aut lapsu, secuturi sint, prædicere posse non diffidam.

§. 13. Neque vero interim, quam vere habet *Luna*, efficaciam ipsi denegat nova hæc hypothesis, imo solertissime ejus mentionem facit. Quod nimirum *Luna* effectuum planetariorum vera sit *excitatrix*, non modo antequam illi immediate sibi occurrant: sed etiam *resuscitatrix*, quando alterutri ipsorum aut utrisque mox deinceps occurrit, non ita plurimis diebus post, quam illi suo concursu notabilem quendam effectum ediderunt. In quo quidem negotio studiosissime inculcando, & magna ejus energia condigne commonstranda, eximiam operam navavit Noster.

§. 14. Illud in hac nova theoria minime dissimulandum est, quod neque illa adeo plane *paucissimis* canonibus & axiomatibus absolvi possit, si accuratius & conveniente cum experientia exactitudine, imminentes effectus & eventus hinc colligi debeant.

§. 15. Sicut etiam collationes & *comparationes* providæ, subinde inculcantur & requiruntur; Quandoquidem v. g. *anticipationes* aspectuum, item *compositi* eorundem effectus à prægressa mixtione, variantes item effectus è natura *signorum*, in quibus planetæ versantur &c. paucissimis simplicibus præceptis nequaquam ita crude ingeri possunt.

§. 16. Ut de *Efficacia Transituum Planetarum*, per loca prægressorum aspectuum insigniorum, nihil dicamus; In qua observatione, ut vero hujus artificii exquisitiore specimine, ἀνεξέτατος Dn. D. *Sluterus*, præcipuam lucem accendit: Quæ tamen res non æque è Calendariis, sed potius ex *ephemeridibus*, peritior calculo determinanda, cum in genere dignitatem, hujus artificii condecorat, tum



tum præcipuorum, aliunde non elucidandorum eventuum, luculentas rationes aperit atque subministrat

§. 17. At mihi profecto propterea tanto magis laude digna videtur hæc theoria, quod *vera* quidem, sed non tamen *docti laboris & ingeniosa* operæ subsidiis cassâ, existat: Adeoque non temere in quorumlibet otiosorum hominum captum ita illabatur, ut illa, quod volunt & solent, illotis manibus potiri, uti, frui, & cum optime meritorum inventorum neglectu, aut prorsus maligna suppressione, sese his artibus efferre possint.

§. 18. Sufficit itaque, imo decorum est, huic observationi seu novæ theoriæ, quod non modo *vera*, sed tam variis novis veritatibus suffulta, atque ex illis in unum collatis collectâ & connexa sit: Quod sane tanto majorem existimationem atque *laudem* inventoribus atque excultoribus ejus, jure meritoque conciliat. Siquidem *simplicem* veritatem agnoscere, eique adstipulari, cujuslibet etiam simplicis hominis conditio infert, & requirit: Operosiores vero veritatum inter se varie symbolizantium, neque nisi prudente comparatione ad unum apicem & conclusionem deducendarum, *harmonias* conquisivisse, & inter se coordinasse, non est nisi curiosorum, *ingeniosorum*, prudenter assiduorum, & circumspectæ experientiæ peritorum virorum, quibus merito vivis & mortuis tribuitur illud Poetæ:

*Quique sui memores alios fecere merendo,  
Omnibus his nivea cingantur tempora Vitta:*

Ut nempe & mortui laude sua non fraudentur, & vivis, in seram usque ætatem & canos annos, utilissimi sui studii, & ad promovendam veritatem navatæ operæ, gratia, non intereat, sed jure meritoque tribuatur.

§. 19. Non possumus vero, quin pro coronide præsentis nostræ commentationis, hortemur novorum Calendariorum concinnatores, ne in posterum in *aspectuum* consignatione in medio-cria illa Calendaria, quæ scriptoriæ chartæ cum majore spatio (Manual-Schreib-Calendar in 8vo) imprimi solent, ita parci sint, uti currente hoc anno factum hoc est. Quamvis enim suspicio alicui oriri possit, quasi in assignandis tempestatum eventibus, neque ipsis hæc metho-



methodus displicuerit : nihilominus, cum propter manifestas circumstantias, præfagia illorum in casibus reservatis hujus methodi, minime respondeant ; rem sane non inutilem fecerint, si aspectuum tam *lunarium*, quam *planetariorum* mutuorum, consignationem, dictis, imo vero, nisi grave esset, *omnibus* cujuscunque formæ, Calendariis impofterum adderent, ut ad minimum, quibus inpofterum his observationibus examinandis animum adhibere placuerit subsidium hoc inde nanciscantur, quod etiam in constituto tali Calendariorum *pretio*, sane justum & æquum videtur.

§. 20. Placet interim duo saltem *exempla* effectuum, qui ex nuda generali hujus etiam generis theoria, *heteroclitici* videri poterant, afferre. Cum die 3. *Februarii* præsentis anni, (1701.) occurreret  $\text{♄} \text{ \& } \text{☉}$ , in *medio* propemodum signi  $\text{♊}$  ; & præcedente die 2. *Febr.* in  $\text{♋}$ , \* cum  $\text{♄} \text{ \& } \text{☉}$ , formaret, qui adeo similiter versus *medium* signi, demum partiliter fieri poterat : factum inde est, ut post mediam noctem hujus diei, 2. *Febr.* cum hætenus admodum tranquilla fuisset, tempestas, *Ventus* cooriretur immanis, qui paulo post ortum  $\text{☉}$  jam admodum mitescens, meridie *mitissimus*, ante occasum  $\text{☉}$  penitus resedit, neque sequentibus diebus proximis, in nostra quidem planitie regionis, vel levissimam commotionem amplius exseruit. Adeo ut mirabile videretur, tam vehementem ventum, ex improvviso in media tranquillitate coortum, ita statim rursus evanuisse.

§. 21. Nempe *Ventus* ex concursu *ventosi*  $\text{♄}$  cum  $\text{☉}$ , indolem ejus fortiter extorquente, in signo *aereo*  $\text{♊}$ , non poterat non cooriri ; Debuerat vero proprie ad minimum a meridie demum d. 3. *Febr.* in occurso horum planetarum, sese exserere ; Ibi  $\text{☉}$  præcedente jam media nocte planetas hos, ex *igneo* signo *respiciens*, suscitavit *anticipando* totius *Aspectus* energiam, adeo, ut finem suum jam attigisse videretur illo tempore, quo initium suum alias habuisset. Quale quid evenit subsequente 7. ejusdem Mensis, ubi in ipsa meridie copiose *ningere* coepit, per \*  $\text{♄} \text{ \& } \text{♀}$  ; quamvis jam à die 5. levibus & raris floccis nunc & tunc nix interdum quasi minaretur, per  $\text{♄}$  cum  $\text{♀}$  & \*  $\text{♄}$  d. 4. & 5. *Februarii* : Sicuti die 10. ubi eodem

dem die  $\gamma$  cum  $\gamma$  in  $\chi$ , &  $\ast$   $\gamma$ , evenerunt, denuo insignem *nivem* pepererunt.

§. 22. Quia vero *Ventus* d. 3. *Februarii*, per prægressos & subsequentes aspectus nonnihil quasi interceptus erat, cum deinde d. 12. ejusdem *Luna*  $\gamma$  iterum  $\ast$  aspiceret, & quidem iterum ex *igne* Signo, sicut antea effectum ejus excusserat, ita nunc similem penitus denuo introduxit: qui non modo hoc die regnavit, sed etiam sequente die Solis adhuc vehementior fuit, ubi eadem  $\odot$  pari  $\ast$  ex eodem signo respexit.

§. 23. Resederunt hi quoque *venti*, usque in diem 17. *Mensis*, ubi denuo eodem impetu eruperunt, cum ex signo aëreo,  $\gamma$  denuo aspiceret  $\gamma$ , aspectu *trino* forti, & in  $\Delta$  (trigono) *aërea*: Subsedet hic quoque ventus versus diluculum sequentis diei; Consurrexerit novo vehementi impetu, meridie ejus diei, ubi pristinum aspectus socium,  $\odot$ em, eadem  $\Delta$  attigit.

§. 24. Exseruit sese simile quid admodum notabiliter d. 25. & 26. ejusdem *Mensis*, ubi  $\gamma$  cum  $\gamma$  &  $\gamma$  deinceps, fortes aspectus formans, ventos gravissime suscitavit, qui succedente demum d. 4. *Martii* emicare debebant è  $\gamma$   $\gamma$  &  $\gamma$ : ubi illis jam diebus consumpti, plane nihil amplius effecerunt, sed quieta prorsus fuit apud nos tempestas.

§. 25. Similem notabilissimum effectum edidit  $\gamma$  proximo 29. *Martii*, ubi post tempestatem hætenus admodum temperatam, *frigus* & *nivem* provocavit, quæ illa die satis copiosa excussa est, per  $\square$  (quadratos)  $\gamma$  cum  $\gamma$  &  $\gamma$ , quorum post aliquot demum dies, nempe 2. *Aprilis*,  $\gamma$  in signo *Aqueo*, *nivem* spondebat: Ubi è contra excussa illo die satis copiosa nive, & altera quoque, nempe 30. *Martii*, ipso die 2. *Aprilis* nulla nix amplius cecidit, quamvis, cum dies dimidius 30 & totus 31. *Martii*, totus etiam propemodum 1. *Aprilis* sereni fuissent, hoc ipso d. 2. *Aprilis*, plane turbatus nubibus æther, *nivem* minari videretur, quæ tamen adeo non secuta est, ut potius versus vesperam, per noctem, & subsequente die 3. *Aprilis*, propemodum limpida serenitas succederet.

§. 26. Sufficiant vero hæc hac vice. Si vitam atque sanitatem, libertatemque ad hæc talia largitus fuerit Altissimus, concin-



nabimus forte nos ipsi *Cokio-Sluteriana* ista Artis hujus fundamenta & experimenta, & sub ordinem aliquem distribuemus, ut tanto commodius sub variis schematibus curiosis quibuslibet inservire, adeoque ulteriori elucidationi experientiae via sterni possit: Quod quidem propositum Deo dieique interim commendamus.

## OBSERVATIO V. DE DIFFERENTIA MIXTI, TEXTI, AGGREGATI, INDIVIDUI.

Σύνοψις.

**V**eteres & recentiores jugiter negligunt mixti & texti differentiam, §. 1. dignam tamen consideratu §. 2. propter confusionem principiorum alias solennem. §. 3. Mixtum quid nobis sit, §. 4. & Modus mixtionis, §. 5. negligendo veterum opinionem §. 6. complectimur hic sub mixto etiam compositum. §. 7. Textum quid nobis sit, §. 8. & è quibus constet. §. 9. Differentia. §. 10. Magnitudo mixti exilissima, §. 11. Texti spatiosa. §. 12. Constitutiva mixti numero pauca, §. 13. texti numerosa. §. 14. Illius heterogenea, hujus etiam homogenea. §. 15. Mixti figura absolute insensibilis, §. 16. Texti contra. §. 17. Mixti combinatio intima, §. 18. Texti laxa. §. 19. Mixti nullus finis organicus notus, §. 20. Texti contra. §. 21. Textum & Aggregatum differunt, §. 22. Aggregatum, etiam speciose concinnatum, in nullum finem hoc habet. §. 23. Texto specialissima constructio essentialis est: §. 24. Siquidem aggregata talia nullum, texta certum habent scopum organicum. §. 25. Differentia individui physici & aggregati. §. 26. Vana divisibilitatis acceptio; §. 27. Verior. §. 28. Instrumenta requirens proportionata, §. 29. & nullum essentiae detrimentum. §. 30. Rejicitur divisibilitas linearis & punctularis veterum & recentiorum. §. 31. Utilitas harum differentiarum, §. 32. cujus defectu hodierna Physica frustra à Chymicis mutuatur, §. 33. quae alienis & minus certis nominibus efferat, §. 34. numerum vero partium constituentium ita absolute nescit: §. 35. Imo materialis consideratio, prerogativam efficaciae certorum mixti constitutivorum spondet, alteri hypothesei imperscrutabilem. §. 36.

## §. I.

**V**etus videri poterit querela, quamvis à non ita multis demum lustris coorta, si Aristoteli rerum physicarum male tractatarum dicam scribere suscipiamus: Interim novam hanc potius apparituram arbitramur, si non æque ipsi Aristoteli, quam recentibus quoque ejus in hac materia censoribus, communem notam incutiamus; Quod quidem non possumus evitare, ubi de differentia mixti atque texti agere nobiscum constituerimus. Certe enim nusquam, quantum nobis quidem innotuerit, non magis apud recentiores, quam Aristotelicos, hoc negotium condigne evolutum prostat.

§. 2. Quanta vero sit ejus dignitas, ex eo præcipue innotescit, quod ex hujus differentię neglectu, aut minore, quam par erat, consideratione, innumeræ confusiones affectionum mixti simpliciter, texti simpliciter, & vivi, ab omni, ad minimum ab Aristotelis, ævo, in hodiernum usque diem perennent; quin etiam nulla inde spes supersit, summe necessariam illam, *Mechanismi* simpliciter, & *Organismi* differentiam, recte constituendi, quamdiu præsens hoc discrimen defecerit.

§. 3. Imo, videtur nobis huic eidem fundamento inniti, solennis illa confusio, quæ apud recentiores vigere videtur, inter principia *mixtorum & compositorum*, *proxima & remota*, *materialia & formalia*, *mechanice & physice* considerata. Unde tot diversis, sed tamen undique consideratu dignissimis respectibus, tanto magis inducimur, ad hanc rem tanto exquisitius respiciendam.

§. 4. Quod dum aggredimur, ante omnia necesse erit, ipsarum illarum rerum, de quibus agere suscipimus, indolem describere, ut hinc omni ambiguitati obex ponatur. Intelligimus itaque primo per vocem *Mixtum*, corpusculum, ad sensus nostros comparando, ita *minimum*, ut hos plane subterfugiat atque fallat, neque nisi *numeroſo agmine* factò, iisdem demum perceptibile evadat; concretum nihilominus, è *numero pluribus* adhuc minoribus corpusculis, diversæ *mobilitatis*, propter differentem tam *magnitudinem*.



*dinem*, quam *figuram*, & præterea *moventium* aliorum proportionatorum, majorem vel minorem copiam.

§. 5. Consentimus interim recentioribus, quod *mixtionis*, (*mixtionis* inquam, non *mixti*) causa *materialis*, proprie sit proportionata *convenientia figure & magnitudinis*; causa *instrumentalis* occurfus *motuum*, ab aliis in motu constitutis corpusculis: causa *formalis*, exquisitissima inter se invicem *applicatio & implicatio*. Et hæc quidem *Mixtionis in genere*; *Mixtionis vero in specie* causa *materialis*, præter dicta, etiam numerus certus.

§. 6. Ita, ut hac ratione non faciamus cum intricata illa Veterum opinione, quod mixtio partium constituentium, talem penetrationem involvat, ut hæ, partes inquam constitutivæ, propriam suam *formam*, sub novæ illius mixtionis coalitu, penitus exuant: Ex quo conceptu sterilis illa speculatio de *Privatione*, in negotio generationis, ortum suum duxit. Sed potius agnoscamus, quod etiam in *statu mixtionis principia* mixti constitutiva, nihilominus essentialem suam *magnitudinem, figuram*, & ab his pendentem *mobilitatem*, retineant; Non nisi exquisita *justa positione, applicatione*, & interdum *implicatione*, & *motu rerum ambientium*, cohæreant: & si *justa instrumenta*, & *justæ directiones* proportionatorum motuum, adhibeantur, è mutuo hoc sui *nexu* dimota, antiquas suas & proprias affectiones denuo exhibeant & exserant.

§. 7. Imo vero, accipio hoc loco nomen *Mixti*, etiam latius, ut sub illo & *Compositum* comprehendam; utpote quod ipsum, licet non immediate è *simplicissimis* minimis, coaluerit, sed è talibus, dumtaxat *mixtis*, numero pluribus & specie diversis: Nihilominus ipsum quoque ejus *tenuitatis* atque *teneritudinis* est, ut in *individuo*, imo vero nisi *numerosa* aggregatione, omnes *sensus* nostros externos eludat.

§. 8. *Textum* vero, non *generalissimo* illo sensu hic accipimus, quo simpliciter omnem *combinationem* & *implicationem*, etiam paucissimorum quorumlibet constituentium principiorum, denotare posset; sed utimur hoc vocabulo sensu magis proprio & recepto, nempe de *aggregato*, plus minus individualiter etiam, in *sensu* nostros incurrente; Formato per admonitionem, compositionem,



*coordinationem*, constructionem, five magis *fortuitam*, five plane *destinatam*, & ad ulteriorem & nobiliorem *finem* ita directam, ut nisi hæc textura, ita & non aliter, coordinata fuisset, *finis* ille obtineri non valeret, cujus hæc textura, hac ratione, verum atque solidum *instrumentum* hoc ipso agnosci debeat.

§. 9. Hoc sensu acceptum *Textum*, eminentissime, & vere *uogels*, occurrit in corporibus revera *viventibus*; Tanto magis *verosentiētibus*, & *locali motu* instructis: quæ omnia, quantula vel quanta demum cunque mole consent, coagmentata utique sunt, è *numerosissimis*, imo innumerabilibus, *mixtorum* & *compositorum* corpusculorum *individuis*, in unam, & ordinatissimam quidem illam *struem*, non solum aggregatis, sed exquisitissima proportionem coordinatis: Adeoque pro materialibus sui principiis, non habent immediate corpuscula illa *primordialia simplici* figura atque magnitudine determinata: sed & *numero* & *specie* multiplici diversa, & non nisi admodum mediate, imo difficillime, in prima ista sui principia reducenda.

§. 10. Ex his ipsis descriptionibus, potest quidem jam sic satis diluascere, quantum, imo vero quomodo, inter se differant, *mixtum* atque *textum*, si utræque inter se mutuo comparentur. Interim placet nobis hujus quoque laboris lectori compendium facere, & differentias has, & quæ forte aliæ propius ab hisce profiscuntur, ob oculos exponere.

§. 11. Prima *Mixti* affectio, in ordine ad sensus nostros, essentialis, perpetua, & inseparabilis, est, quod sit molis ita summe *exigua*, ut sensus nostros quosvis absolute effugiat, neque unquam nisi in *aggregato*, longe maximum *numerum* ejus generis corpusculorum comprehendente, his occurrat aut ab illis animadvertatur.

§. 12. *Textum* contra (si à nuda illa *combinatione*, quæ inter numero plura corpuscula mixtim complicata, aut quacunque aggregatione inter se congregata, coalescunt, nomen hoc abstrahamus,) non modo indifferenter se habet, ad spatiosam etiam magnitudinem atque molem; sed & fere in diffusiore quantitate, tanto plus formalis suæ constitutionis, nempe *textura* eo ipso habeat.



& exhibeat: tanto magis si, quod fere fit, non in universum homogeneus ordo atque situs corpusculorum, è quibus constructum seu contextum est illud textum, subsit, (quod fortasse aliquis pro aggregato textorum habere & interpretari posset) sed ita dispar, ut notabilis diversitas vel ipso sensu discerni possit: Interim tamen, etiam disparis ordinis textum, illam habeat harum sui partium συζυγίαν, ut ad unum aliquem communem effectum conspirent; vel ad diversos quidem, attamen illi uni eidemque texto, competentes.

§. 13. Proxima *Mixti* affectio est, quod è *diversis* numero & specie differentibus, *paucissimis* licet, coaluerit. Unde quidem sensu suo facile abundare patimur, quicunque ingeniosam *Democriteorum*, & inter hos primatis *Cartesii*, considerationem, de *figura* primordialium corpusculorum, ad *innumeras* species extendunt; sed eo ipso nihil, nisi opiniones & speculationes, non vero verarum & actualium rerum certitudines atque scientiam, in *Physicam* inferunt; adeoque à posteriori deinde, ne levissimarum quidem realium demonstrationum, circa *numerum* & *speciem* principiorum primorum, compotes sunt: Nos vero, arte & experientia duce, *paucissimas* numero esse *species* primordialium corpusculorum seu *mixti principiorum*, satis certo scimus.

§. 14. *Texti* contra, dum necessario *aggregatum* aliquod est, vera indoles, poscit omnino, ut è *numerosis* constituentibus corpusculis construatur.

§. 15. Porro cum *Mixtum*, ut modo dictum, necessario è *specie* quoque pluribus seu *diversis* componatur; *Textum* indifferenter se habet ad hanc circumstantiam, & potest etiam ex *homogeneis* formari.

§. 16. *Mixtum* non habet *visibilem*, aut alio sensu determinabilem, sed conceptibilem tantum in genere, *figuram*; Eam tamen necessariam, scilicet è figuris & mutua proportionem illorum *primordialium* corpusculorum, è quibus ipsum coaluit, resultantem.

§. 17. *Textum* vero, habet etiam plus minus *sensibus* dignoscendam certam figuram; sed non tam *necessitati figurae* corpusculorum,

lorum, è quibus conflatum est, respondentem, aut ex ejusmodi *arctissima* illorum unione proficiscentem: sed potius è nexu, & *implicatione* verisimilius quam undique exquisita *complicatione* prognatam, quæ magis *Flexilitati*, aut variæ mobilitati, nempe organico usui atque destinationi ipsius texti, quam alteri causæ, adaptata sit.

§. 18. *Mixti* denique constitutivorum corpusculorum unio seu mutua applicatio & combinatio, ita exactissima & undiquaque *exquisita* est, ut propterea non nisi difficillime, tenerrimis atque assiduis *motibus*, & paucissimis plane, quæ nempe proportioni unius vel alterius constitutivi mixtorum principii (quæ pauca esse jam monuimus) respondeant, *instrumentis*, ex hac unione iterum dimoveri possint: Quod quidem vix facilius succedit, quam si in *novam* aliquam *mixtionem*, è pristina illa, transsumantur, ac veluti abripiantur.

§. 19. *Texti* contra constitutivorum corpusculorum *laxa* cohæsiō & infirmus nexus, dilucescit præcipue, è facili & expedita illa *dimotione* atque resolutione, cui ita obnoxia sunt, ut fere singularibus *conservatoriis* artificiis indigeant, quæ spontaneam velut illorum fatiscentiam, & promptum à se invicem secessum, operose arceant.

§. 20. *Mixtum* denique, directe & proprio veluti fine, vix ulli alii *scopo* destinatum esse intelligi potest, nisi illi solum, ut inserviat, vel potius specie plura mixta, inserviant, pro materia, plurium inde progignendorum *compositorum*; Quod præstant, magis *individuali* sui concursu: Vel ut inserviant pro materia aggregatorum atque textorum, quod præstant *numero*so accessu. Habent sese vero hic magis pure *mechanice*, ut nempe quantum *figura* ipsorum subire potest, novas tales *combinationes* admittant, iisque accedant.

§. 21. *Textorum* vero, quotquot præsertim è diversorum generum corpusculis conflata fuerunt, & non nudum, magis fortuitum, plus minus homogeneum, aggregatum exhibent, habent *destinationem*, atque scopum communiter magis *organicum*, ut vel certis, vel variis, *usibus* circa aliorum aggregatorum *congregationes* aut *disgregationes*, inservire possint.



§. 22. Sunt hæ *potissimæ* differentiæ, quibus *mixtum* a *texto* discrepat; Non alienum erit, etiam diversitatem *Aggregati* simpliciter & *Texti* paucis attingere. Consistit vero illa in eo, quod *Aggregatum* simpliciter habeat quidem hoc cum *Textu* commune, ut è *numerosis* corpusculis minoribus formetur: Interim nullum specialem alium *situm* atque *positum* horum requirat aut supponat, quam qui ex ipsa *proportione* corpusculorum illorum inter se invicem, aut habitudine illorum ad res ambientes, inter quas ipsa coalitum suum nacta sunt, resultat.

§. 23. Adeo, ut licet interdum appareant plane *singularem* structuram nacta esse varia aggregata, quale quid v. g. in mineralium quorundam concrementis, in certas quasi figuras angulosas distributis, sese exserit: Nihilominus nullum penitus, ne ulla quidem suspicione attingendum *finem* hic ordo indigitet, sed indifferens potius sit, sive in molem & massam conspicua tali coordinatione destitutam confluxisset, sive in hanc struem otiosius coaluerit.

§. 24. *Texti* è contra, *strictiore* nostro sensu sumti, talis specialissima, qualem conspiciendam exhibet, structura, habet hoc utique eo sensu inseparabile, ut nisi præcise hanc, & non aliam, coordinationem partium sui constitutivarum obtinuisset, *effectum* illum, cui specificè inservire debet, non magis quam quodlibet aliud forte fortuna coacervatum assequeretur, nulli hinc speciali usui idoneum esset.

§. 25. Quemadmodum autem hac ratione *Aggregatum* simpliciter, & *Textum* strictiore sensu, proprie ita differunt, ut *ordinata* illa structura, quæ in ipso etiam huiusmodi *aggregato* oculis occurrit, ad summum à *materiæ necessitate* dependeat; in *texto* vero strictioris sensus, nequaquam *necessitatem materiæ* sequatur, quæ potius prompte varios, & longe alios, positus atque situs subire, apta nata deprehenditur: Ita conspicuum satis quam communissime est, quod utique hoc sensu *textu*, evidentem aliquam habeant *utilitatem*, ad ultiores quosdam effectus, *instrumentali* energia perpetrandos, cum nudis talibus *aggregatis*, è sola *materiæ necessitate*, quantumcunque etiam speciose concretis, nulla undique probabili ratione, tale quidquam attribui posse compareat.

§. 26. Evidentissima omnium merito esse debbat differentia inter *Individuum* & *Aggregatum*, sicut etiam confido, me minimum negotii ad hanc designandam habiturum: Illud unum tamen necessarium invenio monere, quod *Individui* nomine, proprie hoc loco *physice* utar, pro tali *indivisibili*, è quo si aliquid auferretur, sive illud *divideretur* seu *separaretur*, *essentia* eius periret: Quod quidem veteres *Physici*, Aristotele in hoc genere perspicaciores, hoc eodem nomine græco, videlicet *ἀτόμῳ*, notaverant. Intelligitur vero utique *indivisibilitas* etiam, vel ad minimum maxima dividendi difficultas, vel denique dividendi *salva concreti essentia* impossibilitas, *physice*. De quo negotio non abs re erit, duo verba monere.

§. 27. Alieno videlicet plane sensu interpretatur *divisibilitatem* corporum *physicorum* Aristoteles, quando *mathematicam* illam divisibilitatem, absurdis hypothesibus superstructam, iisdem tribuit; quod nempe, cum omne corpus naturale sit *materiatum*, omne *materiatum quantum*, omne quantum *extensum*, omne *extensum* habeat *partes* extra *partes*, quod propterea ita omne *materiatum* sit *divisibile in infinitum*. Quam quidem stolidam in *physicis* assertionem, etiam acutis nostris recentioribus placere adhuc potuisse merito mirari liceret, nisi causa sic satis liqueret, quam tamen, ne odiosus sim, non edissero.

§. 28. Interim *physica* divisibilitas, sicuti circa subjectum versatur *corporeum*, ita non fit usquam *immediate*, ab *immateriali* quocunque, *immanente* aut *emanante*, interno inquam aut externo, principio, & abest sane hinc quam longissime otiosus ille *motus essentialis* internus, *insitus*, immanens, seu, ut vocant, *nisus*, *vis*, & quibus in aliis venditur nominibus. Sed eget divisio, quæcunque *physice* hic institui debet, *instrumentis* non minus *corporeis*, quæ non *insitum* illum *motum* (qui sunt modernæ philosophiæ flosculi) nude suscitant, sed sane eundem potius *adferant*, & *dividendis* illis atomis, imo illarum *partibus* intimis, inferant & *communicent*.

§. 29. Sicut autem inter *instrumentum*, & rem, cui adhibetur, *proportio* aliqua requiritur, eaque in nostro negotio in eximia prorsus *subtilitate*, etiam solum ad attingendum, nedum ad penetrandum,



dum, sita esse apparet: quid proinde mirum, si divisibilitas etiam respectu hujus circumstantiæ, videlicet *instrumentorum* ad divisionem necessariorum deficientium, difficillima sit: adeoque *atomus* etiam denotet tale corpus, quod non facile *actualem* divisionem subeat, seu actu dividi soleat.

§. 30. Interim non negamus, nobis etiam ipsis potiore videri illam *atomi*, seu *indivisibilitatis* acceptionem, qua corpus tale, præcipue *salva sua essentia* dividi non posse ulterius, intelligitur. Cum vero essentia corporis naturalis, ad minimum *materialiter* non consistat, nisi vel in *mixtura*, vel in *textura* determinata; *Mixtura* vero proprie in conjunctione, aut *contiguitate intima* constitutivorum corpusculorum: Facile sane, quicumque non nimium quam turbulenti est conceptus, comprehendere valuerit, quid sit, ultra per corporea instrumenta dividi non posse, quin ad *solutionem constitutivorum* corpusculorum, adeoque *essentia*, seu unionis principiorum intime contiguæ deveniatur.

§. 31. Ubi quidem ego (nisi quidem omnia me fallunt non immerito) aspernor illam divisibilitatem Aristotelicam, in quælibet *puncta* & lineas, de toto mixto portiunculam *integrantem*, *mixtam* & ipsam, & infinito quidem numero, rescindere compotem. Aspernor inquam, re prorsus eandem, solis vero vocabulis diversam, juniorum, *abrasionem* atque *detritum* per *lineas physicas* & *puncta physica*: Quæ utraque, nulla historica aut experimentalis veritas nobis adumbrat, nedum suadet aut persuadet, sed contra *experientia* testatur, quod mixtorum etiam solum *individualis*, ex aggregatis suis, divisio seu solutio, communiter ita comparata sit, ut non temere ita prompte, aut multis atque variis modis, sed vix uno aut altero, sic satis commode perpetrari possit: *Essentialis* vero illa dissolutio adeo summe difficilis, ut *sinceriora mixta* dissolvere, talis labor & operatio sit, qui promptis illis phantasticis divisoribus, ne in mentem quidem facile veniat, à manibus vero illorum, quantum cœlum à terra, distet & absit.

§. 32. Interim hæc sane differentia, ita *ἀτομον* inter intellectum, & *aggregatum*, nec non inter mixtum & textum, quantum in antiqua & recenti physica negligatur, & quantas, in ulteriore  
scru-

scrutinio *materie mixtorum*, numeri principiorum, resolutionis & transformationis mixtionum, tenebras & lacunas relinquant, nemini uni innotescere potest, nisi illi solum, qui & ingenio & studio præpotens, & distinctionis hujusjugi memoria compos, species mixtorum ad hanc amussim examinare, cordi habuerit: Neque illud vero per vanas speculationes, aut absurdos canones imperitorum & otiosorum hominum: Sed sane per *operationes*, partim sponte in macrocosmo fientes, partim arte tam *chymica*, quam *chymico-mechanica*, in variorum opificum officinis perpetrandas. Ubi, si præjudicia vulgarum traditionum theoreticarum superaverit, & à *simplicioribus* ad intricatiores progredi cordi habuerit, longe sane alia rerum mixtarum principia hinc colliget, quam *simplices* illas particulas, non nisi *nuda figura* inter se invicem distinctas: Aut sane, si maxime formam velut horum corpusculorum, *magnitudine & figura* præcipue absolvi, consentiat, *materialiter* tamen sub aliis schematibus aut nominibus, ad suam certe rem commodius illas agnoscet atque deprehendere discet, unde easdem variis experimentis petere, colligere, atque in usum suum vertere valebit.

§. 33. Certe enim odiosum prorsus hoc est, hodiernæ philosophiæ physicæ scandalum, quod nisi *chymica* artis aliquo subsidio, nempe à nuda experientia, nusquam ullius suppositæ figuræ corpuscula aut principia odorari vel venari possit; Interim, cum ipsa etiam Chymia immensum quantum adhuc absit ab experientia etiam mediocri solum, circa *mixta*, & vix corticem circa *composita* lambat, inaprico est, quomodo hic etiam cæcus cæcum ducat. Adeo, ut si verum inde colligere valuerimus, nihil hinc certius, quam id unum tandem effecerimus: Cum Chymia hætenus usitata, nihil quicquam circa *mixta*, sed vix circa *composita*, plurimum autem circa sola nuda *aggregata*, perfecit; *Aggregatorum* vero principia, *composita* denuum & *mixta*, ipsa quoque adhuc è *diversis* aliis conflata, existant; quod hinc sane quam ridicule Physica nostra ita cito ad nominanda principia rerum talium *figuralia* prolabatur, tanquam *prima* magis & *simplicia*: Ignara videlicet penitus *proximorum* & ab illo gradu ultra *secundam* aut *tertiam* seriem remotorum.

§. 34. Quod tanto magis inutile, imo absolum est, quando-



quidem suppositæ talis *figura* nullam *specificam* suspensionem, nedum certitudinem, expromere possunt; adeoque temere sane *materialia* principia, quæ *usitatoribus* nominibus, æque ac penuria illorum designare valerent, silentio prætereant, atque negligant.

§. 35. Imo vero, omnem illorum suspensionem fallit atque fugit, *Numerus* specierum, quæ ad constituendam talem aliquam *Mixti* aut *Compositi* speciem, concurrant; Unde quidem emolumentum haud leve capiunt, ex *confusione* aggregati, & atomi seu Individui physici: Siquidem de aggregato aliquo *majoris* molis, minus odiosum est audire, conflatum illud esse, è corpusculis *numerossimis*, variarum figurarum, & forte plerarumque *πολυγώνων*, quæ in conceptum cadunt, iisque præterea *solidissimis*, *impenetrabilibus*, *mobilissimis* & vi sese movendi & omnia impedimenta eluctando vincendi, instructis: At vero, si de *individuo* adeo subtili, ut omnes omnino sensus eludat, nævias has occinere audeant, nemo tam simplex fit, qui temere credat.

§. 36. Quod quidem consideratu tanto dignius est, quia ex hac *materiali* notitia non raro satis evidenter apparet, quod variæ tam dissolutionum quam combinationum rationes, tam *promptitudinis*, quam *firmitudinis* intuitu, manifesto pendeant ab uno aliquo constitutorum; Adeoque si secundum *formalitatem* hanc *mechanicam*, figuralem, loqui placeat, ex uno certo *latere* figuræ, non vero ab ipsius universo ambitu, dependeat: Quid magis ad scientiæ similitudinem accederet, quam talia disertius & distinctius denotasse, & si maxime latus ipsum, ejusque *dimensio*, determinari non possit, ad minimum *rem ipsam* quæ illud *latus* ex hypothesi constituit atque efformat, tantisper denotare. Sed quis hæc expectet à plerisque Physicis, nisi Chymicis, neque tamen profecto etiam his quibusvis.

# OBSERVATIO VI. DE DIVISIONIS ET DIFFISSIONIS DIFFERENTIA.

## SYNOPSIS.

**D**E Individuo plus ultra acturum §. 1. censura sua non turbent, qui talia non intelligunt, aut optime intelligunt. §. 2. Presupposita de Individuo, §. 3. & proportionem instrumenti divisorii seu diffissorii. §. 4. His contrariantur tam Aristoteles, quam Cartesius. §. 5. Aristotelis canon de divisibilitate quanti §. 6. evolvitur, §. 7. & vis argumenti, non contra divisibilitatem, sed contra figuram specificam, directam fuisse ostenditur, §. 8. & argumentum ejus inde formatum. §. 9. Ita sensit Aristoteles; & Cartesius §. 10. Diverse sententiae proponuntur, §. 11. & ab experientia facti, contra opinionem potentiae, argumentum formatur. §. 12. Differentia Divisionis & Diffissionis proponitur. §. 13. Altera illa sententia, non modo veras naturalium productionum causas & effectus obfuscatur; sed vanas opiniones insuper parit de variis potentiis physicis, contra veritatem. §. 14. Specimen hujus rei proferatur. §. 15. Pulchra Philosophia, sed callida, §. 16. cujus conditiones nunquam vel pro exigua quantitate talis productionis obtingere posse sperari queant. §. 17. Indoles Divisionis & Diffissionis exponitur, §. 18. & necessitas instrumentorum divisoriorum supponitur. §. 19. Qui haec nesciunt, frustra prompti sunt ad reddendas rerum rationes, §. 20. dum res ex rationibus colligere absolute non valent, §. 21. sed admodum abstracto loquuntur de concretis. §. 22. Certa figura, certus situs &c. omnibus rebus equaliter quadrant. §. 23. 24. Triplex modus Diffissionis, §. 25. & quinam horum Naturae maxime solennis sit, §. 26. proxime pluribus discutietur. §. 27.

### §. I.

**I**N præced. Obs. mentio facta est, de Individuo physico, sive corpore ita minimo, ut vel absolute non possit in minora plura dissolvi; vel non debeat dissolvi, nisi species ejus, quam nunc habet, una tolli



aut violari debeat : *Primi* generis innuimus esse corpuscula vere *simplicia* : *Posterioris Mixta* atque *Composita*. Placet his aliqua in subsidium subungere, ad meliorem perceptionem.

§. 2. Præmonemus autem, ut *duo* hominum genera, si possunt, a censura nostri instituti abstineant ; Primo illi, qui talia jam intelligunt ; hi recordabuntur superesse, qui non intelligant, neque tamen etiam intelligere dedignentur : Secundo illi, qui Principiis cognoscendi, quibus hic utendum est, destituuntur, *geometrico-mechanicis communibus*, & sanæ rationis, rem ex re colligendi, subsidiis. Sane vero merito verendum est, ut hi huic nostro postulato auscultent, sed potius antiquam suam cantilenam occinant, explanationes tales ipsa re explicanda difficiliore esse : Cui querimoniam optime fecerint, si unicum illud pronomen addere meminerint : *Sibi* obscura hæc esse, ita omnia recte habebunt.

§. 3. Corporum nempe physicorum inanimatorum, absolute atque simpliciter *Mixtorum* atque *Compositorum*, *numericè* sumtorum tantam esse *exiguitatem*, ut in hoc sui statu omnes *sensus* humanos subterfugiant, ante omnia bene notum esse debet. Sub hac tamen summa *exiguitate*, habere illa adhuc *numericam multiplicitem*, id est numerosissimarum *specierum* talia corpuscula, *singula*, constare adhuc è numero *pluribus*, ita tamen firmiter cohærentibus, ut pro constituenda atque servanda hac *specie*, ex hac *unione* divelli non debeant : imo numerosam talem *cohesionem*, non semper necessario requirere, ut *omnia* corpuscula ita cohærentia, absolute *diversæ* speciei existant : sed possint etiam *ejusdem* generis, ad firmam complicationem iusta proportionem instructi, existere. Hæc, inquam, nota esse debent ex superiore Observatione.

§. 4. Quibus rebus merito adjiciendum fuit, quod pro *Divisione* Physica, verius *Diffissione* hujus generis corpusculorum, requiratur exquisita proportio *instrumenti* divisorii. &c.

§. 5. His omnibus cum varie obsistere videatur, tam antiqua illa *Aristotelis* argumentatio contra *Democritum*, quam *Recentiorum* quorundam, *Cartesium*, licet non semper bona fide, sequentium ; videtur propterea tanto dignus esse negotium, cui explicando opera adhibeatur.

§. 6. Videtur quidem *Aristoteles* potius contrariari illi qualicunque, nedum ita promptæ, *divisibilitati*; dum hoc ipso argumento, velut ab *impossibili* ducto, *Democrito* refragatur: Si *forma* corporum naturalium *specifica*, consisteret in sola *specifica quantitate*, seu *magnitudine* atque *figura* determinata, velut in infinitum mutabiles futuras esse has formas: quia corpus, quatenus est *quantum simpliciter*, in infinitum sit *divisibile*; Nihilominus si modo res vel leviter recte inspicitur, apparet, quod revera *Aristoteles* hanc thesin ita positive, imo *canonice*, tanquam canonem atque regulam probationis, adferat, neque contra ipsam, sed potius *per ipsam* inferre, in animo habuerit.

§. 7. Videlicet, ea proprie erat ejus *hypothesis*, materiam, quatenus corporum species constituit, aut *circumdari*, ac *veluti concludi* illa sua *forma*, ut non possit in infinitum dividi: aut si vel maxime *divideretur*, ita *forma* illa *specifica* penetratam esse, ut in *immensa divisione*, singula adhuc talia *minimorum minima*, istius *speciei* essentiam habeant atque conservent. Sane vero nos, qui interpretum *Aristotelis* characterem non affectamus, non laborabimus excutere, utri harum *hypothesium* magis favisse videatur: crediderimus tamen *posteriori*: asserimus autem de utrisque, quod *inanes sint*.

§. 8. Quemadmodum autem hac ratione illud inferre voluit, quod essentia seu *specifica differentia* specierum corporearum, non in illarum exteriori *ambitu*, quem nempe *figura* definit, sed in penitissima totius *materiæ alteratione* atque *penetratione* consistat; Ita nequaquam *sustulit* illam in immensum patentem *divisibilitatem*: sed potius illa, tanquam medio termino, usus est, pro demonstranda insufficientia *figure*, in constituenda specierum corporearum essentia.

§. 9. Unde quidem illa proprie est vis hujus argumentationis: Si essentia specierum corporearum consisteret in *figura certa*; sequeretur, corpora non posse dividi in *varias dimensiones* *varias proinde alias figuras inferentes*: Sed corpora possunt ita dividi: Ergo non consistit illorum essentia in tali determinata *figura*. Ex quo patet, *Aristote-*



stotelem hanc hypothesin potius *pro certa atque firma* assumfisse, quam ut illam in medio relinqueret.

§. 10. Non jam vacat aut placet varia alia incommoda, hanc ejus phantasiā, in ipso usu & applicatione hujus hypotheseos ad hoc argumentum, prementia, evolvere; v. g. quod nitatur falso illo præjudicio, quasi species corporum ita *immutabiles* sint, ut non possint aut debeant ab una classe in aliam transire: Quod *extensionem* pro eo sumens, quod habeat partes extra partes jam *actu* physice discretas, eo ipso amittat potentiam sive *habilitatem* ad ulteriores *novas* discretiones, in *novas* partes, secundum quaslibet dimensiones: Aut, si *extensum* accipiat, pro eo, quod habeat partes extra partes saltem *potentia*, i. e. *possit* in varias partes *dividi*, in necessariam distinctionem *divisionis* mathematicæ, & *diffissionis* physicæ, impingat &c. Suffecerit itaque illum saltem *Autorem*, aut sane *Patronum* hujus inconvenientis assertionis deprehendisse, quod corpora ita in *immensum* in quodlibet *dimensum*, utique *diri*mi possint. Eadem est illa *Cartesii* opinio, de illo *detritu* corpusculorum mutuo, quo omnia minima sensim in adhuc minora, & ita denique in *infinitum*, (quod frustra sub *indefinito* larvat) comminui, non magis possint, quam soleant.

§. 11. Hujus sententiæ diversum, videtur mihi longe probabilius, ex eo argumento, quod nulla allegari possit *experientia*, quod usquam ipse *motus* immediate atque *absolute*, ullum corpus penetrare, & *physice diffindere* possit aut soleat: Sed unice corporis, in quo tunc forte viget, proportionem, aliquid *divisivum*, seu actum illum *diffissionis*, perpetret. Secundo, quod à quocunque, etiam corporum fortiter *motorum*, incursu, non proinde statim sequatur *penetratio* seu *diffissio*; sed solum proportionata *commotio*, tale quoque corpus corripuens, & *agitans*. Cum ad *penetrationem* seu *diffissionem*, utique requireretur, *dividendi* corporis potius *detentio*, *resistentia* quædam, seu quietis quidam gradus: quandoquidem quod incursui cedit, & cum incurrente fertur & progreditur, ab hoc penetrari non potest.

§. 12. Ita quidem, & cum nullis *experimentis* stabiliri possit, quicquam his argumentis recte satisfaciens; nec etiam à *posteriori*

ri ullo modo commonstrari valeat, quod tales *divisiones* ita in indefinitum, alicubi in natura revera *dentur atque fiant*: Longe magis consentaneum proinde *rationi* videtur, quod etiam nihil horum fieri possit; sed omnino aliquis *ultimus gradus definitæ* magnitudinis subfit, ultra quem nulla *divisio* procedere possit: Et quod ille *status* sit, illorum *simplicissimorum*, & revera *unicorum* corpusculorum, è quibus deinde *combinationibus* potius quam *divisionibus* omnia numerosa illa genera atque *species, mixtorum & compositorum*, imo *structorum* corporeorum, producantur.

§. 13. Differt itaque *Divisio* mathematica sive *distinctio, discretio, dimensio* atque diversa *mensuratio*, qua corpus etiam *minimum*, varie *dimetiri* posse, intellectus noster sibi videtur: ab *actuati physica Diffissione, locali* dimotione, corpusculi, quantumcunque *physice* exigui, *penetratione, & partium productarum* in quamlibet distantiam *distractio*ne. Et differunt hæc certe inter se tantundem, quantum nuda *fictio* mentis, à *veritate*, efficacia, imo ipso effectu atque actu, corporis.

§. 14. Pessundat autem altera illa, ita semel suscepta suppositio & opinio, non solum necessarias illas solidas & solertes *observationes* atque pervestigationes, rerum *physicarum*, quæ vere fiunt; & *modi* unius illius veri, quo utique fiunt: Sed substituit etiam in harum rerum locum, volaticas illas innumerabiles *possibilitates*, quibus eadem unica res, velut *innumeris* modis atque rationibus, evenire possit; aut contra, totidem modis atque methodis frivole *intervenire* atque *impediri* possit, ne fiat.

§. 15. Specimen hujus rei sane luculentum atque prorsus egregium, occurrit in præfiguratione illa talis cujusdam acuti speculatoris, quam *Beccherus* alicubi allegat: nempe de quæstione: *An transmutatio metallorum viliorum in aurum, inter res numerari debeat, quæ fieri possint, nec ne?* Interponit iste suum arbitrium, quod omnino fieri posse videatur: quia *particulæ* illæ innumerarum specierum atque figurarum, aliquando *in eum ordinem* cadere possint, quo illud *concretum*, ex *particulis specialem* quendam *sic* inter se mutuo natis, constans, quod *aurum* dicitur, exhibeant atque præbeant. Adjicit tamen *difficultatem*, talis positus arte obtinendi, aut *sponte*



eventuri; quam adumbrat (nisi quidem sinistre interpretari quis suscipiat vocabulum *adumbrationis*, nam tales hasce fabulas pro argumentis & *demonstrationibus* haberi malunt:) ea similitudine, quod talis positus particularum, qui *aurum* constituat, tali demum ratione evenire possit, ac si lapillorum ingenti numero ex alte dejectorum ingens numerus [nempe prout typus vel versalis (*Fractur-Schrift*) vel minutissimus (*corpus* vocant typothetæ) esset] eo ordine in Pavimentum conciderent, ut integrum versum (cur non etiam longissimum?) ex aliquo *Psalmo* exprimerent.

§. 16. Nonne vero hoc est solide philosophari? Non *negare* quidem, ne forte aliqua demonstratione vinceretur, adeoque, nefas, alicujus rei sub sole *in scius* videretur Philosophus: Quia tamen utique inaudire potuit quiritationes miserorum Alchymistarum, quod hæc negotia ipsis obstinatissime refragentur: adjiciendam censuit *conditionem* illam, quæ extra cerebrum petulanter fingens, nemini sano homini revera possibilis agnoscatur, sed inter *conditiones impossibiles* numeranda, potius *vim negandi* habens, indigitet, quantum Philosophus talibus demonstrationibus diffidat, dum eas, callide pro imperitis, ita larvat, ut quod una manu, sine omni fundamento, largitur, altera, iterum sine fundamento, eripiat.

§. 17. Quem tu, Lector non prorsus ἀμαθής aut philasophe, conceptum habere putes tales homines de *numero uno* corpusculo *aureo*, & *numero multis*, quæ *visibile* granulum constituunt? Quando jam expectare licuerit, ut hujus philosophi concessio, aliquando in rerum natura sese exserat, secundum quam illa inaudita felicitatis fortuna, imo *casus* (nam *cadere* debet) philosophici jactus, eveniat, quod non *una* series corpusculorum, ita dextre absque ullo ὁδός in illum *ordinem* decidant, ut ille versiculus: *Metal- lum densissimum, ponderosissimum, ductilissimum, indissolubile, flavum, nitidum, rarum, &c.* legi possit aut intelligi: sed ut obtingant *tot myriades* talium, ita jugiter & simul juxta se invicem tam fortunate *coincidentium* casuum, quot talia corpuscula pro *drachma* forte auri constituenda, requiruntur: qua filum argenteum, in aliquot mille ulnas ductile obtegi seu inaurari possit: cujus quodlibet superficia-

ficiat punctum visibile, constet ex multis adhuc, tam *ordinate atque operose lapsis*, seu ex *infinita illa divisione*, in hanc non solum finitam, sed plane *definitam combinationem*, imo *coaptationem congressis corpusculis*?

§. 18. Ut vero ad nostram rem redeamus, *Divisio*, quidem *mathematica* in quaslibet *dimensiones* & lineas, etiam per quodlibet punctum, & per quamlibet lineam, solidissimi cujusvis objecti, prompte, non magis perficienda quam perspicenda, succedit utique felicissime, absque ulla *penetratione*, sed sufficiente sola circa *superficiem* commensuratione, datis punctis respondente. *Diffisio* vero physica, exacte observare necesse habet *commissuras* corpusculorum, quas vel penetrare, vel certe *secundum illas*, impulsus aliquem ita instituere atque impingere debet, ut *motus* per lineam a *centro communi* gravitatis, corporum plurium inter se mutuo complicatorum, maxime *divergentem*, uni aut alteri horum corpusculorum incusus, illud, aut illa uno plura, à reliquorum *contactu* intimiore, ita *dimoveat* seu *detrudat*, ut actualis *localis dimotio*, inde sequatur.

§. 19. Sicut autem hæc ipsa ita *heteroclitimotus* incusio sive introductio, non fieri potest aliqua *immediata* suscitatione aut impressione *motus nudi in abstracto*, ut loquuntur; sed opus omnino est corporeis *instrumentis*, quæ *motum* illum necessarium, *movendis* corpusculis *inferant* atque concilient; imo vero, quæ inter innumera, aliis locis atque *directionibus*, incurrentia atque concurrentia, hanc incusionem nihilominus recte & exquisite peragant atque absolvant: Ita altioris fane, & magis in *experientia*, quam ullis *opinionibus* fundatæ speculationis est, non tam statim *intelligere*, quam prius *experientia deprehendere*, quænam corpora ut *instrumenta*, ad tales *motus* vere & efficaciter præstandos apta existant.

§. 20. Hic enim certe deridendos (quis enim in ludicris rebus supercilium attollat?) sese præbent, illi non *ὀξύσοφοι*, sed *ὀψίσοφοι*, qui postquam *res ipsa* illis prolixè inculcata est, cito omnium circumstantiarum *rationes* penitus perspectas habent: & quidem non *proximas*, sed *remotisimas*, non *ultimas*, sed *primas*, non *efficaces* & *perficientes*, sed *pervicaces*, & per longum ordinem efficientes: Nempe *materiarum* quidem certam *figuram*, certam *magnitudinem*,



certum *numerus*, certum *situm*: Imo, ut perfectum oraculum edant, ipsa brevitate & in quamlibet faciem, ambigua interpretatione perplexum, certum *motum materiae*: & certum *nisum* atque movendi *facultatem* (antiquissimi dicunt *appetitum* & *amorem naturalem*.)

§. 21. Quando vero omnes illæ, circumstantiæ *reales*, ipsis etiam prolixissime commemorantur atque describuntur, & jubentur colligere ex ipsis *reciproce*, jam subjectum illud, sive *materiam*, in qua tales circumstantiæ reperiri, imo sperari, possint? tunc statim perit tota hæc Philosophia.

§. 22. Conveniunt sane in hoc, tales *Philosophi* cum Mathematicis, quot utrique quidem felicissime sermocinentur *in abstracto*; immensum quantum prærogativæ interim merito ferentibus Mathematicis, quod nihil dissimulando, hoc profiteantur, quod non *in concreto* philosophentur: cum nostri non solum *de concretis*, sed etiam de mathematicis illis concretis habitudinibus, *ut in concreto* loqui suscipiant atque sustineant.

§. 23. Dum interim nihilo plus de *amaro* & *austero*, quam de *acerbo* & *acri*, imo de *albo* & *nigro*, quælibet illorum prolata definitio quadret.

§. 24. Ita enim, si ex omnibus libris & speculationibus *Cartesianis*, Philosophus, enchiriseos *materialis* & *manualis* inscius jubeatur edicere: è quibus locis petenda sit, & quonam hominibus noto nomine insignienda, conquirenda, & concinnanda, materia *sicca*, *friabilis*, in tenerrimum *pulverem* levi tritura fatiscens, *non inflammabilis*, sed tamen *volatilis* ex nigro leviter *rufescentem* colorem, exhibens, vario tamen *gradu*, pro varietate operationis: notabili *pondere* conspicua, *insipida*, *inodora*, sine *corrosione* quacunque: aut, si ipsi velut optio detur, pro determinanda diversa materia, quæ *floridi*, *rubicundi* coloris, de cetero omnibus circumstantiis jam enumeratis instructa sit: Quid jejunos talis speculator ex hisce circumstantiis colligere poterit: si etiam ipsa materia in manus ipsi offeratur, nempe *Cinnabaris Antimonii*, aut *Cinnabaris nativa*, aut *pulchra artificialis*, aut *realgar factitium*: Quid, inquam, philosophari ille poterit, è quibus *simplicioribus subjectis*, qua *operatione*, quo *motus* genere aut *instrumento*, tales materias, sive inter se admo-

das

das seu combinandas, sive à se invicem dimovendas, petere, connumerare, combinare, resolvere, possit aut debeat? Certe consultissime sequetur meum, in simili negotio consilium, pro vario respectu duplex, quamtumvis re ipsa simplex, nempe: *Qui sapit, cavet, &: Qui sapit, tacet.*

§. 25. Interim de non ita sterili, sed vero atque reali modo *Diffissionis*, æque atque novæ *combinationis*, aliæ certe quæstiones institui mererentur; quamam methodo proprie illa fieri *consueverit*, è *tribus* illis, quibus ipsam fieri utique *posse*, certum est: Nempe vel per modum *cunei*, in ipsam *commissuram* penetrantis: vel per modum nudi *incurfus*, qui unum corpusculum ab alio simpliciter depellat atque *detrudat*: vel per modum mutuæ *cohesionis*, ut unum corpusculum in eximio motu constitutum, alteri occurrens, hoc ipsum *implicatione* quadam *arreptum* secum *emoveat*, & à reliquis *aufferat*.

§. 26. Sane vero certissimum est, quolibet è *tribus* hisce modis, separationem sive dimotionem talem peragi *posse*. Sed in *Phy- sicis*, tanquam rebus, quæ non nostrum intellectum aut voluntatem, nostra, inquam, consilia, expectant, sed quibus potius intellectus noster sese applicare necesse habet, frustra est speculatio de eo, quod fieri *possit*: sed debet ibi universa consideratio directa esse, ad illud, quod fieri *solet*, nempe quemadmodum *actu* unus effectus, uno modo non saltem *aliquando* fiat, sed etiam *constanter*, quoties fit, illa ratione fiat.

§. 27. Dicemus adhuc aliquid de hac materia, & in primis de Difficultatibus Divisionum, seu Diffissionum, quæ per modum nudi incurfus fieri deberent, & de probabilissima ratione, qua hæ divisiones magis ordinarie fieri solent, in subsequentibus.



# OBSERVATIO VII.

## De COPIOSA, FACILI, ET CONCEN- TRATA COLLECTIONE SPIRITVS ACIDI SUMME VOLATILIS SVLPHVREO- VITRIOLICI,

ET

### THEORETICO - PRACTICA

ΑΠΟΔΕΙΞΕΙ

GENERATIONIS EIVSDEM.

Σύνοψις.

**C**Hymia vulgaris parum Theoretica, §. 1. magis ad crasiores Compositio-  
nes applicata, §. 2. quam ad Mixtiones, §. 3. & familiaria ὑπερογράμματα  
§. 4. Exemplum Spiritus Vitrioli volatilis: §. 5. cujus genealogia repeti-  
tur Physico-mechanice. §. 6. Propositum presentis observationis. §. 7. Experi-  
menti Historia. Artificiale Sal §. 8. satis patiens Ignis, inodorum, §. 9. effere-  
vescens cum alcalibus, §. 10. cum acidis non aque, nisi concentratis, §. 11. ex-  
cepto Spiritu Nitri. §. 12. Salis hujus indoles sulphurea-volatilis erumpens. §. 13.  
Commoda hujus operationis, §. 14. Facilitas, §. 15. Puritas concentrata hujus  
Spiritus §. 15. non absolute poscit Spiritum Vitrioli, sed sufficit crudum. §. 17.  
Tria ulteriora Experimenta ex hoc fluentia, §. 18. quod è fixiore genitus sit hic  
volatilis Spiritus, §. 19. moles ejus exigua sub hoc volatili statu. §. 20. Restitutio  
in fixitatem suam. §. 21. Differentia aciditatis hujus, in statu volatili, &  
fixo. §. 22. Proportio ejus cum aliis acidis. §. 23. Experimentum ipsum, seu  
Modus parandi, §. 24. Experimentum geneseos ejus è fixo acido. §. 25. Expe-  
rimentum restitutionis ejus in fixum statum. §. 26. Peculiares enchirises ad  
operationem. §. 27. 28. Dni Papini tentamen, ad Spiritum Sulphuris in copia  
parandum. §. 29. Simile Dn. St. Clair, 30. E libra una Sulphuris, par pondus Spi-  
ritus. §. 31. Spiritus volatilisissimus fumans extemporaneus, §. 32. ex oleo vi-  
trioli & sale communi, §. 33. Experimentis repetitis illustratus: §. 34. 35. Spi-  
ritus hujus efficacia nebulosa, §. 36. durabilis. §. 37. Spiritus fumans famosus  
§. 38. Difficilioris preparationis. §. 39. Spiritus volatilis Nitrosi Cyanei men-  
tio, §. 40.

**I**lli, qui Chymicam artem excolunt, & per illam corporum naturalium *mixtiones* intimius scrutari, eorumque *principia* proxima peruestigare, cordi habent, si vel modicum sagacitatis adhibuerint, facile certe deprehendent, quam parum ipsæ *vulgares operationes* chymicæ ad hunc scopum satisfaciant, si ad minimum Theoriam quoque illarum vulgarem, ita nude sequantur, & in illa acquiescant. Revera enim, si sine fūco verum eloqui velimus, parum è Chymia ad *Physicas* theorias directum hucusque habemus, sed universum fere vel in *Alchymicis* conaminibus frustra consumtum: vel ad *Medicinam*, spe & pollicitatione effectum undique destituyente, frustra destinatum, & quasi damnatum.

§. 2. Accedit huic incommodo, quod operationes chymicæ pleræque magis ad *Compositionum* tantum crassiorum classes pertingant, subtilia vero & tenerrima *Mixtionum* repagula perrumpere minus valeant. Imo, si vel maxime etiam in hoc genere *mixtiones* resolvendi, aut *novas* perficiendi aliquid præstent; invaluit fere inane illud præjudicium, quod nisi *nitidam* quandam faciem nobis observant, nihil de ipsis sperare audeamus: Unde hætenus sæpius evenisse certi sumus, illud quod *Beccherus* de hoc negotio admodum apposite dixit, quod nimirum cortices sive *scorias nitidas* asserveamus, *nucleum* vero in ita dictis *facibus* abjiciamus.

§. 3. Quid vero, quod frequentissime operationes certas non semel aut bis, sed numerosis plane vicibus oculis spectamus, manibus nostris tractamus, & effectum *sensus* non tam suscitantem, quam *ferientem*, crasso quasi quodam modo percipimus, & tamen nemo est, qui negotium attendat, aut in ejus causas & circumstantias profundius inspicere, cordi habeat.

§. 4. Exemplum nobis præbere potest *Spiritus Vitrioli volatilis*, qui sane sub solitis hujus concreti destillationibus, innumerabilibus vicibus una prorupit, ut etiam communes destillatores eundem *sylvestris Spiritus* nomine, & *incoercibilis*, designare, imo damnare atque detestari soleant: nihilominus neque aliquam circum-

specti-



speciorem attentionem, neque & multo quidem minus, *ortus* sui & causarum pensitationem promeruerit.

§. 5. Actum est aliquid de eodem ante paucum tempus, & dictum, quod nihil aliud sit, nisi *acidum vitrioli* tenerius resolutum sive *attenuatum*, idque partim per substantiam illam tenuissimam, quæ immediatam materiam flammæ constituit, seu *principium* mixtionis inflammabilis: partim per *motum* hujus exquisitissimum aëreum, ita ut hoc ipsum summæ tenuitatis corpusculum, *materialiter*, *motus* vero ille *formaliter*, resolutionem & attenuationem hanc perficiat; id est, hæc ipsa *materia acida* illi vitriolico revera coalescat atque accrescat, *mobilitate* vero sui summa, per aërem in actum deducta, separationem hanc perficiat.

§. 6. Placet jam novum quoddam in hoc genere *Experimentum* proponere, & magis quidem hac vice historiam ejus, cujusvis deinde industriæ & sagacitati methodum operandi relinquentes, tamen etiam hanc ipsam subministraturi, quamvis jam habeatur luculenter in *Mens. Augusti 1697. observatione de Spiritu Vitrioli volatili*, nisi ipsa brevitatis, quod vere vulgo fit, in re manifestissima obscuritatem offundat.

§. 7. Est vero hoc Experimentum, vel *effectus* potius illius, novum quoddam inventum *salinum*, *Sal siccum*, *album*, *crystallos* tamen non æque magnas aut nitidas, bene autem *parvas*, & in umbellam quasi aliquam, seu *echinatum* congeriem, concretas, exhibens; imo, si *optimum* & *volatilitate* sua turgidum sit, *crystallinam* formam spernens, & solum *coaguli* cujusdam non admodum sicci, sed *humiduli*, consistentia apparens.

§. 8. Est vero hoc *Sal* in igne ita *fixum*, ut per satis longum tempus calorem satis luculenter *candentem* peferre possit, citra, præcipue *quantitatis*, vel etiam *qualitatis* suæ, insignem jacturam. *Dissolvitur* in aqua satis quidem prompte, poscit tamen ejus satis *largam* quantitatem. *Evaporationem*, etiam fervidam, tolerat sic satis facile: non tamen nimius *bullientem*, utpote qua *salia* etiam *fixa* jacturam & dissipationem experiuntur. *Colore* pro diversitate operationis accidentali, est modo plane *niveum*, præsertim illud non *crystallisatum*, modo pallide *flavesens*: pro qua diversitate, etiam solu-



solutio ejus in aqua, magis vel minus, semper tamen aliquantum, *flavescit*. Odorem habet vel nullum, vel levissimum, non acrem aut *salinum*, sed paululum *nauseosum*, qui tamen magis sub *sapore* non nihil adverso sese exferit.

§. 9. Sal hoc, quo magis essentia sua *volatili* locupletatum est, eo magis prompte & copiose *effervesce* cum *alcalibus*, fixis æque ac volatilibus; nullam tamen hinc insignem mutationem ulteriorem suscipit, nisi quod, si cum *volatili* alcali saturetur, & deinde igni exponatur, non nihil ejus in auras evaporet,

§. 10. Cum *acidis* vero, indolem suam præcipue exferit *volatilem*; citra tamen *effervescentiam*, cum spiritu *vitrioli*, aut *salis communis*, nisi quidem *vitrioli* spiritus, sit valde fortis: cum quo, & oleo *vitrioli*, satis tamen *moderate*, effervesce.

§. 11. Cum spiritu vero *Nitri* aut *aqua forti*, non effervesce modo ad *spumam* admodum largam, sed concipit etiam insignem plane *calorem*; præcipue si paulo *major* utriusque *quantitas* in unum confundatur. Sub hac *fervida* ebullitione, *effumat* pars spiritus nitrosi, in *nativa* sua *volatili* atque *flava vaporosa* consistentia; non aliter quam alias in impetuosis foribus per hunc spiritum perpetratis *solutionibus*, usu venire solet.

§. 12. *Indoles* vero illa, quam cum his salibus seu *spiritibus acidis*, hoc nostrum Sal, exserere diximus, illa est, quod simulatque aliquid *spiritus* aut *olei vitrioli* ipsi affunditur, & leviter solum eidem sese immiscuit, (quod quidem si *solutum* adhibitum fuerit *Sal nostrum*, velut in momento contingit) assurgit eodem ictu oculi, ejusdem *spiritus*, (non aliter quam è *Sale ammoniaco* ille *urinofus*, ita ex hoc nostro sale) *acidus volatilissimus sulphureus*, qualis è *vitriolo*, in retorta *fissuram* sortita, fieri solet, juxta experimentum, citato scripto *mensur*o latius insinuatum.

§. 13. *Commoda*, quæ hanc operationem sequuntur, sunt sequentia. *Primo*, potest hoc experimento hic penetrantissimus *volatilis sulphureus* spiritus, magna *facilitate*, in copia parari, & magno quoque sumtuum compendio, siquidem bona ejus *quantitas* pro aliquot grossis parari valet.

§. 14. Est vero operationis *facilitas* tanta, ut quilibet *famulus*



*mulus* aut *servulus*, quælibet *ancilla*, quasi aliud agendo, & per otium hoc Sal parare possit; & insuper impossibile sit per *errorem* hic vel minimum impingere, ut nisi per *temerariam* negligentiam, vasa confringendo, materias profundendo, aut similem oscitantiam, ne quidem falli possit, aut damnum facere vel pati.

§. 15. *Secundo*, est hoc unicum quasi remedium, aut sane optimum & expeditissimum Spiritum hunc volatilem *penetrantissimum* & alias fere incoërcibilem, *rectificatissimum* & *concentratissimum* obtinendi.

§. 16. Cum enim alias in communi hujus Spiritus' *destillatione* ex retorta, non modo inter destillandum magna ejus *jactura* fiat, cum per ipsas illas *rimas*, per quas genesin suam concipit, non parva ejus portio etiam mox dissipari valeat; deinde vero ejus *rectificatio*, è *copiosa*, quæ ad illum facilius incorporandum commodè præponitur, *aqua*, pariter non sine notabili ejus *jactura* institui possit: evitantur præsentē nostra enchirisi, omnia illa incommoda, & obtinetur noster spiritus, ab *omni phlegmate* liberrimus. Unde quidem e parvo prorsus vasculo in aliud, ad *solutiones* aut *præcipitationes* perpetrandas commodissime ita immediate transpelli posset, tenerrimi vaporis instar, *concentratissimus*.

§. 17. Præter hæc omnia vero licet cum *Spiritu* vel *oleo vitrioli* negotium tanto præsentius perfici possit, minime omnium tamen absoluta necessitas exigit, ut impensa hæc adhibeatur, ut potius e *nudo vitriolo crudo*, vel solum in calore hypocaufti in album pulverem collapsō, aut cum *alumine*, eadem bonitate parari possit. Ubi simul in ipso *vitriolo*, unum vel alterum phænomenon haud injucundum, imo forte, si penitus expendatur, neque penitus inane vel inutile, exhibet.

§. 18. Illud, quod hoc nostro experimento ulterius magis veluti ad oculum demonstrari possit, est hoc *triplex experimentum*.

§. 19. *Primo*, quod spiritus hic revera e *fixo acido vitriolico* aut sulphureo oriatur, & ita quidem, ut ipsum nostrum experimentum testimonium luculentissimum constituat, quod *totum illud acidum fixius*, quod spiritum vitrioli vulgarem, vel Spiritum Sulphuris

phuris per campanam, constituit, vel oleum vitrioli, & sulphuris, quod, inquam, hoc *universum*, in hanc *volatilem penetrantissimam* consistentiam abeat.

§. 20. *Secundo*, quod sub hac consistentia & mole, & pondere tenuissimum, & incredibile quam exiguum existat; cum in forma illa *crassa & mole* satis copiosum, & pondere satis grave deprehendatur.

§. 21. Monstrat hoc præcipue experimentum in hoc nostro genere *tertium*, curiositati, & *veræ demonstrationis* nomine, consideratione faue quam dignissimum; Quo videlicet spiritus hujus *volatilis* non modo reductionem in *fixum*, & *crassum* suum *aciditatis* statum, ad oculum quasi, sane ad omnem sensum, percipere licet: sed etiam veram manifestam talem *analysin*, quæ genesin ejus denuo *resolvat* atque *destruat*: nempe *solius aeris* ope, in vitro etiam *verifica bubula clauso*, per quam quidem subtilissima illa *φλογιστὶ μιᾶσμα-τα* cum aere tenerrimo, sive æthere, sensim pereunt & in auras se subducunt: *acidum* vero illud, quod hætenus suo consortio adeo summe *volatile* reddiderat, ut a nuda tenerrima aura aeris etiam frigidi, velocissime dissiparetur, jam in antiqua sua *fixitate*, sicut est in *Spiritu vitrioli* communi, aut *sulphuris* per campanam, *fixum* rursus, & *crassum* relinquatur. Quæ *profecto* Demonstratio denuo *vere & pure apodictica* est, exhibens tum *a priori*, manifestissimam spiritus hujus *genesin*, tum *a posteriori*, similem prorsus ejusdem *analysin*.

§. 22. Quibus quidem circumstantiis adhuc accenseri meretur eximia illa differentia *aciditatis*, quæ in utroque statu hujus spiritus adeo insignis observatur, ut in statu suo primo, nudo, ut spiritus vitrioli *vulgaris*, adeo summe *corrosivus* existat; in hoc *volatili* statu, adeo omnis corrosionis, imo propemodum universæ *aciditatis*, expers sentiatur, ut vix pro *acido* sapor ejus agnosci possit, sed tantum *acerbitatem* quandam morficantem, gustui offerat, tunc bremsende/ bislende Herbigkeit; qua occasione utique insignis illa *differentia*, organorum *gustus & olfactus* sese exserit, sub qua quidem *gustum*, utpote multo crasfiorem, hoc ipsum nostrum *volatile* tenerrimum



*acidum*, vix levisime perstringit ; *olfactum* vero utique exquisitissime ferit.

§. 23. Habet vero ad reliqua *acida* illam proportionem, ut cum in sua *nativa* crassiore, fixiore, textura, (ut *Spiritus vitrioli* vel *Sulphuris vulgaris*,) aliorum quorumlibet *acidorum* potentissimum sit ; in præsentem suum *volatili* statu, tum a *nitri*, tum a *Salis communis* *acido*, facile superetur, interim tamen *aceti* *acido* notabiliter fortius se gerat, licet hoc, *aceti* *acidum*, *gustui* longe *acidius* & fortius sese offerat.

§. 24. Experimentum ipsum traditum jam est in *Observationibus Chymico-Physicis Mens. Augusti* verbis : Potest idem *Spiritus volatilis* mox in compositiones *salinas* transsumi, si *alcali fixum* aut *volatila* eodem perfumetur, ubi non modo prompte, sed etiam copiose, utrisvis insinuat. Est vero ibi sermo de *Sulphure* accenso ; *spiritum* hunc ita elargiente ; quem, ut habet titulus illius capitis, eundem esse cum illo, qui e *vitriolo* *volatilis* fit, denuo deducere, supervacaneum arbitror. Modus vero capiendi hunc, præscriptus ibi quidem est *triplex* etiam alius ; sed & *operosus*, & valde *parvus*, si attendatur insignis illa quantitas, quæ sub talibus operationibus in aerem diffugit. Hic vero ultimus est locupletissimi plane proventus, modo dextre instituat operatio.

§. 25. Experimentum, quo demonstratur, quod hic *volatilis* *Spiritus*, genitus sit e *fixo*, quod alias in *sulphure* est, *acido*, consistit in eo, quod hac ipsa operatione, e *sulphure* hic quidem *volatilis* redditus *Spiritus* in *maxima* quantitate ita obtineatur : *fixioris* vero istius, ne vestigium, in hoc inde nato composito sale, sese offerat. Cum enim illud *Sal medium*, quod e *fixiore* *acido* *sulphureo-vitriolico* & *alcali fixo* coalescit, ad *crystallisationem* admodum proclive existat, & e peculiari figura *crystallorum* facile discerni possit : in Sale tali per *accensionem* *Sulphuris* ita præparato, nulla penitus micula aut corpusculum tale *crystallinum*, imo ne unicuique quidem solum, reperitur, si modo mature & dextre instituta semel soluti salis *evaporatio*, ad tentandam *crystallisationem*, tempestive perficiatur.



§. 26. Ne quis tamen sibi imaginetur, quasi potius *fixior* ille status huius *acidi*, aliquid a propria ejus indole alienum esset, & hæc potius volatilitas magis primigenia eidem existeret; en aliud experimentum, non minus curiosum. Dissolvatur *Sal* hoc nostrum, *volatili acido spiritu* turgidum, in aqua pluvia, vel quacunque tandem alia, *solutio* clara immittatur in vitrum capax, colli etiam angustioris, ea saltem quantitate, ut vix *tertiam partem*, aut adhuc multo minus, expleat: vitrum obligetur sive simplici charta, sive etiam vesica: seponatur ita quorsum placet, per *tempus* paulo longius, aliquot septimanarum, imo mensium: ita successive coalescet *sal* tale album angulosum, & quidem, si quietum manserit vitrum, circa superficiem liquoris, sensim demum ad fundum delabens: colligetur vero hujus salis tanto plus, imo plurimum, quo diutius ita steterit. *Sal* hoc est ipsissimum illud, *fixum* sulphuris acidum spiritum jam continens, nempe dodecaëdrum, amarum, ponderosum, in aquis difficiliter solubile, cum carbonibus in sulphur denuo coalescens, quale videlicet ex *acido fixiore* spiritu Sulphuris aut vitrioli, cum *fixis alcalibus* maritato, prognasci solet. Noster vero *volatilis* spiritus, cum carbonibus non coalescit denuo in sulphur immediate, quod notandum.

§. 27. Enchiriseos hujus ratio in eo consistit, quod hac methodo materia illa φλογισός ab ipso aere ex hac salina mixtione iterum diripiatur; dum ipsum sal in aqua dissolutum & ab hac agitatum, non solum valde tenuiter impellitur, sed etiam tanto magis occasionem præbet, ut aer minimas ejus particulas per minima plane dissolutas attingere, iisque hunc effectum, nempe φλογισμόν avulsionem à salina sua parte, quæ fixo alcali tenacius connexa est, impingere possit; pari ratione, ac in sulphure ipso videmus, quomodo ignis & aer hanc φλογισόν portionem, ibi adhuc crassius compactam, & crassiori *fixiori acido* innexam, simili ratione educat, de quo *Mense Julio* prolixius actum est. Unde quidem hoc ipsam negotium, φλογισόν ab hoc *acido* volatili quoque, iterum separandi, adhuc feliciter succedit, si solutio illa in vitro orificii magis patuli, plane non obrecto, suscipiatur; sed quia ibi nasci posset dubium, quasi hæc restitutio in ejusmodi fixiorem consistentiam, potius accessio



quædam *acidi* in aëre hospitantis esset, usi sumus propterea allegata hac methodo; quandoquidem *acidæ* tales particulas, & præcipue quidem *fixiores* seu crassiores, tanta copia hic per vesicam in vitrum penetrasse, nemo forte facile sibi persvaserit. Quid, quod vel hoc ipsum experimentum facile ita institui possit, ut in *duobus* vitris capacis orificii, æqualis mensura liquoris libero aëri ita committatur, videlicet in altero vitro de hac *nostra solutione*, in altero de *solutione alcali simplicis*, imo ejusdem, quale ad nostrum sal parandum adhibitum fuit. Ita facile apparebit, è quonam horum plus hujusmodi salis medii seu acido saturati prognoscatur.

§. 28. Enchirisis autem pro parando nostro *volatili-fixato* Sale, a nobis duplex adhibetur, ut valde parum ejus elabi queat, quin *fixo* adhibito alcali irretiatur. Imbuimus nempe linteamina aliquot saturarissimo quodam lixivio alcalino, vel *oleo*, ut vocant, *per deliquium* parato alcalico, ad eum tamen modum, ut stillare non possint. Hæc distribuimus in aliquot vasa *sublimatoria* seu *Aludel*, ita disponendo, ut *fumus* exhalans *sulphureus*, ipsa quantum potest undique perreptare queat: Collocamus deinde *minima crucibula* duo vel tria, cum sulphure pulverisato sub infimo *Aludel*, & accendimus per ellychnium, qua quidem methodo *duæ* vel *tres drachmæ* hujus, facile ad *horam unam & dimidiam*, imo alteram, ardent. *Spiritus* vero, qui ita *fumi* forma ab illis exit, insinuat se in *alcali* illud quod inde saturatum siccescit; si vero plusquam ad necessitatem acidi hujus imbiberit, *mollescit* adhuc, & tendit fere magis ad subhumidam consistentiam: ita vero *locupletatum*, *effervesce* deinde, si ipsi denuo aliquid novæ solutionis *alcalicæ* affundatur, quia revera plus hujus *volatilis acidi* sese hic infigit, quam nude ad exquisite satiandum alcali necessarium erat.

Recipio etiam *manicas* ejusmodi Hippocraticas, sive *sacculos conicos* linteos, lixivio illo imbutos, quibus unum tale crucibulum suppono; quo *langvidius* enim consumitur sulphur, eo melius procedit negotium.

§. 29. *Resuscitationis*, qua hic *spiritus volatilis* ab alcali ipsi affixo iterum *liberatur*, ut in propria sua *volatili* consistentia emergat, fundamentum consistit in illa energia spirituum *acidorum* for-

tiorum in *Sal alcali* fixum præ hoc *volatili*; quod quidem jam dum apud *Glauberum*, imo *Keslerum*, hic illic indigitatum habetur, apud illos vero, qui Chymiam scientificam quam plurimum ostentant, sane ita, uti meretur, cognitum hætenus non repertum est. Dum itaque fortiora hæc *acida*, *sali* nostro affusa, *alcali* ejusdem invadunt, excutitur eo ipso debilius nostrum *volatile acidum*, ut quidem jam alibi, *Mens. Febr.* notatum est. Profecto, si hæc res satis cognita hætenus & pensitata fuisset, non laborassent tam operose & tædiose viri curiosissimi.

§. 30. Ita enim ex litteris à *Dn. Joh. Sam. Carl*, Medic. Licentiato, rerum Physicarum atque Chymicarum, juxta cum arte Medica, felicissimo & sagacissimo cultore, cui experimentum hoc, dum hic Halis nobiscum viveret, edisserueram, ante paucos dies *Oeringa* ad me perscriptis, certior fio, Celeberrimum *Papinum*, curiosissimis suis inventis erudito orbi commendatissimum, occupatum hætenus fuisse in *spiritus* hujus *volatilis* captatione, eamque *vitris* quibusdam in longam seriem dispositis, per folliis afflatum promota, instituere atque obtinere.

§. 31. Ubi quidem in mentem venit simile propositum à *Roberto St. Clair*, & ex hoc in *Actis Lipsiensibus* A. 1698. p. 222. insinuatum: nisi quod hic postremus, si, juxta verba allegatorum actorum, *oleum sulphuris per campanam* alias quæri solitum, *fixius* nempe illud, & summe *corrosivum*, intelligat, impeditiorem sane sic habeat successum, nisi *quantitas sulphuris & flammæ recte proportionata* adhibeatur.

§. 32. Cum vero dicta Epistola simul notet, *Dn. Papinum* hac methodo è *libra una sulphuris*, par pondus *spiritus* promittere, intelligendum illud utique arbitror esse, de *aquosiore* paulo ipsius statu; (sicut in *aquam presuppositam* submergendo, eundem capessit) de nudi enim ipsius, seu *rectificati* pondere intelligi vix posse, tum ex aliis circumstantiis, tum illa præcipue, persuasus sum, quia sub hac operatione, aliquod utique *aëris* ulterius, præter *follem*, commercium expectante, non parum *volatilis* istius halitus in auras sese subducit. Unde quidem in nostra operatione, in qua



*concentratissimus* præsto est hic *volatilis* spiritus, haud paulo commodior fuerit ejusdem observatio.

§. 33. Et fortassis alias occasio hoc penitus examinandi, nempe quidnam de *ponderositate* illius spiritus in mixtione hac *volatili* constituti, observandum occurrat, & quænam ejus, in comparatione ad statum sui *fixiorem*, hic subsit differentia.

§. 34. Placet, antequam hæc finiamus, mentionem facere *volatilis* quoque *Salis communis* spiritus *extemporanei*, qui, spectaculo etiam jucundo, *nebulosi* fumi facie, cito & late sese diffundit.

§. 35. Cum ante tempus annum fere *Sal mirabile Glauberi* paraturus, simul *Spiritum Salis concentratum* suscipere vellem, nolui *Sal commune* aqua prius valde diluere, sed leviter *humectata*, affudi mox *oleum vitrioli*, in retorta vitrea aliquantum *calefacta*, quia notabilis incalescentia hunc concursum insequitur. Ita mox ab affusione *olei vitrioli*, sub impetu effervescente, qui sic cooritur, *nebule* copiosissimæ consurrexerunt non modo, sed etiam, in retorta sufficiens spatium non adeptæ, ex eadem eruperunt in apricum conclavis aërem, ibique crassiore, quam primo apparebant, *fumosa* consistentia sese exferentes, visui valde conspicuam *nebulam* formaverunt. Apposito verò mox pro receptione sui alio quodam vitro, prodiit quidem adhuc aliqua quantitas, sed revera minime ita insignis, subsequente denique *spiritu salis* crassiore, qui tamen ipse quoque libero aëri expositus, sed non adeo exquisite, fumat.

§. 36. Paucis diebus interjectis, laborem eundem repetiturus, dum *oleum vitrioli* in vitro *unciæ* ejus exacte capiente admetior, & denique seposito aliquantisper hoc vitro, in eodem aliqua portio olei adhuc ad fundum colligeretur, injicio huic aliquot *granula salis communis* humescentis: assurgunt hinc *fumi*, cum effervescentia etiam olei, tam copiosi, ut ex ipso vitro *exhalantes* in aërem divagarentur: quos dum oris *afflatu* dissipare suscipio, conspicio quolibet flatu longe majorem illorum copiam simul & semel comparere.

§. 37. Accipio denuo *olei vitrioli* quantitatem ad duarum drachmarum pondus, quibus aliquot grana *salis communis* adjiciens, vapo-



vapores hos magna rursus copia provenire cerno; qui quidem etiam per se ita leniter effumabant: adhibito vero oris flatu, vel etiam *folliis* lenissimo afflatu, longe copiosius, & evidentius sese exferebant.

§. 38. Habent hi fumi hoc peculiare, quod non pro more *spiritus vitrioli*, aut *sulphuris volatilis*, *spiritus nitri volatilis*, *spiritus urine*, *invisibiles* in aërem diffundantur: sed præbent hi *salis communis volatilis spiritus*, supra notatum illum insolitum plane conspectum, ut conclave, in quod ita diffillantur, vera *nebula*, non modo *visibili*, sed insuper etiam *durabili*, repleant: adeo, ut *duabus drachmis* olei vitrioli, & subministrato successive sufficiente *Sale*, dextre inter se coagitando, & aërem ita uti necesse est subministrando mediocri hypocaustum ita *nebula* repleri possit, ut qui illud paulo post ingreditur, *nebulosum* illum vaporem spissum, primo mox intuitu discernere possit. Ubi nempe illa intercedit differentia, quod *Vitrioli* & *Sulphuris* quidem *volatiles spiritus*, cum *urinoso spiritu* ita juxta se invicem dispositi, ut alterius exhalatio alterum contingere possit, similiter plane *visibilem fumum* forment. Hic ipse vero fumus apparet solum ex *nigro gryseus*, imo *glaucus* & *cæsius*: Sicut etiam adhuc *albidioris* coloris est, qui è *spiritus nitri*, & *urinoso volatili* halitu *Salis armoniaci*, juxta methodum à Dn. Kunkelio jam olim tactam, conspectui sese offert: Hic vero, qui dicta methodo è *Sale communi* producitur, colorem habet revera, *nebulosum, obsoletum*, & è *gryseo subfuscum*. Cumque omnes reliquorum *fumi*, mox in aëre pereant, hic contra diu durat & perennat.

§. 39. Innōtuit ante annos circiter sedecim, *fumans* ille *spiritus*, cujus descriptionem auctor triginta experimentorum non inelegantium, sub titulo: *Sol sine veste*, & non ita multo post D. Cassius Tr. de *Auro*, admodum elegante, proposuerunt: hic ipse vero postremus, vestigia ejus jam ex ipso *Libanio* sibi primo obvenisse, professus est. Qui quidem, sicuti similiter *Sali communi* originem suam debet, è *Mercurio sublimato* parandus: ita differt tamen ab hoc in eo, quod non nihil adhuc de *Mercurio* participet, si præsertim (ut fieri quidem non magis solet, quam propemodum oportet;) igne *arena* propulsus fuerit.



Notum vero simul est, quibus *difficultatibus practicis*, hujusce spiritus præparatio vexetur, & cum infimul hanc *mercurialem* quoque heterogeneitatem adhuc involvat, poterit sane ille nostra imitatione præparatus, magis *ingenui* hujus spiritus *indoli*, adeoque etiam efficacix propriæ, perquirendis, commodius adhiberi.

Datur etiam *Spiritus* quidam *summe volatilis* è Nitro, qui in auram temere admissam, paucis momentis diffugit; dum vero aquæ adhuc immerfus est, hanc saturatissimo *cyaneo colore* imbuunt: simul atque vero in aërem dimissus est, hanc pure *limpidam* relinquit: sed non placet nunc de illo prolixum esse, sed eundem potius alii occasione reservare: Sicuti contra *fixior nitrosus concentratissimus spiritus* obtinetur: si nitrum cum oleo vitrioli destilletur, aqua nulla præposita, qui spiritus, *exastuando* cum rebus variis, singularem energiam exserit.

## OBSERVATIO VIII. DE ARCANI DUPLICATI ET TARTARI VITRIOLATI GENEALOGIA.

### SYNOPSIS.

**C**hymicorum Medicamentorum multi vani tituli. §. 1. Arcanum duplicatum, §. 2. è qua materia, §. 3. 4. modus præparandi, §. 5. Crystallisatio. §. 6. Causa repetitarum calcinationum: §. 7. Vulgo nitrosus. §. 8. Vacuus titulus Arcani, & quidem duplicati. §. 9. Scrutinium prosapiæ hujus salis. §. 10. 11. Nascitur ex acido Vitrioli, & alcali Nitri: §. 12. Qui vulgo ignoretur ratio horum. §. 13. Probatur à priori. §. 14. à posteriori. §. 15. Opiniones de indole aquæ fortis §. 16. reprobantur argumentis experientie, §. 17. errante hic Vigano, §. 18. non esse ita specificè corrosivam. §. 19. Assertio de origine nostri Salis confirmatur, §. 20. quam communem habet cum Tartaro vitriolato: §. 21. cujus Præparatio

tio, & circumstantiæ §. 22. conferuntur cum nostro, ratione figura. §. 23. Nitidioris crystallisationis modus; §. 24. sapor utique communis; §. 25. Solubilitas difficilior, §. 26. & hinc nascentes commoda quedam enchirises; §. 27. Ponderositas. §. 28. Reductio acidi hic inherentis, in Sulphur commune. §. 29. Nitrum vitriolatum Ludovici, idem cum his; §. 30. Unde frustra hic Arcanum expectatur, nedum duplicatum. §. 31.

§. I.

**Q**Uam superfluis, & non raro vix ab ostentationis nota vindicandis, titulis, elogiis, pollicitationibus, multa, & fere levissima quæque, præparata, & Medicamenta chymica, magis onerentur, quam ornentur, demonstratu facillimum esset, si modo semper, aut ad minimum in plerisque, qualemcunque hunc laborem suscipienti, operæ pretium esset: Interim in talibus, quæ male fundatis hujusmodi promissionibus, præter inefficacem usum, etiam pretii iniquitate augeantur, larvam hanc detrahere, & è veris fundamentis, legitimam titulorum & elogiorum talium æstimationem ostendere, justum sane & æquum arbitramur.

§. 2. Est vero inter hæc talia non postremum, illud Præparatum, quod *Arcanum duplicatum* vulgo appellatur, siquidem speciosum hoc nomen non modo *arcani*, sed tanquam stupendo artificio ad *duplum* aucti, non parvam forte reverentiam, ad sola nominum testimonia credulis, inspirare posset: Quod tamen encomium, cum tantum absit, ut tueri valeat, ut potius ne *simplicis* quidem *arcani* titulo dignum existat, placet non nisi *mediocres* ejus parentes, & propemodum *plebejam* familiam ad censum citare, & ante omnia peregrini novi tituli schemate detracto, *arcanorum* tribu movere, & fratribus suis ipsum restituere.

§. 3. Nascitur nempe sic dictum *Arcanum duplicatum*, è *Vitriolo* atque *Nitro*; dum *Vitrioli* calcinati pars una, cum æquali pondere *Nitri* puri (aut *capitis mortui* de Spiritu *Vitrioli* partes duæ, cum una parte *Nitri*) è retorta pelluntur, ubi *Aqua fortis* vulgo dicta, nempe



*Spiritus acidus Nitri*, *Vitriolico* acido vix leviter inquinatus, *fusci*, sed translucidi tamen, *vaporis* forma transcendit.

§. 4. *Crassamentum*, densum, durum, quod in vase destillatorio, retorta, cessantibus exhalationibus, remanet, affusæ aquæ fervidæ, vel prorsus cum illo decoctæ, elargitur *Sal* quoddam, quod sub forma limpidæ solutionis filtrum transit, relicto nigro-purpureo seu fusco, *pulverulento*, *metallico* spissamento.

§. 5. De soluto ita *Sale*, evaporatur leniter humiditas usque ad siccitatem; Ita remanet *Sal candidum*, sed fere communiter ingrattissimi *venereo-vitriolacei* saporis, particeps, & sub hoc quasi crudo & confuso statu, *emetica* & *nauseosa* efficacia odiosum. *Uritur* itaque leni candefactione per aliquantum temporis, & solvitur hinc denuo, ubi sedimentum aliquod pulverulentum relinquit: Exsiccatur iterum evaporando; uritur denuo, solvitur, exsiccatur: *Repetitur* quin etiam ustio hæc & solutio, donec nullam amplius pulverulentam substantiam, post calcinationem repetita solutione exhibeat.

§. 6. *Repetita* hæc *Calcinatio*, & iterata solutio, & filtratio, instituitur, ad expurgandam *vitriolici vomitorii Salis*, aliqualem copiam, quæ una sese exserit, tanto magis, quando proportio *nitri* ad vitriolum non sufficiens adhibita est: vel non satis diu continuata expulsio per *destillationem*. Hac vero *calcinatione*, quæ *Sal* nostrum nihil insigniter alterat, exurit *vitriolicum* illud, ut amisso denique acido suo, *Metallica* portio, pulverulenta forma ad fundum secedens, filtro separari possit. Quæ quidem vitriolica substantia, à nostro sale omnimodo exterminanda est, utpote alioquin non raro gravissimorum incommodorum *cardialgico-emeti*corum causa: Quo nomine proinde *Arcanum duplicatum* officinarum, quocunque, præter pulchre *candidum*, colore conspicuum, merito suspectum est. Et refero huc maxime observationem illam & cautelam, quam ita se nominans *Wigandus*, in non ineleganti *Traçtatu de Pbiliatorum germanorum itineribus*, Tartaro vitriolato imputat, quod non raro gravium, imo lethalium, *diarrhæarum* auctor fiat.

§. 7. Ita præparatum est levidense hoc *Arcanum*, quo, si post ultimam solutionem *moderata* humiditatis evaporatione, aut plane destil-

destillatoria proportionata abstractione, uti moris est & artis, ad *crystallisationem* deducatur, in gemmeos veluti *angulosos* & *fastigiatos* lapillos, *octaëdricos*, abit, saporis pure *amarisalini*.

§. 8. Reperitur quidem hoc præparatum non ita raro in Pharmacopoliis, prædominante non modo *nitroso* sapore instructum, sed etiam *crystallina* sua consistentia, *nitri* *crystallini* hastatam sexangularem prismaticam concretionem exhibens: Verum licet nullum inde malum aut noxium effectum nanciscatur, superfluum tamen quantitatem *nitri* in proportionē primæ compositionis adhibitam fuisse testatur atque commonstrat.

§. 9. Jam cum è talibus initiis, & laborioso quidem, sed certe non fastuoso apparatu, quasi *Θεός ἀπὸ μυχῶνς*, ex improvise *Arcanum duplicatum*, ita repente uti fungus enascatur, incidunt non illepidi verba *Quintii* apud *Livium* Dec. IV. lib. 5. *Est autem res simillima cœnæ Chalcidensis hospitis mei, hominis & boni, & sciti convivatoris, apud quem solstitiali tempore comiter accepti, cum miraremur, unde illi eo tempore anni tam multa & varia venatio? homo non quam isti sunt gloriosus, renidens, condimentis, ait, varietatem illam, & speciem ferinæ carnis, ex mansuetosue factam; Ita sane in nostro quoque subiecto è talibus initiis, non certe condimentis, sed admodum cruda operatione, arcana longe facilius quis speraverit, quam perfecerit, nisi quod bona interpretatione, & verborum conditura aliquid hic factum sit.*

§. 10. Nos vero non ut illi sunt gloriosi, simplici scrutinio & materialium, & certe valde simplicis operationis, in verum *fundamentum*, tam operationis, quam materialium, & concretionis, inquiremus, ubi nihil certe usquam deprehendimus, quam in crudo simplici *Vitriolo acidum* & *metallicam* solutam substantiam: In *Nitro*, *acidum* pariter, sed volatiliorem spiritum, & *alcali fixum*.

§. 11. Ex hisce quatuor rebus, sub ipsa operatione obtinentur, primo *acidum nitri* sincerum; secundo substantia è *vitriolo metallica*, acido suo spoliata, similiter de reliquo satis sincera, & nihil mutata. Tertio, *Sal* illud, ex parte, licet exigua, adhuc *vitriolicum*: Maxima vero sui parte, *novæ* cujusdam & insolitæ, si sponte nascentia, aut sine materiali aliqua peculiari commixtione emergentia *Salia* consideres, indolis.



§. 12. *Amiffum* interim est *alcali nitri*, & *acidum vitrioli*, quæ fane non magis *in nihilum* redacta esse temere credideris, quam modo dictum hoc quasi novum Sal è *nihilo* in istorum locum desubito existere atque cooriri existimes. Sed fuerit sine dubio simplici rationis considerationi magis congruum, quod nova hæc species salina ex utriusque istius alterius *coalitu* in unum tertium, prognata sit.

§. 13. Et certe rem ita se habere, jam quidem statim valde facile demonstratu nobis erit. Cur autem non jamdudum demonstratum sit, ratio fane fuit, quod è nudorum Empiricorum, qui *Paracelsum* ducem in hoc genere secuti sunt, indole, ne quidem *simplicissimorum* suorum Salium vera genesis perspecta atque percognita esset, sed rei tantisper insolitæ novitas, ab avidis hominibus, promeris portentis haberetur, quibus quidem næniis scatent veluti atque abundant pleraque *Paracelsi* scripta in hoc genere, sicut de reliquo in *simplicium*, neque fortassis ita multorum, certa tamen & per *experientiam* perspecta energia *medica*, ita assiduus & veluti ad nau-seam (ubilibet non tam datis, quam affectatis occasionibus repetendo) creber est, ut vel ex hac nota *vera* ejus experientia, & in quibus certam aliquam fiduciam collocaverit, pervestigare posse videantur.

§. 14. Ut itaque rem definiamus, dicimus, quod hoc pro *arcano* venditum compositum, nihil aliud sit, nisi *Sal medium*, ex *acido vitrioli* & *alcalico sale*, quod *nitro* corpus præbet, mutuo complexu formatum. Probamus & *à priori* & *à posteriori*. *A priori*, quia assumtum erat *Vitriolum*, ex *acido salino* stagmate, & *metallico corrosivo*, constans; & *Nitrum*, ex *acido spirituosissimo*, & *sale alcalico fixo* conflatum: Exit vero à tractatione supra (§. 11.) recensita, *spiritus acidus nitri*, & *metallicum pulverulentum* illud, quod in *vitriolo*, *acido* ejus *dissolutum* inhæserat, nunc omni illo *acido* orbatum, & prompte, debitis adminiculis, colliquandum, longe vero promptius, vel ad minimum otiosius, addito *novo acido vitrioli* vel *sulphuris*, denuo in *vitriolum* reducendum. Quid ergo factum de *acido vitrioli*, & *alcali fixo nitri*? Ex his sine dubio natum est novum hoc Sal, non modo in genere, quia *à priori* loquendo, è *nihilo* nasci non potuit, & duo



duo hæc, *acidum* è vitriolo, & *alkali*, è nitro, in *nihilum* disparere non potuerunt: Sed etiam specialius, quia novum hoc productum est indolis *pure Salinae*: Et specialissime, ipsum quoque certo intuitu *à priori*, aliunde notum, huc applicando, hæc duo Salia avidissime inter se invicem coalescunt, imo vix aliter, nisi sui mutuo occursu, unumquodque pristinum suum *socium*, integrum & illibatum à se dimittunt, quale quid hic manifesto contingere, *spiritus nitrosus*, & *metallica* illa pulverulenta secessio, testantur.

§. 15. *A posteriori* demonstrat rem examen, tum *spiritus* modo allegati *nitrosi*, & jam nominatæ *pulverulenta metallica* materiæ, tum ipsius hujus *Salis*. Non mirum sane est, si fragilitatem humanam, sub speciosis etiam nominibus, ampliter latentem, prodant etiam res adeo misere simplices, ut est *aqua fortis* sub hoc respectu, de quo examen nostrum testari debet; si nondum examinata, sed iniquis suspicionibus onerata cernitur, dum videlicet in quæstionem vocatur, *an simplex spiritus nitri acidus*, an vero cum spiritu seu *acido vitrioli* maritatus, seu ex his utrisque confusum quiddam, existat?

§. 16. Famosæ in hoc genere allegari merentur *duæ traditiones*, quarum altera *aquam fortem*, seu spiritum illum nitrosum, qui è compositione vitrioli & nitri pro nostro sale, emanat, pro *mixto*, ex *nitri* & *vitrioli* acido, differt, & hoc nomine, novo secundo ausu, pro *valde corrosivo* accusat. Altera, quæ est *Vigani*, recte quidem potius pro spiritu *simplici nitri* agnoscit, si non diutius, quam donec *colorati fusco-rubicundi* illi halitus exeunt, destillatio continuetur: Ut vero *aqua fortis* iusta fiat, putat continuandam esse ignis violentiam, ut *albi* etiam, nempe *vitriolici* spiritus penitus expellantur (quandoquidem *nitrosi* sub hoc actu prima levissima quoque incandescencia transcendunt, quibus crassiores *vitriolici* non ita parent) & sic demum ex *utrorumque* connubio veram *aquam fortem* nascituram esse. Utrique horum impedimento fuit primo agnitio fundamenti, quænam causa sit, cur è commixtis ita *vitriolo* & *nitro*, hujus posterioris spiritus à *fixo suo alkali*, quod ipsum hæctenus in crassum illud siccum & pene insipidum salinum corpus secum coagulaverat, tam

cito



*cito & facile* divellatur, cum alias nullo igne hoc sibi eripi, aut certe non, nisi ægerrime, patiatur.

§.17. Cum vero ipsi quoque, qui *aquam fortem* in præcipuo, & propemodum plane proprio usu habent, metallici *docimastæ*, rerum suarum per causas & ex fundamento satagere neglexerint, sola *empirica* administratione contenti; tanto magis forte condonandum his est, qui usus & effectuum aquæ fortis directorum, circa *metalla*, ignari magis, è puris suis opinionibus tales sententias sibi præfiguraverunt. Ad *metallicas* enim *Docimasias* pertinet, quod *acidum* seu spiritus *vitrioli* *argentum* minime aggrediatur aut solvat, præcipue ita nude & simpliciter: Imo in spiritu *nitri* solutum argentum, si *vitrioli* acidum affundatur, proportionata quantitate mox è spiritu hoc *nitroso*, *albi pulveris* forma ad fundum dejiciat seu *præcipitet*.

§.18. Unde quidem enormiter in hoc passu aberrat *Viganus*, dum ad constituendam *aquam fortem*, *vitriolicum* spiritum prægresso *nitroso* superinducendum esse putat: è contra recte sane, quamvis solum ab externis circumstantiis, hariolatur, quod ille, qui primo egreditur, non nisi *nitrosus* sit spiritus: At vero si justa *proportio nitri* ad vitriolum adhibita sit, & ignis successiva moderatione, ille *nitrosus* spiritus propellatur, ultra humanas vires fuerit ex Auctoris mente *albos* istos spiritus, quos ad constitutionem *aquæ fortis* requiri putat, ulterius expellere, dum nulli penitus sequuntur.

§.19. In altera vero illa opinione lusus in terminis subesse dici potest, ut *aqua fortis* nondum depurata, sive, ut appellant, non *præcipitata*, adeoque aliquali adhuc halitu, paucis forte guttis *vitriolici* acidi adhuc inquinata, intelligenda esset. Ita vero destituitur experientia à posteriori, quod nempe tunc istos *corrosivos* effectus in corpore animali edat, &c. uti jam alibi, *Mense Februar.* circa finem monitum est.

§.20. E quibus circumstantiis cum manifesto dispalescat, quod in illo spiritu acido, qui è tali mixtura prodit, nihil de *vitriolico* acido præsto sit, in alia utique productorum reliquorum parte illud quærere necesse erit. Cujusmodi, cum illud, de quo sermo nobis est, *Sal*, existat, indolis insuper statim primo aspectu *salina*, adeoque jam ita *a priori* profapiam hanc indigitet, vocanda in usum sunt testi-

testimonia, quibus hæc ejus origo asseri queat, primo à similitudine *saporis*, secundo *figura* crystallorum, tertio *ponderositatis*, cum illo sale, quod *positivè* è commixtione *acidi* hujus & *Salis alcali*, vel etiam *nitri* crudi pariter prodit.

§. 21. Notius nempe, & modestiore nomine, genus suum nihil diffidente, est compositum illud sal, quod *Tartarus vitriolatus* appellatur; Quando nempe *fixum* Sal *tartari*, vel aliud purum *alcali*, in aqua, aut per deliquium, solutum, instillato *spiritu vitrioli*, ita saturatur, ut ex ebullitione, ultimo cessante, concludi possit, nullam amplius mutuam collisionem & concretionem locum invenire, adeoque *alcali* illud sufficienti *acido* maritatum & combinatum esse. Ita perijt statim & *causticus* *Salis alcali* fixi, & *acidissimus* *spiritus vitrioli*, sapor, enascente solo notabiliter, licet mediocriter, *amaricante*.

§. 22. Subsudet interim, notabilis, ad proportionem assumptorum ingredientium, quantitas crassiusculi, veluti sabulosi, sedimenti, *nitidi*, quod scilicet nihil aliud est, nisi *Sal* hoc *tertium* compositum, è duobus illis simplicibus jam modo concretum, ob defectum sufficientis dilutionis aquosæ, statim in exiguas ejusmodi *crystallulos* coalescens. Unde, si paulo speciosior ejus facies expetitur, affusione sufficientis aquæ, & intercedente insuper *calore*, dissolvi & denuo, abstracta aliqua humiditatis parte, lenissima successiva refrigeratione, imo aliquot dierum mora, *crystallos* præbet majores, octaëdrica figura, cum apicibus tamen cardinalibus, nempe pyramidalibus, obtusis seu *planis*. Quamvis etiam non ita plane immutabilis per omnia minima, sit singularum harum *crystallorum* figura, sed aliqui etiam paulo aliter velut ludant, plerique tamen, modo accidentales perturbationes absint, dictam *figuram*, nanciscentibus.

§. 23. Jam si nostrum *Arcanum duplicatum* eadem *crystallificationis* methodo tractetur, easdem plane *figuras* *crystallorum* exhibebit: quæ à *nitrosis* intercurrentibus (quando videlicet proportio *nitri* & *vitrioli* non exquisitè sibi mutuo respondit, sed aliquid *nitri* abundavit,) aut à *vitriolicis* jam tamen albis, (si *vitriolum* abundavit) & *figura* & *consistentia*, facile discerni possunt.



§.24. Obiter addo, quod utrorumque horum salium *crystallisatio*, non ineleganter etiam succedat, si in patulo aliquo vase aut vitro, non tam super, quam penes fornacem, hiberno nempe tempore calefactam, posita solutio, lenissima illa aquæ exhalatione, siccas salinas particulas, in crystallinam hujusmodi concretionem congregatas relinquit.

§.25. Sapor quoque arcani nostri duplicati, non similis, sed *idem* omnino est, cum modo dicto *Tartari vitriolati* amarore, modo *nitrosarum* abundantium reliquiarum prædominium aut intercessio, vel absit, vel gustu discernatur; siquidem *nitrosus* quidem sapor primo statim gustum ferit, sed primo quoque rursus obliteratur & perit, remanente & durante diutius *amaro* illo, *Salis*, de quo loquimur, proprio.

§.26. Quod ne ipsum quidem, quia utique fit, & *causa* sua speculationem admittente, & *usu* non saltem speculativo, sed omnino etiam *practico*, caret; nec proinde *Physico-chymicarum* tenerarum varietatum scrutinio indignum, aut otiosæ *μικρολογίας*, sed potius *ἀκριβολογίας* nomine dignum. Est nempe causa hujus, diversa *deliquescendi* promptitudo, quæ in *nitro* facillima, in *Sala* vero nostro puro, in proportionem ad pleraque alia, tartaro vini excepto, *difficillima* est. *Practicus* allegatus *usus* hic est, quod ex hoc fundamento, *Arcanum duplicatum* ex accidenti multo *nitro* abundans, à maxima hujus parte ita repurgari possit, ut *purum* deinde seorsim colligi queat. Fit hoc, si tale *confusaneum*, *crystallisatum* tamen, & præsertim languide & *successive* *crystallisatum*, sal in paucam admodum *frigidam* aquam ponatur, & sine multa agitatione ita relinquatur; Deliquescit hac ratione satis prompte *nitrum* superfluum, reliquo huic sali interspersum, remanente hoc sale *non soluto*. Habet hoc fere plurimum usum eo casu, quando hoc sal *leni* & *successiva* aquæ exhalatione, vel *evaporatione* ad cuticulam, in libero aere *crystallisatum* est: Qua utraque fere methodo *nitrum* conjunctum *breviores* & aliquatenus velut irregulares *crystallos* format: Aut parvæ *crystalli nitri*, parvis arcani duplicati ita internascuntur. Si enim aliqua notabilis salis hujus copia simul præparetur, & solutio, ex cucurbita ad medietatem abstrahendo, sine multa commotione, in cucur-



cucurbita alembico munita ad crystallisationem ita relinquatur, vel plane non succrescunt prima vice conjuncti adhuc superflui *nitri* crystalli, vel quæcunque jam, aut post repetitam residuæ solutionis proportionatam abstractionem enascuntur, *longis hastis* assurgentes, maximam partem & oculis discerni, & manibus hinc secerni atque seponi possunt.

§. 27. Imo vero *usus alter* oppido quam consideratu dignus, consistit in eo, quod, si ad ipsam extractionem salis hujus e crassamento illo integro, nempe capite mortuo, ut vocant, aquæ fortis, si, inquam, *pauca* nimis aqua, præcipue vero *frigida* in super, adhibeatur, valde *parum* hujus salis inde educatur, sed multum ejus adhuc in pulverulento illo magmate obhærescat & remaneat.

§. 28. Ultima in hoc genere obvia convenientia nominata à nobis, est *Ponderositas*; quæ sane in utroque hoc sale, præsertim *languidius crystallisato*, aut quacunque demum enchirisi bene limpidas crystallos nacto, præ quibuslibet aliis (exceptis *Mercurii* & *Plumbi* crystallisationibus & congeneribus *metallicis* densioribus), agmen ducere apparet, quod quidem tanto minus mirum esse potest, si recordemur *ponderositatis*, *acido* vitriolico concentratori, *oleo* puto *vitrioli*, propriæ, quæ quidem in hac nova concretione in spissas hasce, densas, nitidas crystallos, ab aquositate sua penitus liberata, quæ ponderositatem ejus adhæsiōe sua imminuerat, hanc suam affectionem nunc tanto liberius exserit.

§. 29. Postrema omnium convenientia in eo consistit, quod præsentia *aciditatis* hujus *vitriolice* in *Arcano duplicato*, eadem penitus methode monstrari possit in utroque hoc sale, nempe tam *arcano* nostræ considerationis *duplicato*, quam *Tartaro vitriolato*, a *posteriori*, per experimentum illud, quo acidum hoc, uti primitus in *sulphuris* mixtione hæsit, & ex illa demum in *vitriolum* transumptum fuit, ita denuo, addito debito ipsius altero principio, in *sulphur* reducitur. Quo ipso actu immediate etiam altera ejus pars, *alkali* nempe fixum, quod e *nitro* arripuerat, in propria hac sua essentia atque consistentia, in conspectum venit. Vid. Mens. Julius 1697. de novo experimento *Sulphur verum arte producendi*; & Tr. de Fermentatione. pag. 143,



§. 30. Hoc intuitu, ejusdem utique virtutis & indolis, cum *Arcano duplicato & Tartaro vitriolato*, est *Nitrum illud Vitriolatum Ludovici*. Verbo, si singula recte parata sint, sunt unum idemque. Monstravit vero jam olim hanc efficaciam *acidi vitriolici* in *alcalica corpora*, & veluti sustentacula *nitri & salis communis*, Glauherus, tum hinc inde, tum manifestius *Centur. III. num. 86. 87. 88. 89.*

§. 31. E quibus omnibus ita *a priori & posteriori*, in omnes sensus ingestis, indubia illa veritas luci exposita videtur, quod hoc Sal non modo non *duplicatum* arcanum existat aut dici mereatur & haberi, sed ne quidem *simplex, numerico*; *ethice* vero etiam exquisite tale.

## OBSERVATIO IX.

DE

# METALLORUM EMENDATIONE MODICO FRUCTU PROFUTURA.

### SYNOPSIS.

**I**nventiones quaedam Chinae cum Europa communes : §. 1. nec tamen ab hac ad illam; §. 2. verisimilius aliqua ab illa ad hanc translata. §. 3. Praecipue harum Transmutatio metallorum & Vita longa per artem, §. 4. Paucis aliis gentibus agnita : §. 5. Europaeis quoque serius : §. 6. Sed certius : §. 7. maxima a Paracelsi temporibus. §. 8. Pertinax hujus spei propagatio : §. 9. quae duplex : §. 10. Locupletissima; §. 11. & moderatior. §. 12. imo ex hac tandem frugalis, §. 13. cui Natura favere videtur. §. 14. Propositio Beccheriana de locuplete summae capitalis fructu §. 15. non in animos admissa, §. 16. & tamen non penitus contemnenda : §. 17. variis modis, licet uno fundamentum tentanda : §. 18. sed privatorum magis, quam Magnatum votis, apta, §. 19. & quamobrem. §. 20. Cautiones irritae. §. 21. Exemplum computi privato fructuosi. §. 22. Rem mereri solidius examen, §. 23. eoque respondente, Praxin. §. 24.

§. I.

**I**Nter alia vestigia antiqui commercii, quod populis *Europæis* & citerioribus *Asiaticis*, cum *Seribus* antiquorum, moderna appellatione *Chinensibus*, intercesfisse apparet, non ultimo loco forte numerari debet aliqua pars *Medicinæ* illorum, quæ partim *caloris nativi & humidi radicalis* conceptibus superstructa, partim *Herophilianæ pulsuum* micrologiæ conformata videtur. At vero, sicuti impossibile non est, ejusmodi speculationes, hisce populis etiam ex propria phantasia subnatas esse, tanquam communi omnium ejusmodi opinionum fonte: adeo, ut non æque necessarium videatur, ortum harum rerum *Europæis* nostris, aut secundum quosdam *Ægyptiis*, ita vindicare, ut ab his demum ad illos dimanaverint: Ita videtur certe, argumentum, etiam ex aliis ejusmodi artificiis, speculationibus, & inventionibus illorum populorum peti posse, quod talia commenta apud illos forte priores, pariter formata sint: aut ad minimum, a quibus ad alios dimanaverint, non æque verisimiliter concludi, quin ne conjici quidem posse.

§. 2. Argumenta vero præcipua, non a populis *citerioribus* ad *Chinenses* transportatorum talium studiorum aut Inventorum, præbere possunt illa insignia apud nos serius inventa, at jam a pluribus seculis illi genti familiaria artificia, *impresfionis graphica*, & *pulveris pyrii*, quin imo ipsius etiam *chartæ*.

§. 3. Certe vero, si hic loci conjecturis, proferendis atque colorandis indulgere liceret, majore fortassis verisimilitudine suspicari fas esset, ab istis gentibus & in *Asiam* citeriorem, & in *Europam* translata fuisse *chartæ* ad minimum imitamina; vel *occasionem* ad minimum tali imitationi præbuisse *chartas* e *Serum* regione huc aliquando translatas, & ab aliquo curiosiore sagacius examinatas. Possent hoc verisimile reddere, non solum valde antiquæ continuationes commerciorum, quibus *Arabes*, *Persæ* atque *Parthi*, imo *Indi* intra & extra Gangem, ex istis usque mundi extremitatibus semper aliqua ad *Europæos* usque exportaverunt: licet summo studio jam pridem dissimulatis locis atque modis, unde illa mercimonia peti



aut oriri solerent : adeo ut jam ipsius *Herodoti* tempore mercatores *Arabes*, de *auri æque*, atque *aromatum*, cum summo periculo instituentis collectionibus, amplam mentiendi licentiam sibi sumserint : Sed posset etiam his opinionibus suffragari illud, quod jam a multis retro seculis, excursiones *religiosorum*, in diffita quoque terrarum loca institutæ, aliqua ex illis ad nos exportaverint : cujus rei exemplum præbet *seminium* ipsorum *Serici* Autorum *Bombycum*, quod *Monachi* duo ex intimioribus orientis penetralibus secum translatum, *Iustiano* Imperatori primo exhibuisse, memorantur.

§. 4. Sed non fert nostra intentio talibus prolixius insistere : sed ex illis hoc tantum pro nostro præsentis scopo allegare, quod *Chinenses*, constanti nostratum, de illis aliqua commemorantium, relatione, dicantur *duplicis* artificii non solum avidissimi, sed etiam studiosissimi existere, nempe *Transmutationis Metallorum* viliorum in perfectissima, & *Vitæ* per Medicum aut Pharmaceuticum aliquod subsidium, ultra vulgatum terminum ad seros prorsus annos, non solum *prorogandæ*, sed *renovandæ*, prorsus novo *vigore & alacritate*, instruendæ atque resarciendæ.

§. 5. Hujus certe rei apud nullos alios populos talia reperire licet documenta, imo ne quidem indicia, præter *Ægyptios* (si quidem isti *Hermetis* documento aut monumento aliqua haberi meretur fides) aut *Arabes*, & post hosce, imo ab hisce, si fides aliqua habenda est narratiunculis, tandem apud Europæos.

§. 6. Illud vero fortè facilius convenerit, quod apud *Europæos* non admodum prisca sit harum rerum investigatio. Quamlibet enim illa, quæ sub nomine cujusdam *Isaaci Hollandi* circumferuntur, & sub *Basilii Valentini* titulo venditantur, imo *Raymundi Lullii* fuisse, non dubitantur, *Trismosino*, quem *Paracelsi* Magistrum fuisse perhibent, antiquiora esse possint; *seculis* tamen prorsus hos præcessisse, nullo idoneo argumento adstrui posset. Cum è contra iidem illi, qui de *Chinensibus* & alia memorant, de hac etiam hujus gentis intentione, ut de plerisque aliis illius rebus, hoc constanter adseverant, quod ab *antiquissimis* temporibus huic rei animum applicuisse, illamque sectati esse perhibeantur.

§. 7. Differentia interim insignis hîc intercedit illa, quod non solum de *Africa & Arabia* jactet atque recenseat, sed de se ipsa maximopere prædicet, variisque monumentis atque documentis confirmet, nostra *Europa*, quod non nuda *speculatione* aut *spe* in hac materia nitatur, sed veritatem *effectus* atque eventus hinc inde experta sit. Sicut ejus rei passim historica exempla adducuntur tam à *Zwælfhero & Becchero*, quam *Morhoffio*, & illo Barone *Schrædero*, qui parvum illud Schediasma, *nothwendigen Unterricht von Goldmachten* edidit, aliisque. Cum de *Chinensibus* tale quiddam, & quod exempla deprehensi aliquando suæ spei effectus allègare possint, non æque referantur: Nisi quidem hic suspicari quis vellet, quod Pontificii religiosi, qui fere potiora de hac gente nobis retulerunt, ex suæ religionis sanctionibus his rebus adversantes, aliqua horum commemorare metuant.

§. 8. Interim illud propemodum certum est, de nostra Europa, quod in primis à *Paracelsi* demum temporibus, & fama illa, & pertinax aviditas de hac arte, non solum certa, sed etiam non ita difficillime impetranda, maxime percrebuerit. Nisi quidem hîc etiam Romanæ religionis aliquam rationem habendam esse, con-jicere placuerit; quando illi, ut suæ transmutationi nihil detrahatur, contra transmutationes physicas, cum & sine rationibus, infallibilitate nempe, tam Aristotelica, quam Romano-apostolica, firmissime decreverunt, & aliter loqui, imo credere, nedum tentare & experiri, sub hæreseos anathemate interdixerunt.

§. 9. Admiratione vero non indignum est, quod opinio de veritate non tantum, sed etiam promptitudine hujus negotii, inter innumerabiles, partim imposturas, & scelestas avidorum hominum defraudationes, partim sollicitos & anxios hinc inde adhibitos labores, consumtum tempus, profusos sumtus, pessundatam valetudinem, neglectam rem familiarem, prostitutam existimationem, & harum rerum tam numerosa hinc inde occurrentia exempla, ita retenta sit, ut nihilominus, non solum nihil infracto desiderio, sed profecto, si verum eloqui libeat, majore indies imperu, major etiam hominum numerus, huic proposito animum adjiciat, & indefesso studio ac labore insudare aggrediatur.



§. 10. Non jam placet latius in hanc materiam diffundi, & quid in illa non magis liceat, quam forte deceat, sperare aut sectari, argumentis aut documentis disquirere. Illud solum nobis proposuimus, de veriore fortassis, adeoque in hoc genere etiam simpliciore quodam artificii genere, pauca proferre, quomodo nimirum aliqui spem faciant atque foveant, aliqua *ignobiliorum* metallorum, sive *maturatione*, sive maturiorum partium intimiore *segregatione*, operæ pretium hic facere.

§. 11. Neque illi quidem, qui nihil nisi magna affectant, malunt de *perfecto Magisterio*, ut loquuntur, magnifice sentire atque fermocinari. Omnia alia tentamina aut experimenta, quibus aliquod *exiguum* specimen geneseos meliorum metallorum è vilioribus, apparere videatur, aspernantes, & nihil nisi stupendam illam conversionem absolutam unius rei in aliud, commendatione sua atque investigatione dignum reputantes. Aliqui vero, & in primis quidem ad rem attentiores mallent parvo contenti esse, & vel exiguis portionibus operam navare, modo tantum inde emolumentum percipere valerent, ut honestum aliquem laboris sui fructum inde assequi ipsis liceret. Priores appellant *Universalistas*; Posteriores *Particularistas*.

§. 12. Hi vero posteriores quoque, nempe à partiali transmutationis studio denominati, abeunt iterum in diversum. Dum alii quidem illud artificium *ex parte* transmutandi, non tam *philosophice* aut *physice* intelligere operæ pretium ducunt, quam in comparatione ad grande illud *Chrysofopbicum* promissum referendo *modestissime* precari, ut sibi ex illa *Megasophica* opulentia, vel *millesima*, solum pars contingat. Nempe, cum isti perfecti Magistri, una, parte suæ medicinæ, ut loquuntur, *decies mille* partes vilioris metalli, in nobilissimum *aurum* convertere, & nuda quidem atque expeditissima harum rerum commixtione, polliceantur: Hi vel tam leve artificium sibi exoptent, quo pari *brevi atque prompto* labore, saltem talem medicinam assequantur, quæ *una* sui parte, *decem* partes metalli in nobilissimam illam dignitatem evehere possit.

§. 13. Quicquid autem hi *modestis* atque *continentis* sibi imputent, testantur tamen constantes plerorumque querelæ, quod ne quidem huic indulgendum esse ducant propitia fata: adeoque spe sua decidant hi quoque horum artificiorum sectatores. Quod quidem animadvertentes adhuc alii, damnata larvata istorum aviditate, de ejusmodi adhuc enchirisiis speculantur, quæ, quantalibet etiam opera atque *labore*, impensas huic rei adhibendas, saltem honesto aliquo fructu ac usura compensarent, & præter illud, quod opulentiores è numero suo fundo, in otio percipere atque obtinere possunt, ea proportionem superent, ut etiam laborum, quos sub hoc negotio devorandos in se suscipiunt, aliquod præmium, præter vulgarem illum usuræ fructum sperare liceat, imo impetrare.

§. 14. Enim vero si horum desiderium, cum antecedentium aviditate comparetur, vix quisquam fuerit, quin majoris æquitatis testimonium ipsis perhibeat, & talibus illorum votis favere non dedignetur. Hoc sicut hominum morationum animis insculptum esse videtur, ex naturali, ut loquuntur, æquitate; ita non de nihilo est, attendere illam quoque, in ordine rerum naturalium insitam, tali proposito plus favendi aptitudinem, ut revera talibus quidem scopis, plus una methodo respondere videatur.

§. 15. Non loquar jam de multiformibus illis tentaminibus, five, ut vulgus appellat processibus, qui apud *Fallopium*, *Keslerum*, & partim cum his, partim post hos, *Glauberum*, oberrarunt; imo jam *Trismosini*, jam *Paracelsi*, jam *Korndorfferi* &c. nominibus hinc inde vagantur. Ipsum *Beccherum* allegare suffecerit, qui non exiguum vagorum talium Processuum partem collegit, & *Concordantiæ suæ chymicæ*, five *Ostracismo chymico* inseruit. Neque tamen hoc solum, sed certiore quoque spe lactare mundum suscepit in *Supplementis Physicæ suæ subterraneæ*, & in primis *Minera sua arenaria*: quod, modis atque methodis infallibilibus, & facile parabilibus, res eoduci possit, ut fundus, five, ut vulgo loquuntur, *capitalis* aliquod pecuniarum, *labore* tamen utique ac *industria* adhibita, annuo spatio *altero tanto* auctum haberi, adeoque *fructu* certe divite, usurpari possit.



§. 16. Mira certe res, quod hujus indolis Propositio non altius peruestigata atque perpensa sit; inprimis adhibita illa conveniente cautela, quantum de promisso tali fructu, pro *sumtibus* necessariis *detrahendo*, tamen pro *usu*, & honesto laborum *fructu*, servari atque percipi adhuc possit.

§. 17. Non jam illud agam, ut ego hujus propositionis atque promissi, præstationem, κατὰ πόδα in me suscipiam; quamvis illud dicere non erubescam, quod, ut in aliis rebus fidem hujus Autoris salvare non dubitavi, ita etiam huic ejus asserto, ea conditione, subscribere non dubitem, ut licet ex amissim, neque de exquisita ejus methodo certus sim, neque proinde quid illa proprie præstare possit, definire queam: nihilosecius, *in genere*, de hac ejus *assertione*, &, prout in genere illam proposuit, *methodo* quoque, illud testari non verear, quod ad minimum *in genere*, alicujus *utilitatis* spe, illa non careat: sed, si non æque ad exquisitum Autoris *calculum* respondeat, tamen *aliquid* præstare valeat, quod aliquod *operæ pretium* statuere posset.

§. 18. Imo, sicut hac ab Autore insinuata methodo, aliquid fructus colligi posse certum est, ita sane illam diversis etiam schematibus instrui ac institui posse nihilo minus est certum: quamvis non negaverim, quod omnes hujusmodi viæ, ex uno fundamento profluant: imo etiam eo ipso haud multo dispares effectus exhibeant.

§. 19. Interim hoc de talibus artificiis consideratu dignum esse duco, quod illis equidem *privatus* aliquis, ita honeste sibi consulere posset, ut alio quocunque artificio aut opificio vulgari, quod autem *Statui* cuidam, aut *Magnati*, hujus indolis artificio, dignum aliquod emolumentum præstari valeret, nolim polliceri; cum non solum circa *equalem* perpetuo eventum, multa varietas evenire possit: sed etiam quantacunque tandem ἀνεξέπεια universum negotium tractetur; magis *Privati* cujusdam *usibus*, quam Magnatis *sumtibus*, comparandus *fructus*, & nihil aliud, inde expectari posset.

§. 20. Revera vero non dubito, esse etiam adhuc hinc inde, compendia talia, quæ, si recte administrarentur, etiam fructum consideratu aliquanto digniorem ferre possent. Sed eo *operoso labore*,

bore, atque *diffuso apparatu*, imo aliquarum necessariorum rerum multiplici, ac veluti *prodiga consumptione*, si res ad *opulentiores* aliquem *proventum* instrui deberet, ut non solum *diffusa illa operariorum, apparatus, atque laborum*, prolixitas, *publicis dignitatibus* minus congruere videri posset: Sed etiam totum negotium minime tractari, quin *universa operationis ratio mature in publicum emanet*: quod ipsum etiam, an ratum haberi posset, non immerito dubitare fas esset.

§. 21. Quamvis enim illi, qui in talibus casibus prompta sapientia pollent, paratum forte consilium haberent, *subditos* ab imitatione aut usu ejusmodi artificii prohibere: Vix quisquam tamen credo minus præcipitis consilii, cuicunque Dominationi conducere judicaverit, *subditos* quidem à re, quæ ipsos quantumcunque locupletare posset, arcere: in *peregrinos* autem ut illa emanet, non solum impedire non posse, sed ipsum primum ansam & successum huic rei suppeditare.

§. 22. Nimirum, sicuti pro homine *privato* v. g. honestum sane emolumentum esse posset, si ille *mille* imperialibus otiosis, ipsa *summa* capitali, in domo sua, securius, quam in aliena fide, constituta, detractis necessariis sumtibus, aut, si laboribus necessariis ipsamet vacaret, ex his etiam, aliqua portione fructibus inde sperandis accedente, *annuo spatio*, *centum quinquaginta*, imo forte *ducentos* imperiales, *fructus* loco obtinere valeret: adeoque loco *usura* à proximo petendæ, sine cujusquam injuria aut invidia, honestissima acquirendi ratione censum augere posset; ita pro *Statibus* aut *Magnatibus*, qui stabiles argenti summas, & otiosa capitalia non semper ita in usu habent, certe etiam ejusmodi tractatio, nescio an vel factu facilis, vel fructu satis utilis, vel dictu satis magnifica atque honorifica esse posset.

§. 23. Ne tamen, populari apologo, boum gregem antequam vel vitulus natus sit, æstimare videri possim, illud ante omnia peritioris scrutinio dignum judicarem, an utique aliqua in universa tali re subsit veritas, & quomodo considerari mereatur.

§. 24. Certe enim, si quid *solidi & honesti* emolumenti, licet ipsa *quantitate mediocri*, inde experiri liceret, *privatis* quidem tale, sibi, & familiari rei prospiciendi *compendium*, suadendum potius



quam inhibendum, existimarem; quandoquidem non solum *subditorum* atque civium res omni honesto modo meliores esse, cujus-  
cunque *dominationis* legitimæ, quam maxime interest: Sed nullus  
etiam *honestior* esse possit modus, sine cujusquam circumventionem,  
damno aut injuria, *facultatum* suarum eximium *fructum* obtinendi,  
quam talis, quo cum variarum rerum necessariarum *coëmptione*, a-  
deoque *sumtum*, qui alias non fierent, in alios cives & regionis sub-  
ditos erogatione, immensum quantum amplius publicis commo-  
dis conferri posset, quam si qualemcunque suam paratam pecuni-  
am, uni aut alteri crederet, exiguam pensionem inde sperare, de  
ipsa summa periclitari, restitutionem denique variis incommodis &  
ingratis recuperare, necessarium sit: accedente his omnibus, præ-  
cipua illa ἀταξία, quod quantumcunque effatu digna summa, pau-  
peri quidem subvenire, neque res ejus postulent, neque tuæ spes  
permittant: Divitibus autem & rerum suarum abundantia labo-  
rantibus, illa offerre, sæpenumero illa cautela dignum sit:

Μὴ κακὸν εὐπράξεις, σπείρειν ἴσον ἐς' ἐνὶ πόντῳ.

## OBSERVATIO X. DE SOLLICITA DIAETA.

### SYNOPSIS.

**N**utritionis necessitas §. 1. & sanguinis inprimis restauratio §. 2. postulat  
alimenta, §. 3. quæ quidem pauca sufficere possunt, §. 4. tam e Vege-  
tabilibus, quam Animalibus; §. 5. interim notabilis est appetitus varie-  
tas, §. 6. inprimis sapidis imminens. §. 7. Brutorum quædam certis alimen-  
ti generibus a priori destinata videntur. §. 8. Homo adsuescit variis, §. 9.  
imo interdum toleratu difficilioribus. §. 10. Simplicior victus æqualem sani-  
tatem, ceteris paribus, præbet: §. 11. exemplo multarum nationum. §. 12. Va-  
rio victui dediti sæpius incommode habent: sed & simpliciore utentes, si desle-  
ctant; §. 13. at qui mediocribus incommotis adsuescunt, durantur ad majora:

§. 14.

§.14. cuius contrarium evenit his, qui plane tranquillis rebus excidunt. §.15. Unde, ubi tranquillitatis perpetuae minor est potestas, moderata inaequalitas praefenda videtur, §.16. non tamen luxuriosa variatio. §.17. Causa. §.18. Animi & Corporis sollicitus status. §.19. Exempla, §.20. etiam in morbis: & a duriore ad simpliciore mollem victum. §.21. Simplicissimi victus affectatam regulam §.22. incommoda sequuntur. §.23. 24. 25. Somnus horis certis adstrictus. §.26. Praefertur iterum laboriosior Dieta, §.27. etiam ab infantia adsuefacienda. §.28. Declinatur favor luxuriei. §.29. Reliquae quoque res dieteticae, magis ad laborem, quam inertiam, aptandae; §.30. sed & hoc non scrupulose. §.31.

§. I.

**Q**Uam necessaria sit homini *Nutritio*, & sanguinis praecipue, perpetua *Restauratio*, dilucescit satis ex eo, quod ipse sanguis indies, imo velut in horas, ita resolvatur atque absumatur, ut, nisi reparatio talis perpetua subveniret, mature sane universi huius vitae thesauri jactura sequeretur.

§. 2. Dum enim sanguis, perpetuo *motu* per subtiles poros partium, partim sui ipsius, partim corporis totius conservationi velificatur; Ita obtingit nihilominus ipsi, per *attritum* perpetuum ad solidas fibras, & intestinum motum caloris, sui ipsius extenuatio atque dissolutio, in *Serum* excrementitium: Unde perpetuo novo comineatu opus est, quo amissae portioni nova quantitas substituitur.

§. 3. In hunc finem assumi debere alimenta, uti in propatulo est; ita eadem rationis evidentia nititur, quod illa respondere debeant huic effectui, sive *materiam* talem suppeditare, è qua sanguis prognaſci possit.

§. 4. Faciunt hoc, seu praebent materiam sanguini in genere constituendo aptam, partim e *vegetabilibus*, partim *animalibus*, simpliciora, & numero quoque pauciora, si illis acquiescere placeat: Praecipua inter haec sunt *Frumenta*, triticum, far, secale, oryza, milium nostras, & Mays Americanorum, quod vulgus frumentum Saracenicum appellare consuevit, hordeum; ab animalibus autem *Lac.*



Neque vero minoris efficaciae *amygdalæ* dulces, & aliqui congeneres *nuclei*, lactescente tali dulci medulla constantes : Post hæc vero etiam alia, tum *legumina*, tum *herbæ* & *fructus* varii, juxta qualemcumque reliquum saporem, etiam leni quadam *lubricitate* instructi; Denique variorum animalium *carnes*, & excoctæ inde *gelatina*. Revera tamen vere præcipua inter hæc omnia sunt dicta illa prima *Frumenta* & *Lac*.

§. 5. Ubi quidem rationi obvium est, quod omnia horum generum alimenta, proprie e *vegetabilibus*, sicut hæc e terra tota suam materiam nanciscantur. *Animalia* enim, quorum *carnibus* maxime vesci solemus, vegetabilibus nutriri, id est, materiam carnis suæ vegetabilia habere, in propatulo est; ubi tamen *Lac* veluti primum & simplicius tale extractum, siue materia, e vegetabilibus, a crassioribus & inutilibus feculentis sui portionibus, jam liberata existit, adeoque ad alimentum *animale* velut magis immediate constituendum, tanto magis jam aptata.

§. 6. Interim, est omnino insignis non solum humani appetitus *ἀραξία*, sed brutis etiam non paucis familiaris, (præcipue tamen illis, quæ homini magis adsuescunt,) ut neque *paucis*, neque *melioribus*, & scopo directo, nempe nutritioni, magis immediate & velut absolute quadrantibus, acquiescere velint, sed perpetuo, non magis ad *plura*, quam a nutritione larga *alieniora* inclinent.

§. 7. Mirum profecto est, neque ulli *rationi* perscrutabile, cur homo, adeo amet & appetat res inprimis notabiliter *sapidas*? *Dulces*, *acidulas*, imo *amaricantes*. Sicut etiam omni *rationali* indigestione caret, in quo proprie consistat determinatio illa, ut aliquæ tales res dicantur BENE, JUCUNDE, sapere; aut contra male sapere, adversum saporem præbere. Quantumlibet autem nulla harum rerum, neque a priori, neque a posteriori, vere rationalis causa vel proportio subsit; imo etiam multa horum minime *toti* hominum *generi* communia; Notum tamen atque certum est, quod in his præcipue rebus admodum prolixè occupentur plerique homines, ut appetitui suo, quam maxime vero ita, licet irrationali, tamen electivo, indulgeant, imo longe magis ad hujus generis escu-

esculenta ferantur, quam ad alia, certioris atque manifestioris utilitatis.

§. 8. De brutis quidem, negari neque potest, neque debet, quod in illis specialis quædam constitutio organorum, indigitare videatur, quod alia ipsorum ad hanc, alia ad aliam victus rationem; mox *a priori* formata & instructa sint. Ita enim *Carnivora* animalia, ventriculum habent & intestina, a *graminivororum* & *granivororum* iisdem partibus, tota structura longe plurimum diversa. Et coincidit hæc constitutio adeo in variis generibus animalium, ut sine reliquo respectu ad universam suam speciem, hac in parte circumstantiam illam, quasi magis *generatim*, sequantur, ut ventriculum a reliqua avium, nempe *granivorarum* conformatione, hac in parte prorsus alienam habeant, quotquot illarum *carnivora* sunt.

§. 9. Quicquid horum sit, & si vel maxime nuda quædam adfuetudo, hominem ad illam ciborum varietatem ducere videatur, habet tamen homo propemodum certam & perpetuam hanc in hoc genere indolem ut non magis varietatem ciborum, & quocunque modo alibilem succum præbentium, appetat, & desiderio quodam mox moxque sectetur; sed etiam illis satis prompte ita adsuefiat, ut nisi conjuncta aliqua insigni efficacia polleant, quæ alteram illam alimentosam illorum consistentiam potenter superet, leviter & tranquille illorum usum toleret, & nihil sinistri facile inde experiatur.

§. 10. Quid, quod etiam hujusmodi concreta, quæ cum alia quadam efficacia corpori *molesta*, imo non perfunctorie periculosa, aliquam tamen alimentosam substantiam *conjunctam* habent, non raro tamen placido & successivo usu, ita esui & usui adsuefieri possunt, ut posthac veluti plane dissimulatis aut superatis illis adversis effectibus, simpliciter tolerentur, inprimis, quamdiu sanus de re reliquo adhuc est, status corporis.

§. 11. Ex altera parte, observantur quidem etiam illi, qui *simpliciore* victu utuntur, si modo reliquæ res non naturales sese recte habeant, (nempe *aeris temperies, motus & quies, somnus & vigiliae, animi pathemata, excretiones debitæ,*) pariter longe commodissime vivere:



vivere: imo jugi quadam æqualitate sanitatis, istos quasi semper superare, qui nimia tali esculentorum varietati indulgent.

§. 12. Cujus quidem rei uti apud *Americanos* inprimis populos, imo ipsos etiam *Africanos* bene multos, & *Astiatricorum* quasi medioximos, per totas gentes, & innumera capita, solida vigent exempla; ita certe in nostris regionibus, ingenti quoque numero hominum res hæc indies confirmatur.

§. 13. Interim monstrat utique experientia attentius spectata, quod illi quidem, qui *varietati* ciborum *majori* licentius indulgent, sæpius inde incommoda aliqua persentiscant, quibus alteri isti, qui æquali & simplici victu utuntur, minus vexari notantur: Revera tamen hi ipsi quoque *simpliciori* illi victui addicti, si ab illo, siue voluntate, siue necessitate aliquando *deflectant*, non modo non minores, sed sæpissime longe præter proportionem majores molestias inde persentiscant.

§. 14. Accedit illud, quod homines, etiam in hoc ipso vitali negotio, *mediocribus* modo, non nimium frequentibus, talibus molestiis, non magis tolerandis, quam depellendis atque superandis *adsuefacti*, posthac non raro etiam è *gravioribus* felicius sese expediunt: nempe levioribus velut experimentis atque exercitiis ad perpetrandas exonerationes atque depulsiones rerum plus minus noxiarum, habiles reddit: Cum è contra, illi, qui in una continua placida & æquali securitate, jugiter vixerunt, ingruentibus deinde extra ordinem periculis, quasi absolute improvise malo sese nulla ratione opponere, aut sibi ipsis consulere possint.

§. 15. Unde quidem, quamdiu reliqua ipsorum vivendi ratio *æqualis* manet, & victus æqualitati jugiter respondet, hi quidem posteriores, nempe *simpliciori* victui adducti, ita constantius, imo securius æquali sanitate fruuntur, quam alteri isti, sine aliquibus incidentibus molestiis vix ita constanter viventes.

§. 16. At vero, ubicunque illa concurrit conditio, ut illa ita commode, tranquille, & æqualiter vivendi constans libertas atque potestas, non æque suppetat: res ipsa loquitur, & dicta sana ratio, quod, si utique dubitemus *varietatis* adsuetudinem illi vivendi *simplicitati* præferre, (quod tamen serio facere, ego non æque dubito,) certe

certe nihil prærogativæ, in hoc casu, hæc præ ista habebit, aut, *sub tali conditione*, illi præponi poterit.

§. 17. Moneo vero iterum iterumque, quod sub *varietate* victus, non denotem *luxuriosæ* gulæ studium, ut non solum quicquid in manus venit, avide devoretur; imo quicquid fere à recepto usu & utilitate solida, alienius est, inhiare placeat: sed etiam quantitate, & tempore, ita extra orbitam ruere, ut hominis (nam his vitiis minus obsidentur bestię,) intemperantissimi exemplar fiat. Sed intelligo talem varietatem, quæ magis ad *concoctionem* paulo *laboriosior*em, *depurationem* operosior, & *nutritionem* ipsam moderatior, quadret.

§. 18. Tali, inquam, Diætæ, præ altera simplicissima, eo sensu prius deferro, quo magis in tota vita commendabile est, *labori* potius & *tolerantiæ*, quam *otiosæ* mollitiæ, & rebus undiquaque in proclivi positis, adsuefieri.

§. 19. Hoc intuitu tanto minus æquipollere puto hujusmodi Diætæ, quasi paulo laboriosiori, oppositam illam nimium *solicitam* & *scrupulosam*, quæ non solum curiosa *simplicitate* cibi & potus, & *Mensura* insuper harum rerum mire determinata; sed etiam *anxia*, *animi*, non tam intentione, quam sollicitudine, imo formidine ita circumscripta sit, ut non magis ipsarum rerum physicarum, aliquando deflectens quantitas atque qualitas: quam *animi* mox concurrens incertitudo, sollicitudo, imo trepidatio, varios labores pariat, & non magis ipsum *corpus* hinc oneretur, aut inusitata molestia afficiatur, quam ipsorum *motuum* in corpore regimen & directio hinc in perturbationem, atque confusionem adducatur.

§. 20. Quid familiarius est, homini in nostris, septentrioni adpropinquantibus regionibus quam potum *frigidulum*, imo *gelidum* bibere? Et tamen homo, & vir quidem, soli *calido* potui assiduo, per aliquod longum tempus adsuefactus, uno haustu frigido mortem combibit. Quot vero sunt hodieque nostratium exempla, ubi haustum potus à tepore ad *frigus* declinantem, ebibisse, certa *tormina* gravissima, *Colica*, imo vero, exemplis non rarissimis, *Iliaca*, provocavit? Quantus est hominum numerus, qui, si carnis, *pinguioris*, in primis *vervecinæ*, aliquot bolis, mox cerevisiam su-



perbibant, alii *nauseam* & vomitum, alii *tormina* ventris eximia, alii *alvi fluxum*, alii *stranguriam*, alii immanem *flatulentiam*, imo aliqui diuturniores ventriculi *tensiones*, *pressiones*, *gravitatem* perpetiuntur: quæ vel in pertinacia *chronica* mala, ventriculi & intestinorum debilitates, exeant: vel *febres tertianas*, aut *quartanas* pariant? Imo quot sunt utriusque sexus homines, quorum alios, levis haustus immaturioris, & nondum satis *defecata* cerevisiæ; alios, etiam cetera bonarum, sed tantum *diversarum*, cerevisiarum, in eadem cœna potus, pessime habent? Ut de *Cibis* revera difficilioris concoctionis, & vel plane incognitis, & saltem per aliquod notabile tempus desuefactis, prolixiores non simus.

§. 21. Imo, non subsistit hæc res in solius, de reliquo tolerabiliter *sani* status, limitibus; sed extendit sese tanto magis ad *vacillantibus* sanitatis tempus. Ubi quidem, ne nude hætenus citati census exemplis inhæream, placet contrariæ rationis exempla citare: Ubi nempe non à *simpliciore* ac *teneriore* victu, ad multiplicem ac duriorrem factus transitus, fraudi esse observatur: sed etiam è contra, numerosa exempla occurrunt, ubi patientibus, duriori victui adsuets, nimis mollis atque teneri victus obtrusione, inprimis diuturniore, plus incommodi, molestiæ, imo non ita raro damni offertur, quam si vel plane non edissent vel ad minimum duriore *secalino* pane pasti fuissent, aut sane ubi qualiscunque adhuc viget appetitus, consuetis suis cibis, quamvis pro stomacho alio non adsuetto, durioribus usi fuissent. Experimentum hujus rei in hominibus, de reliquo sanis, duriori vero victui adsuets, (quo nomine Westphali inprimis noti sunt,) suppetit illic locorum, ubi plures horum *molliore* diæta sustentari incipiunt, jussulis, pultibus, ovis forbilibus, carnibus vitulinis &c. ibi citra aliam quamcunque sensibilem causam, incipiunt primo *stomachi* debilitate, *appetitus* immutatione, mox pleniore ciborum *fastidio*, *malo colore* &c. gravari, indeque magis magisque intermittentibus tertianariis *febrilibus* symptomatibus, vel *ictero*, gravissima *flatulentia*, tensionibus, *angustis*, imo *anxietatibus* hypochondriacis, obnoxii fieri.

§. 22. Quotidiana sunt exempla, ubi homines, alias satis com-  
mode viventes, neque conquerendi de valetudine insignem cau-  
sam



fam habentes, aut ad summum tolerabilibus quibusdam tædiis indignantes, vitæ rationem non solum ex abrupto, sed prorsus in contrarium mutant; ut ex *pleno* victu, ad *tenuem*, ex commodo ad incommodiorem, transitum & progressum faciant. Ita v. g. sunt, qui dimisso omni alio potu, ad *simplicem aquam* divertunt; loco *lectorum* plumaceorum, *storem* aut scamnum capeffunt: imo fuerunt, qui aquæ simplici, præter *panem secalinum*, nihil aliud conjungere vellent, aut etiam non possent.

§. 23. Ex his alii ita toto corpore male affecti sunt, ut *cachectis*, *scabiosis*, *scorbuticis*, *ictericis* incommodis, pessime habeantur: plerique vero ad minimum famosum *hypochondriacum* malum inde accusent.

§. 24. Alii, præsertim & corporis, & animi paulo præsentioris, toleraverunt quidem talia paulo fortius; quamvis apud multos, & coloris & corporis reliqui vigoris, visibilis in pejus alteratio testaretur, quod plus disimulationis, quam sibi constantis euphoriae subfit: Interim hoc utique omnes non magis fatentur, quam conqueruntur, quod posthac etiam à levissimis contra hanc *simplicissimam* diætam erroribus, ita maximopere alterentur, quam sub pristina qualicunque diætâ minime fieri consueverit.

§. 25. Ita, ut ciborum aliorum, potus cerevisiarii, inprimis minus defæcati, summam posthac impatientiam, silentio prætereamus; ipsæ vel leviores *aeris* atque tempestatum perturbationes, facile illos sensibilissime turbant & male habent; laboriosiorum operarum, non tam corpore, quam ipso animo, ut plurimum longe magis, quam impotes existunt &c. Verbo, quicquid exquisitæ rationi electæ suæ diætæ contrariatur, admodum difficulter ferunt, ipsam vero hanc non facile tolerant.

§. 26. Novimus exempla talium, qui *somnum* suum, certarum horarum ambitui ita adstrinxerunt, ut paulo post, si maxime velent, non possint amplius, aut sane non directe & immediate, hanc periodum violare. Si enim vel dimidia hora citius solito, somno sese subtrahant, *dolore capitis* & gravitate insigni: si tantundem aut paulo amplius, ultra tempus somno indulgeant, somnolentia notabili, & fastidio aliquid agendi, vix non per totum illum diem, corripuntur.



§. 27. Quibus quidem rebus omnibus bene pensitatis, tantum abest, ut *exquisitam* illam, sive scrupulosam, diætam, facile cuiquam svaserim; ut potius tali, quæ paulo magis varia ad reliquam vulgo receptam consuetudinem, inter nostrates, accedat, calculum adjicere nullus dubitem: Comprehendendo ibi præcipue moderatam adsuætudinem (inter cibos alios, proniores ad illum effectum,) duriusculæ concoctionis ciborum.

§. 28. Ante omnia ab ipsa usque *Infantia* nimis sollicitam, mollem ejusmodi diætam abesse velim, qua non solum ipsi *mores*, perpetuis cavendi, metuendi, contemnendi, seligendi inculcationibus, & absoluta illa omnium minus solitarum rerum aversione, cujuslibet minoris jucunditatis, inprimis autem levissimorum forte dolorum aut incommodorum fortuitorum, formidine aut impatientia, multis modis *a teneris*, quod ajunt, *unguiculis*, pervertuntur: sed etiam *molle*, nimis quam *sensibile*, ne mediocrium quidem fastidiorum, nedum *laborum*, patiens redditur corpus: imo potius perpetuis quiritationibus, quin veris & nihil simulatis sanitatis interversionibus, si affectatam illam *ἀνελπιστὴν* absolute observare, variæ fortuitæ circumstantiæ vetent, plana via sternitur.

§. 29. Tantum autem abest, ut hac mea sententia, *luxuriosam* delicatæ *varietatis* cupidinem, comprehensam velim, ut potius illam, toto stadio hinc exclusam velim. Neque enim hanc approbare, jure videri possum, ubi, quæ corporis & animi mollitiem, stolidi desideria, rerum alias tolerabilium quantumcunque contentum, inferre possunt, accuso atque damno; & potius, quæ *digestioni* qualemcunque *laborem* interdum facebant, eamque veluti ut plurimum *vigilem* & attentam reddant, laudo atque comprobo. Unde non est, quod prolixius exprobrationem declinem, quæ à sani intellectus hominibus, mihi intentari non possit.

§. 30. De reliquis vero Diætæ circumstantiis, & inprimis alacrioris *motus* sollicita evitacione; de *aeris* quantumcunque *frigidi* aut *turbulenti* metu: de *vigiliarum* alacrium, erga otiosum *somnum*, proportionem, & evitanda *sollicita nimis* temperie, fortassis omnium optime perorare possum sententiam meam brevissimis, asserto meo, superius disertis verbis, ipsa re vero in tota tractatione prolato,



to, quod videlicet in omnibus hujusmodi rebus plurimum *praestet*, corpus & animum, potius laboriosiori, quam otiosiori habitui adsuefacere.

§. 31. Abstinento tamen in hoc etiam proposito, à sollicita evagatione in alterum extremum; Ut ubilibet, servando auream mediocritatem, rebus humanis etiam in hac parte recte consulatur.

## OBSERVATIO XI.

# SUSPICIONES DEFECTUUM JUDICII HISTORICI.

### SYNOPSIS.

**O**ccasione Zabiorum, à visoneas in historia exempla succurrerunt. §. 1. Profertur è Spencero mentio & descriptio Zabiorum. §. 2. Nomen petitur ex Alcorano. §. 3. Cujus textus adducitur. §. 4. Dubia circa scriptionem: §. 5. Casaubono & Hottingero nata. §. 6. Spencerus rejicit aliquot Etymologias. §. 7. Retenta Scaligeri, §. 8. & confirmata. §. 9. Ita sunt Chaldaei famoso sensu, idolo- & astro-latra. §. 10. Quo respectu minus errasse videtur Pocokius. §. 11. Quam falli Spencerus. §. 12. Ad minimum in subsumendo. §. 13. Post nomen è Mahomede, adducitur Idololatria è Maimonide. §. 14. Dura suppositio Spenceri, §. 15. ejusque sensus. §. 16. Perplexus §. 17. iterum monstratus. §. 18. Mahomet admovent Zabios suae Religioni. §. 19. Quae cultus idololatricos abominatur. §. 20. Imo pollicetur Zabiis beatitudinem: §. 21. Non videtur hoc facere sensu Hypothetico. §. 22. Confirmantibus rationibus luculentis §. 23. & Mosis in plebisque. §. 24. Idololatrae non debuisset inusitato nomine appellare. §. 25. Subest aliqua Zabiorum similitudo cum ante dictis: §. 26. Sabai Regina Scheba subditi, §. 27. Zabii Mahometis judaizantes videntur. §. 28. Unde Bidavius aberrasse videtur. §. 29. Sabaeos Arabes putat Reuchlinus. §. 30. Quod videtur contra historiam Eunuchi. §. 31. Historiam Abyssinae Regum, & Sigilli eorum Symbolum. §. 32. Fama migrationis Arabum in Abyssinam. §. 33. Judaeorum ingens populus quondam in Abyssina. §. 34. Unde confir-



*mamur, Mabometis Zabios tales Sabæos fuisse. §. 35. An Carthaginienses in Americam navigare potuerint. §. 36. Quod navium intuitu hoc facere potuerint. §. 37. Etiam sine Magnetis usu. §. 38. Alimentorum penuriam αἰσχροποφαιῶν sublevatam fuisse. §. 39. Et propter hanc in illa regione etiam verisimiliter mansisse. §. 40. An Nigri America ex Africa eo pervenerint. §. 41. Uti memoriali adhuc tempore factum, cur non & immemoriali. §. 42. Americam fuisse Insulam de qua Diodorus Siculus narrat. §. 43. Rudbeckii explicatio hujus de Suecia. §. 44. Causa prohibitionis Carthaginiensium, emigratio, & perfugium: §. 45. Non quadrant in Sueciam. §. 46. 47. Mollibus populis præoptanda morti: §. 48. aut gravi exilio similiorem: §. 39. Operosa criseos Vosii resolutio. §. 50.*

§. I.

**C**UM nuper acutissimi Spencersi, de Legibus Ritualibus Hebræorum, locum de *Zabii*s (quos *Rodericus à Castro*, Medicus *Judæus*, in *Lib. de Affect. Mull. Zabæos*, vocat: à quo forte adhuc est *Franconica* vox *Zaberer* / vulgo *Zauberer* /) copiose & ingeniose deductum evolverem; simulque è *Lexico Hebræo antiquo*, quod forte ad manus erat, *Johannis Reuchlini*, vocem *Seba*, *שֵׁבָא* inspicerem: inveni ibi notas aliquas, quæ videbantur *Historiæ*, quam illustrare debebant, ita minus satisfacere, ut potius vel ex illa ipsa, *diversum* elici posse, non levis sit suspicio. Cujus quidem rei cum varia hinc inde occurrant exempla, nempe *Historiarum divisoquinæ* explicatarum, in mentem venit, pauculas ejus generis observationes proferre, ubi modo *appellationum*, modo *circumstantiarum* difficiliore suppositione, minus sufficienter probatum apparet, quod omni modo probandum incumbabat.

§. 2. Placet interim ex ipso *Spencero*, quia liber non est in omnium manibus, paucis & breviter apponere, quid de *Zabiorum* gente sentiat. Notat I. fuisse gentem, religionibus, sive *superstitiosis ritibus* addictissimam: II. Quos quidem ritus longe lateque *diffeminaverit*: III. Quibus Deus T. O. M. multos ritus in *lege Ceremoniali* propterea directe opposuisse videatur, ut populum suum, ab istorum populorum inauspicatis cultibus, averteret. IV. Quæ omnia



omnia, ut vero tanto similia, imo evidentiora reddat, inquirunt in originem atque veram stirpem Zabiorum.

§. 3. Nomen autem Zabiorum, producit primo, & veluti pro fundamento suarum disquisitionum, è *Mahumedis Corano*, si recte rem æstimemus. Revera enim omnes, qui de veriore hujus nominis significatu solliciti adducuntur, ex *Arabica* lingua illud arcessunt, in qua qui ejus mentionem fecerit, *primus* ætatis ratione, sine dubio est *Mahomet*.

§. 4. Locus princeps, ubi Zabiorum mentionem facit, quia alicui meæ conjecturæ subservit, addendus mihi videtur; Est vero *Surata II. vers. 99. Enim vero qui credunt*, (scil. *Muhamedis doctrinæ*) *item qui Judæi sunt, aut Christiani*, (*Ryer* interpretatur *Samaritani*) *aut Zabii, quisquis crediderit in Deum & diem novissimum, feceritque probitatem, sua utique merces est apud Dominum suum, nec timor imminet illis, nec tristitia experientur.* Eadem prorsus repetit *Surat. V. v. 37.*

§. 5. Nervus allegationis è *Muhamede*, in eo consistit, quod nomen, de quo agitur, scribit per literam *Elif*, *Arabum*, quæ *Tfade* Hebræorum respondet: E qua re duo nascuntur dubia 1) quod hac ratione non commode, cum *Hebrææ* originis noto aliquo, gentili proprio nomine concordiam subire possit: sed potius videatur, magis appellativa quadam significatione, peculiarem talis gentis conditionem denotare, qua ab aliis distingui possit.

§. 6. Quod prius attinet, *Casaubonus*, in *Epistola 223. Zabios esse Sabæos* non putat, quia Hebræorum סבאים per ס efferatur, non per ז aut י. Ubi, licet *Hottingerus* *Hist. Orient. L. I. cap. 8.* putet, per ignorantiam *Muhamedis* hoc factum esse, ut literas imperite permutaret; opponit tamen Noster encomium *Arabum* commune de *Corano*, quod admodum eleganter, (adeoque maxima linguæ peritia) exaratus sit.

§. 7. Placuit itaque Autori nostro altera sententia, quod nempe magis appellativo quodam significatu, genti huic impositum sit hoc nomen. Quo intuitu rejicit (a) *Sharestani* *Arabis* *Ety-mologiam*, (adductam è *Pocokio* *Not. in Specim. Hist. Arab. p. 138.*) à *Tzaba*, amare, propendere, desiderare, è *Syrorum* lingua, è quibus



bus fortasse *Tzabii* in Arabiam transferint. Præterit (b) Derivationem à *Tsaba*, *exivit*, *deflexit*, *religionem deseruit*: à qua *Bidavius*, celebris Alcorani Interpres, *Zabiorum* ibi memoratorum nomen, deducat; quod à Deo vero ad Idola deflexerint: quo ipso intuitu, *Ebnol. Atbir.* (ap. *Pocock* l. a.) ipsum Mahomedem *Sabium* dictum fuisse affirmat: Et hodieque *Balsarenses* Christiani, vulgo *Christiani S. Johannis*, *Sabbi* dicantur, quod nomen juxta *Huetium*, *Demonst. Evang. Prop. 4. c. 4. §. 2.* antiquarum religionum perduellibus & transfugis, tribui soleat.

§. 8. Eligit autem *Scaligeri* assertionem, ex *Epist. L. I. Epist 62.* ubi ita loquitur: *De Zabiis, scito esse Chaldæos, צבאים Arabice Tra-* bin, à *Vento Apeliote* sic dictos, quasi dicas ORIENTALES.

§. 9. Confirmat hanc sententiam argumentis sequentibus, 1) quod ritus à *Zabiis* (juxta *R. Maimonidem*) observari soliti, & *Israëlitis* interdicti, olim magnam partem *Chaldaicæ* superstitionis constituerint. 2) quod *Chaldæi* *Coloniis*, *vicinioribus*, ritibus suis omnia impleverint. 3) quod *Maimonides* testetur *Abrahamum* educatum fuisse in religione *Zabiorum*: de quo *Scriptura* dicit, quod inter *Chaldæos* natus, & adultus sit. 4) Quod *Autores Arabes*, quibus de *Zabiorum* secta sit sermo, idem ita explicant; ubi *Achmetus*, librum expresse de *Zabiorum* religione scriptum, inscribit: *De negotio rituum Chæranorum, Chaldæorum, qui Zabæorum nomine vulgo noti sunt.* Et *Golijs*, *Not. in Alferg.* p. 251. referat, *Haranitam* sæpe usurpari solere pro *Sabita*, qui sit cultor stellarum. Et *Gregor. Abulpharaius histor. Dynast. d. 9. p. 281.* Illud, quod apud nos constat de Secta *Zabiorum*, est, professionem eorum eandem prorsus esse cum *Chaldæorum antiquorum* religione. *R. Abrabanel* librum *Zabiorum* de *Agricultura* vocat librum *Orientalem.* vid. *Huet. Dem. Evang.* p. 61.

§. 10. Concludit ex hisce tandem *Spencerus*, quod *Zabiorum* nomine, probabilissime veniant, non quidem soli *Chaldæi*, quæ *Scaligeri* sit sententia, sed omnes, cultus atque rituum illorum asseclæ: non aliter, quam olim apud *Asiaticos*, (imo vero etiam *Romanos*) genethliaci atque fatidici, & generaliter hoc nomine *Chaldæorum* venerint: & hodie apud *Europæos* vaga illa & impia gens, Zin-



Zingarorum, *Ægyptiorum*, *Tartarorum*, appellationibus veniat; quamvis vix quisquam harum gentium inter ipsos forte versetur.

§. 11. Quo tamen intuitu non satis capio, cur aspernetur suspicionem *Pocokii l. all.* inquiring: *Si instituta eorum perpenderit, non longe petendum videbitur nomen, si a voce Hebr. צבא, exercitum denotante dictos putemus; quasi צבא השמים exercitos cælorum cultores.* Putat hic nos, hanc conjecturam minus feliciter factam esse, propterea, quia cultus hic Zabiis cum omnibus *Idololatriis* sit communis.

§. 12. Ubi profecto ego hoc in me non suscipere probare. Sicut enim *Chaldaei* primi & præcipui *universæ Astronomiæ* atque *Astrologiæ* cultores vulgo habentur; ita apud quemquam unum alium populum, *universi exercitus cælorum*, sive *astrorum*, aliquem honorem, nedum cultum, fuisse, ex historiis probari posse, admodum diffido. *Solis enim, Lunæ, Ignis, Divinitatem*, imo *Deorum* sub illis *VII. planetis* habitantium religionem, quum longe ab *exercitus cælorum* cultu distare, res ipsa loquatur, supervacaneum esset indicare. Tanto magis cum probabilissimum sit, alias *posteriores* gentes applicuisse potius demum *Astrologicis* opinionibus, suorum *Idolorum* nomina atque dignitatem: nisi forte, ipsorum *Chaldeorum* aut *Zabiorum* hæc fuerit inventio, divulgandi reliqui sui dogmatis; quemadmodum occasionem talem ipsum *Divum Paulum* ab ara *incogniti Dei*, sumsisse, notum est.

§. 13. Rectius autem forte difficultas poneretur in ipsa, non *cultus*, sed *vocis* ambiguitate; an videlicet vox צבא apud Hebræos ita familiariter pro cælorum sive *Astrorum exercitu* usurpetur, ut ab ejus etiam *absoluta* acceptione, denominatio talis satis significanter formari potuerit. Quamvis enim in sacris literis vix ea semper ubi de cælorum exercitu sermo fit, vox *Zabah* usurpetur; nusquam tamen absolute pro hoc significato posita occurrit; sed potius hinc inde, absolute posita, vulgarem exercitum designare animadvertitur.

§. 14. Postquam autem Autor noster, huic genti *nomen & originem Orientalem & Chaldæam*, ex *Arabismo* asseruit, eoque nomine plurimum adjutus est *Mahumedis* interpretum consensu; progreditur hinc ad *ritus* illorum *idololatricos*, ex *Maimonidis* cum primis sententia docendos.

§. 15. Exequitur hoc non infeliciter; Sed nescio quid *duri* infe-



rat, cap. hujus I. Sect. II. Ubi monet, quod verisimile sit, *nomen* hujus *idololatricæ*, (aut sane ejus rituum æmulæ atque tenacis) gentis, hætenus operose tractatum *non ante tempora Mahumedis usitatum fuisse*: imo ab ipso *Mahomete* demum *hoc sensu* usurpatum: ut quemadmodum vulgo in S. Scripturis *Syri, Persæ, Chaldaei, Arabes*, vocentur *בני קדם*, *filii Orientis*: Ita ipse etiam hos *Idololatrias* vocabulo *Tsabin*, i. e. *Orientales* insigniverit.

§. 16. Enimvero sic ex omnibus ita operose prolatis, oriretur hic sensus. *Fuit ab omni ævo gens Idololatrica* perverfis & vanis multis *ritibus indulgens*; Hæc a *Chaldeis* orta, in magnam partem orbis diffusa est: abundavit quoque, tempore *exitus gentis Israeliticæ* ex *Ægypto*, tanto numero, & pervulgato *perverfæ religionis usu*, ut Deus plerasque Leges, populo suo injunctas, hujus nefastæ *superstitionis ritibus* opponere, necessarium duxerit: qua ratione gens quidem *Israelitica*, ab ipsis hisce gentilibus *Idololatricis*, discreta atque separata fuit: obsedit tamen impia illorum *Doctrina*, totum *reliquum Orientis* tractum: & quidem ad *Mahometis* usque tempora, ultra duo millia annorum: unde hic, *Idololatrias* hos (vel quia maximam *Orientis* partem constituebant, vel quia ex *orientali Chaldaica* disciplina originem suorum abusu habebant:) *Tsabin, Zabios, Orientales*, seu *filios Orientis*, appellare, non inconveniens duxit.

§. 17. Hanc sane ultimam, de *Mahomete*, collectionem, non video, quomodo cum ipsa re, nempe *Mahometis* de *Zabiis* *Judicio*, conciliare ullo modo liceat.

§. 18. Rabbi *Ben Maimon*, & alii quidam, illum forte secuti, faciunt mentionem populorum quorundam, qui & cultus *idololatrias* servaverint, & *libros* plane de illis scripserint. Hos ajunt viguisse, & longe lateque religionem suam tenuisse, *ante tempora Israel*: adeoque ut *Israel* ab horum abominationibus liber maneret, datas ipsi esse *Leges positivas*, traditionibus atque institutis istarum gentium e diametro oppositas. Sint hæc omnia ita, modo probari possint. Populos hos vocant prædicti Autores, *Zabios*: faciant sane; sed reddant *nominis vel rationem*, vel *autoritatem* sive fidem *Historicam*. *Rationem* reddere non possunt; quia utique *Hebræi* omnes, in sua lingua nihil habent, quod huc quadret: ergo proferrunt *Arabicam*. Sed hac ipsa *Autoritatem*; & quidem *Mahumedis* in *Alcorano*.



§. 19. Ego vero puto hanc *Autoritatem* nihil probare, posse, quandoquidem *Mahomet*, in allegato (supra §. 4. ) loco, tantum abest ut voce seu nomine *Zabiorum* gentes ejusmodi idololatrias & pessimæ circa religionem notæ, indigitare apparent, propter quas etiam ipsa *Lex Iudaica*, quasi κατ' ἀντίθεσιν, instituta, videatur : ut potius hos suos *Zabios*, & *Iudeis* & *Christianis*, (vel sit ita, juxta *Reyerum*, *Samaritanis*,) jungat atque comparet : & ipsis *Islamismum* suum immediate professis, æquare non dubitet. & quidem in illo tertio, quod credant in Deum, & diem novissimum, & faciant probitatem.

§. 20. Certe enim ipse *Mahomet*, nequaquam probavit, institutis suis, vel *Astrologiam*, vel *Magiam*, vel ritus supersticiosos, per imagines, vel cultum plurium Deorum, vel *Divinarum potestatum λατρείας*, vel ἐθελοθρησκείας quascunque circa creaturas, quæ omnia *Zabiis* illis, a *Maimonide*, & sequacibus, tribuuntur. Imo prohibuit talia pleraque, atque detestatus est.

§. 21. *Zabios* vero, ita cum suis ipsius sequacibus, æque ac *Iudeis* atque *Christianis*, copulat, ut illis etiam mercedem a Domino ; (uno utique illo, communi, in quem credant,) & securitatem in die novissimo, ab omni tristitia atque dolore polliceatur.

§. 22. Sed prævideo propemodum, quid hic moneri possit. Voluit fortasse *Mahomet* hac ipsa diversarum talium religionum mentione (sensu *Maimonidis* supra citato,) ita uti, ut populis, quantumcunque inter se religione disidentibus, hanc veluti *universalem* & communem viam ad cœlestia gaudia perveniendi commendaret : sicuti sanctioris Evangelii Testis atque Minister *D. Paulus Galat. III. v. 28. & Cap. V. 6. Cap. VI. 15. Coloss. III. v. 11.* ubi revera oppositis ex hypothesi, *Circumcisioni* & *præputio*, eandem unam salutem pollicetur in *Christo*, Salvatore : Et *Hippocrates*, Prognosticis circa finem ; *Signa* (de quibus toto libro loquitur) & in *Lybia* & in *Delo*, & in *Scythia* vera deprehensum iri, asseverat, i. e. locis, medio, imo toto *caelo* *dispositis*.

§. 23. At vero, quemadmodum hæc ratio, si nulla verisimilior suppeteret, tolerari forte posset : ita cum luculenta explicatio in contrarium ad manus esse videatur, non possumus ita facile huic objectioni assentiri.

§. 24. Primum enim, *Mahometem*, *Judaismum* atque *Christia-*



*stianismum*, non considerasse, uti *Sectas e Diametro* inter se pugnantes monstrat satis proprium ipsius de *Salvatore* iudicium, utpote quem utique *Magnum Prophetam*, ejusque *Evangelium* ad æternam salutem *cértissimam semitam* fuisse, multis locis affirmet, & culpam in solos homines conjiciat, qui *Evangelio* non obediētes, hoc ipso beatæ illius vitæ spe atque hæreditate excidant.

§. 25. Tanto minus *secundo*, contradistinguit suam ipsius novam Legem *Judaicæ*, aut, si *scopum* atque promissionem, imo (juxta ipsius intellectum) viam quoque seu *media* consideres post fidem in Deum nempe *bona opera*, ipsi *Evangelio*: ut hinc ad *Idololatrias* flagrantissimos transitum facere, eosque merito in hunc censum adscribere debeat.

§. 26. Aut si hoc facere vellet, *tertio*, non haberet utique opus, affectato, & *inusitato* de reliquo illo, *vocabulo*, *filios Orientis* seu *Orientales*, ut eximios *Idololatrias*, allegare censui suo; cum notissimos tunc temporis paganos utique *meridiei* potius, aut *Septentrionis* filios, citare potuisset.

§. 27. E contra, *quarto*, cum *Judeos*, atque *Christianos* (imprimis *Arrianos*) *Secta* sua propria ita sequeretur, ut ex *utrisque* his *Dogmatibus*, unum aliquod *tertium* conflasse, & quidem ope *Judei* cujusdam, & *Monachi Arriani*, communis ferat traditio: maxime probabile videtur, quod *Zabii* illi, quos nominat, neque ipsi ab his religionibus ita longissime abfuerint.

§. 28. Quod ipsum, *quinto*, confirmari utique videtur e consideratione *Sabeorum*; gentis videlicet, cujus Regina *Salomonem* adiisse legitur i Reg. X. Regina *Sheba*, quod Lutherus, vertit, *Röuigin aus Reich Arabien*. Salvator vocat βασιλισσαν νότ; puto significanter: Reginam nempe *meridiei* seu potissimæ *plagæ meridiane*: non à *plaga meridiana*, aut alicubi solum versus illam *plagam*, regnantem. Quam utique Reginam, cultus *judaici* aliqua initia in regnum suum transtulisse, ex historiis tam antiquioribus, quam ad ipsa hodierna tempora continuatis, credi posse apparet. De quo mox.

§. 29. Sane vero, cum Mahomet de *Zabiis* hic loquatur, ut de talibus, qui in Deum & diem novissimam credant; Deum utique quem pugnantes ipse quoq; credit: quē *Judei*, quem *Christiani* credunt: his *Zabiis*, ita credentibus, mercedem ab illo Deo, & ablationem omnis timo-



timoris ac doloris promittat: evidens sane hinc esse arbitror, quod hi, de quibus Mahomet loquitur, *Zabii*, minime fuerint illi, qui alias sub hoc nomine innotuisse potuerunt, *Idololatrae*.

§. 30. Unde quidem tanto magis in hoc aberrasse videtur *Bitavus*, quod dum *Coranum interpretatur*, *Zabios* ibi memoratos cum alteris illis suppositis *idololatricis* in unam eandemque tribum conjiciat: nempe satis evidenter, quantum mihi quidem apparet, contra sensum *textus*.

§. 31. Quod autem illi *Zabii* quos convenientia aliqua cum *Judeis*, *Christianis*, imo *Mahometanis*, (ab *Idololatria* adeo alienis, ut etiam nullum simulacrum ferant) Mahometi tolerabiles *Sabai* fuerint; nempe *Reginæ illius Sbeba* subditi, *Judaicis* initiis imbuti, meridiei incolæ & probabilissime ipsi hodierni *Abyssini*. Dubitat quidem maximopere *Reuchlinus* in *Lexico Hebræo*; imo decernit contrarium: adeoque taxat *Hieronymum*, quod non distinguat, inter *Sbeba* & *Seba*: quarum priorem *Arabia*, posteriorem *Æthiopie* regionem facit: & ita judicat, *Reginam Sbeba*, *Salomonis* hospitem ex *Arabia* advenisse, non ex intimiore *Africa* sive *Æthiopia*.

§. 32. Videtur autem contra *Reuchlinum* hic stare *Historia*, duplici documento. *Primo*, quod *Actor. 8.* memoretur *Eunuchus*, *Æthiops*, *Dynasta Regine Æthiopum*, qui venerat adorare in *Jerusalem*, & legebat *Jesaiam* Prophetam. Quæ omnino manifestum faciunt, quod *Judaica* religioni addictus fuerit: Probabile vero reddunt, cum dicatur fuisse *propositus Gazarum Regine*, quod etiam *ipsius* hujus nomine, aliquod donum templo obtulerit. *Æthiopem* vero, in dubio significatu *gentis*, fuisse, juxta cum vi nominis, docet etiam iter *Gazam* versus institutum; a qua longe divertere debuisset, si *Arabiam* felicem *niger Arabs*, petere necesse habuisset. Sicut revera *Arabia felix* urbi *Hierosolymæ* longe *Orientalior*, quam vere *meridionalis* existat.

§. 33. Secundo monstrat hoc & confirmat constans ipsorum *Abyssinorum traditio*, quod utique sua fuerit illa *Regina*; cujus reilatus adducta *historia* habetur in *Ludolphi Hist. Æthiop. lib. II. cap. 3.* Quod etiam hinc translatus apparet in *titulum* *Regum* hujus gentis, ut sese appellent *filios David & Salomonis*. Quem, quamvis in dubium adducat, & fictionis suspectum habeat *Ludolphus*, non abaudit tamen ab illa *traditione* cujus summam non in suspicionem vocat



cat. Imo videtur confirmari *sigillo* Regum horum, quod constituit *Leo crucem tenens*, cum inscriptione *Leonis de tribu Juda*: quod pariter utique quadrat ad hanc traditionem de ortu horum Regum, è tribu *Juda*, per *Salomonem*.

§. 34. Laborat autem *Excell. Ludolphus* hæc inter se conciliare, per nescio quam famam an firmam magis historiam, *migrationis Sabæorum Arabia in Abyssinam*. Tandem tamen iudicium suum suspendit.

§. 35. Sane vero *Judeos* non solum in hisce regnis fuisse, sed ita abundasse, ut multas & amplas regiones tenuerint, imo *suo jure* ibidem vixerint, fidem facit ipse *Ludolphus*. Qui quidem, quomodo tanto numero eo pervenerint, tantas regiones occupaverint,  *suis juribus* relictis sint, inter *Æthiopes* adhuc *Ethnicos* (nempe non ipsos quoque *Judaica* religioni addictos) nisi à concessione plane specialissimis respectibus innixa, id sane nemo facile conciliaverit; Tota difficultas, simul & semel, esset sublata, si veraci aliqua determinatione *Historia Æthiopica* docere potuisset, utrum *Judæi* ita copiosi apud *Abysinos* gente universa, an solum religione *Judæi*: imo vero potius *Israëlita*, an *Judæi* à tribu fuerint; Certe ille in *Evangelio Eunuchus*, gente *Æthiops* religione *Judæus* fuit, *Dynasta* regni, *Gazarum* præfectus: & narrant hodieque *Abyssini*, & *Reges* suos, & *Dynastas* Regni, *Judeos* fuisse; & ipsos hodiernos *Dynastas*, de antiquorum adhuc stirpe creari debere *Hist. Æth. l. all.*

§. 36. Quibus sane respectibus, non injusta mihi est suspicio (I) quod *Reginæ Sheba*, non *Arabie* fuerit, sed *Æthiopia*. Cui ex mea sententia, plane contra *Pinedam*, potius adstipulari videtur, asportatio *aromatum, gemmarum & auri* valde multi. Certe enim in *Arabia* nihilo magis quam in *Abysina* crescit horum omnium quidquam, præter aliquid *auri*: quicquid vero ad occidentem per *Arabes* quondam pervenit, *mercatoriis* artibus atque expeditionibus, in ipsam prius *Arabiam* collectum fuisse, quis hodie dubitat? Ast longe propiores meridionalibus aromatiferis locis sunt *Æthiopes*. Longe propiores intimioribus *adamantis*, atque *multi auri*, feracibus *Nigritarum* penetralibus. In terris certe *Arabia*, verorum *aromatum* nescio an plus querendum sit, quam *Eboris* in *Americana Peru*, e qua aliqui, obliti *Eboris*, aurum *Paruajim* *Salomoni* venisse arbitrantur. (II) Puto, credi posse *Æthiopibus*, quod initia religionis *Judaica* ad ipsos trans-



translata sint : (III) Adeoque arbitror , *Mahometem* suo tempore *Zabeorum* nomine hos potius *Sabeos*, quam *Idololatrias* vagos, & infami sensu *Magos* designasse.

§. 37. Dubiolis hisce, circa hanc materiam declaratis, placeat adhuc aliqua adjicere, circa nonnulla similia *historica*, ut apparent *sphalmata*. Ponunt vulgo scriptores insignem difficultatem , an *Carthaginenses* potuerint in *Americam* penetravisse? dubitationem triplicem præcipue formantes 1. Quod *parvis* illorum temporum *navibus* minime tam vastum iter conficere potuissent. 2. Quod usum *pyxidis nauticae* non habuissent: 3. Quod ad tam longinquum iter, sufficientem quantitatem *alimentorum*, navibus suis vehere non valuissent.

§. 38. Interim, sicuti *primum* , quod nempe ad ejusmodi profectionem per Oceanum, non *majusculis* quoque navigiis usi esse potuerint, res facti suppositi existit ; ita certe non destituti fuerunt navigiis ejus magnitudinis , quæ *speculatoria* moderna, vulgo *Zachten*/æmulata fuerint; qualia tamen hodieque, non solum *Americam* petere non dubitant, sed etiam e partibus *Europæ*, aliquot centenis milliaribus adhuc longius, quam fretum *Gaditanum* , distantibus. Sicut etiam memorabile illud exemplum , in *minimis* navigiis , e *Nova Zembla* in *Belgium* perpetratae navigationis , hanc dubitationem plurimum infringit. Cui jungenda est, navigiorum illorum antiquorum, in *remigio* posita insignis energia , cum & sine ventis, imo contra ventos, progrediendi.

§. 39. Secundum, de magnetis usu, quod attinet, tanta *Astronomie* peritia, quanta antiquis *navigantibus* familiaris fuisse legitur , tanto magis sufficere poterat, *Tropico*, imo *Æquatori* appropinquantibus, neque quod nostrates faciunt, *certas* hinc inde insulas, sed sine dubio ipsam terram *continentem* accessuris. Certe utræque hæc difficultates, non potuerunt impedire, quo minus *Hiram*, ante *Salomonem*, navigationes longinquas per peritos nautas institueret , unde semel in tribus annis aurum adferrent : profectione absque dubio admodum longinqua. Præter quæ omnia notissimum est, quod in *alto* Oceano longe minor metus sit periculorum nauticorum, quam locis *Freto* vicinioribus.

§. 40. Tertium quod concernit, *alimentorum penuriam* : incidit menti illa suspicio, quod hac difficultate non solum premi potue-



tuerint, sed revèra illa pressi atque graviter *oppressi fuerint*. Nata hæc mihi est suspicio, e consuetudine gentium Americanarum *humana carne vescendi*. Hæc cum in toto antiquo orbe non inveniat, ex nullo peculiari instituto sed ex *necessitate* tali, primum suum *ortum* traxisse, non vana conjectura nitor; *Continuatam* vero deinde tanto facilius fuisse suspicor, per illam, quæ plusculis historiis adstruitur, saporis humanæ carnis gratiam: de qua etiam asseverasse leguntur aliqui, abusum hunc ausi, quod si homines vulgo novissent saporis hujus carnis delicias, nunquam sibi ab illa temperaturi essent.

§. 41. Unde verisimile duco, tali *necessitate* deprehensos hosce navigantes, non solum esui hujus carnis adactos fuisse; sed etiam eo ipso, tum necessitatis tantæ memoria, tum facinoris conscientia, a reditu in patriam deterritos, ibi substituisse.

§. 42. Ejusdem census est, quod incolæ manifesto *nigerrimo* colore differentes, a reliquis dilutioribus ibidem reperti, in dubium vocentur, an a Nigritis *Africanis* in Americam pervenerint? De hoc dubio allegat *Dapper*, quod adhuc aliqua memoria constare dicatur, quod aliquæ rates *Nigrorum* in *Americam* abreptæ sint. Quonempe inferre vult, originem *Americanorum* illorum *Nigrorum*, non ab his deduci posse: quia hi adhuc a memoria aliqua ad posteros porrecta, neque forte valde remota, eo delati, tantam progeniem nullo modo gignere potuerint.

§. 43. Sed revera videtur ipso argumento argumenti oblivisci. Si enim vel proximo quocunque tempore, tempestate in *Americam* trajici potuerunt *Æthiopes*; Cur non etiam aliqua antiquissima ætate, idem contigisse potest.

§. 44. De reliquo tanto minus ambigo, quod hodierna *America* fuerit amœna illa regio, ad quam Carthaginenses, occidentem versus, plurium dierum itinere, trans mare profecti sint, de qua imprimis *Diodorus Siculus* mentionem facit Lib. V. Quamvis enim *πολυμαθές* *Rudbeckius*, ingenio æque atque studio admirando, uti *Atlanticam*, ita hanc etiam *Diodori* regionem, sive ut vocat insulam *Sueonia* vindicare connitatur; certe tamen plus propemodum in hac una *Diodori*, sive insula, sive quacunque tandem maritima regione, difficultatis invenit, dum *amœnitates* ejus, cum Hyperborearum terrarum conditionibus, conciliare sibi proponit.



§. 45. Profecto valde serium esse oportuerit, qui à subridendo sibi temperare possit; si audiat quod *amœnissimorum fructuum* ἐκ τῶν ὠρεαίων δρύων, illecebras, intelligi debere putet, de *pomis sylvestribus*, & *glandibus quernis* atque *faginis*: asserens, quod veteres hæc fercula magni fecerint. Quod sane an cuiquam, quantumcunque etiam tandem credulo, persuaserit, merito dubito; Imprimis si monitus sit, quod Carthaginenses, *Phoenicia, Tyria*, originis *luxus intemperantiae, mollietiei* amantissimi, in *Africa, Hispania, Sicilia, Italia, gratissimorum fructuum* abundantia affluentes, *glandes* per tot pericula marium, è terris ad plus quam *quingenta milliaria* Germanica distantibus, accersere, animum certe vix fuerint inducturi.

§. 46. Accedit, quod Carthaginenses post hac navigationem hanc *duabus* de causis plane *prohibuisse* dicantur. Primo quidem, ne *derelicta Africa*, propter præstantiam illius regionis sive insulæ plurimi è Carthagine in illam transmigrare suscipiant: secundo, ut ad casus fortunæ *universæ Carthagini* in deterius forte cedentes, *receptus* in illam regionem pateret.

§. 47. Certe, an Sueonia tanta ὑπερβολῇ τῆς εὐδαιμονίας, ὥς εἰδοκῆν ταύτην ὡσεὶ Θεῶν τινῶν ἐκ ἀνθρώπων ὑπάρχειν ἐμβιωτήριον, i. e. tanta felicitatis abundantia, ut Deorum potius, quam hominum ibi *degentium locus* existat, an inquam, Sueonia tali rerum statu prædita sit, aut *meridionalibus* talis videri possit, uti merito dubium videri potest: ita cum operose probet, quod Sueonia populis ita abundaverit, ut illi propterea alias regiones invadere atque coloniis occupare, necesse habuerint: viderentur pessime sibi consulturi fuisse Carthaginenses, si talem locum *refugio totius sue gentis* conservare animo destinassent, qui indigenarum suorum abundantiam non caperet.

§. 48. Profecto videtur hîc etiam eximie valere illud Poëtæ:

*Nescio qua natale solum dulcedine cunctos*

*Ducit, ita, ut memores non sinat esse sui.*

Quis enim dubitaverit, quod *migrations* quæcunque è *Borealibus* terris, in citeriores regiones, longe magis debeantur *bonitati* harum ad meridiem magis vergentium, quam *angustia* Borealium:



Nisi quod utique diffusissimæ sylvestres eremi, ita quidem uti sunt, bestiis potius, quam hominibus domicilium præberent. Homini- bus vero cum ratione convenire videretur, loca potius & cultiora, & humaniora, itineribus quærere, quam ultimis laboribus, besti- is atque sylvis, terram eripere, cujus vix tantus sit usus, ut paucis hinc inde hominibus *panem* proferre possit. Certe enim nemo prudens alteri, nisi imprudentissimo, serio persuadere suscepit, quod *illa terra locum hominibus præbere non possint, sed quod victum præ- bere non possint.*

§. 49. *Carthaginenses* certe ex Africa sua maritima, sive fri- vola desertione, sive hostium aliqua formidine, ad *Hyperboreos* mi- grare voluisse, ego crediderim *phrasin* esse ita *Poeticam*, ut coinci- dat cum alia ex eadem officina, quasi nempe dicantur ad *Acheron- iem*, (aut *Elysios campos*) (nam utrumque Sueoniæ vindicat ingenio- sus author) refugium suum cepisse: nempe sine tropo, *morti* potius sese mancipare voluisse.

§. 50. Enim vero non nisi *Romanos*, Augusti tempore, omni- um mortalium *effæminatissimos* fuisse arbitremur, è quibus *Ovidius* exilium in *Ponto* vel morte redimendum censuit: Quid videri po- terit de *Carthaginensibus*, si regiones *Hyperboreas* in vitæ atque fortu- narum *solatium* quærere debuissent? sed nimius in his esse tandem reminiscor.

§. 51. Placet has observatiunculas joculari horum generum exemplo concludere, videlicet *ὀδνύια* anxietatis criseos, quæ occur- rit apud *Gerhardum Johannem Vossium*, de vitiis latini sermonis cap. 20. Ubi è legibus Bajuvaricis, tangit vocabulum *Wilz*. Explicat de equo, qualem velint homines *mediocris fortuna*: quia verba legis habeant *mediocris* equus quem *Wilz* vocant. Putat itaque *Wilz* esse à Germano *Willen*/ sive ut latine loquitur *a velle*. Sed certe defectus est notitiæ linguæ Germanicæ in genere, ex hujus Bajuvarici *accentus* in specie. Vox germanica est, nulla eviden- tia derivativa, ein *Füllen*: Bavaris à *Fühle*: quemadmodum Sa- xonibus ein *Föhlen*. Unde *voluntate mediocrium* hominum,

ex omni superflua Etymologia, certe nihil opus est.

**OBSERVATIONUM  
CHYMICO - PHYSICO-  
MEDICARUM CURIO-  
SARUM,  
*MENSIBUS SINGULIS***

Bono cum DEO  
CONTINUANDARUM,  
Mensis, Nativitate PRINCIPIS Potentissimi,  
& Inauguratione ACADEMIÆ  
solennis,

**JULIUS,**

*ANNI MDCXCVII.*

fistens

**EXPERIMENTUM NO-  
VUM VERUM SUL-  
PHUR ARTE  
PRODUCENDI.**

ILLUSTRATUM



DEMONSTRATUM.



OFFICE OF THE

CHIEF OF BUREAU

OF THE

NAVY

WASHINGTON, D.C.

1898

1898

1898

1898

1898

1898

1898

1898

1898

1898

PROOEMIUM.

Πολλοῖς ἀντιλέγειν μὲν ἔθ' περὶ παντὸς ὁμοίως

ορθῶς δ' ἀντιλέγειν οὐκ ἔτι τῷ τοῦ ἐθ'.

**V**etus *Eueni Parii* querela, ap. *Athenaum Deipnosoph.* L. IX. *Multis*, ait, *mos est*, de omnibus rebus equaliter contradicere: Recte vero contradicere, nondum in more est. Optandum sane, ut hæc in levitate Græcorum solum fuisset perversitas, sed transiit inde per universum fere mundum, stimulante & prædominante affectu, qui sibi nimium, favet. Hic extundit præcipitem contradictionem. quæ, quo minus recta, ordinata, congrua, sit, partim ipsa festinatio efficit, partim vero, & rerum, & Methodi, ignorantia: Ex quibus rebus undique, nihil nisi tumultuaria, & quæ tranquillioribus mentis intervallis, fastidio nobismet ipsis sit, erumpit disceptatio. Unde vere Laberius: *Ad pœnitendum properat, qui cito judicat.*

Quemadmodum vero inconsiderata *Contradictio*, inurbanum quiddam & morosum est, quæ alterius vel prudentiam infimulet, vel fidem & veracitatem; Ita contra solers, & modesta, *Dubitatio*, non raro & locum invenit, ubi res ipsa maturius in publicum prolata est, quam penitus peruestigata, & opinionibus forte magis, quam provido examine perlustrata: Et invenit usum etiam, dum illustrationi ulteriori, & confirmationi, rei de qua dubitatur, occasionem præbet.



Interim, cum dubitationis fundamentum utique sit *Ignorantia*, *Modestia* fane decet illum, qui dubitat, & paratus ad perspiciendam veritatem animus: In his rebus si impingat, non potest evadere censuram *Thucydidis*: Ἀμάδεια μὲν θεάσας λογισμὸς δὲ ὄκνον φέρει.

Placuit hæc præmittere, ut quilibet meminerit, quomodo dubitare de alterius assertis, salva prudentia & honestate, integrum sit; Occasionem dedit *Experimentum*, in *Treatatu de Fermentationis Fundamentis*, p. 142. seqq. à me propositum, nempe: VERUM SULPHUR, ARTE, & quidem promptissima & simplicissima Enchirisi, PRODUCENDI.

Vix in lucem prodierat, cum non uno, sed variis accessibus concuteretur. Rustica & ridicula dubitatio videbitur, diu dubitare: *an succedat?* cum rem ita facillimam in examen citius vocare liceat, quam in quæstionem: Quæstioni tamen fuit.

Alibi dubitatum est: *An mei hoc unius inventum dicere homo jure possim?* Nec dixeram; Et tamen si dicere voluissem, potueram: Nam profecto solus mihi observaveram, nemine, ne per somnium, præmonstrante: Imo non modo solus, sine alio: Sed quantum adhuc sciam, primus, ante alios.

Ultimo dubitatum est: *An, quod ita exit, verum sit sulphur, & non potius analogum tantum quiddam?*

Non ignobile videtur hoc dubium primo intuitu; nec est, si ut purum Problema mox excutiatur. At si mora currumpatur, neque tam facillimo examine experientiae discutiatur, quam sterili illo: NON CREDO, VIX CREDO, suffulciatur, degenerat.

Et tanto magis quidem fataliter, quia non modo Experien-

perientia a posteriori omne dubium solvit; Sed etiam jam à priori, manu & rudi sensu ad responsionem ducit. Ita enim: *An in Sulphure ita nato, sit Acidum?* Quæ quæstio? Quod manu Tua addideris: Ex Alcalici Salis firmissimo consortio, sub hac nova genesi, amiseris: Exusta vero denuo, solo igne & aëre, Phlogista substantia, eodem momento iterum, in antiquo illo consortio, præsens habeas. &c.

Quia tamen eorum aliqui, qui dubitarunt, & quorum late diffusam esse societatem, certus sum, propter exercitatæ rationis defectum, magis forte nudis & simplicibus Experimentis, quam curatioribus demonstrationibus, ab omni scrupulo liberabuntur, propterea luculenta & brevissima Experientia ipsis satisfacere suscepi, asserendo: Quod idem hoc Experimentum, etiam eadem facilitate, per quodlibet tenuissimum, & æthereum, ut vocant, oleum, peragi possit, v. g. *oleum therebintb. Anisi, Juniperi*, & quæcunque alia, cujuscunque sint generis: Per ipsam quoque *Camphoram*, & omnes pinguedines animalium, tam simplices, quam in olea, per destillationem resolutas.

Simul tamen ulteriore Experimenti explicatione & applicatione, scientifice quoque deducere hanc demonstrationem necessarium duxi, ut ita in sensus utique ingeratur, quavis methodo.

I. Quod Sulphur hoc non præextiterit in Carbonibus, ut saltem educatur: Sed producat.

II. Et quidem per combinationem diversarum rerum, in diversis assumtis seorsim, in neutro vero simul, latentium.

III. Nominatim, Acidi, quod in Sale adhibito hæret:



ret: Et Phlogistã, quod in carbone, aut oleis istis subtilibus, residet.

IV. Et quod Sulphur in hanc mixtionem combinatum, sit verum, genuinum, specie idem cum fossili minerali, à priori & posteriori, ingredientibus, effectibus, & eventibus.

Prosequar itaque necessaria evidentiore deductione ipsum propositum Experimentum, & per omnes ac singulos apices ostendam, quod mei moris non sit, vel verbo profari, quæ re ipsa non ita se habeant.

## CAPUT PRIMUM.

### BONA FIDES OBSERVATIONIS.

**E**ximiam intimam Commixtionem (elastica, volatilis, tenuis, oleoso-pinguis substantiæ) cum acidis, Experimento parum adhuc noto, & ubi notum est, parum & minime intellecto; perperare didici, propria certe observatione & experientia, quod statim ipso Problemate, plerisque incredibili, evincam. Ita sonant verba pag. 142. Traët. nostri proposita.

*Eximiam, intimam, Commixtionem*, appello, ad differentiam Compositionis, minus intime, minus firmiter & constanter, cohærentis.

Rectissime enim utique *Beccherus*, incomparabilis in *Physico-Chymicis Experimentis* Philosophus, omnem coagmentationem, sub tribus summis generibus complectitur, *Aggregatione, Compositione, & Mixtione*,

Primo *Aggregationem* ponit, à posteriori nimirum, à *Chymico-Physica* Experimentali *Analysi*, initium faciens; Quandoquidem omnia corpora naturalia, *Chymico* Experimentatori primo offerantur in *frustis*, seu *Aggregatis*.

Horum, siue *Homogenea* sint, id est, è numerosis corpusculis ejusdem speciei confarcinata;

Sive *Heterogenea*, è *numerofis corpusculis diverfarum Specierum* constantia:

Horum, inquam, *Disgregatio*, primo fere loco Chymico offertur. In ejusmodi *congregationem*, definit fere *ultimus* Chymici labor.

Quod optime notat *Excell. Wedelius*, *Pharmacia Acroamatica* Cap. I. p. 8. Inquiens: *Separatio*, est *divifiva à priori*, & *collectiva à posteriori*. Et, apparentem contradictionem esse, ait. Si videlicet non recte capiatur distinctio, quam facit, & intelligit de *prioritate temporis*. Ita enim utique *Diacrifis* seu *separatio*, in Pharmaceutico-Chymicis Operationibus, vix in uno loco vasis facta est, cum mox in altero proximo, fit *collectio*; ut quod uno loco dissolutum, *separatum* (ex *aggregatione heterogenea*, aut *compositione*) fuit, mox iterum *colligatur*, si non in *Compositum*, tamen in aggregatum novum.

V. g. Quando *flores sulphuris* parantur, subtilissimo motu *caloris*, & *aeris* in vase residui, *commoventur* particulæ minimæ, ex imposito crassiore aggregato seu mole sulphuris, & vaporis pulverulenti forma *dissipata*, *colliguntur* denuo appositis aludel, aut Recipiente, prout operationem instituere Chymico placet.

Quando *Spiritus*, aut volatile *oleum*, ab aquosis, aut spissioribus heterogeneis, partibus, *caloris* motu *separatur*, vaporis invisibiliter tenuis forma; Condensatur seu *colligitur* hic denuo, in vase recipiente frigidior, in guttas.

Secundo loco, collocat *compositionem*, quæ longe jamtum *subtilior* est.

Cum enim *Aggregati* dissolutio, acquiescat in corpusculorum *singularium* dimotione: *Compositionis* diacrifis, requirit longe *tenuiorem* separationem, qua etiam horum *singulorum* compositorum corpusculorum, partes *constitutiva* dimoveantur. Unde cum *aggregationis* dissolutio, tantum afficiat particulas tales compositas extremo quodam motu, & societatem plurium accidentalem respiciat: Aggreditur *Compositionis* dissolutio, earundem intimam *essentialem* connexionem, ut non modo una talis particula ab aliis, se moveatur, sed plane ipsa *intima* connexio *singulorum* differentium



illorum corpusculorum, è quibus *singula* tales molculæ constant, dirimatur. Adeoque non accidentalis tantum, sed *Essentialis* penitus, *Dissolutio* subsequatur, ut non modo inter sese *coherere* desinant, sed plane *esse* definant, quod paulo ante fuerant.

V. g. quando *Cinnabarim* super porphyritem lævigamus, seu præparamus, ut vocant, id est, in exilissimas particulas divellimus; quod tanto tenuius fit, si quoddam aliud corpus, quod has longissime distineat, intermisceatur: Ibi tamen singula ita dimota, & aliis terrestribus pulvillis interspersa, corpuscula cinabarina, sunt adhuc *vera cinabaris*, i. e. *quodlibet* ejusmodi exilissimum corpusculum, constat adhuc è *duabus* particulis seu corpusculis adhuc minoribus, firmiter unitis, nempe è corpusculo sulphureo, & corpusculo mercuriali, intime cohærentibus.

Si vero eandem *cinabarim*, cum limatura ferri, aut pulvere reguli Antimonii remixtam, ex retorta pello, divelluntur hæc antea *connexa* duo, diversorum generum corpuscula, ut Mercurius quidem subtilissimi vaporis forma prodiens, in collo retortæ in guttas colligatur: sulphur autem, additæ metallicæ substantiæ sese infinet, eamque per minima penetrans, in aliud novum *compositum* cum eadem abeat.

Tertio loco, constituit *Mixta*. Ex horum *numero pluribus*, *diversi generis*, nascuntur *composita*.

Interim tamen ipsa quoque *mixta*, constant è numero *pluribus diversi generis* corpusculis; sed eo ipso utique longe *tenuioribus*, quam sunt ipsa inde nata *mixta*, utpote quæ ex horum *demum pluribus*, in *unum* cohærentibus, formantur.

Ita enim v. g. sulphur est corpus tale *mixtum*, quod constat è *Sale acido universali*, & *principio* pinguedinum, seu *Phlogisto*; uti vulgo agnoscitur, præsentī vero discursu demonstrabitur; *Regulina* substantia antimonii, est substantia subtilissime terrea, vitrescens, in *metallicam mixtionem*, proclivis, cujus etiam faciem induit, assumpto eodem hoc *Phlogisto* principio.

Quando duo hæc *mixta*, invicem conjunguntur, nascitur inde *compositum*, quod antimonium vulgo vocamus.

At exactissime loquendo, nec ipsum quidem *Sal acidum* quod  
in

in sulphure est, seorsim definit esse *mixtum*, licet *Phlogiston* principium, cum quo sulphur evadit, consortium ejus deferat; Nec vero *sulphur* propterea pro *composito* habendum, quia portione ejus constitutiva segregata, altera adhuc *mixta* manet: Sed quia hæc ipsa ita segregabilis portio, quantum quidem assequi licet, primigenia est, & *simplex principium*, proinde id quod ex puris *primordialibus* & *elementaribus principiis* conflatum est, pro *mixto* utique adhuc habendum. Quicquid vero ex *duobus* aut *pluribus* partibus constituentibus constat, quæ satis tenaci cohæsione, unam moleculam *durabilem* constituunt, separatae vero ab invicem quælibet seorsim adhuc, aliæ *mixtorum* species existunt illud ad *compositorum* utique censum pertinet.

Has differentias si attendamus, occurret protinus ratio diversitatis, cur alia corpora præ aliis facilius dissolvantur, & *principia* seu partes ipsorum *constituentes*, prompte seorsim colligi, aut in alias novas concrectiones *transponi*, possint: Aliorum vero *intima* & *firmissima* sit copula, ut diversa illa *principia*, è quibus constant, *separare*, & *revera demonstrare*, aut e talibus *principiis* eadem miscere & *producere*, difficillimum subinde, & plurimis ignotum sit.

*Compositionis* videlicet nexum, facillime solvimus, & partes, quæ *compositum* constituebant, variis modis atque viis, separamus. Cum enim hæ ipsæ partes, adhuc satis *crassum* quiddam, & *crassis* organis tractabile, sint, parum est difficultatis. In *mixtorum* vero, quæ e *tenuissimis* constitutivis partibus constant, compagem penetrare, ut *organorum subtilissimorum* applicationem, *scitam* prorsus atque *providam*, requirit, ita minus vulgata & in proclivi existit.

Examinando enim totam *hodiernam Chymiam*, statim occurret, quod plurimus labor, sit circa *aggregationum* & *compositionum* alterationes, de *mixtione* vero, longe parcius & sermo, & experimentorum farrago, suppetat.

Imo, ubi experimenta, ipsam *mixtionis* compagem, vel *dissolventia*, vel *coagmentantia*, hinc inde occurrunt, rarissime pro eo, quod sunt, agnoscuntur, sed non raro ipse labor, ut superficiarium quoddam præparationis genus, negligitur. Sed de his postea.



In verbis itaque a me usurpatis, eximia & intima Commixtio, denotat hanc Speciem *Mixtionis*, quam ita pure construere, vel ignotum hactenus, vel non nisi difficillimo Experimento obtinendum fuit. Imo dissolvere etiam, pure & sine insigni partium alteratione, aut novi Mixti e pristino formatione, satis insolitum, ut infra confirmabimus.

Deinde *Commixtionem* cum *acidis*, indigito. Ubi scala *energiae*, violentiae, vel utcunque loqui placet, *acidorum*, ea est, ut *fortissimum*, sit *vitriolicum* seu sulphureum; *Proximum Nitrosum*: *Ultimum*, *salis* communis.

Ita enim si *Spiritum Salis*, cum *Sale Tartari* regeneramus, ut vocant, in *Sal Crystallinum*; Hinc vero Sali *Spiritum bonum Nitri* affundimus, & destillamus, prodit inde non *Nitri*, sed *Salis Spiritus*: Remanet vero *Nitri Spiritus* apud *alcali*, & in *Nitrum* regeneratus, solutione & Crystallificatione oculis sese pulchre sistit.

Si vero huic etiam *Nitro Spiritum bonum*, aut *Oleum*, *Vitrioli* aut *Sulphuris*, admisceo, & denuo destillo, transit, non *Vitrioli*, sed *Nitri Spiritus*: Remanente in Retorta *Sale*, ex *acido Vitrioli*, & *alcali* illo *Nitri*, *medio*, *Tartari Vitriolati*, *arcani duplicati*, aut *Nitri Sulphurati*, nominibus alias veniente.

*Vitriolicum* hoc *acidum*, hæret jam satis arcte & intime apud *alcali* illud, neque ulla arte sese inde excuti patitur. Quod enim de *destillatione* ejusdem cum bolo tradunt, ut omni *Experientiae* contrariatur, ita ratio ejus rei, & quamobrem succedere neque possit, manifesta utique, & notoria, est.

Mereretur sane hoc ipsum *concrementum salinum*, præ ullo alio ejus generis *composito*, *mixti* nomen, cum ingenue fatear, alium modum illud in sua principia *resolvendi* mihi non notum esse, bene vero, per decompositionem, in aliam speciem illud transferendi: Sed cum per nostrum experimentum adeo prompte rursus ad pristinum genium redeant partes ejus constituentes, præterea etiam, & quod palmarium, tum *acidum vitriolicum*, tum *alcali*, seorsim sint *mixta* corpora, propterea accensendum potius Compositorum Classi, arbitramur.

MIXTIONEM itaque fieri dico, cum ACIDIS. Quam facile *pinguia* coëant cum *acidis*, in genere loquendo, patet ab experimentis variis, in ipsa quoque *Tractatus nostri* evolutione aliquoties notatis, v. g. *Spiritus Nitri*, cum *Oleo Terebinthinae*, *Spir.* aut *olei vitrioli*, cum eodem ; *Spiritus* etiam *Vini*, coalitu, cum *Vitrioli*, *Nitri*, & *Salis*, *Spiritu* acido.

*Intimius* vero quod quidem ita manifestum fit, cum nullo coëunt, quam cum *vitriolico acido*, in *nostra* commixtione, & *Nitri* generati ; Quemadmodum cum *communis Salis* acido, in *volatilium urinosorum* generatione.

Ubi in genere, & obiter, noto, quod quando ego de *Salibus*, eorumque *Generatione* loquor, minime intelligam *Cramata* illa crassa, quæ *plebeja* appellatione *Salia* audiunt, *Vitriolum*, *Nitrum*, *Alumen*, *Sal gemma*, & *commune* ; Eodem enim jure, omnes solutiones inspissatæ, *Salia* nominari deberent. Sed semper intelligo illud, propter quod hæc ipsa magmata, abusive, *Salis* nomen recipiunt, portionem nempe illorum, primo & promptissime aquis, terrisque sociabilem, quæ a terreis his additis, in *compositum* tantum salinum abit.

Quando itaque *Generationem Salium* ego loquor, non plebejo illo, sed *Philosophico-Chymico* sensu, ipsa *Salia* acida pura intelligo, eorumque mutuam tum differentiam, tum dependentiam.

Ita etiam intellecta velim verba, quæ pag. 145. *Tractatus* mei, de *Conversione Salium* loquuntur : Ubi non intelligo triviales illas, & *Pharmacopæorum* famulis non ignorandas, *Crystallisationem*, *Destillationem*, *Regenerationem*, *Transformationem* per novas superficiarias *Compositiones*, quibus *Vitriolum Martis*, *Veneris*, *Zincki*, (& in fundo idem, ita dicta) *Salia Metallorum Monte-Synderiana*, *Alumen* item ; *Nitrum vulgi* *crystallinum*, *Sal culinare*, aut regenerata hæc e *Spiritibus* & *alcalico Sale*, *Nitrum quadrangulare*, *Sal mirabile Glauberi*, *Arcanum duplicatum*, *Tartarus vitriolatus*, *Nitrum vitriolatum* & *Sulphuratum*, *Nitrum Antimoniatum*, *Sal Armoniacum*, & similia, coquuntur ; Nequaquam.



Sed loquor l. all. de *Vitriolici* aut *Sulphurei* Spiritus seu *acidi*, *Nitrosi*, *Communis* seu *Culinaris*, *mutua* conversione, quæ planè alia res est, ad quam ut quilibet ita præceps irrumpat, vix fiet, nam & sepes illic sunt, & sentes. Sed hæc in transitu.

ACIDUM itaque, cujus hîc fit mentio, est VITRIOLICUM illud, quod nempe jam olim quoque, in *Sulphuris Mixto* hæsit, sequestrata vero portione *inflammabili*, cum *Metallicis* Corpusculis reses substitit, & ita *Vitriolum* formavit.

*Acidum* hoc, cum sit omnium *crassissimum*, in hac quidem nuda sua consistentia, ad *Mixtiones* promptissime & præcipitanter subeundas, minus est habile: Cum *Nitrosum*, & *Salis communis*, *acidum*, utpote jam subtili *mixtione specifica*, in has species conversa, etiam inde ad ultiores *faciles* mixtiones minus apta sint: Interim, si *crassiori* huic *Acido vitriolico*, vel *subtilitate Motus*, vel *diuturnitate* & continuatione coagitationis, subtilis materia *proportionata* impingitur, subit hoc modo facile *Mixtionem*, quam alias, & ex sua natura, non nisi difficillime ingrederetur.

Huic itaque *Acido*, connubium *tenuis*, *elastica*, *flammabilis*, pinguis, substantiæ apparamus.

Ubi denuo necesse habeo monere, quod quidem in variis Schematibus, *pingvia*, cum hoc aliisque *acidis*, magis vel minus *prompte*, & magis vel minus *arcte*, coëant; Et quidem vel sub ipso *Oleoso*, valde *fluido*, Schemate: Quæ etiam consideratio, in *Fermentationis* Historia, maxime locum habet.

Interim, cum *tenuissima* & limpidissima *pingvedo*, purissima *olea*, *Mixtum* sint, ex *Aqua* & *phlogisto* illo principio, quod adeo non nisi partem aliquam ipsorum, licet *Specificam* utique & per quam sunt, quod sunt, constituit: Attendi meretur hoc maxime *phlogiston* principium quod in se quidem, *purum*, nec *fluidæ*, nec *solidæ*, *aggregationi*, sed potius subtilissimæ *expansioni* in aërem, maxime habile est, si tamen *Mixtioni* subeundæ adhibeatur, cum *solidescentibus* quidem rebus promptius, cum *aqua* vero, haud paulo difficilior, coalescit.

Et sub hac *siccescente solidescente* dispositione, ingreditur etiam *Mixtionem* nostram, in *Sulphur*. Unde frustraneus est illorum

La-

Labor, qui *formalem pinguedinem* in Sulphure supponentes, *Olea* ex eodem, aliis aqueis *supernatantia*, sperant: Quale quoddam, si sine additione actuali talium, inde prodixerint novum id sane, & ad plura curiosissima, circa *Oleorum* genesis, idoneum, fuerit. Experimentum, de quo ego hac vice prolixius esse, non gestio.

Sub eadem hac consistentia, ingreditur *Reguli Antimonii, Stanni, Ferri, quin Plumbi & Cupri, Mixtiones*, ut è variis Experimentis Dissolutoriis & Combinatoriis, innotescit, & inferius forte brevibus attingetur.

EXPERIMENTUM hinc interpono, quo *Commixtionem* hanc *intimior*em, celebrare me posse polliceor: Voco *parum adhuc notum*, & ubi notum est, *parum & minime intellectum*: Dico, quod propria observatione & Experientia hoc didicerim.

Modeste me locutum spero, qui non negare sustineam, plane non notum esse, licet bona conscientia dicere possim, neminem me novisse, qui id pariter sciverit.

Et cum, qui me meosque mores cognoverunt, satis intelligant, quam parum tribuam inanibus ostentatiunculis, de *Invention*e hujus vel illius Curiositatis, præcipue inutilis ut plurimum, & supervacaneæ; Tanto minus cuiquam hîc me moturum litem, facile persuasi erunt.

Solertes interim, & nulla stoliditate occæcati, Chymici Studii Cultores, sciunt affatim, quam pauca occurrant *intimiorum Mixtionum* Specimina, & quam male ea, quæ forte occurrunt, vulgo explicentur.

Quod quidem, nostro quoque Experimento, in *Glauberiani Salis mirabilis* effectu, obtigit.

Sulphur, colore, odore, acore, communi geminum, producebat hoc Sal è Carbonibus Vegetabilium & Animalium; Non credebatur hoc *productum*, sed *eductum*: Quid ita? sane quia neque *Salis mirabilis*, neque *Sulphuris, Mixtio* pensitabatur.

Quis vero illi ætatis Chymicæ infantiae hoc vitio vertat: Hodie alia erit facies, ubi periti Chymici, has res vel inter jocos numerent, scivisse. Velim sane, sed Experientia reclamat.

*Parum*



*Parum certe intellectum esse, si uspiam innotuit, hoc Experimentum, persuadeor, maxime inde, quod hodieque, ubi ego illud in publicum produco, non dubitatio, & circumspecta pervestigatio sequatur, sed præceptus & inconsiderata negatio, quod materia, quæ hac operatione producitur, Sulphur appellari mereatur; Tantum abest, ut intelligatur, unde & quomodo, in Sulphur coalescat.*

*Propria vero Observatione & Experientia, certo certius id didici: Cum non modo nemo mihi notus sit, qui hoc Experimentum ex acido Vitriolico, & Carbonibus, in Crucibulo, Sulphur producendi, scriptis tetigerit: Sed etiam, si quis vel discursu, nedum manuali ostensione, hujus rei uspiam mihi Autor fuisse credi velit, ut nomen sum edat, ipsemet obnixerogito.*

## CAPUT SECUNDUM.

### EXPERIMENTUM IPSUM.

**S***I mihi exhibeatur I. Acidum Vitrioli aut Sulphuris, nempe acidus Spiritus, vel Oleum sic dictum, horum mineralium II. Aliquid Nitri, aut Salis Tartari, vel tantum Cinerum clavellatorum, Nitri fixi, &c. Præter hæc nihil, nisi Ignis & Crucibilum; Quadrantis hore spatium exhibeo Hepar Sulphuris, seu Alkali prægnans Sulphure. Quod inde solutione in Aqua, & precipitatione per acida, separatim, colligatum, est idem illud Specie Sulphur, quod è mineris colligitur.*

*Idem eodem modo & promptitudine, facio, ex Tartaro Vitriolato, Arcano duplicato, Nitro Antimoniato.*

*Totum artificium, consistit in combinatione illius Φλογιστῆ quod flammam format, cum hisce acidis &c. &c.*

\* \*

*Est vero totum hoc Experimentum nihil aliud, nisi fusio cum Carbonibus injectis. &c. Cum vero Sal alcalicum, acido Sulphureo-Vitriolico saturatum per se non fundatur, propterea addendum, prima vice, aliquid, quod fluxum ejus promoveat. Inservit huic usui commodè pauxillum alcali recentis, cum cujus vel drachma una, multæ libræ reduci possunt. Sunt ulteriora verba p. 143.*

*Agnovi ego ipse, p. 145. quod in descriptione hujus Experimenti*



menti prolixius fuerim; sed ut video & experior, erravi. Non putavisssem certe, ullum superesse posse dubium, quod non funditus sublatum esset, tot in subsidium allatis circumstantiis: sed deceptus sum. Prolixior itaque denuo ero, ut eripiam perpetuam de scriptis meis querimoniam, quod *obscura* sint; quæ tamen obscuritas aliunde nuspian est, nisi quod *realium circumstantiarum*, & consequentiarum seu *connexionum*, presse congesta multitudine, obruntur albæ mentes, rasæ tabulæ similes; Ut vel hîc quoque, verum sit illud Poëtæ: *Brevis esse laboro, Obscurus fio.*

*Thema* nimirum, cujus gratia Experimentum nostrum allegavi, est: *Pingvia coalescere, & facile, & intime, cum Acidis.*

Ubi, licet ego ipse, substantiam illam, quæ in nostro Experimento cum *Acido* coit, pro actuali seu *formali pingvi*, non habeam, ut paulo ante tetigi; satis tamen certus sum, haberi id ipsum adeo solenniter pro *actuali pingvedine*, ut mihi potius nova hinc dica metuenda sit, quam tamen nunc quidem non contestari placet li-  
teni.

Interim nequaquam eo animo hoc dico, quasi in *vulgi* acceptione, excusatio mihi quærenda sit; Sed monui ego quoque, non modo *pingvedines* aperte tales, coalescere cum *acidis*, sed etiam tanto *intimius*, quo magis *subtiles*, *volatiles*, *elastica* sint: Imo, quod omnes, etiam vulgo & vere *pingves* substantiæ, cum *Acidis* intimius coalescunt, fit maxime ex latere *φλογιστῆ* hujus substantiæ, quæ ipsis dat esse, per quam sunt quod sunt, *Mixtum* nempe ex aqua, & hac *elastico-Phlogista* Substantia.

Cum itaque in *Carbonibus* sit illa substantia *Phlogistos*, à *pinguedinosa Mixtione*, nempe *aquositate*, libera, tanto promptius coalescit in *siccam solidam Mixtionem*, cum *acido*.

Accipio itaque *Acidum*; Et quidem *Vitrioli*, aut *Sulphuris*. Non *Nitri*, aut *Salis communis*, quia hæc duo *Salia Mixtione* nova & tenuissima (è *Sulphuris* seu *Vitriolico acido* & alia *Specifica Substantia*.) *Specificata* adeoque ad hanc *simpliciore* Mixtionem subeundam, eo ipso, quod jam aliter *Mixta* sunt, inepta existunt.

*Vitrioli* vero *Acidum*, ut proprie ex ipso *Sulphure* vulgari minerali proficiscitur: Ita Commodius utique habetur, five pro no-



stro Experimento, alia via, brevior & commodior, è Vitriolo seque-  
stratur.

Sive itaque *Spiritus* aut *Oleum Vitrioli*, aut *Sulphuris*, assumatur; Sive ipsum *Vitriolum* aut *Sulphur*, ita adhibeantur, ut *Acidum* ipsorum, è reliqua *Mixtione* & *Compositione* liberatum, ad negotium nostrum applicabile fiat: sufficit nobis ad Experimentum ipsum recte perficiendum.

Postulavi porro, aliquid *Nitri*, aut *Salis Tartari*, aut *Cinerum Clavellatorum*. Eo tantum fine, ut *Acidum* hoc ipsum, in Corpus aliquanto fixius implicarem, adeoque ad subtilissimum *Motum Ignis* aliquandiu sustinendum disponerem.

Cum enim *Ignis* & subtilissime & velocissime moveat; præterea alterum illud *Mixtionis*, quam intendimus, *Principium*, unice ab ipso *Ignis* recte moveri & impelli queat: Fit ita, ut non modo *Mixtionis*, qua talis, subtilis *Motor* & impulsor, fiat *Ignis*: sed & tanto magis proportionatus & veluti proprius, cum maximam potestatem in alteram partem horum *Miscendorum*, ipse unus habeat.

Nihil ulterius expresse poposci, *Carbones* nempe, sub *Ignis*, per jocum diffimulans, & supponens, quod ubi *Ignis fusorius* sit, *Carbones* non defuturi sint.

His datis, paucissimo tempore exhibiturum me spondeo, *Alcali* prægnans *Sulphure*, quod idem *Specie* sit, quale è mineris colligitur.

Nimirum *Acidum* illud *Vitriolicum* & Φλογισός substantia e *Carbonibus*, sunt illud, quod proprie *Sulphur* nostrum constituit atque efformat: *Nitrum* vero, aut *Alcali* quodcunque, tantum pro *admiculo* extraneo adjeci, ad operationem faciliorem destinato. Ut nempe *Acidum*, per hæc *alcalica*, tantum velut incorporetur, cum volatilius alioquin sit, & citius evolet, quam *Ignis Mixtionem* ejus cum Φλογισῶ illo perpetrare valeat.

Cæterum assumo aliquid *alcalici Salis* etiam pro fluxu ulteriore conciliando, cum tale *Sal medium*, quale ex *Acido Vitriolico* & *Sale alcali fixo* nascitur, plane non fusile existat: De quo jam statim.

Uno tamen adhuc verbo moneo, quod non solum *Vitriolum*, sed *Alumen* etiam, ad hunc usum inserviat, quatenus *acidum* ejusdem

dem generis continet, quod, si conveniente modo colligitur, eidem operi materiam præbet.

## CAPUT TERTIUM.

# ACIDI INCORPORATIO.

**N**E *acidum* nostrum defugiat *Ignis* impulsus, qui ipsum cum *φλογισῶ* intime coagitare queat, objicio eidem Corpus *Ignem non fugiens*, cum ipso vero *acido* ita firmiter coalescens, ut hoc quoque tantisper figat, seu *Ignis progressivo* impulsui subducat, *immanenti* vero sistat.

*Acidum* nempe nostrum, five e *Vitriolo* colligatur, five e *Sulphure*, quando bene *depuratum* est, ab omni superflua humiditate, est adeo difficulter *evaporabile*, ut insignem *Ignis* violentiam expectet, quæ ipsa proxime ad candescentiam accedat: Nequaquam tamen actu candeat.

Cum vero τὸ φλογιστὸν in *Carbone*, *terrea* subtili parti firmiter innexum sit, ut ab illa nisi *actualis incandescencia* adminiculo, dimoveri non queat, atque ad novam aliam coalescentiam transferri; Propterea non sufficit æque ille, quantuscunque etiam de cœtero gradus caloris, quem *concentratum nostrum acidum* per se fert & expectat.

Unde universæ huic difficultati remedium est, ut *Acidum*, nostrum antedicto modo *incorporetur*, nempe cum *fixo alcali*, adurationem in *Igne* candente, deducatur.

Fit vero hoc pluribus, externa specie differentibus, intus vero & in ipsa re convenientibus, modis.

I. *Spiritus Acidus Sulphuris* aut *Vitrioli*, saturatur *Alcalico Sale Tartari*, dum *Olei Tartari* per deliquium tantum successive instillatur in *Spiritum*, (aut hujus in *Oleum* illud) donec omnis ebullitio cesset.

Si *Spiritus* paulo fortior fuerit, subsident mox subtilissimæ *crystallinae* moleculæ, in tenuissimi sabuli forma, quæ nihil aliud, nisi *Sal* tale medium, jam dum *solidescens* existunt, unde in copiosiore



*Aqua*, præcipue *calida*, mox dissolvuntur. Reliqua portio, quæ liquidam formam retinuit, si leniter ad medietatem abstrahatur aut evaporetur, residuus vero liquor refrigeretur, præbet *crystallos* majores, densas, præ omnibus aliis *Salibus ponderosas*, saporis *amari*, quem tamen vulgo, majore quantitate *Spiritus acidi* superaddita in *acidulum* mutare satagunt.

II. *Vitriolum* crudum aut *Alumen*, solvitur in *Aqua*: Huic solutioni additur *lixivium Salis Tartari* aut *Cinerum Clavellatorum*, anathico circiter pondere *Vitrioli* & *Alcali* ad solvendum assumpto.

Ita complectuntur sese portio *Acida Vitrioli*, & *alcali*, decidente ad fundum portione *Vitrioli metallica*, aut *Aluminis*, terrea. Quod clarum supernatat, si post lenem evaporationem medietatis, ad *Crystallifandum* seponitur, præbet similes penitus, seu potius easdem, *Crystallos*, quales ex antedicto primo modo, nascuntur.

III. *Vitriolum* crudum, aut *calcinarum*, miscetur cum *Nitri* partibus æqualibus, & igni candescenti imponuntur, sive in vase clauso *Retorta*, ut vapor *Nitroso-acidus* colligi, & in Recipiente, præpositæ *Aquæ* immergi possit; sive in vase aperto, *Crucibulo*, si minor sit, quantitas materiæ, aut opportunitas temporis defuerit.

Ita invadit *Acidum Vitrioli*, *alcalicum* *Sal Nitri*, quod ipsi, in coctione, ex *Cineribus* & *Calce viva* accreverat, & coalescit cum eodem in eandem istam substantiam, qualis præcedentibus duobus modis concinnatur.

IV. Idem omnino fit, si *Spiritus Vitrioli*, aut *Oleum* ejusdem, vel *Sulphuris*, *Nitro* affunditur, & ab eodem abstrahitur; Ita prodit pariter *Spiritus Nitri*, quem *Vitriolicum acidum* a portione sua *alcalica* excusit, & cum hoc *alcalico* sale coalescens, eandem illam *Salinam* tertiam *Compositionem* constituit.

V. Idem plane fit, si *Nitrum* cum dimidio pondere *Sulphuris* mixtum, cum hoc accenditur. Ubi *acidus* *Spiritus Sulphuris*, absumto phlogisto, liberatus, portionis de *Nitro*, *alcalicam* Substantiam invadit, eamque tenaciter amplectendo, *Nitrosam* acidam ad evaporandum disponit.

VI. Ejusdem profapiæ, est *Nitrum Antimoniatum*, nisi quod huic levis portio *Regulinæ* substantiæ, simul corrosa intertextitur, quæ



quæ tamen *generalem* hanc, *Acido-alcalicam* indolem, nihil magno-  
pere variat.

VII. Ejusdem geneseos fit quoque Sal, sine sua culpa, Speci-  
oso titulo *Panchresti* notatum, si *Sulphur commune*, cum *Alcali Tar-*  
*tari*, aut Cinerum Clavellatorum depurato Sale, fundatur, v. g. *Sal-*  
*is alcali* p. 2. *Sulphuris*, p. 1. Ita emergit materia instar Hepatis ex a-  
nimali sano, pulchre rubens, unde vulgo *Hepar Sulphuris* vocatur.

Hoc Crama, si in libero aëre frigefactum relinquatur, made-  
scit mox, & diffluit, à tenui humiditate vaporosa, quæ aëri perpe-  
tuo immista vagatur.

Si vero tenuissimè comminuitur adhuc calidum, & in patulo  
vase, patella figulina, *levissima* candescentia ustulatur, absimitur,  
*aëris ope*, Φλογισòς portio è Sulphure, remanente *acida* apud Sal al-  
calicum.

Unde Sal ita tractatum & paratum, habet omnino qualita-  
tes, a pristinis longe, & toto, quod ajunt, cœlo differentes, pro-  
ut è pag. Tract. nostri 144. huc transcribere libet.

In *Hepate Sulphuris*, id est, *Cramate* illo rubente, quod ex hac fu-  
sione *alcali* cum *sulphure*, nascitur, adest rubellus floridus *Color*,  
quamdiu siccum servatur; Si humescit, *niger* color:

Novum hoc vero Sal, è quo pars Sulphuris Φλογισòς, per i-  
gnem & aërem absumpta est, *exhibet & retinet* colorem penitus can-  
*didum*.

*Hepar Sulphuris* si gustetur, *saporem* exhibet *pessimum*, ovorum  
foetidorum instar:

*Novum* vero hoc Sal, nullum uspiam specialem *saporem* refert,  
sed solum illum *amarulentum*, qualem omnia antedictis modis pa-  
rata, in fundamento inter se nihil differentia.

*Hepar Sulphuris*, quia Sal *alcali* ibi nihil mutatum est, diffluit  
promptissime ab aëris humiditate, quam, ut aliud purum *sal alcali*,  
præsentissime imbibit:

*Novum* hoc Sal, non modo ab aëre nihil madoris assumit, sed  
affusam etiam aquam ægerrime admittit, adeo ut non modo *mul-*  
*tum* aquæ, pro pauca quantitate hujus salis requiratur, sed etiam  
calor insuper requiratur pro solutione paulo promptiore obtinenda.



*Hepar Sulphuris*, ratione Salinæ suæ, *alcalicæ* partis, nullatenus ad *crystallinam* solidescendentem consistentiam, sed unice ad deliquescentiam fluidam tendit: Ratione vero Sulphuris admixti, ad *crystallinam* compagem plane non vergit.

Contra, hoc nostrum Sal, concrescit promptissime & firmissime in *Chrystallos*, ejusdem cum omnibus ex antedictis methodis, figuræ.

*Hepar Sulphuris*, liquefcit in *Ignē* etiam promptissime. Hoc vero Sal, per se, *omnis fusionis* expers deprehenditur.

VIII. Quin denique ex ipso aëre attrahit, seu imbibit hujusmodi substantiam acidam, *Sal quodlibet alcali*, si per longum tempus eidem libere expositum relinquitur.

Unde ipsi *Cineres Clavellati*, prout vulgo venales sunt, ordinarie non paucam quantitatem hujusmodi Salis medii continent, quod statim in conspectum venit, si quantitas aliqua hujus salis p. d. solvatur: Remanens portio mediocri quantitate bullientis aquæ infundatur, leviter ebulliat, filtretur, liquor clarus adhuc parumper evaporatus, ad crystallisandum reponatur. Ita emergit hujusmodi salis, non mediocris subinde quantitas.

Quod ipsum qui *nesciunt*, deluduntur Experimento, quasi solum etiam Sal alcali, è Carbonibus extraheret Sulphur; adeoque vel in *Carbonibus* solis quoque tale *sulphur* jam inesset; vel coalitus nudus, *pinguedinis Carbonariæ* cum salibus, lulum talem ederet.

Supereft una adhuc Methodus, qua *Acidum* nostrum Vitriolicum, cum aliquo fixo Corpore incorporatur, ut Ignem ferre, & subtili hujus Motu, cum *Φλογισῶ* Carbonum coagitari & misceri possit. Sed cum præjudicium aliquod intulerit, ante plusculum jam temporis, propterea differemus ejusdem recensitionem & deductionem, donec rei nostræ veritatem, luculenter prius stabili-verimus vid. inf. Cap. VI.

CAPUT QUARTUM.  
ACIDI CUM PHLOGISTO CO-  
AGITATIO.

**Q**Uod *Motus Igneus* sit subtilissimus, simulque citatissimus, qui hodiernæ Philosophiæ principiis sanioribus imbutus est, satis cognitum habebit.

Ex eodem fundamento agnoscit etiam, quo Ignis ad intimas & tenuissimas Mixtiones promovendas, Instrumentum sit aptissimum, dum non modo intime, & frequentissime collidit, & sibi mutuo affricat, partes ita combinandas, sed & per *minima individualia* agit, & motum hunc inducit. Tanto magis, si materiæ ita miscendæ agitationi Igneæ diu expositæ maneant, nec ab igne disjiciantur *progressivo* jactu, sed tantum intestina *immanente* agitatione & gyratione efficiantur.

Interim tanto expeditius utique succedit negotium si *utraq;*, aut *alterutrâ* ad minimum, portio, è quibus novum *Mixtum* conflari debet, eximie ab Igne affici & motitari queat; Si enim languide tantum corripiantur, languide etiam succedit effectus.

Habet hoc *incommodi* hætenus memorata *incorporatio* acidi cum *Sale alcali*, quod non nisi incandescat, etiam satis violento Igne, nequaquam vero *fundatur* absque additamento: Interim habet hoc denuo *commodi*, quod utique cum addito aliquo alio *fusili* sale, denique diffuat, si non plane tenuissime, ad minimum subtilissimi pulvilli forma, fluenti alteri fali intertexti.

Addo itaque ab initio aliquid *Salis Tartari*, aut *Nitri fixi*, aut *Cinerum Clavellatorum*, & modicum quidem, prout Exemplar totius operationis in hac quoque parte, apposui p. 143.

*Accipio Salis alcali fixi, & talis acidi cum alcali aliquo incorporati, ana drachmam unam. Cum hac drachma una alcali fixi, multas libras reduci posse, dixi: Imo infinitæ possunt.*

Dum enim semel hæc *drachma Salis alcali* in fluxum redegit

*drach-*



*drachmam acidum incorporati, & adduntur Carbones: Tunc junguntur statim acidum & phlogiston, & abeunt in Sulphur.*

Eo ipso liberatur etiam illa portio *Salis alcalici*, quæ antea cum *acido* comprehensa, *fusionem in Igne* non subiverat; Nunc itaque, ubi *acidum* cum novo socio, *phlogisto*, in *Sulphur* abiit, redit non modo ipsum *alcali* ad suum ingenium: Sed novum hoc quoque *Mixtum*, *Sulphur* ipsum, ut summe fusile, auget sponte ipsum *fluxum*.

Quo plus itaque hujusmodi *Acidi incorporati* suppeditatur, & *Carbones* superadduntur, eo plus nascitur *fluxilis* materiæ, quæ novam subministratam, statim in *fluxum* una corripit.

Ut adeo *portiuncula* illa *Alcalici Salis*, quæ in *primo principio* additur, nullam aliam efficaciam penitus habeat, aut ullo modo sive *Sal* illud *medium*, quod *acidum incorporatum* appellavi, afficiat, sive ad subsequentem *Sulphuris* genesin, quicquam contribuat.

Quod ipsum quidem, ut tanto manifestius fiat, & omnis dubitandi occasio auferatur, debet notari, quod ne quidem *alcalici Salis* additio sub initium necessaria sit, sed sufficiat aliam speciem *fusilem* salinam addere, quæ ne longe petatur, *Sal commune* præsto est.

Ita enim, si *Acidum nostrum incorporatum* cum *Sale communi* fundatur, & dum fluit, subministrentur *Carbones*, idem omnino obtinetur, & continuata ingestione novæ quantitatis, ad ingens pondus continuari potest.

## CAPUT QUINTUM.

# SULPHUR QUOD ITA FIT, NASCITUR EX ACIDO VITRIOLICO, ET PHLOGISTO CARBONUM.

**S**i omnia quæ proferuntur, prius recte pensitarentur, & semper adesset potentia pensitandi, multa quæ minus recte proferuntur, non prodirent. *Solenter, & docte atque sagaciter* de rebus *Experimentalibus dubitare*, pulchrum sane, simul & utile ad eruendam & stabiliendam veritatem, est cœptum: At, absque mani-

nifestarum circumstantiarum, non dubitare modo, sed *negare*, imo *subsannare* inter imperitos, quid est?

Si *Sulphur* ex *Carbonibus* extrahitur per *solum alcali*, præbet argumentum, contra ejus *genesin* ex *acido & phlogisto*. At vero fit: Ergo.

Quomodo vero fit, amabo! *Carbones* cum *Cineribus Clavellatis venalibus* fusi, exhibent saporem ejusmodi *Sulphureum*, imo *colorem rubrum Hepatis*; Ego plus dico, *est revera Sulphur*, quod ita natum est, idem cum eo, quod meo Experimento prodit; Sed quid tum? Estne *purum alcali*, *Cineres Clavellati*? Mirabor si quis crediderit, Chymiam vel à limine contemplatus.

Monuit utique jamdudum Vir in Laboribus & Experimentis Chymicis versatissimus, *Kunkelius*, in Obs. de Salibus Volat. & Fixis, quod *Alcalia fixa*, haud parum Salis medii exhibeant, & promptissima quidem miscela, ut habetur latius apud eundem. Quamvis, quod Sal illud ad *Salis communis* indolem accedere suspicetur, mihi non respondeat eventus, sed potius *Tartari Vitriolati æmulum* sese exhibeat.

Solvantur modo *Cineres Clavellati* per deliquium, Liquor ille, seu ut vocant *oleum*, evaporetur leniter, donec siccescere in marginibus incipiat, seu bullas siccescentes formare: infundatur in vas fictile densum, aut vitreum, obligetur, ut aëris commercium excludatur: Reponatur per plures dies in loco frigido: Quod subse- dit removeatur: Clarum coaguletur calore vegeto. Hoc *alcali* fundatur cum *Carbonibus*, & tunc monstra *Hepar Sulphuris*.

Sed quid opus est his ambagibus. Si *Tartarum crudum* calcino, donec non modo exacte *nigrescat*, sed & hinc inde *albescere* incipiat, potissimam vero partem bene *niger* adhuc sit: Si tunc ignem *fusio- nis* adhibeo, fluit massa, si non tenuissime, tamen sic satis molliter.

Hic est *alcali*, hæcenus adhuc ab omni *acido* purum; adest & *Carbo*: Sed ubi est *Sulphur*? ubi *Sapor Sulphureus*? sane nuspiam.

Similiter. Fige *Nitrum* cum *Carbonibus*; Ubi saturatum est, seu fixatum, ut nihil amplius flagret, perge *Carbones* suppeditare: Longum erit suppeditare, donec *Sapor*, nedum *Hepar, Sulphuris*, exeat.

Si vero quodvis horum *Salinum alcalinum* aëri diutius commi-  
Ss
feris,



feris, & tunc coagulaveris , facile obtinget deinde *Sapor Sulphureus*, sed *Hepar* sane non eadem facilitate ; *Tempus* vero potest utique amplius.

*Aliud dubium.* Quamvis ita fiat *Hepar Sulphuris*, *massa rubra*, quæ *humescens nigra* redditur , & *Saporem Sulphuri solitum* exhibet : Non tamen est *verum Sulphur*, sed vel *Sulphur vegetabile* , vel *Sulphur terrestre*.

Ubi quidem declaratione eget, quid significet, seu quid esse censeatur, *Sulphur vegetabile*, *Sulphur terrestre*. *Sulphuris* quidem *vegetabilis*, vulgata satis est appellatio, sed quæ tantum in genere, *pinguedinem vegetabilem inflammabilem* designet, non vero substantiam talem, quæ cum *Sale alcali* in *Ignis fusionis* fluat, *rubrum colorem* cum eo *fusum* exhibeat, *Saporem Sulphuris mineralis* habeat & præbeat, *acidum Sal* in *mixturem* suam recipiat, & iterum de sese dimittat, *Metalla* non modo *denigret*, sed *solvat*, seu *calcinet* , per *acida* in *Lac Sulphuris* præcipitur, &c.

*Sulphur* vero *terrestre* quid sit , quod cum *Sale alcali* *Hepar Sulphuris* constituat, & omnes jam dictas qualitates habeat, non memini aut vidisse uspiam, aut legisse.

Unde, si per *Sulphur terrestre*, ad minimum utique *Sulphur verum* intelligitur (unde nempe hoc nomen mereatur, ut *Sulphur* dicatur ) non video de reliquo , cur additamentum *terrestris* requirat, cum nequaquam *crassius*, *impurius*, aut ullo modo *aliud*, quam quodlibet *minerale vulgare Sulphur*, existat.

Sed misis hisce *dubitationibus* , monstrabimus potius presse & luculenter, quod hoc *Sulphur* , & (1.) ex *Acido* atque *Φλογιστῶ* nascatur : Et (2.) *verum Sulphur* sit : Et (3.) in *acidum* & *Φλογιστὸν* iterum dissolvatur.

PRIMUM quod attinet, quod nempe *Acidum* ingrediatur hoc *Mixtum*, propterea nulli dubium esse potest , quia utique a me ipso, vel quisquis perpetrare vult Experimentum, additum est *manu propria* illud *acidum*. Necessario itaque intus est. Et sane validiorem demonstrationem in rerum universitate dare non sciverim.

Porro, additum hoc *Acidum* , mutat omnes qualitates solitarias

rias *Salis alcali*, ex *humefcente* facit *siccum*, e *fusili* facit *refractarium*, e *caustico* facit *leviter sapidum*, &c.

Postquam autem cum *Φλογιστῶ* coaluit, adeoque *intimior* novo nexu, a cohæfione *pristina* cum *alcalico Sale* magis *laxatum* est, pereunt statim omnes illæ *alienæ qualitates*, quas *societate* sua *arctiore*, *Sali alcalico* conciliaverat, & evadit hoc *Sal alcali*, denuo *deliquidum*, *fusile causticum*, cum *alijs liberis acidis*, etiam *debilioribus*, *effervesces*, &c.

Denique perit utique hoc ipso novo, in *Sulphur*, coalitu & *evanescit* veluti, totum illud *acidum*, quod utique *manu mea addideram*. Quorsum vero abit, an in auras? an abit simul in *alcali*? aut dissolvitur penitus *Mixtio* ejus? Minime gentium. Expecta paulisper, reducam promptissime, nulla, ne per somnium, additione, sed soli *Φλογιστῶ*, a cujus admixtione obtusum & oblitum fuerat, absumptione.

SECUNDUM, quod *verum Sulphur* sit, probatur (1.) *fusione* ejus cum *alcali* in forma *rubicunda*, (2.) quæ *deliquescendo*, fit *nigra* (3.) remanente tamen bona parte etiam cum *alcali solubili*, & *solutionem flavam* præbente (4.) quæ si cum *aceto præcipitur*, *Lac Sulphuris* cadit.

(5.) *Lac hoc Sulphuris*, si in *copia* paretur, & deinde per *colliquationem* in *Sulphuris* formam reducatur, sistet se *idem Sulphur*, quale est *vulgare minerale*.

Si vero etiam in *parva* quantitate, & *properis effectibus*, *Sulphuris veri* genium explorare pergas, licebit (6.) *modicum Hepatis* *hujus* modo *producti*, *tritum*, *argento* sive *puro*, sive *monetario*, imponere, & *levissime madefacere*, *octava hora* *partem* inuret *maculam nigram* *profunde* & *tenacissime*.

(7.) Imo si *debita Corpora* *metallica* *assumeris*, & ut alias decet *processeris*, *dissolvat* & *calcinabit* eadem in fluxu, ut cum *communis Sulphure* fieri solet.

(8.) Si vero *flammans* videre libeat, impone *Hepatis* *hujus* *frusta crassa*, in *crucibulum* *lenissime candens*, cum aliqua *portione Nitri*; Ita, simulatque *Nitrum* *sufficientem calorem* percepit, *fulgurabit* cum *Sulphure*, eoque finito erit *Hepatis* tui loco, nihil aliud, nisi



*Sal album*, omni sapore Sulphuris orbum : a quo si Nitrum pauca aqua separaveris, supererit reliquum amarum tuum pristinum Sal, ex acido & alcali coagmentatum.

Et hæc quidem ipsa Metamorphosis, seu Palingenesis, constituit TERTIUM demonstrationis meæ argumentum, quod nempe Acidum illud, hætenus in Sulphuris hujus modo geniti, Mixtione hæsisse, doceri possit per novam ejus dissolutionem.

Ubi videlicet non est opus, hac detonatione cum Nitro ; Sed sufficit, Hepar Sulphuris ita paratum, tenuissime pulverisatum, in vase patulo, levi candescentia & agitatione ustulare : ita exurit  $\tau\omicron$   $\Phi\lambda\omicron\gamma\iota\varsigma\omicron\nu$ , remanente denuo ipso acido, quod cum alcali intimius coëns, postliminio in idem illud Sal tertium abit, album, non fusile, minus promte per aquam, p. d. vero nullatenus, solubile, nullo nisi solo amarulento sapore præditum Crystallifabile, cum acidis etiam fortissimis nihil effervescent : Denique vero cum Carbonibus denuo in Hepar Sulphuris transiens.

Ex his si non dilucescit, quod Sulphur Experimento nostro productum, non sit aliquid pure Extractitium e Carbonibus, Sulphur Vegetabile, aut (si animalis regni tenues Carbones assumpti fuerint) Animale ; Sed Composititium, ex illo Vitriolico acido, quod nostra manu addidimus, & Combustibili parte Carbonum : Neque etiam sit Sulphur terrestre, sed tenue prorsus & purum, ut ullum aliud Minerale ; Hoc, inquam, si ex his non percipitur, de ulteriore circa hoc negotium eruditione, despero.

## CAPUT SEXTUM.

### SAL MIRABILE GLAUBERI, PRO NOSTRO EXPERIMENTO.

**V**alde usitatum est, ut tentantibus, & experimenta varia perpetrantibus, ex observatione paulo attentiore Phænomena varia occurrant, e quorum accuratiore examine, ad alia nova Experimenta, viam inveniant.

Et est profecto hæc ipsa unica & genuina methodus, ad penitiorem in Chymia scientiam perveniendi ; Si modo necessaria cir-

circumspectione, & debita *ἀκριβεία* procedamus, neque figillaria & simplicia Experimenta, nimis præcipitanter admiremur, & vanas suspiciones, pro veris consecretariis inde eliciamus: Sed potius *omnes*, ad unam solidam & certam conclusionem pertinentes, *circumstantias*, parili Experientia firmare laboremus, & tunc demum ad maturam deductionem procedamus.

Hoc si non attendatur, aut *ob defectum communium studiorum*, non possit attendi, sequuntur vel neglectiones Experimentorum, quotidie obviorum, & pulchras demonstrationes involventium: vel præposteræ & absurdæ subsumptiones, & applicationes, quæ leves animos à liberiore examine seducunt.

*Johannes Rudolphus Glauberus*, Pharmacopœiæ Studiosus, qui ante 40, circiter annos excessit, tum suo studio, tum aliorum forte communicatione, pulcherrimam sane Experimentorum farraginem congeffit, quanta à Viro hujus generis unquam expectari poterat.

Perdidit vero & spem credo, & rem, quod admiratione nimia novorum emergentium Phænomenorum, & præoccupato Alchymicis conceptibus animo, omnia ad superstitiones potius aurificas, quam ad curiositates Physico-Chymicas, interpretatus & executus est.

Non defuisset interim, tum illorum temporum, tum subsequentium, Literatis occasio, res has, per subsidia, quæ eruditio suppeditat, penitus excutiendi & utilitatem Scientiæ & Artis, harum usui promovendi.

Non prolixè in has querelas excurreremus, sed monebimus in rem nostram, quod inter alia, meminerit quoque *Glauberus*, *Salis* cujusdam, quod *Mirabile* appellat, cujus præparationem expressius quam alibi, docet, *Centur. III. n. 89.* Nempe *Oleum Vitrioli cum solutione Salis communis miscendo, destillando, remanentiam pro usu accipiendo.*

Hoc Sal constat ex *acido Vitrioli*, & subtili *areno-terrestri* substantia, quæ *acido* Salis communis, pro Corpore inservit, ut *siccam* illam *solidescentem* consistentiam, qua ad culinarem usum conspiciendum est, nanciscatur.



Hanc *terrenam* substantiam, arripit *acidum Vitrioli*, utpote, potentius, seu ad *terreas Mixtiones* habilius, (notante ab Experientia jamdum ipso *Glaubero*, citata *Centur. n. 86.*) ita liberatur *Spiritus acidus Salis*, & transtillat.

Cum vero dicta illa *terrea* substantia, sit *fusilior*, quam *alcalicum* aliud *Sal*, manet inde etiam hoc ipsum *novum Concretum* fusile, quam quidem prærogativam habet, præ nostro illo, *Tartaro Vitriolato*, quacunque methodo, ex *Sale alcali* & *acido Vitrioli*, præparato.

Neque tamen in hoc solum differt, sed etiam in *figura Crystallorum*, quæ, ut *Glauberus*, vult, *Nitri*, æmula est; quod de *oblonga* quidem, & fragili structura, valet, non vero de ita exquisita *figura hexagona*: Neque etiam ita *sursum*, *deorsum*, *antrorsum*, *retrosum*, nascuntur & porriguntur hujus *Salis*, uti *Nitri Crystalli*, in vase in quo crescunt, sed *jacent horizontaliter* plerumque & in *latitudinem* sibi mutuo adjacent.

Cum hoc *Sale* procedit pariter hæc *Sulphuris* genesis, prout inter alia loca, ubi magis *oblique*, pro more, hoc tangit, sic satis aperte id prodit *Glauberus*, in *libello de tribus principis*, p. 17. ubi ex parte 1. *Carbonum* & p. ij vel iij *Salis mirabilis*, parat *Hepar Sulphuris*, & *Sulphur* in eo contentum, *precipitare jubet* per *aq. fortem*, &c. Confer. ejusd. de *igne secreto Philosophor.* pag. 37.

Ita etiam *Cent. IV. n. 29.* ex *Carbonibus* & *Sale mirabili* parare jubet *Spiritum deaurantem*, &c.

Errat Vir bonus, quod putat, *Sulphur* illud, (nam pro *vero Sulphure* habet utique) inextitisse jamtum *formaliter* tale, in *Carbonibus*. Quod tanto magis quidem puro puto *Experimentatori* condonandum est, cum hodieque error hic etiam ibi valeat, ubi non deberet, inter *Literatos* nempe, & *Chymiam* majori studio merito tractantes.

Eadem enim opera, ut eadem ratione causali, efficio *idem* hoc *Sulphur* ex oleo quolibet *athereo*, *therebinthina*, *juniperi*, *Camphora* &c. & *Sale nostro*, in *Crucibulo*, per *fusionem*. Eadem ratione è *pinguedine animali* qualibet, non secus, quam ex aliis eorundem *crassioribus*

ribus partibus. At vero in his fuisse *actuale Sulphur*, seu *formale*, ut vocant, quis sine risu dicat.

Et nimirum hîc quoque, in *Glauberiano* hoc *Sale mirabili*, eadem penitus ratio, quod *Sal acidum Vitriolicum*, mediante hac terrea subtili, *fusili*, substantia *incorporatum*, igneo subtilissimo motu, coagitetur & subigatur cum *Phlogisto Carbonum*, adeoque *Mixtorio* horum coalitu, nascatur *Sulphur*.

Unde perit in hoc quoque *Sale*, prior illius consistentia, & loco *Saporis amarulenti*, temperati, nihil caustici, emergit valde *acris & causticus*: Loco *Crystallina sicca solidescens* consistentiæ, succedit *deliquida, sponte humescens & diffluens*, nullatenus *crystallisationem* subiens: Loco *mediæ consistentiæ*, quæ ab aliis *acidis* nihil omnino alterabatur, subit *alkalica*, cum aliis quibuscumque *acidis* impetuose *effervescescens*.

Et quod *palmarium*, in hoc pariter *Sale*, ut in altero illo nostro est, si *Hepar Sulphuris* hac ratione factum, leni *calcinatione*, in vase patulo, ustuletur; ut *Phlogiston* de *Sulphure* modo genito, denuo exuri possit, & ab *acido* suo segregari; Tunc adhæret denuo, loco prioris illius *alkalica consistentiæ*, & *Hepatis Sulphuris*, antiquum *Sal medium*, seu ita dictum *Mirabile*.

Licet vero *Sal* hoc ipsum, magis omnino *commodum* sit, pro hac & similibus operationibus, propter facilem sui *fusibilitatem*; Minus tamen *commodum* est, propter pretiosam & operosam sui *præparationem*, si ad literam procedatur.

Interim potest hoc ipsum quoque *Sal*, ex nudo *Vitriolo* parari; Habet tamen illud incommodum, quod *Veneream* partem *Vitrioli*, vel sub *præparatione*, vel sub *elixatione*, solvat, adeoque *non purum* exeat. Sin autem *Martiale Vitriolum* (ex tempore e quolibet promiscuo paratum) adhibeatur, aliquanto minor est difficultas.

Imo tanto minor, si *Alumen* loco *Vitrioli* adhibeatur, & quidem *ustum*: Licet enim ne ita quidem absolute *purum* emergat, quin aliquid de *terrea substantia aluminis* resorbeat, minus tamen impedit id ipsum aut inquinat alias operationes, quam si *metallicum* quid conjunctum mansisset.



Si interim pro nostro Experimento *solo*, *Sal* hujusmodi parare placuerit, fatisfecerit utique etiam *horum* quodlibet, siquidem neque *metalli*, neque *terrea* portionis ex *alumine*, accessus, impedire potest, quin admoto *Phlogisto*, *acidum* quod *Sali* huic inest, cum illo in *Sulphuris Mixtum* coalescat.

Purius vero hujus ejusdem generis *Sal* paratur, si *Salis communis*, *Nitri*, & *Sulphuris*, proportio congrua misceatur, & in vase candente successiva ingestione detoneur. Ita nascitur una eademque opera, *Sal triplex*, primo *Nitrosum*; Secundo, *Tartaro Vitriolato* geminum: Tertio, illud de quo sermo est, *Mirabile*. Hæc tria, si, *prudenti Crystallisationis* administratione, ab invicem separentur, potest quodlibet ipsorum seorsim colligi.

*Purissimum* vero ejusdem generis fit, si *Sal* cum *Sulphure* debite fundatur, effusum pulverisetur, & in patulo vase leni candescencia exuratur; Ita consumito *Phlogisto*, *acidum* *Sulphuris* coalescit cum terreo-alcalica parte *Salis*, & prognascitur inde *Sal hoc Mirabile*, purum. Operatio est certa & plana, sed poscit tamen circumspectum administratorem.

Quantum vis autem hoc ipsum *Sal*, sic satis *commodum* sit, pro Experimenti nostri exhibitione, ut adeo illud ipsum mox a principio assumere & prosequi potuisssem; Malui tamen *altero* illo Sale uti, idque duplici de causa: Primo quidem, quia hic effectus, *Sulphur* ex omni *Phlogisto*, mediante illo conficiendi, quantum ego sciam, nuspiam adhuc attente annotatus habetur. Deinde, quia tanto magis illustrat & confirmat *scientificum* totius artificii *fundamentum*, nimirum, quod nulla specialis efficacia *Salis hujus*, ut *Salis compositi*, subsit: Sed tantum, quatenus *acidum Vitriolicum* continet, & tenet ad motum *Igneum*, qui *Phlogiston* cum ipso conjungere & coagitare possit.

## CAPUT SEPTIMUM.

## PHLOGISTI MIXTIO MINERALIS SOLENNIS.

**Q**Uamvis propositi nostri ratio non ferat, prolixius in hanc materiam nunc quidem evagari, e re tamen præsentis quoque nostri Experimenti fuerit, ejusdem mentionem non plane, omisisse.

*Opinio* nempe mera, in re nihil fundata est, quasi *principia Mixtionum* in tribus illis Regnis, *Minerali, Vegetabili, & Animali*, toto genere differrent; Adeoque nihil alterius in alteram transumi possit, sine nescio qua *specificæ formæ* transformatione *novæ* Ideæ impressione, *essentialis figuræ* mutatione, & quibus aliis vocalis differentibus idem inferunt diversarum opinionum captatores.

Ut enim taceam, quod *Vegetabilia* quidem ex *terra* nutrimentum suum habeant; *Animalia* vero quantumcunque etiam mediate, sane ex *Vegetabilibus*: Certe quod *Vegetabilium* materia promptissime in *Mineralem Mixtionem* & naturam reducantur, Experimentis promptissimis licet demonstrare.

Nimirum differentia inter *Vegetabilem* & *Mineralem Mixtionem*, est *Aqua Admixtio*, quæ in *Mineralibus* aut nulla, aut paucissima, & tunc quidem fere subtilissima & *intima*: In *Vegetabilibus* vero, & multa, & crassissima subinde, nuda videlicet *Compositione* superficialia plus plusque incumbens.

Unde, quo magis *Aqua* admixtio e *Vegetabili Mixtione* excutitur, eo promptius & propius contingit *Vegetabilium* principiorum reductio, ad *Mineralem* naturam.

Specimen vulgare est *Vitrum*, ubi terrea subtilis portio *Mixti vegetabilis*, in eandem speciem reducitur, in quam quilibet *Lapis arenosus* & *sabulum* quodvis, facile facescit. Et licet *Vegetabile Vitrum* impurius, *Viore* ab *arenario* differat, est tamen hæc differentia *accidental* tantum, & facile *corrigibilis* ipsa quoque, salva manente penitus *Vitri*, ut talis, *Essentia*.



Magis curiosum vero, & attentione majore indigens, facilis hujus *Conversionis*, Documentum, est  $\omega\lambda\acute{o}\mu\omicron\varsigma\Phi$  illa conjunctio, portionis  $\Phi\lambda\omicron\gamma\iota\varsigma$ , è *vegetabilibus* æque ac *animalibus*, cum variis *mineralium* portionibus, & *speciebus*.

Quemadmodum enim in nostro Experimento, coalitio ejus cum *acido Minerali*, in verum *ardens* & *flammans Sulphur*, hætenus credo ad nauseam demonstrata est; Ita celebratur eadem *combinatoriis* & *dissolutoriis* Experimentis, à priori & à posteriori in *Regulo Antimonii*, *Stanno*, *Ferro*, imo *Plumbo* etiam, & quadantenus in *Cupro*.

Ita enim neque *ferrum* ipsum, neque *Stannum*, exceptis paucis omnino, & sic satis rariis, portionibus & fragmentis, in quibus jam perfectius & saturatius inest *Metallum*, ad *Metallum* suam *fusilitatem*, & *densitatem* aggregativam, in *massam* densam, solidam, nitidam, *ductilem*, nunquam ulla arte deducerentur, nisi *Phlogistos* illa substantia (quam *calcinatione* prægressa maximam partem amiserant) denuo ipsis adderetur.

Et hoc quidem ex *Vegetabili* regno: Colliquatione nimirum inter *Carbones*, eorumque immediato commercio, congressu, contactu, ut facile aliquid ex his in ista transire, & *transsumi* possit. Quod tanto promptius contingit, dum hæc ipsa substantia *Phlogistos*, tunc temporis in *Carbonibus* ita *Ignitis*, in actuali subtilissimo motu existit.

Imo *eliquata* jam tum hujusmodi *Metalla*, denuo per *exustionem phlogisto* suo privata, adeoque in consistentiam nihil cohærentem, & *aggregationis Metallicæ* exsortem, reducta, restituntur facile eadem methodo. Ubi quotidianum apud *Stannarios Fabros* Experimentum est, quo *scobes* & *ramenta*, à *Stanno* tornum patiente dispersas, imo & *semicineraria recrementa*, à *Stanno* diutius & fortius excalefacto, in superficie abscedentia, in *massam* reducunt: Adjiciendo nimirum pauxillum *Sebi*.

Ita si *Stanni* pondo 3. vel amplius, in *cochleari*, aut *sartagine ferrea*, *Carbonibus* candentibus imponas, eliques; aucto calore ad levem usque *incandescentiam*, subinde agites *rudicula*: Paucotemporis spatio abscedet portio non exigua & *pulveris* subfusci forma *superfici*



*ficiei* incumbet. Remove ab Igne, & injice aliquid *Sebi candelarii* agita materiam alacriter, colliquescit postliminio omnē illud *pulverulentum*, & subit denuo reliquæ *massæ* consistentiam.

Ut vero sola uisione  $\Phi\lambda\omicron\gamma\iota\varsigma\omega$  hoc è metallicis his Corporibus eliditur, ut ita *Stannum*, *Ferrum*, *Plumbum*, *Cuprum*, *Regulus Antimonii*, in pulverem vitrescentem fatiscant, qui nisi addito, aut admissio  $\Phi\lambda\omicron\gamma\iota\varsigma\omega$ , nunquam in *Metallicam* redit consistentiam: Ita tanto promptius hoc fit, addito *Nitro*, quod cum  $\Phi\lambda\omicron\gamma\iota\varsigma\omega$  illo præcipiti deflagratione exardescat.

Unde sive *Regulum Antimonii*, sive *Stannum*, sive *Ferrum*, (*Plumbi* & *Cupri* paulo dispar est penetratio) cum partibus æqualibus, aut amplius *Nitri* remixta, in candens crucibulum ingesseris, fit prompta & eximia horum *inflammatio*, & *luculenta deflagratio*, simul vero eo ipso *Metallorum* horum repentina in *pulverem* conversio.

Reducitur interim hic *pulvis*, prout alius alio promptius *fusio*ni obsequitur, mediante *Carbonum*, aut *pingvium* substantiarum, additamento, & tenui intima subagitatione.

Sicut enim frustranea est traditio, quam imperiti alius ab alio transcribunt, quod *Pulveres* ex *Regulina* substantia *Antimonii* exusta, facti *Crocus Metallorum*, *Antimonium Diaphoreticum*, *Bezoardicum minerale*, *Mercurius vita*, &c. fusione cum *Alcali fixo* in *Regulum* reducuntur; Utpote quod nullatenus succedit, nisi aut *alcali* tale adhuc satis *Oleoso pingve* fuerit, aut *Carbo* inter fundendum inciderit.

Ita contra, promptissime reducitur *Pulvis* talis quicunque, per *Carbones*, & *Sal* aliquod, quod nihil ipsi obftet. Ubi tamen *Sal* illud nullum alium usum præbet, nisi quod immanentem concursum, & illum tamen intimum,  $\Phi\lambda\omicron\gamma\iota\varsigma\omega$  nostri cum *pulvere* illo, promoveat.

Dixi, *Sal* aliquod quod nihil obftet: Ita enim, verbi gratia, si *Antimonium crudum* cum *Nitri* parte anatica mixtum, accendas; evadit *Sal* crassum supernatans, & materia *vitrescens*, subsidens: Si nempe mixturam dictam in *Crucibulum* bene candens ingesseris: Aut majorem ejus quantitatem, v. g. libras ij cujusque, in olla, latere crassiore tecta, simul accenderis. Huic magmati salino, cum sedimento suo in pulverem redacto, & ad candescentiam de-



nuo ignito, si *Carbones* addideris, nequaquam in *Regulum* rede-  
git. Similiter si *Antimonii* parti uni, duas partes *Nitri* addideris, &  
deflagraveris, evadet *Pulvis albus*, leviter flavescens, *Diaphoreticus*.

*Pulveri* huic, una cum *Sale suo*, qui à deflagratione remanet, si  
*Carbones* addideris, & sufficiente calore *fuderis*, nihilominus nequa-  
quam sequetur reductio *Reguli* in massam splendidam, semi metalli-  
cam.

*Obstat* enim hoc *Sal*, & impedit, quo minus coalitus  $\Phi\lambda\omicron\gamma\iota\varsigma$   
ex *Carbonibus* cum substantia *Regulina* reliqua succedat. *Ratio-*  
*nem*, spero, scies.

Si vero aliud *Sal*, quod nihil obstat, adhibueris, quod fluxum,  
& coagitationem subtilem intimam, jungendorum horum, pro-  
moveat, statim reduxeris, & *vitrescentem* dictam illam substantiam  
(*Crocum Metallorum Rulandinum* vocant) & ejusdem prosapiæ, *Regu-*  
*lum rubrum Medicinale*, & *Antimonium* dictum, vel quodcunque a-  
liud, *Diaphoreticum*.

Minore operositate restituitur, per hanc novam admixtio-  
nem, *Regulina* facies & consistentia, *Vitro Antimonii*; ut & ipsi *Vitro*  
*Saturni*, regeneratio sua in *Plumbum*: Quoniam hæc ipsa subjecta,  
per se tenuiter *fluunt*, adeoque ipsa sua *fluiditate*, tenuem coalitum  
 $\Phi\lambda\omicron\gamma\iota\varsigma$  ex *Carbonibus*, nanciscuntur.

Quemadmodum autem hæc omnia, Experimentis facilibus,  
*Mixtionis* τῷ  $\Phi\lambda\omicron\gamma\iota\varsigma$  *Combinationem* & *Separationem*, cum *Mine-*  
*ralibus* & ex iisdem, ad rudem sensum exhibent: Ita eodem funda-  
mento nititur etiam, Experimentum illud curiosum, quod *Becche-*  
*rus Suppl. 1. ad Physic. subterr. suam*, primus in lucem produxit, ubi  
nempe ex *Oleo Lini*, & *Limo communi*, *Ferrum* generatur. In quo  
quidem, licet ille potius *Mercuriale*, *intimæ Mixtionis Metallicæ*, *prin-*  
*cipium*, inde arcessat; Mihi tamen nondum hoc idem asserere inte-  
grum est, sed quantum hucusque percipere potui, nihil nisi  $\Phi\lambda\omicron\gamma\iota\varsigma$   
τὸς hæc substantia, occurrit, ejusque magis *specificus*, ad *inflamma-*  
*bilis Metallum in specie*, *Crasin* pertinens, concursus. De cujus tamen  
differentiæ tricis, cum hic non sit dicendi locus, abrumpimus de-  
nique nostrum *Discursum*, & de *concursu phlogistæ* *hujus*, ad *Nitrosi*

*acidi Essentiam, & Spirituum Volatilium Sulphuris & Vitrioli, constitutionem, commodiore tempore, proximo fortasse, loqui differimus.*

Hæc itaque impræsentiarum sufficiant, pro Experimenti nostri curiosi *assertione & Illustratione* undiquaque consummata; Præoptamus sane, ut alii, qui Chymica penetralia altius peruestigarunt, similia, imo meliora longe, ad *Mixtionum* negotia planius demonstranda, in publicum promant: Interim vero, & donec illi melioribus inventis Orbem locupletent, nos è tenuiore nostra suppellectile ea promere, quæ in illa, sine ostentatione, præsto fuerint, ulterius pergemus, ejusque proximo etiam Mense, si Vitam & sanitatem concefferit altissimus, aliud specimen proponemus

## ADDITAMENTUM.

**Q**ui reductionem Salis nostri cum carbonibus instituunt, cavere insuper debent à nimia ipsorum quantitate ingerenda, utpote quæ Mixtio sulphurea potius denuo labefactatur, & à justo majore additamento simile sui simile non modo commovet, sed emovet, ut alia longe forma sese exhibeat nova Mixti species, ipsa terrea alcalica portione, vel attenuata & in consortium assumpta, vel admodum ad minimum alterata, ab ipsa vero reactione alterationem suscipientibus ipsis illis agilioribus partibus, quæ primæ commotionis partim instrumentum, partim subiectum erant. In metallicis sane Corporibus, quantum valeat hæc Φλογιστὶς abundans additio, concurrente præcipue Motu illius libero proxime fortassis exemplis notabimus.

MENSIS

AUGUSTUS

exhibens

SPIRITUS VITRIOLI VOLATILIS IN COPIA PARANDI,

*Fundamentum & Experimentum.*



# INTROITUS. DE SEDE PRINCIPII

ΦΑΟΓΙΣΤΟΤ.

**A**ntiquissima est Opinio de ΠΑΝΣΠΕΡΜΙΑ Aërea five quod in Aëre omnium Corporum Naturalium *Semina* latitent & circumferantur, & quidem *Numero* abundantissimo.

Quemadmodum vero vox ipsa σπέρματ & seu *Seminis*, ordinarie intelligitur de *primordio* seu Materia talium Corporum Naturalium, quæ *successivo incremento*, & definita *structura* in majorem molem extenduntur; Et quidem, quantum Ratio ex sensu proxime capere potest, ab *Agente* aliquo, *Movente, Struente, extendente*, quod *intus* in illa mole augescente & extensionem fuscipiente, residet: Ita natæ sunt subinde diversæ speculationes, de vera constitutione *Spermatici* illius Αηροφορήτης Principii.

Aliis placuit, *Materiam*, e qua formari, strui, & expandi debent Corpora, esse illud, quod per *Aerem* dispersum feratur.

Alii contra, putarunt, ipsas illas *Formas* substantiales, *Ideas*, (*modulos* veluti & *capsulas*, *materiæ primæ* portione implendas) ita per *aerem* vagari, donec occasio *activitatis* suæ exercendæ ipsis obtingat.

Alii *utraque* hæc, abunde in *aere* natitare, sibi imaginantur.

Alii, nova sensus abundantia, fingunt, quod non modo *materialia* principia, pro *structura* tali, in *aere* volitent; sed jam-

jamtum tota *Individua* ita *structa*, in *minima* tamen figura: Quæ nunc & tunc, in his terris, in certas plagas atque *retia* specialissime texta, irretiantur, & tunc crassiusculo nutrimento, in majorem molem augeantur.

Et hanc quidem in *aere* volitationem, attribuunt ipsis etiam *Humanis* Corporibus; *monstruosa* conformationis, *matorna* *imaginatione*, aut *diversarum specierum* commixtione, nescio obliti, an incurii.

Interim dilucescit fatis, e paulo tantum circumspicietore consideratione corporum secundum suas *Species*, quod in nostro *Geocosmo*, duo in universum sint *summa* harum genera, nempe *Mixta*, & *Structa*.

*Mixta*, si in *Individuo*, *sigillatim*, quodlibet in sua *Specie* numero *unum*, considerentur, sunt ratione *molis* adeo parva, imo *minima*, ut in *Individuo* omnes omnino sensus fugiant.

Et tamen observantur, adhuc e numero *pluribus*, ( quantumvis etiam *paucissimis* ) constituentibus partibus conflata esse: Quæ ipsæ illæ *constituentes* partes, ultimo seorsim spectatæ, sint *simplicissimæ*, & longe *minima* corpusculorum naturalium genera.

*Structa* vero, deprehenduntur pleraque, in moles etiam *immodicas*, perpetuo tamen haud ita *exiguas*, diffusa & expansa esse; Et conflare quidem, ex ipsis *Mixtis*, non modo *Specie* variis, sed *numero* vix effabili aut conceptibili, coacervatis, & sibi mutuo *innexis*.

Et hæc ipsa quidem *Mixta*, eorumque immensum illum numerum, vix verisimile fit, ex *aere* immediate arripi, & in *structuram* *Specierum* harum *structilium* impendi: Sed in magna quantitate observatur hæc *Mixtorum* ejusmodi accessio ad *struenda* Corpora, potius obtingere ex *Terra* & *Aqua*, & ipsis jam *structis* Corporibus invicem.

Ita



Ita enim notum est ex *Nutritionis* Historia, quod *Vegetabilia* quidem, maximam portionem *Materiae*, e qua *structura* ipsorum concinnatur, accipiant ex *Terra & Aqua* : *Animalis* vero *Corporis* *Strues*, coagmentatur e *Corpusculis*, quæ ex ipsis *Vegetabilibus* iterum dissolutis, & *aquositate* collecta sunt. Idque vel *immediate*, in *Animalibus* *Herbivoris* & *Granivoris* : Vel *mediate*, dum *Carnivora*, talibus fere *Animalibus* pro nutrimento utuntur, quæ *Herbis* & *Granis* nutrita fuerunt.

Quibus rebus mediocriter pensitatis, pro verisimillimo erit, quod *Materia* propior quidem *Animalium*, sit ipsa substantia e qua *Vegetabilia* constabant : *Vegetabilium* vero, illa *Mixta*, quæ in *Terra*, cum *Aqua*, copiosissime præsto sunt : Horum vero forte *primordia*, in *Aere* volitent, nempe *Mixtorum* ipsorum principia.

Interim neque hujus ipsius, *ultima*, opinionis, vera adhuc, & ullo modo certa est suppositio, nam licet indubium existat, quod in *aere* ipso, maximo utique numero, circumferantur *primordia Mixtorum Corporum* ; Difficile tamen semper erit determinatu, an a *priori*, tanquam *seminia*, in *aere* sint & esse debeant, ut inde in *Terram* devolvi, & ibidem colligi & compingi queant : An vero potius a *posteriori*, ex ipsa *Terra*, *accidentaliter*, in *aerem* eleventur, & *passive*, atque fortuito, in eundem abripiantur, dum interim immensum quantum major pars earundem *Specierum*, in *Terra* superficie, & *gremio*, maneant, ibique tanquam in loco proprio, *dissolutiones*, & novas *Mixtiones* seu *Combinations*, ordine debito & constanti, transferantur.

Et licet ex *Chymia* denique pateat, quod *Aer*, *Ignis* seu potius *Calor*, & *Aqua*, sint vera *Instrumenta Mixtoria* *Dissolutionis* & *Combinationis* : Cum tamen hæc eadem, & præcipue *Aqua*, ut *Instrumentum* (qua fluida, in *Aggregato*) etiam *Terram* undique



que penetrent (& tanto facilius ibidem his effectibus præesse possint, quo plus temporis, ad *immanenter* agendum habent, cum in *aeris* libero spatio, magis *diffuso* & *vago* motui sit locus,) propterea ne hinc quidem major certitudo pro *πανσπερμία* in *aere*, est speranda, quin potius ex iis, quæ modo in Parenthesi dicta sunt, major *probabilitas*, quod magis *accidentaliter* hic illic in *aere* vagentur.

Sub his tamen omnibus difficultatibus *πανσπερμίαν Aeris Universalem* opprimentibus, Spes superest, aliquid ad minimum de *Materia primigenia* Mixtorum, eidem, tanquam *veræ sedî*, assignandi.

Si enim animum attentissime advertamus, agnosceamus denique, quod quidem *Terrea* Corpuscula, (quæ in aggregationem *solidescentem* vergunt) tum sigillatim in *Terra* & *Aqua* hæerere possint, utpote quæ magis ad repentinas *concretiones*, & prorsus *aggregationes* habilia sint, quam ut in *aere* progressivis motibus ferantur, aut cum *aere* quadantenus coalescendo, tanto facilius cum eodem vagentur:

*Aqueorum* vero Corpusculorum, indifferentem ad minimum, habitum observabimus, utpote quæ æque dispersa in *aere* ferri possint, quam *coacervata* in mole aggregata *fluida Terram* petere & subire: Nihilominus, si hic quoque solertius circumspiciamus, deprehendemus utique, quod neque *Aquea* Corpuscula, simpliciter cum *aere* nudo facile congregiantur, nisi tunc demum, ubi *Caloris Motus* concurrir, aut localis fortior *motus aeris, Ventosus*, intervenerit.

At vero illi *Speciei Corpusculorum Primordialium*, quæ prima sua *Mixtione* cum *Terris, Colores*, cum iisdem & *Aquis, Olea* & *pinguedinem*, formant, quam Speciem τὸ φλογιστὸν appello: huic, inquam, *Speciei* asserendam censeo *propriam* suam & *nativam sedem*, maxime in ipso *aere*, sequentibus præcipue de causis:



*Primo* namque notum est, quod hoc ipsum *Principium phlogiston*, cum nullo corpore facilius coëat, quam cum ipso *aere*; Hoc principium, inquam, in statu suo *purior*, *simplicior*.

Neque proinde, *secundo*, e quacunque sua *Mixtione*, cum aliis principiis *Terreis* & *Aqueis*, facile ulla re aut arte *separari* possit *purum*, nisi solius *aeris* interventu, in quem velut in *juam sphaeram*, & *sedem*, velocissime transmigrat.

*Tertio* quod hoc principium nusquam in rerum *Natura purum*, aut deprehendi, aut suspitione probabili supponi possit; in *aere* vero, in quem ex innumerabili resolutione perpetua *Mixtorum*, tam per *deflagrationem*, quam per *fermentationem* (præcipue *putredinosam*) excutitur, certo & abundantissime versetur.

*Quarto*, imo quod omnes *Species Mixtorum*, quibus ipsum hoc *Phlogiston* intexitur, quo magis *pure*, & tenuiter iisdem inest, *aeri* mobiles, & *volatiles*, reddat.

*Quinto*, quod omnia reliqua *solidescentia Mixta*, quibus paulo largius admiscetur, ad *solidescentem* & firmam *aggregationem* inepta reddat, & *porosa*, id est, *aeris* intercessionem obnoxia faciat.

*Sexto*, quod ipsummet *in se*, ad *aggregativum statum homogeneum*, absolute ineptum videatur.

*Septimo* vero, quo *purius* est, eo magis *immensum* veluti, & immodicum, diffundendi sese *spatium* requirat, unde stupenda quantitas *aeris*, ad mire *exilem* quantitatem ( *mensuram* & *pondus*, non vero *numerus*, qui sine dubio amplissimus ) hujus *Principii* assumendum veluti imbibendum, requiritur.

His omnibus circumstantiis permotus, statuo, quod *phlogiston* hoc principium, in *pura* sua simplicitate, maxime naturaliter ipsi *aeri* inest, & ex illo in *Mixtiones* varias derivetur.

Quemadmodum vero illæ *Mixtiones*, in quibus maximo-

pere deprehenditur hoc *principium*, abundantissime omnium præsto sunt, & veluti luxuriant abundantia sua, in *Vegetabili* Regno; Ubi conferendo ad *Minerale*, innumeris vicibus plus est pinguedinis & *deflagrabilis* substantiæ: Ita ex ipso *vegetabili*, mirum non est transire eodem modo in *Animale*. Adeo usque enim abundant utræque hæ *Mixtionum Species*, *inflammabili* & manifesto pingui substantia, ut nulla penitus *particula* de universa ipsorum *Structura* detur, ubi non ipsa *pinguedo* una intertexta reperiatur.

Ubi, licet nemo absolute negaverit, quod *pinguis* hæc substantia in *vegetabilibus*, bonam forte partem sub *aqueo* vehiculo ipsis offeratur: Notorium tamen satis est, quod pleraque *Vegetabilia*, tanto magis, quo plus de *pingui* substantia participant, a copiosiore *aquosa* substantia abhorreant: Econtra vix plus ejusdem, quam pro *porositate* expandenda, & *flexili* conservanda ipsorum textura, necessarium est, recipiant, aut tolerant.

Et hoc quidem ipsum *aquosum*, magis assumunt ex ipso *aere*, ubi tenuissime dispersum, *pinguis* texturæ primordia quandatenus forte imbibere potuit; Unde utique *Ros* ipse, non modo in nostris regionibus fecundissimus est, pro nutrimento *vegetabilibus* suppeditando: Sed tanto magis, in illis regionibus, ubi toto anno nulla alia *aquositas* *vegetabilibus* obtingit, *Ægypto* præcipue, & aliis meridionalibus plagis; Non minus late interim virentibus & crescentibus *resinosis* quibusque præcipue *procerioribus*, *vegetabilibus*. In quibus omnibus & singulis exemplis, (cujusmodi etiam de intemperie calida anni 1684. allegavi in *Tr. de Fermentatione*) in medio adhuc positum fuerit, an *Humiditas* illa *aquosa* roris, actu inferat simul *phlogiston* nostrum: An vero saltem *poros* pandat, & *meatus* ad ulteriorem expansionem *laxos* & *flexiles* fervet; Ut ita cum



allabente, imo *illabente* in patulos poros, *aere*, hæc *phlogistos* materia magis immediate ingredi valeat.

Constans hoc sane, & omnibus sensibus obvium est, quod vegetabilia maxime *resinosa*, nullatenus ament terras *pingues, nigras, bituminoso-pingues*; In illis etiam locis, ubi immensa copia nascuntur, absurdum fuerit supponere, quod subtus in illis fundis, *bituminosa* venæ delitecant: Sed observatio est potius vel plebeja penitus, quod *Sylvæ picearum, pinuum, abietum, Laricum*, in puro *sicco, candido, macro, ex succo sabulo*, & montosis quidem atque *saxosis* locis, nascantur, e quibus *pluvia* quælibet, modica quidem citissime in *auras* resorbeatur & exhalet: Copiosa vero, statim, proclivi situ loci, *decurrat*, & seorsum diffluat: Unde quidem illud solum quod *piceas, pinus, abietes*, fert, ordinarie omnium herbarum *succulentarum* plane exors observatur. Imo rarissime fere obtingit, ut *pluvia*, nisi oppido longa aut larga, ad *radices* harum arborum pertingat, cum *rami* earundem ita porrecti, *comæ* vero densissimæ, sint, ut vix *centesima* pars *pluviæ*, præ his ad *radices* depluere possit.

E quibus omnibus circumstantiis clare satis dilucescere arbitror, quod *phlogiston* hoc magis, & copiosius ex *aere* quam vel ex *terræ* intimioribus, vel ex *aqua*, vegetabilibus his offeratur. Ubi quidem, cum de *terræ* intimioribus dicam, uno adhuc verbo notare licuerit, quod *resiniferarum* illarum arborum *radices*, nequaquam in *profunditatem* *terræ*, insinuentur, ut vel ex terra aliquid *bituminosi* haurire, vel in profundiori terra, *aquositate* diutinum commercium obtinere possint: Sed dispensantur ita plane per *terræ superficiem*, ut *pinus* centum & ultra annorum, a 60. ad 80. *cubitorum* longitudine, *radices* late quidem circa prorrectas & distributas habeat, quæ tamen interim vix ultra *sex quadrantes* unius cubiti in *profunditatem* *terræ* penetrent, & quidem vix centesimus quisque ramulus: Lon-

ge vero paucissimi, & vix bis millesimus quisque, ad sex quadrantes, usque ad duas ulnas. Quod in annosis *Abietibus* & *Pinibus*, plus centies cum admiratione adpexi, quando a procellosis ventis evulsæ jacebant.

Sicut vero ex hisce patet, quod illæ *Mixtiones*, quæ quotidiano successu fiunt, pingues, materiam suam verisimillime ex ipso aere nanciscantur: Et id quidem in *Regno vegetabili*, in *Animale* enim, magis tantum fit Transumptio aliqua, cum levi alteratione, ex vegetabilibus: Ita in *Minerali* non dubito, quin longe pluri ima pinguedo ab ipsa prima Creatione ingesta sit *Lithanthracum* & *Sulphurum venis*, constanti serie & tractu dispositis, was davon gangbaffig streichet: Quicquid vero sparsim, & levibus moleculis diffusum est, was eingestreugt steht / partim quidem a dissolutione & divaporatione modo dictarum venarum, von dem Auswitteren/und Schwaden / derivari consentio, partim vero ab ipso aere introrsum penetrare conjicio. Ubi sane, vix nominatenus, & magis veluti nuda traditione insignitum, negotium, der Einwitterung / seu Inhalationis, optandum esset, ut luculentioribus observationibus illustratum haberi posset.

Sub his omnibus vero τῆ φλογισῆ, ex aere in *Vegetabilia* & *Mineralia* translationibus, perpetua est sociatio ejusdem, cum *Salina* substantia; Ita, ut vel per ipsas tales *Salinas* exhalationes, in aerem diffusas, idem veluti colligi, arripi, compingi, & ita in dicta concreta deduci contingat: Vel, si libere cum aere in terræ cryptas, & vegetabilium poros, inhalet, ibidem non facilius detineatur, nisi ubi maxime *Salinarum* atomorum consortium offendit.

Unde omnibus omnino resinis, *Bituminibus*, & *Sulphure*, manifestum subest *Sal*, quod maxime incrassat & inspissat ipsam pinguedinis consistentiam; Et cum hoc faciat, bona consequentiâ a majori ad minus in eodem genere, non inepte censerî possit, etiam primitus, ad aliqualem solû consistentiam concentrando φλογισῶ nostro inserviisse.

Non est nostri propositi præsentis, in universum de hoc negotio fermocinari; Suffecerit nobis, connubium artificiale τῆ φλογισῆ cum acido subtiliato, perlustrare, ubi de SPIRITU VITRIOLI VOLATILI, agere animum induximus.

Ubi videlicet, nostro sane Experimento, e *Vitriolo Volatilem* illum Spiritum, qui Spiritui Sulphuris per deflagrationem resoluti geminus sit, in Copia præparare docebimus, simulque totius operationis, æque ac Spiritus Volatilis Sulphuris genealogiam, eadem opera evolvemus.



CAPUT PRIMUM.

OCCASIO INVENTIONIS.

**U**T in *Chymicis* operationibus, si ipse admoveas manum, multæ occurrunt circumstantiæ, operationem ipsam diversis modis variantes, imo mutantes, e quarum circumspecta attentione, & solerti pensitatione atque scrutinio pulcherrima sæpe consecretaria deduci possunt, aut non raro speciosæ opiniones & *superstitiones*, detegi atque reformari: Ita profecto otiosis *speculatoribus*, & credulis alienorum laborum & relationum sectatoribus, non modo neglectis operationibus, occasio aliquid solide perspiciendi elabitur, sed obtingunt potius communiter in contrarium, tot offendicula, ut in Rhapsodiis suis, nihil magis confarcinent & coacervent, quam falsa & absurda aliorum commenta, & mirifica speciosis titulis *ωράγματα*, in quibus ut nihil solidi inest, ita si re ipsa unquam quidquam tale præstare, & *manibus suis* elaborare deberent, miseri ejusmodi commentatores somniorum, non possent non risui sese prostituere.

In quibus brevibus, ne quisquam Chymix Oceanum navigans, deprehendatur, cautio sane esto, ne quidquam temere pro vero assumat, multo minus pro *fundamento* aut demonstratione aliqua illud adhibeat, quod non prius circumspecto *examine Experimentiæ* verum & certum deprehenderit.

Possem plura talia exempla allegare, nisi admodum odiosa veritas, in calumniam torqueri posset, ac si non tam nudæ *veritatis*, quam prodendæ inscitix talium, adeoque odii causa, propalarentur. Unde quidem sua sibi habeant, à vanitate interim, & invida meliorum arrosione, cessent, ne risui denique exponantur: Quod enim differtur, non aufertur.

Ad rem nostram ut accedam, En historiam. Obtigit Anno 1682. cum Jenæ adhuc Studiorum causa viverem, ut *Chymicus* quidam *Præcticus*, Dn. Zeidler, Pharmaceuticæ Chymix maxime incumbens

bens, cœterum non modo in *Enchirisis* ejus generis, sed & satis attenta circumsp̄ctione, laudabiliter versatus, cum Chymicarum rerum studiosum me audivisset, exhiberet, magnam quantitatem, plus 6. libris, liquoris stillatitii, non pure diaphani, *insipidi* fere, sed *odoris* longe penetrantissimi, qualis est *accensi sulphuris*.

Affirmabat esse *spiritum vitrioli*, ut res docebat *volatilem*: eumque se *in copia* posthac parare posse, cujus rei *Enchirisin*, in præsenti specimine deprehendisset.

Mihi nihil minus in more est, quam ex hominibus, ea, quæ abscondere cogitant, ullo modo exquirere, nedum expiscari: unde, cum tale inventum, *spiritum vitrioli volatilem*, pro quantum post *Michaëlis* nomen! in copiosa, & facili *Enchirisi*, parandi, manifestari non desiderassem: ut tamen est vir bonus & candidus, de quo loquor, me etiam nihil interrogante, loquebatur de habitu hujus spiritus ad *vasa vulgaria*, seu Retortas, communiter *porosiores*, per quorum poros hic spiritus ordinarie in auras evaporet: Addebat tandem, ad vitandum hoc incommodum, adhibuisse se vasa *Skælensia*, quæ *vitrescente* densitate prædita, hîc locorum satis cognita, & *Waldeburgensium* in hoc genere æmula, sunt.

Hucusque cum se explicuisset, præmissa protestatione, quod arcanum ejus, si ita haberi velit, expiscandi nulla mihi sit intentio, adeoque libere, si reticescere placeat, id faceret; Id unicum quæsi, sine, an cum aliqua *additione*, effectum hunc obtinuisset? Ingenue statim ait, sine ulla *additione*, & eodem modo, quo *communem spiritum* destillaret, usum.

Vix perceperam, cum pervestigandi cupidine tactus, imitari operationem tentarem. *Skælense* vas ad manum non erat, sed *Bergelensia* tantum, sic satis firmiter tamen, & propemodum ad *subvitrescentem* densitatem excocta. Diffidebam nihilominus successui, & arripiebam propterea *vitream* Retortam: Si enim *Skælensia* vasa propterea *volatilem spiritum* promovent, quia *vitrescente* densitate transpirationem ejus impediunt, *vitreorum* sane eadem omnino sit ratio necessarium duxi.



Accepi *vitriolum* ad *albedinem* calcinatum, *vitrea* Retortæ loricate impofui, Ignem debitis fucceffibus adhibui, prodiit *Spiritus* nebulis folitis, quem cum continuo igne profequerer, ceffavit poft 4. circiter horas eruptionis largior fucceffus, nec nifi parva quantitas procedens, defiftendi confilium fuggeffit.

Qui transcenderat *fpiritus*, minime omnium *volatilis*, fed vulgari modo acidus & inodorus, erat. *Retorta* vi ignis, & quod luto *fabulofo*, tenuiter quoque folum, obducta fuerat, fubfederat, ut fuperius ejus hemifphærium *vitriolo* contento arctius incumberet, unde defectus tranfcenfionis ulterioris natus.

## CAPUT SECUNDUM.

### EXPERIMENTUM IPSUM.

**A**ccipio fequente die *ficilem* Retortam *Bergelenfem*, tenuiter lutatam, impono *vitriolum* ad *Albedinem* calcinatum, adminiftro Ignem per gradus. Progreditur hora circiter una, nebulis albis, *fpiritus*: Nebulæ incipiunt deficere, Recipiens [erat cucurbita maxima. *Herrn Rolben* / 10. circiter menfurarum] magis magisque clarefcit. Vigebat interim ignis, ad luculentum Retortæ candorem; non concipiebam unde *Spirituum* defectus. Dum propius circa Recipientem verfor, ferit nares odor intensiffimus, *fulphureus* ille ipfe penetrantiffimus.

Avuliffem credo præmature Recipientem, inventi deprehendendi avidus, nifi aliqualis adhuc *nebulofi fpiritus* exhalatio diffuafiffet. Continuatō itaque per 6. horas Igne, & fuccedentibus denique *Olei Vitrioli* guttis, evanefcente etiam jam dudum univerfo illo *nebuloso* proventu, aufero Recipientem. Furnum vero optime tego, ut languidiffima detefpicientia refrigeraret Retorta.

Odor *Sulphureus*, qui ex recipiente abftracto impetuofoffimus erumpebat, erat penetrantiffimus; quem ne perderem mora, attuleram *Capitellum*; Hoc imponebam actutum *Cucurbitæ*, quæ pro Recipiente fuerat, & ita inverfa *Cucurbita*, quod in *Capitellum* confluerat, per roftrum hujus effundebam in *vitrum*, cera è veftigio obturatum.

Postero mane, eximo Retortam è furno: Offendo aliquot, *arctis* quidem, sed *longis* tamen, *rimis*, penetratam. Attribuebam primo refrigerentiæ inæquali, imo illabenti per os & collum patens, *auræ*, dum intus adhuc candesceret vas.

Non satisfaciebat ratio; erant *rimæ* circa *ventris* inferiora, & ubicum *fundo* contriguus est, sub ipsa fere *materia contenta*. Ubi Ignis diutissime perstitit, & magis decuerat *rimas* egisse in parte *sursum* spectante, quæ *detepefscens candente* adhuc *inferiore* parte, convenientius rupta fuisset.

Redibat in mentem, quod primo ultra horæ spatium copiosus *vapor albus* eruperat, & Recipientem, ut alias in *communi Spiritu* segniore, impleverat: Quodque tunc temporis, æque sæpe & prope Recipientem spectitans, nihil *odoris volatilis* perceperam: Simulatque vero *vapor* hic *crassus* visibilis, minueretur, præsto erat *Spiritus volatilis*.

Suspiciabar itaque tunc maxime impositis novis Carbonibus, indeque sub media *candescencia* admissio *aëre liberiore*, *rimas* concepiisse fictile: Indeque *Spiritus* quidem breviorẽ viam nactus, desisse ad Recipiens prorumpere. Sed cur prorumpibat *Volatilissimus* hic, si *rimæ* transmittabant *crassiorẽ* quoque?

Stabat sententia, de circumstantiis certum fieri. Assumo de-nuo ejusdem generis Retortam, procedo quoad possibile circum-specte; Prodit ad duas ferme horas, *vapor albus* copiosissimus, *odor sulphureus* nullus. Confirmor magis magisque *rimam* fuisse in cau-sa. Fervebat æstus ignis ad intensam vasis candescentiã: Dete-go furni ostiolum, & semotisibi Carbonibus, relinquo aliquandiu liberioris aëris attactui: *Crepitat* Retorta ad auditum, & agit *rimam*.

Vix aliquot horæ minutæ præterierant, *extenuatur* albus ille *vapor* & *clarefcere* incipit Retorta; *Odor Sulphureus* incipit, & conti-nuato per quatuor horas Igne, copiosissime erumpit, per juncturas, quantumcunque lutatas, Retortæ cum Recipiente, incoerci-biliter transpirans.

In secunda, aut potius prima è *fictilibus*, nempe immediate præ-cedente, operatione, nihil *Aquæ* præposueram; Unde quod in *Vi-triolo* ad albedinem calcinato supererat, paucum sane (è *libra una* Cal-



cinati hoc modo Vitrioli, de *libris duabus* crudi) vix fescunciam excedebat: Erat præterea, ab *Oleo*, fuscum: *Odorem* tamen penetrantissimum *volatilem* imbiberat, ut post longum quoque tempus, cum numerosissimis vicibus apertum, & denuo clausum fuisset Vitrum, luculenter servaverit.

In hac vero ultima operatione, præposueram *Aqua* pluviae claræ uncias Octo: Et agitaveram prius in Recipiente, ut ille inde undique madesceret, Imbiberat itaque *Aqua* hæc, copiam longe majorem, tum *acidi* minus *volatilis*, tum hujus nostri *volatilis*, *Spiritus*. Deplebam ex Recipiente in Vitrum, ante dicta enchirisi, & asservabam Cera obturatorum.

Exempta adhuc calida satis Retorta, exhibebat confestim *rimas*, quas, ad auditum quoque, antea, in ipso labore, egerat.

Non dubitabam amplius, quod *rima* potissimum in causa fuerint, cur *Spiritus* è *fixo* fiat *volatilis*. Et ita intelligebam demum, habitudinem *Skælenſium* vasorum ad hunc effectum: Non quod *Spiritus* *volatilis* non transmitterent: Sed quod vix possibile sit, eadem *candescencia* diu integra servare, quin vel à levi æstus remissione *fissuras* patiantur.

Perpetravi deinde sæpius eandem operationem, & de perpetuo rei successu, ne minima dubitatione relicta, de causis eventus speculari cœpi.

### CAPUT TERTIUM,

#### SPECULATIONES DECEPTÆ.

**R**Ecte profecto Seneca: *Quid quisque possit, nisi tentando, non didicit*, & Apulejus in Florida, non minus congrue: *Nec quicquam omnium est, quod possit in primordio sui perfici, sed in omnibus ferme est ante spei rudimentum, quam rei Experimentum.*

Tanto magis vero locum hoc habet, si ille, qui aliquid comprehendere aut reperire laborat, non modo à nemine subsidiis adjuvatur, sed potius contra, *præjudiciis*, & falsis relationibus perturbatur. Existimatio, quam de *Kunkelii* Experientia multiplici, & *Beccheri* scientia in rebus Chymicis perspicacissima, jamtum ante dicto

dicto tempore conceperam, & hodieque fovere non desino (insuper habitis nonnullis *παραράμμασι*, circa difficilia utique & intricata negotia, in quibus viam prævisse ipsos sufficit, licet inter multa alia, omnia non absolverint.) Hæc interim existimatio, inquam, seduxit me, ut traditionibus ipsorum, quas statim recensebo, abuterer, ad causas *Experimenti* nostri elucidandas.

I. Tradit nimirum *Kunkelius*, quod ex *acido Oleo Sulphuris*, bona quantitas veri *ardentis communis Sulphuris* separari possit: Modum non tangit. *Beccherus* proponit diversis locis hanc eandem propositionem *Phys. Subt. L. 1. S. 3. c. 1. §. 7. & S. 5. c. 2. §. 153*. Prodit vero alicubi modum, quod mediante *Antimonio* fiat, qui quidem oppido perversus est, nisi absonæ illorum opinioni pollicem premere libeat, qui in *Antimonio* nullum *actuale Sulphur* inesse, prætestantur:

Nondum tunc temporis offenderam hunc locum; sed fidebam duplici huic assertioni; Idque tanto magis, cum certus utique essem, II. quod tum *Sulphuris*, tum *Vitrioli Spiritus*, Sulphur quantenus solvant, eoque non magis *pondere*, quam *acore* augeantur.

III. Incideram præterea jamdudum ante, in Autorem quendam, (cujus ne hodieque amplius reminisci possum) qui pro *Spiritu Sulphuris per campanam* commode parando, monebat, eo respiciendum esse, ut aliquid *Sulphuris florum* forma, in *campanam* sese applicet, quod ipsum priusquam factum fuerit, frustra expectatum iri *Spiritus* proventum.

Ex omnibus hisce suppositionibus, inducebar, ut opinarer, *Spiritum Sulphuris*, *proprie*, & ex sua natura, esse *Volatilem*. Per accidens autem demum fieri *fixiorem*, dum de proprio suo *Corpore*, crudo & integro *Sulphure*, aliquid solvat, imbibat, seque ita denuo eo obstatet & prægravet.

Idem arbitrabar fieri in *Vitriolo*. Ibi enim manifestum erat, quod primo *Sulphur* integrum, sese insinuet metallo: Neque licet (in occluso, prorsus) diutissime candesceret, ullum *Vitrioli* proventum efficiat: Si vero in *aperto aëre* leniter ustuletur, *Vitriolum* demum formet.



Hoc ita capiebam. Dum aperto *aëre* concurrente, *Sulphuris* portio accenditur, resolvitur in *Spiritum* talem *tenuem volatilem*, Hic, antequam in auras diffugiat, invadit de reliquo, nondum ita resoluta *Sulphure* (neque enim in ullo tali labore omni simul *uno* eodemque *momento* accenditur, ne quidem si ipsum purum & solum *Sulphur* assumatur) particulas, quæ intimius metallicis corpusculis adhærescunt: Format cum iisdem *Sal acidum fixius*, atque ita particulae illi *metallicæ*, in aquam abripiendæ, seu solvendæ, par evadit.

Quando itaque tunc quidem finitur incandescencia, tunc adfusa *Aqua* eluitur hoc *Sal*, cum particula metallica, cui adhæsit. Si vero justo diutius continuatur ustulatio, tunc denique non modo *volatilis* hæc particula, à crudiore *Sulphurea* (quam antea occupaverat, quæque metallico corpusculo firmitus adhæret) rursus avelitur: Sed ipsa etiam adhuc *Sulphurea* illa particula, incenditur vi ignis similiter, & resolvitur in eundem talem, non minus *volatilem*, *Spiritum*.

Confirmabat hanc meam opinionem, quod *minera Vitrioli*, in *aëre* libero, diutius, etiam *leni* solum candescencia, *usta*, revera nihil fere Vitrioli præbet, sed *salinam* illam, imo totam potius *Sulphuream* substantiam, immensum quantum promptius amittit, quam si in *occluso* vase tractetur.

Præterea consentire opinioni meæ videbatur, odor *penetrantior* longe, qui è Vitriolo in vase *aperto* calcinato seu cande facto, prodit, quam ab eodem in *occlusis* vasis ignito.

Juxta has omnes præconceptas circumstantias, concludebam: Cum Vitriolum in vase *clauso* ignitur, per *rimam* vero tenuem aër externus, una illabi & penetrare valet, contingere, non modo *volatilioris* illius (quod in præparatione prima Vitrioli, *leni* deflagratione è *Mixtione Sulphurea* dissoluta productum est) *evolutionem* & *expeditionem*; Sed illud ipsum quoque, quicquid adhuc *crudi Sulphuris*, metallo adhæsit, & *Mediatoris* veluti loco functum hætenus est, ut *volatilis* illa portiuncula quadantenus *figi*, & *fixioris Salis acidi* forma, metallo adhærescere potuerit, illud ipsum inquam, *resolvi* denique hac *continuata* ignitione, & *aëris* subtili concursu, ut pariter, subtili deflagratione, *adustibilis* ipsius portio auferatur, portio

tio vero *Salina*, ita uti in se (ex opinione) est, *tenuis* nempe, *volatilis*, vi Ignis à metallo denique avellatur, & in vas recipiens propulsetur.

Obfirmabat opinionem tanto magis, quod Sulphur cum metallo, *Ferro* aut *Cupro* colliquatum in exacte *occluso* vase nullo Igne ab his metallis avelli potest: Cum tamen *acidum* Vitriolicum fixius, seu *Spiritus* Vitrioli communis, & *Oleum* sic dictum, in *vase occluso*, avellatur utique. Videbatur itaque hoc *acidum media consistentia* esse, non purum *acidum*, quod *volatile* semper agnoscebam, nec purum Sulphur, quod in *occluso* plane non abscederet, sed ex *acido volatili*, & *crudo* adhuc *Sulphure*, compositum.

Et sane qui non modo omnes has suppositiones, sed & iusta ipsarum consecutaria, seu connexiones pensitaverit, vix poterit aliter, quam ego feci, sentire; Neque, credo, facile eripi sibi sententiam hanc sinet, si pro apice totius argumenti sciverit, quod utique *Sulphur commune*, si lenissime, & exilissimis portiunculis, *deslagret* ne micam aut *vestigium fixioris Acidi Spiritus* exhibeat, sed *totum* in purum talem *volatilem* faceffat, adeo ut è *decem libris Sulphuris*, ita procedendo, ne minimum *acidi fixi Spiritus* obtinueris: Omne interim in *volatilem* talem fatiscat.

Aut cader ad minimum in *novum* illum, *constantem*, & vix ulla ratione *evitabilem*, errorem, quod in *Sulphure sit duplex Spiritus*, alter *volatilis*, alter *fixior*, iique multum *diversi*: Quod tamen, ut dixi, *Error* est.

Illi, qui crassum illud: *Ignis mutat res*: in ore habent, quæso abstineant ab hisce rebus, & maneat in sua Sphæra.

Ego vero concludo totum hoc caput, ingenua, ipsi titulo Capituli huius consentanea, confessione, *tota hac operosa & speciosa speculatio, revera est erronea.*

## CAPUT QUARTUM. THEORIA VERAX.

**S**I quisquam ante me, veram *Sulphuris Essentiam*, clavis & Experimentis subnixis declarationibus, descripsisset, non fatigasset me prolixa, & erronea tamen, speculatio, quam capite præcedente exposui.



Ita vero, cum omnes dicerent, *Sulphur* constat ex *acido* & pingui: Neque tamen id aliter probarent, quam quia *flammam* concipiat, & *acidum* Spiritum præbeat, & utrumque quidem, mediante non uno, sed *vario* Ignis, aëris, aquæ, additamentorum, concursu; Fluctuans in *generaliori* ipsorum asserto, confusionem passus sum. Ante omnia perturbabat, *Primo*, hic ipse *Volatilis Spiritus Sulphuris*, seu purus & obvius ejusdem fumus, *Secundo*, quod nemo ullo exemplo probare posset, quod in *Sulphure* revera sit *actualis pinguedo*.

Ubi quidem, Beccherianis hypothesibus jamdudum imbutus, satis certus esse videbar, quod magna sit diversitas, inter *Principium pinguedinis*, seu illud quod corpora inflammationi obnoxia facit, si illis admisceatur, & inter *formalem pinguedinem*.

Et ipsum *acidum*, quod è *Sulphure* producitur, dubium erat, an *tale* absolute inextiterit; an vero qualicumque demum transpositione *Mixtionis*, aut *attenuatione*, in hunc statum pervenisset quodcunque *Sulphuris Principium*.

Hærebam enim tunc quoque adhuc quadantenus, in luto illo, imo cœno, ubi subtilissimæ difficultates *Physico-Chymicæ*, uno ictu, ut nodus Gordius, Monarchico illo gladio solvuntur: *Ignis mutat texturam & figuram*, & facit ex certa *sui generis* pristina *figura* (quam quidem nescimus) certam *sui generis* novam aliam (quam etiam nescimus) tenuissimam, subtilissimam, mobilissimam, activissimam, - - - issimam, - - - issimam, stupendæ efficacisë, admirandæ penetrantiæ, &c.

Sed superabat omnes hasce tergiversationes, perpetuo obversans illa *Experientia*, quod non modo *totum Sulphur*, in purum putum talem *Volatilem Spiritum* abeat, sine vestigio fixioris, aut ullius alterius rei: Sed &, quod *paulo alia enchirisi*, *totum Sulphur*, sine ullo considerabili ponderis decremento, abeat in purum putum tale *fixius Acidum*, quod quantum quidem tunc sciebam, nulla arte in prioris illius *volatilis* naturam converti liceret, nisi nostro hoc *Experimento*.

*Prioris Exemplar* exhibet tum ipsa *Sulphuris* lenissima, & per pauca frustula, combustio: Tum ipse noster *Spiritus Vitrioli Volatilis*.

Poste-

Posterioris specimen fit, si *Sulphuris* pars una, cum duabus vel tribus *Salis tartari*, in clauso vase, colliquetur; Magma detepescens subtiliter pulverisatum, in vase patulo leniter ignito, cum perpetua agitatione, calcinetur, ubi absumto *Phlogisto*, remanet *acidum Sulphuris*, *Sali fixo Tartari* affixum, cumque eo idem omnino Compositum seu *Mixtum* format, quale è *Spiritus Sulphuris fixioris*, & *Salis* hujusmodi fixi, miscela resultat.

Hærebat itaque aqua, & manebat in quæstione illud ipsum, quod in quæstione erat.

Excusso sæpius Experimento, deprehendebam tandem exactissima attentione, quod Vitriolum, si maxime in *aperto aëre* & *Ignis* uritur, nequaquam *Volatilem* ejusmodi odorem præbeat, modo *vas* maneat integrum.

Peribat itaque rustica illa excusatio, quod hæc *mutatio*, immediatæ mutationi *activæ Ignis* attribuenda sit.

Sane enim vel *materialiter* concurreret *Ignis* ad mutationem illam, i. e. de *materia* sua aliquid contribuet, vel *formaliter*. Si *Materialiter*, rustice dictum erit, *mutat*: dicendum erit: *miscet aliter*: & demonstrandum, quid admisceat, quo nempe verificari possit, quod aliquid *materiale* contribuat. Si vero *formaliter* concurrente mutet; Hic concurrit, si nempe Vitriolum *in aperto* uritur, & tamen non mutat.

Fisso vero vase, mutat, non *formaliter* tantum concurrente, sed *materialiter*. Simul atque enim fissio vase, halitus Ignei materiales concurrere possunt, tunc contingit illa mutatio: Determinandum itaque restat, cujusmodi sint illi *halitus*, cujus naturæ, & quomodo hunc effectum præstent.

Profecto, si etiam hoc non determinare possem, aliquid tamen, neque exiguum illud, dixissem amplius, quam præcipites illi *Mutatores* in genere, dum Experimento ipso demonstro, quod utique *materialis* concursus *Ignis*, necessarius sit ad hanc mutationem.

At vero, cum *Sulphur*, sine *materiali* externo Igne, in *Spiritum* talem resolvatur; videri posset, non *materiale*m, sed *formale*m concursum sufficere, seu *Motum* solum Igneum.

Distin-



Distingue: *Sulphur* habet adhuc *Materiam Ignis* τὸ Φλογιστὸν; adeoque solo *motu* indiget; *Acidum* vero *Sulphuris* fixius in *Vitriolo*, amisit hanc materiam: Recuperauit autem à contactu *exhalationis Igneae* intimiore.

Materiale itaque illud, quod *Ignis* ad nostrum Experimentum contribuit, est ipsum hactenus nominatum *Phlogiston*: Quod, dum ipso *motu* illo, quo in *Ignem* convertitur, seu *Ignis* est, non modo à crassiore sua admixta *terrea* substantia liberatur, sed & subtilissime agitur; Hic vero in vase destillatorio, offendit *Acidam salinam* substantiam, valde subtiliter *terream*; Incurrendo in hanc, & cum eadem cohærendo, simul tamen, ob aëris perennem concursum, *motum Igneum* retinendo, divellit ipsius hujus *acido terreae* substantiae compagem, eamque adeo attenuat, ut in plures minutias divulsa, Φλογιστοῖς hujusmodi atomis associata, *volatilem* illam tenuitatem acquirat, sub qua aëris præcipue impulsu, promptissime agitur.

*Attenuationem* vero hanc quod attinet, neque hic mihi fingo, neque ita ab aliis intelligi volo, quasi *Motus* ille *Igneus*, particulas *acidas* subtilissime *terreas*, in indefinitum conterat, deterat, concutiat, solo *formali* incurso;

Sed quod particulae, *Acidum fixius* Sal constituentes, non sint numero singulares, sed plures, sibi invicem incumbentes, & arcte conjunctae, ut pro una moveantur: Quale quid v. g. contingere potest, in planis numero pluribus ejusdem figurae, quadratis, rhomboideis &c. ut sibi invicem per *planities* suas adjacentia, non facile dimoveantur, interim ratione *angulorum* eorundem, non multum diversos effectus præstent, quam si sigillatim diremta versatur,

Talem itaque diremptionem & divulsionem particularum ejusmodi (quarum aliquot sibi implicatae seu complicatae, constituunt unum Corpusculum *acidum* fixius & segnius) fieri existimo per *motum Igneum*, & quidem per *Corpusculum Igneo* motu agitatum *Phlogiston*, actu Φλογιζόμενον; Siquidem magna est differentia, inter *Motum Igneum*, quibuscunque aliis intermediis Corporibus, ad aliud Corpus propagatum: Et talem, qui ab ipso strictissime *Igneo* Corpo-

re, alii Corpori quadantenus cohærescente, inducitur. Inter Movens Ignitum, & Igneum.

Neque hoc tantum. Sed interest immensum quantum, inter Aeris adhæc motuum genera concursum *patentem*, & *interceptum*. Et iterum: Inter agitationem *Igneo-Aeream* flagrantem atque *precipitem*, aut *lentam*, immanentem magis.

Ita enim v.g. *Candela sebacea*, quamdiu *stabili* flammula ardet, extenuatur & dissolvitur universa illius substantia, in *tenuitatem imperceptibilem* prorsus; Et quidem in loco *contactus* flammæ cum *aëre*, nempe in candido livido illo ambitu, qui moleculam flammæ cingit.

Intus interim, in ipso *meditullio* flammulæ, rapide & præcipiti impetu exagitata materia, crassa adhuc est, & *rudis*, *fuliginis* proinde crassæ nigræ consistentiam exhibens.

Unde, quoties arctus ille, & paulo diuturnior, æqualis placidusque, aëris ambientis cum flammula, concursus turbatur, ut *fluctuante* flamma, alicubi erumpat impetus, dispergitur statim ingenti quantitate *fuligo*, & consumitur uno momento tantum, quantum *decies* tantundem temporis alias explevisset.

Hanc eandem *aëris* sociam operam, agnoscimus etiam in nostro negotio, tenuissimæ *divulsionis* & *diremptionis*. Contingit enim in *Sulphuris* deflagratione, idem omnino, quod in modo dicta *Candela* consumptione. Nempe si paucissima quantitas Sulphuris accenditur, & in loco tranquillo ita deflagrat, successive novam particulam subministrando: Tunc convertitur universum (quantum quidem hætenus observari potuit) in ejusmodi *volatilem* subtilem vaporem, seu Spiritum. Si vero major moles ita accendatur, quæ *largam* & inæqualem flammam concipiat, tunc portio quidem ejus, quæ *revera* & plenarie *ardet*, extenuatur quidem in talem eandem *volatilem* subtilitatem; Quicquid autem ejus *impetu* motus disjicitur, antequam sufficienter diutinus concursus *aëris*, verum *flammeum* motum ipsi impingere possit: Illud vel in forma *fuliginis* nihil alteratæ, seu *florum*, dispergitur: vel avulsa tantum phlogistō particula, *acidum* corpusculum, non in plura minora divulsum, sed ita *crassum*, (ex pluribus numero, minoribus, in



unum coalitis) dimittit, quod vulgarem *Spiritum Sulphuris* constituit.

## CAPUT QUINTVM.

# RATIO PROCESSUS.

**C**onsistit itaque totius nostri Processus ratio proprie in sequenti successu.

*Sulphur* commune minerale, constat ex *Sale acido* puro, *crasso* tamen; Id est, cujus *numero plures* particulæ, sibi invicem arcte cohærentes, *pro uno* moventur: & *Phlogisto*, seu *Principio pinguedinum*, & inflammabilitatis visibilis, seu lentioris.

Hæc miscela, si ita dissolvatur, ut *Phlogiston* illud *repente* ab *acido* avellatur (ut in præparatione *Spiritus Sulphuris per campanam*, cujus hæc tota est *Enchirisis*: aut detento alicubi firmitus *acido*, paulo *otiosius* depellatur: Tunc fit genuina *Mixti* hujus *Diacrasis*, & obtinetur, disjecto *Phlogisto*, *acidum sulphuris* constitutivum ita genuinum, ut sola *additione artificiosa* novi *Phlogistæ*, statim in illud idem *Mixtum* denuo redeat, seu *verum sulphur* iterum fiat, ut mense *Julio* præcedente abunde monstravimus.

Methodus hæc posterior, occurrit tam in *Vitrioli* confectione per *Sulphur*, adeoque ut ejus vulgari præparatione ex mineris; Et eodem fundamento, in *Aluminis* generatione: Quam in *Alcali Sulphurato*, dextre calcinato, de quo Mense superiore itidem dictum.

Si vero avulsio illa τῆ φλογισῆ, non *violento* impetu, sed diuturniore *vibratione* & *gyratione*, (imo forte speciali proportionem figuræ *aerearum* particularum, ad hunc motum) perpetratur, tunc divellitur etiam ipsarum *acidarum* particularum propria compages, subtilissimo illo motu, & particulæ *Phlogistæ* interventu, ut ita de *numero* pluribus *Corpusculis*, quæ *acidum* constituunt, unum vel duo, cum *Phlogisto* abripiantur, adeoque in teneriori hac sua magnitudine, *mobilliora* sint, & quidem per consortium *Phlogistæ*, tam in *Ignem*, quam nudo *aere*, volatilia: Quodquod vero *Corpusculum*,

lum, de *acidis constitutivis*, a suo consorte aut confortibus avulsum, *Phlogiston* particulam non reperit, (plures enim parvæ particulæ, in *acido* sunt, quam *Phlogistæ* in *sulphure*) illud quidem pariter rapido *caloris* & *aeris* motu abripitur, seu volatilifatur, ut non in vase, in quo fit deflagratio, remaneat: Et in ipso aere atmosphærico, particulis *humidis* abundante, ex occurſu & prompto coalitu *humida* particulæ, in *salinam*, & quidem valde *tenuem*, mobilem, *volatilem*, cras intransit (quin eandem jamdum habet, ex *intrinseca* sua aqua, qui cum antea jam *salinam* Mixtionem possedit) sed definit, per eximiam suam subtilitatem, *crassos sensibiles effectus salinos*, *saporem*, *odorem*, promptam condensationem in *aggregatum*, impetuosam Corporum crassorum *solutionem*, &c. exhibere: sed constituit potius speciem *insipidi salis*, *volatilis*, *tenuissimi*, hætenus parum cogniti. Qua de re alia vice.

In nostro vero *Vitriolico volatili Spiritu*, cum in *vitriolo* nihil sit, nisi *acidum* illud, quod *Phlogiston* potissimum suum, in ipsa prima calcinatione jam amisit: Jam vero hoc ipsum, & quidem *igneo-aereo* motu efferum, *Phlogiston*, denuo in magna copia, per *fissuram* *Retortæ*, ipsi offertur, *colliditur*, impingitur, & quidem concurrente maxime assiduo *aeris* commercio: Proinde contingit hic illud ipsum, de quo modo prolixè disseruimus, abundantissime, ut videlicet per particulas *Phlogistas* & quidem in actuali *flammeo motu* existentes, particulæ *acidæ* crasiores, *divellantur*, & *intertextis Phlogistis* distineantur, adeoque speciem *salinam* constituent, non modo summopere *tenuem*, sed & in ipso maxime *aere libero*, summe *volatilem*.

Atque ita quidem nascitur non modo, per novam *combinationem*, noster *volatilis spiritus*, sed & largissima copia, & quanta maxime potest, *subtilissima* consistentia.

## CAPUT SEXTUM.

# RECTIFICATIO.

**P**Er agitur hæc levi enchirisi, quæ genium ipsius *Spiritus volatilis*, summopere, sequatur. Dabo exemplar quod mihi quasi semper familiare est, nempe ratione *quantitatis*.



*Vitrioli calcinati* ad Siccitatem, imo ad floridam *rubedinem*, libris tribus, præpono totidem libras aquæ pluviae puræ, aut destillatæ. Postquam ad 6. vel 8. horas propuli Spiritus, aufero Recipiens, stigma dilute *acidum*, condo in vitrum *angusti* colli, quod subere & desuper cera, occludo, imo præterea obligo vesica madida.

Enchirisin qua utor in eximendo e Recipiente, supra jam tetigi. Nimirum *capitellum*, quod collum Recipientis admittat, & satis capax sit, applico Recipienti, simulatque a Retorta eundem liberavi, & inclinato Recipiente, effundo in Capitellum, & ex hujus rostro in vitrum aut *Phiolam*, ipsum hoc stigma: Siquidem alias in libera effusione, tantus nidor in momento dispergitur, ut intercipi possit respiratio.

Quando jam *rectificationem* peragere libet, infundo hoc stigma cucurbitæ vitreæ, quatuordecim aut *sedecim digitos* mechanicos altæ, cum alembico quantum possibile arcte quadrante. Commisuras munio vesica ovi albumine, cum momento mellis, ad glutinationem præparata.

Impono *Balneo Maris*. Simulatque hoc eousque intepuit, delicata manus vix ferat, incipit stigma nostrum minimis bullis perpetuo *fervere*, cum specialissimo tamen hoc saltu, ut dum bullulæ hæ rumpuntur, quod momentanee fit, quælibet ipsarum projiciat in altum *guttulam* exilissimam, nebulosa & aacula paulo majorem: Et hoc quidem ad eam altitudinem, ut non paucæ in ipsum usque *Alembicum* pertingant: Quod quidem, quo magis fit, eo *acidior* est Spiritus, qui ita obtinetur.

Pergit interea ipse *volatilis* Spiritus invisibili halitu assurgere, & in Alembico in *guttulas* exilissimas coalescere, quæ sensim auctæ & confluentes, striatam quadantenus exhibent distributionem. Ita incipit & continuat transtillare.

Vix unquam tamen, sine notabili ipsius penetratione per juncturas *Alembici* cum cucurbita, obtinere hanc Rectificationem potui; Adeo quidem, ut pro certo habeam, vel *dimidium* tantum, quantum colligere licet, per vesicam juncturæ impositam diffugisse, quod odor circa furnum penetrantissimus satis testatur.

Ex prædicta quantitate *trium librarum* stigmatis, obtineo communi-

muniter *Spiritus rectificati* uncias *sex*, aut circiter neque enim quidquam determinari hic potest, cum interdum, ubi paulo majores fiunt fissuræ, plurimum in auras diffugiat in ipsa destillatione.

Coeterum *rectificatus* hic spiritus, ut *odore* intolerabili, *sulphuris accensi* fumum fere superare videtur, ita *sapore* vix levissime acido præditus est.

Hoc tamen non obstante, *solvit* non modo *ferrum*, sed *ebullit* vegete admodum, cum *alcalibus fixis*, nec minus cum *volatilibus*, eorumque haud parvam quantitatem saturat, & coalescendo cum ipsis, amittit universum suum *odorem*, illo ipso veluti momento.

Descripsit alicubi etiam *Glauberus*, *rectificationem* spiritus vitrioli volatilis, (si bene memini, in *libro Furnorum* evolvere nunc non vacat) nempe affundendo eundem, vel affundendo ipsi, *Oleum vitrioli*. Ita incalescendo cum hoc *oleo*, quod, si bene concentratum est, cum omnibus *phlegmaticis* liquoribus incalescit, tum illo calore mox ascendit, tum reliquum suum *phlegma* concentrato isti acido imbibitum amittit.

Nec dissuadebimus utique, cui arridet, modum, *pretiosum* saltem esse quilibet meminerit, & quidem de superfluo: Immo si valde *phlegmaticus* fuerit spiritus, non una, sed multiplex difficultas suberit. Nobis placet *simplex methodus*, supra designata.

## CAPUT SEPTIMUM.

### IDEM SPIRITUS EX SULPHURE.

Quemadmodum ex hætenus dictis patet, quod noster *Spiritus Vitrioli Volatilis*, odoris pure *Sulphurei*, nascatur ex acido crassiore, per interpositas *phlogistas*, in summa extenuatione (seu *numerica singularitate*) constitutas, summe extenuato;

In *Sulphure* vero communi, eadem utraque præsto sint, tam *acida* illæ, & quidem *crassiores*, quam *Phlogistæ*, minus tenuiter exagitatæ: Unde etiam ipsum *Vitrioli acidum*, nihil aliud est, quam purum *acidum Sulphuris*, ita tenaciter *metallicis* particulis adhærescens, ut *Phlogiston* ab ipso excuti potuerit:



Ita rationi omnino manifestum & luculentum est, cur ex ipso etiam *Sulphure*, talis eadem *volatilis*, spirituosâ substantia, abunde prodeat, quoties hoc in libero aëre, aut cum Nitro, deflagrat.

Duplex tantum est *difficultas*, *primo*, quomodo hæc ipsa *volatilis* Substantia capiatur: *Secundo*, Undenam *fixior* Spiritus Sulphuris, per *campanam* capiendus, enascatur.

Quæ *posterior* quidem quæstio, præsentis loci non æque existit; interim cum *enchirisin* involvat, quæ ipsam *Theoriam volatilis* quoque Spiritus, per *campanam* obtineatur, explanat, placuit non præterire.

*Primum* itaque quod attinet, facillima quidem est, *Volatilis* hujus Spiritus è *Sulphure* genesis, dum nihil aliud, nisi sola *accensio* ejusdem in *libero aëre*, ad hunc effectum requiritur.

Verum cum longe subtilissimus & *volatilissimus* existat, adeoque amplæ expansioni potius, quam collectione in parvum & arctum spatium idoneus, fit inde ut difficillime constringi queat.

*Triplici* methodo obtinetur purior. *Primo*, accipio Cucurbitam vitream *amplioris ventris*, colli vero arctioris: Hujus ventri, paulo supra maximam ejus amplitudinem, incido circum circa aliquot mediocria foramina: Infundo aquam puram, & desuper immitto vasculum, crucibulum minimum, calefactum, *floribus Sulphuris* semiplenum, indito *ellyphnio* è bombace, accensum, atque ita filo ferreo suspendo, ut aquam fere tangat: Tandem obtego cucurbitam.

Ita *ellyphnium* quidem fovet flammulam, foramina vero horizontaliter circumstantia, emittendo magnam quantitatem fumi, impediunt, ne ipsius collectione flammula supprimatur; interim imbibitur nonnihil de eodem fumo ipsi substanti aquæ, quæ proinde per vices educi, in vas bene obturandum colligi, & denique *refractione* concentrari potest.

Quod notatu dignissimum hic observavi, hoc est, quod pulverisatum *Sulphur*, ita per *ellyphnium* exile accensum; mira tarditate consumatur, ita ut *uncia una*, facile ad *sex horas* flammulam foveat, quæ ipsi magnitudinem exæquet; neque enim latius longe, aut



profundius in reliquo Pulvere serpit eumve accendit, nisi vasculum extrinsecus calefiat, ad *colliquationem* usque Sulphuris.

*Alter* modus est, ut deflagratione cum *Nitro* in forma *Clyssi*, præposita aqua capiatur, & *Rectificatione* separetur. Sed, licet hac methodo longe plus ejusdem obtineatur, brevi tempore, quam antedicta longissimo, metus tamen est, ne aliquid *Nitrosi* volatilissimi una subrepat, quod impofterum in *Experimentis* circa effectus illius reprehendendos, mangonium faciat.

*Tertius* modus est, per *Spiritum Vini* bene rectificatum, & a foetore suo empyrevmatico liberatum, ita dispositum, ut *fumus Sulphuris* ardentis, superficiem ejus perpetuo, & quadantenus in occluso, lambat; Unde tum in Cucurbita, supra dicta methodo, ita tractari potest negotium, tum in longis ductibus, sive è fictili vitreata materia, sive è ligneis asseribus, parati sint. Imbibit vero *Spiritus Vini* longe majorem quantitatem hujus Spiritus, quam aqua, sed non sine omni alteratione: Præpositus utique *Clyffo* Sulphurato *Spiritus Vini*, loco aquæ, imbibit hujus quoque volatilis Spiritus non exiguam copiam, &c.

Denique potest etiam idem *Spiritus Sulphuris volatilis*, mox in *Compositiones* salinas transumi, si *Sal alcali*, *fixum* aut *volatile* eodem perfumetur, ubi non modo prompte, sed etiam copiose, utriusvis insinuat: Imo ipsis quoque *solutionibus Metallicis* sese insinuat, quod sequenti observatione deprehendi.

Incluseram quantitatem *Spiritus* talis *Vitrioli volatilis*, qui sine alio phlegmate præposito, *Olei Vitrioli* una propulsi circiter uncia semis remixtus erat, in *Cucurbitulam* exiguam separatoriam: Occluseram cera, atque ita in repositorium collocabam, juxta alteram ejusdem generis *Cucurbitulam*, quæ bonam quantitatem *extracti*, ut vocant, *Crocei*, è *Croco Martis*, per *aquam Regis*, continebat, sed aperta stabat: Reclinaveram utrasque, ut contra se invicem contingerent.

Vix horæ quadrans præterierat, cum intensus nidor *Aqua fortis*, ex Repositorio spargebatur: Inspicienti quæcunque ibidem horum generum collocatæ erant Species, occurrit solutio prædicta *Martialis*, non modo *gilvum illum fumum*, quo *Spiritus Nitri* evapors



porans oculis sistitur, exhalans, sed etiam in *Superficie*, & quidem eo latere, quo Cucurbitula cum *Spiritu Volatili Vitrioli* accumbebat, numerosis bullulis *effervescent*. Facile suspicatus quod res erat, arreptam Cucurbitulam, odore deprehendebam, circa obturaculum è cera minus viscosa, halitum *Sulphureum* illum emittere, qui proinde in alterum accumbens vasculum illapsus, ibique aliquid de *Marte* solvens, dissipationem *Nitrosi Spiritus* effecerat.

*Secundum*, nempe *Spiritus fixioris* genesis, quod attinet, dixi superius, quod *leni deflagratione* nihil ejus obtineatur, sed totum Sulphur, in ejusmodi *volatilem* convertatur.

*Enchirisis* itaque universa in eo consistit, ut *Sulphur* copiose accendatur, ut adeo in suo genere, idem ipsi contingat, quod supra de *Candelarum* ardore annotavi, nempe non totum, aëris *longiore & intimiore* attritu, in *volatilem* hanc tenuitatem subtilietur: Sed potius excussis impetuosius *pblogistis* particulis, *acida* adhuc compactiores, ab istis avulsis liberatae provolent. Unde quisquis ille est Autor, (nam legi, sed non reminiscor *ubi*) qui monet nihil Spiritus colligi, antequam *flores* de Sulphure in campanam consurrexerint, recte quidem & quod *experientia* convenit, observavit. *Ratio* vero est hæc maxime, quod tantus *ardor* adhibendus sit, quo non exigua pars *Sulphuris* etiam adhuc integri, *fuliginis* modo, disjiciatur.

De reliqua *efficacia & usu* hujus Spiritus nunc quidem prolixiorum esse non placet; Quid *B. Michaelis spiritui vitrioli volatili*, ad *Cephalicos* effectus adscripserit, notum est ex ejus *Commentariis*, jam bonam partem typo exscriptis. Ego nihil hujus adhuc dum adstruere possum mihi enim revera *odor* ejus valde gravat & turbat caput, intus in me ipso nihil dum feci periculi, Sunt qui non solum, *an talis* fuerit *B. Michaelis* spiritus volatilis, ambigunt, sed prorsus, *an* fuerit?

*Kunkelius ad Metallica & Alchymica* multum huic tribuere videtur, dum in *Observationibus* suis, unciam *subtilissimi spiritus* è *Vitriolo*, qui *odorem* maxime exprimat (*das Subtileste/so den Geruch vorstellet*) aliquot *libris spiritus Mundi Aerei* ante habendum esse arbitratur: *Spiritus Mundi* vero quantum nomen?

Differemus itaque *efficaciam* hujus Spiritus, alteri, & proximæ fortassis, bono cum Deo occasione, ne nimium succrescat noster Mensis, cui proinde hic Terminus esto.

---

MENSIS  
SEPTEMBRIS

indicans

E BOLO COMMUNI  
PIGMENTARIO. MINE-  
RAM FERRI SPLENDI-  
DISSIMAM COPIOSE  
PROGIGNENDI.

---

B. C. D.

PROOEMIUM.

**Q**Uicunque *Sulphuris mineralis*, & *Arsenici*, nec non congenerum plurium *Volatilium* cramatum perpetuam societatem cum *metallis*, in visceribus Terræ perpendit, vix potest aliter quin eximiam *affinitatem* ipsius substantiæ, inter utraque intercedere suspicetur.

Ita enim in genere verum & certum est, quod si-

Zz

mili-



miliū quidem *mineralium* venæ, & imprimis *Sulphuris*, atque *Arsenici* seu *Cobalti*, copiose sæpenumero offendantur, quibus ullius *metalli* vix vestigium insit, omni omnino tamen (ut *physice* nihil *metalli* insit, licet civiliter operæ pretium non faciat) non æque prorsus careant: E contra vero nulla omnino *minera metallica*, imo nullum uspiam *metallum* datur, cui non satis copiose imo sæpenumero abundanter, *mineralia* ejusmodi admixta observentur: Exceptis particularibus portionibus, *Mercurii currentis* præcipue, seu *Virginici*, & *Auri*, quod ipsum tamen nunquam absolute purum invenitur.

Ita apud *Argentum*, *Cuprum*, *Stannum*, *Plumbum*, communissime deprehenditur *sulphureo-acida*, aut *Arsenicalis* substantia. Copiosissime in *Cupri* mineris; haud multo parcius in *Argenti* & *Plumbi*, utrinque *sulphurea* præcipue materia. In *Stanni* vero *minera*, haud ita modicum *Arsenicalis* substantiæ, *sulphureis* partibus remixtæ.

*Minera Mercurii* seu *argenti vivi*, ut maximam partem *Cinabari* crudiori similis est, ita haud parum *Sulphuris* continet, quod quidem sub ipsa *Mercurii* destillatione, ignis impetu eliquatum, *limosa* terreæ portioni *Mineræ* impactum, *Mercurium* deferit.

*Cinabaris* vero ipsa, *Mineris Auri* ditioribus, admodum familiaris est comes; Sicut etiam *Antimonium* raro omni auro caret; quamdiu nempe adhuc in *Minera* existit: Ipsum vero, etiam purum & nitidum, *aurum*, quod vel in subtilibus, & quasi pinguibus lutis, (in fetten letten/ und Seisfen-Erden) in granulis aut in fluminibus quibusdam, reperitur, nunquam exacte *malleabile* aut ductile est, sed perpetuo,

tuo, tum sub fusione aliqua adhuc depuratione eget, tum in *amalgamatione* (si ejus paulo major sit quantitas,) aliquid heterogeneum ad superficiem argenti vivi rejicit.

Quid, quod multis omnino locis, *Silesia* præsertim, ubi quondam ditissimæ aurifodinæ, & largissimi proventus venæ, fuerunt, hodie nihil nisi mineræ quidem facies, sed, vulgari & rudi modo, sterilis & volatilis, subsit miscela: Quæ, si *figentibus* & præcipitantibus speciebus additis, tractetur, quibus heterogenea *volatilia* & rapacia saturentur, *Auri* non levem quantitatem relinquunt. De quo negotio, ante hos decem circiter annos, cum præmatura tamen artificis morte, reassumto, erunt forte illic locorum, qui recordentur.

Inter hæc omnia ultimo fere loco est Ferrum. Quod, uti crassæ terreæ substantiæ veluti subtemine repletum est, ita hac ipsa *siccitate* quasi, tam *Sulphureo-pingues* quam *Salino-Arsenicales* portiones, ita imbibit, ut frequentissime sub *arida*, *sicca* & *exsucca* forma sine ullo *nitore*, aspectui sese sistat.

Interdum tamen, occurrit etiam largiore hujus generis, præcipue *pingvi*, admistione imbutum, ut nitidam atque splendidam faciem repræsentet, quale quid in *Smalcaldicis* ferrifodinis sæpiusculè offenditur, *unguium* seu *squamarum* veluti chalybearum, satis saturata forma.

At vero in *Hasfiaca*, ita dicta, *Solari Martis* Minera, copiosum utique *Sulphur*, non modo aspectum nitidum, & vere *mineralem* [*Erst-und tiefsicht*] exhibet; Sed etiam in copia inde eliquatum, purum putum commune *Sulphur* præbet, prout nuper *Honoratissimus meus Collega* *Ex cell. Dominus D. Hoffmannus*, haud exiguum ejus pondus inde conflavit.



Interim ut omnis hætenus dicta, *Sulphurea & Arsenicalis* substantiæ associatio, quasi pure *extraneum* quiddam, & accessorium, existit, quod in propria sua substantia, *metalla* omnia aut singula ingredi, non appareat: Manet tamen etiam ita crasso modo considerando, haud levis suspicio, quod ad minimum *principia* illa, è quibus *Sulphur* in se, & *Metallum* in se, conflantur & miscentur, valde *affinia*, si non prorsus eadem, existant.

Et hoc quidem ex duplici probabilitate. *Primo*, quia adeo proprie, imo proxime, in eodem loco, tractu, ductu, utrumque reperitur, nimirum tam *minera* (*metallica*) quam *minerale*: *Secunda* & quod præcipuum est, quia non modo juxta se invicem, sed veluti *intra* se invicem deprehenduntur, ut quasi per minima sibi invicem intexta & commixta sit.

Ubi, licet verum sit, quod v. g. *purissimum* Ferrum, Cuprum, Argentum, Plumbum, &c. Si alicubi extensum extenuatum hæreat; Vapor vero *Sulphuris*, tenuis & exagitatus, aliunde prorsus, eodem irrumpat, facile per minima & intime his metallis sese insinuet & immisceat:

Notandum tamen penitissime est, quod (argento excepto) omnia reliqua hæc metalla actu turgere quasi debeant *principio*, quod utique cum *Sulphure* commune habent, nempe *Phlogisto*: quod ipsum, si quacunque arte, aut potius simplicissime, ipsis subtractum fuerit, nulla ibi *Sulphuris* cum his coalescentia succedit.

Unde *Crocus Martis* reverberatur, imo *battitura*, ut vocant ferri: *Crocus Veneris* bene exustus, imo *Cineres*, ut vocant, *Cupri* à *Sulphure* nihil alterantur: Neque magis *Cineres* aut *Calx plumbi*, imo & *Stanni*, quin ipsius usque *Antimonii*.

Quam-

Quamdiu vero omnia hæc adhuc *Phlogiston* substantiam intra sese habent, à qua revera quoque *densitatem* Compagis aggregatæ, & *nitorem* suum nanciscuntur; Tamdiu præfens, imo præceps, est *Sulphuris* cum iisdem commercium.

At vero, quid *Sulphur* debeat principio *Phlogisto*, abunde, ut opinor, demonstravi, in *Experimento* & in *Tract. de Fermentatione* proposito, & *mensè Julio* illustrato.

Unde, cum hujus generis *Experimentum* nupero adhuc labore peregerim, quod non parum curiosos animos oblectaturum confidam, ad ejusdem recensitionem & elucidationem progredi, eoque præsentis Mensis pensum absolvere consultum duxi.

Adsit divina Clementia cœptis, ut non omni careant utilitate, sed tum Chymicæ tum Physicæ Historiæ, vel modicum lucis fœnerentur.

## CAPUT PRIMUM.

### DE FERRO GENERALIA QUÆDAM.

**A**dmiranda Sapientiæ & Bonitatis Divinæ Abyssus, ut ex innumerarum Creaturarum artificiosissima Structura, elucescit; Ita haud exiguam quoque venerationem meretur, sapientissima ejusdem *directio*, qua mutuam *proportionem* rerum creatarum, pulcherrime coordinavit.

Ex harum proportionum ordine in genere est, quod illa, quæ Humanæ vitæ usum eximium præstare possunt, abundantis *quantitate* ad manus reliquerit, parcius, & longius reperienda, subministrans, quæ non modo parvam utilitatem, sed & noxam paritura, præsciebat.



De *priorum* Classe, sine dubio est *Ferrum*, metallum usus diffusissimi. Hujus proventus abundantissimum, & qui universo Mundo sufficiat, in *Europæam* Mundi plagam, prægnantissimis venis distributum esse, vix quisquam nescit: Ubi quidem nominatim *Germania*, & *Sueciâ*, metallo hoc abundat. At vero omnibus etiam aliis orbis regionibus, haud parum ejusdem metalli inesse, si incolæ eadem, ad perquirendas & colendas venas, pervicacia & industria uti scirent, nullum dubium existit.

Interea vero, sub hoc eodem fœcundo ferri in *Germania* proventu, notum est plerisque mechanicis, quanta inter ferrum & ferrum intercedat *differentia*, & quanto unum altero *purius* *utiliusque* existat.

Memini speciatim, me cum Ferricola quodam prudenti & perito, officinarum fusoriarum & ductoriarum (*Eisen-Hütten und Hämmer*) circa *Herzgerodam*, *Anhaltinæ* & *Stolbergensis* ditio- nis, in *Hercynia* sylva, qua *Quedlinburgum* respicit, possessore & sustentatore, & quidem tribus tunc temporis, aut quatuor officinis differentibus instructo, quarum primariæ *zum Mägede-Sprung/ und zur Sorge/* appellantur, de hoc negotio sermones miscuisse, qui monstrabat *novem differentis bonitatis mineras*, seu, ut vocant, lapides, *Eisen-Steine/* quarum nulla seorsim, imo vix tres, *quatuorve* conjunctim, bonam & laudabilem *temperiem* conficiebant, sed fere omnes conjunctim, & *certa* demum *mutua proportionem* fer- rum tractabile exhibebant.

Imo anno circiter 1691. aut 92. proximo ante, quam moreretur,prehenderat demum, ex novis quibusdam venis, talem temperiem, qualem nondum antea sibi obtigisse meminerat. Sed mortuo ipso, filius harum rerum negligentissimus & imperitus, credo hætenus ad ruinam perduxit officinas instructissimas, quæ sane jamjam eo ipso anno, quo patrem extulerat, a casu haud procul aberant.

Id ipsum *Bennungæ* quoque quod *Stolbergense* est, cis Sylvam, oppidum, observavi; Nec non *Smalcaldia* ultra *Thuringicam* Syl- vam, ubi non modo *ferrum*, sed *chalybem* quoque, lapidibus ferri- feris *variis* commixtis, excoqvunt, quorum nullus *seorsim*, quid- quam frugi exhiberet.

Sicut

Sicut vero copia contemptum fere facit, atque indidem & hujus metalli, apud nos parum æstimatur genealogia; Ita nihilo minus, partim ubi parcius reperitur, aut plane deesse videtur, etiam impensiore labore, & artificiali opera, conflari, & usui suo magis sollicite asservari sine dubio mereretur: Partim vero & *Phyfico-Chymica* curiosa consideratione, haudquaquam indigna est ejusdem contemplatio.

Ut enim *Aurum* minimi, (nisi quem ex impositione Humani arbitrii habet,) usus metallum, si solo labore, citra impensas effectui pares, conflari posset, nulli arti aut studio, imo labori & operæ parcerent mortales, cujus quidem rei veritatem profitentur tot Alchymiae Cultores: Ita ferrum sane, cujus usu sine multis incommodis carere homo non potest, longe magis mereretur, labore, industria & arte, ubi non per se suppetit, confici atque elaborari.

Est vero non modo *minera ferri*, communiter *lutulentum* quoddam, & pulverulentum Crama; Sed deprehenditur ipsum quoque excoctum jamjam *ferrum*, hujus *terreo-limose* substantiæ, haud modicum adhuc continere.

Unde non modo in officinis *fabrorum* communium, copiosa *vitrescens* scoria, nequaquam solis Carbonibus eorumve cineri tribuenda, colliquescit ex ipsius *ferri* magis *terrestri* portione, quæ, exusta & dissipata *Phlogisto* & *Mercuriali* parte, restitit: Sed occurrit id ipsum tanto magis visui, in *Chalybis* è *ferro* præparatione seu sequestratione, ubi eliquato per flammam vegetissimam ferro, compactior ejusdem & saturatior pars, in unum collecta subsidet, supernatante *aridior* & *subvitrescente* *terrestri* reliqua, in *spumida* scoria consistentia.

Exhibet vero, tum *minera ferri* vulgatissima quælibet, tum ipsum *ferrum*, vel spontanea *rubigine*, aut per *solam aquam*, dissolutum, colorem ex *flavo rufescentem*: Quæ quidem res jamdudum suspicionem præbuit, quod omnibus *terrīs*, quæ vel per *rubeum* colorem gerunt. vel levibus *enchiridibus*, citra additamenta, colorem hunc produnt, aliquid *Martiale* insit, seu ipsæ de *ferrifera* prosapia existant.

Tanto



Tanto magis, cum ipsum quoque purum ferrum, Igne solo extreme, perustum & attenuatum, per se colorem *brunum*, seu *Nigro-purpureum* illum, referat.

Imo præter hæc omnia *ferrum* quidem ita exustum, seu *Crocus Martis*, tum *per se*, conveniente ignis impetu, in *vitrescentem* compagem redactus, tum aliis puris & bene diaphanis Vitris admixtus, *Nigro-rubicundum* colorem ibidem repræsentet: *Terra* vero modo dictæ *lutea* & *ruffa*, eundem colorem, sub *vitrescente* sui colli-  
quatione, imitentur.

Interim, ut hæc omnia *generalia* Experimenta probabilitatem generalem satis tuentur; Ita tamen non inferunt quod *ferrum* verum & *completum* dictis Terris inhæreat: Tanta magis, cum ne ipsum quidem ferrum, in similitudinem ejusmodi *Terrarum* redactum, facile, aut sine specialissimo *additamento*, in massam *ductilem metallicam*, reducatur, sed fere tantum *vitream* consistentiam acquirat, adeoque tunc quidem *ferrum* minime existat.

Quæ ipsa convenientiæ aut differentiæ ratio, cum paulo plus, quam generalem *ferri* considerationem involvat, propterea & specialius de illa dispiciemus, & quidem primo ab *Experientia* & solertia *Becheri*, cui deinde propriam nostram subjungemus.

## CAPUT SECUNDUM. EXPERIENTIA BECCHERI.

**Q**Uod ante *Beccherum*, nemo quicquam solidi de *Mixtione rerum* sublunarium, earumque *principiis* tradiderit, credo facile consensuros mihi plurimos; Quod vero quæ ille tradidit, hoc titulo & nomine commendari mereantur, licet pauciores adhuc offenderim, qui paulo magis exacte & certo cognoverint: Spero tamen fore, ut sensum magis magisque *Commentarii* illius hac de re, pervestigentur, & accedentibus aliorum quoque curiosis & industriis Experimentis, veritas indies luculentius innotescat.

Quemadmodum vero dictus Autor *Materialia Principia* omnium *Mixtorum*, constituit *Aquam* & *Terram*; & hanc posteriorem quidem

dem triplicem, Salino-Lapidofam seu vitrescentem: Sulphureo-pinguem, seu flammescientem; Et Metallico-Mercurialem: Ita Terreorum præcipue densiorum Mixtorum, Metallorum vero ante omnia, crassin, è Terris hisce, proportionate coalescentibus, exclusa Aqua, constare, firmiter supponit.

Nominat vero præcipue Principium illud, quod Terras quaslibet, Vitrescibiles, præsertim, plurimum constituit, etiam inter Metallorum primordia; Ita quidem, ut mole seu pondere, hujus Terrei principii plurimum metalla ingredi, non dubitet.

Differentiam coloris, saporis, odoris, (sub certis combinationibus) quærit in principio Sulphuris, quod ille quidem à prompto coactu in consistentiam solidam, Terram appellat; (mihi est illud, de quo multum hætenus dixi, Phlogiston, seu specificum & primarium, ex omnibus rebus Creatis, Ignei Motus subiectum)

Specificam vero determinationem, in Metallicam compagem, densitatem, & lentam mollitiem, seu ductilitatem attribuit principio terreo (id est, in siccas solidasque mixtiones prono) tenuissimo, quod Mercuriale vocat.

Hæc singula vero principia, quodlibet seorsim, abundare ait: Primum quidem crassissimum, in Terris & Salibus; Secundum, immensum quantum tenuius, in Sulphure, & omnibus flammam formantibus: Tertium, in Mercurio currente, seu argento vivo.

Primam illam Matricem veluti reliquarum, & receptaculum, ubivis locorum præsto esse affirmat, in omni nempe, præcipue vero vitrescibili, terrea substantia, luto, limo, glarea, sabulo, silice (pro ut quidem hæc omnia, non nisi sola aggregationis diversitate differunt) Reliquas vero non ita prompte aut copiose ad manus esse arbitratur, nisi quod Secundam quidem, Sulphuris primordiale, in ipso Sulphure, quasi laxiore & facilius resolubili compage hæreere moveat: Tertiam vero, in Sale communi quasi redundare.

Imo, loquitur communissime de tribus hisce Principiis siccescentibus seu Terreis, sub schemate Salium, ita, ut primam illarum, in Acido universali, Vitrioli seu Sulphuris, abundare indicet; Secundam, in Nitro: Tertiam, in Sale communi.

Ubi videlicet quotiescunque de hisce Terrarum harum statibus



bus loquitur, intelligit dispositionem earundem *proximam* ad varias *Mixtiones* subeundas; Quatenus videlicet in ipsis hisce *Salibus*, valde *expansæ*, & ex aggregationis crassioris firmiore nexu, in *Individualem* magis & *numericam* simplicitatem distractæ sunt.

Cum enim *Mixtiones*, utique aliter per Naturam fieri non possint, nisi per *Individua* singula diversarum specierum subtilissimarum; Multæ vero *aggregationes* talium specierum, summe pertinentes & arctissimæ dentur, è quibus *Individua* Corpora evellere, aut intra eorum commissuras penetrare, longi & subtilis laboris, incursus, & illisus, sit opus; In *Salina* vero *Mixtione*, *Individua* talia, mediantibus *Aqueis* interpositis Atomis, jamtum ita *sigillatim* (aut proxime) distineantur. Propterea hæc utique forma illorum, ad *Mixtiones* subeundas maxime habilis existit.

Inde nimirum est, quod non modo per *Solutiones*, *abstractiones*, *imbibitiones*, variæ intimiores *combinations* perpetrentur; Maxime vero, & præsentissime, per *Præcipitationes* (de quarum, in his negotiis, efficacia, paulo attentiores esse curiosos, quam vulgo solet, cohortor,) Sed etiam, & præcipue quidem, per repetitas *Cohobationes*, *Deliquationes*, *Triturationes*, *Digestiones*, per longas & lenissimas *candefactiones* seu *Calcinationem Veterum*, per longa *Reverberia*, per alternas *Restinctiones*, &c.

Quibus videlicet omnibus illud agitur, ut quod *uno rudi* impetu peragi non valet, *repetito*, & inter innumeras vices, denique perrupturo, tentetur, imo obtineatur.

Quorsum etiam spectant *longæ* & satis *tenues*, *fusiones*, *cementationes*, & accurata *dijudicatio* alterationum, quas *aeris* liber contactus, præ interceptione ejusdem, inducit.

Quemadmodum vero hæc omnia, brevibus quidem lineis dici, sed vix longis & frequentissimis pensitationibus, speculationibus, imo experimentis, & illis quidem circumspectissime administratis, disci possunt: Ita certum tamen & irrefragabile est, quod sine eorundem exquisita scientia, vana & manca sit omnis *Theoria Chymica*.

Quæ omnia sicuti occasione *Terrarum Beccherianarum*, in statu sui *tenuissimo*, adeoque proxime ad *Mixtiones* disposito, constitutarum, dixi;



dixi; Ita moneo adhuc duobus verbis, quod ad *Mixtiones* hujusmodi *artificiales* celebrandas, omnes has *terras*, in statu sui *Salino* constitutas adhibere, supervacuum, & laboris etiam, quantum adhuc scio, *inanis*, sit cœptum: Siquidem *Aquositas*, etiam ab unius talis *Salis Terreæ* parte satis difficulter secedit, & vix quidem commode, nisi per adjectionem *Terræ* jamtum compactioris: Nedum ut e *Salibus* talibus commixtis invicem, facile secedat, quorum quodlibet *Aquositatem* sibi in-textam gerit, adeoque a *concretionem* firma in solidum alienius est, contra verò ad divaporationem, & intestinam æque ac localem (e *situ*, & *loco*) mobilitatem, maxime proclive,

Unde videlicet est, quod etiam inter ipsas *Terras*, quæ crassiores & *fixiores* videntur, imo sunt, haud paucae dentur, quæ ad hoc negotium. partes nempe *tenuissimas terreas*, e volatilibus tenuissimis *Aqueo-Terreis*, *Salino-Oleosis*, Mixtis, concentrandas, capiendas, & retinendas, præsentissimè inserviant.

Quod ita intelligendum est. *Mixtiones* non fieri, nisi per *Individua* specierum inanimatarum, (quæ *subtilissima quantitates* sunt,) certum est. Jam vero, licet *Terræ* similes, quæ nempe vulgo ita vocantur, crassiores videantur, nunquam tamen adeo usque crassæ sunt, quin *tenuiores* adhuc *moleculas* interspersas habeant, & quidem in quantitate non exigua, si *numerum*, non *molem* seu *mensuram*, attendamus.

Cum enim omnis crassities & grossities, quæ in sensum rudem incurrit, sit ab *aggregatione*, vix unquam, nisi in specialissimis locis & casibus, adeo pure aggregata sunt frustra, & in unam magnam densam molem compacta, aut e pluribus moleculis crassis, in aggregatum rude seu acervum congesta, quin simul aliquid *tenuius*, imo tenuissimum, interspersum sit.

Ita, verbi gratia, si *terram* quamlibet, *frugiferam*, *cœnosam*, *lutulentam*, examinamus, quod commodissime fit *elutriando*, s. aqua affusa & coagitata lavando, deprehendimus in illa primo portionem valde *subtilem*, quæ diu in aqua natat, eamque turbidam servare possit; Hæc si cum aqua effundatur, & mora longiore subsidens, defusa aqua exploretur, quamdiu adhuc madet, subtilissimum *limum* refert, ein zarter leiten oder Schlamm / si siccetur, in pulverem *tenuissimum* facillime conteri potest.



Reliqua portio, quæ abluta omni hujusmodi *tenuissimâ* parte, superest, refert *arenam*; sed hanc quoque iterum diversæ magnitudinis seu molis; Cujus diversitas, facile per incernicula seu *Cribra* differentis capacitatis, discerni potest & deprehendi. Imo ascendit hæc differentia, sæpe numero ad *lapillos* & *silices* usque.

Inter hæc confusanea *Terrea* corpora & corpuscula, sunt, quidem inepta ad *Mixtionem*, quæcunque majorem molem aggregationis, & quidem compactioris, sustinent, quamdiu in hoc statu manent: At illa, quæ *tenuissimâ* molecula, & cohæsione aggregativa, *laxiore*, cohærentia magis, quam complicata, intercurrent, aptiora utique sunt tali scopo, quo intimius aliorum tenuium, imo *tenuissimorum* & primordialium, Corpusculorum, intercessionem & *ingressum* admittunt.

Unde, ut pressius ad rem nostram specialem accedamus, licet *Beccherus* verissima loquatur, de *tribus* illis *Principiis*, in *salino* statu constitutis: sub quo nempe statu (1) *individualiter* extenuata, (2) mediante *aqueo* principio, in eximia *mobilitate*, adeoque *penetrantia*, constituta, & denique (3) pluribus fere operationibus, & promptioribus, ex *aque* consortio dimobilia, existunt.

Non minus tamen verax est, quando easdem etiam, alias in *Terris* ipsis, alias in *pinguedinibus*, &c. præsto esse tradit.

Ut verbo dicam, quod sentio, videtur, vir solertissimus illo tempore, quo *Physicam* suam *Subterraneam* concinnavit, hujus generis Experimentis ipsemet nondum sufficienter instructus fuisse, sed solum operosioribus illis & difficilioribus, quod in tota nostra vita, præcipue vero in *Chymia*, adeo solenne quiddam est, ut nihil supra, ut nimirum multo labore & cura deveniamus, ad talia, quæ sæpenu-mero paratiora & procliviora ad manus ipsas præsto sunt.

Loquitur proinde in hunc sensum Noster, in tota quidem *Physica* sua, inde a primis ejus *Capitibus*, dum *primam Terram* in omnibus *Terreis*, etiam vulgo ita dictis, concretis s. aggregatis, inesse dicit; *secundam*, tum in omnibus *pinguedinibus*, tum in ipsis etiam coloratis *Terreis*: Sed videtur ubique diffidere, quod in talibus, ad actum *Mixtionis* adhuc dispositæ existant.

Quod quidem, ut ipsa re confirmem, suffecerit locum ejus expressum adducere, nempe *Seçt. III. Cap. V. §. II.* Ubi disertis verbis fatetur



tetur, quod palmam facile daturus esset juniori Dom. Helmontio, si dignaretur, publico bono illud Experimentum communicare, --- ex quovis limo communi & sulphure, verum ferrum faciendi, & quidem non in pauca, sed magna quantitate, &c. Subjungit vero, se nullis precibus id ab ipso impetrare potuisse, tunc temporis nempe, ubi illi opinioni inhærebat, quod nusquam ita parata & habilia sint hæc principia, quam in solis salibus, agnosceret: De qua proinde re, hoc eodem capite, proxime antecedentibus paragraphis, exquisite agit.

Quemadmodum vero dies diem docet, & Chymico Experimentatori, solerti ac sagaci, quotidie nova occurrunt Phænomena; Ita haud ita diu post, in Experimentum incidit, quod Helmontiano illi plurimum præstat, videlicet, non ex Sulphure & limo, sed ex oleo lini & limo, ferrum conficiendi.

Cum enim prius illud artificium, æquivocam aliquam efficaciam Sulphuri conciliare potuisset, quasi nempe Sulphur, in tota sua substantia, ad genesin & Mixtionem ferri concurrere necesse haberet; Præstitit omnino immensum quantum, quod postremo hoc Experimento innotuit, nempe aliquod saltem in pinguedine latens principium, sufficere, ad producendum ex ipso limo, ferrum.

Effert se itaque merito hoc Experimento, in primo Physicæ suæ supplemento, ubi post varias, eruditas, curiosas, & operosas Autorum & Observationum sylloges, tandem exponit, quomodo e communi vulgatissimo limo, e quo lateres coquuntur, & furni construuntur atque firmantur, nulla re, nisi oleo lini, addita, bonum & satis copiosum ferrum, paucis horis generetur.

Cum ipse liber in pauciorum fere, quam quidem meretur, sit manibus, non pigebit Experimentum ipsis Autoris verbis, e dicti Supplementi Primi Cap. II. huc transcribere.

*Limum communem, inquit, unde lateres coquuntur, & furni parantur, ad aerem siccatum, ut cribrari posset, oleo lini ita persudi, ut globuli inde formari potuerint, pro capacitatis retortæ colli magnitudine, idque in eum finem, ne facta destillatione, ob exemptionem capitis, ut vocant, mortui, retorta frangenda foret, sed usui alteri servari posset: Deinde ut ignis potentia parvos illos globulos vehementius, quam si in una essent massa, penetrare valeret; Replevi ergo ejusmodi globulis Retortam, & per gradus ex aperto igne destillavi, augendo sub finem ignem fortiter, per horam unam vel alteram. Finita destillatione simile fere oleum in*



vase recipiente offendi , quam illud est, quod improprie oleum Philosophorum vocant; e frigefacta Retorta globulos exemi, quoniam in satis forti igne non rubificabantur, sed valde nigrescebant suspicatus sum illam nigredinem ab oleo proficisci, cujus quaedam partes terrea, virtute limi fixata, & sequestrata, ibidem corpus affumississent , quod, quale fuerit, experimentandum erat. Contusos itaque & cribratos hos nigros globulos, in patinam posui, & superfusa aqua communi, movi, turbidum per inclinationem gradatim effudi, limpidam denuo addidi, semper materiam movendo ; Hoc tamdiu feci, donec affusa aqua, clara decurreret, atque in fundo patinae grave nigrum sedimentum maneret, quod ex gravitate & subitanea subsidentia, nec non nigredine in aqua, metallica, & quidem ferrea natura esse, non sine gaudio suspicatus sum. Siccatum itaque ad chartam posui, adhibito, inter spem & metum magnete, qui a me hinc inde in materia agitato, pulvisculum ferreum, sed non multum una vice, extraxit, repetii ergo, & extractum pulvisculum tandem juxta proportionem copiosum collegi, quem in omnibus probis bonum ferrum esse, deprehendi.

Idem repetit paucis verbis, *Minera arenaria p. 19. seu documento Lit. A.*

Sume vulgarem Argillam, forma globulos cum Oleo Lini, in modum sphaularum sclopetorum, destilla eos ex vasculo vitreo collo retorto, per ignem vehementem, & videbis globulos nigroleucophæos, quos ex dicto vasculo desumptos, contere, cribra, abluere, invenies grave sedimentum nigrum relictum, ex quo mediante Magnete ferrum extrahere licet, multum auri in se continens.

Hiscæ proponit ipsum Experimentum cujus generaliores quoque circumstantias, cap. seq. III. ventilat, e quibus illa præcipuè attendi meretur, quam tertio loco notat, nempe sese hunc ipsum limum, antequam operationi huic adhiberet, magna diligentia lavasse, & deinde per se, sine addito oleo, ita tractasse, at ne atomum quidem ferri reperisse.

Ubi nempe ipsamet hæc ablutio, seu, ut Plinii verbo utar, *Elutriatio*, ad secretionem crassiorum fabulosarum aggregatarum molecularum, adeoque collectionem tenuissimarum, ad tenuitatem numericam appropinquantium, portionum, efficaciter adhibita fuit.

Hoc ipsum itaque Experimentum, recte ab omni suspitione latentis mangonii vindicat, adeoque alibi *Morhofio* recte negat, quod *Corporale ferrum* jamtum in limo hæreat, quod hac additione tantum educatur, non vero producat; Ita ad stabiliendam sententiam suam,



de *Principiis Mineralium & metallorum terreis*, bone jure hoc ipsum producit; Prout quidem infra latius deducemus.

CAPUT TERTIUM,

DN. HERMANNI OBSERVATIO.

**V**ir multiplicis Literaturæ, & in rebus Mineralogicis, tam ad Theoriam quam Praxin instructissimus, Dominus *Johannes Augustus Hermann, M. L.* antehac Prof. Publ. Erfordienfis, nunc Kahlæ Altenburgicæ Physicus, Fautor meus & Amicus æstumatissimus, cum ante annos aliquot *Spiritum Salis*, ex *Alumine & Sale*, *B. Ludovici* methodo, pararet, ingerendo hanc Mixturam Retortæ fictili, per foramen, mallei modestis ictibus incussum, & in rotunditatem expolitum, idque ipsum foramen obturaculo, è *luto* adhuc molli & humido formato, factis ingestionibus, occluderet: Contigit, ut de obturaculo frustum inferius cito resiccatum, & rimis atque fissuris, ut solet, dehiscens, à reliqua parte avulsum, in cavitatem, atque capitis mortui superficiem, delaberetur; Cumque bona fortuna, peracta fere tota operatione evenisset, extractum postea, refrigeratis omnibus, hoc frustum, attentius considerans, deprehendit *nitidis miculis mineralibus* conspersum, quas ipse pro *ferri minera* statim agnovit, utpote *Beccheriana Theoria* tantus amator, ut dubitem, quemquam facile repertum iri, qui *numerosissima illa Experimenta & observata*, quibus *Beccheriana* scripta undique scatent, exactius & expeditius calleat.

Hujus itaque *observationis*, quam mihi, licet ipsum illud frustum ad manus amplius non haberet, coram enarravit, memoriam, silentio præterire non placuit, cum mea propria, parum ab eadem discrepet, ut jam declarabo.

CAPUT QUARTUM,

PROPRIÆ EXPERIENTIÆ OBSERVATIO.

**T**Res sunt forte menses, & quod excurrit, quod *Spiritum Vitrioli Volatilem*, pro Experimentis aliquibus instituendis, in aliquali copia denuo parare, in animum induxeram.

Offen-



Offenderam vero ante paucas Septimanas, inter specierum mineralium, & præparatorum sepositorum, tumultuarium *censum*, massam sive molem, octo ad novem pondo, quæ undiquaque *spongiosa*, & *pumicis* instar perforata, colore prætera *rubro subobscuro*, penitissime referebat *Vitriolum ad rubedinem calcinatum*, adeo, ut quin illud ipsum esset, nihil ambigens, non nisi miculam *gustu* explorarem, quæ cum *adstringeret* præsentissime linguam, exspuendo reliquum, ut in re jam ante nihil apud me dubia, penitus degustare negligebam,

Hanc itaque Massam, in mortario crasso modo diffractam magis quam contusam imposui Retortæ fictili, Hassiacæ Almerodensis terræ, & furno impositam, subjecto igne mox ad incandescentiam usque exagitavi.

Præposueram vero in vas recipiens, libras circiter tres spiritus Vitrioli volatilis non rectificati, quem ante 6. circiter menses destillaveram, sed interrupto labore, adhuc valde *Phlegmaticum* & nihil saturatum, acceperam.

Vix vero incandescentiam senserat materia, cum copiosis *nebulis* in Recipientem emissis, & illis quidem prorsus *albis*, circa commissuram tamen colli Retortæ cum Recipiente, peregrino spectaculo oculos & mentem turbavit.

Erumpebat videlicet, inter *fissuras*, quas lutum, commissuræ dictæ illitum, siccescens formaverat, *vapor* manifesto *flavus*, quamvis tantum contra albicans Retorti vasis collum aspiciendo, (*albo* enim figulorum *limo* juncturam obleveram) contra aërem vero liberum simplicem *vaporis* nihil colorati halitum repræsentabat.

Confundebat me hoc Phænomenon, siquidem *Vitrioli* hunc morem non esse, jam ultra quinque lustra sciebam. *Spiritus Nitri* vapor, neque *colore* respondebat, quippe longe dilutius flavebat, neque *nidore*, quem inter quascunque miscelas, iste constantissime & satis sincere conservat.

Supererat *Spiritus salis* suspicio, qui & *flavedinem* hanc gerit, & *odore* satis notabili, à reliquis discerni potest; cui quidem gemitum, hic quoque percipere poteram, nisi quod *sulphureus volatilis*

copiose una exhalans, & speciem odoris & *aueßerav odoratus*, turbabat.

Recurrere itaque, confestim ad reliquam portionem, quam integram servaveram, ad duas circiter libras, eamque denuo *gustu* accuratius exploratam, deprehendo nihil specificè *Vitriolici* neque *dulcis Martialis* neque *austero-amari*, *venerei* saporis offerre, sed tantum adstrictionem *amaro-salsam* præbere.

Unde denique excussa penitus memoria, recordor, quod ante sat longum tempus eandem, de qua præcedente capite facta est mentio, *Mixturam*, ex *Alumine* & *Sale communi*, destillans, & facili ejus *fusione* in Retorta offensus, tum illam è *Retorta* elutam portionem, tum plus recentis *Mixturæ*, cum *Bolo pigmentario*, (*Rothem Bolus* / oder *Braun Roth* / quo pictores ad lintea sua obducenda, die *Tücher zu gründen* / uti solent) subegerim, & quod hæc ipsa pasta siccata, nihil aliud, nisi illa eadem materies nondum hætenus destillationi subjecta, sed propter segnem siccationem, neglecta tunc temporis, & inter transmigrations meas, oblivioni plane tradita, existat.

Cum vero interim *destillationis* actus fervide procederet, & evanescentibus crassioribus *nebulis*, *tenuis* solum *halitus* prorumpere perveret, & per qualescunque fissuras luti, *nidor volatilis sulphureus* copiose sese exsererget, continuare ignem placebat, quoad tempus ferret.

Suppeditatis itaque per decem *continuas horas* carbonibus, & servato *candescente*, & *luculento* quidem *astu*, sub noctem *cessavi*, & Recipientem semovi, impositoque alembico, liquorem effudi, qui satis vehementi *sulphureo nidore* nares opplebat.

Sub ipsum vero *luculenta incandescencia* principium, audiveram (propinquiore, circa collum vasis, intuitu *flavorum illorum* vaporum occupatus) *bullientem* & liquecentem in Retorta materiam, ut extrufcentium, & dissilentium *bullarum sibilos*, distincte prorsus percipere liceret.

Sequenti itaque mane exemptam è furno *Retortam*, inspicio primum, utpote de *fissuram* præsentia satis certus; Deprehendo has etiam, non quidem in ventre, sed partim circa colli cum ventre con-



finia, partim vacua parte fundi seu sedis Retortæ (quæ in situ vasis in furno, collo seu exitui ventris horizontaliter opposita jacet) in ventris vero inferiore parte, quæ Cratē respiciens fulcro ferreo inniti solet, minimis tantum & quasi reticularibus rimis veluti conquassatum erat vas, adeo, ut etiam de contenta materia, quamdiu delituerat, tenue quiddam per has penetraverit, & nigricante colore, rimulas has expleverit.

Effringo itaque quassum jam ante, vas. Quæ v. facies, & quis color inde refulsit? superficies planior & continua, nigrescebat quidem, quasi levi fuligine afflata; Circumcirca vero, ubi vasis latera attingebat, adhærebant huic copiosissima ramenta foliacea nitidissima, coloris è nigro-caruleo violacei, non aliter, quam nitidissimorum illorum foliolorum more, quæ vulgo Strau-Glaß appelluntur, & partim è Talco, variorum colorum Strau-Glaß/ partim è limaturis Chalybis & Cupri, politoria mola explanatis, durch eine Platt Mühle getrieben/ confunt.

Divulsa vero per transversum massa universa, pandebat longe frequentiore hanc scenam. Turgebat enim innumeris, magnis æque ac parvis, cavernis, quarum omnium superficies, nitidissimis hujusmodi foliolis confertim prominentibus, rigeant prorsus & horrebant: Quædam etiam, præcipue quæ proxime ipsos vasis parietes attigerant, expleta prorsus foliacea hac splendida materia, occurrebant.

Quicquid vero inter cavernas has, solidum interjacebat, gerebat ipsum quoque, nigro-gryseum illum colorem, & micabat innumerabilibus hujusmodi nitidis corpusculis suffertum & expletum.

Arripio protenus frustum, & leviter confractum aqua pluvia affusa dissolvere aggredior: Sed cum non nisi languidissime, & vix superficietenus, sub multa etiam agitatione, dilaberetur, observo, quo mox ab agitatione remissa, omnia propere ad fundum resideant, & liquor plane clarus supernatet.

Conspecto hoc extraordinariæ ponderositatis phænomeno, elutrio quicquid aqua concuti potest, idque denuo duas partes, eadem collutione dispecko; Quarum altera quidem copiosior, tenuior, sed multum nitida, Antimonii recentem pulverem examussim refere-

ferebat, pauxillo solum *pallidior*: Altera vero, latioribus foliolis conspicua, *fulgentissimum* plane pulverem, sed grossiorem, exhibebat, cum pulvere *foliaceo*, *Glaucæ Saturniæ*, *Wey-Blantz* / comparandum, nisi quod noster paulo *levior*, utpote *exilissima crassitie*, sed & longe majoris *nitoris*, existat.

Non dubitavi, à primo usque aspectu, quin materia hæc *Martialis* sit prosapiæ, quantumvis revera eo & colore & fulgore instructa sit, qua nullam uspiam *Mineram Martis* mihi oblatam meminerim: Avebam vero scire, & certus esse.

*Magnetem* mineræ adhibere, quæ *Sulphureo-arsenicalibus* suis recrementis adhuc squalet, frustra est. *Urere* itaque incipiebam. Sed licet per mediam horam in *Conchula Vitrificatoria* (*Treib-Scherbel*) ad ruborem candesceret, nihil de *nitore* & *consistentia* sua amittebat.

Cum *Nitro* exardescebat quidem, sed & nihilo magis inde afficiebat *Magnetem*, quam quilibet alius *Martis Crocus*.

Paratus eram ad *reductionem* ante follem, & jam cogitabam de variis operationis incommodis, quoad ejus fieri possit, evitandis; Cum bona fortuna memoriæ suggessit *Speculum Causticum majus*, elegantissimum minus quam efficacissimum, quod Serenissimus atque Potentissimus, Patriæ Pater, ELECTOR, Dominus meus Clementissimus, ducentis Thaleris emtum, Academiæ usibus Physico-Mechanicis, gratiosissime addixit, quodque Excell. Dominus Hoffmannus, Collega meus honoratissimus, ut Physicæ Professor Ordinarius, Domi suæ hætenus servat.

Qui, ut ad hunc usum copiam ejus facere perhumaniter assensus est, ita ipse quoque, oblatam hujus *mineræ artificialis* partem quamprimum Solis sereni ardor favebat, Speculi hujus efficaciam objecit, & velocissime colliquatam materiam, *ferrum* mox apprehendit, quod non modo ita recenter colliquatum, & eximio ardore postliminio semi ustum, quadantenus tamen mallei ictibus extendi sese patiebatur, sed & *magneti* prompte & firmiter applicabatur.

Examinavimus iteratis vicibus, eandem substantiam, & respondit undique constans eventus, eamque nihil aliud, nisi *verum ferrum* esse, docuit.



Adeo quidem, ut, cum etiam aliquas ipsius, sub hac fusione *semiustas*, partes, & quæ *battituram*, ut vocant, *ferri* referunt (proinde neque *Magneti* obediētes, neque *aquam fortem* admittentes,) *Spiritu Vitrioli* irrorassem, successive universa quantitas, sine ullo residuo, in *purum Vitriolum* resoluta sit.

Periclitati sumus eodem *fusionis* Experimento, etiam portiones *Massæ* hujus *rubræ*, *Ignem* nondum expertæ, sed nullum ibi *Ferri* vestigium, quin potius universa, in magma *subvitrescens*, & impetuose diffumans, abiit.

Elota omni *Salsedine*, eadem substantia, in *Vitream* densitatem colliquata est, nullo *ferri* indicio relicto.

Præterea quoque *Spiritus Vitrioli*, huic eidem elotæ *bolari* terræ affusus, ut vix longo tempore quicquam illius solvit, ita nihil minus, quam *Vitriolicam* naturam inde contraxit, sed *aluminoso-amaricantem* tantum saporem induit.

Reiteravi Experimentum, cum *alio* tamen, *pallidiore bolo*, & minore saltem quantitate. Nimirum *Boli communis* quadrantem, imbui *Aluminis* & *Salis*, una, in s. q. solutorum, dimidio quadrante, adeoque singulorum unciâ una. Resiccata massam, inclusi Crucibulo capaci, quod jamdum *rimam* habebat, ut ex fremebundo sono facile observatur.

Impositum *Æstui* candefacienti, detinui in eo gradu ad 2. horas. Non suffecerat, exigua hæc *Salium* quantitas, *colliquationem*, unde formam illam, sub qua imposita erant, retinebant omnia illa frustula; Sed *scintillabant* tamen undiquaque, non *extrinsecus* solum, sed *intus* etiam, *nigro-ceruleis* illis *mineralibus* miculis obsessa, quas etiam, aqua affusa & interagitata collutriendo, copiosas & *ponderosas* ad *fundum* demittebant.

Huic itaque *repetiti* Experimenti successui merito acquiescens, ad *Theoriam* Praxeos ejusmodi concinnandam, animum adjeci.

## CAPUT QUINTUM. PROTHEORIA.

**I**N omnibus rebus secundum causas suas evolvendis, commodissimum, imo, ad confusiones evitandas, consultissimum est, primo

primo statim loco τὸ ὅτι, seu veritatis Historicæ certum fieri, QUOD & QUID fiat, pernoscere, antequam τὸ διότι, UNDE & QUOMODO FIAT, evolvere suscipiamus.

Hoc utin nostro quoque negotio observemus, notare libet ante omnia, *quadruplicem* illum statum, quo metalla *imperfecta*, varie sese sistunt.

*Primo* omnium occurrit status eorum *Mineralis*, ubi superfluo quodam, & ut communis fert consensus, alieno, *Sulphureo-Arsenicali* superpondio remixta, & veluti inquinata, in venis suis offenduntur.

*Secundus* Schematismus, est eorum consistentia *sincera*, quando in massam *homogeneam* colliquata *fusilia*, *ductilia*, *nitida*, respective *sonora*. &c. conspiciuntur.

*Tertia* conditio est, quando menstuis convenientibus *solum* visuntur; sive cum menstuis his remixta maneant, varios *sapores*, *odores*, *colores*, gerentia: Sive ex iisdem, & quidem *sine alteratione*, pulverum tenuissimorum forma, denuo separentur, seu *precipitentur*.

*Quartam* formam induunt, vel ab *Ignis & aëris* vi, unde in *cineres* exuruntur, quos *Calces & Crocos* vocant, (quod etiam *Nitro* addito tanto præsentius contingit) vel à *precipitationibus alterativis*, sub quarum administratione, aliquid de *Salibus* intimius ipsis admisceatur, & tenacius adhærescit.

In his diversis statibus, *accidit* partim aliquid ipsis *Metallis*, super & præter ordinariam eorundem *Crasin*; & hoc contingit in *Minerali* eorundem statu, atque in *solutoria*, & *alterative precipitatoria* operatione:

Partim *decedit*, ut in *exustione* præcipue *quatuor imperfectis* metallis familiari, *Ferro*, *Cupro*, *Stanno*, *Plumbo*.

Et hoc quidem, quod ita *decedit* iisdem, est maxime substantia *Phlogistos* illa, non *Sulphurea mineralis*, seu *verum Sulphur*, sed huius potius ipsius *principium*, ut *Menſe Julio* abunde demonstravimus.

*Mole* certe exilissimum, & *pondere* ne quidem sensibile; *numero* vero particularum forte *ineffabili*, & *subtilitate* vix conceptibili, constans.



Hoc *Phlogiston*, in *motu minimo* constitutum, aëri plus minus commobile est; *Violentissimo* verticali motu corruptum, est *Ignis*: Et format, vibrativo motu aëris, *Lumen*.

Hoc est *Principium* omnis subtilissimæ mobilitatis concretivæ, tum *Ignæ & Calorificæ*, tum *aqueæ fermentalis*: Eodemque ex fundamento, *Principium* omnis laxioris cohæsionis in aggregato, & facilioris, per *minima*, subtilissimæ, dimotionis.

Hoc ipsum, quantum concurrat ad *Essentiam imperfectorum quatuor Metallorum*, & insuper *Regulinæ partis in Antimonio*, notavimus prolixius, mense *Julio*.

Quemadmodum enim nullum horum *metallorum*, exusto quacunque arte hoc Principio, unquam amplius, aut ulla arte, in *Metallicum* suum, *nitidum, malleabilem, ductilem*, statum, reduci potest, nisi nova *Phlogisti* hujus additione: Quo quidem rursus admisso, promptissime in Corpus antiquum reviviscunt: Ita quamdiu à reliquis ipsorum partibus *constitutivis*, hæc portio *Mixtionis* ablata est, prædominatur inter residuas illas, *Terrea* simplicior natura, unde vel in *Vitri* consistentiam pellucidam, fragilem, nitidam abeunt, vel in forma *Calcaria Terræ* pulverulentæ, & omnem *fusionem*, sine additamentis, respuentis, persistunt.

Inter illa, quæ *Metallis superaccrescunt*, sunt partim *Sulphureo-Arsenicalia* accrementa, quæ in *Mineris Terræ* iisdem adhærescunt: Partim specialissima quædam *Miasmata*, quæ de *Salina Mixtione*, sub *precipitationibus*, *Metallis* sese associant: Idque forte *intimius*, & magis per *Mixtionis* modum, quam vulgo putatur.

Ita enim v. g. *Vitriolum Martis*, si per *Sal Tartari* præcipitetur, in pulverem illum Ochreo-fuscum facescit, qui repetitis debitis edulcorationibus, quid erit aliud, si communium *Chymicorum* placita exquiras, nisi purum putum *ferrum*, in subtilissimi pulveris forma e solutione, seu consortio *acidi Vitriolici*, præcipitatum.

At vero quantum differat, monstrat levis experientia, si quidem tantum abest, ut in *massam* reduci possit, ut potius incoercibiliter & incredibili velocitate, in tenuissimum *fumum* resolvatur, & in *florum candidorum* forma, altissima quæque petat, nullo uspiam sui vestigio fixiore relicto.

Sed cum in præfenti de hac Specie *accrementi* agere non ferat institutum, regrediemur potius ad alterum illud, quod in ipsis *Mineris* metalla involvere observatur.

Diximus de hoc jam in præcedentibus, quod *Sulphureo-Arsenicalis* sit miscela; quæ quidem in *Cupri* Minera, plurimum manifeste *Sulphur* verum copiosissimum, existit: In *Plumbi* Minera, nitida quidem illa, quæ vulgo *Glantz* appellatur, *acido-sulphurea* materia; (unde ipsum *Sulphur*, si *Plumbo* puro misceatur, eique sese immisceat, repentinam *exardescentiam* exferit, agitatis impetuoso igneo motu, *Phlogistis* exhalantibus partibus dum *acido* metallo immergitur) unde etiam *oleo Vitrioli & Sulphure*, *Plumbum* in veram illam mineram artificialiter reduci potest, ut nitidissimæ *Galenæ* faciem exhibeat. In *Stanni* vero mineris, quæcunque splendidam, quasi *vitrescentem* præse ferunt faciem, plus *Arsenicalis* substantiæ agnosco. Ita enim recordor, quod ante aliquot annos, grana nitida, qualia in fabulo rivi auriferi *Schvartzburgici*, *der Schwarze* luxuriant, tentassem, pleraque quidem illorum *Arsenicalis* admodum naturæ, & volatilis atque corrosivæ indolis, quale vulgo *Wolfram* vocant, deprehenderim, interim hinc inde pura grana *Stanni* ex iisdem colliquata, collegerim.

*Ferri* Minera, cum frequentissime *Terrea* fabulosæ *Styptica* lutosæ Substantiæ immersa hæreat, rarius insigniter ullo principio, five *Sulphuris & Arsenici* ferace, prægravata deprehenditur. Cum enim tum *Sulphuris* genesis ex *acido Sale* ducat initium, tum *Arsenicum* ipsum maximam partem sit maneatque *Salina* profapiæ & texturæ: Fit inde, ut hæ substantiæ profunde in *Terream* illam pulverulentam matricem imbibitæ, nihil nisi *acidam & Stipticam* consistentiam repræsentent.

At vero in *nitidioribus*, rarioribus interim illis, quale *Smalcaldia* occurrunt, & similis, referente adhuc nuperrime, supra laudato Dno. Lic. *Hermanno* prope *Salsfeldiam*, ad pagum quendam, nomine *Gesselsdorff* reperiri traditur, (licet nulla arte in *fluxum* reducibilis) In talibus inquam, non secus atque mea *artificiali*, quid proprie subfit, melius definire non confido, quam pro *Sulphureo-acida* materia id ipsum declarando.



Spirat enim revera , tum *Smalcaldica* illa minera, *squamarum* piscium facie, tum mea hæc, sub uſtione vegetiore, ad *fusionem* appropinquante, quam Speculo Cauſtico peregrimus, manifeste *Sulphureum* nidorem (licet quadantenus *Salis Communis*, fusione evaporantis, aut *antimonii*, odorem remixtum imitetur) & concipit præterea sic satis prompte *Ignem*, addito Nitro.

Interim , quo minus pro vero & vulgari *Sulphure* agnoscere queam, facit maxime pertinacissima ipsius duratio in *Ignem*. Certe enim hanc ipsam meam *artificialem* non secus atque dictam illam *Smalcaldicam*, *squamosam*, mineram, plus simplici vice, in *Ignem* ad *ruborem* candefactam, per dimidiam etiam horam detinui, at nihil inde alteratam, neque pristini sui candoris sive *nitore* ullatenus experitem, deprehendi.

Facit vero geminum quiddam , etiam ipsa *Plumbi* minera, nitida nimirum illa, supra dicta, utpote quæ mediocri candescencia, *nitorem* suum etiam diutissime non amittit, sed *acido-Sulphureum* illud accrementum, quod continet, firmissime conservat.

At verò *acido-Salinam* substantiam, superflua & velut externa *Aquositate* orbatam, *Terreis* concretis & *Terreo-Metallicis*, firmissime & diutissime innexam manere posse, & in hac societate, *Ignis* impulsus frustrari, monstrant abunde, tum ipsum *Alumen*, tum *Vitriolum*, in sicco sic dicto *oleo*, tum denique *Phosphorus Balduini*, seu *Nitri*, acidum *Creta*, aut *Cineribus* ossium, imbibitum.

Subesse vero hic etiam, in nostris subjectis, eandem illam rationem, testatur repentinus ille *Nitri* cum ipsis congressus, & partis ipsius *alkalinæ*, in mediam, *Tartari Vitriolati* æmulam, transformatio.

Quod enim simul aliquatenus inflammetur *Nitrum*, non est æque ab extranea copiosa *Salphurea*, hujus concrementi substantia, sed potius, aut sane plurimum, ab *intrinseca* illa, *Phlogisti* principii, intimius immerſi, exuſtione: Unde etiam talis minera, cum *Nitro* ita exuſta, nequaquam in *ferrum* deinceps colliquescit, nisi novo *Phlogisti* additamento animetur, & dextre colliquetur, sed abit solum in *Vitrescens* friabile pulpamentum.

Quemadmodum vero hæc substantiæ omnes & singulæ, dictis hisce *metallis* superaccrescunt; Ita maximo simul opere notandum est, quod ad recipienda hæc *accrementsa*, omni modo requiratur, ut quodlibet tale *metallum* antea *completum* & perfectum, in suo genere, præsto sit, secus enim nullum aut paucissimum commercium, cum hisce *mineralibus* subire potest.

Ita enim v. g. *ferrum*, in *squamam* exustum, quam vulgo battituram ferri vocamus, *Hammer Schlag* / aut hoc in *Stomoma* seu scoriam vitream colliquatum, *Schmiede-Schlacken* / minime recipiunt aut imbibunt *Sulphur*; unde recordor, ante complures annos, cum *Regulum Martialem* fundere proposuissem, & baculum *ferreum* digiti crassitie, qualibus clavorum fabri, ad majusculos clavos formandos utuntur, Carbonibus imposuissem, ut interim incandesceret; Dum ego eligendo crucibulo, in ignem, successiva volutione, ne diffiliat, apte collocando, denique *Antimonio* imponendo, ejusque tenuiorem fusionem expectando, paulo plus temporis absumo, interim vero dictus baculus, toto hoc tempore, ruffa candescentia uritur; Posteaquam *Antimonio* fluenti immergo, ejusque tempestivam colliquationem operior, transit una minuta, duæ, tres, denique plures, abit horæ quadrans, *ferrum* manet intactum. Extraho, rutilat, sed retinet figuram suam priorem, decurrente liquidissime ipso *Antimonio*, utpote *tenuissime* fuso. Immergo denuo, verso, atque agito; Quicquid agerem, non tangebatur *ferrum*. Conquiro *clavos ferreos*, eosque loco baculi hujus injicio, vix quanto tempore quinquagesimum numerum recensendo attingeres, solvebantur, cum solida turgescencia & fulgore totius massæ.

Ubi refrixerat baculus, decutere volebam exiguum illud *Antimonii*, quod adhærens remanserat, *corticis tenerioris ovi* crassitie: Quod dum malleo majusculo perago, resilit *squama* de ipso *ferro*, circiter *duplicis* crassitie, quam est *putamen ovi Gallinæ Indicæ*, aut paulo plus: Ita circumcirca fortius, super parvum incudem, concutiendo, decedit similis undique *squama*, quæ longiore *candescentia* segni, *exusta*, in consistentiam hanc abiverat.



Hæc erat illa lorica, quæ penetrationem *Antimonii* ad *ferri* adhuc illibati intimiora, impediendo, in se vero nihil *Sulphurei* recipiendo, laborem totum frustrata erat.

Et profecto si quis miretur, quod ego recensione hujus *historiæ* chartam commaculem, ille credat mihi, non sine causa, id faciam; Utpote qui *Operatores Chymicos* non infimæ notæ novi, qui hæc revera nesciunt, quod nempe *Sulphur*, & ratione hujus, *Antimonium*, Calces metallorum *exustas*, non aggrediatur. Itaque qui hæc legit, & scit, condonet mihi hanc prolixitatem, propter illos, qui legent, & nondum sciverunt. Fluit vero ex hoc eodem fundamento, & est ejusdem furfuris, multis *Præcticis* operatoribus ignotum, quod *Minera metallica*, accrementis superadditis, præcipue vero *Sulphureo* abundante, aut *acido-Sulphureo*, imbutæ, à novo addito *Sulphure*, adeoque & (ratione hujus) ab *Antimonio*, alterentur, quantumcunque etiam cum illis *fundantur*, *cemententur* &c.

Unde v.g. *Minera nitida Plumbi*, aut nostra *minera artificialis ferri*, aut similis alicubi *nativa* reperta, licet cum *Antimonio* diutissime *fundantur*, non modo *Regulum* ex illo non separant, sed ne ipsæmet quidem *Minera*, alterantur inde, aut dissolvuntur. Adeo quidem, ut *minera Plumbi* vulgaris, *Goslariensis*, si in *arena* crassioris consistentiam comminuta cum *Antimonio* diutissime fundatur, effuso illo, eadem consistentia qua imposita fuit, superstes remaneat.

Ratio hujus rei, scienti quidem, fane est in aprico. Cum enim *Terrea* & *metallica* hujusmodi portiones, *Sulphureo-acidis* particulis, in *minera* jamtum saturatæ sint, eoque ipso plus, quam pro sua proportionem, recipere non possint: Proinde quantumvis plus *Sulphuris*, sive *simplicis*, sive in *Antimonio*, adjiciatur, non assument hujus quidquam amplius, utpote tanta ejus quantitate, quanta expleri potuit, jamjam occupatæ.

Abstrusior est alterius Phænomeni ratio, cur nempe *exustas* particulas *metallas*, *Sulphur* non, aut ægre, aggrediatur. Ex hypothesi enim communi, dici poterat, cum particulae *metallica*, *Phlogisto* suo orbatæ per *exustionem*, ad illud tamen assumendum, & intime amplectendum, *proclives* admodum sint, oportuisse, ut ipsum

Sul-



*Sulphur*, *Phlogisto* hoc abundans, huius ratione promptissime admitterent, adeoque ex ipso arriperent, quod perdiderant.

At vero, valet illud, quod modo de *mineris* dictum est, etiam de *Sulphure*; Cujus nimirum portio *Phlogistos*, *acida* sua consortio ita expleta & saturata est, ut alterius ulteriore accessione non attingatur. Præterea vero, est horum duorum *unio*, adeo prorsus *intima*, ut nequaquam per *crasiorum* Corporum frivolum occursum, ita præcipitanter dirimi possint: Cum omnis *Mixtoria* combinatio & *firmitudo* ascendat per gradus *subtilitatis*, ut, quo tenuiora sunt concreta, eo intimius connectantur, & firmitus cohæreant.

Ex similitudinis vero *figure* ratione (licet utique generaliter) concipi potest, cur *Sulphur metallis* tunc facile applicetur, quando ipsa *Phlogisto* aliunde obsaturata sunt. Cum enim hoc modo *Phlogiston*, & in *metallo*, & in *Sulphure*, non ultimam portionem *Mixtionis* absolvat, adeoque *latus* aliquod *Corpusculorum* horum constituat, *figure* ratio largitur *applicabilitatem*, *complicabilitatem*, intimiorem *contiguitatem*.

Et quidem five ex ipsius *Phlogistæ* latere, vel ex *acidi Sulphurei* lateribus. Optime enim utique recordor, quod Mense *Augusto* monuerim, non videri particulas  $\tau\tilde{\varsigma}$   $\Phi\lambda\omicron\gamma\iota\varsigma\tilde{\varsigma}$ , inter se invicem, ad concretionem *aggregativam* proclives. Interim licet hoc verum sit, quod ipsæmet, *pura & sola* (propter summam suam *mobilitatem* & *analogiam*, forte *figuræ*, certissime vero *Motus*, cum *aere*) ad *aggregabilitatem* in *solidum*, minus aptæ existant: Non implicat tamen, quin in aliquam firmiorem unionem cum aliis Corporibus innexæ, e quo-cunque *latere prominente*, hanc *complicabilitatis* rationem retineant. Tanto magis vero, cum *Acidum*, non modo adeo promptum, sed firmum atque intimum nexum, cum *Phlogisto* subeat, hoc vero omnia *Corpusculi* ejus latera explere, non æque certum sit: Potest illud ipsum etiam alius adhuc ejusdem *speciei Phlogistæ* nimirum particulas, potius in sui complicationem recipere, quam pristinam, talem sibi firmissime adhærentem, dimittere.

E quibus omnibus proinde circumstantiis fati dilucescit, quamobrem *metalla Sulphureis*, ut vulgo vocantur; seu *Phlogistis* suis particulis orbata, easdem nequaquam ita facile e *Sulphure minerali*



recipere valeant : Neque hoc tantum, sed quod etiam hoc ipsum *Sulphur minerale*, metallis hisce, post amissionem *Phlogisti* sui particularum, non commode aut arcte adhærescere queat : Quamdiu vero ipsa *metalla* istas adhuc secum habent, tunc prompte metallis *Sulphur* coalescere, seu *superacrescere*, possit.

Et hoc quidem ipsum velim ex hac nostra *Protheoria* notari, quod nunquam ulla *metallica* substantia cum *Sulphure minerali*, in solitam aliquam *minera* faciem coëat, nisi prius ipsamet illæ *metallica substantie*, in se, completæ, & omnibus suis *constitutivis* principiis, recte & plenarie instructæ existant.

Quemadmodum vero assertio hæc, de omnibus illis *quatuor* metallis, quæ vulgo *imperfecta* appellamus, vera existit : Ita de *Ferro* præterea specialissime adhuc notandum est, quod ejusdem applicatio ad *Magnetem*, pariter specialissimam hanc ejus completam *Mixtionem* præsupponat. Ita enim *exustum* ferrum, *squamas* ferri seu *batituram* bene perustam, & omnis *Martis Crocus*, tum præcedaneis *solutionibus* & subjuncta *ustione*, paratos, non magis tangit aut commovet *Magnes*, quam *paleas* & *stramen*.

Neque vero hoc tantum ; Sed neque *superacremento* aliquo alteratum *ferrum*, ulla sensibili motitatione afficit ipse *Magnes*. Unde *ferrum Sulphuratum* & ipsam nostram *minera* artificialem, nihil omnino commovet, adeo quidem, ut pulveri huic *nitido* immersus *Magnes*, qui plus *tribus libris* ferri tollit, ne unam miculam hujus adsumferit.

Unde certe cum grano salis accipienda est *Docimasia* illa, quam pro *mineris ferri* examinandis, vulgus *Docimastarum* in libellis suis commendat : Jubentes nimirum *minera* *ustulatam* & *elutriatam*, *Geröset und zu schlich erzeugen* / *Magnete* extrahere. Ubi omnino *ustione*, paulo intensiore aut longiore, *exusto Phlogisto*, *Croci* formam induit *ferrum* in *minera* contentum, deinde vero à *Magnete* nequaquam suscipitur. Ut adeo ad probam *quantitatis* ferri, absolute inepta sit hæc *Docimasia*, neque nisi ad solam investigationem *qualitatis*, an nempe utique *aliquid ferri* insit, circumspecta administratione inservire possit,



Efficacissima enim est illa *Phlogist*, cum omnis generis rebus unio, ad prohibendas pristinas earundem miscelas ; Ita enim v. g. in *Carbonibus*, expulsa intimiore *Aqua*, quæ in ligni compage manferat, restitans hæc *Phlogistos* substantia, & intimius cum subtilibus *Terreis* partibus coadunata, excludit impofterum omnem intimiorem *Aque* contactum, unde *putredini* nulli obnoxii sunt *Carbones*, cui ligna maxime exposita sunt.

In regno *Minerali*, notoria est *Sulphuris* energia, ad impediendam *Mercurii* cum metallis amalgamationem : Unde v. g. *Argentum*, quod alias valde velociter subit & resolvit *Mercurius vivus*, si vel leviter inquinatur *Sulphure*, respuit hujus coalitum.

Cæterum imposuit *Becchero* quoque, hæc eadem molestia, ad deprehendendam insignem illam *ferri quantitatem*, quæ ex illius operatione cum *oleo lini* nata erat. Siquidem vix longa *Magnetis* applicatione pauxillum colligere potuit, & quidem *minutiorum* particularum, quæ superficietenus globulis illis innatæ, in exemptione ex Igne, ab aeris commercio, quadantenus liberatæ a nimia *Phlogist* copula, ad puri & *liberi ferri* indolem redierant.

Unde, qui hoc idem experimentum aggressus, grave illud sedimentum, (den *Schwarzen schweren Schlich*) leviter ustulatum, pauco *Spiritu Vitrioli* imbuet, & sensim sensimque, post 6. vel plures horas, plus subministrando, solutionem peraget, ille ex quantitate *vitrioli* inde prognati, aut levi ejus calcinatione, & tunc instituta ponderatione, plus longe certitudinis de *quantitate* hujus experimenti deprehendet.

Hujus *Experimenti*, inquam, nempe tum *Beccheriani*, tum nostri. De *mineris* enim ferri vulgaribus, nemo quisquam facile instituerit *Docimasias* exactiores in parva *quantitate*, quin vel ante *sollem*, vel omnino in majusculo *fusorio* furno, bonam ejus quantitatem simul colliquando, experiatur, an operæ pretium faciat.

Tanto magis, cum non solum *quantitatis*, sed & *qualitatis* in *ferro* desideretur probatio : Cum hinc inde lapides *ferriferi* proflent, qui non parum *ferri* ferunt, sed *friabilis* & *intractabilis*, ut non modo fabrilem *malleum* eludat, sed etiam corpora ex eo fusa, si ullam vim *motus* aut *ponderis* ferre debeant, etiam quantumque cras-



sa, facile *rumpantur* : Imo & ignei *æstus* repentinas mutationes sine *ruptura* non tolerant, ut in *furnis* & *focis* inde paratis, an eisen Ofen und Herd • Platten / & *volutabris* atque *capitibus* molendinorum; Haspen und Zapfen an Wellbäumen in Schneide-Mühlen / und Kunst-Rädern / zumahl bey Taschen-Künsten / *experientia docet*.

## CAPUT SEXTUM.

# THEORIA EXPERIMENTI.

**Q**UOD Metalla *imperfecta* quatuor, *Ferrum*, *Cuprum*, *Plumbum*, *Stannum*, partem non exiguam *Terrestri* Substantiæ in sese contineant, probatur, in prioribus quidem *tribus*, e facili eorundem *vitrescentia*; In posteriore vero, è *Calcaria* ejusdem remanentia, quæ post *Phlogist* ipsius consumptionem, residua manet.

Sicut enim *Terrarum*, vulgatiore sensu sic dictarum, *duo* dantur superiora genera, alterum *simplicissimum*, quod aggregationem *diaphanam*, valde firmam atque *duram* subit, ab *Adamante*, usque ad *sabulum* *crystallinum*: Alterum vero *Mixtum*, quod aggregationem *Diaphanam*, sine *aquæ* concursu, non subit: Eo ipso vero non modo *molle* & admodum *fragile*, sed etiam *igne* in pollinem, ut summe *pumicosam*, *porosam*, & veluti *vesicularem* raritatem, expulso *humore*, exurit.

Ita è *priore* quidem, *Vitrea*, è posteriore, *Calx* & *Calcaria* atque *Gypsea*, facies, tam *Natura*, quam arte & *Ignis* violentia, producantur.

Harum utrarumque *Terrarum* luculenta vestigia deprehenduntur, uti dictum, in memoratis *metallis*, & id quidem tum a *posteriori* quatenus alia horum in *Vitream* consistentiam facile fatiscunt, alia vero in *Calariam fixam*, albam, minime *fusilem*, (aut ubi arte ad *fusibilitatis* statum reducta est, ægerrime ad antiquam *metall*icam speciem reducibilem:) consistentiam faceffunt: Tum a *priori*, ubi è *Terris* hinc inde obviis, talia eadem *metalla*, per manifestam artificialem *Syncrison*, generantur.

Neque enim velim, vt quisquam credat, solum *ferrum* è *terris*

*terris* obviis, *arte* obstetricante, generari posse; sed potest & *Cuprum*, notante jam ante me, Viro alio bono & perito: Potest & *Stannum*, *Plumbum*: Imo vero forte aliquid amplius.

Præter hæc, & *Terream* metallorum *imperfectorum*, *Ferri* præcipue, partem, inesse his omnibus *inflammabilem*, combustibilem, & libera uisione separabilem portionem, dictum in antecedentibus, & notum est *Experientia* plus quam *triviali*.

Hæreere vero hanc ipsam *inflammabilem* Substantiam, in omnibus *pinguibus*, & quidem æque in *volatilis*simis, quam *spissioribus*, notum satis est: Neque adeo difficile, paulo circumspectiori speculatori, quomodo vel è *volatilis*simis oleis, & ipsa *Camphora*, ad mixtiones *Minerales*, & *metallicas*, colligi & adigi possit: Quod quidem Mense *Julio* p.303.326.327. subinnui, monendo, quod *Experimentum* illud, *sulphur* ex *acido Vitriolico* generandi, per τὸ φλογιστὸν cujuslibet olei *atheri*, aut *Camphoræ*, promptissime, in *Crucibulo* & igne aperto, procedat.

His suppositis mirum non est, quod è subtili *Terra vitrescibili*, accedente, & intime unito, *Phlogisto*, genesis, hujusmodi contingat.

Interim vero, & antequam ad *rationem* nostri *Experimenti* reddendam, progrediamur dissimulare nullo modo debemus, quod *Specificatio* aliqua plane peculiaris adhuc subsit, quæ ita accurate & luculenter, hoc nostro præsentē loco, exprimi neque debet, imo nec dum potest, quæ nempe generalem illam *vitrescibilem* substantiam, ita determinat, ut accedente *Phlogisto*, hæc maxime *species* metalli, non vero altera, enascatur.

Sane enim quilibet *causalis* *Philosophiæ* vel leviter peritus, statim dispiciet, quod illa vitrescibilis terra, & illud *Phlogiston*, ut principia, omnibus, ad minimum tribus istis, metallis, communia, à nobis recenseantur: Unde merito desiderabit, ut ratio aliqua *differentiæ* effectus, vel recenseatur, vel ad minimum agnoscatur, quam obrem terra vitrescens & *Phlogiston*; hîc in *Ferrum*, alibi in *Cuprum*, alibi in *Plumbum*, alibi in *stannum*, coalescant.

Cui rei ut satisficiamus, agnoscimus sane & consitemur libere, quod altior quædam *diversitas*, & intimior aliqua *Mixtoria* differentia inter terras hæc intercedat, quæ in *Terra* quidem *Martiali*, (mediante



diante *Phlogisto* in *Ferrum* perficienda) *Colorem* ruffum, effectum *Stypticum*, fusionem vitream *bruno-nigram*, producat: In *Terra venerea*, (quæ cum *Phlogisto* in *Cuprum* concrefcit) *colorem* è flavo brunum, effectum plus minus *Septicum*, fusionem *hyacinthino-viridescentem*: In *Terra Saturnia*, *Colorem* pallido-flavescentem, saporem cum Salibus *dulcescentem*, fusionem *flavo-gramineam*, aut *adiaphanorubellam*, inferat.

Ubi utique hoc ipsum, longe altioris & intimioris indaginis Subjectum, est interius illud & magis *specificum*, *specificæ* Mixtionis Principium, quod alii *Sulphur fixum*, alii Animam, alii aliter, appellant: Omnes vero, quicunque de ipso loqui instituant, vix aliter quam per Somnium, & tanquam Phantasma quoddam sensus eludens, agnoverant.

De quo quidem in præfenti pluribus agere, tantum è proposito nostro abest, ut malim diserte dicere, me illius naturam nondum exacte perspexisse, quam in ejusdem explicationem, præmatura Sapiencia diffundi.

Quorum interest, plus quam nostri hodierni sapientes Chymicæ Mystæ (quibus de talibus rebus ne in mentem venit suspicari) pervestigare, ii reperient in differentia *Salium* ad *Terras* & ad *Metalla*, quid *specificet* *Metalla*, denique in *uniformem* veram, & puram, *vitrescentiam*, ablato paucissimo illo, quod *specificat*, convertuntur.

Nobis sufficiat hoc loco agnoscere, fateri, imo digito intento notare, quod utique talis differentia subsit.

Unde statim ad nostrum Experimentum in Specie, facto progressu, monemus, quod *Terra* illa, è qua per congruam πῶ φλογισῶ immixtionem *Ferrum* nascitur, sit *rubella*, plus minus *Styptica*.

Ubi tamen hujus generis *Terræ*, summa & eximia ubertas, quasi per omnem mundum diffusio, tanta est, ut non modo in omni *lutofo* & *argillofo* fundo, luxuriet, sed etiam plerarumque *frugiferarum* glebarum, maximam fere partem constituat.

Et imprimis quidem in illis *arvis*, *agris*, *campis*, *pratis*, *hortis*,  
ubi

ubi nigricans *Subpinguis* terra, *arena* subtili intertexta & imbuta, occurrit.

Præcipue vero, si insuper *Salsa* aquarum, aut *aëris*, temperies concurrat, & illi terræ sese infinet.

Ita enim v. g. hîc *Halæ*, mirabile fere videtur imperitis, quod è proximis quibuslibet *pratis*, *arvis*, *campis*, vix ad palmarem profunditatem, eruta, imo ab ipsa usque superficie, gramine virescens, terra, uestione levi, in *tegulas*, & *lapides* prismaticos murarios, excoquatur.

Licet enim negari non possit, quod insignis differentia, densitatis & firmitatis subfit, dum alii horum lapidum *spissi*, duri, firmi, alii vero *fragiles* friabiles, molles, conspiciuntur: Patet tamen simul ipsi statim aspectui, quod utrique pariter, *rubri*, *fulvi*, *rutili*, appareant, & tantum *teneritudine* Substantiæ discrepent: Siquidem *firmiores* illi & compactiores, longe *tenerioris* Substantiæ deprehenduntur: alteri vero isti, *molliores*, plurimum crassioris *Sabulose* partis, gerunt.

Unde utique periti, *tegularum* præcipue, coctores, luto *sabulosiori* (potius *limo*, *Leimen*) quærunt *linum* teneriorem, (potius *lutum*, *Letten*/oder *Lâden*) quem posteriorem circa *superficiem* terræ velut *abradendo* colligunt, cum prior subinde ad *ulnas* deorsum, coacervatus occurrat.

*Luti* itaque hujusmodi, quod vernacula appellatione *Ofett*, *Leimen*/ *Ziegel Erde* vocamus, pars *tenerior*, id est, particulæ talis luti plus minus *individuales* (aut inter multas *congregatas*, illæ, quæ *superficiem* constituunt) sunt *proxima ferri materia*, è qua, si *Phlogiston* sufficienti quantitate accedat, & intimiore *unione* connectatur, verum *ferrum* formatur, generatur, *miscetur*.

Ubi tamen *Phlogist* hujus constitutivus & *essentialis* accessus, ut ex illa *Terra* fiat *ferrum*, vel inde satis dilucescit, quoniam è *Terra* tali, nulla arte fieri potest *Vitriolum*, nisi tunc de muni quando dictum *phlogiston* jamtum intime ipsi maritatum est.

Siquidem, quod supra jam tetigimus, hic merito repetimus, quod *Spiritus Vitrioli*, super quacunque hujus generis *terra*, *limo*, *luto*, *bolo*, nihil omnino *Vitriolici* contrahat, sed tantum *Alumino-*



*so-amaricantem* saporem longiore etiam tempore, & mora plurium dierum, nanciscatur: Cum tamen, ubi semel in *ferrum* transformatae fuerunt ejusmodi *Terræ*, licet deinceps denuo *Phlogiston* illud, exurendo consumi videatur, non tamen ita penitus & omnimode, facile iterum separatur, quin addito *Vitrioli acido*, è libero saltem *ære*, longa mora, tantum hujus *Phlogisti* rursus admittat, ut verum *Vitriolum*, & consequenter verum *ferrum*, iterum inde prognascat.

Quod itaque successum Experimenti nostri concernit, supponimus ad illum ante omnia *Terram* ejusmodi *rufescentem*, aut *fulvam* ad minimum, quæ *ustione* intensiore rufescat; Præterea, quæ *vitrescentis* sit indolis, non *refractariæ calcaris*: Et quidem *Terræ* talis *teneriorem* portionem, rejectis *sabulosis* crassioribus concrementis.

Huic *Terræ*, tanquam crassiori *materiali* principio *ferri*, operatione nostra conjungimus, & quidem intime & subtilissime τὸ Φλογιστὸν.

Et quidem beneficio, & veluti sub vehiculo, *Spiritus Vitriolico-Sulphurei volatilis*, sub & cum quo, hæc substantia, uti *tenuissime*, ita & *intime* in teneras illas terræ *Stypticæ* particulas ingeritur, quoad, figuræ symbolica proportionem, illis impacta cohæreat, & firmissime uniatur.

Unde ego (nam de meo hoc Experimento loquor, non de *Beccheriano*;) hucusque firmiter persuasus sum, & confirmatum me arbitror repetitione Experimenti, his diebus variis modis iterati, quod *fissuræ* vasis, adeoque *volatilisatio* acidi vitriolici in *alumine*, ad successum hujus artificii, absolute necessaria existat.

Dum adeoque *Terra* quidem illa, ad receptionem *Phlogistæ* nostri intimiorem, habilis, præsto est? *Phlogiston* vero ipsum, cum *acido Vitriolico* tenerrime incorporatum, in *Spiritus volatilis* formam eidem impingitur: Fit inde, per *Spiritum* quidem hunc *acidum*, aliqualis *Phlogistæ*, in sese nimis teneri ad coalitum, corporificatio: Simul vero ad congressum, & ingressum in *Terram* suam, velut introductio.

Neque tamen hoc tantum; sed agnosco etiam *Spiritus fixioris*, five *Vitriolico-Aluminosus* ille sit, five *Salis Communis*, notabilem hoc ipso loco concursum.

Non quidem æque ad *ferrigenesin*, utpote quam solius *Phlogistæ* illatione, citra alius rei, nedum *Spiritus Salis* in specie, concursum fieri posse, monstrat *Beccheriana Praxis*, cum solo oleo.

Sed ad *Minera*, seu mineralis *superaccrementi* genesin, ut nempe non modo *ferrum*, sed & aliquid amplius, non modo *metallum*, sed præter illud, etiam adhuc aliquid *mineralè*, prognascatur.

Quemadmodum enim ex iis, quæ capite præcedente dicta sunt, meminisse convenit, quod *metallum* prius formari debeat antequam *mineralem* epigenesin admittat: Ita illius quidem nativitas, procedit etiam ex solo *Phlogisto*, teste *Beccheriano* modo: *Mineralis* vero hæc, *splendida*, *nitida*, accessio, requirit utique *Salinam*, & *acido-Sulphuream* (si non *formaliter*, ad minimum *materialiter* talem) accretionem, quam quidem in *fixiore acido* aluminis, imo forte ipsius *Salis*, aut potius *utrisque*, reperire licuerit.

Quod enim *Sal commune* attinet, minime negligendus certe videtur, specialis ille ejusdem *Symbolismus* cum *Phlogisto* Carbonum, ad hoc ipsum, è reliquorum sui sodalium *terreorum* nexu, prompte educendum. Ita enim vel vulgus utique novit, quod, si *Sal commune carbonibus* ignitis injicitur, mox *flammâ* luculenta exardescere hi incipiant, & longe citius, quam sibi relictæ, consumantur.

Imo ipsum quoque *Sal*, quod in Crucibulo candefactum, diutissime hunc æstum perferre potest, citra notabilem imminutionem, evaporat, hac ipsa *immediata* super ignitos carbones incandescencia, quam promptissime, & in flores albos, si receptaculum, commodum ipsi objiciatur, transit.

Format etiam præterea, sub hac ipsa deflagratione, cum carbonum flamma, *colorem ceruleo-violaceum*: Quamvis hoc fere magis, si carbonibus non æque immediate interspergatur, sed in *Crucibulo* carbonibus impositum, halitus suos, cum *Phlogisto* Carbonum erumpente, societ.

Unde hic quoque, in nostro Experimento, ad accrementum illud *Sulphureo-Arsenicale*, quadantenus concurrere posse, non im-



probabile ducimus; Sive illud faciat, suos vapores cum *tenuissimis* effluviis *Phlogistis* carbonum, quæ per *fissuras* in vas penetrant, con- sociando, & hoc novo coalitu, *arsenicale* quadantenus Mixtum formando: Sive ad minimum, ipsas *boli* particulas, velut in transi- tu, subtili *solutoria* allisione & divulsione attenuet, ut subsequenti in- timiori congressui *Phlogistorum* halituum, & *Sulphurei volatilis* acidi Spiritus insinuationi, tanto pressius proportionatæ sint, & respon- deant.

De qua tamen re extra omne dubium ponenda, ne quidquam contra *morem meum*, non nisi *certa*, & *solide comperta* atque *pervestigata* proferendi, agam, malo sane libere fateri, me hoc ipsum nondum adeo exacte & penitissime deprehendisse, sed rationes adhuc ali- quas perquirendas annotasse.

Interim spero tamen, neque vitio mihi datum iri, quod rem ipsam in medium proposuerim, materiam nempe, quod aliis, cu- riosioribus forte & felicioribus, causas penitiores eruendi, ansam præbeat.

Ita enim semper arbitratus sum, neque est, quod me senten- tiæ hujus vel hodierno usque die poeniteat, quod optabile omnino sit, ut multa singularia, *simplicia* quoque primo intuitu, Experi- menta, pure historice (modo cum *agendi* rationibus, seu *Enchirisi*) in publicum communicentur, licet fiendi ratio seu *Theoria*, omni- no omittatur. Et esset profecto optandum, ut subinde Methodus hæc accurate servaretur: Cum, quantum mihi quidem observa- re licuit, perversis hujus viæ, incorrigibile illud incommodum pa- riat, ut dum experimenta, ex *Theoria* præconcepta minus fundata, recensentur, circumstantiæ tum *operandi* tum *fiendi*, quæ ad *Theori- am* illam conciliari non possunt, in relatione negligantur, cum ta- men sæpenumero illæ ipsæ, quæ ita omissæ sunt, cardinem totius rei absolvant, simul vero fere ordinarie longe aliam *Theoriam*, quam illa est, sub qua residuum negotii recensetur, involvant. Quæ quidem deviatio, non modo Physico-Chymicas curiositates, sed *Historiam* morborum veram, & illi superstruendam *Pathologiam realem*, inter Neoterismum nostrum, incredibili clade afflixit.

Cæterum vero, pro conclusione nostri præsentis *Menfis*, de  
Expe-

Experimento hoc, in specie moneo, non adeo, ut forte primo intuitu fieri posset contemptum illud haberi meruisse, siquidem cuivis, id ipsum non plane Carbonariis manibus tractanti, aut sine ulla pensitandi habilitate inspectanti, non poterit non aditus ad curiosiora in hoc genere, & forte utiliora, patescere.

Id unicum tantum, pro *Enchirisi* Experimenti, quæ universum ejus successum felicem absolvit, adhuc semel moneo, quod tractatio hujus Mixturæ, *longo & satis vegeto* Igne indigeat, si *copiosam* imo *plenariam*, universi boli conversionem in *ferri mineram*, assequi velimus.

Deinde commodiorem hætenus deprehendi tractationem in *Retorta*, aut vase, quod *liberi aeris* commercium excludat: Cum alias hujus concursus, alterationes sensibiles, ad minimum in *superficie* materiæ *exustione* potius, quam *congestione Phlogistæ* substantiæ, inducat, licet in profundiore parte *splendide* illius geneseos progressus non minus sequatur.

Conducit tamen revera tractatio in *occluso*, ut in *Retorta*, etiam ad promptiorem materiæ *colliquationem*, quæ in *apertis vasis*, vix instructissimo Igne ad *mollitiem* perducitur: Interim quantum penitiori penetrationi hoc inserviat, facile concipere licet.

Denique vero, & postremo loco, commendo, ut cum variis *Terris, limis, bolis*, imo ipsa *rubrica fabrili*, cui tempus & commoditas suppetit, Experimentum instituat, ita differentia illa maxime luculenter observabitur, quænam *rutilæ* hujus generis *Terreæ* Substantiæ *magis*, quæque *minus*, ad perfectionem hanc in *metallum*, habiles existant.

Quibus quidem examinibus Experimentum nostrum magis magisque elucidabitur, imo aliis fortasse novis via sternetur, qui fere nostrarum operationum perpetuus, est Finis.



MENSIS

OCTOBER,

commendans

CONCENTRATIONEM  
SIVE DEPHLEGMATIO-  
NEM VINI, ALIORUMQUE  
FERMENTATORUM, ET SA-  
LINORUM LIQUORUM, SALVIS  
UNIVERSIS EORUM  
VIRIBUS.

---

PRAEFAMEN.

**D**iversitatem inter Artis & Naturæ sic dictæ, ope-  
ra, si perpendimus, deprehendimus sane,  
quod in efficiendo quidem magnopere discre-  
pent, dum Ars non modo rationem temporis  
arbitrarie eligit & dirigit, quandocunque vult & ipsi pla-  
cet, opus suum inchoat atque prosequitur, cum in serie  
rerum Naturali, pleraque omnia, vel à statibus circuitibus  
Solis, adeoque caloris frigorisque alternationibus, (& quæ  
his connectuntur, humiditatis & siccitatis, fluiditatis &  
soliditatis, Motus intimioris, aut quietis aggregatricis, &c.

variationibus ) pendeant ; vel plane fortuitas , & nullam intentam atque destinatam directionem supponentes , causas agnoscant.

Deinde vero prospicimus facile , quod in materiæ quoque puritate & homogeneitate , Ars multum præ ipsa Natura possit , utpote cum hîc quoque Ars , quando & ubicunque vult , puriores & sinceriores materias seligere , & variis combinationibus aut resolutionibus adhibere valet : Cum in Statu Naturali , pleræque tales materiæ , variis heterogeneis , aut disparibus ad minimum , rebus , interspersæ , & velut mutuo inquinatæ , occurrant.

Tandem exserit sese etiam in instrumentis , haud exigua utrinque differentia . Siquidem Natura , in plerisque omnibus suis operibus , repentinum illum & extremum impetum subtilissimi motus , quem ignis actualis fovet , & in alias res infert atque exercet , quasi penitus ignorat , adeo quidem , ut fere summus ille gradus caloris , quem Natura in plerisque suis operationibus adhibet , multis , imo forte innumeris , parafangis , adhuc differat à nostro actuali igne.

E quibus quidem omnibus circumstantiis , facile in genere concludere licet , quod Artis opera , fere magis præcipiti impetu , tum ratione frequentiæ , tum ratione successus , perpetrentur ; Cum Naturæ effectus , & rarius , & tardius , & quoad ipsam Materiæ heterogeneitatem , ut plurimum confusus , peragantur.

Ex omnibus fere hisce circumstantiis disparibus , nulla propemodum est , quæ Artis operationes & effectus magis specificet , atque à Naturalibus discrepare faciat , quam ipse



ipse ignis. Cujus proinde paulo minus circumspecta applicatio, plurimas omnino materias non modo compositas, (facilius dimobiles, & aliter transformabiles) sed Mixtas etiam (tenerius & intimius unitas) paucissimo sæpe tempore, ita è pristina cohæsione disturbat, & in aliam novam transponit, & convertit, ut non modo longe diversa à prior texture inde nascatur, sed & frequentissime aliena ab omni solito Naturæ ordine, & spontaneo proventu.

Exserit se vero hoc ipsum, in illis præcipue compositis aut mixtis, quæ de τῷ φλογισμῷ paulo plus participant; in quibus, cum Natura vix unquam, ullam dissolutionem pristinae unionis, nisi per novæ materiæ admotionem, perpetrare vel soleat vel possit. Potest è contra ignis impetus, has ipsas compositiones & mixtiones, sine ullius peregrinæ rei concursu, subinde adeo prompte & intime discutere, aut in longe disparem situm transponere, ut vix ultra momentum infumat, ad effectum edendum, qui Naturæ absolute impossibilis, neque nisi longo tempore, multiplicitate molimine, & variis aliis materiis intercedentibus, quadantenus imitabilis existat.

Exemplar unum, & brevissimum dabo, in oleis destillatis tenuissimis. Hæc in Terram siccam, excepto actualis denuo ignis concursu, nihil volatilem, substantiam, è fluida, humida, tenuissima, volatilisima consistentia, transformare, infantum fere, per ignem est lusus, quod non modo dicto, sed fere cogitatione, citius, succedat: Cui quidquam simile, Naturali ordine, unquam in his subjectis perfici extra omnem notitiam & fidem humanam, positum arbitramur.

Quem-

Quemadmodum vero hoc modo, & beneficio hujus instrumenti, quod Naturalium genese<sup>uv</sup> ordini incognitum est, Ars varia peculiaris producta, & promte præterea atque expedite, efformare potest: Ita certum tamen utique est, & confidimus magis magisque sub attenta rei pensitatione observatum iri, quod hîc illic materiæ & operationes occurrant, quæ, si solo igne tententur atque tractentur, non nisi unam, eamque sæpe intentioni nostræ certæ incommodam faciem induant, & graviter, imo subinde irreparabiliter inde alterentur.

Quod quidem incommodum, cum corrigere aut evitare nemo docuerit, quilibet vero pro se ipso, fere magis ad alienorum vestigiorum sectationem, quam propria tentamina, expeditiores simus, manet inde frequentissime vel per incuriam neglecta, vel seposita spe omissa, quæcunque alia via atque methodus, quæ tamen ad scopum sine difficultate perveniri potuisse, Experientia postmodum confirmat.

Cujus rei luculentum specimen in vini concentratione, & superfluxæ aquositatis, tam ex ipso, quam aliis (volatilioribus, aut ab igne facile alterabilibus) fermentatis, & Sulphureo-Salsis compositionibus, separatione, præsentî Mense Octobri proponere visum est: Quod Divina Clementia & Benedictio, ad utilem finem atque usum benignissime dirigere dignetur.

CAPUT PRIMUM.

VINOSA CONSISTENTIA.

**F**ermentationis Doctrina ut à nobis, in genere peculiari Tractatu recensita est, ita notavimus tam in ejusdem *Subjeto* seu Ma-



*teria*, quam *producto* seu *effectu*, quod utrinque quidem certa *heterogeneitas* seu diversarum *specie* particularum præsentia requiruntur, sed & simul earundem inter se unio deprehendatur.

Quemadmodum enim *Objectum* Fermentationis, est *dimotio* è pristina cohæsione, & *translatio* in novam; Ita necesse utique est, ut *certa*, & qualitercunque firma atque durabilis, talis *connexio* jam ante præsto sit, quæ nimirum *motu* illo disjungi, divelli, *dimoveri* queat: Et ut diversa *nova*, & quidem certam atque durabilem *speciem* constituens, *transposita* conjunctio, subsequatur.

Nuspiam vero res hæc magis dilucide & manifeste sese sistit, quam in ipso *Vino*. De cujus quidem primordiis, tam in *uva*, quam in *musto*, valde prolixum hic esse, minus convenit, cum potius ad *specialem historiam*, & exempla *Fermentationis*, pertineat: Suffecerit, notasse, quod tam in *uva*, per numerosos sane dies, illam miscelam, quæ dulcedinem *salino-pinguem* lubricam sistit, conservet, imo etiam in ipsa, a vite jamdiu abscissa, alicubi super siccum stramen in frigidulo loco asservatâ: Quam etiam, quod ipsum expressum jamiam *mustum* clarum & pellucidum, nihil heterogeneitatis *segregata* in sese exhibeat, sed undiquaque *aqualiter* mixtum, & diversas illas materias, quæ ipsum constituunt, intime inter se invicem innexas servet atque detineat. Neque hoc tantum, sed quod etiam hoc ipsum *mustum*, in dolia ad exquisitam *plenitudinem* conditum, & in *frigido* quoad possibile loco asservatum, per multas septimanas, imo ad menses, ita integrum, & in perpetua hac *unione* suæ Mixtionis, retineri possit, unde mustum suppressum, *verhaltener Most* / satis vulgo notum.

De *Vino* vero ipso, non quidem qua *producto* Fermentationis (seu in comparatione, ad pristinum statum Mixtionis, & habitudinis ad motum divulsionis ex illo, & compactionis in novum situm atque nexum (sed simpliciter ut de *Mixto Salino-Sulphureo-Spirituoso*, in ordine ad ulteriores alterationes, præcipue *Caloris* intensioris, de hoc, inquam, & *vino*, & statu ejus, paulo exquisitius agere, necessitas nostri propositi requirit.

Est itaque *Vinum*, Liquor *Salino-mucido-oleaginosus*, multa *aquositate* intertexta dilutus, & ab hac aquositate veluti *expansus*, *Salina* ejus

ejus partes, subtilibus *Terreis* innexis saturatæ, ( quæ *mucaginem* formant ) imbibitas simul detinent, atque innexas sibi servant, particulas pingues oleosas paulo spissiores : Sunt vero adhuc aliæ summè subtiliatæ, pingues, & mediante *Salina* portione extremæ tenuitatis, quæ ipsis adhærescit, ipsi *aquositati* non minus innexæ, quam reliquæ Vini Mixtioni obhærescentes, & hæ sunt, quas *Spirituosas* appellamus.

Omnium harum rerum, est satis firmus inter se mutuo, & perennis admodum atque constans, *nexus*, ita ut per minima invicem revera cohæreant, minime vero per modum saltem *confusionis*, circa & juxta se invicem natent, aut turbulentæ fluctuent.

Unde nimirum fit, ut *Spirituosa* pars, a *vino* aliquo avulsa, & *destillatione* separata, quamvis residuo illi Cramati, e quo modo evocata fuit, statim reaffundatur, & quantumcunque tenuiter coagitetur, minime amplius antiquam Cramin, consistentiam, *pelluciditatem*, *saporem*, *odorem*, durabilitatem, recuperet : Sed in confusaneam, *turbulentam*, adversi nauseosi *saporis*, insoliti *odoris*, & propinquæ *vappescentiæ*, expositam miscelam abeat.

Imo, si *Salsiori*, & minus *spirituoso* atque *pingui vino*, *spiritus ardens*, ex alio, aut ejusdem generis, *vino*, destillatus, affundatur, plurimum sane abest, ut hic austeriori illi vino, sola hac sui affusione, & tumultuaria interspersione, penitiorem, & boni vini æmulam tene-ritudinem, conciliet, ut potius & *odore* & *sapore*, ardentem suam acrimoniam, & *amarorem*, inter Vini pristinam *salsedinem* atque *austeritatem* nauseose exferat.

Quid, quod sola intensior calefactio, aut levis *fervor*, daß man den Wein einen einigen Wall thun / oder aufwallen läßt / intestina hac subtilissima agitatione, tenuissimas illas, & motui *Coloris* subjētissimas, *spirituosas* partes, a reliquis tantum abrumpendo eandem *Saporis*, *diaphaneitatis*, *durabilitatis*, inversionem infert, quam si reapse abstractus, & denuo affusus fuisset, ita, ut imposterum per modum confusionis tantum, reliquæ miscelæ intercurset.

Contra vero, si *Vinum* in loco frigidulo collocatum & a copiosiori *aeris* liberi illapsu bene interclusum, servetur, potest supra notatum harum omnium sui partium constituentium, continuitatem



tem & firmum nexum, etiam plures annos conservare, cujus rei specimen non modo nostratia vina annosa exhibent, sed & exotica illa *Chinensia* fermentata, ex *Oryzæ* decocto, quæ exacte conclusa, & in terram altius defossa, ad numerosos annos vegeta, atque generose *spirituosa* perdurare, Scriptores Historiæ illarum Terrarum, uno ore confirmant.

Neque vero hoc in Vino tantum. Sed ipsum etiam *acetum* postquam in eo, dejectis abundantioribus *Terreis*, & ipsis non paucis *oleosis* pinguibus, prioris vinosæ Mixtionis, partibus, Salinæ dominium nactæ sunt, & *spirituosas* veluti obvolverunt atque subegerunt: Potest hoc ipsum, inquam, *acetum* bene obturatum, per spatium temporis longissimum ita durare.

Sin autem *apertum* relinquatur, ut subtilissimi halitus ex eo secedere queant, aut abstracta subtilior ejus portio, denuo ipsi affundatur: utroque modo perit, & *consistentiæ* ipsius æqualitas, & tenuitas, & ante omnia durabilitas siquidem præcipiti lapsu, in vapescentiam atque corruptionem inde tendit.

Cum vero interim plerisque Vinis, præcipue illis, quæ è disitis locis alio de vecta, ibidem cum usura venduntur modo à primæ genesi & ipsa Fermentatione modo ab humana fraude & mangonio, plus *aquæ*, quam ad consistentiam ejus absolutam utile, nedum necessarium existat intertextum sit: Interim hoc ipsum *superfluum Phlegma*, non modo saporem, & reliquam *energiam* vini, vitiet, sed etiam minori *durationi* ejusdem materiam præbeat: Cum *humiditas* in genere, tanto magis vero superflua, *aquæ* primum & inquietum *instrumentum* Fermentativæ alterationis existat, ut suo loco abunde monstravimus.

Proinde utile certe & percommodum subinde esset, ut superflua hæc *aquositas*, a reliqua, *Vinum* stricte & proprie constituyente, imo *Vinum propriè* & vere existente portione, separaretur.

At vero qua methodo atque arte hoc obtineri possit, primo per consuetas atque usitatas methodos dispiciemus, earumque difficultates excutiemus; Deinde vero veram & factu facilem viam monstrabimus, & denique ejusdem vel *absolutam* vel certe *respecti-*  
viam,

*vam*, præ omnibus aliis, benignitatem, & quam nihil, aut parum *Vinum*, & alia *fermentata*, alteret, annotabimus.

CAPUT SECVNDVM.

DESTILLATIO DE PHLEGMA-  
TORIA.

**S**inter omnes *Fermentatos* liquores, censu instituto dispiciamus, deprehendemus facile, quod ad unum omnes, laborent *Aquositate* superpondio; quod quidem ad notabilem certe quantitatem, facile dimittere, imo ablato illo, tanto *saturati-ores*, & magis jam homogenei, persistere possint: non plus videlicet servando, quam ad consistentiam ipsorum recte conservandam, *Sal* in fluore, *mucorem*, & *pinguedinem* utrique intertextam, in *expansione* retinendam, necessarium sit & sufficiat.

In *vino* tamen, & *Vini Aceto*, cum actualis purior *salsedo* magis abundet, & quidem acido-austera, *Tartarea*, fit inde, ut subtracta spirituosam quidem portione, mirum quantum *austerius* evadat vinum: *Aquea* vero parte, in larga quantitate, subducta, hæc ipsa *Tartarea Salina abundans* portio, in tenuiter *CrySTALLINA* consistentia coaguletur, & ad fundum secedat.

Quemadmodum enim subtilis *pinguedo*, quæ *spirituosam* vini partem constituit, obtundere solet & mitigare *acorem Tartareum*, uti in violentissimorum etiam acorum retusione videmus, quando *Spiritus vini* additione è *Corrosivis* acidis, *Nitri*, *Salis*, *Vitrioli*, fiunt *Spiritus*, ita dicti *dulces*.

Ita *Tartareum* quoque *Sal*, utpote *pinguedine*, spissiore quoque, copiosa imbutum, non solvitur aut diluitur nisi *copiosa* admodum humiditate, eaque deficiente, mox in sicca solida *CrySTALLINA* forma concrevit, ut in *CrySTALLIS Tartari* notum est.

Et inde pendent effectus ante notati, videlicet, quod *Spirituosa* quidem portione ablata *acor* liberius sese exferat: quod adeo manifestum est, ut vel in cibos & jacula coctum vinum, longe inde *austerius* evadere, ipsis usque coquis notum sit.



Aqua vero, etiam per *destillationem*, largius subtracta, in vinis minus *calcariis*, & *Cretaceis*, sed *Tartari* potius solidescantis feracibus, in residuo cramate, pulcher *Tartarus*, in copia proportionata satis multus, coalescat.

Quamvis autem & *Aquositas* illa superflua, quæ vinum diluit, & saporem ejus admodum distrahit atque dissipat, commode admodum & consulto a vino separetur, ut illud hoc modo longe sincerissimum, & vere *meracum*, habeatur.

Eoque ipso etiam, sublata portione *Tartarei* salis, amissa parte *acoris*, mitius atque lenius, ex hac parte, reddatur.

Non tamen adeo prompti laboris, atque facile effectui id ipsum esse, monent residuarum partium, quæ conservari debent, proprietates.

Primo enim *spirituosa*, est illud Vini, & quorumlibet *fermentatorum* hujusmodi, Cimelium, quod non modo conservationem eorum, seu *durationem* incorruptam, quasi *balsamum* quoddam, absolvit: Sed etiam reliquam *aromaticam*, atque *analepticam* efficaciam, in humano corpore, maximam partem præstat atque perficit.

Neque vero hoc tantum, sed est utriusque hujus effectus, *anima* prorsus, & universum fundamentum, intima illa & subtilissima *Unio* hujus *spirituosa* portionis cum reliquis; Propter quam ipsam non sufficit, ut hæc substantia; inter reliquas præsto sit, siquidem alias quidem promptissime abstrahi, & deinde iterum affundi posset. Sed cum *abstractione* illa *unio* hæc dissolvatur, reaffusione nuda vero, imo quacunque postmodum arte, non amplius reparetur, non est consultum hac methodo, totam vini compagem labefactare, idque ita universim pessundare atque corrumpere.

Fit hoc vero inevitabiliter, si *Aquam* per viam *volatilitatis* separare tentamus. Cum enim ad hujus generis operationem nimirum *Destillationem*, ingens gradus *Caloris* requiratur, ut Aqua in *vaporem* resolvatur: Evenit eo ipso, ut *spirituosa* pars, quæ longe volatilior est, quam ipsa *aquea*, una cum hac, imo ante ipsam, et toto composito propulsa, transtillet. Hoc ipso dissolvitur in genere *Mixtio* Vini, & subtrahitur ipsi velut *Anima* sua; Residuum vero *Sa-*

*lino-mucido pingue* magma, concutitur hoc eodem *turbulento* motus ut neque harum reliquarum rerum, qualiscunque cohæſio diutius, duret, ſed ſtatim *turbidam* crasſitiem nanciſcatur, propediem vero in *vappidam, mucidam, ſitulentam* corruptionem, impetuoſe prolatur.

Ex omnibus itaque hiſce circumſtantiis, absolute prorsus inepta noſtro ſcopo eſt *Deſtillatoria Dephlegmatio*, utpote multis modis totam *Vini Mixtionem*, funditus everrens.

### CAPUT TERTIUM. COLATORIA SEPARATIO.

**Q**UOD *Vini* partes vere *conſtitutivæ*, ſeu *vinum ſtriçte* & proprie dicendum, extra commercium *ſuperflue* aquoſitatis conſideratum, ſit aliquid ſpiſſius & craſſius quam ipſa *aqua*, ſit tam probabile *à priori*, quam *à poſteriori* luculentum.

*Apriori* enim, rationi utique conſentaneum eſt, quod materia, quæ eſt *Salino mucido-pinguibus* particulis, in unum collectis, & in unam moleculam cohærentibus, *ſpiſſioris* conſiſtentiaſe eſſe debeat, quam eſt pura ſimplex & tenuis *Aqua*.

*Apoſteriori* vero, oculis ſeſe exhibet utique hæc ipſa *Vini* propriarum particularum ſpiſſitudo, primo, in vitio vini, quando *pendulum* & tenax evadit, wann der Wein aufſtehet / ſchwehr wird: Ubi non modo *Diaphaneitatem* ſuam limpidam amittit, & muriaſe braſſicæ ſimilem colorem atque crasſitiem æmulatur: ſed tactu ipſo, duci, & *muci* inſtar *extendi*, poteſt, ut guttæ non *rotundæ* inde cadant, ſed *longæ* & tenſæ dilabantur.

Secundo, exhibet ſeſe oculis hæc ſpiſſitudo, in ipſa vappiſcentia *acetosa*, & *mucore* illo craſſo & *lento* aceti, wann der Eſſig eine Mutter ſchæt: Quod concrementum, non ex *Aqua*, ſed ex ipſis ſtriçte dictis *vinofiſ* portionibus prognasçi, nemo credo dubitaverit.

Tertio vero, & cum de hiſce *ſpiſſamentis*, neſcio quis corruptus vini ſtatus prætendi, & conſequentia ab hoc, ad integrum, & ordinarium, in ſuſpicionem vocari poſſit; Exhibet hanc ſpiſſitudinem



nem oculari ipsi inspectioni, nostra *concentratio*, ubi vinum, ab aquositate *superflua* liberatum, longe *saturatioris* coloris, minus liquido-diaphanæ tenuitatis, & omnibus numeris confessæ spissitudinis, conspicitur.

Tanto magis vero sistit se hoc in *Cerevisia*, ubi utique concentrata illa quantitas, & sapore, *crassam lubricitatem*, olei (velut æmulam, & ipsa stillatione atque guttis, hujus ejusdem) olei, aut tenuioris *Syrupi*, similem *lentescentiam*, una cum colore concentratione, sensibus exhibet.

His ita se habentibus, Physico - mechanicæ utique consistentiæ fuerit, quod hæ tam diversæ consistentiæ atque *tenuitatis* materiæ, *transcolatione* congrua separari possint; ita ut tenuiores, quæ *aqueæ* esse supponuntur, per colatorium tenerrimorum pororum, perfluant: *Spissiusculis* reliquis, in colatorio restitantes, utpote quæ per poros illos tenuiores, minus penetrare valeant.

Obstat vero duplex, eaque non levis, difficultas. Primo enim, tenuiores illi liquores, qui plus manifestæ *Sedimenti* continent, ut vinum, sunt vel adeo tenues, & illud, quicquid ad nudam *aquam* comparatum, illa quidem spissius existit, est tamen *in se* adeo subtile, ut paulo patentiores poros colatorii alicujus, *simul* penetret, vel ad minimum, tenerrimas harum sui partium, una transmittat, remanentibus interim maxime *inertibus*, & revera *spissioribus*, magisque ad *muciditatem* pronis.

Ubi quidem notandum utique est, quod in plerisque prorsus Vini generibus, præter veram illam intime *Mixtam*, & purissime *meracam* partem, perpetuo non nihil extraessentialis, superfluæ, & superabundantis *lubricitatis*, quasi *gummatosæ mucilaginis*, sublit. Quæ, quantum *meracæ* partis obviscat, tantundem reddit revera crassiore modo *spissius*; dum interim reliqua portio, quæ tali extraneo superpondio non impedita est, *agilior* quidem, seu ut vocant, *activior* est, eo ipso vero modò dictæ difficultati *separationis* transcolatoriæ ansam præbet, ut videlicet cum aqua per poros colatorii una transmigret.

Quando vero *densius* incerniculum adhibetur, tunc nascitur dispar difficultas, à *spissiusculis* mucidis portiunculis, sive ipsi Vini acci-

accidentaliter interspersis, sive aliis etiam hujusmodi liquoribus, præcipue *Cerevisiæ*, inhærentibus.

Fit enim ita præsentissime, ut hujusmodi spissæ, *lenta*, tenaces, particulæ, *poros* instrumenti oppleant, & obstruant, adeoque *tenuiorum* etiam *aquearum* transcurfui, obicem ponant

Quemadmodum in ipsis mucidioribus, *Cerevisiariis*, *mellitibus*, &c. fermentatis, hæc ipsa *γλισχροτης* multum, etiam *superflua* aquositate ita *incrassat*, seque in illam adeo *expandit* atque diffundit, ut illa quoque hoc ipso, ad *fluxilitatem*, quali in se, *pura*, habilis esset, plurimum ineptior evadat.

Præmit vero *transcolationem* hujusmodi, etiam si per talia obstacula fieri quidem posset, sed tamen tanto segnius atque languidius procederet, periculum, non modo exhalationis, ut nempe sub longa mora, *subtilissima* spirituosæ portiones, quæ *odorem* ipsum fiunt, exhalent, adeoque *vappidum* & iners relinquant residuum Vinum: Sed etiam, si forte huic damno remedium suppeteret, sub tali utique mora, *fermentalis* alterationis superventus expectandus esset.

Imo, ultimo loco, quæstio adhuc restaret de re, quam qui nondum experti sunt, vix cogitaverint. Cum videlicet pleraque talia *Colatoria*, vel è *Chartaceo*, vel alio *linteari* genere, formari soleant, facilem peregrini *Saporis* impressionem, *vinò* præcipue, ita *concentrando*, imò & *cerevisiis* promptissime affricari.

Accidit id sane mihi, præterito anno, nihil tale metuenti, ut cum vinum meum *concentratum*, ad ultimas portiones *aquæ*, nostra methodo separatae, sed floccorum mediocrium instar internatantis, sequestrandæ, per *lintheum* purissime lotum, sed inter alia, recens lota lintheamina jacendo, *odore illo der weissen Wäsche*, imbutum, transfunderem, sub hoc ipso, modo non *momentaneo*, *transcolationis* tempore, *sapore* illo, qualis lintheaminum odor est, ita insigniter imbueretur, ut per tres circiter anni quadrantes, notabilissime illum retineret.

Cum enim *Vinum* hac ratione *concentratum* alterius sane *spirituoso-Salinæ* tenuitatis existat quam quod *aquositate* tam copiosa, inquinatum est; agit proinde præsentissime, & intime prorsus, in



portiones concretorum etiam valde tenues easque promptissime penitus, imbibit.

Quemadmodum enim *Chymico-Pharmaceuticarum* communium operationum, vel leviter gnaro notum satis est, quantum in *Solutione* præstanda, *Spiritus Vini rectificatissimus*, vere talis, absolvat, præ alio, qui vel *decima* tantum sui parte *Phlegmaticus* adhuc, aut affuso sponte *Phlegmate* iterum alteratus, est; Ita in præsentī quoque negotio, facile credet, quod *vinosa* portio, quæ communissime *tres quartas* aquæ superfluæ, interfusas gestat, his liberata, longe majoris efficaciam futura sit.

Quantumvis autem hæc separatio *Colatoria*, ad multæ, nedum pleræque omnis *superfluæ* aquositate, à *vinosa* portione sequestrationem, non sufficiat: Poteſt tamen non nihil præſtare, præcipue pro diverſitate hujusmodi *Fermentatorum*, eorumque differente conſistentia.

Unde ad aliqualem hujus negotii veluti umbram, vel chartacea *ſpissiora* ut vocant, *filtra*, vel *bombycina*, *bysſina*, *carbaſina* *xylina*, texta, præſtare non nihil hîc poſſunt: Imo, vel illa jocularium technopincum enchiridis, ut *ſilum* paulo craſſius, *lancum*, aqua imbutum, vino immergatur, & longa portione extrorſum propendatur, ita fore, ut *aquam* è vino exſugat, non omni veritate caret, ſi dextre inſtituatur.

Fruſtra vero ſunt omnia hæc molimina, ſi ad illius, de qua loqui inſtituimus, Methodi *facilitatem*, promptitudinem, velocitatem, & *copioſam* tractabilitatem referantur, ad quam proinde præſtius progrediemur.

#### CAPUT QUARTUM.

### FRIGORIS IN LIQUORES SALINO-SPIRITUOSOS EFFICACIA.

**V**idimus, quid *Motus Caloris*, & *Ignis* impetus, poſſit in ſingulas, præcipue vero *tenuiores*, Liqueurum *Fermentatorum*, & præſertim *Vini*, partes; Et quantum ad diſſolvendam intimam

mam earundem *unionem*, adeoque disturbendam universam *Essentiam*, quæ *nexu* hoc absolvitur, concurrat,

Transibimus ad oppositum ejus, *Frigus*, ejusque disparem efficaciam pariter inspiciemus.

*Contrariorum contrarias esse rationes*, & contrarios proinde *effectus* quoque nullum quidem est dubium, & valet *Canon* de rebus & causis prorsus *iisdem* & de *objectis secundum idem* & *ad idem* : Ubi vero *concurrentium* causarum accedit ratio, quarum, ad istas sibi *mutuo oppositas* causas, nullus est immediatus, specialis respectus; Tunc potest harum *concurrentium* causarum, inter *oppositas* illas, vel *idem*, vel ad minimum *dispar* tantum non directe itidem *oppositus effectus* prognasci.

Ita v.g. in nostro negotio, *unio* illa, de quo notanter semel iterumque monuimus, qua *Spirituosa* pars, cum *Salino-mucido-Pinguibus* reliquis, juncta est, ut sub hoc maxime *unito* statu, *Vinum*, aut *Cerevisia*, *Mulsum* &c. durable, constituent: Hæc, inquam, *unio*, in se, directe, habet sese indifferenter tam ad *Calorem* quam *frigus*. Neque enim *Calor*, immediate aliquid potest in ipsam hanc *unionem*, sed in unam tantum aut alteram partem; non quidem quatenus in *unionem* hærentem, sive propterea, quia nunc unita est, sed ex propria partis seorsim habitudine. Dum vero partem illam sibi obnoxiam, arripit & agitat, dissolvitur hæc inde accidentaliter, è *nexu* præsentem, quandoquidem ille tam firmus non est, ut partem sui *sociam*, ab illo impetu *Caloris* tueri possit.

Unde, licet *Frigus* sit *oppositum* *Caloris*, non tamen inde subsumere fas est, quia *Calor* dissolvit *unionem* illam; ergo *Frigus* contra potius firmabit eandem: Cum enim *Calor* non directe illud agat, sed per *accidens*, non licet hîc subsumere, quod *frigus*, omnino *oppositum*, etiam in accidentalibus, eventibus magis, quam effectibus, eodem modo perpetraturum sit.

Quamvis enim, attentissime perpendendo omnes veras rei circumstantias, vix negandum sit, quin *frigus* etiam in hoc genere effectum, ut *frigus*, & quamdiu in *vigore* suo persistit, revera etiam *contrarium* quoad hanc partem præstet, & *unionem* illam potius servet, quam destruat; Negandum tamen pariter non est, quod,



ad minimum pariter ex *accidenti*, sub variatione & remissione sui *gradus*, procliviorē viam, ad *unionis* sæpe laudatæ divulsionem, sternat, & ita causa, ad minimum per *accidens citioris* disturbanceionis, æque ac ignis, evadat.

Misfis itaque his *generalibus* assertionibus, applicamus potius mentem ad *Speciales* illas habitudines, quas *frigus* in iisdem concretis partibus, quæ a *Calore* quoque afficiuntur, exserit, ut cum *Caloris* incommodus ad nostram intentionem sit effectus, *frigus* forte melius hic subvenire possit.

Ubi proinde verum hoc utique est, quod, cum *aqua*, & *spiritus* vinosus, oleaginosus, ardens, ab *Ignē* summopere & efficacissime agitentur, & quidem non tantum immanenter, in suo *situ*, sed etiā progressive, de *loco* toto, ut termino, in alium; Ibi *frigus* contrarium utique efficit, neque refringit tantum intensum illum *motum fluiditatis* in hisce subjectis, sed collit eandem in ipsa *aqua* adeo quidem potenter, ut desinente motu illo rapido *verticali* aut vibrativo, quo affectæ particulæ *aqueæ*, *fluiditatis* statum subeunt, ut potius in *solidescentem* densam aggregationem, notabili interquiescentia compingantur, nempe in *glaciem*.

*Spirituosas* particulas, quod in *Motū fluiditatis* eximie refringat & inhibeat *Frigus*, patet partim ex eo, quod materias *resinosas*, quas alioquin facile solvunt, si hæ *Spiritu* tali in *glaciali* gelu reposito, immittantur, ille has non nisi languidisime dimoveat & molliatur: Sed etiam *aqua* modicum, in medium similis *Spiritus* tenerimi, sed summo gelu expositi, in vitro exiguo suspendatur, paucis momentis pariter *congelet*: Haud aliter, quam si *vitrum* capax *Spiritu* tali ita *frigido*, aliquousque impletum, *halitu* oris aliquoties affletur, aut solum in conclave, ubi homines degunt, importetur, mox quousque *Spiritus* hoc explet, *Striæ* exiguæ & scintillæ *glaciata*, è *vapore humido* allabente, formantur.

Eo ipso vero, dum hoc modo *Spirituosas* quidem partes quietas relinquit, *aqueas* vero *densas* penitus, & *solidas* tantisper reddit, non violat per hoc *Spiritus* cum *Salino-mucido-pinguibus* reliquis, firmam cohæsionem, dummodo *tempus* secretionis recte observetur.

*Salinas* vero, & *Salino-pingues* partes quod attinet, notandum hoc pariter exhibet *Experientia*, quod liquamina *Salina*, *Sale deliquido* ( non commode, aut penitus non *crystallifabili*, aut in *siccam* durabilem soliditatem abeunte ) constantia, *aquam* hanc, quanto ejus portione ad sui *solutionem* egent, a *frigoris* etiam dominio vindicent, neque adeo facile *glaciari* sinent.

Imo ipsa *Salia siccescentia*, *Vitriolum*, *Nitrum*, *Sal commune*, quando ita in *Aquis* soluta, *frigori* gelascenti exponuntur, variant hic quam maxime; E quibus quidem *Vitriolum* & *Nitrum*, sic satis prompte glaciationi obediunt: *Sal commune* vero, maxime refractarium hic est, & gelascente superflua *aqua*, residuam, in qua immediate solutum detinetur, a gelu, nisi *extremum* sit satis obstinate vindicat, & defendit. *Nitrum* vero *Antimoniatum*, *Tartarus Vitriolatus*, *Arcanum duplicatum*, in *Aqua* soluta, & gelu exposita, adeo prompte congelantur, ut sere *Docimasia* opus sit, annon *Aquam* ipsam ad *congelationem* disponant præsentiorem, quam ipsa pura eidem obnoxia essent.

*Spiritus* ipsi *acidi* saturatiores, *Vitrioli*, *Salis*, *Nitri*, paulo quidem diversimode, omnes vero *difficulter* glaciantur, neque sane nisi summo gelu. *Solutionem Cupri*, tam per *Spiritum Nitri* simplicem, quam mediante *Sale communi* alteratum, paratam, plus simplici vice per totam *hyemem* nihil gelascentes spectari, quamvis *aqua* in aliis, capacibus etiam vitris, ibidem stantes, in unam solidam glaciem, cum ruptura vitrorum multiplici, concrevissent.

Unicus *Spiritus* meus *Vitrioli volatilis*, de quo mense Augusto egi, congeluit aliquando, in vitro exiguo, 4. unciarum capaci & *Spiritu* ipso, *rectificato*, pleno, in unam solidam glaciem, non tamen pellucidam, sed albam *lacteam*, porosam & valde friabilem. *Ruperrat* simul vitrum in aliquot frusta, sed nondum deciderant, verum adhærescebant glaciei, unde altero mox die in aliud vitrum capacious, in frustula confracta glacies, reponi potuit. Ubi notabile visum est, quod ita *conglaciatus*, debilissime oluerit, ita, ut odorem suum per rimas vitri amisisse suspicarer: Resoluta vero in liquorem glacies, exhibuit abunde pristinum suum, saturatum prorsus, odorem.



*Oleorum expressorum* spissiorum, nota est a gelu condensatio; adeo quidem, ut *olivum* in specie ad *Butyraceam* usque consistentiam concreascet. *Destillata* vero, rarissime huic spissescentiæ obnoxia sunt, præter *Anisi* oleum, quod cum *dulcedine* singulari præditum existat, quæ *Salinum* quiddam in ipso latere persuadere possit, congelascit in veram faciem squamularum fisilium *glacialium*.

Interim vero *salibus* & quidem præponderantibus, maritata hæc *olea*, non sentiant facile alterationem inspissatoriam a frigore.

Oblitus fere essem *Salis alcali* fixi, de quo pariter notandum, quod *lixivium* ejus saturum, nisi longe *intensissimo* gelu, non concreascet: Et tanto minus quidem, quando aliqua *pinguedine* acriuscula, mediæ inter *olea expressa*, & valde volatilia *destillata*, consistentiæ, imbutum est. Unde v.g. *lixivium*, super quo, aliquoties coagulato, aliquoties *Spiritus ardens* communis abstractus aut rectificatus est, quodque ab *oleosa* ejus spissiore parte, *rubeum* saturum, imo *fuscum*, colorem contrahit, magnum sane gelu expectat, ut glaciem concipiat.

Urina æmulatur hîc non modo ipsum *Sal commune*, sed resistit gelu adhuc magis, ob hanc eandem *oleoso-acrem* substantiam intertextam, de qua & ipsa *Muria salis*, forte plura inferius addemus.

De solutione *fuliginis Salino-oleosa*, tradidit hanc eandem enchirisin jamdudum *Glauberus*, qui hoc modo *deputationem* ejus singularem commendat, quam currum ad utiliora longe horum generum transtulerit, quærere possis: *Sed non omnis fert omnia, neque tellus neque dies.*

Hæc cum sit *Frigoris* efficacia, in singulas *Vini*, similitumque *Liquorum* partes, & inter has omnes præcipue in ipsam *Aqueam*, *Superfluam* ante omnia illam, quæ extra *nexum* intimiorem cum *Salino-Sulphureis* partibus, abundat; Dicendum adhuc esset verbum, de *heteroclita* & accidentali ejus efficacia, ad *unionis* *Salino-Spirituosæ* divulsionem, gelationis actui, si improvide tractetur, supervenientem, ut inde corrumpatur, & ad vappescentiam prolabatur *Vinum*: sed cum proprie ad nostrum negotium non pertineat, verum potius

tius ex imprudentia, aut negligentia solum, eidem supervenire possit, proinde tantisper eodem supersedebimus, donec absoluto ipso labore, & quæ presse ad ipsum pertinent, per otium demum, superpondii, & cautelæ loco, de hoc quoque aliquid addere, integrum erit. Sequatur itaque res ipsa.

## CAPUT QUINTUM.

# EXPERIMENTUM.

**P**erceptis, quæ capite præcedente dicta sunt, de *frigoris* ad propositum nostrum usu & efficacia, non deerunt, quibus supervacuum videatur, verbum adjicere aut de *aaministratione* aliquid amplius, tanquam de re summe facili, & sponte succedente proloqui: Sed cum neque omni offendiculo vel ipsa operatio, vel eventus ejusdem, careant, neque diversitas aliquorum concurrentium Phænomenon, infra dignitatem commemorationis existat, non adeo inconsultum erit, de his ipsis rebus aliquid indicare.

Cui accedit, quod ipsa *facti* Experimenti, & deprehensi *successus*, recensio, circumspēctis *realium* curiositatum æstimatoribus, longe aliter satisfaciat, quam Sylloge aut Rhapsodia vanarum & mendacium *traditionum*, quas imperitus *Speculator*, ex aliis frivolis mirabilium artium venditoribus, transcribendo, centonem gravium artium & arcanorum confarcinat, in quo per singulas paginas, modo ad hunc, modo ad illum *male fidei* promissorem, Lectores transmittit, & *vane* istorum, aut *mutile*, narrationi, stupenda sua artificia, & mirificas commendationes superstruit, quæ si manu ad-mota, aut perita perquisitione, examinentur, fabulæ sunt, & nugæ meræ.

*Vinum* itaque, cujuscunque tandem bonitatis, quo *generosius* tamen, & nihil adulteratum, eo melius in *quantitate notabili* assumptum, v.g. ad mensuras duas, aut, plures, si tempore *hyberno* (aut iis locis, ubi *glaciēs* toto anno servatur, quocunque) *frigori* sufficienti expo-



exponitur, atque ita ad *congelationem* perducitur, concrefcit in *glaciem*, ipfa in *vin*o contenta *superflua aqua*, remanente extra hujus effectus aleam, portione ftrictè dicta *vinofa*, nifi rarus frigoris gradus invalefcit, & fere minus *generofum* fuerit ipfum *Vinum*.

Quemadmodum vero in *gelu mediocri* nihil hic difficultatis eft; utpote quo vix per totam noctem, *quarta* pars, aut *tertia*, de tota illa quantitate *abundantis aquæ*, coalefcit; Ita in frigore valde *intenso*, præftat, poft pauciores horas, concreta aliquousque *glacie* liquidum reliquum effundere, & feorfim denuo *glaciationi* relinquere: Propterea ad minimum, quia, quando *glacies* admodum copiofe invalefcit, plus residui *concentrati Vinofi*, eidem interfperfum obhærelcit, quod, fi nihil aliud, longiore tamen *tempore* donec *confluat* & *effluat*, opus habet.

Ubi quidem, fi in ipfo *frigido gelido* loco; ad *confluxum* hunc fucceffivum, difperfæ hujus quantitatis, repositum relinquatur vas, fit facile, ut ita tenuiter *expansâ* hæc portio, pariter *gelascat*: Sin vero in *tepidiore* loco fufcipiatur, *colliquescit* interim aliquid de ipfa *aquea* portione & debilitat denuo illam alteram portionem: Unde ea tantum circumfpectio adhiberi meretur, ut *medio* aliquo loco hæc ultima collectio fiat, ubi neque *glacies aquofa* *liquefcere* poffit, neque *vinofus liquor* interfufus *congelari*.

Optimum ex omnibus eft remedium, fi in paulo largiore *quantitate* plurium menfurarum inftituatur operatio, ubi *minima* conquirere, non æque necelfe fit.

Hac ratione *congelascat* primo circiter una *tertia*, aut plus minus, liquoris, & quidem proprie portionis magis puræ *aqueæ*: *Glacies* hæc, fi effufo omni fluido *vinofò*, & denuo ad ulteriorem concretionem fepofito, in loco *sub tepido* ad lenem colliquationem relinquatur, diffluit in humorem penitus *aqueum* & in quo nihil nifi *levis odor*, *leviffimus* vero *fapor*, & *exiliffimus color*, *vinofus*, reftitat.

Si vero è fupposito illo *vinofò* concentratiore, longiore mora in *gelu*, plus, & quantum fere concretionem fubire poteft, (in frigore non plane *infolito*) *congelascat*, & tunc pariter effufio residui *liquidi* fufcipiatur, ibi animadvertitur non folum mox, in fundo vafis, *goffus pulvis*, albus, nitidus, fed eliquata etiam ipfa *glacialis* portio,

tio, dimittit adhuc ejusdem aliquid amplius: Imo ipsa *vinosa* pars liquida, deponit, plurimum *horarum*, aut *dierum*, mora, hujus ejusdem adhuc modicum: Tanto plus tamen, quo magis *ingenuum*, neque Sacchari, aut *Spirituum ardentium* mangonio temeratum fuit, vinum, & quo magis in se fuit *austum*.

*Glacies* interim neque hæc *posterior* quicquam differt a prima, modo omnis *vinosi* liquoris collectio & confluxus recte expectatus fuerit, antequam ipsa colliquefieri permittatur; Sed est hoc modo pariter, nihil nisi ejusdem *tenuitatis* Phlegmaticæ humor: Nisi, quod in minus *spirituoso* vino, paulo *salsior*, quam primus, gustui occurrat.

Quæ *congelationem* effugit, *Vinosa* portio jam residua, exhibet utique & *colore*, & *spissitudine*, & *odore*, & *saporem*, Vinum *concentratum*, siquidem omnes hæc qualitates, quas sub tanta copia aquositatis, prius *diffusas* habuit, has possidet impræsentiarum in *arcto*; Unde ante omnia, *vere vinosum* & magis forte, quam citra hanc *enchirisin*, uspiam alias *meracum* evadit Vinum.

Cum enim hoc ipso nostro labore, ad *duas tertias* è *generoso*, aut *tres quartas*, è *dilutiori* vino, auferantur Phlegmatis, facile concipi utique potest, quod omne illud, quicquid inde superest, saturatum admodum esse, oporteat.

Quemadmodum vero operatio hæc, in ipso *vino* commodissime procedit; Ita cum *Cerevisia* paulo *saturatiore* & *spissiore*, haud multo aliter bene succedit.

Ita enim v. g. hic loci accepi quatuor mensuras (ad *libras decem*) *Cerevisia* lupulatae amaræ, *Martisburgensis* aut quæ sane protaliemitur; Hanc quantitatem, *repetitis* *congelationibus* concentravi, ad *sesquilibram*, vel paulo majorem, remanentiam. *Glacies* quæ inde secessit primis concretionibus, præbuit *colorem* quidem aliquatenus *Cerevisiarium*, seu tenuis *Cerevisiæ æmulum*, sed *saporem* vix *Coventi* præferendum: Postrema poterat *tenuem Cerevisiam* mentiri, sed manifestario *aquei* saporis præpondio.

Portio vero quæ *gelu* superavit, revera talem & *consistentiam* refert & *saporem*, qualem nulla *Cerevisia* hæctenus quidem uspiam mihi nota, adeo ut celebris illa *duplicata Muma Brunsvicensis*, *Doppel-Mühne* / nondum huc quadret.



*Spirituositate* porro, licet utique *Cerevisiaria*, adeoque sapore penetranti & tenuissime amaro, aromaticam prorsus refert teneritudinem, aliis *Cerevisiis* vulgaribus incognitam: *Spissitudine* tandem, tenuiorem *Syrupum* facile æquat, & lubricitate acceptabili temperat *Acrimoniam* illam amaritiei.

Neque vero multum dispar, à sapore etiam minus *piceato*, gratior est nostrâs *Giebachsteinia*, & è *Novo Foro*, *Cerevisia*, hac ratione concentrata.

*Spissitudo submucida*, *Cerevisiis* omnibus familiaris, majorem ejus jacturam in ipsa *Glacie*, causatur, siquidem inde fere proficiscitur, quod non ita commode *confluere* possit residua, glaciei interspersa quantitas. Interim, ut jactura ejus paulo tolerabilior, ob vilius pretium, est: Ita si in magna proportionem hæc fierent, talis utique præcipue *posterior*, *aqua*, *novæ* *Cerevisiæ* coctioni commode admisceri posset, levi observata *Enchirisi*, ut adeo nihil penitus hic periret.

Non secus, atque tale *Phlegma vinosum*, debito fermento, in bonum *Acetum* convertere, ut non valde difficilis, ita nec inutilis esset labor.

*Aceti ipsius vini*, quanta sit *aquositas*, noverunt experti; Inde enim est, nempe à pauca illa *Salinæ* substantiæ quantitate, in magna mensura *aceti*, quod multum *aceti* vix parum *Salis alcalici* satiet, & in solvendo etiam, velut *immensa* ejus quantitas, ad exiguum pondus metallorum, requiratur. Sane enim *libra una acetum* acerrimi, vix *duabus drachmis* *Salis* bene caustici *alcalici*, ita saturatur, ut abstracto universo humori, vix *uncia semis* deficiat: Ad *ferri* vero *drachmas duas* solvendas vix *libra una* sufficiat.

Huic pariter difficultati, medetur artificium hoc nostrum præsentissime; siquidem adeo inde educit omnem *aquositatem* & coarctat acetosam penetrantem *acredinem*, ut è *quinque* vel *sex* partibus, una residua, *acorem* in hac certe penetrantissimum, conservet; dum *glacies* inde nata, tepore diffluens, vix lenem saporem *acetosum* aufert.

*Tartari* vero, nempe supra dicti illius *albi splendoris* pulveris, proventu, sub *ultima* glaciei secessione, convenit cum ipso quoque *Vino*.

Alia difficultas. *Acetum*, quod spissius est, eo minus commode *destillatur*; neque modo facilius *Empyrevma* suscipit, sed transit etiam revera *oleaginosum*: Unde *Sal Tartari* satis candidum, *aceto destillato* satis quoque *limpido* saturatum, si *candescat*, *nigrescit*, emisso odore, *Tartaro* crudo ustulato, gemino. E contra, quo magis diluitur, modo immediate ante *destillationem*, eo minus est periculum *Empyrevmatis*. Imo, si parti aceti *spissescenti*, abstracta *tenuiore*, denuo aliquid *aqua* additur, denuo quoque *destillari* potest, debito calore, haud ita modicum *acetosæ* substantiæ: licet utique non æquanda sit hæc *posterior*, cum prima *volatilissimâ*, quam non sine causa paucis notam esse suspicatur *Viganus*.

Cœterum ipsum quoque *Acetum destillatum*, quocunque tandem modo paratum, laborat tanto gravius illo defectu, quod plurimum, imo ad proportionem sui salis *acidi*, immensum quantum pondus *Phlegmatis* contineat.

Subvenit vero huic ipsi quoque incommodo nostra *Enchirisis*. Siquidem ipsa etiam nostra *congelatio* discrimen hic constituit præsentissimum, & primo quidem maxime *aquosum* sequestrat, deinde aliquatenus quidem, *acitorum* non tamen cum ultimo *remanente* conferendum.

*Urina*, tam ad *Phosphorum*, quam alios quoscunque labores, quam odiosa sit *inspissatio*, non ille modo, qui putidum hunc laborem suscipit, sed omnes domestici, imo *vicini* ipsi experiuntur.

At nostra *Enchirisis*, promptum & facile largitur remedium; siquidem per ipsam copiosissime secedit *Aquea* portio, relicta non modo *pingui*, sed ipsa etiam *salsa*, in liquore *frigus* nisi *insolitum*, spernente.

Tandem denique, ipsius aquæ *salsuginosæ Fontium* pauperiorum, imo vero *Marinæ*, concentratio, (ut abjecta, in *glacie*, *dulci* aqua, *Muria saturata* ad decoctionem servari queat) ut nihilo, nisi congruis *receptaculis* ad capiendam magnam quantitatem ejusmodi aquarum, quæ *hybernis* frigoribus separari queat, opus sit; Ubi quidem fere in illis locis, quæ huic labori aptiora, ejusque velut in-



digentiora sunt, & *frigoris* ad concentrandum, & *lignorum* ad concoquendum, magna adest farrago.

Profecto ne de hac quidem Materia prolixus nobis esse libet neque fere liceret, salva amicitia quam à pluribus annis à nobis meruit, *Dn. Gebhardus Himfel, Livonus, Med. Doct.* nisi ille repertis, *industria & sagacitate* summa, qua pollet, *fontium salinorum scaturiginibus*, hoc opus prosequi cessaret.

Applicuerat enim *Vir solertissimus*, animum, ad operationem hanc, è *Marina aqua*, *Salsam* portionem, per *hybernū frigus* concentrandi, & *æstivis coctionibus* perficiendi, in Patria sua *Livonia & Suecia*; Cui cæpto etiam *Regia Majestas* hujus Imperii, *gloriosa memoria* Privilegia & subsidia liberalissima indulgerat: sed cum hæcenus *fontes Salinos* feliciter deprehenderit, majori credo compendio, sive iisdem immediate concoquendis operam navare poterit, sive in illis quoque ita *in arctum* cogendis, has suas cogitationes adhibere.

*Suas*, inquam, cogitationes. Revera enim hæc *applicatio*, ad *Aquam Salsam* è dulci, hac ratione utiliter, in magno, concentrandam, ipsius propria *Inventio* & intentio fuit; Quamvis *occasionem* hoc excogitandi, seu hujusmodi *Concentrationis possibilitatem* spectandi & speculandi, non primus invenerit, sed nobiscum tunc temporis communem habuerit.

## CAPUT SEXTUM. DURATIO ET MUTATIO.

Quod in Tractatu de *Fermentatione* monuimus, non *Sulphur* concretum, nec *acidum* ejusdem Sal, sed humiditatem *aqueam*, esse præcipuum, imo unicum immediatum *instrumentum* Motus Fermentativi: Id ex hoc quoque præsentē nostro exemplo, *Concentratorum Liqueorum Fermentatorum*, luculenter patet.

Dum enim, *Vinum*, generosum quoque, plurium dierum *mora* extra frigida subterranea loca, æstivi aëris tepori permissum, certe & inevitabiliter corrumpitur, & emissio ad superficiem *mucore* vel in fœtorem & *vappam* abiit, vel ad minimum in *acetum* faceffit: Ibi è contra hoc nostrum, nihil horum omnino ex-

experitur, sed contra per longissimum tempus, *incorruptum* non modo, sed ne quidem *alteratum*, sese tuetur.

Ut enim à *debiliore austero* ordiamur, est ad manus hujusmodi *vini*, ita *concentrati*, *sesquimensura* forte, è *Vino Thuringico austero & acido*, quale præteritis annis 94. 95. è vineis harum regionum, vite indigena, *Hänisch oder heinisch Gewächse*/provenit; Hujus *mensuras* circiter 5. hyeme præteriti anni 1696, ita *concentravimus*, ut modo dicta *quantitas* inde restiterit.

Hoc vinum ita *concentratum*, *lagenæ vitreæ* inditum, ut *tertia* ejus pars vacua maneret, obturavi charta in densius obturaculum convoluta. Hac ratione stetit, ab illa *hyeme*, in *hodiernum* usque diem, (nisi quod sæpius hætenus apertum, & aliquid de ipso effusum, partim ad gustum ipsius explorandum, partim ad usum quoque, fuit) & quidem in ipso *Cubiculo* super repositoio: Ubi non modo per *æstatem*, serena tempestate, fenestræ totis diebus patuerunt, adeoque aër satis *æstuosus* in conclave abunde penetravit: Sed etiam per totam prægressam hyemem ibidem steterat, ubi etiam aliæ *aquosa* materiæ congelaverant.

Nullus ibi *mucor*, nulla *acescentia*, nulla *secessio*, nisi *Tartarei* salis modicum; sed retinuit tum *consistentiam* suam primam tum *saporem* integrum, excepta aliquali *mutatione* utriusque non vero in deterius, sed in melius, de quo mox.

*Vini*, quod *octo grossis* tunc temporis, sic satis tolerabile, venibat, *mensuras tres*, eodem modo concentraveram, unde paulo plus *quarta* parte remanserat.

Hoc non tota sua *mensura* tulit ætatem, siquidem inter degustantes paulo promptius peribat, quam alterum illud *austerum & horridum*. Cum vero ad *libram semis* usque successive absorptum esset, hanc in vitrum condidi, & *vesica* bubula obligatam, eodem loco, juxta ante dictum, reposui. Quicquid agerem, evasit eodem, quo reliqua ejus *quantitas*, usque ad *quadrantem* circiter, aut *uncias tres*. Hoc pauxillum denique, *vesica*, sine deligatione, *rectum* solummodo, stetit ita per totam hanc æstatem, sine omni *mutatione*, sive in levissimum *mucorem*, sive in qualemcunque *acescentiam*.



Sed retinet hodieque, & *saporem* suum gratissimum, & *odorem* satis vegetum, nisi quod paulo debilior hic sit, ob modo dictam negligentem obfectionem: Sub qua quidem, quod hucusque, ita adhuc integrum & constans permanserit, admirationem sane mereatur.

Quid, quod ab hyeme anni prægressi, 1695. ejusdem hujus vini, quod octo grossis venit, ita concentrati, portionem, quæ *unciam semis* non excedebat, in vitro exiguo, *uncia* unius capaci, leviter obligato, per totum annum 1696. ita incorruptum asservavi, in hypocausto meo ordinario, quod demum hyeme ejus anni, proxime præterita, à calefactione conclavis inæquali, & sæpe satis enormi, ad corruptionem *situlentam* & vappidam promotum fuit.

*Acetum* vero hoc modo *concentratum*, ab hyeme anni 1694. in *hodiernum* usque diem asservo, *vinosum* nempe, sed hac sua concentratione, utique extra *esculentam* tolerantiam positum, & in hoc genere revera *corrosivum*.

Stetit hoc, in *hodiernum* usque diem, in eodem conclavi, & repositorio, ubi dicta illa *Vini concentrati* genera, hætenus eidem appolita manserunt. Transmisit ita *tres* hasce *hyemes*, & totidem æstates, sine ulla *corruptivæ* alterationis noxa; imo ne levissimo quidem vestigio, ullius *mucoris* aut situs.

Sola *Urina* hoc modo *concentrata*, variat satis notabiliter, prout recens aut *semicorrupta* adsumta fuit. Quæ recens adhibetur, manet clara satis, coloris *obsoleti, fulvi, & foetoris* vix levissimi; Quæ vero jam *semicorrupta*, *rubello-fusca* adhibita est, concentratione hac in *fuscum*, *Cerevisia* obscuræ æmulum, colorem condensatur, & pergit prope diem in *foetorem putidissimum*, & *situm* teterrimum, si in loco *calidior* collocetur.

Quæ vero *incorrupta* assumpta fuit, durat per tempus sane valde diuturnum; Habeo enim ejusdem *libram unam* circiter, quæ *duas* jam *hyemes*, & *duas æstates* superavit, nihil insigniter corrupta neque *foetore* putido hodieque molesta, sed vix leviter tale quidquam spirans.

Quemadmodum vero hæc quidem specimina & experimenta *Durationem & Constantiam* Liqueurum hujusmodi concentratorum,

rum, abunde confirmant; Ita de aliqua *Vinorum* hujusmodi, imo & ipsius *Aceti vinosi*, *Mutatione* successu temporis contingente, adhuc aliquid notandum est.

Primo quidem omnium, videntur *vina* ita concentrata, *saporem* austeriorem nancisci, quam primitus habuerant.

Interim sane, si *triplex* aut *quadruplex* illa *Concentratio Salsedinis* ipsorum, cum hac *asperitate* saporis, *justa proportionem* exigatur, vix quisquam adeo stupidus fuerit, quin facile dijudicet, nequaquam ulla *nova* accessione ullatenus auctum hîc esse saporem, sed potius in dicta *proportionem* multiplicatis a concentratione, aliquatenus mitigatum.

*Secundo* vero, potest hic liquido dijudicari *mutatio* illa insignis, quam omnia *vina*, a longiore quiete suscipiunt, ut ipsa mora, & longinqua placida interagitatione *mitescant*. Quod quidem in his, notabiliter, per successivam *Tartarea* portionis sepositionem, (& aquositate lenissimam evaporationem, unde *supplementi* per menses æstivos necessitas daß man den Wein oft auffüllen muß) contingit.

In nostro vero *concentrato*, licet pariter aliquid *Tartari* successive secedat, non tamen æque per ullam concurrentem *evaporationem* illud fieri animadvertitur, siquidem revera in *vitro* satis obturato, & unde nulla sensibilis imminutio *quantitatis* percipi potest, hoc tamen contingit: Sed per solam intimiorem *spirituosa* partis agitationem, quæ successive, crassiores *Tartareas* magis magisque excutit & è mixtione reliqua proscribit.

Ante omnia, vero, videor mihi, hoc ipso *Autumno*, mutationem in dicto meo *Vino* concentrato insignem, in *sapore* non solum, sed irrefragabiliter in *odore* maxime percepisse. Quantumvis enim ipsum illud supra memoratum valde *austum*, hoc maxime *tempore*, longe mitiorem *saporem*, revera, & admodum sensibilibiter, induerit; Extantior tamen longe est ejusdem *odor* specificus, ad solitum vini *exotici*, quod vulgo *Stct* appellamus, odorem, plane geminus: Adeo quidem, ut plerique, qui alias dicti modo vini *exotici odorem* non minus, quam *saporem*, valde familiariter noverunt, ex solo *odore*, austero



rum hoc concentratum vinum, a dicto tempore, communiter pro nominato Sect/ agnoscant.

Tanto magis vero meruerat hanc opinionem, ob exquisitam paritatem *odoris*, vinum illud concentratum *generosius*, adeo quidem, ut revera à primo *olfactu* à nemine facile pro alia materia dignosci potuisset.

Neque subsit tamen hæc specialissima mutatio *odoris* in solo *vino*, sed suscepit hanc eandem *odoris* analogiam ipsum etiam concentratum *acetum*; Adeo quidem, ut juxta cum *Acetoso* suo nidore, hætenus laudatam *fragrantiam* satis fortiter spiraret: Amisit vero ab aliquo tempore, pristinum hujus vigorem, posteaquam ab improvida persona pro Aceto esculento aliquousque evacuatum, & obturamento molli, è charta bibula, diu forte, leviter obtectum stetit.

Ex hisce omnibus cum luculentius pateat, quod *Vina*, & liquores quilibet ita concentrati, longe *durabiliores* sint, quam antea diffusiores fuerant; Et quidem, cum hanc eximiam *durabilitatem*, confirmant etiam tam *exiguæ* liquorum hujus generis portiones: Prudens quilibet statim utique hinc subsumet, quod si tales concentrationes in *magna quantitate* susciperentur, ingens sane mensura liquorum concentratorum, etiam à satis magno gradu *aëris*, & *caloris*, (quæ duo alias mutationes *fermentescences* præcipue incitant) immensum quantum minus alterationis passura sit, quam ipsæ hæ *exiguæ* portiones; Et cum hæ ipsæ adeo *constanter* omnem mutationem effugerint, tanto constantius sane resistent eidem magnæ eorundem moles.

Cæterum, sicut hæ concentratæ portiones, ob insignem copiam, tam *Salina*, quam tenuis *Spirituosa*, partis, minus proclives ad dissolutionem atque corruptionem existunt; Ita contra *Phlegmatica* pars, quæ inde secessit, admodum præceps est in hanc ipsam. Cum enim è vino aliquantum *mucidiorem*, & crassiuscule *pinguem* portiunculam, secum arripuerit, maximam vero partem puram mobilissima, fluidissima *aqua*, primum nempe & agilissimum Fermentatorii motus *instrumentum*, existat, fieri utique aliter non potest, quin velox illa corruptio subsequatur.

Qua quidem occasione libet alterius Experimenti, in eodem vino

vinum *austero*, de quo dixi, instituti, mentionem injicere. Licet enim potius ad Theoriam Fundamentalem *Fermentationis*, & quidem *putredinosa*, præcipue respiciat, tamen ut purum Experimentum, potest & in nostro negotio haud incommode recenseri.

Quo tempore nempe Concentrationem sæpe dicti vini *austerioris* suscipere placuerat, tentare incidebat, quomodo sese habiturum esset ad hunc actum congelationis vinum hujus generis, terrea *absorbente* substantia saturatum, ut enormis ejus *aciditas*, hoc modo subigeretur.

*Creta* itaque subtiliter pulverisata, obtundebam *acetosam* vini austeritatem, ut ad satis tolerabilem saporem perveniret, nisi quod magis *aqueum* & submucidum, quam vere *vinosum* quid, inde sape-  
ret.

*Edulcoratum* hac methodo vinum, congelationi expositum, non variabat magnopere, nisi quod paulo plus ejus in glaciem abire appareret: Residuum erat quidem satis saturati, sed sane non admodum *grati* saporis: Colore vero, præter omnem proportionem alterius, nihil alterati, & tamen pariter concentrati, admodum limpidum evaserat & *pallidum*.

Cæterum, cum ex meis principiis de *Fermentationis* negotio facile præsupponerem, quod hæc *Terræ macra* interpositio, non formatura sit *durabile* concretum; Condebam proinde Vinum hoc, in lagenam vitream, longioris & arcti colli, (quales sunt, quæ vulgo vina exotici nominis, venalia continent) eamque ipso penitus *replebam*, ne *aër* copiosior relictus, alterationi maturiori ansam præberet.

Sed quicquid sane agerem, licet *aëris* vix ultra digitum latum reliquisssem, incipiebat primo statim vere & *tempore* aëris levissimo, *mucor*, non paucus aut moderatus, sed in *cuticula* densitatem, con-  
crescere.

*Subsidebat* simul non parva quantitas, *albicantis mucido-terreae* materiæ; Tanto magis vero, cum repetita leni agitatione vitri, *cuticulam* quoque, semel iterumque subnatam, ad fundum deturbassem.

Verbo, invalescebat, imo vero prævalescebat, hæc *situlenta*



*corruptionis* increbescencia tanto impetu, ut alio artificio ad eandem reprimendam uti, cogerer. Quo quidem in subsidium vocato, citra ulteriorem *corruptionem* huc usque duravit, valde tamen in antiquam labem propendet, adeo ut non modo *pendulum* factum sit, & concussione attenuatoria opus habuerit: Sed etiam *subacetosum* saporem, quem vulgo *Wabusaue* appellant, attigerit.

Sub his omnibus tamen circumstantiis, habet omnino non modo supra notatum illum, vini *Sect* odorem, eumque satis eximium; Sed parum abest, quin simul apprime imitetur specialem illum, & odorem & saporem, quem vina hîc locorum pro *Frontiniaco* venientia, gerunt.

Pro conclusione tamen hujus capitis, libet paucis meminisse, quod *sapor* ille & *odor* vino *Sect* geminus, revera quidem vinis hisce *concentratis*, diu asservatis, sua sponte adveniat: Sed ad maturandum & magnopere *intendendum* eundem, parvum *artificium* & levis accessio maximopere conducatur.

Videor mihi certe, non quidem ipsa hac *concentratione*, sed tamen *occasione* ejus, satis luculenter deprehendisse, quænam sit *factitiorum* illorum vinorum, quæ vulgo sub appellatione vini *Sect* distrahuntur, genealogia: Ubi tamen non *rude* illud & impudens mangonium intelligo, quo hîc loci, miscela, ex *ardente spiritu*, *Vino mediocri*, & pauxillo *sacchari*, addito modico tantum dicti *sincerioris*, commiscetur: Sed medium illud quasi, quod, ut revera *purius* est, ita satis aucto, & caro quoque, pretio, vendi solet.

Sicut vero Vinum ita *obsaturatum* Terreæ macra substantia, etiam si *concentratum*, in corruptionem valde præceps erat: Ita pars inde secreta *aquea*, ruit non modo eodem, longe majore impetu, sed dejicit etiam ad fundum, & ejicit ad superficiem sui, tantam *feculentæ mucoris* abundantiam, ut ex tribus mensuris talis Vini, separatae mensuræ duæ cum una quarta circiter, *spissamenti* talis, ad *pollicis* lati altitudinem, ad fundum demiserint, & subtriplo tantum ad superficiem. Ubi simul portio illa ipsa, quæ ad *fundum* secesserat, eximie *mucida viscosa* & *tenax* erat, quemadmodum & universus reliquus *liquor*, uti *muriam brassicæ* (*Sauerkrauts-Brühe*) satis ex-

qui-

quisite referebat, ita *pendulus* & mucidus penitus evadebat, quem quidem ante paucos demum dies abjeci.

## CAPUT SEPTIMUM.

# USUS EXPERIMENTI.

**Q**uantumvis omnes *Physico-Chymicas* Experientias, ad eximium statim, præcipue vero *Civilem*, usum referre velle, vix omnibus necessarium apparuerit; quin multa ad ipsam *Historiam* integrandam, recensere fas sit, quæ, si per se ipsa *seorsim*, peculiarem utilitatem non exhibeant, aliorum tamen, alias, imo imposterum, adhuc observandorum elucidationi inservire possint: Ita si tamen experimenta aliqua, præsentem mox utilitatem ferant, tanto magis utique, non magis respici, quam attendi merentur.

Nostrum quod attinet, est illud sane non modo ad *presentaneum* aliquem immediatum usum, proficuum; sed & ad alias, neque certe spernendas, curiositates viam sternit, imo monstrat, non quidem novam penitus, sed ipso antiquo usu tritam, incuria vero Hominum obsoletam.

Præsentem itaque, atque *presentaneam* utilitatem quod concernit, stupidum utique esse oportuerit, qui non mox intelligat, quod hac ratione vina ad quemlibet *gradum* majoris *vinositatis*, seu abundantioris saporis & *vigoris*, reduci possint.

Si enim è vino *mediocri*, tertia v.g. pars, hoc modo subtrahatur, residuum utique eo ipso *duplo* fortius erit. Computando enim in generosioribus nostratibus vinis, unam *tertiam* pro satis vegete *vinosa*, & duas pro aquosis. Tertia illa inter duas reliquas divisa erit: Si vero una Tertia, seu una de duabus *aqueis*, subtracta fuerit, remanebit una portio illa *vini*, quæ ante inter duas *aqueas* diffusa fuerat, jam in una harum *duplici* proportionem, in arctum collecta.

Sicubi vero in *arctissimum*, in satis magna quantitate, & *intensissimo* frigore, concentrare libuerit (unde forte *sexta* tantum pars restiterit) potest hæc residua exigua quantitas, pro vero *aromatate*



*mate vinoso* usurpari, ad acuenda non solum, sed veluti *specificanda*, alia *tenuiora* vina.

Cui sane negotio, alia longe ratione & efficacia succurrit, quam illud tentamen *Glauberianum*, ubi *oleum vini* (fragrantissimum sane illud, sed *nidore* minime vinoso asperum, imo *nauseosum* penitus, etiamsi è puro vino odoratissimo paretur: ) ad hunc effectum frustra commendat.

Antiquius quiddam est, *Spiritus Vini Antiquorum*, de quo, ut multa alia, ad Philosophicas suas operationes, ita inter illa quoque celebrant, quod *Aurum solvat*.

*Paracelsus* loquitur de hac substantia pluribus quidem locis. Alibi *manifeste*, & nihil dissimulatis verbis, ut *Archidox*: L. VI. p. 812. T. I. & in *Manual. secundo*, tit. de secretis in vino, *Tom. III.* 736. pariter, licet brevissime, *Tom. eod.* p. 473. A.

Expressiora illa verba, & totum ejus processum, cum liber non in omnium manibus versetur, transcribere non piget, sonant vero ita:

**S**überstehen ist / daß der Spiritus vini mit der Substantia, soll behalten werden / und nicht mit der Phlegma: denn in ihm seynd zwo Substanz: Eine Substantia vinosa, und Substantia Phlegmatica. Vinosa ist die / darinnen der Spiritus vini liegt / und darvon nicht mag geschieden werden. Aber Phlegmatica ist / die da saß ist / und Trüsen / und ein Süß-Wasser: Das dann soll von der rechten Substanz geschieden werden / wie ein Metallen von seinem Erß und Erdreich: R. den Wein / so du magst am ältesten und am besten gehalten / in Farben und Geschmack / ad placitum, den thue in ein Glas / fülle es an zu dem dritten Theil / und sigilliers luto Hermetis zu / und setz es in ein Putrefaction Fimi Equini calidi: laß stehend auf vier Monat / also / daß ihm die Wärme nicht gebrest. So diß geschehen ist / so setz ihn im Winter / so es am mehristen geseurt an die Kälte / und laß es daran stehen auf ein Monat / daß es alles in einander geseurt / so dringt die Kälte den Spiritum vini, mit seiner Substanz, in den centrum des Weins / und scheidet sich als der Substanz des Weins und der Phlegma von einander: Dasselbige

bige / was da gefrohren ist / das ist Spiritus vini mit seiner Substantz. Das nimm / und setze es in ein Pellican / und laß in Digestione arenæ stehen / und auf etliche Zeit / nicht zu heiß. Darnach so nimm es heraus / so hastu Magisterium vini, darvon wir geredt haben.

*Disimulatis verbis, quæ tamen è dictis facile intelliguntur, citat hinc inde, præcipue tamen Tom. I. p. 473. ubi lit. A. & C. appellat Alcohol Vini exsiccati.*

Loquitur alias variis locis de hoc concentrato vino, ubi modo *Essentiam vini*, modo *Vinum Effatum*, modo *Alcool*, &c. vocat. Protestatur etiam hinc inde, quod *Spiritus Vini*, non sit *aqua ardens*: Neque frustra monet loco sup. alleg. *Archidox.* quod *Spiritus Vini* non debeat separari à *parte Vinosa*, &c.

In quibus quidem prolixè commendandis, tempus insumere, mei non est propositi: Brevibus dico, quod neque hæc omni attentione indigna sint, non minus quam congener illa *Essentia Melissæ* præparatio, quam Scriptor Recentior nunquam attendisset, nisi à *Gallo Febure*, testimonium successus interpositum esset: Cui, dum fidem adhibet, quam *Paracelso* negaverat, nihil nisi id unum confitetur, se non *Experientia* in Chymia, sed *testimoniis* niti.

Ad *Aurum* sane solvendum, adhibent suum *Spiritum Vini* Antiqui Philosophi Chymici fere omnes; A quo quidem effectu alienissimum esse *ardentem* communem, noto notius est. Ad eundem vero effectum à *Rudolpho* Imperatore adhibitum fuisse *Paracelsicum* hunc, fidem facere videtur *Rolfinc. Chym. in Art. form. red. III. sect. II. Artic. I. c. 17. p. 184.*

Quid de tali concentrato habeat *Viganus*, videatur in *Medulla Chymia* ejusdem, ubi monet, quod digestionem *coaguletur* in solidam consistentiam.

Ubi sane, qui artificium, mediante modico pulverulento Corpore, *aquam in Vini saporem* & consistentiam tingendi callent, quid huic enchirisi debeant, forte non facile fassuri fuerint.

In qua tamen universa commentatione, ne justo diutius moremur, ad curiosiorem horum tantum pensitationem, & *Paracelsicorum* præcipue, in hoc negotio, ruminaciones, adhortamur.



# NOVEMBER,

quo detegitur

## ANCHIATER, SEU VENENUM PRO REMEDIO VENDITUM, FEBRIFUGUM NEQUISSIMUM.

---

### PROOEMIUM.

**M**Edici salutare atque amabile nomen, uti Latinis à Medendo desumptum est; ita Græcam Medici appellationem, qua *ιατρός* dicitur, ab *ἰαομαι* desumptam esse, vix dubitari posse videtur. Cum vero medicamenti vox, *φάρμακον*, apud Græcos mediam significationem semper habuerit, & non minus, imo (sine additamento, aut expressio contextus & propositionis universæ vigore,) magis fere, pro veneno, aut violento ad minimum, & vehementer Corpus afficiente & concutiente, medio, valuerit: Ansam inde arripuit, celebris ille Scepticus, Sextus Empiricus, ut *ιατρὸν* quoque, *ἀπὸ τῶν ἰῶν*, à veneno, (quod serpentes, & alia animalia venenata, ejaculantur & evibrant) nominatum suspicetur.

Licet

Licet vero hoc ipsum minus fundatum, & ipsi quoque formationis Grammaticæ rationi, parum consentaneum videatur: Apparet tamen infamia hæc Medicis, si non à nomine suo, certe à suspicione hominum, antiquitus incubuisse, quod ad necandos veneno mortales, prompti sint.

Quamvis enim in Comœdia dictum sit, à moribus tamen utique receptis, petita videtur paræmia, quod ap. Plaut. in Mercat. Act. 2. Sc. 4. introducitur, & ingenuus quidem, qui dicat: Ibo ad Medicum, me ibi toxico morti dabo. Ubi Medicum quidem, pro Pharmacopola, parvo tunc temporis, & fere odioso nomine, (vid. Lambin. ad Horat. L. 1. Sat. 2.) dictum, interpretari licuerit, nisi alius, gravior longe Autor, de Medicis hoc dici meruisse, persuadere niteretur.

Cato is est, qui annotante Plinio, N. H. L. 29. c. 1. filio suo, de Græcis Medicis, pessimam illam existimationem inculcat, dum de Græcis loquens: Hoc puta, inquit, vatem dixisse: Quandounque ita gens suas literas dabit, omnia corrumpet. Tum etiam magis, si Medicos suos hac mittet. Jurarunt inter se, Barbaros necare omnes Medicina: sed hoc ipsum mercede faciunt, ut fides iis sit, & facile disperdant. &c.

Cui quidem inculpationi quamvis haud injuria fidem derogare videatur, nota satis, tum omnium Catonum, tum hujus ipsius seorsim, proterva ad male loquendum indoles, & in rustica austeritate, de quibusvis, etiam optime meritis, pessima quæque sentiendi & suspicandi libido; Tanto magis cum tota Historia nusquam ullum exemplum suppetet,



ditet, quod publico gentis consilio, venenis & clandestino facinore grassari, Græcis libuerit: Imo vel privata hujus generis flagitia, rarissima sane notentur, nisi quod de Pyrrhi, Eumenis, & forte uno aut altero adhuc narratur, & de Rhegino illo, qui patriæ, per scelus proditorium, deinde tyrannidem, oppressorem Cantharidum applicatione, oculis exuit: Econtra vero generoso, opum, & mercedis promissæ ac oblatae, contemptu, negasse potius hostibus opem quam sceleratam machinationem intentasse, tum de Hippocrate erga Xerxem, tum de Democrede apud Darium, notum est. Vid. Herodot. Euterpe.

Manfit tamen adeo profunda hæc, in variorum mortalium animis, præcipue tamen minus generosis atque magnis, labes, ut fere magis quid fieri, quam quid homo non pessimus facere, posset, augurarentur.

Quis enim, nisi perditissimus bipedum, seposita omni Providentiæ & ultionis divinæ fide, imo opinione saltem, ausus fuerit tale flagitium suscipere, & securum hominem, & confidentem, tacita atrocitate trucidare?

Non frustra interrogo, cui tanta omnis ævi circa hoc scelus integritas, fiduciam maximam subministrat. Ubi in tyrannos, in hostes, in perduelles vitæ potius propriæ periculo & ancipiti certamine, quam Stygiis fraudibus insurgere, perpetui usus fuit.

Non percepta sunt unquam crebra hujus sceleris exempla, nisi inter eos demum populos, qui Divini cultus, & veri ipsius Dei, unicam cognitionem & reverentiam jactant.

Judæi, quoties fontium, cibariorum, aëris ipsius infectio-

fectionem virulentam, partim ipsi per venena, partim per peremptos, leprosos, peste infectos, horumque cadavera, modo tentarint, modo perfecerint, hospiti & rudi plane historiæ, prolixè narrare oportuerit.

At vero qui Christianam fidem penes se esse gloriantur, quæ non hîc facinora habent. Per sacramentorum imbuitiones, per munera fallacia viru tincta, per familiarum illustrium extirpationes, abortus inductos, sterilitatem conciliatam, parricidia, & armatos in se invicem consanguineos, liberosque in parentes, furtiva machinatione, furentes.

Medicinæ hoc nomine suspectæ, majus dedecus vix quisquam, quam ipsi Judæi, meruerint, qui per ea, quæ Hörnik im *Juden-Arzt* adducit, numerosas, per suos Medicastro, hujusmodi cædes, & parare, & cogitare dicuntur.

Quemadmodum vero à Medicina, ejusque probis cultoribus atque artificibus, crimina talia in perpetuum abfore, certi sumus, neque pro Medicis, sed monstris & maleficis, eos agnitum iri speramus, qui ex instinctu & occæcatione prædictæ malitiæ sectatorum, ad parricidia, & clandestinas jugulationes, conducì sese patiuntur: quæ Divina justitia, neque incognita neque inulta siverit!

Ita cavendum summopere est, ne suspectis & venenatis remediis, per indirectum, & veluti ignari, in talia crimina devolvamur.

Cujus quidem generis, cum hodie, pessimo consilio & fato, propalata sit *Arsenici albi*, venenorum mineralium certissimi & contumacissimi efficacia, ad benignas illas



Febres pure intermittentes, Tertianas maxime, obruendas; Ejusdem vero usus funesta consequentia, non possit non hinc inde obtingere, ejusque ipsius exempla mihi ipsi occurrerint: Et jam præter Physica hujus generis damna, moralia illa pessima consecraria, in Arsenico, arguantur & incusentur, (quæ quidem ita deprehensum iri neque spero, ab animi mei solita lenitate, neque opto:)

Non potui proinde mihi temperare, quin tandem pessimam, sive non intelligentium, sive ab intelligentibus, imposturam, publice accusem, & tam Medicos à detestabilis hujus flagitii, imprudenti admissione dehorter, quam patientibus, circumspeditionem & cautelam necessariam, ut medicamenti loco venenum haurire caveant, commendem.

Quod utrumque ut bene cedat, & utilitatem aliquam nanciscatur, altissimi benedictionem supplex oro.

## CAPUT PRIMUM. HISTORIÆ.

### I.

**A**Nte annos hos quinque, nimirum anno 1693. mittit ad me *Jena, Vinariam*, Amicus meus æstumatissimus, Medicus Practicus ibidem celebratissimus, *pulvillum, rubellum*, cum inscriptione, *Specificum Antifebrile, gr. vj.* Petit simul, ut ejus sit indolis, hariolari suscipiam: Transmissam sibi hujus esse portionem aliquam, licet haud largam, à Juvene tunc temporis Medicinæ Practico, cum encomiis, efficaciarum ad *Febres intermittentes*, amplissimis, adeo, ut pro vero *Specifico* in hoc genere Morbi hoc vendi are, summo jure deceret.

Erant

Erant materiæ, ut hodieque asservo, *grana sex pondere; Molas* ad hoc ipsum pondus satis exigua: *sapor nullus, multo minus odor.*

Non placebat, in quantitate adeo exigua, experimentum instituere, nisi quod *Spiritu Vini* infusum, si forte *resinosi* insipidi quid subesset, nihil hunc alteraverat: Quamvis revera ex ipsa *molis* exiguitate, *Resinosum* quid suspicari, jam ante dubitaverim.

Peto itaque per epistolam, ut paulò plus hujus materiæ supeditet, pro commodiore tentamine; Sed nihil sequitur, nisi excusatio, quod quicquid residuum habuisset, hæctenus ipsemet experimentis consumserit, *medicis* nempe, ubi *efficaciam* illam celebratam, satis præsentaneam deprehenderit.

Sepono itaque hæc 6. grana, non modo modi exhibendi, & circumstantiarum agendi, ignarus, sed & incurius, utpote qui medicamentis, quorum nullam penitus reliquam *indolem* sciam, uti, nunquam soleam, nisi alius ille, à quo proficiuntur, spectatæ, & notæ mihi, fidei fuerit, & nihil subesse ad nocendum ancipitis, satis caverit.

II. Elabitur ita annus illa, cujus quidem *Autumno*, frequentes admodum erant *quartana* febres, Epidemicæ usque, sed fuerant longe magis, prægresso 1692. Unde quidam Nobilis, & honorificum tunc officium adeptus, *Dieta* summe irregularis, *quartana* tali correptus, varias medicationes expertus, sed sub *Dieta* solita, omnia frustranea videns, famosum circa *Februm Intermittentium* curam medicamentum, a medico quodam vendi solitum, memorari audiens, mittit ad illum, idque petit.

Accipit *exiguas* aliquot schedulas seu capsulas chartaceas, modicum *albi pulvilli* continentes, & pyxidem fictilem, quæ *libram* forte *dimidiam Electuarii* complectebatur, e quo *chine chine* sapor, omnibus aliis prævalebat. Ordinum erat, ut singulos *pulvillos* versus Paroxysmos assumeret, de *Electuario* vero, ante & post tempus *Paroxysmi* solitum, imo etiam intercedentibus diebus, ederet.

Paret, liberatur. Sed cum *faciei* quidem *pallore* & *turgiditate*, *ventris* vero densitate, diutissime perseverante, imo augeſcente. Tribuit hæc omnia, prægressæ *diuturnitati Febris*, malæ sub eadem



*Diate*, imo aliorum *medicamentorum* noxæ, quæ cum *Febrem* vincere non potuerit, alias in Corpore turbas dederint.

Fiebant hæc omnia hyeme. Vere proxime sequente, languere iterum, sed sub *ebriositate* quotidiana, sensus & mentis parum compos, negligere: Cum incipiente *æstate*, itinera, quæ officii sui erant, aggressus, *tumere* incipit, idque per universum Corpus. Exercuit ille *tumor* Medicos doctos & peritos, *Francos*, *Suevosque*, simulque crumenam quadantenus Patientis. Curatur, multa opera & labore; nisi quod *scdum* aspectum non amitteret.

Dum hæc transeunt, incipit Nobilis alius, juvenis, 28. vel minus, annorum, grassante tunc temporis *Febre continua Epidemica* corripì; Quæ quidem, ut familiare per plures fuerat annos, pro *anni temporibus*, *tempestatem* vicibus personarum *diverso habitu*, modo hanc modo aliam *benigniore* speciem induere, sub eaque latitare, solita, nunc sub *Tertianæ continua* Schemate Patientem invaserat.

Erat ipse *habitus* Corporis *laxi*, *turgidi*, *Sanguineo-Cholerici*, aut *Phlegmatico-Cholerici* potius, turbida *contrariorum* confusione verius quam Mixtus à *capillis* albidis, valde *crispatis*, oculis *taurinis*, moribus *timidis*, & ad nutum aliorum compositis, animo vero *felleo*, & *clandestino*.

Laboraverat antè paucos annos *Arthritide* vaga immani, quam ex abusu vini fortissimi Thuringici contraxerat. Fastidiisse se abhinc *vinum* memorabat, sed videbatur magis per abstinentiam id fecisse, utpote longissime a prodigalitate alienus, quandoquidem cum nunc aliquandiu in aulam evocatus, ubi gratis erat quod biberet, adeo mores hos mutabat, ut contra *Cerevisiæ* fastidio correptus appareret.

Decumbebat itaque nunc *Febre* hac *Tertianæ continua* satis incommode, *æstuans anxius*, *angustia* præcordiorum oppressus, membrorum, præcipue vero *dorsi*, in principio, ut solet, *tensivis* doloribus agitatus: *Caput* erat sic satis liberum, & ab ingenti dolore immune.

Procedebat hæc *Febris* usque ad secundum *septenarium*, ubi tamen à *primo*, sensim sensimque minuebatur omnium *Symptomatum* vigor, nisi quod a neglectiore regimine, *sudoribus* statim minus even-

eventilatis, diuturnior in *artubus* imbecilitas, seu gravitas verius, restitabat: neque *appetitui* invalescenti satis respondebat *ventriculi* tolerantia, quin a *copiosiori* cibo, angustiae aliquae & morsus subirent.

Dum haec omnia composita rursus videntur, *quarta* a primo decubitu Septimana, adventu hospitum ad computationes prolapsus, & ingluvie ciborum dapnificum denuo oneratus, corripitur *Quartana*.

Cum hac per *sex hebdomadas* laborasset successiva vero Febris enervatione, denuo liberatus appareret, fame jam insatiabili, non modo multum, sed fere difficillima quæque vorabat *brassicam muriaticam*, cum *botulis assis*, *haleces*, *pernas* fumo induratas, &c.

Exigebat, ab his etiam incommodis, & abusibus Diætæ, ereptus, alias fere *sex septimanas*.

Ibi ex imprudenti obequitatione in *hyberno*, non aere tantum, sed *vento*, cum ad 18. septimanas, extra arcis circuitum, in *campestre* liberum aerem, non pervenisset; Corripitur denuo *Febre*, sed *quotidiana* intermittente.

Conflctatur cum hac quoque, ad *duas septimanas*, antequam ad decrementum, & sensim ad *ὀρθότατον* revocaretur; *Languebat* interim & *viribus* & *ventriculo*, proximeque *lenta febre* reserat, adeo ut ab hoc utique affectu penitus ad se non reverteretur, usque ad *Martii* mensis 1694. *Idus* circiter.

Circa hos, cum deterius habere sive videretur, adeoque per duos vel tres dies aliquid medicaminum usurpasset, evenit, ut Medicus haecenus ipsum cura sua suffulciens, iter ad aliquot dies, cum Principe subire necesse haberet; Unde in omnem eventum, & Medicamenta & Præscriptiones relinquebat.

Eo ipso die, quo profectus cum Principe erat Medicus, & quidem summo mane ingressi iter: Circa nonam aut decimam meridiei denuo *horrore febrili* concutitur Noster, eoque prætermisso, *astu* fat vegeto.

Non remittit hic usquequaque, ad alterum usque accessum, qui *anticipando* invadebat.



Hic, persuadentibus aliquot congeneribus, præcipue vero supra memorato illo, qui à *quartana* hoc artificio liberatus erat, ut repudiatis *languidis* illis & *longinquis* methodis, quibus hætenus toties recruduisset *Febris*, certum illud & *infallibile*, celebris istius N. N. remedium accerferet, ita enim missis omnibus ambagibus, cito & certo sanitati suæ restitutum iri.

Auscultat; & historiam affectus sui, à prima *continua Tertianæ*, per subsecutam *quartanam*, subjunctam *quotidianam*, ad præsentem novam *continuum* exactis narrationibus delineatam; una cum medicamentorum hætenus usurpatorum *ordine, signatura & intentione*, imo & percepta indies *efficacia*, & deprehenso fructu: hæc omnia, inquam, artifici isti transmittit, adjecto petito, ut de *Panacea* sua *febrifuga*, quantum necesse videatur, mittat, usum vero ad præsentem *Febris rebellis* genium; exactius assignet.

Adjecerat, quod Medicus hætenus suus, à *Quinquina* usu sedulo sese dehortatus sit, & varia periculosa consecutaria, *Arthritidem Rheumaticam* ante omnia, aut tumores *œdematosos*, aut *hecticam* præsentissimam, sibi inde præsagierit. Audierat enim, quod universum hujus artificis arcanum, nihil nisi *Electuarium* è *Quinquina* sit, cujus revelationis lepidam historiam statim subjungam. Transmittit hæc omnia per expeditum nuncium, ad hoc negotium mature peragendum, expresse conductum.

Rescribit iste paucis. Non adeo male suspectam esse *Quinquinam*; suum medicamentum nihil cum illa commune habere: Esse vero hoc *Februm unicum verum & perpetuum* domitorem,

Mittebat autem, *pulverem album* non adeo exquisitè tenuem, & quidem in unica *Schedula*, ad *Drachmam unam*; *Electuarii* vero magnam molem ad *libram unam* medicam.

De *pulvere*, jubebat sumere ad quantitatem *pisi*, versus paroxysmum. De *Electuario*, post Paroxysmum, &c.

Sequente itaque summo mane, sub gallicinium, capit Noster de *pulvere*.

Hic, postquam aliquandiu in *Ventriculo* intepuit, *angustia*, *angores*, *anxietates*, omnia *enormia*, *Vertigines*, *mentis motiones*, *Synoptica Cardialgia* præludia, Mox *convulsiva* concussiones, imo totius semel



semel corporis, repentinus & præceps *convulsivus raptus*, ut in ictu oculi, caput ad imam lecti partem, pedes ad summam, recumberent: Aspectus sub his omnibus, & *metuens*, & *metuendus*, *suspiria* lamentabilia, luctuosa, profundissima, *sudor* copiosissimus, sed non tam *frigidus*, quam *gelidus*.

Durant hæc omnia non una, sed *pluribus horis*; Adstantibus plerisque videtur *agonem* agere, vocantur *curriculo Medicus*, *Parochus*, noti, ignoti. In omnibus nihil consilii, nedum præsidii. Præscribitur *potiuncula* ex *aquis Bugloss. Borrag. Ceras. nigr. & lapid. Cancr. ppt.* & similia. Quo effectu, non opus est, ut adjiciam.

Mittitur è vestigio eques nuncius ad artificem, & verum jam *Anchiatrum*, qui referat eximios successus. Ille de consilio hoc quidem mutat, ut de *pulvere* amplius assumere disuaderet, de *Electuario* vero, continuare præcipit, ita fore, ut omnia felicissime procedant.

Dum nuncius ultro citroque currit, domi omnia deteriora: *Anxietates*, utut *remissiores*, *constanter* tamen recrudescentes. *Febris continua*, sed perpetuis intercurfantibus *anxietatibus horridis* & *algidis*, *vaga*, faucium *torrida* siccitas, & perpetuus ardor, *mentis* *vagæ* motiones, nullus *somnus*.

*Quarto* abhinc die, nempe post egregii remedii tragœdias inchoatas, redit Medicus *Ordinarius*. Vocatur mox, cum ingenti quidem pœnitentiæ præfatione, & non modo usus, sed etiam eventus peregrini remedii, fida penitus, confessione.

Erat *nona* nocturna hora. Ibi primo statim aspectu territus, vix jam noscendum spectabat patientem summe extenuata, & cætera *Hippocratica* examussim facie, nisi quod *feroces oculi* emerent, & modo *rigidi*, modo *torvi*, micarent: Donec, paucis momentis interjectis, lacrymis erumpentibus, consternatione Medici animadversa, miser patiens, omnibus adstantibus easdem elicit.

Fateor toto pectore, sincero, & simplici ad impias fraudes animo, in mentem non venisse, quod Medicus, in *statione* honesta collocatus, amplis *titulis* ad votum & ambitum potitus, & largissima fortuna auctus, (licet ex hoc maxime *remedio*, hæc pleraque conquesta, multi asseverent) *Venorum* pro remedio miserit.

Unde in turbatum, per *Chinachina* intempestivum usum decursum,



cursum, & *typum*, atque *motum* Febris, & *genium* præterea ejusdem, inde à primo decubitu *malignum* Epidemium, animum dirigens, præscribit *bezoardica* utique & *Alcxipharmaca*, *Cardiaca*, *Analeptica*; Interponit *alterantia*, *Temperantia*, leniter *abstergentia*. Omnia sine fructu.

Videbantur quidem aliquid proficere, sed sine continuitate successus; quin potius insperatis, & improvisis recursibus *angoris*, *mentis* motionum *debilitatis* postea & *virium* lapsus extremi, *agrypnia* præterea insuperabilis, aut *pavoris*, sub levisimo somni conamine, gravissimi, imo *terroris* trepidissimi, concursu, perpetuo repululantibus, post *undecim* denique abhinc dies, adeoque *sedecim*, quin potius *quindecim* a primo medicamenti egregii usu exantlata priore vespera, gravissima animi *anxietate* circa objecta spiritualia, placide ad ultimum in mortem defecit.

IV. Accidit haud ita pridem, ut *Facultas* nostra consulere-  
tur, de *signis* quibusdam, in *morbò*, & postea *cadavere*, *illustris* al-  
cujus defuncti, observatis, annon videlicet *veneni* aliqua suspicio,  
aut alterius cujusdam *artificii*, à *veneficio* non adeo distantis, subesse  
videantur?

Decubuerat defunctus *Febre Tertiaria*, a qua cum ita prom-  
pte, ut fert fere hominum libido, funditus liberari non potuisset,  
*Chinachina*, & similibus forte remediis, aliquantisper sublevatus,  
*recidivam* mox passus est.

Fatigavit & hæc aliquandiu *Ægrum*, tandem usu medica-  
minum suppressa quidem est, sed non in *Euphoriam* aut sanitatem  
traducta, verum paulatim ad *mortem* ipsam transgressa.

*Symptomata* quibus excitatus æger, in *morte* sola quietem  
reperit fuerunt, 1. *manifesta*, frequentissima gravissima *anxietas*,  
non circa objectum aliquod *speculativum*, sed *irrationalis* & involun-  
taria, circa *nullum certum* objectum. 2. *Tacita*, *Functionum* omnium  
*vitalium* fatiscencia, ab *appetitus* prostratione, *somni* turbatione, &  
*sensim* *sublatione*, *virium* *dejectione* indies increbescente, ad *tabi-*  
*dam* usque, & *hecticam*, *consumtionem*, quæ denique, *repentina*  
*extinctione*, in mortem exiit.

Aperto *cadavere*, *ventriculus* hinc inde velut *arrofus*, *mollis*,  
*flacci-*

*flaccidus*, præcipue vero valde *tenuis*, *liquamen* etiam lentum continens, repertus.

Non diffiteor, vix legeram speciem facti, quin è vestigio famosi *Anchiatri* artificium subesse suspicarer; Quod ipsum, cum Domino meo *Collegæ* aperirem, in mentem veniebat eidem, quod jam ante aliquot annos, fraudem hujus Artificis, in propinando contra *Febrim veneno*, non modo animadverterit, sed & Patientibus, revera horribile hoc Secretum, & quid pro remedio assumendum accipiant, detexerit.

Cum vero liquido nobis non constaret, quod Artifex hic medicamentum suum hîc exhibuerit, non potuimus suspicioni inniti, sed cum aliæ quoque circumstantiæ concurrerent, *mitioris* etiam sententiæ probabilitatem ferentes, secuti hanc fuimus; Licet alius haud parvi nominis Vir, *Veneri* exhibiti suspicionem, opinione sua foverit.

Et profecto, si genium hujus hominis ( qui in plerasque hujus nominis & viciniæ, *Familias Illustres*, *clandestina* sua *consilia*, *molimina*, & *medicamina*, ingerere notorie solitus est: ) intueor, non est, quod suspicionis meæ hodieque me pœniteat, licet illa neque quidquam probare, neque vel hic vel alibi, *personam* ejus gravare, sed in *Veritatem* solum digitum & animum intendere, mei sit propositi.

Si quis vero *Ægro* huic, per certam personam, quam postliminio suspicio hujus rei maxime oneravit, medicamentum offerre & propinare sategit, ille unde petitum illud fuerit, sciet sine dubio, licet, si fides famæ, non adeo forte jucunda ipsi hæc fuerit memoria.

Et has quidem historias in medium afferre placuit: Plures qui desiderat, poterit illos Patientes, aut posteros talium, audire, qui *Pharmacum* hoc Febrifugum, vel ipsi usurparunt, vel usurpari in aliis viderunt & observarunt. Illi longæ *dejectionis virium*, *angustiae* circa præcordia, *anxietatis*, *tabis*, *hydropis*, *paralysis*, & istorum *Paracelso* adeo infamium *Stich* in den *Seiten* / cum *tabe* mortifera, exempla, numerosa satis deprehendet.



CAPUT SECUNDUM.

ALTERA HISTORIA.

**C***ircumforaneorum & agyrtarum* imposturas, qui nauci compositionibus, simplices homines pecunia emungunt, perpetuo *dolo malo* inniti, vix quisquam mihi persuaferit, nisi ubi manifesto ipsam *materiam* adulterantes, *quid pro quo*, imo merdam pro medicamento, vendunt.

Profecto enim tanta est hominum horum subinde *credulitas & persuasio*, ut ipsimet quoque aliter minime arbitrentur, quam, quod in effectu tanta sit quisquiliarum illarum efficacia, quantam venditant.

Neque vero soli hi sunt, quos hæc obsidet opinio; sed tenet haud multo dispar, etiam plerosque *Pharmacopolas, Tonsores, Balneatores*: Imo, si verum dicere velinus, haud paucos forte, *Medici* nomen gerentes.

Ubi quidem, ne nimis *cacoetheum* ulcus irriterem, non æque ad censum vocabo, admiratores, & buccinatores sæpe, sterilium multarum, è *Chymicis* præparationibus medicinarum. Ubi sæpe-numero, si cui *per conscientiam* vota colligenda essent, quis è *multis*, hujus vel illius talis *preparati, veram, directam, certam, perpetuam, & effatu* præcipue *dignam*, operationem expertus sit? ille à *cordatis circumspectis*, in *Praxi* non exigua constitutis, vix quidquam præter modestum *subrisum*, aut sæpe *gemitum*, reportaverit: quamvis ab illis, quos alias *nugaces, ostentatores, turbulentos, & ad fallacias non cause* ut causæ, in quotidiana vita, præcipites, noverit, *stupenda, & superlativi* undique gradus, encomia, ad nauseam colligere possit.

Sed monebo tantum in genere, quod endemia illa circa *exoticorum* efficaciam superstitio, haud exiguam profecto labem, *Medicina* in hoc genere asperferit; Ut, dum temere ad quaslibet traditiones non modo auscultamus, sed subinde citra omnem rationem aut experientiam, mox fabulas tales *exornamus*, & famam earum promovemus deridiculo merito, tam *exteris* simus, quorum quis-  
qui-

quilias sæpe, magno tributo, & ab ipsis magistratibus coërcendo, redimimus) tum *popularibus* quoque, utpote qui *Theatralium* illarum promissionum specialia nuspiam deprehendentes, parum hodie abest, quin *Universam Medicinam* pro *Somnio*, imo pro *impostura* & *impudenti mendacio*, interpretentur.

Hujus sane farinæ inventum fuit etiam *Communicatio Electuarii Antifebrilis* illius famosi, quod cum decantato illo albo pulvillo, hucusque magno & nefario pretio divenditum, nequam sane & turpissimo quæstui inservivit.

Historiam vero eius hanc habe. Cum celebris ille horum remediorum propola, cum juvene *Principe* itinera Germanis adeo necessaria subire, & sanitatem ejus curare jussus, sub hac expeditione *Genevam* attigisset, accidit, ut Nobilis optimo genere, qui Juvenem illum Principem comitabatur, boni alias & Corporis habitus, & animi admodum liberi & exporrecti, *Febre Tertianâ* corripere-  
tur.

Bona fortuna tulerat, ut *Medicus* in comitatu præsto esset, sed mala credo, quod parum in ipso præsidii. Certe non modo a *Pharmacopæo* ejus loci curam quæsit, sed obtinuit quoque, *Patiens*, & quidem præsentaneo admodum effectu, dum *secundo*, aut summum *tertio Paroxysmo*, non modo cessavit *Febris*, sed etiam, nullus superfuit *languor*, præcipue vero ne *appetitus* quidem, quamvis hac parte raro laborasse illum de quo sermo est, arbitrer.

Miraculo proximum hoc videbatur insigni huic *Medico*, unde mox ad *Pharmacopæum* concurrere, de *Arcano* hoc percontari, & an forte *communicabile esset*, sollicitare.

*Pharmacopæus*, qui facile cognosceret cujus toni (præter illud etiam, quod *Germani* in genere aliis Nationibus *muliebris curiositatis* nomine, derisui sumus) seria fronte dissimulare artem, & valde arcanus fieri, efficaciam vero, & infallibilitatem vel *Papali* majorem, remedio tribuere.

Non fallebat hominem catum inventio: Noster tanto magis exardescere, & omnibus modis in *secretum* hoc inhiare: Cum *preces* surdo narrarentur, *pretio* hominem tentare. Ad hoc erant quidem aures, sed plus adhuc *judicii*, ut *Emtori*, caro satis has mer-



ces vendituro, parvo pretio easdem concedere nollet: Poscit itaque ingens fane.

Quodnam autem pretium videretur nimium, homini *mira-*  
*bili* futuro, & per tantum artificium, majorem quam pro mole, *fa-*  
*nam* molituro. Sed siue voluntas major erat *facultatibus*, siue di-  
ctum illum Nobilem, a conscientia tanti secreti excludi, nefas du-  
ceret, cujus periculo ingens hoc *arcanum* primo deprehensum erat,  
persuadet huic, ut dimidium pretii numeret, & scientiæ inæstima-  
bilis particeps fiat.

Numerant itaque *sexaginta Imperiales*, *triginta* pro virili, tan-  
tienim a se impetrari revelationem, Pharmacopœus consense-  
rat.

Cum autem non modo sciam, curiosos fore haud paucos  
Lectores, quænam pretiosa hæc Ars fuerit, sed etiam quadantenus  
publici interesse censeam, ne tantum *Arcanum* in uno Monopolio  
tamdiu hærens, gloria sua privetur, communicabo ego gratis ini-  
mitabile hoc Compositum, quod *Medicus Germanus* à *Pharmacopœo*, tali  
pretio & didactro discere meruit.

Rec. Rob Sambuci

Pulv. *Chinæ*, ã Unc. ij.

*Antim.* Diaphoret.

*Trochisc.* aut pulv. *Viper.*

*Flor.* \*ci ã ʒij.

*Antihectic.* *Poterii*, ʒi.

*Sal. volat. oleos.* Unc. ʒ. M. f. Electuar.

Acceperam hanc descriptionem à Generosissimo Viro, qui  
eandem *Dresdæ*, pro eximio arcano obtinuerat. Ubi nempe hæte-  
nus dictus distractionis hujus exercitor eandem, precio ut jactaba-  
tur, vendiderat *Illustri Personæ*: Hæceandem alteri *communicaverat*:  
Hæc aliis: donec paucis septimanis ita evilescebat, ut vix ullus  
Nobilis in *Conventu Provinciali* ejus temporis adesset, cui non obtru-  
deretur.

Non dubitabam, esse insigne hoc artificium, quod hucusque  
tantam famam venditori suo conciliaverat: Sed eram tamen adhuc  
animo

animo incertus, utpote qui nisi vere perſpecta, ita facile credere non ſoleam.

Ecce, ſupervenit ſupradicta Nobilis ægritudo, ut *Quartana* correptus, per aliquot ſeptimanas illa teneretur : Ibitum hic *poſterior* Nobilis, artificii hujus *Genevenſis Compoſſeſſor*, quod non ita dudum aulæ illius acceſſio factus eſſet, & jam hunc illum ſibi devincire e re ſua arbitraretur, profert pretioſum ſuum artificioſum, cum præfatione tamen totius *occaſionis inveniendi, & obtinendi*, in terminis realibus iisdem prout hiftoriam jam percenſui. Adeoque eruperat non modo ſplendidum hoc medicamentum, utpote quod jam ante factum erat, ſed maxime neceſſaria *confirmatio*, quod hæc *deſcriptio*, & famigeratum illud hætenus divenditum *Electuarium*, convertantur inter ſe ſimpliciter.

Ex hac hiftoria libet utique notare, quod quidem *cordatus* Vir & *Probus* quilibet facile obſervaverit, *ruſticam* illam fraudem, qua *compoſitio*, hæc pro Speciali artificio venditata & vendita eſt, cum tamen totum negotium in *Chinachina* radicetur, & reliqua additamenta, nihil niſi *Phanſmata* ſint & nugæ meræ. Ubi quidem confiteor, minus indignationis meritum videri *Pharmacopæum*, qui Doctori *Medico Germano*, tantas artes adeo anxie anhelanti, *bona fide* inventum ſuum tradiderit : Sed quid hic, *doctus* ſane, ſi præcipue mulieribus credimus, qui tantam rem, in illa utique forma, neceſſario & unice efficacem credebat.

Quamvis forte ex eo excuſandus videatur, quod nequaquam adeo exquisitè præſcripto inhæſerit, utpote qui præcipue circa *Sal volatile oleoſum*, cum univerſis forte ſuis adjutoribus, ſi vel optima fide illud adhibere ſemper voluiſſet, elaborationi huic impar fuiſſet, præcipue cum hoc *Electuarium*, haud parva frequentia emeretur. Satis proinde judicavit, fidei ſaltem adminiſtratione, *ingredientia* etiam ipſius *ſalis oleoſi* volatilis, *interere*, unde quidem hoc ipſum ejus *Electuarium*, innatans *oleum Templina*, ut vocant, *Rüßnöhl* exhibebat.

Quantum vero damni, ab intempeſtivo uſu *Chinachina* in Febribus, oriatur, uti ex vera *Febrium Theoria* non poteſt non clariffimum evadere ; Ita *Praxis & Experientia* abunde comprobat,



si modo sine præoccupatione animum huc applicare libuerit. Ubi mihi profecto, quotcunque occurrerunt, qui copioso *Chinchina* usu à Febris liberati, non peculiare plane huic rei quadrans vitæ genus gesserunt, illi omnes *obstructionibus alvi* insvescentibus, *morsibus & flatibus* hypochondriacis, *palpitationibus Cordis*, & *angustiis*, cum largi *sudoris* usque eruptione, *melancholicis animi anxietatibus*, *puncturis* dextri hypochondrii, aut *sinistri*, *stataris*, faciei *rubedini æstuosæ* priores horum: *pallori* posteriores, *atrophica* denique, imo *hectica*, consumptioni, obnoxii evaserunt.

De quo tamen cum in præsentiarum prolixius minus commodum videatur, finita memorabili Historia, ad scopum pergitur.

CAPUT TERTIUM.

PULVIS ALBUS, ARSENICVM  
ALBUM.

**Q**uantumvis in Patiente illo, qui famosum *album febrifugum*, expressa commendatione & *exquisito Prescripto* Dispensatoris, assumerat, pessimos illos successus, & *presentissimos* quidem, ipsamque assumptionem *immediate* consecutos, partim *fida relatione*, partim ipso spectaculo funesto, comperissem; Non veniebat tamen, fateor, in mentem, *Arsenicum* esse, qui transmissus fuerat, *pulverem*: Præjudicio qualicunque, quod de *statione*, & *fastu* reliquo hujus venditoris, habebam, in has cogitationes non proclivi.

Accidit interea, & tempore non ita longo post, cum *Jenam* profectus essem, ibique primitus memoratum Amicum alloquerer, sermone ad varia devoluto, mentionem *Specifici* illius injicerem, & quid vel de *efficacia* ejus, vel de ipsa *Essentia* ipsius, hætenus deprehendisset, interrogarem.

Ibi ille subridens, *efficaciam* quidem satis *certam* esse, sed non vacare undiquaque *incommodis*, respondebat. Ante omnia, subsequi usum ejus *ingentem angustiam* non æque, quam *anxietatem* ut cœ-  
lum

lum & terram sibi incumbere, quod vulgo loquuntur, Patientes opinentur: Alios *horribili vomitu, & conatu vomendi*, exerceri. *Certius* fere, una sæpe dosi, pelli febrem, ubi *angustia* illa sequuta fuerit.

Substantiam ipsam quod concernat, pervenisse se denique, in ejus notitiam; Ubi interposita Historia variorum experimentorum, ad imitationem effectuum antedictorum, institutorum, dubitare visus, an proferre deberet non probatam sibi artem, interpellatus tamen de veritate non dissimulanda, nihil aliud esse fatetur, quam *Arsenicum album*.

Jam aperta erat tota scena. Ego simulatque domum deveneram, contemplatus *pulverem illum album, pondus, consistentiam subnitidam, odorem & volatilitatem super prunis, penetrationem & dealbationem*, cum inter duas *lamellas politas cupreas*, luto extus involutas, leni incandescentiæ committitur, denique *pestem & stragem muscarum*, quæ de Cerevisia, in qua momentum hujus ebullierat, biberant, omnia in aprico, & consona vero deprehendebam.

Nominaverat interim Vir hic ipse optimus, unum adhuc alterumve *Medicum Practicum*, juvenes quidem illos, & *miraculis* talibus, vel *nummos*, vel *famam*, utrumque ambientes; Simulque de vulgato jamtum ejus abusu, inter *tonsores, balneatores, & similes homines*, retulerat.

Unde ipsemet harum rerum attentior factus, comperi utique perquisitione curiosiore, latius quam credidissem, serpere hoc *flagitium*, & hinc inde esse, qui nequitia hac abutantur. Interim tamen manifeste satis intellexi, *latiorem stragem* neminem facile, hoc veneno dedisse, quam dictus ille primarius hujus institutor, utpote qui plane *Catonis* illud implens, *grandi mercede* hoc ipsum faceret, *ut fides sit ipsi*: Simul vero tacite veneratus sum *Divinam justitiam*, quæ hunc virum in illas domos immisit, ubi *clades, & spissa deinceps funera* edi, in fati erat.



CAPUT QUARTUM.  
ARSENICUM VENENUM.

**A**Ntiquum satis est: *Ars non habet osorem, nisi ignorantem.* Sed *anceps* est in varias interpretationes parœmia, prout quisque in suum emolumentum, propositiones ejusmodi torquere gestit.

Novi sane, nec mihi de fore censores, nequisfimi hujus *Arsenicalis* artificii *Zelotypos*, qui osorem me pulcherrimæ suæ artis, ex ignorantia esse, causaturi sint: At ego ille sum, qui ipsis contrarium demonstrare, qualibet hora paratus sum.

Missis vero illis, applicationem potius hujus dictæ commo-  
dissime facere me posse arbitror, ad persecutores illos discipli-  
narum *Philosophicarum*, qui proscriptis conceptibus *generalibus*, tum  
ad exprimendum conceptum suum, tum ad formandum illum,  
distinctum inepti sunt.

Derisui merito sim, si in *Hypothesi*, in certis *concretis*, certis  
*subjectis*, sive *Physicis* præcipue solos *terminos Philosophicos*, ponendos,  
& tenendos esse, contendam: Sed haud minus ridiculos fore faci-  
le docuerim, qui tale quid mendaci calumnia imputare mihi gesti-  
unt: Cum satis liquido demonstrare valeam, quod ego *Res*, ve-  
ras, certas, *solidas*, tractem & statuminem, de suis viderint  
ipsi.

Hoc vero dico, non vocabulorum, sed *efficacie* & ordinis *cau-  
sarum*, neglectioem, omnem parere *confusionem*, & magna sæ-  
pe nobis visa *Inventa* Scholasticis adolescentibus ridicula red-  
dere.

*Daturne Venenum?* Si affirmaveris, *Paleologismum* sapies:  
Nam qui ad recentissima *Inventa* sapiunt *negare* jubent. Nihil, in-  
quiunt, *in se venenosum* est; Sed quatenus *actiones Vitales*, & *organa*  
*Vitalia* corrumpit, ad pausam usque omnium, ut usui suo amplius  
inservire nequeant, *est Venenum*.

Dixeris forte, quid significat vero *vox* Veneni aliud, quam  
talem rem, quæ alteri, & in specie *Viventi* speciei, cito & constanter

*evertende, & motibus ejus vel summopere turbandis, vel universim, supprimendis, efficaciam suam exserit: Quin nemo omnium est, qui Venenum absolutum unquam fando supposuerit, rem nempe, quæ non aliirei noceat, quæ non in ordine ad aliud, respectu alterius, & quidem propter intimam, & gravissimam noxam, quam alteri affert, & repente ut plurimum, & modo specialissime nequaquam determinabili, &c: ita dicatur.*

Tu quidem recte quærere videris: Sed nescis, *umbras* con-  
ciendas esse, ut tanto facilior sit *Victoria*.

Imo vero cave; *Subtilior* subest distinctio, quam paulo circumspetiores sub hac quæstione tentant. Hoc volunt: *Deturne Agens*, toti *Oeconomiae Vitali* ita oppositum, ut illam quidem cito & funditus subvertere possit, neque tamen *Corporali* actione hoc agat, sed magis *abstractiva, morali, innominata* efficacia. Hoc negandum putant.

Dices, ita mutanda est *Formula Quæstionis*, & dicendum: *Aguntne Venena Corporalia tantum Mechanica* ratione, in *Corpus* solum immediate: An vero magis immediate in *Motus* in Corpore, fieri solitos? Nascuntur turbæ illæ insignes, *repentinæ, summæ, Motuum Vitalium*, immediate à *Veneno* aut *per Venenum*, *Physico-Mechanice*: An vero propter *Venenum, morali* effectū. Turbantur *Motus* hi, à *presenti* tanta actione *Veneni*: An vero tantum propter *imminentes, & invalituras*, ejusdem noxas? Suntne pura *passiva* turbatio à *Veneno* profecta: An vero plurimum *activa intensio*, & intenta *directio* eorundem *Motuum*, ad *excitandum Venenum*, ne penitus peragere nocumentum suum possit.

Adeoque absurde interrogabitur: *An detur Venenum*; Cum de *modo* tantum agendi sit dubium: Illius nempe, quod *dari*, quod *agere*, utique in confesso sit.

Hæc quidem si ipsis ingeres, Benevole Lector, nihil ages. Clamabunt se obrui *Metaphysica*, has esse *tricas Philosophicas Aristotelicas*. *Non dari Venenum*. Sed tantum quatenus particulae *acuminatæ, cuspidatæ, hamatæ, ramosæ*, talem figuram habeant, qua *poris Corporis* partium *tenerrimarum* non quadrent, sed eos *obstruant*,  
LII sequi



sequi irregularem Motum, & mox penitus, *stasin*, *fluidi nervei*: Da steht der ganze *Brainwender* glatt stille.

At illi quidem habeant sibi dulces suas fabellas, & vel *Cardui Spherocephali hispiditatem* particulis talibus assignent, modo in eo consentiant, quod illæ *res*, quæ ita *cito & potenter* subsistentiam hanc & *sufflammationem motuum* inducunt, & post hanc etiam *præcipiti Corruptioni* atque putredini totam *Mixtionem Corporis* obnoxiam reddunt, *dentur*: Quod *præsentissime* & *efficacissime* hunc effectum edant: Quod difficillimum sit, ipsis in solidum *resistere*, aut *invalescentem* jam præcipue, ipsorum noxam, in solidum *restituere*: Quod præprimis summa illa dejectio *virium & languor* velut *inconsolabilis*, post crassiores effectus aliquos coercitos superstes, sit aliquid summe *pertinax*, & fere multis medicationibus *renitens*: Quod, quam præcipitia sunt de facilitate talia percurandi promissa, & nugaces *pollucitationes*, tam vana & rara sit eorundem *Veritas* & effectus.

His si consenserint, fas utique ipsis esto, novum *vocabulum* fingere, si *Venenum* appellare, grave, & nimis antiquarium videatur.

Atat, quantumcunque inepta & jocularia hæc videri possint, vide quam ingens & fonticum nocumentum post se trahant.

Vix *Arsenici*, *Cobalti*, *Sublimati*, &c. usum damnaveris, cum fanatici *Barbisonorum*, & *Bulneatorum* *perfugæ*, imo jam usque *mulieres*, obloquentur: *At non datur Venenum*.

Ita statim transumptione facta, quod non *absolute*, & tota sua substantia, *Nature contraria* putentur, prosequuntur; *Posse* utique *adhiberi*; *Esse generosa*, *fortia*, *penetrantia*: *Dosin* saltem moderatam adhibendam, &c.

Neque vero hoc isti tantum: Sed quotquot inter præcoces *Medicinæ* aggressores sunt, qui unum vel alterum annum in *Academiis* vixerunt, eumque illustribus hujusmodi *nugis* obtriverunt, quando jam sibi & sui similibus, pulcherrimis artibus instructissimi visi, publica Autoritate & testimoniis, in capita & salutem hominum armantur: Quando *Praxin* aggressi, jam vere nihil inanibus illis *Phantasmatis* quibus sibi turget caput, analogum deprehendunt: Tunc præcipites ad *artificia* ejusmodi delapsi, *generosa* illa remedia, animi sui generositati paria, *Arsenicum*, *vomitoria*, *Antimonialia*,

*nialia, Mercurialia, Opium, Specifica Riverii* è talibus sibi confecta, Medicamenta *Benedicta Rulandina, Saccharum Saturni, Vitriolum crudum, &c.* quotidiano in abusu gestant atque gerunt: Et si à Viris bonis moneantur, cavere sibi & proximo, periculi plenum esse talium omnium præcipue minus circumspectum, abusum: Promptissimi illi sunt, illustri suo Canone: *At non datur Venenum.*

Quos quidem, si extra damnum proximi, & prostitutionem Artis Medicæ esset, cum indignatione explodere sufficeret. Sed cum hæc talia, pessima utique, confectaria, jam quotidie fœcundissimo proventu inde scaturiant, *gemitu*, magis quam *risu* digna esse, cuilibet bono viro videbuntur.

Ego quidem nunquam desinam, *corruptionem* studii & *Doctrina Medicæ*, & *confusionem* inde subnascentem circa *Pathologiam* & *Praxin*, pro *Scientia* & *conscientia*, inclamare; bonos animos à *nugis* in studio nostro serio dehortari. Quod quidem mihi, *Theoria Medica* Professionem sortito, ex conscientia incumbere, erga omnes mea instructione utentes, arbitror; imo, in genere, *Veritati* testimonium perhibere, *nugas, somnia, vanas jactationes, & mendaces pollicitationes*, obturbare, retundere, refellere, *boni viri*, officium reor: Ad quæ omnia, quamdiu *sanitatem, vitam, occasionem* surrogabit *Altissimus*, virium facultas confido erit, animus etiam supererit.

Verum itaque, & nimium quam certum & compertum est, dari Materias, quæ in *Corpus Animale* insinuatae, non modo *structuram* ejus, sed ipsam penitus *Mixtionem* ipsius, *intime & presentissime* subvertant.

Cum vero propter *Mixtionis* præcipue, perennem *conservationem* (ne in *corruptionem*, in quam *summe proclivis* est, ruat; ) tota illa *incessabilis continuïtas motuum Vitalium, Pulsus, Toni, Respirationis, Secretionum, Excretionum*, perpetretur.

Mirum non est, si *præsente* ejusmodi corruptiva materia, *Motuum* horum *turbæ enormes*, imo *invalescente* corruptionis actu, desperabunda *omissio*, consequantur.

Spectamus fane hoc ipsum, in *corruptione* illa *nuda & simplici, putredine pura*, in Corporis aliqua parte, & quidem in ipsa talis partis *substantia*, coorta, quem *Sphacelum* appellamus: Cui acciden-



tia eadem, quæ *venenis* ita dictis, intra Corpus admissis, obtingere, *pulsus mutationes, angustias, anxietates, lipothymias, virium repentinam & summam dejectionem, mortem* satis properam, quis nescit?

Et hoc quidem, si *corruptio* hujusmodi in parte etiam *exteriore*, a tenerioribus *remota*, orta fuerit; Imo, quod summe notabile est, in tali parte, quæ salva undiquaque *Vita*, a toto Corpore *refecari & auferri* possit: Et quod maximopere observandum, in parte, quæ puris *animalibus motibus* dicata censetur, nullam tamen *animalium motuum* anomalam, *Convulsiones*, sed statim immediate, ipsius *mortem, sensus, motus, structuræ, Mixtionis, cessationem* inducit.

Ubi longe dispari efficacia, si in *interioribus, tenerioribus, Vitali* negotio magis directe dicatis, partibus, oboriatur *Sphacelus*, non minus præsentanee consequuntur omnes illæ *passiones*, quæ *Venenis* etiam assumtis accidunt, quam si revera ipsa talia actu assumpta fuissent.

Neque vero hoc tantum, sed sufficit ad *mortem* cum gravissimis hisce Symptomatibus inducendam, ut *instet* tantum corruptio, nequaquam adhuc facta. Dilucescit hoc abunde è *vulneribus Ventriculi & Intestinorum*, è quibus fere ordinarie patientes paucis diebus pereunt, antequam actualis *Sphacelatio*, imo vix *suppuratio*, iisdem accidisse appareat.

Idem fere contingit etiam, in *Venenorum efficacia*, præcipue *mineralium*; Utpote quæ *subtili corrosione*, imo potius *colliquatione, putredinis* veluti effectum positive inducere videntur; Unde fere *Græcis* illa *erosio*, quæ per talia partibus Corporis inducitur, σήψις appellatur, à σήπω, *putrefacio*, in *tabum* corrumpo; Unde & σήψ, serpentis genus, a cujus morfu partes in *tabum* diffuunt, de quo *Lucanus*: *Ossaque dissolvens cum Corpore tabificus Sepes*.

Interim sicuti efficacia horum est admodum diversa, dum alia satis languide, neque in distans valde hoc faciunt, ut crassiora *Cupri* apospasmata, imo ipsum fere *Vitriolum* adhuc *Veneris*: Ita tenuiora & teneriora, & præsentissime & diffusissime hoc perficiunt.

Ex his est profecto Princeps facile ipsum *Arsenicum*. Principaliter quidem ipsum *fossile*, seu *Cobaltum*: Haud vero valde sensibili

sibili differentia ipsum etiam *Arsenicum*, inde sublimatum: Cujus *Sublimationis e minera sua*, solennem modum, loculentissime delineatum habes, in *Kunkelii Arte Vitraria*.

Quamvis enim *Mercurius Sublimatus* quoque, non multum his cedat; Revera tamen succurritur non modo *facilius* ipsius noxæ, vel per nudam & simplicem *diluti lixivii alcalici* largiorem haustum: Sed sunt etiam ipsæ inde subnatæ noxæ, si non prorsus extinxerint vitam, paulisper veluti *tolerabilioris* genii, utpote quæ magis ad *Spasmodicos & contractorios* effectus terminentur: Cum *Arsenici* residuæ labes, fere ad *inconsolabiles virium*, & Corporis, & ipsius animi, *dejectiones*, & non tam *tabidam* consumptionem, quam *a priori*, *atrophicam* desertionem structuræ corporis, & restorationis ipsius sanguinis, sensim sensimque progrediantur.

Certe de effectibus *Arsenici* hujusmodi, facile posset longus texti Catalogus, sed displicet Autorum Celeberrimorum verba prolixius exscribere: Legantur solum quæ de noxis ejusdem recensent *Schenkius obs. Medic. p. 845*. Ubi multa exempla recenset eorum, qui ab usu, etiam *externo* solum, ejusdem in gravissima penitus symptomata, imo ipsam *mortem*, miserabiliter prolapsi sunt. Experientissimus ille *Medico-Chirurgus*, *Fabricius Hildanus*, quam solícite ab ejus usu dehortetur *Practicos*, etiam *externo* solum, legere licet in *Opp. ejus p. 777. sive libell. de Gangr. & Sphacelo, Cap. 5*. Ubi ab ejus applicatione ad *ulcus pedis*, *animi deliquia*, *syncope*, *febris*, *deliria*, *inquietudo anxia*, evenisse vidit, licet vix *grani unius* pondus adhibitum fuisset. *Sennertus L. 6. Prax. P. 5. c. 2. p. 255. & 256.* similes eventus ab *Arsenico* introrsum sumto annotat. Quibus conferri potest *Salmuth. Cent. 2. obs. 40.* Ubi 14. personæ, e pulvere *arsenici* perierunt. Nec non ejusd. *Centur. obs. 96. & Cent. 3. obs. 88.* *Forestus, lib. 30. obs. Medic. obs. 5. & obs. 8. Amat. Lusitan, C. 2. Curat. 65.* De puero, qui ab usu *Gallina*, quæ *arsenico* comesto perierat, *tabe* correptus *annuo Spatio* interiit. Porro idem *Forestus lib. 18. obs. 28.* ubi familia propemodum integra, de *Vino*, per *injectionem arsenici* intoxicato, bibens, successive enecta fuit, & *Lib. 21. obs. 23.* Quibus omnibus jungi meretur *Etmiüll. Dissert. de Chirurgia Infusoria. C. 1. §. 4.* Et de dolore *Hypochondriaco*, p. 18. Ut plures alios taceamus.



Interim sub his tamen omnibus, dissimulare non decet, quod fere & allata hæc, & alia exempla innuere videantur, quod *Arsenici* usus, quo magis immediate in *humores* Corporis insinuat, etiam valde *exigua dosi*, eo magis præsentaneas noxas inferat: Cum in *Ventriculum* assumptum, parva admodum quantitate, non adeo *præsentaneos*, sed fere magis *longinquos*, mortiferos effectus edat, ut tanto magis confirmat cum allata ab *Amato* observatio, tum illæ quæ in Scholio ad *observ. 8. lib. 30. Foresti* habentur.

Quod ipsum tamen licet in tantum verum sit, haud paulo tamen pejus est, in eo, quod indetum *imprudencia* offendiculum existat, quasi penitus non mortiferum sit hoc venenum: Tum *malitiæ* subterfugium, ut, dum languidis effectibus ad scopum pervenit, qui Mortem propinarunt, extra suspicionem interim sese expediant.

Sunt vero effectus, quos *Arsenicum*, præcipue aliqua insigni *dosi* sumtum, inducit, partim, *communes* reliquis quoque Venenis, partim magis *proprii* quasi, & ipsi peculiare.

De priorum numero, sunt *anxietates*, *lipothymia*, *Virium summa* & *præceps dijectio*, *mentis stupor* & *delirium*, *motus convulsivi*, *Paralytodes* motuum sufflaminationes, *ardor* & *erosio faucium*, *sitis*, *febris*, *Vomit*, *tormina* &c.

De posterioribus est, *Stomachi* non æque insignis (manifesta vero fere *Intestinorum tenuiorum*) *erosio*, sed partialis *extenuatio*, ita ut vix *folium papaveris* crassitie superare, in variis spatiis deprehendatur, *Conf. Salm. C. 1, obs. 10.* (ubi simul in mentem venit notabilis illa historia a *Salzmanno* *Obs. Annal. p. 57.* & præcipue 59. observata, ex usu *Mercurii vitæ*, *Arsenicalis* indolis: ) *Wepfer. de Cicuta Aquatica*, p. 188. Et exhibuit hujusmodi eximiam teneritudinem, etiam *Cadaveris personæ Illustris*, de quo supra, *Ventriculus*.

Deinde accidit fere in *Viris*, *specialissima* repentina *Sphacelatio*, & post mortem præceps putredo, in genitalibus: Quale quid equidem *Salmuth. l. alleg.* deprehensum consignavit; Mihi vero parile quid, exemplis duobus notum est: Uno quidem præteriti anni mense *Junio*, ad Facultatem nostram transmissum, e *Præfectura Zyllii*, ubi foemina maritum suum *Arsenico* interemerat, cujus genitalia pari modo

do plane *denigrata* reperta fuerunt. Altero vero, 'quod apud *Nobilem* quendam, cujus nomini parco evenit, qui persuasione, vel decepti, vel deceptoris, cujusdam, ex *Arsenico* Arcana Chrysopœica venabatur, & pinsitationibus hujus veneni, *mercenarium* adhibere ceperat. Hic, cum quadam vespere, sive fessus, sive languidus, in conclave amanuensis, (qui illa die *Islebiam* profectus aberat, ibique per aliquot dies morari cogeatur) sese proripuisse, & janua post sese adduxisset, sequente die cœpit desiderari: Neque vero illa, neque secuta tertia repertus, cum scriba rediisset, & cubiculum forte ingrederetur, jacere aliquid in lecto suo (stratum vero lectum reliquerat abiens) conspicit. Agnoscit mox monstruosam, humanæ tamen speciei, faciem nigram; Convocatis domesticis, relecto lecto, jacet *cadaver mercenarii* totum *lividum, nigrum fœtidissimum*, præcipue vero *membrum virile, extensum, turgidissime inflatum, & penitus nigrum*.

De *longinquioribus* hujus generis noxis à *Veneno Arsenici* assumpto, possunt legi exempla, ap. *Forest.* tum *lib. 30. obs. 8.* in *Scholio*, ubi de *Monacha* quadam habet, quæ ex *Arsenico* in potu accepto, miseram deinceps vitam traxisse, cruribus tandem *resoluta* ad 10. annos quidem supervixisse, tandem tamen plane *consumpta* interiisse, narratur. Quorsum etiam pertinent *obs. lib. 18. n. 28. & lib. 21. n. 23.*

Item *Wepferus* de *Cicuta Aquatica*, Historia III. IV. & V. noxæ *Arsenici*, meminit puellæ, quæ per *triennium* post *Arsenici* assumptionem *tabida febre* cujus indolem nemo agnoscere potuit, anomala, tandem interiit.

Notus quoque est casus, ubi *Nobilis Virgo*, puella quoque eidem inserviens, & *famulus*, *Febre* laborantes, à *Pharmacopœo* à febre cito liberabantur; Sed haud multis diebus post, *Epilepsia* omnes corripiebantur: à qua quidem, *puella & famulus*, per *Vomitoria*, & nescio quæ alia satis drastica remedia, iterum curabantur: Sed *Virgo* misera, diu, & credo hodieum, malo huic (cum insigni *mentis alienatione*, diu post *Paroxysmum* continuante) obnoxia mansit. In quo negotio quid primo factum sit, haud quidem liquet, interim sane nec multa suspitione carent circumstantiæ.



CAPUT QUINTUM.  
ASSUEFACTIO VENENI NON TOL-  
LIT VENENOSITATEM.

**N**on lubens hîc speculor ; Interim in re non admodum hîc locorum ignota, nihil diffimulare placet. Memoratur hîc *Halis* vixisse ante hos duos vel tres annos certus quidam extraneus, qui *Arsenici* vel ad *drachmam semis* sine omni noxa assumserit: Neque *raro* illud quidem, sed præ sese tulerit, quasi male haberet, si admodum diu nihil *Arsenici* usurparet.

Non habui occasionem hominem compellendi, neque vero magnopere id desiderasse, negare non possum; Cum nihil omnino improbabilis, multo minus incomprehensibilis, hîc agnoscam: Quin potius tales successus, pro stabilienda *Hypothesi* mea, commo-  
dissimas deprehendam.

Cum enim *mea sententia* ferat, quod gravissimæ illæ turbæ, quæ à *Venenis* in Corporis Oeconomia concitantur, non æque pure mechanice, à læsionis *actualis* gradu, dependeant; Sed magis ab ipsius *Agentis* in Corpore *perturbatione* & *trepida* atque *anxia perculsi-  
one*, & *imminentium* demum læsionum gravissimarum in *Organis*, metu, propullulent: Facile admitto, *assuesieri* hoc *Agens* posse, ut ad *presentiam* talis veneni, successu temporis minus *expavescat*.

Cujus quidem rei, ut manifestum exemplar est ipsum *opium*, quod *Orientales*, *copiose*, sine ullo insigni effectu assumere assuescunt; Neque multo dispar apud nos quoque ipse *Tabacus*, cujus paucissi-  
mus usus *insuetos* gravissime angit; *assuetos* vero copiosius etiam abusus, vix quicquam afficit: Ita varia *antiqua* & *obsoleta Psyllorum*, & *Marforum*, & similia monumenta in Scenam producere, tanto minus necessarium fuerit.

Neque adeo urget, si dicatur, quod *Arsenicum* utique tale sit Venenum, quod *Agens* illud, seu *Naturam Hominis*, imo *Animalis* in genere, non ita *immediate* seu mere *Idealiter*, ut loquuntur, pertur-  
bet; Sed per *organorum* gravissimam læsionem, per *partium* teneri-  
ma-

rimarum *erosionem*, effectum suum absolvat: Adeoque si maxime *Natura trepidationis* suæ *oblivisci* posset, damnum tamen *actuale*, quod in *nobilium* suorum organorum dissolutione patitur, non posse penitus dissimulare.

Suppetit enim ad hæc *triplex* sane, nec insufficiens, responsio. *Primo* enim, quod *Septicorum* efficacia, plurimum dependeat à *concurso* & affusione *Humorum*, demonstrant Corpora *mortua*, in quibus neque *Vesicatoria*, neque ipsa *Septica* ullam efficaciam habent: At vero plurimum hoc dependere à *structura* harum partium emortuali, qua *Humorum* accessus abolitus est, fatis clarum esse censemus.

Jam, cur non æque facile *Natura*, multo exercitio ad hoc *Consilium* deducta, possit ipsos quoque *Ventriculi* & *Intestinorum* tunicas, oblato veneno ita *densare*, ut *insinuatio* & *penetratio* talis corrosiva, locum non inveniat?

Aut, *secundo*, cum omnium talium *septicorum* activitatem, *mucus* tenacior spissior, plurimum remoretur, & *obvolvendo* veluti intercipiat; *Intestinorum* vero usus *secundarius*, ordinarie quoque ille sit, quod recrementa *Massæ* *Sanguineæ mucosa*, cum *scybalis*, è corpore exprimere debeant: Quid vetat, quo minus in tali casu. *Natura*, etiam abundantius congestionem hanc *muci spissioris* ad has partes congerat, eoque ipso efficaciam præcipitem hujus corrosivi sufflaminet?

Denique vero, *Tertio*, si tandem subtilissima illa extispicia *Anatomica*, non solam *memoriam*, sed *judicium* præcipue, in hac quoque parte instruerent!

Quis enim quæso! oculis unquam pervidere, aut ulla verisimili suspicione colorare valet, quod *Ventriculus* in *materiali structura sua*, & partibus ipsum *constituentibus*, quidquam differat à *Colo* & *Recto* *Intestinis*? At vero quis nescit, horum *intestinorum erosiones*, præcipue vero *Recti*, sæpe satis contingere, ante omnia vero in *Dysenterijs*, nullo tamen adeo repentino deleterio effectu.

Quid vero loquor de *Intestinis*? *Ventriculi* ipsius *vulnera*, *ulcera*, *tumores* *scirrhosos*, quot non offendimus, partim apud *Autores* varios, partim in celebribus illis exemplis, *Cultrivororum*, *Bo-*



*rusfici, Pragensis, & Halensis, per Sectionem curatorum: Quibus accendere fas est, apertum, a Vulnere, ultra undecim annos servatum Venterculum, sine ulla patientis noxa, quæ historia Decur. II. Ann. V. Actor. Nat. Curios. Obs. I. commemoratur.*

Ubi quidem, sicut iterum atque iterum moneo, & animadversione omni dignissimum esse duco, quod nequaquam *Organicæ structuræ* immediata violatio, adeo insignes turbas post sese trahat; sed ipsa demum *Mixtionis* intimior corruptio, & quidem tunc demum, quando proxime ad *putredinosam* corruptelam accedit.

Ita in *venenorum* hujusmodi actione, cum hoc maxime eveniat, noscuntur indidem *repentinæ* istæ perturbationes *Motuum*; & quidem, ut ego interpretor, ipsius *τῆς* *Moventis*; cujus intentio hic confunditur; ut cum alias *placide* & *successive* restaurare assueverit, neque adeo præcipites *corruptiones* pati, easque celerrime restituere, assuefactum sit, objecto ex improvviso tam insigni & operoso negotio, *trepidat* circa hoc negotium, & sub hac *anxietate*, *Motus* quoque quibus præest, *trepide* & *turbulenter* administrat.

At vero si *successive*, *paucis*, & *repetitis* aliquoties, ejusmodi tentaminibus, sensim assuefiat, nullam videmus difficultatem, quin *restorationem* illam, & optime perficere possit, & ipsam *corruptionem* non adeo nimiam, aut *repentinam*, minus *trepide* perferre.

Tanto magis, cum istæ assumptiones in *majori quantitate*, nunquam in sola hac efficacia arrodendi & corrumpendi subsistant; sed bona, imo sine dubio *maxima* pars assumpti, tum per *Vomitum*, tum per *secessum* expellatur, antequam illum *corruptivum* effectum, libere absolvere & edere possit.

Et hæc quidem omnia, uti satis probabilia, imo *clara* arbitror, ita superest *Naturæ* etiam *extraordinaria* illa activitas, aliis *viis* & *modis*, *venena* talia, nunc & tunc, subjugandi aut expellendi.

Exemplum dabo in *Butyro Antimonii*, quod utut valde *corrosivum* ex parte *acidi Salis* concentrati, *Septicum* vero ex parte *Antimonialis* portionis, existat; Præterea ad *evaporationem* seu halituosam expulsionem è Corpore, ratione fixitatis suæ ad temperatum humidum calorem, ineptum videatur: Ante omnia vero, *directa*, & per *lineas* velut, excretio è pulmonibus, ad superficiem externam & *cutim*

*cutim pectoris*, utique nulli Anatomico-mechanicæ habitudini conformis sit:

Novi nihilominus *duo* vera exempla, ubi personæ vaporem *Butyri Antimonii*, temere & impetuosissime in laboratorio effumantis, ignari copiose hauserant, animadverso vero damno, & accedentibus *suffocativi Asthmatis* periculis, assumptis contra *Venenum* ex hypothesi *Theriacalibus*, & adhibito insuper *regimine* Diaphoretico, *efflorescentiam* copiosarum *macularum* rubrarum in superficie pectoris experti sunt, cum subsecuto præsentaneo reliquorum *Symptomatum* levamine, imo matura cessatione.

Ex quibus omnibus non video, quid à *Natura* successive *adsueta*, aliquali tolerantia, aut *vegetiore* ad *excutiendum*, aut *resarciendum*, assuefactione, planè *singulari*, & multis adhuc difficultatibus *historicis* involuta, inferri valeat, ad statum humani *Corporis*, aut *Naturæ Agentis*, *ordinarium*, nihil in talibus *exercitatum*, imo nunquam *indifferenter* (in quibusvis *temperamentis*, *atibus*, *animique* & *Corporis* vicissitudinibus) ad hujusmodi *consuetudines* adducendum.

Unde potius revera, *ordinarie*, in *Corporis* statu solito, *Arsenici* aliorumque *Venenorum* efficacia, est gravissima, *deleteria*, & per repentinas efficaces *corruptiones*, a priori *Naturæ actionum* funditus perturbatoria. Non aliter, quam super *funem* in altis locis extensum inambulare ordinarie omni homini in periculosum lapsum & casum cedit: Licet longa *exercitatione* & assuetudine, hoc ipsum unus & alter addiscat, qui neque *timori*, neque *vertigini*, neque reliquæ *Corporis* notabili *asymmetriæ*, obnoxius fuerit.

## CAPUT SEXTUM.

### ARSENICUM CVRAT FEBRIM, UT VENENUM.

**D**ifficillimus sane, & molestissimus penitus, est labor, monstribus hominum, *rationem* non exercentibus, imo ne quidem *audientibus* vel *admittentibus*, *ratione* & *demonstratione* aliquid per-



suadere : Proxima huic difficultas, *nolentibus, dissimulantibus, negligenteribus, preoccupatis, levibus, & superficialiis* animis, aliquid statuminare : Minus paulo, in se tamen non exiguum conamen, quiddam quod *novum* videatur, *solertibus* etiam & *attentis* commendare, si alias *novitates receptas*, antiquare videatur : Præcipue si hæ faciles & in proclivi positæ, illud vero operosius, & conceptui difficilius, primo intuitu appareant.

*Primæ* dictorum Classi vix persuadetur, aliquid, quod ullo modo, quantumcunque *accidentali*, bonus effectus sequitur, *directe*, & *in se*, adeo malum esse posse. Unde in nostro quidem negotio, *Venenum* esse, & *Febrem* restinguere, nullo modo compatibilia ipsis videntur.

Plerique adeo bruti & irrationales sunt, ut, potius quam levi molestia, sine ullo eximio *periculo*, implicari aliquandiu velint, præsentaneo *periculo* spem liberationis periclitari malint, & mendacibus *excusationibus* non modo pronas aures præbeant, verum etiam ipsimet, ad colorandos malos hujusmodi eventus, propensi & studiosi existant.

Quantumvis enim vix unus è *centum* temerariis hujusmodi, ex animo loquatur, quod omni momento in ore habent : *Malle se maturam mortem, quam languidam vitam*. Ita cum tamen, unum & alterum, citra insigne præsentaneum damnum evadere cernunt, hac ipsa spe tacite erecti, tanto protervius temerariam hanc optionem jactitare audiuntur.

*Secundi* census Homines, maxime fere per *impatientiam* & *invidiam* resistunt, tum cognitioni tum agnitioni veritatis, & nisi ἀπὸ μυχῶνs repentinis demonstrationibus attoniti redditi, non cedunt facile.

Quidam tamen illorum illud, ad universam rem, bonitatis adhuc habent, ut si *aliud* quasi *agendo*, repetitis occasionibus, ipsis non æque *directe*, sed quasi per transennam auscultantibus, res aliqua proponatur, exponatur, elucidetur, vinci finant pertinaciam suam ; Et quod antea obstrependo rejecerant, postmodum ipsimet amplectantur & divulgent.

In qua quidem re eximium id prorsus est, quod hac ratione *Veritas* tandem promoveatur; Licet de cætero *duplex* utique adhuc subfit molestia: *Primo*, quod tales nihil horum ab alio accepisse videri velint, atque ut hoc tanto magis obtineant, *invidia & obrectatione* prosequantur, per quos profecerunt: *Secundo*, quod frequentissime præmature, & antequam penitus rem imbiberunt, confuso conceptu, aut versicoloribus additamentis inquinatam, effutiant; Et dum omnem admonitionem, sub odioso *informationis* nomine, abhorrent, tanto diutius in luto hæreant, aut novis somniis impliciti, ad luculentam totius rei cognitionem, plane non pertingant.

*Tertia* difficultas, hodie certe, & apud plerosque *Medicum* studium tractantes, est communissima. *Novaturiunt* omnes, & nihil nisi *lusus* atque *fabellas* amant. *Demonstrationes*, per experimenta *generalissima*, & crassissima, & suppositiones *specialissimas* & tenuissimas, quærunt & ferunt; Quæ tamen undique & undique, paululum mutatis loquendi formulis ad hanc summam redeunt: I. *Est machina*: II. Habet (*sine dubio*) certam *proportionem* ad effectum, qui per ipsam editur, quamvis *determinari*, & per *lineas* describi hæc *proportio*, seu *figura*, *magnitudo*, imo sæpe crassior *constructio*, non possit: III. Habet *certum Motum*, à Deo ita *injunctum*.

Jam ab omni quidem ævo, *plebs* ipsa, & hodieque ipsi *rustici*, hoc loquuntur, quod hæc omnia *indolem* suam ita habeant. *Es* habet seinc *Arthys*; Quod effatum, quoad rem ipsam, plane coincidit cum propositione, quod *Deus Motum certum* rebus *indiderit*: Sed quid ad notitiam *certam* hæc suppositiones faciant, jugiter palam est.

Unde tota res denique eo recidit, ut à *posteriori*, *Historicam* observationem hujusmodi *Motuum*, circumspectissime, & diligentissime, conquirere oporteat, & hoc fere unicum sit illud, quod *vere* & *certo* assequi liceat: De modo vero *sciendi*, in generalibus illis *suppositionibus* manendum hos *motus* fieri quidem ita *mechanice*, per *mechanicam* Corporis structuræ aptitudinem: Sed *quantitatem* & *proportionem Motus*, à *voluntate Dei* determinatam esse.

In qua quidem *Hypothesi* quidnam prærogativæ, præ supradicta plebis *Philosophia*, insit, jam quidem excutere, ut extra propositum est; Ita ad nostrum scopum, hoc solum ad dicta applicamus,



quod, ut aliarum rerum, ita *Februm* quoque, *scientifica* notitia, in obscuro adhuc hodieque hæreat.

Unde, licet aliquid de his moneatur & tradatur, alibi *novitatis* nomine suspectum est, sed magis fere propterea quod alias *Novitates* damnet: Alibi per *fastum* & *ambitum* supprimitur, ne quis alius utilia præcepisse videatur, præter, imo contra ea, quæ nobis placuerunt: Interim, qui vel crasso bruto modo, sine ratione & consideratione, artem aggressi, in eadem grassantur, vel ipsi *Patientes*, qui affectibus ejusmodi molestantur, ruunt in omnis generis *Experimenta* & tentamina, nihil solliciti, an revera juvent, an vero solum pallient affectum, aut è tolerabiliore in pertinaciorē transforment, aut cum insigni periculo, leviorē forte, neque valde periculosum affectum, ancipiti molimine aggrediantur.

*Febres* certe, cum in *Sanguinis depuratione*, aut *consumptione* seu *resolutoria imminutione*, aut *visceris* alicujus *Vitalis*, per *sanguinem* diligenti *abstersione*, aut *Inflammationum* grandiorum, per *Sanguinem*, *discussione*, versentur;

Omnes vero hos scopos, *Motu*, & quidem *proportionato*, & *sollicito*, absolvere debeant.

Et quidem per *Secretiones* varias, & *Excretiones*, per *organa Secretoria* & *Excretoria Ordinaria*.

*Motus* vero hos omnes, *ordinarie* dirigat & moderetur ipsa *Natura*, seu *Anima*.

Per hæc omnia, fiunt frequentissime & *Productiones Februm*, & *Febrilium motuum Patheticæ*, sive ab *animi motibus* dependentes.

Ita enim non modo *Tertianam*, à *nausea* importuna sæpe subnasci, vulgo notum est; Sed ad *contagiosorum* quoque morborum *transsumptionem*, aut contra *immunitatem*, quantum faciat animus metu trepidus, aut contra eodem *vacuus*, haud multo minus cognitum est: Unde quidem in ipsorum talium morborum, & *pestis* ipsius, periculo, *Vinipotus*, magis ad animi *hilaritatem*, quam medicam corporalem efficaciam, proportionatus, revera hîc quoque utilis deprehenditur.

Imo vero, ad præfocandas leviores febriles commotiones, quid possint *Animi pathemata*, compertum satis est, dum & *Terror* repen-

repentinus, & *anxia* sollicitudo, ad activum aliquod negotium, ob-  
jecta sæpenumero *Tertianam* febrem curare, observantur: In o-  
mnibus vero aliis quoque, sicut ad *deteriorationem*, *anxia* pathema-  
ta animi, ita ad *meliorationem* & sublevationem, *placidiora* & *blanda*  
animi molimina, mirum quantum contribuunt.

Et inde maxime deduco efficaciam *Antifebrilem adstringentium*,  
*in febribus intermittentibus*, *pacatioribus*, & magis velut *otiosis*, diu an-  
te *Paroxysmum* exhibitorum.

Cum enim totus scopus *Febris*, adeoque & *Paroxysmi*, ad *Secre-  
tionem*, & *Excretionem* aliquam, tendat; Ad hujus vero successum,  
opus utique sit patula *permeabilitate* viscerum, *Secretionibus* præcipu-  
is dicatorum: Hæc autem permeabilitas, per *adstringentium* intem-  
pestivum usum, præoccupetur, & notabiliter intercipiatur:

Non succedente ita *eventu*, omittitur universum *molimen*, adeo-  
que omittitur *commotio* seu *Paroxysmus*. Aut contra, & si non *pla-  
cida* & *otiosa* fuerit *Febris*, exardescit tanto *maiore* impetu, & *violen-  
tis* commotionibus perrumpere molitur; Unde *anxii*, *gravissimi*,  
*erratici* *paroxysmi*: Imo non raro è *Febre intermittente*, *acuta conti-  
nua*, & frequentissime cum *inflammatione interna viscerum* con-  
iuncta.

Quemadmodum vero hæc ipsa *Februm* præoccupatio, fit à  
posteriori, *Organorum* interceptione, & usus eorundem *secretorii* im-  
minutione; Ita à priori utique fit, *Naturæ* interturbatione, illa cessa-  
tio, quando in *placidum*, & velut *otiosum* ejus *molimen*, repentina  
*anxia avocatio* & distractio ipsius, immittitur, ut ita *propositi* sui præ-  
sentis obliviscatur, imo ne in posterum quidem, id ipsum amplius  
suscipere audeat.

Incidit hic monere, quod ipsius *Chinæ*, & aliorum quoque  
*Febrifugorum*, usus, in ejusmodi *placidioribus*, proinde & *otiosioribus*,  
*Febrilibus* Motibus, efficaciam suam præcipue exserat; Et, ubi mi-  
nus *sollicite*, minus *impetuose*, *Febris* decurrit, ibi maxime locum  
inveniat: In *vebementioribus* vero, aut *sollicite*, assidue, *anxie*, in-  
stitutis *Febrilibus commotionibus*, vix unquam sine subsequen-  
tibus *gravibus turbis*, & *anomalis concussionibus*, propinetur.

Quanto itaque *Natura*, in *Tertiana*, aut *Quartana* *Febre*, cir-



*caprimas vias*, molimina *secretoria* & *Excretoria* agitat; Et quidem (vel ex *materiæ paucitate* aut *benignitate*: Vel ex ipsius *materiæ* aliquajam tum facta *consumptione*) non admodum impetuose amplius, aut *anxie* & sollicitè hoc agit, sed moderate, & veluti *otiose*: Ibi mirum non est, quod si ipsi repente aliquid objiciatur, quod attentionem insignem exigat, imo quasi attonitam, aut *anxiam* ipsam reddat, quod tunc propositum hoc otiosius & placidius, omittat.

Neque id quidem in præsens tantum, sed penitus in *futurum* quoque.

Videmus utique hujus rei exempla quotidiana, quomodo ex enormi aliqua *perturbatione*, non modo *metus* in futurum, sed & *aversio*, ab illo eodem actu, remaneat.

Quid enim est aliud, *fastidium* certorum *ciborum* aut *potumum*, ex nimia eorundem ingurgitatione remanens, daß man sich an einer Speise oder Getränke so übernimmt/ daß man inständigste es nicht mehr sehen/ noch riechen kan.

Quid est aliud, quotidie occurrens illud fastidium, quod contra certum aliquem *potum*, aut *cibum*, sæpe in perpetuum remanet, si *medicamentum* aliquod summe *nauseosum*, aut *Vomitorium*, aut *purgans*, in tali vehiculo assumptum fuit.

Quid est aliud, quod infantes, quando sesquiannuæ, aut bimæ ætatis, & indolis aliquantis per capacis sunt, ut meminisse incipiant; Si aliquoties *virgula* propter *mictum in lectum* increpentur, deinceps vel clamore longo sollicitent, ut è lecto eximantur, si similis necessitas denuo, *in ipso somno*, ipsis occurrat.

Quorsum eodem pertinet, rusticum sane, sed verax satis Experimentum plebis, quo infantibus trimis vel ultra, sanis quoque de cætero; pocillationes *nocturnas* desuefaciunt, dum potus loco, aliquid de ipsius infantis *Urina* exhibent, quo quidem vix degustato, non in præsens modo, sed & diu in *futurum*, *nocturnos petus* fastidiunt.

Ex hoc itaque maxime fundamento, procedit *cessatio Ferris Tertianæ* (talís, qualem ad hos casus esse debere monuimus) a *repentino ingenti terrore morali*.

Veletiam, ab objecto *anxio* & sollicito *negotio* morali, super quo Febris suæ, etiam in externa *memoria* obliviscantur. Cujus quidem rei exempla, ut aliunde non pauca aut figillaria memini, ita in *proprio* meo corpore, ante hos 17. annos, id ipsum expertus sum.

Imo, ex hoc eodem fundamento, procedit *sublatio* Febris *Tertianæ*, ex objecto *gravissimo* & repentino terrore. *Vitali* ab *Arsenico*, tanquam gravi & *præsentaneo* veneno oblato.

Dum enim *Natura*, non tam noxiam, quam *molestam* solum rem, *cruditatem* aliquam *viscidam tenacem*, aut aliquid cum *nausea* deglutitum, & mora longiore in Ventriculo colliquatum, *emollire*, *dilucere*, & *emoliri* atque *evomere*, apparet; Hoc ipsum vero cum aliquo fastidio tractat, non vegete, non vehementer, sed *otiose*, & cum aliqua *tergiversatione*; Imo cum majori fere *indignatione*, quam *executione*.

In hac *otiosa indignatione* constitutæ Naturæ, si *Venenum*, obijciatur, *corruptio*, *mors*: An mirum hic est, *oblivisci* omnis languidi moliminis, omnium motuum, adversus leve quoddam *molestum*, ordinandorum & dirigendorum, & contra, longe aliud quid, contra præsentissimas noxas derepente oblata, & intentionem suam, & actiones, dirigere.

Haud sane arbitror, mirum id cuiquam appariturum. Sed neque illud velim, ut quisquam putet, quasi hæc mea tantum *Phantasia*, & otiosum commentum sit, quod nempe *Arsenicum*, per modum *terroris* inducti, hîc agat.

Minime gentium. Sed intellexi hoc ex ipso pessimi hujus Experimenti successu, & magis immediato effectû, suprajam notato.

Inducit enim *Venenum* hoc, contra *Febrem* datum, *anxietatem irrationalem* gravissimam, ut in *timorem* & *trepidationem* quasi *capitalem* agantur patientes, & quod vulgo dicunt, *universum mundum* sibi nimis *arctum* esse, metuant.

Et hæc ipsa *anxietas*, est fere *princeps*, & certissimum illud *Signum*, quod *Febris* ab egregio hoc medicamento *emanatura* sit; Et inde maxime argumentantur stolidi interpretes, quasi generosum



medicamentum cum morbo *certet*, ille vero fortiter *contranitendo*, *angustias* has in præcordiis causetur: *Es sträube sich mächtig.*

Alterum, sed minus certi fere eventus, signum, est *Vomitum* impetuosus ab ejus assumptione. Qui, nisi simpliciter ut *Vomitum*, veram *causam continentem*, in Ventriculo hujus vel illius Patientis jacentem, excretioni jamjam aptam, expellat, non emanet inde æque ipsa Febris, sed *redit*, & secundam aut tertiam dosin expectat.

Ex hac vero diversa, sed fortuita, operandi circumstantia, proficiscitur fraudulenta illa interpretatio, ut in illis quidem, ubi sola *anxietate*, patientem torquet, tanto magis credatur agere & pugnare contra rebellem morbi materiam: Quia in aliquibus, per actuale *Vomitum* aliquid educi videtur, quod pro illa materia, quam destruat egregium Pharmacum, explicatur. Unde excellentes illæ demonstrandi formulæ: *Es treibe bey manchen einen abscheulichen Schleim und Unflath / durch Erbrechen hinweg: Bey andern aber / dämpffe es solche Materie im Leib / ohne Ausgang: Jedoch sträube sich diese / und widerstehe hefftig / und gehe es also ohne mercklichen Streit nicht ab.* Cum tamen pessimum hoc remedium, & *Vomitum* magis absolute, provocet, & *anxietatem* illam, pariter ex propria sua culpa, Naturæ impingat.

Quæ omnia, ut mihi quidem clarissima & luculentæ plane certitudinis, sunt, qui scio, & quanta uspiam in *Physico-Medicis* rebus esse potest, ἀποδείξας, confirmatus sum: Quod Febres omnes, sint intensiones Motuum Vitalium Secretoriorum & Excretoriorum, AB IPSA NATURA HUMANA, seu ANIMA vitaliter movente, ad conservationem corporis, institutæ, directæ, & ad effectum perductæ: Ita vellem certe, ut multi, imo plurimi, essent, qui hujus rei pariter securi, reliquam quoque universam *curam Februm* juxta hanc considerationem dirigerent, *frivolorum* vero Experimentorum, & inter ea hujus *nequissimi*, abusum abominarentur.

## CAPUT SEPTIMUM.

EXPERIENTIA FREQUENTER  
FUNESTA, FIDA MONITRIX.

**A**varitiam & Ambitionem, primas & profundissimas esse omnium malorum radices, a mundo condito notum est. Hæc flagitia, cum vel lynceos occæcare possint, & animos etiam satis obfirmatos concutere: Quid apud abjectos, & ex flagitiis hujusmodi conflatos totos, atque consarcinatos, effectura sint, tanto minus quisquam ambiget.

Potest aliquid *inscitia*, potest cæca *audacia*, in re ancipiti solum non tamen summe periculosa, aut ita frequenter, pessime exeunte. At vero multis periculis gravibus, & pessimis eventibus, non moveri aut moneri, si *inscitia* dicenda, summa est, sin secus, *flagitium* coërcendum.

Placet profecto, & placebit omnibus Viris bonis assertio illa, quam licet aliis relinquere sese dicat, quid tamen ipse sentiat eo ipso non dissimulat Dn. *Crugerus*, *Act. Nat. Cur. Dec. II. ann. V. obs. 25*, ubi occasione similis egregii *Febrifugi*, dicit: *Jam queritur, si nonaginta novem tali remedio possent a Quartana liberari, centesimo autem esset moriendum, an tali remedio, salva conscientia, Christianus uti possit?*

Tu vero, mecum, & cum aliis Viris probis, rideberis, Vir optime, a nebulonibus illis & homicidis, qui visis *sapissime*, *pessimis* artificii sui effectibus, neque habentes ullum documentum *Theoreticum* aut *scientificum*, quod *Arsenicum* unquam frugi esse, aut ad aliam, quam Venenosam, indolem deduci queat: Insuper tamen habita hac ipsius *malignitate* non cessant, sed tanto magis enituntur, indies majorem & copiosiore *veneficii* sui distractionem exercere.

Sunt certe plus sex jam anni, ex quo ad Generosum *de Thangel* in *Ostermunder* invitatus, a Generosa Matrona audiui, quod ille *Archanchiater* qui maximam consumptionem egregii hujus *pulveris* egit, medicamentum habeat generosum, quod non omnes patien-



tes ferre possint ; Et nota sibi esse aliquot exempla , ubi vel periculosa *turbæ*, vel *tumores*, vel *tabes*, successerint ab ejus usu. Quanto plura vero hujusmodi exempla scivit ipse hic artifex , & quanto magis debuerat inde moneri, & absterreri ab usu hujus *veneni*? Sed furdo fabula.

Cum enim in hoc artificio, tota ejus *Scientia* & *Experientia* forte hæserit, abstrahere a pulcherrimo & efficacissimo remedio , neque *fastus* siverit, neque *avaritia*.

At vero ne vel *fastum* & *ambitionem* injuria allegare videar, vel *avaritiam*, en duo exempla. Cum ante aliquod tempus , in aulâ quadam rogaretur, ut *Medicum* quendam, de sibi cognitis, doctum & habilem, commendaret, fastidiose respondisse fertur : *Tres* tantum *Medicos*, nomine hoc dignos, esse in *Germania*, (alius dixisse refert, in *Europa*, ut insignis sua notitia itineraria una memoriæ suggereretur) e quibus nominavit *duos*, *tertium* vero , præ modestia nempe, reticuit : Ipse enim erat illud sidus.

Quanti crySTALLUM emerēs , ineptis ac rusticis fucis imbutum ? inquit artifex apud *Euphormionem*. Quanti vero e Pharmacopolio peteres, *uncias quatuor*, aut *sex*, pulveris *Chinæ*, Rob *Sambuci* aut *Juniperi* immerfas? Quanti *drachmam* unam aut duas *Veneri* pro gliribus necandis, *Arsenici*? Has sane *doses* Noster, *sex thaleris*, *octo*, imo illi Nobili, qui inde periit, *duodecim* ordinarie hucusque vendidit.

Profecto, si hæc omnia conjunctim considero, non possum animo meo persuadere, ut credat, solam *inscitiam* hic subesse, ut non modo non desistendum esse censeat, à nequissimo Pharmaco ; Sed tanto pretio periculum sanitatis , imo *vita*, miseris mortalibus obtrudendum.

Sed ita est, ubi semel infelix conscientia gravibus facinoribus, salute atque *Vita* proximi, præ nequam lucro posthabito, concussa est, nascitur major indies occæcatio atque obduratio, sed & pronior in graviora flagitia lapsus. Ut enim notanter memorant historici, quod, qui *carnes humanas* ederunt, speciali truculento appetitu earundem, & humanæ Carnis *fame* quasi, inficiantur : Ita conscientia

scientia, periculi *vita*, frequentissime & frivole proximo inducti memor, nihil mihi ab hac similitudine abludere videtur.

Profecto, si undecunque flagitiosa & furiosa libido homines *occidendi* succurreret, quo meliore, & ad excusationem sui *speciosiore*, modo & medio, patrari hoc posset, quam *veneni* hujus, sub nomine celebris & ordinarii sui medicamenti, oblatione?

Longe profecto aliter Viri *Scientia, Conscientia, Experientia*, & circumspetto animo conspicui, de rebus ejusmodi & sentiunt, & monent, inter quos merito recenseo B. Joh. Jac. Wepfferum, qui in *Histor. de Cicut. Aquatic. Noxis* p. 291. *Decoctum Arsenici*, jam tunc quoque *Febrifugi* nomine ipsi commendatum, publicare veritus est. Et cordate sane pag. seq. *ingenue fatetur, se ab usu ejus abhorreere, quantumcunque etiam præparatum, aut nescio quomodo fixatum deprædicetur.*

Qua ipsa quidem occasione, non possum non crassi illius mendacii ergo, dehortari improvidos aut imperitos, qui persuaderi sibi patiuntur, quod *Arsenicum* rusticis quibusdam fucis, *fixari*, & ab indole sua penetrantissima, deturbari queat. Pertinet utique rude illud artificium, ad multa alia consimilia, quibus *coquina nostra Chymica*, recepti moris, squalet, in quibus neque *Experientia*, neque *Scientia*, neque *effectus* neque *causa* nota, nedum vera, sunt. Tantundem enim *fixum* evadit cum *Nitro* *Arsenicum*, quam *Sulphur* cum *Sale alcali*. Ubi quidem piget, monstrosam illam opinionem notare, qua cuidam valde plausibile videbatur, si *Arsenicum* cum *Nitro pulverisato*, una propinaretur, quia ab omnibus, quantum sciat, (& credent, arbitror, qui ipsum noverunt) *Nitrum* pro *correctivo Arsenici* habeatur.

Si vero artificio, à quo nostri *per mortes Experimentatores* longe absunt, aliquid de *Arsenico*, *fixetur*, tunc illud utique ab efficacia hac *Febrifuga* tantum abest, quantum illi ab omni sana *Scientia, Experientia, & Conscientia*.

Unde rectissime profecto Exc. Lentilius, in recensione pulchri hujus *Febrifugi*, iterato statuit, *Venenum esse Venenum*, cujus *deleterea* vis, ab additamentis non tam corrigatur, quam obnubiletur. Et concludit: *Prudens Medicus & conscientia sua studiosus, ab his sibi*



*cavebit.* In quo quidem, quod sedignum est, cum omnibus probis Viris sentit.

CAPUT OCTAVUM.  
BENIGNUS MORBUS ANCEPS  
REMEDIIUM NON REQUIRIT.

**S***alutarem omnino, neque ullatenus vitam periclitantis eventus, esse Febrem Tertianam, ab omni quidem ævo experti sunt Medici; Et experimur id hodieque, per Dei gratiam, pari prorsus modo: Si saltem turbulentis empiriis, & stolidis perturbationibus, benignum earum decursum intervertere, caveamus.*

Cum enim hæc ipsa Febris, materiam suam seu *causam continentem*, in *Ventriculo & Intestinis*, aut ad summum in proxime contiguis *primis viis, Pancreate & Mesaraicis glandulis*, habeat: Neque illam quidem adeo malignam aut rebellem, sed tantum *mucidum, viscidum, nauseosum* quiddam, quod *Vomitu* aut *Diarrhœa* expellere, aut repetita copiosiore affusione humoris *seroso-salivæ* emollire & resolvere, intendit Natura: Non est inde, cur graves consequentiæ, aut pessimi effectus & eventus, metuantur.

Imo, si absque Theoria hac, nudam consulimus experientiam, quotidie sane observatur, quod *Tertianæ Febres, Diata* modo conveniente adhibita, nunquam in periculosum exitum ruant: Quin potius Patientes communiter, post easdem, *saniores & robustiores* evadant, unde ipsius quoque vulgi assertio: *Man werde nach dem Fieber recht gesund.*

Si autem per qualemcunq; commotionem *turbetur*, aut per impedimentum obiectum, & *Diata* vitia, *protrahatur* aut *foveatur*; Tunc transire quidem potest, in *priore* casu, in *acutam, posteriorem*, in *pertinaciores viscerum oppilationes*, atque inde in *Cachexiam*, aut *atrophiam*, & *tabem*: Sed neque facile horum quidquam contingit, neque unquam fere, ubi contingit, indifferenter id evenit, sed *certis tantum temperamentis, Cacochymis, plethoræ, vitæ generi*, ante omnia vero *Diata* anomaliis.

Omnes

Omnes vero hi affectus, excepta *acuta* febre, sunt illius genii, ut *longinqua* sua duratione, tempus adhuc ferant consiliis & auxiliis subministrandis, neque *præcipitem*, & præcipue *ancipitem* aut periculofam oppugnationem efflagitent.

Quibus circumstantiis bene pensitatis, morbo in totum *salubri*, & nunquam, nisi per ultimam & extremam *anomaliam*, periculoso, *veneno* occurrere, & remedium *præcept* atque *summi periculi*, imo perpetui *damni* opponere, quam frivolum & temerarium sit, quilibet agnoscer.

Tanto minus vero integrum esse potest, hoc *veneno*, remedi loco, morbo huic occurrere, eumque *præoccupare* velle, ne dicta illa *nocumenta* alia, ex ipso subnascantur: Quoniam hæc eadem *Specie* nocumenta, *Tumores Cachectici*, *Hydropici*, *Paralyses*, *Tabes*, *ulcerationes viscerum*, ex hujus ipsius *veneni* propria & nuda efficacia, etiam *sanis* cæteroquin Corporibus, eveniant: Ut inde potius tanto certius timendum & expectandum sit, *damna* similia *Febris* his superventura aut successura esse, si *venenum* hoc ipsis superaddatur, & *socia* efficacia ad communem eventum conspiret.

Quemadmodum vero hac ratione, ad *longinqua* illa & *tardiuscula* mala consuetaria Febris, *præoccupanda*, tantum abest ut conducat, ut illa ipsa potius *promovere* possit: Ita ad *velociores* *Tertianæ* deteriorationes, seu transitum ejusdem in *acutam*, tanto efficacius & vehementius contribuit.

*Exacerbat* vero & auget non solum, *veloces* illas & præcípites *commotiones*, quibus *acuta* febris absolvitur; Sed *turbat* maxime universum illarum *ordinem*, *successum* atque *typum*; Ut jam non solum *violenter* & *impetuose* agitetur *Humorum Motus*, & ad *brevem* exitum in genere, instituatur atque dirigatur: Sed *trepide*, *anxie*, & cum summa *perturbatione*, procedat, & *desperata* ipsa *intentione*, ad *pesimum* & *lethalem* exitum prolabatur.

Proscribitur itaque potius omnibus hisce nominibus, ab hoc morbo, hoc venenum, nempe 1) quia morbo, in se nihil periculoso, per remedium *in se* & *absolute noxium* subvenire, contra sanam rationem est. 2) Quia easdem *noxas*, quas *Febris* talis, si *pesime* cedat,



cedat, inducere potest quod tamen *rarisime* evenit: Easdem ipsas, inducere hoc remedium non potest modo, sed *solet*, idque *frequentissime* ita obtingit. 3) Quia quicquid etiam, ad Febrem *directe*, efficit, *tollendo* Febrem, id ipsum non facit *corrigeno* materiam, seu malum *fomitem* morbi: Sed *terrendo* tantum & *obstupefaciendo* Naturam, ut illa omnis sui moliminis, pro expugnanda & expurganda illa materia, præ *anxietate* obliviscatur. Unde 4) *retenta* illa materia, & jam neglecta, in aliorum morborum *Chronicorum* ulteriorem *fomitem* cedit, & liberatus à *Tertiana* Patiens prolabitur in *Tumorem*, *Hydropem*, *Colicam*, *Paralyfin*, *Tabem*.

Ubi quidem, quod postremum hoc concernit, nequaquam contradico, quod hujusmodi noxia *confectaria*, non tam *semper*, *directe* & *unice* à *Veneno* hoc producta fuerint, quando *Febres*, per usum ejus *oppressas*, exceperunt; Sed quod, ut modo dixi, nonnunquam etiam à *Materia* Febris, suppresso tantum *Motu* febrili, residua, sensim propullulare potuerint. Interim certum tamen est, quod, si hoc *panico* terrore, à *veneno*, oppressa non fuisset Febris, ab illa ipsa, utique *consumpta* & *proscripta* successive fuisset hæc materia, ut in *novos* hos, *successivos* morbos, degenerare non potuisset.

Interim, ut hoc *probabile* utique est, ita non *probabile* solum, sed *certum* prorsus & *notorium*, tantò magis illud est, quod, quicquid *materia* febrilis hujusmodi, *sensim* & *segniter* inducere valet, id ipsum *Venenum* hoc, etiam *per se*, & *velociter*, atque *precipitanter* excitare possit: Utroque vero modo, pessimorum horum consequentium, *vera* utique causa sit.

Adeo, ut quandocunque *Febris* hoc remedio *oppressa* est ut emanat, aliquid vero istorum postea Patienti obtingat, & *tempestive* quidem; Id ipsum revera à pessima hac *Medicatione* evenerit: Ut, si justum tribunal imploretur, Medicafter talis, Patienti ejusmodi, *de sanitatis* aut *vite*, sive *periculo* sive *jactura*, in solidum teneatur.

Ea differentia, ut si mox & *precipiti* impetu, post *Febris* *Emissionem*, talia ingruant, *directe* ab ipso *veneno*, aut ad minimum *socio* ipsius, cum ista materia, effectu, proficiscantur: Præcipue si *gravi-*  
vissi-

*visissimus Languor*, ad insignes atque rebelles, *anxietates*, concurrant. Sin vero *tardius* cum *segni* languore, neque tantis *anxietatibus* & *ataxiis*, succedunt, magis quidem à *materia* febrili relicta deduci possint, sed tamen quatenus *relicta*, *oppressa*, nempe Febre, quæ tolerabiliore modo materiam hanc *emolitura* & *consumptura* fuisset.

Si vero *placidior* cæteroquin Febrem intermittentem, ab hujus *Veneni* usu in *acutam* prolabi contingat, tunc eam differentiam adhibeo: si cum *maximis* & *jugibus anxietatibus*, *mentis vacillatione*, & *summa typi inconstantia* febris hæc *acuta*, intra *paucos dies* ad mortem exit, *directe* à *Veneno* jugulatum esse hominem, nemo dubitabit: Sin autem paulo *segnius* hoc fiat, (quod tamen sine medicamento-  
rum subsidio vix observabitur) tunc non unam quidem & *solam*, sed tamen *principalem* causam mortis, venenum hoc fuisse, concedo.

Ego Deum precor, ut vos *Anchiatrī*, qui Medicatione vestra *angere* & *jugulare* hætenus Febricitantes ausi estis, ad *sanam mentem*, & *conscientiæ* vestræ expurgationem, reducat; Et tristis Experientia Vos moneat, quod omnium illorum patientium, qui ab hujusmodi vestra cura, in *sanitatis* aut *vita*, *periculum*, aut *damnum*, prolapsi sunt, Vos ipsi ad hoc *duces* & *faces* ferales, fueritis: Quod monitum, *fidum* sane & *ingenuum*, si contemnatis, & contumaciter *Veneficium* vestrum continuetis, *ultionem* divinam, & corporis, famæ, *vita*, *animæ*, dispendium, ominor; Quemadmodum jus fasque sane est, vos potius, si *malitiose* pergitis, quam *per Vos*, miseros homines, *Divinam benedictionem* in medicina sperantes & anhelantes, interire.

Simul vero Deum omniscium, & Cordium Scrutatorem atque judicem, sciens & volens testor, quod mihi cum nemine Vestrum ulla *simultas*, aut personæ vestræ, aut aliarum vestrarum rerum, *odium* aut *emulatio*, intercedat; Cum ne ullum Vestrum, uno solo forte excepto, de facie noverim, & hunc ipsum, quem aliquoties in discursu hoc notavi, nunquam viderim, aut noverim: Quodque adeo non Vestrum causa, sed *Artis Medice* gratia, & *misericordie proximi* amore, hæc scripserim. At vero, ut Vos de reliquo, neque novi neque odi, ita hoc Vestrum *ma'eficium*, uti par est, abominor, & quanta possum indignatione, despicio & averfor.



CAPUT NONUM.  
VERA METHODUS CURANDI.

**Q**Vanquam pro impudenti *Sophismate* in Disputando semper habeam τὸ ἀντιζητεῖν, si nempe ille, cujus *Opiniones* confutatae & destructae haecenus fuerunt, objiciat: Age, die tu ergo meliorem sententiam: Siquidem non tanti saepe interest, rem ipsam recte scire, aut nescire, quam saltem ἀλογίαν aut mendacium non pro vero assumere & tolerare: Et sufficit omnino falsitatem alicujus assertionis ostendisse, licet non statim alia certior in ejus locum substituatur, quod illius potius est, qui de talibus rebus agere, falsis suis hypothesebus aggressus est; Unde hoc ipso quoque loco sufficeret, si monstrassem, pessimam illam esse *Febris Tertiana* curam, quæ per *Venenum* perpetratur, licet ego aliam Methodum non subjungerem.

Placuit tamen in hac quoque parte, de superfluo aliquid addere, & via commonstrata, à periculosis aviis tanto directius avocare: Tanto magis, cum non magis credam, quam sperem, quod potius ex non recte intellecta *Februm Pathologia* & *Tberapia*, impingant hîc plerique, quam perspecta illa, malitiose & venefice agant.

Ero tamen brevis, & succincte rem prosequar.

*Febris Tertiana*, qua *Tertiana*, habet fomitem suum in *Ventriculo*, vel *intestinis*, idque frequentissime; vel in proximis ulterioribus primarum & arum organis, *mesaraicis* & *Pancreaticis* vasis atque glandulis, idque minus frequenter.

Generalis intentio hujus febris est, (ut omnis *Febris*,) *secernere*, seu *mobilem* reddere illam materiam & *excernere*, seu actu *emovere*.

*Specialis* executio harum rerum perpetratur I. *Congestione* *Humoris* copiosioris ad has partes, per congregationem sanguinis ad ipsas, quæ fit *constrictione* porosarum partium & vasorum externi habitus Corporis: A qua *constrictione*, est aspectus ille *macilentus*, *tensio*, imo *tremebunda concussio*: Ab hac *constrictione* reprimitur Sanguis è poris & vasis ad interiora, unde pallent partes hæ externæ, frigent, vasa exinanita fugiunt oculos. Detinetur vero Sanguis ita

Conge-

*congestus*, circa interiora, per notabile *tempus*, ut bona quantitas humoris seroso-lymphatici, per tunicas & glandulas *Viscerum* horum, in *Cavitatem* eorum transfudet, adeoque partim ad *emolliendam* & *eliquandam* illam materiam inserviat, partim *vehiculum*, pro ipsa egerenda, præbeat.

Inde succedit II. *Vomitus*, circa *finem*, aut certe sub *Paroxysmo*, *frigoris*; Aut *Diarrhœa*. *Vomitus* quidem, in *junioribus*, *evemetis*, febre *recentiore*, magis notoriis *Dietæ* vitiis, &c. *Diarrhœa*, in *annosioribus*, febre *languidiore*, aut *diuturniore*: Utrunque tamen *Naturis* *vegetioribus* & *alacrioribus*.

In *señioribus* vero, aut *taciturnis* atque *asfiduis* magis, *Naturis*, non semper æque fit *Excretio* præsentanea, sed *consumitur* tantum, seu *eliquatur* singulis *Paroxysmis* aliquid, quod deinde placide, per ordinarias sedes, una excludatur.

Interim III. dum *Sanguis*, ad dictum finem, per longam moram, in *capacibus truncis Venæ cavae* congestus hæret, *spissefcit* quantenus; Utpote qui præcipuam suam *fluiditatem*, a continuo *transpulso* per *porosas partes Corporis externi*, habet.

Ut itaque hanc denuo assequatur, propellitur iterum *ad* & *per* has partes, idque tanto *fortius* & *citius*, unde IV. *confectaria* illa, *pulsus increbescencia* & *celeritas*, inde *inflatio revertens vasorum*, *Color*, & *Calor* *Corporis*.

Ab hac vero commotione, fit non modo *crassioris partis nova attenuatio*, sed & *tenuis*, adhuc *ulterior extenuatio*, & in *serum* *dissolutio*: Imo in *acrimoniam* *serosam subtiliatio*. Hæc vero requirit *maturam evacuationem*.

Unde V. desinit *Paroxysmus* in *Sudorem*, & *Urina* *Salis* *acrioris* *proventum*.

Hæc omnia, si *bene* & *expedite* fiant, procedit *Febris* optime, & *curatur facillime*, etiam absque ulla *medicina*, solo bono *regimine*.

Si *male* succedant, *durat* tanto *diutius* *febris*, & ipsi *Paroxysmi* fiunt, *longi* quidem, sed *languidiore*, & *degenerat* *successive* *Febris*, præcipue si vel *Dietæ* vitiis augeatur aut sustentetur *fomes*, aut *turbetur* & *irritetur*.



*Priori modo, transit in oppilationes viscerum, Hepatis, Lienis, aut in lentam, hecticam: præcipue in annosioribus, Phlegmaticis, Melancholicis, sedentariis parum bibentibus.*

*Posteriore, in acutas, aut viscerum inflammatorias, præcipue in Sanguineo-Cholericis, junioribus, plethoricis, vinosis, iracundis.*

Quandocunque vero dictæ illæ Secretiones & Excretiones, vegete & expedite procedunt, tunc indies, ab uno Paroxysmo ad alterum, notabiliter imminuitur & decrescit Febris; Et quidem tum in impetu commotionis, tum in durationis longitudine: Intermediis diebus, redit insignis alacritas, appetitus, tolerantia ciborum, somnus profundus & quietus, omnia tranquilla.

Ante omnia, si bene *evomat* Patiens, aut vegete *dejiciat* in Paroxysmis, redit tanto citius & firmiter ad alacritatem antedictam: Quo minus vero id succedit, tanto *sepius* recurrunt, *equali* propemodum *vigore*, Paroxysmi, & manet in eodem *statu* Febris, nisi quod vires magis magisque languescant.

In eodem *statu* manere Febrem, dico. Quo ipso quidem antiquam hypothesin, quæ *Tertiana* Febri ordinaria *incrementa*, deinde demum *statum*, & mox *declinationem*, & hæc omnia *exquisite*, tribuere videtur, antiquare videri possem. Sed non æque illud intendo, neque *progressus* hos, *Tertianæ* quoque Febri quatenus *æstuanti*, sive quoad partem Paroxysmi illius *æstuosam*, denego.

Quemadmodum enim *Tertiana*, ut *Tertiana*, primas maxime vias repurgare intendit; ita ut *æstuans*, sive mavis ut *Febris* in genere, *Sanguinis* quoque, tum *depurationi*, tum *imminutioni* adhibetur, & destinata est.

Prout itaque in Corpus incidit *plethoricum*, ubi multum otiosi sanguinis, imo moleste *superflui* offendit; Ibi æstuat non modo longe *impetuosius*, & *diutius*, quod fere vulgo notum est: Sed transit quoque facilius in *acutam*, si exagitetur intempestive: Imo in ipso quoque *Tertianario* typo, æmulatur sic satis mores *acutos*, ut nempe *augeat*, deinde *subsistat*, denique *decreseat*.

Sed hæc omnia magis quoad partem sui *æstuosam*, non vero æque quoad *horridam*.

E qua tamen circumstantia, prudens Practicus facile discet distinguere illas Tertianas, quæ cum *pauco frigore & horrore*, tanto majore vero *æstu*, affligunt.

Quas semper deprehendet, vel in Corpore *Sanguineo-plethorico*, vel *plethorico* certe, hæerere: Vel *legitimam* non esse, sed *notham*, *subcontinuum* aut *Epidemiam*.

Quales posteriores quidem subinde, *primario* sunt *acuta*; Incidentes vero in tempus anni *Vernum*, aut *tempestatem* vernæ similem, & Corpus insuper, circa *primas vias* impurum; Simulant aliquantisper typum *Tertianarium*, cum notabili tamen *continuitatis* malignitate.

Quales ipse Annis 1692. & 93. observavi, quæ *Tertianario* typo, cum *continuitate* valde latica, & vere clandestina, affligentes, sub *Tertianariis Paroxysmis*, *maculas petechizantes* exhibuerunt, idque non uno tantum, sed *duobus*, imo *tribus* *Paroxysmis*.

Tales itaque siue *legitimæ* magis sint, admodum tamen *æstuant*; Sive *suspectæ*, & *subcontinuae*: Habent utique *vicissitudines* illas sic satis manifestas.

Adeo quidem, ut ne ipse *sudor*, sub *Paroxysmi* exitum profluere solitus, ante *quartum* *Paroxysmum*, aut ad minimum *tertium* appareat: Imo in ipsa *Urina*, *coctionis* signa, ante totidem *Paroxysmos*, non observentur.

Quæ omnia, ut ad *exquisitam Tertianæ* quoque *Febris* *Diagnosis* pertinent, & ad veras ejus partim *Essentiales*, partim vero *accidentales* differentias, spectant: Ita ad varias curandi *Methodos*, non debent ullatenus ignorari.

Est vero *Cura* *Febris* hujus, decursui & *genio* ipsius conformis instituenda.

Cum itaque, *quatenus* *Tertiana*, ad aliquid in *primis viis*, *Ventriculo*, *Intestinis*, *Mesaraicis* partibus *Secernendum* seu præparandum, & *Excernendum* seu evacuandum tendat: Promovendus utique est hic labor, & intentio.

Fit hoc per *Incidentia*, *Mucositates* resolventia, *Viscositatem* tenaciter adhærescentem incrassantia, ut loco tenacis *lentoris*, *pulposam* fragilem spissitudinem nanciscatur.



Hac ratione *corrigitur* materia, & *preparatur* ad commodam evacuationem.

Subsequitur ita ipsa *Evacuatio*, vel *Sponte*, idque five *ἄνω* five *κάτω*: Vel *arte*, per easdem vias.

Habent hic proinde usum *Vomitoria*: Cavendo solum, ne contra Naturæ intentionem, imo contra prima principia mechanica, *Motus* provocetur, *Materia* nondum *mobili* reddita.

Qua consideratione neglecta, frequentissime sane graviter impingitur, ut vel *frustra* fatigetur Natura, neque deinde laborem hunc, semel cum *impetu*, & *incaſſum*, exantlatum, *promte* aut expedite rursus suspicere aveat: Vel gravioribus & *enormibus* commotionibus, semel *irritatâ*, insurgit, tanquam non cessatura, nisi *perfecto* negotio: Quod tamen, materia *immobili* manente, frustra mota, tantò *languidiorem* deinde, & *fastidii* plenam sese gerit. Quod in Corporibus *Sanguineis*, & *plethoricis*, non contemnendum est.

Quodsi vero *Resolutio* materiæ per congrua remedia, feliciter peracta sit, vix unquam *Vomitu* per artem proritato opus est: Sed sequitur vel *sponte*, facilis & placidus, vel sine omni impetuosa commotione, correctâ materia, *tacite*, per sedes ordinarias rejicitur.

Sunt vero *Resolventia* hujus generis, *Salia Digestiva*, & *Gummi-Resina*, pro diversitate *Temperamentorum* variandæ, abstinendo tamen à *Myrrha*. Imo ipsum *piper*, radix *Ari*, *Dracunculi*, *Centaur. minus*, *fumaria*, *absinthium*, *Carduus benedictus*, sunt hic admodum proficua.

Alio scopo, addere soleo aliquid *terrei*, si *salia* usurpo, & facio hoc ut plurimum, præcipue in *recentiore* Febre: *Salia* enim, alterant magis directè & *unice* materiam: Reliqua ista, afficiunt simul & roborant *Ventriculum*, quod hoc tempore, & quamdiu materiam hanc gestat, inutile est: Valet vero in *diuturniore*.

Talem *Salino-terreum*, interdum etiam *Antimonio Diaphoretico* auctum pulverem, exhibeo duabus aut tribus horis *ante* Paroxysmum. Sequitur ab hujus usu non raro placidus *Vomitus*, licet jam *tribus* aut *quatuor* initialibus Paroxysmis, nullus omnino emicuerit.

Jubeo deinde, ut quanta potest *quieta continentia* citra ullam fri-

volam

volam motitationem Corporis, Paroxysmi decursum toleret æger. Quod in omnibus Febris summi usus est.

Subeunte jam *æstu*, concedo utique sufficientem *potum*, modo neque *æstuosus* ille sit, neque *feculentus*, neque actu valde *frigidus*, neque magnis *haustibus* ingurgitetur. *Sanguineis* acidulatum leviter, aliis *Nitratum*, præbeo.

*Deservescente* Paroxysmo, *non prius*, jubeo observare eruptionem *Spontaneam* madoris: quæ si appareat, non majore *obtectione*, quam quæ *frigus* excludat, utor, *continentiam* vero *quietam* summo-  
pere commendo.

Quando hic mador quoque sequitur, & succedit placide, tunc *decre-  
sunt* unus Paroxysmus post alterum, tum *impetu*, tum *longitudine*, & raro post talem successum, ad *quantum* amplius Paroxysmum, per-  
tingit ullus patiens.

Cæterum *crûda* adhuc in primis viis materia, & sub *initium* Pa-  
roxysmi, vi & arte *sudores* moliri, quantum *æstum*, periculum tran-  
situs in *acutam*, *inflammatoriam viscerum*, *rheumaticas metastases* ad ar-  
tus, &c. inferat, observent Practici.

In *diuturniore* vero Febre, quæ tamen fere simul *languidior* & *se-  
gnior* est, utor quidem his iisdem, & methodo eadem. Interpono  
vero, diebus *vacuis*, placidam *laxationem*, & quidem *pilulis*, ex ipsis  
*Extractis* supradictarum aliquarum *berbarum*, & uno aut altero *gum-  
mi*, cum paucissima *aloe*: Aut *Infuso* è talibus, & *Rhabarbaro*, *Sena*,  
*Helleboro*, pro diversitate subjectorum.

Ita cessat talis quoque Febris, pauxillo quidem *tardius*, quam  
illa *recentior*: Satis tamen *mature*, & secure ipsa quoque.

Si aliqua harum cessare moretur, *remittit* tamen & *impetus* Pa-  
roxysmorum notabilissime, & *languor* reliquus *appetitus*, *somni*, *vi-  
rium*, *animi*.

Tunc demum utiliter *supprimere* seu *cobibere* Febrem talem  
audeo, sive per *Cbinamchina*, sive per meum *Antimonium Diaphoretic-  
um Martiale* rubicundum, quod quidem in tali casu, non multo mi-  
nus certo Febres tales coercet, quam ipsa *Cbinachina*.

Quæcunque Febris *Intermittens* hac Methodo non curatur,  
vel illi cedit, illa si alia *violentiore* via supprimatur *certam noxam* post  
se trahit.



Fit vero *suppressio* Febris duobus modis ; vel *apriori*, Naturæ ipsius avocatione, aut deterritione : Vel *a posteriori*, *viarum* interceptione per *adstringentia*, & inter illa præcipuam *Chinchinam*.

*Prima*, est commendabilissima, non tamen *terrifica*, sed *placide soporifera*, si prius *materia subtracta* fuerit. Et sunt hic *efficaciæ* haud vulgaris, *veræ* pilulæ *Vildegansii*, aut *Matthæi* quoque *veræ* : Note præcedente ante Paroxysmi diem, sumtæ.

*Secunda*, est tolerabilis, modo *materia sit evacuata* : Alias trahit post sese aliquam, & sæpe non levem, simulque *pertinacem*, noxam. Ante omnia *siccitatem alvi*, *tensiones hypochondrii* alterutrius cum *puncturis*, *flatulentiam*, *siticulositatem*, *oris sicescentiam*, *vagos æstus* & *rubores faciei*, apud alios (pro temperamentorum diversitate) *pallorem*, *palpitationes Cordis anxias*, *timorem* & *melancholica*. *Pathemata*, imo *atrophica*, *hectica*, aut apud alios pro diversitate temperamenti, *Oedematosa*, *Cachectica*, *confectaria*.

Quæ ipsa quidem, ut sese sæpe aliquando multo tempore post exferere incipiunt, ita imponunt subinde Medico ; neque enim commode aliis, quam *Alexipharmacis temperatis*, cum interpositis *absorbentibus* & *digerentibus*, levantur, aut actuali *revocatione* Febris, quod fere lenibus *successivis evacuationibus* obtinetur, ubi pilule *Polychrestæ Becherianæ* veræ, aliis compositionibus fere palmam præripiunt. Quando vero *recruduit* Febris, curatur commode ex fundamento, prædictarum methodorum ope.

Ita sane frequentissime haud multo tardius aut segnius curantur hæc Febres, semper tamen absolute *secure*, & sine ullo metu latentis periculi. Et hæc est illa *Methodus*, quæ & *materis*, & *motui* seu *formæ* hujus Febris, respondet, *scientifica*, *rationalis* solida certa, *secura*. Hac ipsa restitui, per *Divinam gratiam*, haud exiguum talium patientium numerum.

Hanc, cuicunque recte percipere & sequi placebit, ille nunquam felici eventu frustrabitur, ea tamen lege, ut *gratiam* & *benedictionem divinam* ante omnia exoret & quærat, quæ, ut immensa est, ita neque unquam hæc ipsum destituet ; pro qua sit *Laus* & *gloria Altissimo* in sempiterna secula.

MENSIS

DECEMBER,  
REGULI ANTIMONII  
STELLATI ENCHIRI-  
SES, ET RATIONES, UT ET  
QUÆDAM DE REGULIS  
METALLICIS PECV-  
LIARIA,  
exponens.

---

PRÆLOQUIUM.

**U**T nulla propemodum Ars existit, quæ plures, simulque rudiores, Sectatores habeat, quam CHYMIA; Siquidem, quicquid est otiosorum hominum, qui, nullo negotio, instrumenta luxus & fastus abundantissima deprehendere optant, ad Chymiam, tanquam Thesauromantiam quandam, concurrere solent: Ita in nulla penitus alia scientia, plures & foediores, modo activæ, modo passivæ, deceptiones, fraudes, errores, mendacia plura & figmenta, observantur.

Frustra sim, si divinari velim, à quonam initio, stolidi illa persuasio, mentes Hominum invaserit, ac si Aurum,  
Ppp nescio



nescio quam mysteriosam & admirandam Mixtionem sortitum sit, ut veluti præcipuum creatum, post Animam humanam, à quibusdam habeatur: quod immensos, imo stupendos, Arcanorum Thesauros non modo ad sanitatem, sed etiam ad nescio quæ Magico-Phyfica miracula, essentialiter in sese conclusos gerat: Cum ego potius arbitrer, quod Aurum, revera minimum utile, inter numerosissimas rerum Creatarum sit; Et si quid Phyfici aut Medici usus, exferat, magis ex accidente, & specialibus præparationibus, compositionibus, alterationibus, id ipsum nanciscatur; Uti quidem jam pridem (in Schediasmate, quod *Prodromi Aetiologia Chymica* nomine insigniveram,) verbo monui.

Interim, cum utique persuasio hæc animos Hominum infederit, nihil undique, nisi spes, vota, exclamationes, prædicationes, mirabilium, nuspiam neque visorum, neque ab ullo fide digno mortali auditorum, clam & palam, domi forisque dictis & scriptis, ingeminantur.

Puduit profecto sæpenumero, pigetque hodienum, quoties mendacia illa & impudentes nugæ, apud multos Scriptores, Commentatores, Compilatores, aspicio, qui levidenses præparationes quorumlibet mineralium, vix temperantius, quam agyræ & stentores sua nugamenta, proclamant, & ubique stupendos, & arcanos effectus promittere, non erubescunt.

Quibus affaniis, uti simplices mortales, sub tam speciosis titulis, argento emunguntur; Ita non modo incipientes Medicinæ Cultores, ab industria & studio necessario, ad otiosas ejusmodi pollicitationes respectando, sensim denique ad puras Empirias dilabuntur: Sed etiam vulgus te-

me-



merariorum, Laborantium, ut appellant, traditionibus ejusmodi magis sæpe, quam ulli religioni, credentes, grassantur talibus machinamentis in sanitatem, vires, vitam ægrotorum, & apud imperitos universam Medicinam gravissimæ calumniæ exponunt.

15 Non vacat, aut placet, hac vice prolixius hæc prosequi, & per varias Chymicorum præparatorum vulgarium species, sigillatim hoc ostendere: Suffecerit paucarum Enchiridium occasione, in celebribus, apud Chymicorum plebem, Phænomenis ostendere, quam frivolis sæpe rationibus credulitas humana innitatur, ad portentosos conceptus confingendos.

*Stellam, Reguli Antimonii Martialis* proprium penitus esse Signaculum, uti pauci fere Chymicorum vulgarium vident, mordicus retinent, & profitentur.

Deducunt id alii ab Astrorum influxu, alii à Sulphuris Martis, connubio cum Sale, aut, juxta iterum alios, cum Mercurio Antimonii: Hæc ita intime, imo, ne desit fabulæ persona Philosophice, conjuncta, formare talem signaturam, quæ latentem sub hoc concreto arcanam dignitatem, & inexhaustos thesauros, obsignet.

Interim neque verum illud est, quod non nisi præcise *Martiali* Regulo, *Stella* superveniat; Neque quod uspiam aliunde, nisi à fissili seu *foliacea* hujus concreti coagulatione, dependeat: Accedente solum Ignis conveniente concursu, & reliquarum circumstantiarum debita *συνεργία*: Mechanica tamen magis, & crasse quidem tali, quam ullo modo arcana, aut ad intelligendum difficili, ratione.



Qua quidem in re cum neminem noverim, qui hujus Enchiriseos & observationis prærogativam hætenus meruerit, nisi quod ego jam ante hos quindecim annos, & per hoc ipsum tempus, hucusque, numerosis Chymio-Philialtris illud & monstraverim, & explicuerim:

Placuit proinde in publicum quoque idem proferre, & quidem cum omnibus omnino circumstantiis, ut quilibet, & facilitate operationis, & exquisita rationum obviarum pensitatione, ab admirabundis conceptibus circa hoc negotium, tanto promptius recipere animum, sibi que temperare possit.

Quo ipso tamen, illud solum volo, quod Regulus Antimonii, ex propria sua consistentia hoc habeat, ut fusione & effusione decenti, in hanc figuram condensetur; Non vero specialissime à Martis concursu:

Eadem vero illatione, nequaquam adstruere velim, quod Regulus, mediantibus Ferro, Cupro, Argento, Plumbo, Stanno, ex Antimonio præcipitatus, nihil inde specialis alterationis nanciscatur: Et non modo cum simplici, sed & tales metallici inter se invicem, penitus nihil differant.

Quin potius ad contrarium ostendendum, producam utique aliquot Experimenta, quæ diversum hucusque constanter mihi persuaferunt, &, licet apud neminem alium ejus rei Experientiam eandem legerim, suffecit tamen mihi propria mea, numerosis repetitionibus constans & perpetua, & cum omni semper attentione & circumspeditione, instituta.

Proferam itaque, quæ ad obtinendam meam intentionem

nem necessaria esse videbuntur; Abstinendo interim à nimia prolixitate, utpote qui hîc loci omnes circumstantias & diversitates Operationum, rationum, effectuum, & eventuum, circa Regulos metallicos, exequi, nequaquam suscipiam, sed aliis forte horis adhuc reservare cogitem; Nisi sub ipsa denique calami fuga, aut connexionis ductu, eo labatur dicendorum series, ut vel jam quoque plus, quam quidem nunc fert animus, subjungam.

In qua quidem re, ut mea me libertate uti, nemo mihi vitio vertet: Ita, ut ex his aliqua utilitas, ad minimum contra nimiam credulitatem, procedat, precor utique & exopto,

## CAPUT PRIMUM.

# CONSIDERATIO ANTIMONII.

**N**on expectabit à me hoc loco quisquam, ut *exquisitis* *me* de *universa* Mineralis hujus, *Antimonii*, *Natura*, agam; Ubi nihil, nisi *specialissimum* aliquod Phænomenon, circa *Regulum* ejus, elucidare suscepi: Sed suffecerit arbitror, si magis ea, quæ pressius ad hoc institutum pertinent, ex *universa* Antimonii Historia decerpam.

Constat nimirum *Antimonium* è *duabus*, aut *tribus* forte, *mineralibus* materiis, *Sulphure*, *Arsenicali* portione, & *imperfectiore* *metallica* materia.

*Sulphur* quod in Antimonio est, nihil utique à vulgari *Citrino* differre, monstrant variæ *Experientiæ*, tam ex ejusdem *resolutione*, quam nova, communis *Sulphuris* cum *Regulo* Antimonii, *combinatione*.



*Arsenicale* quiddam inesse, monet partim *rubea* Sulphuris Antimonialis infectio, (non vero loquor hic tantum de communi Aurato ejus Sulphure) partim summa efficacia *Emetica* & *Cardialgico-Synoptica* : Partim convenientia *Vitri*, cum Vitro *Saturnino-Arsenicali* : Partim solutio ab *aqua forti*, & alia quædam Phænomena. In specie vero illud, quod Antimonium, è *Regulo* & *puro Sulphure* regeneratum, longe *tenerius*, & purius existere videatur, quam ipsum vulgare seu nativum.

*Imperfectiorem* vero illam *metallicam* materiam, appello ipsum *Regulinum* sic dictum Corpus : Utpote quod e subtili *terreo-vitrescente* substantia, & *Phlogisto* Principio, constat : E quorum intimiore connubio, consistentia illa *nitida, densa, ponderosa*, subsistit, quam reliqua etiam, *imperfecta* vulgo dicta, metalla, manifesto à *Phlogisti* hujus commercio possident, eoque ablato mox in *siccam, aridam, pulverulentam*, terram, intimiore tamen aliquo colore diversam, fatiscunt.

Monui jamjam mense *Septembri*, quod utique *specificum* aliquid, in omnibus *metallicis* mixtis subsit quod eadem a *simplici vitrescente* substantia distinguat ; Quod quidem etiam de hac *Regulina* Materia intellectum velim : Quidnam vero illud propriè sit, ut altioris indaginis, ita neque proprie hujus est loci.

Ex hac vero *Regulina, metallica, & Sulphureo-Arsenicali*, materiis, progignitur compositum illud, quod Antimonium appellamus ; Non secus, atque è *Mercurio currente* seu *Hydrargyro*, & *Sulphure, Cinabaris* : Unde & *Joh. Monte-Snyders*, hæc duo in *Tractatibus* suis ubique conjungit, sed & distinguit. Quamvis magis ibi de externa recepta *Signatura* agat, ubi Antimonium & Cinabaris commune *signum*, nempe *Circulum* cum *cruce* imposita, nata sunt, &c.

Interim apprime hic quoque iterum memoria recolendum est, quod antedicto mense *Septembri* de negotio hoc notavi, & scio quod mereatur moneri, quod nempe *Sulphur*, nullam intimiorem cohæsiorem cum *Regulo* Antimonii, imo cum ullo alio *metallico* Corpore subeat, nisi τὸ Φλογιστὸν tali Corpori arctius unitum, & impactum sit : Cujus proinde *medio* præcipue, *Sulphur*, ut *Phlogisto* pariter instructum, ex latere aliquo applicari possit, adeoque aliquandiu appositum manere, adhærere, id est, uno eodemque motu, simul,



mul, seu *pro uno moveri*, ut latius in *Tract. de Fermentatione* ostensum à nobis est.

Unde quidem, & cum nullum ex omnibus *metallicis* concretis existat, in quo Phlogistos nostra substantia *laxius* hæreat, & minore negotio inde separetur, quam in ipso *Regulo*; Posset utique dici, quod Antimonium constet, e Terra *Metallica* (id est *specifico* illo metallico, intimius penetrata) *Phlogisto* principio *laxius* cum hac cohærente, *Arsenicali* volatili, & denique *Sulphurea*, substantia.

An vero *Regulina*, hæc substantia, magis proprie *Mercurialis* dici mereatur, & nihil aliud, quam Mercurius seu *argentum vivum*, *Arsenicali* vapore ad ficcitatem deductum, existat? Mihi quidem valde dubium videtur: Imo, ut sine Rhetorica figura eloquar, contrarium potius indubium videtur, idque non ex *opinionibus*, sed ab *Experientia*.

Nequaquam enim mihi sane placet, aut *Germana fide* & virtute digna videtur, illa scribendi methodus, (utut, quod notabile, nulli hodie Nationi, præter solis *Germanis*, familiaris) qua pro veris, & *Experientia* confirmatis, orbi obtruduntur, quæ nudis *Phantasiis*, ex aliorum non peritiorum scriptorum mendaciis transsumtis, innituntur, aut male intellectas aliorum scriptorum locutiones & traditiones, pro fundamento habent.

Unde hodie certe, quoscunque de *Antimonio* scribentes videris, si de viribus ejus dicendum sit, nihil nisi *Paracelsum*, *Crollium*, *Basilium*, *Suchtenium*, *Hartmannum*, *Rulandum*, pro testibus adductos legeris: Aut multo impudentius, verba ipsorum transcripta, suppresso Autoris Nomine: E qua malitia frivola illa falsi testimonii dictio propullulat, ut tales plagarii, imperitis hominibus, & ad tales pollicitationes credulis, propria *Experientia* inducti fuisse credantur, ut istis traditionibus subscripserint.

At mihi certe illa Methodus nunquam arrisit, sed semper, magis placuit, *propriis* Experimentis inniti, & aliorum difficiliora, potius elucidare, aut ad promptiorem effectum disponere, quam e *difficilibus* istis, aut plane dubiis, quin incertis, veritatem demonstrare, aut opinionibus meis patrocinium petere.

Unde



Unde hoc dico, *expertus*, *Mercurium* e *Regulo Antimonii* facere, quomodocunque etiam suscipiatur, laboris summi, aut sane tædiosissimi, esse negotium.

Per *Salia* enim, quam intimæ *penetrationes*, *digestiones*, *coctiones*, requirantur, qui pariter hæc tractarunt, scient.

*Sine Salibus* vero, per *Mercurium*, currentem nempe, illud præstare, cujus circumspæctionis sit, deprehendent, qui circumspæctionis capaces sunt. Magna profecto demonstratione *oculari* opus est, antequam cui temere credas, quod id ipsum præstare possit: Sed majore demonstratione *rationali*, an illud *augmentum* *Mercurii*, potius ex *Antimonii* adhibito *Regulo*, an ex ipso metallo addito, processerit.

In omnibus vero illis *Mercurii* è *Regulo* educationibus, quæ *Salium* interventu, cum vel sine *argento vivo*, obtinentur, minime omnium de nihilo est postulatio illa *Beccheriana*: An tali ratione *Mercurius ejusmodi*, magis absolute è *Regulo educus*, & liberatus solum, sit: An vero, per *Mixtionis* novæ speciem ex eodem productus, generatus, efformatus.

Meliora forte argumenta, quæ *convenientiam Reguli* quasi intimam & *Essentialem*, cum *Argento vivo* seu *Mercurio*, indicare videntur, sunt convenientiæ ejus cum *Sale* communi, & cum *Sulphure* communi, eodem pene gradu, quo ipse *Mercurius*, aut altero ad minimum seu proximo, ab isto.

Cum enim *Mercurius*, inter omnia acida, maxime *Salis communis acidum*, non modo promptissime, sed & satis copiose, amplectatur; Facit idem & *Regulus Antimonii*: Ea tantum differentia gradus, ut *promptius Mercurio* id ipsum assumat: Unde ab ipso quoque *Mercurio* transsumit.

Similiter, cum *Mercurius*, *Sulphur commune* facile quidem admittat, sed tamen minus fortiter, quam ullum aliud metallum *Sulphuri* obnoxium, ab eodem ligetur: *Proximo* gradu post *Mercurium*, est ipse *Regulus Antimonii*: Utpote qui pariter, ita *prompte* quidem *Sulphuris* coalitum admittit; Sed minus firmiter cum eodem concrescens, a cujuslibet *Metalli* accessu, facile quoque illud iterum dimittit: Ea tamen differentia, ut *Mercurius*, gradu uno adhuc laxius

*Sulphuri* cohærent, adeo ut ipsemet *Regulus* quoque, idem a *Mercurio* in se recipere, adeoque *Mercurium* è *Cinabari* vivificare queat: Quæ est universa Methodus *Pantaleonia*, ad animandum, ex ejus Hypothefi, *Mercurium*.

Neque vero in ipsa quoque facillima, & intima, seu ad minimum *subtilissime* expansa, connexionem cum *auro*, multum a *Mercurii* coalitu promptissimo cum hoc metallo, valde abludit. Plurimum vero convenit cum eodem ipsa *volatilitate*; Cujus unice effectus est, quod mediante *auro* & *Regulo*, alia minus fusilia metalla *deaurari* possint: Quæ res, ut in se *simplicissima* est, frustra profecto in tantam admirationem & profundam suspicionem rapuit *Jacobum Tollium*, quantam in *Cælo suo Philosophorum* vidit: -- *Porta dimissus eburna*.

Unde *Mercurialis* quidem *dispositionis* esse ipsum *Regulum Antimonii*, non equidem contradixerim, si ita intelligatur, quod in *Mercurium* possit redigi: Sed an illa *Mercuriali* consistentiâ jamtum insit in *Regulo*, neque opus habeat, nisi *apharesi* tantum cujusdam *coagulantis* principii, & non potius *prosthesi* aliqua? Illud est de quo summo opere dubito: Plus vero, quam de hoc, dubii mihi est, an plurimi, qui de hac re loquuntur, testimonium de visu deponere possint.

Cæterum differentia *Antimonialis Mercurii* a communi, esse debet maxime, majus pondus in eadem mensura; Et minor quoque *volatilitas*, si cum *fixioribus* metallis amalgametur: Quæ quidem circumstantia *rectificationem* ejus a communis *Mercurii* superfluo, adjuvat. Sed de hoc satis.

## CAPUT SECVNDVM.

### DE PLUMBO ANTIMONII, PAUCA.

**N**on placet in has Labyrinthi *Antimonialis* tricas latius evagari; Unde neque de *appellatione* hujus *plumbi* nimis prolixum esse libet, neque de primis ejus *Censoribus* & qui illud ad hanc *tribum* vocaverint disquirere. Suffecerit dicere, quod paulo



lo antiquiores *Metallicola* tamen magis *Empirici*, quam *Physico-Chymici*, *Plumbum*, *Stannum*, *Bismuthum* seu *Marcasitam fusilem*, *Regulum Antimonii*, & recentius illud *Zincum*, undique sub uno eodemque rubro, *Plumbi*, censuisse appareant.

Non secus, quam hodieque in *Anglia Cornwallia*, varias species minus cognitorum *Metallicorum* concretorum, summam voce *Mondyk* denotare dicuntur, rerum harum non magis ignari, quam incurii, *Fossores* & *Fusores*: Adeo, ut nisi præsenti, aut per peritos harum rerum, difficile fuerit speciem illam obtinere, quam *Beccherus* in *Tripode* norat, *Glaucamque Angurelli* interpretatur, Corpus nempe, *Bismutho* vel *Zinco*, quoad reliquas qualitates externas geminum, sed juxta aliquos, *aurei coloris*, & sola *sublimatione* in duplicem substantiam divisibile, vid. p. 128.

Apud eos, qui paulo plus de Antiquitatis *Chymico - Metallica* traditionibus narrant, præsto est differentia *Plumbi nigri*, nempe, *communis*; *Albi* seu *Stanni*: *Grysei*, seu *Bismuthi*; & *Antimonialis* vel secundum aliquos, *Martialis*, nempe *Reguli*.

Et hæc quidem, quoad *externam* harum rerum similitudinem, hic satis analogice. At vero, si exactior aliqua, etiam externa solum, similitudo exigatur, statim ipsa *ductilitas*, summopere distinguit *Plumbum* & *Stannum*, a reliquis omnibus, longissime vero removet ipsum nostrum *Regulum*.

Unde certe qui in eo laborant, ut ex *Antimonio* parent *Regulum*, qui *malleabilitate* quoque *Plumbo* aliquatenus assimiletur, habent quod agant.

E *mineris plumbaginosi* *Antimonii*, *Plumbeum* denique *Regulum* obtinere, facilioris utique est negotii, sed & nullius usus: At è puro *Antimonio* id perficere, dictu longe quam factu facilius.

Per *Salia Alcalica caustica*, agitur quidem aliquid, ut videatur umbram veluti *mollitiei* adsciscere; Sed si dicerem, me unquam tantum per ea præstitisse, ut vel spem solum *malleabilitatis* obtinendæ concipere fas foret, *Experientia* destituerer.

Referre licet *historiam*, sed de *eventu* ejus addere nihil possum. *Amicus* quidam æstumatissimus, (cujus etiam mentio his ipsis mensibus jamtum facta est, nunc, quia consensus ejus incertus sum,

nomen omitto) cum inaudisset, de plebejo quopiam, qui *Regulum Antimonii* in plenariam *ductilitatem*, & reliquam similitudinem *Argenti*, *Solo Igne* reducere sciret: Ut est Vir laudabiliter curiosus & solertissimus, ex itinere ad hominem illum divertit, eumque de veritate hujus rei percontatus est. Afferuit ille non modo, sed modum etiam agendi tradidit: De ipso tamen regulo ita *fixato* aliquid monstrasse, non memini. *Furnum* qualem commendaverat, vidi apud laudatum *Dn. Amicum*: An vero, per officii & alia impedimenta, in effectum aliquid per ipsum deduxerit, nondum comperi. Unde & ex hoc fundamento aliquid determinare non possum.

Itaque quicquid de *Plumbo* hoc discere licet, intelligendum illud esse moneo de *Regulo Antimoniali*, ab *Arsenicalibus* inquinamentis, magis, & quantum possibile est, depurato.

Cui fini commendo *commendationem Beccheri in Supplem. III. seu Miner. Arenar.* fine, nempe *Cuniculum*, ut appellat, 33. pertinentem ad pag. opusculi 46. verba sunt: *Quomodo detur tale Subjectum, ab omni fece heterogenea mundatum, quod Mercurius Corporum sit, & tamen non fluidum existat?* Nota de *plumbo Saturni, Martis & Antimonii.*

### CAPUT TERTIUM.

## DE ARSENICALI ANTIMONII SUBSTANTIA.

**P**raesentia hujus, dilucescit ex variis, praecipue est *volatilitate* incombuustibili, *corrosivitate*, *vomitoria* efficacia, maxime vero est speciali illa habitudine cum *Nitro*.

Non quidem ille est sensus, ac si in *Antimonio*, magna copia veri vulgaris *Arsenici*, subesset; Licet ne hujus ipsius quidem praesentiam docere impossibile sit: Sed quod principium illud *arsenicale*, *volatilitatis* mineralis non inflammabilis, *penetrantissima* in metallico regno, in animali subtilissime *corrosiva*, hic subsit.

Primum ejus argumentum, est efficacia *corrosivo-Fmetica*, ab *Arsenico* puro haud ita multum distans: Deinde specialissima illa penetratio in *Nitrum*.



*Nitrum*, cum aliis *Phlogistis* compositis, quæ nihil, neque manifesti, neque occultioris *acidi*, continent, deflagrans, amittit penetrantissimum suum odorem, colorem, acrimoniam. Cum *Arsenico* mixtum, augescit mirifice in fetore, colore, volatilitate, subtilissima acrimonia, spirituosæ suæ aciditatis.

Idem facit cum *Regulo Antimonii* tractatum, siquidem inde pariter, tum sub deflagratione, tum præcipue adhuc post eandem, sub ulteriore candefactione, nidorem suum & exhalationem corrosivo-spirituosam, & fuscum vaporis colorem, prodit.

*Arsenicum* etiam cum *Plumbo* tractatum, imbuunt vitrum ejus non valde dispari colore, quam ipsum *Vitrum Antimonii* exhibet: communicat etiam isti similem fere efficaciam emeticam, qualem hoc habet.

*Regulus* etiam, utpote hac substantia adhuc intime imbutus nisi cum *Nitro* aliquoties fundatur, aut mox in prima sui fusione *Nitri* bonam partem acceperit, specialem deinde turgidæ volatilitatis speciem subit; Si cum *Sulphure* fundatur (de qua inferius) hac vero per *Nitrum* edomita, nitidus deinde & levissimus cadit.

Sed cum præter directum nostrum institutum hæc jam justo prolixius attigerimus, plura addere non placet.

## CAPUT QUARTUM.

### FUNDAMENTUM FUSIONIS REGULI.

**A**ntimonium compositum quoddam, è copioso *Sulphure*, & corpore metallico-arsenicali esse, hætenus diximus: Ubi nempe *Sulphur*, quasi superficialiter in compositione: *Arsenicalis* vero illa substantia intimius in ipsa mixtione, ipsi adhæret.

Ita ut stricte loquendo, *Antimonium* nihil aliud sit, nisi *Minera* quædam imperfectæ metallicæ speciei, *sulphure* multo supergravata.

Unde ad separationem hujus imperfectæ metallicæ partis ab illo externo *Sulphure*, suffecerit, si quocunque modo *Sulphur* abstraeretur.

Cum vero *arsenicalis* illa substantia, communibus fere moribus

bus cum *Sulphure*, exposita sit; Et præcipue quidem, quando jugiter cum *Sulphure*, *Sulphuri* adhuc sociata, igneo motu tractatur: Fit inde, ut pure, & absque additamentis, fere una cum *Sulphure* divaporet:

Imo, jam quoque ablato magnam partem *Sulphure*, igni exposita, avolet, & destituta reliqua mixti portione, eandem penitus alteratam relinquat.

Neque vero hoc solum. Sed quod supra, & præcipue mense *Septembri* jam dum diximus, præter *Sulphuream* substantiam, *Phlogistos*, (à mixtione *Sulphurea* adhuc libera, primariam partem *Reguli*, qua *fusilis*, constituens) conservanda omni modo est.

Unde quidem simplex *Antimonii calcinatio*, hic minime sufficit; Hæc enim, licet *Sulphuream* *Antimonii* partem absumat, non relinquit *phlogiston*: Unde hoc simul absumpto, materia quæ remanet, amissa *metallica* fusilitate, *vitrescentem* solum retinet.

Cum *Salibus* si tractetur, iisdem periculis exposita est hæc *Regulina* quoque partis *mixtio*.

*Nitrum* enim, exurendo manifesto absumit hanc *Phlogiston* substantiam: *Sal alcali* fixum, solvendo & imbibendo *sulphur*, distrahit simul ipsam *regulinam* substantiam, de quo non ita multo post: *Sal commune*, eo ipso quod *sulphur* quoque ita solvit atque imbibit, partim paria hic facit cum *Sale alcali*: partim plane nihil alterat aut mutat *Antimonium*, adeoque separationem illam *sulphuris* à *Regulina* ejus parte, nihil promovet.

Unde totum fundamentum in eo ponendum, ut *sulphur* quidem abstrahatur; *Phlogistos* vero pars, tum *arsenicalis* quoque, ejusdem, remaneat: aut ablata forte, positive restituatur.

*Sulphuris* nuda ablatio, sine *phlogistæ* alteratione, fit commodissime per *metalla* imperfectiora ut vocantur, *plumbum*, *stannum*, *cuprum*, *ferrum*.

Restitutio ablati, fit fusione cum *carbonibus*, è quibus amissum *phlogiston* denuo recuperare valeat.

Cavendo solum, ne *sal*, quod cum tali fusione cum *carbonibus*, forte una additum est, aliquid *vitriolicæ* aciditatis contineat; Secus enim *regenerato* *Sulphure*, pars *regulina* non in fusilem *metalli-*



cam, sed *pulverulentam* substantiam, seu *crocum*, reducitur. Unde v. gr. *Antimonium Diaphoreticum* recenter præparatum, & cum suo adhuc sale, seu *Nitro Antimoniato* confusum, adjecto *carbone*, & instituta fusione, non nisi ex minima parte in *Regulum* reducitur; Sed tantum in *fuscum pulverem*, aut *flavescentem Crocum*: Sal vero illud *alcalisatum*, plane *sulphureum* factum, si elixetur & præcipitetur exhibet *sulphur Auratum*: nempe habentur inde eadem producta, ac si *Antimonium crudum*, cum Sale *alcali fixo* funditur.

## CAPUT QUINTUM.

### PROCESSUS REGULI FUNDENDI COMMUNES, EORUMQUE OFFENDICULA.

**R**egulus Antimonii simplex jubetur communiter parari ex *Antimonii*, *Nitri*, & *Tartari*, partibus æqualibus, probe invicem mixtis.

Hanc Mixturam jubent ingerere cochleatim in crucibulum candens. Alii præcipiunt, ut simul & semel accendatur in magno mortario vel olla: Deflagrata vero materia, exempta, in crucibulo fundatur. Utrique jubent, ut materia quantocyus ubi fusa est, effundatur: Aliqui jubent etiam baculo ligneo fluentem agitare.

Quicquid agatur, perpetuum est, quod admodum parum Reguli, imo sæpenumero vix quidquam, quin haud raro nihil penitus, obtineatur. Largissimus sane ejus ex hac Methodo provenit, nunquam ascendit ultra *quartam* partem ponderis Antimonii assumpti: cum tamen certum sit, ad minimum *dimidium* pondus Antimonii, esse *Regulum*.

Quando *Regulus* ita fusus est exhibet copiosam scoriam; hæc examinata, nihil aliud est, nisi primo *sal alcali* quod ex accensione *Nitri* & *Tartari* natum fuerat: Secundo, pulvis tener ex flavo *fuscus*, emeticus: Tertio insignis quantitas pulveris summe tenerrimi, qui primo, si *calida* aqua coquatur scoria, ab *alcalico* sale dissoluta forma imbibitus, per ipsum filtrum una transit, lixivii *pellucidi* forma:



refrigesciente vero lixivio, *rubro-nigricantis* pulveris tenuissimi & levisissimi consistentia *grumorum* veluti instar ad fundum secedens, vulgo *Sulphuris Antimonii impurioris* nomine venit. Residuum lixivium, præbet denique per præcipationem cum acido aliquo, *Sulphur auratum* purius *aurantiorum* colore.

Pulveris hujus, qui statim sub prima solutione crassior secedit, fere æquale est pondus cum *Regulo* indidem obtento. Est enim nihil aliud, nisi *Regulus*, per *Sulphur* in pulverem distractus: Nihil plane aliter, quam *Sulphur* hac Methodo omnia prorsus *metalla*, in tenerimum *crocum* colliquat, & discerpit.

Succedit commodius hoc negotium, quando *Tartari* paulo plus accipitur, quam *Nitri*, ut v. gr. *Tartari uncia sex*, *Nitri uncia quinque*; & hæc mixtura cum *unciis sex* *Antimonii*, in pulverem redacti, cochleatim in crucibulum candens ingesta, fusioni permittantur.

Qui hanc rem simplicioribus oculis aspexerunt, rationem processus dederunt, quod à *Nitri* & *Tartari* mutua accensione, enascatur *Sal alcali*; hoc aggrediatur & imbibat *Sulphur Antimonii*: hoc *absumpto*, cadat *Regulus*.

Super hac Theoria, jusserunt potius recta via rem aggredi nempe cum quolibet *alcali* *Antimonium* fundere, atque inde *Reguli* separationem expectare. Sed cum vix unquam ulla micula *Reguli* inde obtineatur, ad experimenta non succedentia referenda utique fuit speculatio.

Alia methodus à *Zwelffero* præscripta, *Antimonium* mediante pice in nitidissimum *Regulum* reducendi, non est quidem plane de nihilo, sed revera operosior & carior, quam ut specialem considerationem mereatur: Non succedit quoque in magno & repentino igne, siquidem *Sulphuris Antimonii* aliquam *solutionem* per *pinguedinem* picis, & cum hac exustione supponit.

Alibi jubent *Antimonium* cum pulvere *carbonum* fundere, & inde largiorem proventum *Reguli* expectare. Sed sane nuda fusio *Antimonii* cum carbonibus nihil quidquam largitur directe, sed potius multam operam, cujus nullum fiat pretium, infert & requirit.

Quid



Quid vero aliud *carbones* ad proventum *Reguli* facere possint, mox dicemus.

Ut *Regulus*, mediante sale *alcalino* in proventu suo promoveatur, tantum abest, ut inde potius ejus destructio expectanda videatur. Revera enim *alcali*, etiam quantumcunque purum, quia utique non parum efficaciae in *phlogiston* habet, cum hoc in *Regulo* adhuc praesto sit, occasione hujus *Regulum* ipsum potius destruit, & in pulverem resolvit, quam ut purum ejus, nudum, & semimetallicum fluxum, promoveat. Si enim *Regulus* purissimus, cum Sale *alcali* funditur, non parva ejus quantitas, vel unica fusione ita destruitur, ut formam *flavescentis pulveris* induat, & sub illa, amissa omni consistentia metallico-nitida, tum cum ipso *Alcali*, tum citra illud deinde seorsim fundendo, nequaquam *metallicam* faciem vel consistentiam referat, sed magis *vitrescentem* materiam, exprimat.

Quod idem valet, de omnibus aliis *Regulinae* partis Schematibus, ut nimirum sive *Antimonium Diaphoreticum*, sive *crocus metallorum*, sive *Bezoardicum minerale*, sive *Mercurius vita*, sive *calx Antimonii*, cum sale *alcali*, sine interveniente carbonaria substantia adhuc actu *inflammabili*, frustra tententur in *Regulinam* substantiam reduci.

*Carbonaria* haec *phlogistos* substantia vero, promovet utique unice *Reguli* proventum, in nitida sua *metalliformi* consistentia, unde illud utique succedit, ut productum ejusmodi quodcunque pulverulentum, e *Regulina* *Antimonii* substantia, facile reducatur in modo nominatam *metalliformem* densitatem, mediantibus *carbonibus*, adeo, ut addito saltem *Salino* aliquo corpore, quod commodiorem *subagitationem* cum carbonibus inducat, in momento veluti haec *regeneratio* seu *reductio* *Reguli* in *metalliformem* consistentiam, obtineatur.

Est vero hujusmodi sal effectui tali commodissimum, quodlibet *alcali* fixum bene purum, & hoc quidem nomine maxime ipsum *Nitrum fixum*.

Unde v. gr. si *Antimonium Diaphoreticum Nitro* *Antimoniato* edulcoratum, cum aliqua quantitate *Nitri fixi* stratificatur, carbo  
desu-

desuper imponitur, crucibulum super lutato altero, quod in fundo, sursum jam spectante, mediocre foramen habeat, igni fusorio committitur, dum simul atque liquido fustum est, colligitur inde ad fundum *Regulus*, è pristina pulverulenta satis fixa consistentia, in hanc *metalliformem* reviviscens.

Eodem prorsus modo reducuntur omnes aliæ *pulverulenta* substantiæ, è *regulina* Antimonii parte prognatæ, *crocus metallorum*, *Mercurius vita*, *Bezoardicum minerale*: Substantia quoque ante dicta illa *crociformis*, quæ è fusione Antimonii cum Sale *alkali* prognasci solet, nisi quod in hac aliqua adhuc portio genuini *Sulphuris* delitescens, non ita prompte *metallica* faciei assumptionem admittat, sed non nihil diversionis inferat.

Ex hoc eodem fundamento vero est, quod *Regulus*, per *Nitrum* jam modo destructus, & in pulverem, *cerussam Reguli* Antimonii vocant, redactus, solo adjecto *carbone* mox in antiquam suam *metalliformem* consistentiam reducatur. Et quod idem valet, ipsa *scoria succinea* Reguli, cum *Nitro parata*, sola adjectione *carbonis* denovo in massam *Regulinam* redeat.

*Vitrum* Antimonii, *salium* additione minus eget, siquidem per se jam bene *fluidum*, nihil fere aliud requirit, nisi nudam additionem *carbonis*, unde facile reductionem subit, & in *Regulum* redit.

Unde sane optima Methodus *Regulum* Antimonii copiosius obtinendi, & nulla est melior, nisi ut Antimonium cum *Nitro* & *Tartaro*, ut in recepta vulgari via solet, in *Regulum* reducatur; *Scoria* elixetur, pulvis crassior ille, qui post elixationem, & quidem fervidam, restitat, cum dimidio pondere *Nitri*, probe remixtus, in tigillo candente leviter detonatus, mox injecto *carbone*, aut successiva pulveris *carbonum* ingestione partim fixetur, partim *reductio* eo ipso perpetretur.

Alias facillima est utique reductionis hujus ad oculum demonstratio, si non nihil Antimonii *Diaphoretici*, aut similis substantiæ, levi foraminulo in carbone excavato imponatur, & per tubulum, quali aurifabri ad ferruminandum utuntur, modestissimo afflatu acutæ flammulæ è Lampade aut candela, ad fusionem adi-



gatur, quo fit, ut super ipso utique *carbone* ita ardente, statim in *Regulinam* consistentiam reducat. *ur.*

## CAPUT SEXTUM

# REGVLORVM QVOS COMPOSITOS VOCANT FABRICA.

**Q**Vos *compositos* vocant, *Reguli*, fiunt ex *Antimonio* per *metallorum* concursum, præcipue vero & communissime fere *ferri*.

Non placet jam, & certis quidem de causis, prolixum esse circa illam sententiam, qua alii huic fusioni *Antimonii* cum *ferro*, omnia tribuunt; alii contra pure omnia derogant: Minus laudabili sane, nescio an magis *Seculi*, an *hominum*, genio, è minimis rebus, vix modice perspectis, nescio quæ non mysteria pollicendi, aut contra, res in se satis certas, de quibus tamen neque *Experientiam*, neque *scientiam* habeant, temere negandi, adeoque ubique, ad minimum contradicendi, ut fere juxta vernaculum nostrum proverbium semper aliquid novi, raro aliquid boni, proveniat. Dicetur vero fortasse inferius aliquid, ipso *Experimento* potius, quam nudis assertionibus.

Methodus parandi compositos hos *metallicos* *Regulos*, nihil habet admodum peculiare. Possunt siquidem præparari sine alio ullo *additamento*, fundendo nude *Antimonium* cum *metallo*.

Differentia successus, fundatur in diversa quantitate *receptionis sulphuris*; cujus nempe alia horum metallorum, *multum* suscipiunt, alia valde *parum*: Unde pro *Regulo* quoque hac ratione præcipitando, ex *Antimonio*, cum totus ille effectus tantum succedat, quantum sulphuris abstrahitur, diversa diversorum quantitas requiritur.

Plurimum utique proinde ejus cadit, ex additione *Martis*; Siquidem una pars *Martis* ad duas partes *Antimonii*, propemodum sufficit, ad omnem ejus *Regulinam* portionem liberandam. *Cupri* vero

ero vel *anatica* portio non sufficit: *plumbi* ne *dupla* quidem: *Stanni* aliunde quoque dispar est conditio, siquidem hoc, nisi sub varia circumspeditione, *Regulo* etiam illiquescit, & *Scorie* ipsi vicissim.

Potest hæc fusio, cum *Metallis* minus expedite quoque peragi, *secundo*, propter diversam *Scoriarum* ejusmodi metallicarum *usibilitatem*. Promptissime enim utique fluit *scoria*, quæ ex *Regulo* mediante *stanno* fuso, resultat; Proxima post hanc facilitate, siquidem omnino dispari, fluit, quæ cum *argento* addito enascitur: unde, quæ à *cupro* admixto resultat; posthanc quæ è *ferro* addito prognascitur: maxime omnium rebellis est, quæ cum *plumbo* parata fuit.

Methodus nihil difficultatis habet, modo quis intelligat, quid per *ignem fusionis* denotetur, & quantum ille à nudis *candefactionibus* aut *liuationibus*, diversus sit.

*Antimonii* libra semis, cum *Martis dimidia parte*, igni valido imposita, urgetur hoc, donec exquisitissime fluat. Effunditur in conum, aut mortarium, & refrigeratum decussis *scoriis*, exhibet *Regulum* satis nitidum.

Incommodum hoc est, quod ex hac operatione nata *scoria*, aliquando *spissior* & refractaria minus commode & pure à *Regulo* decuti possit, sed fere eundem quadantenus inquinatum teneat.

Quia tamen *Regulus* fere adhuc aliquam depurationem meretur, non adeo eximiam considerationem fere requirit hæc levis & superficialis inquinatio, utpote quæ ulteriore illo, aliunde quoque necessario labore, facile sustollatur.

Si quis tamen ab hoc etiam incommodo levi, immunis esse gestiat, ille, quando jam omnia liquido fluunt, saltem aliquam portionem salis *alkali*, *cinerum clavellatorum*, *Nitri fixi* &c. adjicere poterit, v.gr. *Unciam unam*, vel *unam semis*, successive ingerendo; & hoc facto, quando rursus omnia liquidissima fluunt, effundendo. Ita enim fiet, ut *scoria* simul atque refrixit promptissime à *Regulo* decuti possit, ipsumque *nitidissimum* plane relinquat.

Si illa *scoria*, quæ sive cum, sive sine *alkali* aut *Nitri* adjectione, semel fusa fuit, seu *Regulum* suum deposuit, eximio *fervore* flam-



meo adhuc semel cum bona parte ferri, funditur, adjecto pro facilio-  
re successu, quando jam bene mollis & pulpota est, Nitri modico,  
tunc dejicit denuo, non exiguam partem quasi *semi regulina* substan-  
tiæ, quæ tamen maxima sui parte, nihil aliud est nisi purum *ferrum*,  
cum modico tamen adhuc *Reguli* conjunctum.

*Regulus Martialis*, quando cum Nitro & Tartaro paratus fuit,  
aut cum multa quantitate cinerum clavellatorum superadjecta, v. gr.  
3. 4. unciiis & diu satis in fusione detentus, prodit inde satis purus. Sin  
secus, retinet adhuc aliquid puri ferri una colliquefacti.

Habent enim hoc fusiones in crucibulo, quod per ipsam  
formam vasis, ubi *Regulus* non modo *deorsum*, sed in *arctum* velut  
acumen collabatur, si quid *ferri crudi*, primo impetu fusionis, cum  
ipso delituerit, quod tunc supernatans *Sulphureo-Salina* scoria, illud  
non amplius ita immediate, & veluti in ictu oculi attingere valeat,  
sed magis fortuito, diuturno illisu, quicquid ejus forte ad superfi-  
ciem fluentis *Reguli* emerfit, velut abradendo, imbibat.

Ab hoc *Marte*, corporaliter adhuc in ipso *Regulo* delitescente,  
prognascitur color ille *flavescentis*, si *Regulus Martialis* talis minus pu-  
rus, cum Nitro figitur. Ad huius inquinamenti genus auferendum,  
& *Regulum* adeo purissimum obtinendum, præsentissima est via, ut  
idem adhuc semel cum aliqua portione *crudi Antimonii* fundatur,  
nempe *pulverisatum* *Regulum* cum quarta circiter parte *Antimonii*  
*crudi* remiscendo, & *languidissimo* igne, fundendo; ita facile, quic-  
quid adhuc corpori *Martis* apud *Antimonium* restitit, à sulphure re-  
centis *Antimonii* imbibitum, separatur ab hoc *Regulo*, isque adeo pla-  
ne *homogeneus*, & *purissimus* inde emergit.

Liberatus hoc modo *Regulus*, habet tamen adhuc *Arsenicale*  
illud inquinamentum supra accusatum, quod eundem *friabiliorem*  
reddit, & minus *nitidum*, sed magis veluti *hispidum* aspectum ipsi con-  
ciliat. Potest quidem jam tunc quoque in *stellatam* illam formam  
deduci, sed cadunt revera *striae* admodum tenues, & quasi capillares  
tantum.

Præstat itaque in hac etiam parte *purior*, & magis veluti  
*metallicum*, habere *Regulum*.

Obtinetur hac fusione cum *Nitro*. Habet utique hoc sal, specialem quandam penetrantiam ad *Arsenici* dissolutionem, si legitime ipsi adhibeatur. Pro nostro negotio sufficit, *Regulum* bene liquide fundere, atque ita fluenti aliquid *Nitri* pulverisati superingere, *drachmam semis* pro vice; ubi hæc detonuit, tantundem denuo injiciatur, repetendo ita, donec ad uncias quatuor *Reguli*, circiter, *drachmæ 6. Nitri* ingestæ sint. Scoria quæ inde nascitur, & exturgescit, *siccissima* apparet, & difficillime fusilis: Mollescit tamen igne sufficienter intenso, ut denique fluat: quod quidem promovetur, præsentissime, si bacillo *ferreo* detrudatur, ut *superficiem Reguli* attingat, ita enim mox & liquido plane, fluit.

Quicquid egerim, qui sane hæc Experimenta toties peregi, ut numerum inire pigeat, vix fidem inventurum, non possum asseverare, quod hanc *primam* scoriam vel semel solum ad illam puritatem & pelluciditatem perducere potuerim, ad quam repetito nata ejusmodi scoria pertingit.

Nimirum, decussa hic prima cum solo *Nitro* facta scoria, repetatur idem labor *secunda* quoque vice, rursus cum *Nitri* puri & pulchri *drachmis 6.* ad unciam unam, imo paulo amplius.

Scoria quæ hac vice nascitur, urgeatur igne *intensissimo*, ut quantum possibile est, *aquea* veluti teneritudine fluat. Effusa, exhibebit *pelluciditatem* maxime conspicuam, quæ *succinum* paulo saturatius flavescens, & ad *aurantiorum* colorem alludens, satis exacte referat.

Repetatur idem labor *tertia* vice, & quidem addito *Nitri* ab *uncia una* ad *unam semis* pondere, successive, ut ante, ingerendo, & fusionem ad *liquidissimam* tenuitatem continuando. Fluens hoc modo materia, effusa in conum probe calefactum, & sebo modice intus illitum, aut cera, aut oleo, aut quod fere utilius est, *fuligine* candelæ cereæ aut sebaceæ obductum, imo tantum in mortarium hoc modo præparatum, ubi refrixit, exhibebit statim scoriam talem *tenerriam pellucidam*, & sub ea *Regulum* illum adeo decantatum, & desideratum, *stellatum*.



## CAPUT SEPTIMUM.

## STELLÆ HUIUS GENEALOGIA.

**M**irari sane sæpissime subit, quanta cura, studio & ingenio, frequentissime rerum ante pedes quasi nostros jacentium, causas veras aspernati, occupemur in effingendis & concinnandis variis subtilibus & longissime petitis, ætiologiis, ab ipsa veritate alienis.

Ubi quidem, si ἀπειράτων aut ἀνίστοράτων inter reliquas causas non ultimo loco collocavero, non injuria sane id fieri, probare facile suscepim.

In nostro negotio admiratio non semel me perculit, quod pro tanto artificio operationem hanc, non modo tot operatores *Empirici*, sed etiam *Chymici* non parvæ alias existimationis, adeo *difficilem* aut *incertam*, aut *fortuitam*: Alii vero contra, adeo penitus *determinatam*, censuerint, ut etiam certas *constellationes*, ad illam feliciter peragendam requiri, suspicione satis serio arbitrarentur.

Neglectis vero plurimis aliis, *Boylei* certe & *Beccheri*, virorum, quorum *Experientiam* & *rationem*, perpetuo extollo, hic quoque deceptam esse opinionem certum est; Siquidem *prioris* suspicio, quod vel unum *Antimonium* præ altero, aut *ferrum* præ altero, aut *temporis*, aut *tempestatis* ratio, negotium hoc absolvat, certe non cum re convenit: Siquidem è quolibet *Antimonio*, quolibet *ferro*, omni *tempore* & *tempestate*, diu noctuque, *stellam* hanc educi posse, certum est.

*Posterioris* vero sententia, ac si *stella* illa, ceu *specialis striata* constitutio, unice è congressu intimo *Martis* & *Antimonii* proficisceretur, destituitur pariter *Experientia*, qua dilucescit, & qualibet hora ad oculum exhiberi potest, quod hujusmodi *stella*, etiam in *Regulo*, nullatenus *martiato*, aut cum *Metallis* composito, sed longe *simplicissimo*, cum *Salibus* parato, eadem penitus promptitudine succedat.

Neque fere *Kerckringii* circa hanc rem commentatio, ad *Curr. Triumph. Antimonii Basilii Valentini*, rem acu tetigisse videtur, *ætiologicè*;



gice; licet empirice enchirisin ita proposuerit, ut ejus ipsius unice ductu, me in stupendi hujus artificii notitiam penetrasse, sponte confitear.

Putat nimirum, dandum sub finem esse *ignem validissimum*, ut eo *absumatur*, quicquid adhuc impuri apud Regulum hæreat: Sed revera non habeo ullam probabilem rationem, qua hoc persuadere valeat. Ille ipse enim *Regulus*, qui modo *stellam* elegantissimam exhibuit, si denuo, cum eadem, qua prius, scoria, fundatur, nisi observata *enchirisi*, statim cadat sine omni *stella*, & statim denuo cum *enchirisi* fusus, eandem denuo exhibebit, & huc toties, quoties variare libuerit.

Est vero hæc enchirisis nihil aliud, nisi *fusio fervidissima*; nimirum præsuppositis hætenus dictis circumstantiis, *deputatione* Reguli sufficiente prægressa, & scoria illa succinea conjuncta.

Tota *Enchirisis*, quare *stella* illa appareat, formaliter in eo fundatur, quod ex imio *caloris* gradu, quasi *bulliens* *Regulus*, dum effunditur, & in rotunda illa formula, ut solent *metalla* fusa, fluida, præcipue vero intra *conicam* cavitatem *coni fusorii*, undiquaque à *circumferentia* versus centrum *rebulliendo*, dum in *circumferentia* primo frigescere incipit, *fluctuatione* hujusmodi seu *jactatione* fervens, mox ingruente *equabili* refrigerentia per *minima*, in eodem situ quo *effervuit*, etiam comprehensus obrigescat.

Ubi tamen statim noto, me nequaquam rationem hic reddere, quamobrem *Regulus Antimonii in genere*, *foliaceam* illam obrigescentiam obtineat, quando *in genere* refrigerat: sed de illo solum sermonem esse, curtale concretum, quod ordinarie refrigerando in *foliaceam* faciem abit, concurrente intensissimo motu, & figura vasis continentis ad minimum *in genere* rotunda, talem deinde *foliaceæ* suæ rigiditatis *positum* nanciscatur, ut omnia ejus quasi *foliola*, directis *striis à circumferentia ad Centrum* compulsa, & coordinata appareant.

Ubi nempe nequaquam tacendum est, quod *Regulus Antimonii*, dicto modo *depuratus*, licet maxime non in ipsa *superficie*, *stellam* illam suam exhibeat; diffractus tamen malleo, per totum suum *latifundium* faciem hanc utique offerat exquisitissimam, ut ad centrum  
ejus



ejus ex ambitu coeuntes illæ *striae*, plane aperte sese fistant. Adeo, ut hic quoque *Regulus*, licet in superficie nihil hujus monstrare possit, nihilo tamen minus *stellatus* dici mereatur.

Ut vero *superficialem* illam *stellam* quoque acquirat, *rationi* utique consonum esse censeo, *primo*, quod aliquid supra ipsam ejus *superficiem* supernatans requiratur, ut ille in laudata sua tenuissima *ebullitione* tantisper intime continuare possit, donec tandem illa ejus per minima refrigerentia *successiva*, placide fiat: Si enim contrarium contingat, quod fit, si *Regulus* sine *scoria* effusus, frigiduli aëris illa-bentis contactu, cito & præcipitanter refrigerescat, nihil hujusmodi efficitur.

Deinde idem sane intelligendum erit, de *Scoria* ad hoc opus requisita. Certe enim hæc quoque *non prius*, quam *Regulus*, refrigerescere debet, alias enim *Regulus* adhuc fluens, figuram superficiæ suæ, potius ad *figuram* consistentiæ istius *scoriae* jam induratae ut accommodet, necessum erit.

Fiet vero hoc tanto magis utique, si *scoria* illa *crassiore*, *hispidam*, *porosam*, *inequalem*, *pultaceam*, consistentiam habuerit.

Contrarium vero fiet, si & *Regulus* prius quam ipsa *scoria*, & lentissimo tamen successu, obrigescat: & hæc in *levissimam* talem *vitriformem*, *diaphanam*, teneritudinem redacta sit.

Quod cum ita se habeat, legitimæ consequentiæ erit, quod, quotiescunque hæc concurrunt, nempe *Regulus* satis *purificatus*, *scoria* admodum *fusilis* & *tenuis* & *fusio tenuissima*, perpetuo *stellaris* illa dispositio *striarum* in *Regulo* frigefacto præsto esse debeat.

Fit itaque etiam, quotiescunque vel talia idem *Regulus*, eodem modo, iterum funditur, cum eadem sua *tenerrima*: vel etiam *simplex* *Regulus*, non metallicus, cum simplici suo *sale sulphurato*, seu *scoria* sua *ordinaria*, ita *liquidissime* *fusus* refrigerescit; Siquidem inde minime differt, quin pulcherrimam *stellam* nanciscatur.

Obiter meminisse licet aliquid de *scoria succinea*. Hæc summe *caustica*, maximam quidem partem *Regulinae* substantiæ, tenerrime *fusa* in sese continet; non ita parum tamen etiam *Nitrosi alcali*, summe *caustici*.

Quando *scoria* hæc Aqua dissolvitur, præbet lixivium fortiter *causticum*; portio vero *regulina*, quæ conjuncta fuerat, in forma *pulveris albi* secedens, diffunditur in mensuram facile quadruplo, imo amplius, majorem, quam in illa pellucida specie occupaverat.

Est tamen *pulvis* hic, *grossusculus*, tenera *arena* non multo tenuior.

Si hæc *scoria succinea*, in mortario calidissimo, citò pulverisato, infunditur *Spiritu vini Rectificatissimo*, & non modo statim in principio, sed & singulis dimidiis horis, optime agitur, imbuit *Spiritu vini*, *causticitate* penetrantissima, & quo magis & diutius cum ipso digeritur, tingit eundem tanto magis quoque *colore rubro*, satis saturato: qui tamen plurimum augetur, si loco *simplicis* ardentis spiritus, non nihil *oleosus*, & specialissime quidem *anisatus* adhibeatur, cui subinde saturatissimam tincturam *sanguineam* inducit.

Ufus hujus, ut alias bene *alcalicarum* hujusmodi Tincturarum, est eximius, nempe in fundamento a specioso *auro aure* nihil differens: cujus quidem *summa* encomia licet non magis quam ipsummet, adimplere possit; sunt tamen utraque utique medicamentum generali efficacia *abstergente*, & vehementer *diuretica*, admodum efficax: adeoque in *chronicis*, inter alia, non negligendum, præcipue, si tantillo *volatilis urinosi Salis* aut *Spiritus* misceatur.

## CAPUT OCTAVUM.

### ALIA METHODUS ELEGANTISSIMAM STELLAM INDUCENDI.

**Q**ui sciunt *Antimonium* nihil aliud esse, nisi imperfectam *metallicam* substantiam, multum *Sulphuris* continentem, illi facile suspicabuntur, quod si *Regulus Antimonii* semel jam à *sulphurea* illa substantia segregatus, denuo

Sss

cum



cum eadem *conjungatur*, nihil inde, nisi novum *Antimonium* prognasce possit.

Fit hoc sane, quando *Regulus* five *pulverisatus* cum *sulphure* cementatur; five *regulo* in *crucibulo fluenti*, *sulphur* frustillatim superingeritur.

Si hic labor peragitur cum *Regulo Martiali*, qualis e *prima* fusione, citra novam, cum *Antimonio* recenti, depurationem evenit, tunc fit inde hoc primum renascens *Antimonium*, ob accedentem portiunculam *Martis*, adeo crassum & *pulposum*, ut non modo teneram talem fusionem, quæ *stellarem* constitutionem in *Regulo* admittit, non suscipiat; sed etiam ipsi *Regulo* ita tenaciter adhærescat, ut ab eo vix decuti possit, nedum ut *nitidam* commissuram cum ejus superficie fornet.

Licet vero prius cum novo *Antimonio*, aut per ipsam hanc primam adjectionem alicujus quantitatis *Sulphuris*, & inde denuo subnatam *Antimoniam* texturam, à superfluo adhuc *ferro* liberatus sit *Regulus*; si tunc cum adjectione *sulphuris*, ita fundatur, & quidem liquidissime fluens effundatur, *scoria* tenera, ubi omnia refrigerunt, decutiatur, & ita *stella* quoad positum *striarum* suarum factis elegans, in conspectum veniat; adeo tamen innumeris *parvis bullulis* & *pustulis* undiquaque obsita est ejus superficies, ut fœdum adspectum referat.

Si vero *Regulus* per *Nitrum* quoque ab *Arsenicali* sua substantia legitime *depuratus* adhibeatur, & hoc modo superinjectione *sulphuris* in fluxu, tractetur, & post fusionem *tenuissimam* effundatur, subnascetur inde *stella* longe pulcherrima & *distinctissima*, *simbriis* angustis numerosissimis & nitidissimis instructa.

Specialissimum est, quod hæc *stella*, per hanc *regenerationem* cum *sulphure* parata, *centrum* suum in *acumen* alte extrorsum *eminens* exhibeat: quod quidem adeo perpetuum est, ut si etiam fusio hæc, non simpliciter cum *sulphure*, sed cum *sale alcali* ad satietatem *sulphurato*, instituat, eodem plane modo totum negotium succedat, quoad hanc *centri eminentiam*: licet *striarum* reliquarum dimensio inde non nihil turbetur.

Ad operationis legitimum successum, tum in *scoria succinea*, tum in hac *Antimoniali* quoque, requiritur omnino, ut scoria *altitudine* sua, quando effusa est in conum, ad minimum *dimidio* tam alta sit, quam ipse *Regulus* subtus coagulascens. Si enim nimis *parva* sit, aer superincumbens non modo illam immediate, sed & per ipsam, *Reguli* superficiem alterando, turbat negotium.

Quando *Regulo sulphur* ita superingeritur, ubi plurimum *stridet*, & fumum *rutilum* evibrat, si frustulo ferri aut forcipe carbonaria, fumus ille captetur, exhibet *flores* pulcherrime *ruffos*, *cinnabarino* prorsus colore.

De *scoria* illa succinea adhuc monere libet, quod, si cum frustulo carbonis immisso fundatur, portionem *Regulinam*, quam continebat, renatam in *metalliformem* massam, ad fundum dimittat.

Cavendum vero est in *succinea* illius *scoria*, & per ipsam *Reguli* depuratoria, præparatione, ne aliquid carbonum in crucibulum prolapsum *scoriam* inquinet, utpote quæ inde neque *pellucida* amplius, neque *tenuissima* illa *fusionem*, fluxilis evadit.

Illud observatu non indignum est, quod, si *Reguli*, alter ex *Marte*, alter ex *Venerè* cum Antimonio fusi, parati, & satis *depurati*, certa proportionem simul confusi, ad *stelliformem* hanc figuram fundantur, difficilius illa fere inde exeat, sed ejus loco elegans *reticularis* figura circa centrum diffusa emicet: quam proinde harum rerum curiosi, RETE illud VULCANI, quo *Martem* & *Venerem* concumbentes, *vinciat*, interpretantur. Sane in *simplicibus* *Regulis* metallicis idem obtinere non potui. Sicut etiam alias *Regulus*, mediante *Venerè* paratus, & *sollicitissime* depuratus, ab omni corporali cupro, à simili *Regulo*, mediante *Marte* parato, in eo manifestissime differt, quod, si juxta se mutuo in patellas vitrificatorias sub tegula fornicata ponantur, & quidem tanto saltem calore adhibito, qui ad *liquidam* eorum *fusionem* sufficiat, *venerens* manifestissime, plurimum violentius *evaporet*, quam *Martialis*: unde hic aliquibus *Regulus fixus* dici posse videtur.



CAPUT NONUM.

USUS STELLÆ REGULI.

**M**ihi sane, qui ad omnem vanam pompam potius evertendam, quam ducendam, natus mihi videor, admodum exiguus, nempe *generalis* hic est *Ufus*.

Scilicet, cum per hactenus dicta, constantissimo multiplici experimento, didicerim, quod egregiam hujusmodi *stellarem* constitutionem, *Regulus* non bene subeat, nisi *purissimus*; adeoque *stellam* hanc effectum quadantenus, seu consequens *eximia puritatis* ipsius interpretet: hunc mihi *usum* præstat ejus *præsentia*, ut inde colligam, bene *purum* tunc esse *Regulum*, quando bene *nitidam* & *distinctam* hujusmodi *stellam* efformare valet.

Si vero quis alius hac *stella* aliquid utilius præstare valuerit, ille ad minimum boni consulet, quod *enchirisin*, qua illa perpetuo, certo, & infallibiliter produci valet, diversis modis perpetrabilem suppeditaverim.

Non sane me fugit, quid aliqui de *dignitate* hujus *stellæ*, e *Philaletha Introitu aperto ad occultum Regis Palatium*, sibi concipient: Sed sane vel ab ipsa juventute mea, a qua scriptum illud vel memoriter notum habeo, nihil aliud inde colligere potui, nisi, quod Autor in *Regulo* saltem *commendando* totus occupatus, *stellam* hanc pro ejus vel *ingenere*, vel *puritatis* ejus *in specie*, criterio, adducat: sicut etiam *poli* hujus *stellæ extraversi* mentione facta, loqui mihi videtur de illa, quam proximo cap. 8. formare docui: Licet enim revera ex propria observatione hoc habeam, satis tamen certus & expertus sum, quod in chymicis, & præcipue in *eventibus necessariis*, facile plures idem experiri possint, quorum nullus illud ab altero discere necesse habeat.

Et hæc quidem pro hoc etiam Mense, in re quidem non ardua, ad arduam ad minimum circa talia *credulitatem*, & *frustraneas speculationes* aliter erudiendas, in medium attulisse, æquus & curiosus lector, boni consuluerit.

ANNI MDCXCVIII.

MENSIS

JANUARIUS.

CROCUM MARTIS APE-  
RITIVUM SINGULAREM,  
ET DE MARTIALIUM  
PRÆPARATORUM VARIA  
EFFICACIA PECVLIARIA

QUÆDAM,

proponens.

---

I. N. J.

PROOEMIUM.

**D**E Mixtione rerum, quantæ lacunæ in Vulgari  
Scientia Physica occurrant, nemo forte magis  
attendet, quam qui Chymicis artificiis favens,  
resolutiones rerum, & Compositiones, suscipere sategit.  
Quemadmodum enim rationi satis obvium est, quod illæ  
res, è quibus corpus quoddam construi potest, & in quas  
itidem resolvi valet, sint ipsius Principia: Ita quam diffici-



lis operæ sæpenumero fit hujusmodi conamen, nemo facile, nisi expertus, existimaverit.

Communissime quidem velut in promptu magis est ipsa Resolutio; Sed conjuncta simul tot heteroclitis & accidentariis effectibus, ut paucis forte nota, aut sane paucis perspecta sint, illa artificia, quibus Mixta purius, & cum minore alteratione principiorum, è quibus constant, divellantur.

Nata hinc est, non infrequens illa inter modernos, querela, quod Ignis non sit verus analysta rerum; quod Igne principia non pura & illibata secernantur: Quod Ignis texturas rerum mutet, &c. Interim apud paucos, quod sciam, reperias, quid, & ubi, mutationes has præcipue inferat ubi vero minus id ipsum perpetret; Quo vero modo hoc agat, quas mutationum Species vere & immediate inducat, & qua ratione agendi hoc præstet, non habeo, à quo exquiram.

Quod ignis agat aciditate, quod fermentative agat, quod transpositionem particularum, & metaschematismos figurarum, motu subtilissimo inducat, est quidem undique aliquid dixisse: Sed ut aciditatem, non Ignis qua talis, probare potest, verum certas tantum, è rebus acidas exhalationes formantibus, excitatus: Fermentatio vero illa ex Aristotele transumpta esse videtur, qui Ignem putrefacere propterea opinatus est, quoniam fungos in Ellychnio producat: Ita, quod transpositio, aut certa subtilissima Coadunitio subtilium Corpusculorum, Ignei motus effectus esse soleat, nemo quidem negat: sed in ordine ad dissolutionem Mixtionum hac ratione non agere eundem, præsen-

sentioribus forte argumentis probari posset, si hoc negotium in specie agere instituti ratio exigeret.

Potest vero, breviter, distingui: Inter alterationes quæ Igneo motu fiunt, sine vera dissolutione mixtionis: & inter veras dissolutiones, hac ratione contingentes. Dissolutiones hæ, iterum possunt distingui, in sinceræ, quæ ex antiqua mixtione quidem dissolvunt, sed mox in novas transferunt, quicquid affecerunt.

Maximo vero opere observanda est diversitas, inter nudam commotionem, quæ motu igneo fit, & ipsam emotionem seu separationem certæ substantiæ, ab aliis.

Inde enim maxime est, quod illa portio mixti, quæ motui igneo immediate idonea est (quæ ipsamet Ignis, flamma, halitus flammeus, fieri potest.) Primo & principaliter Ignitione, è mixtione vere secerni, emoveri, & dissolvi queat: Dum aliorum generum particulae, Ignis impulsu moveri solum, sed non promoveri & commoveri è nexu mutuo, observantur.

Unde sane, si talibus mixtis adhibeatur Igneus motus, quæ materiam illam immediate Ignescibilem (sit venia verbo) continent, optimus ibi est Analysta, & certo segregat portionem hanc sibi obedientem: An vero residuas peculiariter simul alteret & mutet, seorsim dispiciendum: Sæpenumero enim, præcipue in minerali regno, non æque hoc facit, quantumcunque etiam hoc agere primo & simplici intuitu sic appareat.

Egi jam aliquoties, paucis, de illo mixtorum principio, quod propterea Phlogiston appellavi; Monui, quod è vegetabili & animali Regno, in quibus sub aquea mixtione,  
olei



olei & pinguedinis Schemate, abundat, in Minerale Regnum, arte transferri possit. Simulque de subtili, & satis intima ejusdem immixtione in illas res, quibus sese associat, subinde aliquid innui.

Non placet à priori negotium hoc altius profequi, potius à posteriori, in variis exemplis, ipsius applicationem successive commonstrare; Et simul de insigni illa alteratione, quam hoc Principium mixtis infert, aliqua connotare.

In præsentī quidem agere libet, tum de efficacia diversa martialium remediorum in genere; tum illud quadantenus deducere atque adumbrare, ex hujus principii concursu, & ab hoc pendente majore vel minore, martialium Corpusculorum penetratione atque subtiliatione.

Ubi vero præmoneo, sermonem mihi præcipue futurum esse, de materiali hujus principii Concursu: De formali enim, cur deinde, ubi concurrit, speciales tales effectus, quasi mechanica necessitate, edat, malo nihil dixisse, quam post multa quoque verba, ut solet, nihil ad rem prolocutum esse. Faxit vero DEUS O. M. ut non plane sine usu sint, quæ commentamur.

CAPUT PRIMUM.  
EXPERIMENTORUM QUORUNDAM COMMUNIUM CIRCA  
MARTEM HISTORIA.

A

Nte omnia suppono, quod *Ferri minera*, quæ completum purum ferrum, superaccremento aliquo heterogeneo tantum inquinatum, contineant, quo ablato, reliqua substantan-

stantia; *purum* ferrum existat, quod, inquam, tales *minerae*, non adeo copiosae obveniant; Sed magis fere *terream Stipticam* faciem prae se se ferant, quae in ferrum nunquam abeat, nisi vel ex immediata fusione cum *Carbonibus* admixtis, in *ferream* illam completam consistentiam cedat: vel è certis *solventibus*, aliquid *Phlogistæ* imbibat, quo cum deinde in dictam illam texturam coalescat.

Inde enim est, quod *Minerae* ferri vulgares, optimae quantumvis notae, in *Crucibulo* nunquam in ferrum colliquescant: *Speculi* etiam *caustici* radiis concentratis, nequaquam in ferrum, sed in *Vitrescentem* tantum scoriam abeant, quae nullas perfecti ferri proprietates prae se se ferat: Quando vero cum *Carbonibus* una funduntur, per *Carbones* ipsos transfunduntur, tunc bonum & verum *ferrum* exhibeant.

Quando vero ita cum *Carbonibus* fusae *minerae*, ferrum praebent, dubium tunc nullum est, quin è *Carbonibus* non modo aliquid accreverit, quod faciem illam *Splendidam*, coagmentationem *densam*, *sonoram*, *flexilem*, *tenacem*, *malleabilem*, *metalliformem*, concreto huic perfecerit: Sed apparet etiam abunde, quod hoc ipsum, nullius alterius, quam *adustibilis indolis*, & *igneo Motu* consumptibile, existat.

Docet hoc & comprobatur (1) *exustio* ferri per solam candefactionem, ut denuo in *friabilem*, pulverulentam, *Stypticam*, illam consistentiam fatiscat, quae imposterum non nisi *vitrescentem* fusionem, admittit: (2) *Accensio* completi ferri, (nempe materia illa è *Carbonibus* assumpta instructi) per *Nitrum*. Cujus utriusque nihil contingit, si *minera* ferri his modis tractetur; siquidem neque *ustione* simplici, denuo magnopere alteratur, neque cum *Nitro* in flammam luculentam exardescit.

Imo, non injuria huic eidem quoque substantiae adscribendum fuerit, quod ferrum *ignitione* maxime *molle* & tractabile fiat; quando videlicet particulae hae *ignibiles*, actuali *igneo motu* percussae, crassiores quoque *terreas* exagitant, ut *mollior* nexus, & *intestinalis* motus paulo promptior inde sequatur.

Neque vero hoc tantum. Sed ipsa etiam *incalescentia* vehemens



taliam penitus, neque tamen id ipsum nisi longiore mora, & commodius quidem sub certa levi encheiresi.

Neque vero ullo modo præterire licuerit specialissimam illam efficaciam, qua hæc *completa* ferri textura, nempe per *Phlogiston* admixtionem, exsaturata, specialem illam ferri cum *Magnete* exserit. Quamvis enim hoc *Phlogiston* principium seorsim, nihil insigniter cum *Magnete* commercii habere videatur; Certum tamen tantundem etiam est, quod universa *residua* ferri substantia, solo hoc *Phlogisto* principio ablato, cum dicto *Magnete* nihilo plus sympathiæ exserat, quam alia quæcunque terrea substantia: Adeo, ut non nisi *completum* ferrum, & quidem *Phlogiston* hujus admixtione tale, *Magneti* sociari valeat.

Tandem vero neque *Sulphur* commune, aut *Antimonium Sulphuris* sui ratione, ullatenus coalescit cum *ferro*, simul atque hæc *Phlogistos* substantia è Mixtione ipsius ablata fuerit. Unde omnes *Croci Martis*, Calcinatione aperta exusti, a *Sulphure* simplici, & *Antimonio*, nullo prorsus modo alterantur. Cujus contrarium præsentissime evenit, non modo in *Reguli* communis Martialis præparatione, & *Croci Martis Sulphurati* compositione, sed etiam in illa subtili *Calce Martis*, quæ cum *Alcali Sulphurato* paratur.

Præcipuum vero symbolum confert hoc nostrum *Phlogiston*, Mixtioni ferri insitum, ad connubium *Stanni* cum *ferro* perpetrandum; Unde *stannum* ferro promptissime adhærescit, eique, superficietenus ad minimum, colliquatur, mediante *pingui* aliqua substantia, ut *sebo* animalium, aut *oleis* expressis, *resinis*, imo *pice*, vegetabilium, quæ communis est fabrilis methodus ferra-  
menta *stanno* obducendi.

## CAPUT SECUNDUM.

### DE FERRI ET CHALYBIS DIFFERENTIA.

**U**T inter vulgatiores quoque, & obvias omnino, res, fere multæ occurrunt, quarum veræ conditiones, per negligentiam quandam, & veluti contemptum, minus perspectæ sunt:

sunt : Ita inter easdem sane *ferrum* & *Chalybem* recensere sine injuria licuerit.

Quotus quisque enim, quæso, metallicarum rerum scriptor, paulo tantum exquisitius *ferri* historiam tractare dignatus est, cum tamen utilissimum hoc metallum, ob oculos, & in manibus omnium hominum, quasi perpetuo versetur.

Distinguunt vulgo *mineras ferri*, & *Chalybis*, Eisen-Stein und Stahl-Stein / tanquam diversarum plane specierum concreta; cum tamen revera *Chalybs*, non sit nisi perfectius tractabile *ferrum*; Et *ferrum*, non nisi *inertior Chalybs*, & minus minusque malleo & flexioni obediens.

Unde recte utique *Laz. Ercker* in Docimasia sua, è *ferro*, mediantibus Carbonibus *duriorum* lignorum *Chalybem* fieri posse, sine ponderis dispendio, breviter quidem, sed nervose, notat: Et contra, *Chalybem*, repetitis multiplicibus candefactionibus & ignis agitationibus, denuo in *ferream* inertiam prolabi, observat.

Consistit nimirum universa *ferri* à *Chalybe* differentia, in eo, quod *ferrum* pallidius sit colore, *Chalybs* saturatior & quidem ad nigrum vergente livore; *Ferrum* laxius & flaccidum, facile flexile, & veluti molle: *Chalybs* densior, *durior*, renitens, & resiliens ab inflexione: *Ferrum* valde cito fragile, & paucis flexuris reciprocis, ruptile: *Chalybs* tenacior, & tractabilior: *Ferrum* diffractum crassiusculis veluti granis, aut foliacea textura in crassitie sui, laxius cohærescere videatur: *Chalybs* vero, tenuiter admodum, & teneris ejusmodi foliolis, coagmentatus appareat.

Fabris vero, & aliis ferrariis opificibus plus satis utique notum est, quod *ferrum* unum ab altero bonitate plurimum differat; Similiter & *Chalybs* alius, alium teneritudine plurimum antecellat. Ut enim *Styriacus Chalybs* & ferramenta, *Smalcaldicis* nostris vulgaribus, & *Sulensibus*, longe præstant: Ita *Suecicum* quoque *ferrum*, nostratibus vulgo plurimum antefertur.

Diversitatem vero nostratium quoque, ut pro re loqui liceat, *ferrorum*, taxant sæpe satis fabri ipsi, adeo ut unius loci *ferrum* non nisi rudioribus & crassioribus operibus, aptum judicent, paulo tene-



*riora* vero, & durabiliora instrumenta, non nisi è certi alterius generis, aut *gentis*, ferro, parare audeant.

Recordor utique, antè hos sex, circiter annos, cum officinas ferrarias proxime *Harzgerodam*, ut vocant ad *saltum virginis*, am *Mägde-Sprung* inviserem, à fusore ejus temporis, homine juvene, sed rerum suarum bene perito, quique in ipso Sueciæ regno aliquot annos professioni suæ invigilaverat, intellexisse, quod ferrum, quale isto tempore conflabat, pulchre *ductile* & *tractabile*, vix à paucò tempore ad hanc ductilitatem & teneritudinem deduxerit, ipse officinarum harum tum temporis possessor, vir rerum suarum benegnarus; & quod hoc ipsum non nisi *plurium generum* diversorum mineris ferri, prudenti proportionem inter se cominixtis, obtinuerit. Juxta oppidum *Bennungen*, ditionis *Stolbergensis*, ad *Hercyniam* Sylvam situm, satis bonæ notæ ferrum, similiter è *diversi* generis minera, conflari spectavi. In Marchionis Serenissimi Brandenburg - Onoldini ditionibus, ferrum quidem conflari intellexi, & *furnos*, *globos tormentarios*, *pondera*, inde fundi: *Fabrilibus* vero operibus minus commodum existere.

Quemadmodum vero dubium nullum est, quin aliquæ tales *ferri* mineræ, originali labe ita depravatæ sint, ut nimis *paupera* crassi *subtilioris* suæ partis, crassiorē *terream* non satis saturatam & penetratam gerant; Ita verisimile tamen hoc quoque est, quod, si commoditas *Carbonum*, præcipue è *durioribus* lignis, *durabiliorum*, & sale quoque *alcalico* præpollentium, in talibus locis una suppeteret, fore, ut etiam hujusmodi *deteriores* mineræ, tractabilius ferrum suppeditare possent.

A *Smalcaldicis* certe *Chalybariis* fabris sæpe audiui, quod *Chalybem* suum parare nullo modo valerent, nisi præter *Carbones abiegnos*, *pineos*, *piceos*, quos *Thuringica* Sylva, ad cujus radices habitant, ipsis præbet, *faginos* quoque, *quernos*, & *betulinos*, è Sylvis trans *Werram* fluvium, vulgo *die Zieselbach* dictis, nanciscerentur.

Imo vero laboraverunt in hoc negotio ipsi quoque viri non contemnendi, Liber Baro t. t. *Caspar à Fürstenberg*, & *D. Beccherus*, qui in tractatu suo perelegante, *Morosophias* P. 1. n. 23. ejus meminit. Sed uti certum est, non è quolibet ligno fieri Mercurium: Ita etiam

fer-

*ferrum* ipsum *deterius*, eadem facilitate, promptitudine, & operationum simplicitate, in *bonum chalybem* transitutum esse, quo aliud jam per se *tenerius*, nemo temere expectaverit. Interim summa profecto est in hujus generis laboribus difficultas, quod, cum negotia hæc per operarios in effectum deducere necesse sit, illi vero communissime metallo, quod tractant, duriores sint, & nihil nisi planissime & unicum, cui assueverunt, facere, sibi persuaderi sinant, quod, inquam, exinde sæpissime vel negotium non ex voto succedat, vel ad minimum cum *emolumento*, in *copia* tractari non possit, licet in se & *physicè*, verum sit.

Comprobat vero hanc veritatem etiam vulgaris opificum Methodus, qua instrumenta *Chalybea* in eam *duritiem* & densitatem transferunt, ut alii *Chalybi* secando, apta evadant. Imponunt nimirum, v. g. *limas*, pulveri, è *Carbonibus* densioribus, duriorum lignorum, *Cornibus*, & *ungulis* animalium, *pilis*, &c. consarcinato, occludunt vas cum hoc pulvere, & urunt ita, sive *cæmentant*, per aliquot horarum spatium. Ita evadunt instrumenta hæc, non modo ipso aspectu *nigriora* seu saturatoris coloris, sed & consistentia *densiora*, ut *fracta* deinde, longe *teneriorem* faciem exhibeant, quam alius simplex *Chalybs*: sunt vero hoc ipso valde *dura* & compactæ densitatis. Appellant vulgo hanc cæmentationem, *das einsetzen*. Et possunt hac eadem ratione etiam simpliciter *ferrea* instrumenta, in notabilem duritiem transferri.

Interim tamen, nec ego etiam in ea sum sententia, ac si è *ferreo*, per solam additionem talem τῆ φλογις, immediate *Chalybs* fieri posset; Vidi enim utique in *Chalybariis* furnis, ubi *secunda* fusione, quasi *Refinationem* *Chalybis* perpetrant, è priore massa insignes demum *vitreas albescentes scorias* secedere. Ita nempe, ut revera etiam aliquid de prioris consistentiæ *terrea* substantia simul decedat, dum tenuior illa *accrescens* portio, non modo non coalescit, nisi cum *teneriore* materia: sed etiam eo ipso secretionem aliquam inducit isti parti, quæ firmiori immixtioni *attenuata* portionis amplius jam non quadrat.

Denique vero huic eidem fundamento, quod antea de *cæmentatione* cum *Carbonibus* lignorum, & ex *animalibus* desumtorum,



notavimus, innititur etiam magis *superficialis*, & maxime quidem non admodum crassorum, *Chalybeorum* instrumentorum, *induratio*, mediante extinctione in *ungula* aut *Cornu* animalis, quod vulgo, *hörn*en potius, quam *hårten* / dicunt. Sicut enim simplicissimam, & fere quoque levissimam, *obdurationem* peragunt *extinctione* in aqua; qua saltem repentina quædam *compactio*, sine ulla alia alteratione, inducitur: Ita medium *indurationis* gradum, largitur hæc *extinctio* in *ungulis* & *cornibus*: *summum* vero in hoc genere, absolvit *cementatio* illa.

*Ferrum* contra *porosius* longe est *Chalybe*, unde non modo *levius* est pondere, sed etiam in ipsa *fusione* portio *chalybi* propior, *densior*, magis *imam* partem petit: *spongiosior* vero, *inertior*, magis circa *superiora* hæret, neque omnino tam *liquido* & *tenuiter*, ut ipse *Chalybs* fluit.

An non *Chalybs* etiam *facilius* fluat, quam *ferrum*? quæstio sane est, apud operarios vix resolubilis, cum ille gradus, quo hæc metalla utraque egent, tantus utique sit, ut certas veluti scalas in eo notare, vix sperare liceat. Arbitramur autem fore, ut beneficio *speculorum* bonorum *causticorum*, aliqua hic probabilitas deprehendi possit, sed nondum cepimus Experimentum.

Colligimus ex hisce dictis id unicum, quod *Chalybs* à *ferro* differat, *materialiter* quidem, in maiore copia *Phlogistarum*, parciore vero *terrearum* crassiorum, particularum: Quarum prioribus cum destitutum sit, posterioribus vero magis *abundet*, *ferrum*, non potest, quin *rudior* quoque, *facilius exustibilem*, & in *vitrescentiam* magis præcipitem habeat consistentiam: Imo unitis arctius inter se mutuo, absque *sulphurearum* seu *Phlogistarum* interpositione, *terreis* his particulis, sequitur deinde etiam *rudior* consistentia, si *Phlogistæ* illæ particulæ exustæ sint, de quo mox,

CAPUT TERTIUM.

CROCI MARTIS DIVERSI.

**C**Roci Martis sunt vel *communius usuales*, & solitæ præparationis, minorisque fere apparatus; Vel *minus usitate* præparationis & apparatus.

Prioris generis, sunt *Crocus Martis aperitivus*, & *sulphuratus communis*, & *adstringens*.

Posterioris generis, est *Crocus Martis Cachecticus Zwelferi*, Terra sic dicta *dulcis*, è vitriolo Martiali: & noster, quem dicimus *Crocum Martis Antimoniatum*, qui respondet *Antimonio diaphoretico Martiali* B. Ludovici, quadantenus; plurimum vero *Cachectico Zwelferi*.

Non placet prolixè omnes hos *Crocos*, eorumque præparationem è systematibus chymicis transcribere; suffecerit eo respectu, quo ad nostram rem faciunt, ipsos considerasse: Ubi *duplicis* generis sunt, nimirum vel cum aliqua *separatione* partium conjuncti, vel absque eadem.

*Absque tali separatione tota substantia* Martis resolvitur in talem pulverem, quem *Crocum* vocant, primo simplici *ustione* seu reverberio, unde *Crocus adstrictivus simplex*.

*Secundo*, in *Croco Martis sulphurato communi*, ubi *totum metallum sulphure penetratum*, in talem pulverem fatiscit. Quod & copiose, & tenerrime, fusione quoque per *Alcali animatum* perficitur.

*Tertio*, in *Croco* è destillatione *Vitrioli Martialis*, probe edulcorato; aut ex eodem *Vitriolo*, per *Alcali fixum*, precipitato: ubi tamen plane specialem quandam qualitatem subit, de qua forte alias.

*Quarto*, jam ante notato, ab Autore B. Ludovici ita dicto *Antimonio diaphoretico Martiali* singulari.

*Quinto*, bonam partem in *Croco Martis solubili* quorundam,  
Uuu dam,



dam, restante, nimirum è Sale ammoniaco cum limatura Martis tractato.

*Posterioris generis, sunt Croci Martis illi aperitivi, qui primo fiunt illinitione cum Spiritu Sulphuris aut vitrioli, aut extractione per acetum destillatum, sive simplex, sive aqua forti alteratum: illud è laminis, hoc è croco Martis, præsertim Sulphurato.*

Secundo *detonatione simplici, cum Nitro juxta Zwelferum.*

Tertio denique nostra *segregatione subtiliore.*

De quibus itaque paulo prolixius agendum nobis erit, adjecto insuper *Ludoviciano* illo modo, ad differentiam istius & nostri luculentius exhibendam.

Exhibet *B. Ludovici* præparationem sui, quod vocat *Antimonium diaphoreticum Martiale* compendiosum, *Act. Nat. curios. decur. 1. Anno 8. Observat. 65.* Recipit nempe *Antimonii & Limat. Martis* partes æquales; *Limaturæ* candefactæ, *Antimonium* superingerit, subagitat, fundit foliis adhibitis. Simul tamen jubet perpetuo agitare rudicula, ne *Regulus* separari possit. Ita subnascentem massam unius, quasi æqualiter scoreiformis, texturæ, subtiliter pulverisatam detonat cum triplo *Nitri*: Salsedinem inde eluit, pulverem residuum pro usu servat.

Nascitur ita, si *frigida* aqua facta est edulcoratio, *subpallida, hepatica* rubedinis pulvis; si vero *coquendo* edulcoratio peragatur, pulvis inde prodiens, evadit admodum *rubei coloris*, à dilutiore *rubrica fabrilis* non admodum abiens.

Præterea, si *frigida* elutriatus fuerit, longe ponderosior fore est, quam si *elixatus* fuerit.

*Zwelferus* præparat *Crocum* suum, *limaturam Martis* cum *Nitro*, in candente crucibulo accendendo, residuam massam elutriando, aquam, quam inde rubedine tinctam prodituram spondet, decantatam à crassiore sedimento, seorsim seponendo, donec tenuis pulvis exinde subsideat, quem pro illo *Croco aperitivo* assumere jubet.

Ego meum *Crocum Martis Antimoniatum* ita præparo; *Martis* p. j. cum *Antimonii* p. ii. fundo tenuiter, addita vel statim in principio, vel sub fusione, *octava* aut *decima* parte *Salis Tartari*, aut *cinerum clavellatorum* depuratorum: ubi totum liquido fluit, effundo: ita obtineo *Regulum*, cum *scoria* leviter scintillante, *fusci* coloris: hæc, sive ita integra seposita, sive, & quidem commodius, *frustulatim* confusa, sive aëri umbroso, humidula tempestate, sive cellæ exposita, dilabitur satis prompte in pulverem subnitidum.

Hunc pulverem, aqua frigida, vel tepida, multa agitatione collutriatum, ita separo, ut quicquid ejus diu aquæ turbidum internatat, tenuissimum, cum hac effundam: crassiore parte, sedimenti instar in fundo remanente; hoc repeto, donec quidquam hujusmodi tenerum amplius secedere recuset.

Exit vero ita *tenerioris* hujus substantiæ, in proportionem ad *crassiorem* illam residuam, revera oppido *parum*; Sunt vero differentes utriusque hujus substantiæ qualitates sequentes.

Primo si *tenerior* iste pulvis, absque alio additamento, leni ustulatione, & denique incandescencia, tractatur, nanciscitur *dilute* rubicundum colorem, *lateritio* paulo obscuriori geminum, *Subsidentis* vero illa altera portio, si similiter tractetur, nanciscitur è vestigio *nigro-purpureum* colorem, *Croco Martis adstringenti*, cum vel sine *sulphuratione* factò, plane similem.

Si vero ante dictus ille *tenerior* pulvis, elutriatus, cum triplo *Nitri* detonetur in crucibulo levissime candescente; ubi leviter, & quasi per minima punctula inter se mutuo fulgurant, & massa inde nascens rubicunda edulcoretur, prodit inde similis pulvis *dilute rubens*, dilutissimæ rubricæ instar.

Si vero *sedimentaria* illa portio, similiter cum *Nitro* incendatur, pulvis inde resultat, longissime *obscurioris* & *nigricantis* coloris.

Differunt etiam *teneritudine* quam plurimum utrique hi pulveres; siquidem *prior* ille, collutriendo cum aqua, nimium quantum *levior*, & *adspectu* etiam intra aquam *tenerior* deprehenditur, quam ultimus iste, qui non modo aquæ coagitatus citissime



rurfus *subſiaet* : ſed etiam quaſi ſingulis corpusculis diſtincte conſpici valet.

Imo ſi univerſus hic pulvis è ſcoria illa ita in aëre humidulo collapſa natus, abſque Elutriatione, ita univerſus cum *Nitro* detonetur, & tum demum elutriatio illa inſtituatur, prodit inde ſimiliter *duplex* talis pulvis unus *tenerior, dilutior, paucior* : alter *crasſior obſcurior, copioſus*.

Imo vero ſi hæc elutriandi methodus etiam in ipſo *B. Ludovici* illo *Antim. diaph. Martiali* inſtituatur, prodit indidem quoque ejusmodi diverſæ teneritudinis, & ipſius etiam coloris, ſubſtantia.

De *Zwelferiano* illo, non poſſum quin verbum adjiciam. Transferibuntur ſubinde tales præparationum traditiones ex uno ſcripto in alterum, quæ manu admota plurimum aliter apparent.

Ego ſane quotieſcunque negotium hoc, neque certe raro id ipſum, ſuſcepi, hunc effectum obtinui, ut aqua affuſa, non *rubro*, ſed ſaturatiſſime *violaceo*, colore imbueretur, quæ nunquam diei & noctis ſpacio, ſed intra quadrantem horæ, non modo in lateritium colorem faceſſit, ſed omnimode ſubſidet, pulverem *tenerrimum* utique, ſed ſimul omnino horribiliter *paucum*, elargiendo : ita ut e *libra j.* hujus ſinceri pulveris *unciam ſemis* colligere, magnum operæ pretium fuerit.

Si maſſa hæc, ſtatim ubi conquievit *fulguratio*, e crucibulo exciſa, in calefacto ferreo mortario in groſſiuſculum pulverem redigitur, & hic in tabula vitrea alicubi, loco aut tempore *humidulo*, aliquandiu ſeponitur donec humeſcat; ſi tunc ab hac humeſcentia, æqualiter & tenere molleſcit, tunc elutriatio illa dicta *violacei* coloris, fere proſperius ſuccedit. Hoc ſatis certum eſt, quod, quo citius materia illa, incipiente ſaltem *fulguratione*, ex igne eximitur, eo magis negotio huic deinde obediat.

De proportionem *Nitri*, nihil inſigniter determinari valet, niſi quod *anatica* fere ſufficiat; dum *dupla* aut adhuc major, nihil, niſi *accenſionem* impedit, & retardat: quam, ſi augmento ignis promovere ſuſcipias, nitrum *bulliendo* oras vaſis tranſcendet.

De causa hujus diversitatis secedentium e Marte substantiarum, si dispiciamus, nulla sane neque planior, neque luculentior succurrerit, præter unam illam, quod hæc fiant beneficio istius *Phlogistæ*, quod in Marte hærens, & *crassiori* ipsius substantiæ, *terreo-vitrescenti*, interpositum, metallicam *aggregabilem, malleabilem, densam, nitidam*, ejus faciem, perficit, ut supra dictum.

Hæc, dum ejusmodi *exustionibus* agitatur, divellit teneriorem aliquam, qua cum magis immediate cohæsit, portiunculam; Et incertum fere adhuc est, an talis portiuncula vere de totius residuæ crassioris portionis indole sit, an vero actu, etiam sub istius admiscela, partem quandam in hoc genere puriorem, præbuerit.

Sicut enim *Chalybem*, tanquam *puriorē* substantiam ferream, crassiori hujus generis fere *intertextam* arbitramur, & ita *ferum*, imo & *chalybem*, pro substantia ejusdem generis quidem, sed valde diversæ *teneritudinis* partes, *crassiores, tenuiores, tenuissimas*, continente, agnoscimus: Ita maxime *tenerrimam* hujus generis portionem, segregari à *crassiore* censemus, tum exustione illa cum *Nitro* immediate, tum illa prævia copula intimiore & teneriore cum *sulphure*, aut *alcali sulphurato*.

Ubi maxime notari debet, quod, licet multo plurimum *alcali* adhibitum fuerit, nihilominus, edulcorato deinde ipso *alcali* & residuo pulvere per *elutriationem* talem tractato, nihilo plus *tenerrimæ* hujus generis substantiæ inde resultet, quam si minus ejus assumptum fuit.

Quod idem quoque de majori copia *Antimonii* assumpta, valet. Suspiciari nimirum subibat, quasi attenuatio illa magis penderet à *regulinæ* partis Antimonii intertextione, unde *tres* partes Antimonii ad *unam* ferri adhibebam, fundebam cum pauco, tum etiam cum multo *Alcali*, elutriabam: prodibat quidem plus pulveris *tenerioris*, qui etiam fixatione cum *Nitro* longe *albidior* evadebat: sed *crassioris* istius pulveris, nihilo inde minus nascebatur, neque *tenerioris* aut *dilutioris* quam alias, texturæ; siquidem copiosior proventus tenerioris, immediate ab Antimonio abundante erat, nulatenus vero à Marte.



Appellare soleo præparatum hoc, *Crocum Martis Antimoniatum aperitivum*; quia utique maximam partem *Martialis* est profapia, vix minimo *Regulina* substantiæ intertexto.

Aperitivum effectum tribuo eidem, præprimis in *comparatione* ad alterum, residuum, pure & enormiter *adstringentem*: Confero *Zwelferiano*, præcipue identitate substantiæ: præfero eidem, & *Ludoviciano*; illi, largiore *proventu*: huic, veriore secretione *effectuum* diversorum. Si quis tamen *Zwelferianum*, propter simplicitatem operationis, nostro antehabere voluerit, illi nullam litem movemus.

Sufficit nobis, occasione hujusce nostri experimenti luculentius, nisi mens fallit, demonstrationem illam stabiliri posse, quod non modo valde *diversæ texturæ*, sed & notabiliter *differentis efficaciæ*, partes, in uno eodemque *ferro* insint, quas proinde potius *segregatas*, quam una simplici mole *confusas*, in usum trahere præstet.

## CAPUT QUARTUM.

# DE DIFFERENTIA EFFICACIÆ REMEDIORUM MARTIALIUM.

**I**Nter scandala artis medicæ, & præcipue *Praxeos clinice*, summo utique jure, imo necessitate nuda, referre debemus, vanas illas, imo frivolas frequentissime, pollicitationes, de *efficacia remedium insigni & nobili*, quæ tamen non nisi valde *longinquum, tardum, obscurum*, aut denique de *nexu causalitatis* merito *dubium* eventum, post sese trahunt: vel sæpenumero, magis *contrario* effectû directo, naturam saltem irritando, in robustioribus perficiunt, ut Natura, medicamento molesto magis provocata, & hoc, & reliqui morbi fomitem, simul excutiat, vel tandem puro figmento nituntur, sive propriæ & impudentis inventionis illud sit, sive, alienum quidem, levitate tamen credulitatis abripiantur imperiti, ad illud aliis pro certo commendandum.

Omnibus quorumcunque regnorum, & quarumlibet præparationum, medicamentis, dummodo effectum aliquem habent, honor illius, non nisi injuria in dubium vocatur: at vero latius hunc quam veritas svadeat, extendere, nec honestum nec utile, sed fere noxium, & per practicos imperitos miseris ægris sæpe funestum, existit.

Sunt hujus capitis sane etiam medicamenta *Martialia*. Eximius sane illorum, sed non ita latius ambitus, & universalis ubertatis ut vulgo jactatur, est usus. Et velit sane Deus, multa nobis ejusmodi suppetant medicamenta, quæ singula vel *unum* saltem, sed eum *certum* & fidum, usum exhibeant, cujus quidem obtinendi verum adhibitionis modum & opportunitatem saltem, pernoscamus.

Est *Mars* remedium, *chronicis*, & quidem adhuc *levioribus*, affectibus, vel *chronicorum* reliquiis *tenerioribus* conducens. In *gravioribus* nihil solidum & certum effecerit: imo facillime, præpostere datus, repentinas & gravissimas turbas excitaverit.

Nota est communis ejus commendatio & destinatio, ad *contrarios* scopos, nempe *apertionem*, & *constrictionem*. Sane quidem perquam facile esset, conciliare hanc apparentem contradictionem, si modo veritas in ipsa *Experientia* assentiretur.

Volunt nimirum, *apertionem* fieri *absorptione* aciditatis, quæ humores hætenus *coagulatos* teneat, & ita agendo in humores, *Mars* *absorbere* & *aperire* censetur. *Constrictio* vero, cum sit affectio *solidarum*, *fibrosarum* partium, quas *Mars* ita afficere sentitur, ut aliqua in ipsis *constipatio*, seu augmentum *motus* earundem *tensorii*, subsequatur: edet hoc modo *adstringentem* effectum in *solidas* partes: Ita sublata conditione *actionis secundum idem & ad idem*, disparebit statim *contrarietatis* opinio, & intelligetur ita, *Martem* *aperire* quidem posse, obstructions causatas ab humoribus vitiatis, dum hos eliquet: *adstringere* vero, quacunque instigatione *fibrillis* *solidarum* partium illata.

Sed quemadmodum semper *Theoria* à *praxi* formanda est, ita obstant hinc minime leves difficultates: partim magis *à priori*, partim *à posteriori*.



*Apriori* notum satis est, quod *proportio* effectus absorbentis, magis pure physica, & *arithmetica* sit; nempe notabilem quantitatem remedii, ad saturationem certæ proportionis materiæ absorbendæ, requirat: Cum efficacia *adstrictoria*, & in genere *motuum* alterativa, magis pure *mechanica*, & *Geometrica* quasi proportionis, existat, i. e. parva mole, notabilem alterationem seu *commotionem*, præcipue in *subiecto sensibili*, producere soleat.

Ubi præterea de necessaria notabili *quantitate* ad absorbendum, adhuc notari debet, quod illa tanto magis *abundanter* requiratur, ubi nulla directa *applicatio* totius quantitatis absorbentis, ad tò absorbendum, locum habet: sed tantum quasi fortuitus allapsus aliquarum micularum sperari debet.

Fit inde, ut juxta hanc realem theoriam, valde dubius & suspectus appareat *Martialium aperitivus* usus.

Sane enim pro scopo *aperiendi*, nempe *per modum absorptionis*, danda erunt Martialia in insigni *quantitate*, ut nimirum saltem fortuito, portio de ipsis ad locum præcise affectum forte deveniat; cum neque directam *appulsionem*, neque *magneticum Symbolismum*, nisi valde credula mens, hic supposuerit: suppositionem vero, eventus præcipue, & frequens, vel ad minimum diuturna, frustratio, damnet.

Interim vero ad *vias* efficiendas, & *constrictivum* effectum inducendum, sub tanta *quantitate*, longe utique promptior fuerit *Mars*, & ubique præterea in *subjectum* motus *constrictorii* suscipiendi, *fibrosas* partes, undique & undique irruens & pertingens.

Cum itaque non modo paucissima ejus pars, minus directe *absorbens*, potissima vero *adstringens*, existat; resultat inde ejusdem longe major efficacia ad *adstringendum* quam *aperiendum*: Tanto magis vero hoc, si in substantia sua propria ita adhibeatur, cum per *additamenta*, hæc ejus simplex *adstrictoria* efficacia, notabiliter alteretur, si nempe additamenta isti, cum substantia ipsius coalescendo, novam ita texturam forment.

Tanto magis vero ineptus huic scopo erit *Mars* ita præparatus, ut hæ ipsius utræquæ substantiæ, equidem à se invicem *divulsa*,  
sed



sed tamen *confusa* relictæ, simul exhibeantur: quod nempe fit in omnibus istis *croci*, ex *integra Martis substantia* confectis.

Unde certe *crudum* adhuc ferrum, in hac consideratione, & consentiente etiam experientia, fere temperatissime omnium agit; dum non modo revera ad *absorptionem* prompte subeundam aptius est, quam ulli *croci*: quos, ut supra monitum, non, aut difficulter, acida solvunt: sed etiam in tali statu, magis *totus* solutionem subiens, in nova hac concreta textura, ab *adstringente* sua efficacia plus remittit.

Revera enim *salsa* potius *Martis* præparata, *aperientem* & *abstergentem* exerunt efficaciam. Et inter hæc quidem præcipue illa, quæ *temperatioribus* & *simplicioribus* acidis, constant, ut cum *succo pomorum*, *cydoniorum*, *citri*, *Tartaro*, *aceto simplici* & *destillato*, parata remedia: cum *Spiritu* quoque *Sulphuris*, ut ipsum *vitriolum Martis*. Quemadmodum contra, cum *Spiritu Salis* præcipue parata, summopere *adstringunt*: neque valde minus etiam ea, quæ *Spiritus Nutri* interventu conficiuntur. B. Ludovici certe *Tinctura Vitrioli Martialis Tartarifata*, est admodum commendabilis efficaciam, non quidem æque *aperitivo*; sed magis *tonico*, *roborante*, effectû, ante omnia vero *appetitus* suscitandi efficacia.

In genere enim mea quidem sententia de *Martialibus*, eorumque effectû in humano corpore, ea est, quod omnia præcipue agant *adstringendo*: alia saltem *temperate*, alia vero *eminenter* & præsentaneè. Unde etiam ipsam *pathologiam* illorum affectuum, quibus *Martialia* conducunt, longe meliore circumstantiarum connectione cum eventibus & effectibus, deprehendere mihi videor, in laxitate potius vasorum mesaraicorum, nascente hinc congestione, spissitudine, & ad hanc *expediendam*, subinde susceptis *spasmodicis* circa has partes *moticationibus*: quæ *laxitas* & *Atonia*, continuato ejusmodi *leniter adstringentium* usu, sensim restituitur. Unde aliorum etiam, *vegetabilium*, *Anthypochondriacorum*, seu *spleneticorum* & *hepaticorum*, antiquitus commendatorum, manifestior efficacia est *subadstringens*, ut *capillarium*, *scolopendrinorum*, *hepaticorum* &c.

Prædominatur vero hæc efficacia maxime in præparatis *Martialibus pulverulentis*, *siccioribus*, salina substantia minus saturatis



Cum talia, *Salino-Martialia*, inquam, præparata, etiam minus sensibilibiter *adstringentem*, sed magis *abstergentem*, aut *colliquantem* effectum, patrare valeant, si modo *congruis* salinis liquoribus facta sint.

Neque vero tum ipsa hæc *liquida*, tum *solida* & *ficca* præparata *Martialia*, *magnis dosibus* commode exhibentur, sed sufficit fere ad pauca *grana*, aut ad *guttas* 30. 40. liquamina talia *temperatiora*, exhibere, (utpote quæ sæpe vix *quartam* grani *partem* contineant de Marte.) Siquidem *largioribus* dosibus data, facile longe remotos & alienos ab intentione Medici effectus exserunt: aut ad minimum, *confusis* effectibus, loco *aperitivi*, pure *adstrictivum*, utpote in se quasi promptiorem atque præsentiozem, perpetrant.

De *Vitriolo Martiali puro* id unicum notandum, quod illud quidem, *aloëticis* additum, *laxativum* effectum potius promoveat, quam ullo modo sufflaminet: *Vomitum* vero vix unquam producat, *purum* tamen dico, & ab omni *Venereo* contagio liberum. Cujusmodi fere est illud, quod è *Minera Martis*, *Solari* appellata, *Hasfiaca*, educitur; Cujus plura grana nihil *Emetici* efficere, *Experientia* satis testatur.

Si vero e ferro vulgari, aut plane e *limatura ferri ferrariorum* fabrorum, paratum sit hoc *Vitriolum*; Aut *Spiritus* e vitriolo valde *cupreo*, adhibeatur; Tunc quidem exinde prognatum *Vitriolum*, *Vomitorie* efficaciam, in sensibilibioribus, evadere, non est quod quisquam miretur.

Ubi quidem obiter notari meretur supervacua illa quorundam ingeniositas, circa *depurationem* *limaturæ ferri* per *magnetem*. Licet enim verum utique sit, quod, si *limaturæ ferri* & *cupri*, *confusæ* offerantur, *Magnes ferream* quidem admissurus & collecturus sit, *Veneream* vero nullatenus: Aliter tamen longe sese habet negotium, in *limatura* tali promiscue *connexa*, ita, ut multæ tales *micule* occurrant, quæ ex aliqua quidem *parte ferreæ*, ex altera vero *Cupræ* existant, sub uno eodemque frustulo, lima, præcipue rudiori abrasæ: Quales quidem ex *portiuncula*, seu latere sui *ferreo*, propterea non  
omittit

omittit *Magnes*, licet, ex altero latere, portiuncula *Veneris* illiquata cohæreat.

Denique vero & ultimo loco, libet attingere traditionem illam *Medico-Chymicorum*, quod *Chalybs* magis *aperitiva*, *Ferrum* magis *styptica*, sit efficaciam. Quod videlicet convertitur cum eo, quod supra à nobis dictum est, de *abundantia Phlogistæ in Chalybe*, præ *Ferro*, adeoque majore & intimiore attenuatione istius, præ hoc: Ut adeo non modo major *teneritudo*, sed & eo ipso magis *aperitivus*, aut ad minimum longe minus & mitius *adstringens*, effectus inde sequatur.

Noster certe supradictus *Antimoniatus Crocus Martis*, neque minus ipse *Zwelferianus*, in *Hæmorrhagiis uteri*, *Hæmorrhoidum*, *lochiorum*, utique satis præsentaneam operam navat, licet turbas aut alias repentinas angustationes, nunquam causetur: Dandus tamen & ipse, vix ultra 4. ad sex *grana*, bene tamen ad *pauciora*, cum effectu satis observabili. Quemadmodum quidem in *lochialibus* puerperarum turbis, non æque *Hæmorrhagicis*, quam *spasticis* quoque *flatulentis*, per frequenter optimo cum successu eodem usus sum: Non secus atque in *Atrophicis* quoque illis affectibus puerorum, quibus *tincturam* suam commendat *B. Ludovici*, similiter cum *Arcano duplicato* exhibitus hic *Crocus* officio suo plus semel probe satisfecit.

Quæ quidem hac vice de efficacia nostri quoque *Crocis Martis Antimoniati aperitivi*, juxta vulgatan appellacionem, tenenda volumus. Plura vero, & alia, circa Martem, alteri tempori, bono cum DEO, servamus.



MENSIS

FEBRUARIUS,  
FRAGMENTA QUÆDAM  
AD HISTORIAM NATU-  
RALEM NITRI PER-  
TINENTIA,  
subministrans.

---

PRÆLOQUIUM.

I. N. 7.

**N**on inepte certe Empedocles naturam depingit,  
quod sit nihil aliud:

*Ἀλλὰ μόνον μίξις τε, διάλλαξις τε μίγντων.*

*Mixtio, & hinc iterum facti resolutio mixti.*

Loquendo nimirum de Natura, vel ut lege æterna crea-  
turis impressa, vel ut de actu, secundum hanc legem fieri  
usitato. In hoc enim consistit totus actus essendi, subsi-  
stendi, & perennandi, universæ hujus molis, ut alia quidem  
resolvantur, alia vero ex illis renascantur, alteratione  
actuum, seu brevissime, & divinissime eloquendo Motu  
Motus.

Testes nobis sunt cælum & terra; Illud ad minimum,  
vili-

visibili illo astrorum & periastrorum motu; Hoc, omnium rerum alterationibus & alternationibus.

In hoc quidem mundano theatro instrumenta motuum præcipua, sunt calor, & fluiditas, aërea, & aquea: subjecta, aqua ipsa, & terra subtilissima: Intelligendo sub terræ nomine, eminenter quidem, illud omnis crassitie, & densitatis imo quietis, fundamentum; simul tamen, & secundo loco, principium illud ad mediam consistentiam, plus minus porosam & fabrilem mixtis inducendam, & ab aëre cum igne, alterabilem, imo ignis magis immediatum subiectum, quod sulphureum vocatur: Denique & illud proximæ ad aqueam tenuitatem & fluiditatem dispositionis, Mercuriale, ad volatilitatem halituosam expansivam seu elasticam, aptum.

Hæc principia passiva, seu materialia specierum, præcipue simpliciter mixtarum, seu inanimatarum, & ex his quoque structarum seu animatarum, habent sedem & penum suam, terrea in ipsa terra, sulphurea in aëre, Mercurialia in aqua; Et hæc quidem in statu sui simpliciore. In statu vero sui jam magis composito, hærent primâ, in calicis & calcareis terris, imo & vitriolico & sulphuris fixiore acido; secunda in sulphure quatenus inflammabili, nitro, & metallis atque mineralibus adustibilibus: Tertia in sale communi, & argento vivo: Forte tamen etiam in luminosa illa substantia, quæ phosphoros aëreos modernæ inventionis constituit.

Nimium esset hanc totius universi scenam uno amplexu, captare, nempe nubem pro Junone. Suffecerit de aliquo horum generum subiecto, aliqua attingere, & illa



quidem, ut habet Titulus nostri Mensis generalia, imo Fragmenta.

Appellamus ita modestiæ causa, neque quidem affectatæ, aut simulatæ, sed omnino sinceræ: Nimirum minime ignari, quantum interfit inter veram, veracem, atque completam connexamque rerum ejusmodi historiam, & inter pauca, & forte rudiora, talium rerum rudimenta.

Scripsit ante plusculos annos Historiam Naturalem Nitri, Societatis Anglicæ assecla, Clarke; Adumbravit ibi generalia quædam subjectum hoc concernentia: Cum tamen aliqua ad hoc negotium ulterius facientia locum adhuc habeant, placuit illa cursorio hoc scribendi genere subjicere: Faxit Deus, ne prorsus otiose & inutiliter.

#### CAPUT PRIMUM.

### HISTORIA NATALIUM NITRI.

**G**enerationem Salium consideramus vel pure *Historice*, & juxta *Civilem Mechanicam*; vel *Physice*, *scientificè*. Priore modo, innotescit nobis usitatus modus, quo *Salia* educuntur ex illis locis, in quibus à *Natura Macrocosmica*, seu influxu vario *motuum* halituosorum, *generata*, seu primitus producta & prognata sunt. *Posteriore* vero ratione, dilucescit nobis ipsa *mixtionis* indoles; è cujusmodi *principiis*, & veluti primordialibus *simplicissimis materiis*, quælibet *Salia*, originem suam ducant. Priore acceptione, per *Salium* nomen, denotantur *crassa* illa *cramata*, è *salina* substantia, cum *terreo* quodam corpore connexa, cum quo *solidam*, *densam* consistentiam, nobis ante oculos sistunt; Et quæ ipsa *crassa* materia, interdum sub ipsa præparatione addita demum fuit, id quod usu venit in *Nitro*: Et hoc sensu appellantur *Salia*, *Sal Commune*, *Vitriolum*, *Alumen*, *Nitrum*.



Posteriore vero respectu, illa *mixta*, *Salium* nomine designamus quæ *in se*, & absque *heterogeneitatis* crassioris miscela, substantiam *fluido-vaporosam*, *subtilem*, *acrem*, plus minus *corrosivam* habent, & tam cum *terris*, quam cum *aquis*, prompte coalescunt. Ita non nisi sic dicti *spiritus salini* in hunc censum veniunt; nempe, *spiritus* seu *acidum*, quod in *Sulphure*, *Vitriolo* & *Alumine*, unum idemque in his omnibus, hæret; Deinde illud, quod in *Nitro*: denique id, quod in *Sale communi* residet. Quemadmodum enim *Sulphur*, *Vitriolum*, & *Alumen*, nihil aliud distinguit, nisi diversitas illius materiæ, quæ cum *salina* ipsorum portione *coalluit*; Adeo, ut quatenus *Salina* sunt, in parte sui revera *Salina* nihil absolute discrepent; sed tantum in illa parte, quæ ab hoc *Sale arrepta* est & in diversis his concretis *diverse*, cum eodem *coalluit*. *Acidum* quoque *Nitrosum*, quemadmodum unum idemque est & manet, sive cum *Alcalico Sale* coalescat in *venale Nitrum*; sive cum *Terra Salis communis*, in *Nitrum quadrangulare*; sive cum *Plumbo*, *Argento*, *Argento vivo*, in *Cryсталlos* redigatur: Nec minus *Salis communis Acidum*, unum idemque est, sive in *Sale communi*, sive in *Butyro Antimonii*, sive in *Mercurio sublimato*, sive in *Sale Armeniaco* &c. consideretur. Ita apparebit hinc utique, quod non æque proprie, ex parte talis *accrementi*, *Salium* appellatio ipsis conveniat, sed potius ex parte sui illa *homogenea pura*, & ut vulgo vocamus, *Spirituosa Acida*.

Hoc respectu, differunt utique quæstiones illæ, *ubi* & *quomodo* coalescat *Vitriolum*, *Alumen*, *Sal commune*, *Nitrum*. Et, è quibus materiis, ac veluti principiis, consistit: Ubi nimirum statim dilucescit, quod *duplex* hoc sit, nempe *Salinum*, seu *solvens*, & *terreum Metallicum* &c. *solutum*. Ubi mox altera quæstio succedit, cujusnam indolis denuo, hæc utraque existat, & unde quælibet ipsarum prognata sit; & *simplices ne*, an verò & ipsæ è *diversis principiis concreta*, appareant.

Hoc intuitu, nostri quoque subjecti, *Nitri*, *Historica* descriptio, non involvit, nisi *venalis*, *solidi*, *Sicci*, *salis*, *genealogiam*; *Physica* vero ejusdem consideratio, evolvit non modo illarum *partium* è quibus hoc *Nitrum* coalluit, *diversitatem*: Sed etiam denuo harum *sigillatim*, *indolem* & *constitutionem*.



Vulgatissima fere omnium sententia est, *Nitrum* non nasci, nisi in *stabulis*, aut *simetis*; Unde etiam plerique hujus sententiæ asseclæ, genesin ejus, ex *Urina* animalium arcessunt.

Contradicunt his alii, & in exemplum adducunt, tum vulgares, *Terrarum Nitrosarum strues*, *parietum limosorum*, *ruinarum incendiariarum*, imo *murorum calcariorum*, quin denique ipsius *Nili*, *Nitrositatem*.

Sed, ut nulla harum opinionum seorsim valet; Ita conjunctim, utraque simul, veræ utique sunt, & denique in uno tertio conciliationem patiuntur.

Nimirum *Nitrum* vel nascitur in certis ac determinatis locis; Vel recipitur in eadem, sive adnascitur, accedit, inseritur, iisdem.

Nascitur seu innascitur in locis non saltem *Urina* vel excrementis animalium affluentibus; Sed in omnibus, in quibus putrefactio obtingit; Sive ex animali sive vegetabili materia ortum suum trahat. Quo magis vero & copiosius materia talis putrescit, eo major etiam proventus *Nitri* inde resultat: Unde utique loca animalium prompte putrescentibus excrementis scatentia, negotio huic aptissima sunt.

Adnascitur vero *Nitrum* locis illis, in quibus *Alcalicæ* indolis materiæ præsto sunt & abundant; Cujusmodi ante omnia sunt muri calcarii.

De *Nilo* non placet multum loqui, cum *veritas* negotii, quod nempe vera *Nitrosa* substantia turgeat, nobis minime satis perspecta appareat: Sitamen aliquid veri hic quoque subsit, arcessendum illud videretur, ab ipsa utique *putredinosa* constitutione, quæ sub tempora *incrementi Nili*, circa origines ejus viget: Ubi scilicet in intimis *Abexinæ* locis, illo tempore *perpetua pluvia*, cum *caloribus* concurrentes, *putredinem* utique, sub locis quantumcunque *Herbidis*, facile concipere, & numerosis *torrentibus* in flumen invehere possunt. Vel porius *usta* flammeis *aslibus*, *calcaria*, in *montibus* & *Saxis* horum locorum, substantia, incidentibus *pluviis* in *magnetem* quasi *salinum* redacta, tanto promptius *halitus Nitrosos* undecunque admittat, imbibat, & alveo *Nili* invehat.

De hoc tamen universo negotio agemus pluribus, ubi *Physicam* considerationem tractabimus. *Nitrum*, ita sive *innatum*, sive *adnatum*, educitur, dum terras ejusmodi salis feraces, collectas, ita *elutrient*, ut *salinam* hanc portionem, à *terrea* reliqua substantia elixent.

Si tale lixivium, simpliciter è terra *Nitrosa* per aquam extrahatur, & inspissetur, præbet quidem magma *salsum*, sed nullo modo pure *Nitrosum*. Siquidem neque *consistentiam* ficcam, aut *crystallinam*, facile subit; neque *ignem* cum inflammabilibus aliis corporibus, ita *prompte*, *copiose*, aut *luculenter* concipit, uti *Nitrum* decet.

Succurrunt vero huic difficultati, per additionem *cineris*, & *calcis vivæ*, cum quibus terram illam ita eluendam alternatim *stratificant*.

*Materia* vero illa, quæ è *nudo* talismodi terræ *Nitrosæ* lixivio per inspissationem prodit, æmulatur *Armonicale Sal*, quale e quocunque *Volatili urinoso* sale, & *Spiritu Nitri* inter se commixtis, prognasci solet.

Dum lixivium hoc, cum *cineribus* & *calce viva* debite saturatum, & tunc *inspissatum*, ad *crystallisationem* reponitur, coalescit in *crystallos oblongas*, & veluti hastarum in morem acuminatas; Quando vero talis *saturatio* cum *alcalico salino* illo lixivio, non præcèsit, tunc manet materia semper *liquida*, imo perit & evaporat ipsa *fortiore coctione*, adeo ut coctores nihil *Nitri*, aut tam parum, quod operæ pretium nequaquam faciat, obtineant. Cujus rei gratia communiter superstitionibus subsidium quærere solent, *fascino* malevolorum frustrationem illam effectus, absurde adscribentes.

Neque suscipiunt facile terrarum suarum *Nitrosarum*, *madidarum* adhuc, elixationem; sed relinquunt easdem prius per tempus haut ita modicum *umbroso aëri* ad *desiccationem* expositam: sub quo ipso etiam actu, *alterationem* peculiarem huic penitus obtingere, dubium nullum fuerit. Efformatum ita *Nitrum*, differt unum ab altero, *promptitudine deflagrationis*: Quo quidem nomine proinde, tale maxime laudatur, quod *promptissime* cum rebus inflammabilibus *deflagrat*, atque sine remanentia *consumitur*.



Nimirum præparatum ita *Nitrum*, habet hanc specialem efficaciam, ut cum materiis alias combustibilibus flammam concipiat, simulatque candefacientem calorem persensit. Per se vero simpliciter nullatenus inflammatur, quamvis in intenso, imo velut immenso, flammæ æstu constitutum.

Oportet verò etiam, ut ipsa illa horum generum inflammabilia, consistentiam aliqualem, seu permanentiam atque durabilitatem in igne, habeant, quandoquidem coagitatio utrorumque, non fieri potest, nisi mediante igneo illo, candefactorio, motu. Subit hîc *Nitrum*, cum inflammabilibus ejusmodi rebus, expansionem illam flammæ vehementem, quam omnia alia ignea constantissime respiciunt, ut nimirum præsentissimam flammæ activitatem suscipiat, etiam absque ullo proportionato aeris commeatu: Et cum nihil aliud, quantumlibet summopere & flagrantissime, flammare aptum, sine sufficiente aeris commercio, in talem ardorem erumpere possit, solum quasi *Nitrum* prærogativam hanc obtinuit, ut veluti domesticum æreum vaporem contineat, eumque ad flammam efformandam, & constituendam, contribuat atque subministret.

*Nitrum*, in partes sui constitutivas separatum, non ardet: Videlicet neque portio ejus acida seorsim, ullo modo in flammam suscitari valet: neque alcalina, quod satis notum est. Imo, si etiam acida ejus pars cum volatili urinoso sale maritata, in siccescentem ejusmodi consistentiam redigatur, flammam tamen, ita immediate, non concipit; cum tamen utraque hæc salia, seorsim, ad aliqualem candefacientis ignis tolerantiam prius disposita, & deinde invicem, in igne conjuncta, mutuo accendantur. Si vero cum paulo fixiore materia combinetur Nitri acidum, & simul inflammabilis substantiæ intimiorem concursum experiatur, concipit eodem modo ignem, ac si cum alcalino sale unitum fuisset. Fit hoc, quando Nitri spiritus, rasuræ cornu Cervi, aut Eboris, affunditur, & ab eadem abstrahitur. Ibi si, prægresso phlegmate, paulo vehementius excalefiat materia, ut alicubi leviter candefieri incipiat, concipit facile flammam, & subit detonationem, non aliter ac si *Nitrum* cum carbonibus incensum fuisset.

Quando semel ita cum aliquo *Sulphureo, inflammabili*, deflagavit *Nitrum*, videtur eo ipso negotium perpetratum esse, longe ultra communem opinionem subtile & arduum; siquidem hoc ipso, tota intima *mixtio & Essentia* hujus Salis, eversa & dissoluta apparet.

Secus fit sub communi *spiritus* ejus *acidi* separatione; Ubi simpliciter *alcalina* ejus portio abripitur, ut *acidus spiritus* liber & purus prorumpat.

Licet enim hic ipse *spiritus*, diversa enchirisi, modo *fixior*, seu *crasior*, modo *subtilior*, seu *volatilis*, prodeat; Et actu inter illum *volatilem*, & vulgarem *fixiorem*, differentia, neque illa quidem ita levis, intercedat; Procedit tamen *volatilitas* illa fere magis ab *accessione* alicujus subtilis materiae, quam ut simpliciter sub hoc eodem schemate in Nitro *præextitisset*.

Quod attinet modum illum *innascendi*, quo *Nitrum* aliis veluti *receptaculis* insinuatur, fit hoc, partim in *calcareis parietibus* ædificiorum, partim in *gypseo-calcareis* locis montium aut collium. Priore modo nascitur *Nitrum murarium*; Posteriore, *aphro-Nitrum*.

*Murarium* illud, prognascitur, vel magis *sponte*; Vel obstericante *industria*: Utrunque tamen *materiis* plane *ejusdem generis* intercedentibus: Illic quidem, magis *fortuito*, occasione ita ferente; Hic ex *intentione* hominum & arbitraria dispositione.

Nimirum innumeri sunt ubivis locorum *muri*, quorum tamen nullus usquam *Nitrum*, ne quidem post longissimam ætatem exhibet. Profert autem contra hoc ipsum Sal, *mature* satis paucissimorum annorum murus, quando, *salino-sulphureum* quiddam cum *humiditate* mediocri concurrens, ipsum alluit.

Unde *innascitur Nitrum* hoc, minime quidem illis *murorum* parietibus, qui vel frequentissime, aut prorsus perpetuo, *aqua* allapsu madent.

Provenit vero satis *prompte*, & *copiose*, in ejusmodi muris, quibus vel *urina* animalium quorumlibet, præcipue vero *humana*, *ovilla*, *caprina*, aut *Equina*, frequenter adspergitur; Aut per *comissurarum* rimulas, aut ipsa *porosiora* saxa, ibidem penetrat: Vel è rerum



Nimirum præparatum ita *Nitrum*, habet hanc specialem efficaciam, ut cum materiis alias *combustibilibus flammam* concipiat, simulatque *candefacientem* calorem persensit. *Per se* vero simpliciter nullatenus inflammatur, quamvis in *intenso*, imo velut *immenso*, flammæ æstu constitutum.

Oportet vero etiam, ut ipsa illa horum generum *inflammabilia*, *consistentiam* aliqualem, seu *permanentiam* atque *durabilitatem* in igne, habeant, quandoquidem *coagitatio* utrorumque, non fieri potest, nisi mediante *igneo* illo, *candefactorio*, motu. Subit hîc *Nitrum*, cum *inflammabilibus* ejusmodi rebus, *expansionem* illam *flammeam* vehementem, quam omnia alia *igneæ* constantissime respuunt, ut nimirum præsentissimam *flammeam* activitatem suscipiat, etiam absque ullo proportionato *aeris commatu*: Et cum nihil aliud, quantumlibet summopere & flagrantissime, *flammare* aptum, sine sufficiente *aeris commercio*, in talem ardorem erumpere possit, solum quasi *Nitrum* prærogativam hanc obtinuit, ut veluti *domesticum æreum vaporem* contineat, eumque ad *flammam* efformandam, & constituendam, contribuat atque subministret.

*Nitrum*, in partes sui *constitutivas* separatum, non ardet: Videlicet neque portio ejus *acida* seorsim, ullo modo in *flammam* suscitari valet: neque *alcalina*; quod satis notum est. Imo, si etiam *acida* ejus pars cum *volatili urinoso sale* maritata, in *ficcescentem* ejusmodi *consistentiam* redigatur, *flammam* tamen, ita *immediate*, non concipit; cum tamen *utraq*ue hæc *salia*, seorsim, ad aliqualem *candefacientis ignis tolerantiam* prius disposita, & deinde *invicem*, in igne conjuncta, *mutuo accendantur*. Si vero cum paulo *fixiore* materia combinetur *Nitri acidum*, & simul *inflammabilis* substantiæ intimiorem concursus experiatur, concipit eodem modo ignem, ac si cum *alcalino sale* unitum fuisset. Fit hoc, quando *Nitri spiritus*, *rasuræ cornu Cervi*, aut *Eboris*, affunditur, & ab eadem abstrahitur. Ibi si, prægresso *phlegmate*, paulo vehementius *excalefiat* materia, ut alicubi leviter *candefieri* incipiat, concipit facile *flammam*, & subit *detonationem*, non aliter ac si *Nitrum* cum *carbonibus* incensum fuisset.

Quando semel ita cum aliquo *Sulphureo, inflammabili*, deflagavit *Nitrum*, videtur eo ipso negotium perpetratum esse, longe ultra communem opinionem subtile & arduum; siquidem hoc ipso, tota intima *mixtio & Essentia* hujus Salis, eversa & dissoluta apparet.

Secus fit sub communi *spiritus* ejus *acidi* separatione; Ubi simpliciter *alcalina* ejus portio abripitur, ut *acidus spiritus* liber & purus prorumpat.

Licet enim hic ipse *spiritus*, diversa enchirisi, modo *fixior*, seu *crassior*, modo *subtilior*, seu *volatilis*, prodeat; Et actu inter illum *volatilem*, & vulgarem *fixiorem*, differentia, neque illa quidem ita levis, intercedat; Procedit tamen *volatilitas* illa fere magis ab *accessione* alicujus subtilis materiae, quam ut simpliciter sub hoc eodem schemate in Nitro *præextitisset*.

Quod attinet modum illum *innascendi*, quo *Nitrum* aliis veluti *receptaculis* insinuatur, fit hoc, partim in *calcareis parietibus* ædificiorum, partim in *gypseo-calcareis* locis montium aut collium. Priore modo nascitur *Nitrum murarium*; Posteriore, *aphro-Nitrum*.

*Murarium* illud, prognascitur, vel magis *sponte*; Vel obstericante *industria*: Utrunque tamen *materiis* plane *ejusdem generis* intercedentibus: Illic quidem, magis *fortuito*, occasione ita ferente: Hic ex *intentione* hominum & arbitraria dispositione.

Nimirum innumeri sunt ubivis locorum *muri*, quorum tamen nullus usquam *Nitrum*, ne quidem post longissimam ætatem exhibet. Profert autem contra hoc ipsum Sal, *mature* satis paucissimorum annorum murus, quando, *salino-sulphureum* quiddam cum *humiditate* mediocri concurrens, ipsum alluit.

Unde *innascitur Nitrum* hoc, minime quidem illis *murorum* parietibus, qui vel frequentissime, aut prorsus perpetuo, *aqua* allapsu madent.

Provenit vero satis *prompte*, & *copiose*, in ejusmodi muris, quibus vel *urina* animalium quorumlibet, præcipue vero *humana*, *ovilla*, *caprina*, aut *Equina*, frequenter adspargitur; Aut per *comissurarum* rimulas, aut ipsa *porosiora* saxa, ibidem penetrat: Vel è rerum



aliarum *putrescentium*, *salino-sulphureis* apospasmatibus, eadem frequens, aut perpetua accessio & intertextio obtingit.

Hac ratione videmus, primo quidem ordinarie, circa *parietes latrinarum*, *Nitrum* tale efflorescere: & quidem circa *parietes exteriores*, *aëri* expositos. Cujus nimirum occursum, nimiam *humiditatem* absumens, *salina* substantiæ promptiorem effectum conciliat.

Præter passim obvia, *murorum* subter *stabula* alicubi porretorum hujusmodi *Nitrosa* accrementa, meminime vidisse unum eximium hujusmodi specimen, in domo splendida *venatoria*, *Serenissimorum Principum Saxonie Ducum*, prius quidem *Vinariensium* hodie vero, post novas distributiones hæreditatis *Jenensis*, *Isnacensium*, in districtu *Hennebergico*, die *Zielbach* dicta. Ibi enim, in ædificio transverso, in *Queergebau* / cella *Vinaria* visitur, pulcherrima & spatiosa, cujus fornices sustinent impositum *equile* capacissimum: Ubi quidem ab *Urina equorum*, denique per saxa & commissuras penetrante, calx, quæ pro cæmento his inservit, hinc inde ita exesa & dissoluta est, ut per cavitatem fornicis, hinc inde, multæ & magnæ *Stirie concavæ* dependeant, *Nitrum* hujusmodi murarium exhibentes.

Alterius generis exemplar est, quando parietibus e *luto* & *stramine* contextis crusta e *calce* inducitur, & tunc quacunque fortuna intercedente, *humor* copiosior & frequentior, in *lutosum* illud meditullium penetrat: ibi enim, *putrescente* successive *stramento*, prognaſcitur *Nitrosum* tale sal, quod subtilis candidæ *lanuginis* instar per *calcariam* illam crustam efflorescens, mox oculis sese sistit.

Posterioris generis, nempe *artificialis* hujusmodi *geneseos*, solet hinc inde in munitioribus *Castellis* celebrari, ut fornicibus (quibus vel ipsorum *murorum* fundamenta sustentari solent, & *cuniculorum pyrobolicorum* hostilium efficacia præoccupari, vel *propugnaculorum* bases subſtrui) ut his fornicibus, inquam, *urina* hominum, *equorum*, *ovium*, imo promiscua urinaria *muria* *fimetorum* aspergatur, vel deſuper ejusmodi fornices, talibus rebus *irrorentur*: Qua ratione nimirum, *ſucceſſiva* harum rerum *putrefactione*, & *humiditatis* lenta di-  
vapora-

vaporatione atque exhalatione, hic quoque hæc eadem genesis, ex eodem fundamento, succedit.

*Aphro-Nitri* proventum, nusquam neque ita *copiosum*, neque, ratione manifestarum circumstantiarum, ita *luculentum*, conspeximus, uti *Jena* trans pontem *Salanum*, circa *cavernam*, quam vulgus das *Teuffels-Loch*/ appellat; Et in via quæ ad pagum *Runitz*/ juxta *Salam*, *per prata*, deducit.

Uterque locus, instructus est *scaturigine*, & quidem *primus* ille, admodum ubere; quamvis neque & alter, defectu aquæ facile laboret.

Sive jam, ut credibile est, à *porositate* totius illius tractus montosi, qui *scaturiginibus* hisce immediate incumbit, aliqua pars aqueæ humiditatis, ita per *poros Saxorum* ibi transudet, & *herbido-Salina* veluti elixata, apospasmata, ibi transcolet; Sive *halitus* perpetuus *humidus*, ex aqua subtus profluente, assurgens, hanc montis partem penetret, & *Nitrosorum*, in *aëre* vagantium *halituum*, invasionem, in solubilem, qui ibi præsto est, *gypseum* lapidem, promoveat: quod tamen minus probabile mihi videtur; Unde hoc fit, prognascitur ibi, & provenit utique, dicta hæc *Nitrosa* substantia, præcipue, tamen *Verno* tempore.

Ubi quidem, facta mentione *halituum Nitrosorum*, in ipso *aëre* vagantium, supponit hos utique magnus numerus modernorum *Spiritus mundi aeris* fautorum. Sed quemadmodum illi sine dubio hoc nomine aliud quiddam, quam *vulgarem nudum Nitri spiritum*, aut *vulgare formale Nitrum* intelligunt (nequaquam videlicet tanto artificio, & tot laboribus, conquirituri, quod hoc modo *Nitrum vulgare* in magna copia ipsis suppeditaturum esset) Ita refellit etiam hanc interpretationem ipsa utique *Experientia*, satis certo nimirum, atque manifesto confirmans, quod hujusmodi substantiæ, qualis supponitur, proventus, nullis exemplis aut experimentis sese sistat.

Unde quidem nihilo plus considerationis, nostro quidem judicio, hic meretur, congener illa, (ex hoc tamen eodem gene-



re, quantum apparet, profecta) suppositio, quasi videlicet præcipua efficacia hic sit certorum *specialium ventorum*, & nominatim quidem *Borealiū*.

Nos sane hætenus nequaquam habemus, quod nobis rem hanc ullatenus probare valeret.

Repetimus interim denuo & inculcamus omnino, monitum illud nostrum supra jam notanter commendatum, quod nimirum *Nitrum*, in statu quantumcunque *volatili & exhalabili*, constitutum, adeoque & hoc ipsum, si vel maxime daretur, *halitus* instar, *aerem* pervagans, non temere *accendatur*: Quo monito nimirum opinio illa (si quidem ullam rationalem declinationem mereri videtur) declinatur, quasi *Nitrum* hoc per *respirationem*, ex *aere* attractum, in pabulum cedat *flammula* vitali, in sinistro cordis ventriculo *flagrare* putatæ. Interim nequaquam negamus, aut experientiam manifestam hic præterimus, quod utique *Nitrum*, adhuc *terreum*, primigenium illud, *Armoniacalis* indolis, *æstu fervidiore* solis, actu in *aerem* dissipetur. Sed nequaquam adeo *abundans* est hæc *elevatio*, ut inde temere *magnus proventus* talium miasmatum, nedum *fluctus*, *flumina*, imo *mare* quasi quoddam eorundem, in *aere* fingi mereatur.

Illud quidem notatu non indignum, sed profecto circumspectiore experientiæ examine dignissimum est, quod à quibusdam asseritur, *Nitrum* ipsum supra dictis congruis sui receptaculis, & veluti matricibus inspersum, ex *æere*, veluti magnetice, suæ speciei miasmata ita attrahere, ut inde, veluti perpetuo proventu, augeat & succrescat. Quamvis enim de primigenio illo Nitro, quale primitus in terris pinguibus subnasci diximus, hoc minime fallat, alia tamen longe ratio est nostri fixioris, cum *fixo sale* maritati, *Nitri*. De quo inferius pluribus agemus.

CAPUT SECUNDUM.

HISTORIA NITRI CHIMICA VUL-  
GATIOR.

**S**istit hæc (1) ejusdem *Extractionem*, & *coctionem* atque *Crystallisationem*; (2) varias *Preparationes*: (3) varias *separationes* partium ejus constituentium.

*Extractio & Coctio Nitri*, ita peragitur. Colligunt operarii *Terram Nitrosam*, ex *stabulis*, præcipue vero *ovilibus*, non quidem recenti *fimo* squalentibus, sed *antiquis*, & diu desertis; Petunt eandem, è *domibus* & *casis* rusticorum, quarum *parietes*, è *luto* atque *limo*, *Stramentis* remixtis, extructi, tempestatibus expositi, subsistunt: Hos parietes, ad *digiti* transversi profunditatem, *abradere*, juris Magistratum esse sentiunt. *Effodiunt* quoque similem terram, è terris circa *latrinas*, *sepulchretis*, & similibus locis: Ubi iterum jus superioritatis, non raro ad domos ipsas subruendas porrigitur: Conquirunt, etiam interdum *Saponariorum* rejectos *cineres*, diu *aerem* expertos. Neque tamen omnia talia, ex illo latere vel loco, cui *Solis aestui* plurimum illabi potuit, præoptant, aut usquam fœcundiora deprehendunt, quam si in *umbrosis*, liberiori tamen aëri patentibus locis, collegerint.

Si temporis ratio patitur, convectas hæc terras, in loco *umbroso*, *sicco*, relictas, ad *ariditatem* usque siccescere permittunt. Si vero vel *mora* incommoda sit, vel ipsa *loci* commoditas deficiat, vel *copia* notabilis terræ hujus abundet, coacervant hanc solum in oblongos angustiores cumulos, eosque ita juxta se invicem in altum instruunt & oblique meridiei opponunt, ut non modo *solis* radii non immediate, longitudinem ipsorum pervadere possint, sed etiam ipsa mutua propinquitas, umbras faciat.



*Terram* itaque Nitrosam, vel plane, vel mediocriter, *siccam*, inferunt *doliis* & *cupis*, quæ supra *fundum* suum, ad Spithamæ circiter distantiam, adhuc alium, *mobilem*, & *foraminibus* crebris pervium, habeant fundum, qui eximi & imponi possit, fulcris aliquot à vero fundo distinendus. Super hunc demum altiore fundum, ponitur *straminis* aut *fæni* stratum, ad palmæ circiter altitudinem: Huic injicitur *terra Nitrosa* notabilis quantitas. Super hanc Terræ portionem, inspergitur *cineris*, è durioribus præcipue lignis, aliqua portio, cum calcis vivæ modico. Imponitur denuo huic quoque strato, plus *Terræ*; Superadditur illi iterum *Cinis*: Continuando hanc alternam impositionem quoad vas fere plenum evaserit.

Tunc vero immittitur *aqua*, donec ultra totam Terræ quantitatem altius redundet. Relinquitur ita per noctem; mane per epistomium, infimo fundo proximum, educitur *lixivium* hoc, quod *clarum* fere, & leviter *flavesce*ns, sese exhibet. Ubi omne profluxit, clauso epistomio, repletur dolium sive cupa *nova aqua*, post similem moram, pari modo emittenda. *Debilius*, dimidio & amplius, est hoc *secundarium lixivium*, quam *primum* illud: Interim neque *primum* etiam operæ pretium adhuc facit, ut per se concoqui mereretur,

Affunditur proinde *primum lixivium* *recenti* Terræ Nitrosæ, cum *cineribus* constratæ; Supplendo de *secundario* illo, quantum ipsi decessit, in prima terra residuum relictum. Repetitur hæc tractatio cum *nova Terra*, donec satis *saturatum lixivium* *coctione* dignum sit.

Instituunt itaque coctionem in *abeno* specialiter efformato, *profundo* nimirum, & *inferius* insigniter *angusto*, *conicæ* figuræ, non tamen in *acumen* exeuntis, sed in *planitiem*, aut *levem concavitatem*, sesquispithamæ circiter capacitate in Diametro.

Hujus structuræ Specialis usus, respicit *defecationem* seu *clarificationem* lixivii Nitrosi, sub ipsa coctione necessariam, & commode hac *figura* aheni, cum *ingeniosa simplicitate* alterius adhuc enchiriseos, obtinendam.

Quando nempe lixivium hoc (quod *clarum* satis esse debere, supra memoravimus) aliquandiu coquitur, *exhalat* perpetuo aliquid Aquositatis; & *prompte* quidem, secus quam è *Salis communis*, aut



aut aliis congeneribus, muriis. Ut vero ahenum perpetuo sufficienter *plenum* servetur, neque tamen affusione repetita *frigida* portionis, nimiae alterationes obtingant; apponitur in hunc finem vasculum ligneum, *epistomio* teneriore instructum, è quo perenni *stillicidio*, aut tenuissimo *fluxu*, aliquid lixivii in ahenum restituitur, quod *evaporanti* quantitati circiter respondeat, interim *calorem bullitionis* nihil perturbet. Quando vero hac ratione magis magisque densatur lixivium, incipit denique plane *turbidum* evadere, imo subtilem *limum* dimittere, qui sensim coalescens in *pulverulentam* consistentiam, *fecum* faciem repræsentat, & universum liquoris latifundium conspurcat.

Opus itaque esset, ut in hoc rerum articulo, liquor ab igne remotus, *transcolaretur*; aut diuturniore quiete, *sedimentum* deponeret, adeoque iterum *claresceret*: sed, ne tædioso tali modo, labori mora injiciatur, inventa est non modo hæc *structura* aheni, sed insuper etiam eidem respondens gemina alia enchirisis, sequentis artificii.

*Situla capax*, quæ inferiori parti aheni ipsius quoad *figuram* respondet, multo tamen *angustior* fit, ut inter illam & parietes aheni, spatium notabile remaneat, impositis aliquot lapidibus, *mergitur* in decocto, & proxime ad fundum usque demittitur: Ita dum liquor *turbulentus*, è fundo aheni, & undique circa situlam, *ebulliens*, versus centrum seu *meditullium*, à circumferentia, confluit & compellitur, supra ipsam vero *situlam*, *quietam* offendit regionem, utpote subtus (obstante *situla* ipsa, cum *liquore* in ipsam illapso:) nihil commotam, fit, ut *fluctuans* illa, turbida, *feculenta*, *limosa*, substantia, in hac *tranquilliore* regione mox confidat, & perpendiculariter delabens, in *situlam* devolvatur, adeoque liquor, ab ipsa exoneratus, denuo *clarescat*; Quo facto, extracta denique *situla*, reliquum sufficienter inspissatum, donec Specimen debitæ consistentiæ exhibeat, ad *crystallifandum* in loca sua reponitur.

*Situlam* hanc, ab hoc suo officio, nominant vernacula: denique *Subl. Opmer*: quod *luculenta* illi *Saburra* exhaustiendæ interserviat: Et repeto merito, quod *ingeniosa simplicitatis* inventum, existat ejus adhibitio.



Quando ita *clarescens* liquor, debitam consistentiam nanciscitur, fit, ut gutta ejus una vel altera, *frigido ferro*, aut alii cuidam rei *dura & levi*, aspersa, statim in siccescentem *salino-striatam* consistentiam *densetur*: Tum etiam *carbonibus ignitis* inspersæ guttæ, mox, & velut in instanti, flammam & *fulgurationem* suscitent.

Hoc Specimine ita apparente, effunditur liquor in *cupas ligneas*, in terram, & ipso loco *frigidiorē, defossas*: Tegitur, ne *præcipiti*, refrigeratione per superficiem inæqualiter percellatur; Permittitur vero ita successive refrigerescere, quo factō, *concreta Salina* substantia, partim in *Speciosas*, partim vero in *complicatiores, crystallos*, ex emta seponitur: Liquor residuus ulterius evaporatus, eodem modo tractatur, donec tandem portio, *fulvi nigricantis coloris*, perpetuo liquida restitet, quæ nullam amplius *crystallinam* concretionem suscipere possit.

*Posteriores* crystallisationes, semper *minores* crystallos, & simul *madidiorem* consistentiam, exhibent, imo ipsum fere illud *Nitrum*, *inertius* deprehenditur, in *flagrationis* energia: Præterea *coloris* quoque paulo obsoletioris, & impurioris est.

Solvitur proinde denuo, & coctione simpliciore ad *Consistentiam* Crystallisabilem reducitur; Adhibendo saltem in ipsa solutione aliquid *lixivii*, cum aqua remiscendi; Aut adjiciendo tantum aliquid *calcis vivæ*, & post subsidentiam ejus, clarum liquorem evaporando. Quod *refinationem*, das *Eduteren* vocant.

Qui *Nitrum* *Φλογιστον*, & *alacre* ad inflammationem exoptant, jubent illud *aceto Vini* solvere, & concoctum Crystallificare, qui modus à *pyrobolis* commendatur.

Plurimum vero inquinatum offenditur *Nitrum* *salis communis* miscela: Quod præcipue fit, si è locis *recentiore* Urina affluentibus, terra *Nitrosa* petitur. Hæc confusio *Salis communis* cum *Nitro*, turbat ipsius *deflagrationem*, & *adulterat* acidum ejus Spiritum, si pro *Chymicis* usibus adhibeatur. Succurritur vero huic malo, *repetita* solutione, & placida admodum, *parcaque*, evaporatione: Ita enim *Nitrum*, quod è *dilutiore* coctura concrevit, purissimum, & omnis falsedinis alienæ expers provenit: Ultima vero decocti pars, paucior præterea, retinet *salis* totam quantitatem. Si tamen hæc quo-



quoque simpliciter in Sal coaguletur, & ligneis tabulis, pulverisatum imponatur, in loco umbroso, aut cella, diffluit facile omne admixtum Sal, per deliquium: si vero in opere Nitrario copiosiore hoc eveniat, præstat totum illud residuum, denuo parietibus seu struibus nitrariis affundere.

Nitrum ita concretum, subjicitur postea variis, non tamen ita multis, preparationibus. Non videtur mentionem mereri comminutio ejus, nempe quæ contundendo in mortario, peragitur: Quia vero & alia in usu est, quæ in magna quantitate simul fieri potest, præterire illam non placet. Solvitur nempe magna quantitas Nitri, in pauca quantum pote aqua, super ignem, in aheno vulgari; sub levi coctione agitur perpetuo, rudicula lignea. Ita evaporante sensim aqua, densatur nitrum in exilissima granula five sabulum tenuissimum referentem pulverem. Hujus si jam notabilis quantitas coaluit, exhauritur ille cochleari congruo, & continuata leni evaporatione, & agitatione, universa illa quantitas, successive in eandem consistentiam facessit. Ita siccatus hic pulvis, inservit deinde tanto facilius, ad ulteriorem comminutionem & commixtionem promptiorem cum carbonum pulvere atque jugem subactionem in molendinis, pro pyrio pulvere producendo.

Præparatio nitri alia, vulgo in pharmacopoliis in usu est, unde nitrum tabulatum exit; nempe exiguæ placentula, ut germani vocamus Gaspeter-Rüchlein/ quæ aliis rotula & tabula nuncupari solent. Liquatur nitrum igne candefaciente, & ut fluat aquæ instar; fluenti ita, injicitur parvis frustulis, sulphur commune, & quidem hujus subdecupla circiter portio: deflagrat ita sulphur, cum portione nitri, & remanet nitrum candicans, quod è cochleari rostrato, in tabulam æneam guttatim effusum, concrescit in illas tabellas.

Appellant nitrum depuratum, nitrum tabulatum, lapidem prunelle; Sed non facile est conceptu, cui usui speciali, hanc præparationem destinant: Nisi illi uni, ut hac ratione Nitrum paulo magis densetur, quod alias, per se, ita fusum, mollius evadit, & facilius humescit.



Nitrum nempe *per se*, in crucibulo fustum non promte diffugit vel exhalat, sed per satis longum tempus ita durat; prout tamen crucibulum *altius & angustius*, vel contra magis *patulum*, existit. Ubi scilicet *aëris* liber accessus, *exhalationem* ejus promovet. Exhalat vero successive, sub hac *aëris* concurrentis circumstantia, totum nitrum; ita, ut denique vasculum *purum* inde remaneat, sicut impositum est. Interim sub ipso hoc fluore, quo magis exhalatio illa procedit, eo copiosius effumant *teneriora* nitri corpuscula, non remanentibus, nisi magis magisque *crassis*. Unde tale nitrum, quo diutius hoc modo fustum fuit, eo *acrius*, & quasi manifestius *alkalinum* inde evadit.

Commendat *Mynsichtus*, modo decoctionem nitri cum *succis herbarum*, & abhinc factam ejus crySTALLISATIONEM: sed cum inde vel absolute nihil, vel sane nihil quod operæ pretium faciat, cum nitro coalescere possit, propterea iis recensendis potius superfedemus. Prout etiam *colorationem* nitri extrinsecam, per addita tingentia, ut ejusdem inutilitatis opus, præterimus.

SEPARATIO *partium* nitri *constituentium*, partim in *spiritus* ejus *acidi* destillatione, partim in nitri fixi productione, occupatur.

*Spiritus Nitri*, paratur duplici modo; (1) cum *bolo* vel *luto* *figulino*: (2) cum *Vitriolo*, aut *Alumine*, aut *spiritu Vitrioli* vel *sulphuris*.

Cum *Boli* partibus tribus, remiscetur pars una Nitri comminuti, & cum patica aqua, quantum ad tractabilitatem boli sufficiat, formantur inde globuli, capacitati colli retortæ respondentes. Siccati, in retortam imittuntur, & igne luculenter candente, inde pelluntur. Ita prorumpit vapor *rutilans*, in aquam præpositam successive subsidens.

Requirat hæc operatio, *ignem* satis *violentum*; Multo vero levioze ejus gradu, & longe copiosius prorumpit si p. 1. Nitri, 2. vel 3. partibus *Vitrioli*, mediocriter *calcinati*, aut *Aluminis usli*, remixta, candescentiæ exponitur. Unde, & præcipue quidem cum *Vitriolo*, longe copiosior, & simul *volatilior* erumpit spiritus, quem vulgo *Aquam fortem* vocant.

Simile quiddam fit, ex *Oleo Vitrioli*, vel *spiritus* ejusdem, vel *spiritus sulphuris*, tractatione cum Nitro.

Quando *sulphuris*, pars una, cum partibus *Nitri*, duabus aut tribus, subacta, per *retortam tubulatam* in præpositam aquam propellitur, emergit inde similiter *spiritus* talis *Nitroso-sulphureus*: Maximam nempe partem *sulphureus*, minore vero sui parte *Nitrosus*, minima, *sulphureus volatilis*. Hic ipse *spiritus*, modo *saturatus*, si a recente Nitro abstrahitur, nascitur inde denique *purus Nitrosus spiritus*.

Sub omnibus his modis, transfit *alcalina* Nitri portio, in *tertium* statum, coalescendo videlicet cum *acido sulphureo-Vitriolico*.

Retinet vero *alcali* Nitri, suam indolem, quando cum *carbonibus*, aut similibus concretis, puriore *inflammabili* substantia pollentibus, tractatur.

Communissimus modus est, quando Nitro in tigillo fluenti, immittitur *carbo*; Tenendus tamen forcipe, nisi valde capax fit vas: Alias ebulliendo transcendit oras Nitrum. Vel *carboni* in tigillum reposito *candenti*, injicitur parvis portionibus Nitrum, donec totum defervescat. Vel denique Nitri partes tres, cum *carbonum pulveris* parte una contusæ, in vas quodlibet frigidum ingeruntur, primam portiunculam accendendo, & postea novas successive superingerendo.

Universa hujusmodi Nitri præparatio, tunc demum absoluta est, quando frustula carbonum superinjecta, non amplius notabiliter excandescunt, aut *fervent*, sed veluti otiosa, superficiei *liquidi Nitri fixi* innatant.

Geminum quid contingit, quando Nitrum cum *limatura ferri*, cum *regulo antimonii*, cum *stanno*, mixtum, incenditur; Quod promptissime quidem, & velut in instanti, fit cum *stanno* & *regulo*; tardius cum *ferro*; præcipue si hujus *parum*, nitri vero multum, assumtum sit; ubi potius anatica *mensura* utriusque, quam anaticum *pondus*, locum habet: Alias enim calorem, inflammationi sufficientem, non admittit nitrum sed potius *ebulliendo* oras vasis transcendit.



His modis obtinetur *alcali* nitrosum purius, absque notabili accremento. Accrescit vero eidem nonnihil, quando loco *carbonum*, *Tartarus* cum nitro ita accenditur partes nempe *æquales* utriusque, ita invicem commixtas, successiva ingestione in vas saltem frigidum, accensione primæ partis facta, successive deflagrando.

Perit vero sub hac operatione ad minimum potissima pars, imo si recte procedatur, universa substantia *aciditatis* Nitri.

*Spiritus Nitri* dictis modis paratus, est *fixior*; Præcipue quidem ille, qui cum *Bolo* paratus est, & proxime juxta hunc, ille, qui cum *Alumine*: denique qui cum *vitriolo* destillatus.

*Volatilior* vero evadit, quando bene dephlegmatus, affunditur *limatura ferri* præcipue; Tum etiam *Cupro*, *Cinco*, denique *stanno*: ubi sub *solutione* valde impetuosa, haud exigua ejus pars, sub valde *volatili* schemate exhalat: Quæ si, successiva ingestione *spiritus* super metallum, & ingeniosa dispositione vasorum, capiatur, exhibet longe *volatiliorem* consistentiam, quam pristinus spiritus exerebat.

Supereft quidem etiam alius adhuc modus, longe *volatilissimum* spiritum, *Cyanei* coloris, e Nitro conficiendi, sed cum per additionem aliarum rerum demum ita obtineatur, neque usitatæ præparationis sit, servamus illum alii loco.

*Nitrum Antimoniatum*, *fixum*, quod non amplius flagrat, *arcanum duplicatum*, *Nitrum sulphuratum*, *Nitrum Vitriolatum* Ludovici, coincidunt inter se omnia; dum nihil aliud sunt, nisi *alcali Nitri*, cum *acido sulphuris* aut *Vitrioli saturatum*, & levem forte accessionem, in *Nitro antimoniato*, aut *arcano duplicato*, nactum, sed nihil utrinque ulla consideratione dignum.

Tangimus verbo, duas præparationes *Spiritus Nitri*, quarum altera a *Boyleo* memoratur, altera a *Zwelfero* proponitur. *Boyle* narrat, se destillasse spiritum e *Nitro solo*, sine additione, e retorta *vitrea*, qui plane alterius indolis quam spiritus *vulgaris*, fuerit.

*Zwelferus*, jubet nitrum, loco *boli*, cum *vitro* in pollinem reducto, remiscere, atque ita spiritum inde destillare.

Sed quemadmodum ad primum illud magna sane circumspeditione adhibita, effectum tamen effatu dignum obtinere, operosis-

rosissimum est : cum contra facillime fiat, ut a Nitro *fuso*, vitrum colliquetur : Ita simili difficultate quoque laborat alter iste labor : & ad minimum nihil inde Spiritui Nitri genuino geminum, aut *quantitas*, quæ operæ pretium faciat, ita obtinetur, unde nihil hætenus de iisdem memoratu dignum habemus.

Spiritus quoque Nitri *dulcis*, utpote ulterioris demum *compositionis* productum, non æque meretur nostram recensitionem : suffecerit meminisse, quod e *spiritu vini bene rectificati* partibus 3. cum *spiritu Nitri bene rectificati* parte i., una destillatis, prognascatur.

Sic etiam spiritus Nitri *concentratus*, aut *Aqua fortis bene dephlegmata*, cum oleo *destillato therebinthinæ* superinfuso, & quidem pauca quantitate olei adhibita, concipit *calorem* intensum, & *effervescit* impetuose ; Unde oleum primo quidem *flavescentem*, mox *gramineo viridem* colorem concipit & exhibet, quamdiu *calet* : *Refrigescentem* vero, pulchre *rutilantem* colorem exhibet, consistentiam vero *therebinthinæ crudæ* similem, imo *spissiore* : *Acor* vero *corrosivus* ipsius spiritus, contemperatur inde admodum, ut mitis valde appareat.

Meretur autem ulteriorem *Experientiæ* disquisitionem, Spiritus ille *rutilus*, quem e Nitro cum *calce viva* destillare jubet *Viganius* : Neque minus ejusdem pollicitatio, de Spiritu Nitroso, seu aqua forti, mediante Sale e *Capite mortuo* suo, repetitis cohobiis, ad *luminosam* indolem redigendo. Sicut enim talia jam pridem *Isaacs Hollandus* promisit ; Ita possunt hoc interdum *Recentiorum* Experimenta, ut ad fidem antiquioribus adhibendam, confirmatione sua nos adigant,

Quando *acidum* e Nitro separatum, seu *spiritus Nitri acidus*, aut *Aqua fortis*, iterum cum *Alcali* conjungitur, enascitur denuo idem *Nitrum* quod proinde *Nitrum Regeneratum* appellant. Est hoc paulo *acrius*, quam *vulgare* ; adeo, ut in vasis *stanneis* nitidis cum aqua coctum, hæc aliquantum arrodatur & *denigretur* : Perit vero ipsi hæc *acrimonia*, si in aqua adhuc *solutum*, per aliquam quantitatem *calcis vivæ* transcoletur.



Redit etiam *acidum* hoc, in *crystallinam Nitrosam* compagem, si *Spiritus Nitri* affunditur *Salis communi*, & destillatione liquor ad siccitatem abstrahitur. Ita enim non *Spiritus Nitri* integer, sed modicum tantum ipsius, cum *Salis acidō* transscendit; reliqua vero pars *acidi Nitrosi*, arrepto *Salis communis alcalico* corpore, transit in consistentiam siccam, solidam, communi Nitro, tam *sapore*, quam *inflammabilitate* geminam. Si vero hæc massa, in aqua simplici soluta, dextre crystallifetur, nascuntur inde crystalli non *oblongæ*, *sexangulares*, (duobus semper angulis oppositis, magnitudine sibi mutuo respondentibus) sed *quadrangulares*, *salis communis* schema generale hoc ipso exprimentes: Si vero immodestiore inspissatione peragatur Crystallifatio, exeunt *hastata* Crystalli, *vulgaribus Nitrosis* gemini.

Coalescit *Nitrosum acidum* cum variis quoque aliis siccis corporibus, eaque solvit; præcipue cum *argento*, *Mercurio vivo*, *plumbo*, *ferro*, *Cupro*, *Zinco*, *Bismutho*. Imo solvit etiam aliquid *Arsenici*. Non aggreditur *aurum*: Solvit, sed in *calcem* tantum, non vero imbibendo, ad diaphaneitatem usque, *stannum*, & *Regulum Antimonii*. Non solvit *Antimonium diaphoreticum*, neque *Crocos Martis* aut *veneris* bene *exustos*, neque etiam illa quæ in ipsomet prius soluta, & inde per *Alcali fixum*, præcipue bene *acre* & *causticum*, præcipitata fuerunt, *Magisteria*.

Cætera, quæ de *proportionē* varia quantitatis hujus *acidi*, ad varia talia solvendā, dici possent, cum magis ad *historiam solutionis* in genere pertineant, hoc loco præterimus: Neque minus, utpote eodem pertinentem, *diversam consistentiam*, quam *ratione soliditatis* aut *fluiditatis* tales solutiones, magis aut minus prompte admittunt. Neque tandem de *Phosphoro* quoque *Nitroso Balduini*, hic æque prolixum esse libet, cum propriam considerationem mereri possit. Unde in his quidem hoc loco acquiesco.

CAPUT TERTIUM.

PHYSICO-CHYMICA RATIO

NITRI.

**N**Asci monuimus Nitrum in locis, ubi *putrescentes* materiae coacervatae delituerunt : Et praecipue quidem *Animalium Excrementa*, hoc effectu insignia esse, diximus. Jam notum esse debet, quod *putrescentia*, non modo copiosa *sulphureo-pingui* substantia abundare debeant, in sua mixtione : Sed etiam ipso *putrefactionis* actu, bona pars illorum tenerioris *Salino-Sulphureae* materiae, in *Sal volatile* coalescat, *urinosum*, *alcalinum*.

Evolutio haec *sulphureae substantiae*, & tenerior subactio cum *Salina* portione, facile deinde ad Novam *Salinam* Mixtionem producendam inservit, *Sal* nempe *acido-sulphureum*, quale est *Nitrum*.

Licet autem hac ratione, *Nitrum* revera subnasci possit, dum *sulphurea* illa portio, quae *vegetabilibus* & *animalibus* inest, *putrefactione* resoluta atque attenuata cum *acido* universali & primigenio, per *Terram* largiter diffuso, intimius coalescit : Potest tamen etiam, imo solet potissimum, *Sal* illud *volatile* quoque, ad imbibitionem, & ulteriorem unionem, partim *Terreni* hujus *Salis*, partim in *aere* diffusi, ejusdem generis, plurimum conferre.

Sicut enim *Sal medium*, ex *urinoso volatili*, & *acido* quolibet, praecipue vero *sulphureo-vitriolico* illo, prognatum, longe promptius arripit & imbibit *pingue sulphureum* principium, quam alterutrum purum adhuc : Ita tale quoque, e *putrefactione* rerum prognatum, *volatile*, & sive ex *aere*, sive e *terra*, *acidum* tale nanciscens, arripit non modo tanto facilius *sulphureo pingue* illud principium, idque cum *acido* illo committit ; Sed cum etiam hoc ipsum *pingue*, jam haecenus in ipsa illa massa, e qua *volatile* hoc *sal* enascitur, praesto sit : quin imo, ipsum hoc *volatile Sal*, ex illa *pingui* Substantia, suam ipsius quoque



nativitatem trahat : Omnibus his, inquam, modis servire potest, pro interprete atque *mediatore* efficaciore, *coalitus* intimioris, *acidi tenevioris*, cum subtili *Phlogisto*.

Ubi verbo tantum designare placet (quod alibi quoque jam monuimus) Specialem illam, ad intimiores *coalitus*, efficaciam, *præcipitatoria* secessionis : Quando scilicet aliquid in *acidis* solutum, cum *alkali* addito præcipitatur, aut contra. Ubi certe multa talia occurrunt, quæ nos pro *face*, & alieno *recremento*, vulgato errore, seponimus, in quo tamen, haud raro, vel *utilitas*, vel *curiositas*, observatione haud quaquam indigna, ob oculos versatur.

Cujusmodi quiddam cum hic quoque occurrat, tanto minus certe de hujus negotii successu, dubitare licet. Interim, licet forte *argumenta*, aut, si mavis, *Experimenta*, suppeterent, quæ hanc *genesin*, adhuc luculentius demonstrare, & dubia hæc tollere, possent, suffecerit tamen hæc tantisper attulisse donec alia in medium præducere ratio suaserit.

Quod in *Mixtione Nitrosi acidi*, materia talis  $\Phi\lambda\omicron\gamma\iota\varsigma\omicron\varsigma$  præsto sit, variis sane demonstrationibus firmari potest. *Primo* enim, nascitur *Nitrum* in talibus locis, & è talibus materiis, in quibus *pinguis* substantia hæret, & *putrefactione* attenuata, in *Salinam* indolem vergit.

*Secundo* *volatilius* longe est, *acidum Nitri*, quam alia sibi relicta; At vero  $\Phi\lambda\omicron\gamma\iota\varsigma\omicron\varsigma$  præcipue Principii est, mixta *volatilia* reddere.

*Tertio*, *coloratum* est *Nitri acidum*, sibi relictum, neque maxima *aquæ* copia distractum. Unde duo maxime *Experimenta* sunt eodem tamen recedentia, quibus *color aciditatis Nitrosæ* demonstrari potest (1) enim *vaporis* forma sisti potest hoc *acidum*, *vaporis*, inquam, qui nunquam, (aut ad minimum *ne multis* quidem *annis*) condense-tur, sed vas vitreum, cui immissus est, semper *colore* suo impleat. (2) Alio modo, propulsus talis *nitrosus volatilis* spiritus, & in præpositam *aquam* collectus, imbuat hanc *colore cælesti* seu *Cyaneo* : Admisso vero, per minimum temporis spatium *aëre*, *evaporans*, visibilis *vaporis rutili* forma, mox universam *aquam limpidam* relinquit.

*Quarto* & quod fere palmarium est, *flammam* concipit *Nitrum* : *Nitri* inquam, *acidum*, non *alkali* ejus.

*Quinto*



Quinto enim, salvo manente *alkali* ejus, destruitur ipsa *nitri* inflammatione, *acidum* ejus, id est, *Essentia Nitri* & perit ita in perpetuum *Nitrum*.

Ego sane primus esse mihi videor ( siquidem ingenue fateor, me hujus rei animadversionem alibi traditam, non legisse:) qui, in *deflagratione Nitri*, effectum hunc eximium, deprehendam, *Mixtionis* nempe *Nitri*, rei *subtilissima firmissima, intima*, repentinam *destructionem*.

Sed, ne præmature in hanc partem excurram, quæ ad ipsa Experimenta, partes constituentes iterum dissolventia, provocare necesse habet, insistam hætenus ordini, & prius aliquas rationes *Coctionis* & *Crystallisationis Nitri*, attingam.

*Acidum Nitrosum*, quatenus vel cum *Sale volatili Urinoso*, vel cum *Terrea limosa* substantia, in Terra, aut cum *calcaria* substantia, in muris, coaluit, non subit, sub hoc connubio, *crystallisationem*: ad minimum, non *nitidam, firmam*, aut *bastatam* illam, quæ in *Nitro* alias visitur. Sed cum *Alkali volatili* quidem, repræsentat brevissimas & exilissimas *crystallulos*, setarum brevissime concisarum instar; Cum *calcaria* substantia subactum, vix ullam *crystallisationem*, sed *coagulationem* tantum subit: *Aphro-nitrum* vero *Jensen* illud, quod magis *alabastrino* & *gypseolapide* saturatum est, coalescit denique in *crystallos irregulares rhomboideas*: Cum *terreo-limosa* vero materia concretum *acidum Nitri*, non tam in *siccam* consistentiam pronum est, quam in *liquidam* & ex ipso prorsus *aëre* atrahendam *humiditatem*.

Quando autem cum sale *Alcalifixo* conjungitur *Nitri acidum*, tunc emergit consistentia illa durior, & nitidas *Crystallos* præbens, Adhibentur huic usui, *Cineres*, & quidem tanto magis, lignorum *duriorum*, *Sale fixo* locupletiorum: Unde illi *Nitri coctores*, qui minus periti hujus negotii, *cineres* simpliciter quoscunque, hîc utiles esse arbitrantur, sæpe numero deinde falluntur, ut decoctum ipsorum *Crystallinam* consistentiam subire recuset. Eadem quoque res, non recte explicatur à quibusdam, putantibus, *cineres* inservire tantum *absterfioni* pinguedinis, quæ in Terris illis fimo inquinatis, redundet: Cum potius ipsa *materialis conjunctio* Salis *fixi* Cinerum,



cum acido Nitri, necessaria sit. Unde nec illi etiam inepte faciunt, qui *lixivium* cinerario calcarium, loco ipsorum cinerum adhibent; Quamvis illi, qui *Cineres* cum *Calce* immediate, Terræ suæ interponunt; melius adhuc agant.

*Calcis vivæ* vero ingens etiam est efficacia, ad *Salis Communis* acidum, *Nitroso* forte interspersum, *deliquandum*, ne in *Crystallinam* densitatem concreescere possit, adeoque Nitrum miscela sui adulterare.

Si vero magna quantitas *Salis Communis*, *Nitrosæ* Terræ una inhæreat, id quod præcipue è *recentiore*, non sufficienter *putrefacta*, *Urinaria* substantia provenire monuimus: Hanc ipsam materiam non alterat satis *Calx viva*, aut ad colliquationem illam deducit: Unde obtingit interdum videre tale Nitrum, cujus *Crystallis hexagonis*, *quadrangulares* *Salis communis*, visu ipso discernendæ, & gustu statim dignoscendæ, accreverunt.

Subvenit tamen *Salis Communis* separationi, etiam *dilutior* decocti status. *Nitrum* enim longe facilius condensatur, & coalescit in *Crystallos*: *Sal* autem commune, etiam pauca aqua facilius solutum detinetur. Posset tamen hoc loco aliquid moneri, de diversitate *salis* communis cum *sale alcali*, & ejusdem cum *propria sua terra*, in *crystallos* concreti; Sed cum talia aliena à nostro scopo sint, non vacat illis immorari.

*Crystallisatum* hoc modo *Nitrum*, fluit in igne; fluore nempe non *aqueo*, uti *Vitriolum*, & *Alumen*, adhuc cruda: Sed *igneo*, seu *fusionis* fluore. Et funditur quidem promptissime inter omnia alia *Salia*. Maxime propter materiam *ignibilem*, *Mixtioni* suæ intextam, quæ ipsam reliquam compagem motui *igneo* tanto aptiorem reddit. Ex eadem ratione, effumat quoque facilius, ipsum nitrum, si *fuso aër* admittatur: Non quidem, quod hac ratione ipsa ejus *Mixtio* statim dissolvatur, & *flagrabilis* illa portio, actu in *flamam* abeat; quod ita absolute, & *per se* facere non potest: Sed emovet tamen liber *aër* hanc ipsam *φλογιστὸν* portionem, tanto vigore, ut & illa *acidam* sibi annexam, & omnino denique ipsam *alcalicam* fixiorem secum abripiat.



Alius vero longe effectus sequitur, quando cum addita inflammabili materia Nitrum deflagrat. Certe, uti igneus motus, res est, soli propemodum *Arti* datus, ad *repentinas* subtiles agitationes præstandas, quæ reliquo ordine Naturæ, non nisi *lento & diuturno*, Caloris impulsu, successive perpetrari valent: Ita in hoc quoque negotio, non parvum hujus efficaciam specimen occurrit, *Mixtionem* subtilem, *pauco tempore* & cum specialissimis plane circumstantiis *divellendi*.

Quid notius hodie est, quid simplicioris laboris & operæ, quam Nitrum cum carbonibus, cum Tartaro detonare. Quid vero impeditius, quam declarare, unde & quomodo, hoc contingat.

Nihil in *occluso* flammam concipere, notum est; Nitrum solum facit exceptionem. Neque tamen refellit ordinarium Naturæ Cursum, qui ad flammantem *flagrationem* aëris sufficiens commercium, & expansionem requirit: Solum Nitrum non tam expectat aërem, quam *suppeditat* atque præbet.

Theoria quam de hoc negotio ego concipere possum, hæc est. Sal nihil aliud esse, quam Corpusculum subtilissimum terreum, cum aqueo corpusculo connexum, suppono è variis Experimentorum rationibus. Illud vero, quod *diversa* salia specificat *accessorium* demum esse arbitror; Et illud quidem in hoc nostro sale, Nitro, est corpusculum *Φλογιστόν*: Hoc uti tenuissimum est, ita sui quoque immixtione, *attenuat* terrea corpuscula, & *adhesionem* (ad crassam aggregationem inepta) tenuia servat. Unde quidem hoc ipsum Nitrosum sal seu acidum, volatilissimum fere est omnium reliquorum, & tenuissimum, colore, odore, penetratione. Quando jam hoc flagrabile principium, flammeum motum concipere potest, elidet sine dubio aqueum sui socium, ut ille valde *expansus* *disjiciatur*. Fiet vero hæc *disjectio* tanto impetuosius, quanto firmiter detenta hæserit illa portio, non nisi ex superante impetu *flammei motus*, repente denique expansilis.

Exempla videmus in *sulphuris*, ut & ipsius *spiritus vini* deflagratione: Quæ utraque subjecta, *Φλογιστά* principio abundantius instructa, & libero quidem illo, à nulla re detento, *tacite* dissolvuntur, inflammatione; sed cum *expansionem* tamen *aqueo-salina* sui



partis diffusissima, adeo, ut vapor è paucissima quantitate talismodi subjecti, magnum spatium expleat: Quando vero *sulphur* alicui rei firmissime connexum, denique superante repentino impetu accensionis eripitur, fit inde præceps & vehemens *expansio*, ut è *pulveris sclopetantis* effectû, palam est.

Tale quid censemus etiam evenire, in *Nitri deflagratione*. Cohærens *aquea*, & subtili *terrea*, particulis, Φλογιστὸν corpusculum, *flammeum* motum non concipit, prægravatum præcipue paulo crassiore terreo: Sed fortius *exagitatum*, abripit una hæc ipsa secum, in auras. Quando vero accessione *fixioris salino-terrei* corporis, adhuc magis obruitur, tunc valde parum juris in ipsum est *Igni*, sed manetmersum & oppressum, à prædominationibus illis crassioribus. Quando vero *Ignescens* hoc corpusculum, à sui simili quasi confortatur, & augetur, ut proportionem quantitatis & energiae, antecellat proportioni inertiae & remora terreorum illorum, tunc impetu quodam concepto, agitur efficaciter, & è consortio illorum, jam non, amplius prædominantium, eripitur, ut & sui motum *flammeum* libere jam subeat, & simul annexam sibi *aqueam* particulam, in *vaporis* formam cito expandat. Quæ ipsa, instantaneo hoc actu, *incensionem* istarum Φλογιστῶν præcipiti impetu non aliter auget, quam si verus aëris *status* ad hoc idem accessisset.

Ut ita portiuncula *flagrationi* apta v. g. in *carbonibus*, *Nitri* flagrabilibus particulis addita, has quidem ad *incensionis* motum, & eluctationem è consortio *terrearum* & *aquearum* adjuvet: *Aquea* vero particula hoc ipso prævalente impetu, cito in *halitum* expansa, *flagrationem* illam ita præcipitem & impetuosam efficiat, ut in instanti, *fulguris* instar, cum violento flatu atque vapore, exardescat atque dissipetur.

Effectum profecto è simplici hac & contempta operatione annoto, à nemine, quod sciam, condigne animadversum, nedum excussum, *Mixtionis* nempe totius *Nitri intimæ*, *fundamentalem ever- sionem*. Sane enim, ut è tota *libra sulphuris*, artificiose in libero aëre combusti, ne vestigium *acidi fixioris* obtineri posse, experientia, comprobat: Ita è tota *Nitri libra*, ne vestigium *acidi ipsius*, ne *generalis* quidem, & magis indeterminati, nedum *specialis* seu *specificæ Ni-*  
trofi



*trofi* comparere, eadem confirmat. Cujus tamen rei scrupulosis  
or pensitatio, nimis prolixam nobis jam faceret tractationem, unde  
in his acquiescimus. Id unicum monentes, si alicui tam promptum  
esset, Nitrum *construere* quam funditur & irreparabiliter hac  
ratione *destruere*, ille sine dubio habiturus esset, quo operæ suæ in-  
gens pretium faceret.

*Spiritus Nitri* præparatio, fluit è fundamento illo, jam pridem  
quidem per *Keslerum* & *Glauberum* inculcato, sed ab hominibus lite-  
ratis, nescio non lecto, an non intellecto, *diversa acidorum energia*.  
Ubi *primæ* & potentissimæ efficacix, est Acidum *vitriolico-Sulphure-*  
*um*; *proximæ*, Nitrosum vulgare; *ultima*, Salinum commune: *infima*,  
*sulphureo-vitriolicum volatile*.

Dilucescit hujus rei veritas præsentissime, si *spiritus* bonus *vi-*  
*trioli*, Nitro comminuto affunditur, & successiva ignis intensione,  
ab eodem abstrahitur; Ita prodit quidem *spiritus*, non *vitrioli*, sed  
*Nitri*: Remanet vero *vitriolicus* ille, cum *alcalico Sale* Nitri, nunc in  
plane idem Concretum combinatus, quale è simplici miscela *alcali*  
*fixi*, & *spiritus vitrioli*, prognasci consuevit, quod vulgo *Tartarum*  
*vitriolatum* appellamus.

Idem fit, si *vitriolum* ipsum, leviter *calcinarum*, aut *alumen*,  
huic negotio adhibetur. Quantumvis enim de *vitriolo* quidem,  
non negare, sed potius notare libeat, quod *spiritus Nitri* hac propul-  
sione per *Martialia* corpuscula non nihil veluti *acuetur*, *attenuetur*,  
imo vero in Phlogisto sui principio quasi *augeatur*; *principalis* tamen,  
& *primus* ipso ordine, actus est, illa *acidi vitriolici* invasio in *alcali*  
Nitri, unde hoc, corpore suo, & quasi fulcro, orbatum, Martia-  
les quidem particulas, hoc ipso à *vitriolico* suo acido destitutas, le-  
viter apprehendit; Sed mox augesciente ignis impulsu, ab his quo-  
que porro excussum, *vaporis* forma transcendit.

Expectabitur sine dubio ratio de *Bolo*: Cur illo addito, *spiritus*  
è Nitro liberetur. At mihi sane alia nulla ne hic quoque cognita est:  
Veritas vero hujus, abunde, ut puto perspecta. Diu subiit mirari,  
cum triviales destillatores *bolum* propterea addi dicant, ut Nitrum  
siccitate boli à *fluxu* seu fusione impediatur: Cur non unum *eundem-*  
*que* semper denuo adhibere placeat. Sed credo tentarunt aliqui, &  
frustra.



frustratus est ipsos effectus. Omnino, licet *Viganus* hic parum de ætiologia scrupulosus sit, recte tamen, & fere primus, quod sciam, negavit, quod illud quicquid salinū in *capite mortuo* tali remanet, sit *Alkali* fixum: in quo *D. Mayow* utiq; æq; deceptus est, quam *Mariotte* in *Essays de Physique*, scribens, è *sale Tartari* & *Spiritu vitrioli*, regenerari *Vitriolum*: Unde non imperite jubet dictus *Viganus*, sal illud, quod ex hoc *capite mortuo* elixatur, iterum cum *bolo*, & quidem *N.B. novo*, miscere, atque ita denuo destillationi subijcere, ita enim totum *Nitrum* in *Spiritu* resolutum iri. Ubi jure meritoque inquiras: Quid ita vero cum *novo bolo*? an pristinus ille non fuit, aut est jam quoque, satis *siccus*, ad *discontinuationem* præstandam: Profecto hanc quidem qualitatem nemo ipsi facile negaverit: Et tamen inutilis imposterum existit. At vero, quod totam controversiam decidat, est, quod è tali *capite mortuo*, è quo nullum amplius *Nitrum ardens*, provenit, demum tale *Sal* educatur, (adhibita modo fervente aqua) quod *Tartaro Vitriolato* maxime respondeat.

*Spiritus Nitri*, quocunque dictorum modorum paretur, satis *purus*, modo tum in destillatione recte procedatur, tum facta eadem, sufficienter *depuretur*. Ille qui cum *bolo* destillatus fuit, communiter est *segnior*; fit vero ipse quoque optimus, si prudenter *refificetur*, ubi bona pars *terreo-limosi* sedimenti remanet, quod in prima destillatione, vi ignis una transpulsum fuerat. Qui cum *Vitriolo* fit, *volatilior* est, & *subtilior*: Qui cum *alumine*, adhuc *minus*: qui cum *Spiritu Vitrioli*, *mediocris*; qui cum *Oleo vitrioli*, *subtilior*: Qui cum *Sulphure*, partim *subtilissimus*, *volatilis*, partim satis *subtilis*, *fixior*.

Si *bolo* aliquid *limatura Martis*, una cum *Nitro*, admiscetur, vel *alumni* quoque hac intentione adhibito, emergit inde *Spiritus* æque *volatilis*, quam unquam cum *Vitriolo*.

Quæstio moveri solet, an *Aqua fortis*, id est, *Spiritus Nitri* cum *Vitriolo* destillatus, sit ejusdem indolis, pro usibus *Medicis*, cujus est *vulgaris*, cum *bolo* factus?

Qui *diversitatem*, & illam quidem *insignem*, hic statuunt, adscribunt *aquæ forti* magnam *corrosivitatem*, quam in *Spiritu Nitri* *vulgari* non æque subesse arbitrantur. Culpam conjiciunt in *Spiritu*  
vitri-



*vitrioli*; Et proinde monent, cavendum similiter esse, ne spiritus *Nitri* communis, forte cum *spiritu vitrioli* inquinetur, alias enim in *aquam fortem* i. e. substantiam *corrosivam*, degeneraturum. Est inter hos, quicquid dissimulet, *Viganus*, dum putat spiritum acidum, qui è *colcothare Vitrioli*, & *Nitro* prodeat, esse *simplicem spiritum*: Ut vero fiat *Aqua fortis*, loco *colcothar*, assumi debere *vitriolum* saltem ad *flavedinem* calcinatum, & destillationem continuari, igne *forti*, donec nulli amplius vapores appareant. Sed faciunt ratio & experientia, ut dissentiam. Primo enim *Aqua fortis*, est, & dicitur proprie talis *Nitri* spiritus cum *vitriolo* paratus, qui *Argentum* solvat. Non facit vero hoc ullo modo, quamdiu *Vitriolicum* spiritum commixtum habet. Et ab hoc fundamento unice, pendet illa necessitas *Aquam fortem precipitando* depurandi, daß man das Scheide-Wasser fällen muß. Ubi nempe illud, quod è solutione *Lunæ* instillata, hac operatione, *albi sedimenti* instar, ad fundum delabatur, non est *Luna cornua*, seu ab *acido salis* (quod vulgo *Nitro* intertextum esse putant) præcipitata, sed ab hoc acido *Vitrioli*: Quod partim ex eo dilucescit, quod hujusmodi præcipitata *calx*, minime *cornue* fluat, aut *fumet*, sed admodum *fixa & sicca*, ignem aspernetur: Partim, quod pura solutio *Lunæ*, cum spiritu *Nitri* aut *aqua forti*, instillato spiritu *Vitrioli*, pariter *precipitetur*, & quidem in eandem omnino consistentiam.

Si vero quis *Aqua forti* nondum ita depuratæ, hanc culpam imponere velit, illi opponimus, primo *Experientiam*, communissimam *Clyssi Antimonii sulphurati*, qui manifestissime ex spiritu acido *sulphureo Vitriolico*, & *Nitroso*, *Confusaneis*, constat. Quod in *recenti* quidem, mox ipse odor comprobatur: In paulo antiquiore vero, negligentius forte deligato, adeoque halitu dilapsis tenerioribus *Nitrosi* portionibus, sitamen *cupro*, *raso*, aut *limatura ferri* affundatur, erumpit mox sub actu solutionis, non modo odor, sed & visibilis ille *fulvus vapor*, *Nitri*. Si quis vero in hoc genere excusare se velit, differentiâ spiritus *sulphuris* & *vitrioli*, ille non modo hic laborem sibi, ultra experientiam, geminabit, sed convertetur mox, instituto *κατὰ πείρα* experimento, ut nempe *vitrioli* & *Nitri* spiritus, quacunque ratione præparatos, quacunque proportionem commixtos,



tolerabili, alias recepta, quantitate (prout magis vel minus dephlegmati fuerint) secure intra corpus exhibeat. Quamvis enim ego, ubi cautione opus est, fere magis velim, & soleam, potius in excessu quam defectu cavisse: Hic tamen sane præeunte ratione, & adstipulante reliqua experientia, porro experiri non dubitavi, adeoque experientiam rationi conformem deprehendi.

Cur e solutione nostri spiritus, ferro vel cupro affusi, halitus ejusdem valde volatilis erumpat, hætenus non tam adscribo aliquarum ejus particularum, ad hæc metalla secessioni, quam potius aliquarum ex iisdem, nempe subtilium  $\Phi\lambda\omicron\gamma\iota\varsigma\omega\upsilon$ , ad spiritum nostrum accessui, de quo tamen alias forte plura.

Cur etiam illa præcipue metalla promptissime invadat, & non modo repentino impetu, verum etiam cum fervido æstu dissolvat, quæ  $\Phi\lambda\omicron\gamma\iota\varsigma\omega$  principio abundant, vix aliter certius respondere potuerimus, quam, quod illud ab eadem materiæ  $\Phi\lambda\omicron\gamma\iota\varsigma\tilde{\omega}$  identitate dependeat; quæ in spiritu nitri præsens, alteri in metallis hærenti, tanto facilius acidum suum socium veluti admovet, ut ita hoc acidum tanto intimiorem contactum cum tota crassi metallicæ istius mixtionis, nanciscatur.

Ubi nempe notatu utique dignum est, quod spiritus nitri, in metalla hæc adeo manifeste agat mediante  $\Phi\lambda\omicron\gamma\iota\varsigma\omega$  eorundem, ut si hoc, usione, ab ipsis separatum sit, ipsa plane non amplius aggrediatur, aut sane non nisi imminens quantum minore, imo minima quantitate, & ad summum fastidium languidissime.

Imo, ex eodem fundamento fluere mihi videtur, quod acidum hoc Nitrosum, illa Corpora, quæ in totum imbibere non valet, tamen resolvat, & in calcem redigat. Id quod præstat in stanno, & Antimonii Regalo. Aggreditur hæc concreta vegete, & solvit, præcipue stannum, cum notabili fervore atque æstu. Sed manifesto propter hanc  $\Phi\lambda\omicron\gamma\iota\varsigma\tilde{\omega}$  præsentiam. Hoc enim quacunque ratione inde separato, nullo modo amplius attingit reliquam molem eorundem.

Tandem vero, & ipsa illa prompta, atque intimior, Nitrosi acidi cum oleis destillatis, æque ac ipso Spir. Vini, coagitatio atque concretio, vix aliunde melius deduci valet, quam ab ipsa materiæ

iden-



*identitate*, aut sane *affinitate*. Neque enim *olea* hæc, aut *Spiritus Vini*, cum aliis acidis, v. g. *Vitrioli* aut *Salis*, eodem impetu, & eadem facilitate, ita subtiliter & intime, coalescunt: Præcipue, si ita *pura* atque *libera*, operationi tali adhibeantur. Cum aliis vero, & præcipue de *Φλογιστῶ* illa substantia participantibus, concreta, diverso modo sese habent: Ita enim *Butyrum Antimonii*, cum *Spiritu Vini* bene dephlegmato, in bona quantitate affuso, post aliquam moram vehementissime *ebullisse*, *incaluisse*, & concepta impetuosissima spumescencia, ipsas oras vasis totaliter transiliisse, meminimus.

Et vero eidem quoque *coalitui*, *Sulphureæ* hujus *oleosæ* pinguedinis, cum illo *Φλογιστῶ*, quod in *Nitri acido* hæret, manifestius tribuenda est, *obtusio* illa aciditatis ejus, sive, ut vulgo vocant, *dulcificatio*. Quæ sane ipsa res, aliquid jamjam subtilius & penitius infert, quam quidem communi consideratione attendimus. Et erit fortassis alias occasio, de his aliqua annotandi.

Quod, ultimo, ipsam *Nitri* ita dictam *regenerationem* concernit, perpensis iis, quæ de ipsius *generatione* dicta sunt, quilibet facile viderit, quod hoc *regeneratum*, à *simplici*, bono, puro, & *vegeto Nitro*, nihil diversum inferat; præter solam fere majorem teneritudinem, quæ hîc, in *regenerato*, a teneritudine *salis alcalici* adhibiti, pendet: Cum in communi, admixtio *calcis vivæ* majorem obrusionem inferat. Unde etiam non sine causa id ipsum etiam monuimus, quod hac in *regeneratione* quoque addita, *Nitrum*, *vulgarè* per omnia geminum, inde prognoscatur.

Quamvis enim recte sese habeat, & cum experientia consentiat illa observatio, quod hujusmodi *Nitrum*, ex *alcali* & *Spiritu Nitri* renatum, *acrimonia* sensibili vulgare *Nitrum* antecellat, quod etiam B. Ludovici annotavit: Illud tamen experientiæ respondere hætenus recusavit, quod tale *Nitrum inflammabilitate* debilius sit, quam vulgare; quod per traditionem illam inferre laborarunt, quasi hoc *Nitrum regeneratum*, cum *sulphure* communi & *alcali Tartari*, solita proportionem mixtum, effectum illum insigniter *sclopetantem* non ederet, qui a *communis Nitri* adhibitione in hanc compositionem præstari solet: Unde quidem rectissime hic experientiæ testi-



monium in contrarium citat celeberrimus Scholiastes Actor. Natur. Curiosorum Dec. II. Anni. VII. obs. 56.

Quoniam vero hæc, circa Nitrum memoratu digna visa, in majorem molem, quam fere primo arbitrabamur, nobis jamjam excreverunt, propterea jam quidem adhuc plura adjicere non æque proficuum fuerit. Unde quædam circa *utilitatem Nitri Medicam*, scitu forte non indigna, proximæ, sub benedictione divina, occasione, reservantes, hac vice finem facimus, paucas illas, quas in una vel altera circumstantia allegavimus speculationes, peritæ pensitationi commendantes.

---

MENSIS  
**MARTIUS.**  
 DE  
**USU NITRI MEDICO**  
**POLYCHRESTO,**  
 differens.

---

PROOEMIUM.

**Q**Uod Medicinam Practicam difficilem reddit inter alia, est experimentorum non semper satis circumspecte instituta Observatio; quæ certe, si cum præjudiciis jam aliunde haustis concurrat, nihil deinde relin-

relinquit, nisi summam incertitudinem, imo non raro pertinacem negligentiam, effectuum & eventuum quantumcunque constantium ac perpetuorum. Accedit huic incommodo, fatalis illa πολυπραγμοσύνη, & vel novarum, vel specie quadam nitida blandientium, rerum atque inventionum curiositas; Præ qua paratu facilia, & simpliciora, quantumcunque etiam effectu nobiliora, vulgari fastidio negligi ac insuper haberi, experientia monstrat, præcipue si absque fumo & fucō, & sine superlativis dictionum, simplicitate verborum veritatem decente, laudatum quiddam fuerit. Taceo auctoritatis invidiam, qua longe facilius mendacium ab adulatione laudatur, quia hic vel ille modo formavit, modo propagavit, quam ut veritas, absque fastu & ambitu producta, assensum inveniat. Cui equidem merito subungere licet capacitatem hominum talium, communiter summe exiguam, quæ impedire solet, quo minus prudens & solidum iudicium de re aliqua formare valeant. Profecto, si insuperabilem harum assertionum veritatem exemplis numerosis ante oculos in apicum sistere liberet, volumen exemplorum conscribere, non modo promptum, sed & facillimum prorsus esset; Sed cum sine nota multiplicis levitatis circa traditiones, defectus circa subsumptiones, & connexiones, & nimix facilitatis circa transcriptiones, confirmationes, exornationes, &c: hæc probari non possint, non placet invidiam gratuitam laceffere & odia sine necessitate acervare, utique postquam jam in rebus majoris utilitatis, imo necessitatis, his expositum esse, jamdudum fecunda fert occasio. Præstiterit proinde potius positive aliquid monere, quod ab experientia quidem desumptum,



eaque multiplici confirmatum sit, quantumvis solennis, & universo velut assensu recepta atque munita, traditio plurimum in contrariam sententiam tendere videatur.

Faciemus hoc specialissime, recensendo efficaciam Nitri in cohibendis alvi fluxibus symptomaticis febrium malignarum, etiam exanthematicarum; adjungendo simul alia quædam observata, de quibus licet nullum insigne dubium aut contradictio, nulla tamen etiam effatu digna observatio atque commendatio, quantum meæ memoriæ succurrit, publico consensu celebris, occurrat, cum tamen, res ita, ut vere sese habet, laude sua atque commendatione minime indigna sit.

Provoco vero in his omnibus, similibusque meis assertionibus, ad viros bonos, prudentes, atque circumspectos Practicos, minime dubitans, quin in hac etiam parte veritas ipsa fidem meam apud ipsos liberatura, eorumque testimonium, in usum etiam proximi, sub divina benedictione, obtentura sit.

CAPUT PRIMUM.

DE

QUALITATIBUS NITRI MEDICIS  
ALIQUA.

**A**ntiqui, & inter hos Galenus IX. simplicium, adscribunt Nitro, siccitatem, & prout ex effectu digestionis & abstersionis, quem eidem tribuit, non inepte subsumit Hoffmannus de Medicamentorum officinalium efficacia, etiam caliditatem. Dioscorides lib. V. Cap. 89. concretorum humorum educationem *ῥαυσον* seu

seu *ustionem attractionem, attenuationem, & ita Discussionem*, è quibus omnibus circumstantiis ejusdem qualitatibus ab ipso habitum fuisse, dilucescit. *Avicenna lib. II. Tract. 2. Cap. 87. calidum & siccum* declarat, haud mediocriter, sed, ut habent ejus verba: *declinando ad tertium gradum*: Et dicit, quod in Nitro sit *abstersio pura & multa, & nihil stypticitatis*. Consentiant his fere plurimi. Solus *Imperatus* tribuit *multam frigiditatem Nitro*, sed *Calabro*. Oritur hic nova lis, de differentiis Nitri: quam præcipue fovet *Matthiolus*, ubi *Nitrum antiquorum, à factitio nostrorum temporum, diversissimum* fuisse, asserit magis quam probat, juxta mentem *Casspar. Hoffmanni* l.c. Quamvis vero mihi ipsi, dubium nullum sit, quod diversa illa Nitri genera, quæ à *Dioscoride* præsertim, memorantur, inter se mutuo æque, ac à nostro hodierno, *diversa* fuerint; Quemadmodum etiam vel hodieque minus accurate cogniti natales *Borracis*, haud exiguum suspicionem movere possent, ipsam potius hanc, fuisse *Nitrum* veterum, cum hoc ipso nomine, nempe *Baurach*, ab Arabibus describatur: In re tamen dubia aliquid definire non audeo, præcipue cum nemo, quod meminerim, viam hic præiverit: Unde placet pauca tantum in hanc rem, nudæ *historiæ* more, afferre.

Vir in Experimentis Chymicis & Chymiatricis eximie versatus, cum aliquando processum obtinuisset *Boracem* conficiendi, legit ibi, materiam è qua fieri *Borax* debeat, esse *Alume di rocca*, seu ut vulgo vocant *Seplasiarii, Alumen Roche*. Jam notum est, quod *Rocca* Italica, uti *Rocher* Gallis, idem sit, quod latinis est *Petra*: Et hoc quidem in genere: In specie enim, usurpatur quoque Italicum vocabulum *Rocca*, de *scopulo* Latinis.

Aggressus est noster opus suum juxta præscriptum, sed in sale illo *styptico, alumine communi*, quod pro *alumine Roche* seu rupeo vulgo venditur, frustraneus erat omnis labor. Dubitabat itaque, an hæc materia revera sit illud *alume di Rocca*, quod processu ejus pro materia laboris hujus requirebat. Denique tandem, post varias frustra in hanc rem insumtas quæstiones, celebrem materialium, ut vocant, mercatorem *Langermannum*, Lipsiæ aliquando de hoc negotio sollicitè consulens, responsum ab hoc reportavit ipsa re illustratum, dum illi frustra obtulit *plana, nitida, semidiaphana*, lapidis cujusdam *fissilis* seu *foliaceæ* specie, quem noster, nomi-



nomine *salino*, & aspectu *salino*, invitatus, gustu explorare aggressus, ipsum saporem *Boracis* ibidem deprehendit. Quod cum *Langermanno* exponeret, subridens hic, utique esse id ipsum profitebatur, *Boracem* nempe, sed *crudam* seu *nativam*, unde venalis illa & usualis, per *depurationem*, seu ut vocant *refinationem*, præparetur.

Faciunt hæc ut iudicium nostrum suspendamus de vero *Nitro Veterum*; Quamvis enim sæpe laudatus quoque *Casp. Hoffmannus*, ubi de *Borace* breviter agit, in hanc sententiam eat, quod *Nitri veterum* species sit: Quia tamen non modo sub nomine *Aluminis rupei* venire inter peritiores, videtur; sed etiam ipsum *Alumen* jam antiquis temporibus, *Alumen* aliud, *nativum*, aliud *factitium* inemoretur: cuinam classi *Nativa* illa *Borax* accenseri debeat, non satis certus adhuc sum: *συμπύκνω* non fuisse, satis certum arbitror, cum nihil minus vel ipso sensu, vel effectu quocunque exhibeat, quam *σύψιν* seu adstrictionem, sed potius *aperiat*, imo propemodum *pellat* sanguinem.

In tanta obscuritate, quid *Nitro* nostro hodierno, ex his tribuendum sit, vix liquido apparuerit, unde *Experientia* potius, quam *autoritati*, insistendum. Novæ hîc difficultates necessario removendæ sunt. Spondent aliqui, *Nitrum* reddere sanguinem *fluidum*, & impedire *coagulationem* ejus: Respondet vero in contrarium *Experientia*.

Profecto in hodierna curiositatis affectatione, duo sunt pessimæ consequentiæ offendicula (1) quod qui omnia ad *mechanicas* leges reducere satagunt, leges has communissime minime omnium calleant: (2) Quod vel levissima sæpe *Experimenta* suscipere, grave sit, non grave vero, è præjudiciis, ex aliorum frivola traditione, *Experientia* contraria, sumtis, contradicere assertis, quæ ipsi *experientia* superstructa sunt.

*Drachmam dimidiam Nitri* in pulverem contriti, vasculo imposui; sanguinis recentis, ex animali mactato profilientis, unciam unam influere feci, & seposui; Non modo *sanguis* coaluit, sed concrevit etiam in loco, ubi portio *Nitri* paulo spissius jacuerat, *serosa* sanguinis portio, in valde *tenacem mucidam* consistentiam: Tantum abest,

abest, ut ullum vestigium *fluiditatis*, in sanguine hoc apparuisset.

Crediderim subesse errorem aliunde natum. Laudant aliqui *Nitrum*, pro sanguinis dispositione, ut *Thermoscopiis* adhiberi possit. Ad quem actum, cum *fluxilitas* utique requiratur, nata fortassis aliquibus est opinio, quasi *Nitrum fluiditatis* conservandæ gratia hic adhibeatur: Cum non, nisi ad averruncandam *putrefactionem* inserviat.

Deinde, potuit Experimentum in eo quoque fallere, quod sanguis talis, *Nitro* addito, ad hoc cum ipso bene subigendum & dissolvendum, diu *concussus* & *agitatus* fuerit; Quod utique actu, ad perennem *fluxilitatem* redit, quamlibet *Nitrum*, imo acida ipsa, illi immixta sint.

Versatur autem ob oculos, alterum, quotidianum, *coagulatorii* effectus exemplum, in *gargarismatibus*: Ubi, si in febribus *acutis*, *aphthoideæ* & *prunellæ* inflammationes faucium, *gargarismatibus* deliniuntur; si his *Nitrum* non additur, succedit mox repentina *siccitas oris*: Si vero additur, præsentissime, & nudo aspectu statim, deprehenditur, *salivalis* quæcunque humiditas circa palatum & fauces, ita *coagulascere*, ut *limpidi muci* consistentiam repræsentet: Qui etiam durabiliore sua *humectatione*, tanto magis solatur fauces, cito alias iterum arescentes.

Quemadmodum autem ita satis perspicui sunt effectus *Nitri*, *sanguinis* & *lymphæ* *coagulatorii*;

Ita potest hinc tanto facilius comprehendere modus, quo effectus *refrigeratorius*, & *æstum sanguinis* demulcens, ab usu *Nitri* sequatur.

*Altera*, *Nitri* usui *interno* adscribi solita efficacia, est *alvi laxatio*. Invaluit certe adeo, in ipsum usque vulgus, hæc assertio, ut ex hoc fundamento, ipsis quibusdam *cerevisiis*, *laxationis* effectus attribuat, quod ex aquis *Nitrosæ* coctæ sint: Aut contra, quæ *laxativum* talem effectum edunt, e *Nitrosæ* aquis coctæ censeantur.

Imo, nec negandum quidem est, habere usum *Nitri* certum, hanc efficaciam, ut alvum lubricet, & subducatur; Interim non qui-



*libet usus* Nitri, aut exigua quæque dosis ejus, effectum hunc inducere ullo modo observatur.

Magna profecto circumspeditione opus est, in scriptis & Commentariis de rebus Practicis, judicandis. Adeo enim ipse sæpe impetus scribendi, in transversum rapit animos, ut non dubitent temere lecta, aut tumultuarie audita, aliis pro nuda veritate obtrudere; unde quod primo incertitudo, imo forte, sub certis conditionibus veritas, esse poterat, indefinita tali, atque frivola, jactatione, in purum mendacium degenerat. Absit tamen, ut hic cuiquam aliud quid, quam *credulitatem*, imo si durissime dicendum sit, *levitatem* aliquam, imputemus. Illud utique certum est, quod *metus* ex hac *traditione* subnatus, ne in acutis *usus Nitri intempestivas Diarrhoeas* inducat, longe plus damni, quam commodi, intulisse videatur.

Satis certus sum, quod nemo quisquam, qui me, moresque meos novit, facile *temeritatis*, & in *experiendo* atque *tentando audacia*, notam mihi impingere sustineat; imo contra, *timiditatis* potius me arguat, qui de *Vomitoriis*, promiscuis *purgationibus*, indiscretis *Venefectionibus*, *Opii* frequenti usu, imo ipsis *sudariferis regiminibus* sine discrimine adhibitis, minus bene sentiam, eaque suspecta habeam, & circumspectam plane horum omnium administrationem, exigam & commendem. Interim in illis etiam rebus, ubi nulla *timendi* aut *dubitandi* causa, per experientiam suppetit, hæreere aut fluctuare, a moribus meis penitus alienum est. Potest interim tantum hoc commune præjudicium, ut etiam in rebus utilibus tentandis *tardiores* simus, quando unanimis hominum consensus, contrarium suadet, & mala ominatur. Evenit hoc mihi utique, circa hunc ita vulgo traditum *Nitri* effectum, ut sic satis diu hæsitarem, an *rationis dictamini* obsequi, & sub certa conditione, *contrarium* prorsus à Nitro sperare, imo expectare, absque nota *temeritatis*, imo *conscientiæ* scrupulo, liceret.

Ita sane non nisi cum aliquali *trepidatione* in *Diarrhæa febrium malignarum*, imo *variolis* ipsis superveniente, *Nitri* efficaciam, quam *ratio* promittebat, tentare primo ausus sum: Neque vero frustra, quasi

quasi clam aliàs, tentamina hæc tunc temporis suscepi, cum etiam rebus optime gestis, & certa jam atque confirmata experientia, non exiguæ opinionis Medici, ad hanc meam relationem, modo non attoniti apparuerint; præprimis antequam & rationes meas theoreticas adduxissem, & de certa atque undiquaque secura atque experta efficacia, multa obtestatione securos reddidissem. Proponam itaque certos hos, & uti *rationi* consentaneos, ita *multiplici & constantissima experientia* confirmatos, Nitri effectus, quorum ope, numerosis certe vicibus, obtinui atque præstiti, quod aliis medicamentis vel nunquam, vel minime tam commode, vel minime ita secure, obtinere, sive ipse potui, sive alios præstare observavi.

## CAPUT, SECUNDUM.

# DE EFFICACIA NITRI SANGUINIS ORGASMOS REPRIMENTE.

**N**ihil attinet illud jam agere, ut difficultates indicem, quæ incumbunt sententiæ, *hemorrhagias obstructioni* alicui tribuenti; Sed suffecerit in supra jam data asseveratione, & experientia, acquiescere, quod Nitrum ipsum, sanguinem potius *condensare*, quam *colliquare* deprehendatur.

Hoc utique certum est, & testatur luculenter *Praxis clinica*, quod illa omnia, quæ sanguinem *attenuare* atque *turgescere*, e multis circumstantiis deprehenduntur, *eruptionibus* ejus seu *Hæmorrhagiis*, ansam præbeant. Sed hoc ipsum tamen promiscue, ut non magis *durante* illa expansione commoti sanguinis, quam iterum jamjam *consopita*, aut ad minimum *imminuta* eadem, effectus illi, nempe *eruptiones sanguinis*, consequantur.

Illud certum est, quod subsidente etiam *orgasmo* seu *spumida turgescentia*, nihilominus *tenuitas* sanguinis solito major, tanquam effectus directus *commotionis* illius enormis intestinæ, sic satis diu ad-



huc restitet ac perennet : Unde siue purus *passivus* lapsus sanguinis supponatur, *fluidior* promptius elabi possit ; siue magis *activa* expulsio, & *expresio*, agnoscatur, magis opportunum utique tunc temporis fuerit, hanc moliri : Cui interim utrique, occurrit atque adversatur, lenis ejusmodi *incrassatio*, quæ ipsam *turgescentiam* promte supprimat & cohibeat, siue residuam ab ista nimiam *fluxilitatem*, denuo *condenset* & in consistentiam debitam restituat.

Huic certe theoriæ innixus, coëpi, & impetrato, secundum *rationem*, successu fretus, *continuavi*, Nitrum opponere hæmorrhagiis, & ex his primariæ, quæque multas malas consequentias post sese trahat, *hæmoptysi*. Non frustra hoc jam in aliquot Schediasmatibus variorum thematum meorum professus sum, odisse me *adstrictiones*, in variis *excretionum*, modo *conaminibus*, modo *actibus*. Non enim mihi sufficit, hunc præsentem morbum sustulisse, aut consopivisse ; Interim patientem, vel maturæ, ut vocant, *recidivæ*, vel alii congeneri, facile successuro, affectui, imo sæpe numero longe periculosiori, aut pertinaciori, exposuisse : Sed tendit semper eo animus, ut quanta maxima possim, & constantissima, ægri euphoria atque securitate, negotium finiam, atque sublati fomitibus, ad sinceram tranquillitatem ægrum reducam : Quod ipsum cum sola *exitus occlusionis* perficere minime confidam, insultus potius, & *eruptionis nissum*, cohibere allaboro.

Ita quidem salva sancta veritate asseverare possum, quod numerosis *hæmoptyicis*, *Drachma dimidia*, *scrupulis duobus*, ad *Drachmam unam*, Nitri, per *vices* opportunas exhibitis, ita efficaciter subvenerim, ut coërcito, quicunque suberat, sanguinis orgasmo, non modo *citisime*, sed etiam *constantissime*, cessaverit eruptio atque fluxus.

In aliis etiam *hæmorrhagiis*, modo præveniendis, modo refrænandis, non minus efficacem deprehendi usum Nitri, dummodo scita proportio ubique observetur.

De *Nephritide* quid sentiam, & quomodo eandem molimini-  
bus *hæmorrhagicis*, & *mictus cruenti* intentioni, tribuam, loquitur disertatio, ad mentem meam, sub præsidio meo habita, de *nova Pathologia Calculi renum*.



Sane vero, consistere *Nephritidem* in *stasi* sanguinis in renibus, & *inflammatorio* horum æstu, nemo hominum puto contradicit.

Opponendum hisce incommodis duxi, neque vero sine efficacia insigni, ipsum *Nitrum*: non certe frustratus est expectationem, ratione fultam, felix effectus.

Ego hoc expertus dico, ac polliceor, posse *prudenti* usu *Nitri*, in *Nephritide*, plus perfici & præsentius quidem ac celerius, quam ullo, inter numerosa huic commendata, alio remedio. Securius vero longe, per *Nitrum* non *consopire*, sed *tollere* & *abolere* dolores hos didici, quam per *opium*; Postquam *opii* deleterium in hoc genere effectum, insignibus aliquot & luculentis exemplis, diligenter observavi.

Familiarior forte est *Nitri* usus, ad *acutarum febrium æstus* mitigandos: At *Puerperis*, a *lochiorum suppressione* in graves æstus febriles prolabantibus, illud exhibere, pauciores forte consenserint. Quid multis, ego sane ipse, quamvis vix sciam, quam ob rem, aliquandiu hic trepidavi. Sed destiti, posteaquam alios, meam ipsius generalem commendationem huc etiam applicantes, illud huius remedii ope præstitisse notavi, quod ego ullo alio remedio assequi, minime sperarem, nempe sublato *presentissime febrili æstu*, & subiectis inde, quæ conveniebant, medicamentis, *fluxum lochiorum*, præter omnem spem, placidissime, etiam post *tertium* & *quartum* diem, reduxisse: Neque semel tantum, sed ita sæpe & secure, ut *experimenti* instar Methodus hoc æstimari meruerit.

In *Arthriticis* affectibus, quid, *continuatus* & *proportionatus*, *Nitri* usus valeat, suspicari quidem *ratio*, sed docere sola *Experientia* potest.

*Suppressiones* & *ardores Urinae*, tum simplices, tum *venereis* inquinamenti accidentes, pari proportionato usu, efficacissime mitigat, expedit, corrigit.

*Capitis* etiam, *oculorum*, *aurium*, *dentium*, aliisque similibus acutis & inflammatoriis, *doloribus*, plurimum levaminis & emolumenti affert; *Erysipelaceis* quoque affectibus tam particularibus, quam universalibus commodissime succurrit. Unde tum in Ery-



si pelate ab intra, sine externa causa, prorumpente, tum in ita vulgo dicta *purpura*, pustulari illo *miliari* affectu, internum *Nitri* usum laudatissimum deprehendo.

Imo, quid in *deliriis* chronicis commodus hujus usus possit, testabitur similiter recte instituta *Experientia*.

Transeo vero ab hoc *temperante*, & *orgasum* sanguinis reprimente, *Nitri* effectum, ad alterum ejus, minus certe speratum, quam merito exoptatum, usum, *Diarrhoeas acutarum febrium*, *variolarumque*, & *cardialgias* atque *vomitum cholerae*, *arthritidis* & *Podagrae*, ad interiora recurrentis, emendantem,

### CAPUT TERTIUM.

## DE USU NITRI IN DIARRHOEIS ET VOMITIBUS, AB ÆSTU SANGVINIS ET HUMORUM PROPECTIS.

**Q**uantum differat *Clinica Praxis*, i. e. propria ad lectum ægri, morborum, symptomatumque ipsorum, observatio, & quantum sæpe res ipsa tunc temporis differat, a tralatitiis volumina consarcinantium traditionibus, propria, sed circumspccta, *Experientia*, satis utique docet, & commonstrat. Non placet numerosa hujus generis exempla ad probandum adducere, sed poterimus acquiescere, etiam in uno solo specimine, de re præcipue non parvi momenti in *Praxi Clinica*.

Ex Autoribus qui *Practica* tradunt, non pauci occurrunt, qui *Febres Petechiales* descripturi, magis *generalibus* conceptibus nitantur, quam ut *specialissimum* hujus morbi genium, vel observent, vel occurrentem sibi, attendant, & animum eo, uti decet, advertant.

Tantum abest, ut hic aliis tantum hoc imputem, ut potius me ipsum illis libere accenseam, qui dissertatione de *Febre petechiali*, an. 1685. *Jenæ* habita pariter *autoritatem* virorum magnæ existimationis, secutus, non modo *Vena sectionem* usui esse posse, si *plethora* præsto sit, consensi: sed etiam *alvi siccitatem* his febribus, utpote

Exan-



*Exanthematicis*, non modo *familiarem*, sed & *utilem* esse, arbitratus sum.

Quis vero non subscriberet tot doctis Viris, multorum, & diffusorum quoque voluminum concinnatione celebribus, non modo *Practicis*, sed omnino *Doctoribus*, *Professoribus*, & *Præceptoribus* artis, qualium insignem catalogum profert *Thilingius* de Febr. *Petech.* p. 240. ubi *Mercatus*, *Capivaccius*, *Fonseca*, *Sennertus*, *Rolsincius*, *Brunnerus*, *Horstius*, *Sorbait*, *Minadous* &c. in scenam producuntur, aliis adhuc stipati: Cum è contra qui negent, propemodum magis minorum gentium dii à plerisque habeantur, *Agricola Rulandus*, *Höchstetterus*, *Lotichius*, *Thonerus*, *Fracastorius*: *Heurnius* vero ita alieno loco, & potius inter contrarium sentientes, allegatur, ut suspicax aliquis autumare posset, data opera illum, tanquam paulo majoris opinionis Virum, reliquis istis in subsidium allegari non debuisse.

Interim simulatque vel leviter advertatur animus, res ipsa statim monstrat, quod illi quidem, majore autoritate pollentes, viri, pure & unice hic nitantur *ratione* generalissima; nimirum quod ubicunque *abundet* sanguis, sine metu *imminui* possit: Imo potius ob suspicionem futuri mali effectus, *imminui debeat*.

Omnes vero illi, qui *dissvadent*, à specialissima *Experientia* & *multiplici* quidem, *funesti* exitus, consilium contra V. S. usum pro-  
palam dederunt.

Quibus quidem posterioribus, ego quoque, numerosissima certe *Experientia* idem edoctus, assentior & subscribo, quod periculosissimi eventus in hoc morbo existat V. S.

Quemadmodum vero de *Vena sectione*, hanc à receptiore opinione secessionem, ipsa utique *Experientia* mihi persvasit: Ita ea ipsa quoque *Magistra* mihi fuit, recedendi à traditione illa, circa *utilitatem*, nedum *necessitatem adstrictionis alvi* in hisce febribus.

Revera enim numerosissimæ observationes, ab aliquot annis in hodiernum usque diem, *continuatæ & constantes*, testantur, quod *febris petechialibus* illis modernis, minus pestilentibus, interim *malignitate* sua deleteria non destitutis, *Diarrhoeæ*, tum in  
prin-



*principio*, tum *statu* & *declinatione*, non modo familiares sint, sed etiam, inter omnia reliqua symptomata, minimum noxiæ, imo non raro potius *salutaris* eventus veluti sponsores.

*Siccitas alvi* è contra, uti nunquam quidquam utilitatis attulisse apparuit; ita certe sub *statu*, & versus *criticos* dies, perpetuo periculum, fere evidens, intulit: certiores enim hinc secutæ sunt *mentis perturbationes*, *asthmata suffocativa*, *convulsiva*, & *singultuosa*, *comatosi affectus*, *aphthæ* cito invalescentes, cum propinqua ut plurimum morte.

Profecto, quid in his rebus prærogativæ habeat *Experientia*, præ opinione, non monstrat, nisi cautior observatio, in *Prætorum* scriptis & observationibus deprehendenda: ubi quidem nihilominus non raro præjudicium aliquod occurrit, dum circa unam eandemque rem *contrariis* observationes minime desunt. In nostro certe negotio, *Gerhardus Columba Messanensis*, jam longe ultra *centum* annos, hujus ipsius Febris occasione, edidit *Tractatum de Febris Pestilentibus*, ubi in præfatione, refert, quod fere omnes ea constitutione, (ejus temporis morbo) *alvi fluxibus sublevati*, imo, ut habent Autoris verba, *iudicati* fuerint. Quod ipsum, licet de *vera Crisi* intelligi vix possit; sicut etiam in exemplo in rem allato, non tam *critico die* evenisse, satis exprimit locus: videtur tamen sensus ad minimum esse, quod hoc modo *ab impetu suo dejectus morbus*, *salutari eventui* deinde facilius manus dederit.

Contra *Joachimus Burserus*, speciali libello de *Febre* hac similiter edito, & (missis, utpote experientiæ Clinicæ minus quadrare visis, vulgatis traditionibus) formatis propriis *observationibus*, sub finem capitis XXII. *diarrhæas* quidem in febre hac fieri solitas, pariter agnoscit; sed magis in *principio*, quam *declinatione* visas sibi, tradit, & *damnat* insuper, quod nullo ægrotantis juvamine, sed tantum cum *virium jactura*, & *magna* quidem, contingant.

Quemadmodum vero directæ nostræ intentio jam non æque fert, de hac harum febrium circumstantia, prolixiorē esse; sed suffecerit nostrā quoque fide, frequentem eventum, neque quidem, cæteris paribus, & ad minimum comparative, adeo inutilem, nedum

dum noxium, confirmare: Ita de *Nitri* efficacia huic accidenti à nobis feliciter destinata, hoc loco dicere satis erit.

Cum mihi symptoma hoc in hac febre aliquoties ita obvenisset, ut patientes jam unum & alterum diem eodè infestati, tunc demum præsidium meum implorarent: Imo cum ne quidem directè, *adstringentibus* affectui huic occurrere, propter *febrem* ipsam, audem, sed potius *alexipharma*corum, & *regiminis sudorifici* circumspecto usu, subvenire laborarem, eo ipso vero nihil magnopere proficerem, & tamen, sub his omnibus impedimentis, perennantem diarrhœam, nihil magnopere nocumenti inferre, sentirem, adeo, ut ne vires quidem, sensibiliter, & extra ordinem, dejiceret: Inductus inde sum, ad hoc ipsum symptoma *securius* spectandum, neque nisi *lenibus* medicamentis eidem resistendum.

Et hoc quidem tanto magis, cum contra, *adstrictiones* alvi pertinaciores, affectum hunc manifesto exacerbare observarem; ita quidem, ut & in *principiis*, major *angustia* atque *anxietas* circa præcordia adesset: & in *statu*, ac versus *criticos* dies, omnia non modo hæc pejora apparerent, sed etiam illo maxime tempore *mentis alienationes*, *aphthæ*, & *summa anxietates*, communissime cum funesto exitu, increbescerent.

Cum interim hanc posteriorem quidem constitutionem, à *tenui, erysipelatode, inflammatione* viscerum (aphtharum argumento) pendere conjicerem: *diarrhœam* vero, aliquo naturæ vegetioris conatu, ad similem *φλόγωσιν*, qualitercunque abstergendam, & materiam ejus diluendam atque eluendam, suscipi, interpretarer: in mentem venit, hanc ipsam *φλόγωσιν* contactu magis immediato *nitri*, eodem modo, quo in *faucium* vitiis solemus, oppugnare, atque mitigare.

Unde quidem tam extra *diarrhœas*, *Nitrum*, cum absorbentibus & diaphoreticis fixis, remixtum, exhibuimus; præcipue versus tempus, & sub ipsis initiis, *paroxysmorum*: quam etiam in ipsis *diarrhœis*, *φλόγωσιν* illi, propter quam affluxum fieri suspicabar, eadem ratione occurrendum esse censui: atque ita tunc quoque medicamenta talia *nitro* imbuta, non modo continuavi, sed etiam,



pro re nata, crebrius, quam alias solebam, usum eorundem repetii.

Hac methodo unum ex his duobus commodum, fere perpetuo obtinui; nempe ut vel ipsa *diarrhœa* sensibilissime remitteret, & ad naturalem magis successum rediret: aut, etiamsi perennaret, nihilo magis periculi inde immineret, sed propemodum *seculo* esset liceret, de omni graviore eventu, hac ratione satis præoccupato.

Sæpenumero certe contigit, ut *diarrhœæ* tales, sive demum *incipientes*, sive jam quadantenus *exhaustæ*, præcipue vero minus in ipsa *critica* tempora incidentes, *tribus* vel *quatuor* pulveribus, ex *Matre perlarum*, aut *oculis cancri*, præparatis, *antimonio diaphoretico*, & *nitro*, dosin scrup. unius, *binis* aut *ternis* horis deinceps exhibendo, diarrhœa talis statim ita remiserit, ut vix *bis* aut *ter* per totum *nyctimerum* rediret: patiens vero simul sensibilibiter levatus, jam hinc manifestius optimæ spei locum præberet.

In illis vero horum generum *diarrhœis*, quæ morbi hujus jam securiori *declinationi* superveniebant, quas *Sydenham* non modo valde suspectas habebat, sed etiam medicatione mihi certe non aridente, nempe *vomitivis*, occupare suadebat: hoc usu *nitri*, ita certam & *præsentaneam* opem semper obtinui, ut nullius omnino ponderis, hæ diarrhœæ mihi perpetuo fuerint, quantumcunque dictus (de cætero mihi magni æstimatus,) *Sydenham*, illas aversetur, & reformidet: sicut etiam, si *adstringentibus*, juxta communem methodum, *intempestive* vel *intemperanter*, supprimuntur, non raro utique fontica mala, in specie vero *tumores œdematosos*, post sese trahunt.

Hic est usus ille *Nitri*, in *sistendis diarrhœis*, à *Φλογόσει* intestinorum inductis, in febribus his leviter & tenuiter *exanthematicis*: transeo ad *exanthemata* crassiora illa maligna, *Variolas*.

Circa *Variolarum* eruptionem, aut sub eadem jam emicante, quid præagiant *diarrhœæ*, tum *torminosæ*, tum ipsæ adeo *indolentes*, sed *mucide*, *rufescentes*, *striatæ*, *tenesmodæ*, Practici sciunt; neque minus meminerunt, quam prompte etiam illæ, quæ una aut altera prioris vice, naturaliores apparuerant, in modo dicta schemata transmigrent.

*Anceps* profecto, & *præceps* est malum. Qui *praxin* prolixè præscribunt, jubent *adstringentibus* uti; Hæc si dentur, sine admodum *circumspecto regimine*, quid *boni*, aut *certi* effectus operentur, optarem à *cordatis & veracibus Viris Practicis* certior fieri, postquam mihi occasio aliquid laude dignum his remediis perpetrandi, nunquam certe favit, quin *anxietates* immanes, *æstus* graviores, & alia, pessima symptomata succedentia, id unum efficerent, ut in aliud quidem mutaretur morbi status, sed non in *melius*.

*Anodynorum* usus, & *refracta* quidem dosis, licet non nihil hic efficiat, si tamen paulo *tardius* adhibeantur, majori dosi danda, reliquos motus & *ecrises*, & præcipue *ordinem* & opportunitatem earundem, facillime turbant; jam fienti etiam *viscerum infectio- ni*, nihil opis adferunt: unde similiter, non nisi dubium & ancipitem effectum, spondent.

In rebus ita trepidis, cepi consilium, *Nitri* quoque usu aliquid utiliter perficiendi; sperabam hoc ipso *irritationem* sistere, *acrimoniam* ipsam obtundere, *sensum* ardoris delinire. Exhibebam itaque, quamvis inter spem & metum, pulveres *diaphoretico-nitratos*, qui *nitri*, pro ratione *ætatis*, grana *duo, tria, quatuor*, in singulas doses, continerent: Interponebam usum moderatum *alexipharmacorum*, & *aquarum diapnoicarum*.

Testor veram veritatem, & veneror Divinam Gratiam, quod hoc medicamento *nunquam* sine præsentī successu usus sim: quin *duabus*, aut ad summum *tribus* dosibus, *binis* vel *ternis* horis deinceps exhibitis, *diarrhææ* tales, statim substituerint; etiam tales quæ jam *aliquot vicibus* infantem aut puerulum exercuerant, & quibus frustra pulveres illi *Bezoardici ex radicibus, terris*, cum & sine *Laudanis*, iterum, & amplius, oppositi fuerant.

Occurrentibus porro *Choleris* valde *anxiis* & *æstuosis*, ratione dictante, in hoc eodem præsidio quæsi vi subsidium; quod certe brevissimo tempore, concurrentibus præsertim aliis convenientibus fociis remediis, tantum operæ prætium fecit, quantum in ullo alio medicamento me deprehendisse, minime valerem bona fide asseverare.



Præticis notum est symptoma illud molestissimum, mea sententia choleri<sup>ω</sup>δες, (ut è longinquo αἰματομετ<sup>ω</sup>δες) Podagricorum præcipue non admodum annosorum, ut, remittentibus interdum propere doloribus pedum, repentina plenaria appetitus defectione, nausea, cardialgia, vomitibus obruantur, cum virium magna defectione, & æstus febrili emicatione.

In hoc affectu quam præsentissimæ efficaciz sit ipsum Nitrum, convenienter temperatum, sciunt experti patientes; quorum unus & alter, recurrente aliquando sub Podagricis insultibus, hoc ipso quoque pathemate, non tam in genere Medicinam, quam nominatim rubrum illum pulverem, efflagitant, effectus ejus non modo securi, sed etiam certi. Idem faciunt & arthritici quidam, & nephritici, præcipue vero hi posteriores, effectus optati jam satis periti.

Non modo semel, sed iterum, in dissertationibus, notavi flatulento-spasmodicam cardialgiam, viris præcipue, prædominio sanguinis & hypochondriacis motitationibus oneratis, familiariorem, quam vulgo debilitati, imo frigiditati ventriculi, adscribunt. Ego vero potius uberiori congestioni sanguinis ad ventriculum, tribuo; Huic quantum commodi è prudenti usu Nitri eveniat, nisi ipsa Experientia, vix quisquam persvaserit.

Evenit non ita dudum, ut vir juvenis 34. annorum, habitus corporis sanguinei & status plethorici, post varias medicationes variorum, hoc affectu, eoque exacerbato, gravissime ita infestaretur, ut vix tertiam partem pro appetitu, neque illo quoque satis vegeto, edere auderet, quin è vestigio pressio talis anxia, angusta, ad sudoris anxii eruptionem repetitam, per aliquot horas ipsum exerceret: erumpente rarius uno vel altero ructu, levissime mitescens.

Vix duabus vicibus conveniente tempore, tali remedio satis simplici usus, ita inde levatus est, ut magis magisque, & vix tertio die transacto, ad satietatem edere posset; neque imposterum hoc vel simili medicamento, nisi per intervalla tantum, uteretur, ubi necessarium duceret; sed tamen de penu sufficiente in futuros usus,

usus, sollicitè sibi prospiceret, effectum vix speratum, non sine admiratione sua celebrans.

Alienissima certe hic est *Experientia*, ab *opinionibus* illis, quæ vulgo quasi ab experientia, nescio vero qua, per manus traduntur, inter quas *duas* primicias esse arbitror; Primo, *Nitrum*, quia *refrigeret*, *ventriculi mucidis affectibus* (talibus nempe creditis,) *noxium* esse, illosque exacerbare: secundo, *salia digestiva*, *arcanum duplicatum*, *Tartarum Vitriolatum*, *Nitrum antimoniatum*, *hystericis & hypochondriacis nocere*.

Contigit non adeo dudum, ut vir circa 40. annos habens, habitus corporis *Sanguinei*, ad *Melancholicum* inclinantis, vino *Austriaco & Hungarico* per aliquod tempus largius usus, *hemorrhoides* aliquoties, ab aliquot jam annis, expertus, *Diarrhœa spontanea* interdum, præcipue inter *dieta* errores, corripitur ad vetus; cum hanc eandem experiretur, deposita vero jam plus *decies* alvo, & urgente simul itinere, rheda iter aggressus, *Diarrhœa* quidem cessationem obtineret, neque sub agitatione currus, insignem molestiam perciperet: postquam vero perfecta via, ad quietem aliqualem rediret, mox immani *Colica* corripere, cum tanta *alvi adstrictione*, ut vix *quintum* demum *clysterem* recte admitteret, sed parcissime sequeretur excretio.

Loco vero solutionis ejusmodi *alvi* deorsum, accedebat doloribus, ut solet, *singultuosa cardialgia*, cum magnis *conatibus vomendi*. Concussus ab his laboriosis pathematibus æger, & vires summopere perdebat, & *febrilem æstum* gliscentem persentiscere incipiebat.

Advocatus Medicus, ante omnia *clysteres* ordinaverat; sed ut dictum, aliquoties absque successu, dum non admitterentur, sed refluerent: denique vero, cum semel aut bis penetraissent, mox tamen *sincerè* redirent, sine fructu. Intus exhibuerat *Elixir* aliquod *carminativum*, è *calidis*, ut solet, cum *Tinctura Castorei*: sed non volebat inde mitescere, neque *Colica*, neque præcipue *vomitus*. Proximum itaque refugium erat, ad magnum illud seculi nostri senescentis *εὐρημα*, *Opium*, cujus, *anodyne Tinctura* nomine, portionem, *Elixirio* huic admiscebat. Sed & hoc profecto sine ullo effectū, tum



quoad *colicam* tum *vomitum*. Bene vero cum veloci alteratione patientis, non modo in *torporem vertiginosum*, sed *virium* quoque notabilem languorem, è quibus circumstantiis ipse patiens, *opium* sibi oblatum esse, mox hariolabatur, ejusque ulteriorem usum deprecabatur, nescio unde effectus ejus sibi minus auspicati, sive persuasus, sive peritus.

Cum vero interea & *dolores, ardores, lancinationes* circa regionem *ventriculi*, laboriosus conatus *vomendi*, urgeret, nostra vero sententia medicamentum *Nitratum* *ardores* atque *inflammationes* his locis partim inhaerentes, partim imminentes, tollere, adeoq; causa sublata, effectum quoque auferre posset; proposuimus Medico ejus usum: Ibi prima, ex communi præjudicio, & prompta responsio, *metuere se, ne salina hæc vomitum promoveant*. Cui ego subridens, huic maxime symptomati potius consulturum esse, respondens, medicamentum dedi, & effectus, quem inde expectaveram, eventum seu experientiam testem habui: siquidem mox a primi pulveris usu, *vomitus* ita refedit, ut vix nisi post maximum intervallum leviter rursus moliretur; exhibito vero etiam *altero pulvere*, minime repullularet. Et est hic hujus medicamenti effectus numerosis exemplis notus & perpetuus. De effectu ejus contra singultum, legantur Acta Naturæ Curiosor. Dec. II. Anno IV. & VI.

## CAPUT QUARTUM.

DE

## ADMINICULO, IMO SI ITA PLACET, CORRIGENTE NITRI.

**U**Ti *superflua non nocent*, ita ubi etiam nullus magnopere urget metus, *cautum* tamen fuisse, nemini credo unquam detrimento fuit.

Bona certe fide asseverare possum, quod *nunquam a Nitri usu*, *ullum incommodum* aut molestiam perceperim, quod ullam suspicionem

nem finisterioris ejus effectus constanter movere valeret ; Interim tanquam ex superfluo, cautionem adhibere operæ pretium duxi.

Suspecta illa noxa, cui maxime correctionem adhibere necessarium videbatur, erat *mucida illa coagulatio* ; Quæ, ne forte prævaleretur, sed solum ad statum mediocris incrassationis perveniret, visum est adjungere Nitro, medicamentum mucosos leniter, *resolvens*, ac veluti fundens, de genere nempe sic dictorum *Incidentium, digestivorum* : quod quidem, si quæ nimia fieret a Nitro coagulatio, illam impediret : *Diureticam* vero evacuationem, cui ipsum Nitrum favet, promoveret, interim de efficacia illa *frigesaciendi*, per modum *sensationis*, solidis partibus affrictæ, nihil detraheret.

Adhibuimus itaque huic scopo *Salina* illa, ut vulgo vocant, *Neutra* seu media, e *Vitriolico* acido, & *alkali* fixo Tartari, parata, præparatione quidem, & nominibus diversa, re vero ipsa coincidentia, *Tartarum Vitriolatum, Arcanum duplicatum, Nitrum cum sulphure fixatum*, & ejusdem indolis *Nitrum antimoniatum* fixum, imo sal illud quod ex *hepate sulphuris*, debita calcinatione ad eandem naturam formatur, quin denique, quod e vulgo venalibus *cineribus clavellatis*, solvendo & crystallizando, non exigua quantitate colligitur.

Hujus, quocunque horum modorum parati *salis*, sicut alias frequens mihi est usus, ita ut communiter a libra ꝑ. ad j. per annum Praxi impendere sive verim ; ita Nitro quoque idem subinde sociare soleo, præcipue si paulo *largioribus Nitri dosibus*, intentionem meam assequi, necessarium ducam.

Sane vero videor mihi hujus rei nonnullum usum deprehendere, in *doloribus* partim in genere *lumbaribus* ; quos promiscue, non modo plebis, sed Medicastro- rum quoque *vulgus*, statim pro *nephriticis* interpretatur ; partim in specie ipsis *veris & confessis Nephriticis* : Utpote in quibus, præsertim *posterioribus*, satis sæpe *ventriculi* & primæ coctionis *cruditates*, ad minimum *exasperationi* pathematum, ansam suppeditant.

Imo, in ipsis etiam *arthritico hypochondriacis* affectibus, adhibitum hoc ipsum sal, & præsertim quidem *tempestive*, non caret laudabili effectû, præcipue leni *Diuretica* efficacia : Cujus quidem utilita-



litem in hoc genere morborum, non inepte speciali nota designat  
*Ludovic : Septalius* in Animadversionibus & Castigationibus Practicis.

Cæterum, ut id unicum adhuc adjiciam, docuit Experientia in uno vel altero viro, ex *arthriticis* motibus in febrem *hepatis inflammatoriam* devoluto, exhibitum Nitrum, etiam ad tria vel quatuor tantum grana cum absorbentibus, alvum quasi leni *diarrhæa* affecisse; Re vero melius examinata, deprehensum fuit, quod non modo hæc ipsa alvi *emollitio*, affectui aliquid *levaminis* attulerit: sed etiam, quod quidem notatu præcipue dignum, quod aliis vicibus assumptum hoc ipsum medicamentum, succedentibus diebus, *laxationem* hanc iisdem non amplius conciliaverit, licet iterato usurpant. Unde hæc *laxatio* non modo *directus Nitri effectus* non fuit, sed *Natura* potius ipsius: Verum etiam, ut *Naturæ effectus salubri* prorsus intentione, nempe ad *excutiendas* aliquas satis notorie in præsentī patiente conjunctas *cruditates*: quibus excussis, continuato licet sui usu, nihil amplius hujus generis perpetravit *Nitrum*.

Tanto magis vero *accidentalem* prorsus hujus effectus eventum, comprobant *numerosa Experientia*, longe plus quam *decies millenarium dosium*, a nobis citra ullum talem effectum exhibitarum.

Hæc sunt, quæ de *Nitri usu medico* in medium afferre operæ pretium visum est. Potuissent aliqua adhuc, & *exempla* præsertim, proluxius adduci, sed sufficient hæc, pro excitandis aliorum quoque studiis, ad *Nitri*, in Praxi Medica circumspecta, utilitatem celebrandam, aut Experientia sua quoque roborandam. *Anodynæ* efficaciam mentionem ambitiosius facere non libuit, cum illa potissimum à *causa* dolorificæ contemperatione, subsequi appareat, sicut revera hanc præcipue *dolorum consopitionem*, directam & constantem laudo: Cum vulgaris illa, per *Narcotica*, contrarium unice præstet; nempe nihil infracto morbo, *sensum* obnubilet, adeoque *causa* permanente fallax securitatis somnium obtrudat. De usu tamen *interno Nitri*, in *ulcerosis* affectibus, & proinde etiam in *vera Phthysi*, hoc monere ex usu fuerit, quod in tali casu *continuatus* ejus usus, nihil magnopere solaminis, sed propemodum suspicionem alicuius  
majo-

majoris *irritationis*, inferre videatur : *Rarior* tamen, & *tempestivus*, in ardoribus & *Phlogosibus* excandescantibus , revera egregie sese subinde gerit , modo per alia convenientia *temperantia* , interponendus rarius Nitri usus , excipiat & sustentetur, quod cujusvis dexteritati commendamus.

---

MENSIS  
**APRILIS,**

Quo  
**VITULUS AUREUS IGNE  
COMBUSTUS, ARCANUM  
SIMPLEX, SED AR-  
CANUM,**  
demonstratur.

---

PROOEMIUM.

**S**cientiarum incertitudinem, partim à penuria experientiae, partim negligentia, nasci, vix ququam dubitaverit; Licuerit tamen penuriae rationem ex parte referre in sumptuum necessariorum defectum , qui impedit, quo minus viri, non modo ad laborandum faciles, sed etiam ad judicandum habiles, experientia

E e e e



entia necessaria potiri possint. Cum interim quibus im-  
 mensi sæpe sumtus, ad vanos labores subministrantur, ne  
 minimum operæ pretium faciant. Ex parte vero debet  
 hic etiam allegari nonnullorum experimentis aliquibus po-  
 titorum, nescio superstitiosa, an invida, taciturnitas, qua  
 observationes & experimenta sua, ita studiose occultant, ac  
 si magnum thesaurum horum confessione perdere, aut sa-  
 cra mysteria profanare, timerent. Alii contra etiam mi-  
 nima & quasi frivola producta, mox magnis titulis & polli-  
 citationibus exornata, in medium proferunt, & dum hoc  
 modo magnam spem avidis obtrudunt, à penitioris exami-  
 ne rei ipsos sæviter abducunt: Aut alios rem gnaviter  
 perpendentes obstrependo reprimunt, eorumque fidem  
 apud imperitos elevant & sublestem reddunt.

Nata est ex his fundamentis, partim utilium & solidio-  
 rum Experimentorum defectus, partim futilium & stolidio-  
 rum productorum immanis laudatio, quibus hinc inde Me-  
 dicina squallet. Sane si illi, quibus occasio sese obtulit,  
 variis chymix subjectis aliquid laboris impendere, paulo  
 diligentius annotarent, quot & quam variæ circumstantia-  
 rum mutationes sese exserant, quando vel levis tantum  
 variatio operationis adhibetur, & simul attenderent, quam  
 sæpe valde notabilis, imo intima, quin imo haud raro plane  
 non amplius imitanda, diversitas effectus inde prognasca-  
 tur: Si hoc, inquam, fieret, & ut nuda tantum historia,  
 observationes hujus generis in medium proponerentur,  
 posset cum tempore unus vel alter, cui ingenium ad res  
 bene inter se comparandas obtigit, connexiones inde eli-  
 cere

cere longe magis firmas, quam hodiernum in Chymica Theoria occurrunt.

Ne tamen nimius sim, & denuo invidiam laceſſam, quaſi in cenſuris ferendis mihi placeam; cum tamen, ut quilibet æquus, prudens, & miſeriæ Scientiarum harum gnarus, facile perſpexerit, rem ſolum, ita, uti vere ſeſe habet, indicare, nulli vero homini aut nomini notam aliquam offerre, conſveverim; Adeoque facile apud bonos & cordatos Viros excuſem, quod, ſpreta invidia, ſincere profitear, laborare multis defectibus ſtudioſum noſtrum, & ad ejus emendationem, horter, & quicquid in me eſt virium, una experiri, ſuſcipiam: Placet hac quoque vice Experimentum aliquod proponere, quod apud Chymicarum operationum Scriptorem quemcunque me legiſſe, aut diſerte propoſitum meminiſſe, non recordor, nempe Auri ſolutionem repentinam, tenuiſſimam, & quidem in Igne fuſionis, & præterea per tale ſolvens, quod cum altero alioquin nullum commercium habere judicatur.

De certitudine, quod Moſes hac ipſa arte uſus ſit, in comminuendo Vitulo aureo, non obſtinate laboro, utpote qui hic non æque Vitulum, ſed titulum ſolum in animo habuerim. Si cui vero importuniori Cenſori hoc non ſatisfaciat, annumeret rationem hujus inſcriptionis hodiernis moribus, quibus nihil magis receptum eſt, quam in titulo polliceri, quod liber sæpe vaſtus non ſolvat.



CAPUT PRIMUM.

COMBUSTIO VITULI AUREI, CONTRITIO, REDACTIO IN PULVEREM, DISPERSIO IN SUPERFICIEM AQUARUM.

**H**abetur Exod. cap. XXXII. v. 20. historia *Vituli aurei* à Mose Igne combusti sequentibus verbis: *Tulit Vitulum quem fecerant, & combussit Igne, contrivitque, donec in pulverem redegit, postea sparsit in superficiem aquarum, & potavit filios Israël.* De hac versione, quatenus cum textu Hebræo conveniat, mihi quidem, linguæ istius fere parum perito, nihil suppetit, quod monere possem, præter illud unicum, quod expresse ibi adhibeatur locutio, *combussit igne*; Et quidem vocibus differentis originis, ut *pleonasmus*, Hebræis valde familiaris, censerì vix possit, alias enim sonare potius deberet, *combustione*, vel *comburendo*, *combussit*; Sed adhibetur vocabulum *אֵשׁ & שָׁרַף*, ut non modo indubius actus *combustionis* notetur, sed & insuper mentio *Ignis* facta, vel *peculiarem modum* comburendi, vel *peculiarem speciem Ignis* denotare videatur. Et sane, quamvis hæc loquendi formula, etiam alibi frequenter occurrat, ut plurimum tamen vel de *holocaustorum*, aut aliarum *hostiarum*, absumptione, adhibita observatur; vel de *lustralibus*, immundarum rerum consumptionibus, vel denique de singulari *plane subministratione Ignis*, sola simplici accensione quasi minus satisfaciente. Quibus omnibus, quin vel *certa species inflammabilis materie* vel certum *pabulum flammæ* ulterius subministratum subfit, extra omne dubium positum esse, vix non omnes consentient. Quod vero totum negotium hujus præsentis loci, non modo dubium reddat, sed etiam absolute potius definiat, quod hæc expressio plane *singulare* quiddam involvat, illud est, quod *aurum*, de quo hîc totus est sermo, simplicem *combustionem*, seu resolutionem sui per *Ignem* simplicem, in consistentiam pulverulentam, aut quæ *comminutioni* facile obediat, nullo modo admittat: Adeo, ut hinc maxi-



maxime necessarium sit supponere, quod alia prorsus *Ignis materia* hîc usurpata fuerit, quam quæ simpliciter, aut vulgari *accensione* nudam & *simplicem* flammam formare, & hac una ratione *combustionem* præstare potuerit.

Exercuit certe hæc res, plurium jam virorum curiosorum Ingenia; tam *Criticorum*, quam *Chymicorum*. *Priores*, modo in *miraculosa* operatione, modo in diversa *materia* vituli hujus, effugium quærun. Et de hac posteriore quidem, suspicantur, *lignum* potius fuisse, cum è puro *auro*, *Idolum*, *vituli*, imo ut alibi (*Psal.* 106. v. 20.) *Bovis* magnitudine, vix fundi, minime omnium vero, ob immane *pondus*, tractari potuerit. Quid, quod *basin* utique, aut *columnam* forte, cui impositum fuerit hoc *Idolum*, ut à populi tanta, multitudine conspici posset, ex alia *Materia*, quam *auro* fabrefactam fuisse, vero sit omnium simillimum.

*Chymici* contra, quemadmodum facile sibi concipiunt, non necessario totam nativæ magnitudinis *molem*, sed *formam* solum externam, seu simulacrum *vituli*, ad *Idoli* constitutionem suffecisse; Cum etiam alias ex historia cultus gentium fere notum sit, *Deorum* signa vix ad justam mensuram rei cujus figuram habebant, formata fuisse, sed vel *humana major imago*, in humanis, & respectively aliis quoque, *Idolis*: vel solito *minor*, usibus, & administrationi, atque gestationi, aptior, constitueretur: ita, quantacunque demum fuerit moles, nihil fere difficultatis subesse autumaverint, sive grande fuerit *Idolum*, ex *aureis* tantæ multitudinis *monilibus*, facile idem confici, & à tanta multitudine tractari, potuisse: sive *minorem* molem obtinuerit, signi vice fungi commode valuisse.

Dum vero hoc modo, *aureum* fuisse *Vitulum* hunc, agnoscunt, tanto magis obstupescunt ad artificium illud, quo usum necessario putant Moysen, ad *auream* hanc *molem*, ita facile destruendam, ut non modo *pulveris*, sed *levis* omnino, tenuitatem subiret.

Habet enim textus, quod *combussit* vitulum *igne*, & *commoluerit* usque dum *comminutus* esset, vel minutissimus fieret. Hoc ipsum, quia nota hætenus arte obtinere desperant, magnum prorsus, & *arcanum* operandi artificium, à Moysè adhibitum fuisse, sibi imaginantur.



Certe, si alios omnes præteream, demonstrat ab hoc fundamento *πολυμαθές ατος Borrichius* (tam in lib. *de ortu & progressu Chymia*, quam in altero, *de Sapientia Ægyptiorum*) quod jam Moyſis tempore, non modo *Chymia* simplicior, sed *profunda* prorsus, viguerit, cum hic Vir Dei, *aurum* hoc loco ita *combusserit* tanquam stipulam, ut *Cineres* veluti ipsius. על פני המים, in *superficiem aquarum* projicere potuerit.

Ubi quidem, & ipse seorsim, & alii, illud urgent, quod pulvis ita comminuendo exiens, tantæ *levitatis* fuisse appareat, ut vel in ipsa *superficie aquarum*, fluitaverit, vel ad minimum aquis interspersus *fluctuaverit*, adeoque cum aqua una *ebibi* potuerit.

Quamvis enim *aurum*, etiam sola diductione in *laminas* (*folia auri* tenerrima appellant) ita extenuari possit, ut *pulvis*, tritura modesta ex his ulterius resultans, commode ita cum aqua, succusatione aliqua, subigi queat, ut in eadem, non nisi mora intercedente subsideat: Vix tamen Chymicis nostris hoc arriserit, utpote qui vocem *combustionis* pro simplici *fusione*, aut *fusi* rursus auri *granulatione*, ut agnoscant, non facile induci se patientur.

Facilius forte condonaverint nobis, ut cum vitulo ita adusto, non *immediate*, aut sane non *unice*, ad *molam* properemus; id est, vocem מלח *moluit* non ita nude & simpliciter accipiamus, quasi vitulum, *igne* isto artificioso *ustulatum*, *immediate mola* contriverit, & factum ita simplicissime *pulverem* deinde *aquis* injecerit: Sed largientur spero lubentius, quod ibi adhuc aliqua intercesserit diversa operatio, quæ semel adusti auri reductionem in ejusmodi pulverem, promptam tamen atque expeditam, adsolverit.

At nos quidem, & hanc ipsorum *concessionem* amplecti possumus, & missa eadem, presse *insistere* textus verbis, & propositum ibidem *processum*, pro nostro opere retinere. Siquidem nostra nihil interest, an *pulvis* ille *super* aquis *fluitaverit*, quod *intermediam* aliquam operationem, post *combustionem* illam simpliciore, possit, an vero aquis injectus, easdem *subintraverit*, iisque sese ita *insinuaverit*, ut commodissime *ebibi* potuerit, quod statim a molitione fieri potuit.

Vis enim ipsorum verborum, nequaquam evincit, quod  
pulvis

pulvis ille *super faciem aquarum* projectus, eidem *innataverit* ; Cum eiusmodi circumstantia potius turbare valeat *ebibendi commoditatem* : Unde non desunt Viri eximii, qui interpretentur, quasi *Cineres* hos seu pulverem, *super illas aquas* חֲמִים, disperferit Moyses, ut *torrente*, qui descendebat ex illo monte, *Deut. 9. 21.* auferrentur reliquiæ Idoli, e quo tamen *torrente* potum hauserint Israëlitaë. Sed uti ne his quidem suspicionibus inhærere, necessum ducimus, ita in medio relinquimus, siue *supernata* esse putetur, siue *immiscuisse* sese aquis, *pulvis* ille, siue *mola* simpliciter comminutus, siue adhuc alia intermedia operatione, ad hunc statum promotus.

Unde pro conclusione hujus capituli, id unum inferimus, quod quidem *combustio Aurei* hujus vituli, & deinde *molitio*, donec fuerit *minutissimus*, disertis & planis verbis hic commemorentur ; Sed de simplici *combustione Ignis communis*, aut cujuscunque *simplicis* Ignei caloris, siue flammæ & ardoris, nullo modo accipi possit, nisi *miraculo* prorsus, extra solitas Naturæ leges, *Igni* hanc efficaciam ad hunc solum actum concessam fuisse, credere velimus. Quod cum ita sit, si nuda illa narratio de *Ignis* combustorio *effectu*, circumstantiam aliquam eamque *peculiarem* plane, & *magni ponderis*, prætermisit : Non injuria ad illud, quod de *molitione* recensetur, eadem quoque extendi potest suspicio, quod non nuda & simplex talismodi *tritura*, sed alius adhuc actus adhibitus sit, qui ad *Auri* reductionem in *pulverem* talem minutissimum, efficax fuerit.

Quod quidem tanto facilius locum habere posse arbitramur, quando de *essentiali* illa veritate destructionis *adustoriæ* ( per certum solum quoddam Ignis pabulum aut *adminiculum* ) nihil perit, neque contritio illa ipsa, siue prægresso illi actui *igneæ* alterationis, siue interpositæ adhuc alicui operationi *promptæ*, post molitionem, aliquid derogat, aut vicissim ipsi ab istis detrahatur : de quo latius agere jam accingimur.



CAPUT SECUNDUM.

EFFECTUS IGNIS, ET PER IGNEM  
ALIORUM COGNITORUM MEDIORUM  
IN AURUM.

**Q**ui omnia *destruere* vulgo dicitur, *Ignis*, vix tamen, quantum hactenus testari potuit *Experientia*, adeo late tyrannidem suam extendere valet, sed si paulo tantum circumspectius intuemur negotium, non habet jus, nisi in illa tantum subiecta, in quibus *materia*, non tam suscipiendo, quam constituendo *Igni* idonea, immixta jamjam hæret.

Non placet jam excurrere in penitiorem hujus *materie* per-  
vestigationem, an apud *Peripateticos*, hæc Mixtioni rerum indita *ma-*  
*teria*, actualis jam tum *Ignis* existat; aut juxta recentiores, *ather*, aut  
*materia primi*, vel *secundi*, vel *cujus?* *Elementi* Cartesiani, nempe vo-  
culis mutatis, ipsissimus ille *Peripateticus Ignis Elementaris*: Illud ta-  
men certum est, quod, nisi *materia* illa in *Mixto* aliquo insit, quæ *Ignis*  
fieri, seu ab igne, primo & immediate in *Motum igneum* similiter,  
corripitur, possit: aut insinuato igneo materiali halitu, cum hoc co-  
alescere, & sic volatilis fieri, & educi e reliqua Mixtione possit: quod  
inquam, nisi horum aliquid subsit, *Ignis* ipse nullam intimiorem de-  
structionem, Corporibus inducere possit.

Sunt hujus rei exempla plura, sed primaria forte *Aurum*,  
*Argentum*, & *Vitrum*. Hæc enim Concreta, quantocunque etiam  
igne tractata, ullam essentialem sui mutationem minime admit-  
tunt.

Possemus quidem jure meritoque, *Aëris* quoque maximam  
energiam, ad *Ignis* effectus destructorios, designare, & prolixè demon-  
strare, quomodo *precipua* efficacia in negotio illo destructionis, *aëris*  
potius sit, quam ipsius *ignis*, presse & stricte sumti: Sed suffecerit  
men-

mentionem illius fecisse, & digito quasi indicasse, ut suo loco deinde recte allegari possit.

Sicuti vero, per dicta, *Ignis*, neque ita absolutam potestatem in quælibet, aut universa plane, Corpora naturalia habet; Ita minimum fere omnium, ipsi licet in *Aurum*.

Spernit enim hoc impetum ejus etiam intensissimum. Experimentum fecit, præter *Claveum*, Apolog. pag. 39. *Kunkelius*, quod in *observationibus* suis citat; utrinque per plurium mensium tempus *Aurum*, in furno vitrario, in perpetuo fluxu relictum nullam prorsus mutationem, sive in *quantitate* sui, sive in *qualitate*, admisit, sed omnis alterationis expers, quale impositum fuerat, iterum exiit.

Addit ibidem, ubi hoc recenset, autor (*obss. de Princip. Chym. p. 88.*) *Aurum & Argentum simplici Igne fusionis nihil alterationis subire*, quod tamen leni usu, paucarum septimanarum spatio fieri queat: diese Metallen lassen sich durch einen simplen Fluß nichts abgewinnen / welches mit der Gelindigkeit in wenig Wochen geschehen kan. Hæc posteriora verba, majusculo caractere expressit, & apposuit, NB.

Respexit arbitror ad *Reverberium* illud, *Isaaco Hollando* tantopere commendatum, libello de *Salibus, & Oleis metallorum*; Sed illud ipsum opus, incognitum satis est, siquidem, quantum quidem meminerim, vix ullibi ejus mentionem inveni, nisi in *Tractatulo* illo *Alchymico*, *Grab der Armuth*, & in disputatione *B. Crameri*, de *Transmutatione Metallorum*. Obversatur quidem memoriæ *Questio* hujus generis, in *Dissertatione* aliqua proposita, an nempe *Aurum solo Igne calcinari possit*, ubi simpliciter, & sine prolixiore disquisitione, *negativa* subjuncta est: Sed non succurrit jam neque *Autor*, neque reliqua *Disputationis tractatio*. Et credo maxime, nihil horum, de quibus hic mihi est sermo, in mentem venisse huic etiam interrogatori, sed magis generali, *Experientiæ vulgaris*, suffragio nixum, & forte ad *vituli aurei combustionem* oblique respicientem, & proposuisse quæstionem, & sine ambagibus negasse.

Cæterum est illa *Isaaci Hollandi* traditio, quod *aurum* in furno *reverberii*, per dies 50. circiter, *levissima incandescencia*, assidue tractari



debeat ; Imo non æque admittit *actualement incandescentiam*, sed talem adhibere jubet, ignem, quasi *plumbum fluens, ne tamen incandesceret*, servari posset. Hac ratione in *spongiosam* tenerrimam molem elatum iri & in *pulverem impalpabilem* abiturum esse, pollicetur.

Succedit negotium cum metallis *imperfectis*, ferro præcipue citra controversiam, & docet hunc modum ipse Kunkelius, in *Notis ad Artem Vitrar. Neri*, sub nomine specialis *Croci Martis*, quem ipsum, quia liber non in omnium est manibus, hic adducere integrum fuerit, habent vero verba :

Nimm ein ganz reines Eisen-oder Stahlfeylicht/thue davon in einen grossen Topff/und zwar nicht höher denn eines Fingers hoch/ Setze solchen wohl zugedeckt/ an einem Orth in einen Ofen-oder Calcinir-Ofen/ oder sonst irgend hin/ da eine starke Hitze und Flamme streicht / So schwillet das Eisen in ein überaus schön roth und zart Pulver in die Höhe/ also daß der ganze Topff voll wird/ und wohl den Deckel in die Höhe treibt : Diß soll man ausnehmen / so wird man noch ein gut theil Eisen/am Grund des Topffs/ feste in einander gebacket finden/ solches setzt man wieder hin/ so schwillt mehr auf : Dieses kan man thun so lange/ biß man genug hat. Es ist dieses ein über die massen vortrefflicher Crocus, der gewißlich weiter dienet als ich hie zu melden Lust habe = = = Gleichwohl meyne ich / es soll hiermit den Verständigen viel gesagt seyn. Locus ubi hæc extant, est *Annot. ad lib. I. Anton. Neri. ad capp. hujus 16. 17. 18. 19. pag. 69.*

Eodem tendunt, quæ hic idem Autor habet in ita inscripta Chymische Brille wieder die Non-Entia, ubi num. 14. *Calcinationem Solis Igne aperto* pro Non-Ente habuerat alius ; cui contradicit Kunkelius in tantum, ut quidem *Calcinationem Solis per se*, pro Non-Ente habendam esse neget : sed si *Igne aperto* peragenda sit, posse hoc nomine censer, non diffiteatur.

Ejusdem census sunt, quæ idem habet, *observat* : de Auro & Argento potabili, c. 4. ubi dicit : Mir ist bewußt/ ein Salz aus den Metallen zumachen/ welches in einem Laboratorio außer einer Glashütte/ oder dergleichen beständigen Feuer / etwas mühesam fällt. Quæ omnia quantum cum illis, quæ dicto Tractatu habet Isaacus Hollandus, conspirent res ipsa monstrat.

Quam-



Quamvis autem hæc omnia recte se habeant, quantum tamen rude *frustum Auri*, ab hujusmodi resolutione in pulverem impalpabilem, absit, scient illi, quibus harum rerum aliqua favit Experientia.

Non male itaque *Kunkelius* modo citatus (qui sane in hoc negotio, plus juris, quam multi alii, ad ferendum suffragium habere, non ex nudis, quæ profert, verbis, sed ex *sensu* maxime illorum, optime *limitato*, videtur) negat, quod Sol seu *Aurum*, per se, igne aperto, calcinari valeat: Nempe, neque *Aurum* per se, sine insigni prævia *preparatione*: Neque *nudo, aperto, consueto, violento, repentino, igne*.

Quemadmodum vero hujus rei cardo, maxime in *alteratione* aliqua *Auri*, ad effectum hunc concurrente, versatur, extra quam frustra *Ignis* eidem adhibetur: Ita in efficacia forte aliqua *materiali* potius, spem aliquam sibi concipiunt illi, qui *Aurum* per *Phosphorum* calcinare in animum inducunt: Siquidem per radios illius *luminosos*, quatales, *Auri* penetrationem expectare, ut interpretatur *Cassius tr. de Auro*, ridiculum certe esset cœptum.

Cui vero cognita sunt intimiora illa *simplicitatis Chimica* tentamina, poterit certe, ex hac *ustione*, prospicere in *reverberium*, illud antiquæ traditionis, *Philosophorum*, quod à *Claveo*, qua solet sinceritate, recensetur, sub actu *Calcinationis Salis Solis*, quo *lapidem*, ut vocant, suum, qui ad *metallica* jam fixitate ipsa satisfacere posset, ad *Medicam* efficaciam, ita perficere volunt, ut longe magis attenuatus, magnæ penetrationis compos fiat, *Salis* quasi cujusdam tenuitate: Unde dicto loco, p. 76. *Claveus*, spondet, eundem, post hanc *Calcinationem*, in quolibet liquore solubilem fore: Non tamen loquens de *Salibus* illis *metallorum*, quos imperiti è *Monte-Snyderi* scriptis didicisse sibi visi, nimis simplici simplicitate, *aqua fontis* elutriant, & ita nitida sane *Vitriola*, sed nimio certe apparatu, pro re tam parvi pretii, nacti, longe absunt à *Philosophorum Salibus*, quæ nusquam serio ita parare, *Autor* quem sectari se putant, jussit.

Quemadmodum vero hæc *Aurum Igne* tractandi methodus, adeo inusitata hodie existit, ut ego satis certus sim, me pro somniorum Notario à plerisque habitum iri, si diutius harum rerum narra-



tionem immorer: Ita quicquid etiam illa, si vel maxime successus ejus agnosceretur, obtineri posset, non tamen nisi *longissimo tempore* effectum sui fortiretur, neque certe in *magna aliqua quantitate*, exquisita illa *Gradus Ignis* administratio adhiberi posset.

Unde quidem hanc à Mose usurpatam fuisse operationem, vero nullo modo fit simile, utpote qui pro tanta mole Auri resolvenda, sub aliquot millenorum operariorum sollicita administratione, vix longo tempore aliquid obtinuisset.

Alia methodus *in Igne* tractandi Aurum, ut tenerius comminui possit, est, ut Aurum v. g. *granulatum*, (si multum ejusdem præsto sit) aut *laminatum*, obscure candefactum, *argento vivo* calefacto immissum, cum hoc in *amalgama* redigatur; Pars argenti vivi potissima per corium secernatur, residuus siccescens & veluti friabilis globus conteratur, & tenuiter expansus super laminam ferream, *circumspecte*, calore proxime candente, ita foveatur, ut *argentum vivum* (cujus *tres partes* apud *unam Auri* fere remanserunt ab expressione) leniter inde exhalare possit, & *Calx*, ut vocant, nempe *tener pulvis Auri*, purus remaneat.

Qualem ab hac operatione Auri *intimiorum* alterationem, (tantam quidem, qua illud mox, *irreducibile*, *nigri pulveris* forma, restitit) supponat, & experimentorum vigore promittat *Osfander*, in *Experimentis* ejus nomine quondam editis, videre licet. Cæterum desumptus est processus è *Fernelii de abdit. rerum Causis lib. 2. Cap. 18.* sub finem. Ubi tamen an hic per *Argentum vivum* magno artis *Studio præparatum*, currentem Mercurium, an vero cum *Salinis* materiis sublimatum, poscat, videant quorum interest.

Cæterum, si huic, ab expressione superflui *Argenti vivi*, residuo globo, dimidia pars *Sulphuris* pulverisati addatur, & modesta tritura bene subigatur, pulvis denique hic super *fictili patella*, debito calore, ad lenem incandescentiam usque, tractetur, donec *Sulphureo-Mercurialis* substantia dispulsa sit: quisquis hoc dextre perfecit, ille pariter pulverem talem obtinere poterit, prædicto nihil cedentem.

Extat processus hujus generis in *Concordantia Chymica Beccheri*, Part. 2. Membr. 2. p. 260. sub titulo: *Reyser Ferdinandi III. Spir. Solis*



Solis ubi simul Enchirises quædam, pro evaporantis *argenti vivi* captatione, adumbrantur, (cujusmodi quidem & ille *Osiandrinus* Processus offert) Sed longum est simplici hoc labore aurum ad eam tenuitatem deducere, ut *Spiritus Aceti* ipsum solvat. Interim manus manum lavat, & posset etiam ex hoc Processu aliquid lucis adipisci, qui hanc semitam ambulare averet. Sicuti contra, Processum proxime sequentem p. 264. pro *Ferneliani* imitatione habere fas esset; Cujus tamen Concordantias intueri liceret p. 395. 441. 467. 533. 794. Sed hæc obiter.

At neque hac methodo usum fuisse *Moysen*, præter *argenti vivi* in tanta copia defectum, similis laboriosa & exquisita operationis tractatio, quæ requiritur, sub illius vero temporis circumstantiis ne suspitione quidem supponi potest, credere vetat.

Sequitur *Bezoardicorum simpliciorum* præparatio, quando pars una *Auri*, cum aliquot partibus *Reguli Antimonii*, præsertim *Martialis*, colliquatur, & mixtura hæc tenuiter pulverisata, cum *triplo Nitri*, leniter detonando, ita extenuatur, ut si deinde eluatur *Salsedo*, pulvis tener *Regulino-Solaris* remaneat. Cui quidem geminum, quidevenit, si loco *Reguli Antimonii*, *Stannum* tantum adhibeatur, & Mistura granulando comminuta, eodem modo cum *Nitro* detonetur.

Imo, si *Aurum Regulo*, aut *stanno* colliquetur, aut utrisque conjunctim, per simplicem *Calcinationem* dextre institutam, cum illis additamentis in pulverem satis certe subtilem reduci potest.

Idem obtineretur, si *aurum* cum notabili quantitate *stanni* colliquatum, cum partibus, ad *stannum*, duabus *plumbi*, igne simplici *candente* tractaretur, unde quidem, brevissimo tempore, magna quantitas hujusmodi Mixturæ in *Cineres* redigi valeret.

Sed neque horum quid factum esse credibile est, cum notabilis illa quantitas *beterogenei* metalli, quæ addenda fuisset, ita obnubilasset *Aurum*, ut intentionem quam in *libatione* propinatoria cineris hujus *idoli*, dum filios Israel eodem potavit, habuisse videtur Moses, omnino temerasset.

Si enim suspitioni hic sit locus, illa utique assensum, mereri videtur, quam de hoc actu concepit ingeniosissimus *Spencerus* de leg.



*Ritual. Hebræor. l. 2. c. 15. p. 360.* Quod *contemptus gratia* illud factum sit: Aut forte *lustrationis* cujusdam ritu, sicut postea *Cinis vacca ruffa* aquæ *lustrali* adhibitus fuit: Quam ceremoniam universam, licet Theologi pro summe *mystico* typo agnoscant, mirari tamen subit, quod *Spencero*, circa talia alias solertissimo omnium probabilium suspicionum conquisitori, non in mentem venerit dubitare, annon ipsa tota ceremonia de *vacca ruffa*, in memoriam defectus hujus à Deo vero, ad *Idolum* hoc *ruffum* aureum, instituta fuerit: cum utique sacrificium pro universi populi peccato, extiterit, & hæc circumstantia, quod *integra vitula combureretur*, & aqua *cineribus* ejus inquinata populus spargeretur, & potaretur, nullum, nisi valde *coactum*, *typicum* sensum ferant, cum hunc quem hæc suspicio, infert, identice admittat, &c. Sed hæc obiter.

Ultimo loco sistit se nobis friabilitas, quam Aurum subit in *Cementatione*; quando videlicet Aurum, alieni tamen metallis immixtis, aut *Argento* præcipue, licet parcissime, adhærente, adulteratum, per addita *Salia corrosiva*, *Ignis* ope in vaporem redacta, ita tenuiter afficitur, ut erosio portiunculis illis heterogenei metalli, sine concussione auri particularum, hujus compages inde admodum porosa remaneat: imo, si paulo plus alieni metalli additum fuerit, sic satis *friabilis* evadat.

Assumitur hunc in finem *Nitrum*, cum ejusmodi subjectis, quæ *acidum* ejusdem *Spiritum*, à Corpore suo *alcalico* liberare valeant, ut isti aditus fiat, ad erodendum *argentum*, aut *Cuprum*, auro adhuc immixtum. Sunt vero hujus generis, *pulvis laterum*, *bolus*, *vitriolum*: addunt communiter aliquid *Viridis Æris*; interdum & *hematitem*, *Crocum Martis*, &c. Sed faciunt hoc præcipue, ad augendum non nihil, & exaltandum, auri *colorem*, non vero æque ad promovendam corrosionis efficaciam.

Ut vero hoc negotium recte perfici possit, requiritur Auri *preparatio*, qua illud ad faciliorem penetrationem *corrosivorum* illorum halituum aptum reddatur. Fit hoc diductione auri in *laminas* bene tenues, ut vapores illi non ita profunde penetrare valentes, tanto promptius persvadere queant. Posset vero, ubi talium opificum & machinarum ad manus est copia, etiam in *fila crassiora* dedu-



deductum aurum, deinde sub *cylindro* lævigatorio ita in lamellas complanari: Aut granulatum ita tractari.

Sed occurrit ubique *multus labor*, & hæret nihilominus ultimo plane loco aqua, dum aurum sic etiam tractatum, non nisi extremo labore in *pulverem* redigi posset; neque certe sine tædiosissimis trituris, & vix unquam sine additis *siccescentibus friabilibus* aliis Corporibus.

At profecto si jam universus hic labor ita peractus esset, ut in *pulverem* satis tenuem contritum obtineretur aurum, qua fronte *Ignis combustum* appellaretur? Scio utique figuras istas Rhetoricas, quibus Ignis *actualis* & *potentialis* dicuntur, & *καυσίς* tam *salibus* quam *flammis* tribuitur: Sed non placet fumum vendere, ubi lucem afferre integrum sit. Valeat illa appellatio, ut illi locus relinquatur in *vivo Corpore*, ubi *sensus* ardorem illum *rosionis*, ab ardore *ustionis* non æque discernere potest: In rebus vero hisce inanimatis, quantum à se invicem distent effectus *Ignis* & *Salium*, res ipsa loquitur.

Tanto utique alienior sum, à tali sententia, quæ *nudis salibus* transactum hoc fuisse negotium suspicetur. Cum enim tale nullum, nisi *corrosivum acidum*, hoc præstare potuisset; Præterea hujus *magna* plane *quantitas* ad solutionem hujus generis requiratur, si tam vasta & ponderosissima moles ita dissolvi debuisset: Non fit inde mihi satis verosimile, quod hac methodo pulverisatio illa, nedum *combustio*, perpetrata sit.

Habentibus se ita rebus, non possum assentiri illis, qui *quolibet* modorum hætenus dictorum, destructionem illam, nempe structuræ & molis aureæ, teneram dissolutionem, factam esse potuisse, supponunt; adeoque largissima manu optionem nobis offerunt, ut inde seligamus quicquid arrideat, & deinde credamus, non modo sic fieri potuisse, sed & factum esse.

Idque maxime propterea, quoniam certus adhuc modus occurrit, mediante quo *presentissime* actus hic absolvi potuit, ita nempe, ut mediante materia *igni* aptissima, paucissimo tempore, instar aquæ in *igne* fusus, & ulteriore *ustione* in extremæ teneritudinis pulverem, & quasi *Cinerem*, redactus sit *aureus* hic *vitulus*, qui intercedente



dente levissima molitione, (*per accidens* magis forte *commoda* quam *necessaria*,) extritus, in aquam ita dispergi potuit, ut ab eadem non aliter, quam quivis alius *levissimus* pulvis aut cinis, ablui, & turbulenta fluctuatione, quæ familiaris est *torrenti*, auferri potuerit. Imo, si non pure in *cinerem* talem, seu *calcem tenerrimam* simplicissimam convertere libeat; potest simplici illa prima *combustione*, ita extenuari aurum, ut in aqua torrentis plane *dissolvatur*, eamque non nisi *levi flavedine* imbuat, qualem diluta solutio *hepatis Sulphuris* præsentat. Unde ad rem ipsam potius transeamus.

CAPUT TERTIUM.

COMBVRITVR AVRVM PER  
SVLPHVR.

**R**Eceptæ omnium Chymicorum sententiæ refragatur, quod quicquam juris *Sulphuri* fit in *aurum*; Sicut etiam revera vulgaribus modis & applicationibus, nihil prorsus aurum alteratur, à *Sulphure*, sive purius, *commune*, sive illud quod in *Antimonio*, *Regulo* ejusdem in magna quantitate maritatum hæret.

Revera, si *Sulphur citrinum* vulgare, quibuscunque vulgarioribus modis, cum *auro* tractetur, nihil hoc insigniter alteratur, præcipue quo magis *purum* & paulo *majori copia* adhibitum *aurum*, fuerit.

Alia enim ratio est, rudis satis, & obvia sensui, cur *aurum* non facile seorsim colligi possit, & compareat, quando exigua ejus quantitas, in magna mole aliorum *sulphuri* communi prompte obedientium *metallorum* dispersa, per exilissimas miculas latet. Posset enim conceptus ita formari, v.g. cum in *marca una fili argentei deaurati*, exusto & eloto serico, in *ausgebrandten Faden-Gold* ad minimum pondus *quinguaginta sex*, imo *sexaginta auri gran.* infit; *Argentum* vero cum *sulphure*, in valde mollem fluxum collique scat, posse hac ratione fieri, ut *aurum*, utpote *sulphuri* intactum, in se vero *Argento*, præcipue ita *sulphurato*, longe ponderosius, ad fundum col-

collabascatur, aut in *regulum* quasi coiens, ita colligi seorsim possit. Non succedit hoc inquam: quia auri non modo tam exilis portio, sed etiam per minutissimos pulvillos latissime disseminata, non modo in liquamine tam *spisso* sicut est *argentum* cum *sulphure* fustum, ad fundum facile subsidere, sub hac sui, tenuitate pulverulenta subtilissima non valeat: Sed & potius contra, quod quidem hic palmarium est, ipso illo *motu* intenso, quo hæc *spissa* massa in fluorem illum velut *ebullit*, ab omni subsidentia potius impediatur, & cum agitato ita isto fluore, perpetua *coagitatione turbulenta* jactetur. Imo vero, si nostram opinionem, nihil dissimulando, hic profiteri velimus, arbitramur potius in hoc ipso exemplo revera ab ipso *sulphure* unà *subigi* aurum.

Alia enim longe res est, quod, si aurum cum *antimonio* fundatur, etiam quantumcunque parva quantitate, tamen ad fundum secedat, si *primo* fusio *satis diu* continuatur, & *secundo* aliquid *reguli*, quod successive imbibat fluctuantes illas auri portiunculas, una præsto sit, ab alieno metallo quod auro admixtum fuerat præcipitatum: vel *tertio* auri ipsius tanta fuerit quantitas, quæ facile in *massulam* majusculam confluere possit.

Quale quid etiam evenire potest, quando *parum auri multo argento* immixtum est, & argento tali *fuso*, *sulphur*, parce, ast longioribus intervallis, successive ingeritur; Ita enim similiter *aurum* in ultima, (propterea etiam non penitus per *Sulphur* destituenda) particula argenti, adhuc resistit. In talibus enim casibus, ubi *aliud metallum*, promptius cum *Sulphure*, etiam superficialiter quasi, cohærescens, una cum *auro*, *Sulphuri* objicitur, mirum non est, si *Sulphur aurum* vel non attingat, quamdiu *aliud metallum* præsto est, cui *promptius* coalescere possit: vel ipsum *aurum* etiam jam arreptum, iterum deserat, & alterius metalli particulis sese associet.

Ita enim exemplum hujus negotii elegans sese sistit, quando è *Sulphure* & *argento vivo* paratam *Cinabarim* cum septima circiter parte *Reguli antimonii* remixtam, ex Retorta pello. Sic arripit *Sulphur Regulum*, & cum eo in purum & elegans *Antimonium* abit, (quan-



tum nempe ejus saturare potest ) & Mercurius transcendit iterum vivus.

Hujus *Antimonii*, vel etiam *vulgaris*, partem, si cum æqua portione *Argenti* fundo arripit Sulphur *argentum*, & dimittit *Regulum* suum ad fundum. Scoriam hanc *nitidam*, si cum justa proportionem *Cupri* colloquo, apprehendit Sulphur illud *Cuprum*, & amittit *argentum*. Novam hanc Scoriam, si cum *ferro* debite liquo, dimittit Sulphur illud denuo *Cuprum*, & invadit *ferrum*.

Simile quid evenit proinde etiam ipsi *auro*, quando *aliud metallum* una cum *auro*, Sulphuri objicitur, ut nempe intacto hoc, alio metallo sese fatiet.

Deinde vero, cum *Aurum* sit metallum longe *subtilissima densitatis*, & cujus particulæ, quamdiu in *aggregato* copiosius inter se concurrant, aliarum, non eximie sibi quadrantium, insinuationem & irreptionem excludant : E contra *Sulphur*, subiectum sit ab igne citissime diffugiens, neque agitationem ejus diutius in uno loco tolerans, quin propere late in aërem *dispergatur* : Fit inde ut *Sulphur*, neque auri compagem penetrare possit, quamdiu hoc magis compacta aggregatione cohæret : Neque si ipsum aurum *fusione* attenuatum est, eidem intimius se insinuare queat, quin prius quam in hoc penetrare possit, ipso ignis impetu præmature repellatur atque *dissipetur*.

At vero ingenue fateor, quod mihi non succurrat apud Chymicarum operationum scriptores, facta mentio *sulphuris* cum *auro* tractandi, ut aliquis notabilis effectus ad *resolutionem auri* inde sequi possit; præter illa, quæ partim *Glauberus*, de *Sale* suo *mirabili* notabiliter sane attulit, partim sic dictus, *Monte-Snyders*, in scripto suo de *Medicina universali* prolixè, sed simul obscure, tradit : Et commentator ejus, *Berlichius*, tum ibi, tum in sua dissertatione inaugurali de *Medicina universali*, sine ænigmate illustrat. Ubi utrinque *resolutio*, uti *omnium Metallorum*, ita etiam *auri* promittitur, non solum *simplex*, in partes integrantes, sed prorsus intimior, & veluti prima atque *penitissima*, in partes omnino sui *constitutivas*, nempe *Sulphur* & *Sal*, sub quorum alterutro *Mercurius* quoque horum metallorum, utpote,

qui

qui minus ad sensum inde demonstrari valet, immersus conserve-  
tur.

Volunt autem, *Monte-Snyder*, cum interprete suo, ut *Aurum*,  
sicut & alia *metalla*, cum *Nitro*, *Tartaro*, & *Sulphure* ita comburan-  
tur, ut in pulvillum tenuissimum, & omni metallico nitore destitu-  
tum abeant, *calcem* nimirum, ut vocamus, & quasi *cinerem*.

Ut tamen hoc ipsum tanto felicius procedat, (quamvis pro  
futuris eventibus potissima hic subsit intentio:) addit metallis hisce  
*Regulum Antimonii*; Cum hoc enim colliquata, dubium nullum est  
quin in *Individuales* sui minutias distrahantur, tanto magis, si *pro-*  
*portio* quoque *Reguli* conveniens adhibeatur. Cum vero *Regulus*,  
*Nitro*, *Tartaro*, & *Sulphure*, singulis & omnibus, per minima sui fa-  
cile dissolvatur & penetretur, Scopus hic est, ut etiam *metalla*, *Re-*  
*gulo* ita distracta, simul cum ipso, alterationes illas *accensionis*, *exu-*  
*stionis* &c. experiantur.

Succedit hoc facile cum omnibus metallis, (præter *Mercuri-*  
*um*) excepto solo *Auro*, cujus dissolutio hac ratione instituenda, fru-  
stra non raro fatigat, qui his operationibus insudant. Novi certe ex  
relatione amicorum fide dignorum, quantum ipsi B. molesta fuerit  
hæc difficultas, ut omnia quidem reliqua metalla, hoc artificio fa-  
cile dissolvere, seu ut loqui amant, destruere se posse assereret, *Au-*  
*rum* vero refractarium sibi hic esse, conquereretur.

Imo ipsemet *Monte-Snyder* quiritatur, non posse æque facile  
regulam aliquam præscribi, unde dignosci queat *Auri solutio* fiens  
aut facta, sed commendat hic partim *Experientiam* ipsam, *Enchi-*  
*rises* suppeditaturam; Partim momentum luminis, seu *fulguris* ad-  
huc durantis, aut modo evanescentis; Partim denique *colorem* quen-  
dam in superficie apparituum, quod præcipue in *Experimentis Chy-*  
*micis Digbæanis* commendatur, & modo dictam *luciditatem* dubiam  
nonnihil reddit, an videlicet de simplici *fulgore* ipsius statim accensi-  
onis, intelligi debeat, an vero tale quoddam Phænomenon desi-  
gnet, quale citato *Digbæi* libello memoratur.

Sed magis credo fatigat operatores hujusmodi, assertum illud  
*Monte-Snyderi*, quod *Sulphur* metallorum, & *auri* in specie, cum Sym-



bolico illo Sulphure *Antimoniali*, sic educatur, & obtineatur à *Mercurio* & *Sale* suo seu *terra*, liberatum.

Quantumvis enim reliqua *metalla*, facile hac methodo solvantur, difficilius tamen puto fuerit, in illo *Sulphure aurato*, quod hac ratione prognoscitur, aliquid de illo *metallo* quod assumptum fuerit, monstrare aut probare: De *Auro* vero, licet utique Sulphuri illius plurimum accedat, si recte succedat operatio, eximia sublit, & *duplex* illa quidem, difficultas, nempe (1) circa operationem, dum nempe plerisque resolutio hæc plane succedere recusat, ut *solvatur*, nedum *resolvatur*, aurum: (2) circa opinionem, an scilicet illud, quod de *auro* hoc modo Sulphuri isti ita jungitur, sit *pars Auri constitutiva*, seu *Sulphur Auri*, an vero tantum portio ipsius integri adhuc & veri auri, nempe *Aurum Sulphure* ita *solutum*, solutione simplici.

Qui utrumque paulo circumspectius experti sunt, aut adhuc experiri gestiunt, illi attendant (1) quam mutatione Sulphur illud auratum, cum aliis metallis hac methodo genitum, differat à nudo *vulgari aurato Sulphure*, citra additionem metallorum parato? Ubi quidem tantum abest, ut illud à metallorum additione quicquam compositionis spirare appareat, ut potius purius non parum inde prodire videatur, & à nimia sua *Regulina* adhæfione liberius.

Ita enim observavi, si *Antimonium Crudum* cum Alkali aliquo fixo funditur, & massa mox aqua calida superfusa dissolvitur, & ita in vase vitreo seponitur, quod tunc non modo refrigescens solutio, plurimum Sulphuris, ut vocant, *crassioris*, in forma quasi *coaguli sanguinei*, dimittat, sed etiam Vitro ipsi intimius adhærescat, & crusta quadam rubra tenaci illud imbuat. Si vero cum *ferro* aut *Cupro* addito, facta sit hæc fusio, & massa deinde aqua fervida simili modo tractetur; quod tunc non modo nullum tale, uti vocant, *crassum* & *impurum* Sulphur appareat, sed etiam vitro nihil simile adhærescat: imo superstans solutio, *Aceto* præcipitata, longe tenerius, & *lucidioris* coloris, Sulphur præbeat, quam quo alias *Sulphur auratum* antimonii quodcunque apparere consuevit.

Contra, si *Aurum* hac ratione recte dissolutum fuerit, mutatur inde maximopere *color* sulphuris cum eo præcipitati; statim quidem

dem initio in longe *saturatiorem*: tanto magis vero obscurum, quo diutius steterit, ut mox dicemus.

Ubi quidem obiter adjicere lubet animadversionem aliquam, in illorum gratiam, qui hujus generis tentaminibus delectantur; Quod nimirum arduum plane quiddam in illustratione illa *Berlichiana ad Medic. Univers. Monte-Snyderi*, omissum appareat. Certe enim non parva est inter hujus generis artifices quæstio, *an Aurum immediate & unice sit Materia illa, è qua sua arcana ipsis parere liceat?* An vero etiam *è reliquis metallis* eandem sperare aut obtinere fas sit? Redegit in ordinem effata omnia *Monte-Snyderi*, dictus Autor, & in *axiomatum* seriem disposuit; Non tamen ibi deprehendo tractationem hujus quæstionis, quam pag. 59. & 60. specialibus expressionibus, (*conjunctim, zu gleich in unum conjungit*) à *Monte-Snyder* determinatam observabunt: De eventu tamen ipsi viderint.

Illud satis certum est, quod non minus ex *omnibus* aut *singulis* reliquis metallis, quam ex ipso *Auro*, satis difficile huc usque fuerit aliquid tale hac methodo prolicere, quod cum Sulphure illo connexum, revera demonstrari possit. Ego vero assero, quod omnino longe promptius, talis connexio *Aurum* cum Sulphure obtineri & præstari possit, quam ullius alterius metalli.

*Glauberi* modus *Aurum* per *Sulphur* solvendi, intricatior hactenus fuit, quam ut sub hoc titulo chymicis innotesceret. Quemadmodum enim pauci satis experti, nedum scrutati sunt, Phænomena illa, quæ per *Sal mirabile* suum obtineri posse monuit dictus Autor: Ita quicumque etiam imitati eandem sunt, cuicumque potius alii causæ, quam *Sulphuri*, efficaciam hanc assignaverint. Ego cum satis expertus essem, *Sal* hoc per se & ex sua natura, minime solvere *Aurum*; Additis vero *Carbonibus* solvere satis prompte: Examine vero multiplici deprehendissem, quod ex illa *Carbonum* additione, *Sulphur* in hoc *Sale* generetur, ut latius *Mens. Julio 1697.* demonstravi: Conclufi inde firmiter, non nisi *Sulphuris* hanc esse solvendi, energiam, neque *Sal* ita *Sulphureum* redditum aliud quidquam hic præstare, nisi quod *Sulphur* tamdiu in Igne teneat, ut hoc efficaciam suam in *Aurum* sufficienter exferere possit.



Hoc ipsum ut tanto clarius ob oculos ponerem , abstinui ab illo pretioso *Sale mirabili*, ejusque loco Sal nihil *mirabile* , sed simplicissimum tantum, & cujus *libra* vix tanti constet , quantum illius *semuncia*, huic negotio adhibui, nempe vulgare *Sal alcali*, & præsentissimum statim effectum obtinui.

Paravi nempe supersaturatum *Hepar Sulphuris* ex æquis partibus *Salis alcali*, & *Sulphuris* citrini ; Cum hoc colliquavi aurum. Ita simulatque liquido fluit hoc Sal dissolvit statim aurum, cum *ebullitione lucida*, non aliter, quam si *Antimonium* cum clavis ferreis fustum, dum hoc aggredi incipit, *lucidam* talem *ebullitionem* format.

Absolvitur paucò tempore totum negotium , nempe aliquot *momentis* , prout major vel minor auri *quantitas* , & frustum *crassius*, aut laminando extenuatum, adhibetur.

Interim solutio hæc non est talis , qualis in reliquis metallis ita tractatis evenit , ut videlicet in *pulverem* subtilem seu *Crocum* fatiscat, metallum , qui sola elixatione a sale separari possit : Sed *imbibit* sulphur adeo intime & individualiter ipsum aurum , ut id ipsum omnino secum connexum retineat, in *aqua dissolutum*, secum vehat atque ferat, & *precipitatione* à sale excussum, secum aurum ad fundum deferat.

Quando hoc magma in aqua solvitur , habet colorem pulchre flavum quasi *Croco* imbutum , quem nudum *hepar sulphuris* nequaquam exhibet ; Quando cum *aceto* præcipitatur , oritur color primo leviter & pallide *flavescent*, qui tamen mox ad *aurantiorum*, sed paulo obsoletiores, vergit : Quo diutius ita quiescit , eo magis magisque *obscuratur*, ut *fulvus* plane evadat : Quando vero denique eluitur, & *edulcoratus* reficcatur , abit in colorem e *fusco nigricantem*, obscuriorem longe quam est terræ illud *ochrea* genus, quod *pigmentis* aptum vulgo *Umbra* appellatur.

Quemadmodum vero facillimum fuerit sive hoc ita Præcipitatum sulphur, jam vere *Auratum*, levi ustulatione ita absumere, ut aurum longe tenerrime subtiliatum remaneat : Sive ipsum *Hepar* hoc *Auriferum*, sine intercedente *solutione* & *precipitatione*, disponere, ut absumto Sulphure , aurum tenuissime subtiliatum retineat : Ita  
omni-

omnibus his modis, commodissime *aquas* vel ingreditur, ut sub soluta forma easdem subintret : vel iisdem *supernatat*, quod cum Sulphure simul præcipitatum, & exsiccatum, pertinaciter facit : vel tenerrimi & levisimi pulvilli specie, *aquæ coagitatum*, in eadem diu turbide fluctuat, adeo ut cum ipsa promte ebibi possit.

Hoc certe fuisse ipsum illud artificium quo *Moses vitulum aureum* combusserit<sup>i</sup>, præter *facilitatem* & *simplicitatem* negotii, minimum insuper *apparatum* & *quantitatem* quoque *materiarum* exiguam, (siquidem *partes 3. Salis*, & *partes totidem*, aut *duæ* solum *partes Sulphuris* ad *partem unam Auri* ita solvendam, imo plus, sufficiant ) persuadet insuper & illud, quod hoc *Auratum Hepar* sulphuris, non modo simul nauseosum illum saporem præ se ferat, quem vulgare & nudum simplex etiam habet, licet revera *auratum* hoc minus foeteat : Sed etiam plane peculiarem penetrantissimam *amaritiam* gustui offerat, qualis neque in *Antimoniali*, neque alio quocunque *Hepate* deprehendatur.

Unde quidem *amarum* illum, & *abominabilis* undique saporis potum, ex ita combusto *vitulo* natum esse arbitramur, qui foeditatem cultus Idololatrici sensibus ipsis adumbraret<sup>i</sup>, & memoriæ quoque opprobrium imprimeret, licet gustuum de cætero nulla sit recordatio.

Hoc itaque *simplex* illud *arcanum* esse existimo ; in quo tamen si quis aliquid *arcani* ulterius agnoscat, quod in vulgus efferri indignetur, meminerit quod arcana etiam in medium posita, nisi probe exercitatis, facile maneant intemarata : quod fortassis & proprio sui ipsius exemplo verum deprehendet, si neque hoc, neque alia quæ putat arcana, vel sibi ipsi operæ pretium facere, candide recordetur.



MENSIS  
MAJUS,  
HISTORIAM FEBRIS  
EPIDEMICÆ PETECHI-  
ZANTIS, ET HINC DE-  
SUMTÆ METHODI CU-  
RATIONIS EJUSDEM,  
declarans.

---

PROOEMIUM.

**S**I quicquam est, quod veram cognitionem morbo-  
rum secundum causas suas, difficilem reddat, est il-  
lud fane *ἀνισοπλία* circumstantiarum, quibus stipatos  
se exserere solent. Ad has enim recte perspiciendas, opus  
utique est, non modo assidua & prudenti observatione in  
genere, sed requiritur simul satis perita discretio illarum  
circumstantiarum, quæ morbo ipsi directe competunt ad-  
eoque omnibus in universum patientibus inevitabiliter ob-  
tingunt & communes sunt: & talium, quæ magis certis in-  
dividuis, ex illorum privata constitutione, eveniunt. Ubi  
quidem iterum haud exigua circumspectione opus est, dum  
indi-

individuales hujusmodi varietates interdum non ita plane numericæ sunt, ut uni soli competant; sed multis simul accidant, cujusmodi sunt illæ, quæ juxta sic dicta temperamenta eveniunt, ut v. g. omnes Sanguinei in certo morbo certo modo gravius laborent, quam Phlegmatici aut Melancholici: Omnes Plethorici majore molestia afficiantur in morbis, quam qui abundantia Sanguinis non laborant &c. Quæ quidem res non satis accurate agnita, sæpe in culpa est, ut accidentia quædam, apud multos jugiter occurrentia, pro essentialibus habeantur, & ab illis suspicio peculiaris speciei morbi, oriatur, cum non nisi accidentalis ejusdem variatio fuerit à certa constitutione, multis patientibus communi, dependens.

Unde quidem tanto magis in illud incumbendum arbitramur, ut vera indoles atque genius omnium morborum, ita historice comprehendatur, quemadmodum cum ipsa rei veritate conspirat, ut inde justa causarum investigatio institui possit.

Placuit hujus rei aliquod specimen præsentì Schediasmate edere, in historia febris illius, quæ à multis jam annis, quasi continuo tractu, in Thuringia, & Saxonie magna parte, non sine aliqua clade patientium, grassata, ne in hunc usque diem extincta est. Proferam itaque epistolam familiarem, post Paschatos Festum A. 1694. ad honoratum quendam Amicum Medicinæ t. t. Practicum Doctorem, exaratam, in qua quid hætenus circa febris hujus genium observaverim, & quid mihi circa ejus medicationem partim videatur, partim agatur, perscripsi. Placuit vero ipsam commentario quodam illustrare, ut totum negotium tanto luculentius in-



notescat, & cum res ipsa, tum mens mea, tanto melius cognoscatur. Faxit DEUS, ne utilitate cœptum nostrum destituatur!

CAPUT PRIMUM.

Extract Schreibens aus Weymar / das grassirende Fleck-Fieber betreffend de dato d-- April 1694.

**W**as des Herrn N. N. Kranckheit / und von deren Gelegenheit meines Hochgeehrten Herrn relation, und angeführte Empfehlung meiner Gedancken über diesen Zuständen / betrifft / hat es zwar mit jener / und deren etlichen erfolgten tödlichen Ausgang / seine geweihte Wege: Was aber meine Befindung an diesen fürgehenden epidemischen Fiebern belanget / habe ich dieselben unter fleißiger und sorgfältiger Aufsicht / in ihrer Art beschaffen gefunden / und solchem nach auch tractiret / wie folget:

Im vergangenen August-Monat waren es vier Jahre / (a) daß bey Zurück-Kunft hiesiger Soldaten Compagnien sich ein Febris quotidiana continua, wie sie von denen alten Medicis scriptoribus genennet und beschrieben wird / unter ihnen ereignete / (b) ja auch viele von ihnen bereits mit dieser Kranckheit behaftet / krank ankamen / viele kaum genesen sehr miserable aussahen / viele auch erst hier erkranketen / und auf solche Weise in den Quartiern auch von denen einheimischen Hausleuten jemehr und mehrere damit angestecket wurden (c) Der erste Patient, der sich meiner Cur hierinnen bediente / war ein Junger von Adel bey 21. Jahren / ein Schotte von Geschlecht / so vor dem Page an unserm Hoff / anjehzo aber Führer bey der Compagnie. Er war hagrre statur, ziemlich lang von Person / sonst eben nicht ungesund noch sonders schwächlich. Diesmal hat er etliche Tage Husten empfunden / mit einer Verdrießlichkeit im Kopff / einem so genandten Stock-Schnupffen (d) gleich / mit einer mercklichen Trägheit in Gliedern / oder vielmehr am ganzen Leib / wie man es wohl eher denen an einer Person umgehenden Flüssen zuzuschreiben pfeget (e). Nach  
weni-



wenigen Tagen bekam er gegen Abend ohngefähr 5. Uhr (f) ziemlich starcken Frost: (g) welcher nach ohngefähr einer halben Stunde sich in eine ziemlich starke Hitze verkehrte/ welche die ganze Nacht hindurch beständig anhielt/ und kaum nachfolgenden Vormittag etwas merkliches gelindert ward/ jedoch de völligē Tag hindurch noch sehr empfindlich blieb. Um eben die abendszeit wie am vorigen Tage fiel sie wieder hefftig an/ und wehrete ebenmäßig die Nacht hindurch/ nicht allein nach gestriger Art/ sondern wohl ehe noch stärker/ auch eben so lang mit einerley Hefftigkeit/ ja vielmehr noch länger/ biß sie doch endlich widerumb umb den Mittag/ und von dar biß gegen den Abend/ etwas erträglicher schiene. Und diese Art continuirte also auch fünffrige Tage (h). Bey allen diesen Umständen war zwar noch ziemlich vieles Husten/ jedoch meistens gegen die Nacht/ als den neuen Ansatß des Paroxysmi, desto hefftiger: Kopff-Schmerzen hielten beständig an/ doch ebenfalls gegen die Nacht/ und durch selbige hin/ desto empfindlicher/ jedoch waren sie durgehens nicht so gar hefftig arg (i) Schlieff dabey nicht/ aß nichts/ als etwa einen Mund vol Brühe: war ziemlich begierig aufs Trincken/ wiewohl auch solches eben nicht so euserst unmäßig (k). Hieben aber verfiel er am Leibe hefftig sehr. Bey Gebrauch gelinder alexipharmacorum (l) und unterlauffenden absorbentium und diaphoreticorum fixorum (m) gingen bey eilf Tage hin/ daß er so in einerley Zustande/ so ziemlich tolerabel schiene/ ohne einige neue Zufälle/ oder derer bißherigen einigen Anwachs oder Verschlimmerung. Hierauf aber schiene es wieder unzuschlagen (es war aber biß dahin und noch dato die Wartung so schlecht als möglich) und hielt sich der Patient absonderlich wegen leidlicher Wärme und erträglicher Bedeckung gar nicht nach Nothdurfft/ sondern bloß nach seinem eigenen Willen/ welches auf blosses stetiges Lüfften und Erkühlen hinaus lief. Er fing also an im Kopf irre zu werden/ redete viel ungereimte Einfälle/ warff alles von sich/ und jemehr man ihm solches verwehren wolte/ jemehr er sich streubete/ und darüber mühete und fatigirte/ bey solchem allen aber continuirlich erkältete/ ohnerachtet er doch meistens mit einem kleinen madore über den Leib belauften war. Hierauf bekam er schleunig/ ja noch selbigen Tages eine ziemlich offtmahlige



ge diarrhoeam, nichts destoweniger beharrete nicht allein das delirium, sondern wurde auch an statt es vorhin manchnahlen ausgesetzt hat / nunmehr continuum, doch nicht violent, sondern nur Fabelhaftig. Dieses Zeug wehrete 5. bis 6. Tage nach einander; endlich nahm es ab / hörte gar auf / der Patient erholte sich / wurde gesund / und lebet / Gott lob bis anhero ganz wohl.

Weil nun auch ziemlich viel andere Leute erkrankt waren / und mit ebenmäßigen Umständen / etliche auch sehr hart / darnieder lagen / ja mit unter einige wirklich verstorben; bey solcher Bewandniß aber Herr D. N. sich mit den gemeinen Leuten conformirte, es die Soldaten-Krankheit zu nennen / (n) hingegen dieser Patient in eines seinen Bürgers Hauß einquartieret krank lag / schickte E. Rath einen Cammerer mich zu ersuchen / daß ich doch definiren wolte / was der Führer vor eine Krankheit hätte? und ob es dann wohl die Ungarische oder Haupt-Krankheit seyn möchte? damit allenfalls dem Bürger und seiner familie prospiciret / und der Patient anderst wohin geschaffet werden möchte. Weil aber eben diese Frage bey wehrender diarrhoea und delirio des Patienten moviret wurde / woben hin und wieder zu schleppen höchst bedenklich fiel / ich auch bis dato weder so erhebliche malignitatem (o) noch offenbare Ansteckung verspühren können / als pronuncirte ich contra morbum castrensem, nennete es eine febrem catarrhalem, in lentam & hecticam proclivem, gabs so gut als es seyn könnte / Deutsch. Damit blieb der Patient ungehindert im Hause / Hauswirth und Haus-Frau / Söhne / Gesellen und Jungen / gingen beständig bey und mit ihme umb / kame / Gott lob / auf keine einige Person weiter.

Wann ich meinen Hochgeehrten Herrn specificiren sollte / wie ich den Patienten in wehrender Diarrhoea tractiret / würde ich ihme besorglich wenig satisfaction geben / weil weder adstringentia noch anodyna seu sistentia dabey attendiret worden / umb so viel desto mehr / weil sie sich bald im ersten Gebrauch schlecht legitimiret / und also veranlasset / daß ich ihnen nichts weiteres anvertrauen noch zumuthen wollen. Umb so viel desto mehr / weil so wohl bey diesem Patienten / als auch andern / die zu eben-solcher Zeit an dieser Krankheit gelegen /  
von



von solcher Diarrhoea keine scheinbare Ungelegenheit/so dem übrigen gesamten Morbo Haupt-präjudicirlich zu seyn erachtet werden können/sich geäußert: Ja vielmehr von wirklicher Verstellung/oder obstruction des Leibes/offenbare Verschlimmerung gar empfindlich zu verfühlen gewesen.

Von dieser Zeit nun an bis auf heutigen Tag (p) ist dieses schlimme Fieber recht endemisch geworden/nur daß es nach denen Anni mutationibus sich quoad accidentia, sive extra essentialia symptomata mit einrichtet und verstellet / als post novum annum mensibus Februario, Martio, Aprili, viel Pleuritifiret / und Tertianifiret; Martio & Aprili calidioribus, wie auch Majo, Junio, viel anxietates cardialgicas, hypochondriacas *καυσώδεις*, cholericis *οδεις* machet / so auch wohl bey einigen Patienten hefftige Hæmorrhagias circa ipsum principium geäußert: Menſe Julio, Augusto viel dysenterifiret: Septembri, Oct. Nov. Decembri viel Hustens machet. &c. Dieses waren also die Extra Essential Symptomata.

An sich eigentlich und mehr Essential stellet sich der morbus sehr gemeinlich mit einen Schnuppen oder zum wenigsten Stock-Schnuppen gravedine, ein/ darauf etwas Husten/endlich/bey Verwarlosung dieser Dinge erfolgenden Frost/ und darauf Hitze. Der Frost fänget sich niemahls anders als gegen Abend/ ungefehr im Untergang der Sonnen/in Herbstlichen Tagen/als im 5. oder 6. Uhr/an/ währet etwa eine halbe Stund/selten viel länger. Darauf folget alsbald ziemlich starke Hitze / mit Kopff-Schmerzen / Durst/ Aengstlichkeit/ Unruhe/ Schlaflosigkeit/bey solchen Umständen ist so viel als ordentlich gleich anfangs / auch wohl manchesmahl noch den Tag vorhero/ein drücken/ziehen/ja wie es etliche es exprimiren/reissen in Rücken: Zu weilen auch wohl in Armen oder Schenkeln / jedoch solcher Orthen nicht so empfindlich / sondern mehr einer grossen Mättigkeit (q) gleich/ bey welcher einige Unruhe / daß man sich mit Bewegung und Fortlegung der Glieder zu helfen vermeinet. Die Hitze währet also die Nacht hindurch/meistens in einerley Grad / mit verschiedener Hefftigkeit / nach Unterscheid voll blütig und sanguinischer / oder anderst disponirter patienten. Früh Vormittags / oder doch mehr und mehr



gegen den Mittag/ lindert sie sich ein wenig / und gehet dann also mäßig hin / bis gegen den Abend / zu welcher Zeit sie wieder aufs neue ansetzet/ und mit obbesagter Zufälle abermahliger stärkeren Erregung/ den Patienten die Nacht hindurch Angst/ Unruhe/ und Beschwerde verursacht. Der Durst ist insgemein ziemlich erträglich/ gegen andern hitzigen Fiebern zu rechnen. Schweiß findet sich bey denen ersten Paroxysmis nicht anders/als bey Höchstbescheiden- und vorsichtiger continentz, zumahlen aber ruhigen Verhaltung/ und Vermeidung vieles herumwerffens (r). Es ereignet sich auch solcher Gestalt nicht anderst / als ein kleiner Dunst oder Dufft: Ohne zu end der grössesten Hitze / nemlich des morgens: und ist solchenfalls dem patienten in so weit fürträglich / daß dadurch die übrige Heftigkeit aller Zufälle sich zu mindern / oder wenigstens nichts zu vermehren erscheinet. Bey einigen Patienten ereignet sich der Anstoß ohne einig vorher gefühlten Schnuppen oder Husten/ also bald mit Frost und Hitze/ absonderlich/ wann er mehr ex solo contagio entstanden. Bey dieser also überhand nehmenden febri. sind in deren weiteren Fortgang zwar die Symptomata communia, als Durst/ Mattigkeit/ inappetenz &c. freylich gewöhnlicher massen zugegen; Unter die propria hujus febris aber/ rechne ich abstinentiam ciborum & agrypniam ut plurimum indefinentem; welche gemeiniglich 7. bis eilff Tage beständig wehren / auch bey gar keiner offenbahren gemäßen Ursach: grosses Reißen und Ziehen im Rücken/ Armen/ und tibis um die Waden/ und auf diesen Umstand insgemein erfolgte maculas. (s) Unter die / diesen febri vor andern acutis sonderbahr zukommende/ gewöhnliche/ und also gleichsam eigene Zufälle/ zehle zuörderst diarrhoeam, als wozu es gar sehr incliniret / und zwar mit mehr Nutzen / als einigen Schaden.

Endlich rechne diesem fiber sonderbahr und in specie zu/ sehr leicht und gewöhnlich dazu kommende böse Hälse / und aphtas.

Der ganze periodus ist Eilff bis 14. Tage / wo nicht eine hefftige Zerung vorgehet/ bey welcher die Patienten auch wohl zwischen den 4ten und 7den Tage mit Tode abgehen.

Dieses



Dieses Fieber habe ich auf drey verschiedene Weisen consideriret/ und seine Art zu begreifen getracht. Erstlich wie es sich anließe und was es vor Ausgang nahme/wo keine Arzneyen dazu gebraucht worden. Zum andern wie es sich bezeugte unter gesunder/ und so viel möglich in die paroxysmos eingerichtete medication: Zum dritten wie es in den tumultuariis, empiricis tractationibus sich erwiesse.

Ohne Medication war es allerdings febris lenis, in suo genere gleichsam lenta, und gar zu feinen peracuto exitu endende; Ging von keiner commotione evacuatoria an; ging auch auf keine dergleichen ordentlich aus. Ausser/ daß es kurz vorhero gemeldter massen/ sich leichtlich zu einer Diarrhœa wendete/ zumahlen in statu jam senescente, und zwar dieses mehr mit Nutzen/ als Schaden: So aber erwehnte Diarrhœa sich schon in principio mit erhube/ waren insgemein (t) weniger Nutzen als besorglicher Schaden (u) dabey obhanden: Kam sie aber in ipso statu, vegetiore, so war der effect Nutzens oder Schadens gemeinlich noch mehrers in ambiguo, ob Nutzen oder Schaden draus zu erwarten. Gegentheils aber bey obstructione alvi, nahmen die beschwerlichsten Symptomata, unstreitigen Zuwachs/ Hitze/ Hauptschmerzen/ Angst/ Unruhe/ nahme alles überhand: Gesah es in statu morbi, so eusserten sich bald deliria, kamen schnell böse Hälse aphthæ darzu/ und machte insgesamt gewaltige kurze Arbeit. Hielten sich die Patienten sonst bey diesem Fieber leidlich warm/ so fand sich zum wenigsten im vierten und folgenden paroxysmis, morgens frühe zwischen 4. und 7. Uhren ein gelinder Schweiß/ (x) nicht ohne merckliche Erleichterung des Patienten (y) wer sich nicht warm hielt/ sondern vielmehr actu erkältete/ (z) bekahme gar zeitlich bösen Hals; Hatte der ein wenig überhand genommen/ so war es meistens lethals. Hielten sie sich auch gar zu ängstiglich warm/ so ginge in principio übermäßiger Schweiß/ mit grosser debilitation des Patienten/ der sich aber in augmento morbi leichtlich pertinaciter versetzte: Es erhuben sich so balden/ übermäßige Hitze übermächtiger Hauptschmerzen/ deliria, Obstructiones alvi, maculæ petechiales äusserten sich frühzeitig/ aber entweder gar zu häufig/ oder nur hin und her  
ein



einzeblig / waren aber / beyderley Art / unbeständig / kamen heraus  
schlugen wieder ein / Hiernach starb es gewaltig gerne / ja fast mei-  
stentheils gewiß / und zwar sehr zeitlich. (aa)

Mit tumultuaria, Empirica, violenta Medicatione verhielt  
te es sich folgender massen. Vomitoria waren in primo Principio  
morbi, und bey nicht gar zu zärtlichen Patienten wohl etwas er-  
träglich ; Wenn aber der Patient (sonderlich foeminini sexus) vom  
ersten Paroxysmo selbst etwas heftig befallen war / der vomitus erst  
den andern Vormittag darauf vorgenommen wurde / und irgend  
alvus quacunque ratione minus ordinata war / ereigneten sich mehr-  
mahlen Cardialgicæ anxietates, die auch unter wählrenden vomitu  
selbst enorm waren / machten in decursu dem Patienten vielmahl  
plöghliche heftige Angst / und turbirten die sonst ordentliche lenita-  
tem typi gar sehr / wodurch leichtlich andere mehr Symptomata mit  
einfielen und schlimmen Ausgang der Sache beförderten. Wenns  
aber je ohne einigen schleunigen oder mercklichen weiteren Schaden  
ablieffe / kan ich jedoch mit Wahrheit / und nach meinen besten Wis-  
sen und Gewissen / nicht sagen noch bescheinigen / daß dadurch wahr-  
scheinlich / einiger nachhaltiger Nutz oder Vortheil erhalten wor-  
den / am allerwenigsten aber dem Hauptwerck einiger scheinbarer  
Abbruch geschehen / geschweige die Krankheit selbst dadurch jemals  
gehoben / noch curiret worden. (bb)

Purgationes im Anfang gegeben / fielen in die paroxysmos,  
machten die inclinationem febrilem communem, diaphoreticam,  
irre / um so viel mehr / weil dies s Fieber / wie eben gedacht / typica ist /  
und seine paroxysmos sowohl / als in universa periodo seine Septe-  
narios und quaternarios dimidiatos (vierthalbe / möcht sie wohl  
Schreckenberger heissen ) hält / und entweder mit lenibus sudori-  
bus periodicis sich auslässt / oder Diarrhoeas, non nisi vicarias dia-  
phoreseos zu machen scheint / und zwar senescente jam statu : U-  
berhaupt aber nicht eben so wohl causam per alvum educibilem zu  
haben scheint. Kürzlich / bloße simultaneæ purgationes, taugten  
nichts / und zogen nur Ungemach nach sich. (cc)

Aderlassen / war im Frühjahr nicht so absolute , im Som-  
mer / Herbsts und Winters aber / so viel als der gewisse Todt. (dd)



Zoge am 7. bis 9. selten bis 11. Tag / eine incompletam commotionem seu congestionem sanguinis hæ norrhagicam nach sich / die an statt durchbrechens per nares, sich in fauces einlogirte / böse Hälse machte / stagnationes sanguinis circa interiora capitis, und also deliria, comata, lethargum formirte / da weder Rettens noch Rathens war.

Sudores selbst in principio, (ee) zumahlen allzufrühzeitig / machten den typum morbi nur irre / und machten entweder unnützes beständig anhaltendes Schwitzen / welches den Patienten merklich abmattet / und auszehrete; oder zogen eine Versetzung des gelüthlichen / gelinden dienlichen / und erleichterenden Schweißes / nach sich. (ff) Wann aber der Medicus, wie sehr vielmahlen geschieht / erst am 7. oder 8. Tag der Krankheit geruffen würde / und alsdann erst / mit dazugegebenen Argneyen / zu schwitzen verordnete / so waren zimlich satt gefärbte Flecken nicht w. it (gg) und war glücklicher Ausgang der ganzen Krankheiten ein blosser Hazard.

Was solchem allen nach ich vornahm / war so wohl meiner Natur / und inclination, als der vorgenommenen observation gemäß / die Gelindigkeit / jedoch mit möglicher Aufsicht / zu gebrauchen. Weil ich aber meine eigene hypothesin de febribus dergestalt habe / daß ich si. vor ein opus naturæ ipsius halte / (licet exacerbata, adeoque in impetus, & erroneos motus, proclivis) so richtete ich mich mit nach dem Paroxysmo, und trachtete denselben so wohl secretoriis als excretoriis moliminibus, opportune zu Hülffe zu kommen / malignitatem causæ aber / wie mans nennt / nach aller Möglichkeit zu unternehmen.

Dab. y führte ich mich nicht im geringsten an die symptomata communia, daß ich mich dieselbigen im wenigsten hätte sollen irre machen lassen. Die Essential-Symptomata aber / respectirte ich noch weniger / ließe sie fasten und wachen / bis sie es satt hatten / (hh) Deliriren aber / und hefftige Kopf-Schmerzen linderte ich / so gut als möglich / so innerlich / mit discutientibus, humectantibus, diluentibus, als äußerlich mit Camphoratis, und unguento Alabastr. (ii) Ordinirte / ja injungirte ihnen dabey / sich zu keinem Schwitzen zu  
liii  
zwin-



zwingen/ sondern nur so warm zu halten / ut actualis refrigeratio excludatur, 2) selbst anm. Idenden Schweiß aber / durch nicht mehrer als jezo erwehntes regimen abzuwarten. 3) ließ nicht allein zu / sondern wo es nicht von selbst geschähe ordinirte ich / zur Nothdurfft zu trincken / sonderlich wehrender Hitze / nur (a) nicht sehr kalt (ß) nichts hitziges und inebriativisches (γ) nicht unbescheidene Söffe / (δ) nicht eilig nach erst jezo eingenommener Arzney. In Paroxysmo ordnete ich Julepos ex aquis diaphoret. und Syr. acetos. citr. (ε) mit etwa einer oder anderer analept. aqua, gegen den Paroxysmum aber / gebe ich emulsiones, dermassen eingerichtet / daß man nicht billiche Furcht blästiger Angstigkeit halben dabey haben dürffte (κκ) Dieses Regimen hielt ich / es möchten Petechiæ folgen oder nicht. Zunahmen aber suchte ich allezeit den Leib offen zu erhalten / und achtete Diarrhœam so wohl durchgehends / als bey schon würcklich erscheinenden Petechiis, nichts im geringsten / nur daß der Patient sich nicht dabey unbescheidentlich erkühlete. (ll)

Was ich mit dieser Methode, unter Gottes Seegen effectui- ret / weiß das hierumliegende ganze Land / und kan davon dieses sagen / daß welcher Patient 1) zeitlich damit tractiret worden / 2) oder nichts irrsames vorgegenommen / sondern vielmehr 3) sich bescheidenlich acht bisz eilf Tage lang dabey verhalten / u. 4) in andere Umstände / solche wenig Tage lang sich nicht gekehret / inappetenz, Schlaflosigkeit / mannichmahlige Angstlichkeit / sich nicht irre machen lassen / endlich auch 5) nicht sonderbar merckliche alte læsiones pulmonum, hepatis, lienis, und daher stammende Schwind und Darrsichtige kränckliche indisposition, von mehrerer Zeit her / an sich gehabt: Solcher so zu sagen gar nicht gefährdet worden / ohnerachtet würcklich Personen von et- chen 60. bisz etliche 70. Jahren / darunter gewesen / die durch Gottes Gnade zeitlich (m m) wiederum reconvalesciret / so wohl als Kinder von anderthalb bisz zwey Jahren / so würcklich maculas an sich gehabt.

Meine Medicamenta sind / eine Essentia Alexipharmaca, aus puren vegetabilibus Temperatis, welche ich dann und wann / so mir deren Vorrath auf einmal entgehet / mit TRæ Bezoärticæ Michaelis, (nicht sehr camphorirt / ) und Essentiæ Scordii p.æ. verwechsle 2) ein  
Pul-



Pulver ex matr. Perlar. oder Ocul. Cancr. oder auch wohl Conchis nostratibus, antimonio diaphoretico, und Nitro depurato: und diese fast zum Haupt-Absehen. Zu urgirenden Symptomatibus habe sehr wenig nöthig / wann diese wenige Dinge wohl gebraucht werden / und das ihrige verrichten. Gleichwie gegentheils / wo diese gar nichts verfangen / alle andere / auch noch so speciöse Dinge / weder zur Krankheit / noch zu denen Symptomatibus nichts tüchtiges / noch zum Hauptwerck zulängliches / effectuiren wollen. Inzwischen nehme ich zu iezgemeldten Symptomatibus äußerlich Camphorata zu Hülffe / wieder tringende Schmerzen: vermehre die dosin des Pulvers / bey Durchfällen (nn) wiederhole die Essenz bald aufeinander / iedoch mit desto kleinern dosibus, wieder das Erbrechen; brauche acetositatem Citri, in etwas mehrerer dosi, bey anxietatibus, sonderlich zu rechter Zeit / erfodere und injungire imperiöse Gedult / an statt aller diesfalls nichtswürdigen / ja billig verdächtigen Opiatorum, adstringentium, & calidiorum, tam carminativorum atque nervinorum, quam alexipharmacorum: verbiete fleißig unzeitigen genöthigten Schweiß / kalt trincken / Erköhlung / unruhiges hin und wieder werfen / und halte den Leib offen.

Ich bin fast so viel als versichert / daß ein anderer als M. Hochgeehr. Herr / diese wenige medicamenta und unscheinbare Methode, vor Narrethen traduciren möchte: es ist aber durch Gottes Gnade so weit damit gekommen / daß auch wohl meine Liebste / oder mein jezmaliger halber Laborante, in meiner Abwesenheit / denen Patienten darmit so viel Bescheid zu geben wissen / daß solche unter Göttlichen Seegen / bey solchen Gebrauch / so zeitlich und gewiß / auch bey efflorescirenden Petechiis, ohne merckliche Gefahr reconvalesciren / (oo) als wenn sie eine halbe Apothecke ausgeessen / und etlicher Universitäten Responsa darüber eingeholet hätten.

Ich habe dabey einige Real-Observationes, als 1) quid sint Symptomata vere urgentia? (pp) 2) wie man solchen / sine præjudicio affectus primarii, absonderlich zu begegnen / so viel bedachts von nöthen habe / wenn der affectus primarius von grosser Erheblichkeit? (qq) wie übel die Vergentia febriles ablauffen / wenn sie zur Unzeit / ex er-



rore entweder des Patienten oder medici, turbiret werden: (rr) 4) Wie leicht/ gegentheils sie zu rechte gehen wenn man ihre Zeit / und Art ablernet: 5) was dabey die Paroxysmi thun/ als in derer Ansehung ich bald auf mein Gewissen zu nehmen getraute: daß ein Patient febre maligna decumbens, gar keine Arbeit nöthig habe / gesund zu werden / wenn er sich nur guberniren läffet / und zwar vernünftig und schicklich guberniret wird (excipiendo statum cacochymicum universaliorum, aut particularem ventriculi & primarum viarum, (ss). Diese Einrichtung der Medicamenten / nach den Paroxysmis, halte ich eigentlich pro anima ihres effects und Nutzens zu denen Fiebern / und glaube / daß vermöge dieser Einrichtung / auch wohl mit denen geringsten und simplicissimis medicamentis, diesfalls mehr zu effectuiren / als mit vielen Sängen / Künsten / Kosten / und Ceremonien. (tt) Am dritten obgenandten Stück aber / ist eigentlich gelegen / daß auch ein gutes Alexipharmacum, zur Unzeit gegeben / den Patienten in die größte Hitze / gewaltsamste turgescentiam sanguinis, und hartnäckige Hinterhaltung des Schweißes / stürzen kan; ja zu drauff folgenden deliriis, summis angustis, intempestivis irruptionibus sanguinis, stasibus inflammatoriis circa viscera &c. Anlaß geben; (uu) Welches gegentheils / wann es zu rechter Zeit des Paroxysmi, in gebührender dosi und administration, gereicht wird / die Hitze merklich zu mindern / dem gelinden Schweiß augenscheinliche Förderung zu thun / die folgende Paroxysmos je mehr und mehr leichter zu machen / und das gesamte Haupt=Werck des ganzen Fiebers / dadurch zu einem gewünschten Ende zu disponiren / kräftig erfunden wird: da die ganze differenz unter diesen Haupt contraireren effecten an wenig Umständen glegen (xx) Hingegen ist alhier mit terreis absorbentibus & antimonialibus diaphoreticis diesfalls fast nicht zu verstoff. n / nur daß sie nicht entweder  $\alpha$ ) nimia dosi, oder  $\beta$ ) mit unnöthigen gezwungenen regimine (yy) gegeben werden: Sientemal vor einen dergleichen Patienten gnug ist sich so weit warm zu halten / daß er nicht wirklich erkalten könne / welchen fals denn in Kleidern oder Schlaffröcken zu liegen nicht undienlich. Opium lasse man von diesen

diesen Fiebern / in denen vieles an ihnen / so dessen Gebrauch dissua-  
dirt / nichts aber so ihn erfordert. (zz) Nothdürftig zu trincken /  
(wie obgedacht) pflege meinen Patienten nicht allzu zulassen, sondern  
wohl anzubefehlen.

Dieses ist meine gewisse / und zuversichtlich gegründete / und  
dahero in praxi täglich also festhaltende Meynung / damit ich seit An-  
fang dieses Jahrs mehr als dritt halb hundert Patienten dergestalt be-  
dient / und unter obgemeldeten Umständen recht sehr wenige gemisset  
habe / davor Gottes Gnade und Beystand gelobet sey &c. &c.

## Commentarii.

(a) Quamvis Febris hæc jam etiam ante hac, & pluribus  
retro annis, hinc inde sese exhibuisset; Sicut in primis anno 1682.  
in Urbe Jenensi, cum multis & satis saturatis maculis grassatam fuisset  
memini: Hoc tamen autumnus, in inclyta Serenissimorum Sa-  
xoniarum Ducum sede, *Vinariense* Urbe, admodum ἐπιδημῶς erum-  
pere occæpit, & quidem per occasionem pedestrium turmarum,  
tunc temporis, partim Augusto Mense oriente, partim sequente  
Septembri & Octobri, mature ab expeditione sua revertentium.  
Unde quidem, cum ab illo tempore usque ad annum 1694. quo  
scripta est Epistola, *jugiter* continuasset morbus, quod annis pro-  
xime præcedentibus non æque factum erat, sumpta hinc est occa-  
sio, illius ut evidentiores initii designandi, quo febris hac indole  
sese exerere cœperat.

(b) Nemo puto mihi vitio vertet, quod aliqua tam ad *hi-*  
*storiam*, quam *denominationem* morborum, secundum varias ipso-  
rum species, pertinentiam, apud *Veteres*, ad minimum propiorum se-  
culorum, jam tacta esse indigitem, quæ ab aliquibus *Recentiorum*,  
pro plane novis, & justo atque recepto nomine adhuc destitutis,  
non raro venditata reperiuntur. Accenseo his non immerito hanc  
nostram febrim. Affirmo sane merito, descriptam illam esse jam  
pridem à majoribus nostris, sub nomine *quotidianæ continuæ phlegma-*  
*ticæ*, præcipue vero à *phlegmate falso* prognatæ. Si quis enim hu-  
jus gravia symptomata, præsertim ad *caput, fauces & linguam, Paro-*



*tides*, imo varias *cutaneas efflorescentias* proclivia, cum nostra febre conferat, & insuper typum non modo *quotidianum*, sed præcise *vespertinum* consideret, & reliquam *acutam* atque *incipientem* periodum, cum nostra comparet: non similitudinem, sed ipsam *speciem* potius sibi hîc offerri, facile deprehendet.

Illud quidem satis notum est, quod antiquiores *macularum*, quæ huic feбри familiarius evenire solent, non adeo exactam rationem habentes, illam ab his quasi specialiter denominare, non susceperint. Quod è contra recentiores ita scrupulose fecerunt, ut etiam hinc quasi specificam denominationem formaverint. Appellunt videlicet *Petechialem*. Vernaculo *Italico* vocabulo, & quidem veluti plebejo: Siquidem his *Pedocchio*, *pediculum* aut *pulicem* denotat; quorum, præcipue posteriorum, *morsibus*, vel potius *stigmatibus* hinc remanentibus, *maculæ* hujus febris respondent: excepto medio illo puncto, quod insectorum illorum morsus actualis post se relinquit, quo hæ morbidæ maculæ destituuntur.

Sicuti vero Febrem hanc ab hac circumstantia *Petechialem* vulgo vocant; ita ego jam pridem, *Petechizantem* appellare suscepi: propterea, quia non Essentialiter & inevitabiliter semper conjunctas habet illas *maculas*, sed ut plurimum tantum: ita, ut ab hac *frequentiore* macularum harum cum hac febre complicatione, *frequentativam* etiam hanc appellationem formaverim.

Interim, licet hoc revera ita se habeat, quod maculæ hæ non sint de *absoluta* hujus febris essentia, ut illa nunquam sine his vigere possit: cum revera multi patientes, etiam circa *criticos* dies, hac febre moriantur, qui tamen *nullas maculas* exhibuerunt: Minime tamen hinc audiendi sunt illi, qui symptoma hoc, nempe *macularum* eruptionem, tanquam *commune* quoddam, interpretari suscipiunt: cum *proprium* utique sit, ita, ut licet hæc febris sine maculis vigere possit, maculæ tamen cum febre alia, *acuta* quam hac, nulla *grassari* deprehendantur. Hanc, inquam, Febrem, licet phænomeni hujus de *macularum* eruptione, non ita absolute mentionem faciant, quantum tamen ad reliqua symptomata attinet, satis exquisite delinearunt ipsi *Veteres*, sub nomine *febris quotidiana continua*. Deduxerunt illam à *phlegmate*, modo *dulci* & *insipido*, modo *falso*,  
&

& hæc quidem à *falso* phlegmate, est præprimis illa, de qua nos agimus, peioris moris, & graviorum Symptomatum.

Propiorum quidem ævorum medici, præcipue posteaquam violentius grassari cœpit, deducunt ipsam magis à *venenosa* qualitate, & annumerant proinde Febribus *pestilentibus*; quod inter alios sui temporis, fecit *Gerhardus Columba*, Messanenensis seculo decimo sexto, in edito tractatu *de Febribus pestilentibus*: quem hujus ipsius præcipue Febris occasione, ut in præfatione latius insinuat, conscripsit. Et secuti sunt hanc sententiam Recentiores modo non omnes.

Fecerunt hoc tanto justiore titulo, quia in ipsa vera *Peste maculæ* tales, aut ad minimum his similes (& *maiores* enim, & *plures* & *colore* saturato *nigricante* puniceo diversæ, memorantur) erumpere sæpe solent.

Interim, si quis utique nobis objecerit, quod apud antiquiores nulla ita *expressa* hujus speciei descriptio exstet, quæ nempe *maculas* quas ita epidemice, & quasi *solemniter*, conjunctas habuerit; illi haud immerito regefferimus, quod utique mox ab illis temporibus, quibus paulo crebrior *typographia* usus, pluribus ad scribendos & edendos libros, occasionem præbuit, maturæ hujus rei mentio facta observetur: apud antiquissimos vero, à *Galen*i temporibus, hujusmodi excretiones simplicius pro nudis *Symptomaticis* habitæ, specialem aliquam, & quasi specificam diversitatem inferre, non visæ fuerint. Unde sufficit illorum temporum Medicis, *Exanthematum*, *Ecthy-matum*, & *stigmatum* mentionem fecisse.

Imo, visi sunt hoc ipsum tanto justius fecisse, vel ipsis nostris Recentioribus; cum hi uno ore *petechiarum egressum* pro excretionem pure *Symptomatica*, utpote patientem nihil undique juvante aut sublevante, constanter arguant: Quod tamen, si de *pestilentibus* maculis, quas per Dei gratiam plerique nostrum nondum vidimus, forte verum est, de nostratibus benignioribus maxime valet, ut inferius notabimus.

(c) *Contagiosa* utique est Febris, de qua sermo nobis est. Quod ipsum licet antiquiores *phlegmatica* suæ non ita diserte tribuant,



ant, cum tamen vel ipsa *coryza*, præcipue vero *acrior*, phlegmati illi *falso* veterum respondens, *contagiosa* existat; mirum esse non debet, si hæc ipsa etiam *contagiosa* Febris, nihilo secius *phlegmatica* haberi queat.

Interim illud omnino notandum est, quod hoc ipsum *contagium*, ex sua veluti propria indole, & ubi specialis aëris & anni temporis constitutio abest, *seque & lene* observetur. Imo observatum est sæpenumero, trium aut 4. *septimanarum* demum intervallo, denuo correptum fuisse aliquem ex illa familia, in qua ante tantum temporis aliquis decubuerat. Evenit tamen interdum illud quoque, ut plures simul, aut brevi intervallo temporis corriperentur; quamvis ibi frequenter iusta admodum suspicio, imo sæpe certitudo, concurrentis insignis *formidinis, mæroris*, imo insolitæ *fatigationis* in alterius ægroti cura & servitio, intercesserint.

Neque vero illud, citra allegatam *temporis & aëris* specialem constitutionem, æque facile, nedum promiscue, evenit, ut multi, nedum omnes, in eadem domo morbum hunc experirentur; unde de talibus solum accidentalibus morbidis dispositionibus valuit illa vox vulgi; Es gehe gemeiniglich das ganze Haus durch. (NB. Sphalma est in textu: von denen Haupt-Feuthen: legendum Haus-Feuthen.)

(d) Initium *languidius*, circa violentiam accidentalem, ab *aëris* constitutione, *anni* temporibus, *rerum non naturalium*, vitiis &c. familiarissime sumsit hic affectus. Quocunque tamen anni tempore, & sub quibuslibet circumstantiis vergebat perpetuo magis ad *catarrhales*, veluti typos, ut cum *gravedinosæ* sincipitis tensione, non raro etiam actuali *coryza*, *raucedine*, *tonsillarum* (non anginode, sed catarrhali five *branchiade*) inflatione, quin etiam *tussi*, & satis quidem immodesta, & non adeo *secca*, inciperet; Sicut etiam, imprimis tamen *verno* tempore non raro certe *peripneumoniam* vel simulavit, vel vere comitem habuit.

Hac ipsa quidem tempestate, de qua loquitur epistola, *autumnali*, humido & pluvio tempore, tanto solennius ita se gessit, ut patientes non solum per 23 aut plures dies, *gravedinem*, *coryzam*,  
bran-

*branchum, tussim*, experirentur, invicem succedere, aut aliquid horum quasi languidius moliri, sine expedito successu: Sed etiam his quasi ex improvise sponte *cohibitis*, aut alias non libere procedentibus, denique in hanc Febrem prolaberentur. Ubi quidem allegata circumstantia sensibilis fatigationis, *languoris, torporis*, communiter concurrebat; Raro tamen ita eximie, ut patientes propterea altioris, nedum tanti, periculi suspicionem inde capefferent, sed fere allegata formula se consolarentur: Es gehen Flüsse an ihnen um/ ... hätten den Stock Schnupfen/ wolte nicht recht fließen/ machte ihnen den Kopff schwer und schwindelicht &c.

(e) Ita enim utique in ipsis etiam catarrhalibus ejusmodi excretionibus præcipue adhuc paulo impeditius procedentibus satis familiare est, ut non solum totum corpus, ut vulgo loquuntur, langueat; quamvis vere interpretando, potius *strictura* quædam *tonica* peripheriæ corporis sublit: sed occurrit etiam ibidem, & quidem præcipue propter hanc causam ejusmodi frequens, levis *horripilatio*, seu superficiaria incurfatio frigidæ veluti cujusdam auræ, ut subinde conquerantur, es sey ihnen so frostig / præcipue, quando aërem liberiores subeunt. Tanto magis vero cooritur postea fortior ejusmodi *καταψύξις*, sub ipsum Febrilis *invasionis* initium, de quo mox.

(f) Gegen Abend ohngefahr 5. Uhr.) Inter circumstantias Februm veluti specificas, non ultima me judice est illa, quæ à specialissimo tempore *invadendi* pendet. Non temere certe in præfatione *Problematum*, uti vocare visum est, *ad februm pathologiam*, dixi, quod de hac re, Paroxysmorum *statis temporibus*, *secundum horas diei*, vix centesimus quisque Medicorum aliquid inaudiverit. Puto experiri hoc licere, in colloquiis cum Medicis, è variis Scholis profectis; ubi mehercle vel crassiora quæcunque, ad februm *speciem formaliter* magis pertinentia, inaudita esse deprehenduntur, nedum ut de talibus minutioribus aliquid perceperint. Interim *statim* plane temporis *invadendi*, præcipuum exemplum est, & omnium constantissimum, *Quartana*: post hanc *Tertiana* simplex, seu undique *legitima*: Porro ipsa hæc nostræ tractationis, *Petechizans*. Reliquæ, prout *complicationibus*, in nostro quidem Climate, magis

Kkkk

obno-



obnoxia sunt, familiarius etiam variant; ut, quæ multum *Sanguineoplethorica* commotionis implicant, diluculi æstivi præcursores horas occupent, proximas post noctis medium: Quæ multum vere *biliosi* tenuioris tamen, foveant, ortum solis medium, à *sexta ad nonam*: quæ plus *biliosi crassioris*, horas à *nona ad meridiem*, & paulo amplius, sequantur. Solertior in hoc negotio fuit (*de Febr. cap. 4. rub. 1.*) *Savonarola*; succinctior *Forestus* (*Lib. 3. obs. 25.*) & ultimo *Sennertus* (*de Feb. L. 2. c. 19.*) Enimvero dignum videri possit quod notetur; quod non solum *Forestus*, in Febris *Quotidiana* cum primis historia, hanc observationem introducat; sed etiam *Sennertus*, prorsus eodem capite, ubi de hac maxime Febre agere suscepit, eandem alleget: Ad minimum illud inde colligere licuerit, quod in hac maxime Febre, etiam *stata illa invadendi ratio*, quasi præ aliis, evidentius sese exhibeat, & constantius hanc indolem præ sese ferat. Quamvis autem *Forestus* *Quotidianam intermittentem* allegato loco describat, & illi invasionem talem *post meridiem versus noctem*, assignet, & in observatione sequente, ubi de *Notha* loquitur, tam horis *bili* dicatis, quam *pituita* magis adscriptis hanc invadere putet? Tamen in illa quoque, de qua nos loquimur, revera *continua*, hoc idem solenniter contingere, ut videlicet *sub vesperam*, hora 5. vel 6. invadere patientem soleat, & postea quoque quotidianas suas exacerbationes, his & sequentibus horis prosequi, monstrat perennis omnino & universalis Experientia in hujusmodi ægrotantibus assidue instituta; non in uno aut altero homine, sed in subjectis plus quam *bis millenis*, quorum maximæ partis ipse habuit curam, reliquorum vero morbi, notitiam historicam satis exquisitam.

(g) *Siemlich starcken Frost.*) Ita omnino est, invadit hæc Febris ordinarie, cum *frigore*, & *horrido* illo quidem, imo & *rigore*, imprimis vero *tensivis* doloribus in *dorso*, quantumvis neque pedes, imprimis *tibiae*, sensu illo stringente atque premente careant. Omnes in universum, corripit hæc Febris, per primum initium, *frigore* hoc; durat tamen illud non per æquale tempus apud singulos: Ad minimum quidem per *dimidiam* horam, aliquando etiam ad *integram*, rarius adhuc amplius. *Calor* succedit immediate,

diatē, cum *angustia* & *anxietate* circa præcordia, minime tamen; *nauseosa* aut *vomibunda*, nisi prorsus in individuis, & his quidem immensum quam paucissimis. Durat hic *æstus* (pro mensura *plethoræ* cum primis dimetiendus,) per horas bene multas; ita, ut *primis* maxime paroxysmis, vix altero mane *notabiliter* intepescat: Sicut etiam, usque ad novam exacerbationem, satis, & patienti gravis est, & tangentibus obvius.

Hanc *exacerbationem* repetitam, dixi reverti pari vespertino tempore, umb eben die Abendzeit / wie am vorigen Tage. Et dixi quidem, quod *Calor* maxime seu *æstus*, his temporibus posthac exacerbetur. Et vere hoc quidem. Paucissima enim exempla, offendas, ubi de proprio aliquo *refrigescentiæ* sensu patientes mentionem faciant; non ita multa, ubi *attingendo*, eo tempore aliquam tepiditate inferiorem *frigoris* sensationem deprehendas: Nisi forte in partibus plane *extremis*, digitis, aut horum, & nasi ac auricularum, *apicibus*. *Inquietudo* vero illa interior, *angusta*, *anxia*, & *dolor* ille *vibrativus* atque *tensivus*, in dorso æque, ac extremis artubus, revertitur jugiter, cum ipso *calore* ejusque incommodis comitibus, *siti*, *oris siccitate*; & hæc omnia tenent ægrum, non solum *vigilem*, sed etiam inquietum, imo impatientem subinde: quin, ubi pejus res procedunt, *mens* ipsa inde labefactatur atque commove-  
tur.

(h) Diese Art continuirte also / auch künftige Tage / ) = Noch ziemlich viel Hustens / .c.) Ita sane redibant indies hi *paroxysmi*, & totius febris hic *typus*. Dixeram paulo ante, quod *altero* paroxysmo, calor vel ingravescat, wohl ehe noch stärker / quod omnino valet de Paroxysmis 2.3. ad primum comparatis. Reliqui, post *quartum*, non solum nihil augescunt, sed potius, siquidem cætera optime procedant, vel ad sensum mitescent. Illud quod de *Tussi* hic monetur, adeo verum est, ut etiam multos observare liceat, qui reliquo toto tempore vix quicquam effatu dignum tussiant: In Paroxysmi autem recrudescentis insultibus, *immani* tussi correpti, graviterque illa concussi, etiam circa reliqua hinc pejus afficiantur. Imo, videas ibi, quibus Paroxysmi redeuntis, tussis quasi præcursor, index sit, & initium faciat succedentium commotionum reliquarum.



(i) Schlieff dabey wenig ꝛ.) ut alias in Febribus malignis, ita in hac etiam, præcipua querimonia occurrit de *somni defectu* seu pervigilio. In quo illud notandum est, quod communissime nulla conspicua *causa* præsto sit, cui defectus somni jure meritoque adscribi debeat. Neque enim tam sensibilis est *æstus*, neque tanti *dolores*, per quos somnus auferri possit. Imo vero occurrunt frequentes, qui penitus nullum sensum doloris, nec in reliquo corpore, nec ipso quidem in capite, indicent, aut præ sese ferant, nihilominus de somno quasi vix cogitent, per multos dies, aut certe non, nisi leviter niçtitando, magis dormituriant quam dormiant. Neque vero etiam insigni aliquo incommodo, nedum damno hinc affici videntur, à *deliriis*, à *stuporibus* alieni; imprimis, si de reliquo tranquillam mentem, & animum patientem servant.

Occurrerunt quidem aliqui, sed mihi non nisi juniores, 18, 20, 22. annorum, qui *in statu* morbi, somno potius quam vigiliis laborarent; quod vix non pro comate somnolento haberi potuisset, nisi & ad poscendum *potum*, & *excretiones* perpetrandas, sponte evigilassent: peractis autem his negotiis, statim in somnum relabentes, & illum quidem non anxium, suspiriosum, sed *naturali* non absterilem, & satis æqualem, sine jactatione, quiritatione, *suspiriis* &c. Redierunt vero ad se sine ullis peculiariter contra hunc affectum directis remediis, sed continuatis tantum illis, quæ ipsi morbo universo destinavimus.

De reliquo ipsæ utique *Cephalalgia*, ejus indolis aut *impetus* vix unquam fuerunt, ut patientes propterea vehementer angi, aut illis *directe* remedium aliquod poscere contingerit: Nedum ut ab illis graviora ulteriora symptomata expectare oportuisset. Interim neque hoc sine peculiari animadversione prætermittendum ducimus, quod illi casus, ubi patientes *notabilibus* talibus *capitis doloribus* affiebantur, communiter minus periculosi deprehensi sint, quam alteri, in quibus imprimis *plane nullus* molestus sensus in capite occurrebat. Sicut equidem revera in genere, ubi patientes nullius morbi sibi conscii esse videbantur licet de reliquo absolute mente sibi constarent: præter *lassitudinem* insignem, *appetitum* plane deficientem,

tem, & *somnum* nullum aut levisimum : In tali, inquam, statu ordinarie maximum erat periculum.

Affe nicht x.) *Inappetentia* in hoc affectu erat utique ordinarie exquisita ; *Nausea* vero, si non ad cibos assumendos cogerentur, aut persuasionibus auscultantes, iis uterentur ægri, nulla positiva ; sicut etiam nulla inclinatio, nedum conatus ad *Vomitum*, exceptis pure *individualibus*, extra reliquam ipsius morbi indolem, dispositionibus, & ventriculi statu, jam magis *ante morbum* cruditatibus onerato : Quantumlibet revera, etiam hoc ipso casu satis rara occurrerent exempla : Nedum ut totus affectus, adeoque apud plerosque hoc morbo laborantes, ad hanc speciem excretionis per se & ex sua indole, tendere observatus esset.

(k) War ziemlich hastig aufs Trinken \*\*\* und versiele sehr). Plerique utique manifesto *sitim* effatu dignam sentiebant ; Non tamen *enormem*. Erant vero non ita rari, qui *sitim* quidem tolerabant effatu dignam, interim nullam *cerevisiam*, quantumcunque sibi alias usitatam, tunc temporis ad gustum suum deprehendebant. Imo vero non deerant, qui positive, *fastidio* quodam *cerevisiarum* quarumcunque laborabant. Imo rem recte æstimando, non *cerevisiarum* solum, sed varii generis *decoctorum* potuum maturo fastidio afficiebantur ; quamvis utique sitis non deficeret. In quibus autem *deficiebat* sitis, res non erat æque boni ominis ; Imo vero tanto peioris, quo magis deficiebat. *Potus* tolerabiliter tepescens, (neque magis quidem, quam *æstate extra cellas in umbra* relictus, tepesceri solet, Germani *überschlagen* vocant) nihil usquam facessabat incommodi, quantumcunque etiam largus. Qui *calido* potui aquoso, *Thee*, aut similibus, assueverant, utiliter talibus etiam uti continuabant &c.

Notabile illud quasi decrementum seu *contabescencia* corporis, valde familiaris erat ; Unde vulgus sæpissime pro *tabida* febre interpretabatur, quasi antiquo more medicorum, *hecticam cum putrida* sociantium. Quamvis autem alias insignis hujusmodi tabes in febribus, admodum suspecta sit ; in hac tamen febre, quemadmodum alias quoque in *lentis* (vere & pure talibus non specificè *hecticis*) nihil adeo magnopere periculi exhibebat, aut, quod ajunt,



monstri alebat : Superato enim morbo satis facile florem corporis recuperabant.

(1) *Ben Gebrauch gelinder Alexipharmacorum* ) Haud injuria, inter plures quasi magis curiose & sollicitè, *Riverius*, (ubi de *Peste*) distinguit inter alexipharmaca *calidiora*, & *temperata*. Sane vero, cum *Alexipharmaca*, quæ talia, non consistant in *acrimonia*, quasi generaliore, resinosa ; Sed hæc in aliquibus vegetabilibus, imprimis *radicibus*, solum sit specialioris illius Alexipharmaci miasmatis, veluti *receptaculum*, vehiculum , & quasi crassius corpus : Non immerito cautelæ loco inservire potest, ne in ejusmodi corporibus, in quibus & dispositio, & actualis exacerbatio *in calorem*, præsto est, per ejusmodi medicamenta, *calor* augeatur, quæ cum *obscuriore* alexipharmaco effectu, *manifestiorem* efficaciam sanguinis *calefactoriam* in sese continent. Unde quidem in hoc morbo, ubi neque propria ejus indoles vehementem *æstum* producit, neque artificialiter concitato æstu, quidquam boni effectus obtineri sentitur, hujus generis *calorem* majorem concitantibus medicamentis, nullus utique est locus.

(m) *Absorbentium und Diaphoreticorum fixorum.* Haud injuria in *Dissertationibus de Februm Curatione*, dubitat Celeberr. *Schellhammerus* : An *terrea* præcipuam suam efficaciam in corpore humano, unice exerant per *acidi absorptionem*. Ubi, licet ipse aliam agendi rationem à posteriori non assignet, certe à priori non ita difficulter dubii hujus ratio munitur eo, quod corpori animali *aciditas* ullo alio argumento, quam solo hoc de *absorbentibus* (quod in quæstione est, adeoque, petitionem principii infert) non possit imputari. Cum tamen innumeræ sint *acidi* efficaciæ, quibus se se, potius *a priori*, in corpore prodere & exerere deberet. Ego in hac materia nihil dubitavi potius *positive* diversam causam efficaciam terreorum assignare ; nempe, non *acidi*, sed *sulphurei tenerioris*, (quod *fermentativas putredinosas* corruptiones animat) *incorporationem*. & ita maturiorem secretionem. Videatur *Zymotechnia Fundamentalis*. In nostro præsentè affectu tanto magis utilia deprehendi *terrea* talia fixa, quanto lenius ventilationem *sudatoriam* promovent, sine sanguinis exagitatione ; Imo simul etiam per *diuresin*, *acrimoniam*

*salino-*

*salino-sulphuream* molestam atque noxiam, commodius secedere faciunt: Cui quidem scopo commodissime semper satisfecerunt *ostracodermata*.

(n) Die Soldaten-Krankheiten) Nondum quinquaginta anni sunt, ex quo cum justo majore libertate philosophandi, scandalum illud, *vagis & nihil fundatis opinionibus* indulgendi, velut agmine, quodam irrupit; Fundamentum nullum aliud fuisse apparet, quam quod sub novarum speculationum favore, à turbulentis ingeniis, omnia antiquiora simul & semel rejicienda atque contemnenda habita sint. Unde, cum circumspectiores solum *correctionem* aliquam & elucidationem vetustiorum dogmatum intenderent; à male intelligentibus, & sane otiosis ingeniis, hoc ita acceptum est, quasi plane nova statuerentur, antiquis sententiis ita penitus contraria, ut illæ cum his nusquam subsistere possint. Non est præsentis loci hanc rem pluribus exequi; Præbet autem nobis exemplar ipsa Febris, antiquis dicta *Phlegmatica*, *quotidiana*; Hanc cum ante 30. & quod excurrit, annos, *catarrhalem* appellare aliqui cepissent, prope modum exolevit illa antiquior nomenclatura. Si verum dicere fas est, ultimus sine dubio fuit *Sennertus* (ex illis, qui in nostra Germania, veluti communi approbatione recepti sunt) qui transcribendis antiquis *Februm divisionibus* indulgit, & pressis magis vestigiis institit. At vero, simulac ipse quoque *Scorbutum* morbum, è vera sua atque *specificâ* indole, ita in immensum dilatavit, ut magnum morborum numerum ad hujus tribum vocandi Autor fuerit, prolapsa mox est indoctorum hominum turba, ut spreta omni discernendi opera, quidquid alias non intelligerent, promiscue ad *Scorbutum*, & *simpliciter* quidem, referrent: Neque vero hoc solum, sed ubi etiam aliquid in morbis occurrit, quod apud antiquos vel paulo aliter annotatum habetur, statim inde *novi morbi* non tam suspicio, quam pronuntiatio, institueretur. Nihil itaque mirum, si *Febris quotidiana* etiam, in aliis Climatibus & *Complicationibus*, aliam quadantenus faciem induenti idem accidit. *Scorbutum* morbum aliquem, revera existere atque dari, nondum audivimus negari, nisi à talibus, quibus neque veritas cordi, neque fides. *Concurfare* ejus aliquid subinde cum aliis morbis, nemo facile dubitat, nisi im-

peri-



peritus: At nemo defendit, nisi imprudens, quod hic concursus non solum ita *universalis* sit, ut singula quasi individua involvat: sed etiam ita *eminens*, ut ab eo reliqua morbi tota indoles, adeo subvertatur, ut inde nihil, nisi *novus* in solidum morbus exsurgat. Interim hæc certe passim facta esse, à plusculis retro annis, cuilibet attendenti facile patet. Si morbus occurreret, cui nulla cum antiquioribus, aut sane non circa *precipuas* sui circumstantias, convenientia inesset, pro *novo* eum haberi debere, & pristinis quibuscunque nominibus non commode censer, nemo dubitaverit. Sin autem ex adverso morbi occurrant, evidente *indole*, *ordine*, *typo*, antiquissimis pares, sed in aliqua solum circumstantia ab istis divertentes, absonum profecto sit, pro *totis novis* hosce venditare. Quid notius, quam Febris *Tertiana*? quid certius, quam quod illa *legitima*, longe absit à *contagiosa* communicatione. Quid vero familiarius, quam ut etiam *Epidemice*, imò *contagiose*, grassari observetur? Ergone *Tertiana* dicenda non erit, neque *Febris* forte? Illa de qua nos hic agimus, cum statas habeat quotidie exacerbationes, & illis maxime *horis*, quibus *quotidiana* antiquorum: conveniat etiam cum ista, variis aliis circumstantiis: quia tamen *continua* est, quia *epidemica*, quia *macularum* ferax, propterea *quotidiana* nomen ipsi non conveniet? Nempe melius exhauriet & exprimet *indolem*, *Febris Castrensis*, die *Soldaten-Krankheit*; imprimis quando jam urbes invasit, *cives*, *infantes*, *fæminas*, obsidet; mirum, ni hos omnes, præter reliqua omnia, etiam *militēs* afficiat, & Castra ex oppidis atque vicis faciat. Ab hominum quidem vulgo petere, ut illi nomen inveniant, intimiori rerum indoli conveniens, absurdum esset; Unde quidem recte illi ex obviis quibuslibet circumstantiis appellandi occasionem arripiunt: At aliter docti facere debent & periti, neque temere pedibus in sententiam plebis ire, & absolute hujus ignorantiae sociari. Unde quidem vel illa adhuc tolerabilior est vulgi appellatio, quando ab evidente aliqua circumstantia, *maculatam* vocant hanc Febrem, *das Fleckfieber*. At vero Medicinæ adeo interest, ut *Febres*, quæ *typo* qualicunque conspicuæ sunt, hujus maxime nomine recenseantur, ut nulla *Methodus* legitima, neque *remediorum* exhibendorum, neque *regiminis* præscribendi, neque debi-



debitarum *evacuationum* expectandarum aut invitandarum, locum inveniatur, si hæc notitia defecerit.

(o) Soldaten = Kränkheit ) Febres Castrenses varie describi, audias non solum, sed legas etiam: Profecto vero, si vel mediocriter animum advertas, facile erit deprehendere, quod varietatis præcipue rationes, longe evidentius *accidentalibus* circumstantiis causarum *concurrentium*, tribui mereantur, quam directæ indoli affectus *in se* spectati, imputari. Tria vero cum primis prudenti pen- sationi pro hoc scopo commendo. I. *Regimen* castrense; in *nudi- tate* propemodum, *frigore*, & *aëris* injuriis, (*nocturnis* præcipue, & sub tempestatum impetu) *æstu* vix tolerando, *diurno*, & sub miseris illis casis, quæ vix sedentis hominis altitudinem commode ferant: *Decubitum*, in nuda, & subinde *uda* humo: In *potus* qualitate & quan- titate nullam regulam, nullum moderamen. II. *Dietam* Castrensem; *Prægressam*, in frequentiore inopia *ciborum*, panis duri, ficci, situ confecti, necessario usu; rariore quidem, sed tamen ubi occasio fa- veat, certissima *ingluvie*, & omnibus modis atque generibus effre- ni luxu & libidine: *Potus* autem, tum ante morbum, tum in morbo, impurioris aquæ; fæculentæ, male dilutæ, vappidæ, acidæ, cere- visia: vinorum quoque variè adulteratorum, spirituum ardentium. III. *Medicationum*, monstra & portenta ut plurimum: Melio- rum vero etiam, necessarias *heteroclises*, sub nullo, aut adverso pe- nitus, regimine. Sicut etiam hodiernarum largius *opiatarum* me- dicationum abusus, *deliriorum* proventum locupletare, mihi certe nullum est dubium: & certissime quidem in tali *regiminis* Diaphoré- tici vel defectu, vel incondito & intempestivo usu. Hæc talia qui- dem, morborum in se satis *typicorum*, diversa posthac producere Schemata, uti vix quisquam dubitare poterit; ita contra adhuc ma- jor est, & quovis modo justior, dubitatio, quantum solidæ veritatis in ejusmodi variis *relationibus* insit, quæ jam à *Chirurgis* castrensis, jam à *Medicis* castra secutis, proponuntur. Certe enim ne urbicos quidem Medicos promiscue, observationibus recte consignandis, semper pares esse, puto neminem contradicendum: Nedum om- nes illos, quos communiter castrorum stipendiis sese addicere videmus: Optimos enim quoslibet Medicos, castris, aut pestilen- tibus



tibus urbibus, sese dicare, non est adeo recepti moris. Interim per morbos *Castrenses*, è nostri vulgi acceptione, communiter intelliguntur, *Febres contagiosæ*. *Epidemicas* esse dubium nullum est; *Contagiosas* etiam, sed dispari tamen subinde vehementia: Certissime vero inter morbos *vulgo grassantes*, & valde *contagiosos*, aliquam adhuc subesse differentiam, non est dubium; tanto minus autem, quod etiam ipsa contagiosa indoles *gradu* subinde variet.

(o) *Erhebliche malignitatem*,) *Scorbutus* in Chronicis, *malignitas* in acutis, sunt hodie ingentia subterfugia, quibus omne, quod aliter exprimi non potest, per brevem manum imponitur, & imputatur. Negare, quod detur *peculiaris* morbus, qui *Scorbutus* alicubi appellari solet, & omnino *peculiare* nomen meretur; quod aliqua *peculiaris* constitutio, in *contagiosis* præcipue *Febribus*, detur, quæ *peculiari* nomine, *mali moris* seu *malignitatis*, notari digna sit: Hæc, inquam, negare certe novatorium esset: Interim latissimam illam expansionem utrorumque horum nominum, ad quaslibet anomalias morborum, etiam per mirificas frivolas medicationes varie turbatorum, temere diffundere: aut negare, quod tales affaniæ inter triviales Medicastro quotidie ad fastidium usque occinantur, utrumque certo pro nugatorio habendum, serio arbitror. Quod vere detur *malignitas*, & in quonam illa proprie fundata sit, peculiari Dissertatione tractatum habeo: Ubi etiam simul statuo, quod illa *κακὸνθεῖα* proprie *contagiosis* morbis conveniat. Interim sicut ibi monstro, quod totius hujus malignitatis *materiale*, proprie sit *justarum* & *debitarum periculosa* *materiæ exonerationum*, *impeditior successus*: Ita maximopere profecto distinguendum est, inter malignitatem talium morborum *essentialem* & *intrinsecam*; & *accidentalem* atque *adscititiam*: Agnosco, quod omnes tales morbi ad excretionum maturarum *anomalias* subeundas propendeant: Sed & tanto magis, per *accidentales* causas, & in his ipsas perversas *medicationes*, sæpe sæpius demum in actum deducantur, quod sponte factum non fuisset. Valuit hoc etiam in præsentis tractationis Febre. Quæ utique meliore anni tempore & tempestate, provido patientis regimine, perita atque circumspecta methodo & medicatione,



tionem, in innumeris subjectis, ita *tranquille, ordinate, moderate, secure, salutariter*, successit atque cessit, quam ab ulla alia febre expectare possis. At vero utique, prædictis circumstantiis contraria ratione constitutis & institutis, contrarium etiam fuisse morbi morem, quilibet facile hariolabitur. Loquimur itaque, manducente nos in primis ipsius præsentis individui vera historia, de constitutione huius affectus, qualis utique *sibi constans & sibi sine perturbatione relictus*, esse solet. Ubi nempe optandum profecto est omnibus, qui rerum cognoscere causas, imo deducere, illas, in se suscipiunt, ut distinctas habeant cogitationes. Quod *in se malum* est, *per accidens* (immediate, & sine contrariorum occursum,) *nunquam fit bonum*. At, quod *malum* est, gradu augescere & in *pejus* ruere, imprimis autem concursu plurium, malitiam illam intendentium, rationi consentaneum est. Ita sane etiam *malignitas*; Si à propria sua indole, maxima malignitate polleat aliquis morbus, oportet sane ut absolute in omnibus individuis illa sese exserat: Sin autem hoc non facit, sed potius ibi maxime talem sese gerit, ubi manifestæ adsint, *accidentales* causæ per individua, minime certe gradum illum malitiæ, ipsi affectui *in se*, directe imputari posse, facile perceperit, cuicunque est aliquod acumen iudicandi. Ita sane hic etiam morbus sese gerit; ita pleræque omnes reliquæ *malignæ*: ita ipsa omnino *pestis*. Ab ipsa enim *peste* quoque, ita satis *tranquille* decubuisse, imo evasisse, varios patientes, vel ab ipsismet audivimus. Sed inventa est etiam huic rei machina; nempe Sanguinem apud aliquos homines ita *Balsamicum* esse, ut malignitatem causæ morbi præfocet, & statim in bonum convertat. Sed profecto petitiones principii perpetuæ instituendæ sunt, si respectus habeatur ad Expectantiam; ubi innumeri athletice valentes, & ab omni sinistra valetudine alienissimi, illud *malignitatis* grave incommodum quam maxime experiuntur: Teneriores vero alii, imo debiles, & alias (modo non ex intimis *visceribus*) valetudinarii, modo sponte & suo, aut alieno arbitrio, *continentiam* adferant his morbis, quantum potest *patientem & tranquillam*, plane dispari modo, respectu symptomatum illorum, sese habere observantur.



Ita nempe, ut breviter complectamur negotium, *Malignitatem* ipsam ante omnia agnoscimus, in *febribus contagiosis*, & in *venenis* activioribus; deinde in quibuslibet aliis valde *ambigui* successus & eventus, morborum quorumlibet exasperationibus. Dum ipsa *Malignitas* proprie nihil aliud est, quam *summa difficultas*, *consuetas excretiones* ita *instruendi*, ut *materia*, *mole pauca*, & *energia corruptiva* valde *efficaci*, ita *exacte* atque *tempestive* *satisfiat*, ne priusquam debito, tranquillo, ordinato atque subtili, evacuandi modo atque motu, hoc ab-solvitur, *ingens materia noxia* *efficacia* interim *prevaleat*, & *irreparabile damnum* inferat: adeoque omnes actus vitales incassum cedentes, tandem à priori omittendi sint, æque, ac à posteriori, fatiscentibus etiam sensim humoribus atque viis, sponte fatiscant.

Hujus rei *gradus* dari, tam ex ipsa sui indole, quam per accidentales causas concurrentes, nullum est dubium. Potest enim ipsum *Contagium*, *halituosum*, *putredinosum* *fermentum*, uno tempore penetrantius esse, quam altero: potest etiam *anni temporis* atque *tempestatis* conditio, activitatem hanc modo juvare, modo morari: ipsas vero *excretionum*, *intentiones* æque, magis à priori, quam vias & successus, quam multa & quam facile possunt perturbare?

Cæterum, quod *placida* illa, tenuis atque tenera metho-dus, ad *halituosum* miasma, parva quantitate per massam humorum disseminatum, *halituoſa excretionem*, placidis, sed tamen perpetuis, motibus & successibus, è corpore eliminandum optime respon-deat, universæ harum rerum proportioni attentam consideratio-nem, non potest fallere: de qua re plura proprio loco. Confer. etiam *Disp. de Malignitate*.

Ansteckung = . . . dieses schlimme Fieber recht endemisch.) *Contagiosa* certe est hæc febris; neque tamen ipsa solum, sed etiam ipsi *catarrhi tenuiores*, *coryza*, *mucedines*, atque *tusses*. Interim illud, quod modo de *malignitate* dictum est, valet etiam de *contagio*: quod videlicet activitas ejus, variet, secundum modos & circumstantias ibidem allegatas. Illud enim certissimum est, quod hæc etiam febris, æque ac alia *contagiosa*, diversis temporibus atque locis, ipsa quo-

quoque hac *invadendi* energia plurimum variet. Ita enim aliquando *plures* homines in eadem domo *simul*, aut intra paucos certe, dies, invasit; alias tarde: imo observatum est, in aliquibus familiis, *menstruis* spatiis intercedentibus, alios demum correptos esse. Interim quo major est, allegato sensu, *malignitas*, eo promptior, etiam est communiter *contagii* communicatio.

(q) Unruhe/ daß man sich mit Bewegung und Fortlegung der Glieder zu helfen vermeinet. ) Revera non solum in hac febre, sed variis etiam aliis, si non absolute omnibus, familiarissima est hæc *inquietudo*. Quando quam maxime levis, & veluti languida apparet, appellat vulgus hominum *languorem*, Mattigkeit; verius *lassitudinem*, Müdigkeit. Revera enim in ipsa etiam lassitudine, insignes laboriosas fatigationes insequente, sensus quidam *positivus* gravativus concurrit, unde vernaculæ loquendi formulæ, müde seyn/ als wann alles an einem zerschlagen/ aut secundum alios, als wann man geprügelt wäre/ einer seye so müde / die Glieder seyen einem so schwer/ daß ihn verdrieße einen Arm aufzuheben / einen Fuß fortzusetzen: Die Müdigkeit liege ihm in den Gliedern: & in febribus, der Patient könne vor Mattigkeit / oder auch wohl vor Müdigkeit nicht schlaffen. Quæ omnia verum talem *positivum sensum* fatigationis, gravitatis, tensionis, exprimunt. Ubi certe omnimodo notabilis est allegata illa a nobis artuum *irrequieta motitatio*, quantisper sibi levamen aliquod conciliare patientes student, ut subinde *situm mutant*. Quo actu *spasticam tensionem*, uni diuturniori situi mox supervenientem, extensione illa, & transpositione arbitraria, expedire satagunt; & revera tantisper novo suscepto motu, priorem illum aliquandiu dissolvunt: interim superveniente mox, etiam modo mutato situi, pari tensionis molestæ sensu, hunc etiam, & ita iterum iterumque, mutare impelluntur.

Hoc quidem de *inquieta* illo sensu, nullius tamen expressi doloris, ita valere potest. Procedit autem sæpenumero ad actuales, etiam *vibrationis* insultus & hoc quidem tam in *artibus*, mediis imprimis, *ulnis* & *suris*, quam imprimis in *dorsò*, a summis scapulis, ad infimos lumbos.



Talia quidem in *adultis*. In *Infantibus*, nota est, certe ex harum rerum exacerbatione procedens, *convulsionum* syndrome; sicut etiam, tum apud infantes, tum pueros, imo adultiores, *pavores* in somno, locum manifestarum convulsionum subinde occupare solent.

Conspirant etiam hæ res inter se, quod tam *dolores* illi, quam *convulsiones*, *palpitationes* atque *pavores*, non quolibet morbi tempore, sed in initio inprimis & *incremento*, & primis status diebus, *vigere* soleant; non æque vero per universum decursum morbi *continuari*, ad minimum non pari impetu; nisi quidem magnitudo morbi diutius persistens, & hunc *sensum* pro comite insolito adsciscens, ambiguum exitum eo ipso portendat. Alias vero solent illi manifesti *spastici dolores*, inprimis cum *paroxysmorum* insultibus simul exacerbari, ut, licet etiam, rarius tamen, quasi continuo quodam sensu molesti sint, cum *paroxysmis* tamen nimium quam sensibilibiter exasperentur.

(r.) *Bermendung vieler Herumwerffens*) Si in ulla re plus justo deficit historia Clinica, in eo certe deficit, quod *tempestivas eruptiones sudorum in febribus*, inprimis *acutis*, aut plane *malignis*, nusquam diserte re condigne commemorat, nedum, quod profecto conveniebat, inculcat. Eant ergo in Anticyram, qui ridicula illa sua eruditione & industria, quicquid forte ex uno aut altero, de reliquo ipsis minimi æstimato (nempe *privato*, non *classico*, ut distinguunt,) scriptore Practico, Clinico inprimis, oblatas sibi observationes, ejusmodi justissimis admonitionibus opponere, pro magna, aut certe sua sapientia, libenter venditarent. Insipidum certe hoc est, & longe alienissimum a reliquo fastu. Illud in quæstionem venit, ubi reliqui universi, *Classici*, imo Dogmatici, *Doctores*, imo illi ipsi, qui nos hæc talia singularium singularia, docere sudant atque lucubrant, *solenniter & ex professo*, condigne certe ut merentur, hæc talia ad *solidam historiam*, *theoriam*, atque *therapiam* morborum pertinentia, notaverint. Pudet certe & piget, *offensiones* circa talia *publicas*, imo *tralatitias* allegare, quomodo sudores in febrium *paroxysmis*, in *maximo* illorum *astu* erumpere, & æstum hunc proprie sudores illos emoliri, non modo proponitur, sed etiam exponitur, & ad-

versis



versissima ratio ad *therapiam* inde formandam supponitur. Certe immensum quantum majore numero, *feminae* ægrarum curam habere consuetæ, quin reliqua plebs, quam Medici *communium* dogmatum compotes, hoc sciunt atque cognitum habent, quod ingentes illi, atque etiam diuturni febrium *æstus*, nunquam proferant *sudores*, sed *sicci* penitus sint. Quod etiam universo illo *vegeti æstus* tempore, ne quidem per *medicamenta* & *regimina* sudorifica, obtineri valeant ejusmodi excretiones: quin potius patiens inconditis ejusmodi tentaminibus, longe facilius in summas *angustias*, *anxietates*, *ardores*, *internarum inflammationum* pericula, *mentis motiones*, & potius morbi, in primis delicatioris, *perturbationem*, conjiciatur. Cum ex adverso, illo tempore, quo *æstus* *intepescere* incipit, imo sæpe numero sub regimine nude *privativo* (quod tantum actualis refrigerationis admissionem excludat) non solum *spon*te, sed etiam *affatim*, fluat sudor.

Et hoc quidem semper cum *levamine* patientis, ad minimum majore, quam si non fiat: & imprimis, si non prorsus *instantaneo*, tamen *in succedentes paroxysmos* plurimum valente. Nos præsentē loco illud in primis notatu dignum ducimus, quod, ut alios, ita hos in primis, & adhuc delicatiores, *magis maligniorum sudores*, tam in ipsa illorum eruptione, quam continuatione, atque debito gradu & æqualitate ejusdem, mirifice juvet *placida corporis continentia*: obturbet autem & confundat *impatiens inquietudo* atque *jectigatio*: non solum propter *frigoris* temere ita irrumpentis forte, sensum, poros superficiei corporis ita promptissime stringentem: sed revera etiam propter reliqui interni & externi systematis *tonici*, hoc tempore, in primis autem in *malignis*, *exquisitisimi*, adeoque *sensibilissimi*, faciliorem *perturbationem*.

Es ereignet sich auch solcher gestalt nicht anders als ein fleiner Dunst oder Duff.) Certe si illi qui nomen *mechanica* quasi semper in ore habent, etiam ipsam rem solerter pensitarent, fieri non posset, quin animadverterent justissimam *proportionem*, qua in febribus *contagiosis*, quarum materialis causa *halitus* forma in corpus irrepsit, excretio hujus etiam nulla alia, quam *halituo*sa forma, *commode* & *convenienter* fieri possit. Quo intuitu melius sine dubio agno-



agnoscerent, non solum *a priori*, quod evacuationes *crasfioris* consistentiæ atque formæ, materiæ tali halituosæ indolis, minime quadrare possint: sed etiam *a posteriori* intelligerent, quam ob rem ab ipsa *peste*, usque ad mitiorem quamlibet *contagiosam* febrem, nunquam, nisi per *individua*, plane per *accidens* talium evacuationum, molimina occurrant, & communiter morbi reliquum *decursum* & *exitum*, longe magis ancipitem & *alienis* pluribus symptomatibus anxium efficiant & laboriosum, quam ubi sine illorum conatibus, *tranquilliori* huic excretioni, magis directæ & unice intenta atque invigilans observatur Natura.

Magnificum autem tum hujus *excretionis*, tum illi velificantis *quieta continentia* exemplum & exemplar, jam pridem exhibuit orbi *pestilentissimus* ille affectus, *Sudor Anglicanus*. Hujus enim antequam indoles hominibus, per exempla tanquam experimenta, innotesceret, vix quisquam prehensus evadebat, quin intra paucas horas interiret. Postquam autem alii fortissimo illo *scapularum* & *thoracis spasmo*, alii conjuncta insuper *fatigatione* seu virium defectu, aliqui *indolis* suæ, & boni genii, patientia, ultimi tandem exemplo & consilio, quantum per vires licebat *quietissimos* sese continebant, erumpente *vaporis visibilis* instar halituoso sudore, a mortis periculo, & in primis mox ab *impetu* universi morbi, liberabantur: sicut ex adverso, qui impatientes & incontinentes, corporis *jactationi* indulgebant, nulla tempestitiva hinc subsequente *excretionis* talis ventilatione, cito & certo moriebantur. Neque profecto negliger legi, sed animo sedulo adverso intelligi debet, observatio illa, quam recenset Sydenham, de juvene pestilenti febre correpto, cum perpetuis *vomitibus*, cui etiam quicquid ingerebatur, non aliter quam stimulo novo suppeditato, id revomebat: cum vero Medici consilio, in lectum repositus, & sub quantalibet *quieta continentia* sudorem expectare jussus esset, hoc impetrato, absque ullo alio medicamento, non solum omnia illa *vomitionis* & *anxietatis* pathemata remiserunt, & prompte atque constanter melius habuit patiens: sed etiam, cum post aliquot horas, *refrigerationi* & *inquietudine* denuo locum dedisset, statim recrudit pristinorum symptomatum impetus: qui tamen denuo circumspectius observato con-

veni-



veniente regimine, & quantum satis erat *continuato*, iterum subse-  
dit, & ultimæ justæ atque debitæ totius morbi methodo, in debi-  
tum successum instruendæ, locum præbuit.

(s.) Insgemein erfolgte maculas.) *Macularum* eruptionem hoc  
loco inprimis succedere monui, valde sensibili tali *tendentis atque tra-*  
*bentis* doloris sensui, tam circa *dorsum* quam *artus*; quod etiam de  
solito, vel ut *ordinario*, *sibi* magis *relictæ* morbi decursu, omnino cer-  
tum atque firmum est; interim revera etiam *maculas* illas variis mo-  
dis, *exasperari* & *exaggerari* posse, tam certum est, quam *variolas*,  
*morbillos*, imo vel benigniores *cutaneas efflorescentias*, medicationum  
fortiorum interventu, præter solitum *cumulari* posse. Breviter au-  
tem respondere soleo quæstioni: an *petechiales macula* huic feбри per-  
*essentiam*, an vero per *accidens*, obtingant? Quod quidem *accidens*  
hujus febris sint illæ maculæ, & non absolute *de essentia* ipsius: inte-  
rim *maculas* tales proferre, utique huic feбри præ aliis *essentiale* sit: si-  
ve ut alias loquuntur: quod maculæ huic feбри *proprie* sint, & qui-  
dem *soli*, sed tamen non *semper*. *Potest* hæc febris, motu etiam ex-  
cretionis febrili statò, *maculas* tales excernere, imo *solet* familiaris  
hoc facere: non tamen absolute necesse habet illud facere. Eo-  
dem responso satisfieri potest, etiam alteri quæstioni, an excretio  
macularum in hac febre *critica* sit, an vero pure *symptomatica*? ple-  
rique omnes quos circa hanc quæstionem legere contigit, pure *sym-*  
*ptomaticam* pronuntiant. Ego experientia certè non exigua, sed nu-  
merosa edoctus, non possum nisi *criticas* pronuntiare: Eo tamen  
sensu, ut, primo, non tam intelligam *crisin exquisitissimam*, diebus,  
imo *horis* plane, determinatis alligatam: sed tamen *eccrisin* utilem,  
& saluari efficaciam longe propiorem, quam nudo indifferenti *even-*  
*tui*: nedum *noxio* cuidam & *periculoso* effectui, quod alias *symptoma-*  
*ticis* commotionibus excretoriis, proprium tribuitur. Deinde *ex-*  
*cretionem* hanc intelligo siue magis immediate *sibi relictam*, siue, de-  
center solum & moderatissime, expeditam magis, quam promo-  
tam: non vero neque intempestive *retardatam*, neque præcipitan-  
ter aut intemperanter *incitatam*: Cum talibus conditionibus ubicun-  
que contingit, *salutaris* potius, sane quoquomodo non penitus inu-  
tilis est; nedum recepto sensu *symptomatica*, nempe non solum pe-



nitus *inutilis*, sed etiam *viribus exhauriendis*, aut *alieno motu* veræ excretioni detrimentum afferre, par & idonea.

Illud non mihi solum, sed plerisque illius districtus hominum cætibus satis innotuit, quod diversa medicandi methodus, invarianda etiam hac *eccrissi*, mirum quantum valeat. Ita enim qui mea methodo utebantur, & rarius, & parcius, & pallidius *maculas* tales exhibebant; *criticis* etiam, aut certe proxime, *temporibus*: cum diversis methodis, non solum *frequentius*, imo quasi *ordinarie*, sed etiam *copiose*, quin *impetuose*, maculæ tales prorumperent, *colore* quoque saturatiore: subinde etiam nimium quam *præmature*, antequam ad eruptionem tempus suppeteret, ægri cum summis angustiis expirarent. Interim etiam quietiori affectui, & exanthemata nulla, aut parcius atque mitius parturienti, *tardius* sed *intemperantius* ex improviso inducta vehemens *expulsoria concitatio*, in eadem discrimina præcipites egit patientes.

Illud familiarissime ubique gentium nostratium notissimum est, quod in eadem domo, inter plures hujus febris contagio prehensos, non solum diverso, sed, quantum mihi observare contigit, etiam *plures sine maculis* non solum decumbere, sed etiam morbum superare contigerit: iterum tamen de illis loquor, qui vel *aliena* medicatione, vel *quacunque* tandem artificiali, non æque usi fuerant.

Diarrhœam, als wozu es gar sehr incliniret &c.) quoniam de hac circumstantia peculiarem considerationem subjungere constitutum mihi est, propterea in præsens quidem illam præoccupare supersedeo.

Böse Hälse und aphthas :) in nulla profecto febrium specie, quæ mihi quidem occurrerit, *familiares* ita sive *anginas* sive *aphthas* observavi, ut in præsentem nostra. Illud ausim definire, quod sicuti *macula*, recte exeuntes, & cæteris paribus, huic feбри ad salutarem exitum tendenti, *familiares*, & dicto modo *proprie* sunt, ita ad funestum exitum inclinanti *aphthæ*. Certe sine *aphthas* paucos mortuos memini: qui vero *aphthas* vel mediocriter *insolentibus* correpti essent, neminem superstitem recordor. Plura post.

Ohne Medication.) Certe, cum prodigiosam illam varietatem,



tem, etiam in omnia diversa euntem, ordinariè quoque à se ipsa dis-  
fidentem, *hodiernæ febrium pathologica theoria*, non sine sollicita profe-  
cto pensitatione cum ipsa re, & obversantium indies febrium indole  
atque vera historia, compararem, & ita satis facile, per Dei grati-  
am discernere, quid febris *universale*, apud *omnes* patientes, *essenti-*  
*ale*, quid contra apud *pauciores*, *particulariter*, *accidentale* contingat:  
non potuit non in sensus incurrere, quod tractationis atque medi-  
tationis in hoc genere posterioris, non ultimæ sint partes: unde na-  
tum mihi consilium, quanta possim attentione, pervestigandi mo-  
resejus, quos exhibet *tota sibi relicta*, nec aliter, nisi forte patienti-  
um incuria aut impatientia, in transversum acta. Ubi iterum di-  
stinguere laborabam patientes minus delicatos aut morosos, ab il-  
lis qui contrario modo affecti comparebant.

Sub hac methodoprehendi, quod hæc febris omni modo  
sit, qualem descripsi, *lenis*, imo quasi *lenta* in suo genere: à *commo-*  
*tionibus* turbulentioribus, tam tempore, quam impetu, atque loco,  
aliena. Imo vero, cum etiam hoc intuitu oblatis hinc inde occasi-  
onibus, ab illis qui ipsam *pestem* superaverant, in has circumstantias  
inquirerem, & Authorum varias observationes conjungerem,  
quomodo *bubones* & *anthraces* subinde prorsus orthostadiis erumpe-  
re; quotquot autem vehementioribus commotionibus corripun-  
tur, maximam partem, & velociter, interire soleant: adscita in-  
super his rebus, illa harum febrium indole, qua ordinariè pulsum  
*parvum*, & ut vulgo loquuntur *debilem*, sovent: & tandem animad-  
vertendo, qui *febre* quidem, sed *placida* tamen ita laborant, certi-  
us evadere, quam qui aliis commotionibus evacuatoriis corripie-  
bantur: quos potius pessime habere, vitæ non solum periculum  
adire, sed damnum ejus familiariter subire, animadvertēbam: a-  
gnovi hinc tanto facilius veritatem constantem hujus observationis,  
& ex illa etiam posthac intellexi veram atque justam *mechanicam ra-*  
*tionem* atque *proportionem*, solitæ salutaris excretionis hujus febris,  
cum motuum *placidorum* typo atque instituto. Péperit mihi profe-  
cto hæc observandi methodus, etiam circa alias febres adhibita,  
longe aliam considerationem, tam *motuum* quam *exituum* diverso-  
rum, qui in diversis *febris*, differentibus *materiis*, cuique seorsim,



manifesta quadam *proportione*, tam *physico-mechanica*, quam *moralis*, adhibentur, non magis quam debentur: ita ut *muffitationes* illæ antiquæ, de *pugna naturæ cum morbo* (quam illi neglecto *mechanico-organico* apparatu motuum *excretoriorum proportionatorum* non poterant à priori docere:) satis liquido in rei veritate fundatæ comparerent &c. &c.

(t. u.) Diarrhœæ Nutzen oder Schaden.) De hoc negotio seorsim agere pollicito, eo tractationem hanc integram differre, incumbere videtur.

(x.) Gelinder Schweiß/nicht ohne merckliche Erleichterung.) ita omnino est, amant atque servant hæ febres *sudores lenes*, seu *transpirationes* potius; nempe excretiones tantum halituosas, cum materia excernenda non *crassa* sit, sed *vaporis* consistentiam præ se ferens. Quamvis autem in aliis, quarum materia adhuc majoris efficaciam, & præsentioris periculi sit, hujusmodi *excretiones* etiam *continuo* quodam motu & successu gaudeant; in hac tamen, revera *paroxyzante* specie, evidentiores excretionis talis successus atque progressus, occupant inprimis nonnihil *intepescentis paroxysmi* tempus, adeoque post remittentem præcipuum æstus impetum, sese exserunt & emergunt. Incidunt illi, quando omnia reliqua, satis recte conspirant, in tempus *summum matutinum* sequentis diei, quo maturius, eo melius: & obvenerunt mihi ejusmodi exempla in subjectis continentioribus, & assumptis eo tempore lenissimis alexipharmacis, ut tertia hora matutina, exortus *lenis* ejusmodi, *lenis halituosus* sudor, mox ipso primo, alibi vero tertio aut quarto paroxysmo, patientes ita exquisite sublevaverit, ut illi jam inde, non solum nihil gravius, sed omnino levamen evidens, & indies magnis progressibus increbescens, & in bonam firmam sanitatem transmigrans, hinc experti sint.

(y.) Wer sich nicht warm hielte) *Mensura caloris* febribus malignis conveniens, juxta meam æstimationem & amussim, major non esse debet, quam quæ omnem sensum frigoris excludat. Unde, ut alterum extremum, positivæ nimiae & *anxie concalescentionis*, non multo minus ancipitis & periculosi effectus, quam refrigerationum, (licet non æque præcipitis) evitaretur, quantum  
possum



possum distincte, & quasi graphice patientibus inculcare consuevi, ut non æque *anxie*, sed unice quantum ad *sensum* frigoris amolendum sufficeret, opertum servare corpus, curæ cordique habeant. Interim de *actuali refrigeratione*, etiam unius minus assuefactæ partis v. g. *pedis*, (proprie, tanto magis autem latius dicti,) impatiens denudatio, aut plane contra murum frigidum plantatio, tum etiam *pectoris*, inprimis profundior ad scrobiculum cordis usque denudatio, multas & graves in hoc genere turbas & periclitaciones post se trahere compos est.

Ut maximi in historia febrium, & sane merentem, facio *Sydenbami*, ita commoda certe tali interpretatione fulciendam duco ejus admonitionem, ut patientibus, *epidemicis febribus* male habere incipientibus, quamdiu per vires possint, decubitu in lectum interdicator, sed potius orthostadii manere moneantur. Sane de *lectis plumaceis*, aut stragulis etiam quantumcunque *densioribus*, & ad coalescendum promptioribus, imo vero de profundiore & operosiore *incarceratione* in talia tegumenta, valet omnino Authoris monitum. *Orthostadium* vero quantumcunque *coactam*, ante omnia quæ ulli refrigerationi occasionem præbeat, certe serio dissuaserim in omnibus affectibus *acutis contagiosis*, inprimis autem *tenerioribus* quibuscunque subjectis. Alia enim certe res est in vita *castrensi*, ubi diuturno habitu vita illa in libera, aura, & nuda humo assuefacta, multum detrahit illi sensibilitati, quæ prorsus aliter constitutis, non solum urbanis, sed mollibus etiam hominibus, familiariter obtingit. Enim vero & Cives minus delicatos, & Rusticos laboriosiores, & ejusmodi diuturniore *orthostadia*, æque atque minus exquisita caloris æqualitate, non tam certo atque cito paria pericula incurrere cum tenerioribus, manifestissimum est.

Interim illud quod de *aphthis* hic in textu dicitur, & paulo superius in scholiis indicavimus, constans nobis atque certum semper occurrit, inprimis etiam illud, de funesto exitu, si *prevalerint*. Hoc autem quod *prevallere* dicimus, communiter profecto paucissimo temporis ambitu comprehendendi apparuit, inprimis quando *impetu* quodam ingruere continebat.



Quamvis alias minime contemnamus solertiam *Martini Listeri*, in hac tamen re magnopere desideravimus Viri prudentiam, quando pro novo penitus consilio, ad eripiendum ægrum gravi illi periculo, quod ab hoc symptomate patientibus impendere non dissimulat, affert, ut *patiens simulatque hujus rei indicia emicent, e lecto levetur, adeoque ab omni concalescentia removeatur, & mox cortex Peruvianus affatim ingeratur.* Ego quanquam certò scio, quod hac methodo, tam refrigeratione, quam aliena & contraria usitati corticis Peruviani efficacia, patientibus hac ratione certius acceleretur quam avertatur exitium, malo tamen ex ipsa nuda hypothese, quam dubia fiducia de corticis hujus efficacia ad omnes febres in genere, monere, quod serum profecto, & minus consideratum, hoc videatur consilium. Cum enim ex hac hypothese cortex hic *aphthas* non directe, sed per indirectum, cohibendo *motus febriles*, a quibus istæ excitantur, compescere & curare debeat, nemo certe facile intellexerit, cur non *mature febrem ipsam totam ita eradicare* expediat, sed *expectandum* prius sit, donec illa, *ultimo hoc periculo*, & acerbissimo sui symptomate, *efferrata*, ægrum portis mortis admovissè sentiatur. Profecto vero, qui hujus generis res, etiam circa vitam hominum versantes, recte & condigne pensitaverit, duras illas *Gideonis Harvei* expressiones, quas hinc inde non solum in res, sed ipsas subinde personas stringit, ipsis veris meritis adhuc molliores esse, nisi quidem ipse particeps sit talium, non poterit non agnoscere.

(aa.) *Starb . . . sein zeitlich.*) Omnino ita esse, uti verba inferunt, provoco ad experientiam. Moneo saltem ut nervus, quem brevitate sua involvunt, non negligatur. Innotuit ferè hodie latius, quid in *Variolis*, tum etiam *morbillis*, possit imprudens immodici regiminis æstuosi excessus, quantum *inconstantia* introducere soleant, *præcoces* exanthematum eruptiones, & quam familiariter funesto eventui occasionem præbeant. Valet profecto idem neque quidem pro reliqua proportionem, sed prorsus exinie, etiam in *petechiis*. Præmaturæ, & *nimis commotæ*, familiariter efflorescunt & largiter, & saturatiores, ut plurimum: sed non *subsistunt* bona fide: *fluctuant* potius, emicando recedendo, angitur & opprimitur *patiens* partim *turgescencia*, partim *spasticis angustis*, & inquit



inquietudine interna & externa, quibus rebus, etiam occasiones ulteriores subministrantibus, prompte succedit illud *faucium vitium*, cum funesta catastrophe: In magis *plethoricis*, incondita talia *regimina*, sed tanto magis etiam *fervidioribus medicamentis* suffulta, etiam nimis quam præcoces lethales angustias & oppressiones introducunt.

Verbo, uti *refrigerationes* inconsideratæ, inprimis cum jectigationibus impatientibus, tempestivas *eruptiones*, aut halituosas *excretiones*, impediendo, circa dies criticos funestis eventibus viam sternebant; ita immaturæ, & ab ipso universo horum morborum genio alienæ, vehementes *commotiones*, ad inanes expulsiones hydroticas, *placidum* morbi typum in *præceptis* agendo, sanguinem nimium *turgesfaciendo*, magnas *anxietates* inducendo: & ita *corporei* motus, & *animi intentionum*, typum pervertendo, etiam præmature & festinanter, in lethalem exitum homines agebant.

(bb.) Tumultuaria Empirica violenta medicatione, vomitoriis &c.) Bona cum venia Recentiorum, quotquot hujusmodi rebus favent, aut si hoc non possit, etiam sine illa, hoc dico, & profecto, volente Deo non magis constanter quam cordate stabiliam atque tuebor, quod *methodi*, a vera indole & proportionem reciproca, *materiarum febrilium* & *motuum excretoriorum* illis convenientium, alienæ, inprimis vero *fortibus insuper*, imo *violentis commotionibus* temerariæ, tumultuaria sint, & abjectissima ratione *empirica*: dum non medicamentum aut methodum, quocunque respectu morbo proficuum observatum, saltem minus intellecto modo aut tempore, tentant: sed nudis aliorum traditionibus, rudi quodam sectandi ritu, vestigia legentes, quicquid ipsis, *sine ratione atque fide*, persuasum est, cæco impetu imitantur. Quis vero sanam rationem Authorem sibi allegare ausit, ut materia, quæ *halitus* forma in corpus insinuata, in *humoribus* præcipuam suam efficaciam exserere, solita, & ex illis non solum *ordinarie*, sed etiam *tenuissime*, *universaliter* quoque, inprimis autem ita *salutariter*, è corpore *excerni*, chiliadibus exemplorum observatur, ut inquam hujus indolis *subtilis* materia, *crassi muci*, aut cujuscunque proluviei spissioris instar, & quidem è reliquo toto corpore, & inprimis humoribus universis, per ventriculum, aliquot *vomitibus*;



*tibus*, five tota, five ex bona parte, exonerari & ejici possit ? Quis eadem ratione, *ad & per* intestina talem materiam, quacunque tandem, certe ab ejus indole alienissima, consistentia, prolui posse credat, nisi omnia pariter credere idoneus. Quis illam *aquæ* instar, intra dimidiam aut unam horam, *sudando* effundere suscipiat, in universa massa sanguinis tenuissime, & in hac mole humorum verosimillime satis parce, distributam ? Quis rationem suffragantem habebit, quod non solum irritis, adeoque otiosis, sed etiam operosis imo violentis, talibus commotionibus, non potius positive *damnum* inferatur, ante omnia vero *typus & idea* proposita *motuum atque temporum*, ad justiores, imo unice *salutares* excretiones, *proportionatorum*, in transversum agatur, confundatur, imo quasi signo dato, ad alienos tales motus una seducatur prosequendos, justiores autem suos negligendos ! Mihi profecto, ratione duce, & Experientia teste, nullæ hæ sunt amplius *questiones*, sed nudæ atque simplices positiones & assertiones. Ingens argumentum videtur harum rerum fautoribus, quod tamen multi his methodis gaudeant, neque patientes promiscue inde pereant, aut pessime habeant. Quando vero occasio feret, ut vel *Gideonis Harvei tractatum de curatione morborum per expectationem*, cum *scholiis* rerum & historiarum, denuo in lucem edamus, aut de *Curatione equivoca*, proprium commentarium exhibeamus, speramus huic negotio satisfactum iri, ut quibus est aliqua intelligendi dexteritas, nervum hujus argumenti deprehendere discant, & fallaciis hujus generis confundi dediscant.

Quod *Vomitum* in his febribus concernit, ut ille *directe* ad hanc febrem absolute nullius usus est, ita ex adverso, vidi hujusmodi exempla, ubi post *Vomitiva* in initio data, decursus quidem morbi videbatur tranquillius succedere ; sed revera nulla alia ratione, nisi quod patiens *viribus* graviter deficeret : interim circa *criticos* e levissimis occasionibus denuo coorti *vomitus*, ut omnia reliqua turbabant, ita nisi nimium quam mature iterum desisterent, funestum exitum post se traherent. Vera sunt quæ dixi lineis hujus periodi ultimis. Wann es je obue = = = mercklichen Schaden abliesse. &c. &c.



(cc.) Weil dieses Fieber typica ist.) Dixi & iterum dico, malignæ hujus febris indolis, indicium est præcipuum, quod etiam *pestem* ipsam five *comitari* soleat five imitari. Quid autem ibi quasi certius deleterii habeat, unde vulgo hominum maculæ tales (si modo revera tales sunt,) die Todten Flecken appellari consueverunt, non habeo quod *decernam*. Hic certe Halæ, varias adhuc vidi, & audiui commemorantes, quod in postrema peste 1682. *petechiis* graviter decubuerint. Quod *suspicer*, omnino habeo: nempe *perversam methodum* & *remedia vehementia*, uti pesti (maxime tamen ab illis qui pesti non interfuerunt, aut Empiricis illis, quidlibet potius quam simplicia & vera fingendi & credendi avidis ingeniis:) destinari, ita *petechizanti* etiam pesti applicari solita, idem in *pestilentibus petechiis* patrare, quod in *nostris* patrant: idque inprimis ex neglectu non solum *typi* in genere, sed in specie hujus *longioris*, respectu *peracutarum*, septenarii, undenarii, quatuordenarii.

Non modo non dissimulo, sed quam maxime denuntio, notumque volo, quod aliquando maculæ hæ effloruerint mox ipso *tertio* aut *quarto* die: aliquando cum ipso *initio* morbi. Sed primo raro hoc contingit, imo per pauca individua: aliqua etiam horum veram *typicam* invasionem plane non senserant, inprimis illa de quibus dicimus, quod per *initia* statim ipsis effloruerint: erat præterea semel & iterum *peculiaris* talis totius illius anni temporis *petechiarum* quoque mos. Quibus ita eveniebant, *sponte* quadam sua, iis nihil eximii periculi portendebant: contra vero perpetuo, quando *arte imtimpestiva* impellebantur. Verum dico, & credo etiam aliis notatum: *tertianarios* vidi, ita leviter *continuitatem* sentientes, ut alterno die etiam *orthostadii* essent: hi sub paroxysmo, non uno solum, sed altero, tertio, *maculas* exserebant, cum paroxysmi impetu senescente iterum delitescentes. Ab alio Medico habeo, quod Vir hujus generis tertiana affectus, & ab illa iterum liberatus visus, retinuerit talem per aliquot dies, & reliquam *fatigationem*, & *crurum* prorsus osteocopam: exhibito *bezoardico cum regimine* diaphoretico, erupisse in pedibus copiosas *maculas*, quibus tandem successive atque moderatius evanescentibus, plenam euphoriam atque sanitatem successisse. Hæc vero particularia sunt, imo individualia.



(dd.) *Uderlassen*) Si usquam quicquam circa opiniones Medicorum diffidentes, peculiarem animi adversionem meretur, est profecto hæc *de Vena sectione in hac febre* disceptatio. Antequam meam sententiam denuo stabilire contendam, placet *Tilingium* de hac materia notare. Satis diligenter citat & allegat sententias diversorum Authorum, nec exiguo numero. Pro *affirmativa*, *Professores*, *Scriptores Classicos*, *Doctores* varios, neque paucos omnino: pro *negativa* etiam non nimis paucos, sed propemodum minorum gentium, arctioris nominis, *Præcticos urbicos*. Primo omnium ab his externis apparatibus abstrahendum est, & *pondera assertionum* pensitanda sunt. Affirmantes, unice *rationibus* utuntur, præterea generalibus, de *plethora*: nec usquam attingendum putasse videntur, an *febris* cum *plethora* concurrens, nihil *considerationis aut exceptionis* hic adferat: quin putaverint potius, ut sunt mores! tanto magis faciendum esse. Negantes, nudam *Experientiam* afferunt, non, singularem aut alienam, sed *suam*, aut certe cum sua. Quæro cui magis fidendum sit, *speculationi* (nam *ratio*, circumstantiis omnibus par, minime est,) an *observationi & experientia*? Profecto quicquid alii sentiant, ego *Experientiæ* calculum adjicio, & secundum illam rationes afferendas esse judico. Et optandum profecto esset, ut, qui dictis aut scriptis, alios in his rebus instruere suscipiunt, ante omnia cordi haberent, vel suam *Experientiam* sincere & bona fide pro fundamento habere, vel si sufficientem & constantem allegare non possint, aliorum *in praxi* locupletiore constitutorum adhibere, aut certe ad minimum non negligere, sed si nihil aliud, at pro memoria, uti jacet, consignare atque recensere.

Quod ad me attinet, & imprimis circumstantias illas, quid *Vena sectio in his febribus*, sive sibi de reliquo relictis, sive sub methodo placidiore & naturæ in universum convenientiore, effecerit? aliter dicere non possum, quam in epistola dixi, nempe quod ab illa quasi certo lethalis exitus successerit: Neque vero hoc solum, sed erant etiam spontaneæ hæmorrhagiæ, alibi per initia, alibi indicatoriis rarius criticis diebus, ita mali ominis, ut etiam ab illis communius funestus exitus subsequeretur. Ego certe illo tempore toties, magis privatim quidem sed tamen diserte, de hoc periculo non tam



verbis, quam oblati hinc inde exemplis, protestabar, ut inde Magistratus Civitatis, cum etiam ex ipsorum medio, & affinibus, unum alterumque exemplum meis præsagiis examussim respondisset, proprio motu balneatori atque tonsoribus in curiam vocatis, sub clausula pœnali interdicerent, ne patienti febriles insultus præseferenti, venam secare auderent, nisi Medicus consultus id suaserit. Erant enim qui libertatem hanc sibi nollent, (licet minime promiscue, sed nihilo magis sub certa atque firma electione, verum potius tanquam juris usurpandi causa,) eripi, sed illam hinc inde suaderent, quantum quidem mihi inde rescire eveniebat, rarissime cum felici eventu.

Minime nego, quod hinc inde etiam adhibita Venæ sectione, patientes tamen Vitam salvaverint; sed illud assevero, (1) quod etiam administrata Venæ sectio *usum nullum* habuerit, nedum *necessitatem* ullam. (2) quod nusquam *periculum* non post sese traxerit: (3) cui plane *peculiari methodo*, quamvis revera à Medicis minime intellecta, bono fato subventum sit: tali nempe, quæ *Venæ sectione non præmissa*, semper *periculosa* sit: (4) imo præmissa Venæ sectione, si incondite & *præmature* adhibeatur hæc methodus, nihilo minus lethalem exitum post se trahat.

Nemo profecto, nisi qui his rebus animum solertissime adhibeat, æstimare poterit, quantus usus sit *solida Experientia*, ad firmas *rationes sive theorias* colligendas. Notavit, & profecto quantum mihi liqueat, primus, *Sydenham*, de *contagiosis febribus*, quod in quibus *V. S. deliberata sit*, circa illarum *periodi finem*, exhibenda sint, quæ ille & populares ejus vocant, *Cardiaca*: alias, (quod quidem ille aliis terminis, juxta suam præfigurationem, eloquitur, rotundus autem sensus est) *mori ægros*. Rem ipsam profecto examussim dixit, nempe juxta nudam, sed sane solertem atque solidam experientiam: & ex eadem sine dubio, *Cardiaca* illa, non temere *statim*, & per totum decursum *equaliter*, adhibenda esse voluit, sed versus *terminos periodi criticos*. Interim nisi etiam hæc res magis *scite* quam solum *perite*, administretur, offensio evitari non potest, irrevocabile detrimentum post sese trahens: De quo mox.

Interim quod hæc methodo *præmissæ venæ sectioni solum necessaria* sit,



fit, ex eo dilucescit (1) quoniam, ubi Venæ sectio non usurpata fuit, non convenit. (2) ubi etiam usurpata fuit Venæ sectio, non nisi peculiari modo tempestive adhibita convenit: adeoque (3) neque Venæ sectio sine hac, neque hæc sine illa, grandi periculo vacat: (4) interim etiam utrinque, & recte adhibitæ, nihilo magis, nihilo melius, patienti conferunt, quam si omittantur: (5) imo vero tantum abest, ut certius patienti medeantur, præ alia methodo, ut revera longe majori periclitationi patientem exponant, quam contraria methodus. (6) promiscue vero, & ordinarie adhibita hæc methodus, certissime longe maximam partem funesta futura esset: (7) quod etiam sic satis sæpe ipsi evenit, quando etiam *pletboricis* dicatur, si illi *promptiores fuerint ad hamorrhagias*.

Nempe modus nocendi proprie in eo fundatur, quod sanguinis ventilatione, natura quasi signo dato invitetur *ad exonerationem, per sanguinis sinceri excretionem*; in primis parva illa quantitate, qualis apud nos in usu est pro Venæ sectionibus. Ad has, quando *criticis diebus* iterum respectat, & motus eo necessarios apparat, stringuntur his motibus illæ *viæ*, & invertuntur illi *motus*, quibus *excretio, horum morborum materia proportionata*, absolvi debeat. Unde illa materia non solum retenta, efficaciam suam in humores & corpus libere exercet; sed etiam *congestionem sanguinis hamorrhagica*, ad *supremam regionem compulsa*, tragœdias suas ibi agit, tum *internis sensuum atque mentis perturbationibus*, tum *exteriore illa aphthode oris interni, faucium, imo œsophagi & ventriculi, & probabiliter asperæ arteriæ, corruptione*, nisi mors maturius præverterit, *sphacelosa*.

Harum rerum Veritas, non ex *speculatione* sed *observatione* mihi innotuit: Rationes autem hujus, ex prudenti utique consideratione & comparatione.

(ee.) *Sudores* selbst en &c.) allegatis superius *Riverio*, qui calida alexipharmaca dissuadet, *Sydenhamio*, qui ægros quam diu per vires possint, lectis abstinere vult, hic merito tertium adjicimus recentissimum, *Baglivium* & hæc & alia plura, & profecto non leviter mecum sentientem, dum calidorum alexipharmacorum intempestivo usu, (tanto magis certe in calidiore sua patria,) maligna febre laboranti-

rantibus, *inflammationes viscerum* incuti, testem citat *antopssiam macularum gangrenosarum*, ita mortuorum in intestinis inprimis.

Nempe tantum abest, ut *impetuosam concitationem* aut *excretionem*, sudoris, in his affectibus operæ pretium fiat, ut potius ipsa ratio refragetur, quod late in humores diffusum *intra hanc forte spatium*, directe & absolute è corpore effluere possit.

Loquimur enim omni modo hoc loco, de *sudatione* vulgato more intellecta atque instructa, quando vel nudo *regimine* anxie calido, vel obtrusis insuper fervidi effectus *medicamentis*, sudor imperatur. Et hoc insuper, o mores! sine ullo intellectu & consequenter respectu *dispositionis* & *motus paroxysmorum*, quin potius *sub aestu*, aut, *versus paroxysmum*, id est, *versus aestum*.

Dolendum dicerem, si dolendo rei consuleretur, quod Veterum experientia non in animum admissa, nedum, quod omnino opus erat, *magis exulta*, præsertim propiorum temporum præposteris ingeniis, & discernendi impatientissimis, occasionem præbuisse videatur, ad promiscue & intempestive applicandum *usum sudationis pro febribus*. Cum enim rectissime Veteres passim innuant, quod *diaphoreses* omnibus febribus (nempe *qua talibus*) optime conducant, visum est talibus, *promiscue* tam ratione speciei, quam *temporis* & *mensura*, his eximiam illam laudatam efficaciam exhibere: nempe eleganter ad sensum plebejum: Des guten könne man nicht zu viel thun.

Ego *rationem*, sed prævia ubilibet *experientia*, Authorem facio, quod neque *sudatio* plebejo sensu, nec *intempestiva*, aut *intemperans* ad illam *commotionem* per *medicamenta* calida, sanguinem vehementer *commoventia*, locum in ulla febre habeant: *periculum* autem ingens in *malignis*.

Unde quæso illa, inprimis propiorum temporum etiam Medicorum querela, quod in *peste*, & febribus valde malignis, frequenter occurrant patientes, *spastica cutis strictura* adeo pertinaciter affecti, ut etiam si vehementer caleant, tamen in sudorem nullatenus impelli possint? Quæ vero scæminarum est, ægris subservire suetarum, quæ nesciat, anxios illos *calores* etiam benignius febricitantium, quibus *sub aestu* paroxysmorum, non modo fer-



vere, sed etiam rubere & turgere commoto sanguine, ordinarie, contingit, nihilominus tamen è pumice facilius, quam ex illis *eo tempore* aquam expellere.

(ff.) *Umnützes beständig-anhaltendes Schwitzen*) Eveniunt interdum hujusmodi casus, quando tum in *simplicioribus* continuis, tum *compositis*, respectu paroxysmi non adeo æque *intempestive*, sed solum respectu modi atque mensuræ, *immoderate*, copiosæ nempe, *sudationes* provocantur, & actu etiam obsequuntur: quin etiam forte adhuc minus tempestivæ, ante paroxysmum, aut sub fervidiore adhuc calore provocatæ, in subjectis ad sudandum alias admodum promptis (quamvis sæpius etiam hoc non sufficiat) etiam erumpant: *copiosæ* utrinque, imo *effusæ*. Tales sudores familiariter, deinde *continue* pergunt, *debilitant* & exhauriunt patientes, nec interim quadrant *halituosæ* excretioni, utpote quæ hujusmodi *aqueis* effusionibus potius obruitur, & veluti præfocatur. Sæpissime vero, in primis in *plethoricis*, *obstipant* hujusmodi repentinæ sanguinis *turgesfactiones*, porosam universam cutis texturam, ut nullus sudor progressum debitum nanciscatur.

(gg.) *Hitzige Urthneyen zu Schwitzen*) *Nihil hic impetu prospere geri*, perpetuo notandum: imo simpliciter in nullis usquam *febris*. *Calida* sanguinem *turgesfaciunt*; quod ipsum methodus, si-ve ut loquuntur *regimen* vehemens, cito intendit. *Excretio lenis* atque *placida*, ita prorsus turbatur, adeoque intemperans eruptionis excessus omnia turbat: Quod etiam in *variolis* periculosum, imo familiariter *funestum* est: quin in omnis generis *febris*, damno certo propius, quam ulli bonæ spei. Quæ de abundante ita quantitate & calore dicta, vera sunt.

(hh.) *Fasten und wachen*) (ii.) *deliriren*: unguento alabastr.] Practicis affatim nota hæc sunt, sed negotiosis speculatoribus, & Dialecticis (sed è propriis suis locis communibus) quos Galli *Raisonneurs* appellant, aliter videtur. Hi namque non solum cum mulieribus metuunt, imo vero obsistere satagunt, ne patiens *fame moriatur*: quod contra peritiores scæminæ, ægris assistere solitæ, joco apopthegmatico longe veriore negant: *Es sterbe kein Patient Hunger/ er foddere ehe selbst zu essen*: Non, inquam, hoc tantum; sed

sed multum etiam sui officii ducunt, ne æger *vigiliis*, una cum fame, vires omnes deprædantibus nimio plus debilitetur: Unde, inventillo pulcherrimo, *Opio* promiscue ingerendo, invigilant, & subinde miserorum patientium etiam laudem reportant, *sed non diuturnam*, de quo post.

De *Doloribus* capitis *gravioribus*, illud unicum noto, pro illis, quibus non satis notum est, quod illos per initia quidem *Camphora* satis leniat: in progressu vero non æque: melius autem tunc *Unguentum Alabastrinum*. Iterum dico, *leniat*. *Febris* hæc & aliæ acutæ, *sine omni dolore* capitis, perpetuo *deteriores* sunt.

(kk.) Emulfiones) E *seminibus frigidis* paratæ, uti sponte quoque prompte *mucide* & tenaces fiunt, ita in ventriculo etiam familiariter, exquisita incommoda pariunt, flatulentæ inprimis, aut alias valde anxietatis *cardialgicæ*, *angustiae*. Augetur hoc nimium, si aquæ calidiores, ut *Cinamomi*, penitus exulent; aut ad minimum *Saccharum*. *Pinguiores* autem, ex *amygdalis*, *pineis*, longe plus profunt, absque ullo incommodo, modo *Saccharo*, non destituantur. Meretur circa has res veram laudem *Aug. Thonerus*, in suis illis laudationibus *sapidarum* potiuncularum præ *insipidis* in *Febribus*. Quorsum etiam usum *Acetositis Citri* referre placet, sub *lit. e.* laudatum.

(ll) Es möchten *Perechiæ* folgen / oder nicht) Certe sub prudente morbi moderatione, & medicatione quoque, uti notavimus, tam frequenter *non sequebantur* maculæ apud alios, quam apud aliquos sequebantur. Certissime *pauciores*, aut *minores*, aut *pallidiores*, quando omnia placide gerebantur: Certe contra, si quidquam impetu fieret. Unde quidem minime tanti erat mihi, sive apparerent maculæ illæ, sive non: modo reliqua ordine procederent.

(mm) Zeitlich) Argumentum meum, imo documentum adversus irritas Theorias atque Therapias *Febrium acutarum*, tam simpliciorum, quam malignarum, moderno usu passim solennes, est inprimis illud, quod hæc febres *sine omni artis interpellatione*, ita servant tempora sua, ut intra *periodos criticas*, vel pereat *patiens*, vel ad sanitatem redeat: *artificiis* autem illis *periodi* in longas moras, & varias sibi alias insolitas *anomalias* totius sui



sui typi, conjiciantur. Unde non recte progredi hæc artificia, non solum hinc velut a priori, certum, est; sed etiam illinc a posteriori, quia veritatem, dico fontem veritatis, Deum, testem in-, vocare mihi integerrimum est, quod illa mea methodo nullo uno-, exemplo, nisi manifestarum à patientibus commissarum ataxia-, rum, febris hæc (imo aliæ quælibet acutæ) unquam ita evagata sit, -, quin intra 14 dierum, rarissime 20. ambitum, tota, & in solidum, -, nempe ad firmam sanitatem, restituta sit, aut æger fatis suis cesserit.

(nn.) Vermehrte die Dosis des Pulvers bey Durchfällen:) Ita est sensus propositionis, quem typographus corrupisse censendus est, cominate interposito, & colo post vocem Durchfälle/ omisso. Dico, sensum esse debere, quod *pulveris* doses augeam, seu potius repetam brevioribus intervallis, si *Diarrhææ* negotium faciant; Pulverem inquam *nitratum*: Et hoc ipso ita *Diarrhæas* illas pro lubitu compescam.

(oo.) Vera hic dico, & audacter ad illam Provinciam provoco. Non enim parvus mihi numerus, sed facile *sesqui mille* patientium, hoc temporis intervallo obtigerant, quorum quod infra moneo, revera parva portio, & ausim asseverare, minime vigesima, (imprimis deductis qui jam agoni proximi consilium petebant,) moriebantur.

(pp.) Symptomata vere urgentia) A Practico è modernis, tamen etiam, ut fere solent, proprii sui cerebri, illo ipso tempore audiveram, *omne symptoma urgere*. Scio quod pauciores hic consensuri sint, verbis: sed pariter etiam scio, *factis* omnino multos consentire: dum nimium quam proclives sunt, ad convolandum ad retundenda symptomata, etiam manifesto morbo ipsi directe in-hærentia.

(qq.) sine præjudicio) Merito hoc statim subjicio, quod symptomata impugnare, morbo ipso non impugnato, maxime *ἀτοπov* sit, & omnino satis raro imo vero vel paulo importunius, nunquam, fieri possit, quin primario affectui præjudicium aliquod inde impediatur. Valet hoc ante omnia in Febrium negotio, ubi acti-vitas præcipuarum commotionum, NB. *salutaris*, non potest non tur-

turbati, turbatis non solum immediatis sui effectibus, quos nempe utrosque, incondita illa usitata febrium Theoria seu Pathologia, pro *meris morbidis affectibus & effectibus* interpretari solet. Ubi certe multa occurrunt, quæ in lapidem hunc offensionis gravissimè impingunt; ut dum symptomatibus *seorsim* consulere sperant, ipsi primario affectui multum præjudicii inferant, quod maxime cavendum. Agitur de hac materia, neque quidem obiter, si res recte æstimetur, Dissertatione de *Vena Sectionis usu in acutis febribus*. Certe *Vomitus, Purgationes, Vena Sectio, refrigerationes, Opium*, quantum hic, una cum *intempestivo* usu calidorum, detrimenti inferre possint, κατ' ἀνθρώπων argumentari licet ex illa diversitate, quid nudus abusus *vini aut crapula*, differentiæ exhibeat, in homine cetera sano, & contra, hujusmodi Febre correpto. Nempe multa, quæ *sine respectu* hujus febris, minime consideratu digna fuissent, *sub hac* non solum *aliena*, sed etiam *periculosa* evadunt. Quod bene notandum.

(rr.) turbiret werden) Eodem hoc respicit, nempe quod *primaria febris indoles* facile turbetur, sive patientis incontinentia, sive Medici operatione adversa &c.

(ss.) auf mein Gewissen zu nehmen) Animavit me ad hanc assertionem formandam imprimis animi adversio plane diligentissima, ad magni numeri patientium evasionem ab hac febre (imo etiam aliis) simpliciter *autocraticam*, id est, *sine ullis artificiis, & usitatis materiis medicis* peractam. In his enim elucescit, atque gnæviter attendentibus etiam dilucescit, vis illa vere Medica, qua non solum *Naturas morborum medicatrices esse* Hippocrates asserit, sed etiam *methodus*, qua ipsas *Naturas etiam sine Medico*, sed non nisi *Medicina*, sanitatem restituere inculcat. Neque hoc solum, sed illa etiam, quæ cum hac pari passu incedunt, quod quæcunque etiam alia medicamenta, *nisi cum illis methodis, quibus ipsa Natura ita salutariter* sibi consulit (sanæ etiam rationi consonis,) & quidem curiose atque studiose servatis, nihil profint. Adeo, ut rem sine præjudicio alio æstimando, potius rationi consentaneum sit, medicamenta illa non aliter quicquid profunt præstare, quam ut simpliciter illas *methodos, excretiones* inquam illas earumque *ordinem*, provocent, quas etiam *sponte sua, sibi quantumcunque constans* Natura, exercere *salutariter* consuevit.



(tt.) *Einrichtung*) Hanc medicamentorum, convenientium inquam, *institutionem* secundum paroxysmorum motus, in omnibus Febribus pro anima curationis habendam monstrat imprimis ipsa Praxis. Nempe, cum *Paroxysmi* sint illi ipsi *Natura conatus* atque *apparatus*, quibus *salutares aliquas secretiones atque excretiones* *materie precipue* adornare molitur, si ipsi hoc ipso tempore succurratur, *materiam preparando*, *vias disponendo*, *motus secretorios & excretorios placide gubernando*, sit ita recte atque ordine, quod fieri omnino convenit. Cum intermediis temporibus, Naturam novis laboribus fatigare, adeoque nullam ipsi undique quietem concedere, indignum sit.

(uu.) *Alexipharmacum zur Unzeit*) Modo dictis consonum hoc est, adeo, ut si in hoc genere alexipharmaca, imprimis *calidiora*, proxime *versus paroxysmos*, cum *regimine* imprimis, exhibentur, patientes non solum in hac, sed etiam *simplicioribus* acutis, imprimis autem *æstuosioribus* febribus, non solum certo in *paroxysmi* vehementissimam exacerbationem æstuosam, sed omnino sæpe numero in *totius febris* vehementiorem exagitationem, & ut rectissime monet *Baglivius*, etiam *inflammationes internas* funestas, conjiciantur, non alia, aut certe non majore ulla quam hujus perversæ methodi ita adhibitæ culpa.

(xx.) *different an wenig Umständen*) Ita est certissime. Si enim Alexipharmaca talia, tanto magis autem ipsa quoque *temperata*, imo *regimina* solum (sed ipsa quoque *moderata*) sudorifera, *sub paroxysmorum finem* potius prudenter adhibentur, certissimum usum afferunt: Si non satis prudenter, tamen minus damnum, quam *versus paroxysmum* adhibita. Certe enim ratio dicitur commotiones *spon*te quoque insolescentes, uti hic (licet per accidens, seu potius nudum, certum tamen & necessarium confessuens) æstuosas, eo ipso tempore *arte* intendendas & augendas, non esse. Quod etiam de aliis Febribus earumque paroxysmis valet, ne scilicet in illis *motuum* conamina spon te etiam consurgentia, temere augeantur, sed potius *materia* solum ad expeditiorem motus effectum disponatur, aut si hoc non possit, tamen nec illud etiam, quod non debet, suscipiatur.



(yy.) unnöthigen Regimine ) Iterum iterumque dico, quod *regimen* sudoriferum, quale vulgo hominum placet, non quadret malignis febribus.

(zz.) Opium lasse man von diesen Fiebern ) Me judice certe non hic solum, verum alibi etiam plerisque locis, jure tamen æquo atque bono, arceretur Opium. Non damno absolute usum hujus succi, quamvis ego illo, ita uti vulgo volunt, absolute nunquam, nec etiam alias vel intra plures annos semel, uti sueverim; nec etiam illo usquam opus habeam, dum nunquam *symptomata*, sed semper ipsum affectum, aggredi laboro. Antimonium, quamdiu vomitum cieat, boni viri medicamentum non esse, Helmontius statuit : Ego Opium, quoties copiosius datur, & non cum certa & experientiae manifestae indubia atque sensibili, *præcipui primarii affectus* vera simul mitigatione materiali, sed potius cum verorum hujus *motuum* præjudicio, boni viri remedium non esse, audacter assero,

Spero autem, imo toto corde voveo, quin confido fore, ut immanis illa, & non certe nunquam etiam *malitiosa* impostura, imo nimis sæpe gravissima ægris damna incutiens, uti jam passim infamis est, ita tandem etiam ab honestissima arte Soteria, exterminetur, qua nempe polypragmones callidi atque calidi, illud imprimis patientibus maximopere imputant, quod egregia illa sua remedia *mox sensibilibiter patientem solentur*. Sed certe *pesima*, imo *nulla fide* occultant, imo aliis rebus, & imprimis ipsius morbi malignitati imputant, *quod non diu hoc solamen duret, nedum constanter*, sed potius *in graviora, & passim funesta, consecraria ruat*, imo verius ducat & concijiat. Ut jam illud taceam, quod tandem etiam honestiores sensuros esse confido, quod *intempestivis sopitionibus, omnes morbi a vera sua indole facile in transversum agantur, & anormales, imo simplici veriori methodo etiam posthac refractarios malos mores sortiantur*: Unde quidem mirum non est, quod tam vulgata hodie sit accusatio febrium malignarum, sive uti non injuria elegantius loquuntur, *mali moris*: Cum medicationes *mali moris* etiam morbis *malos mores* concilient.



# MENSIS JUNIUS.

DE

## ALVI LIBERO SUCCESSU,

imò subinde fluxu, in

## FEBRIBUS PETECHI- ZANTIBUS,

ET

## PECULIARI REMEDIO LAXATIVO,

Experientiæ suffragio interposito, per hanc ipsam  
observationem,

## AD ILLAS FEBRES

commendari cœpto.

### PRÆLOQUIUM.

**M**ulta à majoribus acta esse, atque facta, sed non perfecta, jam ante hæc plusquam sedecim secula, prudenter animadvertit Seneca: Eoque ipso solerter monet amicum suum, affatim occasionis relictum esse posteris, ubi ipsi quoque vires suas experiantur, & rectè dictis atque factis antecessorum, exasciandis & quantæcunque fieri potest perfectioni admovendis, operam impendant. Omnino certe immortalem gloriam meritus est Hippocrates, dum historiam potius morborum, quomodo illi (laudatissimæ ipsi) Naturæ proprio actu atque

que motu, succedere atque exire soleant, quam ullam solidam harum rerum rationem, studiosissime, & perpetuis repetitionibus inculcans, amplissimum utique campum toti posteritati aperuit, ubi ingenii sui vires experiri, & partim experientiam, perpetuis suffragiis stabilire, quam rationes, prudente speculatione eruere, cordi habere possent. Successit Galenus, & tam methodo concinniore, & ad artis formam propius accedente, quam ipsa locupletiore enarratione, historiam morborum ita exornavit, ut justissimam laudem optime perceptæ, & prudenter præ oculis habitæ, intentionis Hippocratis, apud omnes veritatis harum rerum peritos, non possit non invenire. Ex illis propiorum seculorum Scriptoribus, quorum monumenta, typographiæ inventæ imprimis beneficio, ad communem notitiam pervenerunt, nemo quem noverimus, antevertit, exquisitæ eruditionis & industriæ, in hac materia gloriam, Petri Foresti: quem prudenter, presso quasi pede, secutus est Daniel Sennertus, sincerissimo vero candore simul laudavit peritissimus Michael Etmüllerus. Sed quemadmodum fungi per noctes, fructiferæ arbores per complures annos, firmæ atq; stabiles vix in secula, excrescunt; ita præteritum imprimis decimum sextum seculum, fluxarum opinionum licentia magis, quam libertate, dum evanitis commentis morborum phænomena applicare laborat, vel ignoratis, vel dissimulatis, quæ ad veram historiæ fidem pertinebant, totam propemodum illam exoptatissimam veteris historiæ pathognomonicæ lucem, profundis tenebris immerfit. Quemadmodum autem ipse ante omnia Hippocrates, neque multo minus Galenus, quamlibet historica fide nimis magis conspici-



cui, simul atque ad rationes excogitandas animum adjiciebat, imprimis paulo longius accersendas virium suarum imbecillitatem, satis ostenderunt: ita propiores, ipsam hanc viam insistentes, & à rationibus ad experientiam processuri, tanto minus felicem cœptorum suorum exitum obtinuerunt. Nulla forte luculentiora hujus rei testimonia allegari possunt, quam ingens illa farrago, inter recentiores decantatorum novorum morborum, & sub scorbuti, in chronicis, quin etiam mali hypochondriaci, confusissimis nominibus & acceptionibus: in acutis, sub malignitatis nomine, omnem bonam intentionem, tam antiquissimæ historiæ, quam ullo ævo sperandæ ætiologiæ, morborum, intervertens. Cumulum horum malorum, tanquam infauſto fastigio claudit, novorum, non tam Paracelsi, quam Paracelsistarum, illud infelix cœptum, uti ferè solet Zizania, uberrima diffusionem luxurians, novorum medicamentorum; quæ partim sine ulla allegata ratione, partim contra experientiæ fidem, falsis rationibus larvata, in rei fundo atque veritate incognita, incognitis talibus morborum novitatibus, summa loquacitatis Parrhisia, & usurpationis audacia, reclamante frustra quotidiana luculenta experientia, licentia indies majore, magis affinguntur, quam assignantur. Veritas interim, ab ipso Deo Naturæ & œconomix animali implantata, immutabilis, servat facile & tuetur intemeratam suam sinceritatem, & hoc ipso sanis sui sectatoribus, viam pandit, ad simplicitatem ejus tranquilla contemplatione agnoscendam. Præfari hæc placuit Dissertationi, De Novi a seculi seculo reputati morbi, novo viso symptomate, & apparenter novo remedio. Puncticularem, & peticularem febrem

bre, ab Italica appellandi ratione nomen suum, quod publicum morbus maculis suis æmuletur, dictam esse, quis nescit? novum hunc morbum, frequenti ad minimum proventu, visum esse quo invaluit, tempore, non minus notum est. Toto forte seculo, imo amplius, delituit mos, affectui huic valde usitatus, ad alvi fluxus propendenti. Et hoc non magis aliunde, quam ab ante notato inverso illo ordine, experientiam potius è qualicunque theoria, judicandi, quam rationes constanti experientia exæquandi. Cum enim febribus reliquis exanthematicis, per supervenientes diarrhœas, infelix retrocessio evenire sentiretur; peticularis autem hæc ad exanthematicas referenda videretur: si vel maxime fluxus alvi huic superveniens animadversus esset, pro simpliciter symptomatico, adeoque noxio habendus, statim declaratus fuit. Qua occasione fluxus hujus indolem, multiplici experimento affatim observatam atque cognitam, longè aliter intueri adductus fuerim, notatum à me est Observatione Majo Mense præmissa: & memorabitur iterum, ea quæ præmanibus est. Quem, aliquot post annis antiquiorum in hoc genere, Practicorum observatorum, si non autorem, certe testem invenerim, & aliàs jam innui, & hic iterum ostendam. Quid inconsultæ speculationes, à Practica veritate distent, res ipsa magis declarabit, quam verbis explanare placet. Omnes autem æqui arbitri, veræ honestatis conscii, facile intelligent, quibus de causis rem hanc, jam quintum decimum in annum silentio præterire, & toto anno ante datum meum promissum frustrari maluerim, quam sine ulla causa æquè, atque efficacia præoccupantibus alienis opinionibus, quod per rei naturam aliter fieri non potest, quid-



quidquam contradicere velle, videri. Quod ipsum cum in rei veritate hodierno die facere velle, per omnem sanam rationem, tanto minus, quam unquam aliàs suspectus esse possim; evicit tandem magnus numerus honestissimorum Virorum, promissum meum in debitum trahentium, ut illud hâc occasione, etiam jam impresso toti reliquo opusculo inferere, non potuerim amplius denegare. Faxit Deus, ut veritatem pro fundamento agnoscentia, perspicuitate optata, utilitatem desideratam assequantur.

**F**ebrem Petechizantem, quam præcedente Mense Majo memoratam, tam historice, quam Medice descripsimus, & ad veterum quotidianas Continuas, & ipsorum sententia, phlegmaticas, recentiorum autem Catarrhales, retulimus, inter alia ipsi consuetâ symptomata, etiam hoc habere notavimus, ut ad Diarrhoeas admodum proclivis existat. Simul autem etiam, quantum nostra observatione assequi potui, illud asseveratur, quod Diarrhœæ tales ullum quidem positivum emolumentum febribus his afferre non sentiantur: interim autem neque damnum aliquod notabile inferant: sed in comparatione ad alvi adstrictiones, semper in hoc affectu deteriores deprehensas, his anteponendæ, nempe minus periculosæ censendæ veniant. Scripsi hoc ab experientia; præter fidem, tam sterilius, quam, ut exempla innuerant, etiam plus minus diffusiorum quorundam Practicorum, numerosa. Cui ut lucem aliquam accendam, illud unum dixisse suffecerit, quod usitata mihi, non e Praxi per compita, sed ex honesta. statione, & sufficienti salario, iam illo tempore vivere sueto, potius ægris fideliter inserviendi, quam larga sôstra postulandi; cupiditas, tantum numerum ægrorum, ex illa istis annis populariter grassante febre decumbentium, conciliaverint & adduxerint, quantum alteri isti vel credere non potuisse frustra infidis suis literariis colloquiis, & testimoniis, si talia haberi debuissent, falsis, nullo ipsorum honore temere in publicum productum, profitebantur: Cui re tanto majus pondus

dus addebam, quod divina benedictio, cuius in honorem hoc dictum  
 volo, cum ratione & industria susceptis meis Therapiis, exoptatos  
 successus largita, tanto magis hoc effecerim, ut in populari illarum  
 provinciarum tenuiore fortuna consultius ducerem, potius eo con-  
 currere, ubi cum spe felicitis successus, etiam plurimum disparis sum-  
 tum rationis, securis esse licebat. Cuius, nisi tota provincia gra-  
 tam memoriam semper testata esset, nec ipse mentionem facere vo-  
 luissem; imprimis cum tanti non esset, neque testium talium, ne-  
 que producentis meminisse. Sicut autem propensionis hujus  
 ad Diarrhoeas etiam ita mentionem feci, ut illam, quam plurimis  
 exemplis non intervenisse, adeoque ipsum ejus actum, ad essentia-  
 lia hujus febris symptomata non trahendum esse, satis, uti spero,  
 diserte, annotavi; ita hoc ipso alienissimum utique me ostendi, ab  
 ulla agnitione, ne dum suppositione, quæ non solum insigniter uti-  
 lem, sed plane salutariter decretoriam, talis alvi fluxus in his feбри-  
 bus efficaciam, probare aggrediuntur. Aliquot certe annis post  
 productam meam de hoc negotio observationem æviterranei Me-  
 dici Bibliotheca, ab hæredibus divendita, inter alios quibus instructa  
 fuerat codices propiorum retro duorum seculorum, ad manus meas  
 pervenit Gerhardi Columbæ, Messanensis liber de Febribus Pesti-  
 lentibus, Messanæ in Sicilia, & aliquo post tempore etiam Franco-  
 furti apud Weigelios impressus; qui totius libri scribendi occasio-  
 nem, ab ipsa hac febre, tunc temporis nova, desumens, in ipsa præ-  
 fatione, ubi historiam hujus breviter recenset, illud in parenthesi  
 profitetur, quod hæc febris illo tempore alvi fluxu, per hanc inferio-  
 rem humorum depositionem judicata. Quod tantum abest, ut  
 ad solum illius ægri, diversorum ejus temporis famosorum Medico-  
 rum opinionibus & consiliis varie & in cassum vexati, eventum re-  
 ferat, ut potius in antecedentibus fluxuum, ut talium, judicatorium  
 effectum tanquam in genere adseveret. Quibus aliorum senten-  
 tiis hæc narratio ansam præbuerit, nihil attinet dicere; Ego expe-  
 rientia ipsa nixus paria cum Columba asseverare, neque potui, nec  
 hodieque possum. Accidit autem interim, ut Anno circiter nona-  
 gesimo sexto præteriti seculi, a Viro extra Medicam scientiam at-  
 que Praxin constituto, a Medico tamen, ut fama ferebat, ipsi com-



mendatum pharmacum innotesceret, quod præter mixturam simplicem insigniter acidam formatam, purgantem quandam Compositionem complectebatur. Exhibebatur hæc Petechizante febre adhuc illo tempore laborantibus, cum sensibili successu: trahebat etiam post se, ita largas dejectiones ut exempla non defuerint, ubi plus viginti, nisi quidem triginta, dejectionibus, per singulos dies exerciti ægri, tamen non solum nullum vitæ periculum adibant, sed potius a gravioribus symptomatibus liberati ad sanitatem redibant. Bene hæctenus, quantum ad experimentum ipsum attinet: non æque autem illud, quod effatum Hippocratis tanquam universali acceptione ad suffragium vocabatur, quod soluta alvo febres solvantur. Cui propositioni, sicut universa febrium cohors reclamat, dum alioquin negotium utique foret, admodum exoptatum, si febres, simpliciter & sine discrimine, nuda alvi solutione, adeoque vere per brevem manum, solvi possent: palam utique est, quod hoc effatum Hippocratis, quod ajunt, cum grano salis accipiendum veniat, & non nisi certis casibus atque circumstantiis potius febrium quadrare possit, quam vel ad totum genus, vel certas exquisitas species febrium trahi consentiat.

Quemadmodum autem tam ex allegata præcedentis Mensis observatione, & ibi memorata febris petechizantis historia, elucet, quod hæc febris ad diarrhœas pronam sese ostendat; quam hoc experimentum, remedii cum positiva alvi subductione operantis, & manifesto utilem effectum assecuti, etiam utilitas hujusmodi evacuationis in hac febre, se commendat: ita malui tamen intra limites me continere, & illud solum asseverare, (1) quod diarrhœæ tales spontaneæ, huic febre supervenientes, nihil adeo metuendi portentant: (2) quod ex adverso stipatio alvi semper periculo propior, & quanto pertinacior, eo deterior, manifestis eventibus deprehendatur.

Quæ res non solum ad simplicem prognosin, sed tanto magis ad ipsam solidam therapiam, non magis utilis, quam necessaria, scitu, illum utique usum in se complectitur, ut Medicus non solum in genere à medicatione quantumcunque adstrictoria cavendum, sibi esse agnoscat: sed etiam in specie, cum tales fluxus alvi, maxime



me recepta atque usitata therapia & pharmacia, non aliter, quam per adstringentia remedia, cohiberi possint, aut certe soleant, Medicus Practicus hanc veram hujus febris indolem præ oculis habens, tanto minus animum adjiciat ad ejusmodi ausus, qui non solum minus periculosa evacuatoria commotionem, in certius periculosa particularem, alvi, stipationem traducere, sed etiam universaliore obstipatorio effectu, certe omnibus febribus in genere periculoso, huic febre in specie graves perturbationes inducere valeat. Dum enim secessiones febrilium materiarum ex implicatione cum humoribus, omnino multum debeant, quantum fieri potest liberæ circulationi, transcolationi, atque subagitationi; secedentium autem humorum (coctorum ut veteres loquuntur,) secretio è reliqua humorum massa, colatoriorum organorum liberæ & satis permeabili laxitati innitantur: quin ipsa tandem tempestitiva excretio, nulla intempestitiva strictura interpellari aut retardari debeat (ne, quod semel secretum est, denuo in massam humorum redundet ac insinuetur,) Fit inde utique manifestum, quot modis evitanda sit adstrictionis introductio, qua communiter etiam alvi fluxus cohibendos esse, meliorum remediorum vulgaris penuria persvadet. Dum autem ego, optima certe fide, experientia, & tunc quidem non amplius mea solius, sed plurium ad hanc simplicem commemorationem animum adjicientium Practicorum fretus, dictis atque scriptis in publicum efferro, occupabatur argumentum, quod ego explanare jam publice promiseram, & declarabantur diarrhœæ, non solum utiles, sed plane salutes; & quidem non tantum in hac petechizante, sed in genere in acutis febribus. Non erat certe postremum hoc assertum, mei argumenti subjectum: unde etiam illud hoc intuitu facile suæ fortunæ relinquere potuisssem, quam innumerabiles experientiæ, cujuscunque generis febrium, adversus sibi allegatas paucas historias, ex observatoribus solidioris historiæ febrium parum curiosis, adeoque cholericæ deon casuum minus gnaris, ipsi augurari poterat: cum autem reliqua hujusmodi obliquior allegatio, tota eo collinearet, ut petechizantium nostrarum, febrium diarrhœæ, tanquam fundamenti loco substernendæ, imò totius tractationis proram atque puppim effingentes, saltem ad uni-



versum acutarum febrium censum extenderentur, adeoque in fundo de petechizantibus febribus tota tractatio loqueretur, pertinuit utique ad meum institutum imprævisa hæc interlocutio. Si nullum aliud haberem documentum, quam alienus mihi sit animus, à contradicendi studio, cum vel mille occasiones, toti mundo ante oculos positæ, demonstrent, quantum materiæ, indies objectæ habuissem, si hujusmodi vanitas me tangere potuisset: certe hoc sufficere poterat, ut potius promissionis meæ oblivisci, imo assidue illam exigentibus deesse voluerim, quam sententiam meam, jam pridem ostensam, & ad publice edisserendum conceptis verbis paratam, prælo committere: solum propterea, quia cum indicata illa præfiguratione non poterat consentire, sed necesse habebat in diversum abire, id est, ut loquuntur altercationum captatores, contradiCTIONem involvere. Cum autem non solum suspicionem hanc, tanto temporis intervallo enervasse, securum me esse confidam; sed etiam hoc tempore repullulans morbi hujus malitia, tanto magis svadeat, quæ in hanc rem sunt, expromere, missis non solum aliis respectibus, sed tanto magis sine omni nota prætermisiss alienis illius tractationis flexibus, tam honestorum practicorum, & scientiæ atque conscientiæ studiosorum, indefinentibus petitis, quam veritati, & publicæ utilitati, quin passim necessitati, hoc dare in animum induxi, ut quæ ante tot annos ad expromendum parata fuerant, nunc denique proferam.

Historiam rei, & in Mense antecedente jam recensui, & paulo superius allegavi; quod nempe petechizans febris, ad alvi fluxus formandos admodum proclivem se ostendat; quod etiam fluxus tales, sensibile quodcunque incommodum post se traxisse, non visi sint: quin potius adstrictiones alvi, febri huic accidentes, certissima atque sensibilia gravia incommoda post se traxerint. Interim nec ipsæ illæ diarrhœæ æque manifestum atque positivum insigne commodum, ad summam totius morbi, manifesto effectu ostenderint. Usus etiam hujus observationis, prudente contemplatione eliciendum, paulo superius ostendi; ubi nempe indicavi, quomodo hæc res recte æstimata, dissuadere debeat Medico, intempestivum usum, seu potius abusum, adstringentium remediorum:

ut-

utpote ipsa alvi constipatione, quam ulterior per reliquum corpus familiariter comitatur, si rationes deessent, ipsius experientiae historia, morbum deteriore reddente.

Ut autem aditus aliquis etiam intellectuali contemplationi pandatur, considerandus venit etiam reliquus petechizantium februm verus atque verax genius. Ubi nempe in ipsa morbi historia illud non obiter notavimus, quod febres hæ non simpliciter & absolute maculas has, quas petechias vocant, ita comprehendat & parturiat, ut eas tanquam necessarium, ut in scholis loquuntur essentialiale, & ut Medicæ scholæ vocant, stricto sensu Criticum productum involvant: quin potius multi tali febre decumbentes, plane nullis, multi etiam valde paucis, parcis atque parvis, hujusmodi maculis protrusis, non modo nihilo periculosius, sed omnino nihilo incommodius habeant, & nihilo difficilius cum sanitate in gratiam redeant, quam alii, qui maculas ejusmodi ostendunt. Eo usque, ut etiam illi, qui eruptione talium macularum abundant, & sub decursu deterius afficiantur, & totius exitus majus periculum adeant. Neque hoc solum, sed etiam methodi atque remedia, quæ copiosiori eruptioni macularum talium velificantur, in majora incommoda, & pericula, ægrum conjicere, manifestum sentiantur: adeo quidem, ut in deteriore morbi hujus constitutione, per anni tempus atque tempestates concepta, vel ægri studio male svado, vel sponte quasi quadam, coortæ sudationes, sæpe numero conclamata rei præfagium involvat: adeoque evacuatio, notanter dico evacuatio, nempe confertim, *αἰσχροῦς καὶ βιαιῶς* per ambitum corporis instituta, febrī huic noxia potius, quam utilis aut salutaris sentiatur.

Sicut autem illud adhuc insuper monendum venit, quod diarrhææ; febribus his tunc temporis sponte supervenire solitæ, nulla exquisita diversitate temporis se exeruerint; sed apud alios mox per principia, apud alios à quarto die in ulterius, apud aliquos etiam post septimum, post undecimum, imò post decimum quartum, evenerint: & tamen præter hæc omnia, etiam notabilem aliquam diversitatem, siue melioris, siue deterioris effectus aut eventus, non ostenderint: ita facile suo loco reliquimus alias commemorationes, scenæ ad minimum semel instructæ inservientes, quæ



diarrhœas tales, nempe ut critiche salutare supponendas, ab initio morbi coortas, malas judicarunt, magis versus criticum autem diem, meliores, aut simpliciter bonas declaraverunt.

Quomodo ego hanc rem consideraverim, seu theoreticè æstimaverim, ostendit præcedente Mense proposita tractatio. Cum nempe tenue quoddam vellicatorio-inflammatorium, velut tenuiter erisypelatodes, corruptelæ genus, ad minimum ut in genere, in hoc morbo innuat, tam ipsa exanthematum tenerorum conditio, quam tandem cum impetu, & repentina copiosiore stagnatione, cooriri solita, oris interni atque faucium inflatio, derepente in aphthas transiens: contemplatus sum propterea has etiam diarrhœas, tanquam à materiæ talis, ad intestina concursantis, tenera stimulatione (passive respectu corporis) & elutriatoria atque absterforia directione humorum ad intestina sic affecta, (active, intuitu corporis, ut vivi,) oriundas.

Unde etiam medicationem huic symptomati adhibui, quæ theoriam hanc tanto magis confirmatam mihi dedit, quia ipso effectu negotio satisfecit. Dum nimirum Nitro, cum moderata dosi absorbentium & diapnoicorum remixto, non aliter quam experimento certo, diarrhœas has vel gubernare, vel penitus sedare, valebam: & hoc consilium ex illa re natum mihi erat, quod etiam ad aphthodes, imo prunellodes, ardores atque irritationes faucium, à talismodi materiis productas, communi consensu Nitrum in gargarismatibus usurpandum laudetur.

Eo ipso vero, quod hæc methodus, & hoc medicamentum, tam diarrhœæ tali, quam reliquo febris saluari successui, manifestos usus constanter exhiberet; ad diarrhœas, artificiales, seu alvi provocationes, animum adjicere, tanto minus res ipsa inducebat, cum nec usum aliquem sensibilem a diarrhœis animadverterem, nec interim adstrictionibus alvi, quas omnino peioris efficacix esse, velut in sensus incurrerat, remedium tale nitrosum, liberum locum relinqueret: sed tam humectatione alvi, quam delinitione effectuum acredinis, imo blanda resolutione atque discussione (ut de effectibus ejus per latifundium humorum, non prolixè verba faciam) undique convenire atque sufficere videretur.

Satis quidem commemini , & omnino memoriter reminiscor, quod oblata occasione , celebri Medico hanc meam observationem, theoriam atque praxin, commemorans, tantum abest , ut assensum elicuerim, ut ille potius ad hanc meam veluti audaciam, modo non obstupuerit, certe admirationem suam, cum quantacunque etiam moderatione conjunctam, celare non valuerit. Interim pro me & ægris meis, sub divina benedictione , stabat experientia ; non vaga illa atque minuta, quæ ex historia una vel altera, per inopem atque raram praxeos occasionem subnata, otiosas observationum compilationes hinc inde parturit : sed quam, argumento κατ' ἀνθρώπων forte simplicissime adumbrare possum, dum illo ipso temporis intervallo, sub cujus finem memorato Medico commemorationem meam præstabam, à prægressi anni festo Michaëlis, ad illud insecuti anni Paschatos tempus, novem libras pulveris allegati, privata mea dispensatione distribuisssem : quamvis in singulos dies, cuilibet ægro, ultra duos scrupulos raro propinarem : neque vero etiam insignis quantitas hujus ejusdem pulveris, ad alios, præter hanc febrem, affectus, à me impendi consuevisset.

Quid autem ipse dicturus fuisset, aut alii dicturi hodieque, sint, neque scio, neque divinari admodum gestio , de illo ausu, quem, efficaciam nitrosi hujus remedii in his febribus observatæ , in pari symptomate, nempe alvi fluxu , variolis & morbillis superveniente, in animum inducere, primo quidem, fateor, quadante nus dubitavi , sensim autem, adhortante scientia, neque refragante conscientia, imo potius magis magisque cohortante, tandem in effectum deducere , vel ipse urgentes occasiones permoverunt. Nempe ad diarrhœas, longè majoris periculi, variolis & morbillis supervenientes, hoc idem remedium nitratum , in usum vocandum. Quibus hoc non placet, inhærent mordicus efficaciam Nitri, ut illi asseverant, ego vero expertus & edoctus ipsa Praxi, aliter deprehendi , sponte & directè Laxativæ. Ego, abunde expertus, conveniente dosi nullam hanc esse, interim refrigeratoriæ & acriorum causticarum irritationum & ardorum , mitigatoriæ energiam Nitri (quam ne ipsi quidem diffitentur, ) satis securus , his diarrhœis, variolarum inquam atque morbillorum , cum præsentissimo,



mo, & per Dei gratiam saluberrimo, optato effectu, idem hoc remedium applicui : & secuti sunt hanc meam observationem atque praxin, etiam alii, rationi & experientiæ, prudenter auscultare sive, honesti Medici, nunquam adhuc sine effectu, non minus exoptatissimo, quam undiquaque securissimo.

Quam longe autem Nitrum, bene depuratum, & convenientibus dosibus, neque cum nimis largo vehiculo, nempe statim adjuncto (nam post dimidiam aut unam horam, bibere nihil vetat) adhibitum, tantum abest, ut in hujusmodi affectibus alvum provocet aut eliquet, ut potius jam maxime susceptos alvi fluxus, in his febribus, mulceat atque sedet ; Hujus rei adhuc unum exemplum subjungere, non inutile erit ; ita, ex adverso, constipatio alvi in eadem febre, quam facili negotio inducatur, exemplo didici, quamvis uno solum, tamen tali, quod non solum assertum meum confirmat, sed etiam reliquæ pertinaciæ spontanearum ejusmodi constipationum, ad latus positum, tanto majorem fidem facit ac tuetur.

Cujus mentionem feci, de Nitri ad hæc negotia innocente usu, exemplum, est sequens. Puella 15. aut circiter annorum, paterna ac avita dispositione hæreditaria arthritode imbuta, ab uno vel altero anno, quo mensium fluxus exitum invenerat, arthritoides doloribus admodum sensibilibus aliquoties correpta, solamen evidens experta erat à remedio salino, è crystallinis salibus herbarum, cum æquali pondere Nitri, & in singulas doses uno forte grano Cinnabaris, parato. Huic itaque remedio, uti vulgo solent, tantum fidere atque tribuere adseverat, ut jam aliquoties, dolores ejusmodi mussitantes persentiscens, proprio consilio pulverem, hunc usurpans, velut in possessione consilii utilis, & auxilii certi, sese constitutam credens, nihil ultra, quam solum pulverem hunc sibi deponere adsevivisset. Cum autem iterum dolore tali, & quidem tam acri, ut decumbere necesse haberet, infestaretur, neque primo statim die, duæ vel tres pulveris doses satisfecissent, secundo atque tertio die, in senas horas dosin 15. granorum assumebat. Quarto die mane stigmatibus usitatis conspersum corpus, variolas tunc temporis grassantes subesse, ostendebat. Petit itaque

que consilio, à salino illo pulvere quidem desistere jubebatur, dabantur autem parvæ doses absorbentium, de ostracodermatum censu, bis per diem assumendæ. Succedebant omnia (evanescente post eruptionem dolore) penitus ad votum; eruptio, elatio, maturatio, ruptio, resiccatio, casus eschararum: tranquillè omnia, justis temporis & reliquarum circumstantiarum successibus, ad orthostadium usque, imo postea plenam atque justam sanitatem. Interim ægra à primo dolorum initio, usque ad bonum hunc totius morbi exitum, exquisito 14. dierum spatio, clausam servabat alvum, ne semel quidem sponte succedentem, nec arte, dum omnia reliqua optime procedebant, admonendam visam. Magno certe paradoxo pro illis, qui non solum Nitrum, tanquam laxativo effectui infame, hîc perhorrescunt, sed etiam usu forte edocti sunt, quam facile in variolis heteroclitus ille retrogradus motus, & diarrhœarum eventus, provocetur.

Ut autem etiam facillimæ stricturæ alvi in his febribus petechizantibus antea tactum exemplum exhibeam, petebatur à me, primo illo tempore, quo petechiæ istæ grassari cœperant, auxilium pro ægro jam quintum diem ex hoc morbo graviter decumbente; mittebam usitatam mihi essentiam alexipharmacam, cum duobus pulveribus, ex absorbentibus & Antimonio diaphoretico formatis. Redibat altero mane uxor ægri, & magnam anxiorum symptomatum ab his remediis perceptam mitigationem celebrabat; nihil ad optimam spem obesse reputans, quam alvi fluxum, jam per quatuor dies toleratum, vires ægri graviter atterentem. Dabam unum pulverem, è sex granis terræ sigillatæ Turcicæ dictæ (hemisphærica figura, literulis Arabicis notata,) & totidem granis Corallorum r. præp. ut & conch. præparat. Sistebatur inde alvus confestim, symptomata pristina ferocia recrudescebant, fæmina, ut solent plebeji ab eventibus pendere, tanquam re conclamata, nihil auxilii superesse augurans, non redibat, nisi tertio post die, mortem



agri renuntians. Sæpe certe ab illo tempore Practici me riserunt, quod aliquid sinistri hujus eventus, medicamento, imo mihi, imputaverim : ego vero ab illo die â repetenda tali methodo atque medicatione, omni studio abstinui ; quin ipsa hac sollicitudine, ad alteram hætenus dictam animum adjiciens , etiam alios effectus sub divina gratia deprehendi.

Quamvis autem, ut hætenus abunde dictum est, nihil palam noxii, a spontaneis illis diarrhœis percepissem, tamen ad alvum ex proposito sollicitandam, non satis animi mihi fuisse, minime dissimulo : nisi quod Pilulæ Balsamicæ, aliquoties tentatæ, effectum alvi reparatorium, sine ulteriore commotione feliciter absolventes, usibus talibus inservirent.

Succedebat interim huic meæ methodo, memoratum illud novum experimentum, non solum positive laxans, sed repetitis, ut præscriptum erat dosibus, (& ex notoria massæ quam complectitur, potentia) certe purgans. Suffragabatur spei & promissis, creberrimus, imo propemodum perpetuus, felix eventus. Recte hætenus, ubicunque tota illa compositio, & methodo præscripta exquisite, usui huic adhibebatur.

Fiebat inde, ut propemodum moris est, ut generali conspectu magis quam conceptu æstimatum remedium, prolixam illam assertionem elicere, quod diarrhœæ, vel harum artificialium exemplo, non in hac solum febre, sed acutis sine discrimine, salutares habendæ sint. Absit, ut ego huic propositioni me immisceam ; sicut hujus pruritus â me absentiam, tot annorum, etiam affectato, silentio, affatim declaravisse mihi videor : nedum ut exempla attingam, ubi insperati contrarii eventus, tali opinioni superstructi, ausus illos graviter destituerunt.

Sufficere potest rem ipsam, quatenus melius se habet atque gerit, bona fide memorasse. Usurpabatur remedium illud, è Mixtura simplici probe acida, & massa illa cathartica formatum, in senas horas; jubebantur autem ægri, imo injungebatur ipsis, affatim simul bibere, adeo ut per nyctimerum, à tribus libris pro puerili ætate, & ad minimum quidem, ad octo libras pro adultis, mensura determinaretur. Sequebantur catharreses, à minore numero ad plures supra vigesimum hinc inde, procedentes. Interim cum tanta euphoria, ut symptomatum usitatorum aliqua intercepta, reliqua mitissima, sentirentur: exitus autem universus, vix non perpetuo, non solum salutaris, sed & tranquillus insuper, imo plus quam sperari potuerat, commodus observaretur. Longe autem aliter fiebat, si potus demandatus negligebatur: longissime, si aliis simpliciter purgantibus remediis negotium gerebatur.

Cum enim præcocia judicia, neque gnava neque gnara rerum, quas decernendas sibi sumunt, sed illarum nudo obtutu, ut in primos sensus incurrunt, superficiali conspectu contenta, non solum intimiores negotii constitutiones atque conditiones insuper habent, sed ne quidem circumstantias plane sensibiles ad animum revocare cordi habent; ita in hoc negotium, hujus inquam medicamenti, tanquam nudi experimenti, tam sensui obvias vires, quam usurpandi præscriptum modum, nihil ultra inspiciendo, in sola crassa illa purgationis efficacia, universam suam decisionem fundant atque finiunt. Dum interim eximie alterativus effectus, admodum acidæ mixturæ simplicis, cum cathartica materia junctæ, non possit certe ita sicco pede præteriri, & tanquam pro nihilo duci: ne dum sollicitè imperata copiosior dilutio potulenta, ut medicamento illi quasi necessario jungenda, extra omnem rationem atque considerationem haberi,



Aliter certe, & prudenter quidem, negotium hoc intuentur, ipsi primi experimenti huius exsecutores; adeo, ut vel plane omittere interdum, vel certe minuere, catharticum illud additamentum, consultius judicaverint, quam illud sine omni discrimine, κατὰ πόδα prosequi aut continuare. Sicut etiam plerique Medicorum, praxin exercendi, & ab experientia magis, quam ex opinionibus præconceptis sentiendi occasionem nacti, mixturæ simplicis etiam solius utilem efficaciam, in epidemicis tam castrensium quam nauticorum militum febribus, affatim experiuntur. Ut taceam, quod recentiorum, quicunque practicam peritiam propius cum theoria connectere susceperunt, plerique omnes, acidis manifestioribus cathartorum additorum liberiores energiam refrænari atque temperari agnoscant.

Ut itaque ad nostrum propositum tandem propius pedem promoveamus, promissum fuerat, de nova methodo, petechizantes febres per certam Catharsin tractandi à nobis actum iri. Præstitum hoc spero, historice præsertim in iis, quæ hucusque protulimus. Rationum etiam mentionem injecimus, proximis periodis; nempe quod utilis potius, quam ullo modo suspectus, nedum sensibilibus periculosus, huius medicationis eventus, multum sine dubio debeat, alterativæ illi, mixturæ simplicis combinationi, quam nudæ atque simplici catharsi. Cui adjungere possumus, spontaneam illam velut inclinationem naturæ, ad hoc excretionis genus; in illo solum impeditam, quod materia illa tenuis, quantumcunque caustica, sub tentata tali evacuatione, sine concurrente aliqua sufficiente alteratione (dum nimio plus in naturæ potestate est evacuare, quam alterare, seu crases corrigere,) teneriori intestinorum substantiæ erisypelaceo-aphthodem corruptelam minari videatur. Hanc ut ego per Nitri modestum usum impetrare in animum induxi: ita experimentum illud, per acidum vitriolicum, imo & Spiritum Tartari, quin camphoratum bezoardicum aut theriacalem spiri-

spiritum absolvere voluisse, non sine verisimilitudine videtur: adjuncto insuper, imo injuncto, largiore potu, ad torminosas intestinorum inanum strictiones interpellandas, imo etiam evacuationes sinceri sanguinis, sufficiente humiditate supplendas.

A quibus intentionibus atque rationibus, nemo non videt, quam longe absint illi, qui non solum catharsin simpliciter ex hoc experimento arripiunt; sed vel plane sine discrimine, purgantia, qua talia, adeoque promiscue quælibet recentioribus moribus usitata, in subsidium vocare satis ducunt. Ubi cum propemodum vulgatissima haberi soleat Gialappæ radix, quæ interim per experimenta medico-anatomica, intestina directâ quadam veluti *κάρσι* afficere observatur: quam male ita tam rationi, quam rei ipsi consulatur, cujuslibet judicio relinquo.

Norunt hoc certe atque notant, qui in castris versantur, quod diarrhœæ, imprimis aliquanto jam prævalidæ huic feбри supervenientes, & tanto magis in maligniore ejus constitutione, (quæ secundum temporum atque tempestatum diuturniorum, diversitatem, omnibus epidemicis, & inter has notorie ipsis variolis & morbillis, diversimode obtingit,) valde ambiguum, & frequentius funestum, exitum post se trahant. Non certe, quod evacuatio hæc in se, & propter illam factus materiæ morbosæ ad intestina confluxus, qua talis, hoc perficiat: sed quod materia eo confluens, nulla alteratione correctâ, causticos illos, gangrænodos effectus, his visceribus inducat. Unde utique tanto magis â sana ratione abhorret, materiam talem, nudis catharticis simpliciter eo proturbare, adeoque funestæ illorum efficaciz quasi decumanam portam aperire.

Interim ne etiam aliquid prætermittamus, quod ad justam harum rerum contemplationem pertineat; cum utique res obser-



vatas atque observandas descripturo, nihil negligere incumbat: habeo illud quod moneam, atque prudentiori pensitationi commendem. Qui methodo illa, & remedio usi, salutarem morbi successum atque exitum assecuti sunt, non ita sine discrimine à toto morbo liberati censendi veniunt, ut statim soluta alvo, quod erat in hypothesi, febris solveretur, atque ita totus morbus quasi dispareret. Sed satis erat, symptomatum vehementiam mitescentem, & notabiliter decreascentem, experiri; præcordiorum anxias angustias, dorsi tensivos irrequietos dolores, æstus intemperiem sicciore ardore infestam, vigilias perpetuas &c. omnia hæc inquam leniora persentiscere: Imo de die in diem tolerabilius habere: nequaquam tamen penitus sublatam febrem, nedum plenam sanitatem, deprehendere aut assequi obtingebat, prius, quam ad minimum septima dies, aut tandem undecima, quin decima quarta, præterisset. Quæ restanto dignior erat iusta observatione, ne vel incassum sperata, repentina febris solutio, & plenæ sanitatis non statim comparens impetratio, nudè, & crasso modo empiricam hujus medicationis expectationem, statim fastidire faceret, vel cessationem adhuc intempestivam, ante iustum tempus, & certio rem securitatem, svaderet.

Illud interim negari nullo modo potest, quod hæc methodus, ex quo tempore passim in usum deduci cœpit, metum illum popularem ab hac febre, fida experientia svadente, non solum satis celeriter extinxerit; sed ipsa etiam hæc febris, intra spatium non ita multorum mensium velut evanuerit, cum jam quintum annum admodum frequente cursu & circuitu, late per Thuringiam, & Misnæ atque Saxonæ fines, grassata & circumvagata esset.

Excepit autem illam alia febris, nihilo melioris moris, asperitate longe minore quam miliari cutem afficiens; quam nescias unde purpuram, seu purpuratam febrem appellare consueverant, certis in locis, ubi jam à multis annis observari siveverat; ea interim disse-

differentia insigni, quod modo dicta solum endemia, nullatenus autem epidemica, nedum acrius contagiosa, deprehensa fuisset : solis propemodum puerperis infesta : dum ex adverso, recentior hæc, tam omni sexui & ætati epidemice immineret : quam, per initia, præsertim, satis contagiosam se gerneret, quamvis non ad morem & energiam petechizantis, in hoc passu.

In hac autem febre, neque sponte diarrhœæ familiariter concurrabant, nec illa quoque methodus, & memoratum medicamentum, bonos, aut certe non illos, quos in petechizante febre, effectus exhibebant. Quæ res insigni documento esse potest, quantum intersit, ut generalis salutaris efficacia, sive spontanearum, sive artificialium, alvi fluxuum, cum debita discretione æstimetur, nedum laudetur, aut svadeatur. Nam quod hic illic, apud aliquos Scriptores invenienda exempla, fluxus alvi continuæ alicui febre salubriter supervenientis, concernit; facile certe, sed tanto magis prudenter, imo diligenter, dijudicare licet atque decet, quid differentiæ intercedat, inter biliosas, & cholericas continuas, & eminentius acutas, nedum contagiosas febres : ne temere, quæ biliosæ saburræ utiliter eveniunt exonerationes, sine discrimine ad omnis generis, imprimis antiquo sensu acutas (nempe inflammatorias) aut plane contagiosas, extendantur.

Exemplum unum allegavisse satis erit. Hartmannus, ubi Pulveris Cornacchini laudes decantat, deprædicat usum ejus in puero Variolas parturiente, admodum salubrem sibi observatum. Jam, si hoc exemplum, in puero primas vias saburra obsessas habente, sine damno, imo cum levamine, perpetratam evacuationem cathartica sistens, paradigmatis loco, pro experimento & imitatione arripiatur, quot putes exempla repertum iri, quæ huic laudationi suffragium ferant, sive per illud idem, sive per alia cathartica, negotium gerendum suscipiatur.

Mihi



Mihi itaque semper placuit, nec me, sub divino auxilio, ejus rei ad hunc diem pœnituit, mediam potius viam insistere; nihil undique pellere, nec ut antiquiores loquuntur, trahere: sed placidas, naturæ consentaneas, evacuationes solum ita respicere, ne ex illarum positiva retentione, damnum aliquod pullularet: excessus autem atq; impetus, cum *ναυσᾶς* acrimonia, & qualibuscunque inde impendentibus noxis, lenire, intercipere, & præoccupare. Quo intuitu Nitrum, absorbentibus & leniter diaphnoicis, circumspecte sociatum, tam in petechizantibus illis, quam subsecutis, vulgo purpuratis dictis, aut juxta alios miliaribus, febribus, plus certe, quam quicquam aliud, boni officii præstitisse, & nihil unquam sinistri ostendisse, ipsam veritatem testem advocare possum. Simul autem illud repetere non negligam, quod pulvis ex æqualibus partibus Concharum fluviatilium præparatarum, Antimonii diaphoretici, & bene depurati Nitri, formatus, ad scrupulum unum in singulas doses propinatus, diarrhœas illas petechizantium febrium, magno numero exemplorum, ita in potestate veluti habuerit, ut illas non solum refrænaret & minueret, sed & cohiberet & in ordinem redigeret: & hoc quidem plane præter spem contrariam de ipso opinionem foventium, repetitis ter vel quater dosibus.

Placet illud adjicere, sicubi forte usum aliquem præbere, possit. Puero novenni aut paulo amplius, febrilia signa exhibere incipienti, & de grassante adhuc illo tempore petechizante febre suspicionem objicienti, propinatum erat remedium illud acido-catharticum; operabatur apud ipsum, per tres jam dies, solito more, nempe pluribus per dies atque noctes alvi evacuationibus. Emicabant autem sub tertii diei vesperam stigmata pustularia, non maculas petechiales, sed variolas promittentia: turbabat res Medicum atque matrem. In subsidium advocatus, corticem Cascarillæ pulverisatum, ad octo circiter grana præscripsi; à cujus, post sex forte horas

horas repetita assumptione, cessans alvi fluxus, justo eruptionis successui liberum locum reliquit. Quin tertio die post repullulans, eodem pulvere iterum sedatus, variolis postea ad votum succedentibus, ad salutarem totius morbi exitum profuisse, agnitus est.

Hæc sunt, quæ de nova, tum temporis, methodo, imo etiam medicina, ad febres petechizantes, proficua deprehensa, imprimis historice, notare, & ad memoriam rei, uti vere gesta est, consignare, promiseram; illud breviter adjungendo, quod ad veriore de hac re conceptum, quadrare, mihi quidem, videtur: nempe, quod non tam nuda catharsis, & catoterica evacuatio, considerata hic veniat; sed imprimis etiam alteratio per mixturam simplicem, & quidem notabiliter acidam, concurrente simul larga dilutione potulenta: quam quidem etiam in methodo mihi usitata, nitroforum usu, non magis commendatam habere, quam ægris commendare siveveram. Illud insuper adjiciens, quod monitum hoc, de largiore potu magis magisque peculiarem cautionem subjungendam ostenderit, ne potu uterentur, cerevisiario licet, tamen inebriativo & fortiore; siquidem hic error, hinc inde damnum intulit, dum fortiore cerevisia sola potiti ægri, & tenuiore destituti, nec insuper bonæ notæ aquam nacti, ex hac sola velut occasione pejus habere sentiebantur, gravius affecto & magis magisque turbato capite. Cæterum ipse ego quoque, acidis quidem mineralibus, non ita frequenter, usus sum, bene vero acetositate Citri, in julapiis alterantibus & leniter diapnoicis &c.

Illud autem constans experientia semper declaravit, quod evacuationes largiores periphericæ, per sudationem,

Rr rr



nem, imprimis per calidiora remedia incitatam, certiora, potius pericula atque damna intulerint; anxietates majores, angustias, inquietudines summas, obnubilationem atque turbationem capitis, & tandem copiosarum, atque saturatarum macularum eruptiones, quin ultimo certiores faucium, atque profundiores adhuc, œsophagi, imo probabiliter ventriculi, (teste strepitu illo, sonitu, & borborygmis, deglutitionem potus excipientibus, jam ipsi Hippocrati damnatis,) apthodes inflammationes, comatodem, aut convulsivum, funestum exitum, pedissequum habentes. E qua ipsa observatione, juncta cum altera illa, quod diarrhœæ sponte supervenientes, nihil paralleli damni objecerint, (dummodo adstringentibus & opiatibus non perverterentur,) illud ad minimum colligere licuerit, quod hæc quoque methodus, per evacuationem talem, cum potente alteratione procedendi, indoli hujus morbi non ita opposita sit, ut illi sibi imaginantur, qui febrem hanc pro vera exanthematica intuentur.

Ubi certe locum habere debet, si non in se nova, tamen nova commendatione inculcanda, distinctio febrium exanthematicarum astricto sensu talium, & hujus qualitercunque ecchymaticæ. Dum priores, non solum semper, & per essentiam, aliquid extrorsum propellunt, sed etiam qualitercunque critice, ecchymosin talem absolvunt: nempe ita salutariter, ut justus successus hujus emotionis, salutarem exitum promittat, defectus periculum, imo damnum, portendat. Quod maculæ hæc, neutro modo, exquisitè, faciunt. Quam quidem rem, in petechizante febre, communis Practicorum consensus stabilit, macularum harum eruptionem, magis pro symptomatice, quam critica, declarando: idque diserte propterea, quia morbum levare non  
sen-

sentiatur. Sicut omnino locupletem ejus rei experientiam, benedicente Deo, affecutus sum; dum magnus numerus ægrorum, febre cætera per omnia eadem, affectorum, maculas tamen nullas exhibuit: cum ex adverso, quotquot calidis medicamentis atque regiminibus sudatoriis commovebantur, certas, & copiosas maculas offerrent, cum ancipiti & laborioso, imo frequenter funesto, exitu: aut ante apparitionem macularum, anxiis symptomatum exacerbationibus obruti, interirent.

Forte nec illud oberit, paucis annotasse, quod plebejus quidam advena, filium puerum forte 12. annorum, in Orphanotrophæo commorantem, invisurus, in nudinis eodem tempore celebratis, ab Agyrta pillulas duas coëmerit, purgationi, cum præfatione consveta magnificorum effectuum, dicatas. Corripitur illis diebus uterque, pater & filius, hac Febre, tunc maxime regnante. Deglutit unam pillulam prægrandem, pater, alteram divisam filio exhibet. Exagitantur hincambo evacuationibus, sursum deorsum, gravissimis. Cum illo ipso tempore Apinus scriptum suum divulgasset, post evacuationes, imprimis emeticas, Cascarrillæ indubios salutares effectus deprædicans, exhibetur his ægris pulvis illius corticis: habebant autem ægerrime, tam à morbo, quam enormi illa evacuatione, imo exagitatione, sursum deorsum tormina immania passi. Succedebant maculæ amplæ, & ultra morem atque modum saturati, ad obscuritatem usque, coloris: evaserunt tamen ambo, nec quidem ita longo temporis ambitu certe non ultra decimum quartum diem decumbere coacti.



Fiet autem forte propediem, ut recentissima quædam methodus in lucem prodeat, quæ ad has Febres, inde à Solstitio brumali hic locorum periculose crassari incipientes, cum manifesto fructu adhibita est. Consistit autem illa, in subordinata repetitione Emeseos, Venæ sectionis, & laxationis: adhibitis etiam in subsidium, ubi deliria, hoc tempore familiarissima, vere urgebant, amplis vesicatoriis: indicationibus è morbi natura desumptis, superstructa hæc methodus, tulit etiam experientiæ suffragium. Cui adhuc addendum est, quod hîc etiam, periculosissimè omnium habuerint, qui sudationibus indulserant: nedum qui illas remediis & regiminibus impulerant: & gravius semper habuerint, quibus eruperunt maculæ multæ, quam quibus paucæ, imo nullæ. Ita nempe semper, quantum ad summam rei, sui similis est natura: nec Medicus unquam felicior, quam ubi vestigia ejus presse sequi, cordi habet.



**EPISTOLÆ**  
**GRATULATORIÆ**  
**DISSERTATIONIBUS ACADEMICIS**  
**ANNEXÆ,**  
**VARIAS MATERIAS**  
**MEDICO-PHYSICO-**  
**CRITICAS**  
**CONTINENTES**  
Nunc  
excerptæ & selectæ.



ROYAL COLLEGE  
OF PHYSICIANS

EDIC-OF-PHYSIC  
GRATIAS



# AD DISPUTATIONEM

De

## FEBRIBUS BILIOSIS.

**O** Peram dare Medicum jubet Hippocrates ut sit Physicus, non vero hic intelligit scientiam physicam, qualis ad hunc diem solerter elaborata, celebratur, utpote quæ illis temporibus neque in Coe Hippocratis, neque Athenis, quo jam senex & ἀποθέωσι maturus venit, nota erat: Sed istius φύσις cognitionem, de qua libro de natura humana edisserit: qui de natura humana supra quam ad medicam artem attinet, differentes audire consuevit, illi certe minime accommodata est nostra oratio. Hanc φύσιν, quam numerosis suis scriptis, hinc inde summis encomiis veneratur, commendat Medico, & secundum illam φυσικὸν εἶναι jubet. Cum enim illa physica scientia, quæ materiales quidem corporis conditiones sollicitè peruestigat, motuum vero rationes, organicasque directiones non item considerat; præcipue vero in habitu præternaturali, morbidò, hoc non exquisitè peruestigat, ad medicam artem nullam penitus connexionem habeat, videtur mihi in illam quadrare posse paræmia, Pythagoræ præcepto similis, quo iussit: μὴ γένεσθαι τῶν μελανέρων, non gustare quæ nigram caudam habeant: ego alludo: τῶν ἀνέρων, quæ nullam caudam habeant; nempe ad usum nostrum medicum non faciant, illa in medicinam non inferre; Nam suo loco seorsim considerata, placent mihi ipsi quoque. Tu certe, Nobilissime Domine Candidate, eximie mihi videris implevisse illud Aristophanis in Ranis: ταῦτα μὲν πρὸς ἀνδρὸς ἐστὶ Νῆν ἔχοντι & Φρέ-



νας --- μετακυλινδῆν αὐτὸν αἰεί πρὸς τὸν εὐπράττοντα τχοῖον i. e. viri prudentis cordatique & circumspecti est, semper applicare se ad latus felici praxi (ad sonum vocis) idoneum. &c.

## AD DISPUTATIONEM

De

# MALO HYPOCHONDRIACO- HYSTERICO.

**A**rtis Medicæ dignitatem licet nemo sit sanioris mentis compos, qui non agnoscat, mirari tamen liceret, cur, qui illam exercent, hinc inde adeo lubrico sint loco, ut constans de se bonum hominum iudicium adeo difficulter obtineant, ut potius, si rem ita, uti est, edisserere velimus, adversa vota, & jam dubitatio de illorum arte, jam manifesta inculpatio & contemptus, plurimum præponderent.

Mirari inquam hæc liceret, nisi jam pridem ipse Hippocrates, & hanc rem, & causam ejus satis luculenter designasset, nempe tam quorundam, qui nomen Medicorum præ sese ferunt, quam qui de illis leviter judicant, temeritatem. Si jam dispiciamus, unde hæc incommoda ortum trahant, profecto vel doctrinæ vitium id erit, vel discentium aut exercentium artem. Non autem loquor de monstris hominum, qui nihil omnium docti aut periti, non temeritate, sed nequitia in vitam hominum grassantur, agyræ, circumforanei, medicamentorum internorum vehementium abusus, aut futilibus fucis atque imposturis simplices homines pecunia emungunt: Aliis certe, si hic officium facerent oppidani Magistratus, mediis atque methodis coercendi: Sed intelligo omnino tales, qui studio huic incubuerunt, & omni modo artem didicisse, tam voluerunt, quam debuerunt. Hi quidem, nisi & ipsi præmature studium postposuerint, & rerum suarum perperam satagentes, messem ante sementem facere properent, aut morum, & reliquæ vitæ, censuram incurrere mereantur: nisi inquam horum  
quid

quid subfit, quod quidem non subesse, hinc inde iterum iterumque optandum est, certe quodcunque superest vitium, non potest, nisi ipsi doctrinæ imputari. Sane vero merito hoc fit hodierno, tempore. Ubi tam conspicua sunt, non opinionum, sed omnino dogmatum diffidiâ, ut non jam unus aut alter, peculiare quiddam, non sentire, sed docere atque propagare gestiât; sed fere jam valeat antiquum illud, quot capita, tot sensus: Neque jam diversæ, sed contrariæ, opiniones, atque traditiones, vigeant, atque asseclas, alibi ambient, alibi habeant. Jam cum nemo sit, quantumcunque etiam de reliquo stupidus, quin facile intelligat, quod non solum diversæ, sed tanto magis adversæ circa unam eandemque rem, sententiæ non possint simul veræ existere; Econtra factum maxime fit facile, ut è pluribus circa veritatem, utique non nisi unam, ita hallucinantibus, etiam nullus scopum recte assequatur: fit inde facillime, dum ita non cogitant magis, quam judicant, horum diffidiorum spectatores, ut per inductionem à magno numero ignorantiam veri sibi reciproce exprobrantium, tandem concludant homines, quod plane nemo sit, qui illud assequatur. Ego quidem merito hic mecum facio illud Hieronymi ad Rusticum: Ego neminem nominabo, neque veteris comœdiæ licentia certas personas eligam, atque perstringam; Illud autem in genere, bona spero cujusvis pace dicere licebit, quod huic malo mederi, ita justum esset, imo necessarium, ut huic officio omnia alia posthabere maxime deceret. Non opto hoc solum, & quantum usquam in me est virium, eo mentem animumque omnem intendo; Sed adeo hic indulgeo bonæ spei, ut quoties aliquem conspicio, qui Arti Medicæ animum applicuit, justis ad hoc negotium subsidiis instructus, audeam huic rei bonum successum ominari, & Medicæ doctrinæ vindicias à suis opprobriis augurari. Epicuri libros ficulneo ligno exuisse dicitur Alexander Pseudomante; Philosophiam, si recte capiatur, non usque quaque contemnendam, nullius pretii ligno: Ficulnea dogmata, quæ Medicinam dehonestant, non pari, sed certe meliore atque robustiore instrumento perfringere necesse fuerit: Alias enim docturus alios, quod ipse nesciat, nec intelligat merito audiet illum antiquum: ὅς αὐτὸς αὐτὸν ἐκ ἔχει, σάμῳ θέλει.



AD DISPUTATIONEM  
DE  
MUTATIONE TEMPERA-  
MENTI.

Quicumque iustitiam Distributivam, in suo cuique tribuendo, honestissime administrare atque exequi, tam intelligunt, quam volunt, illos minime fugere potest veritas effari illius Senecæ, quod multa quidem egerint antiquiores atque antecessores nostri, sed non omnia peregerint, quin nobis etiam reliquerint, in quibus nostrum studium atque operam collocare valeamus; Ubi, ut æquissime Hippocrates Lib. I. de Diæta monet, immerito ullus illorum reprehendendus veniat, propterea, quod invenire omnia non potuerint, sed laudandi potius sint, quod conari non neglexerint: Ita nos posteriores potius commodam interpretari debemus relictam occasionem, etiam nostras vires experiendi, & jam inventis aliqua adjiciendi. Quam in re ulterius æquitatis exercendæ objectum sese offert, in non negligenda aut contemnenda antiquiorum diligentia, & simpliciter novis omnibus quærendis, ne iusta reprehensio Oweni locum inveniat, dicentis: invida stultitia est, cui cuncta recentia sordent: Stulta sed invidia est, cui nova sola placent. Non certe eo loco posita est veritas, non ratio humana & sagacitas, non industria humana, & solertia, ut inde à remota antiquitate plane in tenebris relicta sint, quæ non solum digna scitu, sed plane necessaria usu, esse potuerint. Habuerunt omnia Sæcula ingenia observandæ veritati intenta; à quibus passim aliquid annotatum reportavit posteritas, quamlibet per temporum injuriam, & commoditatis defectum, imo subsidiorum etiam necessariorum, ut sincerioris Philosophiæ penuriam, & inutiles ἀνορθώσεις atque intempestivam polypragmosin, partim sufficientes progressus, partim assensum iustum atque debitum, non affecuti sint boni illi conatus. Unde certe multa opus est prudentia, si quid antiquitati notatu dignum visum, absolute ut inutile, aut omnino falsum, aspernari aut damnare in se recipere velit posteritas.



tas. Quæ vero majora in medium produci possunt Exempla, quam incredibilia illa propemodum, quæ Heraclitus, Plinius, Ptolomæus, Strabo, & aliquanto propior Marcus Paulus Venettus, de partibus Orbis, de Gentibus remotis, de Animalibus incognitis, de vegetabilibus inusitatis, imo usitatis sed exoticis, commemorarunt: Quæ tamen temporum successus, si non omnia, tamen multa, & propemodum pleraque, ab intempestiva veritatis atque falsitatis nota, vindicavit: Qua in re Salmasii, Bochari, & propioris Rudbeckii ingenium atque studium, ita primos ordines ducunt, ut etiam ultimus horum, pro nudis somniis atque fabulis habita Platonis de Atlantica, etiam specialissima monumenta, documentis ad ipsam *αὐτοψίαν* provocantibus vix non per singulos apices certissimæ veritati vindicari, neque dubitarunt, nec propemodum defecerunt. Unde, non solum in contemnendis ac damnandis antiquorum laboribus, ingente opus est animi moderatione, prudentia, atque circumspeditione: Sed etiam longe potior habenda optimorum talium exemplorum imitatio, quæ potius occupata sit in eruenda, elucidanda, & supplenda, rerum talium veritate. Præbet mihi occasionem de rebus his aliquid differendi, Disputatio Inauguralis de TEMPERAMENTORUM MUTATIONE, quam publice proponere atque ventilare suscepisti. Temperamenta quanti aestimaverit antiquior medica schola; Quid vero recentior de illis senserit, nemini ignotum esse potest, dogmatum utrorumque non insolidum imperitum medicum tutissimum iter; Probanda omnia, quæ bona sunt retinenda, etiam Sacri effati est consilium. &c. &c.

## AD DISPUTATIONEM

### DE

## FEBRIBUS COMPOSITIS EX

### ACUTA PERIODO.

**C**Um in ea tempora nos reservaverit suprema natura, ubi Curiositatis & laus est maxima & summum studium, vitio certe, sane



fane ignaviæ verti atque imputari nobis posset, si tanquam in medio gravissimorum mortalium choro, otiosi desideremus, neque pro virili etiam operam nostram aliquibus negotiis hujusmodi census adhiberemus. Omnino vero improba est, & merito improbanda ignavia; sed & interest sane, ut, quod agas, non deterius sit otio, imo ne par quidem, sed melius. Præterea curiositatem oderunt antiquæ virtutis Viri, & vitare suadent; sed sub πολυπραγμοσύνης nomine; æquiparant huic Grammatici curiositatis vocem, melius forte, modo Cicero haberet, scrupulositatem. Certe etiam græcum illud nomen, licet satis omnino apte notet diffusionem nimiam, & occupationem circa multa atque varia; notum tamen est ipso maxime usu, quod circa aliena occupatio cum primis hoc nomine designetur, quam alias eadem gens ἀλλοτριεπισκοπείαν appellat. Curiositas vero quatenus multam curam etiam notare potest, & satagendi omnino studium, si justis, nempe suis maxime rebus, adhibeatur, præcipue quando illæ tales sunt, quæ animi decentem adplicationem non mereantur, magis, quam omnino etiam expectent, imo postulent, digna est quæ excolatur, & multo usu usui adhibeatur. Quod autem studium, quodve propositum plus curæ atq; circumspectæ indagationis meretur, quam illud, quod circa sanitatis, imo vitæ humanæ conservationem, & quæ ad illam faciunt recte prospicienda, versatur. Sed forte nullus hic superest labor? nisi ut veritas illius Comici examinetur: Etiam unus capillus suam habet umbram. Optandum profecto, si quid à votis integrum esset expectare: sed frustra sunt. Imo etiam illud frustra est notare, unde hæc nobis clades ingruat, imo jam obtigerit; & odiosum insuper, eloqui, quod ab ipsa illa male collocata curiositate. Imo potius, cura hic opus est, vigilantia, assiduitate. Quin amplius, perspicacitate, intellectu, judicio, ne bene parta per antecessorum industriam, ad posteritatem intereant, & quidem, quod profecto calamitosum haberi debeat, non ignavia, sed summa contentione, verum male collocata. Cras seria, inquit olim ita curiosus, & vitam perdit; ludicrum videt, irruens fatum prætervidet. Imo cras ludicra, cum  
otium



otium fuerit à necessariis: ab his quod superest, istis satis est: Si nihil sit, nihil certe sunt ista. &c. &c.

## AD DISPUTATIONEM

DE

### LETHALITATE VULNERUM.

**A**Ntiquum est Medicinæ opprobrium, quod sit *σοχασμὴ*, seu conjecturis multum labore, è quibus, tanquam rebus solum probabilibus, conclusiones inconcussas formare, sanæ rationi adversetur. Sicut autem nemo tam imperitus fuerit, ut universis Medicinæ considerationibus, *σοχασμὸν* præficere auserit; cum non solum in numerosis, sed numero quoque præpollentibus casibus, non tam conjecturis, sed tam ratione, quam experientia niti possit: Aut, si vel maxime circa remotiorum causarum pervestigationem, divinationis Spiritu non polleat, id ipsi non majore jure vitio verti possit, quam Magistratui, Dei plane Vicario, interim tamen ab Hujus omniscientiâ adeo remoto, ut vel aliter, quam secundum fallacia sæpe atque defectiva testium effata & manca acta atque probata, nihil solide justè, statuere atque decernere possit: Vel *σοχασμῶ* non raro nihilominus fallaci, speciosis suspicionibus insistendo, methodum veritatis inveniendæ, à Divina Omniscientia atque Praxi longe magis abeuntem, per carnificinas atque tormenta, tentare necesse habeat: Ita nihilominus maximo plane jure atque merito distingvendæ omnino sunt ejusmodi causæ & subjecta, in quibus medicina *σοχασμὸν* suum negare aut dissimulare minime contenderit, ab alteris illis, in quibus sese melius fundatam esse, satis certo novit. Sane vero ingens est, & subinde irreparabile damnum, quod ex temeraria spe atque fiducia, in conjecturis quantumcunque etiam speciosis collocata, resultat; Imprimis quando non tam ipse eventus, talibus ausibus in ancipitem casum tentandus, etiam ipse conjectura boni eventus palliari potest: Sed tanto magis, quando etiam certissimus capitalis damni eventus, imo potius effectus, ita ante oculos positus est, ut unice



à decisione medici, inauspicato certe in tali casu conjecturis innixuri, pendeat. Certe, quantumlibet etiam alias & multas, & fecundas occasiones, habeat Medicus imperitus, & κατ' ἀμάθειαν θεασύς, ex imprudentia impudens & confidens, graviter temeraria sua autoritate peccandi; neque certior tamen, neque gravior ipsi obtingit, quam si in Lethalitatis violentarum læsionum determinatione, scientiæ suæ atque prudentiæ nimium tribuat, & audacia potius quam fiducia, autoritatem suam muniat & confirmet. Suadet certe non magis communis honestas, quam meus ipse genius, atque indoles, quemlibet præsumere bonum, donec probetur contrarium; Et ipse maxime odisse soleo levitatem, imo temeritatem, fingendi casus: Quis autem præsumptioni illi indulgendi superest locus, quando contrarium probatur, & ex variis, non jam oblitteranda memoria emortuis, & pro non factis amplius habendis, sed sane longe præsentioribus, exemplis doceri potest, quantum in ejusmodi rebus jam nescio quibus conjecturis, jam suæ autoritatis erigendæ studiis, jam æmulationi atque contradicendi pruritui, tribuatur: nisi quidem crudæ prorsus imperitiæ talia adscribi debeant, quod certe neque semper fieri potest. Ibi reos conjecturis gravare; Conjecturas ex opinionibus, & vulgo, & maximo suo merito controversis atque dubiis pro rationibus ponere, figmenta casuum ac eventuum, pro hypothesi, & ipso præsentente casu assumere quibus nihil simile, nedum geminum unquam fando acceptum sit: Eventus per probabilem consequentiam, pro effectibus interpretari: Distinctionem lethalitatis absolutæ, periculofiratis eximiæ, accidentalis periculi, non applicare; Imo judicium suum, vel pro probabilibus reddendis, ac plane determinandis, circumstantiis temere suspectis & nullo corpore delicti adumbratis, non tam obfirmare, quam suspensiones demum suppeditare, imo tantquam pro rationibus decidendi respicere &c. singula hæc, tanto magis autem pleraque quid sunt, si non probationes potius, quam præsumptiones conjecturarum pessimarum. Ibi quidem tanto pejus est, experiri, quod homines sæpenumero circa res longe minoris momenti, etiam frivolis dubitationibus, tantum sæpenumero indulgeant; ut ibi absolute nihil certum, imo vix quidquam pro-

pro-



probabile esse contendant : E contra in illis rebus , quæ vel vitam hominis concernunt, tantum auctoritati suæ tribuant, ut vel nullis, vel alienis, vel frigidis quibusdam rationibus niti, non dubitent. Ut nunquam ullum hominem in individuo , etiam si ne quidem immeritum, stringere, mei sit sive ingenii, sive moris ; Ita neque tamen reformido veritatem, in rebus ubi magnum ejus est operæ prærium, colere : contempto, quod illam sequi jam dudum dedidici nescire, odio : Dicat mihi quæso quisquis sit, & erit mihi magnus Apollo, quidnam causæ sublit, quamobrem de dubio quodam gravioris læsionis casu, si numero plures medicorum sententiæ postulentur, tam facile par numerus colligi possit negantium, quam affirmantium, unam eandemque de indole vulneris ad eventum, propositionem ? At vero, quod hoc omni modo ita evenire, non possit forte solum, sed omnino soleat, si quis dubitare vellet, ausim illum paucis verbis ita instruere, ut citra suspectum alterius cujuscunque argumentum aut judicium suo ipsius judicio stare atque niti possit. *Hablen cartas, y callen barbas*, dicunt Hispani. Interim cum ea sit conditio humanitatis, ut ille pro prudente habendus veniat, non qui minime, sed qui minimum errat, tanto magis necessaria erunt adminicula, quibus ab errore sive cohiberi, sive revocari possint, quotquot hisce rebus vel volunt vel debent animum applicare. Unde quidem laude omnino digni sunt omnes, quotquot ejusmodi rebus, in quibus non minus proclive sit, quam grave, aberrare, facem aliquam præferre in animum induxerunt.

Tu ipse Clarissime CANDIDATE quantumvis hac vice potius Eruditionis Tuæ documentum dare, quam alios erudire suffecisset laudabili cœpto, unum quidem faciendum, alterum tamen non omitrendum, credidisti. Recte itaque eruditam deductionem de LETHALITATE VULNERUM, ita peregisti, ut vario respectu atque considerandi modo methodoque licet pleraque quæ alii, non tamen eadem prorsus, verborum atque rerum serie, sicut alii, pertractaveris. &c.



AD DISPUTATIONEM

DE

AFFECTIBUS GRAVIDARUM.

**Q**Uantumvis locus ille Genes. IV. 26. diversis modis explicetur à philologis insistentibus interim Judæorum non paucis, neque postremis, explicatione, quod Enos tempore profanatum sit Nomen DEI : unde etiam ipse Maimonides libellum suum de Idololatria, quamvis non diserte super hunc Textum tamen super hanc ejus acceptionem fundare legitur : & quicquid etiam alii hîc è Grammatica contradicunt, certum tamen illud, imo evidens est, verum fundum totius Idololatriæ nullum alium agnosci posse, nisi invocationem DEI inversam, per nomina varia Potestatum Ejus & actionum, secundum objectorum multitudinem multiplicium : utpote quæ maxime diffusio, imo evagatio secundum varios respectus, unam DEI omnipotentiam, ut rem multiplicem intuendi tenebricosam illam abyssum sine dubio objecit *πολυπραγμοσύνη* volaticæ mentis humanæ, ut multiplices effectus etiam multis diversis agentibus assignaret. Sicut autem sibi velut relictæ fatua mens humana, in hos scopulos facile impingendo gentilium Diis numerosis originem dedisse apparet : (quanquam revera in ipso fundamento etiam uni Divinitati has eminentes potestates adscripsisse ex eo agnosci possunt, quod etiam numerosa illa sua Numina, non aliunde nisi ab hoc uno Deo judicaverit, quod supremam talem potestatem obtineant, quæ ita, ut in se considerata, propriè sit una Divinitas) ita summo certe studio summaque vigilantia cavendum erat illis, qui etiam revelato DEI verbo sanius edocti sunt, ne ipsi quoque in hæc præcipitia agantur & perversa applicatione, in ipsa re cum paganis consentientes, solis forte verborum fucis mentis suæ caliginem colorent. Sane vero ingentem in hoc genere confusionis occasionem suppeditat usitatissima illa loquendi formula : DEUM agere per media. Quæ, ut ex parte DEI, sana penitus haberi, & quam maxime

maxime agnosci potest ; ita cavendum tamen summo venit opere, ne temere recepta illa deteriore loquendi formula DEUM indidisse talibus mediis illam energiam : salutarem ita Ejus perennem influxum , ad salutare omnino & optabiles rebus humanis usus, ita separemus, ut in solis mediis acquiescentes , DEI Ipsius parvam , imo passim potius nullam recordationem retineamus, sed dum Illum per scholasticas ætiologias primam causam declaramus, non tam dignitate, uti decet, quam ordine atque serie procedendi, æstimata, hoc ipso remotissimam judicemus, ut moniti nihil aliud respondeamus, imo verius sentiamus, quam usitatum illud : Das versteht sich vorhin. Enimvero certe in Medicina , multis modis hujus offensionis ferace , in potestate habere considerationes suas hâc in parte, convenit ; bene, inquam, & sollicitè discernere respectus illos, 1) quid media vere & constanter agant ; à DEO, inquam, ad illos effectus directè & quasi simpliciter instructa, & in perenni energia conservata sentiantur : 2) quid DEUS aliquando agat utique per media, sed non modo dicto illo directo & ordinario actuandi modo , quem adeoque semper sine circumstantiis quam maxime ad DEUM reflexis, ipsum medium toties quoties, quasi secum trahat , afferat, imo inferat : 3) quid utroque respectu constanter in animo habere conveniat, circa referendam ita ad DEUM illam energiam ; nempe etiam in ordinaria, reminiscendo, quod DEUS illam extra ordinem quidem, sed facile tamen pro sua potentia inflectere possit contra ingratorum vota : in extraordinaria vero, quod illam mediis, etiam propter politicos usus, directè vindicare, minus certe reverens haberi possit ; nedum ut ita utrinque tandem in oblivionem devolvamur, certæ divinæ cooperationis, perpetim exoptandæ. 4) Quam scandalosum ita habendum sit illud, quod certe pervulgatum est & usitatissimum, cum vera mediorum utilitas ab ipso DEO ita proficisci agnoscenda veniat, talibus rebus, quæ nihil hujus à DEO habent, ingentes, & revera veluti divinas vires, passim vindicare, adeoque de DEO revera falsissima nugari, & veram Ejus Bonitatem atque Potestatem ita temere in alios usus & respectus, contra secundum Præ-



ceptum , in vanum prætexere. Dies autem me destituat prius , quam potiora circa hanc rem offendicula exemplis in Arte nostra Medica elucidem : Intelligenti tria verba sufficiunt. Tui vero occasione , Nobiliss. DOMINE CANDIDATE , de hac materia verba aliquot proferre inclinavit animus, postquam Te perspecta affatim habere hæc talia, satis sciam, imo detestari, quicquid in hoc genere , quam Deo debemus Reverentiam offendit : alta vero mente repositum gerere, quanta sit divinæ Potentiæ & Clementiæ & utilitas, & necessitas, ad dirigendam mentem , pro inveniendis veris mediis, & excitandam veram energiam , ab Ipso destinatam pro salutari effectui. &c. &c.

## AD DISPUTATIONEM

DE

## MORBIS ACUTIS VETERUM.

**Q**uoties antiquam virtutem & fidem adspicio, toties certe simplicitatem contemplor imo veneror, quantumcunque etiam vilis videatur atque contemnenda illis, qui veritatis ipsius hoc esse, ut simplex sit, nempe una, vel non volunt intelligere, vel non possunt. Veritas autem simplex atque una , uti DEI Unius est primarium monumentum, ita in Naturæ quoque toto ambitu, non nisi simplicitate illam, citra tricas & ambages , firma & inconcussa, communivit. Non possum quin harum rerum recorder, quando antiquissimorum Virorum mores & decreta mecum perpendo, quæ non in Virtutis solum, sed corporis etiam Σεπεία , & sibi commendata habuerunt, & aliis præmonstrarunt atque præceperunt. Nihil jam Philosophis, Stoicis imprimis, laudandis tribuam temporis : Habeo inter medicos, quem producam & sincerum simplicitatis affectum commendem. Hippocratem intelligo : Quoties vero veritati cum simplicitate servientem , potius, quam factum & opinionum speciosa commenta, affectantem. Ex-  
emplo

emplo sane esse potest, è multis, cura illa & observatio quam gravissimo negotio *Febri Homicidæ* impendendam, posteritati commendat. Capiti & visceribus *refrigerantia* admove: *Hordeum non excorticatum tostum*, ad potum adhibere: *Liquori huic mel addere*: *Ante septimum nihil cibi nec sorbitionis exhibere*: si sub his rebus septimus dies præterierit, & *Febris remiserit*, cucurbitam & bêtam permittere, milium non nisi lingendum dare: usque ad noni diei exitum: Tunc etiam in prandio milium concedere. Tandem lacte asinino restaurare amissas vires. Quis hodie Medicus hæc audiat, sine fastidio? quis sequatur, sine fastu: sine remediorum nobilissimorum & potentissimorum, copia & numero speciosorum, luxu potius, quam usu. Fieri illa vult Hippocrates ad septimum; Imo nonum, & ultra. Splendidæ artis Mystæ, equidem cum omnibus splendentibus suis subsidiis, non modo non ante septimum, aut nonum, desinunt; nisi, vel ante utrumque, mortuus sit patiens: sed sæpe non ante septimanas hujus numeri, sæpe quoque plures. Cui vero usui, dixeris, hæc pompa, dicta, facta, imo apparatus etiam speciosi; si Hippocrates, cum simplici sua arte, æque ad septimum diem, ad nonum pervenit, quem illi sæpe non attingunt: Imo, si septimo die Hippocrati, *μέθεξις*, remissio Febris, occurrit, quam hi vel vigesimo, raro securam assequuntur: Nusquam autem omnium, tota tam pomposæ artis orchestra, ullo die citius, aut ullo sensu mitius, cedit aut decedit, salva vita, imo integra, morbus. Dudum autem est, quod ego idem dico: Dudum, quod ad simplicitatem provoco, ad Veritatem, ad Naturam, ab ipso Deo, ita, & non aliter, institutam. Quis enim non videt quod præcipuum Hippocratis artificium, non nisi in duabus rebus acquiescat, *abstinendo & expectando*. Quis autem non experitur, quod, quam multa etiam isti alteri, & multiplicia agitare satagant, tamen reluctantes, nedum reclamantes, coërceantur atque constringantur, *expectare*. &c.



# AD DISPUTATIONEM

De

## VARIOLIS.

**P**erperam uti mortales Dignitate, non antiqua solum jam est querela, sed neque certe unquam adhuc antiquata, verum undique potius resonans, & è vulgi usque hominum ore, passim audienda. Equidem communis propemodum usus obtinuit, ut vario sensu hæc locutio adhibeatur. Quam maxime vulgata est illa acceptio, qua de honoribus ipsis, Dignitatis nomen usurpatur: Unde & vernacula nostra rarius propemodum illo utitur; sed hoc fere intriviis tantum: dum ex adverso cultiores etiam ornatiori stylo, der Würde vocem intexere audias: Latini vero sermonis promachos, promiscue Honorum atque Dignitatum vocabulis uti, facile observes. Male profecto, si rei veritatem spectes. Non quod illud agere in animum inducam, ut hominibus memoriæ soli addictis, iudicium suadeam; (nempe, non, quo usu prisci locutores hoc vocabulum celebraverint, sed quid certo atque proprie designet, recordari, & usu magis exquisito discernere;) Sed ut rerum temerariam confusionem, prudentiori pensitationi commendem. Sicut enim illi, inurbana sua Dictatura, censuras bis pueriles intentaturi essent, si Dignationis vocem ibi adhibendam arbitrarer, ubi illi Dignitatis, per omnes antiquos Codices, tuentur: Ita subest tamen longe verior, & nimio justior, illius actus discretio, quam hujus habitus falsa & inanis assignatio. Aurea certe est illa Quintiliani prophetia: Nunquam hoc malis moribus eveniet regnum, ut quæ speciosa fecerunt, eadem faciant & bona. Dignari nempe honoribus, possunt mortales, & puto solent! quantumcunque etiam indignos: Sed ut vero sensu Digni illis sint, quam plane impotes sint, ut efficiant, cum fastidio, imo indignatione tacite sollicita, indies experiuntur. Tanto magis, ubi deinde oculos quotidie habent, quomodo indignitales, nusquam illam animo complectantur modestiam, quam pulchre præcinit Poëta-- Haude equidem tali me dignor honore: Sed, quod tota sua vita e-

ver-



vertunt, verbis atque provocationibus, mordicus defendant, col-  
latam sibi DIGNITATEM. Merito quidem indignatur talibus, atque  
dedignatur talia, omnis ætas & exemplis docetur; Non qui occu-  
pavit, sed qui dignus (vere) est, honorem possidere; Ubi vero pa-  
rem Dignitati honorem contingit inveniri, illi demum merito sin-  
cera atque justa gratulatio exhibetur. &c.

## AD DISPUTATIONEM

De

### UROMANTIÆ ET UROSCOPIÆ ABUSU.

**C**orruptæ humanæ rationis, & indomitæ superbæque, volu-  
ptatis magis, quam voluntatis, cum passim varia occurrant  
testimonia & documenta, non sequiorem tamen inter omnia  
talialocum occupat illud, quod homo, quæ rationi non solum mi-  
nus perspicua existunt, quin ne quidem de ipsa veritate satis extra,  
omne dubium posita, nihilominus passim avide amplectatur, &  
cum fidem non possit, saltem amplam, imo enormem, spem de  
illis concipiat: nempe magis talia sperans, qualia vellet obtinere,  
quam in illis, qualia scit, aut tantisper experitur, acquiescens.  
Quæ vero rerum humanarum pars ab hac labe intacta manet! &  
quam justa hinc est, cujuscunque tandem ævi ad sensu, si vel maxi-  
me non totidem verbis, probata illa parcemia: *Bene sperando, &  
male habendo, transit vita mortalium.* Quamvis autem ita omnino in  
variis humanis negotiis, res sese habeat, tamen nulli propemodum  
talium secunda hic est Medicina; opinionibus certe credulis, imo  
passim frivolis, ita obruta, ut, quod ad solidam rationem attinet,  
vix usquam quidquam sincerum in illa deprehenditur. In ipsa in-  
quam Arte, nedum portentosis illis temerariis ausibus, quibus pas-  
sim sub Artis hujus nequam prætextu, in vitam, sanitatem, & for-  
tunas mortalium, grassantur, nusquam alias facile tolerandi, &  
vix non notæ infamiæ male feriati. Sane vero, merito fastidiunt,  
sinceri animi, tam proterve negligi, tam rationi quam experien-  
tiæ superstructa, jam inde ab omni cultiori ævo, emicantia artis fun-  
damenta; substitutis in illorum non solum locum, sed & dignita-  
tem,



tem, innumeris affaniis, & non magis quam somnium cum rerum veritate consentientibus, speculationibus. Deludi vero otiosa curiositate lasciviens genus humanum, ostentationibus experimentorum aliquot, aut spectaculorum, è profectione animalium, conturbatione vegetabilium & mineralium, & motitatione fabrilium machinarum; quales, cum in suo ordine, seorsim, possent aliquem locum mereri, aut adminimum, (ita seorsim & sigillatim,) spectaculo inservire, ei tamen scopo cui destinantur, non modo nullatenus inserviunt, sed etiam à verioribus seriis conceptibus, animos potius avertunt, & in perpetuos errores seducunt. Aureum profecto hoc loco, allegari meretur illud Isocratis ad Sophistas: Οὐ μεγάλας πῶισι, τὰς τέχνας, οἱ τολμῶντες ἀλαζονεύεσθαι περὶ αὐτῶν, ἀλλ' ὅτινες αὖν, ὅσον ἐνεσι ἐν ἐκάσῃ, ἐξευρεῖν δύνανται. *Non magnas efficiunt artes, qui jactantia circa illas indulgent, sed qui, quicquid in qualibet earum vere in est, perspicere atque reperire valent.* Sed præponderat, communiter, quod ab iisdem Græcis dicitur: ἀμάθεια θεῶσφι: *Ignorantia jactantiam & audaciam parit;* & quod utriusque linguæ proverbio notatur, *admirationem, ignorantie filiam esse.* Profecto, virum quidem expectat labor ille, demonstrandi, quam nullus allegatarum harum rerum sit usus, ad Medicinam; *anatomie* inquam, maximæ partis, & inprimis operosissimæ; *chymia*, etiam communissime pessimæ intellectæ: & tam *physica* maximæ partis, quam vulgo jactatæ *mechanica*. Sed cum labor hic otii etiam competentem omnino postulet, & vix dignum videatur, laboriosæ certæ, operæ pretium: a bonis fati expectandum est, quis huic labori tempus suum impendere, possit magis, quam velit. Tu interim, Nobilissime Candidate, dignum fecisti liberali tua indole, dum satis adhuc familiarem abusum, falso ostentatæ artis *Uromantica*, publica tua Inaugurali Dissertatione perstringere suscepisti. &c. &c.

## AD DISPUTATIONEM

De

## SOLUTIONE MARTIS IN PURO ALCALI.

**D**icterij jam propemodum vim potius, quam axiomatis ferij, obtinuit, Medicinam niti ratione & experientia. Sicut enim quæ quotidiano sermone agitantur, dum in consuetu-



dinem solius auditus abeunt, minus vulgo ad animum revocantur: Ita certe qui hoc idem de Medicina quoque, secundum hunc cano- nem consideranda, dixerit, minime errabit. Quem enim atten- tiorem observatorem fallere potest, quod nec experientia simplicis- sima, obvia & perpetua, circa vitam, sanitatem, atque morbos, satis diligenter animadvertatur: neque ratio harum rerum, qua, conveniebat solertia, ad animum revocetur. Quid mirum itaque, si Ars, licet amœnæ curiositatis plena, sed tamen non tantundem uti Medicinæ, necessaria, nihilo felicior hac in parte existat: sed similiter, cum ipsa quoque, ut ars, ratione & experientia excoli de- beret, pari utriusque neglectu tractetur. Verbis quidem altisonis, ad fastum usque, & justum fastidium, tam Medicinam, quam Chy- micam artem, celebrari, nemo nescit; sed multi profecto nesciunt, quam steriles atque cassæ utræque, inter tantas commendationes, atque commentationes, ad hunc usque diem persistant. Non pu- det repetere, (dum nunquam nimis dicitur, quod nunquam satis discitur,) sed piget propemodum, verissimum illud monitum Iso- cratis, contra sui temporis Sophistas: Non magnas reddunt artes, qui jactabunde de illis loqui gestiunt, sed illi potius, qui quantum in unaquaque vere inest, reperire atque in effectum deducere va- lent. Non dubito dicere, quod paria fata cum Medicina, chymia non aliunde subierit, nisi quod juxta cum illa, in eosdem homines incidit. Quid enim manifestum magis est, quam quod vanæ illæ jactationes, de chymia non aliunde prodierint, nisi è pharmaceuti- cis squaloribus, de quibus nihil verius dici potest, quam quod Bec- cherus eloquitur, quod frequentissime nucleus in ita dictis fecibus, abjiciatur & cortices in splendore asserventur. Unde revera plus longe experimentorum, solerte disquisitione dignorum, inter ma- nuarios operatores reperitur, quos vulgo laborantes vocant, quam apud Rhetores, in variis Systematibus, atque Commentariis ver- bosissimis. Non ignoro certe, nec dissimulo quidem, quod Chy- mia, in toto suo ambitu considerata, ad Medicam artem non perti- neat. Interim cum, ut habet plebejum proverbium, crinibus ve- luti ad hanc trahatur, non potest etiam, quid veriusus illi insit, com- prehendi, nisi ipsa quoque solertius, quam huc usque factum est,



enucleetur. Minime itaque vitio sed laudi potius, duco, & Tibi Nobilissime Domine Candidate, verto quod hujus etiam artis studio, cum medicina, industriam adhibueris, neque, hoc intuitu, Inauguralis speciminis dignitas detrahi potest, Dissertationi tuæ, chymica duo experimenta proponenti. Tanto magis, cum insuper non, communi more, extritas jam pridem paleas atque stipulas, trituras susceperit; sed propemodum inaudita, & decantatæ chymicæ fidem excedentia, specimina, partim notet, partim enucleet ac demonstret. Omne tulit punctum, qui miscuit utile dulci. Jucundum certe est, veritatem ipsam, etiam per chymiam, pervestigare. Quod non inutile sit etiam alioquin, non plane ignoras. Quod vero etiam ad Medicinam utile, ad minimum illo intuitu intelligis, dum inanes spes & pollicitationes, quas in hoc genere jactat atque lactat inanis Pharmacopoliorum apparatus, hujusmodi sincerior Chymicæ pervestigatio, optima fide demonstrat. &c.

## AD DISPUTATIONEM

DE

## TUMORE OEDEMATOSO PODAGRICO.

**N**Otatu dignus est locus apud Senecam, ubi amico suo confitetur, quod, cum junioribus suis annis ad contemplationem solertio rem rerum humanarum, & undique devii & perversi cursus, animum intentius applicare cœpisset, præ fastidio pravitatis atque perditorum seculi morum, sæpius ipsum impetus cepit abrumpendæ vitæ, & tanquam brevi via ex hoc labyrintho erumpendi: nisi Parentis imprimis amor hoc dedisset, ut patientius hæc fastidia atque odia perferendo, denique ad tolerantiam & tranquillitatem, animum, velut assuescendo, perduxisset. Certe, quod hic adhuc juvenis, circa totius vitæ fastidia expertus est, illud augeſcente ætate circa unam humanæ vitæ necessitatem, ita animum meum sæpius tentavit & quassavit, ut dum artis medicæ fata atque perplexas turbas mente perpenderem, pigere subinde me cepe-



ceperit, quod huic studio animum non solum adjecissem, sed prorsus illi operam & industriam addixissem. Sicut enim in antiquiore schola Medica, non poteram non ægre ferre repentinam illam, post Hippocratis & Galeni solertiam, desidiam, totius propemodum posteritatis, in poliendis, excolendis, & ad plenum fructum maturandis, antecessorum horum observationibus & commemorationibus; Cujus necessarij partim, partim utilissimi, instituti loco, sufficere videbatur, in illis, quæ à dictis istis artis conditoribus, semel prodita atque posita fuerant, ita acquiescere, ut non solum unguem latum ab iis recedere, tanquam superstitionis religioni duceretur, sed etiam supplere & adjicere, quod passim fieri necesse esset, nemo satis auderet; ita recentioribus ævis, irrumpe-  
 pte Paracelso, & seditionem illam denuo concitante Helmontio, salutarem, si recte usurpata esset, libertatem, de plenitudine doctrinæ Medicæ, ab antiquitate ad nostra tempora devolutæ, disquirendi, in illas turbas & licentiam prolapsam esse, ut innumeris, non diversis solum, sed passim contrariis, imo à se ipsis disfidibus, opinionibus & commentis squalerent, non poterat non mentem, unius veritatis cupidam profunda ægritudine afficere. Quid enim notius est, & jam ne ipsi quidem vulgo hominum amplius occultandum, quam quod tam antiquæ veritates per imperitiam Clinicam in summam perturbationem deductæ sint: Dum historia, morborum, è mutilis atque turbidis observatiunculis hominum, vel pauca atque rara praxi potitorum: vel inter numerosam praxin animum ad quidvis potius, quam ad solertem animadversionem veræ morborum constitutionis adjicientium, sed potius Empiriæ nudæ insistentium: in eum locum deducta sit, ut nihil jam propemodum de antiqua atque solida morborum descriptione placeat, aut probetur; sed vel omnia nova videantur, vel ea solum decerpantur, quæ phantasiis quibusdam ætiologicis quadrare videantur, suppressis interim & silentio prætermis-  
 sis, quæ cum his conciliari minime valerent. Alterum est, post imperitiam, scandalum, inscitia, contemplationes & deductiones ætiologicas, secundum simplicem verum ordinem causarum instruendi, & instituendi: Quod ita hodie insanabile deprehenditur, ut confusa illa, summa imis mi-



scendi protervia, non possit usquam in viam & meliorem frugem reduci. Cui malo, cum accedat, utique novum, scribendi cacoëthes; ut pauci propemodum promptiores sint, certe vero nemo impudentior, ad res suas, imo ægræ mentis somnia, publicæ luci exponenda, quam qui modo dictis duobus ficulneis fulcris palam nituntur; Imperitia, inquam, veræ indolis & historiæ morborum, & crassa inscitia, respectum atque nexuum causalium. Fieri itaque aliter non poterat, nisi ut omnia, vel indies magis magisque, turbarentur, vel semel arrepta perplexa sententia, mordicus retineretur, & semper eadem crambe recoqueretur. Ubi frustra plane est, res illas, in meridiana luce positas, turbidis talibus ingeniis atque moribus, occinere aut ostendere; Infrequentiam morborum generalem; Frequentiam autem morborum specialem, secundum temperamenta & ætates; Conspirationem sub eodem genere, morborum succedentium, cum prægressis: & variationem horum specialem, secundum loca tantum, non vero secundum totam materiam, aut subalternam formam: Efficaciam, generice simpliciore utut specificè *πολύμωρον*, constitutionis Plethoricæ, (quam Veteres primo loco inter causas morborum prudentissime collocaverunt, tales autem novatores, propemodum æterno silentio damnarunt,) Cacochymia verioris, minime perplexum aut obscurum, ortum ab ipsa plenitudine; Larvas atque metaschematismos, simplicioribus morbis, per portentosas medicationes, parium opinionum fructum, demum introductas, adeoque Corruptos morbos; Ingentia illa, publice obvia, certe totis millenariis numeranda, exempla, imo paradigmata & specimina, variæ speciei morborum, sine externo artificio aut adminiculo, sponte Naturæ humanæ, indies feliciter superatorum; Convenientiæ successus, decursus, exitus salutaris, morborum, etiam sub variis (modo non prorsus heteroclitis) artificiiis, cum illis spontaneæ sanationis methodis; aut contra, ab incommodioribus artificiiis, resultantes tales morborum immutationes, è sinceriore suo schemate, in alia, quales in pari genere morborum, ubi similia artificia, imo maleficia, non interceserunt, morbis illis non solum insolita, sed penitus incognita sunt; Præsentissimam æque, atque potentissimam, & proinde utroque modo



modo etiam frequentissimam, efficaciam, Animi pathematum, (etiam à nuda falsa æstimatione atque confusa ratiocinatione pendentium; ) in corporis, etiam cæteroquin exquisite sani, non solum reliquos vitales motus, sed in ipsam usque formationem primigeniam humani corporis; Discretionem inter veras causas, & effectus seu producta, morborum; imprimis minus manifesto, præsertim ad ita crassum sensum, sese exerentium; Discretionem æquivocæ & incertæ, & contra univocæ, certæ, constantis, evidentis, operationis atque efficacæ remediorum, & illinc pendentium etiam æquivocarum curationum: (dum unum idemque morbi genus, non solum sine talibus, sed vel plane contrariis, modo nihil novæ turbæ objicientibus, artificiis, passim sanatur, imò nihilo incommodius aut deterius, numerosis exemplis, etiam sine omni externo artificio) Et plura, quæ tamen ad hæc fundamenta proprie collineant. Frustra, inquam, sit hæc talibus præmonstrare, qui fundamentalis illo, tantopere ab Hippocrate in Medicinæ sectatore commendato atque præsupposito fulcimento, τῆς φύσεως, indolis ingeniosæ & sagacis, destituti, sub reliqua morum feritate, etiam humanæ rationis præsentiam, sola corporis humani larva demonstrare possunt. Unde, postquam Motuum in vivo, quin ipso humano corpore, uno, male intellecto & applicito, vocabulo, hinc inde obiter mentionem faciunt, toto reliquo nugarum suarum contextu, nihil nisi tales, & tam fatuas, materias decantant, ut cum antedictis illis manifestis, morborum æque, ac totius sanitatis atque vitæ humanæ, conditionibus atque casibus, non plus, quam Carduus cum circulo, quadrent. Faciunt certe, ut inde ab initio dixi, hæc talia artis Medicæ fata atque scandala, ut cum aliis multis honestis & cordatis Viris, etiam me subinde artis ita prostitutæ, pœniteat, pigeat, imo pudeat, & sæpe cogitatio animum subeat, annon honestius, certe tranquillius & commodius, rebus ita constitutis penitus obnunciare, & quamlibet potius aliam honestam vivendi rationem inire; futurum esset. Sed cum ubilibet propemodum multa zizania bonas fruges obsideat, & jam prudenter monente S. Apostolo, è mundo ipso emigrandum foret, si passim præcellentibus abusibus atque pravitatibus elabi, obstinatum esset propositum;



situm ; ferenda utique sunt, quæ mutari non possunt, & sapientissimæ voluntati atque ordinationi Divinæ commendandum, quando illa, vitia hæc, salubri sementi ab hoste interspersa, eradicare consultum duxerit. Levat interim tædium, & exile jubar melioris spei tanquam per nebulam ostendit, quod minime desint tales adhuc Viri, qui scientiæ atque conscientiæ compotes, uti labes has privatim affatim agnoscunt, iisque suo loco, in exoptatos usus proximi, consulere cordi habent, ita etiam magis magisque eo connisuri sint, ut publice quoque veritatis puræ atque castæ splendor, enitescat, & spreta zizania, bonæ frugis seges, ad lætiores messes maturescat. &c.

## AD DISPUTATIONEM

De

### FEBRE PER SE NUNQUAM LETHIFERA.

**N**otus est Menandri versus: ὑπὸ τῆς ἀνάγκης πολλαὰ πείσμεν κακά; *Propter necessitatem multa facimus mala; ad minimum, male: sive ut alter vertit, Ad multa nos necessitas cogit mala.* Neque vero etiam ignotus est alter Senarius: προπέτεια πολλοῖς ἐστὶν αἰτία κακῶν, *precipitantia multis causa est malorum.* *Necessitatis nempe dura utique est lex; quæ satis sæpe ad ea cogit mortales, quæ, si vel in se non æque absolute mala existunt; male tamen habent illorum animos, quibus intolerabile videtur, vel quod non facile possint, vel quod non velint; in se recipere.* Interim, *uti leve sit, quod bene fertur, onus; & levius sit patientia, quicquid corrigere est nefas:* ita impatentia, non modo malis nihil consulit; sed communiter etiam insuper male: & malum in pejus vertit. Patientia, cunctationem circumspectam & prudentem, asseclam habet, & subsidiariam; Impatentia festinationem, præcipitantiam, perplexitatem. Qui Ethices & Politices regulas intelligunt, simulque Praxeos harum peritia pollent, facile amplos in hæc objecta commentarios concipient; mihi satis est, etiam de Phycis rebus, veritatem horum effatorum stabilire; ita tamen, ut boni vel mali respectus, non tam

ad



ad moralitatem solidam, quam ad mores mortalium, non plane seponi possit. Et quidem Physice quoque minus bonum esse quicquid & operosum laborem, & lubricum ac ambiguum eventum, involvit, vix dubitare licet. At vero, illa quoque quæ sensibus molesta eveniunt, deteriora haberi jucundis, aut ad minimum tranquillis rebus, nemo nescit. Accedit animi humani inquietudo & perplexitas, quando non solum extra ordinem labor injungitur, sed etiam ita incertus eventus adhuc impendet, ut totius illius operæ, eventus ad votum felix, non solum in impedito, sed in incerto, positus sentiatur. Habemus hujus rei Exemplum atque documentum satis luculentum in *Febris* negotio; dum sano corpori, & bene succedentibus vitalis conservationis apparatus, neque sensui molestia, nec animo trepidatio, ex hoc latere, incumbit, sed tranquilla omnia & secura, sentiuntur. Quando vero periculum aliquod ingruit corpori, ad quod depulsandum, & labore opus est, extra ordinem suscipiendo; & vigilantia, ad hunc recte exequendum, adhibenda: tunc nemo propemodum est, quin operosa odiosa, & sollicita securis deteriora, interpretetur. Quanto magis autem in hanc semitam sese conjicit sensitivus atque animalis (certe unus idemque, objecto solum differens,) appetitus; eo magis tam ad agendum, quam in agendo, variis erroribus & hallucinationibus pandi portam, manifestum est. Turbavit hæc res, ab omni propemodum ævo Physicorum atque Medicorum mentem, dum Physici paulo antiquiores, inter causas eventuum naturalium, diserte *Casum* connumeraverunt; imo nec defuerunt plane, qui ipsum *Fatum* in consortium adsciscerent: nempe *necessitatem* certam, secundum quam omnia, quæ denuo Fiunt (specie quidem una eademque, numero interim diverso;) ita fiant & denuo conflentur. Quam rem qui à sola *materiarum* necessitate deducere laborant, *motu*, tam ad agendum, quam in agendo, non debite perpenso; quam longe aberrent à scopo, vel duo illa, (pauco numero, sed frequentissimis atque familiarissimis exemplis, velut in infinitum se se porrigentia,) specimina, manifestum reddunt, nempe monstrorum conformationum foetus, occasione phantasie maternæ; & eisdem equidem fundamento innixa, reliqua potentissima, atque præ-



sentissima, efficacia, *animi pathematum* ad motus corporis vitales, præter omnem proportionem materialem, mirifice alterandos, & hac demum ratione, materialem etiam habitum corporis, cito & profunde corrumpendum, aut certe à debita atque ordinaria crasi dimovendum. Quod autem majus, & per ipsam frequentiam familiarem, luculentius esse potest, harum rerum documentum, quam facilis illa, atque varie perplexa, turbulencia, quæ in actionibus, juxta proportionem ad idoneum finem regendis atque gubernandis, humano præsertim animo, obtingit, quando necessitas aliqua, non solum operosiora, sed etiam promptiora, & insuper bene ordinata consilia, vigilantiam, assiduitatem, & constantiam, exigit. Hujus enim rei uti ad mortales scopos, tota hominum vita plena est, exemplorum, etiam quotidianorum: ita in physico finali negotio, Vitalis conservationis, latissime patens specimen, jam nominatæ sistunt Febres, tum in genere, tum in specie periculosiori materiæ superinductæ. Ubi nempe salutaris tota intentio, & ad bonum effectum, si modo cetera sint paria, etiam idonea inventio, tamen Necessitatis incumbente onere, tam ad apparentia, quam subinde etiam vera, mala, directiones atque gubernationes motuum secretorio-excretoriorum, impellit, aut prorsus in transversum rapit. Apparentia enim illa mala, frigora & calores febriles, inappetentia, sitis, vigiliæ, inquietudo, lassitudo, timiditas, mœror, dolores, in primis capitis &c. cum non possint abesse, à Necessaria tunc temporis, majore commotione, & peculiari directione adversus periculosas materias, usitati impulsus humorum; & huic rei adhibendam, attenta, & assidua servatione justarum proportionum: fit utique inde, ut majori, & undiquaque vero impendenti malo, minora hæc mala, inevitabili necessitate adjungenda, sollicitos, anxios, imo impatientes reddant mortales: pro usitata nempe imprudentia, bonum quidem finem quam maxime volentes, sed media ad talem finem necessaria, molestè ducentes. Æquali vero leviorum atque apparentium malorum impatientia, pro animorum atque morum corruptione, veriores illi mali eventus cooriuntur, ut debita solertior atque ordinatior administratio atque gubernatio, salutarium proportionatorum motuum



um; perperam suscepta atque continuata, optatum bonum scopum non attingat; sed hostilis materia, adversus turbida subsidia prævalens, funestum effectum assequatur. Dignissimam certe hanc considerationem, dum solenni specimine publico enucleare aggressus es, NOBILISSIME DOMINE CANDIDATE, rem suscepisti magni ponderis, sed & maximæ utilitatis. Vide, ut non in sola scientia acquiescas, sed summa solertia illam ad praticos usus transferas, &c.&c.

## AD DISPUTATIONEM

DE

# MEDICINA MEDICINÆ CURIOSÆ.

**Q**uid mihi lusoria illa proponis, non est jocandi tempus. Circumstæ mors, fugit vita. Adversus hæc aliquid me doce; fac, ut mortem non fugiam, aut vita me non fugiat. Aurea, ut solet, Senecæ verba, quantum non simplicis veritatis, & veræ simplicitatis, animo cordato offerunt & commendant: Certo in propositis maxime seriis, imo necessariis, uti prorsus ignavum & inertem esse, ita temerarie, & quasi data opera negligentem, quid utrumque indicat, quam alienatæ atque alienæ mentis & rationis? Sed major inest vis, Philosophi verbis, & communiter, par Apellis operibus, de quibus non dispar prudens æstimator enunciasse perhibetur, quod in illis plus intelligatur, quam pingatur. Vides cum Doctore sermonem esse Philosopho huic; adversus hæc me doce, inquit. Monet Doctorem, offert se imo infert atque ingerit, discipulum. Et sane serio; adhuc mortifera mecum sunt, adversum hæc doceri a vobis: doce. Quid prodest totius regionis silentium, si affectus fremunt, ait alibi: ita hic, quid prodest quæcunque alia, quin jocularia & lusoria, discere, iisdemque vacare, discendis; quum tanta, imo summa necessitas, incumbat, adversus quam doceri atque discere, omnibus rebus anteponendum sit. Unde alibi non indignius monet, omnia impedi-



*ta dimitte, & vaca bonæ menti.* Quis autem non agnoscit; non magis justam esse sollicitam hanc cupiditatem necessaria discendi; quam justam subesse *reprehensionem aliena*, supervacua, imo *luforia docentis*. Ars Medica, quid aliud esse debet, quam solida talis doctrina, ut *vita non fugiat*; aut ad minimum *sanitas*, utpote sine qua morali usu, quasi nulla est vita. Hanc qui *discere* volunt, *serio* certe hoc agere, & omnes eo vires & omne tempus, impendere: qui *docere* in se suscipiunt, hoc certe agere debent, non alia, nedum aliena, prætermiſſis illis, aut perfunctorie tactis, avidis discendi animis obtrudere. Quam graviter autem, & quidem in *lege*, quam ad medicinam discendam respectantibus præscribit, *Hippocrates* præcipit: hoc agere, his rebus insistere; harum vero imperitiam esse *malum thesaurum*, & *malum cimelium*, quamvis illam habentibus, & acquisitam quasi possidentibus. *Mercaturam* bonarum *artium* Athenas, seu Acroateria Athenæa, pulchre nominat Cicero; in his *cimelia* illa, *thesauri* illi comparandi sunt: non autem *mali*, quos reprobat *Hippocrates*; sed *boni*, quos ipsa Lege præcipit, imo exigit. Jam pridem, pro scientia quantalibet, certe conscientia tota, hoc ago, ut utriusque partis *docentium* artem, atque *discentium*, *seriam* vigilantiam, *serium* studium, obtester, *serium negotium* geri, & gerendum esse, ad animos revocem. Non damno alia; non aspernor in totum, aliena: nempe in illis, & pro illis, quibus à severis scopis vacat. Illis vero, quibus hic fixus est terminus, illa ad quam contendant, meta, quæ totum tempus, omnes vires atque industriam, ad se vocet, dissuadeo, ne, quod iterum, prima statim epistola, Seneca conqueritur, tota vita, certe academica, & discendo apta ætatis periodus, elabatur *aliud agentibus*. Neque hoc solum; sed non tam incidit memoriæ, quam non excidit memoria, responsio, quam, practicus jam ab aliquot annis, medicus, inter quæstiones sub examine publico, à me formatas, recte retulit, ex animi mei sententia interroganti: quid mali effectus producant studia philiatrorum, quando alienis adhibentur? *ut necessaria*, inquit, *non discant*. Recte certe, virilem ætatem adeptus, & experientiam nactus, vir, dubitabat dicere, ut *non satis* discant: *non discant*, agebat. Imo non  
fine



sine caussa ego quoque soleo, non tam solum de *aliis* loqui; quam de *alienis*; *Alia*, in diversum abeunt, *aliena* in adversum. Prorsus uti Seneca *mortiferis*, *luforia* opponit. Ita vero profecto est; ita inquam comparata sunt pleraque, imo præcipua, quæ hodie quam maxime, de Medicina, imo ad medicinam, docentur atque discuntur, ut non solum non adducant ad scopum animos, sed abducant. *Mechanica* scientia, in suo ordine, à quonam, ejus verè perito, laude sua atque dignitate defraudabitur? sed *quid est mechanica*? certe qui per scientiam *motuum* definiunt, insolidum sunt, quod dissidentibus plebeja prorsus protervia adscribunt, *Imperiti*. *Mobilis* scientia est *mechanica*, non *motus*; *mobilitas* est, quæ in materialium conveniente dispositione ad *motum* iri, subsistit: non ipse *motus*. Vel exemplo, quod corpus recte ad subeundos motus *dispositum*, non minus est *mechanicum*, quum quiescit, & extra usum jacet; quam cum movetur, seu motu actuatur, in actum & effectum deducitur. Unde nec effectum edit, nisi *quando* actuatur, *quatenus*, & *qua proportionem*, actuatur, & *quamdiu* actuatur. Unde non *agit*, sed *agitur*; non *movet*, neque ipsum sese, neque aliud aliquid amplius: sed *movetur*, primo ipsum, deinde aliud *per ipsum*. Quis vero tam rudis est, tam dispositionis, quam usus, *dentatarum* machinarum, ut non sentiat, dum in actum deducitur machina, à primis momenti *inducendi* motus, ad succedentia, non modo *tardius*, sed *impeditius* atque difficilius, procedere negotium; quam ubi semel totam machinam æqualiter *pervast* motus: & hoc toties, gradu ad minimum sensibili, evenire, quoties ipse motus *tenor*, non intermissus plane, sed tantum remissus, est. Num non autem in oculos incurrit? non prius ad *æqualem* illam motus efficaciam, pervenire universam machinam, donec *ultima*, inter plures, rotulæ, neque semel tantum, omnes dentes pervast motus; & tunc demum, è continuata actione, *contiguitatem* dentium, in exquisitam perpetuam quasi *continuitatem* deduxit, qua, nihil interrupto fluxu, jugiter facere possit, quod non machinæ, sed suum est, *progredi*. Siquidem, cum *tempus* intrinseca sit affectio motus, ubi ille interrumpitur, ut motus, ita *temporis* aliqua fit jactura, tardiusque, atque difficilius, cursum



suum absolvit motus: & continuationi ejus, è *continuitate medii*, vel  
 usus, vel defectus, ingruit. Ad pistrinum ducendi sunt tales, ut ali-  
 quid è molitorum querimoniis colligant; quando è contiguitate  
 dentium fallente, vitium non tantum continuationis, sed ipsius  
*gradus* motus, sensibus deprehensum, accusant. Daß ein schlotte-  
 richt Werck/ nicht nur ungleich/ sondern selbst schwehret/ gehet. Quid  
 vero manifestius, quam quod dispositio mechanica, reuera *imma-  
 neat* machinæ, motus aliunde *accedere* debeat; dispositio illa ne qui-  
 dem sit motus *in potentia*, sed nuda potentia *ad motum*, nempe *ad-  
 ventitium*, qui illam & *incurrere* primum, & *percurrere* debeat. Ubi  
 certe non mihi pudor esse debet, qui dicam efflagitantibus; sed illis,  
 quibus, ut ignota res, dicendum est, talia, quæ ad scholastica sca-  
 bella pertinent, imo quod ad illa pertineant: ad *primam philosophiam*,  
 & propemodum primas ejus *lineas*: *actio* & *passio*, *potentia* & *actus*,  
*ens potentia*, & *in potentia*: Nihil esse *absolute passivum*, cum *absolute*  
*actio* non possit esse, nisi *passio* sit compar: nihil *secundum idem* pos-  
 se esse activum & passivum, sed in quantum passivum est, in tan-  
 tum semper esse *absolute* tale. Falsum autem certe, quin insuper  
 malignum, & præterea è fastu profectum, esse oporteret, si quis  
 contendere susciperet, injuriandi animo, talium rerum ignaros,  
 & tamen illis, & circa illas, perpetuam irrequietam litem ferentes,  
 agitantes, & foventes, ad *primam philosophiam*, aut lites tales ipsas  
 ad *classes scholarum trivialium*, remittendos asseverari; cum perpe-  
 tuæ sit veritatis, antiquum illud: *Non pudor est non scire; sed hoc,  
 non discere velle*: illud autem pudori esse debeat, de rebus ignotis,  
 cum animi & verborum impotentia perverse contendere, imo al-  
 tercari, & non posse quiescere. Eodem autem recidit, & profe-  
 cto eodem respicit, altera, verbis magis, quam vero sensu, disce-  
 ptatio; quod *Deus nihil creaverit otiosum*; adeoque nihil *pure passivum*.  
 Quis enim, non philosophus, sed rusticus, fuerit, quin intelligat,  
*otiosi*, non magis consistere in *non agendo*, quam in *non patiando*: &  
 non minus otio *destitui*, quod *agitur*, quam quod *agit*, & contra.  
 Quod recte Germani enunciant; Ruhe halten/ und Ruhe lassen:  
 oder nicht Ruhe halten/ und nicht Ruhe erhalten/ oder erlangen. Et,  
 unde



unde ergo exspectanda erit extricatio illa tricarum illarum, de activitate, & passivitate, in illa, vix non absolute ficta, *ratione*; quam è distinctionibus, ex angustis *scholarum* classibus reboantibus: *secundum idem, ad idem, & eodem tempore*: &: *actio & passio non sunt absolute opposita, sed relata*: &: *non magis unum horum non posse esse alterum, quam unum non posse esse sine altero*. Fateor, pudet, sed nimio magis piget, ea esse tempora, illos esse mores, quæ flagitent, has res docere non pueros, sed senes hinc inde. Quid vero, quod tota, disceptatio, nuce cassa, alga, imo titivillicio vilior existit. Quidquid in quæstione utilitatem promittit, vel levissimam, in eo repositum est, non *quid, & unde* sit, neque *qualis* in se ipso, *motus*; nec in quo *subjecto* simpliciter: sed *cur* sit, *cur* talis, nempe ad quem usum, & in quem finem. Plus dico; dum ne hoc quidem magnopere, aut certe absolute necessarium esse, aut sane præcipuum instituendæ quæstionis apicem absolvere, summo jure meritoque nego. Ille enim est fundus totius negotii, & quæstionis, quatenus utilis esse potest: an motus ille, & actus, qui fit in *vivis animatis* corporibus, præcipue autem *animalibus*, sit *utilis*; imo *necessarius*? & quo ordine atque typo, in fiendo aut facto, usus *fini* recto quadret & respondeat. Quis enim nescit verum scopum atque metam, quorsum infidæ & invidæ tales contradictiones, collineant quidem, sed numquam collimant. Diserte tota schola medica, sed loquacior, junior, etiam importune, constanter declamat, *Febriles* motus universos *præternaturales* esse; adeo, ut etiam maxime in sensum incurrentes, de illorum censu, *formaliter* pro ipso morbo, ejusque *symptomatibus*, prolixè declarentur, & applicentur magis, quam explicentur. Suboluit aliquid erroris Campanella, exactius; Helmontio obscurius: Sydenhamio ambiguum, quantum. Postquam vero non in disceptationem adductum, sed in medium prolatum & positive deductum est, quod periculo *vitalium* partium & actionum, quod ipsi *mixtioni* illarum dissolvendæ, a materia aliqua corruptiva impendere contingat, non possit *meliore* modo occurri atque consuli, quam *emotione* talis materiæ è corpore; *emotio* hæc autem non possit fieri nisi per *promotionem*: & prout emotio, juxta diver-

sam



sam activitatem noxiam materiæ, *acceleranda* venit, ita etiam *promotionem* accelerandam venire: & proinde circuitum sanguinis, per *pulsus*, augendum esse, ut celerior & auctior appulsorius & transpulsorius reditus ad colatoria, pro *secretione* ad excretionem sequi possit: & tantundem augmenta hæc motuum continuanda esse, & continuari solere, donec impetratus atque perpetratus sit ille *finis*: eoque facto sponte cessare auctiorem illam commotionem: evicit tandem demonstratio, uti luculentissima, ita simplicissima, assensum: & adeo quidem exquisitum, ut è tranquiliore consideratione natum sit assertum: non modo nihil *melius*, sed nihil *aliud*, excogitari posse, quo corpus, à nocituris atque noxiis, materiis, in illud insinuat, liberari iisque exonerari possit, quam *Febrem*, cum omnibus motibus illam formantibus, & vulgo directe & in se, pro ipso morbo, quin pro toto morbo, habitis atque declarari solitis. Interim ne sit mortalibus quies aliunde turbantur animi, ut non modo *utilitas*, sed plane *veritas* hujus rei, ex animis diripiat. Esse omnino motus hos omnes, *morbidos*, principio, actu, effectū. *Eventum* solum esse salutarem, non effectum. Omnia enim illa simpliciter, immediate, directe, a *morbida materia*, qua tali, & efficacia ejus, veris vitalibus motibus in heteroclitum ordinem extimulandis, trudendis, premendis, pellendis, pari, produci, induci, deduci: neque magis ex *accidenti*, turdum sibi exitum, quam materiam hanc sibi exitum, & eliminationem, è possessione sua, & toto corporis complexu, parare atque patrare. Putet quis, adhuc rem esse salvam; haberent sibi suas contemplationes, dum in eo condescendant, quod utique motus hi & progressus, sive directe, per modum *effectus*, sive per indirectum, per modum *eventus*, utiles sint, imo *necessarii*: sive uti hi volunt necessitate *materie*, sive uti res est, necessitate *finis*. Sed revera fallitur, idque partim à priori, è *Theoria*, Praxi non consentanea: partim à posteriori è *praxi*, Theoriæ quidem huic consentanea, sed effectū cassā atque irritā. Quod enim prius attinet, Theoria hinc nasceretur, praxi *duobus* modis non consentanea; *primo*, quod hoc intuitu nulli febris ullum subsidium adhiberi possit; Cum totus eventus salutaris simpliciter à mor-

à morbida materia pendeat: quæ tanto certius effectum hunc assecutura sit, quanto magis sibi relicta est, & sibi constat: quandoquidem ab ipsa, tota ejus provocatio & promotio ad exitum & ejectionem sui ipsius pendeat. *Secundo*, aut, si quoddam inveniatur remedium, mediante quo, hic effectus materiæ morbidæ, per totum corpus, & è toto corpore depulsorius & expulsorius, vere promoveri possit, necesse sit, ut hoc remedium ejusdem indolis sit, cum materia morbida ipsa: quum non nisi *tale*, additum tali reddat illud *magis tale* & consequenter materiæ, quæ in hoc ordine remedia essent febrium, idoneæ forent, quæ etiam proprio sui usu, intra corpus assumptæ, *excitarent* febrem. Quorum cum neutrum ita se habeat, stat nuda imbecillitas opinionis. Alterum autem quod attinet, redundat inde, non quidem plane novus, sed certe coarctatur importunior, erroneus & irritus conatus, in *praxin* vere salutarem, medicam. Dirigitur totus impetus & ad auxilium concursus, simpliciter adversus *materiam*; certe inutiliore potius, quam utili secundum illam Theoriam, instituto & conatu: Si enim *materia*, quatenus ita moleste & acriter efficax, & ipso hoc actu, ad effectum ejectionis sui ruit, quid attinet attritis ejus hisce viribus, effectum illum morari? Interim major evenit clades, ex eo, quod constans praxis, omnem illam materiæ *correctionem*, pervicacissime neget: & nisi, cum vel sine auxiliis hujus opinionis, commensurato exquisito tempore, signa sufficientia coctionis, & commensurata periodo, specimina sufficientis secretionis & excretionis (specie eadem sive cum, sive sine talibus auxiliis) succedant, non magis irritato conatu, quam toto salutari effectui. At vero, adhuc altius hæret atque sedet malum. Cur illud non ad animum revocatur, cujus tam locuples est occasio è frequentia exemplorum, quod indies, ex irritis non modo, sed perversis, hujus intentionis ausibus, febres actu *pervertantur*; nempe in illas turbas conjiciantur, talibus artificiis, qualibus *per se* numquam se submitunt. Imo, ut elucescat veritas, quod illorum artificiorum hæc sit culpa, manifestum hoc fit ex eo, quod non solum turbæ tales, *sine* illis artificiis, pares inquam, numquam eveniant: sed etiam *sub* illis



artificiis frequenter, imo positis paribus circumstantiis, ad minimum in genere, *semper*. Unde affatim liquere potest, quod opiniones tales, non in sua sphæra maneant, ut *opiniones* sint; de quo vel verbo disceptare, ipsi primi nugatorium censeremus: sed cum *praxi* scandalum, & *agris* damnum objiciat, quis pro re silentio involvenda, nedum consensu firmanda, declarabit? Certe vero prolixè verbis hic insistere, cum ipsæ res pro se loquantur, nullo modo prurit animus. Unde non nisi paucissimis, monemus, non tam incassum disceptandi avidos, quam inanium disceptationum Gordias tricas, per brevem manum sublaturus, ut motus vitales „in corpore humano, proprio principio activo, in quod nullum „jus, & cum quo nullum commercium, sit animæ humanæ quata- „li, asserentes, ingenua quæstione eo ducant, sed & in eo bonæ „consequentiae, edisserant: quî ergo *nudis animi pathematibus*; (ut „veris *entibus rationis, ratiocinantis*, sed præmature concludentis, & „entibus *voluntatis*, juxta præmaturam æstimationem ad effectum „suum ruentis,) præsentior, certior, atque nimio major sit effici- „cacia, in vitales motus, pulsum cordis, tonum fibrosarum par- „tium, motum ventriculi, appetitum, concoctionem, distribu- „tionem, appositionem alimenti: imo in vi *imaginationis* ad nævos maternos præfingendos, ad ipsam *primævam* constructionem corporis. Sed caveant inanibus discursibus elabendi libertatem permittant; verum *argumenta* exigant, probanda, & connectendi atque colligendi vim exquirant. Qua in re si satisfactum fuerit, non liberum solum, sed justum intelligent, indubium habere, quod hætenus nihil aliud, quam non modo dubium, sed certe irritum est. Quamobrem autem, quæso, ita in utrumque latius titubatur, & inanis contentionis serra, etiam pessimis exemplis, reciprocatur? Fero conditionem exquisitissimis iudiciis æquissimam apparituram. Enodentur hæ difficultates, & asseratur, ex „instituto, quibus utraque hic ita simul placent, ut alia & alii in „solidum displiceant utrorumque jus atque fas: fiat hoc autem non „Syllogismis, si non placet, sed argumentis solum: veris atque „firmis rationibus stabilitis. Puto erit, quod agatur; sed com-  
pen-



penſabit laborem, & operæ pretium faciet, & animo tranquillitatem, certitudo atque evidentia rei, & ſubtractio activorum atque paſſivorum faſtidiorum. Quanto vero, ut ſolent inania, ſtrepitu, ſteriliſſima hæc diſceptatio, nullo jure, medica dogmata, ad hunc uſque diem, percellere, & qualibet aura denuo exagitari, adſuevit; non eſt tamen illa *ſola*, quæ ſeriæ ſalutari arti, ejusque tranquillæ atque ordinariæ inſtitutioni, tempus atque locum, intercipiat: ſed habet, partim ſoboles ſuas, partim complices, quæ transformatarum Pieridum more, Medicis muſis, irrequieta interpellatione, negotium faceſſant, & leves animos ab harum harmonia avocent, Phyſica qua talis, Anatomia operoſior, Chymia, Phytographia, in ſuo ordine atque loco diſciplinæ ſunt, à nemine prudente contemnendæ. Quando vero deſerta propria ſtatione, deſperato immanente aut emanante uſu, medicis caſtris ſeſe ingerunt, ubi bona fide, & ſociali ſœdere, hoc temere, & præter numerum auxiliorum imperatum, facere non decet; ita, per antiquam prudentiam, ne quidem jure ſocietatis facere licet, ne turbæ, tumultui, ſeditioni, propius fiat negotium, quam caſtris aut ordinibus. Neque hoc umquam, aut horum quidquam facient aut certe non faciunt, diſciplinæ laudabiles; niſi conſultores mali, domi forisque, in aliena prædia, tamquam colonias mittere, illinc ſuaderent, hinc excitent atque invitarent. Qui vero atque quales, niſi quibus magis è ſua re videri poteſt, turbidas eſſe, quam pacatas & bene ordinatas, res civitatis ſuæ, publicas, è qualibus, privatis ſuis cupiditatibus ut ſatiſſiat, ne ſperare quidem poſſunt. Sed abſit ut in homines hic aliquid intendere, vel velimus videri, vel poſſimus; de moribus loquor, & quidem nominatim, peſſimo illo, primi quoque lapſus ſvaſore, frivola curioſitate. Quam indigno loco hæc habita ſit, ab antiquiſſimis ſinceriorum hominum temporibus, & præcticiſ notum eſt exemplis, & orat hanc cauſſam ſatis facunde atque diſerte, proprio commentario, propioribus quantisper ſeculis, Plutarchus. Quæ præ manibus ſunt res, quæ, inquam, præcipui noſtri ſcopi, & non tam ſolum privati, quam publici, uſus ſunt, neceſſarii imprimis; illarum, (ſiquidem huc, in laxo



suo atque fluxo sensu laudari amans, vocabulum, adhiberi mere-  
tur,) curiosum esse, non male convenit; aliarum, vix nisi male:  
sed hoc cum primarum neglectu, pessime. Quis autem credere  
possit, nisi omnium rerum imperitus, deesse studio atque arti Me-  
dicæ, quo hominem, ingenio & industria præditum, affatim occu-  
pet, imo etiam satiet: &, dum ad communem reipublicæ usum,  
dimittit, ab otio & desidia liberet. Interim, prouti sunt indoles,  
si quis, præ aliis unus, ea mentis excitatæ aut exercitæ promptitu-  
dine polleat, ut quæ artis sunt, (quorsum multum confert bona,  
methodus,) facile atque expedite comprehendat; adeoque possit  
atque velit, etiam aliarum disciplinarum & scientiarum amœnita-  
tibus, animum veluti recreare; Medica certe ars, & quicumque  
illam serio & fideliter colunt & sectantur, plenum jus plenamque  
libertatem minime negaverit. Nec umquam hoc, sed illud unum,  
est, quod improbatur, si alia illa, in artem ipsam ingerantur;  
ad artem pertinere, imo requiri, non prima magis ordine, quam  
tota dignitate, esse, sine his non posse consistere medicam artem,  
imo nullam esse, non potest nisi gravissimæ indignationi ansam  
præbere, & prodendæ reipublicæ suspicionem commovere. Quid  
autem, obsecro, factum est, his tot, tantisque, ausibus an lusibus?  
Num inde agnitum umquam, quale sit corpus, ad medicam con-  
siderationem, totum è fundamento, penitissimæ, imo & citissimæ,  
corruptioni expositum; quid sit hujus materialis unici habitus cor-  
poris oppositum, Vita, quatenus de corpore prædicatur: an oppo-  
situs hic effectus, materiali quadam ratione, an solum formali,  
quem vocant, influxu, actionis certæ, absolvatur: cui proinde  
præcipue invigilare, adistere, vestigia legere, suppetias ferre, sub-  
sidiaria media submittere, sit directum artis officium: an methodus  
& remedia, magis ad illum materiale habitum, immediate; an  
vero ad hunc formalem actum, mediate aut immediate, dirigere  
deceat, imo necesse sit: num ex alteris istis rebus, historia morbo-  
rum, quatenus ad artem, nempe ejus potestatem, pertinet, locuple-  
tata est, illustrata, adjuta; & non potius turbata, nudis narrationibus  
pas-

passim, nec illis toties sinceræ, quoties subleſtæ, fidei? Num verum est, & testantur id experientiæ documenta & suffragia, quod artificii illis, in Pharmaciâ introductis, minor fiat funerum frequentia; aut ad minimum, (cum vitæ terminum humanis erroribus permittendum, quam maxime ipse nullatenus censeam,) certius inde debellantur morbi, manifestius edomantur: solidius restituitur atque stabilitur sanitas? Num in mentem venit cuiquam, rem in se notoriam, ad animum revocare, quod, imo quot, homines, & quibus maxime modis, sine ulla externa, nedum tali, arte, & tot tentaminibus, ad temeraria usque experimenta evagantibus, sponte vincant morbos, elidant & expellant materias morbidas, & corpus suæ puritati, excussis heterogeneis, redditum obtineant? Inter quot mille, quæso, exercitationes atque disquisitiones, illud Thema, vel decies forte (siquidem toties) enucleatum est, quod peculiari ætatum periodo, proprii morbi impendeant: quoties autem illud tentatum est, ut hujus rei aliqua ratio vestigaretur? quid itaque Pathologia, cum historica fideli, atque physica, veritate consentaneum, ex his rebus retulit, quod ad usum & potestatem artis transferre liceat? quotus quisque vero illud hodieque credit, nedum intelligit, multo minus autem adstruit & inculcat, quod nulla consideratio, quæ res extra potestatem artis complectitur, medica sit, & arti proficua. Dies me potius destituat, quam desideratorum talium censum peragam. Quid vero si in causam inquiras, quamobrem hæc non discantur? Ego te interrogabo, ubi doceantur; imprimis qua decet, imo quantâ, industria, ordine, methodo, explicatione, applicatione: quantam sane præ aliis, ut fundamento huic superstruendis, præstolantur. Cur pauci hoc agant, ut hæc doceant, vel ipsos interroga qui non faciunt; quid responsuros putas? occupatos esse; monstrabunt & ostendent, pro Theoria, totos cohortes curiosarum animadversionum: pro praxi, centurias tentaminum, experimentorum, observationum: sed caute, ut vel exquisitas circumstantias, vel illud Diogenis exigas, quo votiva naufragorum

Yyyy 3

dona-



donaria & elogia derisit. Cavendum autem certe mihi est, ne curiosius hæc commemorare videar, quam utilius; de habitu ad utilitatem, audeo vades dare: de effectu, concedendum est Providentiæ. Dicam, Tibi NOBILISSIME CANDIDATE, quid expedire sentiam, intelligam, expertus sim; facile mecum facere poteris, ut facias, etiam cohortor. Noli, etiam hoc ultimo intuitu, curiosus esse; noli intueri, nedum examinare, quid alii agant; minime omnium autem, acta reprehendere: ne vere quidem, ne dum maligne: vide Tu, ut facias, quæ facienda scias, & quibus factis gaudeas. Certo gaudebis; & Deo reddes, quod ipsius est: ille est, qui vitæ atque sanitatis ordinem, iis legibus, ea ratione constituit, quam vestigare, venerari, sectari, justum atque æquum sit: corrigere, & novis inventionibus, tanquam melioribus, substituendis, aspernari, præterquam quod irritum sit, stolidum quin impium, agnosce. Laudatus vero sit altissimus, qui etiam sub ipsis, imo propemodum ipsis, castigationibus suis, per pestis flagrum communi patriæ immissum, tandem jubar sapientiæ suæ illucescere, clementissime voluit, &, salute sui corporis, initia experimentorum capessere, passim jam mortalibus paterne concessit, quod vivida illa, ab ipso instituta, vitalis Therapiæ methodus, potentior sit, quibuslibet hominum ausibus & artificiis: imo, pro quo non minus laudandus est, quod artificia talia, tandem evidenter erubescant, damni potius, quam auxilii, non suspectis testimoniis postulata, &c. &c.

## AD DISPUTATIONEM

DE

## MOROSIS ÆGRIS.

**Q**ui artem Medicam, sequestratis etiam omnibus alienis & superfluis, ita arctis limitibus comprehensam esse existimant, ut valde parvo temporis spatio, non magis doceri posse, quam recte edificari, arbitrentur, certe sufficiente ejus peritia se in-



instructos esse, vix fidem faciunt. Sicut enim Scientia Medica, in recte percipienda atque intelligenda Energia Naturæ, ( seu principii motuum vitalium, ) tam ad sanum conservandum corpus suum, quam ab ingruentibus atque incumben- tibus periculis vindicandum; repurgandum, atque restaurandum, debite perspicienda atque judicio discernenda, affatim certe habet, quod agat; nimio certe plus, quam in generalissimis illis speculationibus, de certa, ( sed solidæ determinationi penitus incerta ) mechanica dispositione, sive humorum, sive partium : ita peritia, ad has res in ipso facto, in ipsa inquam practica observatione, deprehendas, judicandas, atque decernendas, negotium est, certe majoris ambitus, quam ut ita pugno arripi, imo includi possit : nedum, quod nova moles, & velut inexhausta sentina, occurrat, in extricandis prodigiis illis commentariis atque commendationibus materiæ remedium, & excutienda nimia circa illas credulitate ; & potius in methodo, naturæ motibus atque viis recte socianda, quam irritorum remedium magno numero, collocanda fiducia. Inter quas res, si adhuc annumeretur, præter necessitatem sciendi, quæ vere necessaria & utilia sunt ; etiam utilitas, non nesciendi, quæ, licet minus vera, tamen tanto strepitu passim occinuntur ; puto certe habere artis studiosum, cui tempus impendat non ita breve & evanidum, sed ut satis longum, & diligenter adhibendum. Quid vero, quod omnibus his, nequaquam adhuc didicerit, quantum satis sit, sed habeat adhuc etiam discendam prudentiam, ad negotia sua rectè gerenda necessariam ; ne omnis & scientia sua, & peritia, decepta ac elusa, in irritum recidant, imo contemptu, & calumniis traducantur. Cum enim prudentia, tanquam providentia sit, atque prævidentia ; non nuda inter ipsas res jam gerendas solum circumspectio : potest certe hæc imo debet, disci, potius ante negotium gerendum, quam in gerendo : ne imparatum obruant eventus, quos nequidem subinde satis dispicere, tam cito liceat, nedum illis prospiciendi, viam aliquam invenire. Rectissime certe Hippocrates, primo statim aphorismo, difficultates artis non exiguas aperiens, quæ in arte & artifice multum ponderis habeant ; Quan-  
quam



quam autem audacter jubeat has exesse, & tanquam præcepto illas proscribat; notius tamen est noto, quam parum hæ præceptis obsequantur; & hoc ipso, dum arti non parent, nec scientia ipsorum sufficit, prudentiæ objectum constituent, si quæ forte vel ipsis adhuc, vel ad minimum sibi, Medicus consulere possit. Dum mature expugnare aggreditur, quæ arti impedimento esse, eamque frustrari possint; prudenter docendo, monendo, cohortando atque dehortando, pericula impendentia prædicendo, adeoque culpam a se & ab arte, satis diserte amoliendo: Ne post rem male cedentem ipsi exprobrari possit, quod ejus culpa, pondus horum errorum tantum fore, non satis edoctus æger, salubrius monenti facile obsecuturus fuisset. Quam rem calumnia in immensum exaggerans, toto conatu in ipsum hac porta irrumpit imo grassatur. Præcipit autem Hippocrates, oportere ægrum se præbere facientem, quæ conveniat fieri, & idem etiam assistentes ægro. Ignota res imperitis, & in sola scientia, & magna credulitate de arte, ferocibus; quantum non subinde fatigat artifices, imo ipsam artem, quantumcunque solido fundamento nixam: Morositas ægrorum. Habere hanc ante oculos, non prudentiæ solum est, sed omnino medicæ, pragmaticæ, necessariæ, ut intellectu, ita cogitatu. Inaugurali Dissertationi Tuæ, **NOBILISSIME CANDIDATE**, Thema ad praxin pertinens electurus, quod illud, de prudentia medici circa morosos ægros, susceperis, nemo, nisi prorsus imperitus sequius interpretabitur. Reliqua ex memoria depromere integrum erat, & vera vel ponere, vel supponere; Hoc etiam peritæ circumspectionis argumentum esse potest, experto non solum quid possit fieri, sed & quid soleat & imprimis in ægris, non per compita obviis, sed illis imprimis, qui omnem attentionem exigere audent, & pluribus respectibus illa etiam digni sunt, aut ad minimum indigent, quia plus ipsis est, quod noceat, quam aliis. &c.

BIGA  
DISSERTATIONUM  
CHYMICARUM,  
*Quarum Prior*  
SOLUTIONEM MARTIS  
IN PURO ALCALI  
*ET*  
ANATOMIAM SULPHURIS  
COMMUNEM,  
*Posterior*  
METALLURGIAE PYRO-  
TECHNICAE  
*ET*  
DOCIMASIAE METALLICAE  
FUNDAMENTA  
*fistit.*  
*Accessit*  
PROGRAMMA  
*DE*  
ORTU VENARUM  
METALLIFERARUM.



DISSEMINATION  
OF  
MATERIALS

FOR THE  
IMPROVEMENT OF  
THE

TEACHING OF  
SCIENCE

IN THE  
SCHOOL

AND  
COLLEGE

PROGRAM

OF  
METALLURGY



DISSERTATIO PRIOR.

Solutio Martis in puro alcali

8

Anatomia Sulphuris Communis.

*PROOEMIUM.*

**I**Nter plurimas res, quæ in civili vita, imo Politia arctius considerata, seu ad Systema Civitatis firmandum atque fulciendum, quam maxime vigilanter observari, & prudenter terminis suis circumscribi, mererentur, non ultimo certe loco numerari deberet: Jus circa prodigalitatem, seu libertatem, facultates suas pecuniarias, imo honorem, quin potius honestatem, atque fidem, temere dilapidandi, & plane pessundandi. Ubi, licet jura Scripta, prodigos sui juris esse debere, negent, sed sub curatore habendos esse, asseverent; adeo tamen rara horum generum invenire licet exempla, ut, si quæ in hanc rem promulgatæ unquam fuerunt leges, jam pridem antiquatas illas esse, res ipsa confirmet. Quid, quod recentior sapientia politica, etiam hic peculiare mysterium, & reconditum axioma, collocare



videatur, ut potius quoque modo, qui paulo plus possident bonorum, etiam suppeditatis callide occasionibus, seducantur potius, quam inducantur, ad profundendas suas divitias, ut abundantia paucorum inter multos distribuatur, & hac ratione, quod in ore gerunt, Circulatio Sanguinis Civilis conservetur, daß das Geld im Cours bleibe &c. Profecto vero, si non intra ultimum hoc, quod per quinquaginta forte annos luxit, ævum, exemplar hujus rei in sensus ingestum est, vix quamdiu Mundus stetit; ullum invenire licuerit æque luculentum. Ubi antiqua fabula, simili visco palpebras ogglutinandi, indumentis sinuosis, & liberum gressum implicantibus, ocreisque pedum cursum eripientibus, illas capiendi, nova data est: Dum Gens pauper, & in fœcunditate sua, etiam alimentorum inopia laboratura, commerciis futilium, & plane nauci, rerum quæ post fragilem & evanidum fucum, nihil nisi lacinias, & quisquiliis relinquant, à Germanis aurum & argentum solidum, quod his domi nascebatur, tanta copia aucupari scivit, ut hi quidem patriis suis bonis exuti, illa vero iisdem potita, ditata, & in eam superbiam & contemptum horum erecta sit, ut etiam Servitutis jugum, pro ultima merce, promere nihil dubitaverit. Neque hoc propemodum injuria, ubi etiam detestandas illas merces, luxum, fastum, otium, securitatem, non impudentius venum exposuerat, quam imprudentissime, & carissimo quolibet pretio, emi, experta est. Sed quo dilabimur! manebimus intra limites nostri circuli, ex illo solum istud intuentes, quod artis Chymicæ prætextus, tantis, & tam variis, abusibus, civilem felicitatem passim implicuerit, ut inde ingens prodigalitatis, & passim non refarciendi damni, scandalum,

totas



totas familias ad incitas rede gisse , numerosis exemplis sentiatur. Equidem severis, jure meritoque, pœnis coercetur monetarum falsa imitatio ; sed & artem aliam incertam, Chrysopœiam vanam, capeffere, imo aliis non suadere magis, quam inculcare, qua & facultates temere prodigantur, & alii contagio hujus furoris audacter inficiantur, an non majus falsum in civilia negotia introducat, quod latius se diffundat, & mercimoniorum publicam fidem gravissimis detrimentis passim affligat , prudente contemplatione neutiquam indignum judicamus. Quamvis autem ad eos hanc censuram quam maxime pertinere, lubentes agnoscamus, qui pro civitatum commodis & salute vigilare debent : Non potest tamen etiam negari, quod nequaquam penitus negligere partes suas deceret illos, qui sanæ artis Chymicæ, non scientiam solum, & peritiam, sed doctrinam plane, præ se ferunt, aut in se recipiunt, vel sibi sumunt. Hic enim, si usquam, esset locus atque tempus, vera à falsis, vanam speciem à certis atque ratis potestatem artis à nugis atque fabulis, distinguendi. Ne vero quidquam per tumultum, & turbato ordine, agitetur, esset sine dubio regia omnino , & planissima via, per simplicia potius Experimenta, scientiæ dignitatem atque firmitatem illustrare, quam nudis nihil intellectis artificijs, & ut merito appello, artis vitiis, alibi fucum facere , alibi aliunde pati atque experiri. Unde rectissime quidem hæc negotia respexisse videntur illi, qui simpliciorum experimentorum, eorumque contemplationum, studium, commendaverunt præferendum, intempestivis speculationibus, & irritis opinionibus, ex uno aut altero male intellecto phænomeno, temere formatis. Sed videant hæc curio.



curiosius , quos hæc agere propius decet ; Nos certe , quantum hoc studio, tam ad scientiam, quam ingeniosam artem, oblectari solemus, insistemus huic semitæ, & potius ad locupletandam scientiam, quam irritandam concupiscentiam, respicientes, Physicis inprimis considerationibus & revocandis in viam Medicis abusibus atque superstitionibus, experimentorum chymicorum sobriæ tractationi, & considerationi operam navabimus. Ex hac partim depromimus, partim iterum in memoriam revocamus, bigam experimentorum chymicorum, quam SPECIMINIS etiam INAUGURALIS loco sistere, tanto minus dubitamus, cum tam ad justam æstimationem, quam prudentem applicationem Therapevticam, aliquid lucis afferre posse, pro certo habeamus. Erunt autem hæc I. SOLUTIO FERRI atque Chalybis IN ALCALI FIXO : II. Simplex, & tamen solida , ANATOMIA SULPHURIS communis seu mineralis.

Velit Deus T.O.M., ut hic noster labor assequatur scopum, ad quem collineamus, nempe artis utilitatem, & scientiæ veritatem.

§. I.

**C**HYMIA , ut *Ars*, *habitus* esse debet cum *recta ratione effectivus*. *Ratio* hæc *recta*, pro objecto habere debet, *verum* habitum rerum, quem ita possident, ut sensibus nostris deprehendi, & ultima perceptione, quæ necessario *discretiva*, adeoque *judicativa* seu *intellectualis* est, comprehendendi possit : Tum etiam *mutuam* illam *habitudinem*, quam *reciproce*, inter se invicem, gerunt. E quarum nempe rerum *Judicio*sa combinatione, *positive*, aut *privative*, eo *tempore*, quo ipsa *Ars*, certum aliquem

quem effectum, pro suo lubitu, perpetrare vult, eodem potiri, secundum illam sanam *rationem*, valeat; imo, ut omnem artificiosam *praxin*, *theoria* aliqua præcedit; ita nascitur hinc etiam *Chymica theoria*, nempe *intellectus*, quomodo à rebus, ita ad se habentibus, effectus tales proveniant, quos Ars ipsa, nec eo tempore intendit, nec ad eosdem concurrit: imo aliquando nec assequi eosdem *imitando* valet, aliquando tamen ad minimum præcipua ex parte, hoc ipsum etiam impetrat.

§. II. Quamvis autem negari non possit, quod numerosissimæ *combinationes* mixtionum atque Combinationum, quæ in regno naturæ Geocosmico fiunt, nequaquam spondeant talem adiutum arti, quantumcunque etiam curiosæ, ut intima ejus penetralia perlustrandi libertate potiatur; non est tamen ita præclusus omnis accessus, quin non ita minima pars harum rerum, ita satis exquisite lustrari possit, & vel plane arbitraria arte, imitari liceat varia ipsius naturæ producta. Dummodo filum Ariadnæum *rectæ rationis*, & fax solertissimæ *circumspectionis* & *inspectionis*, maxima cum cura sedulo applicetur: Quo Duce, & luce, in intimiora & recondita naturæ adyta pertingendi, non plane temeraria spes blanditur.

§. III. Potest autem Ars, præter hæc, quæ ipsa quoque, natura perficit, etiam talia invenire, & suis viribus quasi machinari, quæ ne quidem in naturæ potestate, aut certe non in usu illi sint: ut nempe simili, nedum pari ratione, ut ab *arte* præstari possunt, etiam *sponte* naturæ fieri observentur. Exemplorum talium est affatim, è quibus notissima sunt, *spiritus ardentes*; nempe pariter, *extra nexum* cum reliquo fermentato, inveniendi, sal alcali fixum: Acidum *nitri*, *seorsim*, ut & *salis communis*, & quicquid cum his deinde ratione materialium, & modorum, magno numero, jungitur, & producta mere *artificialia* sistit &c.

§. IV. Interim maximo cavendum est opere, ne profanis oculis locupletissimum illud Gazophylacium Naturæ, (quam quisquis fuit, qui *artem divinam* in materia, definivit, recte sensisse videtur,) fugitivo aut inverecundo obtutu, & quod ajunt per transennam speculati, mox cum fastu nobis videamur, & aliis videri gestiamus, totum fastissimum hoc latifundium, velut ad unguem excussisse,



fisse, & profundissimum hoc mare, modiolis intellectus, etiam imprudenter adhibiti, exhaustisse. Cum potius justissima certe, & plane debita in hoc genere, sit verecunda reverentia & præcipuum magisterium, in studio atque solertia, semper plus ultra discendi. Unde certe cum grano salis accipienda est illa promiscua promittitudo, chymiam, tanquam omnibus numeris jam *absolutam*, in *artis* forma tractandi: nisi quod amphibolia illa hic locum sibi vindicare videatur, dum chymiae nomine, *coquinam* illam, huc usque inter vulgus *Seplasiariorum* usitatam, & artis formam, confarcinationem ad umbram alicujus systematis, intelligenda supponit. Unde etiam est quod in illis ita usitatis systematibus vix vola aut vestigium artis (id est *rectæ rationis* res ipsas assequenti, & *efficaciæ*, firmæ experientiae compotis eique paris,) compareat circa *Mineralogiam* atque *Metallurgiam*; quin ipsam adeo veram & realem, & experientiae compotem tam *theoriam* quam *Praxin* Zymotechnicam.

§. V. Ubi ne nobis, quod admodum vulgatum est, maligne tribuatur, quasi solum alios carpendi, imo detrahendi, licentiæ indulgeamus, allegabimus solum aliquot hujus rei specimina. A quot jam Seculis usitata, & lynceo huic propiori ævo, in medio propatulo, & omnibus sensibus exposita fuit, Praxis *fusoria* metallorum imperfectorum. Quis autem Doctor chymicus, *rationem*, non dicam evolvit, & clare luci exposuit, sed solum contemplatione dignam judicavit, & hanc per vestigandam commendavit, quam ob rem mineræ talium metallorum, pro sulphureo-arsenicalibus superfluitatibus, & heterogeneitatibus auferendis, sufficienter *ustulata*, mit guugsamen Rost-Feuer-Zue-und ausgebrand/ fundendæ tandem veniant, per usitatos officinales furnos, nempe non igne, & quantolibet ejus gradu simpliciter: sed ita inter *medios carbones*, ut corporaliter hos *contingere*, & inter illos *disfluere*, *desfluere*, imo quasi cum ipsis *confluere*, possint? Quis *rationem* commonstrabit, quam ob rem *mollioribus* hujusmodi *plumbo*, *stanno*, etiam minores carbones, in infimo furno infra sollium flatum, præsternendi veniant, ut, quod Vulgus Fusorum loquitur, *fusum* metallum, inter, seu potius infra illos, *confluere* seque *receptare* atque *con-*



*servare* possit, daß sich das Metall unter das Gestübe sencken/ und ver-  
kriechen/ und darunter/ oder dadurch/ kriechen könne?

§. VI. Quotusquisque vero talium dogmaticorum artis  
descriptorum, scit tantum, nedum intellexit, quod & quare, *ustulata*  
ita mineræ, in vase aliquo, *contactum* carbonum intercludente, nun-  
quam ullo tempore, in *metallum*, sed unice in *vitrum* redigi possint.  
Ubi profecto tota *frigida* est vulgo prætensa illa ratio, quod *estus*  
igneus, è carbonibus immediate erumpens, plurimum antecellat  
illum gradum, qui per transversum vasis alicujus terrei, ad mine-  
ram talem in eo, contendat, penetrare valeat: Und man ihm deshal-  
ben nicht nach Nothdurfft warm genug thun könne.

§. VII. Cum frigida hujus rationis *ratio*, ab operariis hu-  
jus rei peritis, non tam *argumento* ab absurdo, quam *documento*, pro-  
pemodum joculari, in hoc ordine, evertatur; quando cinerem  
*stanni* recens productum, qui nullo ignis gradu, *per se*, in stannum  
reduci potest, in cochleari illo ferreo stannifabrorum, ne quidem  
candente, *per frustulum sebi* è candelabro decerpti, in pristinam stan-  
ni consistentiam, tanquam in momento redire, monstrat.

§. VIII. Quis autem hanc *rationem*, è concinna, & valde  
pura, operatiuncula illa docimastica eruere potuit, qua mineræ  
ustulatae, & quidem penitissime exustæ, recht rein ausgeröstet und  
ausgebrandt (quod imprimis in docimasiis *cupri*, qua talibus, abso-  
lutæ necessitatis esse, periti satis sciunt,) in metallicam consisten-  
tiam reduci postulant, per sic appellatum *fluxum nigrum*, è *nitro* &  
*tartaro*, ita tamen, ut *plus tartari* quam *nitri*, assumtum sit?

§. IX. Imo quotusquisque horum speculatorum, si qui-  
dem scit operationem aut vidit, elicere valuit hanc eandem *ratio-  
nem*, è furno *reductorio* officinarum fusoriarum, aus dem Stich-Ofen/  
durch welchen Glätte/ Heerd/ Test/ Ofenbrüche/ wieder zu Blei ge-  
schmolzen werden?

§. X. Quæ tota res, ne nudæ otiosæ speculationi, aut ad  
summum *nude Physicæ* scientiæ, non autem arti *Chymicæ*, deberi videat-  
ur, satis notum est peritis, quanta hinc damna, vero proventui me-  
talli obtingant, daß sich das Erz nicht rein im Schmelz-Ofen schei-  
det/ sondern entweder in denen Schlacken bleibt/ oder gar zu Sauen  
A a a a a  
schweiss



schweißet/ die hernach weder zu sieden noch zu braten taugen wollen. Certe in vicinia, a paucis tempore incluserunt hujus rei documenta luculentissima; ubi montes *scoriarum* talium, à duobus, & amplius, seculis, in acervos cumularum, die alten Schlacken hatten/ tanquam novæ fodinæ metallicæ denuo coli incipiunt: & quidem ea, etiam oculari, dignotione, daß es die Berg-Jungen auszutlauben lernen: quæ *vitrea scoræ*, denuo debite fusæ, non contemnendam quantitatem illius metalli, denuo largiuntur.

§. XI. Ubi profecto iterum male sibi consulunt speculatores, quando Paracelsistarum somniis, & vulgi operariorum transumpto consensui, auctoritatem adjicere conantur, fabula illa, die Natur/ die Zeit/ das Gewitter/ die Rostrauche/ das Gestirn/ habe wieder neues Metall hinein gewürfft: quod inscitia theoreticorum, & imperitia, ignavia, negligentia, & properatio fusorum operariorum, jam pridem, hæc in illis reliquit, & illa ex illis educi posse & debere, & qua *ratione* hoc fiat, nescivit. Cujusmodi etiam insigne exemplum annotatum habetur in chronico minerali *Albini*, ubi fusores, cum inundatione *Mulde* fluvii, à mineræ recentis advektura diu interclusi, miserum otium trahere coacti, (dum labore destitui, etiam mercede carerent, & consequenter pane,) cum quidam eorum, in sollicitudine sua, inter cumulos antiquarum *scoriarum* spatialetur, bona fortuna miculas & ramenta *argenti*, in vitrea harum densitate conspicatus, animum adjecerunt, ad refundendam aliquam horum quantitatem: da er hic und da Silber-Flätchen/ an und in denen gläserigten Schlacken erschen/ an statt des Müßiggehens/ eine Schicht davon durchzusehen vorgenommen: ubi historia memorat, haud multo minus boni metalli inde eliquatum fuisse, quam usitata priore fusione provenisse, diaria docerent. Interim mala fortuna tulerat, ut, propter angustiam locorum, consulto, & propter impetum fluminis etiam ex accidenti, per inundationes temporarias, pleraque pars talium *scoriarum*, non magis sepulta in alveo, quam direpta à fluente, à multis retro annis periisset.

§. XII. Ita etiam paris momenti certe est, usitata theoria, *imbibitionis* seu *receptus*, *argenti*, ex aliis metallis, adhuc quantumcunque *sulphuratis*, in plumbum. Cui rei inprimis innititur, totum



tum negotium secretionis *pauci argenti* è multo cupro, das ganze Kupffer-Seygeru. Ubi altum sapiunt, & gloriose philosophantur, qui *frigiditatem Mercurii saturni*, cum frigidâ indole *Luna*, symbolismos atque magnetismos spirantem, in scenam plane Tragicam producant. Cum nimio simpliciore fundamento, sed tamen subtiles speculationes, sine facili experientia, perpetuo destituturo, totum negotium insistant.

§. XIII. Par ratio autem, at ex eodem fundamento surgens, est, *precipitationum* fusoriarum, imo etiam *ustoriarum*, per additamenta, quæ *sulphureo-arsenicales* heterogeneitates imbibere debeant: der Zu- und Nieder-schläge / welche denen Erzen im schmelzen / oder auch noch im Rösten / zugesetzt werden / um die Wildigkeit / und räuberische Schwefel / zu gewältigen. In quibus nempe casibus, quanta sit differentia, & qualis, inter diversa schemata talium materialium, quis docuerit, imo solum perceperit, non injusta est quaestio. Ita enim v. g. *minera ferri* ab aliquibus commendatur pro tali scopo; adhibenda *fusioni* minerarum talium, *rapacibus* hujusmodi heterogeneitatibus infectarum. Quæ, licet aliquid hic possit, ad illam portionem, quæ ignem transcurrit, & ad fundum furni confluit; nihil tamen præstat ad illud, quod sub *actu* fusionis, & hujus *defluxionis*, & *praterlapsus* per flatum folium, in *volatilem* halitum dispulsum, interim sursum per furnum evaporat, & boni metalli portionem secum aufert. Cum *minera ferri* nihil hic possit, sed *ferrum* jam eliquatum solum: Hoc autem propter difficultatem fusionis, nimis certe tarde assequatur portionem mineræ talis ita diffluentis, des rohen mit räuberischen Schwefel inficirten Steins. Interim etiam in *ustorio* igne, propemodum absolute nullius usus sunt talia additamenta nempe *Minera ferri*, *crocorum* martialium &c. Cum nihil horum à *rapacibus* illis materiis corripiri possit, ut ita melius metallum derelinquat: Sed *ferrum* perfectum, in *limatura*, *filo*, aut teneris *lamellis*, adhibendum veniat. Alia autem utique ratio est *calcis*, sive *vivæ*, sive spontanea *extinctione* in aëre humidulo, in pulverem collapsæ: sed solum ad *ustiones*, cum *fusionem* difficiliorem reddat. Operæ autem pretium faciētes mineræ, etiam



bono limo conculcatae, & sufficiente calore ustulatae, potissimam partem rapacitatis illius exuunt.

§. XIV. Interim definire, quid in his casibus *singulis*, vero usui quam maxime quadret, impossibile utique est, quamdiu fundamentum illud non liquido perspectum est, quæ talium materialium, sub quo *schemate*, vel *ustioni*, vel *fusioni* magis conducant, ut sub alterutra, rapaces illas heterogeneousitates combibendo, purius metallum ita liberent.

§. XV. Hoc autem quod nunc nominabimus, equidem à nemine exigimus, ut sciat, aut sciverit; cum satis pro comperto habeamus, neminem illud, ita *passim*, scire, nisi cui D.D. Præses, aut unus quidam è priscis ejus discipulis, illud monstravit. Nempe, si *Regulus antimonialis*, argento, plumbo, bismutho, imò cupro remixtus fuerit; aut, pro experimento, cum aliquo horum metallorum colliquetur, regulum hunc ita ad *superficiem* horum metallorum (sine prævia calcinatione, aut alia vitrescente facie, aut ullo sale, insuper remedio quam minimi pretii) extrahendi, ut in *regulino-metallica* facie supernatet, & reliquum metallum, tanquam reguli alicujus loco illi substat, & mallei ictu hinc separari possit. Insuper etiam hic idem ita separatus regulus, non corruptus inde sit, aut deperditus; sed quadrante horæ in plenam sui puritatem colliquari & reduci possit. Et hoc innumeris vicibus, cum illo eodem repeti valeat.

§. XVI. Quamvis autem sine dubio satis paradoxum hoc videri possit, regulum antimoniale, qui ab omnibus aliis metallis, præter unum mercurium, alias *deorsum* secedit, separatione usitata, inverso ordine, ad superficiem horum educere, ut illis innatet, *regulino-metalliciformi*, inquam, consistentia: habet tamen res paradigma quoddam, in *majoribus* fusoriis officinarum laboribus, minus exquisitè nota illa substantia, quam fusores *Speise* appellant. Quæ nempe pariter, à vitrescente quidem scoria seorsim subsidet, sed tamen super metallum reliquum, etiam seorsim, residet, in certis mineris, *antimonio - arsenicalibus* heterogeneousitatibus imbutis.



§. XVII. Ita certe etiam, licet simplex sit operatio, tamen apud prolixos chymicarum rerum commendatores, quantum nos sciamus, frustra certe quæretur, quomodo *stannum*, unica *fusione* cum decente additamento, reducatur in talem *nigro-fuscam* materiam, quæ mox in aqua calida dissoluta, plus media sui parte, per *filtrum* transeat. Cujus D. D. Præs. in Specimine *Beccheriano* mentionem fecit.

§. XVIII. Ita certe etiam in *recta ratione*, & huic superstructa artificiosa efficacia, & insuper valde simpliciter, fundata est operatio illa, *argentum*, *cuprum*, *ferrum*, in quantâlibet quantitate, promptissima enchirisi ita disponens, ut facillimè in tenuem *pulverem contundi & conteri* possint, adeoque promptis tenuibus solutionibus adhiberi. Quibus peractis, additamentum, quod hæc ita disposuit, statim denuo, & hoc multoties iterum iterumque, eidem usui inservire possit.

§. XIX. Ubi, licet in *cupro & ferro*, hoc etiam per alterum quoddam additamentum, similiter obtineri possit, intuitu *fortiorum* inprimis solventium: non procedit tamen pariter cum *argento*, quin *solubilitatem* ejus impediat. Tanto magis autem impedit hoc, quod hoc §. designamus, additamentum, omne *argenti & cupri* commercium cum *argento vivo*; cum illud, quod §. præcedente intelligimus, hoc minime impediat, sed potius *amalgamationi* tenerrimæ aptum relinquat. Puto autem, qui cogitandi compositum est, haud difficulter assecuturum, de qua materia loquar: propter quam ipsam facilitatem, non operæ pretium duco, illam nominare: satis interim certus, aut ad minimum ingenue confitens, non meminisse me, à quo Dogmatico rationum chymicarum promocondo, res hæc usui commendata sit.

§. XX. Non placet plura horum generum exempla recensere, quæ vel neglectu prætermissa, vel non intellecta, interim egregiis usibus idonea, imo partim in usu versantia, sed perperam explicata, allegari possent; sufficiet unum adhuc è nostro penu depromere, certe ad minimum in ordine *scientiæ*, nequaquam ab ullo prudente atque perito chymico contemnendum. Est hoc illud, de quo schediasmate peculiari egit D. D. Præs. & merito in Spe-



cimine Beccheriano verum ejus habitum ad theoriam commendavit. Quis unquam hodiernorum chymicorum, non dicam *tradidit*, imo ne quidem *scivit*, aut *testatus* est, & *consensit*, sed *credidit* solum, & non potius publicis positionibus, quando de hac materia, sermo incidit, *negavit*, quod *sulphuri communi*, ullum jus aut potestas competat in purum *aurum*. Dum interim demonstratum est, quod *sulphur* hoc, *aurum*, non solum ut reliqua omnia metalla, in *calcem* redigat; sed plane ita *tenuissime* sibi associet, ut etiam illud per *filtrum* secum corripit. Quæ res, ut in se ipsa, juxta vulgaris Chymix placita, certe inopinatum quiddam sistit: ita complectitur omnino sub se adhuc theoremata aliqua, ad praxin ipsam pertinentia; quomodo etiam in *mineriis*, à *sulphure* correptum, & quasi *corruptum*, aurum, varios separationum modos deinde subterfugiat ac eludat: quod certe nemo intelligere potest, nisi hujus experimenti, in se simplicis, ultiores recessus per vestigaverit. Ut de *auri*, exustione, per *ferrum*, ad longe difficillimam reductionem, & per *Mercurium currentem*, ad plane parem effectum, ut in *vitrum* omnino fatiscat, hic nihil dicamus &c.

§. XXI. Afferemus potius aliud experimentum, quod nos quidem sciamus, à nullo Chymico traditum, imo potius à nullo creditum; nempe *Ferri*, in tota sua substantia, solutionem promptissimam, in *Sale alcalico fixo*. Cum enim ferrum, in omnis generis acidis liquoribus, promte solvatur, & contra, per *alcalia* iterum ex hujusmodi solutionibus præcipitur: mirum esse non potuit, si per absonum illud axioma, de *alcali & acidi contrarietate*, fidem superaret, quod etiam ab *alcali*, tanquam *contrario* acidorum, concretum hoc, non minore promptitudine, & totum quidem, non per *separationem* tantum aliquam partium sui, dissolvatur.

§. XXII. Notum quidem est experimentum, quo vulgo ita dictus *crocus martis cachecticus Quercetani* acquiritur; nempe limaturæ ferri recentis, cum p. æq. nitri detonatione, ubi utique *nitroſæ* substantiæ, *qua talis*, dissolutio per deflagrationem, post se relinquit *alcali*, (quod in præparatione nitri, è cineribus, & *calce viva*, additum illi atque sociatum fuerat. Unde quando, operatione hac dextre

dextre peracta, crama illud in aqua solvitur, tingitur hæc colore, *purpureo-violaceo* saturato: quæ cito filtrata, *alcalicum* salinum est liquamen, portionem aliquam e *mar*te correptam atque solutam, continens. Interim vix horæ quadrantis spatio, *secedit* iterum ab hac solutione, & malæ quasi fidei societate, portio illa *martialis*, in forma *pulveris*, certe tenuis, *lateritii* coloris, & ad fundum subsidet, *alcalico* illo lixivio limpido iterum relicto.

§. XXIII. In nostro vero experimento, plane dispar est facies totius processus. Siquidem hic *mar*s, in *acido* potente solutus, solutioni *alcali* fixi instillatus, illum effectum subit & sortitur, ut quidam *acidum* illud, sub usitata talibus commixtionibus *effervescentia*, cum portione salis *alcali*, (quod proinde in *larga* quantitate adhibendum est,) coalescat, & detentum huc usque *mar*tern, dimittat: hunc autem arripit *statim momentaneo* successu, purum reliquum *alcali*, & subtilissime, sanguineo-flavescentis coloris schemate, corripit, & *solutum* firmiter detinet. Unde, quando ad satietatem *mar*te ita imbutum est *alcali*, saturatissimum sanguineo-rubicundum *colorem* refert.

§. XXIV. Illud quod insolentiam hujus processus atque successus auget, & verisimiliter tam simplicis operationis, eventum, vulgo Chymicorum hucusque incognitum retinuit, *duabus* causis inniti videtur; uni *moral*i, alteri *physic*æ. Prior est, quod chymia usitati moris, pharmaceuticis coctionibus plurimum destinata, quicquid non in quotidianæ formulæ scriptis processibus per manus traditur, exercere & pervestigare dedignetur, atque negligat. Altera *physic*a est, quod trivialibus illis negligentibus Solventium assumptionibus, affatim processui satisfecisse credentes tales operatores, si saltem *alcali* adhibuerint, nempe *contrarietate* illa *alcali* & *acidi* hic freti: sub qua tamen consistentia *debilius* *alcali*, *solutioni* huic impar evadit, & nudam *precipitationem* *mar*tis, absumto *acido* quod illum hucusque solutum detinuerat, permittit: adeoque antiquam illam cantilenam, de *acidi* & *alcali* *contrario* effectû, sustentat.

§. XXV. Experimentum ipsum autem est hoc. Sit ad manus ita dictum *oleum tartari p. d.* aut *cinerum clavellatorum* solutio *p. d.*



*p. d.* aut, solvantur cineres clavellati in aqua calida, ea quantitate affusa, ut vix mediam partem alcali hujus solvere valeat: quod clarum est filtretur. Breviter, fit solutio alcalica saturata. Jam solvatur *ferri* aut *chalybis*, parum una vice, in bona *aqua forti*; cui per vices iterum imponatur pauxillum, donec placida hujusmodi solutione, tandem saturatum sit solvens & ultimam portionem (v.g. fili *chalybei*) intactam relinquat. De hac solutione instillentur aliquot guttæ, liquori illi alcali fixi; cadent hæ ad fundum, sed mox spumescendo, nempe congressu acidi cum alcali, ad superficiem emergent: ubi agitatione in latifundium liquoris alcalici repulsæ, statim efficient, ut illæ, ab acido per aliquas particulas alcalicas, depulsæ particulæ martis, à reliquo *alcalico* sale solvantur. Quæ itaque instillatio & coagitatio, tam diu continuari potest, donec alcali illud tanta quantitate martis *saturatum* sit, ut inde saturatissimum sanguineum colorem contraxerit.

§. XXVI. Liquor hic continebit ita duplicem substantiam. Nempe, primo, *nitrum*, ex aqua forti, & alcali sufficiente portione, *regeneratum*. Secundo, *alcali* residuum, quod desertum ab aqua forti *martem*, nunc à se *solutum* continet. Unde si etiam aqua fortis bene saturata adhibita fuit, aut de solutione martis, per quamcunque aquam fortem facta, aliquid lenissima *exhalatione* auferatur, & imprimis imbibito illa in *alcalicum* liquorem, frigido tempore peracta sit, aut in frigidum locum reponatur, coalescit mox bona portio nitri in *crystallos*, sed propter saturatum reliquum liquamen *teneros*: qui tamen deinde in nuda aqua soluti, & in illa crystallifati, alius nitri more, spissiores coalescunt. Cæterum separata ab his reliqua illa *alcalica* solutio martialis, sincerior ita erit.

§. XXVII. Imperitum autem esse oporteret etiam trivialis chymia, qui in hac solutione adhuc aliquid effectus *acidi quæ talis*, subesse suspicaretur. Quamvis enim contrarium, statim à *posteriori* comprobatura sint, ulteriora phænomena, mox recensenda; tamen etiam à *priori* facile dilucescit contrarium, dum nemo futurus est, quin intelligat, quod *acidum nitri*, non solum *saturetur*, & firmiter *coalescat*, cum proportionata quantitate *alcali*: sed etiam

pro-



propterea omnino ipsius *alcalici* liquoris, tanta utique *quantitas* assumenda veniat, quæ non solum saturando acido aquæ fortis, abunde sufficiat; sed etiam quæ adhuc *solvendo* illi marti sufficiat, qui ita ab acido illo, à portione alcali, *detrusus* est.

§. XXVIII. Unde pro experimento huc recte secundum artem instituendo, è re fuerit hac ratione procedere. Primo sit ad manus quantalibet quantitas saturati liquoris *alcalici*. Illius v. g. Uncia una, saturetur aquæ fortis (etiam notato pondere) tanta quantitate, donec à nova gutta una aut altera, nullum vestigium *effervescentiæ* amplius observetur. Hæc proportio notetur; quantum, inquam, hujus *alcalici* liquoris, exquisitè sufficiat saturando illi acido, quod in hac aquæ fortis certa quantitate præsto est. Jam si nostrum experimentum cum his liquoribus instituendum sit, capiatur *triplex* quantitas *alcalici* liquoris, ad *simplicem* aquæ fortis, in qua mars dissolutus fuerat: Ita una harum portionum saturabit *acidum* illud; reliquæ *duæ* vero, *solvendo* marti, qui ab illo secedit, *in*fer-

vient. §. XXIX. Illud enim omnino sciendum est, & declarabit sola praxis attenta exactiorem proportionem, quod utique *alcali* *minorem* quantitatem martis solvat, quam *aqua fortis*.

§. XXX. Inde, cum esse possent qui paulo solertiore intellectu Chymix monerent, in plerisque *precipitationibus*, aliquid utique, probabiliter etiam de *acido*, cum *precipitato* tali, tenaciter conexum manere. Unde alteratio illa *Calcium* ex acidis *precipitatarum*, ut nequaquam *simplicem* suam indolem posthac referant, & ordinarie, sæpe numero etiam eximie, majus *pondus* à præcipitatione reportent. Quod tamen hæc res, & imprimis ut proprie ab *aciditate* aliqua deducenda, negotium præsens non exhauriat, demonstrat statim alterum experimentum. Si enim solutio ejusmodi per *aquam fortem*, cum *alcali* eo usque saturetur, ut *mars* actu inde ad fundum secedat; hæc utique *calx* semel ita præcipitata, quantæcunque portioni *alcalici* liquoris posthac imposita, non solvitur ab illo, quod tamen secundum hanc opinionem omnino evenire deberet.

§. XXXI. Tanto magis autem demonstrat aliud experimentum, quod hæc nostra solutio *martis*, omnino præstetur ab *alcali*,



*quatenus tali.* Cum enim, quæ ab *alcalibus* soluta sunt, ab *acidis* iterum præcipitentur; evenit hoc etiam in nostra solutione, à quorumlibet acidorum affusione, & etiam *debilissimorum*. Quod documento sufficienti esse potest, quod *nitrosi* acidi, quæ acidi, nulla sit energia in pristina illa *alcalica*, solutione; cum hoc ut potentius, alii debiliori minime cessurum esset. Ita enim præcipitabitur solutio hæc per alcali facta, non solum per *acetum*, & *tartarum*; sed etiam per *vinum*, imo per *urinam*. Quibus duobus postremis, longe tennerrima, prioribus autem paulo densior, cadit *calx martialis*.

§ XXXII. Et in his inprimis consistit *experimentum* nostrum ipsum, ejusque administratio; quin etiam vera generalis *ratio*, quod nempe solutio hæc revera *alcalica* sit, & ferrum in ea ab *alcali* solutum: & quidem in *tota sua substantia*, nulla forte *separatione*, aut *electione* certarum præ aliis, partium: sicuti simul, non postremam utique considerationem ad se vocat, *promptissimus* atque præsentissimus successus hujus solutionis; dum utique veluti per nuda *momenta*, simulatque ab *acido* hoc decidit mars, ab *alcali* combibitur, atque solvitur. Universim autem ita omnino, magnum illud *Paradoxon* stabilitur, nempe nuda atque pura solutio martis in sale *alcalico fixo*.

§ XXXIII. *Theoriam* hujusrei quod concernit, edisseremus circa illam, quid nobis videatur. Fundamentales autem suppositiones ad hanc facientes, sunt præcipue sequentes. *Primo*, notandum utique est, quod hæc solutio, ne dicam eadem promptitudine, & quantitate, sed potius quantum nobis adhuc innotuerit, *simpliciter non*, succedat cum solutione martis, per aliud quam *nitrosum*, acidum facta. (quicquid etiam *B. Ludovici*, nec imperite, brevi nota moneat de *magisteriis*, quæ acida aspernentur, sed *alcalibus* quatenus obsequantur) Secundo, quod *alcalia fixa*, non coëant, per modum solutionis, cum concrevis, (inprimis ita promte atque facile, scimus enim exceptionem, sed quis scit an omnes sciant?) nisi vel *aciditatem* vel *inflammabilitatem*, præ se ferant.

§ XXXIV.



§.XXXIV. Jam, licet *mar*s utique etiam in communi sua substantia, tanto magis autem *chalybs*, *phlogisto* illo principio non pauper existat; quod partim per simplicem ejus *exustionem* in *battituram* (tanquam *carbonem*) & *crocum* (tanquam cinerem) manifestum est; partim per *inflammationem* ejus cum *nitro*, dilucescit: non satisfacere tamen hanc *phlogisti* quantitatem, penetrationi salis alcali, res ipsa loquitur, à posteriori: partim aliud experimentum, alibi à D. D. Præside allegatum (mense *Januario*,) innuit, monstrans nempe, quam pauca quantitas v. g. de una libra martis, velut abundanter instructa hoc principio, *tenerrimum* etiam *crocum* præbeat. Quorsum eodem etiam supra jam citatum experimentum *croci martis cachectici Quercetani*, conspirat.

§.XXXV. Cum autem in nostro experimento, *aciditatis* quæ simpliciter talis, concursus & peculiaris vis ad hunc effectum, revera nullus compareat; adeoque totum rei gerendæ auspiciu, recidat in *phlogiston* illam indolem, salii *alcalico* amicam atque obsequentem: hæc ipsa vero substantia etiam in ipsius *nitri* mixtione, non ultimam, seu minimam (NB. *numero* & *mensura*, nequaquam autem *pondere*,) partem absolvat: Videtur inde nobis omnium verosimilimum, quod sub hoc actu *precipitationis*, tantum *tenerrimæ* illius substantiæ in *spiritu Nitri*, *phlogistæ*, *martialibus* atomis adhærescat, ut illæ hinc ad hanc solubilitatem per *alcali* mox absolvendam, idoneæ fiant. Dum ex adverso, si nimis impetuosæ, aut plena fiat *precipitatio*, inter impetum effervescendi, ob citatam copiosam coactionem & rudiores complicationem, atomorum *martialium*, *subtilis* hic coalitus vel plane non succedat, vel in *nitrosam* regeneratam mixtionem, tota iterum unice involvatur.

§.XXXVI. Cæterum, quod nobis ita de *symbolica* hac accretione *phlogistæ* substantiæ, è *nitri* acido, videtur, roborari etiam potest alio experimento; dum *calces* metallorum, quæ in integra sua substantia materiam *phlogiston* involvunt, hac ratione, cum *nitri* acido paratæ, revera etiam posthac, cum corporali *nitro*, aliter sese gerunt, ad *accensionem*, seu detonationem, quam per aliud acidum factæ.



§. XXXVII. Hæc pro sententia nostra, brevibus sufficient, relinquendo aliis liberum campum, quod est in proverbio, sensu suo abundandi. Progredimur potius ad *usum*, quem ab hac solutione expectare, jus fasque videtur. Quem primario in eo collocamus, quod solutio hæc, iterum tamen utique secundum discretionem acidorum, admodum *teneros* præbeat crocos, quales vix à solutionibus per acida quælibet factis, & inprimis è *tota substantia* martis, expectare liceat. Unde quidem quibus operæ pretium videtur, exquisitè *teneros crocos* martis assequi, illis hanc methodum ad illos obtinendos, confidenter commendamus.

§. XXXIIIX. De valde decantatis *Medicis* usibus martialium, cum assentiri non possimus, nisi assentari in animum induceremus, quod indoli nostræ adversatur, non placet prolixitatem texere. Illud ab experientia cognitum habemus, quod hujus etiam croci, è tali solutione parati, quantumcunque etiam *tenuissimi*, effectus, sit satis potenter, licet placide & teneriter, *adstrictorius*; id quod testatum dedit in violento vomitu cruento, qui à quatuor ejus granis, præsentissime conquievit.

§. XXXIX. Puto, & propositum ita à nobis esse, quod *titulo* promisimus, experimentum, & enucleatum; quantum satis esse possit. Unde non placet, de hac materia plura proferre, nisi quod incidenter, digito quasi designare lubeat, experimentum, certo modo cum nostro hoc collineans, ad generalem *causalem* habitum, tanquam scopum: asseverando solum, pro nondum peritis, & peritis in memoriam revocando, & contemplationi adhibendæ commendando, quod *mars*, per *spiritum nitri* seu *aquam fortem*, facile ita disponi possit, ut ab *aqua forti* tunc non amplius solvatur, sed *pulveris*, quem vulgo *crocum* vocant, instar, intactus posthac ab aqua forti, maneat atque jaceat. Et quod hæc alteratio, dico per ipsam *aquam fortem*, sine nulla alia accessione, possit peragi, tam *tarde*, & diuturniore successu, quam *cito* & velut intra pauca *momenta*. Cum tamen alias, ut notissimum, acidum hoc *nitrosum*, *martem* in tota sua substantia, & solvat & retineat. Sed extra præsentem nostrum scopum est, huic & similibus rebus, nunc diutius immorari.



§. XL. Progredimur itaque potius ad *alterum*, quod titulus præ se fert, experimentum, ANATOMIAM SULPHURIS. Videri poterit austeris censoribus, quod crambem recoctam apponamus; cum hæc res à D. D. Præside, jam ante plures annos in scenam producta sit. Imo illis, qui cum *Porciis Catonibus*, plebeja dicacitate (quod non temere *Africani* sugillatori imputat *Livius*) alatrare solent aliorum acta, (non magna solum sed parva etiam,) evenire inde posset, ut bilem etiam recoquerent suam, & *fastus* ergo tales res, tanquam *novas* inventiones (nempe magni ponderis, & in quibus magna gloriæ materia quæri possit) ruminando repeti, exprobrent: sed, utroque modo, aliter se res ipsa habet. Nempe, cum ipso illo priore tempore, summæ simplicitatis hoc experimentum, etiam peritis simorum sibi visorum dexteritati, ita crucem fixerit, ut antequam propria manu ipsis ostenderetur, & per experimenta aliquot symbolica, (tanquam manifesta, non tam *argumenta* solum, quam *documenta*,) verus harum rerum habitus in sensus ingereretur; talium autem artificum non ita parva sit fraternitas: tanto magis autem, quod satis scimus, ingens illorum numerus, ad quod experimentum hoc plane non pervenit, qui tamen talium non incurii esse vellent; liberum utique propterea nobis putamus, ut hujus rei commemorationem æque, atque enucleationem, per hanc occasionem, non solum reperamus, sed etiam illustremus.

§. XLI. Imo, ut nobis in more nunquam positum est, veritatem dissimulare, edicimus libere, quod tanto magis ad hanc rem iterum agendam, animum inclinaverit, solers conamen circa eandem Regii Chymix Professoris *Parisiensis*, gente tamen Germani, *Homborgii*, qui in *Anatomia Sulphuris* adornanda, ante aliquot annos operam collocavit. Quamlibet autem unum in primis tentamē, experimento quidem etiam jamdudum curiosis noto, ipsi satis in sensus obtulerit, felicem cœpti sui, nempe *anatomix sulphuris* successum, tamen circa alterum non æque felix erat suppositio, quasi nempe illud ipsum *Gummi*, quod tandem inde resultat, ita ut in hac consistentia, sit *alterum* quasi principium Mixti hujus. Unde quidem *Mr. Geoffroy* propius scopum tetigit, sed sane decem propemodum annis, post nostratē & commemorationem, & deductionem: Imo adeo ad-



huc dubiam invenit fidem, ut *l'Histoire de l'Academie Française*, anni 1704, equidem de invento hoc honorifice loquatur, sed vereatur, adhuc, ut plenam mereatur fidem, unde memorat: *si la decouverte que Mr. Geoffroy a faite, se verifie dans la suite, elle sera - - importante*. Sic-ut etiam tam mensis *September*, quam *Dissertatio de Metallurgiæ & Docimasiæ fundamentis*, de Ferro non imparia, aliquot ante *Mr. Geoffroy* annis, indicavit.

§. XLII. Ceterum non magnum operæ pretium esset, *Anatomie* titulum, circa nostrum negotium, tueri, si cum solis harum rerum gnaris, res nobis, aut scripto nostro, obtingeret. Poterit tamen iis, qui opus habent declaratione, sufficere, quod *Anatomia* qua talis, magis ad *historiam*, seu notitiam, *particularem*, inquam, scientiam, quam ad *universalem*, & plenam, secundum omnes causas, respiciat: hanc vero *causalem* theoriam, aliis respectibus, & docendi generibus & quasi partibus, relinquat.

§. XLIII. Unde *Anatomia Sulphuris* nostra, nihil propriè aliud complecti necesse habet, quam evolutionem *veram, sinceram, & simplicem, partium*, è quibus *sulphur*, quod vulgo *commune* dicitur, *constitutum* sit. Ubi non necesse est, pro *anatomie* titulo vindicando aut implendo, de *viribus & usibus* sulphuris, exquisitum commentarium, scribere, & vel *positive*, vel *negative*, illi immorari. Unde bono jure liberum nobis potius ducemus, vel plane nihil verborum de hac re facere, vel ad minimum non latius ejus meminisse quam ad qualemcunque ostensionem, aut elucidationem, nostri propositi rerum, conducere arbitremur,

§. XLIV. Et sane ordiemur ab hoc apice, nempe monendo, quod, antequam manus *anatomie* sulphuris admoveamus, jam aliunde vulgo notum sit, quod *sulphur* compos sit concipiendi ardoris *flammei*. Porro, quod idem in sinu suo foveat *falsedinem acidam*; documento tam *fumi* ejus, dum inflammatum ardet; quam obtinendi, diversa *enchirisi*, vulgi ita dicti *olei sulphuris*, seu *spiritus acidi fixioris*.

§. XLV. Offert autem certe horum phænomenon conspectus, veluti specimen jam aliquod *anatomie* sulphuris; mon-  
fran-

strando; quod sulphur constet è materia inflammabili & substantia salina acida.

§. XLVI. Interim non fidunt ita simpliciter, huic tanquam crudiori, avtopsiæ, chymixæ sectatores; metuentes, ne hæc phænomena non detegant discretas res materiales; sed solum unius forte rei discrepantes tantum modos, schemata, larvas; aut, plurium forte rerum, nimis paucas tales, superficiarias fortasse, transfigurationes. Ita enim aliqui, quod unius saltem rei, diversas has reputent, esse veluti larvas, satis declarant, imo profitentur, illo asserto, quod Ignis ipse sit acidum. Alii vero mordicus inhærent asserto illi suo, quod tanquam generalis axiomatis dignitate haberi volunt, quod ignis mutet res. Interdum populus rectum videt, est ubi peccat.

§. XLVII. Lente festinandum est, ne incaute procedatur. Certe volatile illud acidum, ejus est geneleos, ut nemini homini vitio vertamus, si hæc, nudo primo intuitu, velut obnubilet oculos, aut subterfugiat aciem illorum, ne pares sint acutiori contemplationi. Fixius autem illud acidum, cum jam patientius ferat aspectum, imo longius examen, tam cito inter larvas connumerari, non meretur.

§. XLVIII. Potest huic rei testimonium perhibere, proventus Vitrioli, è mineris sulphure foetis; cupreis æque, atque ferreis: talibus imprimis, qualis eximie est, vulgo dicta Minera Martis solaris Hassiaca. Quin etiam, è sulphure, metallis talibus dextre sociato, & inflammabili ejus tenerrima portione, qua decet modestia, expulsa. Unde acidum ejusdem, metallo firmitus adhærens, per solam aquæ affusionem, cum particula arrepta metalli, in hanc insinuat. Unde quidem satis abusiva est, vulgaris illa distinctio trivialis scholæ chymicæ, Vitrioli vulgaris, & artificialis. Cum in rei veritate, potius omne, quod vulgo venum prostat, vitriolum, sit ita artificiale, seu arte factum. Utpote quod è sulphuratis mineris, ustulatis, aut deuti gerösteten / noch nicht gar abgebrandten / Kupferstein / aqua elutriatur; Aliquibus autem in locis, deinde, ferri bracteis incoctis saturatur.

§. XLIX. Dum strictiore usu ita dictum artificiale, parvo communiter pondere, è cupro aut ferro, & acido illo, sive sulphuris im-

me-



mediate, quod vocant *per campanam*, five è *vitriolo*, propulso, per modum simplicis solutionis & crySTALLISATIONIS, paratur.

§. L. Ita nempe etiam *acidi* hujus sulphurei, & manifestus, & satis largus, proventus, sistit sese in vulgo ita dicto *Clyffo* sulphurato; five è *sulphure* & *nitro* simpliciter: five, ut coquinæ chymicæ usitatum est, addito etiam *antimonio*, ut ita *clyffus antimonii sulphuratus*, verbosiori titulo, nominari possit. Unde nempe *colluvies* acido spirituosæ emergit, *triplicis* indolis; *volatilis*, à flammea subtili extenuatione portionis alicujus sulphurei hujus acidi: *fixior*, oleo sulphuris *per campanam* gemina, nisi quod dilutior hæc sit, propter expressè appositum phlegma, in quod immergi possit; Et tandem *nitrosæ* profapiæ, dum in hac tumultuaria incensione, portionis sulphuræ inflammabilis, liberatum acidum ejus *fixius*, ex aliqua parte occurrentes miculas *nitrosas*, *alcalica* sui portione privat, à quibus ita liberatus spiritus *acidus* nitrosus, in propria sua textura prodit. Unde etiam est, quod, si *clyffus* talis, inprimis è *nitro* & *sulphure*, sine *antimonio*, paratus, limaturæ *ferri*, aut *cupro*, affundatur, statim *nitrosus* illum nidorem olfactui objiciat: Et, si paulo largior adhibita fuerit quantitas, etiam fumo illo *fulvo* affatim evaporante, oculis sese offerat.

§. LI. Tanto magis autem illustrat universam rem, residuum operationis; inprimis, inquam, è *nitro* & *sulphure*, solis assumptis. Hoc enim nihil aliud deinde sistit, quam *sal medium*, quod à *Glafero* polychrestum appellatur: Quod nempe solutum in aqua, & iterum *crySTALLISATUM*, non aliam *figuram*, non alium *saporem*, non aliud *pondus*, verbo nullam aliam docimasiam, exhibet, quam geminum, quod è *fixo alcali* & *acido* sulphuris *per campanam*, aut spiritu *Vitrioli*, prodit. Natum videlicet, ut modo indicatum, è bona porpone simplicioris *acidi*, quod sulphuri inest, & *alcali*, quod cum acido suo, *nitrum* corporale format. Unde etiam *medium* hoc sal, ita sincerum restat, quando, juxta *Glaferum*, operatio tota in aperto crucibulo peragitur, & aciditas illa *triplex*, ita libere in auras abire permittitur.

§. LII. Et hætenus quidem tam producta illa in vulgus nota, quam *rationes* eorundem, non usque quaque æquali solertia penfi-



pensitatae. Ubi interim extra nostram considerationem relinquitur, illorum nimiam subtilitatem, qui rebus ipsis nomina sua relinquere aspernantes, nominibus potius res addicere gestiunt. Dum v. g. nec in *sulphure* esse *acidum*, nec in *antimonio* esse *sulphur*, consentiunt; sed unice, tam in *sulphur* induci *schema* aciditatis, quam in *antimonium*, (& ab hoc argumento perperam *antimonio* attribui verum & reale *sulphur*, philosophantur,) cum in neutro horum aciditas illa inveniri possit, nisi *ignis* adhibeatur: qui demum *schema* hoc aciditatis his concretis inducat. Quamvis revera, si tempus huiusmodi commentis perdere æquum quis duceret, puto facillime everteret assertionem talium, quod in *antimonio* non sit verum actuale *sulphur*, quia non nisi per *ignem*, *sulphureum* quid tale (*ardor* *sulphureus*, & *acidum* *sulphureum*,) ex eo emicet. Dum potius, si vel maxime de *sulphure* verum dicerent, quod *ardor* ejus, & *aciditas*, ab *igne* demum formetur atque producat, plane contrario ordine tenerentur, de *antimonio* etiam asserere, quod in illo utique sit *sulphur*; quia etiam in illo, per *ignem* eundem, idem *ardor*, & eadem *aciditas*, producat. Juxta canonem certe mathematicæ veritatis: *equalibus si addentur equalia, quæ inde sunt sunt equalia*. Unde æqualis effectus simpliciter, à simpliciter æquali causa, non potest supponi, nisi *subjectum* simpliciter sit æquale: juxta simplici conversione Canonis.

§. LIII. Sed poterunt hi quoque opinionis suæ amussim experiri, applicando illam, aut exigendo, ad commensurationem experimenti, ut valde simplicis, ita hac ipsa sua simplicitate, supervacuas subtilitates tanto efficacius coërcentis. Si *Sulphur* jungatur cum *sale alcali*, & miscela hæc forti igne tractetur, fluit tenuiter, & intimiore subagitatione æquabili, format massam, quæ effusa, refrigerescens, coagulati sanguinis colorem refert. Quod inprimis fit, si ad *alcali* partes duas, tertia pars addatur de *sulphure*. Quanto plus enim *sulphuris* admiscetur, usque ad pondus propemodum æquale utriusque, adhæret quidem *sulphur* *alcalico* *sali*, ut in igne etiam fortissimo, ab illo non fugiat (modo liberrimi aëris commercium excludatur, ut flammare non possit) interim effusum, & refrigeratum,



ratum, *flavum* potius paulo obscuriorem & subfuscum, quam exquisite rubrum, colorem exprimit.

§. LIV. Hic nempe *ignis* ille, qui *sulphur* in *acidum* convertere putatur, frustra profecto est, & neque sulphur hoc ita transfigurat; nec ipse decantatam illam efficaciam propriam suam, ut *acidi*, exferit in *alcali*, quod neque hic, nec immediate, solum, sibi ita commissum, (quod tamen *acida* etiam debilissima faciunt,) re-  
tundit, aut saturat,

§. LV. Si vero massa hæc, *sulphur*, inquam, per minima cum *alcalico* sale ita connexum, in pulverem reducatur, & in patulo atque pandō vase, lenissimo igni imponatur, ad *levissimam* candefactionem, sub libero nempe aeris allabentis commercio: fit ita de momento in momentum, non, ut *sulphur* absumatur, comburatur, in auras exhalet &c. sed solum tenuissima illa ejus *portio*, vere primo & immediate *inflammabilitati* exposita & obnoxia: Quo ita fiente, destituta ab hujus consortio altera illa ejus, vere *acida* pars, cum *alcali* jam longe intimius, firmitus, atque constantius, connexa manet. Unde statim enascitur Sal tale *medium*, quale è *positiva* combinatione spiritus *acidi*, cum *alcali*, *sulphuris* per campanam, aut *vitrioli*, exsurgit.

§. LVI. Unde, cum antea sal *alcali*, tam per se, quam cum sulphure adhuc integro, dicto modo colliquatum, facillime per deliquium, è nuda humiditate per aerem diffusa, humesceret, imo diffunderet; nunc, nempe sub hac societate cum hoc acido, etiam languidius in aqua dissolvitur, quam alia quæcunque salia, præter tartarum vini: Et insuper etiam largiorem mensuram pro solutione sui, postulat, cum ut *alcali* sincerum, quam minima quantitate contentum fuisset. Cum etiam, cum integro adhuc sulphure combinatum, colorem præ se ferret, sive *sanguineum* illum, sive alias valde saturatum atque spissum, in solutione vero egregie *flavum*: nunc, separata inflammabili illa subtilissima portione, omnem etiam colorem deposuit, & nihil aliud, nisi solutionem aqueæ limpiditatis, & reductionem in Crystallōs, sal plane claræ pelluciditatis, exhibet. Ubi  
et-



etiam illa, ad oppositum usque, disparitas, subest, quod *alkali* fixum, a consistentia solida sicca, & crySTALLIS formandis, simpliciter alienum sit: in hac vero nova societate, totum pronum ad illas & aptissimum. Par ratio est saporis, qui in *alkali* nudo, *urinosus* rudior, & plane *causticus* est; in societate cum *sulphure* adhuc *toto*, nauseosus atque foetidus: ablato vero subtili illo inflammabili, simpliciter *amarus*, nempe absolute illi geminus, qui est miscela aliter separati est *sulphure* acidi, cum *alkali* provenit. Nihil autem fortassis attinet, prolixè insuper monere, quod hoc novum compositum sal, non solum pristinam suam *alcalicam* indolem, erga acida, exuerit; Sed etiam in specie, quod illud acidum, quo nunc socio potitur, *alkali* hoc à quibuslibet aliis *acidis* liberum præstet atque intercludat: quod nempe *sulphureo* seu *vitriolico* proprium est.

§. LVII. Meretur autem revera luculentissimi testis honorem, etiam illud experimentum, quod quidem nec alias ignotum, denuo vero notatum est, à supradicto illo gallicanæ academix Symmysta. Quando nempe sulphur subtiliter pulverisatum, aut puri ejus flores, in sincero *oleo Therebinthina*, diu, & quantum potest, calore bono, (cui instituto inprimis altæ *phiolæ* inserviunt) digeruntur; & nata inde flava solutio, blando calore, (in cucurbita etiam ampliore,) rectificatur, seu quantum ejus facile transtillat, abstrahitur; ipsum hoc iterum transtillans, tum etiam plus recentis, denuo cum reliquo sulphure ita tractatur: aut magna quantitas *olei* ita impenditur, ut tandem largior quantitas spissiusculæ, imo tandem, spissæ, illius substantiæ, comparetur, quæ recedente copioso tenuiore *oleo*, tandem restitat: (qui verba sonora amant, vocant *rubinum* sulphuris,) si tandem spissior hæc substantia, auctiore per gradus igne, destillatur, exhibet *oleosam* spissiore & *olidiorem* substantiam, & simul *aqueum* liquorem, non solum prorsus *acidum*, sed omnino *sulphurea* atque *vitriolica* aciditate. Ut adeo hac via similiter præsentia aciditatis, tanquam partis *constitutivæ* in mixtione sulphuris, non contemnendo documento ostendatur,



§. LVIII. Imo vero, si etiam, quantum fieri poterit, exquirere observatione examinetur, quantum de assumpto pulvere sulphuris, tali operatione solutum fuerit; quantum olei, per abstractionem illam rectificatoriam, iterum liberum recedat: Et quantum tandem oleosa, & adhuc *integrioris* sulphureæ, substantiæ, in destillatione crassamenti illius *rubicundi*, quasi resinosi, in olei, limpidi, & colorati, forma, adhuc transcendat: Et quantum denique *phlegmatica* humiditatis (balnei calore) *acidus* ille liquor adhuc dimittere possit: Poterit ex his comparationibus quadantenus colligi, quam multum *acida* substantiæ in sulphure insit: quam parum autem, pondere, *inflammabilis* illius.

§. LIX. Quemamodum autem, & sane injuria, ars, valde usitate in speciosioribus, & simul operosioribus, sed & simul tanquam ordinarie intricatioribus, tentaminibus occupari, & documenta sua ex illis aucupari, gessit; ita evenit hoc etiam certissime in hoc negotio, *anatomia* talis principiorum sulphuris, dum longe *simpliciora*, & nihil usquam impedita, sed potius expeditissima, æque, atque luculentissima, hujus rei documenta præsto sunt, in simplicissimo illo, a D. D. Præsidente, commendato experimento. Potest tamen etiam hoc ipsum, ex hac eadem parte, nempe *acida* sulphuris substantiæ seorsim, jam allegato altero illo, propius declarato. Nempe: „Fundatur boni salis alcali quantum placet, cum sulphure, ea proportionem, ut ad duas partes alcali, una sulphuris, adhibeatur. Effusum hoc crama dividatur in duas partes; una solvatur in aqua pluvia: *nigrum* sedimentum, quod tamen exsiccatione albescit, filtratione separetur è claro: clarum præcipitetur aceto: quod iterum filtratione collectum, una cum illo primum nigro pulvere sublimatione (etiam in parva proportionem docimastica,) in sulphur reductum, ponderetur, ut nempe ita innotescat, quantum sulphuris etiam in altera illa medietate adhuc insit, & in hac etiam fuerit, cujus propterea pondus, subtrahendo, monstrabit pondus alcali, cum sulphure ibi sociati. Jam tractetur altera illa medietas, supra laudata illa lenissima *candefactoria* calcinatione



ne, donec albescat: quo facto, repetito tunc huius navi Salini mix-  
 ti examine per pondus, dilucescet, primo, quanto plus ponderis  
 hoc sal referat, ab associatione *acidi* sulphuris, quam in altera me-  
 dietate separati sulphuris pondus, subtractione sui monstraverat.  
 Secundo, quam exigua itaque quantitas, intuitu ponderis, potue-  
 rit esse illius substantiæ, quæ lenissima incandescencia consumti-  
 bilis, *acidam* sulphuris portionem destituerat, atque adeo societati  
 salis alcali reliquerat. Quo, certe longe simplicioris operæ, ex-  
 perimento, non difficile erit colligere, non solum *presentiam* aci-  
 di huius in sulphure, ut partis *constitutivæ* ejus; sed etiam ita in-  
 signem ejus *quantitatem*, ut longe maximam partem ponderis sul-  
 phuris ita absolvere, deprehendatur.

§. LX. Quamvis autem hoc experimento, sic satis simpli-  
 ci via, dilucescere videatur, quod sulphur non *potentiali*, sed *actuali*  
 acido instructum sit, & maximam partem ex illo constet: tum et-  
 iam, quod *altera pars constitutiva* sulphuris, sit substantia *inflammabi-*  
*lis*, levi incandescencia in concurrentem liberum aërem dilabens:  
 Ne tamen speculabunda illa opinio, quasi tales alterationes simpli-  
 citer ab actione *ignis*, varie mutatoria, producantur, & nihil horum,  
 quod ajunt, *formaliter*, in sulphuris, mixto præexstiterit: Pro diri-  
 menda omni lite, inserviet utique clariùs documentum, experi-  
 mento sistendum, quod in sulphure etiam *actualis* materia talis in-  
 flammabilis, vere reperiatur.

§. LXI. Dixeris, *hic Rhodus, hic saltus*. Sed non opus est saltu,  
 cum etiam plano gressu hanc metam attingere liceat. Illud quidem  
 minime negandum est, sed potius dicendum, imo imperitos docen-  
 dum, quin peritis alioquin, pro solertissima consideratione com-  
 mendandum, quod materia hæc *subtilis*, primum & proximum  
*ignei* ardoris subjectum, seu *ignis materialis*, non solum ab *acido*, in  
 mixtione sulphuris, vix ulla vulgari arte ita *seorsim* sequestrari atque  
 fisci possit: Sed etiam simul alterum novum *paradoxum* ob oculos  
 ponat, dum acidum illud præpotens, quod præ omnibus aliis cum  
 sale *alkali* intime & firmissime coire solet, ita retundat, occupet, im-



plicet, præpediat, ut, quamdiu in hac societate detinetur, nullum habeat cum alcali congressum aut nexum.

§.LXII. Imo, ulteriore, & majore paradoxo, cum hoc *inflammabile*, etiam ex suo latere sali alcali promte adhærescat; quod in conjunctione sulphuris cum alcali, sive in humida sive sicca, combinatione, nexus alcali cum sulphure, proprie ex latere hujus *inflammabilis* substantiæ, & minime ex latere *acidi* sulphuris contingat. Quod manifesto patet ex eo, quod hæc connexio *sulphuris* cum *alcali*, etiam per *levissima* quælibet acida dissolvatur. Quod nempe minime fieret, si nexus sulphuris cum alcali, per *latus acidi* hujus eveniret: Dum hoc acidum, potentius atque firmitus, quam ullum aliud, alcalico sali cohærescit, adeoque à nullo alio, nedum, valde debili, ab hoc detrudi valeret.

§.LXIII. Interim, quam impeditum etiam sit, existentiam hujus *inflammabilis* substantiæ per methodum *analyticam* demonstrare, non deest tamen omnis etiam hoc præstandi potestas. Expedit autem difficultatem omnem planissime, methodus à D. D. Præside ostensa, *Synthetica*; *analytica* interim bonæ spei, gliscit in allegato illo experimento resolutionis sulphuris per *oleum terebinthine*. Ubi à destillatione resinæ illius, quæ *acidum* illum liquorem præbet, etiam levis quædam *carbonaria* materia, capitis mortui instar, in vase remanet; quæ certe maximam partem *inflammabilem* illam sulphuris portionem, ab acida separatam, comprehendit.

§.LXIV. *Syntheticam* autem methodum quod attinet, valet de illa certissime, Canon ille antiquæ veritatis: *Ex quibus aliquid fit, & in quæ resolvitur, ex illis constat*. Jam, si ex *acido* sulphureo, & *inflammabili* materia, per *synthesin*, sulphur verum producat; & *anlysi*, tam simpliciter, ignitionis actu, & liberi aëris concursu, (quæ inflammabilitatem, & resolutionem in ignem, simpliciter, stipant & perficiunt) *inflammabile* hoc ab acido illo iterum separetur: impletus est Canon, & asserta ejus conclusio. Experimentum itaque prodit ipsum.

§. LXV.



§. LXV. Jungatur, ante dicto modo, sulphur alcali fixo; separetur ex illo *inflammabilis* ejus pars, per lenem incandescentiam, quoad sal compositum *album* remaneat, ut supra memoratum. Sali huic addatur denuo tenerum *inflammabile*, *fuligo volatilis*, *Rûhruss* (in occluso vase candefaciendo, ab adhærescente *oleoso-picea* portione depurata) imo simplices *carbones* leviorum lignorum, & instituaturs fusio. Confestim regenerabitur *sulphur*; ex hac *inflammabili* substantia, cum *acido*, sali *alcali* huc usque connexo. Unde hæc miscela denuo sistit ita dictum *hepar sulphuris*; in quo sal *alcali*, ab *acido* iterum liberum, *acre*, sponte *deliquescent*, quælibet debilia *acida* appetens, & per hæc *sulphuris* hujus commercium promptissime derelinquens: quod *sulphur*, integrum iterum, & plena sui mixtione perfectum, inde cadet, *lactis sulphuris* nomine.

§. LXVI. Ita nempe absoluta erit *Anatomia* directa sulphuris, & luci expositum, quasnam partes *constitutivas* habeat, in quas *resolvi*, & iterum ex illis *componi*, possit.

§. LXVII. Minime quidem unquam dissimulavit, sed indicavit potius, diserte, & plane liberaliter, D.D. Præses, quod experimentum hoc, compare in fundo methodo, jam pridem produxerit *Glauberus*. Sed est etiam in aprico, quod nec ipse *Glauberus* illud intellexerit, in sola admiratione subsistens, & inde salis *mirabilis* nomen procudens; nec artifices *dogmatici* sequentis ad hunc diem temporis, simplicitatem hanc veritatis inde hariolati sint. Tanto minus autem, in hanc usque horam, quantum ad nostram notitiam pervenerit, quisquam horum *differentiam* circa hæc negotia, *Glaubericanis* salis *mirabilis*, ab *alcali vitriolato*, & si quid est in alterutro prærogative, sive experientia sive ratione, perscrutatus est.

§. LXVIII. Ita etiam *Boyleanum* illud experimentum, per *oleum terebinth.* cum *oleo vitrioli*, verum *sulphur* producendi, lucem satis claram artificibus accendit: eo usque, ut etiam præcipui nominis chymicorum aliquis, ne quidem *successum* ipsum hujus experimenti calculo suo approbaret: (nempe magis sine dubio literam processus,



cessus, quam *rationem* enchiridium, nedum indolis rei totius secutus,) quod interim recte procedit si bonum oleum *vitrioli* adhibeatur, olei *terebinthinae*, quantum superfluum est, moderatiore calore prius seorsim separetur, & tunc demum reliqua destillatio absolvatur: quorum etiam pertinet, ut mox ab initio olei *terebinth.* bona quantitas adhibita sit &c. Cæterum quam operosa, & insuper sumtuosa, sit hæc methodus, res ipsa abunde loquitur: cum è contra, altera illa, ita in plano posita sit, ut nihil simplicius, purius, luculentius, desiderari possit.

§. LXXIX. Ita etiam si oleum *vitrioli* misceatur cum succis & lacrymis, *gummato-resinosis*, *aloe*, *scammonio*, *gummi gutta*, *opio*, *galbano*, *myrrha* &c. & ab his, post modestam digestionem, dextre abstrahatur, in qualibet harum operationum, quantum satis erit, *genesis* sulphuris sese manifestabit. Sed stipant hæc experimenta, partim difficultates, partim implicationes variæ, quæ minus circumspectos confundunt.

§. LXX. Ita etiam, si *ferrum* aut *chalybs*, in bono spiritu *vitrioli* dephlegmato, aut *oleo vitrioli*, solvatur, sub solutione coalescit aliquid *nigri*, grumulorum seu floccorum facie. Hoc, si seorsim collectum, & ab omni falsedine elotum, examinetur, *sulphur* est. Et præcedit tale quid, dextra operatione, etiam cum *Regulo antimonii*.

§. LXXI. Omnes autem & singulæ operosiores hæc, sumtuosiores & maximam partem, per varietatem circumstantiarum, *dubis* propiores præparationes, accipiunt claram lucem, ab experimento à nobis producto, ut à quo omnes *heterogeneitates* absunt, & demonstrationem liquido claram atque evidentem relinquunt.

§. LXXII. Ita quidem speramus, abunde satisfactum esse proposito nostro; nempe, directæ *Anatomie* Sulphuris; qua scrutinium partium illud *constituentium* absolvatur: Non hujus autem, sed proprii loci esset, secundum hanc *Anatomiam*, de vero sulphuris *usu*, & *genuinis effectibus*, ex hoc fundamento, disquirere. Ante  
omnia

omnia quidem, nihil adeo abstrusum, esse in sulphure, colligi inde posset; nec nimis avida spe expectari ab illo debere. Interim, qui veram harmoniam salis *acidi* sulphurei æque, atque principii *Phlogistæ*, cum rebus *subterraneis*, melius cognitam habent, non difficulter cognoscent, quam ob rem *sulphur*, cum *metallis*, tam omnibus, quam singulis (diversimode) tantum commercii habeat; Et, penetratione sua, sua inquam *subtilitate*, etiam illa varie penetret, & subtiliter subeat, imo subtiliationi etiam illorum subserviat. Quam tamen de re, & inprimis *intimior* *Phlogistæ* principii, insinuatione in *metalla*, (qua de re in Dissert. de *fundamentis metallurgiae & docimasiae* actum est) hic non est plura dicendi tempus.

§. LXXIII. Ex abundanti, placet minus peritis, & *κατὰ πόδα* curiosis, in aurem dicere, quod varii circumvolantes processus, & in *Concordantia* quoque *Beccheriana*, tanquam in Cavea ex parte conclusi, qui de *sulphure* loquuntur, scripti videantur, vel antequam citrinum nostrum vulgare, tanta copia, ex superiore, & inferiore *Saxonia*, in commercium veniret; vel alibi, ubi *aliud* sulphur præsto esset. Loquuntur autem communiter de *nativo* sulphure, quale etiam hodieque, ex parte, *passim* ad manus est. Unde v. g. ridiculi forent, qui sulphur *vulgatissimum citrinum*, *sublimatione* per Colcothar vitrioli, Crocum martis, limaturam martis, ad *rubedinem*, & inprimis *transparentem*, *rubini* aut fulgidi *topasii* facie, reducere, sperarent: quod interim cum illo, quod processus illi intelligunt, & alii qui etiam nominant, *Berg-Schwefel* parvo negotio succedit. Et simul, si quidquam spei, quam processus tales, magno subinde hiatus, promittunt, *analogum*, animo concipitur, certe in illo, quod intellectum volunt, quærendum id potius est, quam in *vulgato*.

§. LXXIV. Ut autem brevissime, aliquid attingamus, quod simplicius ex hac solida *sulphuris anatomia* fluit, puto perspecturos hinc esse prudentiores, quid sperandum sit de cœpto illo, quod inter trivia Chymicorum agitur, è *sulphure communi*, oleum eliciendi: nempe sine tropo, *pingve*, aquosis *supernatans*, immediate *inflammabile*. Non est in sulphure talis *pinguedo*; siquidem talis, jam est res *composita*: nempe principium illud *phlogiston*, multæ *aquosita-*



*si, arte & intimius combinatum*: unde, nisi prius didicerint, quod sane ingens operæ pretium faceret, *carbones, fuliginem* (puram, à superficialiter adhærente actuali adhuc pinguedine liberata,) in tale verum *oleum* & pinguedinem reducere, semper frustra erunt, ad simile quiddam è *sulphure* eliciendum. Est utique ipsum sulphur, *pinguedo* talis; dum principium hoc *phlogiston*, cum *aquositate*, quæ *salis* illius acidum, quatenus *salis*, portionem constituit, hac ratione, (per hoc acidum, ut *Sal acidum*,) in hanc consistentiam deducitur, quæ crassissimam *pinguedinem* repræsentat: utique *ardentem*, cum *aqueis* simplicibus non coëuntem, sed *supernatantem*, facile *liquefcentem*, prope uti *pix* aut *cera*. Unde certe, si *oleum* è sulphure facere didicerint, inveniunt, non per modum *separationis*, sed *productionis*, hoc processisse, & eadem arte, totum *sulphur* in *oleum* conversum iri.

§. LXXV. Nempe jamdudum utique animo Dn. D. Præsidis, obversatur hoc problema, *phlogiston* hoc principium, (ab *aquositate* depulsum,) per artem in hanc mixtionem *reducere*. Utique postquam jam ante triginta & amplius annos, satis exquisitè intellectum habebat experimentum illud, ut experimentum, (quod magno numero artificiosissimorum speculatorum, saltem ut experimentum, toties, quoties per jocum proponebat, cerebellum torfit, & pro magno paradoxo fuit;) nempe, *limpidissimum* quodlibet, & ut vulgo loquuntur *homogeneum*, imo *athereum*, *volatilissimum*, pingue, seu *oleum* destillatum, *camphoram* &c. *sine ullo addito*, in ictu oculi, è *mixtione* sua deturbandi; & loco *liquiditatis* in incorrigibilem *siccitatem*, loco *pelluciditatis* in extremam *obscuritatem*, loco *volatilitatis* à calore, in *fixitatem*, (si *aëris* commercium perfecte excludatur,) ad centum annos, imo quamdiu stabit mundus, ab igne non disjiciendam, reducendi: nempe, nuda accensione & deflagratione, in *fuliginem*. Quam, ut & *carbonariam* inflammabilem substantiam, si quis iterum, pristino modo *aquositati* conciliare, & ita firmiter innectere, didicerit, artificium certe invenerit, omnibus seculis inauditum, sed profecto immane operæ pretium facturum. Quod interim ut hactenus

nus in solius *natura vegetantis* potestate, & certe lentis progressibus, substitit: ita probabile omnino est, non simpliciter impossibile fore ejus imitationem etiam Arti: sed profecto non illi *coëtorie* & *confusorie*, qualis est magnifica illa vulgo decantata Chymia.

§. LXXVI. Propius autem sine dubio collineant ad scopum, qui jam ab *aquositate* separatum, & *terrestris* jam propius indolis, in terrestres miscelas introducere sperant, & ita omnibus votis exoptatum illud *sulphur fixum*, impetrare. Ridicule vero certe hoc à *tota substantia* sulphuris *communis* expectaverint, aut de ea speraverint: Utpote à cujus *aciditate*, necessario prius separandum esset ejus principium *aquosum*. Quod si præstitum fuerit, vix dubitare liceret, quin *arctior* concretio, & *fixus nexus* remansurus esset, principii hujus *Phlogiston*, cum principio illo *terreo*, *metallica* mixtioni certissime *analogo*, quod quamdiu cum *aqua* intimius adhuc connexum hæret, *salinam* illam *acidam* consistentiam sistit. Sed forte difficilius est, quam vulgo creditur, altum hic sapere: qui potest capere, capiat.

§. LXXVII. Illud autem necessario ante oculos habendum hic sine dubio erit, quod, quando magis *phlogiston* hoc, sive in *sulphure*, sive alibi, ad *pinguedinis* statum reducatur, eo magis firmæ atque *fixæ* immixtioni in concreta *terrea*, *metallica*, ineptum evasurum sit, & contra. Quantum interim etiam in hac sua consistentia, inclinet atque tendat, ad coalitum cum *metallis*, eumque etiam satis *arctum*, sed non intimum atque stabilem, ad oculum dilucescit in *reductionibus* Metallorum; *stanni* etiam per simplicem *pinguedinem*, sive *vegetabilis* illa sit, sive *animalis*: *plumbi*, *cupri*, *ferr*, per *siccior* jam, è *carbonibus*, (tam *animalibus*, quam *vegetabilibus*,) & *fuliginibus*. Interim scintillam quandam veritatis, etiam hoc in genere præbent, sed perite profecto instituendæ, *reductiones* hujusmodi, concurrentibus idoneis ad talem *intimior* complexum jam proxime dispositis subjectis. Qua de re pluribus verbis actum est, in *Speciminis Beccheriani* Part. II. Et umbram ejus rei, non tamen plane evanidam, profert, experimentum illud, quando bonum *argentum* purum, sæpius repetita *cementatio*



ne cum tritico, tandem examinatum, aliquid auri exhibet, eine Epuhr von Gold.

§. LXXVIII. Sed absit, ut ab *Anatomia*, præsertim ita, simplicissima, & nulla difficili *exenteratione* indigente, ad *extispicia*, & *aruspicinam*, pedem promoveamus: Cum certa semper steterit, atque stet sententia, & sincerum pro idoneis ingeniis consilium, *Scientia*, tantum, nequaquam autem *concupiscentia*, litare, nedum in ambitu quærere, quod proxime Centrum quærendum sit, & juxta Proverbium foris, quod domi sit. Deum potius T. O. M., qui sapientiæ suæ, etiam communiter in summa simplicitate maxime mirabilis, venerabundum intuitum modestis spectatoribus non denegat, submissis precibus veneramur, ut considerationes nostræ, in gloriam ejus, & nostram *αὐτάρεχταν*, semper ab Ipso dirigantur.



DISSERTATIO POSTERIOR  
**METALLURGIAE**  
**PYROTECHNICAЕ,**  
**&**  
**DOCIMASIAE METAL-**  
**LICAE**  
**FUNDAMENTA**

EXHIBENS.

Ddd dd 3

PROOE.



METALLURGIAE

TYROTECHNICAE

&

DOCTRINAE METALLORUM

LIBER

FUNDAMENTA

MDCCCXXXIII



## PROOEMIUM.

**M**etallurgiæ late patens studium atque artificium, ut à longo tempore, nempe propiorum ætatum, in nulla forte alia regione, operosius & utilius cultum est, quam apud nos Germanos, & Americanos; Siquidem aliis certe gentibus, modo non miraculo fuerit audire, quod in Misnicis argentifodinis, spatio octoginta annorum, deductis omnibus sumptibus, qui certe non exigui fuerunt, solius argenti, 16440. Myriadum seu Millionum, 73. Tonnarum auri pretium impetratum sit, testante Petro Albino in Chronico Misn. Miner. Germanico: Ita nemo quisquam, nisi harum rerum valde imperitus, contradixerit, quod apud Germanos præcipue, etiam scientifica hujus negotii tractatio, præ omnibus aliis gentibus, plurimum successus habuerit. Quamvis enim non negemus, quod aliæ nationes, multa à Germanis inventa luculentius excolere & intimius evolvere, minime negligant; quo nomine Galli imprimis sese efferunt: notum tamen simul, & veluti in confesso est, quod tales nihil propemodum hac sua perspicaciori cultura atque solertia dignentur, nisi quod ad majorem perfectionis gradum provehere,



vehere, labore potius & indefessa assiduitate, quam ingenio atque studio, integrum sit.

Ubi quidem cum Metallorum ea sit indoles, ut semel depurata, deinde nullum ulterius artificium admittant, nisi pure artificiosas effigurationes; præterea in ipsa Germania, non modo Metallorum ipsorum ingens proventus, sed & reliquorum adminiculorum, quæ penitissime illorum purificationi inserviunt, par abundantia, quasi luxurient: Fit inde, ut leviori pretio elaboratissima metalla ab ipsis Germanis sibi coëmant exteri, quam ut horum mundificationi ipsimet ulterius insudent, contenti nimirum artificiosa solum opera inde formare. Quid? quod nullum fere metallum, excepto ferro, insignem talem meliorationem, admittat; firmam nempe & ingenuam, qualis est ferri in chalybem perfectio. Ubi tamen fucorum metallicorum magistri forte etiam inter exteros non defuerint, qui aurum pallidius Rhenano-Germanum, temporariis coloris exaltationibus imbuere cordi habeant.

Sicut autem hic ipse uberrimus metallorum inter Germanos proventus, merito ipsos excitavit, ad excolenda illa artificia, quibus fructu minerarum harum recte potiri possent; ita negare tamen non licet, quin multas ejusmodi, summe, imo unice, proficuas operationes, magis pure empirice administrari videamus, quam ut ullam, imo raro vix proximam earundem efficaciam, cognitam observemus: ut sæpissime non leve dubium subsit, annon potius ad talem processum instituendum à nuda fortuita experientia inducti fuerint mortales, quam ut quicumque forte primus fuit inven-

ventor, theoreticam, seu scientificam talium effectuum causam agnoverit.

Cum vero rerum, suapte natura & utilium & pulchrarum, causas quoque veras novisse, operæ certe pretium sit; Placuit nobis hoc ipsum argumentum, pro SPECIMINE INAUGURALI assumere, utpote quod & dignitate & ubertate materiæ, ad exercendum ingenii nervum, campum satis patulum aperit. Experiemur itaque, Deo bene juvante, vires nostras, quas ejus directioni benignissimæ, humiliter commendamus.

SECTIO PRIMA.

DE

GENERALIORIBUS METALLUR-  
GIAE

Pyrotechnicæ Fundamentis.

SUMMARIA.

*Metallurgia, vel Mechanica, §. 1. vel Pyrotechnica §. 2. Non utrasque tractamus, quia nimium §. 3. & Mechanica partim minus theoretica est, §. 4. Sed Architectonica, §. 5. Ichnographica, & Geometrica Subterranea. §. 6. Hydraulica §. 7. Mochlica, §. 8. Partim rationi adhuc incognita. §. 9. Quoad tractus Montium & Venarum. §. 10. Diversitatem Saxorum. §. 11. Situm ad horizontem, §. 12. Pyrotechnica itaque præmittimus Historiam, hinc erui-  
mus fundamenta. §. 13. Offerunt se hic Mechanicæ operationes prævia, §. 14. Contusio & lotura §. 15. Molitio, comminutoria §. 16. & subactoria. §. 17. Succedunt his operationes ipsæ, quibus Minera diversa §. 18. Diti-  
or, magis immediate §. 19. præcedente ustione. §. 20. vel omissa, §. 21. funditur, sine, vel cum additamentis. §. 22. immediate inter carbones. §. 23. vel in vase, §. 24. inde fiunt scoriæ, & Metallum. §. 25. succedunt separationes. §. 26. Ex hac Historia, fundamenti loco considerata, conditio saxi, §. 27. & minera, §. 28. denique Metallum. §. 29. ad ignem §. 30. & ad ista invicem,*

Eeeee

§. 31



imò Metallorum inter se mutuo. §. 32. quibus rebus innituntur varia alterationes sub ipsis operationibus. §. 33.

**M**ETALLURGIAM PYROTECHNICAM tractare dum suscipimus, volumus illam hoc ipso contra distinctam Metallurgiæ in genere; Distinguimus enim Metallurgiam in

- 1 *Mechanicam* Subterraneam, & *Pyrotechnicam*: per priorem intelligendo, *Scientiam* atque *artem* Metalla investigandi atque colendi, quamdiu adhuc in mineris *latentia*, *manualibus* artificiis indigent, ut eruantur:
- 2 *Posteriore* vero nomine, denotando illam *scientiam* & *artem*, quæ mineras, semel in lucem protractas, ita separare docet, ut metallum purum à lapideis, & mediis mineralibus heterogeneitatibus, depuratum, usibus suis amplissimis aptum reddatur.

- Sunt utræque hæ partes Metallurgiæ, certe latisime patientes, & complectuntur sub se, tot, & tam varia, ut ambas simul
- 3 evolvendas suscipere, vix audere potuerimus; imo, quicquid etiam vires permetterent, videtur hujusmodi tractatio a modulo *Speciminis* nostri aliena, utpote quæ non tam *Disputationi*, quam integro libro, materiam suppeditaret. Quin denique nihil dissimulando, habet illa Prior Metallurgiæ pars, plurima prorsus, quorum aliqua nullam adeo insignem *theoriam*, aut *scientificam* quoque tractationem, sed solum *mechanicam* peritiam poscant: cujusmodi sunt illa
  - 5 omnia, quæ ad *architecturam* subterraneam, zu den Gebauen / pertinent: quæ *Ichnographiam* subterraneam, & *geometriam* ejusdem generis, das Vermessen / versteinen / Markscheiden; *Hydraulicam* Metallurgicam, die Gewältigung der Wasser / durch Stollen einbringen und Rünsten hengen / und hierzu nöthige Wasser leitungen &c. Divisiones item quæ jus pariunt, vermessen Feld / Fund-Gruben und Massen / &
  - 8 similia concernunt: Sicut pariter pure *mechanici* census sunt istæ *machine ductoria* & *tractoria*, quibus minera, è tractibus suis & venis decerpta, in apricum è profundo promovetur, dadurch das gewonnene Erz zu Tage ausgefödet wird: Ex parte vero nullam penitus fundamentalem seu *scientificam* rationem adhuc admittunt; cujusmodi sunt tum universus, *montium* illorum metalli feracium, tum venarum



*narum* seu tractuum mineræ seorsim, *positus secundum cardines mundi*, 10  
das gesamte Geschicke des Gebürge/ als auch ins besonder der Gänge/  
nach ihrem Streichen oder Stundte/ hangen und liegen: *Conditiones* 11  
denique specialissimæ *lapidis* in certa vena reperiundi, der Unter- 12  
scheid des Gesteins und Zechsteine. *Situs item secundum horizon-*  
*tem* differentes venarum, das steigen und fallen der Gänge / & simi-  
lia.

Manemus nos itaque in nostra Pyrotechnica, quæ supra ter-  
ram eductis mineris competit, Metallurgiâ, occupati, cujus ut ratio- 13  
nes atque fundamenta recte edere valeamus, Historiam ipsam  
prius adumbrare conveniens erit.

Placet vero initium facere ab illis operationibus, quæ qui-  
dem pariter mechanicis administrationibus perpetrantur, habent  
vero tum prævias tum subsequas *Chymico-Physicas* rationes, quæ  
proinde ad harum quoque mechanicarum specialium enchiri- 14  
fium & cautelarum necessitatem fundamentum præbent; Ha-  
jus generis est *Contusio & Lotura*, das Puchen und zu Schlich ziehen: 15  
*Molitio* item tam *comminutoria*, in *Lazuli* istius artificialis, der blauen 16  
Stärck und Schmalzen/ præparatione, quam *confriictoria* veluti & sub-  
actoria, pro amalgamatione auri lotorii subtilioris cum mercurio, 17  
auf Quick Mühlen.

Minera itaque à vena sua decussa & cœlo nostro exposita,  
prout vel dives metalli est, vel minus, ita paululum diversa experi- 18  
tur fata; Ditior, vel exponitur excoctioni magis immediate, præ-  
cedente saltem levi unctione, vel etiam sine eadem: vel tractatur 19  
prius contusione atque lotura, si vel pauperior fuit minera, vel Saxi 20  
respectus ad fusionem, tale quid seorsim exigat. 21

Præparatum huc usque metallum, funditur hinc, vel sine 22  
additamentis, ita solum uti ab unctione facta prodit: vel eget adhuc  
convenientibus additamentis.

Fusioni ita exponitur; Sed cum magna illa differentia, ut 23  
vel immediate carbonibus imponatur, atque ita per eosdem diffuat 24  
& colliquetur: vel in vase, extra contactum carbonum fundatur



25 Format ita partim scorias, partim deponit metallicum suum sedimentum: & illud quidem iterum vel mox purum atque sincerum, vel heterogeneousitatibus adhuc inquinatum: & his quidem vel toto genere, vel specie tantum, alienis.

26 Unde quidem ultimo loco convenientes separationes requiruntur, quibus unum metallum sequestratum ab altero, sincerum denique, & in sua specie purum penitus obtineatur.

27 Quia vero & contusionem & loturam nonnihil variant differentia saxorum, ita primo loco horum indoles considerata venit.

Proxima ab his est conditio illius mineralis, quod metallo in minera conjunctum est: quod ad conditiones unctionis recte instituendae facit.

29 Huic applicanda est conditio metalli, seu proportio ejus mutua, tum ad ignem simpliciter, combustorium & fusorium; tum seorsim, ad modo dictum minerale ipsi conjunctum, & utriusque mutua habitudinem ad ignem, & in igne.

His subjungenda est fusilitas metallorum diversorum; eaque tum initialis, dum adhuc in minera, quamvis jam praedictis modis praeparata, diffusa haerent: tum successiva, ubi jam semel depurata & juris sui seorsim facta sunt.

32 Subjungenda denique erit habitudo etiam metallorum inter se invicem, ad fusionem; sicut etiam ad unctionem, combustionem & reductionem.

33 Quorsum pertinet alteratio sub unctione & fusione obtingens, incinerationis, vitrificationis, deflagrationis, tanquam potissimum, fundamentum depurationis fusoriae argenti & auri, des Abtreibens: & ejusdem e cupro separatoriae, des Sengerns.



CAPUT PRIMUM.

DE

PRAEPARATIONE MINERARVM

Prima, & quamobrem ita suscipiatur.

S U M M A R I A.

*Effossa minera, vel asservantur in ocluso §. 1. vel exponuntur aëri §. 2. ut aluminosa §. 3. vitriolica §. 4. formata in fissili-limoso lapide §. 5. quales plumbaginea Schwartzburgica §. 6. & Hasfiaca Frankenbergenses §. 7. Fragmina locupletissima, pulchre ludentia, pro Curiosioribus seponuntur. §. 8. Minera cupri ingenui Schwartzburgica §. 9. Argentifera Andresbergensis & Schneebergensis. §. 10. Contusio duris mineris necessaria, §. 11. cui tamen preparanda, §. 12. vel dicta aëris, §. 13. vel ustionis ope, §. 14. ubi durissimis etiam aqua affunditur. §. 15. unde disiliunt filices. §. 16. ut comminui possint. §. 17. Contusioni humiditas additur. §. 18. ne dispergatur. §. 19. ubi simul lotura succedit §. 20. ubi in foveas §. 21. materia gravior subsidet. §. 21. pretiosi metalli lotura, manualis 23. alveo §. 24. aut tabulatis, siens §. 25. in auro §. 26. fluviatili, vel limoso. §. 27. rursus Schwartzburgicum, aurum §. 28. apparatus panni setacei §. 29. Enchirisis manualis lotura, §. 30. in succussione & concussione, §. 31. in majoribus vero cribrorum orichalceorum usus, §. 32. retentis lapillis, aurum transmittentibus exiguum, §. 33. frustulum rarissimum Rudolphopolitanum auri. §. 34. lotura cinabaris. §. 35. quæ contrarii motus §. 36. saxo subsidenti supernatans. §. 37.*

**M**inerae è fodinjs in aprium prolatae; praesertim mobiliores; atque ditiores, in loca quæ occludi possunt, promptuaria, nimirum, convehuntur; quæ in magna quantitate, pauperiores aut minus pretiosae, effodiuntur, aliquæ etiam ex sua speciali indole, adeoque necessitate quadam, relinquuntur sub dio, ut alicubi



4 *aluminis*, in Anglia etiam : referentibus *Act. Philosoph. vitriolica* : in va-  
 5 riis locis etiam *cuprea* mineræ, molliori & veluti *limoso* fissili lapidi  
 6 innatæ : aliæ tamen prius *candefactæ* ; aliæ ita crudæ : Hujusmodi  
 etiam *minera plumbea argenti* compos, quæ in *Illustrissimorum Domin.*  
*Comitum Schwartzburgico - Rudolphopolitanorum* territorio prope  
*Weitschbergen* eruitur, *limo* tali veluti petroso immersa, maximæ  
 duritiei ; qui tamen aliquot mensium mora, sub dio, *tempestatis*, præ-  
 cipue pluviae, aliarumque aëris mutationum, subsidio, ita *molle scit*,  
 ut instar mollis, veluti *limosi*, lapidis, facile mola *contundi*, atque ita  
 deinde *lotura* separari queat, qua quidem hæc terreo-lapidea ipsius  
 pars, facile in verum veluti *limum*, *Schlamm*/reducta, aquæ fluxu à  
 metallica graviore subsidente portione, abluitur. Ejusdem indolis  
 7 est etiam *Hasfiaca*, quæ *Frankenbergæ*, haud longe *Cassellis*, colitur, *Cu-*  
*pri* mineræ, de qua vid. Scriptum, vom Erzk-Steigern und Beizen.

Supervacuum propemodum est monere, quod interdum  
 occurrentia *fragmina* peculiariter *locupletia*, minerâ præsertim valde  
 8 *depurata* radiantia, seorsim reponantur pro *curiosioribus* ; sonderlich  
*derbe reiche curieuse Stücken/ gediegen/ gewachsen/ Faden-oder Haar-*  
*Silber/ derbe roth-gölden/ Erzk/ Stahl/ ganze Glas Erzk/* (cujus utri-  
 usque postremi magnus proventus conspici potest in *Johan Ge-*  
*orgen Stadt/ und S. Andreasberg/ und andere gar oder meistentheils*  
*gediegene Stücken.* Cujusmodi *nativi puri cupri*, alias certe satis  
 rari, *flexilis*, imo *malleum* satis ferentis daß sich wohl mit dem Ham-  
 mer fletschen läßt/ magna quoque copia hodie reperiuntur, in supra  
 9 jam laudatorum *Illustrissimorum Comitum Schwartzburgicorum* di-  
 tione, nempe regione minerarum, per Dei gratiam, feracissima, ad  
 oppidum *Kœnitz*, inter quas innumeræ occurrunt, quæ curiosorum  
 harum rerum musæis inferri mererentur, sed, ipsa quoque  
 10 copia fastidium faciente, simpliciter fusioni offeruntur. Cujusmo-  
 di quoque est *minera argenti*, qualis cum ad divi *Andreae*, *Hercyniæ*  
*Sylvæ*, utum *Schneebergæ Misniæ* occurrit, quasi lactis in caseum  
 presfi consistentiæ ; unde etiam, si bene memini *Quarz* appel-  
 lant, & siccescens, *cariei montanæ*, *Mullin* / similem consistentiam  
 habet.



Depromuntur mineræ hæ, vel ad *ustionem*, vel ad ipsam *fusionem*, vel *loturam*.

*Contusio* mineris *fusili* quidem, sed tamen *duriusculo Saxo* innatis, necessaria est, cum comminuta talis substantia, *fusioni* utique facilius obediat, quam in magnis frustis vel *respuit*, vel non nisi difficillime admitteret.

Cum vero saxa talia, *duplicis* consistentiæ in ordine, ad *fusionem*, imo etiam ad *contusionem* existant; ita ut alia quidem eorum valde prompte & *contundantur* & *fundantur*; alia vero contra, summe *refractaria* ad utrumque sint indolis: propterea egent haud raro aliqua etiam præparatione pro ipsa *contusione* toleranda.

Consistit illa vel in supra dicta expositione in ipsum *aërem* liberum & *tempestatis* vicissitudines; vel in præmittenda *ustione* seu *candefactione* plus minus diuturna: Cui etiam ipsi, si summæ *duritie* sit saxum, *siliceum* imprimis, interdum subordinatur affusio *aquæ*, ut ipsis adhuc candentibus *acervis*, aliunde inducatur rivus, alias quoque communiter his locis vicinus, ad minimum *fusoriis* officinis, pro folium agitatione. Ita *disfilit* *siliceum* saxum, ut mox, aut ad minimum *repetito* hoc eodem actu *candefactionis* & *iteratæ extinctionis*; satis commode dehinc in *pulverem* reduci possit.

*Contunduntur* mineræ communiter omnes *madefactæ*, seu *aspera* & *subministrata aqua*, ne tam facile *dispergi* queant: Præcipue illæ, quæ simul *lotura* egent, ut nimirum tenerius comminuta *terrea* portio, *limi* turbidi forma longius propelli, & fluvio *aquæ* in hunc finem largius admissio, *aufferri* queat. Ubi quidem huic scopo aptatur specialis structura *ductuum*, aquam profluentem à *pistillis* *fusoriis* abducentium; ut nimirum variis *anfractibus*, imo *foveis* interpositis, transitus materiæ *pistillorum* agitatione, & inde nata *aquæ* insigni *fluctuatione* magis magisque projecta & propulsata, partim in *foveas* illas, partim per longiores ambages ad *fundum* *ductuum* istorum *des Gerinnes* graviolem magis ingenue *metallicam* sui partem deponat, tenuiore *saxeo-terrea* substantia, leviolem, & ipso actu hoc



hoc contusionis valde subtiliter comminuta, super illam longius profluente, atque ita transeunte.

23 In metallo *pretiosiore* simul tamen *pauciore*, aut ad minimum instar exilium granorum, & *foliolorum*, quasi *scobis* consistentia, multo *fabulo*, aut pingui *limo* intersperso; peragitur hæc *lotura*, vel  
24 simpliciter *manuali* opera, in einer Mulde / seu alveo, quem appel-  
25 lant, einen Sicher-Trog oder Sicker-Trog; vel in asseribus tabula-  
tis expresse ad hunc usum ita aptatis, ut situ leviter *declivi* adhibito, *fabulum* atque *limus* quidem, aqua, quæ semper affunditur atque subministratur, perpetuo leniter agitata, *fluctuatorio* hujus motu ab-  
lui & auferri possint, gravius vero *metallicum* veluti *fabulum*, aut  
*micula* magis sinceræ *metalli*, gravitate sua ad *fundum* semper depres-  
sa, & *leni* impulsui de super fluentis *aquæ*, non cedentes, ita rema-  
neant atque subsistant.

26 Adhibetur hæc lotura præprimis *Auro*, quando vel in *fluviiis*  
27 ramenta ejus deprehenduntur; vel in *limo* tali, ac veluti *marga*,  
*pingvi*, subtilia ejus corpuscula inspersa hærent; in Gold-Seiffen/  
oder Seiffen-Erden.

28 Tractatur hic labor cum summo emolumento in celebra-  
torum Illustrissimorum Comitum *Schwartzburgicorum* ditione, juxta  
pagum *Schwarza* in *rivo* ejusdem nominis, *auri* satis *divite*, & adeo  
quidem, ut nullum sit dubium, quin ex eodem rivo in *Salam* flui-  
um devolvatur illud, quod in hoc similiter reperitur *aurum*, & *co-*  
*pia* tamen minore, & minoribus *ramentis*, unde quidem argumen-  
tum hoc, quod ex antedicto rivo huc devolvatur, peti so-  
let.

29 Quando maximopere subtile est hujus generis *aurum*, solent  
adhiberi panni *lanæi* aut setacei, qui expanduntur & affiguntur per  
aliquid spacium istius *scamni* lotorii, quod rarius quidem *Wäsch-*  
*baueß* / usitatus vero *Blan-Herd* appellant, sicut etiam ipsi illi panni,  
*Blauen* appellantur; In horum nempe pannorum *lanugine*, aut  
poris subtilibus, hæret hac ratione *subsiciens* gravitate sua *aurum*,  
quantumvis tenue, & concusso deinde panno facile *decidit*, præpri-  
mis si excussio hæc denuo in aliam *aquam* fiat.



Totum artificium *lotura*, quæ *nuda manu* & alveo peragi- 30  
tur, consistit in *agitatione* dextra, *succussoria* & *concussoria*; ut *succus-* 31  
*sione* quidem *fabulum* in aqua addita, ita nonnihil sublevatum, *gra-*  
*vioris* metalli *lapsui* ad fundum locum præbeat: qui ipse *concussione*  
alvei, in effectum deducitur & recte procedit. Ita vero semel jam  
ad fundum detruso metallo, securius deinde abluitur universa illa  
quantitas superjacentis *fabuli*, sicut etiam fluctuante motu aquæ  
(nam *in aqua* peragenda est hæc operatio) hujus ipsius aquæ *flucti-*  
*bus* per *succussionem* commotis, facile ita profunditur: *crassiora*  
vero contenta, ut ipsa *saxa* atque *silices*, semel aut bis saltem *con-*  
*cusso* alveo, tolluntur facile ipsa *manu*, sine ullo metu ullius miculæ  
*metallicæ* una arripiendæ, quandoquidem hæ nimis quam mature  
subsidendo, inter *silices* & *crassiores* arenas deorsum ten-  
dunt.

In magnis vero hujus generis operationibus præsto sunt 32  
*cribra*, quorum fundus è filo proportionato *orichalceo* formatus, &  
foraminibus quidem proportionate patulis pertusus est. His se-  
cernuntur quasi in instanti, tenuiora *fabuli* corpuscula à *lapillis* & *si-*  
*licibus*. *Auri* enim ramenta satis promte quidem per exilia etiam 33  
foramina secedunt; quandoquidem rarissimum est frustulum in-  
venire, quod *granum tritici* latitudine & dimidia saltem *crassitie* æ-  
quet; unde quidem è vere raris & curiosis *Cimeliis*, est *frustulum*  
*auri*, quod è rivo suo *Schwarza* protractum, servat Illustrissimus 34  
Comes *Rudolphopolitanus*, mediocris *fabæ* latitudinem æquans, quam-  
vis minoris *crassitie*: quod è pisce *Aurata*, cujus hic rivus feracissi-  
mus est, protractum, in alvum ejus utique è rivo nostro demer-  
sum fuerat.

Adhibetur hæc depuratio per *loturam* etiam *cinabari* nativæ,  
commendantibus Medicis; nisi quod ibi difficultas ista subfit, quod 35  
*cinabaris* hæc, communissime saxo innata reperiatur *siliceo*: quod  
ipsum cum promptam pulverisationem penitus frustretur, nisi prius  
*ustione* prædisponatur: *cinabaris* vero hanc nullo modo ferat: intel- 36  
ligenda proinde est *lotio* hæc & instituenda, contrario modo, ut  
nimirum, dum sub *pulverisatione* inter duritiem saxi, *minera* seu *ci-*  
*nabaris* tanquam *mollissima*, maxime subtiliter conteritur, & ex *sul-*  
phu-



phurea sua indole, jam ante ad commixtionem promptam cum aqua satis refractaria est, nascatur inde *cinabaris* cum suo saxo sic contritæ, summa *tenuitas*, cujus deinde beneficio, ipsamet sub lotura  
 37 surgens, saxo demum ad fundum dejecto manente, colligi possit, si aqua illa per quietem, hunc tenuissimum pulvillum cinabarinum sensim demum deponit.

Diximus, quod *lotura* quidem *comminutio*, ipsi vero *comminutioni* *ustio* subveniat; cui copulavimus in casibus haud ita paucis *insolationem*, seu diuturnum decubitum materiæ sub dio & *tempestatibus* libero allapsu, daß es im Wetter liegt.

Habet vero *ustio* tum modo dictum usum, ut saxum magis habile reddatur ad *comminutionem*; absument vero simul etiam *sulphur* & *arsenicales* volatiles portiones, quæ in forti *fusionis* igne, partim impedirent boni metalli secessum & puram collectionem: partim omnino secum in auras *abriperent* boni etiam metalli corpuscula, de quo itaque jam dicemus.

## CAPUT II.

### De

# PRAEPARATIONE MINERARUM SECUNDA.

## SUMMARIA.

Fundamenta *Comminutionis*, & *Lotura*, saxi *secretio* §. 1. & *facilior fusio*, §. 2. *institutio*, in qua parte *littorum auriferi fluminis*, plus auri deprehendatur. §. 3. *Ustio*, §. 4. *absument* quæ vel *impediunt*, vel *precipitant fluxilitatem*. §. 5. *Inferunt friabilitatem*, §. 6. *rapiunt*. §. 7. *leni igne instituenda*. §. 8. *ultimo tamen etiam paulo intensiore* §. 9. *positus ligni ustorii diversus*, §. 10. *Minere sulphure, bitumine, imbutæ, virgultis accensæ, pergunt sponte ardere* §. 11. *ita Goslarie*, §. 12. & *Alendorfi* §. 13. *requiritur æris accessus*, §. 14. *non ad superficiale sulphur*, §. 15. *sed intimius immersum* §. 16. *exurendum* §. 17. *unde falsedo*

do ejus residua. §. 18. aqua abluenda. §. 19. additamenta, §. 20. in optimis mineris; sed volatilibus, §. 21. fixatoria. §. 22. Schellenbergisches Fugir-Werck §. 23. Silesiaca fixatoria proposita §. 24. Franckenbergensia. §. 25. uestiones repetenda. §. 26. fundamentum uestionis, §. 27. aeris admittendi, §. 28. sed lenis §. 29. alias raptaturi, §. 30. Lenior initio sit. §. 31. & quare §. 32. quando auctior necessarius? §. 33. Bersaueu fusionis magis vitium §. 34. necessitas uestionis §. 35. excepto auro, & argenti prædivite minera §. 36. Americana. §. 37. levis candefactio; §. 38. Diurna ustio, §. 39. heterogeneitates immaturas in vitrum, §. 40. oder Stein und Speise. §. 41. vertens, etiam in parvo, §. 42. aqua superinducta ratio. §. 43.

**N**on est operæ pretium, rationes & veluti fundamentum modo recensitæ primæ præparationis latius prosequi, cum in proclivi propemodum sit, partim etiam hinc inde additum illud, in quo cardo negotii hujus versatur. Tota nempe res eo redit, quod minera *comminuatur*, partim ut *saxum* superfluum lotura secerni possit; unde etiam ipsa lotura propter hunc finem unice instituitur; Partim ut *fusio*, tum ipsius *minere*, tum præcipue partibus hujus *saxææ*, ita facilius perpetrari possit.

Adjicimus id unum de *auro* in fluviis reperiundo, quod circa littora illorum, *aurum* non ita prompte ubilibet reperiatur, sed in certis tantum littorum tractibus; quos tamen non modo facile dignoscere, sed vel per *quingenta passus* discernere à sterilibus locis integrum est. Cum enim aurum non nisi insigni volutatione, & raptu fluvii, ad littora provolvatur & ejiciatur, proinde frustra quaeritur in tractibus littorum *planioribus*, ad quos aqua quasi tranquille fluens, facile exundare potest: in anfractuosis vero, atque tortuosis, locis, ubi turbulenta volutatione, fluxus aquæ, velut è fundo ad superficiem agitat fluctus, ibi & sustollit, & ejicit facilius, protruditque inter sabulum, hæc etiam aurea ramenta. Unde in talibus quidem locis cumuli arenæ, lapillorum, limi, ita ex aqua ejecti, continent largius illud una protrusum aurum, & potest proinde hæc circumstantia etiam è longinquo perspicui. Præterea in *planioribus* quidem



littoris partibus, ob diuturniorem moram aquæ, interdum ita exundantis, motumque ejus *undulatorium* inter decrementum fluxus, sublidit *profundi* illud aurum, utpote majoris ponderis, quod circa *editiora* talia loca aliter evenit.

- 4      *Secunda* præparatio est *Ustio*, qua *sulphureo-arsenicales* partes è mineris exuruntur; utpote quarum cohæsiō cum metallo, impedit, ne hoc in massam *homogeneam*, & *tractabilem* redire possit. Ita enim  
5      alibi impedit *sulphur* ipsam *fusionem*, & reddit metallum *durum* & *refractarium* fusioni: alibi *nimis fluxilem* & mollem consistentiam conciliat:  
6      ubilibet vero tollit *malleabilitatem* & ductilitatem metalli, redditque hoc potius ita *friabile*, ut mox omnino in pulverem comminui possit.

- 7      Quasdam metalli portiones *rapit* in auras, si nimio igne simul & semel, una cum metallo exagitetur. Faciunt vero hoc ipsum adhuc magis *arsenicalia*, *antimonialia*, & horum generum mixta, *recrementa*. Unde *Ustione*, prius removenda veniunt. De Usu ejus ad faciliorem *comminutionem*, diximus jam superius.

- 8      Adhibetur vero in *ustione*, ignis temperatus; unde folium *flatus* ab hac operatione longe abesse debet, & sufficit sola *aura* & æris liber aditus, una cum *halitibus* è terra erumpentibus: nisi quod hæc terræ *porositas*, in antiquioribus, seu paulo diutius (ut quidem communiter fieri solet) usurpatis locis hujusmodi *ustoriis*, *Röststätten* / fundus ita densetur, ut porositatis nulla mentio ibi fieri possit: eruitur tamen etiam subinde hic *fundus*, & repurgantur ita loca, non modo ut hanc *ventilationem* suam, ex imo veluti fundo recuperare possint; sed etiam, ut debitam suam *profunditatem* servare queant.

- In illis etiam, in quibus jam purior, & præviis aliquot *ustionibus* magis exhausta minera, ad ultimam puritatem exuritur, in welchen der Schlich verdeckt gar ausgeröstet wird / daß er von dar alsbald zum schmelzen fûrgelauffen wird / *fundus* quidem, & totus locus *ustorius*, latere cocto ad furni formam aptatus est, & camino, inter duos tales furnos communi ut plurimum, instructus, ut ita vapores in unum coacti abducantur: cæterum tractatur hæc  
9      *ustio*, auctiore calore, nempe *flamma* ignis super mineram excur-

rente, daß die Flamme drüber streicht/ unde ligna ante materiam, velut in *ostio* seu introitu furni, ponuntur, cum in præcedentibus *ustionibus*, minera inter ipsa ligna, diversis veluti stratis, collocetur.

Mineræ quæ *saxis mollioribus*, vel etiam *fissilibus* lapidibus *intextæ*, plurimum de *sulphure*, non raro etiam de *bitumine* & *carbonum fossilium* materia, participant, solis *virgulis* interspersis incendi possunt, ut deinde, sæpe per tempus admodum longum *ardere* & uri pergant, in quem finem quidem tanto majores *acervi* accumulantur, qui semel conceptum ardorem diutius deinde servant: Quale quid tum *Goslaria*, in mineris illis *cupreis*, *sulphure* maxime abundantibus, visitur, ubi ad *trium cubitorum* altitudinem & *septem*, ad *decem*, cubitorum, longitudinem, congesti cumuli, ad aliquot *mensures*, prima præsertim vice, ardent: & *Allendorffi* Hassorum, ubi simile quid videre est.

Requiritur tamen ad *ustionem* omnino, *liberi* aeris aliquod *commercium*, utpote sine quo *sulphur* maxime, à metallo minime secedit, quod demum combustionem seu *deflagrationem*, commode perficitur; licet enim quantitas *sulphuris* plane superflua, & quæ cum metalli miculis nihil prorsus *cohaeret*, sed eidem veluti *affusa* tantum est, primo ignis æstu, prompte & copiose *effumet* (quod præsertim in illis *Goslariensibus* *ustionibus*, partim *visu*, partim *olfactu* deprehenditur, magna vero quantitas *sulphuris* ad *superficiem* tantum *acervi* protrusa, & ibidem ab aëre ambiente condensata, in foveis ita confluit, ut *cochlearibus* exhaustum in formas fundi possit) manet tamen portio ingens *sulphuris*, particulis metalli, præprimis *cupri*, ita *firmissime* affixa, ut non nisi repetitis & longis *candefactionibus*, penitus inde *exuri* possit.

*Exuri* inquam. Unde *ultimis* *cupri* *ustionibus* subjungi solet vel maceratio in *aqua*, sive immersio materiæ in aquam, quæ inde *coeruleo* colore imbuta, si inspissetur, *vitriolum* *veneris* præbet: Si vero labor & quantitas materiæ urgeat, ut supervacuum sit, propter exiguam quantitatem *vitrioli* talis, laborem reliquum morari, tunc solum aquæ rivus immissus, *abluit* totum illud *vitriolicum*, à *sulphuris* *exustione* residuum *sal*, quod alias *fusionem* sic satis *impedit*



dit, & tanto magis quidem, quando *aluminosam* quandam consistentiam ex lapide illo *fissili* una genuit, quæ fusioni plurimum refragatur.

Minus quidem solenne est, in vulgaribus mineris, quarum  
 20 uberior inter nos proventus est, sub ipsa statim *ustione* aliquid admiscere, quod *volatile* arsenicale inquinamentum, sub *ustione* ipsa mox, impediat atque irretiat; Interim non desunt minerae tales, *optimorum*  
 21 quoque metallorum, quæ propter *rapacem arsenicalem & antimonialem* substantiam immixtam, vel plane non, vel difficillime, & adhuc sine fructu, depurari valeant; quibus quidem paulo peritiores  
 22 consulunt adhibere materias tales *fixatorias, lixiviae & salia alcalica fixa, calcem vivam, varia absorbentia martialia, venerea, lutum ipsum,*  
 23 atque *limum &c.* Cujus rei specimen videre licet in *Beccheri Concordant. Chym. Class. XII.* statim à principio num. I. *Schellenbergisches Figir-  
 24 Werk.* Et superest fortassis adhuc memoria in *Silesia*, quid ante annos haud ita multos, à quodam laborum *Chymicorum* perito, ibidem diu quæsitum & petitum sit, circa mineras quasdam *solares*, & quibus non solum *rationibus*, sed & *experimentis*, successus negotii  
 25 optimam spem fecerit, sinistro fato in ipso opere ad optatum effectum instruendo, morte interceptus. Conf. quoque Scriptum vult *Ertz, Cengern und Beyßen/ & probæ Franckenbergenses.*

Neque certe de nihilo sunt varii hujus generis processus, optimi tamen qui simplicissimi, quibus mox sub ipsa *ustione*, *rapacia* mineralia *castrantur* atque supprimuntur, ne metallum bonum temere secum in auras abripere possint.

Propter ipsam vero pertinaciam illam, qua tum sulphur, tum aliæ tales degeneres materiae, metallis in *minera* valde firmiter adhærescunt, necesse sæpe numero est, ut ejusmodi minerae *repetitis*  
 26 aliquoties vicibus, denuo urantur; & quidem interposita nova *comminutione*, ut intimiores etiam portiones denuo igni objiciantur, quæ priore *ustione* sub mediocri deliquescentia materiae (*das es sich zusammen findert und schweisset/* obvolatæ, ignis & aeris sufficienti efficaciam non patuerant.

27 *Fundamentum ustionum* harum in eo consistit, quod *sulphur* ipsum, tanto magis vero *arsenicalis* profapiae inquinamenta, non modo

modo à metallo necessario removeri debeat; cum alias hoc nunquam *metallicam* suam consistentiam nanciscatur; Si quidem in nullo metallo *sulphur verum* amplius stabulari potest, optime vero *phlogistos* quædam materia, sed à *sulphure stricte* dicto minerali, longe diversa: Sed etiam, peragenda est, hæc ustio igne *leni* plurimum, sed tanto *diuturniore*, ut ita successive abripiatur mineralis hæc materia *volatilis*, metallo *fixiore* post se derelicto.

Requiritur vero *accessus* aeris liber; siquidem hujus unica 28 est, & summa quidem, efficacia, in *accensione* & reliqua promptiore *volatilisatione sulphuris, arsenici, antimonialis regulinæ*, & similibus *immaturarum* substantiarum.

Oportet vero, pariter ut de *igne* dictum est, *aëris* quoque *le-* 29 *vem* hic esse, & valde placidum concursum; Siquidem vehementior ejus allapsus adeo impetuose agitatur has quoque materias, ut 30 teneras particulas metallicas una secum in auras efferant atque abducant: Idque inevitabiliter, si ignis violentia concurrat, quæ materiæ valde tenuem motum inprimit, ut aer tanto commodius per minutissima eandem corripere possit.

Sicuti vero primo quidem, & ubi abundantior adhuc est 31 hujusmodi peregrina materia, ut major ejus copia tanto magis adversus metalli quasi minorem quantitatem prævalere posset, propterea temperatiore ignisque & aeris concursu opus est: ita succe- 32 dente tempore, ubi potior pars jam eliminata est, non toleratur, saltem facilius etiam auctior paulo ignis & aeris activitas, sed est omnino interdum aliquatenus veluti necessaria: unde etiam su- 33 pra dicti illi furni ustorii, quibus postremæ ustiones perpetrantur, revera, & ignem auctiorem habent, & aeris rapidiorem concursum.

Rarius contingit ut minera ustione sterile scat, daß es daub gebrant wird/ & fere magis in fusorio demum igne justo languidior, ut damnosa talia operationis delicta exeant, quæ Sauer/ appel- 34 lant, daß nemlich das Werk versauet sey.

Adhibenda vero utique est ipsa ustio propter dictas causas plerisque mineris sine omni tergiversatione; quamvis enim fru- 35 sta interdum seu fragmina talia occurrant, Derbe/ gediegene Stuf-  
fen/



fen/ quæ levissima incandescentia intercedente, mox fusioni obedi-  
ant, non succedit tamen illud in reliqua velut immensa quanti-  
tate mineræ, adeoque magis veluti nudæ curiositati quam usui in-  
servit.

36 Auri tamen mineras & argenti purioris venas, citra ullam,  
aut diuturnam, nedum repetitam, ustionem, mox immediate plum-  
bo imbibiri posse & solere, non obliviscimur; imo vero aurum etiam  
fine ustione prævia quantumcunque levissima amalgamatione,  
interdum è sabulo aut limo suo subtili educi, non ignoramus: Sunt  
tamen tales etiam auri tractus, & ipsius quoque argenti, in quibus  
visibiles metallorum horum miculæ præsto sint, quæ nihilominus  
qualicunque heterogeneousitate obductæ, mercurium respuunt, levi  
vero candefactione prægressæ eundem recipiunt.

37 Cujus quidem generis præcipue esse videtur aurum illud &  
argentum Americanum, in Potosianis & confinibus fodinis, cujus  
tractationem prolixè describit atque docet Alvaro Alonso Barba in  
Docimasia sua, sive *Berg-Buch*

38 Imo necessaria interdum est levis hujusmodi candefactio,  
etiam ad illas operationes, quibus interdum curiositatis gratia, in-  
terdum etiam utilitatis causa, è mineris per extractionem cum  
corrosivis, portio illa bona, quæ dispersa in ipsis hæret, extrahenda  
venit; quorsum videlicet etiam pertinet extractio illa macerato-  
ria das Erz Beizen.

Quemadmodum vero paulo ante dictum, quod nimius ustio-  
nis gradus metalla, præcipue combustioni obnoxia, labefactare pos-  
sit: ita in nobilioribus, si antimonialibus regulinis, & de bismuthi  
prosapia immaturis ut vocantur, materiis infecta sint, prodest in-  
39 terdum ustio talis diuturnior, quæ dum perfectò metallo nihil exi-  
mie nocere potest, imperfectum tamen ita exurit, ut metallifor-  
mem suam consistentiam, adeoque confusionem cum metallis a-  
40 mittat, & non nisi vitrescentem, aut porosam ad minimum pumi-  
cosam consistentia induat, & licet sub vitrea scoria subsideat, supra  
metallum fustum tamen suspensa maneat neque metallo commi-  
isceatur: quale quidem crama *Expiß*/appellare solent.

Neque caret illa enchiridis utilitate sua in parvis metallicis  
massulis ab ejusmodi regulina substantia liberandis, & si non perfe-<sup>41</sup>  
cte, bona tamen ex parte repurgandis, ut diuturniore tali uestione,<sup>42</sup>  
leni tamen, & quantitati atque qualitati hujus materiæ proportio-  
nata, hæc ipsa quidem ita destruat, ut fuso metallo in vitrescen-  
tem scoriam faceffat.

Aquæ post uestionem admissio, partim ipsum saxum diffrin-<sup>43</sup>  
git, si candenti adhuc mineræ ingeratur : partim vitriolicam false-  
dinem sub uestione natam eluit, uti jam dictum, & hic prolixius repe-  
tere proinde supervacuum foret.

## CAPUT TERTIUM.

DE

# FUSIONE ET EJUS CIRCUM- STANTIIS.

S U M M A R I A.

*Fusionis rationes minus vulgo cognita, §. 1. licet hoc, non alio modo, suc-  
cedere, notum sit, §. 2. falso gradui ignis tribui, §. 3. fit cum car-  
bonibus, §. 4. non flamma, sed materiali concursu, §. 5. Historia  
fusionis, §. 6. imperfecta metalla cum carbonibus fundenda, §. 7. ne-  
que possent aliter, §. 8. ut in vase. §. 9. Cupri enim minera, §. 10.  
reguli nigri saltem forma ita exit. §. 11. ferrum, plumbum & stan-  
num §. 12. nunquam, aut minima tantum parte. §. 13. tota vero cum  
carbonibus, depurantur. §. 14. aurum & argentum, §. 15. impedit  
precipue substantia martialis a fusione. §. 16. unde his plumbum ad-  
ditur, §. 17. cui heterogenea vel supernatant §. 18. vel valde di-  
stræta evaporant, §. 19. imperfecta metalla §. 20. quia facile com-  
buruntur §. 21. carbonibus immediate additis §. 22. reducuntur  
§. 23. scoriarum fusilium usus ad hunc effectum, §. 24. exempla, §. 25.  
& observatio, §. 26. modus fusionis cum carbonibus, §. 27. furnorum*

Ggg gg

pre-



proportio. §. 28. directio follium, §. 29. cavea sub furnis die Abzucht / §. 30. ita pleraque metalla pura subsident, §. 31. cuprum vero adhuc sulphuratum, §. 32. quod seorsim perficitur in gar Kupffer §. 33. ratio, §. 34. collectio fusi metalli. §. 35. in specie molliorum §. 36. Bis-muthum Antimonium, Zincum, §. 37. priora duo leniore igne. §. 38. Antimonium quoque in occluso, funduntur, §. 39. Zincum, e minera plumbi Gosslariensi §. 40. sub fusione divaporans, §. 41. partim lateribus furni affigitur §. 42. partim anteriori parieti, §. 43. hic precipue in Zincum concrefcit, §. 44. de Zinci puriore minera §. 45. Cadmia, §. 46. Polonica, & Aquensis fossilis, §. 47. plumbum tamen ita Zinco exoneratum remanet. §. 48.

**S**I in ulla metallurgia pyrotechnica parte, plus *Experientia* quam *rationi* vulgo debetur, est illa profecto, ipsa *Fusio*; quemamodum enim in omnibus officinis, variorum plane metallorum fusioni destinatis, jam satis notum & compertum est, quo ignis aparatu ad quodlibet metallum uti conveniat: ita si tamen ratio exquiratur, quamobrem hoc *precise* modo negotium procedat, alio vero non succedat? nihil certe solidi responderi audias, sed solam generalissimam illam, imo ex maxima parte falsam responsionem reportes, quod unus talis ignis *fortior*, alter *debilior* & *insufficiens*, existat.

Peragitur nempe *Fusio*, communissime, & velut ordinarie, *Carbonibus*. Posset vero maximam partem, etiam *flamma* convenienter *concentrata*, effectum sane eundem, si non *majorem*, præstare, si de nuda *colliquatione* esset quæstio, & non æque si *materialis* concursus carbonum, siue substantiæ cujusdam ex iisdem, sed *formalis* tantum, ut vocant, effectus, gradus videlicet ille eximius *caloris ignei*, requireretur.

Dispiciemus de his postea, cum ipsam *historiam* fusionum præmiserimus.

Ustum metallum, & à saxo suo superfluo, aut refractario sufficienter repurgatum, subjicitur deinde, *Fusioni*. Ubi quidem vel per se colliquatur, vel cum *additis* quibusdam adminiculis: quæ quidem vel *colliquationem* ejus promonent, vel *combustionem* ejus impediunt, vel

vel jam factam eandem, certa ratione *restituunt*, atque adeo ipsi compositioni seu mixtioni metalli *principium* quoddam subministrant, quo consistentiam suam debitam nanciscatur.

Ita nimirum *cuprum, ferrum, stannum, plumbum*, funduntur, 7  
immediate cum *carbonibus* remixta minera; neque possent ullo modo 8  
aut tempore in *metallum* suam consistentiam, in magna aliqua  
quantitate, cogi, nisi hæc methodus adhiberetur.

Si enim horum metallorum *minera* in vase, *crucibulo*, igne 9  
quantum potest vehementissimo urgeantur, vix tamen ullum eorum, imo pleraque *nunquam, metallicam* suam consistentiam adipiscerentur.

Quamvis enim *cupri* minera, decenter *lota*, etiam in vase, 10  
sine carbonum immediato concursu ita colliquari possit, ut *saxea*  
quidem pars, sub scorix vitrea forma, purior vero *metallico-mineralis*  
portio, veluti sub *reguli* nigri consistentia, *Stein/oder höchstens*  
*Schwarz Kupffer* ad fundum secedat; nunquam tamen sine *addi-* 11  
*tionem* specialium salium, in purum *cuprum* pars metallica abibit, &  
deducetur. *Ferri* minera nulla unquam citra suppeditationem *carbonaria*  
inflammabilis materiae, in massam metallicam redigetur:  
quod idem etiam cum *plumbo* & *stanno* fit; aut sicubi portiuncula 12  
aliqua in frustulo mineræ rariore, purius hærens, ita colliquesceret,  
periret, seu maneret utique nihil alterata *reliqua* maxima mineræ 13  
portio, quæ universa satis facile colliquatur, quando per *carbones im-* 14  
*mediate* fusio perpetratur.

*Aurum* & *Argentum* per se, nullo indigent adjumento, nisi qua- 15  
tenus *heterogeneis* miscelis inquinata sunt, quæ vel in genere *puritatem*,  
vel *ductilitatem* eorum, temerant: vel prævalente *quantitate*,  
& conjuncta *refractaria qualitate, collectionem*, liquecentis hujusmodi  
boni metalli, impediunt: quale quid interdum fit, in mineris *auri* & 16  
*argenti*, *martiali* substantia adulteratis, *Eisenzuschüssig Erz und*  
*Schliche*.

Unde quidem *argenti* & *auri* mineris propterea adhibetur 17  
*plumbum*, ut sub *fusione*, quæ proinde etiam per *satis moderatum* calorem  
perficitur, boni quidem hujusmodi metalli portiones mox in  
*plumbum* demerguntur: *heterogeneæ* vero substantiæ, vel *supernatent*, 18



quod faciunt, quæ *martialis* & *arsenicalis* profapiæ sunt: vel multo  
 19 plumbo valde *distracta*, sub hujus resolutione in *lithargyrium*, succes-  
 sive *evaporent*, & potius de *plumbo*, quam *auro* & *argento*, aliquid aufe-  
 rant atque *rapiant*.

20 Metallorum quæ *imperfecta* dicuntur, nempe *ferri*, *plumbi*, *stan-*  
*ni* & *cupri*, cum maximus sit & proventus & usus, ea vero simul gra-  
 viori ignis *alterationi*, seu *combustioni*, admodum *exposita* sint, adeo  
 quidem, ut tum sub actu *ustionis*, tum ipsius *fusionis*, *combustoria* talia  
 21 *perversioni* plurimum *subjaceant*: necesse utique est, methodum  
 talem pro *fusione* eorundem *adhibere*, qua hoc incommodum omni  
 modo *corrigatur*. Fit hoc hac ipsa applicatione ignis per *carbones*  
 22 *immediate*, concurrente tamen *scoria* quoque *vitrea* usu, quæ carbo-  
 nibus ipsis arctius sese applicans, intimiorem congressum mineræ par-  
 ticularum cum substantia carbonis, *promovet* & *conciliat*, unde illa  
 in metallicam suam compagem *reducuntur*.

23 Unde quidem non solum aliquid *saxea* substantiæ (quod in  
 minera etiam diligenter *contusa* & *lota* remanet) huic scopo utique  
 24 *subvenire* debet; sed adduntur etiam sæpissime aliunde *petita* *fusi-*  
*lia* ejus generis *saxa*, imo *scoriae* *fusiles* & *mitiores*: Ut quod v. g. *Gos-*  
 25 *laria* *videre* licet, ubi *scorias* *Clausthalenses* *advehere*, hisque pro sua-  
 rum *minerarum* *fusione* *uti*, necesse habent: cui *geminum* quid  
 etiam *Wickerodæ*, *Illust. Comit. Stolbergensium*, *ditionis* *vico*, faci-  
 unt, ubi pro *cupri* *minerarum* *fusione*, utuntur *faxo siliceo* *mon-*  
*tano* seu *fossili*, valde *fusili*, & *teneram vitream scoriā* *for-*  
*mante*.

Quorsum etiam respicit assertio illa, quam autor scripti det-  
 26 *neuen Seigerung und Erz Beigung*/ alicubi proponit, quod *mineras*  
*cupri* illorum *locorum*, *exquisite* in *scorias* *fundi* *finat*, & *arcanum*  
 quasi quoddam seu *compendium*, in illo ipso *negotio* *collocet* atque  
*inveniat*. Ubi nempe nullum utique est *dubium*, quin quo *tenuius*  
*fluunt* ipsæ *scoriae*, non modo *metalli*, aut *magmatis sulphureo metalli-*  
*ci*, des *Steines*/ tanto *exquisitior subsidētia* *succedat*: sed etiam hanc  
*ipsam reductio*, *portionis* in *calcem combustā*, æque *feliciter se-*  
*quatur*.



Administratur vero *fusio* hujusmodi, ita, ut minera sufficienter *usta*, & à superfluo & alieno saxo liberata, vel etiam additione novi talis saxi, aut *scoriæ fusilis* adjuta, immediate cum carbonibus furno immittantur, ita, ut aliquot alvei carbonum, dehinc portio *minera*, iterum *carbones*, super hos rursus *minera*, & ita continua vicissitudine, *carbones* & *minera*, ingerantur. Subministratur hinc ignis, atque suscitatur, in summum, quantum potest, ardorem, *folium* flatu.

Hac quidem ratione fit, ut in illo ambitu, quem *folles* animare possunt, *impetus* quidem ignis intensissimus, & quasi concentratus flammeus, exardescat; imo etiam secundum *altitudinem*, furni sursum, proxime a follibus, proportionate invalescat: interim tamen ad *summam* usque furni regionem, non adeo insigni impetu pergat, adeo ut illic vix mediocris flamma observetur carbonibus veluti lambere, atque inter eosdem emicare. *Altitudo* horum furnorum exigua est in *cupri* mineris, nempe *quatuor* circiter cubitorum, in *ferri* vero mineris, ab *octo* ad *novem* cubitorum; *amplitudo* furni similiter differt, dum à *sesqui* pede ad *duos* in transversum, minus vero communiter in *directum*, æquant. Reliquam *structuram* furnorum, non est quod hoc loco prosequamur; dicendum alias præcipue esset de speciali positu *follium declivi* & ad *anteriorem* parietem atque ductum exitus furni, *oblique directo*, quod *die Form*/ appellant: & de *cavea* illa proportionata sub universo furno, sub *Basi* ipsa foci fusorii, quæ intercipit atque divertit *halitus*, qui sub tanto & tam diutino ignis impetu, ex ipsa terra, per murum illum qui modo dictam *basin* seu *focum* fusionis constituit, penetraturi, metallum fustum refrigeraturi, eoque ipso exitum furni, *densato* metallo *obstipaturi*, saxa vero ipsa inter vim ignis & hoc refrigerium perpetuis *fissuris* diffracturi, essent, quod multiplex incommodum intercipitur *excavatione* illa, ventilatoria, quam à distrahendo & intercipiendo halituum horum successu, *die Abzucht*/ appellant &c. Sed non placet nimium in hæc diffundi.

*Fustum* hac ratione metallum, in *ferro* quidem, *stanno*, & *plumbi* mineris, coit mox, in pura sua *metallica* forma. *Cupri* vero *minera*, primo fusionis igne non amittit tenacissime sibi ad-



- 32 hærens *sulphur*; unde fluit cum hoc in massam, primo quidem, imo iterum, *splendentem* & quasi quadantenus *striatam*: ultima vero *ustione* & *fusione*, abit in magma pumicosum *nigricans*, quod Schwarz-Rupffer/ quemadmodum præcedentem illam nitidiorem materiam
- 33 Sporstein/ Rupffer-Stein/ imo in genere Stein/ appellant. Ex hac vero massa, nascitur demum, in altera specie furni atque foci, *perfectio* cupri, ad *metallicam* suam puritatem, quod Garmachen/ furnumque proinde, den Gar-Offen und Gar-Herd / nominant.

34 Hujus quidem differentia, plurimum in eo consistit, quod largiore *aëris* commercio, *absorptionem* sulphuris, per deflagrationem quasi, ultimamque exhalationem, hoc modo præstet. Cui quidem accedit, quod hæc *combustoria* consumptio residui *sulphuris* in venereo illo cramate, dem Schwarz-Rupffer/ tanto felicius succedat, dum hoc tempore absque *scoriis* funduntur atque profluunt; cum primis vicibus, & *cupri*, & reliquorum metallorum fusioni, *scoria* vitrescens incumbat.

Fusum metallum vel *colligitur* immediate, in furni imo, vel

35 uti *sacco* atque receptaculo, neque educitur inde, nisi quando statim in certa receptacula seu formas defluere, atque ibidem concreescere & indurari debet; id quod maxime in *ferri* fusione locum habet. Molliora vero metalla, *plumbum*, & præcipue *stannum* emittuntur partim mature, ne impetu ignis atque flatus vel *comburantur* in calcem,

36 vel in *vaporem* prorsus resolvantur: partim vero, supposito *minutorum* carbonum cumulo ita intercipiuntur, ut dum ipsa hæc metalla, fluentia, facile carbones hos perreptant, & usque ad fundum illorum demersa, ibidem demum coeunt, ab aliis vero ita incumbentibus carbonibus, non modo à flatu & *aëris* resolvente efficacia defenduntur: (in quem finem etiam ipse positus follium, die Einrichtung der Form/ ad planiorem situm dirigitur.) Sed etiam potius ad *metallicam* suam consistentiam, ab ista combustionem restituuntur atque reducuntur.

Et hæc quidem metallorum *fusionem*, ejusque circumstantias solitas & necessarias comprehendunt: Imperfectiorum *metalliformium*



*minum mineralium, Bismuthi, Zinci & Antimonii* colliquationem, cum 37  
& ipsa hæc utilitate sua non careant, attingere non iniquum  
erit.

*Bismuthi* quidem propria magis est minera, & *metallicum* hoc  
concretum valde fluxile, neque impuritatibus, aut harum firmo ne-  
xui admodum obnoxium, sed *combustioni* tamen expositum; qua-  
propter non adeo magnum, sed *repentinum*, & quasi transitorium ca-  
lorem exposcit, & in illo facile acquiescit. Educitur proinde è 38  
*minera* sua levi *flamma* lignorum, per furnum *fornice* humiliore in-  
structum, in mineram varie quasi *repercussa*, unde mox *purum*,  
plumbi aut stanni deliquescentis instar, è *minera* deliquescit, & in  
placentulas effundi potest. Extrahitur hoc modo magna quan-  
titate in Misnia, *Schneebergæ* præcipue, & *minera*, *argenti* etiam  
divite.

*Antimonii* fusio, facile pariter succedit, sed in *clausis* tamen va-  
fis, propter *sulphuream* sui inflammabilem, & reliquam totam *vo-*  
*latilem* substantiam. Imponitur nempe *ollis*, in frustra mediocria 39  
saltim contracta, *minera*; superimponitur & luto firmatur *opercu-*  
*lum*; *fundus* vero ollæ, *foraminibus* aliquot pertunditur, atque ita apta-  
tur deorsum, ut non admodum alte descendat, in aliam *suppositam*  
ollam, & disponuntur ita, inferiore olla vel solum in terram *defos-*  
*sa*, ut ignis circumponendus, *superiorem* tantum ambiat atque ob-  
ruat: ita colliquescentis facile antimonium, defluit per ista foramina,  
in *inferiorem* ollam, reliquiis mineræ lapideis, in superiore olla re-  
manentibus.

*Zincum* vero, miræ certe *originis* in nostris regionibus, est  
concretum. *Minera plumbi Goslarieusis* valde difficulter funditur, 40  
licet aspectui faciem neque *sæcæam*, neque alias *sterilem*, sed *nitidam*  
prorsus, brevium tamen & veluti interruptorum *foliorum*, garflein  
spissig/ exhibeat; dum vero fluit, erumpit ab ipsa *vapor* quidam *vo-*  
*latis*, non tamen adeo æque vehementer; qui præcipue *lateribus* 41  
furni, è cocto *latere*, accrescit, & veluti leviter *colliquatur*. Accre-  
scit singulis fusionum periodis aliquid hujus quasi fuliginis, quod  
aperto deinde furno decutiunt, & quod ex furno effractum  
sit



42 fit, generali & usitato in hoc genere nomine, *Offenbruch*/ appellant.

43 In anteriori vero pariete furni, quem die *Brust* appellant, loco alius muri, opponunt solummodo frustra, apte ut huc quadrent efformata, lapidis sui *fissilis* grisei, ignem tolerantis, *tabularum* forma, ad transversi digiti crassitiem largiter habentia; ita fit, ut sub fusione, hic furni paries, propter parvam sui crassitiem propemodum perpetuo ab ambientis aëris allapsu paulo *frigidior* maneat: imo vero refrigerant eundem, repetitis vicibus, aspersione aquæ.

In furno ita disposito, fundunt mineram suam atque impendunt ita singulis operationibus duodecim horas: sub hac fusione, aëris ope, qui è follibus igni affluit, resolvitur quidem cum plumbo, fustum *Zincum*, in *flores* seu *halitum*: pars tamen ejus non exigua, affigitur ad utrumque latus, columnis quasi furni è cocto latere exstructis, illisque ad *calami* crassioris straminei, imo scriptorii, crassitiem, adhærescit, veluti teneri limi valde indurati, seu semi vitrescentis, consistentia: & hæc quidem accretio, singulis fusionis periodis, bey ieder *Schicht*/ priori ita superinducta, obstrueret denique debitam illam *capacitatem* furni fusorii, nisi conveniente tempore, & antequam prævaleat, excussa tolleretur. In anteriore vero illa furni parte, ac pariete, adhærescit hæc materia, non illa modo nominata, quasi lapidescente fusa forma, sed instar *metalli* cujusdam, aut *plumbi*, fusi, intercurrentibus tamen veluti semi ustis & quasi in *cinerem* pronis partibus.

Sub finem itaque istius fusionis periodi, remotis ad pedem anterioribus hujus parietis carbonibus, hiatui ejus substernunt carbonem comminutos, *Kohlen-Gestübe*/ & concutiunt tunc levibus 44 mallei ictibus, parietem hunc: ita defluit *zincum* in pariete illo hætenus affixum, & inter semi ustam reliquam substantiam, quasi favis quibusdam insidens: Defluit ita & *destillat*, *stanni* quasi liquati facie, & mox in *carbonarium* illum pulverem demersum, perdit æstum è furno conceptum, donec tandem penitus extinctum & refrigeratum, illinc aufertur, à carbonibus emundatur, & denuo leni calore,



lore, *stanni* instar colliquatum, in massas seu placentas funditur.

Proventus hujus materiæ, variat plurimum, adeo, ut interdum plane nihil invenient; ubi ipsi quidem putant nimium caloris gradum in culpa fuisse, qui materiam hanc absumpserit. Nobis vero videtur, quod potius *flatus* follium tunc temporis liberior allabens, in culpa sit: siquidem revera ad oculum patet, quod defluens ita, sive in guttas decidens *zincum*, ardere videatur, seu lucida alba flamma flagrare, & paucis momentis ita conflagrare, ut in levem albidum cinerem abeat.

Hæc est illa *zinci* genesis, quæ mihi quidem innotuerit neque ibi locorum, nec in *Saxonicis* etiam fodinis, contigit peculiarem hujus mineralis *venam* spectare. Neque occurrit, etiam nobis mentio ejus, propria *minera* detenti, in *Germanicis* ad minimum regionibus, excepto eo, quod *Balth. Thom. Kretschmar*, t. t. Medicus *Hirschbergensis*, in scripto exiguo, sed non ineleganti Germanico, 1662. Wittebergæ impresso, titulo *Mineralogia montis Gigantei, in Silesia*, habet, cap. Xlll. ubi ponit: *Zinct: Zincterz wird gefunden in Smotseiffen und Kupferberg. Bricht neben einem Glantz/ und siehet einem weisgülden Erz nicht ungleich.*

Cæterum illa hujus concreti pars, quæ lateribus furni ita affixa, per vices effringitur, constituit *Cadmiam* illam, den *Galmei*, 46 quæ *cupro* addita, *orichalcum* cum hoc constituit. Adhibetur vero huic negotio, communiter illa, quæ ante longissimum tempus, cum scoriis & quisquiliis, in *acervos* rejecta, & tempestate hætenus penetrata nonnihil laxioris consistentiæ cernitur, die aus den alten Schlacken-Hallen von armen Bergleuten und Jungen aufgesucht wird.

Nondum pervenit ad notitiam nostram, quæ sit genealogia *Cadmie* quam *Suecicam*, & *Polonicam* vocant: sicut etiam *Aquensis*, 47 ubi nempe montem quasi integrum plenum ejusdem existere, modo dictus Autor similiter asserit: *Fosilem* utique, nominant communia etiam *dispensatoria*, eoque ipso contradistinctam volunt *Cadmie furnorum*.

Nimis propemodum prolixi fuimus in tradenda hujus concreti fusione, placuit tamen *historiam* interserere, si cui forte hanc  
H h h h h etiam



etiam novisse placeat, cum eandem alibi traditam non meminerimus.

48 *Plumbum* interim hujus materiæ nihil penitus retinere, satis securi sibi videntur operarii; persvasissimi nimirum, quod illo igne qui *plumbum* in furno subsidens adhuc comitatur, universum *zincum* combustum in auras pellatur.

## CAPUT IV.

## DE

FUSIONIS FUNDAMENTIS ATQUE  
RATIONIBUS.

## SUMMARIA.

*Tria fusionis fundamenta, fluxilitas metalli §. 1. scoriarum §. 2. incorporatio phlogisti, §. 3. ultimum hoc precipuum, §. 4. ferrum & cuprum fortem ignem requirunt, §. 5. Plumbum vero per se lenissimum, §. 6. in minera tamen fortem §. 7. partim propter Saxum, §. 8. partim exustionem phlogisti sui §. 9. unde vitrescit §. 10. recipit vero hoc è carbonibus, §. 11. sic quoque stannum. §. 12. non ergo astus ignis formaliter, sed magis materia ignis §. 13. communis traditio, quod mercurialis pars metalli igne admittatur. §. 14. Unde vero hoc è pinguedine imò carbonibus restituetur? §. 15. quamvis non, nos quidem, hanc hypothesin aspernemur. §. 16. urget vero illos, qui materiales concurrunt ignorantes, §. 17. magnitudinem saltem ejus accusant, §. 18. absolum quod ignis absumat materiam mercurialem & qua talis, eandem restituat, §. 19. exuri vero phlogiston sensibus patet in ferro, stanno, plumbo, cupro, §. 20. aëre excluso ferrum non comburitur, §. 21. stannum intensissimo igne non calcinatur, §. 22. nec plumbum aëre intercluso, §. 23. Inflammabilem esse substantiam qua sic abit, non mercurialem §. 24. probatur exemplis accensionis cum nitro §. 25. Stanni §. 26. ferri, §. 27. plumbi. §. 28. quod inde in lithargyrium abit. §. 29. Minera plumbi cum nitro flagrat. §. 30. restituntur hac combusta, per phlo-*



*phlogiston*. §. 31. *ferrum*, §. 32. *stannum*, §. 33. *sebo*, §. 34. & *carbonibus*, §. 35. *plumbum*, §. 36. *cuprum* §. 37. imo *vitrificata metalla*, sic *reduci* possunt, §. 38. *Ætiologia fluxus nigri*, de & *schwarzen Flusses* §. 39. *Reductio reguli antimonii*, §. 40. hoc est *fundamentum fusionis per carbones*. §. 41. *Cupri depuratio*, quid his *debeat*. §. 42. *juvat fusionem fluxilitas scoriarum* §. 43. *quarum durities follibus officii*. §. 44. & *in frusta insuperabilia concrevit*. §. 45. *familiare martialibus cupri mineris*, §. 46. *nocet vero etiam iusto languidior*. §. 47. *arsenicalia & antimonialia nimis fundunt mineras*, §. 48. *tenaces scorie involvunt grana metalli*, §. 49. *unde scorie divites*, §. 50. *humiditas & repentinum frigus fustum metallum dispergunt*. §. 51. *exemplum ferri*, §. 52. *argenti massæ*, *extinguendo profundius congelantur* §. 53. *fustum metallum emittitur*, §. 54.

**T**ria sunt, quæ in *methodo Fusionis* attendenda erunt, primo, 1  
*fluxilitas metalli ipsius diversa*; secundo, *scoriarum conjuncta-* 2  
*rum diversa fusilitas*; tertio, *incorporatio veluti ipsius metalli*, 3  
*præprimis ferri, plumbi, atque stanni*, *Cupri vero magis jam in vitreas scorias illiquati*.

Et hanc quidem postremam rationem revera maximi inter reliquas omnes momenti esse arbitramur, tanto magis, cum il- 4  
 lam ab ullo hætenus tactam, nedum pro dignitate pensitatum, nondum viderimus.

Intensissimus utique ille ignis, quem *ferrum & chalybs*, & posthac *cuprum* requirit, non potest nisi immediato illo contactu 5  
*flamme ardentissimæ administrari*, quæ per *folles*, in furnis valde capacibus, & magnam molem carbonum ignitorum continentibus, concitatur.

*Plumbum vero*, cum per se summa facilitate, & quidem prius, quam ipsa re *incandescit*, fluat, mirari utique necesse esset, cur tantam 6  
 ignis violentiam exposcat, antequam è *minera sua excoquatur*. Ubi quidem in specie *Goslariensis* *minera* fusioni quam difficillime obedit. Sed tribuendum hoc non modo *saxo*, ipsi etiam, quan- 7  
 tumvis nitidissimæ *mineræ*, *intertexto*: sed etiam ipsius hujus



8 *metalli* genio, qui antequam & *saxum* ejus ad mollitiem disponatur,  
 & *acido-sulphurea* ipsi adhærescens substantia, vi ignis, depellatur  
 9 atque abigatur, ipsum interim *metallum*, portionem suam phlogi-  
 ston ita admittit, ut velut in *cinerem* exustum, hinc in vitrum colli-  
 quescat, quod demum contactu *carbonum* in metallicam formam  
 10 restituitur, accepto nempe ex his denuo *phlogisto* illo, quod fluxilem  
 11 illam *metallicam* consistentiam ipsi conciliat.

12 Eadem est ratio *stanni* quoque, nisi quod hoc igne mul-  
 to *mitiore* fusionem suam subit, unde etiam minoribus & *angu-*  
*stioribus* longe furnis colliquatur, quam reliqua horum generum  
 metalla.

13 Maximam videlicet partem *Fusionis* absolvit non tam *astus*  
 ille ignis, ut vulgo putatur, sed potius materia illa, quam *phlogiston*  
 appellamus, & quæ quidem ignem ipsum suscipit atque subit, seu  
 intensissimo illo motu agitata, *ignem* constituit: antequam vero  
 in motum illum actu concitetur variis subtilissimis mixtionibus  
 præcipue *mineralibus* & *metallicis*, motu proxime igneo seu canden-  
 te, & fusorio *fluido*, insinuatur atque immiscetur.

Torsit hoc dudum plerosque, qui *theoriam* sive rationes  
 suppeditare voluerunt, non solum *fusoriarum*, sed etiam aliarum  
 chymicarum ad *metallorum pyrotechnicam* pertinentium phænomen-  
 orum.

14 Nata hinc est communis traditio, quod *igne* in metallis *im-*  
*perfectis*, exuratur *mercurialis* metalli pars.

Sed revera, si *reductionem* horum metallorum attendant,  
 mirabile ipsis merito videbitur, quomodo aliqua horum metallo-  
 15 rum, ex ipsa *pinguedine*, omnia vero è *carbonibus*, illud quicquid  
 perdiderunt, recuperent, atque ita *fluxum* suum, *consistentiam* me-  
 tallicam, *cohesionem*, *ductilitatem*, nanciscantur. Quamvis enim jam  
 non illud agam, ut vehementer cum ipsis contendam, quod *princi-*  
 16 *pium* illud ex his rebus metallo accedens, non sit *mercuriale*; cum  
 oprime meminerim, eorum quæ Geber Arabs de *Sublimatione* me-  
 tallorum, & ad mentem ejus *Beccherus*, in ordine ad *mercurificationem*  
*metallorum*, præsertim in sua *Minera Arenaria*, pag. 50. quasi vatici-  
 natus



natus indigitavit: illud tamen controversiam hic præcipue involvens intercedit, quod dum boni illi Viri *calcinationem* illam seu *combustionem* metallorum, *mercurii* eorundem expulsiōni adscribunt, statim deinde hæreant, undecunque tandem *reductionem* talium metallorum arcessere instituant.

Urget hoc autem ipsos tanto magis, quod nobis quidem nemo plane notus sit harum rerum scriptor, qui rationem illam, quod sub hoc actu aliquid *materialiter*, ex igne & carbonibus, metallis ita destructis regenerandis accrescat, sed omnes potius simpliciter *magnitudini ignis*, hac ratione concitati, hoc tribuunt.

Ubi utique ab omni ratione alienum est, ab igne quidem *mercurialem* illam substantiam expulsam esse, & ab eodem *qua tali*, imo vehementissimo, postliminio restitui: cum contra manifestissima, & multa quidem, experimenta, hoc sensibus plane ingerant, quod materia illa, etiam in ipsis metallis sit *phlogistos* atque inflammationi subjecta; & ex iisdem *inflammatione* expulsa, è rebus *inflammabilibus* restituatur atque denuo suppeditetur.

Egit de hoc negotio D. PRÆSES in schediasmate *Mensis Julii 1697*. sed breviter, ac veluti per titulos tantum. Experimenta vero ipsa sunt sequentia.

Primo, *Ferrum, Stannum, Plumbum, Cuprum*, si igne candefaciente ita tractentur, ut *liberi aëri* concursus, tanquam anima veluti omnis combustionis, una pateat, comburuntur ita, uti carbo: ut videlicet exusta parte ipsorum volatiliore, sed *ignescente*, reliquum in *cinerem* fatiscat. Unde quidem ferri *Battitura* & *crocus* adstringens, simplex, *cupri* germanis ita dictus *cinis*, *stanni* & *plumbi* cinis, *Rupffer-Aische / Zinn-Aische / Bley-Aische*.

Si vero *aëris* commercium excludatur, non comburitur quamvis diutissimo & intensissimo igne *ferrum*, sed contra densatur potius eximie & in *chalybeam* puritatem vergit. *Stannum* intensissimo igne non *calcinatur*, vel funditur: imo reducitur portio ejus, propemodum ab ipsa vehementi sed *fuliginosa* flamma: De *plumbo* notissimum est *Docimastis*, quod, si in cupella niteat, non subsideat in cupellam, sed subsistat, es *gehet nicht ab*; rationem in-



terrogati, dicunt es gehe zu fast; Est vero hæc ratio, quod plum-  
bum in sua substantia atque consistentia in æternum nunquam insi-  
nuaretur *cupella*, nisi in tenuissimum *vitrum* abiret, tale nempe quale  
in patella vitrificatoria sese exhibet, auf'm Treibscherb! / daß sichs im  
Fluſſeden vergleitet. Sub hac *vitri* tenuissimi forma, ingreditur de-  
mum poros *cupella*. Non potest vero in *vitrum* ejusmodi abire, nisi  
*exusta* aliqua parte suorum corpusculorum inflammabilium. His  
vero excussis, abit prompte ulterius in lithargyrium, & auctiore  
ignis impetu in *vitrum*. Quando itaque scoriâ undique circumda-  
tum est, ut excluso aëre, *combustio* non succedere possit, tunc non *vi-  
trescit* sed *nitet* Vitreo-lithargyrice suo nitore.

24 Si quis vero dubitet an in his experimentis revera *inflam-  
mabilis* substantia igne hoc expellatur, & non potius *mercurialis* talis;  
ad cujus ipsius quoque expulsionem aërem contribuere posse, arbi-  
tretur; Elucidant hoc experimenta præsentissima planissime, dum  
25 omnia hæc metalla, per *nitrum*, cum manifesta *accensione* (excepto  
*cupro*, quod paulo obscurius hic sese gerit,) in *cineres* tales resolan-  
26 tur. v. g. *stanni* parti 1. additur æqualis vel duplex pars *nitri*, repo-  
nuntur in ignem ad candescendum, ita concipiunt *flammanam* lucu-  
lentissimam, & *fulguris* instar oculos coruscatione nitidissima ob-  
tundentem.

27 *Limaturæ ferri* & *nitri* partes æquales, in ignem, ad lucu-  
lentam incandescentiam reposita, mox quidem inter se *ebulliunt*, &  
emittunt copiosum *fumum* peculiari foetore nares ferientem; con-  
spicitur vero successive *ebulliens* magma magis magisque spissescere,  
quo apparente signo paulo post incipit succedere *inflammatio* ta-  
lis similiter *fulgidissima*, cum bullitione oras crucibuli transcenden-  
te, imo in frustra massam disjiciente, in *flatus* nempe erumpente,  
impetu *inflammationis* vel ut vulgo inde vocant, *detonationis*.

28 Notiora hæc sunt; non recordor legisse, quod tamen ejus-  
dem facilitatis est, si recte procedatur, ut hac eadem ratione *plum-  
bum* incendatur. Liquefiat in candefacto crucibulo *nitrum*, simili-  
ter ad incandescentiam: injiciatur frustum, aut globus *plumbi*, cruci-  
bulo extra ignem educto, & agitetur moderate, sive simplici cru-  
cibuli



cibuli agitatione, five filo ferreo. Ita cito resolvitur bona quantitas *plumbi*, imo nisi nimium fuerit, tota quantitas *plumbi*, in substantiam *flavescentem*, *lithargyrio* geminam, imo *lithargyrium*, prout qui- 29 dem hæc ejus consistentia oculis pulchre sese ingerit, si effuso quod circa destructum ita *plumbum* fluctuat, *nitro*, reliquæ massæ modicum *salis* decrepitati adjicimus, atque ita denuo fusam materiam effundimus, ubi sal quidem supernatat, *plumbago* vero illa, jam verum *lithargyrium* sistens, subtus apparet.

Huc eodem pertinet *Docimastica* illa *minerarum plumbi*, in- 30 stantanea conflagratio, quando *mineræ plumbi* in pulverem redactæ, adduntur p.æ. vel paulo amplius, *nitri* & simul ita comburitur; quamvis ibi combustionis hujusmodi nonnihil dispar sit ratio. Nihilominus restituuntur ita destructa hæc metalla, denuo per addi- 31 tionem *inflammabilis* hujusmodi materiæ. Licet enim in *ferro*, propter difficillimam ejus fusionem, hoc non facile in effectum deduci possit, notum tamen est, quid in hoc negotio præstet ipsa *pin-* 32 *guedo*, ad *ferrum* etiam è *terra* five *limo* progenerandum; de quo vid. *Becch. Suppl. I. Phys. Subt.*

Ita cineris *stanni* recentis, & paulo crassioris, reductio, velut 33 in momento perficitur, per adjunctionem *sebi*, aut *olei* cujusvis, imo 34 *piceis* tantum.

Extreme vero *perustus* talis cinis, sicut etiam ille modo dictus, per *nitrum* utique intime & penitissime exustus redit in consi- 35 stentiam suam metallicam fusionem cum *carbone* injecto.

Quod idem obtinet in *plumbo* eadem ratione destructo. Un- 36 de etiam *Docimasia* illa *mineræ plumbi*, superius a nobis enarrari coëpta, hac ratione ad finem perducitur, si *minera* ita cum *nitro* combusta, statim *carbone* candente in fluxum redigatur, quo ipso *plumbum* in massam *reducitur*, quod antea *albi pulvilli* instar per totum *nitrum* distractum fuerat.

Cum *cupro* paulo intricatius est negotium, propter fusibili- 37 tatem ejus admodum *difficilem*. Succedit tamen negotium cum fluxu illo sic dicto nigro, & sub alia certa enchirisi per *sulphur* commune, ut ita *cinis* ille *cupri* in *æstusum* seu *sulphuratum*, nitidum redeat.

Imo,



Imo, possunt hæc metalla extreme exusta , & cum *saturni*, vitro in *vitrum* conversa, cum isto saturnino vitro in *metallum*, reduci, *carbonum* ministerio: vel etiam cum *antimoniali* vitro eadem methodo.

Et hic sane hæret universa illa Docimastis nostris nota quoad experientiam, sed incognita quoad causam, differentia, inter *nitrum* cum *tartaro* fixum, partibus *equalibus*, vel aliud quodcunque *sal alcali* aut *tartari*: & inter *sal tale* cum *inaequalibus* & *pluribus* quidem, partibus *tartari* ad unam *nitri*, paratum, quod den *schwarzen Fluss* appellant, cum quo *mineram*, *Plumbi* & *Stanni* reducunt, quod cum *sale tartari albo*, nequaquam ita succedit, dum illud imbibito *sulphure*, partem ad minimum metalli destructam retinet, quandoquidem purum etiam & integrum metallum, facile, & potenter sic corrodit atque destruit.

40 De *regulo antimonii*, utpote in quo hæc reductio in metallicam faciem promptissime succedit, non placet hic multum prolixiorem esse, cum mediantibus *carbonibus* non modo *scoria reguli nitrosæ*, & *antimonium diaphoreticum* vel *cerussa reguli*, & similia pulverulenta antimonialia producta, sed etiam ipsum *vitrum*, & *crocus metallorum* *Rulandinus*, citissime ita in *regulum* reducantur. Quod quidem pariter cum cineribus & vitro *saturni*, & *lithargyrio*, præsentissimo successu ita obtinetur.

41 Hæc quidem sunt *fundamenta fusionis* immediate cum *carbonibus*; Siquidem hoc immediatum cum *carbonibus* commercium, non solum, quod vulgo unice putatur, *intensioni æstus ignei*, inservit, sed etiam in *ferro*, *stanno*, *plumbo*, horum ipsorum metallorum *incorporationi*, ut metallicam suam formam induant, quam sine concursu & incorporatione illius è *carbonibus*, *inflammabilis* materiæ, minime nanciscerentur, sed solum in forma crassiorum, aut è *plumbo* liquidiorum, *scoriarum*, imo *cineris* plane facie, è *stanno*, comparent.

42 In *cupro* quoque, ultima quidem ejus depuratio in metallicam formam, non plane nihil debet *carbonibus*, quamvis *aëris* liberius commercium, ad absorptionem plenariam, conflagratoriam, *sulphuris*



*phuris* residui, maxime faciens , considerationem utique hic non minimam mereatur.

Plurimum vero ad *fusionem* utique facit, *scoriarum* sive spontanea, sive per convenientia additamenta promota, fusilitas; siquidem hac deficiente, non modo longe magis reluctatur *fusio*, & longe plus temporis requiritur : sed etiam facile ipsum orificium & ductus *follium* ab affusa ejusmodi, & ipso flatu immediato refrigerante spissiore materia, obruitur: imo vero concrescit hoc modo interdum in medio furno veluti *conus* ejusmodi tenacissimæ materiæ *seht einen Regell* in quo magna quantitas ita immediate concreta, exclusis *carbonibus*, ad fusionem plane reduci non potest.

Urget quidem hoc incommodum , partim illas *cupri* mineras, quæ *martialis* indolis venas intertextas habent, *Eisenschüssige Kupffer-Erzt* : partim illas, quæ in se pauperiores, *fissili*, refractario lapidis generi firmitus atque intimius intertextæ sunt. Quamvis etiam ipse iusto *languidior* ignis, *exurendo* metallum , ejusmodi incommodum afferre possit, quod inæquali concursu *carbonum* , non facile resarciatur. Unde partim illa deturpatione atque pessundatione *cupri* ortum ducere solet, die *Kupfer Sauen*.

E contra, concurrit interdum cum *mineris* talibus alia, *arsenicalis* magis profapia, aut *antimonialis*, heterogeneitas, quæ fusionem quasi *facilitat*, imo nimia facilitate veluti *precipitat*, cujus indolis fere est *minera ad montem Divi Andree*.

Fluxus utique *scoriarum*, quo *tenuior* est, eo melius subsidet, etiam *metallum*, quod deficiente hac fusilitate, vel non totum funditur, vel *scoriis*, *granorum* forma impactum , non nisi nova harum *contusione* & *lotione* , educi potest. Si vero liquido & diu fluunt *scoriæ* , non subsidet modo melius , sed *reducitur* omnino metallum.

Non desunt certe hodie exempla *scoriarum* talium divitum, metalli adhuc valde feracium , quas prudentiores docimastæ , aut dexteriores fusores, denuo colliquatas , cum emolumento insigni demum recte exhauriunt. Quale quid *Albinus* in der *Berg Chronick* adducit, & hodieque in valle *S. Nicolai* , *Claus-Thal* perpetratur.



Nocet *fuso* metallo tam *humiditas*, quam *repentinum refri-*  
 51 *gerium* quodcunque; ab illa enim, *expansione* repentina valde dila-  
 tatur metallum, daß es in der Hüten terum sprahet/ præcipue tale,  
 quod in ipsa sui mixtione aliquid *saline* indolis continet, quod facit  
 eum *ferrum*, sola proinde aqua in crocum dissolubile, tum cuprum,  
 facillime propterea *corrosiones* subiens.

52 Unde quidem *ferrum fustum*, aquæ tam impatiens est, ut vel  
 gutta magna hujus, ferro liquido *fluenti* allapfa sonum edat & *frago-*  
*rem* quasi *sclopeti* explosi: imo in *fabrorum* ferrariorum officinis,  
 quando ferreus baculus, candefactus, & scintillans, pauxillo aquæ  
 vel sputi in incude, cum repentina percussione mallei alliditur, edit  
 eundem *sonitum*.

Repentina vero *refrigeratione*, tam *scoriarum*, quam metalli  
 ipsius, *constricta* repente *superficie*, fervente adhuc, & *liquida* intimio-  
 re massa, finditur hinc denuo ille *cortex*, & exprimitur à mutua vel-  
 uti *reactione* metallum *liquidum* è meditullio, & projicitur atque di-  
 spergitur in distans, cum operariorum periculo, neque sine metalli  
 iactura, dum hoc modo scopis in officina late circa furnum, verren-  
 do, conquirere dispersum metallum oportet.

53 Alia res est, quando massæ *argenti* extinguuntur affusione  
 liquoris, qua repente *crassa* plane hujusmodi crusta inducitur; imo  
 universa placenta metalli ita inspissatur, ubi è contra, si hæc repenti-  
 na *extinctio* negligitur, hoc idem modo dictum incommodum, ipsi  
 utique argento similiter obtingit, adeo, ut ne quidem exiguæ mas-  
 sulæ ad paucorum granorum pondus, in *cupella* coruscantes, peni-  
 tus inde immunes sint.

*Fusum* metallum, è furno in focum præfurnii, den Vor-  
 Herd/ emissum effluit: hinc, facta nova ad fundum hujus apertura,  
 54 in novum *focum* ejusque *alveum*, qui inde der Stich-Herd/ appellatur:  
 ubi nempe *scoria*, sub carbonibus præfurnialis hujus foci, minorem  
 æstum sentientes, *lentescunt*, ut non amplius commode fluant; *Me-*  
*tallum* vero longe liquidius scoriis, facile sub illis, per patefactum  
 foramen se subducens, ita purius profluit.

C A P U T. V.

DE

FUSIONE CVM ADDITAMENTO  
EJUSQUE RATIONE.

S U M M A R I A.

*Additio, §. 1. vel liquationem solam §. 2. vel separationem respicit, §. 3. priora teneri silices, & marcasita sulphurea, §. 4. posteriora ferrum, calx. §. 5. non aque lapis calcarius aut ferreus, §. 6. quæ præcipue fusionem plurimum impediunt §. 7. sed præmissa eidem, juvant, §. 8. Calx efficacius humida forma adhibetur, §. 9. lapides silicei fusiles, §. 10. scoriarum colliquationem faciunt, §. 11. scoria vitrescentes plumbaginea, §. 12. impediunt contra silices durissimi, §. 13. præsertim male comminuti, §. 14. & fissilis limosa indoles, §. 15. in parvo, salia excellunt, §. 16. & vitra, §. 17. borax, §. 18. sulphurea addita metallum ipsum fundunt tenerius præcipue cuprum, §. 19. & eliquant e ferrea substantia §. 20. liquabilitas diversorum metallorum cum sulphure, §. 21. argenti quoque §. 22. exemplum Misnicum, §. 23.*

**A**dditio, pro facilitanda fusione, duplici nomine apud Metallurgos venit; altera familiarior complectitur additamenta colliquationem magis immediate facilitantia Vor-  
schläge oder Zuschläge: altera, quæ non tam fusioni, quam magis separationi velificatur, Niederschläge.

Additamenta illa Priora sunt vel simpliciter silices montani bene fusiles, vel scorix bene fluxiles, weiche Quarze / weiche Schlacken; vel minera multo & puro sulphure abundantes, frische Kiese.

Posterioris generis, præcipuum est ferrum & ferramenta,



5 alt Eisen; *calx viva* etiam, quæ tamen fere utilius *calcinationi* seu u-  
stionibus admiscetur.

6 Sunt qui hic *lapidem* calcarium, & *mineram* ferri Kalck-Stei-  
ne und Eisen-Steine substitui posse putant, sed falluntur; siquidem  
*lapis* quidem *calcarius* in calcem exuri potest: Si vero in *minera* val-  
de *volatile* quiddam subfit, exuritur illud longe prius, quam lapidis  
hujus in *calcem* exustio absolvi possit.

7 Unde quidem error esset immanis, siue lapides hos, siue  
ipsam *calcem vivam* ipsi *fusioni* facilitandæ adjicere, utpote quam po-  
tius omnibus modis retardant atque *morantur*, neque unquam  
commode *scoriis* sese sociant. Dum vero ante fusionem, *arsenicales*,  
*antimoniales*, & *sulphureo-arsenicales*, cruditates domuerunt, tunc  
8 demum succurrunt commode fusibilitati, à post-facto & in-  
futurum.

Unde quidem recte loquendo *calcis* ad *fusoriam* præcipita-  
9 tionem immediate addendæ, plane nullus est usus, sed unice ad *præ-*  
*parationem* ante instituendam fusionem; ubi brevissimis, *calx viva*  
commodissime in *humida* potius forma, *lixivii*, decoquendo cum pul-  
vere mineræ, aut paulo diutius *macerando*, adhibetur, ita tamen,  
ut ante *fusionem* rursus abluatur, de quo forte adhuc verbum subji-  
ciemus.

Missis hisce, redimus ad additamenta illa, quæ *fusionem* simpli-  
citer promovent, siue de *scoriarum*, siue de *sulphurearum* marcasita-  
rum indole.

10 *Scorie* quidem, aut lapides *silicei* teneriores & facile fusiles,  
*montani* tamen, seu *fosiles*, weiche/ zarte Quarze/ imo *lutum* quoque,  
teneriter arenosum, quali *fabri ferrarii* ad ferruminationes suas uti  
solent; den Sic dem Eisen/zu desto leichterem schweissen/zuwerffen/ ubi  
promte *vitrescit* adjectum lutum, hæc omnia, inquam, partim ipsius  
*metallica* partis faciliori colliquationi subveniunt, partim vero, &  
11 præcipue quidem, *silicis* aut lapidis *mineram involventis* colliquationi  
promptiori succurrunt, imo *martialium* quoque duriorum, macro-  
m, refractoriorum, lapidum promptiori *fusoriæ* emollitioni, viam  
parant.



Quo molliores itaque & teneriores, sunt ejusmodi *scoriae*, eo meliorem etiam præstant effectum. Unde quidem non raro, & ubi materia substrata operæ pretium facit, ipsæ *plumbagineæ scoriae*, *lithargyrium*, *lutum lithargyrio* & vitro *plumbeo* imbutum focorum argenti depuratoriorum, Glette/ Herd/ Test/ hoc scopo metallo ita tenerius fundendo admiscuntur, cum valde præsentaneo & penetrantissimo effectū.

Specimen etiam hujus effectus meretur legi in supra citato Schediasmate, von Beizung der Metallen pag. 109. & seqq.

Quemadmodum vero talia additamenta, dicta ratione, fusionem *lapidis* sive *saxi mineralis* facilitant; ita impedit eandem indoles horum saxorum *siliceorum duriorum*, vester Hornwacken/ absolute; tanto magis, inconveniens adhuc eorundem magnitudo, wenn das Erz nicht wol gepucht oder vom Wetter nicht genugsam gehoben worden/ in quo posteriore quidem casu, indoles saxi seu receptaculi *mineræ*, *fissilis limosa*, Schiffericht/ letticht und Schlammichte / thonichte art/ ut in se fusioni refragatur, ita tanto magis in *nodos* & quasi *cuneos* coagmentata, hoc ipsum facit.

In *parvis* tentaminibus faciunt hic aliquid egregii *salia*; sed in *magno*, & præcipue libero *aëris* concursu, non æque imitari hoc licet, neque propter *Sumptus* fere integrum est. In iisdem tamen *minoribus* apparatibus, *cineres clavellati*, *sal commune*, *sal armoniacum* *fissum*, præstant certe frequentissime quicquid hic expectari potest. Imo *vitrum* ipsum commune mollius, *vitrum Venetum*, *Bohæmicum*, *vitrum plumbi cum arsenico* paratum, *vitrum antimonii simplex*, & cum *nitro* factum, *lithargyrium*, & in rebus maximum operæ pretium facientibus, ipsa *Borrax*, præsentissime horum generum effectus exhibent.

Additio *sulphurearum marcasitarum*, aut *minerarum sulphure* luxuriantium, eo maxime collimat, ut *cupri*, per *magnam* quantitatem *sulphuris*, mollior fusio in crama illud, quod vulgo, *Koh-Stein* appellant, sequatur; cum enim *cuprum* magnam quantitatem *sulphuris* in se recipiat, & quo plus hujus recepit, eo tenerius fluat, fit hoc per additionem hanc talium *sulphuricarum* *minerarum* atque



*marcasitarum.* Conferunt autem hæ eædem *sulphurea* substantiæ longe plurimum ad separationem illam *cuprea* hujusmodi substantiæ è *ferrea* eidem intermixta profapia: non quidem quod sulphur genuinam *ferream mineram* nisi quam purissima sit, temere aggredia-  
 20 tur, adeoque illam ipsam simul in *fluxum* illum directe concitet; sed quod *cupream* huic tenerius interspersam eliquando, istam ipsam quoque *ferream* eodem actu *porosiores, laxiores, attenuatam, relinquat.*

Plurimum nempe hic involvit consideratio diversorum illorum effectuum, quos *sulphur* in variis *metallis*, quando cum illis coalescit, producit, in ordine ad *fusilitatem.* Ubi videlicet *argentum* ita liquidissimum reddit, ut haud multo difficilius quam *plumbum* fluat.  
 21 *Cuprum* quoque & *ferrum*, & *regulum antimonii* omnia hæc longe facilius liquabilia reddit, quam per se & propria sua natura fluunt: *stannum* vero multum quidem *difficilius* fusile efficit: *plumbum* vero omnium in hoc genere difficillime.

Unde quidem admixtio ejusmodi sulphure locupletiorum  
 22 *minerarum*, non soli *cupro*, verum etiam *argento* usum præbere potest. Quale quid in *Misnicis* quibusdam *mineris*, vel una ad minimum speciali tali *minera*, usu venire observamus, quæ sine additamento *sulphurea* ejusmodi *mineræ* non potest tractari: quam-  
 23 obrem quidem *minera* hujusmodi, si recte memini, vom Geier/Geierische Scheffel-oder Vitriol-Riß / sub gravi pæna, vendi & exportari vetatur.

Atque hæc etiam de fusionum consuetarum additamentis dicta sufficere possunt.

CAPUT VI.

De

SEPARATIONE METALLORUM PYROTECHNICA.

SUMMARIA.

*Separantur metalla, §. 1. primo igne, ferrum à cupro §. 2. plumbum quoque & stannum. §. 3. Zincum à plumbo, §. 4. & ferrum, §. 5. argentum vivum ab aliis metallis §. 6. regulus ab auro. §. 7. paucum quoque cuprum ab auro & argento, §. 8. experimentum, §. 9. secundo additis plumbo, §. 10. antimonio §. 11. regulo ejus & nitro, §. 12. sulphure, §. 13. cum quo etiam argentum depurari potest, §. 14. usitatisime per plumbum, §. 15. præcipue parum argenti è multo cupro, §. 16. quod opus physico-chymicum est. §. 17. Cupellatio. §. 18. Eliquatio Seigeriung | §. 19. Fundamentum prioris §. 20. 21. coruscationis seu fulgurationis causa, §. 22. ustio argenti, §. 23. non est purissimum, §. 24. Fundamentum eliquationis irritum, §. 25. Historia operationis, §. 26. 27. 28. 29. eliquati argenti cupellatio, §. 30. plumbi imbibitio alia, §. 31. compendium eliquationis per ignem flammæum, §. 32. duri separatio, §. 33. per antimonium §. 34. à quo rursus liberandum est. §. 35.*

**S***eparantur metalla à se invicem, vel per ignem simpliciter, vel 1 per plumbum. Per plumbum iterum, vel in forma sua metallica plumbea, vel sub forma lithargyrii & scorie vitrescentis.*

*Primum, contingit in separatione ferri à cupro, im gar machen. 2*

*Hac enim operatione, penitus repellitur à cupro quicquid eidem copiosioris ferri admixtum hæret, ita ut partim igne isto non sufficienter aut satis tenuiter fusum, inter scorias obhærescat, aut etiam igne illo combustum, croci vel cineris instar secedat, imo evanescat.*

Hoc



3 Hoc ipsum evenit tanto præsentius *plumbo* præsertim *auctiori*, inter *cuprum* remixto: nec non *stanno*, si eidem *cupro* confusum esse contingat.

Plane idem monuimus jam superius evenire *zinco* cum *plumbo* remixto, ut nimirum non modo *igne*, sed insuper *aëre* sive  
4 flatu, comburatur & disjiciatur. *Ferrum* vero si *plumbo* affundi contigerit, nudo *igne* hoc separatur, ut illud *supernatet*.

6 *Argentum vivum* liberatur à metallis, & metalla ab ipso, solo pariter *igne*, sive per simplicem *evaporationem*, sive per occlusam eandem, seu *distillationem*.

7 *Regulus antimonii* excutitur ab *auro*, *igne* & *aëre* seu flatu, durchs verblasen.

8 *Cuprum* etiam ab *argento*, imo & ab *auro* si his metallis istius *parum* remixtum sit, secedit sub ultimo cupellationis exitu per speciem combustionis, daß es sich selbst erhitzt/ und daher mit dem Feuer sehr milde oder kühle gehalten werden muß/ sonst es von  
9 den Proben etwas verführet. Quod quidem spectari potest si granum i *auri*, cum grano dimidio aut minus, *cupri*, tubulo aurifabrorum ferruminatorio mit den Löth-Röhren cum grano forte, uno borracis in foraminulo carbonis pro more colliquetur, sed diu atque intense flatu hoc urgeatur, ita enim non modo inflatur & turgescit admodum sensibiliter, & ad oculum, ipsum hoc granum, *borrace* interim limpida prorsus & absque ullo colore remanente: mox vero, si afflatu illo igneo constanter & efficaciter urgeatur, incipit actu non modo à *borrace* resilire, sed & sub magna incandescencia & *fulguratoria* coruscatione, *scintillas*, & cum his frustula metalli à se projicere: quo ipso quidem *aurum* mox *nitorem* suum recuperare incipit, cum antea quoties massula refrigerescere permetteretur, *decolor*, *rugosum* *obscurum* apparuisset: eoque ipso quasi momento, ab ita *exusti* reliqui *cupri* imbibitione vitrescente in *borracem*, contrahit hæc colorem è *viridi* *cæruleum* *venereum*, neque ipsum tamen *aurum* hoc actu æque *exquisitissime* ab omni *cupro* liberatum est.

10 Cum *additione*, & quidem *plumbi*, separantur *argentum* & *aurum* à *cupro*; cum *additione antimonii* *aurum* ab omnibus metallis:  
imo



imo etiam metalla ipsa à se mutuo, non tamen æque exquisite, sicut *auro* evenit. Separantur etiam reliqua metalla, tam ab *argen-* 12  
to quam *auro* per *regulum antimonii & nitrum*. Separatur præterea 13  
*aurum* ab *argento* mediante *sulphure* non tamen sine aliis *additamentis*.  
Ubi præcipue *cuprum & plumbum* in usum venire solent.

Potest hac eadem methodo per *sulphur* simpliciter, sine alio metallo, bene tamen cum sale conveniente, *argentum* quoque ab a-14  
liis metallis depurari, sed neque hoc ipsum ita exquisite, quin tam particula alieni metalli in *argentum*, quam *argenti* in *scoriam*, irrepat.

Usitatissima est *argenti & auri* ab aliis metallis separatio, per 15  
*plumbum*; ubi quidem si *parum* alieni metalli cum *argento* remixtum sit, per *plumbum* in *scorias* reductum perficienda est operatio: quando vero *parum argenti* à magna quantitate *cupri* separari 16  
debet, præstandum illud est per *plumbum* in *metallica* sua consistentia permanens atque relictum.

Merentur certe operationes hæ considerationem, non solum propter usum suum civilem; cum sine illis *argentum* paucum è magna quantitate *cupri* ne quidem colligi possit; sed etiam propter rationem operandi *physico-chymicam*, qua processus ille præfer- 17  
tim *argenti* è multo *cupro* separatorius, nititur.

Illud, quando *parum* *cupri*, *stanni*, imo *ferri*, & *reguli antimonii*, *bismuti* &c. à multo *argento* separatur, *cupellatio* vocari solet 18  
das Abtreiben: sicut separatio minimæ quantitatis *plumbi*, eius  
Bley-Sacks / oder Bley-Rauchs / dicitur das fein brennen: & à priori quidem operatione, ein Blick Silbers / & *argentum* illud Blick-Silber: posterius hoc, Brand-Silber nominari solent.

Illud vero, quando *parum argenti* è multo *Cupro* per *plumbum* 19  
*metallicam* suam consistentiam retinens, eliquatur, appellatur Sengern / & quantum quidem nobis videtur, Sictern / quia per modum stillicidii cujusdam defluit.

Prioris *fundamentum* est triplex: primo, quod aliqua qui- 20  
dem metalla *plumbum* vel non ingrediantur, ut *ferrum*; vel ingressa  
successive rursus emergant, ut *stannum*, aut sensim inde exhalent, ut



*regulus antimonii*: vel sub ejus conversione in lithargyrium, vitrum; cineres, exurantur atque dissipentur, ut *cuprum* pauca quantitate eidem remixtum: *argentum* vero neque in *vitrum* abeat, neque comburatur, neque exhalet.

Quando itaque parum *argenti* adulterati, cum magna quantitate, octupla, decupla, duodecupla, & amplius, *plumbi*, coagitur, distrahit quidem tenuissime ipsum *argentum*; sed eo ipso adhuc longius, paucam illam quantitatem *alieni* metalli, nempe *cupri*, pauci *stanni*, *bismuti*, *reguli antimonialis* aut *arsenicalis*, argento intexta: *ferro*, si quid ejus subsit, in ipsa superficie relicto, & mox virescentibus scoriis immerso. Urgetur ita tota massa igne magno, 21 flammante, & per flatum constanter concitato: ita perit è *plumbo*, de momento in momentum, pauca ejus substantia inflammabilis; unde mox in vitrescentem, mollem, & valde teneram *scoriam* convertitur, vi tamen ignis satis intensi.

Cum hoc ipso, *comburantur* eadem ratione tenerrima corpuscula imperfectorum metallorum hic dispersorum: *argentum* vero pulverulentæ talis dispersionis expers, & perpetuo metallicum suum quasi *mercurialem* fluxum servans, manet indivulsum à residuo, quamvis perpetuo decrescente & in scorias abeunte, *plumbo*, donec hoc ipso prorsus ita consumto, massa *argenti* sola in hac sua consistentia remaneat.

Cum vero *plumbum* levissimo, *argentum* valde intenso calore, ad sui fusionem teneram opus habeat; manet quidem *argentum* ita affectum, nempe *plumbi* adhuc quantacunque quantitate imbutum, facile caloris illo gradu, qui in foco *cupellatorio* auf den Treib-Herd administratur, *fusum*: quando vero *plumbum* omne, aut ad exiguum usque portionem evanuit, *concrescit* & *densatur*, subsistitque, 22 seu obrigescit *argentum*: unde è *nitido* quasi speculari aspectu, cito in ardentem quasi *candentem* transformatum, *fulgurare* dicitur, Es blicke/ quod Phænomenon peractæ cupellationis, seu *plumbi* cum reliquis paucis heterogeneis metallicis particulis, absorti jam signum habetur.



Hoc argentum transfertur hinc ad furnum *ustorium*; ubi <sup>23</sup> fortiore igne exercetur, ut paucum residuum *plumbum*, ex parte quidem in *cineritium* catillum, den *Test*/imbibatur: partim vero etiam *astu* & *flatu* in auras disjiciatur.

*Argentum* ita tractatum, communiter tamen non plane & exquisitissime *parum* existit præcipue illud, quod demum à *cupellatorio* foco prodit, das *Blick-Silber*; habet enim in singulas *marcas*, quæ *dimidia libri* civili accedunt, *drachmam* unam, imo duas, cupri, quod quidem in *Massa* tali multarum *marcarum*, qualis una operatione absolvi solet, à *viginti* ad *sexaginta* vel *octoginta* *marcas*, <sup>24</sup> quantitatem adhuc satis sensibilem efficit. Unde quidem argentum omni *cupro* exquisite exhaustum, ab his operationibus nunquam prorsus exit.

*Alter*a illa separatio, qua præsertim *argentum* paucum, imo paucissimum à magna quantitate cupri educitur, vere ut utilis, ita *scientifico chymico* fundamento innexa, meretur suam considerationem, tanto magis, cum nihil harum rerum adhuc è fundamento suo declaratum nobis quidem occurrerit, ita ut iste nuperus scriptor, von der *Seigerung und Erst-Beizung*/revera quidem non inelegantia ad praxin pertinentia afferat: theoriam vero frustra cum aliis, à <sup>25</sup> quantitibus *mercurii* in *plumbo* & *argento* deducat, eoque ipso rem *dubiam* per plane *incognitam* exponere suscipiat, cum evidens ratio præsto sit.

Ut breviter, sed nervose rem expedire possimus præmittemus ejus historiam. Quando in magna quantitate non tam cupri, <sup>26</sup> quam *minere* cupri, *parum argenti*, præsto est, v. g. in *centum* & *quinque* vel *octo*, vel *decem*, libris civilibus, quadringentesima pars, nempe *quadrans* libræ, vel *sesqui quadrans*, aut plus, imo etiam minus, argenti: tunc damnosum utique esset, hoc *argentum*, quod sæpenumero tantundum imo amplius, quam totum illud *cuprum* pretio efficit, in *cupro* illo relinquere, & neglecto omni pretio & usu, ita vendere. Separandum itaque est.

Non potest vero separari, sine gravissimis incommodis, è *cupro* jam prorsus *depurato*, imo breviter, similiter loquendo, nempe



27 sine damno loco lucri, *non potest* absolute. Separatur itaque è nondum depurato, sed sulphureis particulis adhuc satis copiosis imbuto, friabili, *nigro*, aus den Schwarz Kupfer.

*Funditur* nempe cuprum hoc, & dum fustum in foveam præfurnii emissum, maxime adhuc fervet, immiscetur eidem *plumbi liquati*, larga quantitas, & finitur ita frigefieri. Operatio appellatur das Frischen.

*Placentæ* inde sic efformatæ grandes, die Frisch-Stücke / imponuntur speciali foco, parietibus è ferreis *laminis* luto munitis, in ambitu & *tabulis*, è *ferro fuso*, crassis, in superficie sua instructo, 29 auf den Seiger-Herd / mit seinen Seiger-Scharten und Seiger-Wänden / der gebühr nach versehen: imponuntur inquam, ut erectæ stent, daß sie auf der scharffen Seiten ausgerichtet stehen. Infixum cuilibet tali *placentæ* manubrium ferreum, retinet illas inter se tantum distantes, ut *carbones* commode interferi & interlabi ipsas possint. Ita expletur totum hoc spatium, parietibus dictis circumdatum, carbonibus, qui denique *desuper* accenduntur. Ita defluit *plumbum*, & educit secum ipsum etiam *argentum*, *cupro* interim in isto suo positu, quidem adhuc permanente, sed tamen maxime *poroso* & *pumicis* instar à plumbo prius interfuso, jam vero subducto, *cavernosum*. Collabascit etiam propterea modicum, & *rugosum* seu plicatum hinc inde apparet: appellant Rühnstöcke.

Transferuntur hæc frusta ita veluti exsucca ulterius in furnos alios, ad hoc negotium specialiter aptatos, ut quicquid adhuc *plumbi*, etiam intimius in illis delituerit, vi ignis majore inde educatur. Appellantur die Darr-Ofen / & actus ipse Dörren.

30 Residua hinc frusta, die Darrlinge / (decussis tantum superficialibus à combustionem, scoriis, quod *bicken* / appellant:) *perficiuntur* mox ad puritatem metallicam cupri, auf den Gar-Herd gar gemacht: *Plumbum* vero residuum, nempe quod tam à primo, aus dem Seiger-Heerd / quam ab altero foco, den Dörr-Ofen / adhuc collectum est, separatur methodo prius dicta *cupellatoria*, postquam satis locupletatum est, wenn es genug angereichert ist.



Notandum hic primo, quod labor ille *cuprum plumbo* imbuendi, das Frischen/ communiter non æque sola recensita illa metho- 31  
do peragatur, ut nimirum *plumbum* cupro fuso demum admisceatur:  
sed potius *lithargyrium*, & *foci* cupellatorii vitrescens portio, Blette  
und Heerd / huic negotio destinetur, atque ita mox cum ipso *nigro*  
illo *cupro* colliquefiat, mit einander durch geschloffen/ qua ratione sta-  
tim in *plumbum* reducta hæc subjecta, non solum intime ipsi cupro  
remiscentur, sed etiam solitariae reductionis compendium faciunt,  
daß man Sie nicht erst allein vor sich durch den Stich-Offen setzen und  
Bley machen darf.

Secundo, potest labor ille *separatorius* das Seygern und dörren  
zusammen/ etiam sine *carbonibus*, igne *flammeo* & lignorum usu com-  
mode & utiliter perfici, utpote *duo* eximia & non negligenda *emolu-*  
*menta* certo afferens, (1) *ligni* notabilem parsimoniam, dum longe 32  
minore quantitate hujus opus est hac ratione, quam alias ad *carbo-*  
*nes* requireretur, & quidem *rejiculi* tantum & scoparii, Reiß-Holz /  
cum *carbones optimum* poscant: (2) *temporis* insigne lucrum, nempe  
*dimidio* minoris quam alias necessarium est. Quo in negotio reve-  
radictus ille autor, von der Erß Seygerung/ refelli nunquam poterit,  
quoad praxin; quamvis in *theoria* hujus quoque rei in eo aberraverit,  
quod *flammeus* hic ignis, ejus opinione, insigniter *minoris* æstus  
existat, quam *carbonarius*: cum satis bene se declaraverit in reliquis,  
& præcipue causa illa reddenda, cur ex hac operatione frustra illa ma-  
gis *collabantur* & *confringantur*, quam in illa quæ cum *carbonibus* per-  
agitur. Quæ tamen, & reliquæ similes quæstiones, theoretice  
quidem contra ejus assertionem hanc de *minore* æstu ignis flammei  
militare potuerunt: contra *praxin* vero ipsam frustra utique produ-  
ctæ fuissent. Et certe si hic Scriptor in reliqua sua vita tantundem  
laudis aut excusationis meruisset, non facile ipsi aliquid imputari de-  
buisset: de quo quidem ipse viderit: interim hoc opus in se ita com-  
paratum est, ut autoris nævi reliqui, illi officere non debeant.

*Aurum* in specie, separatur penitus ab aliis metallis, per an- 33  
*timonium*, fundendo illud cum insigni hujus quantitate, ad partem 34  
unam *auri*, juxta communem præcipue methodum, sex, octo par-



tes *antimonii* adhibendo. Revera tamen non est opus tanta hujus quantitate, sed sufficiunt, *duae, tres*, aut ad summum *quatuor* ejusdem partes. Ita subsidet *aurum* quidem in *regulum*, metallum vero quodcunque aliud *supernatat* cum antimonio. Associat se tamen auro paucillum *reguli*, quod loco pauci illius metalli, ab antimonio  
35 corrosi, ex hoc secescit, atque adeo *aurum* inquinat, ut non modo *pallidum*, sed praecipue intractabile & *fragile* evadat, unde ab ipso liberandum est.

Et haec de Methodo seu Historia hujusmodi *Separationum*.

## C A P U T VII.

DE

# RATIONIBUS VERIS SEPARATO- RIARUM HARUM PYROTECHNICA- RUM OPERATIONUM.

### S U M M A R I A.

*Cupellationis causis, partim jam tactis, §. 1. partim infra tangendis, §. 2. de Eliquationis ratione agemus, §. 3. adheret sulphur diversimode metallis, §. 4. cupro, §. 5. argento, §. 6. plumbo, §. 7. describit etiam hoc ordine illa invicem §. 8. argentum in cupro, subsidere cur nequeat, §. 9. plumbo sulphur absorbente §. 10, liberatum argentum, immergitur in reliquum plumbum, §. 11. hac theoria forte adhuc usui esse potest, §. 12.*

**E** Gimus de rationibus separationis *cupellatoria* jam in ipsa ejus historia, quando quidem praesertim nullam insignem difficultatem, etiam ipsa ejus rei generalis theoria involvit; Cur vero metalla ad *plumbum* ita se habeant, ut alia illud ne quidem in-  
gredian-

*grediantur*, alia vero cum eodem *coalescant*, sed deinde *comburantur*, magis particularem considerationem horum metallorum, de qua subsequente Sectione, involvat: non placet hic denuo de iisdem prolixum esse, tanto magis, cum illo ipso loco, ubi de *Docimasia*, 2 paucis verbis hoc tangi, & quantum adhuc necesse est penitus declarari possit.

Placet itaque potius de rationibus *separationis Eliquatoria*, pauci 3 argenti è multo cupro, von Kupffer-Seiger-Werck / agere.

Consistit hujus rei *Fundamentum* revera in paucis, sed vulgo adhuc minus insufficienter observatis circumstantiis, nempe *habitu-* 4 *dine* diversa metallorum ad *sulphur*, tum ratione *quantitatis* tum *qualitatis*, seu firmioris *cohesionis*, & consistentiæ metallo inde inductæ.

*Adhærescit sulphur* valde facile cupro; affigitur eidem *tenacis-* 5 *sime*: sed reddit illud, valde *fusile*, in comparatione videlicet ad ordinariam suam *propriam*, & quando *purum* est, *fusilitatem*. Cum ar- 6 *gento* coalescit *sulphur* promptissime: sed nec in valde magna *quantitate*, nec adhærescit eidem *tenaciter*: funditur vero cum ipso valde facile & liquido, *plumbi* propemodum instar. *Plumbum* recipit prom- 7 *ptissime sulphur*, sed in *parciore* quantitate retinet vero admodum *tenaciter*, & nanciscitur inde, consistentiam *spissam* densam, & admodum *difficulter* fusilem, difficilius certe, quam *cuprum largiter* sulphuratum.

Quando præterea *promptitudo sulphuris* metallum unum præ altero invadendi, adhuc seorsim, seu metallorum inter se invicem respectus ad sulphur, attenditur, recipit illud ex his *tribus* metallis, promte quidem *argentum*; promptius vero *plumbum*, promptissime vero omnium, *cuprum*: adeo ut uni horum metallorum 8 admixtum, si alterum dextre substituatur, derelicto priore, hoc invadat.

Cum itaque *cuprum* illud *sulphuratum*, quod *nigrum* appellant, interspersum sibi habeat *argentum* similiter *sulphuratum*; quod præ- terea, licet revera cupro gravius sit, in illo tamen nihilominus *subsidi-*



re non potest, primo quia summe *exigua* ejus *quantitas*, è tanta mole commode secedere non potest, *latisime* & *minutissime* dispersa, inter se coalescere, & in unum locum colligi nequit : secundo , quia  
 9 *cuprum* hoc insuper *crassissime* pultis solum more (ut alibi etiam de *cupro* & *ferro* jam depuratis , in ordine ad *aurum* , monet *Beccherus* ) fluit, ut paucissimum hoc *argentum* per illud ad fundum subsidere impossibile sit , sed ita in eo *expansum* atque *distractum* detineatur.

Quando vero *plumbum* , & quidem in *larga* quantitate, qua  
 10 molem illam cupri commode pervadere possit, admiscetur, de illo quidem *sulphure*, quod *cupro* adhuc adhæret , nihil utique deserit *cuprum* , ut *plumbum* aggrediatur : quod vero *argenti* particulis affixum hætenus hæsit, illud *invadit* , præsertim sub hac tanti *caloris* agitatione , promptissime particulam *plumbi* , & deserit suum *argentum*.

Cum vero omnia metalla excepto auro & mercurio cum *sulphure* combinata, consistentiam forment tenacem, & quibuslibet duris rebus facile *adhaerescens*, & poris *capacioribus*, fluidorum tenuissimorum instar , promptissime sese insinuantem : *sulphure* vero liberata, consistentiam induant *globosam*, & nulli alteri rei, excepta *homogenea* metallica, se affigentem : fit ita, ut *argentum* quoque *sulphure* ita exoneratum, mox in *globulos* tales collectum , cum *sulphurato* quidem *cupro* nullam amplius tenacem *cohesionem* foveat , *plumbo* vero reliquo & *puro*, ubicunque hoc ipsi occurrat promptissime immergatur.  
 11

Et hæc est unica illa simplicissima, vera, totius hujus negotii fundamentalis *ratio* ; hærens tamen in ante dictis illis , aliquot  
 12 numero, *respectibus* , citra quos quidem nunquam intelligi & explicari valeret.

Non diffidimus fane quin cum tempore hoc fundamento recte cognito , una vel altera *exchirisis* adhuc in effectum deduci valeat , qua adhuc majori promptitudine hæc operatio absolvi possit , de qua tamen hic aliquid agere supersedemus , cum vulgo operariorum metallicarum aliquid suadere , res perdita sit.

C A P U T IIX.

DE

REDUCTIONE METALLO-  
RUM.

S U M M A R I A.

*Reductio plumbo præcipue alterato convenit, §. 1. fit fusione per carbones, §. 2. etiam arctiore furno, §. 3. Stich=Offen / §. 4. vitrum plumbicum silicibus. §. 5. per sal alcali & ferrum, §. 6. etiam sine ferro §. 7. vitrescentia particulas phlogistas non semper absolute excludit, §. 8. exemplo antimonialis vitri, §. 9. imo vulgaris, §. 10. Ferrum & cuprum, §. 11. reducuntur cum mineris suis, §. 12. stannum quoque §. 13. hoc etiam per pinguedines, §. 14. Aurum difficulter, ferro aut stanno inquinatum, §. 15. potest tamen mediante nitro, & vitro, §. 16. sulphuratum quoque satis difficulter reducitur, §. 17. vitra metallica cum plumbeo, §. 18. exemplo Franckenbergensium §. 19.*

**N**on erimus nimis prolixi in hac operatione, tractanda, cum potissima ejus pars, jam superius, sub causis *fusionis* per carbones, à nobis elucidata sit.

Fiunt nempe hæc reductiones, de quibus capitis nostri titulus loquitur, præprimis in plumbi transformatis productis, lithargyrio, cineribus seu calce, vitro, tam è lithargyrio statim nato, quam per sabulum, silices &c. in hunc statum deducto, Bley=Schlacken / Glette/ Herd/ Bley=Glasß.

Funduntur hæc omnia, igne satis forti, carbonum, ita ut ipsis carbonibus immisceantur, & illos immediate tangant; ita fit, ut è carbonibus recuperando paucam illam substantiam inflammabilem, quam



quam admittendo in cinerem talem & hinc vitrum, plumbum abiverat, metallicam suam consistentiam denuo consequatur. Peragitur hoc in furnis ad hunc usum paulo arctius structis, quia negotium sine adeo nimio ignis impetu in effectum deduci valet. Appellantur vulgo Stich-Offen/ quia fustum & collectum, in fundo furni, inter teneriores carbones, plumbum, denique simul & semel, perosso, juxta fundum furni, foramine, emittitur.

Vitrum plumbi cum silicibus paratum, redit in metallicam suam consistentiam ( quantum nempe mini aut lithargyrii in parando vitro additum fuit silicibus ) per sal alcali, & aliquid ferri, in crucibulo. Imo vero etiam in clauso crucibulo, sine ferro addito, reducitur per solum sal alcali: quia & in sale alcali aliquid de inflammabili substantia praesto est, & saepe ipsum quoque plumbum non amissis praecise phlogistis sui particulis, cum silicibus mox in vitrum abit, prout ex eo videre est, quod in crucibulo etiam occluso vitrescat, cum silicibus additis: vel si etiam illi omittantur, cum ipsius crucibuli sabulo, expansa hac phlogista substantia in ipsum usque vitrum: Sicuti videmus non modo in vitro antimonii evenire, quod quidem quo magis adhuc tinctum est, eo manifestius imbutum existit combustibilibus partibus, ita ut cum nitro etiam incandescendo coruscat, & in albam calcem abeat; sed etiam in vitro communi, quod quidem e fuligine lignorum, obscurum, imo obscurissimum, colorem contrahere, magis quam vellent, experientia operariis demonstrat.

Ferrum quoque & cuprum combusta, si cum mineris suis denuo per carbones transfundantur, induunt iterum metallicam suam schemata. Quod idem faciunt stanni quoque cineres. De reductione vero cinerum stanni nondum perustorum, per pinguedines, supra est dictum.

Aurum reducitur difficillime per ignem, non modo si ferro, sed etiam si stanno remixtum sit, praecipue in illa praecipitatione pura cum stanno. Licet autem verum sit, communem fusoriam metho-

methodum hic languere, non tamen propterea universim ad-  
eo difficile est negotium, quandoquidem à *stanno*, reductione  
*stanni, sulphure*, & purpureum illud, *nitro, vitro* item, ad frugem 16  
reduci potest. Cum *sale* vero *sulphurato* seu *hepate sulphuris*, (juxta  
scriptum Mensis *Aprilis*, D. PRAESIDIS) in *calcem* reductum, certe 17  
non ita *promptissime* ad se redit, nec tamen difficillime, mediante *ni-  
tro, borace*.

*Metallicum* etiam *vitrum*, & *scoria*, *cuprum* complectens, si  
operæ pretium sit, potest reduci cum *scoriis 'plumbagineis vitres-* 18  
*centibus*. Unde quidem aliquoties citatus scriptor von der Seige-  
rung und Erzt-Beizung / in eo non deceptus est, quod *scoriis* illis  
*plumbi*, quibus impeditissimum fluxum mineræ *Franckenbergensis* 19  
efficaciter correxit, non nihil *plumbi* adhuc inhæsisse crediderit,  
*pag. 113. 115.* licet per se *eliquatæ* juxta *pag. 116.* nihil *plumbi* suppedi-  
tarint: quia utique in *multo & crasso vitro*, latissime dispersum  
*paucum* plumbeum vitrum, reduci & *colligi* non potest, ob flu-  
xum prædominantis vitri *crassi*, languidissimum (vid. *pag. 116.*)  
adeoque cum *carbonibus* incorporari teneriter nequit: quod  
promte fit, si alterius *metallica* substantiæ, & *copiosioris* quidem,  
subsidio, adjuvetur: quæ quidem hic potissima fuit causa, non  
vero æque *martiales* illi nodi, quibus autor hic aliquid acceptum  
refert *pag. 113.* Sed de his satis.



# SECTIO SECUNDA.

DE

## SPECIALI METALLORUM TRACTATIONE ET DOCIMASIA.

### S U M M A R I A.

*Post communes operationes, proprium habitum singulorum metallorum ad illas subjicimus, §. 1. primo loco tractabimus operationes ipsas, §. 2. preparatorias, §. 3. depuratorias, §. 4. separatorias, §. 5. Additamenta, §. 6. vitrum fusorium, §. 7. vitrum arsenicale an utile, §. 8. fluxus salinus, §. 9. cur ex inaequali proportionem nitri & tartari. §. 10. ut aliquid phlogisti conferat, §. 11. fusiones duplices, §. 12. semper sunt pro docimasia cum additamentis, §. 13. imbibitio in plumbum, §. 14. modus agendi, §. 15. & fiendi. §. 16. unde colliquatio & eliquatio. §. 17. De ustione, quae dicta sufficiunt, §. 18. Vasa docimastica, fictilia, §. 19. cineritia, §. 20. illa lutum non vitrescens possunt, §. 21. cineritiorum requisita, §. 22. alia pro his materia, §. 23. 24. exhalatio ab aethere / §. 25. moderatio percussione, §. 26. de suillis ossibus, §. 27. incertum, §. 28. aqua separatoria. §. 29. Hinterhalt des Scheid-Wassers / §. 30. praecipitatio ejus, §. 31. ob nihil salinum, sed vitriolicum solum, §. 32. temperies aquae fortis, §. 33.*

**E** Gimus haecenus abunde, de operationibus, quarum medio metalla quasi communiter, omnia preparantur, depurantur, separantur; transimus ad cujuslibet in specie tractationem, quam ex sua natura, secundum suam propriam capacitatem, tanquam ultimo depurandum, & separandum, subit atque admittit. Erimus vero hic tanto breviores, neque tamen, nisi obiter forte & brevissimis, praeter solitas Docimasiae enchirises, aliquid tractabimus.

Ponemus itaque has ipsas mox in hoc limine, tanquam generalius quiddam, cui *specialia* illa seorsim subiciemus. Sunt itaque *operationes Docimasticae* similiter primo *preparatoria* mineræ, ut *contusio, lotura, ustio*; in curiosioribus etiam *maceratio, extractoria, fixatoria*. Deinde *depuratoria* operationes, *fusio*, sive *simplex*, sive *imbibitoria*: utrinque tamen cum *additamentis*. Ultimo denique pure *separatoria* operationes, quibus metalla ab invicem præsertim *nobiliora* ab *ignobilioribus*, *tractabilia* ab *intractabilioribus*, in *homogeneitatem* suam vindicantur.

*Addimenta* illa omnibus communia, ita tamen, ut aliud alii metallo, præsertim diversis intentionibus, magis quadret, sunt ita dicti *Fluxus*, seu *stimuli malactici*, *Flüsse*; qui in genere, sunt duorum generum, alter *scoriam* respiciens, seu *saxeam* mineræ portionem, alter *mineram & metallum ipsum*.

*Prior vitrum* fusorium, *Schmelz-Glas*/ *Glas-Fluß*/participat præcipue de *vitro plumbeo*. Paratur proinde è *silice*, præsertim *teneriore*, & per se *fusiliore*, & *plumbi calce*, *minio*, aut *lithargyrio*: sine, vel cum aliqua portione *salis communis*, fusionem primam, & teneriorem subactionem promovente, deinde vero à vitro ipso iterum separanda.

Laudant aliqui *vitrum* è *plumbo* per *arsenici adjectionem* resultans, *hyacinthinum*: sed vix periti *Docimastæ* hoc probant, nisi peritissime præparatum, neque tamen tunc etiam, in *vera docimasia*, qua nihil novi inducendum est, alteri vulgo noto antefendum.

*Posterior*, est *salinum* quoddam compositum, quod ex *inequalibus* partibus *nitri & tartari* conficitur, nempe *tartari* partibus *quatuor*, ad *duas* partes *nitri*: Id est, proportionem hujus *salis simplæ*, ad *sesqui alteram*, vel *duplam*, *nitri*. Cum vero nota sit illa *eliquatoria efficacia* *salis* hujusmodi, quod è partibus *æqualibus* *nitri & tartari* prognasci solet, prorsus *alcalica*, unde etiam *salis tartari extemporanei* nomine designari solet; non immerito nasci videtur quæstio, cur nam hic *due* partes *tartari* adhibeantur, cum ad *nitrum* in *alcalicam* plane naturam convertendum, utique *simplex æqualis* quantitas *tartati* suf-



ficiat : quemadmodum vero aliæ quoque docimafticarum talium rerum rationes, quantum nobis quidem innotescat, nusquam commode prolatae sunt, ita hujus etiam rei causam, frustra ab operatoribus exquisiverimus.

11 Est vero illa sola, quod in isto ex *inequali* pondere tartari addito, enato sale, adhuc multum tartari *phlogisto* sua substantia pollentis, sive *carbonis* tartarei præsto sit : unde quidem sine nitro, etiam una pars *salis tartari*, cum æquali addita parte tartari *crudi*, sed prius seorsim candefacti, eidem effectui satis commode inservire potest.

12 *Generalis* pariter census in Docimasia sunt *fusiones* illæ, partim simpliciter *liquatoria*, partim *colliquatoria* cum aliis rebus. Utræque quidem perficiuntur ordinarie cum *additamentis* : intercedit vero solum illa differentia, quod è *simplici* liquatione, *metallo* nihil, sed *scoriis* forte tantum, accrescat : *colliquatione* vero, *metallum* præcipue cum alio intimius combinetur, & fere quidem simul *scoriis* etiam hoc ipso aliqua accessio eveniat.

14 Est *colliquationis* istius primarius usus atque effectus, in metallorum *imbibitione in plumbum* ; quod vulgo *Ansieden* appellant. *Minera* nempe *argenti*, vel *cuprum* etiam, debita calcinatione à *sulphure* superfluo exustum, & modicum saltem ejus adhuc retinens, *schwarz Kupffer und unschmeidig Kupffer* / so auf gar Kupffer probiret werden soll / super patellam vitrificatoriam, vulgo *Treib-Scherbel* / *plumbo* jam ferventi illiquantur, & relinquuntur ibidem, sub continuato hoc *plumbi* fervore, donec plumbum ex aliqua parte, si *argenti* fuerit *minera*, aut *universum*, si *cupro* additum fuerit, in vitream *scoriam* abeat : qua quidem ratione, quicquid adhuc in *argenti* *minera saxei* præsto fuit, secum in *vitrum* colliquans, eo ipso libero secessui & subsidentiae *argenti*, seu *immersioni* ejus in plumbum, locum præbet : in *cupro* vero, consumpto adhuc in superficie *plumbi* reliquo illo *sulphureo*, quod hætenus *cuprum* adhuc detinuerat, *subsidet* hoc quoque ita liberum factum, in ipsum plumbum : hoc vero in *vitrum* abeunte, remanet *cuprum* in nativa sua puritate, dum præcipue minus *plumbi* adhibitum hic fuit, & reliqua etiam circumspectio, in ultima *plumbi* *vitrifi-*



*vitricatione*, recte adhibetur, ne *cuprum* uisione candefactoria diutius affectum, ex parte in *crocum* fatiscens, imo in *auras* profligans, examen seu probam fallat.

In hac operatione contingit utrumque, nempe *colliquatio* 17 metalli cum metallo, & *liquatio* seu *eliquatio* è *saxo* atque *minera*, cum *mutua concretione* inter hanc, & *plumbi vitrescentem* substantiam.

*Ustio* *docimasiae* quoque subinde necessaria, nihil peculiare 18 habet, quod non in superioribus & *ustione in genere*, jam commode tactum atque tractatum sit: ubi quidem ratio utique svadet, in valde *exigua* quantitate materiae, qualis ad *docimasiam* adhiberi consuevit, *candefactionem* in illa proportionem non nisi *moderatissimam*, locum habere posse, aut ad minimum successivis circumspectissimis *augmentis*, si iisdem egeat, intendi debere.

*Vasorum docimasticorum* duo sunt genera: (1) *scitilia*, *crucibula*, 19 *catillus vitrificatorius*; *Treib-Scherbel* zum Ansieden der Silber und Verschlacken der Kupfer-Proben: *cucurbitina* quoque, seu in *conicam* angustiam desinentia, diffilationi interdum adhibenda, *Duten* / appellata: (2) *Cineritia*, sic dictae *cupellae*, *Capellen* / & si majores for- 20 mentur, *Test* appellatae. *Priorum* illa sola est consideratio, quomodo è materia formentur, quae non modo *ignem* optime toleret, sed etiam *vitrum saturni* ita perferat, ne cito & temere cum eodem in vitrum similiter *colliquefcat*, quod quidem, si *sabulosa* consistentiae 21 fuerit lutum, promptissime facit: unde perforantur vascula interdum, & insignem jacturam temporis inferunt. Possent hic aliqua moneri, sed nimis crescit scriptum.

*Cupellarum* fundamentum est (1) ut nullo modo *vitrescant*, (2) 22 ut *porosa* sint, neque tamen (3) nimia mollitie temere *dilabantur*. Formantur propterea è *cineribus*, *falsedine* alcalica liberatis, additis etiam quae veram *vitrescentiam* plane respuunt, *ossibus* uistis. Eodem nomine usurpatur hodie cum magno compendio, pulvis in quem 23 uisione fatiscit saxum illud minerale calcariae indolis, *foliata*, veluti talciformis texturæ, *weisser Spat*. Madefactus hic pulvis, cum tenui solutione *vitrioli* formatur mox in modulo, & potest post instan-



stantaneam desiccationem mox in usum trahi. Tentavimus simi-  
 24 lia cum lapide *fissili* nigro-cœruleo communissimo tectorum, Dach-  
 Schaeffer/ cum *creta*, *gypso*, & varia phænomena nacti, cum quæsitæ  
 brevitæ enarrationem dissuadeat, harum rerum curiosis facilia hæc  
 experimenta similiter commendamus. Præcipuum incommo-  
 dum quod *cineritias* illas urget, est necessitas *diuturnæ* lenissimæ *desic-*  
*cationis*, antequam furno vel auctiori calori committi possint, citra  
 25 fissurarum eventum: imo multis *septimanis* denique resiccatae,  
 communiter proxime *hore* spatio egent ad candefactionem suffici-  
 entem: qua nondum facta, imposito plumbo, è meditullio suo bul-  
 las adhuc aëreas promunt, quæ plumbum dispergendo, probas fa-  
 cile fallunt. Vocant die Capellen abâthmen/ nempe ab halitus illi-  
 26 us, quem alias expirant, excussione, sonst hüpft das Blei/ sprizet/  
 und fälschet also die Probe. Porositas poscit prudens moderamen-  
*percussionis*, in formatione, daß man sie nicht zu starck schlage/ sonst  
 ziehen sie nicht. Sufficiat hæc dixisse de fundamentis hujus instru-  
 menti.

Placet non præterire traditionem illam, qua scriptores do-  
 27 cimastici communiter hortantur, ut in formandis cupellis à *suillo-*  
*rum ossium* admixtione caveamus; plerique nullam addunt ratio-  
 nem, aliqui vero causantur ipsa surripere, sie rauben. Sed non  
 28 possumus hic aliquid solidum afferre, quod experientia luculenta  
 suppeditet aut confirmet, unde quidem tantisper seponimus.

Supereſt *auri* solius separationi ultimæ ab *argento*, dicata *Aqua*  
 29 *separatoria* Scheid-Wasser/ vulgo *aqua fortis*. Fit è *nitro*; additur illi  
*vitriolum* præcipue ut *spiritus* è *nitro* liberetur: alteraritamē modi-  
 ce à *vitriolo*, per partem hujus *metallicam*, illum spiritum *nitri* non  
 plane quidem inficiabimur: illud vero penitus negamus, quod in  
 negotio hoc vulgari *docimastico*, insignem considerationem merea-  
 tur; Excepta illa circumstantia ejus, qua *auri* pondus interdum au-  
 30 gere observatur: quod vulgo interpretantur, quasi *aqua fortis* tan-  
 tillum *argenti* apud *aurum* relinquat Hinterhalt des Scheid-Wassers  
 vocant. Sed revera alia penitus causa subest, neque parvi usus  
 essent, dummodo in copia suppetereſt, ejusmodi aquæ fortes quæ  
 quam-



quamplurimum ejusmodi residui apud aurum relinquerent, ubi quidem Docimaftis facile pro talibus exhiberi posset alia, quæ nihil horum faceret, adeoque ipsis nihil molesta esset. Ad elucidationem harum rerum meretur attendi historia, quam in hoc genere notatu dignam adducit *Beccherus*, in *Minera Arenaria* si recte memini, de *aqua fortis* tali, mediante qua multum *auri* in separatione obtentum fuerit.

Hæc interim est *una*, in *aqua fortis* usu Docimaftico necessaria cautela, ne calculus deinde fallat: *secunda*, est necessaria illa *de-* 31  
*puratio*, per *præcipationem aquæ fortis*, das *Fällen des Scheid-Wassers*: ubi videlicet recepta penitus est sententia quod *nitro* non nihil *salis communis* adhærescat, adeoque sub destillatione spiritum suum huic admisceat, qui, quia *solutionem* argenti impedit, *auri* vero solutionem promoveret, aut *præcipitato* rursus sub initium solutionis modico *argento*, *pondus* auri adulteraret, secerni ab aqua forti necesse habeat. Sed non est æque spiritus *salis*, quam *vitrioli*, ut apparet 32  
ex ejusmodi *argenti*, ad præcipationem hanc adhibiti, *fusibilitate* difficillima: cum *luna cornua*, è *salis* spiritu, præcipitando nata, summe *fluxilis* sit, ut abunde notum.

Expetitur *aqua fortis* non nimia etiam *energia*; ne effervescentia justo majore, ramenta auri dissipando, examen fallere possit. 33  
Unde quidem *mediocris* præcipue laudatur, & si nimium fortis sit, proportionata additione *aquæ* ad hanc temperiem reducitur.

His ita *generalioribus* præmissis, transimus ad *specialissima*.

## CAPUT I.

### DE

# AURI ATQVE ARGENTI DOCI- MASIA EJUSQUE RATIO- NIBUS.

## SUMMARIA.

*Inter perfectiora metalla, §. 1. argentum tamen facilius alteratur, §. 2.*

Mmmmm

sed



*sed docimasia liberatur, §. 3. mutua cognitio necessaria, §. 4. Aurum, se-  
cus quam vulgo creditum, §. 5. alteratur à sulphure, §. 6. & antimo-  
nio, §. 7. stanno, §. 8. ferro, §. 9. volatilifatur aurum ab antimonio-  
arsenicalibus, §. 10. extrahitur inde aqua regis §. 11. depuratur mer-  
curio sublimato, §. 12. 13. non comburitur aut vitrificatur §. 14. aurum  
metallis immixtum non subsidet, §. 15. 16. cementatio auri, §. 17. colo-  
ratio superficialis & intimior, §. 18. Coloribz | §. 19. argentum facile  
arripitur à sulphure, §. 20. sed mox quoque dimittitur, §. 21. ab arse-  
nico & antimonio arripitur & diripitur, §. 22. sulphur igne facile abi-  
gitur, §. 23. arsenicum magis plumbo §. 24. sub fusione rapit, §. 25.  
antimonium ad vitrescentiam dispositum abit, §. 26. stanni calx ar-  
genti fusionem moratur, §. 27. aut scorias pertinaces format §. 28.  
subvenit caput mortuum aqua fortis, §. 29. concretio in glebas, §. 30.  
martialia secedunt promptius, §. 31. tam propter sulphur, §. 32. quam  
per plumbum, §. 33. antimonialia per nitrum auferuntur, §. 34. argen-  
tum minus corruptibile, §. 35. solutum precipitatur, §. 36. fit inde vo-  
latile, §. 37. reducitur pingvibus, §. 38. proportio argenti cum metal-  
lis mutua ad sulphur, §. 39. & aquam fortem, §. 40. repetita aetiologia  
imbibitionis & cupellationis, §. 41. cautela de fissuris cupellarum, §. 42. si  
argentum non coruschet, §. 43. nihil æque periculi subest. §. 44.*

1 **P**erfectiora hæc dicuntur Metalla, quia tam promptis alterationi-  
bus, quam quidem reliqua metalla, non exposita esse appa-  
2 rent. Differunt tamen inter se quoque mutuo, ita, ut argen-  
tum quidem longe plures adhuc, & satis promptas ejusmodi mutati-  
ones admittat: aurum longe paucissimas.

3 Mutationes nempe hæc, sive alterationes puritatis & consisten-  
tiæ metallorum propria, uti sunt illud ipsum, quod etiam docimasia  
4 ab iisdem segregari debet; ita inservit utique mutationum harum  
cognitio, perceptioni quoque remedium, seu indigitat, quid, &  
quomodo perficiendum occurrat.

5 Aurum in hodiernum usque diem creditum est, nihil affici à  
sulphure: contrarium demonstravit D. PRÆSES mense Aprili, de Vi-  
tulo



*tulo Aureo* &c. Adumbrat tamen id ipsum etiam defraudatio aliqua- 6  
lis ponderis auri, in fusione auri per *antimonium* non incognita: ni-  
si quod hic non injuria moneri possit, non præcise & unice solius  
*sulphuris*, sed *regulina* quoque & *arsenicalis* antimonii substantiæ, at-  
tendendam esse considerationem, interim testatur allegatum illud  
experimentum, quod aurum non modo à *sulphure* arripiatur, di-  
strahatur, sed etiam *alteratione* non prorsus levissima afficiatur: de  
qua quidem prolixior hic esse non placet.

Longe facilius nempe, imo vero familiarius patitur aurum 7  
aliquid heterogeneitatis *antimonialis*; *Mercurialis*, & *salina*, potest  
quidem auro adhærere, sed non solet adeo familiariter, præsertim  
nativo, evenire: *stanni* intimior admixtio quamvis vix sensibilis 8  
quantitatis, quam refractarium efficere possit aurum ad colliqua-  
tionem, monstrat præcipitatio illa *Cassiana* in tract. de Auro, pag.  
96. *Ferrum* quoque cum auro colliquatum, quid valeat, monstrat 9  
sic dictus *pulvis Solaris Poterii* vulgo dictus, quem *Tachenius* putat  
eundem esse cum *Boyleano*: è quibus utrisque, communibus &  
veluti crudis operationibus, *reductio* auri quam difficulter succedat,  
notum erit expertis. Quemadmodum vero hæc magis veluti *fi-*  
*gendo*, nempe difficillima sui ipsorum fusione, *reductionem* Solis  
impediunt; ita accusatur non raro, nec quidem immerito, *vola-* 10  
*tilitas*, auro ab inquinamentis *antimonio-arsenicalibus* adhære-  
scens.

Huic quidem destinantur proinde variæ modo *præcipitato-*  
*rie*, modo *extractorie*, modo *imbibitorie*, fixationes: quemadmodum  
alteri illi speciei, per diuturnas & tenuissimas *vitricationes*, nec non  
*salia* debite adhibita, dextre succurritur.

Ubi quidem pro *extractionibus* talibus, *aqua regis*, è spiritu ni- 11  
*troso* & *salino*, vel *sale armoniaco*, adhibetur, quæ aurum aggreditur,  
*crocum* vero *martis* non æque: sicut etiam dextra applicatio *mercurii*  
*sublimati*, aliquid hic potest, præsertim in *stanneis* illis inquinamen- 12  
tis: sicut etiam eodem casu, *luna cornua*.

Unde quidem ipsi quoque aurifabri, die Gold-Arbeiter /  
quando aurum refractarium sub manu habent, quod *antimonialibus*



aut similibus *regulinis*, *jovialibus*, & congeneribus heterogeneousitatibus, mole quidem minima, sed efficacia tamen magna, imbutum, velut sacrae anchorae instar habent *mercurium sublimatum*; quo ipso  
 13 talia auferuntur, per *salia* illa corrosiva in halitum resoluta, sic dicti *butyri antimonialis* & *jovialis* exemplo.

Ante omnia vero resistit aurum omni *combustioni* atque *vitrificationi* propriae; unde quidem plumbo imbibitum, cum hoc vitrescere, adeoque in cupellam mergi, minime valet. Non quidem  
 14 quod *gravitate* sua in hujus generis metallis ad *fundum* subsideat; sed quod in universam massam etiam expansum, ab *igne* tamen alterari non valeat: revera enim etiam *paucissimum* aurum, metallo quantumlibet leviori, fusione recte immixtum, per omnem hujus quantitatem, late & tenuiter *extenditur*.

15 Quamvis enim in *crassioribus* adhuc frustis, *argento vivo* injectum, in eodem ad fundum labatur: si tamen in eodem *dissolvatur*, diffunditur eo ipso atque extenditur, per universam ejus molem, ita sane, ut haec circa superiorem superficiem sui, aequae dives tunc sit, quam circa fundum suum.

His fundamentis innititur *docimasia* auri, praecipue vulgata, illa enim fit imbibitione in plumbum, *cupellatione* quartatione, seu separatione cum aqua forti.

Non aequae quidem *docimastica*, revera tamen auri exquisita depuratoria, est, tum fusio per *antimonium*, tum *cementatio* ejusdem: quae quidem peragitur per acidum *nitrosum*, *nitrum* nempe, cum talibus additis, quae acidum ejus liberare possunt.

18 *Coloratio* sed superficialis tantum, auri, per *urinam*, *sal armoniacum*: *intimior* etiam, sed *cupellam* non ferens, bene tamen *antimonium*, e *viridi aris*, & *cupro* per fusionem & *antimonialem* separationem adhibito. Haec omnia non tam ad *docimasia* spectant, quam fucos metallicos, ab ista potius alienos. Pertinet etiam ad hunc censum, superficialiter exaltandi colorem auri, additio *viridis aris* in *ceram* illam incorporatoriam *glue-Wache*. Alia est ratio  
 19 mixturae illius *viridis aris*, *aceti* & *salis communis*, *Coloris*; ubi tenerima



rima cupri corpuscula auro velut interposita, erosa, colorem ejus exaltatum relinquunt.

Ne nimium excrescat nostra tractatio, nequaquam placet varias alias aurum concernentes operationes ulterius hic adducere, imo ne quidem *amalgamatorias*, dum docimasticum scopum, de quo nobis præcipue est sermo, non feriunt.

*Argenti* jam multo & plures, & faciliores, obtingunt alterationes. Arripitur enim promptissime à *sulphure*, quamvis non 20 valde tenaciter cohæreat, neque admodum inde *diripiatur*. Ab *arsenico* vero, imo ipso *regulo antimonii*, non modo apprehenditur, 22 atque detinetur firmitus, sed *dissipatur* etiam in auras, adeo quidem, ut neque per ipsum *cuprum* impossibilis sit, notabilis argenti ad *dissipationem* alteratio, & veluti prædispositio: *sulphur* commune deserit facilius *argentum*, solo *Ignis* actu: quod proinde fundamentum quoque est, *ustionis* docimasticæ *minerarum* argenti. *Arsenicales* impuritates divaporant magis sub *ustione*, minime tamen profecto æque promte: *plumbo* vero imbibitæ, deferunt facilius *argentum*, ar- 24 roso, & in *scoriam* vitream converso ipso *plumbo*: alias, & si ad *fusionem* usque impacta metallo permaneant, admissio præsertim aëre, 25 *diripiunt* hoc in auras. *Antimonialis* regulina substantia, *ustione* nequaquam ita facile exhalat, cum argento remixta: Admissio vero aëre copiosiore fusa, *rapit* *argentum* in auras: facilius disponitur *leni*, sed diuturniore, *ustione*, ut deinde in *vitrescentem* statum abeat, 26 adeoque *plumbo*, dum huic *argentum* incoquitur, supernatans, *scoria* ejusdem deinde associetur.

*Stannum*, quemadmodum pertinaciter aurum à fusione distinet, quando semel *calcis* forma cum eodem coaluit: ita *argento* 27 quoque sic affixum, frustratur non minus *promptam* ejusdem colliquationem: imo abit non raro, æque ac *arsenicales* crudiores, & nondum puriores in suo genere, heterogeneitates, *Wulfraam* in 28 *scorias* valde pertinaces, quæ etiam *fusionem* deinde respuunt: quibus subveniri solent per momentum de *capite mortuo aque fortis*: quod 29 quidem hoc loco agit ex indole sua *martiali*, non tamen crasso sed subtili prorsus modo, quem illi melius intelligere poterunt, qui re-



ductionem *stanni*, cum plumbo in cineres fatiscientis, solo *contactu* ferri promotam, item liquationem *mercurii sublimati*, magis propemodum solis *halitibus*, quam insigni corporali immixtione ferri, cognita habent, & perspecta. Et hæc quidem *scoriarum* condensatio, differt ab illa, quæ nimio gradu ignis, in minera valde adhuc fluxili, *sulphureo-antimoniali* aut *arsenicali* obtingit, ut materia hæctenus pulverulenta, denuo in *glebas* coalescat, quia ignis easdem non satis permeare potest, quæ proin eximendæ, atque denuo conterendæ sunt; quod in illis ante dictis neque factum facile est, neque sufficit.

31 Pauca inquinamenta *martialia* ab *argento* quidem paulo *piofiore*, multo facilius secedunt quam ab auro; dum enim argentum propemodum ordinarie aliquid *sulphureæ* substantiæ in minera conjunctum habet, qua *aurum* communissime destituitur: *sulphur* autem *martiale* substantiam satis fusilem efficit, neque quidem *ustione*, ab eadem ita facile ut ab *argento*, depellitur: non remoratur inde insigne ingressum *argenti* in *plumbum*, neque respuit etiam pertinaciter incorporationem sui ipsius in *vitreas* plumbi *scorias*.

34 Extra *docimasiam* perficitur promptius separatio *antimonialis* substantiæ ab *argento*, per *nitrum*; sive postquam hoc plumbo jam immersum est: sive etiam sine plumbo: & hic quidem præcipue tanto expeditius, quo plus *regulinæ* substantiæ argento adhæret: prout de illo negotio prolixior fuit *Glauberus*.

35 De cetero habet hoc *argentum* quoque cum *auro* commune, quod nulli *consumptioni* adeo facile expositum, ex eodem fundamento & in *ustione*, & in *cupellatione* facile persistat, & ibi detrimentum nullum patiatur, uti quidem jam supra quoque monuimus.

36 *Argentum* in *aqua forti* promte solvitur; spiritu vero *salis*, aut *vitrioli* præcipitatur iterum: licet non æque exquisitissime: siquidem & illa *aqua fortis*, è qua *argentum* per *sal commune* præcipitatum fuit, postliminio iterum aliquid *argenti* solvit, etiam de illo, quod præcipitatum subsederat: & ipsum etiam *aurum* aggreditur: adeoque utrisque modis *ἀκριβῆς* *docima*stici fallit.

*Argentum* è solutione cum *aqua forti* per *sal commune* aut *spiri-*



tum ejus, vel *sal armoniacum*, præcipitatum, nanciscitur ab hac ipsi  
adhærente substantia insignem *volatilitatem*; adeo, ut non modo vi- 37  
sibiliter *effumet*, sed de sua utique substantia, præsertim si *aër liber*  
concurrere possit, bonam quantitatem simul in auras abreptam  
amittat. De qua re notatu digna est illa jam à *Kunkelio* facta asser-  
tio, quod verisimillimum appareat, quando hæc materia *plumbo* im-  
bibitur, (ubi ingens fumus erumpit) sub hac actione plus quasi de  
*plumbo* in *argentum* convertatur, quam ipsum nude inde *reducatur*.  
Quibus sociari possunt ea quæ *Beccherus* habet *Supplementi II.* numero  
55. & 147. *Reducitur* vero hæc substantia, sine argenti deperditione, 38  
cum *pingvibus*, oleo quocunque, *sebo*, *sapone*: utpote quæ ipsum *arseni-*  
*cum* in *regulinam* formam deducunt, *metallo* nempe *simillimam*.

Neque tacenda hoc loco est, illa diversa *proportio argenti* ad *sul-*  
*phur*, & *solventia salina*, in comparatione ad reliqua metalla, his iisdem  
obnoxia: ubi nempe brevissimis, *sulphureæ* invasionis hic est ordo: 39  
*mercurius*, *regulus antimonii*, *argentum*, *plumbum* aut *stannum*, *cuprum*,  
*ferrum*. *Solutionis* in aqua forti, hæc *scala*, *argentum*, - *mercurius*, *plum-* 40  
*bum*, *ferrum*, *zincum*. Hæc omnia & singula, constituunt *Fundamenta*  
*decimasie argenti*.

Dum enim *minera argenti* uritur, deserit ipsam maxima pars 41  
*sulphureæ* suæ substantiæ, præsertim abundantis; quicquid vero te-  
naciùs adhæret, *sulphureæ* & *arsenicalis* quoque substantiæ, imbibitio-  
ne mineræ in *plumbum*, deserit hanc facillime & accedit *plumbo*, scori-  
am formans vel leviter *sulphuream*, vel tenuiter *vitream*, eo ipso vero  
mergitur *argentum* & diffunditur in totum latifundium *plumbi*. Dum  
vero *plumbum* in tenerrimum *vitrum*, *aëris* & sufficientis caloris bene-  
ficio convertitur, *argentum* vero hujus quidem mutationis non ca-  
pax est, colligitur inde magis magisque in arcum, in reliqua adhuc  
similiter metallica consistentia fluentis *plumbi*, donec tandem hoc  
penitus in *vitrum* transformato, tunc etiam per se purum, in unum  
granum collectis omnibus miculis, propria sua metallica facie &  
fusione resistet. Hæc vero *vitrescens* *plumbi* substantia, *porosum* cor-  
pus *cupellæ* perreptat, eique sese ita insinuat, ut tandem quasi tota  
vanescens, *argentum* ita purum post se relinquat.



Abesse debent omnes *fissurae* & *foveae*, a cupellæ superficie; cum alias *argentum* in his, quamdiu adhuc plumbo distentum est, 42 dividatur, & ita *distractum*, nullum deinde *unitum* granum formet, plura vero demum corradenda, pondus tenerimum facile fallant. Opponitur quidem huic periculo communiter subtilissima illa *Glares* pulveris ossium densiorum, dic *Kläre*/ qua *superficies* cupellæ obtegitur; sed revera tunc non sufficit, quando cineritiæ cupellæ demum in furno rimas agunt. Nihil vero horum timendum est in illis, quæ e lapide illo *alabastrino* subterraneo, dein *Spat*/ formantur.

*Coruscationis* varium das Silber/ nach Abgang alles Bleyes/ blicket/ rationem, supra tetigimus: accidit vero interdum, si largi- 43 or *æstus* accadat, ut etiam *argentum* ipsum, in tam exigua quantitate, consumpto omni plumbo, *fusum* restitans, non coruschet, sed splendeat, daß es spiegelt. Sed dignoscitur tunc facilius, si eadem quantitate, sine ullo ulteriori *decremento*, perdurat: & si plane successive *æstus* non nihil temperetur, wenn ihm ein wenig klärer gethan wird/ facile denuo *coruschet*, daß es stehen bleibt. Quod quidem similiter facit, si cito refrigeretur; sed tunc incommodum illud supra citatum subit, ut in superficie *asperitates* induat, efflorescendo, unde præter aspectum ingratiorem, aliquid etiam dispergi possibile est, versprihet/ si præcipue molecula major fuerit.

44 Alia vero fontica nulla certe subest, periclitatio, si vel maxime, consumpto plumbo, residuum argenti granum, adhuc diutius non modo relinquatur, sed etiam fluat. *Superfluum* saltem est, non vero *noxium*. De *moderamine* ignis, si *cuprum* cum argento conjunctum fuit, quod nempe, & cur, hoc in casu, ignis sub finem moderatior subministrari debeat, diximus superius.

CAPUT II.

De

CUPRI DOCIMASIA EJUSQUE  
CIRCUMSTANTIIS.

SUMMARIA.

*Cuprum sulphur, quo in minera luxuriat, ægre dimittit, §. 1. facile cum ipso colliquescent, §. 2. sub scorias tamen subsidet, §. 3. Non ita facile vitrescit §. 4. sed exurit. §. 5. facilius tamen jam purum §. 6. juvat combustionem ejus simplicem plumbum, §. 7. cum nitro, regulus antimonii & sulphur. §. 8. Docimasia cupri positiva, §. 9. non æque incumbit Docimastis, §. 10. sed privativa, §. 11. quæ etiam ad Docimastas monetarios spectat. §. 12. A ferro depuratur cuprum per plumbum, §. 13. à quo tamen in magno ductilitas ejus vitatur, §. 14. cuprum eliquatum, gescigert / ad orichalcum inutile est. §. 15. exempla parallela. §. 16. expansio cupri per salia volatilia, §. 17. separatio exquisita ab argento, dum luna cornua formatur. §. 18. Orichalcum, §. 19. fit è Cadmia seu Calaminari, & cupro, §. 20. Cur Cadmiam vocemus, §. 21. coalescit ejus fere tertia pars cum cupro, §. 22. respuitur à mercurio currente, §. 23. exurit igne, §. 24. separatur solutione. §. 25. Cuprum flavum cum Zinco, Prunz-Metall. §. 26.*

**P**Lurima de hoc metallo jam superius tradidimus, præsertim quæ ad consuetam ejus docimasiâ faciunt. Brevissimis repetendo, sunt sequentia: *Cuprum*, inseparabile propemodum est, in minera sua, à *sulphure*; habet illud quoque adhærens in abundanti prorsus, neque adeo intime, *tenaciter* tamen, cohærescente, *quantitate*. Amittit ægre, præcipue ultimam ejus portionem. Fluit cum ipso facile, & satis tenuiter; eo ipso tamen dissidet adhuc ita à vitreis scoriis, ut in fusione sub illas subsideat. Quo magis vero

Nnnnn

Sul-



*sulphure* hoc superfluo orbatur, eo difficilius fluit, sed & gravius ponderat.

Prompte in *vitream* consistentiam non transit, cum prius in  
 4 *calcem* exuri necesse habeat: ex illo vero schemate, longe difficilius  
 deinde in *metallicam* suam consistentiam revertitur, nisi *plumbeo vitro*  
 5 subveniente. *Exurit*ur interim sic satis facile, non solum in modo  
 6 nominatam consistentiam *croci venerei*, & propemodum quidem  
 promptius, *depuratum* jam, quam adhuc *sulphuratum*: imo & citius, &  
 copiosius in illo, quam hoc statu: ut jam supra monuimus. Ubi  
 tamen vix dissimulare licet, quod utique ipsum plumbum, nonni-  
 7 hil contribuere videatur ad illam promptiorem ejus *deflagrationem*;  
 sicut revera *regulus antimonii*, imo ipsum *sulphur*, haud parum con-  
 8 tribuit ad faciliorem ejus incensionem cum *nitro*, ut in *rubram* pul-  
 verulentam massam faceffat.

Pendet ab his circumstantiis *docimastica* cupri tractatio, tam  
*positiva*, qua illud asseritur & *conservatur*, quam *privativa*, qua ab ar-  
 gento depellitur, secernitur atque *absumitur*.

9 Ita enim dum *minera cupri positive* examinatur, fit hoc vel  
 uno actu, quando jam fusum illud *sulphureo-cupreum* magma pri-  
 mo assumitur, *Kupffer-Stein und Schwarzkupffer auf Kupffer* pro-  
 biret/aut plane ipsa *minera* cum *salino* illo fluxu, primo quidem ad  
 hanc *sulphuratam* consistentiam colliquatur: hæc vero demum dein-  
 ceps, ad *puritatem* suam reducitur, *Kupffer Erz auf Schwarz Kupf-*  
*fer und gar Kupffer* probiren. Ubi quidem *docimastæ* perpetuo  
 monent, quod non adeo *exquisite* possint fieri hæc examina, quin  
 metus aliquis subsit, ne tandem de cupreo *puro* grano tantillum  
 combustum, probam fallat. In quo quidem negotio satis candidus  
*Sachs*/ hunc quidem modum quasi maxime propterea bonum esse  
 censet, quia non detur *melior*, quamvis hunc censura non caritu-  
 rum, metuat. *Schindler* in libello suo *docimastico* non ineleganti,  
 præter consuetas confessiones difficultatis circa exactum succes-  
 sum, duo ingerit, primo non cujuslibet, sed tamen dexterorum  
*docimastarum* esse hoc artificium, ubi simul subinnuit specialissi-  
 10 mæ *enchiriseos* concursus; secundo, quod hoc examen directe  
 officio



officio *jurati* Docimaſtæ plane non incumbat, ſed potius *fuſoribus* & officinarum magiſtris; es liege keinen Probirer ob/aus Pflicht dieſe Proben zu machen/ ſondern es gebühre den Schmelzern und Hütten-Meiſtern. Spectat vero magis ad Docimaſtas, argenti, præprimis è **11** cupro docimaſia, privativa nimirum illa, Kupfer-Erk/ Kupfer-Stein/ Schwarz-Kupfer auf Silber zu probiren / in ordine ad ſeparationem Eliquatoriam argenti è cupro, zum Kupfer-Seigern/ & *cupri* jam puri, examina. Gar Kupfer / Schneidige Kupfer auf Silber zu probiren; Quemadmodum ad Docimaſtas Monetarios, Waradein / examen argenti cupro varie adulterati, Bruch- und Werk-Silber / Grana- **12** lien von allerhand ſchlechten Silber/ſchlummen Sorten Münze / auch wohl dann und wann befindlichen Silberſcheiben/von Wetter oder ſonſt beſchädigten Blocken/ Probirung auf Silber / ad rem monetariam reſpiciente intentione.

In omnibus *poſterioris* hujus generis examinibus, apparet utique *privativa* illa docimaſia, dum in hiſ caſibus, retento ſolum argento, *cuprum* omne conſumitur, & comburitur.

Ceterum, quia *cuprum* jam magis *purum* facile in *plumbum* demergitur, *ferrum* vero *plumbum* minime ſubintrat, ſed eidem *ſuper-natans*, & in ejus *ſuperficie* exuſtum, *vitrescente* plumbi ſubſtantia, **13** involvitur; poteſt inde *cuprum* mediante plumbo ad depurationem ſuam à *ferro*, ſic reduci, & hac ratione veram *docimaſiam* ſubire, adeo ut revera *pyrotechnica* alia methodus æque exquisita, minime ſperanda ſit.

In magno quidem, habet illa, præcipue paulo copioſior, admixtio *plumbi*, hoc incommodi, quod ab ipſo *cupro* in ejus ultima depuratione, non æque ita exquisitiſſime *exuri* & *abſumi* poſſit, quin in poſterum, valde exigua quoque quantitate in *cupro* adhuc, *halitus* **14** quaſi forma diſperſum, *ductilitatem* ejus aliquatenus vitiet. Cui quidem adſcribimus, quod *cuprum* argento, ope *plumbi*, evacuatum, ad parandum *orichalcum* minus aptum ſit; dum nimirum ipſa *cad-* **15** *mia* addita, *ductilitas* *cupri* plurimum decreſcit; quando vero demum hæc nova *intractabilitas*, jam per ſe *intractabili*ori *cupro* accedit, fit *orichalcum* inde natum, ad *malleum* & varios uſus quibus deinde,



16 adhiberi debet, ineptum. Ubi nempe plerisque etiam tam *auri-fabris* quam *arariis* fabris, satis cognitum est, quomodo vel *halitus stanni* carbonibus ipsorum illapsi, *argentum* & *cuprum* ita intractabile reddat, si in illis carbonibus repetita candefactione tractentur, ut deinde malleo minime obediant, sed sub ipso fissuras agant. Sicut etiam *aurum*, *plumbi fumo* ita penetrari notum est, ut plane *fragile* inde evadat.

Possemus alias *exquisitissimas* cupri quoque probas attingere, ubi v. g. per *salia volatilia urinosa*, *cuprum* ubicunque delitescens, 17 ita proditur, ut aliquot *uncie* talis *volatilis* salini spiritus ab *unico grano* cupri in satis conspicuum *ceruleum* colorem tingantur: sicut etiam *borrax* cum *nitro*, monente jam olim *Kunkelio*, minutissimam quoque cupri portionem ex *argento* penitus educit: item *nitrum* cum *regulo antimonii*, satis etiam exquiste ab omni cupro *argentum* ita liberat: sed cum hæc omnia in *docimasia* usitata non obveniant, non placet illa prolixius tractare. Cui tamen etiam leviore tali 18 *enchirisi*, *argentum* omni cupro satis accurate depuratum obtinere placuerit, poterit hoc ipsum assequi, si *argentum* in *aqua forti* solutum, spiritu *salis*, aut *solutione salis* communis saturata, præcipitet, & iterum reducat: ubi nempe quantulumcunque sub hoc *argento* adhuc delituit cupri, hac ratione nequaquam præcipitatur.

19 Fit e cupro *Orichalcum*, sive, ut e duabus linguis mixtum videatur vocabulum, *aurichalcum*, *cuprum* nimirum *aureo colore* ludens.

Fit hoc usitatissima methodo e cupro & *Cadmia*, *Galiner*. *Cementantur* nimirum hæc invicem, & funditur tandem *massa*: ita 20 *coalescit* propemodum *dimidia* portio, adhibita antea *cadmiæ*, cum ipso cupro, residua vero *cineris* magis forma, aut *scorie*, perit. Ita accrescit cupro pondus notabile de *cadmia*, & nunc quidem in consistencia cum ipso cupro non modo *metalliformi*, sed omnino *ductili*; adeo, ut in filum etiam tenerum, & laminas, imo *foliola* diduci valeat. Adhibetur huic usui tam *fossilis* *Cadmia*, *Svecica*, *Polonica*, *Aquensis*, quam *furnaria* illa, seu *fornacum* *Gosslariensis*.



Placuit appellare *Cadmiam*, cum alias lapis *calaminaris* vocari consueverit ; ubi quidem non modo appellatio magis arrisit, dum communiter *cadmia nativa, fossilis*, metalli modo compos, de *Cobalti* generibus, modo expers, nempe sic dicta *lapidosa* hæc, vocitatur : sicut etiam illa apud *Schræderum Calamites*, quid aliud est quam nostra, *Capniti* eo ipso contradistincta. Imo ut fundum rei dicamus ex *And. Cæsalpino*, de *Metallicis Lib. III. cap. 24. Calaminaris* corrupte Latinis dicta videtur hæc materia, cum *Italis* audiat *Giallamina*, i.e. *flavi* coloris, sive *minera*, sive effectrix res, sane ab *Italorum Giallo*, quod est latinorum quorundam *gilvum*, Gallorum *Gveule*, nempe *Stel Germanorum*. Sit itaque usitatus vel non sit, nobis certe, cum *Cæsalpino*, est *Cadmia*, multis nominibus, hæc quoque, sive *Calamites*, sive *Giallamina* illa. Quod verbo indigitasse sufficiat.

Ingreditur hujus materiæ magna quantitas in *Cuprum*, ita, ut paulo infra *tertiam* partem ejus in quolibet pondere metalli concurrat, aut ad summum inter *tertiam* aut *quartam* partem.

Quam tractabile vero hoc subjectum cum cupro sub malleo evadit, tam alienum & refractarium est *mercurio currenti*. Unde quidem non modo minus expedite commiscetur cum *mercurio*, sed etiam Experimento D. PRÆSIDIS, continuata diutissime tritura, cum reliqua debita enchirisi, secedit iterum, grysei pulveris forma, cuprum in nativa sua consistentia & colore relinquens.

Jucundum quoque aspectu est, quomodo materia hæc tanquam ad conflagrationem satis proclivis, velut uno ictu oculi igne absumatur, & residuum cupreum velut in sua propria consistentia relinquat, quando *foliola* ex *orichalco tenuissima*, quæ vulgo *geschla-gen Metall-Gold-Blätgen* vel in genere *Metall* appellant, candelæ admoventur, ubi, *fulguris* instar, in ignem tractum folii percurrit incandescencia, & in foliolo solum *cupreum* ruborem relinquit, exusto illo quod de *cadmia* continuerat.

Potest eadem ratione etiam *solvendo* à cupro separari hæc substantia, quia promptius quam cuprum solvitur.



26 Fit etiam hujusmodi *orichalcum*, è *cupro* & *zinco*, si quinque vel sex partibus *cupri*, addatur pars una *Zinki*, & inter se mutuo colliquentur; unde quidem exit metallum, *orichalco* adhuc magis coloratum, quod proinde seorsim, *Gelb. Kupfer* / & hodie vulgo *Pring. Metall* appellant, nempe quod Principis *Roberti* inventum censeatur. Qui vero traditam a nobis nativitatem *Zinki*, cum *Calamini cadmia* eandem, consideravit, facile quoque hunc effectum agnosceret.

## CAPUT III.

DE

## STANNO ET PLUMBO.

## SUMMARIUM.

*Stanni & Plumbi apparenter convenientium*, §. 1. *magna differentia*, §. 2. *praesertim mutuae*, §. 3. *stannum ductilitatem metallorum infringens*, §. 4. *examinatur vel per se*, §. 5. *vel ad aurum aut argentum*, §. 6. *per se quomodo*, §. 7. *efficacia sulphuris in stannum*, §. 8. *Plumbi habitus ad sulphur*, §. 9. *ad arsenicum*, §. 10. *ad saxa*, §. 11. *ad metalla*, §. 12. *ad ferrum*, §. 13. *Plumbum porosa corpora non penetrat*, §. 14. *exempla formationum*, §. 15. *vitrescens vero penetrans*, §. 16. *attenuatio plumbi ut instar mercurii fluat & per corium transeat*, §. 17.

1 CUM externa facie stannum & plumbum inter se sic satis convenient, *mollitie* tam sub malleo, quam in igne *fusionis*, quo lenissimo fluunt, (adeo, ut in paulo majore quantitate plumbum citius totum colliquescat, quam *butyrum*, *cera*, *pix*, monentibus *P. Lana* & *Celeberr. Sturmio* in *Physica*, ) mirum tamen non immerito est, quam insigniter circa alios effectus differant. Ita enim plumbum licet non difficulter in *calcem* seu cinerem abeat, non tamen adeo promte



promte illud facit, quam *stannum*: deinde hic *cinis* funditur promptissime in *vitream* tenuitatem, formans *vitrum fuscum*, cum *silicibus* vero è flavo *viridescens* quasi graminei coloris: è contra *stannum*, licet paulo adhuc facilius in *cinerem* abeat, est tamen hic ipse *fusioni* ita summe refractarius, ut non facile nudo igne in *vitrum* reduci possit: si vero cum *plumbi* vitro una colliquetur, manet tamen in hoc veluti pulveretenus suspensa hæc *calx*, ita ut obscuret prædictum *vitrum*, & in *lacteam* coloris consistentiam transformet.

Ante omnia pessime utrisque convenit inter se invicem; 3 unde quidem si *plumbum* cum *stanno* remiscetur, leni quidem igne facile sese invicem tolerant: si vero *candescent* invicem, & *aër* liber ipsis allabatur, exardescunt velut inter se mutuo, eoque ipso abeunt promptissime conjunctim in *cinerem*, ita ut *plumbum* non modo *citisissime*, & cum magno quodam impetu, *metallicam* suam faciem amittat, sed etiam *fusilitate* sua statim, & velut immediate atque in solidum ita privetur, ut nisi intensissimo igne, vix spem ullius *vitrescentie* faciat. Accedit his, quod *stannum* multo *levius* sit, *porosius*, *fragilius*, quam *plumbum*, *grave*, *densum*, *tenax*. Ita *reducitur* etiam *plumbum* quidem satis facile, difficillime *stannum*: aut ad minimum, quando utique *reducitur* *stannum*, non videtur adeo æque ejusdem *bonitatis* esse, sed prius notabiliter alteratum, habito respectu ad *primigeniam* suam, vel ordine ad minimum *primam*, consistentiam.

Facit vero hoc *stannum*, in omnibus reliquis metallis, si illis admisceri contingat, ut partim difficulter *integre* illa rursus à se dimittat: partim vero, si quantillum quoque ipsis immersum remaneat, *tractabilitatem* ipsorum efficacissime lædat. Unde quidem tanto plus incommodi in illis metallis, quæ recepta methodo per *plumbum* depuranda veniunt, *auro* & *argento*. 4

Hac ratione nulla propemodum instituitur *stanni* in se, adeo exactissima *docimasia*, sed examinatur magis accurate in ordine ad *aurum* vel *argentum*, quod in illo forte continetur. Quando per se examinatur *minera* stanni, *Zinn-Stein* oder *Zwitter* auf *Zinn* probiret/ 5



biret / tunc etiam satis mediocris *certitudo* assumitur pro suffi-  
 enti.

6 Fundamentum *stanni* in ordine ad *aurum* vel *argentum* exa-  
 minandi, consistit in ejusdem *calcinatione* in cinerem, & hujus dein-  
 de concoctione cum *plumbo*. Dum enim *aurum* & *argentum*, non  
 vere in *cinerem* fatiscunt, sed etiam inter talem alterius metalli ci-  
 nerem, *metallicam* suam consistentiam tuentur; fit inde, ut sensim  
 ex illa aliena *calce* in *plumbum* subsideant. Si tamen magnam illam  
*tenuitatem* perpendimus, sub cujus forma metallorum horum quasi  
*atomi*, in majore copia hujus inertis & refractarii cineris distrahun-  
 tur, facile quoque concipere nobis possumus, cur *longa* prorsus &  
 exquisitissima *vitrefactione* opus sit, antequam ex hoc *stanni* cinere,  
 corpuscula illa subsideant.

7 *Minera stanni* ad *stannum* simpliciter examen, perficitur per  
*fluxum* illum *salino carbonarium*, *minera* prius *ustulata*, cujus negotii  
 rationem jam superius dedimus.

8 De efficacia *sulphuris* in *stanni* separatione ab aliis metallis,  
 possent aliqua afferri, nisi nimium excresceret dissertatio, unde alii  
 occasione reservandum.

9 *Plumbi* habitus, partim ad *mineralia*, partim ad *metalla*, talis  
 est, ut *plumbum* promptissime *sulphur* recipiat, & ab illo etiam satis pau-  
 co in *friabilitatem* pulverulentam convertatur; Firmiter etiam in  
 hoc nexu *cohaere*cat, & intercedente *ustione*, *plumbum* dehinc in  
 consistentiam difficillime fusilem deducatur.

10 *Arsenicum* per se quidem, ex parte mox fumi forma *volatilizat*  
*plumbum*; partim vero in *vitrum* *hyacinthinum* convertitur.  
 Quando vero *stannum*, & quidem paulo copiosius, iisdem remisce-  
 tur, quod *vitrescentiam* impedit, fatiscunt tantum cito in *cinerem*, cui  
 ipsum *arsenicum* satis pertinaciter adhæret, neque sane promte per  
 ignem sese ab illis divelli patitur.

11 Cum *saxis* & *saxea* subtili substantia, ipsi *mineræ* intertextæ,  
 fatiscit admodum promte in *vitrum*, atque ita *scoriam*. Cum *cupro*,

12 *argento* & *auro* remixtum, abit *mitiore* igne in *cinerem*, *fortiore*, in *Li-  
 thargyrium*, nempe substantiam *vitrescentem* mollissimam, & fragi-  
 lissi-



lissimam, quasi friabilem. Cum *ferro* non miscetur nisi *exusto* & in *calcem* jam fatiscente, cum qua similiter *vitrescentem* talem consistentiam induit.

Nimia prolixitas quam metuimus, dissuadet nobis inquire-  
re in illam rationem repentinæ velut *exustionis* quam *stannum plumbo*  
inferre solet. *Ferri* autem cum *plumbo* disfidium, manifestius uti-  
que pendet ab illa, crassiore quoque modo, *terrea ferri* consistentia,  
cujus intuitu fluxui *metallico* subtiliori, non modo in se ineptum vi-  
detur, sed etiam ratione *densitatis*, & hinc *gravitatis* majoris plumbi,  
eidem immergi non valet. Sicut etiam in *mercurio* evenire vide-  
mus, quem idem *ferrum* ex iisdem rationibus minime admittit,  
nempe tam ob defectum veræ *metallicæ* mollitiei, quam propter  
hanc nimiam sui *levitatem*, cujus intuitu eidem perpetuo super-  
natat.

Ceterum repetimus unico verbo ex supra dictis, quod *plum-  
bum* æque, ac omnia reliqua metalla, igne *fusa*, nihilominus adhuc  
satis crassam consistentiam retineant, ut in poros aliorum corpo-  
rum non temere sese insinuare valeat. Quæ quidem res etiam  
spectatur in nuda fusione metallorum, & præcipue quidem plumbi.  
in *formas* seu modulos, metalla hæc, nisi adhibitis plane specialibus  
materiis, nequaquam accurate *influunt*, lassen sich nicht scharff gießen/  
quod tam in *typorum literariorum*, quam aliis exquisitis *formationibus*  
fusoriis, notum est. Quando vero vel cum *sulphure*, mollis scorix  
consistentiam induerunt, vel in *vitrum*, & præcipue quidem plum-  
bum, abierunt, tunc & superfici ei quorumlibet duriorum corpo-  
rum promte adhærescunt, & in poros illorum commode se insinu-  
ant. Et facit hoc quidem penetrantissime, ipsum plumbum ita in  
vitrum conversum, quæ causa est, & modus, in porosos cineritios  
catinos irrepenti.

De habitu plumbi ad *sulphur*, *aquam fortem*, aliqua jam supe-  
rius tacta sunt: Et posset hoc quoque loco proportio ejus ad *spiritum*  
*vitrioli* & *salis*, ad *acetum*, ad *mercurium vivum*, repeti, & ulterius de-  
clarari, sed piget nimium prolixum esse. Unico verbo placet lau-  
dare magnam illam & præterea repentinam plumbi *attenuationem*,



17 qua in tantam subtilitatem redigitur, ut cum æquali pondere *mercurii*, simul per *corium* transeat, & quidem præterea etiam alterum illud semimetallicum concretum, una hanc ipsam teneritudinem subeat, paucorum vero dierum spatio iterum in densam rigidam consistentiam sponte concreseat. Ut jam dudum cum aliis consideratu curiosis circumstantiis indicavit *Beccherus*.

## C A P U T. IV.

# D E F E R R O.

### S U M M A R I A.

*Ferrum puro sulphuri raro connascitur, §. 1. excepta minera martis solari Hasfiaca, §. 2. & Gosslariensibus vitriolicis §. 3. alias saxis & lutis, §. 4. purius in granis, §. 5. sed varius, §. 6. abundantia ejus in septentrionalibus, §. 7. & Germanis nostris regionibus, §. 8. ubi etiam chalybis copia, §. 9. digressio de immensa metallorum copia e Germania ad exteros profusa, §. 10. cum Americanis propemodum certans, §. 11. crepundiis commutata, §. 12. nominatim, sine dubio intra quadringentos annos quadraginta millia millionum numerum superans solius argenti & auri, §. 13. unde tanta divitiarum nationum, quarum terra hac metalla non fert, §. 14. ferrum nisi purum a magnete non trahitur, §. 15. unde hanc Docimasiam minimi pendimus, §. 16. majoris facientes probas majusculas fusorias, §. 17. ferri crudioris bona temperies. §. 18. usus carbonum, cæni, §. 19. quibus ferrum in chalybem mutatur, §. 20. imbibitur vero sulphur a ferro §. 21. sed perfecto & puro, §. 22.*

**U**Ltimo loco, quamvis leviter quasi, attingimus hoc metallum, licet usibus humanis, si sana fiat æstimatio, præ omnibus aliis, non magis utile solum, quam *necessarium*. Quia tamen nobis hactenus copia propemodum fastidium & contem-  
tum

tum fecit, præterea non tam multiplici labore, imo nullo veluti ingenio, egere visa est metalli depuratio, brevibus etiam absolvi suevit ejusdem tractatio.

*Sulphur purum* rarius cum hoc metallo maritatum apparet, 1  
excepto duplici illo insigni specimine, *minera martis Hasfiacæ*, dictæ 2  
*Solaris*, & in monte prope *Gosslariam* forte latentium minerarum similium, è quibus *vitriolum* illud *nativum* promanare apparet, quod 3  
*Grau Jockel-Gut* appellare solent, sicut etiam universum prope-  
modum illud *vitriolicum* horum generum cramain hoc monte occurrens, cujuscunque coloris, quod *Jockel-Gut* / *Rosjen-Gut* / *puriora*: & *Kupffer-Rauch* / *grau und roth Ultrament* / appellant, undique notabiliter plus *ferri* quam *cupri* continent.

Alias vero innascitur *martialis* illa substantia, frequentius 4  
saxis, modo *semilutosis*, modo etiam quadantenus veluti *calciformibus* foliatis, *Spätigte Gestein*: cujus quidem generis etiam coloris prorsus *alba* occurrunt, & *pellucida*, *ferro* tamen admodum divitia.

Rarum satis est, *purior* in *minera* reperire *martem*, neque 5  
fere nisi granorum forma, cujus generis præcipue in *Salisburgensibus* locis, & in *Eysalia* regionis, tractibus, reperiri, memorant, & in ipsis etiam *Silesia* montanis, quibus omnibus locis *grana* præsto esse narrant, quæ etiam aliqualem extensionem sub *malleo* admittant, die sich mit dem Hammer fletschen lassen.

Feracissima hujus metalli est nostra *Septentrionalis* Europæ 6  
plaga, unde è *Norwegia*, *Svecia*, & *Polonia* tanta vis *ferri*, quanta, 7  
vix credi possit, in alias universi orbis plagas distribuitur; E nostra vero *Germania*, nescio an multo minus, quam ex universis illis, ad exterarum nationes perveniat, & in specie quidem *Chalybis*, ubi præter *Hasfiacum*, *Salisburgensem*, *Carinthiacum*, etiam in sæpius cum 8  
veneratione nominatorum Illustrissimorum Comitum *Schwartzburgicorum* ditionibus, tum ingens copia *ferri* funditur, tum ipse *chalybs* paratur, è quo quidem magna quantitas *cultorum*, atque *falcium* fabrefit, imo in Illustrissimi *Rudolphopolitani* ditionibus, ea bonitate *chalybs* parari cœpit, ut *Styriaco* palmam dubiam reddere poterit.



9 Quamvis ad finem properamus, non possumus tamen,  
 quin adhuc uno verbo *Patriæ* nostræ nimiam suam *benignitatem*, ex-  
 teris vero, certis præcipue, exiguam *gratitudinem*, ut omnia lenis-  
 10 simis, imo alienis, verbis appellemus, exprobremus; pensitantes,  
 quam immanes, & *frivolis* & *stolidis* aliquorum nostrorum vicino-  
 rum auribus, vix credibiles, metallorum copiae, in exterarum illarum re-  
 giones à *Germania* transmissæ sint, ut omnis ille luxus atque fastus,  
 11 imò vita & alimenta, magnæ parti exterorum, ex nostra *Germania*,  
 & *Indiis* Septentrionalibus, vix non æquis portionibus, concessa es-  
 se appareant. Et quidem æquali etiam, pro pudor! pretio; dum  
 12 non minoribus, imo pejoribus *crepundiis*, TOT MILLE MYRIADES  
 ARGENTI & AURI nobis permutatæ sunt, quam quibuslibet diffitis  
 13 *Barbaris* populis, qui propterea ab *Europæis*, sed maxima injuria a  
 nobis *Germanis*, derideri & contemni solent. Cum enim nullum  
 sit dubium, quin QUADRINGENTIS circiter annis à *Germanis* argenti  
 fodinis, ad QUADRAGINTA MILLIA MILLIONUM eruta sint, tanto  
 magis, si *finitimas* hujus metalli fodinas una attendamus: Si quis  
 hodie pensitet, quorsum gentium hoc argentum dilapsum sit, ubi  
 reconditum? & cum his conferat, non in totum utique mendaces,  
 illas ostentationes *divitiarum* inter illas gentes, quibus in *propriis suis*  
 14 *terris*, hæc metalla concedere, divina providentia dubitasse videtur,  
 quam facilis ibi consequentia, & *artificiosarum* istarum *aurifodinarum*  
 detectio? Sed ad rem.

15 *Ferri* minera, nisi maxime *dives*, *pura*, & *ingenua*, à *magnete*  
 minime trahitur; neque ipsa etiam *acum magneticam* magnopere  
 16 afficit & alterat; Idem facit *ferrum exustum*, *crocus martis* quicunque;  
 ne *battitura* quidem ferri. Unde sane hanc ferri *docimasiam*, quæ per  
*magnetem* contingit, minimi omnium facimus, utpote quæ *mineras*  
 17 *martis* etiam satis *divites*, non attingat.

Certe quidem vix ullam *ferri docimasiam* in exiguo, magni  
 17 momenti censemus, sed majusculo potius tentamini, ante *follem*  
 fabrilem immediate, rem deferimus. Svadent quidem etiam ali-  
 qui *docimastarum*, colliquationem cum *nigro fluxu*: sed requi-  
 ritur certe gradus caloris, vulgaribus nostris furnis minime co-  
 gnitus.

Haud



Haud paulo difficilior forte deprehenditur in praxi, ille<sup>18</sup> modus, quo *ferro minus utili, crudiori, fragili*, ita subveniri queat, ut *tractabile, tenerius, tenax*, evadat: Ubi sæpissime vix è multis inter se *consociatis* mineræ hujusmodi *speciebus*, aliquid quod operæ pretium faciat concinnatur. Possunt tamen hic non parum etiam *boni*, præsertim *fagini, carbones, & pinguis cœnoscus niger limus*,<sup>19</sup> qualis fere in ipsis *plateis* ex multa conculcatione exteritur: Quorum etiam mutuo junctorum medio, adhibita simul aliquandiu *occlusa* cementatoria uisione, è ferro communi melioris notæ *cha-*<sup>20</sup> *lybs* fieri potest.

Unde etiam *Smalcaldici Chalybis* præparationi, unice subvenit usus Carbonum, è *Sylvis fagineis Saxonica Isnacensis* nunc ditionis, trans *Werram* fluvium, den *Zielbacher Wald*: sine quibus nihil perficere valerent, carbonibus illis *abiegnis*, è *Thuringica Sylva* petitis: utpote qui quidem ad primam *colliquationem* non magis utiles, quam *necessarii* sunt, ad hanc vero *depositionem* in *Chalybeam* teneritudinem, non sufficiunt.

Neque fere ullum nobis est dubium, quin cum tempore melius perspectis usibus talium rerum, & ipsius præcipue *phlogisti* principii, metallis quæ alias de ipso participant intimius uniendi, haud adeo exigua utilitas adhuc obtineri possit.

Quia vero *ferrum* magnæ quantitati *sulphuris* imbibendæ,<sup>21</sup> & quidem præ aliis metallis, aptum deprehenditur, inservit illo nomine ad absorbenda hujus generis *sulphurea* inquinamenta, adeoque liberandas aliorum metallorum particulas, ut illæ deinde coire atque colligi possint.

Monitum vero est alibi, ut mense *Septembri, & Januario*, à<sup>22</sup> D. PRÆSIDE, quod huic intentioni necesse sit adhibere *ferrum* perfectum, non vero, neque *mineram* ejus, neque *battituram* ferri, neque *crôcos*, utpote quæ omnia à *sulphuribus* minime arripiuntur, nisi ipsa simul *phlogistos* substantia adhuc præsens, atque adeo *ferrum* integrum, sit.



CAPUT V.  
DE  
MERCURIO ET ANTIMONIO.

SUMMARIA.

*De his ultimo & paucis §. 1. abstinendo ab altis speculationibus, §. 2. Medicis & Alchymicis, §. 3. Mercurii minera rarissima, §. 4. sed ditissima §. 5. 6. Cinnabarina aut terrea, §. 7. destillatur hinc mercurius, sine, §. 8. aut cum additamentis, §. 9. cinnabaris ignem paulo fortiozem expectat, §. 10. nec illo, in clauso, comburitur. §. 11. sed elegantior potius redditur, §. 12. Antimonium eliquatur in occluso. §. 13. Fluit facile §. 14. Regulus neque malleum, neque argentum vivum admittit §. 15. nulli metallo, præter auro, commode additur: §. 16. valde fusilia reddit metalla §. 17. sed & valde volatilia §. 18. unde præcipue depulsiõni ejus student §. 19. Præcipitando, frustra §. 20. & quare §. 21. brevis commentatio. §. 22.eductio & collectio metalli à Regulo §. 23. illo simul retento §. 24. separatio Reguli à metallo, ut supernatet §. 25. & similiter conservetur. §. 26.*

**M**erito in nostra tractatione ultimum locum his reservavimus; quia de *Pyrotechnica metallurgia* dicturis, in hisce subjectis nihil adeo insigne occurrit, quod difficilius fundamentum involvat, adeoque explicatione singulare egere appareat. Tanto minus vero immiscuerimus nos illis studiis, qui modo ex uno, modo altero, modo utroque horum subjectorum, maxima arcana, non tam sperantes quam alios sperare jubentes, modo *Hieroglyphicis*, modo aliis *Ænigmaticis*, at semper fere *Tragicis* loquendi formulis, de his rebus fermocinantur. Ubi quidem, è modo dictis rationibus, nihil aliud, nisi quæ ad *Metallurgiam* & *Pyrotechnicam* quidem atque *Docimasiam* respiciunt, hic attendentes, tanto securius præterimus, quæ alii modo ad *Medicinam* hic promittant, è mineris

neris mercurii *cinnabarinis Panaceas*, credulis persuasuri: modo ad Alchymiam ex *Antimonio & Mercurio*, maxima arcana, imo quicquid querunt Sapientes, (quos quidem ego non querere, sed invenisse puto,) pollicentur.

Quod itaque præcipue *Mercurii mineram* attinet, est illa ad 4  
miraculum rara, in omni habitabili nostro noto orbe, & tamen ite-  
rum ad miraculum dives atque abundans, in Potentissimorum Au- 5  
*striae* Archi-Ducum ditione *Carnia*, ad vicum *Hydria*. Ubi quidem  
iterum, hujus rei Historiam ex elaboratissimo illo *Chronico Domini*  
*Baronis Walvasor*, aut quæ de illa *Act. Angl. 1669. Mens. Decembr.* ha-  
bentur, huc transferre non placet excepta sola ingenti illa summa,  
quæ tribus annis deinceps collecta est, nempe 1661. Bis mille qua- 6  
*draginta & sex Centenarii. 1662. Bis mille, ter centeni quadra-*  
*ginta sex Centenarii. 1663. Bis mille, quingenti, quinquaginta no-*  
*vem Centenarii.* Sicut etiam non censemus allegandum quod *Al-*  
*varus Alonsus Barbade* ejus nativitate in *America* obscurius recenset:  
sed sufficiet nobis illud solum, quod ad *Pyrotechnicam* mineræ hujus  
tractationem spectat, attigisse.

Minera itaque *mercurii*, vel est *sulphurea, cinnabarina*: vel magis 7  
sincere *terreo-limosa*, imo *lapidosa*: illa semper magis *rubicundi*, hæc 8  
*diversi coloris*. Educitur ex hac posteriore *mercurius*, nuda *destillatio-*  
*ne*, nulla re addita, dum *minera retortis* immissa, igne sufficiente  
urgetur: Ita transcendit *mercurius currens*, in forma *vaporis*, qui  
tamen in *collo retortarum*, partim in *guttas* concrescens defluit, par-  
tim in *aqua præposita* denuo coalescens schema illud, quo deinde  
venum it, induit, nempe *aquæ veluti metallicæ*, magna fluiditatis 9  
teneritudine conspicuæ. E *Cinnabari* vero, si suscitari debeat, opus  
est additamentis, quæ *sulphurea substantia* imbibita, *mercurium* cursui  
suo restituant.

Quamdiu vero *cinnabaris* hæc in sua propria substantia sive  
compositione adhuc hæret, non est adeo proclivis ad *sublimationem*, 10  
nisi quidem satis intenso igne pellatur, cui alias promptius obedit.  
Quod quidem recte perspectum habuit *Celeberr. Wedelius*, qui hac  
ratione *depurationem native cinnabaris* instituit; quod vero illam  
non nisi pro arcano interpretatus sit, & sua quidem sublimationis  
ten-



tentatione ante communicationem non affecutus, operosissimus de cetero in hoc subjecto *Clauderus*, experientiae, circa talia negotia, & graduum praecipue ignis, vix non aliqualem inopiam indigitare apparuerit. Ubi obiter notamus, ridiculam esse illam, non tam expertorum, sine dubio, quam credulorum transcriptorum, cautelam, circa sublimationem mercurii; cavendum nempe esse, ne, si nimio igne sublimatio ejus tentetur, *comburatur*, ut *nigrum* colorem induat: Cum totus ille *niger* color, non nisi à *sulphuris* abundanti pondere pendeat, intensissimo vero etiam igne, cinnabaris potius *ele-*  
12 *gantiores* colorem, intimiore veluti subagitatione, revera consequatur. Plura addere non placet.

13 *Antimonii* eliquatio, peragitur similiter in *clausis* vasis, igne sufficiente, quo nimirum simplex ejus colliquatio obtineri possit,  
14 *rutila* candefactione. *Fluit* enim antimonium propter copiosum *sulphur* dimidiam propemodum partem ponderis sui absolvens, *facillime*, & defluit ita è saxis, quibus innatum est, ac prolabitur per fundum vasorum *perforatum*, in supposita alia.

15 *Regulus* ejus, separata *sulphurea* parte, exhibet *faciem* quidem *metallo* similiorem, sed non modo ab omni *ductilitate* alienam consistentiam, verum etiam aliorum metallorum *ductilitati* adversissimam, quæque *argentum vivum* pure respuat & subterfugiat.

Concretum hoc, *antimonium*, uti *per se* nullius est usus, nisi ad *medicam* artem; ita *metallis* varie quidem, sed raro admodum *commode* associatur, excepto uno illo optato ejus usu, pro ultima *aure* depuratione à quibuscunque aliis metallis.

17 Effectus quem cum metallis, aut *mineris* earundem, concurrens *antimonium*, vel etiam *regulina* ejus substantia, post praegressam ustionem, edunt, est insignis *fusilitas*, sed etiam simul  
18 plurimum incommoda magna *volatilitas*, & inde nascens metalli *depredatio*.

Unde quidem non tam collectioni seu *retentioni* ejusdem,  
19 æque studere solet *metallurgia Pyrotechnica*, quam potius promptæ & quantum potest minus noxiæ, *depulsioni* atque superationi. Obti-  
nent



nent hanc, aut student obtinere, communiter per talia, quæ *sulphuream* ejus partem absorbeant; durch zugesetzte Niederschläge; Sed 20  
revera hoc nomine frustra. Quamvis enim negari non debeat, quod tota ejus substantia, i. e. *regulus* cum *sulphure* adhuc unitus, utique *volatilior* sit, quam *regulus seorsim*; sed longe quidem *volatilioris* quoque effectus, quando ita cum *regulo* unitum est, quam si seorsim ab illo constitutum, ubi plurimum sequitur indolem *communis* sulphuris: *Additamenta* tamen illa, cum nihil aliud efficiant, nisi ut 21  
metallum una cum *regulo* præcipitent, qui tamen non solum adhuc valde *volatilis est*, sed etiam à metallo deinde difficillime secedit, quin partem ejus secum diripiat: propterea manet fere semper antiqua illa difficultas, & eludit inventionem.

Cum charta nos excludat, dicemus hæc tria verba, *bre-* 22  
*via* quidem, sed *quicquid* hic, quod nos sciamus, *dici potest*, complectentia.

Si operæ pretium sit, *antimoniatas* mineras aut metalla, *præcipitatione* deicere in regulum; præcipitandum est, primo, totum: quoniam non nisi plane *ultimo* cadit metallum, regulus vero ante illud: deinde, regulus hic cum *nova* sui ipsius *minera* tractandus: utpote quæ non illum, bene vero quicquid *metallici* cum ipso cecidit, aggreditur. Quando hoc iterato cum *nova* *minera*, ejusque præcipitationibus, ita continuatur, *concentra-* 23  
*tur* sic magis magisque metallum, retento etiam insuper ipso *re-* 24  
*gulo*.

Qui vero illud artificium, quod vulgo *præcipitationibus* immediate ita destinant, sic instituere possunt, ut *regulus antimonialis*, *superficie* *plumbi*, *in forma porosa*, wie eine Speise | innatare doceatur, è *plumbo* emergens, sic quoque similiter *conservandus*, illi 26  
forte intelligunt, qua intentione, quisquis primo illa *additamenta* commendavit, id fecerit: Quod experimentum, quamdiu ignoratur, videtur in consilium præcipitationum harum, hanc metam non attingentium quadrare illud plebejum: Man hat lauten hören/ aber man weiß nicht in welchem Dorf. Sed cessandum est.



## CONCLUSIO.

**H**Æc quidem de FUNDAMENTIS METALLURGIAE  
PYROTECHNICAE & DOCIMASIAE METALLICAE,  
præprimis vero usitatæ, dicta, suffectura spera-  
mus; confitentes, nos non modo, quod vulgo fieri solet,  
per modum collectionis, quæ communiter de his rebus tra-  
dita habentur; hic conquisita, & inter se connexa, pro-  
tulisse: Sed etiam, tum alia, quæ scripta quidem, sed huc  
usque parum perspecta aut considerata fuerunt, utiliter  
velut in lucem produxisse, explicuisse & applicuisse, tum  
aliqua, nobis propria experientia observata, in medium  
proposuisse, quibus negotium METALLURGIAE & DOCIMA-  
SIAE hujus, non solum illustrari, sed etiam promoveri,  
emendari, locupletari queat. Quod etiam ne omni usu  
careat una cum aliis nostris conatibus, Divinam  
benedictionem supplices vene-  
ramur.



# PROGRAMMA DE ORTU VENARUM METALLIFE- RARUM.

**N**on exiguum profecto, admirandæ Sapientiæ divinæ in opere creationis nostri globi terraquei, specimen, elucescit ex intimiore seu *subterranea* ipsius constructione, quæ visceribus suis non modo valde diversas *species* rerum, & maximum earum *numerus* continet: sed etiam specialissimis quibusdam *directionibus* peculiarem plane curam *destinata* cujusdam *coordinationis* atque *dispositionis*, infert & demonstrat. Sunt certe hujus exemplar præcipuum ipsæ *Venæ Metallice*, quarum quidem *certus positus*, secundum varias quibus absolvuntur, sui partes, admodum conspicuus, materiam curiosæ considerationi plane commodam exhibet, & simul, nostro quidem judicio, viam sternere videtur probabili prorsus decisioni illius *questionis: an venæ metallica fortuitam aliquam originem, quoad tempus, habcant? an vero jam inde à principio creati hujus globi eidem insertæ videantur?* In vulgatis quidem rerum Physicarum Historiis atque Systematibus, quæ quidem mihi evolvere obtigit, vix mentionem, nedum rationem harum rerum hætenus reperire licuit: Sicut etiam fere circumspectiores è recentibus, non nisi *generales* physicas scribere suscipiunt, antiquiores vero vix levissimam harum rerum notitiam allegant: ita ut hodiernum illud conamen, Physicam per *experimenta* illustrandi, proprie & unice, isti fundamento innitatur, quod *antiqui* experientia adeoque *vera* harum rerum *historia* destituti fuerint. Unde quidem præcipuus ille, si non universus physicæ defectus, in his utique fundatur, nempe historiæ sufficientis defectu, & mixtionis ignoratione.

Est vero *sententia* de *genesis* illa Metallorum fere *duplex*, dum alii statuunt à *prima creatione* illa simul producta atque visceribus



terræ immersa esse : alii vero existimant, ipsa demum *per tempus* subnasci, *confluere, resolvi*, imo *nasci & renasci*, prout vagi varii halitus inter se concurrant. Quemadmodum vero fieri posset, ut hæc inter se disfidere visæ opiniones, sub recte facta applicatione, diversis nempe respectibus, utræque, sine mutuo præjudicio, *vera* esse possent; ita, ut omnis æquivocatio, & consequenter quæstionum *confusio*, evitetur, præstare arbitramur, ut ita fornetur status interrogationis, ut illi deinde, jam indubio, decisio quoque firma applicari possit. *Duplex* nimirum est *quæstio*. *Primo*, an metalla aut mineralia *nunquam, nisi in certis plane tractibus*, quos vulgo *venas* appellamus, generari possint? aut: *an utique* possint? & an deinde illa generatio, quæ citra talem in tractus certos distributam repartitionem facta est, ita *ab ipsa creatione*, an vero *succedentibus* demum, imo forte *proximis temporibus*, facta sit: *Secundo*, an ejusmodi metalla, quæ in *venas certas distributa* inveniuntur, sive *a prima creatione* ita disposita fuerint: sive demum alio aliquo modo, & *posterioribus temporibus*, terræ ita inserta, & ibidem formata. Breviter: non simpliciter, metalla, aut mineræ, sed *vena metallica*, aut *minerales*, an ita mundi, seu globi nostri terraquei compagi, mox in ipsa ejus *productione* insertæ, an vero post hac aliunde *oborte*.

Quæstionis sic determinatæ suscipimus *assertionem propriam*, nempe quod mox *ab ipsa creatione* intextæ sint. Quod ipsum tamen ut iterum tanto melius & planius obtineamus, removemus denuo aliquas, quæ officere hic possent, differentias, nempe *primo*, venarum talium tractuum *fragmenta*, irregulari positu alicubi occurrentia, quæ vulgo *Flöße* appellant, sententia communiter recepta non improbabili, quod a venis, *diluvio*, aut *terra motibus* abrupta & excussa ejusmodi fragmina, in loca illa, irregulari tali positu projecta fuerint. *Secundo* excludimus hic, *ligna illa fossilia*, siquidem ita, uti describunt historiæ, reperiuntur, in *Angliæ Comitatu Sommersetensi*, juxta, *Transact. Philos. A. 1666., Mens. Octobr. Observ. VI.* & si quæ sunt aliæ similes. Sicut etiam *Tertio*, tractus tales, limo magis, *minera metallica* foeto imbutos, *venis veris* conterminos, communiter exiguæ capacitatis, ut vel ipso aspectu teste, pro *rimis* seu *fissuris* & *hiatibus* talibus haberi mereantur, pro quibus recepta *metallicolarum* interpretatio eosdem agnoscit, appellans proinde *Fluffte* / metallo sæpe  
fatis



fatis ingenuo refertos, Schmeer-Klüfftgen. Imo vero licet exempla non æque suppetant, ab ipsa tamen ratione interim nihil ablu-  
dit, quin etiam capaciores hujus generis *hiatus* dari possint, quibus  
illapsus *pinguis limus*, evagantes *halitus metallico-minerales* irretire, ad-  
eoque venam etiam irregularem simulare possit. Quale quid e-  
quidem suspicati olim sumus, de minera illa cupri, quæ in Comitatu  
*Stolbergenfi*, haud procul Bennunga, reperiunda, *VVickeroda*, pago  
ejusdam ditionis & viciniæ, fundi solet, insita *limo* cuidam indurato,  
cum infinitis *lapillis semi siliceis, rotundis, glabris*, quales in fluviis aut  
*torrentibus* præsto sunt, interspersis, neque, quantum nobis quidem  
liqueat, justo corticis seu firmamenti *saxeï* involucro vestita.

His itaque sepositis, describendam sumimus historiam Mi-  
neralium harum *venarum*, quatenus ad nostram hypothesin præci-  
pue facere videtur. Sunt nimirum *vena* hæ, *primo*, plane peculia-  
ri, & illo quidem solenni *ordine saxi*, hinc *limosi* cujusdam involucri,  
& denique intimioris veluti *medullaris* substantiæ, distinctæ. Ita, ut  
fere *saxea* robustissima, crassa, firma portio, *extremam* ejus par-  
tem constituent, non quidem *circumcirca*, sed magis *duobus* saltem  
*lateribus*, velut è *quadrata*, vel circiter, tractus totius structura, sibi  
invicem *oppositis*. Ubi quidem situs hic *saxeï* hujus ambitus, modo  
magis directe *perpendiculari* veluti subtensus est, ita, ut portio ejus al-  
tera *supra caput* ingredientis hominis, altera *sub pedibus* ejus, consti-  
tuta sit: alias vero deflectit etiam ab hoc situ, magis magisque ad  
*latera*, ita, ut tam portio ejus *superior*, quam inde *tectum*, des *ganges*  
*Tach*/ appellant, quam *fundus* & quasi pavementum, quod hinc die  
*Sohle*/ nominant, *inclinato* positu, sed tamen exacte inter se mutuo  
respondente, structum videamus. Unde etiam respectus ille, quor-  
sum *situs* hic *inclinatus, extrorsum* respicere apparet, das *Plus, jehen*  
*des Gesteines in hangendes und liegende* / inde peti solet. Sub *saxeo*  
hoc involucro, & *vena firmamento* ( quod proinde etiam bono sensu  
die *Berg-Beste* appellant ) hæret deinde *limosa* mollior quædam sub-  
stantia, modo *gryseï* & quasi *subcoerulei*, modo *flavescentis*, cum *gryseo*  
variantis, coloris; quod alibi *âstig/ âstirich*; potius *Bestrich/ Bestech* /  
quasi *Besteck* / alibi, aut alio sensu, *fimbria* *venæ des ganges* *Salband* /  
i.e. *Selb-End* / vocitatur. Quæ quidem substantia interdum tenuis-  
simæ *crassitie*, interdum satis notabilis, existit. Quamvis autem è



duobus reliquis, similiter mutuo *oppositis*, lateribus, simili lorica non pariter cingatur vena, consideratione tamen ibi tanto magis digna est ejusdem *præcisio* & veluti divortium à contigua reliqui montis substantia, sive petrosa, sive *limosa* & terrea illa existat: quod quidem adeo exquisitè frequentissime servat, ut etiam *angulis oppositis* illi ante dictæ saxeæ lorice, satis apposite respondeat: *angulis dico oppositis* mutuis, commode inter se convenientibus. Et hunc quidem situm, servat & continuat hæc venæ constructio, per *continuum*, communissime *sui progressum*, intercidente raro satis, aliqua ejus *conversione*; quæ vulgo Absen des Gesteins. Et continuat deinde hæc ipsa quoque variatio, iterum per longos tractus, ita ut hic *nihil fortuitum* aut *vagum*, agnosci queat. Deinde, *secundo* exerit se specialissima talis *directio* situs venarum nostrarum, in toto earundem progressu, ad *cardines* mundi relato, ut progressus illarum modo *ab oriente versus occidentem*, modo *a meridie versus septentrionem* vergens, modo aliquem situm his vicinum sortitus, eundem continua & constanti illa directione, *perpetuum* & immutabilem servet. Vocant hoc die Stunde des Ganges/ eamque metiuntur ad cynosuram, nach dem Compaß: satis de cetero experto, *veram venam* servare hunc tractum, in quantamlibet profunditatem, der Gang halte seine Stunden in ewige Teuffe. Et hoc quidem notatu tanto dignius habendum est, quod hunc *ductum* venæ talis *positus* & progressus prosequatur & servet, etiamsi *situm* suum secundum perpendicularum aut *angulos* forte mutet. Nempe *tertium* in hoc genere observandum est, directus ille progressus venæ secundum *lineam*, inter *perpendicularum* & *horizontem*, seu ad *gradus elevationis*, variantem, quod steigen oder fallen des Ganges/ vocatur. Servat etiam hoc ipsum, directionem suam perpetuam juxta *angulum* quem semel formavit; Non tamen hoc æquali cum reliquis hætenus dictis conditionibus *constantia*, sed decedit ab hac multo facilius, modo magis *inclinato* juxta horizontem modo præcipitato magis juxta *perpendicularum* posito, daß der Gang sich stürzet oder feiger gerichts in die Teuffe eylet oder fällt. *Interceptio* vero ejus, per *intercessionem* fragmenti montis, insigni quadam commotione profundioris terræ forte sublapsi, turbat quidem ejus *continuitatem*, Wenn ein Keilberg/ oder Kamm vorgeschossen ist/ welches den Gang/ oder vor welchem sich der Gang abschnei-



schneidet : quod interdum etiam per simplicem *dehiscentiam* montis, & hinc subnatas *rimas, hiatus, fossas*, obtingit, aut per *flumina* spatio illi intercedentia : Sed quando saltem tunc quicquid ita intercedit vel *perfossum* vel quomodocunque superatum est, deprehenditur iterum *ductus* ille hujusce *directionis* venæ proportionatus, tum ratione *positus* sui *cardinalis*, in seiner Stunde / tum *horizontalis* ad perpendiculum, in seinem Fallen / dummodo superato intermedio, oppositus ejus terminus, das gegendrum / recte reperiatur.

Ex omnibus his circumstantiis, satis utique dilulescere, putamus, quod hæ *Venæ*, tam *firmitate* & *constantis* saxeo involucro, & *longissimis tractibus* in situm perennem, jugiter porrectæ atque distributæ, non fortuito aliquo tempore, ortu, aut motu ita dispositæ fuerint, sed longe verosimilius, ipsi tractui terrarum ab *antiquissimis*, imo *primævis* temporibus intextæ. Quis enim sibi concipiat, quod hujusmodi *ordinata, operosa, copiosa, & sæpe abundantissima* materia, quæ vix aliquot *centenis* annis, ex parte propemodum minima *exscindi* valeat, in hunc tractum terræ, temere, & quasi levibus demum successibus ita congesta atque collecta sit? cum non modo, *a priori*, nulla quæ hoc svadeat, verisimilis ratio appareat; sed etiam *a posteriori*, nullæ prorsus *mutationes* in hisce venis ita insignes & consideratu dignæ eveniant, quæ ad minimum aliquatenus facili mutatione, adumbrarent, quod venæ hæ aliunde veluti magis fortuito ita confluerint; cum alias rationi nullo modo absonum, sed consentaneum potius appareat quod, quicquid ita est *mutabilibus*, ac veluti *fortuitis*, causis, coaluit, illud etiam novas aliquas mutationes, imo iterum destructiones, è talium similibus, sanè haud ita difficulter, eventuris, metuere aut expectare debeat. Jam vero nihil quidem tale temere evenire, videtur utique abunde testari, multiplex & constans Experientia. Quamvis enim in ipsis *venis* metallicis, & quidem intima illarum substantia, sæpe talis *variëtas* contenti *mineralis* occurrat, ut jam propius circa superficiem terræ, *volatilior* & *ignobilior* materia deprehendatur, quam, altius continuata investigatione, in *nobilius metallum* veluti mutatam esse appareat: vel contra, in superioribus bono *metallo* fertilior deprehensa, in profundo *degenerare*, & inertius quid continere, incipiat: Unde metallicorum loquendi formula, Sic kommen zu früh oder zeitlich / putantes nondum



dum satis *maturuisse* mineram, cum *tempore*, juxta illorum opinio-  
nem, in *nobilius* metallum transmutandam. Non tamen applau-  
sum ullum mereri videtur hac traditio; cum satis certum sit, illius  
generis *materiam mineralem*, qualis in ejusmodi casibus, vel magis cir-  
ca *superficiem* terræ, vel magis in *profundo*, *luxuriare* reperitur, ean-  
dem etiam in illis locis, ubi adhuc *metalli* locuples proventus in *ca-*  
*dem vena* concurrerat, nihilominus huic eidem sociatam repertam  
esse: ita ut nihil hinc constans subsumi aut concludi valeat, quasi  
necessario in omnibus mineræ locis atque partibus, *aqualem* plane  
mineræ cum metallo *temperiem*, *aquale pondus* veluti, & eandem mu-  
tuam *proportionem* reperiri oporteret. Alia res est in *venarum*, in-  
terdum, sed satis sane raro, occurrente ejusmodi veluti *consumptione*,  
ut inde suspicio satis verisimilis subnascatur, minerale eidem prius  
intextum, *absumentum* rursus esse, & in auras veluti exhalando eva-  
nuisse. Ubi dicti metallifossore dicunt, *Sie seyn zu späte gekom-*  
*men*. Tale quid enim evenire posse, uti non dubitamus, præcipue  
verò in vena, valde *consumtibili* minera quondam foeta: ita tamen  
eadem facilitate, & veluti fortuna, qua ita diffluxit, eodem con-  
fluxisse hanc materiam, illud statim refellit, quod licet hac ratione,  
*minera* ipsius, in se quoque *corruptibilioris*, absumentio fiat, eo ipso tamen  
minime simul *vena*, de qua nobis est sermo, resolvatur aut alteretur:  
cum tamen satis certum sit ipsam substantiam *saxeam*, longe prom-  
tius *alterationibus*, *resolutionibus*, *destructionibus*, parere debere, quam  
*metallicam* mineram, præcipue *nobiliorem*: Cujus quidem, substan-  
tiæ, *metallicæ* ullam, nedum *facilem* talem destructionem, evenire  
posse, ut ubi fuerit, revera esse penitus desinat, & vel tota *auferatur*  
*localiter*, daß es auswittere/ausziehe: vel in *terram nudam* & *simplicem*  
reducatur, loquendi quidem formulæ satis familiares præsto sunt,  
sed nihil prorsus sanæ rationis, quod nobis svadeat illis adstipulari.  
Generationem illam *metallicarum* harum *venarum*, à *radiis siderum*,  
terram ita pervadentibus, & ἀπὸ μυχῶν, quasi solo schemate em-  
phatico, in corpus transmutato, metalla corporea gignentibus, piget  
verbo tangere, cum undique omnes probabilitatis tramites ita  
deficiant, ut nusquam sit, ubi ratio pedem figere possit.





# INDEX REALIS.

- A**bstractio datur, sed sine imaginatione. p.20.  
 Acetum bene obturatum, diu integrum durat. p.404  
 Acetum vini concentratur abstractione superflue aquositatis. p.150  
 Aceti concentratio optima per abstractionem superflue aquositatis, mediante frigore & congelatione. p.418.419  
 Acetum frigore concentratum durabile. p.422.  
 Aceti frigore concentrati successiva mutatio. p.424  
 Aceti concentrati qualitates & alterationes. p.152.153  
 Aceti dephlegmatio destillatoria, quibus incommodis sit obnoxia, & quomodo sit adjuvanda. p.418.419  
 Aciditatis conversio in dulcedinem in fructibus maturiscentibus quomodo fiat. p.80  
 Aciditates obtunduntur pinguedinibus subtilibus. p.405  
 Acidum fortissimum est Vitriolicum, proximum Nitrosum, ultimum Salis communis. p.308.559  
 Acida Salina substantia Terreo-metallicis firmiter coherere potest, ut ignis impetum aliquandiu vegere frustretur. p.384  
 Acidorum Salium potestates gradu distincta. p.559  
 Acidum Sal coalescit cum oleo intercedente Terra. p.83-85  
 Acidum Sal ex oleis limpidis & resinis educi & cum eodem atque oleis talibus iterum resina confici potest. p.84-85  
 Acidum precipue Vitriolicum coalescit intime cum tenuibus oleosis substantiis. p.304.309  
 Acidi Sulphurati largus est proventus. p.751.752  
 Acidum Sulphuratum demonstratur. p.751.752  
 Acidum Sulphureum sive Vitriolicum, cum tenui pinguedine mixtum constituit amaritiam artificialem. p.88  
 Acidum Vitriolicum præ reliquis est potentissimum. p.559  
 Acidum Vitriolicum quomodo sese ad mixtiones subeundas habeat. p.310  
 Acidi Vitriolici coagitatio cum principio inflamm-



# INDEX REALIS.

- inflammabili quomodo succedat & promoveatur.* p.319.320
- Acidum Vitrioli heret etiam in Sulphure cum inflammabili principio mixtum, citra hoc vero metallo conjunctum Vitriolum crudum constituit.* p.310
- Acidum Vitrioli quot modis incorporari & in Sal medium converti queat.* 315.318
- Acida cathartorum liberiores energiam refranantur.* 676
- Adstringentia quo modo paroxysmos febrium intermittentium pacatorum tolerant.* p.463
- Aer cum Igne concurrat ad destruenda metalla.* p.797
- Aer cum motu igneo concurrens summe attenuat subjecta corpora.* p.353
- Aer expedite pinguedinem extenuatam in comacatum suum recipit & arboribus resiniferis communicat.* p.119.120. 339-341
- Aeri qui & quando alia principia Terrea & aquea interfluent.* p.337
- Aer, præcipuam sedem communicat principio Φλογιστῶ* p.337.338
- Aeris temperatior concursus ad minerarum ustiones, promouet repurgationem substantiarum Sulphureo-arsenicalium, vehementior vero metallicas partes una aufert.* p.781.783
- Aeris elasticitas unde pendeat.* p.207.208
- Aeris elastici phænomena.* p.209.210
- Aeris accessus utilis quidem est fermentationi, sed non immediatus contactus.* p.185.186.
- Aeris moderatio habet usum prælicum in negotio fermentationis.* p.116.117.
- Aeris immediata admissio ad subtiles pinguedines sive Sulphureas particulas evidentes alterationes causatur.* p.137.186.
- Aer confert ad putrefactionem speciatim, excitandam.* p.186
- Aggregati & Texti differentia.* p.232
- Alcali diutius aëri expositum ex hoc aliquid acidi Sulphurei imbibit, cum quo in Sal medium aliqua quantitate abit.* p.318.321
- Alcalia Fixa non solvunt concreta, nisi aciditatem vel inflammabilitatem contineant.* p.746
- Alimenta certa, brutis quibusdam esse dicata, probatur ex speciali horum constitutione.* p.279
- Alumen, Vitriolum & Sulphur, in quo convenient & differant.* p.535
- Amarities artificialis ex acido Sulphureo Vitriolico cum tenui pinguedine mixto.* p.88.
- America a Diodoro sub nomine Insula Sueonia descripta.* p.298
- America à Rudbekio non satis apte cum hyerborearum regionum conditionibus conciliatur.* p.298.299
- Anatomix utilis & vana Tractatio.* p.52.53
- Anatomia famosissimum & vexatissimum studium.* 63.64
- Anatomix respectiva vanitas qualis sit & in quo consistat.* 63.64
- Anatomia operose & curiose nullus usus est in Medicina.* 706.723
- Anchiater Febrifugus qua occasione & quale Eleetuarium febrifugum obtinuerit.* 443-445
- Anchiatri pulvis albus detectus & probatus quod Arsenicum album sit.* 446.447
- An-*

# INDEX REALIS.

- Anchiatros, veneno febres profligantes, at-*  
*tinens fida paranesis. pag. 473*
- Animi Motus quid ad Febres excitandas,*  
*presocandas & sublevandas valeant.*  
 462. 463
- Antimonii analysis Physica. 306. 485-*  
 487. 492.
- Antim. principia constitutiva materiala.*  
 485. 487. 492
- Antim. dissolutio & reductio nititur priva-*  
*tione & restitutione principii Φλογιστ.*  
 331. 332. 493
- Antim. arsenicalis substantia demonstra-*  
*tio: 486. 491. 492*
- Antimonio principium Φλογιστὸν laxius*  
*inheret. 487*
- Antimonium fusione a superfluo Sulphure*  
*liberatur. 493*
- Antim. a Sulphure suo liberatur per adje-*  
*cta metalla imperfecta. 493*
- Antimonio Φλογιστὸν restituitur cum*  
*carbonibus. 493. 496. 497*
- Antimonii dimidium pondus Regulus est.*  
 494
- Antimonialia producta de regulina sub-*  
*stantia participantia reducuntur Car-*  
*bonibus. 496. 497.*
- Antimonii minera quomodo fundenda.*  
 791
- Antimonii Sulphur quale. 485*
- Antimonii Plumbum an detur. 489-491*
- Antimonium in Mercurium quidem con-*  
*verti potest, sed non mercurialem consi-*  
*stentiam jam tum continet. 487-489*
- Antimonii Reguli copiosa preparatio.*  
 497
- Antim. Regulus nullam cohesionem cum*  
*Sulphure subit, nisi Φλογιστὸν princi-*  
*pio gaudeat. 486. 487*
- Antim. Reguli convenientia cum Sale com-*  
*muni & Sulphure. pag. 488*
- Antim. Regulus est substantia Terre vi-*  
*rescentis & inflammabilis. 486*
- Antim. Reguli Stella vera ratio inquiritur*  
*& falsa rejicitur. 483 484. 502-504*
- Antim. Regulus facile cum Auro coalescit,*  
*& deaurationi minus fusilium metallo-*  
*rum inservit. 489*
- Antim. Regulum preparandi processus com-*  
*munes, horumque offendicula. 494*  
 -496
- Antim. regulinam substantiam Sal alcali-*  
*num non separat, sed destruit. 495. 496*
- Antim. regulina substantia resoluta cum*  
*Sale alcalino non reducitur. 496*
- Antim. regulina mixto destructa reducitur*  
*cum Carbonibus. 496. 800*
- Antimoniati Reguli Scoria Succinea cum*  
*Carbonibus reducitur. 497*
- Antimonii Regulus compositus per addita-*  
*mentum metallorum, precipue ferri. 498.*  
 499
- Antim. Reguli habitus ad alia metalla.*  
 848. 849
- Antim. Reguli Martialis & Stellati præ-*  
*paratio. 498-501*
- Antimon. Regulum Stellatum parandi en-*  
*chirisis. 503*
- Antim. Regulum stellatum obtegens Scoria*  
*Succinea cujus sit indolis. 504. 505*
- Antim. Reguli conversio in antimonium*  
*crudum. 505. 506*
- Antim. reguli stellati preparatio ex regula*  
*antimonii, in antimonium crudum redu-*  
*ctio. 505-507*
- Antim. Reguli Martialis & Venerei remix-*  
*tio, loco stelle, rete Vulcani sistit. 507*
- Antim. Reguli usus. 508*



# INDEX REALIS.

- Antimonialis Regulus cum variis metallis ita fundi potest, ut semper supernatet.* pag. 740
- Antimonium diaphoreticum Martiale Ludovici.* 522
- Antimonii Elixatio.* 848
- Antimonium ad ultimam auri ab aliis metallis depurationem inservit.* 848
- Antimoniatarum minerarum aut metallorum præcipitatio quomodo instituenda & ordinanda.* 849
- Antimonium diaph. carbonum adjectione convertitur in consistentiam Croci fusci.* 494
- Antimonium diaph. reducitur in Regulum cum Carbonibus & Nitro fixo.* 496 - 498
- Appetitus ataxia in quo consistat.* 278
- Aquositas superflua in subiecto fermentabili est instrumentum motus fermentativi, & non essentialiale subiecti principium.* 97
- Aqua est instrumentum motus fermentativi, quæ moleculas fermentabiles actuat, easque collidendo conterit.* 102. 103. 183-185. 420
- Aqua, peracta fermentatione, sine detrimento fermentato auferri potest.* 106
- Aqua a fermentante materia ablata, sistit fermentationem.* 106
- Aqua est causa externa fermentationis.* 106
- Aqua cur sit instrumentum motus fermentativi* 109. 110. 183-185
- Aque habilitas ad provocandum motum fermentativum examinatur & explicatur.* 109. 110. 183-185
- Aque essentia quoad figuram & magnitudinem ignoratur.* 109
- Aquarum Marinarum & Salinarum concentratio optima, quæ mediante frigore & congelatione.* pag. 419. 420
- Aqua & Ignis sunt summa instrumenta motuum chymicorum dissolutoriorum & combinatoriorum.* 69
- Aqua Fortis an sit simplex Spiritus Nitri, an cum Spiritu Vitrioli remixtus.* 263. 264. 561
- Aqua Fortis non solvit Argentum, quamdiu cum acido vitrioli remixtum est.* 561
- Aqua Fortis quid sit.* 561
- Aqua Fortis, quale sub præcipitatione sedimentum album dimittit, illud non est Luna Cornua.* 562
- Aqua fortis est aqua separatoria usui doctissimo sub certis cautelis inserviens.* 824. 825
- Arcani Duplicati vana appellatio.* 759. 261
- Arc. Dupl. Natales.* 259. 260. 559
- Arc. Dupl. expers sit Vitriolica vomitoria substantia.* 260
- Arc. Dupl. iusta preparatio.* 259. 261
- Arc. Dupl. diversa preparatio.* 316
- Arc. Dupl. geneseos ratio.* 261. 262
- Arc. Dupl. & Tartari Vitriolati elegans crystallisatio quomodo promovenda.* 266
- Arc. Duplicatum Vitriolico acido abundans nocet, non æque, quando acidum Nitri prædominat.* 260. 261
- Arc. Dupl., quid sit.* 262
- Arc. Dupl. medium & mixtum Sal esse ex acido Vitriolico & alcali fixo, demonstratur, ex comparatione cum Tartaro Vitriolato.* 264. 267
- Arcan. Dupl. difficulter in aqua præcipue frigida solvitur.* 266
- Arc.*

# INDEX REALIS.

*Arc. Dupl. de acido Vitriolico participare demonstratur, quod ex hoc possit per artem Sulphur parari.* pag. 267

*Argentum resistit Combustioni.* 830

*Argenti alienationes ab aliis substantiis Sulphureis, arsenicalibus, regulinis &c.* 829. 830

*Argenti Separatio ab antimonio succedit per Nitrum.* 830

*Argentum aqua forti solutum & cum Spir. Salis præcipitatum, volatilifatur.* 830. 831

*Argentum aqua forti solutum & per Sp. Salis præcipit. concernentes observationes.* 831

*Argenti minere Separationis fundamentum nititur proportionem Sulphuris ad Argentum.* 831. 832

*Argentum per quæ additamenta ab aliis metallis separetur.* 808. 809

*Argenti multi e paucis Cupro separandi fundamentum, successus & modus.* 809 - 811

*Argenti pauci e multa minere cupri separandi fundamentum, successus & modus fiendi.* 811. 813

*Argentum a Cupro mediante Lithargyrio separari potest.* 813

*Argenti coruscationem concernentes circumstantiæ.* 832

*Argentum quibus aliis, quam solitis modis atque mediis a cupro liberetur.* 836

*Argenti separationis ex aliis metallis per imbibitionem in Plumbum falsi Theoria.* 738 739

*Aristoteles accusatur quod antiquiorum sententias corruerit, testimonio definitionis Naturæ.* 198. 199

*Arsenicum maxima parte Salina est pro-  
sapia.* pag. 383

*Arsen. album pro remedio febrisfugo exhibitum pessimorum effectuum causa Historiis Medico Practicis accusatur.* 434 - 441

*Arsen. album pulvis Febrisfugus Anchiatri.* 446. 447

*Arsen. venenum corrosivum efficax.* 448. 452-455

*Arsenici consecutiones in corpore vivo in quo differant a Mercurii sublimati consecutionibus.* 453

*Arsenici effectus perniciosi in corpore vivo communes & proprii.* 453. 454

*Arsenicum immediate humoribus insinuatum presentaneæ operatur, in ventriculum vero assumptum longinquiores mortiferos effectus edit.* 454

*Arsenici effectus perniciosi proprii sunt stomachi erosio & extenuatio, nec non repentina sphacelatio genitalium in viris.* 454. 455

*Arsenici effectus perniciosi longinquiores.* 455

*Arsenicum per modum indueli Terroris naturam a continuatione paroxysmorum febriliam destrahit.* 463- 466. 472

*Arsenici correctio mendax.* 469

*Arsenicum scopo febrisfugo exhibitum quædam damna concitet.* 471. 472

*Arsenici habitus ad Nitrum.* 492

*Artificia diversa a Chinesibus ad Europæos translata fuisse probabiliter constat.* 269. 270

*Artificium Transmutationis metallorum & prolongationis ac renovationis vitæ per*  
subsi-



# INDEX REALIS.

- Subsidium medicum Chinesibus fami-  
liare.* pag. 270.
- Artis & Naturæ opera discrepant tem-  
pore, materia & instrumentis.* 398.
- 399
- Artis & Naturæ opera maxime distinguit  
Ignis.* 399. 400
- Artes & scientiæ variæ a veteribus inventæ  
sed non perfectæ sunt.* 694. 695
- Artes talia inveniunt, quæ neque in naturæ  
potestate, neque usu sunt.* 735
- Artium & Scientiarum fundamenta &  
impedimenta.* 49
- Aurum unde ponderosum.* 31. 32
- Aurum ex superstitione & opinione pretio-  
sum & ad res medicas utile prædicatur.* 481. 482
- Aurum simplicem combustionem non ad-  
mittit.* 588. 828
- Aureum vitulum alia ignis materia quam  
nuda accensione combustum fuisse  
e textu hebræo asseritur.* 588. 589.
- 591
- Aurei vituli combustionem concernentes  
difficultates inter Criticos occurren-  
tes.* 589. 590
- Aurum difficulter Ignis motui destructorio  
subjacet.* 593. 828
- Aurum an Igne reverberii comburi & cal-  
cinari queat.* 593-596
- Aureum vitulum Moses non per Ignem  
reverberii combussit, neque cum Mercu-  
rio in pulverem, aut cum heterogeneo  
addito metallo in cineres redegit, aut  
cum Salibus corrosivis attenuavit.* 596
- 597
- Aurum comminui potest mediante Mercu-  
rio cur.* 596. 597. 599
- Aurum attenuatur quando in Bezoard.  
Solare convertitur cum reg. antim. aut  
Stanno & Nitro per detonationem.* pag. 597
- Aurum quomodo friabile reddi queat.* 598
- Aurum attenuari potest cum Salibus cor-  
rosivis.* 598. 599
- Aurum nihil insigniter sed difficulter a  
Sulphure alteratur.* 600. 602-604
- Aurum quod & quomodo mediante Sul-  
phure ab aliis metallis separari queat.* 600-602. 809
- Aurum quomodo per Sulphur in pulverem  
converti & aquæ interagitari queat.* 606. 607
- Aurum per antimonium ab aliis metallis  
separatur.* 808. 809. 813. 814.
- Aurum an a Sulphure alteretur.* 826. 827
- Auri habitus ad alia metalla & principia  
quoad coalitum.* 827
- Aurum separatur ab aliis materiis per Sa-  
lia corrosiva.* 827. 828
- Aurum resistit vitrificationi.* 828
- Aurum quibus mediis colorari queat.* 828
- Auri separatio ab aliis metallis quot modis  
fiat.* 828
- Auri lotura, quando illius ramenta vel in  
fluvii inveniuntur, vel in limo aut pin-  
gui marga.* 776
- Aurum deprehenditur in fluvio Sala &  
unde eo veniat.* 776
- Aurum in quibus locis littorum fluviorum  
inveniat.* 779. 780
- Authoritates non efficiunt scientiam,* 29
- B** *Arometra, vid. Mercurii motus  
in Barometro.*

# INDEX REALIS.

- Boni & Mali diversi gradus & respectus.** pag. 712. 713
- Botanica vulgaris nullius usus est in Medicina.** 723
- Bruta quædam ad certa alimenta destinata esse, probatur ex speciali organorum eorundem constitutione.** 279
- Cadmia appellatio.** 837
- Cadmia ubi reperitur.** 793
- Cadmia fossilis a Cadmia furnorum differit.** 793
- Cadmia difficulter cum Mercurio curr. coalescit.** 837
- Cadmia Cupro adherens ad conflagrationem proclivis est.** 837
- Calcibus ex acido præcipitatis plurimum tantillum acidum adheret.** 745
- Calor est præcipua causa fluiditatis.** 111. 112. 185
- Calor externus ad diversam vinorum generum concurrit.** 148
- Calorem magis tolerant acescentia spissiora.** 152
- Caloris restrictus habitus ad unionem principiorum in vino dissolvendam.** 411
- Calor adjuvat fluiditatem Spiritus ardentis & Mercurii curr.** 112
- Calor quid sit.** 112
- Calor proprie pendet a motu situali.** 112
- Caloris impulsus alternantes, plurimarum alterationum temporariarum in mixtionibus causa.** 113
- Calor ad motum fermentativum debet esse proportionatus.** 114. 115
- Carbones inserviunt ad reducenda & depuranda metalla vide Inflammabile principium.**
- Carnis humana comestio unde ortum traxerit.** 295. 296
- Carthaginenses num potuerint in Americam penetrasse, deciditur affirmative.** 295. 298
- Cerevisiæ concentratio optima per abstractionem superflue Aquositatis medianre frigore & congelatione.** 417. 418
- Chalybs est perfectius tractabile ferrum.** 517
- Chalybis & ferri differentia.** 517. 520
- Chalybs bonitate differt.** 517
- Chalybis induratio.** 519. 520
- Chin chinæ intempestive in intermittentibus oblata effectus perniciosi.** 445. 446
- Chymia in artis formam redacta vulgaris, defectus essentielles urgentur.** 736
- Chymia ars est sive habitus cum recta ratione effectivus.** 734. 735
- Chymia solidior tractatio qualis.** 733. 734
- Chymicæ artis abusus.** 732. 733
- Chymia communioris nullus usus est in Medicina.** 707. 723
- Chymicorum experimentorum certorum prerogativa præ vanis.** 415
- Chymicarum rationum & experimentorum deficientium specimina.** 736. 742
- Chymia Practicæ utilitas.** 342
- Chymia vulgaris facies.** 707. 708
- Chymica medicamenta multa vanos & gloriosos habent titulos. (exemplo arcani duplicati)** 259. 261. 442. 481. 483
- Chymia habet multos vanos sectatores.** 481
- Chymia vulgaris parum est Theoretica.** 247
- Chy-**



# INDEX REALIS.

- Chymicus labor plurimum circa corpora aggregata, raro vero mixta versatur.* pag. 67. 235. 247. 307
- Chymie laus.* 34. 35
- Chymie & Physicæ comparatio & connectio.* 36. 37. 235
- Chymia quid sit.* 37
- Chymie essentialia & generalia requisita.* 37. 38
- Chymicæ operationes quid sint.* 40-43
- Chymica indagatio requirit cognitionem motus & differentie materiæ. 43.* 44
- Cinnabaris depuratio a siliceo saxo, quomodo per loturam succedat.* 777. 778
- Cinnabaris in Mercurium & Sulphur quomodo iterum converti queat.* 306. 601. 602
- Cinnabaris resolutio per regulum antimoni.* 488. 489. 601. 602
- Clyffus Antimonii Sulphuratus præter acidum Nitrosum, participat etiam de acido Sulphureo Vitriolico.* 562. 752
- Clyffus antimonii Sulph. triplex acidum sistit.* 752
- Clyffus antim. Sulph. prodit Nitrosum suum acidum si limatura ferri aut Cupri affunditur.* 752
- Cognitio oritur & acquiritur e progressu sensuum ad rationem.* 19. 20. 34
- Color quid sit.* 32. 33
- Comparisonis formalitas.* 17
- Composita quæ & cur facilius dimoveantur & dissolvantur.* 95
- Composita facilius quam mixta resolvuntur.* 307
- Concentratio dephlegmatoria optima, Vini, Cerevisiæ, Aceti, Urinæ & Aquarum Salinarum, mediante frigore & congelatione.* pag. 415-420
- Concentrandi Vinum & Acetum artificium consistit in abstractione superflue aquositat.* 149. 150. 152
- Concentrati frigore liquores sunt durabiles.* 420-422. 424
- Concentratorum frigore liquorum successiva mutatio.* 423. 424
- Contagii dantur gradus.* 636
- Contagiosa materia per illas vias iterum excernenda, per quas corpori insinuata est.* 636
- Contagiosa materia halitiosa evaporatione e corpore inquinato eliminanda est.* 639. 640
- Corpus naturale & aggregatum differunt.* 30
- Corporis physici cognitio non suppetit, quoad essentiam, at quoad aggregationem.* 25-27. 30. 31
- Corporum plurimæ affectiones cognoscibiles nituntur ejusdem aggregatione.* 26. 28
- Corpora sunt vel mixta vel structa.* 335
- Corporum naturalium coagmentationes absolvuntur Aggregatione, Compositione, & Mixtione* 304. 305
- Corporis essentiam rationi incognitam esse, sed solum aggregationem, demonstratur exemplo auri* 24-33
- Corrosiva & Septica, cadavera non afficiunt.* 457
- Creationis modus fiendi non cadit in cognitionem humanam.* 38-39
- Croci Martis diversi.* 521-526
- Croci*

# INDEX REALIS.

*Croci Martis sine separatione partium constituentium.* 521.522  
*Croci Martis cum separatione partium constitutivarum facti, huiusque secessionis causa.* pag. 522.525  
*Crocus Martis antim. sive Antimonium diaphoreticum martiale Ludovici.* 522  
*Croc. Martis Cachect. Zwelferi.* 522.524  
*Croc. Martis antimoniatuſ Aauthoris.* 523. 524  
*Croci Martis antim. uſus & doſis.* 531  
*Croc. Martis Cachect. Quercetani Genealogia.* 742.743  
*Crocus Martis per ſolutionem ferri cum alcali paratuſ, tener eſt, & potenter aſt placide adſtriſtoriuſ.* 748  
*Cuprum nativum.* 774  
*Cupri depuratio pyrotechnica.* 789. 790. 811.812.  
*Cupri habitus ad Sulphur.* 833.834.  
*Cupri Docimaſia.* 834-836  
*Cupri docimaſia per Plumbum.* 835  
*Cuprum quæ incommoda aliquando patiatur à plumbo in Docimaſia.* 835  
*Cuprum per quæ alia, quam ſolita media ex Argento ducatur* 836  
*Curioſitatis bonuſ & maluſ ſenſuſ & uſuſ.* 695-697.723-725  
*Curioſitatis vana tractatio.* 706. 723. 724.  
*Curioſitas Medica in quibuſ conſiderationibuſ occupata eſſe debeat.* 724.725.  
*Curioſitatis vulgariſ offendicula & damna in Medicina.* 724-726

**D**El Nomen, an Enoſ tempore invocatum, an profanatum fuerit, ſecundum Genes. IV. v. 26. 700-702

*Dei Nominis profanatio in Potheſtatibuſ ejuſ, in Medicina.* 701.702  
*Deſtillatio quid ſit.* 43  
*Diacriſis inferit futuram Syncriſin, & hac involvit prageſſam diacriſin.* 305  
*Diacriſis compoſitioniſ ſubtilior eſt, quam aggregationiſ.* 305.306  
*Diæta difficilioriſ interdum datur adſuetudo.* 279  
*Diæta ſimplex perinde ſanitati conſere.* 279.280  
*Diæta variabilis & ſimplex deſectentiſ, quo ordine diſponat ad diverſa incommoda.* 280  
*Diæta non nimis ſcrupuloſa diſponit homineſ ad perferendos & ſuperandos diverſoſ extraordinarioſ caſuſ.* 280  
*Diæta variata, & ad varia, etiam durior, adſucta, quod, quæ & cur certo reſpectu commendabilis ſit.* 280.281.284  
*Diæta ſcrupuloſa excluditur.* 281.284  
*Diæta ſimplicioriſ in durioſeſ tranſituſ, & huiuſ in illam, multorum incommodorum cauſa.* 282.283  
*Diæta nimis ſollicita & mollis ab ipſa ſtatim infantia abſit.* 284  
*Diarrhœa in febre Petechiali non noxia.* 576.577  
*Diarrhœa in Febre Petechiali & Varioliſ mitigande, qua ratione & quo ſucceſſu Nitruſ proſicuſ judicatuſ & obſervatuſ eſt.* 576-579. 670-672  
*Diarrhœa in Varioliſ cujuſ indoliſ.* 578. 579  
*Diarrhœa in Varioliſ adſtringentiâ & anodyna non conſerunt.* 579  
*Diarrhœa in febb. petech. obſervationeſ & conſiderationeſ. vid. Feb. Petechizant.*  
**R r r r r** **Diarr-**



# INDEX REALIS.

*Diarrhoeas in febb. excedentes tractandi  
modus Authoris.* pag. 680

*Dignitatis varia acceptio.* 704.705.

*Divisibilitatis vana & vera acceptio.*  
233. 234

*Divisibilitas corporum in infinitum in phy-  
sicis perperim asseritur.* 233

*Divisibilitas physica succedit per instru-  
menta corporea aut proportionata.* 233.  
234.238.240

*Divisibilitas veterum & recentiorum in  
puncta & lineas rejicula.* 234.240.241

*Divisibilitas quanti, Aristotelica examina-  
tur.* 239.240

*Divisio mathematica differt à diffissione  
Physica.* 241.243

*Divisio corporum in infinitum est imagi-  
naria.* 92-94

*Divisiones physicae requirunt instrumenta  
divisoria.* 243

*Divisionis physicae ignorantia, quales in  
Philosophia pariat defectus.* 241-245

*Divisionis physica triplex modus.* 245

*Docimastica vasa.* 823.824

*Docimastico usui inservit Aqua fortis.*  
824.825

*Doliorum vinosorum structura inven-  
tio qua occasione & experientia nita-  
tur.* 136

*Durities quid.* 32

*Durities est affectio corporis aggregati.* 28

**E***mpyreumaticorum oleorum effi-  
cacia interna.* 89

*Emulsiones ex Sem.frig.paratae, in ven-  
triculo incommoda pariunt.* 655

*Enos tempore an Nomen Dei invocatum*

*an profanatum fuerit, secundum Gen.  
IV.v.26.* 700-702

*Enos tempore nomen Dei inversa invoca-  
tione per nomina varia potestatum Dei  
cultum fuit.* 700

*Essentiae rerum rationi non innotescunt.*  
24.25

*Evaporatione bulliente Salia fixa jactu-  
ram patiuntur.* 248

*Experimentorum chymicorum certorum  
& fidorum prerogativa, prae vanis.* 415

*Experimentorum chymicorum diversa ge-  
neralis conditio.* 585-587

**F***æces vini quid sint.* 130.157.158

*Fæcum genesis.* 157.158.188

*Fæces difficulter siccescunt, quamvis sint  
valde humide.* 158.159

*Fæces inserviunt destillationi Spiritus vi-  
nosi, incommoda licet, tamen adjuvan-  
da & promovenda.* 159-161

*Fæces coctæ magis inserviunt ad destilla-  
tionem Spiritus ardentis, Salis volati-  
lis, olei, & excoctionem Tartari.* 162

*Fæcum coctarum speciales qualitates.* 161.  
162

*Fæcum secessio a subjecto fermentabili  
qualis sit, & quomodo contingat.* 162  
163

*Fæcum secessio a liquore fermentabili, qua-  
les huic qualitates conciliet.* 163

*Febrium Curatio involuit medicamento-  
rum convenientium institutionem secun-  
dum motus paroxysmorum.* 658

*Febris ratio formalis.* 462

*Febres animi pathematibus excitantur &  
præfocantur.* 462.463

*Febrium*



# INDEX REALIS.

- Februm successus multum debet animi habilitati.* 463
- Febris est actus Naturæ salutaris Sc. & Excretorius.* 466
- Febres certis diei horis paroxyzant.* 625. 626
- Febribus impetuosæ commotiones, & calida regimina nocent.* 654
- Febres malignæ contagiosæ halituosas excretiones postulant.* 639. 640
- Febriles sudores congruos Historia vulgaris clinica non diserte commemorat.* 638. 639
- Febriles sudores non convenienter sub æstus vigore vel succedunt vel urgentur, sed remittente illo.* 638. 639
- Febriles sudores facile turbantur impatiencia & inquietudine.* 639
- Febriles sudores quales salutare vel perniciosi existant.* 653
- Febrilia symptomata non maturius sunt impugnanda, priusquam morbus impugnatus est.* 656. 677
- Febriles paroxysmi quid sint.* 658
- Febris quo ordine atque fure Salutaris dicenda.* 713. 715. 719. 720
- Febres morbidis motibus absolvi, eventu vero salutari gaudere, negatur.* 720. 721
- Febres unde perturbentur.* 721. 722
- Febris Lethiferæ simplex & vera Therapia Hippocratica.* 703
- Febris Exanthematica & Eëthymatica differt.* 683
- Febres Castrenses concernentes circumstantiæ.* 633. 634
- Febres quotidianæ in diversis climatibus facile aliam faciem induunt.* 631. 632
- Februm intermittentium pacatorum paroxysmum quo modo adstringentia tollant.* pag. 463
- Febris Tertianæ salutaris est.* 470
- Febr. Tert. cur ob Terrorem inductum, cesset.* 463. 464
- Feb. Tert. cur ob arsenicum (tanquam venenum) oblatum, cesset.* 462. 466
- Feb. Tert. perturbata Metaschematismi.* 470
- Feb. Tert. non postulat ancipitem aut periculosam oppugnationem.* 471
- Feb. Tertianæ veneno oppressæ, quæ damna subeant.* 471. 473
- Feb. Tertianæ Pathologia.* 474. 477
- Feb. Tert. Cura.* 477. 480
- Feb. epidemicis utilis est Mixtura Simplex.* 676
- Febris Petechialis etymologia* 622. 662. 663
- Febri Petechiali V. S. nociva.* 575
- Febris Petechialis propendet in alvi fluxum* 663
- Febri Petechiali alvi adstrictio noxia, alvi fluxus vero moderatus non modo minimum noxius, sed non raro salutaris est.* 575. 577
- Febris Petechizantis Historia & methodus medendi.* 610. 621
- Feb. Petechizans non est nova, sed veteribus sub nomine quotidianæ continuæ phlegmaticæ cognita.* 621. 623. 664
- Feb. Petechizantis significatio.* 622
- Febr. Petechizantem deducunt veteres a phlegmate Salso, recentiores a qualitate venenosa.* 622. 623
- Febr. Petechizans in quantum contagiosa existat.* 623. 624



# INDEX REALIS.

- Febr. Petechizans magis ad Catarrhales  
typos vergit. 674.625.664
- Febr. Petechizans ad Diarrhœas valde  
proclivis est. 664.668
- Febr. Petechizantis Diarrhœa, si non posi-  
tivum emolumentum, tamen nullum  
notabile damnum inferunt. 664.666.  
668
- Febr. Petechizantis Diarrhœa, alvi adstri-  
ctionibus anteponenda sunt. 664. 666.  
668
- Febri Petechizanti Diarrhœa non est essen-  
tiale symptoma, neque salutariter de-  
cretoria, neque insigniter utilis. 665
- Febrem Petechiz. ad Diarrhœam inclinare  
& alvi adstrictionem ægrius perferre,  
quid commodi Therapiæ conferat. 666.  
667.668.669
- Febris Petechizantis inclinationis ad Diar-  
rhœas observatio authoris ab aliis tradi-  
tionibus & speculationibus differt. 665.  
667.668.674
- Feb. Petechizantis Historico Practicæ ani-  
madversiones circa macularum efflo-  
rescentiam. 669
- Feb. Petechizantis Diarrhœa indifferenti  
tempore occurrunt. 669.670
- Feb. Petechizans quale corruptelæ genus  
involvat. 670
- Feb. Petechizantis Diarrhœa ratio. 670
- Feb. Petechizantis Diarrhœa Therapia cum  
Nitro, hujusque inventio & occasio. 670.  
671.576-579
- Febr. Petechizantes facillimam alvi strictu-  
ram subeunt. 673.674
- Febr. Petechizantis successum alvi sine  
commotione adjuvant Pilula Balsamica  
Authoris. 674
- Febris Petechizantis conveniens expertum  
remedium Laxativum, hujusq; modus  
adhibendi & circa illud animadversio-  
nes quædam & rationes. 674-678 681.  
682
- Febr. Petechizanti proficuum Laxativum  
remedium alterante præcipue etiam effe-  
ctu operatur. 676.677.681.682
- Febr. Petechizantis Therapia per peculiare  
& expertum Laxativum remedium,  
utilitas. 678
- Febr. Petechizantis propensio in alvi fluxi-  
litem differt ab aliis alvi fluxibus in  
febb. 679
- Feb. Petechizantis diarrhœas mitigans &  
dirigens medicamentum Nitratum Au-  
thoris. 680
- Febri Petechizanti non opposita est metho-  
dus per promotionem evacuationis al-  
vine cum alteratione efficax. 683.684
- Febri Petechizanti Cascarilla post præ-  
gressam Emesin ad promissionem Apini  
non insigniter profuit. 685.686
- Febris Petechizantis recentissima Thera-  
pia. 987.688.
- Feb. Petechiz. circa vespæram indies exacer-  
batur. 625-627
- Febr. Petechizantis frigus & æstus concer-  
nentes observationes. 626.627
- Febr. Petechizantis Vigilia, Cephalalgia,  
Inappetentia, Sitis, contabescencia. 626.  
-630.654.655
- Feb. Petechizanti alexipharmaca tempe-  
rationem & absorbentia conferunt. 630  
631
- Febr. Petechizans quo respectu & modo  
maligna esse & fieri possit. 634.635
- Febr. Petechizantis malignitas gradu va-  
riat diversis temporibus. 636.637  
Febr.



# INDEX REALIS.

*Febr. Petechizantis languorem, spasticam tensionem, & in infantibus convulsionem concernentes observationes.*

637. 638.

*Febr. Petechizantis maculas & aphthas attinentes circumstantie & animadversiones.*

*Febr. Petechizantis macularum excretio an sit critica.*

*Febr. Petechizans indole sua lenis aut quasi lenta est.*

*Febr. Petechizantis sponte sine medicatione decurrentis annotationes.*

*Febr. Petechizans non nisi halituosus sudoribus summo matutino tempore ventilatur.*

*Febr. Petechizans requirit regimen moderate calidum non anxium aut sudorem aquosum eliciens.*

*Febri Petechizanti immoderate aut impetuosae commotiones exaustoria aque nocent, ac refrigerationes.*

*Febr. Petechizanti Vomitoria, purgantia & positiva diaphoretica non conveniunt.*

*Febr. Petechizantibus alexipharmaca intempestive oblata nocent.*

*Febr. Petechizanti V.S. noxia.*

*Febr. Petechizanti adhibitas V.S. attinentes observationes.*

*Febr. Petechizanti copiosa sudationes, imprimis aquosae, nocent.*

*Feb. Petechizans aliquando decurrit sine macularum efflorescentia.*

*Febr. Petechiz. opium nocet.*

*Febrifugi electuarii ex chin china obtenti-*

*tionis ab Anchiatro, Historia & arcani hujus descriptio.*

*Fermentationis appellatio.*

*Fermentatio spumescentiam quidam, sed non incalescentiam infert.*

*Fermentatio non a fervore incalescentiae, sed spumescentiae, derivanda.*

*Fermentationis vox quomodo & quibus veteribus & recentioribus usitata fuerit.*

*Fermentationis acceptio involvit differentiam cum putrefactione.*

*Fermentatio ut species, stat sub putrefactione, ut genere.*

*Fermentationis definitio.*

*Fermentationis subiectum genericum est aggregatum, ex corpusculis heterogeneis compositis, oleo nimirum, Sale & Terra, connexis, constans.*

*Fermentationis definita explicatio.*

*Fermentationis subiectum aggregatum non est densum, sed mobile & dislocabile.*

*Fermentatio quo respectu Salsedinis praesentiam inferat.*

*Fermentationis subiecta quae, Sal, oleum & aquam externis sensibus sistunt.*

*Fermentationis motus absolute requirit corpora connexa*

*Fermentatio est motus cohesionem sui subiecti dislocans.*

*Fermentationis finis est resolutio, attenuatio & nova transpositio.*

*Fermentabilis subiecti moleculae divulsae sensus crassos fallunt.*



# INDEX REALIS.

- Fermentativi motus schematicus* 175
- Fermentativus motus concitatur ab alio corpore moto ut instrumento.* 100
- Fermentativum motum concitantium instrumentorum affectiones.* 101
- Fermentativi motus instrumentum aqueum quo modo atque statu existat.* 102
103. 183-185. 420
- Fermentativi motus instrumentum fluidum, quale non sit?* 103. 104
- Fermentationis & Putrefactionis differentia.* 180. 181
- Fermentationi obest fervor & coctio.* 104
- 185
- Fermentativi motus instrumentalitas in aqueo fluido, probatur.* 105-107
- Fermentativi motus instrumentum aqueum fluidum peracta fermentatione, sine detrimento essentiali fermentato auferri potest.* 106
- Fermentativi motus instrumentum cur aqua sit.* 109. 110. 183-185
- Fermentabilia extra actum fermentationis sunt sicca.* 98. 99
- Fermentabilia quo magis humiditati accedunt eo facilius fermentescunt.* 99
- Fermentativi motus instrumenti, aquei nimirum fluidi habilitas ad concitandam fermentationem inquiritur & explicatur.* 109-111. 183-185
- Fermentationis instrumentum aqueo fluidum quoad affectionem teporis disquiritur.* 111. 112. 185
- Fermentatio requirit concursum caloris tepidi.* 113-115. 185.
- Fermentationis succellui utile est aeris commercium, sed non essentialiale.* 116.
121. 185. 186.
- Fermentatio commodius procedit intercepto immediato aeris contactu.* 116
- Fermentatio differt a Fluiditate, incallescencia, Coctione, Emollitione, Solutione, Extractione, Effervescencia, Precipitatione, Combustione & Digestione.* 177-179
- Fermentationis species sunt Fermentatio stricte dicta, Acescencia, & Putrefactio.* 179
- Fermentativi motus dependentia & ordo.* 180. 181
- Fermentatio ordine prior est putrefactione.* 180
- Fermentabilia solidiora, aut aquositate praedita, quomodo ad fermentationem preparanda.* 76. 77
- Fermentabilis subiecti proprietates.* 77
- Fermentabilis subiecti numerosa quantitas promoret & aequalem reddit fermentationem.* 77. 78
- Fermentabile subiectum in majori spatio fermentans, productum praebet subtilius & sapidius.* 78
- Fermentabilis subiecti specialis constitutio est mixtio ex Sale, oleo & Terra constans.* 78
- Fermentabilia subiecta salinum acidum principium continent.* 79. 80. 83
- Fermentabilia subiecta continent actua-lem pinguedinem, sed in connexionecum reliquis principis.* 80. 81
- Fermentabilis subiecti pinguedo per Spiritum vini extrahi potest.* 81
- Fermentabilium & putrescibilium subiectorum discreta pinguedo qualis.* 81
- Fermentabilis subiecti terrea substantia quomodo indaganda & separanda.* 81
- Fer-*

# INDEX REALIS.

- Fermentabilia subiecta esse debent unita quoad principia, præprimis quoad oleositatem cum reliquis principijs.* 82. 83. 86.
- Fermentabilis subiecti principium Salinum acidum, quomodo sese erga reliqua principia, maxime vero ad pingue in statu connexionis & concretionis habeat.* 83. 84
- Fermentabilis subiecti principium acidum intercedente Terra coalescit cum oleo.* 83. 85
- Fermentabilium subiectorum unio quoad principia demonstratur.* 85
- Fermentationi faciliori & æqualiori resistunt subiecta in quibus principium quoddam, sive oleum, sive Sal, sive Terra præ aliis abundat.* 86
- Fermentationis subiectum, quoad principia connexum, constituit mucositatem modo tenuiorem modo spissio-rem.* 86. 87
- Fermentabilis subiecti pinguedo differt tenuitate & spissitudine.* 88
- Fermentationis subiectum consistit ex compositis laxioris cohesionis, aquositatem & Salsedinem intimius admissis.* 95
- Fermentabilis subiecti aquositas præprimis etiam superflua, est instrumentum motus fermentativi.* 97. 183-185
- Fermentabilis subiecti principium oleosum pingue non est activum sed passivum in actu fermentationis.* 97. 98. 100. 101
- Fermentationi multum proficit moderatio accessus aeris.* 116. 117
- Fermentantium corporum exhalationes sunt elastice.* 117
- Fermentantium corporum exhalationes non sunt aeræ, sed pinguedinoso-aquosa, a mixtione subiecti intime exsolu- te.* 118-120
- Fermentantium corporum exhalationes, quæ symptomata in corpus animale in-ferant.* 119
- Fermentativam ebullitionem coercent pin- guia fluida affusa.* 121
- Fermentantes exhalationes pinguis indo- lis esse, demonstratur.* 121
- Fermentati liquores abundant aquositate* 405
- Fermentativi motus collisorii & divulsio-rii efficacia, successus & demonstratio.* 122-125
- Fermentatoria attenuationis & combina- tionis regulæ fundamentales & modus essendi atque fiendi.* 125-127
- Fermentatoria divulsionis processus.* 127
- Fermentatio quotuplicia Salia præbeat ex suis subiectis.* 127. 128
- Fermentativa dissolutio animalium sup- peditat Salsedinem, Sali communi æ- mulam.* 128
- Fermentativus motus Salium genesi maxi- me favet.* 129
- Fermentatio concurrit ad Volatilium Sa- lium genesin.* 131
- Fermentatione plus Salis acidi e subiectis suis, quam quantum hisce antea ine- rat, producitur.* 132. 133
- Fermentativo motu liberantur Salia, quæ antea subiectis fermentabilibus inerant.* 133. 134
- Fermentationis motus est causa generatio- nis Spiritus ardentis.* 134-136
- Fermentativa exhalatio subtilium pin- guedinum coerceri potest per modera- men accessus aeris.* 136-139



# INDEX REALIS.

- Fermentativa exhalationis moderamen in vino & cerevisia.* 136-139
- Fermentationis dulcis ultimum productum.* 147
- Salinum est Tartarus.* 147
- Fermentatorum liquorum consistentia & sapor, nititur unione & mixtione principiorum.* 147. 148
- Fermentatio continuata beneficio caloris in acescentiam & tandem in putredinem ruit.* 151. 152
- Fermentantia & acescentia spissiora melius calorem tolerant.* 152
- Fermentationis essentialis circumstantia est Tempus.* 153
- Fermentationes placide meliores sunt impetuosas & precipitibus.* 154-157
- Fermentatio intensior difficulter cohiberi & compefci potest.* 154. 155
- Fermentantia principia cum aromatibus commixta, præbent productum Spirituosius.* 155. 156
- Fermentatio excitatur per adjectionem aromatum.* 156
- Fermentatio impeditur & Putrefactio promovetur si principium Sulphureum tenue non cum Sale & Terra intimius unitum fuerit.* 182
- Fermentatus liquor defacatus quibus qualitatibus a priori suo statu differat.* 163
- Fermentativa spumescencia quod, & in quibus subiectis proprie occurrat.* 164-166
- Fermentativam spumescenciam non subeunt pingua extra consortium Salis & Terræ constituta.* 165. 166
- Ferment: spumescencia fit, quando acidum liberatum arripit alteram Terræ liberatum.* 166. 167. 188
- Fermentativam ebullitionem an Sulphureum principium adjuvet.* 167
- Fermentativi motus energia non pendet ab efficacia activa Sulphurei principii* 168-173
- Fermentationis causa est Sulphur, subiecti fermentabilis.* 173-177
- Fermentativi motus processus & successus,* 183-187
- Fermentativi motus effectus & consecutaria.* 187-190
- Fermentum aliquandiu detinetur in mucida substantia, ne promptius exhalet.* 193. 194
- Fermentum materialiter imminuitur calore fervido & aperto Aere.* 193
- Fermentationis certæ species, quod & cur præbeant fermenta, in subiecto generaliter habili, eandem speciem fermentationis excitantia.* 192. 193
- Fermenti quantum ad promovendam fermentationem requiratur.* 164
- Fermentatione parati liquores, quibus affectionibus & alterationibus per aquæ intertextionem subjiciantur.* 189. 190
- Fermentabiles liquores qualibus alterationibus post primam fermentationem sint subiecti.* 189. 190
- Fermentativum motum quomodo aqueum principium concitet & continuet.* 183-185
- Fermentum fermentabilibus additum promovet & accelerat actum fermentationis.* 191. 192. 194
- Fermenti descriptio quoad Partes constituentes, & suam efficaciam.* 191. 162
- Fermentum quomodo Fermentationem excitet.* 192
- Fermentorum specie diversorum activitas,*

# INDEX REALIS.

- tas, quod & cur calore intensiori facile destruat. 193
- Ferrum imbibit portiones Sulphureo-pingues & Salino-arsenicales. 363
- Ferrum est metallum copiosi proventus. 366
- Ferrum bonitate discrepat. 366. 389. 390. 517. 518
- Ferrum ubertate sua evilescit. 367. 842. 843
- Ferrum utile & dignum metallum. 367. 842
- Ferrum multum de Terreo-limosa substantia participat. 367. 390. 843
- Ferri minera aut Ferrum dissolutum colorem ex flavo-rufescentem exhibet. 367 368
- Ferrum Terris rubicundis inherere vulgo asseritur. 368. 391. 392
- Ferri & terrarum ita dictarum ferriferarum rubicundarum generalis affinitas & differentia. 367. 368
- Ferrum e limo parandi experimentum Recherianum. 372. 373
- Ferri genesis ex limo, ad observationem Hermanni. 375
- Ferri artificialis genesis ex experientia auctoris, ejusque experimenti Theoria. 376-380. 391-396
- Ferri applicatio ad Magnetem, presupponit completam sui mixtionem. 388
- Ferri probatio desideratur quoad quantitatem & qualitatem. 389. 390
- Ferrum artificiale producitur e principio præcipue Φλογισῶ Terra teneriori lutosæ remixto. 393-395
- Ferri metallicam genesis promovet Φλογισῶν, mineralem vero, nimirum Sulphureo-arsenicalem, acidum sive Vi-
- trioticum sive Salis communis. 394-396. 525
- Ferri arte conficiendi juxta experimentum Auctoris processum concernentes enchirises. 397
- Ferri minerarum vulgaris conditio & emendatio cum carbonibus fusarum. 512 513
- Ferri minerarum correctio cum communicatione principii Φλογισῶ. 513
- Ferrum principio suo Φλογισῶ, etiam per motum fortiolem, privari potest. 513. 514
- Ferri principium Φλογισῶν, hujusque dispositio. 513. 514
- Ferri principium Φλογισῶν demonstratur. 513-515
- Ferrum non nisi per principium Φλογισῶν conjungitur cum aqua forti. 515. 516
- Ferrum per principium Φλογισῶν cum Magnete convenit. 516
- Ferrum Φλογισῶ suo privatum neque cum sulphure communi, neque antimonii coalescit. 516
- Ferrum per suum Φλογισῶν cum stanno coheret. 516
- Ferri & chalybis differentia. 517. 520
- Ferrum in chalyben converti potest per carbonem duriorum lignorum. 517
- Ferri mineræ pauperiores quomodo meliorari possint. 518
- Ferri depuratio per Magnetem fallax. 530. 531
- Ferrum igne reverberii in crocum converti potest. 594
- Ferrum solvi potest in puro Sale alcalico fixo. 742
- Ferrum quo ordine ab alcali solvatur. 743



# INDEX REALIS.

*Ferri solutio in alcali, experimento sistitur, atque experimentum illustratur, defenditur & demonstratur.* 743 - 746

*Ferri solutionis in alcali Theoria.* 746-748

*Ferrum per Spir. Nitri aut aqu. fort. ita disponi potest, ut dehinc ab aqua forti solvi amplius non possit.* 748

*Ferri resolutio per fusionem cum Nitro.* 798

*Ferrum an cum Sulphure puro facile coeat.* 843

*Ferrum quibus substantiis solito adhaereat.* 843

*Ferrum quibus locis proveniat.* 843-844

*Ferri docimasia per Magnetem minima.* 844

*Ferri mineram, ferrum exustum, & crocum ferri, magnes non arripit.* 844

*Ferrum quomodo meliorari & in chalyben converti possit.* 845

*Ferrum perfectum ad aliorum metallorum liberationem à sulphureis inquinamentis, inservit.* 845

*Fluiditas quid sit.* 107

*Fluiditas quo modo ad aggregatorum & mixtorum semotionem diversam concurrat.* 107-108

*Fluiditatis præcipua causa calor est.* III-113. 185

*Fluidi & Humidi diversitas.* 100

*Fluxum Metallorum promoventia additamenta.* 821. 822.

*Fontium Salinorum concentratio mediante frigore & congelatione optima.* 419. 420

*Frigoris efficacia in singulas vini partes.* 412-414.

*Frigore concentratorum liquorum durabilitas & successiva mutatio,* 420-424

*Frigus ad vini unionem tam conservandam quam disturbandam adjuvat.* 411. 412

*Frigoris efficacia congelascens in partes liquorum Spirituosas.* 412

*Frigoris discrepans efficacia congelascens in lixivis Salina & spiritus acidis fixos & volatiles.* 413

*Frigoris efficacia in olea, Sal alcali, Urinam & Solutionem fuliginis.* 414

*Furnorum fusoriorum descriptio mechanica.* 789

*Fusionis minerarum Historia.* 786 - 790

*Fusionem Minerarum promoventia additamenta, & impedimenta.* 788. 803 - 806

*Fusio Bismuthi, Antimonii & Zinci.* 791-793

*Fusionem plurimum absolvit principium.* Φλογισόν. 796

*Fusio facilitate differt in diversis mineris.* 795. 796

*Fusionem minerarum promovet scoriarum justa fusilitas.* 801

*Fusionem in parvis operationibus promovent Salia & vitra.* 805

*Fusionis promotio per Marcastas Sulphureas.* 805. 806

**G** *Lauberi Sal mirabile unde conflet.* 325

*de Glaubero Judicium Authoris.* 325

*Gluten. vid. Mucus.*

*Gluten quid sit.* 87

*Glutine constant, totum animal, vegetabile, & multi lapides.* 87

*Gravitas quid sit.* 31. 32

He-

# INDEX REALIS.

- H**epar Sulphuris. 144. 317. 351. 753  
*Hep. Sulph. præbet Sal, Tartaro Vitriolato æmulum.* 144. 317. 351. 753. 754  
*Hepatis Sulphuris conversio in Tartarum Vitriolatum & utriusque differentia.* 144. 317. 318. 753 - 755  
*Hippocratis laus, quod in veritate simul simplex sit.* 702. 703  
*Hipp. laus, quam promeruit in commendatione Historiæ morborum.* 660. 661.  
*Hipp. præcipuum artificium acquiescit in abstinendo & expectando.* 703  
*Hippocratica simplicior veritas probatur testimonio Febris Lethiferæ quam exposuit.* 702. 703  
*Historiæ Medicæ solertiores commendatores.* 660. 661  
*Historiæ aliquando præpostere explicantur.* 286  
*Historiæ morborum Medicæ commendatio.* 608. 609  
*Hist. Morb. Medicæ fata.* 661. 662. 709  
*Humiditas & Siccitas in frugibus & fructibus, qualium alterationum causa existant.* 98. 99  
*Humidi & fluidi differentia.* 100  
*Humidum est vel aqueum vel oleosum.* 108  
*Humidus quo sensu Mercurius curr, vocari possit.* 108  
*Humiditatis essentia & proportio ad Salia & Terras à priori ignota est.* 108  
*Humiditatis Theoria.* 108. 109  
**I**alappa operitur in intestina uagæ quadam. 677  
*Ignis & aqua sunt summa instrumenta motuum chymicorum dissolutoriorum & combinatoriorum.* 69. 319  
*Ignis efficacia artificialis in alterandis subiectis tum aggregatis, tum mixtis de Φλογισμῷ præcipue participantibus.* 400  
*Ignis quomodo & quantum sit mixtionum Analysta.* 509-511.  
*Ignis in quæ subiecta jus habeat.* 592  
*Ignis destructorium effectum aer adjuvat.* 592  
*Ignis non destruere potest corpora, nisi de materia ignescibili participantia.* 592. 593  
*Ignis jus difficile habet in aurum destruendum.* 593  
*Individuum physicum quid.* 233. 234. 236.  
*Inflammabile principium, vide Oleum, Pinguedo.*  
*Inflammabilis principii mixtio cum Sale acido demonstratur experimento Sulphur per artem producendi.* 142. 145  
*Infl. principium ex carbonibus & pinguedinibus metalla regenerat & reducit.* 144. 145. 330 - 332. 763. 796. 797. 799. 800. 817. 818.  
*Infl. princ. inest mixtioni oleorum & metallorum.* 310 311. 381. 382  
*Infl. principio præ aliis mixtionibus plurimum abundant vegetabilia.* 339  
*Infl. principium sedem suam habet in aëre, indeque mixtionibus communicatur.* 337. 338  
*Infl. pingve principium ex aëre vegetabilibus communicatur.* 339-341  
*Infl. princ. unde Mineralibus accidat.* 341  
*Inf.*



# INDEX REALIS.

- Infl. siue sulphureum principium inclinatur ad coalitum cum Metallis.* 763. 764  
*Infl. princ. quando vel vegetabilibus vel mineralibus communicatur, perpetuam sociationem cum Salina substantia init.* 341  
*Infl. princ. est in pinguedinibus & oleis subtilibus, quin ipsa etiam Camphora.* 303. 326. 327. 391  
*Infl. princ. cum aliis rebus mixtum prohibet, ne hæc in pristinam suam miscelam abeant.* 389  
*Infl. princ. à Sulphure minerali differt.* 783  
*Infl. princ. metalla in compage sua genuina conservat, ademptum vero, eadem in calcariam Terram convertit.* 381. 382  
*Infl. princ. atque Terreum diversimode coalescens, quod & cur hoc aut aliud metallum constituat.* 391. 392  
*Infl. principium præcipue requiritur ad producendum ferrum per artem cum Terra lutosa.* 393-395  
*Infl. princ. mixtiones rerum præcipue mineralium vario respectu alterat.* 511. 512  
*Inflam. principii concursus materialis ad metallorum reductionem, nondum ullibi observatus est.* 796. 797
- L**otura Minerarum. 375-377
- M**agnes exustum aut Sulpharatum ferrum, aut mineram ferri artificialem non attingit. 388. 844
- Malignitatis sensus & indoles.* 634-636  
*Malignitatis dantur gradus.* 636
- Maligna materia halituosa excretionem corpore ducenda.* 693. 640  
*Martialia medicamenta plus laudantur, quam operantur.* 527  
*Mart. med. quibus morbis conferant.* 527  
*Mart. medicamentorum usus aperitivus dubius & suspectus est.* 527. 528  
*Mart. medicamenta ad adstrictionem promiora sunt.* 528  
*Martis preparata Salina acida magis aperiunt & abstergunt.* 529  
*Martialis Tinctura vitrioli Ludovici commendatio.* 529  
*Martialia omnia præcipue simpliciora agunt adstringendo.* 529. 530  
*Martialium medicamentorum dosis.* 530  
*Mechanicæ Theoriæ Medicæ offensiones & paralogismi.* 60-62  
*Mechanicæ vulgo jactata nullus est usus in Medicina.* 706  
*Mechanica mobilitatis scientia est, non motus.* 717. 718  
*Mechanica dispositio, est nuda potentia ad motum, non viceversa.* 717. 718  
*Medicina est Doctrina, ut vita aut sanitas non fugiat.* 716  
*Medicina tractare debet res serias & necessarias.* 715-717  
*Med. circa quas observationes occupetur.* 727  
*Med. præter reliquas disciplinas prudentiæ addiscenda operam dare debet.* 727  
*Med. paucò tempore neque doceri, neque disci potest.* 726. 727  
*Med. Practicæ difficultates.* 564. 565  
*Med. cum Physica corpusculari nullum commercium habet.* 691  
*Med. an sit conjecturalis.* 697. 698  
*Med.*

# INDEX REALIS.

<i>Med. conjecturalis circa determinationem lethalitatis violentarum læsionum.</i>	<i>Med. ætiologie fata &amp; perversa tractatio.</i>
698. 699.	709. 710.
<i>Med. obruta est credulis opinionibus.</i>	<i>Med. morborum Historiæ &amp; Pathologiæ perversæ tractationis damna &amp; offen- dica.</i>
706	710. 711
<i>Med. ratione &amp; experientia niti debet.</i>	<i>Med. prudentia quo ordine &amp; tempore ad- discenda.</i>
706. 707	727. 728
<i>Med. generalia fata.</i>	<i>Med. prudentia requiritur in Morositate agrorum.</i>
708-712	728
<i>Med. Physicæ circa nudi corporis conside- rationem occupata, defectus.</i>	<i>Medici nomen æquivocam habet exceptio- nem.</i>
710.	430. 431
- 712	<i>Medicus non à veneno derivandus.</i>
<i>Med. corruptæ descriptio, &amp; circa illam consolatio.</i>	431-433
708-712	<i>Medicus minime per venenata remedia operari debet.</i>
<i>Med. ad observationes necessarias, solidas &amp; serias excitatur.</i>	433. 434
722. 723	<i>Medicus qualis Physicus ad sensum Hip- pocratis esse debeat.</i>
<i>Medicæ doctrinæ damna.</i>	691
50	<i>Medicamenta varia sæpe gloriose effe- runtur.</i>
<i>Medicæ artis fundamenta.</i>	442. 443. 526. 527
50	<i>Medicamenta exotica superstitione vulgo extolluntur.</i>
<i>Med. Physiologia quos respectus involvat.</i>	442. 443
50	<i>Medicamenta martialia plus laudantur quam operantur.</i>
<i>Med. Pathologia circa quos respectus ver- setur.</i>	527
50. 51	<i>Mercurii vivificatio è Cinnabari per re- gulum antimonii.</i>
<i>Med. Therapia quos respectus commendet.</i>	488. 489
51	<i>Mercurius currens quo respectu humidus vocari possit.</i>
<i>Med. Theoriæ &amp; Praxeos origines, fun- damenta dependentiæ &amp; nexus.</i>	108
50. 51	<i>Mercurii sublimati noxæ in corpore vivo quales.</i>
<i>Med. Theoriam quid separet è nexu pru- dentis Praxeos.</i>	453
51. 52	<i>Mercurii sublim. noxæ succurritur per di- lutum lixivium alcalicum.</i>
<i>Med. Theoria quomodo ex Anatomie, Chymicæ &amp; Physicæ incongrua colla- tione &amp; applicatione confundatur.</i>	453
52. 53	<i>Mercurii minera ubi reperiantur.</i>
<i>Med. artis opprobria ex vitio vel doctrinæ, vel artem discientium &amp; exercentium pendet.</i>	847
692	<i>Mercurii minera descriptio.</i>
<i>Med. doctrinæ familiares errores genera- les.</i>	847
693	<i>Mercurii tam e sua minera quam e Cinna- barieductio quomodo fiat.</i>
<i>Med. Morborum Historiæ fata &amp; perversa tractatio.</i>	847. 848.
709	<i>Mercurii motus in Barometro vulgo pon- deri aeris pressorio adscribitur.</i>
	206
	<i>Mercurii motus in Barometro Theoria se-</i>



# INDEX REALIS.

- cundum Ramazzinum & Schellbamerum. 206. 207.
- Mercurii motus in Barometro nititur pressione aeris Elastica sive expansoria, 207. 216-218
- Mercurii motum in Barom. a pressione aeris elastica pendere phanomenis meteoricis demonstratur. 208. 209
- Mercurii motus in Barom. phanomena. 211 212
- Mercurii motum in Barom. ab aeris elasticitate pendere hypothetice & per observationes demonstratur. 212. 215
- Mercurii motus in Barom. habitus erga ventos. 213. 214
- Metallorum Transmutationis artificii antiquitus chinenses studiosissimos fuisse, fertur. 270
- Met. Transm. artificium inter Chineses & Europæos in quo discrepet. 271
- Met. Transm. artificium pertinaciter ab hominibus propagatur & investigatur. 271
- Met. modica emendatio æquior est, magisque speranda, quam insatiabilis transmutatio. 271. 273
- Met. emendatio modici fructus datur, quæ tamen non ex vulgaribus processibus præstibus petenda. 273. 274
- Met. emendatio modice fructuosa privatis magis, quam magnatibus concedenda & proficua. 275. 276
- Metalla imperfecta quotuplici statu sese sistant. 381
- Metalla per principium Φλογισόν habent suam metallicam indolem, quo adempto sunt Terra calcaria. 381. 382
- Metalla in mineris Sulphureo-arsenicali principio miscentur, in præcipitationibus vero Salino. 382. 383
- Metalla reduci possunt per additionem principii Φλογισόν. 330. 382. 144. 145. 763. 796-799.
- Metallum ad recipiendum principium Sulphureum vel arsenicale requiritur completum. 385. 386. 388
- Metallica minera completa, non nimio Sulphure imbuta, ab addito alio Sulphure denuo alterantur. 386
- Metalla exusta Sulphur non, aut ægre aggregitur. 385-388
- Metalla imperfecta multum terrestris substantie continent. 390
- Metallorum reductio. 817 819
- Metallorum fluxum promoventia additamenta. 821. 822
- Metallorum separatio per Ignem. 807. 808
- Met. Sep. per additionem Plumbi & reguli antimonii. 808-814
- Met. Separatio nititur ratione diversi coactus Sulphuris cum metallis. 815. 816
- Met. Colliquatio quid sit & quomodo fiat. 822. 823
- Met. geneleos rationes. 851. 852
- Metalla duplici Terra tam vitrescibili quam calcaria gaudent. 390
- Metalla qualibet habent specificum quid, quod a simplici vitrescente substantia eadem distinguit. 486
- Metallorum regeneratio sive temporaria separatio e scoriis vitreis. 737. 738. 801
- Metallorum depurationes & liberationes a Sulphureo-arsenicalibus heterogeneitatibus quæ succedere possint. 739. 740
- Metallum nullum, excepto ferro, meliorationem admittit. 768

Metalla

# INDEX REALIS.

- Metalla reducantur cum pulvere reductorio dicto den schwarzen Sluſ.* 800
- Metallo fuſo nocet humiditas & repentinum refrigerium.* 802
- Metallurgia inter Germanos maxime culta ab aliis vero nationibus adjuncta eſt.* 767. 768
- Metallurgia eſt vel Mechanica vel Pyrotechnica.* 770.
- Metallurgia Mechanica quid inferat.* 770 771
- Metallurgiae Pyrotechnicae generales operationes.* 771. 772
- Meteorologia communis incerta eſt.* 219
- Meteorologiam accuratiori ſcrutinio perveſtigavit Slater Germanus ad methodum Cokii Angli.* 220. 221
- Meteorologia nititur mutationibus ſiderum.* 219
- Meteorologia non nititur Lunae moderamine, ſed adſpectibus planetarum inter ſe invicem.* 221
- Meteorologiae, ad antiquas regulas, & Cokio-Sluteriana recentiori axiomata, directe, differentia.* 221
- Meteorologiae Cokio-Sluterianae expositio & commendatio.* 221-223
- Meteorologia recentior edocet, quid Luna ad effectus Planetarum conſerat.* 222
- Meteorologia recentior ventorum connexiones cum tempeſtatibus elucidat.* 221
- Minerarum Tractatio modo e fodinis crutarum.* 773-775
- Minerarum preparatio ad fuſionem.* 775-777
- Min., contuſio & lotura,* 775-777
- Minerae quomodo a ſaxis, limo, ſabulo & ſilicibus purgentur.* 775-777
- Minerarum uſtio qualem uſum habeat.* 778
- Minerarum uſtio Sulphureo-arsenicalium partium ſequeſtrationi inſervit.* 780
- Minerarum uſtionis circumſtantiae.* 780-783
- Minera ob rapacem arsenicalem & antimoniam ſubſtantiam difficilius deputationem ſubeuntes, quomodo tractandae.* 782
- Minerarum uſtio requirit placidum aeris concurſum.* 781. 783
- Minera raro uſtione ſterileſcunt.* 783
- Minera ſterileſcunt languidiori igne fuſorio tractatae.* 783
- Minerae Auri & Argenti quomodo ad fuſionem preparandae.* 784
- Minerae quadam extractione maceratoria metallum ſuum praebentes, praeviam candefactionem requirunt.* 784
- Minerae quae diuturnam uſtionem poſtulant.* 784
- Minerarum Fuſionis Hiſtoria* 786
- Minerae Auri & Argenti cum Plumbo funduntur.* 787. 788
- Minerae imperfectorum metallorum in carbonibus immediate fundi debent,* 787 788
- Minerarum fuſionem promoventia additamenta.* 788
- Minerarum Biſmuthi, Antimonii, Zinci Fuſio* 791-793
- Mixtorum principia materialia aquam & Terram ſtatuit Beccherus.* 368. 369
- Mixtum quid ſit.* 227. 228
- Mixta*



# INDEX REALIS.

- Mixta ex tenuissimis pluribus diversi generis corpusculis constant.* 306. 335.  
337
- Mixta diversi generis coalescentia constituunt Compositum.* 306
- Mixtionis consideratio Physica, quatenus subtilem & difficulter dissolubilem compagem constituit.* 68.91.92.94.131.  
307.335
- Mixtionis Dissolutionis requisita, respectu instrumentorum.* 68.69.336
- Mixtionem dissolventia instrumenta materialia sunt Ignis precipue & Aqua.* 69.319.336.337
- Mixtionis requisita & attributa essentialia.* 91.228-231.238
- Mixtionis differentia ab aggregato.* 91
- Mixtionis divisio quibus circumstantiis & requisitis sit comprehensa.* 92.93
- Mixta cur difficulter resolvantur.* 94.95
- Mixtionis mineralis & vegetabilis differentia.* 329
- Mixti & Texti differentiam notatu dignam veteres & recentiores negligunt.* 227
- Mixti perversa explicatio secundum veteres.* 228
- Mixti & Texti differentie.* 229-231
- Mixtionis vegetabilis reductio in naturam mineralem exemplo vitri demonstratur.* 329
- Mixta vegetabilium, quod & quo ordine, principia sua ex aere, cui interfluctuant, recipiant.* 336
- Mixtiones rerum sublunarium ante Beccherum nemo solide explicavit.* 368
- Mixtoria Combinationis instrumenta sunt, aer, ignis & aqua.* 336.337
- Mixtum simplex utilis in febb. Epidemicis.* 676
- Mobilitas quid sit.* 717
- Mobilitas non est motus.* 717
- Morbi novi facile finguntur.* 631
- Motus Fermentativus. vid. Fermentatio.*
- Motus Mercurii in Barometro, vid. Mercurius.*
- Motus Caloris, vid. Calor.*
- Motum gravitatis corporibus innatum aut concretum esse, nihil significat.* 140  
141
- Motus fermentativus intestinus intensior est, quam motus fluiditatis in se.* 164
- Motus Caloris & Gravitatis sunt fundamenta mille phenomenorum Physicorum.* 113
- Motus efficacia physico-chymica, inquirenda est in receptivitate cause patientis.* 42
- Motus tanquam cause agentis consideratio Physico-chymica.* 41.42
- Motus transitus quibus adminiculis nitatur.* 191
- Motus habilitas & efficacia in alterandis corporibus qualis sit.* 38
- Motus ad specierum essentias non pertinet, ast ad animalitatem earundem requiritur.* 39.40
- Motus in animatis speciebus non est propter se, sed propter aliud* 40
- Motus repente effervescentis & spumescentis magna est vis.* 533
- Motuum physicorum subiecta sunt Terra & aqua.* 533
- Motus suscipiendi fundamentum mechanicum*

# INDEX REALIS.

- nicum est, parvitas molis & penetrabilis figura.* 176
- Motus igneus subtilissimus & citatissimus est.* 319
- Mucus vid. Gluten.*
- Mæcus viscosus est vèrum subiectum Putredinis, lubricus vero, Fermentationis.* 87
- Mustum multum dilutum aquosum, vinum præbet acidum & asperum.* 148. 149
- N** *Naturæ definitionem Aristoteles ab antiquioribus transsumsit, sed corrumpit.* 198-200.204
- Naturæ definitio Aristotelica examinatur, & ut confusa demonstratur.* 200-202
- Nat. definitio ab Aristotele corrupta, corrigitur.* 202-204
- Naturæ presentia in aliquo subiecto agnoscitur a posteriori, nimirum motus presentia.* 203
- Naturæ & artis opera differunt ratione temporis, materiæ & instrumentorum.* 398.399.
- Naturæ & artis opera maxime distinguit Ignis.* 399.400
- Natura universi, rerum resolutione, & resolutionum nova combinatione occupatur.* 532
- Naturæ existentiam & activitatem in corpore vivo agnoverunt veteres.* 57
- Natura quale sit principium ambigunt & veteres & recentiores.* 57.58
- Natura pro anima humana habita, quatenus vitalia officia exercet.* 58
- Natum pro quali generico principio in corpore vivo, unquam habita fuerit.* 58
- Naturæ concursus ad medicationes artificiales salutes observarunt medici.* 58
- Naturæ cognitio medica constituit Physiologiam medicam.* 58.59
- Naturæ explicatio, antiquitus usitata, per varias Facultates.* 60
- Naturæ explicatio neotericorum chymico-anatomica.* 60
- Natura quomodo in absolvendo quodam negotio turbari queat, ut illud omittat.* 463.464
- Nephritidi opiata perniciose sunt.* 573
- Nisus quid dicatur.* 190.191
- Nitri principia.* 261
- Nitri habitus ad arsenicum & antimonium, unus idemque est.* 492
- Nit. nascitur in locis Urina, excrementis & putrefactionibus scatentibus.* 536
- Nit. adnascitur locis de alcalicis materiis participantibus.* 536
- Nit. in Nilo & circa illum quomodo generetur.* 536
- Nit. in consistentiam Salinam convertitur per additionem Cinerum & C.V.* 537
- Nit. e Terris suis elutriatur,* 537
- Nit. extra Terræ alcalina coalitum quomodo constitutum sit.* 537
- Nit. differt quoad promptitudinem deflagrationis.* 537
- Nit. optimum est quod prompte deflagrat.* 537
- Nit. non nisi cum inflammabilibus materiis igneum motum expectantibus, flammam concipit.* 538
- Nit. aereum vaporem ad constituendam & augendam flammam necessarium contribuit.* 538.557
- T t t t
- Nitri



# INDEX REALIS.

- Nitri acidum non nisi sub coalitu cum terrea fixiori materia disponitur ad deflagrationem.* 538
- Nitrum deflagratione mixtionis suae intimam & repentinam dissolutionem subit.* 539.555.558
- Nitri volatilitas non est comata, sed adventitia.* 539
- Nitrum in quibus locis nascatur.* 539-541
- Nitrosi halitus in aere vagantes in quantum supponendi & agnoscendi.* 541.542
- Nitrosi halitus in aere non temere accenduntur.* 542
- Nitrum ex aere regenerari & augmentari creditur & asseritur.* 542
- Nitri Extractio, Coctio & Crystallisatio.* 543-547
- Nitri Refinatio.* 546
- Nitrum ad inflammationem quomodo alacritus reddatur.* 546
- Nitri quomodo a Salis communis iniquinatione liberandum.* 546.547.556
- Nitri preparatio pro pulvere pyrio, qualis.* 547.
- Nitri Depuratio.* 547.458
- Nitri partium constituentium separatio in spiritu Nitri & Nitro fixo occursans.* 548-552
- Nitri fixi preparatio.* 549
- Nitri alcalina pars quomodo obtineatur.* 549.550
- Nitrum antimoniatum, sulphuratum & vitriolatum, cujus sit indolis.* 550
- Nitrum regeneratum.* 551.563.564
- Nitrosi acidi constitutio, quando cum alcali salis communis coaluit.* 552
- Nitri acidum quae & quantum metalla solvat.* 552
- Nit. qualitates secundum veteres.* 566. 567
- Nit. dantur differentiae.* 567
- Nitrum veterum, Boracem fuisse, praesumitur.* 567.568
- Nitrum non reddit sanguinem fluidum.* 568.569
- Nitr. efficaciam habet sanguinem & lympham coagulantem.* 569
- Nitr. quo ordine & effectu refrigerantem qualitatem habeat.* 566
- Nitr. ad averruncandam putrefactionem inservit.* 569
- Nitr. an & quantum album laxet.* 569. 570. 671. 673
- Nitri usus medicus ab authore sollicite expertus.* 570. 571
- Nitrum quo effectu in diarrhoeis Variolarum & morbillorum conveniat.* 671. 672
- Nitri usus in haemorrhagiis praec. haemoptysi, salutaris temperando orgasmum sanguinis.* 571. 572.
- Nitrum Nephritidi, Febribus acutis, Lochiorum suppressioni, Arthritidi, suppressioni & ardori urinae, capitis diversis, praec. acutis doloribus, Erysipelati, Purpurae, deliriis chronicis proficuum.* 572 574. 583
- Nit. quare ratione & occasione Diarrhoeae in febre Petechiali & Variolis mitiganda ab authore in usum tractum & utile deprehensum fuerit.* 576-579. 670. 672
- Nit. an in hepatis inflammationibus occurrentem aliquando Diarrhoeam causetur.* 584
- Nitri usus in cholericis & Cardialgicis emeticis affectibus.* 579-582
- Nitri*



# INDEX REALIS.

Nitri efficaciam coagulantem corrigunt  
*Salia digestiva.* 583  
 Nitrum an habeat anodynā efficaciam,  
 584  
 Nit. an in phthisi conveniat. 584. 585  
 Nitri geneſeos ratio phyſico - chymica. 553  
 Nitroſi acidi mixtio participat de  $\Phi\lambda\omicron\gamma\iota\varsigma\omega$ .  
 554. 555  
 Nitri acidum eſt coloratum. 554  
 Nitrum non niſi ſub connubio Salis alcali  
 fixi cryſtalliſatur. 555. 556  
 Nitrum cryſtalliſatum in Igne fluit. 556  
 Nit. cur cum inflammabilibus materiis  
 deſtagret. 557. 558  
 Nitrum ab aliis ſalibus diſtinguit  $\Phi\lambda\omicron\gamma\iota\varsigma\omega$ .  
 557  
 Nitrum eſt Sal, præ omnibus reliquis vo-  
 latiliſſimum. 554. 557  
 Nitri acidum liberatur per acidum Vitrio-  
 li. 559  
 Nitri acidum cur metalla de  $\Phi\lambda\omicron\gamma\iota\varsigma\omega$   
 abundantia facile invadat. 562  
 Nit. Spiritus volatilis cyaneus. 558. 559.  
 554  
 Nit. Spir. Fixi præparatio. 558. 559.  
 Nit. Spiritus Volatilifatio. 559  
 Nit. Spiritus Boylei & Zwelferi. 559. 559  
 Nit. Spir. dulcis. 559  
 Nit. Spiritus acor temperatur per oleum  
 Thereb. cum quo Spiritus ille intenſe  
 incaleſcit. 559  
 Nit. Spir. præparationis fundamentum. 559  
 Nit. Spir. cur Boli additione eliciatur.  
 559. 560  
 Nit. Spir. diverſa ſubtilitas ex diverſa ad-  
 ditione ſub præparatione. 560  
 Nit. Spir. volatilior redditur, ſi bolo aut  
 alumini (nitro commiſcendo) limatu-

ra ferri additur. 560  
 Nit. Spir. cum Vitriolo paratus an ejus-  
 dem uſus medici ac ille, qui cum bolo  
 factus. 560. 561  
 Nit. Spir. cur ferro aut Cupro affuſus, ha-  
 litus volatiles dimittat. 562  
 Nit. Spir. cur cum ol. deſtill. & Spiritu vi-  
 ni convenit. 562. 563  
 Nubes candidæ, parvæ, gregis ovium in-  
 ſtar, qualem tempeſtatem futurum in-  
 dicent. 208

Oſenbruchſ quid. 791. 792  
 Olea tenuia in terram ſiccā converti  
 poſſunt. 490. 762  
 Olea tenuia ſunt Terra ſubtiles cum aqua  
 mixtæ. 96. 97. 400. 762  
 Oleum an artiſcioſe produci queat. 762.  
 763  
 Olea moventur ab æthere & ære calido.  
 108  
 Olei miſcela cum aqua ſub fermentatione,  
 intercedente falſedine præcipue aci-  
 da, contingit, quod demonſtratur. 139.  
 142  
 Olea tenuia & elatiſta difficilius cum al-  
 calibus, promptius cum acidis conjun-  
 guntur. 142  
 Olei tenuioris combinatio cum acido de-  
 monſtratur experimento novo Sulphu-  
 riſ per artem parati. 142. 144  
 Oleum Sulphureo principio fermentabili-  
 um homogeneum hiſce additum, præ-  
 ſervat eorundem fermentativā alte-  
 rationem & non augeat. 168. 169  
 Oleoſum ſive pingue principium in ſer-  
 mentatione non eſt activum, ſed p. ſ.  
 ſivum. 97. 98. 168. 171. 172. 176. 177.  
 Opiatarum medicationum abuſus, de-  
 liri-



# INDEX REALIS.

- liriorum proventum locupletat.* 633  
*Orichalcum unde constet.* 793. 836, 838
- P***aroxysmi febriles quid sint.* 658  
*Pathologia Medica quales respectus inferat.* 50. 51  
*Path. Med. nititur vera morborum Historia.* 608. 609  
*Path. Medica perversa tractatio.* 710  
*Philosophiam omni nominum aro vinguisse probabile est.* 198  
*Phlogiston principium, vid. Inflammabile princ.*  
*Physicæ quisnam præcipuus defectus.* 851  
*Physicæ maxime partis nullus est usus in Medicina.* 706  
*Physicæ essentialia requisita.* 5  
*Physicæ causæ quales sint.* 5. 6  
*Physica scientia non datur a priori, sed a posteriori.* 6. 7  
*Physicæ indagationis necessitas & utilitas.* 35. 36  
*Physicæ scientiæ subsidia.* 36  
*Physicæ & chymicæ nexus & comparatio.* 36. 37.  
*Physica utitur subsidio chymicæ in disquisitione quelicunque corporum mixtorum.* 235  
*Physica Hippocratica qualis sit.* 691  
*Physicus Medicus qualis ad sensum Hippocraticis esse debeat.* 691  
*Physiologia Medica circa quas considerationes versetur.* 50. 59  
*Pinguedo in vegetabilibus est vel tenuis, vel spissa.* 88  
*Pinguedo in quibusdam vegetabilibus constituit amaritiam.* 88  
*Pinguedo subtilis cum acido Sulphureo vitriolico mixta constituit artificiale amarum productum.* 88
- Pinguedinis diversæ species in vegetabilibus.* 89. 90  
*Pinguedinem tenuiorem continentia corpora, fermentationi spirituosæ vinosæ, spissiore, putredinosæ dissolutioni, apta sunt.* 90  
*Pinguedines extenuatæ seu principium Φλογισόν expedite cum aere communicant, & arboribus resiniferis, communicantur.* 119. 120. 337-341  
*Pinguedinis descriptio in subjectis fermentabilibus.* 186  
*Pinguedinis concursus ad constituendum oleum, Nitrum, Sulphur minerale & Terram stypticam.* 186. 187  
*Pinguedo & principium pinguedinis differunt.* 350  
*Pinguedines subtiles obtundunt aciditates.* 405  
*Pingua tenuia intimius coalescunt cum acido-Vitriolico.* 309  
*Plumbum & stannum ubi convenient & ubi differant.* 838. 839  
*Plumbi habitus ad mineralia & metalla.* 840. 841  
*Plumbum igne fusum, consistentiam crassam retinet.* 841  
*Plumbum repente attenuari potest, ut cum mercurio per corium transeat.* 841.  
 842  
*Plumbum resolvi potest si cum Nitro funditur.* 798. 799  
*Pondus an sit affectio mixti, an aggregati.* 28  
*Præcipitatis calcibus tantillum acidi plurimum adheret.* 745  
*Principiorum primorum mixtiones constituentium, consideratio physica.* 94.  
 533



# INDEX REALIS.

- Prinſ: Metall** / quomodo & unde præparetur. 838
- Prudentia** eſt providentia aut prævidentia. 727
- Putrefactioni** quæ ſubſtantia exponantur. 79
- Putrefactioni** maxime ſubjectus eſt Sanguis. 79
- Putrefactionis** ſubjecta, veſtigia actualis Salfedinis vix ulla exhibent. 80
- Putrefactio** quid ſit. 181
- Putrefactionis & Fermentationis** differentia. 181
- Putrefactionem** ſpeciatiſſimè concitat aer. 186
- R**ationis recte quodnam ſit objectum. 734. 735
- Reductio Metallorum.** vid. Metallum. Inflammabile principium.
- Regiminis** inſuete inverſiones noxiæ. 282. 283
- Regulus Antimonii,** vid. Antimonium.
- S**alium acceptio philoſophico-chymica. 309. 310
- Salia** hiſtorice & phyſice quid denotent. 534. 535
- Sal** vaporosæ indolis eſt. 96
- Sal** eſt ſubtilis Terra cum aqua connexa. 96. 110. 129. 132. 557
- Sal** propter ſuam eſſentiam facile aqueis & terreis aggregatis coheret. 96
- Salia** cum oleis coaleſcentia ad ſiceſcentem conſiſtentiam tendunt. 96
- Sal** Terram præ aqua impetuoſius amplectitur eidemque tenuius coheret. 96
- Sal** connectit olea cum aqua, quia Terraqueum eſt compoſitum. 139. 142
- Sal,** a parte ſua homogenea ſpirituosa acida, denominationem ſuam fortitur. 535
- Salis** principium Terreum differt numero & teneritudine in diverſis ſpeciebus. 129
- Salium** geneſi maximè opere favet motus fermentativus. 129
- Salium** geneſis per motum ignis demonſtratur exemplo Salis volatilis. 130. 131
- Sal** neque fixum neque volatile generatur niſi ex ſubjecto, pinguedine inſtructo. 129. 130
- Salinorum** Fontium & aquarum concentratio mediante frigore & congelatione optima. 419. 420
- Salium** acidorum gradu diſtinctæ poteſtates. 559
- Sal** acidum Nitri quomodo a diverſis metallis & alcali ſeparari queat. 143
- Sal** acidum Vitriolicum quomodo e nexu Salis alcali liberari queat. 143
- Sal** acidum ex oleis ſubtilibus & limpidis atque refinis educi poteſt, & ex ejusmodi oleis cum Sale acido conſici iterum poſſunt refinæ. 84. 85
- Salis** acidi & volatilis geneſis & hujus converſio in acidum Nitroſum. 132
- Sal** acidum volatile Sulphureo Vitriolicum quoad indolem & qualitates ſuas. 248. 249. 252
- Salis** acidi vol. Sulphurei præparandi commoda. 249. 250
- Sal** acidum vol. Sulphureum naſcitur e fixo. 250. 251
- Salis** acidi vol. Sulphurei proportio ad fixa alia ſalia. 251. 252
- Salis** acidi vol. Sulphurei geneſis ex acido fixo. 252
- Salis** acidi vol. Sulphurei reductio in Sal fixum. 253
- T t t t t 3** Sal.



# INDEX REALIS.

- Sal acidum vol. sulphureum captandi, figendi, iterumque liberandi Enchirises.* 253. 255
- Salis communis Spiritus volatilis extemporaneus.* 256. 257
- Salium volatiliū alteratio Pyrotechnica.* 131
- Sal volatile urinosum, & igneo motu & fermentatione putredinosa producitur.* 130-132
- Salia vol. in mixto animali non preexistunt, sed ignis ope inde producuntur.* 80.
- Salium Urinosorum volatiliū genesis.* 128. 129
- Salium volatiliū genesis promovetur multum fermentatione.* 131
- Salia media ex acido vitrioli & alcali constantia sunt composita.* 308
- Salia media alcalinum suum corpus vix ulla arte vulgari ab acido suo excuti patiuntur.* 308
- Sal medium quot modis fiat,* 309. 310
- Sal mirabile Glauberi unde constet.* 325. 326
- Sal mir. Glaub. in quo differat ab aliis Salibus mediis.* 326
- Sal mir. Glaub. modi conficiendi circumstantie quedam & enchirises variantes.* 327. 328
- Salis communis habitus ad carbonem.* 395
- Sal alcali diutius libero aeri expositum, ex hoc, aliquid acidi Sulphurei imbibit, & in Sal medium aliqua quantitate abit.* 318. 321
- Sanguis putrefactioni maxime subiectus est.* 79
- Sanguis indies consumitur, unde indies reparandus.* 277
- Sanguini reparando qua alimenta conveniant.* 277. 278
- Saporis jucundi & adversi non datur rationalis causa.* 278
- Scientiæ indoles & requisita.* 5
- Scientiæ sensu & ratione acquiruntur.* 5
- Scientia versatur circa res existentes.* 7. 8
- Scientiæ defectus in causis a priori inveniendis.* 8-12
- Scientia dubitat aliquando de veritate existentie.* 7-10
- Scientia circa demonstrationem existentie qualis sit.* 10. 11.
- Scientiæ defectus circa demonstrationem existentie a priori.* 9-12.
- Scientia a posteriori, i. e. ex sensu & experientia certior.* 12
- Scientia per sensum ad diversa applicatum varia invenit.* 13
- Scientia insert etiam comparisonem rationis.* 13. 14.
- Scientia presupponit prioritatem sensus præ intellectu.* 12. 14
- Scientia non invenit notiones rerum, in perceptione sensibili earundem.* 14. 15
- Scientia non fluit ex notione rerum.* 15
- Scientia discretiva utitur sensu, comparativa vero serius sensu incipit.* 16. 17
- Scientia est cognitio causarum ex re, & non rei ex causis.* 20. 21
- Scientia physica quousque penetrare & progredi queat.* 44
- Scientiam physicam illustrent hodiernum plurimum observationes historice, quarum cause plurimum etiam ignorantur.* 108. 109
- Scientiæ & artes varie a veteribus inventæ, sed non perfectæ sunt.* 694. 695.

# INDEX REALIS.

- Scorbutus & Malignitas sunt ultima sub-  
terfugia pathologica. 634. 662.
- Scoria Succinea regulantim, stellati cu-  
jus sit indolis. 504. 505
- Scoria Succinea regulina, pro paranda  
TRA alcalica, necessaria, preparatio,  
& preparationis enchirises. 504. 505.  
507
- Scoria Succinea regulina reductio in regu-  
lum cum carbonibus. 507
- Scriptorum authoris vindicia, de eo,  
quod obscura dicantur. 313
- Semina corporum per aerem dispersa fin-  
guntur. 334. 335
- Sensus apprehensivus judicat per diversam  
collationem. 17
- Sensus objecta & connexio cum ratione.  
21-24
- Sonus quid sit. 32
- Sonus tinnientis causa. 27
- Sphacelum cur, angustia morales, virium  
extremae dejectiones, lipothymia &c.  
stipent. 451. 452
- Spiritus Ardens constat ex aqua & sub-  
tili oleo. 105
- Spir. ard. nascitur sub fermentationis in-  
timo motu. 134-136
- Spir. ardentis uberior genesis impeditur  
per liberi aeris multum commercium.  
136
- Spir. ardentis genesis. 145. 188
- Spir. ard: proventus concursu acidi sub-  
tilissimi cum oleo & aqua nritur. 145.  
146
- Spir. ardentem acescentia acetosa com-  
plectitur, quod demonstrat commer-  
cium arctum spir. ardentis in acido  
fermentationis. 146
- Spirituum acidorum volatilium affectio  
exhalationis celerissima in aerem. 117
- Spiritus Nitri volatilis cyaneus. 258
- Spir. Nitri fixus concentratissimus ex oleo  
Vitrioli & Nitro paratur. 258
- Spir. acidus Sulphureo Vitriolicus vo-  
latilis ejusque indoles & qualitates.  
248. 249. 252
- Spir. acidum Sulph-Vitriol. volatilem  
destillandi commoda. 249. 250
- Spir. acidus Vitriolicus volatilis nascitur e  
fixo. 250. 251. 354. 355. 357
- Spir. acidi vitriolici seu sulphurei volat.  
differentia a fixo & proportio ad reli-  
qua acida. 251. 252
- Vid. pl. Sal acidum volat. sulph-Vi-  
triolicum, & Vitrioli Spiritus Vola-  
tilis.
- Spiritus Salis Communis volatilis fu-  
mans extemporaneus. 256. 257.
- Spir. salis com. vol. fumus differt ab aliis  
acidis volatilibus fumantibus. 257
- Spir. salis com. fumans Authoris, differt  
ab aliis inventionibus circa similem Spi-  
ritum salis fumantem occupatis. 257.  
258
- Spiritus Vini concentratus Paracelsi, de  
quo fertur, quod aurum solvat. 428.  
429
- Spiritus vinosus destillatur ex fecibus, li-  
cet incommode tamen ex certa inven-  
tione & enchirisi etiam expedite. 159-  
161
- Spiritus Vitrioli Volatilis, quid sit? 248
- vid. pl. Vitrioli Spiritus volatilis.
- Stannum dissolutum reducitur per prin-  
cipium pingue inflammabile. 330. 331
- Stannum & Plumbum ubi conveniant &  
ubi differant. 838. 839
- Stanni



# INDEX REALIS.

- Stanni habitus ad alia metalla.* 839  
*Stanni in se non datur exacta docimasia.* 839. 840  
*Stanni docimasia in ordine ad Aurum & Argentum.* 840  
*Stanni minera ad Stannum, examen.* 840  
*Structorum Corporum character & formalitas.* 335  
*Structa conflantur ex mixtis, Terra & aqua constantibus.* 335. 336.  
*Sudores quales in Febris locum habent.* 653  
*Sudores spontanei, alique convenientes, in febb. tam benignis, quam præc. malignis, turbantur impatientia & inquietudine ægrotantis.* 639  
*Sudores in febb. non salutariter sub æstus vigore vel succedunt vel urgentur, sed potius remittente æstu.* 638. 639  
*Sudorum eruptionem congruam in febb. acutis & malignis historia clinica nusquam diserte commemorat.* 638. 639  
*Sulphur constat ex principio acido & inflammabili.* 306. 307. 354. 357. 750. 751  
*Sulphur non continet formalem pinguedinem.* 310. 311  
*Sulphureum principium vid. inflam. princ.*  
*Sulphureum princ. in fermentabilibus: vid. oleum.*  
*Sulph. principii habitus & passiones in fermentatione.* 168. 170  
*Sulph. principium in subiecto fermentabili per aquei concursum non redditur ætivum.* 169  
*Sulph. principium aqueo adjutum in ætû fermentationis quo ordine commoveatur.* 169. 171  
*Sulph. princ. sub fermentatione non est ætivum sed passivum.* 97. 98. 168. 171. 172. 176. 177.  
*Sulph. princ. sub fermentatione nunquam purum & liberum est.* 172  
*Sulph. princ. sub fermentatione quomodo sese ad liberi aeris commercium habeat.* 172  
*Sulph. princ. cum Salino & Terreo non intimius unitum, impedit fermentationem & promovet putrefactionem.* 182  
*Sulph. princ. elasticum est, maxime per commercium aeris, propter summam suam tenuitatem.* 187  
*Sulphur subiecti fermentabilis, quo ordine & respectu Fermentationis causa est.* 173-176  
*Sulphureum Sal volat. acidum, vid. Sal acidum vol. Sulphureum.*  
*Sulphur per artem parandi Experimenti vindiciæ.* 311. 312.  
*Sulph. per artem parandi fundamentum, Experimentum & processus.* 142-145. 312. 759  
*Sulph. per artem producendi operatio exhibet una acidi vitriolico-Sulpharci connexionem cum alcali fixo.* 143. 759.  
*Sulphuris arte parandi Experimentum, quæ fata circa contradictionem & dubitationem subierit.* 297-303  
*Sulphur per artem parari potest mediantibus oleis tenuissimis & pinguedinibus animalium.* 303. 326. 327. 391  
*Sulphur e carbonibus per Sal mirabile credebatur non productum, sed eductum.* 311. 326  
*Sulph. per artem parandi experimentum nititur fundamento coalitus acidi principii præcipue vitriolici cum inflammabili,* 313. 759.  
*Sulph.*

## INDEX REALIS.

- Sulph. per artem cur non cum acido Nitri aut Salis comm. parari queat.* 313
- Sulph. per artem parandi experimentum generaliter explicatur.* 314
- Sulph. per artem cur ex acido Vitrioli incorporato paretur.* 315
- Sulph. per artem parandi experimentum & processus, quomodo acidi Vitriolici coagitationem cum principio inflammabili promoveat.* 319.320
- Sulph. artificiale non fit ex puro alcali & Carbonibus.* 321
- Sulph. artificiale nascitur ex acido & Φλογισμῷ.* 322.323.759
- Sulph. artificiale verum est Sulphur.* 323  
324
- Sulph. artificiale iterum converti & dissolvi potest in acidum & Φλογισμὸν.* 323.  
759
- Sulph. artif. ex Sale mirabili Glauberi & Carbonibus quod & quo modo fiat.* 326.  
327.759
- Sulph. artif. ad modum Glauberi & Boylei quo successu potiatur.* 759
- Sulph. artificialis producendi varii modi & processus.* 759.760
- Sulphuris Analysis.* 354.355
- Sulphur suppeditat acidum volatile.* 358
- Sulphuris volatilis Spiritus quomodo generetur & quot modis paretur.* 358  
359
- Sulph. Vol. Spiritus insinuat sese solutionibus metallicis.* 359.360
- Sulphuris Spiritus Fixi genesis.* 360
- Sulphuris Spiritus volatilis usus & efficacia.* 360
- Sulphur volatilifatur quando in libere aere per consortium Φλογισμῷ tranquille & leniter deslagratur & compages acidarum particularum divellitur.* 353.354
- Sulphur ; Vitriolum & Alumen in quo convenient & differant,* 535
- Sulphuris Anatomia quid complectatur.* 750
- Sulphurati acidi largus est proventus.* 751  
752
- Sulphuris acidum sistit sese in Clyffo antimonii Sulphurato.* 752
- Sulphur cum Nitro tractatum suppeditat sal medium, quod Polychrestum Glaseri dicitur.* 752
- Sulphuris inflammabilitas & aciditas non formatur ab Igne.* 753.754
- Sulphuris aciditas ut pars constitutiva essentialis demonstratur experimento conversionis hepatis Sulphuris in Sal medium & miscela Sulphuris cum oleo Therebinth.* 753
- Sulphur quantum acidi & inflammabilis principii contineat, explorari potest.* 756.757
- Sulphur aetuali inflammabili principio gaudet.* 757-759
- Sulphur citrinum an ad rubedinem reduci possit.* 761
- Sulphur commune an oleum pingue præbeat.* 761.762
- Sulphur fixum quo modo sperandum & obtinendum sit.* 763
- Sulphur impedit Mercurii cum metallis amalgamationem.* 389
- Sulphurea mineralis & arsenicalis substantia,*



# INDEX REALIS.

*ria perpetuam socialitatem cum metal-*  
*lis habet.* 361-363  
*Sulphur minerale & principium Φλογισόν*  
*differunt.* 783  
*Sulphur minerale & Φλογισόν principium*  
*in metallis commercium habent.* 365  
*Sulphuream substantiam in se, & metal-*  
*lum in se miscentia principia habent*  
*affinitatem cum priori.* 364  
*Sulphuris diversa promptitudo cum me-*  
*tallis coalescendi.* 815  
*Sulphuris diversus habitus ad metallorum*  
*tum consistentiam, tum tractabilitatem*  
*alterandam.* 780  
*Sulphuris crudi separatio a mineris &*  
*Collectio.* 781  
*Sulphuris diversi effectus in variis metallis*  
*in ordine ad fusibilitatem.* 806  
*Sulphur auratum ex antim. diaph. cum*  
*carbonibus in Crocum conversum.* 494  
*Sulphur auratum antimonii* 494.495  
*Sulphur antimonii impurum.* 494.495  
*Symptomata ante morbi impugnationem*  
*impugnari non debent.* 656  
*Syncripsis corporum naturalium nascitur*  
*ex precedente diacrisi.* 305

**T**artarus vitriolatus ex Hepate  
*Sulphuris.* 144.317  
*Tart. Vitriolatus vid. Sal medium*  
*Arcan. duplic.*  
*Tartari Vitriolati preparatio & genealo-*  
*gia.* 265.559  
*Tart. Vitr. preparatio extemporanea.* 265  
*315*  
*Tart. Vitr. elegans crystallisatio quomodo*  
*promovenda.* 266

*Tart. Vitr. diversa preparatio.* 315-318  
*Tartarus vini multa pinguedine gaudet, &*  
*non nisi copiosa humiditate solvitur.* 405  
*Tart. vini est concretum ex acido & pin-*  
*gui principio constans.* 84.147  
*Tartari vini genesis.* 147  
*Tartarus antea subtiliter cum vino mixtus*  
*& unitus est.* 147.148  
*Tempestates mutantur secundum mu-*  
*tationes siderum* 219  
*Tempestatum mutationes secundum mu-*  
*tationes siderum solertiori scrutinio*  
*pervestigavit Sluterus Germanus ad*  
*methodum Cokii Angli.* 220  
*Temp. mutationes non nituntur Lunæ*  
*moderamine, sed planetarum adspecti-*  
*bis inter se invicem.* 221  
*Temp. mutationes contingunt, quando u-*  
*nus planeta efficacia ab altero in ad-*  
*spectum veniente impellitur & incita-*  
*tar.* 221  
*Temp. mutationis, ex planetarum constel-*  
*latione per Lunæ adspectum coortæ,*  
*anticipationes, observationibus aliquot*  
*demonstrantur.* 224-226

*Terra duplex datur, alia vitrescibilis, alia*  
*calcareæ.* 390  
*Terrarum Beccherianarum allegatio &*  
*explicatio.* 369.370  
*Terræ ut principii materialis diversa ha-*  
*bilitas ad mixtiones constituendas.* 370.  
*371*  
*Terræ crassiores continent aliquid tenuis*  
*Terræ.* 371  
*Terræ teneriori lutose si Φλογισόν misce-*  
*tur, prabet ferrum.* 393.394  
*Terræ*

# INDEX REALIS.

- Terra rubicunda ferrifera habentur.* 367  
*Terreum principium ad complicationem,*  
*aggregativam & firmam cohesionem,*  
*aptissimum est.* 129  
*Textum quid sit.* 228.229  
*Textum eminentissime occurrit in viventi-*  
*bus.* 229  
*Texti qualitates.* 229.231  
*Texti & mixti differentia.* 229.231  
*Texti & aggregati differentia.* 232  
*Theoriae Medicae offendiculum, materia-*  
*rum necessitatem declamans, revellitur.*  
 713.714  
*Theoriam Medicam quid separet e nexu*  
*prudentis Praxeos.* 51.52  
*Theoria Medica quomodo ex Anatomia*  
*Chymiae & Physices incongrua appli-*  
*catione & collatione confundatur.*  
 52.53  
*Theoria Medica Physico-Mechanica para-*  
*logismi.* 60.61  
*Therapia Medica quos respectus com-*  
*mendet.* 51  
*Tinctura Alcalina, sive Antimonii acris*  
*Authoris ex scoria antimoni succinea*  
*parata, preparatio & utilitas.* 505  
**V**asa docimastica. 823.824  
*Vegetabilia praecipue resinifera, princi-*  
*pium suum subtile pingue s. Φλογιστόν*  
*multum & magis ex aere quam ex a-*  
*qua & Terra absorbunt.* 119.120.339-  
 341  
**V.** Sio periculosa in Petechiali febre. 575  
*Venenum an detur.* 448.449.451  
*Venenum quomodo operatur.* 449.450  
*Venenum dari multi negant & dubitant.*  
 448-451  
*Veneni oblationem pathemata talia, praec.*  
*motuum vitalium turbae & despera-*  
*bundae omissiones sequuntur, ob agen-*  
*tis vitalis principii trepidam & anxi-*  
*am percussione.* 451.452.456.458.  
 465  
*Venenorum, mineralium praec. efficacia*  
*subtilis corrosiva septica colliquatoria*  
*est.* 452  
*Veneni assuescentia an corpore, an princi-*  
*pio agente nitatur.* 456-458  
*Veneno quod & quomodo adsuescieri possit*  
*natura in suo corpore,* 456-459  
*Venenorum perniciose consecraria in cor-*  
*pore vivo an ab immediata organica*  
*structura violatione pendeant.* 456  
 -458  
*Venena possunt a natura etiam per insuetas*  
*vias expelli.* 458-459  
*Venenam quomodo possit esse febrifugum.*  
 462-466  
*Veneni correctio mendax.* 469  
*Venenum febrifugo scopo adhibitum, quae*  
*damna causetur.* 471-473  
*Ventorum motus balituofo-aquei di-*  
*versi.* 210.211  
*Veritas simplicitate munita est.* 702  
*Vesicatoria & Septica, corpora mortua*  
*non afficiunt.* 457  
*Veterum inventa ita sunt constituta, ut*  
*commode a recentioribus illustrari pos-*  
*sint.* 660.694.695  
*Vinum bonum sed paucum siccioris an-*  
*no, multum & vile humidioris, obtine-*  
*tur.* 148  
*Vinum quid sit.* 402.403  
 Vinu u u 2  
 Vinq-



# INDEX REALIS.

<i>Vinorum diversam genesin caloris gradus adjuvant.</i>	148.	<i>Vino colatione dephlegmato, facile acci-</i>	
<i>Vinum constituentes particulae firmiter connexae sunt.</i>	403.	<i>dit peregrinus sapor.</i>	409. 410.
<i>Vinum vilius ardente Spiritu mixtum non melioratur.</i>	403.	<i>Vini colatoria separatio quomodo institui queat.</i>	410.
<i>Vinum ab aeris libero illapsu in loco frigido asservatum, per plures annos durat.</i>	403. 404.	<i>Vini unio quo caloris habitum &amp; effectum dissolvatur.</i>	411.
<i>Vinum subtracta spiritiuosa substantia magis acido-austerum evadit.</i>	405.	<i>Vini unionem certo ordine atque habitu frigus vel conservare vel disturbare adjuvat.</i>	411. 412.
<i>Vinum subtracta multa aquositate, tartaream suam portionem largius &amp; facilius admittit.</i>	405. 406.	<i>Vini principia diversimode à calore &amp; frigore agitantur &amp; tractantur.</i>	412.
<i>Vina comprimendi &amp; continendi, ne tenues pingves portiones exhalent, artificium celebre.</i>	136. 137.	<i>Vini principiorum, præc. aquei, habitus ad frigoris efficaciam.</i>	412-414.
<i>Vini spiritiuosa portio reliquis connexa aromaticam &amp; analepticam efficaciam habet.</i>	406.	<i>Vini concentrationis optimæ per abstractionem superflue aquositatis mediante frigore processus &amp; experimentum.</i>	415-417.
<i>Vina concentrandi artificium consistit in abstractione superflue aquositatis.</i>	149.	<i>Vini austerioris absorbente saturati, nunc frigore concentrati, qualitates.</i>	425.
	150. 404.		427.
<i>Vinum non commode aut indiscretim facile aquositate sua privatur ingenti caloris gradu.</i>	405. 406.	<i>Vini frigore concentrati successiva mutatio qualis.</i>	423. 424.
<i>Vinum ob abundantem aquositatem fermentare continuat &amp; in acetum transit, tanto magis beneficio caloris.</i>	150.	<i>Vinum frigore concentratum diu durabile est.</i>	420-422.
	152.	<i>Vini frigore concentrationis modus &amp; experimentum utile.</i>	427. 428.
<i>Vina lentius fermentescuntia fiunt spirituosiora.</i>	155.	<i>Vitriolum omne venale est artificiale.</i>	751.
<i>Vini dephlegmatio destillatoria reliquam mixturem offendit.</i>	405. 406.	<i>Vitrioli Spiritus volatilis quid?</i>	248.
<i>Vinum à superflua aquositate liberatum, spissius est aqua.</i>	406. 407.	<i>Vitrioli crudi principia sunt acidum &amp; metallum.</i>	261.
<i>Vini colatoria separatio à superflua aquositate quibus difficultatibus sit obnoxia.</i>	408-410.	<i>Vitrioli acidum non aliud quam acidum Sulphuris est, metallo adhaerescens.</i>	357.
		<i>Vitrioli acidus spiritus argentum non solvit.</i>	264.
		<i>Vitrioli volatilis spiritus invectionis occasio.</i>	342-344.



# INDEX REALIS.

*Vitrioli acidum vid. Acidum Vi-*  
*trioli.*

*Vitrioli volatilem spiritum parandi pro-*  
*cessus & experimentum.* 344-346

*Vitrioli volatilem Spiritum concernentes*  
*speculationes deceptæ.* 346-349

*Vitrioli acidi volatilisationis ratio sive*  
*Theoria.* 349-355

*Vitrioli Spir. volatilifatur per immédia-*  
*ram Φλογισμ̃ igneo motu præditi &*  
*aeris per rimas vasis accessionem.* 352.

353-355

*Vitrioli Spiritus volatilis rectificatio.* 356.  
357

*vid. Spir. Vitr. Vol. & Sal. aci-*  
*dum Vol. Sulphureo-Vi-*  
*triolicum.*

*Vitrioli Spiritus volatilis præ aliis Spi-*  
*ritibus acidis fixis facilius congelascit.*

413

*Vitriolicum acidum præ reliquis est po-*  
*tentissimum.* 559

*Vitriolum Martiale parum laxativum,*  
*non emeticum effectum habet.* 530

*Vitriolum, Alumen & Sulphur in quo*  
*convenient & differant.* 535

*Vitriolum veneris quomodo obtineatur.*  
781

*Urinæ analysis Physico-chymica.* 128.129

*Urina concentratio optima per abstra-*  
*ctionem superflua aquositatis median-*  
*te frigore & congelatione.* 419

**W**ilz equus in legibus Bajuvaricis  
notatus secundum Vosium ma-  
le à velle, rectius à Vuila i.e. Gullen.  
298

**Z**abii ad mentem Spenceri qualis  
gens fuerit. 286. 287

*Zabiorum origo & stirps ex inquisitione*  
*nominis etymologica juxta Spencerum.*  
287-289

*Zabiorum ritus Idololatrici juxta Spen-*  
*cerum.* 289-290

*Zabios Mahomet jungit suæ religioni ab*  
*idololatria puræ.* 291. 292

*Zabios Arabes esse putat Reuchlinus, sed*  
*sinistre.* 293

*Zabiorum nomine Mahomet Sabæos æ-*  
*thiopes Judaica religione imbutos in-*  
*telligit.* 294. 295

*Zinci Minera quomodo fundatur.* 791.  
- 793.

*Zymotechniæ necessitas & utilitas in*  
*chymia.* 69.70





## Errata potiora Typographica.

Pag. 5. lin. 21. leg. hac. p. 6. l. 7. l. facultatum. p. 72. l. 9. l. idque. p. 89. l. 3. l. spif-  
 fuscule. p. 111. l. ult. l. concentricis. p. 228. l. ult. l. admotionem. p. 169.  
 l. 12. l. Sulphurea. p. 280. l. 28. l. addicti. p. 286. l. 14. l. Zabros. p. 288. l. 11.  
 l. Tsabin. p. 289. l. 27. l. vix non. p. 291. l. 4. l. appareat. p. 292. l. penult.  
 dele: pugnantes. p. 294. l. 25. l. Regina. p. 298. l. 17. dele: non. p. 301. l. 9.  
 l. qui aliis minimum, sibi nimium, favent. p. 302. l. 17. 18. l. bono jure. p.  
 311. l. 5. l. prolixus. p. 313. l. 1. l. prolixus. l. 8. l. obruantur. l. ult. l. si pro,  
 p. 315. l. 15. l. terreæ. p. 319. l. 7. l. agnoscet, quod. l. 14. l. afficiantur. p. 321.  
 l. 1. l. circumstantiarum æstimatione. p. 323. l. 13. l. solius. l. 14. l. oblitum,  
 p. 327. l. 3. l. Est. p. 336. l. 15. l. ultimæ. l. 25. l. ad dissol. p. 369. l. 30. l. moneat,  
 p. 377. l. 21. pergeret. l. 22. l. exsereret. l. 34. l. fissurarum. p. 388. l. 16. l. omnes--  
 Crocos. p. 393. l. 26. pro, *e qua*: l. cui. p. 405. l. 4. l. Dephlegmatoria. p. 441.  
 l. 31. l. ille. p. 457. l. 13. l. ipsas. p. 598. l. penult. l. pervadere. p. 621. l. 22. l.  
 evidentioris. p. 624. l. 23. l. citra violent. p. 752. l. 28. 29. l. portione. p. 806.  
 l. 23. l. Schwefel.













